

DANIELI 1118
SENNERTI,
D. ET MEDICINÆ
IN ACADEMIA

VVITTEBERGENSI
Professoris publici,

MEDICINA PRACTICA.


Olim in Germania; nunc verò de nouo Typis excusa,
multisque quibus scatebat erroribus repurgata.



LVGDVNI,

Sumptibus PETRI RAVAND, in vico
Mercuriali, ad insigne S. Petri.

M. DCXXIX.
SVM PRIVILEGIO REGIS.





NOBILISSIMO, CLARISSIMO,
ET AMPLISSIMO VIRO,

D. DOMINO HVMBERTO
DE CHAPONAY, D. INSVLÆ
Mean, Beauregard, & Chartonniere,
Consiliario Regio, & in Præfectura,
necnon in Sede Præsidiali Lugdunea
Prætori dignissimo.

Petrus Rauand Bibliopola Lugdunensis,
S. D.



V M apud me statuissem,
Domine & vir amplissi-
me, & Prætor dignissi-
me, Danielis Sennerti
Celeberrimi Medici VVitteber-
gensis Medicinam practicam ty-
pis mandare bona cum Superio-
rum veniâ, venia & priuilegio à

te potissimum impetrato, in te,
Domine, oculos conicere ausus
sum, cui hanc Editionem inscri-
berem & dicarem. Atque ad hoc
mihi stimulum & animos addidit,
summa, quæ in te est, mansuetu-
do & humanitas, liberale tuum
in re Libraria promouenda stu-
dium, celebris tua eruditio, quæ
optimorum cuiusvis disciplinæ &
artis librorum amantissimum, cu-
riosum quoque Medicinæ te facit.
Ac sanè in ea tempora incidimus,
quibus, si vnquam aliàs, morbi vi-
gent periculosissimi, & Medici-
næ cognitio omnibus utilis & iu-
cunda, ne dicam necessaria. Me-
dicinam à Deo creatam, & Me-
dico honorem tribuendum, vetus
Scripturarum dictum est, atque
edictum. Inter Dei dona ad hanc
vitam

vitam pertinentia, bona corporis
valetudo facile primum locum
obtinet. Magno igitur in pretio
debent esse doctissimorum Medi-
corum scripta, quæ docent ratio-
nem depellendorum morborum,
& conseruandæ valetudinis. Ma-
ximum quoque Dei donum est,
felix politiæ bene institutæ gu-
bernatio, quâ Magistratus νομοθέται
& νομοφύλακες iustè & legitimè om-
nes regunt, & omnia diiudicant,
sicut tu, Prætor celeberrimè, præ-
clarè quotidie facis Legum peritif-
simus, & Iustitiæ studiosissimus.
Quo nomine de bonis omnibus
bene mereris, & famæ laudisque
perpetuam tibi, etiam apud poste-
ros, paras ac statuis memoriam.
Sed quamuis ferè totus in eo sis,
nimirum in studio Legum, & Iu-
stitiæ

stitiæ iugi exercitio , sanè libros,
qui ad hoc non conferunt, sùsque
déque non habes , imò , vt dixi,
eruditos Scriptores in quauis arte
& scientia , tu vir eruditissimus
proculdubiò magnipendis. Credo
itaque te non neglecturum , imò
te libenti animo & oculo aliquan-
do lecturum præclarum illud opus
Sennerti , cui , præter reconditam
rerum maximè Medicarum cogni-
tionem , summum ingenium , &
iudicium acerrimum adesse com-
peries , sed satis supérque opus
Authorem suum commendat &
deprædicat. Illud, quantùm in me
est, authoritati tuæ submitto, clien-
telæ tuæ committo , & nomini
tuo demississimè deuoueo. Hoc
obseruantia , officij , & cultus mei
erga te testimonium æqui bonique

vt facias vehementer etiam atque
etiam peto, tuum aduersus quos-
uis patrocinium obnixè efflagito,
atque vt rem Librariam commen-
datissimam semper habeas supplex
rogo. Vale, Prætor integerrime,
Dominus te, & Dignitates tuas
diu diuque tueatur & augeat ad
publicum Literarum & Iustitiæ
decus. Lugduni Francorum, men-
se Aprili, anno C I O. I O C X X I X.

ã

4

AD

AD LECTOREM.

*Quæ fuerint, quæ sint Species, symptomata, causa,
Signaque morborum continet istud opus.
Plurima comprehendit paucis : Hic copia rerum,
Hic velut est Medicis abbreviata manus.
Non modo SENNERTVS Medicis Theoremata præfert,
Æquandâ ad scrupulum Pharmaca lancæ docet.
Ante oculos hoc si quis opus præponat amicus,
Tum sibi, tum sociis Pharmacopæus erit.*

L. GARON.

LECTO



LECTORI BENEVOLO,

S.

NON eandem, Lector beneuole, qui Medicinam scriptis explicandam susceperunt, methodum secuti sunt. Galenus equidem, cum plures medicinae partes sint, singulas seorsim explicauit, & de singulis plurimos libros edidit, de corporis humani, nimirum constitutione omnium partium, natura, usu & actione; de morborum & symptomatum differentiis ac causis; de urinis, pulsibus, morbis & locis affectis cognoscendis; de prognosticis; de alimentorum facultatibus; de simplicibus & compositis medicamentis; de sanitate tuenda, de methodo medendi, & huius generis alios. Cuius vestigiis insistentes plurimi superiorgibus seculis & nostra aetate docti viri, ista, quae prolixè & diffusè Galenus scripsit, in compendium redigere, quae obscurè tradidit, explicare, quae non satis perfectè docuit, supplere conati sunt. Alij verò, praecipuè Arabes & Latini hos secuti, praetermissis illis generalibus methodis, secundum partium corporis ordinem à capite ad calcem omnes humani corporis praeter naturam affectus, cum suis causis, signis & curatione tradiderunt: quod genus scriptorum vulgò Practicos nominant.

Etsi verò utrique suam laudem merentur: tamen non

parum refert, utrorum scripta prius legat, qui ad Medicinam discendam accedit. Sunt quidem non pauci, qui se opera compendium facturos putant, si neglectis generalibus Methodis mox ad Practicorum lectionem sese conferant. Atque hic plurimos in describendis & congerendis medicamentorum Formulis precipue occupatos videas, qui se satis instructos ad faciendam Medicinam accedere opinantur, si magnam farraginem eiusmodi formularum, Receptas dicunt, congesserint. Verum summopere falluntur, neque si isti via insistere pergant, unquam ad solidam Medicina cognitionem peruenient, sed cum generalibus methodis destituantur, perpetuo fluctuabunt; & cum morbi non semper simplices facie, qua à Practicis describuntur, sed compositi, varièque complicati ac confusi saepe occurrant incerti hærebunt, & quid agendum sit saepe nescient. Neque tamen ideo Practicorum libri reiiciendi sunt. Nam cum secundum partium diuersitatem ea, quæ in generalibus methodis traduntur, non parum varient, & secundum diuersas partes limitentur & determinentur, neque eadem plane sit ratio curandi inflammationem, exempli gratia, oculi & pedis: qua ratione generalis illa doctrina & curandi ratio cuilibet parti applicanda sit, docendum. Quod cum Galenus integrè & absolute expeditum non dederit, neque curandi varietatem omnem, quæ à natura partium, situ & aliis circumstantiis oritur, offenderit (etiamsi exempli loco multa attulerit) omnino id tradere & explicare necessarium est.

Quâ ratione tamen id fieri debeat, non omnes idem sentiunt. Quidam enim generalem methodum secuti, cum tria sint morborum genera, & uniuscuiusque differentia multa, singularum differentiarum curationem per se tradendam esse censent, à prima usque ad ultimam, indicando semper varietatem illam curandi, quæ à natura partium,

partium, situ & aliis oritur. Et hac via curandi omnes morbos rationem traditurum fuisse, nisi morte praeventus fuisset Franciscum Frisimelicam sui seculi Medicum clarissimum, scribit Comes Montanus, in praefatione de morbis. Tentarunt idem cum alij nostro scuto, tum Ioh. Paul. Pernumia, & Godofredus Steeghins Medici clarissimi, etsi non plane eodem modo. Alij vero & plures eam, quae hodie in Practicorum libris occurrit, Methodum usurparunt. Est tamen, quod in utrisque docti viri desiderent. Nam quamvis prior modus *μεθόδου* & videatur, & in simplicibus quidem morbis satis bene succedat: tamen in compositis & complicatis affectibus, & ubi plures morbi ac symptomata ad unius affectus naturam constituendam quasi conspirant, nescio quid perplexitatis & obscuritatis habere videtur, cum unus affectus, qui uno nomine in scholis Medicorum notus est, in diversissima saepe genera distribuendus sit. Vnum enim symptoma sapissime a plurimis & diversis causis oritur, & affectus praeter naturam non semper ita simplices, ut in doctrinam de differentiis morborum ac symptomatum proponuntur, occurrunt, sed compositi & duplicati affectus sese frequenter obiciunt. Inuenias nimirum morbos & symptomata ab autoribus, qui hanc methodum sequi volunt, in locis diversissimis posita, & quidem iis, ubi ea, nisi indicis opera adiutus, nunquam quasiueris: cum tamen in praxi Medica utile sit, causas symptomatum omnes in conspectu & numerato ac quasi in tabula habere. Altera vero Methodus hoc praecipue habet incommodi, quod eadem toties repetit, & quae semel ac generatim praecipi poterant, saepius in specie iterat, & quod exempli gratia afferro, quae semel doceri poterat ratio caput alterandi, purgandi, humores ab eo reuellendi, & quae sunt huius generis alia, in omnibus affectibus capitis fere repetitur.

Quae cum ita sese habeant, commodissima Medicinam &
docendi

docendi & discendi ratio videtur illa, si partes Medicina omnes ordine primum ad Galeni exemplum tradantur & cognoscantur, partiumque corporis humani omnium natura, usus & officium, morborum & symptomatum differentia, causse & signa, alimentorumque ac medicamentorum facultates & preparationes, & per hac sanitatem presentem conseruandi, amissam verò restituendi, morbosque omnes, eorum causas & symptomata à corpore depellendi ratio in genere cognoscatur: deinde verò hac per vniuersalia theoremata Methodus per omnes corporis humani partes diducatur, & qui in qualibet morbi & à quibus causis oriri possint, quaeque inde symptomata proueniant, inuestigetur, & quae in singulis partibus ab earum natura, situ, & aliis circumstantiis curandi occurrat varietas, & quomodo vniuersalis methodus singulis partibus applicanda sit, doceatur & discatur.

Priorem illam Medicina, seu partem, seu Methodum cum in Institutionibus tradere studuerim: nunc postquam ad Practicam Medicam scribendam animum adieci, visitatum equidem Practicorum ordinem obseruabo, & ἐὰν δὴ, ἰδίῳ, à capite ad calcem omnes corporis humani prater naturam affectus tradam; ita tamen, ut perpetuò vniuersalis Methodi vestigiis insistens, omnia quantum fieri potest, ad eam reuocem. Ideoque cum symptomata à morbis & eorum causis plerumque dependeant, & remotis, à quibus pendent, causis sponte euanescant: ordine à capite inchoato, quas qualibet pars morbos cum in similari tum organica constitutione, & quae utrique communis est, unitate pati possit, docebo; eorumque omnium causas, signa, curandique rationem tradam. Postea quae ex his morbis & eorum causis symptomata in qualibet parte oriantur, monstrabo; & quomodo horum ablatio ab illorum remotione pendeat, docebo. Sicubi tamen symptoma aliquod ob vehementiam ad se curam trahere poterit, quam eius vel mitigandi, vel

vel tollendi sit ratio, non præteribo. Etsi verò vulgò apud Practicos morbi solutæ unitatis, & Chirurgia, quam appellant, planè omittatur: tamen cùm eorum Curatio non minus, quam aliorum, à Medico requiratur, & ad eorum curationem non solum manus opera, sed & medicamenta plerùmque requirantur, eos omittendos non putavi.

Commodissimè autem sex libris tota hæc tractatio absolui posse videtur: Si nimirum agatur In primo, de morbis cerebri, & organorum sensuum externorum & symptomatibus, quæ sensibus cùm internis tum externis accidere possunt: In secundo, de Pectoris, pulmonis ac cordis morbis ac symptomatibus: In tertio, de morbis ac symptomatibus, quæ visceribus infimi ventris accidunt: In quarto, de morbis mulierum & infantium: In quinto, de partium externarum morbis & symptomatibus: In sexto, de venenatis ac malignis morbis.

Quam methodum & ego sequar, & isto ordine in Practico hoc opere scribendo progrediar, quousque Deus voluerit, vitamque & vires mihi concesserit. Tantum autem abest, ut hoc meo labore artis Medicina Studiosos ab antiquorum & probatorum autorum lectione auocare velim, ut potius ad illam eos adducere cupiam. Ideoque non solum magis necessaria è probatoribus autoribus, antiquis & recentioribus selegi, sed etiam autores illos subinde citavi, ut uberiores explicationem ab iis petere possint. Atque hinc dissimulare non debeo, socerum meum p. m. Dn. D. And. Schatonem, olim in hac Academia Medicina Professore clarissimum & meum antecessorem, non pauca utilia in lectionibus in 9. Rhasis, quas tamen morte præventus non absolvit, collegisse, quæ operâ cum me labore nonnullos autores legendi sublevarit, ex iis quadam, quæ meo & aliorum vsui commoda visa fuerunt, hinc inde inserui.

Ex hoc verò meo labore, si, quod unicè opto, aliquid commodi ad aliquos redundaverit, est quod gaudeam.

Omni

Omnibus placere impossibile est. Et licet forsā in reliquis expectationi plerorūque satisfacerem : in materia tamen Medicinae omnibus non satisfacturum, etiam non monitus intelligo. Ita enim hodiē res comparata est, ut non solum tot sint Dispensatoria, seu Antidotaria, ut appellant, quot Pharmacopolia, sed ferē quot Medici. Quamvis enim Medici de morbo eodem curando conveniant : tamen de materia medica plerūque dissentiunt ; cū quisque sua medicamenta quae aliis praeferat, habeat. Quod an cum rei Medicinae incremento agrorūque commodo vel damno coniunctum sit aliis indicandum relinquo. Deo equidem benignissimo debentur gratiae, quod hac etiam in parte uberem supellectilem materia medica suppeditat : interim ambigo, an neglectis medicamentis, quae multorum seculorum usu probata sunt, & multos à gravissimis morbis liberarunt, ad nova & saepe nondum satis probata tam proclives esse deceat, & ita materiam medicam mutare, ut si Hippocrates & Galenus, imò, qui ante hos quinquaginta annos vixerunt, Medici, ad viros redirent, vix unam nonnullorum formulam intelligerent. Rectē & prudenter Forestus, lib. 9. obseru. 23. Temerarium, inquit, & insignis stultitiae argumentum est, in ancipiti medicamento periculum facere ; cū nulla cogit necessitas, & meliorum copia suppetit. Ideoque adduci non possum, ut cum illis sentiam, qui ubi res etiam foliis senae, vel leni aliquo medicamento transigi potest, Mercurialia & Antimonialia medicamenta usurpant.

Non equidem sum nescius, à multis talia commendari, quasi puerperis & infantibus etiam, innoxia sint : verum credat id, qui volet. Manus nostrae sunt oculatae, credunt, quod vident. Me vestigia terrent, cū sciam, quā multis croci metallorum nominati, & inde aqua, quā appellant, Benedicta, Mercurij vitae dicti, ut horum saltem mentionem faciam, etiam diligentissimè preparatorum, usus infelicitè cesserit,

cesserit, eorūque usu aliquos non solum in vita discrimen
coniectos, sed plane vita priuatos mecum multi norint. Ideo-
que etiamsi interdum in quibusdam grauissimis morbis ta-
lia medicamenta locum habere concedam: tamen ut tam fa-
miliariter usurpanda esse credā, sicut folia sene vel agariū,
imò manna, quod nonnulli faciunt, persuaderi non possum.

De formulis etiam medicamentorum aliquid monendum
videtur. Et licet primò dubius essem, an vlla vel ceriè tot for-
mula medicamentorū inferendā essent; cum qui methodum
medendi callet, & materiam medicam simplicem notam ha-
bet, facile cuius morbo accommodata remedia parare possit:
tamen ut tyronibus inservirem, non solum simplicem mate-
riam medicamentorum, sed & certis formulis comprehensam
addere volui, ut viderent artis Medicae studiosi, quomodo
illa, quae in Institutionibus de compositione medicamentorum
tradidi, in usum trahi possint. Scio equidem, Practico illi ex-
perientissimo Felici Platero vitio à quibusdā versum fuisse,
quod tot formulas, & in eodem saepe morbo varias, suae Pra-
cticae inferuerit; qui idem proculdubio in me reprehendent.
Sed habuit ille proculdubio sui instituti causas graues, de
quibus hīc non disputo. Habui & ego easdem, & exemplum
etiam Galeni, qui in libris de cōpositione medicamen-
torū sec. loca & genera, multa antiquorum medicamenta
collegit: ut de aliis Gracis, Aëtio, P. Aegineta & reliquis
non dicam. Neque enim tot formulae ideo praescribuntur, ut
quilibet quamlibet arripiat, sed ut pro re natā & aegri con-
ditione formulas variare sciat. Hoc enim praesuppositum volo
in Medico, qui vel ipse formulā aliquam medicamento praes-
cribit, vel ab alio praescriptā mutuari volet, ut materiae sim-
plices & methodi medendi cognitionem habeat: quia qui in-
structus est, non facile magnis encomiis & titulis medicamē-
torum se falli patietur. Et omnino agrorum etiam causa for-
mulas variare opus est. Si enim vnum medicamentum, &
quidem eodem modo, saepius exhibeatur, plerūque agris
nauseam conciliat.

Deinde

Deinde non ignoro , non paucos futuros , quibus minus rem gratam fecisse videbor , quod inter medicamenta , cum alterantia tum purgantia plerâque ad Galenicorum & vulgatum modum preparata proposui : cum medicamenta expectassent , quæ paucorum granorum pondere aut guttarum quantitate sine nausea agris exhiberi possint. Verum suauitas , ubi haberi potest , ut non auersanda : ita ob suauitatem solam medicamenta non semper aliis preferenda : sed ad Indicationes semper respiciendum , & videndum , ut iis medicamenta exactè respondeant. Contra quod peccant , qui non ad humoris peccantis naturam respiciunt , & aphorismi illius Hippocratis , qui talia , qualia opus , purgare præcipit , obliui , siue bilis , siue pituita , siue melancholia abundet , siue discrimine gummi Gotte , extractum scammony , Antimonium , Mercurium exhibent , saltem ut palato agri blandiantur. Ut & illi , qui ut itidem agro blandiantur , iulebum aliquem colore rubicundo , sapore acidulo exhibent , etsi ad morbum pellendum nihil faciat , forsitan etiam obsit. Et omninò sum in eâ sententia , eos minus peccare , qui medicamenta Indicationibus quidem respondentia , sed paulo ingratiora exhibent , quam eos , qui exhibent quidem medicamenta agri palato non ingrata , sed suauia , verum si facultates eorum examines , & cum morbo conferas , parum , vel nihil Indicationibus respondentia : etsi interim non nego , ubi nausea in medicamentis euitari potest , id studiosè faciendum esse. Imò res eò hodie rediit , & quidem medicorum nonnullorum , qui sua medicamenta ultra modum laudant , culpâ , ut agri , si iis consilium petentibus medicamenta , quæ morbi natura postulat , nomines , ea tanquam vulgaria fastidiant , & in morbis etiam grauiissimis , arthritide , affectione hypochondriaca , hydrope specifica saltem expetant , & quidem talia , quæ exiguâ dosi morbum radicitus statim tollant. Cum tamen si methodicè & non empiricorum more morbos curare libeat , nulla alia

dentur

dentur specifica medicamenta, quàm quæ specificum Indicans suggerit. Aut si per specifica quis occulta qualitate agentia accipere velit, frustra in morbis notis & à manifestis causis pendentibus ad occultas Qualitates confugimus.

Interim verum est, in materia medica, magnam esse differentiam, & medicamenta alia aliis esse efficaciora: & propterea selectissima & efficacissima semper eligenda sunt. Nec hæc etiam mea mens, quod medicamenta, quæ è vulgatis Practicorum libris, vel etiam eorum observationibus propono semper vulgari modo preparata usurpari velim. Materiam potius medicamentorum ab antiquis hætenus non infelicitè usurpatam & certa proportionè mixtam propono, quàm quilibet, quomodo potest artificiosissime præparet. Exempli gratia, dum scribo, F. Syrupus, non hoc volo, ut necessario vulgari modo id fiat, & magna aquæ quantitas affundatur, & postea ad dimidias coquatur. Hoc modo n. & alterantium & purgantium vires coctione evanescere satis scio. Sed longè artificiosius sunt Syrupi, (ut hunc etiam modum iis, qui in Institutionibus sunt propositi, addamus) præcipuè è plantis calidis & siccis, si tantum aqua saltem affundatur, ut post colaturam sine coctione factam tantum liquoris relinquatur, quantum alias post coctionem factam relinqui solet; & materia hoc modo infusa in vitreo, vel alio vase idoneo, qualia stannea, & fictilia, quibus orificium ex stanno orbiculariter striato cum operculo similiter efformato adaptatur, diebus tribus vel quatuor ad digerendum in B. ponatur, & postea coletur. Colatura rursus in Balneum ponatur vel sola, vel quod temporis compendium facit, cum albumine oui, ut si quid feculentum insit, separetur. Postea saccharum sumatur. clarificetur, & ad iustam consistentiam, talem scilicet ferè, qualis in sacchari penidij confectiōe observatur, coquatur, & saccharo huic postea colatura clarificata admisceatur.

Ita enim fit Syrupus purgantium & alterantium vim integram retinens. Ita qui potiones fastidit, faciat Claretæ alterantia & purgantia, quorum formulas in Institut. lib. 5. part. 3. sect. 3. cap. 4.6. proposui. Ita dum aquas destillatas nomino, non illas intelligo, quæ nihil aliud sunt, quàm aqua ferè communis, à pharmacopœorum pueris negligentissime destillata, sed eas, quæ artificiosè, secundum methodum in Institutionibus & alibi præscriptam paratæ sunt. Ita non nego, essentias, quas appellant, seu tinturas & extracta liquida decoctis & syrupis in multis morbis esse efficaciora. Ideoque, qui volet, decocta illa saltem materiæ medicæ loco habeat, & inde, qualibet medicamenta præparet; modo videat, ut morbo & agro conueniant. Neque enim, ut hoc etiam addam, Syrupi & similes formula planè reiiciendæ sunt: sed sæpe sunt maxime necessaria, & ex. gr. in tussi plerumque magis necessarij sunt & utiles Syrupi & eclegmata, quàm spiritus & essentia dicta.

Exhibeo autem nunc Librum primum huius operis, qui equidem ad nouum annum, quod Poëmata scripturis Horatius præcipit, premendus forsân, & quod ipse agnosco, multis in locis magis exornandus videbatur. Verùm cum Vitæ summa breuis spes nos vetet inchoare longas; & soli Deo sit notum, quid post annum nouum vel de me vel de aliis futurum sit, amicorum, qui editionem vrserunt, monitis obsequi volui. Habes, Lector Beneuole, si nihil aliud, tamen Locos communes, in quos, quæ lectio autorum quotidie suppeditauerit, commodè & ordine referre poteris. Quod meum institutum si tibi non ingratum fore intellexero, paulò post etiam librum secundum publici iuris faciam, & nulli labori parcam, ut & reliquos libros, cum Deo, adiiciam. Interim Bene Vale. VVitteberge Cal. Martij, anno Christi 1628.



INDEX CAPITVM

LIBRI PRIMI
PARTIS I.

De Morbis Capitis.

Cap. I.	D E Intemperiebus cerebri sine materia , & primò de calida.	15
II.	De intemperie cerebri frigida.	21
III.	De intemperie cerebri humida.	36
IV.	De intemperie ficca & intemperiebus com- positis.	40
V.	De intemperiebus cerebri cum materia in ge- nere.	44
VI.	De intemperie cerebri cum materia per con- sensum.	57
VII.	De intemperie cerebri cum vapore & spiritu flatulento.	70
VIII.	De intemperie cerebri cum sanguine seu ple- thora.	78
IX.	De intemperie cerebri cum bile.	87
X.	De intemperie cerebri cum pituita.	95
XI.	De intemperie cerebri cum humore seroso.	117
XII.	De intemperie cerebri cum humore melancho- lico.	124
XIII.	De intemperie cerebri cum bile atra.	133
XIV.	De venenatis & malignis ac tota substantia cerebro contrariis morbis.	139
XV.	De vitiis spirituum animalium.	140
XVI.	De morbis conformationis , & primò de mor- bis figuræ.	147
XVII.	De morbis meatuum & cavitatum cerebri.	149

Index Capitulorum.

XVIII.	De morbis in numero, & de vermibus ac calculis in capite.	157
XIX.	De morbis magnitudinis capitis.	161
XX.	De commotione cerebri.	<i>ibid.</i>
XXI.	De morbis solutæ unitatis in capite & cerebro; & primo de contusione capitis.	168
XXII.	De vulneribus capitis siue cranij, membrarum cerebri læsione; & primo de vulnere sine contusione.	174
XXIII.	De soluta unitate & fractura cranij sine meningum & cerebri vulnere.	182
XXIV.	De cranij fractura cum meningum & cerebri læsione.	223
XXV.	De fungis cerebri.	243
XXVI.	De carie cranij.	245
XXVII.	De tumoribus cerebri.	247
XXVIII.	De hydrocephalo.	265

LIBRI PRIMI

PARTIS II.

*De symptomatibus, quæ in sensibus internis
& cerebri accidunt.*

Cap. I.	D E vigillis nimis.	275
II.	D E somno p.n.ac comate & cataphora.	308
III.	De insomniis immoderatis.	318
IV.	De vertigine.	322
V.	De phantasia, ratiocinatione & memoria imminuta atque abolita.	352
VI.	De delirio in genere, & de delirio simplici, paraphrenitide, ac tumultu.	379
VII.	De phrenitide.	386
VIII.	De melancholia in genere.	409
IX.	De prima melancholiæ specie, quæ fit cerebro primario affecto.	422
X.	De amore infano.	430

XI. De

Index Capitum.

XI.	De melácholia per consensú cordis & totius.	422
XII.	De melancholia hypochondriaca.	461
XIII.	De melancholia ex vtero.	487
XIV.	De melancholia errabunda, Arabibus Kutubuth dicta.	491
XV.	De mania.	493
XVI.	De rabie & hydrophobia.	520
XVII.	De tarantatis & chorea S. Viti.	540
XVIII.	De comate vigili, & sopore graui atque extático.	548
XIX.	De somnambulis.	553
XX.	De lethargo.	560
XXI.	De lassitudine.	579
XXII.	De pandiculatione & oscitatione.	585
XXIII.	De inquietudine.	588
XXIV.	De horrore & rigore.	590
XXV.	De tremore.	599
XXVI.	De motus impotentia in genere.	621
XXVII.	De paralyfi.	630
XXVIII.	De spasmio seu conuulsione & conuulsiuis motibus.	676
XXIX.	De incubo.	706
XXX.	De catoche seu catalepsi.	716
XXXI.	De epilepsia.	724
XXXII.	De caro.	794
XXXIII.	De apoplexia.	802
XXXIV.	De catarrho, & cerebri excremētis retentis.	849

LIBRI PRIMI

PARTIS III.

SECTIONIS PRIMÆ.

De Tactu laeso.

Cap. I.	D E stupore & torpore.	888
II.	De dolore in genere.	892
III.	De dolore capitis.	900

LIBRI PRIMII

PARTIS III.

SECTIONIS SECVNDÆ.

De Morbis & symptomatibus Oculorum.

Cap. I.	C ontinens nomenclaturam affectionum, quæ oculis accidunt.	915
II.	De tumore palpebrarum, emphysemate & inflatione earundem.	918
III.	De trachomate, densitate, asperitate, callositate & scabie palpebrarum.	919
IV.	De tuberculis, nodis & aliis palpebrarum tumoribus.	924
V.	De cancro palpebrarum.	929
VI.	De palpebrarum inuersione & cōtractione.	930
VII.	De palpebrarum inter se & cum aliis oculorum partibus coalitu & cohærentia.	934
VIII.	De pediculis palpebrarum, & ciliorum vitiis.	936
IX.	De palpebrarum liuore, contusione & percussione, vulneribus & aliis à causis externis læsionibus.	942
X.	De symptomatibus, quæ in motu palpebrarum accidunt.	943
XI.	De iis, quæ in oculos indiderunt, eximendis.	946
XII.	De ophthalmia.	945
XIII.	De ophthalmia sicca.	971
XIV.	De Vngue oculi.	976
XV.	De tunica annatæ, quam vulgo pannum, Arabes Sebel nominant.	977
XVI.	De albugine & aliis vitiosis corneæ colorib.	981
XVII.	De pustulis annatæ & corneæ.	986
XVIII.	De vlceribus annatæ & corneæ.	991
XIX.	De cancro corneæ.	995
XX.	De vulneribus volorum.	996
XXI.	De ruptura corneæ.	998
	De	

Index Capitum.

XXII.	De fuggillatione oculorum.	997
XXIII.	De dolore oculorum.	1003
XXIV.	De pure sub cornea.	1005
XXV.	De vuæ procidentia.	1006
XXVI.	De pupillæ dilatatione.	1008
XXVII.	De angustia pupillæ.	1013
XXVIII.	De Suffusione.	1016
XXIX.	De vitiis tunicæ aranæ.	1029
XXX.	De Ægilope & fistula lachrymali.	1030
XXXI.	De Enchâthide & carnis lachrym. incremêto.	1035
XXXII.	De Rhyade, seu carnis lachrymalis diminutione, vel absumptione.	1036
XXXIII.	De pruritu carunculæ lachrymalis.	1037
XXXIV.	De humoris aquei vitiis.	1039
XXXV.	De humoris crySTALLINI vitiis.	1041
XXXVI.	De morbis humoris vitræ.	1044
XXXVII.	De neruorum opticorum vitiis.	1045
XXXVIII.	De spirituum opticorum vitiis.	1047
XXXIX.	De musculorum oculos mouentium vitiis.	1051
XL.	De oculi defectu.	1052
XLI.	De oculi atrophia.	1053
XLII.	De oculi procidentia.	1054
XLIII.	De Strabismo.	1056
XLIV.	De cœcitate & visus debilitate.	1058
XLV.	De visus deprauatione.	1071
XLVI.	De excretorum ab oculis vitiis.	1079

LIBRI PRIM I

PARTIS III.

SECTIONIS TERTIÆ.

De morbis & symptomatibus Aurium.

Cap. I.	D E Intemperie aurium.	1083
II.	De aurium inflammatione.	1090
III.	De vlcere aurium.	1094
IV.	De vermibus & aliis quæ p. n. in auribus hærent, extrahendis.	1100

Index Capitem.

V.	De vulnere aurium.	1102
VI.	De fonitu & tinnitu aurium.	1103
VII.	De graui auditu & furditate.	1114
VIII.	De aurium dolore.	1124
IX.	De excrementis p. n. & fluxu aurium.	1130

LIBRI PRIMI

PARTIS III.

SECTIONIS QUARTÆ.

De morbis & symptomatibus Narium.

Cap. I.	DE Narium vlceribus & ozoenis.	1180
II.	De cancro narium.	1139
III.	De polypo & farcomate.	1140
IV.	De Angustia narium.	1145
V.	De vulneribus narium.	1146
VI.	De læso olfactu.	1147
VII.	De foetore narium.	1151
VIII.	De Hæmorrhagia narium.	1153
IX.	De sternutatione.	1170
X.	De Coryza.	1173

LIBRI PRIMI

PARTIS III.

SECTIONIS QUINTÆ.

De morbis & symptomatibus Lingua.

Cap. I.	DE lingua asperitate & scabritie.	1174
II.	De lingua magnitudine nimia, tumore, calculis.	1175
III.	De lingua vulneribus.	1166
IV.	De ranula sub lingua.	ibid.
V.	De lingua adstrictione.	1163
VI.	De læso gustatu.	ibid.
VII.	De lingua motu læso.	1185

I N D E X

Q V Æ S T I O N V M.



- I. N in intemperie capitis purgandum?
pag.8
- II. Quot sint signa intemperiei capitis
calidæ? 20
- III. An in calida Intemperie capitis calida extra ap-
plicare liceat? ibid.
- IV. Cerebrum quando per se quando per accidens
afficiatur. 46
- V. An pilulæ commodiùs,quàm aliæ formæ medica-
mentorum ad caput euacuandum vsurpentur?
54
- VI. Quo tempore pilulæ ad caput purgandum sunt
vsurpandæ? ibid.
- VII. Cui loco ad caput euacuandum cauteria appli-
canda sint? 55
- VIII. An cerebro consensu Epatis affecto,dolor & mo-
lestia in dextra capitis parte; Lienis in sinistra;
vtero in vertice & syncipite percipiatur? 68
- IX. An coriandrum ad suppressendos vapores è me-
dicamento adscendentes sit vsurpandum? 77
- X. Quænam vena in capitis affectibus aperienda? 82
- XI. Quæ vena primò aperienda in affectis capitis à
menfium vel hæmorrhoidum suppressione or-
tis? ibid.
- XII. An arteriæ in affectibus capitis à sanguine secan-
dæ sint? 84
- XIII. An venas narium scalpello, vel hirudinibus ape-
rire liceat? 86
- XIV. Cui loco cucurbitulæ reuulsionis gratia sint ap-
plicandæ? ibid.
- XV. An in intemperie cum humore bilioso etiam lo-
cum

Index- *Questionum.*

cum habeant discutientia & resolutentia? 95

XVI. An acetum in sinapismis admiscendum? 115

XVII. An odorata in hoc affectu conueniant? 217

XVIII. An acetum melancholicis vtile sit? 132

XIX. An futurarum in capite defectus ad valetudinem
conducatur? 153

XX. An cerebri vulnera omnia sint lethalia? 202

XXI. An opus sit in nostris regionibus tam accurata
ratione in cranij fracturis? 209

XXII. An vulnera capitis per agglutinationem seu futu-
ram; an verò per carnis generationem sanan-
da sint? 231

XXIII. Quo in loco contrassura fiat? 233

XXIV. An cranium statim & semper radendum sit. 234

XXV. An duræ meningi denudatæ siccantia, an vero hu-
meccantia medicamenta imponenda sint? 237

XXVI. An cranio fracto, cute verò integra manente, cu-
tis secanda sit? 240

XXVII. An in cranij fractura etiam internam laminam
penetrantē semper cranium aperiendum sit? 242

XXVIII. An cerebrum inflammari possit? 248

XXIX. An electiue purgantia in inflammatione cerebri
aut membranarum eius conueniant? 258. 263

XXX. An repellentia in inflammatione cerebri & eius
membranarum, tepida vel frigida, sint adhi-
benda. 259

XXXI. An vini potus in inflammatione cerebri & mem-
branarum eius conueniat? 264

XXXII. Qua vi *isovalina & isovalina* somnum concilient?
303

XXXIII. Quomodo opium præparandum & corrigendum?
306

XXXIV. Quænam comatis & cataphoræ causa sit? 316

XXXV. An in vertigine vena secanda? 330

XXXVI. An vomitus in vertigine per consensum à ventri-
culo, conueniat? 347

XXXVII. An intemperies, vel humor sine vapore vertigi-
nem 347

Index Questionum.

nem inducere possit?

- XXXVII. An repellentia locum habeant in vertigine per
consensum partium inferiorum? 350
- XXXVIII. Qua ratione prospectus ab alto & in profundum
vertiginem excitet. ibid.
- XXXIX. Quomodo & quibus instrumentis actiones ani-
males principes in sanis perficiantur? 355
- XI. Quid sit Maflach Turcarum. 393
- XII. An læsa phantasia ratio salua permanere possit?
397
- XIII. An in omni phrenitide vena secanda sit? 402
- XIV. An in luce vel tenebris detinendi sint phrenetici?
405
- XV. An cerebrum, an verò membranæ eius in phreni-
tide inflammentur? 406
- XVI. An omnis inflammatio membranarum cerebri
delirium afferat? ibid.
- XVII. An philtrea amorem inducere possint? 435
- XVIII. An Diuretica in Melancholia Hypochondriaca
conueniant? 475
- XLVIII. Qui fiat, quod Maniaci & Melancholici inter-
dum peregrinis linguis loquuntur, & futura
prædicunt? 515
- XLIX. Qui fiat, quod maniaci cum tot diætæ erroribus
tam diu viuant? 519
- L. An & alia præter canes animalia in rabiem agan-
tur? 521
- LI. Cur canis præ reliquis animalibus sæpius in ra-
biem agatur? 522
- LII. An venenum Hydrophobiam inducens in cor-
pore humano generari possit? 524
- LIII. Cur rabidi aquam abhorreant? 526
- LIV. An pars demorsa à cane rabido statim amputan-
da? 530
- LV. Balneum & aquæ potus an in Hydrophobia con-
ueniant? 536
- LVI. Qua vi venenum animalium rabidorum agat? 537
- LVII. An venæsectio in Hydrophobia conueniat? 538
- An

Index Questionum.

- L VII I. An Purgantia in Hydrophobia conueniant? 539
- L I X. An coma ἀρεστος & catochus sint iidem affectus?
553
- L X. Cur somnambuli ea agant, quæ vigilantes non
possunt? 558
- L X I. Suffitus in Lethargicis ad excitandum ex somno
an conueniat? 572
- L X I I. An tremoris vox quandoque etiam pro Rigore
accipiatur? 614
- L X I I I. An proxima tremoris causa sit vna, facultatis
motricis imbecillitas? 615
- L X I V. An tremor ab errore externo quoque prouenire
possit? 619
- L X V. Quomodo Hydrargyrum tremoris causa sit? ibid.
- L X V I. Qui fiat, vt post Apoplexiam alterum tantum la-
tus resoluatur, altero manente incolumi? 633
- L X V I I. An in paralyfi febrem accendere liceat? 666
- L X V I I I. An Galenus & Auicennas de causis paralyfis
consentiant, & an frigus saltem densando ner-
uos paralyfin inducant? 670
- L X I X. Qui humores paralyfis causa esse possint? 673
- L X X. An sudorifera in paralyfi sint exhibenda? 676
- L X X I. An in nervos humor sese insinuare possit? 674
- L X X I I. In spasmo quæ causa musculos contrahat? 682
- L X X I I I. In spasmo in qua parte musculi causa irritans
resideat? 683
- L X X I V. Cur in spasmo pars contracta immobilis maneat;
in conuulsivo verò motu variè agitetur? ibid.
- L X X V. An conuulsi aqua frigida perfundendi. 700
- L X X V I. Quæ sit proxima conuulsionis causa? 704
- L X X V I I. An febris pro spasmo curando excitanda sit?
706
- L X X V I I I. An spiritus illi, qui sensui & motui inserviunt; an
verò qui sensibus internis; an verò omnes spi-
ritus animales in catalepsi congelentur?
719
- L X X I X. An solus homo epilepsia laboret? 776
- L X X X. Quòdnam sit subiectum epilepsiae? 777
- Quæ

Index Questionum.

- LXXXI. Quænam sit epilepsiæ causa proxima? 778
- LXXXII. Quomodo cerebrum in epilepsia afficiatur, & qua de causa omnes sensuum actiones aboleantur? 783
- LXXXIII. An motus convulsivus in epilepsia fiat à facultate animali; an verò naturali? 784
- LXXXIV. An sanguis in paroxysmo epilepsiæ sit mittendus? 786
- LXXXV. An extra paroxysmum sanguis sit mittendus in epilepsia? ibid.
- LXXXVI. Quænam vena in epilepsia sit aperienda? 787
- LXXXVII. An vomitus in epilepsia conveniat? ibid.
- LXXXVIII. An frictiones in paroxysmo epileptico usum habeant? 788
- LXXXIX. An in paroxysmo epileptico sternutationem ciere liceat? ibid.
- XC. An Apium epilepticis sit noxium? 789
- XC I. An Crani humani aliquis in epilepsia usus sit? 790
- XC II. Vtrum amuleta prosint in epilepsia. 791
- XC III. An usus sanguinis humani conveniat in epilepsia? 793
- XC IV. An à sola intemperie cerebri possit apoplexia generari? 833
- XC V. Apoplexia num sit morbus hæreditarius? 834
- XC VI. An à consumptione spirituum animalium omnimoda fieri possit. ibid.
- XC VII. Quæ sit causa apoplexiæ proxima? 835
- XC VIII. In apoplexia cur principio nervorum affecto interni sensus lædantur? 841
- XC IX. An à vapore narcotico fiat apoplexia? 842
- C. Cur in senibus apoplexia in paralyfin mutata nihilominus permaneant torpidi sensus interni? 843
- CI. Apoplexia an à spiritu Vitriolato coagulante producat? 844
- CI I. Apoplexiam an vapores sola commotione humorum excrementitiorum in capite collectorum excitent. 845

Index *Quæstionum.*

CII.	Apoplexia pueri cur rarò corripiantur?	845
CIV.	An aquæ apoplecticæ statim in principio conueniant?	846
CV.	An purgantia sint exhibenda in apoplexia.	ibid.
CVI.	An Vomitoria in paroxysmo apoplectico sint exhibenda?	848
CVII.	An repellentia in apoplexia conueniant?	848
CVIII.	An Cerota & Emplastra è fimo columbino & thapsia in catarrho calido conueniant?	883
CIX.	Quænam forma decubitus & situs capitis in catarrho esse debeat?	885
CX.	An omnis intemperies dolorem inducat?	896
CXI.	An vini potus vini noxam pellat?	913
CXII.	Ophthalmia an à solo sanguine fiat?	948
CXIII.	Oculis an semper medicamenta actu frigida apponenda, vt vult Mesue?	956
CXIV.	Errhina an in ophthalmia conueniant?	460
CXV.	Quo tempore topica in ophthalmia applicanda.	965
CXVI.	An vinum in ophthalmia conueniat?	970
CXVII.	An balneum in ophthalmia vtile sit?	ibid.
CXVIII.	An visus ictericis depræuetur?	987
CXIX.	An siccitas sit causa dilatationis pupillæ?	1010
CXX.	Visus quomodo lædatur in angustia pupillæ?	1014
CXXI.	CrySTALLINUS humor an tenuior fieri possit?	1042
CXXII.	CrySTALLINUS humor an maior vel minor fieri possit?	ibid.
CXXIII.	An vitreus humor à naturali constitutione deflectens, possit immediatè visionem lædere, an verò saltem quia nocet crySTALLINO?	1044
CXXIV.	An nimia spirituum opticorum agitatio differat à vertigine?	1047
CXXV.	An spirituum opticorum vitia perspicillorum vsu corrigi possint?	1049
CXXVI.	Quomodo visio lædatur vitio spirituum opticorum?	1061
CXXVII.	Siccitas neruorum opticorū an possit esse causa læsæ	

Index Quæstionum.

læsæ visionis? 1062

CXXVIII. Topica an visum confortent? 1067

CXXIX. Coniunctionis nervorum opticorum quæ sit
caussa? 1074

CXXX. Res cur perforatæ appareant? 1076

CXXXI. Cur vapores & humores intra oculum videan-
tur? 1078

CXXXII. An ex intemperie nuda calida, à causa externa
aures affici possint? 1085

CXXXIII. An sensus acumen sit causa tinnitus aurium? 1104

CXXXIV. Debilitas auditus an sit causa tinnitus? 1105

CXXXV. Cur manu caua auri admota sonus percipiatur?
1107

CXXXVI. An sola intemperies calida sit causa doloris au-
rium? 1125

F I N I S.

ΣΤΝ

P E R M I S S I O.

P*raëtica Medicina Opus, auctore Daniele Sennerto
Professore in Academia Vvittebergensi, sumptibus
Petri Rauaud typis mandari, & luce publica frui,
ego Regis in Præfectura Lugdunensi Procurator
non impedio, 1. Mensis Augusti, 1628.*

P V G E T.

C O N S E N S V S.

L*ibrum qui inscribitur, Prætica Medicina liber
primus, authore Daniele Sennerto, D. & Medicine in
Academia Vvittebergensi Profess. à Petro Rauaud Bi-
bliopola Lugdunensi typis mandari permittimus,
ac simul ne quis citra datam ei facultatem denuò
excudat interdicimus. Datum Lugduni 3. die Men-
sis August. anno 1628.*

D E C H A P O N A Y.



ΣΥΝΘΕΩ.

PRACTICÆ MEDICINÆ LIBER PRIMVS.

*De Capitis, & sensuum cum interiorum, tum
exteriorum, motusque spontanei
affectionibus.*

P R O O E M I V M.



V M omnium totius corporis
humani præter naturam affe-
ctuum, morborum nimirum,
causarum morbificarum, &
symptomatum, quæ ei præter
naturam accidunt, curandi rationem tra-
dere, si Deus voluerit, nobis propositum
sit: vsitatum Practicorum ordinem secuti à
capite facimus initium. Caput autem, su-
premo corporis loco positum, sensus & mo-
tus organa continet, atque in cerebro, par-
te eius præcipua, sensuum interiorum seu
Lib. 1. A facul

facultatum principum actiones perficiuntur, spiritusque animales elaborantur, & hinc in sensuum externorum & motus organa, utpote sine quibus ij non perficiuntur, per nervos distribuuntur.

Vt ergo delineatam in Præfatione methodum sequamur, dicendum primò erit, quos morbos cerebrum patiatur, quotque modis spiritus animales, qui in eo generantur & continentur, vitientur: quibus etiam morbis, quæ cerebro & tegumentis & munimenti loco sunt, meninges & craniū affici possint; & à quibus causis morbi harum partium omnes proveniant; quâ ratione cognosci, & quomodo curari queant.

Postea explicandum, quæ ab harum partium & spirituum vitiis actiones læsæ, & symptomata ortum habeant. Et cum in cerebro perficiantur, & ab eo originem habeant omnes sensus interni, sensus nimirum communis, eiusque affectiones, somnus & vigilia; phantasia, ratiocinatio, item memoria ac motus animalis: dicendum primò, quæ circa somnum & vigiliam, quæ in phantasia ac ratiocinatione, quæ denique in motu animali symptomata & læsæ actiones occurrant, & singularum læsarum actionum causæ inuestigandæ.

Tandem de symptomatibus, in quibus

cum

cum sensibus internis ac ratiocinatione & motu animali etiam sensus externi, & ita omnes vel pleræque actiones animales læduntur, tractandum erit.

Post actiones læsas alterum symptomatum genus (nam tertium symptoma qualitatum mutatarum, locum hîc non habet) explicandum, excretorum scilicet & retentorum in cerebro vitium; vbi duo symptomata præcipuè occurrunt, prius in excrementorum copiâ, quod vitium vulgò catarrhi nomine venit; & alterum in excrementorum cerebri retentione & suppressione.

Deinde similiter quot morbis sensuum externorum organa, nimirum tactus organum, oculi, aures, nares, lingua, corripitur, & qua ratione illi curari possint, tradendum. Posteaque docendum, quæ actiones læsæ in his partibus accidunt, & quæ sint earum causæ. Vbi agendum erit de dolore in genere, & qui insignis sæpe est, de dolore capitis in specie; de læsionibus actionum, quæ in visu, auditu, olfactu, gustu obtingunt, & si quæ alia sunt circa has partes symptomata. Ac si aliquod symptoma ob vehementiam curationem, non minus, ut alia Indicantia postulet & ad se trahat, quo modo illud tollendum vel mitigandum sit, monstrabimus.

Etſi verò & cutis capitis & capilli in eâ
ſua vitia habent : tamen quia cutis commu-
ne totius corporis tegumentum eſt , de eius
& capillorum vitiis ſuo loco inter externos
corporis affectus dicemus.



LIBRI



LIBRI PRIMI

PARS I.

De morbis capitis.

C A P. I.

*De intemperiebus capitis sine materia, & primò
de Calidâ.*



EREBRUM primaria capitis pars est: id duplex membrana circumdat: Exterior quidem & Cranio propior illa, crassior & durior, quæ vulgò dura mater; Interna verò, & proximè cerebri substantiam ambiens, tenuior, quæ vulgò pia mater nominatur. Membranas Cranium tegit: hoc pericranium: omnes tandem has partes cutis. De cutis morbis & vitiis, vt antea dictum, cùm suo loco acturi simus, de cerebri, membranarum eius, craniij & pericraniij morbis hîc agendum, & quos quælibet harum partium morbos pati possit inquirendum.

Sunt autem harum partium, vt & aliarum, morbi Morbi
trium generum, intemperiei seu partium simularium, intempe-
organici & communes. Et primò quidem quod morbos rii capi-
intemperiei, & qui his partibus, quatenus similes tio.
sunt, competunt, attinet, Cranium, vt osseum & durum
quòdque externas alterationes non ita facîle admittit,
vix solum insignem intemperiei morbum patitur: Ce-
rebrum verò & meninges intemperiei morbis sæpè cor-
ripiuntur. Et si verò intemperies aliqua nonnunquam in
alterutra harum partium primùm excitari, & vna earum

plus, alia minus affici possit, & actionum quoque læsiones aliæ atque aliæ accidant, prout cerebrum & eius membranæ plus afficiuntur: tamen quia tanta est harum partium connexio, tantusque consensus, ut si vna insigni aliqua intemperie laboret, fieri nequeat, quin & altera eiusdem fiat particeps; curandi etiam ratio ferè sit eadem: de intemperie harum partium coniunctim agemus. Si quid tamen, quod alterutri peculiare sit, occurreret, & illud attendemus.

Cum verò, cum Galeno, *de differ. morb. cap. 1.* docuerimus, *libro 2. Inst. part. 1. cap. 3.* quod intemperies alia sit simplex; calida scilicet, frigida, humida, sicca; alia composita, calida humida, calida sicca, frigida humida, frigida sicca; & hæ omnes rursus vel sine, vel cum materia: de his intemperiebus omnibus ordine hic etiam inter morbos capitis dicendum. Quanquam enim intemperies sine materia rarò dantur; & cum dantur, ferè à causis euidentibus & externis ortum habent; plerumque verò cum intemperie humor similis qualitatis coniunctus est: tamen utile est, scire, quam curationem intemperies quælibet per se & quatenus talis requirat; cum alio modo curetur intemperies sine materia, quam quæ cum materia coniuncta est. Quapropter ordine de iis in specie agemus, si pauca quædam de morbis capitis & intemperiei in genere præmiserimus.

De affectibus capitis in genere notanda.

Signa cerebri p. n. affecti.

Primò omnes cerebri morbi multa signa communia habent, quæ Galenus, *in art. Med. c. 76.* descripsit: *Quæ sunt, inquit, in cerebro dispositiones, eæ cognoscuntur aut ex dementia speciebus, aut ex sensuum vel imaginationum læsionibus, aut ex actionum, quæ secundum electionem & voluntatem sunt, aut ex iis, quæ excernuntur per palatum, aures, nares, aut per differentias dolorum.*

In curatione capitis in genere observanda.

Deinde in curatione affectuum capitis hoc in genere est notandum, cum caput supremo corporis loco positum sit, & vapores ab inferioribus partibus adscendentes faciliè suscipiat, in omni affectu capitis esse operam dandam, ne id à vaporibus adscendentibus lædatur.

Ideò

Ideoque non solum ipsum caput roborandum est; sed *Capiti nocetia.* inprimis cauendum, ne vapores in partibus inferioribus generentur, aut geniti ad caput eleuentur. Quapropter in capitis affectibus abstineat æger à cibis & potu, qui multum vaporum emittunt, quale est vinum potens, vt & cereuisia multo lupulo condita, & inprimis vitandus talis potus ab exercitio & motu corporis vehementiore. Calefacto enim corpore caput vaporibus repletur. Inter cibos, qui caput replent, est præcipuè lac, quod faciliè corrumpitur in ventriculo, vnde etiam Hippocrates, 5. aph. 64. Lac nocere caput dolentibus scribit. Caput etiam replent ipsique noxia sunt, *Semen canabis, Lini, Erucae, Sinapi, Daucus, Cæpæ, Bacca Iuniperi, Daſtyli.* Et quæ Galenus. 2. de comp. med. secund. loca cap. 1. in fin. & ex eo Aëtius, tetrab. 2. serm. 2. cap. 46. in omnibus capitis affectionibus vitare iubet, quod capitis dolorem inducant; *Viticis semen, absinthij succus, lactis potus, glandes quercinæ comestæ, oliuæ nigrae, arbuti fructus, mamecydon Græcis appellatus, eruum,* quod etiam articulos exsoluit, *myrrha, thus, hederæ corymbi,* & quæ mentem perturbant, *Lentisci fructus, crocus, peucedanum, cyclaminus sicca cum vino pota, styrax,* qui modicus quidem potus tristitiam discutit: multus autem turbulentos somnos efficit. Alij inter ea, quæ capite laborantibus minus commoda sunt, recensent etiam, *auellanas, nûces iuglandes, castaneas, schœnanthum,* quod capiti multum nocere scribit Sauanorola, tract. 1. cap. 32. rubr. 1. Damnat etiam *columbas* Vega, scribitque se obseruasse, eas peculiari ratione caput affligere, de quibus videatur Valleriola, Enar. medic. lib. 5. Enar. 10. Caput quoque replet alius conclusa, inedia. Sicut & noxium capiti est calceatis pedibus dormire.

Ne autem genitus vapor adscendat, exercitatio vehementior post cibum vitanda, vocis intentio, & spiritus efflatio vehementior, somnus meridianus in non assuetis, & statim à cibo initus, vel longior, vomitus, tussis.

De intemperiebus capitis sine materiâ in genere.

Intemperies capitis sine materiâ.

Postea de intemperiebus sine materiâ hæc in genere tenenda: Primò *caussæ* intemperiei sine materiâ omnia esse possunt, quæ vel extra, vel intus quoquo modo cerebrum calefaciendo, refrigerando, humectando, siccando afficere possunt, quæ postea in specie patebunt.

Signa quod attinet, primò opera danda, ut cognoscatur, an intemperies sit cum vel sine materia. Inuestigandum nimirum, an *caussæ* aliquæ evidentes præcesserint: quod si factum, intemperies plerumque est sine materiâ. Verum potest etiam esse cum materiâ. Potest, inquam. Nam si *caussæ* procatarctica plenum corpus inuenierit, aut fundendo humores, aut exprimendo, aut attrahendo, intemperiem cum materia excitare potest. Si verò talis *caussæ* absit, coniecturam facere oportet, à *caussæ* aliqua interna malum extitisse, & ita cum materia coniunctum esse. Intemperies quoque sine materia est sine sensu grauitatis, tensionis, punctiõis, morfus.

Tertiò quò ad *curationem*, intemperies sine materia hanc communem rationem obtinet, quòd sicut citra materiam est, & in sola qualitatum ac intemperiei mutatione consistit: ita etiam quatenus talis ad pristinum & naturalem statum reducitur sola alteratione sine vlla euacuatione. Etsi verò in intemperiebus capitis sine materiâ quandoque euacuandum sit: tamen id non postulat intemperies per se, & quatenus talis; neque intemperiei opponitur euacuatio: Sed ideo euacuamus, quia metuimus, ne, si corpus sanguine aut vitiosis humoribus plenum sit, caput ex intemperie debilitatum, & imbecillius redditum, abundantes in corpore humores facile admittat, atque ita affluentibus ad caput humoribus ex intemperie, quæ sine materia est, intemperies cum materia euadat.

De Capitis intemperie calida sine materia.

Intemperies capitis calida.

Intemperies hæc etsi in nostris regionibus non ita frequens sit: tamen in regionibus calidioribus non infrequens est, ob æstum solis & aërem feruidiorem.

Causse.

Causæ.

Causæ.

Quæ autem intemperiei calidæ causæ sint, lib. 2. Instit. par. 2. cap. 10. Galeno de caus. morb. cap. 2. docuimus. E quibus patet, cerebrum partesque vicinas in capite præter naturam calefieri posse, si homo in aëre calidiore, sub radiis Solis, præsertim nudo capite, vel in aëre ab igne aut frequentia hominum calefacto commoretur; si calidis tegumentis caput supra modum, vel diutius inuoluerit; si medicamentis caput calefacientibus seu externis, vt fomentis, lotionibus, embrochis, oleis, linimentis, odoramentis & fuffitibus calidis, præcipuè ambra & moscho, & huius generis aliis, supra modum vsus fuerit; seu interna vsurpauerit aut cibos & potiones calefacientes, aromatibus multis conditas, vinum antiquum & generosum, Hippocraticum, mulsum & id genus alia immoderatus sumpserit; si perturbationibus animi vehementioribus, vel diuturnioribus, irâ præcipuè, correptus fuerit: si diu vigilauerit; si cogitationes, quæ spiritus ad caput reuocare, eosque variè mouere solent, diu intenderit. Quæ causæ omnes eo facilius capiti calidam intemperiem inducere possunt, si homo cerebrum sua natura calidius obtineat.

Signa Diagnostica.

Signa Diagnostica.

Percipitur calor tactu in cute capitis, præcipuè in fronte & temporibus, cutisque primâ manus iniectio statim aridior, quam ante apparet; intra cranium agitatio quædam percipitur & pulsatio in temporibus; facies & oculi apparent rubicundiores, lucem & splendorem refugiunt. Somnus est brevis & perturbatus, non profundus, à quo homo facilè excitatur: vel etiam vigiliæ infestant. Ager facilè irascitur. Inquietus est in motibus, in cogitationibus & imaginatione mutabilis; quorum vtrumque ex spirituum leuitate & mobilitate à calore contracta prouenit. Præcesserunt causæ antea enumeratæ vel omnes, vel vna. Delectant & iuuant, quæ refrigerant: nocent, quæ calefaciunt & excessum caloris augent. A qua verò causa intemperies ista contracta sit, sermones ægri docebunt. De numero signorum intemperiei

periei capitis calidae controuersiam vide in fine Capituli, quæst. 1.

Prognostica.

Prognostica.

1. Quò minor excessus caloris fuerit, eò malum tutius: quo major, periculosius: & metuendum tunc, ne inflammatio, delirium, aut alia mala attrahantur.

2. Curatio ipsa satis facilis est. In refrigerantibus tamen adhibendis cautè procedendum, ne cerebro aliquid damni afferatur; præsertim in pueris, mulieribus, & iis, qui corpus mollius & tenerius habent, ac in otio viuunt; in senibus item, & iis, qui catarrhis obnoxij sunt. In talibus enim corporibus medicamenta faciliè penetrant, & caloris natiui vis non est tanta, vt majori frigori resistere possit: ideòque insigniter refrigerantium vsu cerebrum faciliè offenditur, & in contrarium malum deducitur.

Indicationes.

Indicationes.

Intemperies capitis calida refrigerantia indicat; & quidem maior frigidiora, minor mitiora.

Et cum caloris tanta vis sit, vt etiam in corpore puro aliquid ab inferioribus sursum trahat, multòque facilius id præstet, si corpus plenum sit, atque ita caput repleatur, & intemperies, quæ à primo ortu sine materia est, in eam, quæ cum materia est, faciliè transeat; ac præterea humiditates, quæ in capite sunt, à calore fundantur, partesque capitis à calore laxiores & imbecilliores reddantur: necessarium est, vt medicamenta, quæ ad refrigerandum caput in principio adhibentur, aliquam adstringendi vim habeant. Adstringendi tamen illa facultas sit moderata. Nam si insignem vim adstringendi haberent talia medicamenta, & topicis vim ad inferiora penetrandi occluderent, & poros ac meatus adstringerent, vaporésque, qui perspirare deberent, clausis meatibus, retinerent, caput replerent, & malum augerent. Et si refrigerantium, quæ leuiter adstringunt, copia nobis desit, ea sumamus, quæ citra adstrictionem refrigerant, & aliquid adstringentium misceamus. Et cum iste

humor

humorum versus caput raptus ac motus facilius fiat in corpore plethorico vel bilioso, sæpè sola refrigerantia & adstringentia non sufficiunt, sed vt affluxus humorum ad caput præcaueatur, necessarium est, sicut antea etiam dictum, vt sanguis, si is in corpore abundet, imminuatur, & à capite auertatur, venæ sectione vel cucurbitulis: Bilis verò, si adsit, idoneis medicamentis, de quibus postea dicetur in intemperie capitis cum bile, euacuetur.

Quia verò cerebrum membrum nobile est, facultatum principum sedes, sensus & motus fons atque origo, spirituumque animalium officina; & minimam noxam faciliè percipit: non licet tam audacter refrigerantia, vt in partibus ignobilibus adhibere, caloremque eius obtundere, neque in eorum vsu diu persistere, aut ea frequenter applicare, sed per vices caput linteo sicco abstergere & ficare, aut leniter fricare oportet. Et cum ex refrigerantibus quædam stuporem inducant, iis non vtendum, nisi dolor aut vigilie instent. In declinatione quoque sola refrigerantia non vsurpanda, præsertim in corporibus impuris, & quibus grauitatis aliquis sensus in capite percipitur. Cum enim per calorem p. n. vt dictum, caput faciliè aliquid superflui ad se, tanquam cucurbita, trahat, illud in fine resoluendum & discutendum.

Præterea circa externorum & topicorum vsum hic notandum, quod, cum cerebrum cranio, osse satis crasso, tegatur, i. ea sunt admiscenda, quæ tenuitate substantiæ facilius penetrant, & alia medicamenta secum rapiunt, qua de causa acetum plerumque admiscetur. 2. Medicamenta eo loco applicanda, quo facilius penetrare ad cerebrum possunt. Ideoque cum cranium minus crassum sit circa frontem & tempora, & peruium etiam circa futuras: circa frontem, tempora, futuram coronalem & synciput medicamenta topica applicanda sunt. Posteriori verò capitis parti sine fructu adhibentur refrigerantia; imò si ibi applicentur, neruos lædere possunt. 3. Et vt topica medicamenta suo munere rectius fungantur,

*Circa
Topica
caput
refrige-
rantia
qua ob-
seruan-
da.*

tur, abradere pilos sæpe vtile est. Sunt quoque topica, si capitis calor sit insignior, actu frigida applicanda; Et vbi paulum incaluerint, iterum mutanda. Qua de causa etiam non crassa & multiplicia linteamina, è quibus caput incalescat, vsurpanda. In corporibus verò mollibus, in quibus fortius refrigerantia suspecta esse diximus, aliquid olei chamæmelini, anethini, sambucini admisceri potest.

Neque solùm topica extra applicanda; sed cum per haeres rectâ via ad cerebrum aer penetret, odoramenta quoque vsurpare licet. Præterea cum magnus pedum & capitis consensus sit, pedum lotiones vtilis sunt.

Medicamenta simplicia Interna.

*Simpli-
cia Me-
dicamē-
ta caput
refrige-
rantia
interna.*

FOLIA; *Lactuce, Portulacæ, Plantaginis, Solani*, quod fortius est, & stuporem faciliè inducit.

Flores; *Rosarum, Violarum, Nymphææ, Papau. albi.*

Semina; *Lactucæ, Papaueris albi, Melonum, Cucumeris, Cucurbitæ, Citrulli, Hordei.*

E lignis: *Santalum.*

Quibus & alia refrigerantia commodè admiscere licet, vt: *Acetosam, Endiuia, Succum citri, acetum.*

Externa.

Eadem & extra adhiberi possunt: Quibus accedunt.

*Exter-
na.*

Folia; *Semperuini, Salicis, Vitis, Umbilici Veneris, Myrti, Cucurbitæ, Nymphææ, Lenticulæ palustris.*

Semen; *Psyllij, lactucæ, papaueris.*

Radix; *Rhodia, Radix & Cortex Mandragoræ.*

Succi; *Foliorum Salicis, Vitis, Semperuini, Nymphææ, Plantagin. Solani.*

Mucilagines *sem. psyllij*, præcipuè cum aceto paratz. De qua monet Matthæus de Grad. lib. 1. pract. c. 1. aduertendum esse, ne semen rumpatur; cum ea saltem pars, quæ in superficie est, & à qua per agitationem cum aceto parum calido prouenit, sit frigida & humida, intima verò acuta & ignea. *Lac.*

E quibus parantur variaz medicamentorum formæ, quæ omnes capiti alterando vtilis sunt, vt lib. 5. Instit. part. 3. sect. 3. cap. 1. dictum, è quibus nunc his, nunc illis, prout

prout commodum fuerit, vtemur.

Medicamenta composita Interna.

Aquæ destillatæ; Rosarum, Violarum, Lactucæ, Portulacæ, Nymphææ, Solani, Cucurbitæ. Composita interna.

Conseruæ; Rosarum, Violarum, Nymphææ, Citri.

Syrupi; Violarum, Rosarum, Nymphææ.

Condita; Caules Lactucæ.

Iulepi & Potiones; Iulepus rosarum, violarum; & quæ fiunt ex syr. & aquis modò enumeratis: vt:

℥. Syr. violar. ʒ. j. ℞. oxysachar. simpl. Iulep. rosar. an. ʒ. ℞. aq. bordei simplicis ʒ. x. vel aq. Lactucæ, Endiuie acetosæ an. ʒ. iij. Misce pro duabus vel tribus dosibus.

Vel ℥. Syrup. violar. ʒ. j. ℞. nymphææ, de Endiuiâ an. ʒ. vj. aq. Lactucæ, cichor. endiu. an. ʒ. ij. F. Iulep. pro duabus dosibus.

Monet hic rectè Matthæus de Gradibus pract. li. i. cap. i. vt in dolore capitis, & febribus quoque, non simus nimis parci in exhibendis syrupis & potionibus; sed in adultis ad ʒ x. potiones illas ex syrupis & aq. destillatis mixtas exhibeamus: cum in minore quantitate ad omnia membra, & caput, facile non penetrent. Cui libenter subscribo; modò ægros obsequentes habeamus.

Emulsiones: ex sem. quatuor frig. maior. papau. lactuc. vt:

℥. Sem. quatuor frig. maior. excortic. ʒ. ℞. papau. alb. ʒ. ij. Aq. bordei s. lb. ℞. lact. ʒ. iij. nymph. ʒ. ij. rosar. ʒ. j. F. Emulsio. Adde Iulep. vel syr. viol. ʒ. j. ℞. M.

Species: elect, de gemm. frigid. diamargar. frigid. Diatrion santal.

Electuaria:

℥. Conseru. violar. rosar. an. ʒ. j. Nymphææ, Lactuc. condite an. ʒ. ℞. Specier. diamarg. frig. ʒ. ℞. Cum syr violar. F. Electuar.

Vel ℥. conseru. rosar. borrag. an. ʒ. ij. sem. quatuor frig. maior. excortic. an. ʒ. j. specier. diamarg. frig. ʒ. ℞. Cum syr. violar. F. Electuar.

Rotulæ & morsuli; Diacodium album solidum Augu-
stanorum: Rotulæ ex speciebus ante enumeratis cum sextuplo
sacchar. in aqua conuenienti dissoluto.

Monet hic etiam non sine causa Matth. de Gradib. part. 1. pract. cap. 1. in morbis cerebri calidis, & omnino omnibus morbis, in quibus refrigeratione opus est, saccharo non nisi albiſſimo vtendum eſſe; cum saccharum minus purum & defæcatum multum vñctuoſi vaporabilis & calidi participet.

Externa.

Composi-
ta Ex-
terna.

Epithe-
mata
quomodo
capiti
applicā-
da.

Epithemata, irrigationes, embrochæ & Lotiones capitis, fiunt ex simplicibus supra enumeratis decoctis, vel succis eorum aut aquis, vt & Lacte. Et quidem liquida medicamenta, si frigida actu applicentur, plus refrigerant. Ac licet omnibus formis iam dictis applicari possint: tamen si à loco altiore decidant, plus refrigerant. Vt autem (vt & oxyrrhodina) non facile diffuant, sed diutius morentur, corona ex panno lineo vel lanâ conuoluta anteriori capitis parti imponatur, & ita applicetur, vt caput circûdet parte anteriore, vbi capilli desinunt ex lateribus supra aures, in parte autem anteriore versus occiput; quo modo simul partes inferiores facies & oculi non inquinantur, cum caput saltem loco intra coronam mediam irrigetur: non verò vt vult Altimarus, cap. 10. iuxta frontem vbi pars pilosa desinit, & iuxta vtrumque eius latus, locum applicandæ coronæ lanæ, pro loco oxyrrhodinis perfundendo ex Galeno malè intellecto accipiens. Exempl. gr.

℞. Flor. rosar. nymph. an. M. ℞. sambuci P. j. Fol. salicis, vitis, lactucæ, bordei an. M. j. Coq. ad consumptionem tertiæ partis. Adde aceti ℥. j. ℞.

Collatura frigida vel tepida fronti & syncipiti panno lineo imponatur, aut eâ caput perfundatur, aut ex alto irroretur.

Vel ℞. aq. rosar. ℥. iiij. ol. rosar. ℥. ij. aceti rosar. ℥. ℞. alb. ouor. num. ij.

Conquassata misceantur & liateo multiplicato syncipiti & temporib. imponantur.

Vel ℞. olei viol. rosar. nymph. an. ℥. ℞. aq. rosar. lact. semperu. an. ℥. ij. aceti ℥. ℞. Misce pro epithemate frontis.

Vel ℞. succi lactucæ, portulacæ, solani, umbilici ven. an. ℥. ij.

3. ij. semperuiui 3. j. Excipiantur spongia, vel linteo, & fronti applicentur.

Vel ℥. aq. rosar. 3. i v. sol. salic. lactuc. an. 3. j. flor. sambuci 3. β. olei violar. rosar. an. 3. vj. aceti 3. j. Misc.

Vel ℥. mucilag. sem. psyll. 3. j. olei rosac. 3. j. β. aceti 3. j. β. Valefcus de Taranta lib. 1. cap. 1. hoc commendat.

℥. summit. vitis, sol. salicis recent. violar. rosar. nymph. sem. papau. lactuc. portulac. umbilici vene. an. 3. ij. ol. viol. rosar. lb. β. vini austeri 3. iij.

Coquantur & colentur ac liquor capiti Epithematis loco imponatur.

Oxyrrhodina hūc pertinent, quæ antiquis in magno usu fuerunt, & omnibus aliis huius generis topicis præferuntur à Galeno 2. *κῆρα τῶν*. cap. 1. qui scribit, se vbi eius copiam haberet, nullo alio vsum fuisse medicamento, sed hoc omnes curasse. Componuntur autem oxyrrhodina ex oleo rosarū & parte aliquā aceti. Oleum autem illud sit eo anno factum, & omnis alterius misturæ expers: & si ex omphacino componatur, est initio morbi, quo tempore nonnihil repellendum, commodius; cum sit & frigidius, & adstringendi aliqua facultate præditum magis, quam quod ex maturis conficitur, quod iam caloris alicuius est particeps, & in declinatione vtilius adhibetur. Additur autem aceti aliquid, vt partium tenuitate faciliorem rosaceo transitum præstet, quo imprimis indiget omphacinum, quod est crassioris substantiæ, magisque adstringit, & propterea ad penetrandum ineptius est. Misturam autem aceti Galen. in lib. de med. facil. parab. cap. 1. definit, vt quarta pars aceti addatur; quæ tamen mensura non est strictè obseruanda; sed aliquando plus, aliquando minus aceti addendum. Qui enim tenerum & minus solidum corpus habent, in iis vehiculo multo oleum non indiget; maiore copia vero quibus corpus densius est. In cerebro quoque humido plus aceti tutius admiscetur (quia valde ficit) minus admiscendum in sicco. Siccat enim acetum & vigilias inducit. Dictum etiam de oxyrrhodinis in Institut. lib. 5. part. 6. sect. ult. c. 39. diceturque etiam de iis aliquid infra c. 5.

Oxyrrhodina.

Olea.

Olea ; violarum, rosaceum, nymphææ, myrtinum, cydoniorum, cucurbit. ex floribus mali, sem. papau. quod tutius adhibetur, quam succus papaueris, sem. lactucæ, de falicibus.

Linimē- Linimenta ; vt*ta.*

℥. succi lactucæ vel plantag. ℥. ℞. mucilagin. sem. psyllij aq. lactuc. extr. ℥. j. ol. rosar. violar. nymphææ an. ℥. j. ℞. Coquantur ad succorum consumptionem. Fiat linimentum.

Vnguent-
ta.

Vnguenta ; Rosaceum, refrigerans Galeni ; populeum ; album camphorat.

Vel ℥. olei violar. rosar. an. ℥. j. ℞. papau. ℥. ℞. succi semperuiui, solani an. ℥. ij.

Coquantur ad succorum consumptionem.

Adde santali albi, rubri an. ℥. ℞. mucilag. sem. psyllij ℥. ℞. camphoræ in aq. ros. dissol. ꝑ. vj. ceræ q. s. F. vnguentum.

Vel ℥. cerati albi Galeni ℥. ij. succi solani vel cucum. ℥. j.

Ducantur simul in mortario. F. Vnguentum.

Vel ℥. ol. rosar. ℥. j. mucilag. sem. psyll. cydonior. cum aq. ros. extr. an. ℥. ℞. ceræ parum liquefactæ ad ignem. M. F. vnguentum.

Vel ℥. mucilag. sem. psyllij, malu. succ. portulac. semperuiui an. ℥. j. ol. rosar. nymph. an. ℥. ij. ceræ ℥. ij. F. Vnguentum.

Vel ℥. olei rosar. omphacin. an. ℥. iv. santali albi, myrtillor. corallor. albor. an. ℥. j. ceræ albæ aq. rosar. lotæ q. s. F. Vnguentum.

Cata-
plasma-
ta.

Cataplasmata. Emplastrum vel potius cataplasma Haly.

℥. Flor. rosar. rubr. viol. nymph. sem. maluæ, farine bordei an. ℥. iij. santal. albi & rubri, sem. papau. & cortic. papau. sem. lactuc. an. ℥. ij. melilot. ℥. j. (ad temperandum frigus reliquorum) F. puluis, & incorporetur cum oleo rosaceo, succo lactuc. & aceto.

Vel ℥. olei violar. rosar. papaueris an. ℥. ℞. farine bordei, sem. papau. albi contusi q. s. camphoræ ꝑ. ℞.

Misceantur cum albumine oui. Fiat cataplasma. Vel folia psyllij contundantur, & cum oleo rosaceo & pauco aceto in formam cataplasmat. misceantur, Vel flor. viol. purpur.

purpurear. rec. contusi fronti & temporibus imponantur.
 Vel ℥. Sem. papaueris albi ʒ. ʒ. Flor. rosar. rubrar. P. ij.
 Farinæ bordei ʒ. j. Cum lacte muliebri & oleo rosaceo,
 fiat cataplasma, quod inter duo lintamina tenuia ap-
 plicetur fronti.

Vel ℥. Fol. lactucæ M. ij. Flor. rosar. M. ʒ. Sem. papau.
 albi. ʒ. ʒ. Coquantur ad mollitiem. Contusis adde farinæ
 bordei ʒ. j. olei violar. q. s. Fiat cataplasma.

Vtile est & cataplasma ex foliis salicis & capreolis vitis
 cum pauco aceto.

Vulgus non incommodè placentas illas post destilla-
 tionem aq. rosar. in balneo relictas capiti applicat; quod
 medicamentum fit efficacius, si aq. rosar. vel alia conue-
 niente irroretur. Nonnulli cataplasmatibus loco & confer-
 uas refrigerantes vsurpant, vel eas cataplasmat. admiscunt:
 quod eo tempore tamen potest fieri cum herbæ recentes
 & succi earum defunt.

Cerota & Emplastra, & quæ solidiorem formam ha- Cerota
 bent, applicanda sunt abrasis capillis, & quotiescumque & Em-
 incaluerint, debent permutari. Tale est cerotum santali- plastra.
 num.

Vt ℥. ceroti santal. diu cum lactucæ succo in mortar. sub-
 acti ʒ. j. ʒ. F. Emplastrum.

Vel ℥. pulu. rosar. rubrar. cap. papau. sem. lactucæ an. ʒ.
 ij. camphoræ ʒ. vj. olei violar. ceræ an. q. s. Fiat cerotum.

Monet verò Trallianus, lib. i. cap. 10. vt cera semper
 lauetur aqua frigida adiecta.

Sacculi; qui tamen quia ex herbis & floribus exsic- Sacculi
 catis parantur, vbi subita alteratione opus est, non ita
 efficaces sunt, nisi aquis refrigerantibus conspergantur;
 Aliàs in diuturnis morbis & Catarrho obnoxiiis satis
 commodi sunt.

Vt ℥. Flor. viol. nymph. rosar. fol. salic. ana M. ʒ. sem. pa-
 pau. alb. lactucæ, santali citrini an. ʒ. j. Incisa & contusa
 crasso modo insuantur sacculo vel pileo linteo, qui ca-
 piti imponatur.

Pulueres. Licet quoque à capitis lotionem, puluere ex Pulueres
 rosis, violis, santalo & similibus parato caput consperge-

re : sed & pulueres ob crassitiem tardius operantur.

**Odora-
menta.**

Odoramenta.

*℞. Flor. rosarum p. ij. violar. nymph. an. p. j. santali citri-
ni ʒ. j.*

Ligentur in nodulo ex linteo albo vel sindone rubra,
quæ aq. rosar. aut pauco aceto adspergi potest.

Vel *℞. santal. citrini, flor. rosar. nymph. an. ʒ. j. Campho-
ræ ʒ. ss.*

Affundatur in vase angusti orificii aqu. rosar. & supra
ignem ebulliant, vaporque naribus excipiat. Vel in
aq. ros. Camphora dissoluatur, & aqua spongiola vel gossi-
pium madesiat, & sæpius naribus admoueat. Campho-
ra tamen cum per se non frigida sit, sed per accidens
refrigeret, eiusque odorem non omnes ferant, & vigilias
quandoque excitet, & caput grauet, cautè usurpanda.

Globuli

*Globuli quoque & Poma odorata fieri possunt ex flori-
& Poma bus rosarum, nymphææ, sem. papau. lactucæ, hyoscyami, si cum
odorata. tragacantha in aq. rosar. soluta excipiantur.*

In nares quoque liquores refrigerantes actu tales at-
trahere utile est : inter quos præcipuè commendatur
lac muliebre cum oleo violar. nymph. vel emulsio sem.
lactuc. papauer. facta cum aq. lactucæ.

**Oris col-
lutiones.**

*Oris collutionem fieri iubet Forestus, lib. 9. obs. 3. ex lacte
ebutytrato acido incoctis prius thýrsis vitis & acetosellæ.*

Lotiones

Lotiones pedum & manuum.

**extremo-
rum.**

*Vt ℞. Fol. violar. malv. salic. vitis, nymph. an. M. ij. Flor.
nymph. rosar. an. M. j. cap. papau. num. x. Coq. pro lotionem
pedum & manuum.*

Olei

**Chama-
melini
vires.**

In declinatione, ob causam supra in indicationibus
dictam, addantur ea, quæ modicè resoluunt & discutiunt
vt oleum Chamæmelinum, vel solum, vel cum oleo rosar.
mistum. Nam temperatum calorem obtinet, qui etiam
calidis non multum obest, si actu frigidum adhibeatur
cum actuali frigidityte calidam intemperiem tollere sta-
tim possit : mox autem cum in actum deducitur à calore
capitis moderato suo calore, si quid superflui est discute-
re potest.

Vel *℞. Mucilag. sem. althææ cum aq. flor. chamæmel. ex-
tractæ*

pores acres ad caput ascendant, & si sit ignauior vel cibis aluum lenientibus in prima mensa exhibitis, vel clysteribus laxetur. In secunda verò mensa cibi sumpti astringendi aliqua vi præditi sint, vt ascensum vaporum ad caput prohibeant. *Otium, quies ac somnus* ægro utilis est. Vitentur omnia, quæ spiritus & cerebrum turbant, agitant & calefaciunt, vt animi perturbationes, ira præcipuè, strepitus & clamor, sonique omnes vehementiores, venus ac corporis motus vehemens, inedia.

QVÆSTIO I.

De Signis.

Videtur quædam diuersitas in Auctoribus in recensendis signis intemperiei calidæ. Paulus, *lib. 3. cap. 4.* tria tantum signa intemperiei calidæ ponit, cutem, prima manus iniectione aridiorem, rubentes oculos, quod iuuentur frigidis, lædantur calidis. *Auicenn. lib. 3. Fen. 1. tract. 1. cap. 19.* & eum secuti Practici plura addunt, quæ nos etiam recensuimus. Neque omnia calori per se competere videntur. Verùm etsi Medicus distinguere debeat inter communia & propria, & ea quæ per se & per accidens fiunt: tamen omnia Medico nota esse debent. De quo Costæus in annotat. in Auicennam, *lib. 3. Fen. 1. tract. cap. 23.*

QVÆSTIO II.

An in calida Intemperie Capitis, calida extra applicare licet?

*Calida
topica an
in Intē
perie Ca-
pitis cal.
conue-
niunt.*

Ab Antiquioribus equidem id tentatum non memini. Sunt verò ex recentioribus Medicis, Chymicis præsertim, qui in doloribus capitis, etiam à causâ calida spiritum vini subtilissimum extra adhibere iubent. Quod etsi plurimis absurdum videatur, quibusdam tamen non displicet: cum hoc modo pori aperiuntur, spiritusque feruidi ratione similitudinis attrahantur. Neque res videtur esse de nihilo: imprimis si à causâ calida externa intemperies illa inducta sit (Neque enim in omni intemperie capitis calida sine periculo id fieri potest.) Nam idem de Camphora quæri potest, quæ etsi vulgo frigida esse statuatur: tamen doctissimi hodie Medici rei euidentia edocti, quique eius inflammationem, partium tenuitatem, odorem, saporem confiderarunt, calidam esse rectè statuerunt. Maximè enim inflam-

*Campho-
ra tem-
peramen-
tum.*

mabilis

mabilis est Camphora partiumque summa tenuitate prædita, sapore acri, odore maximè penetrante, vigilias inducit: quæ omnia caliditatis argumenta sunt. Quibus omnibus persuasi ad intemperiem calidam refrigerandâ nonnulli planè ineptam censent, veteresque de alio succo vel gummi locutos putant; alij verò in capitis intemperie calida corrigenda ideo saltem adhiberi putarunt, vt partium tenuitate reliquis medicamentis viam muniat. Verùm probabilius est, ratione similitudinis calidos vapores euocare; sicut combustis non frigida, sed calida, refrigeratis tempore hyberno membris non calida, sed nix & aqua frigida adhibentur, eadem de causa. Imo illam ipsam ob causam etiam humida humiditates è corpore euocare valent, sicut cochlearum caro extra applicata, ex intimis quoque corporis partibus humores euocat, vt Galenus II. de simpl. med. facult. docet; & experientia id testatur.



CAPVT II.

De Intemperie Frigida Capitis sine materia.

Causæ.

Intemperiem frigidam capiti inducunt, imprimis *Intem-*
 aer frigidus, siue ob anni tempus talis, siue ob pe- *peries*
 culiarem constitutionem, vt ventos frigidos, quales sunt *Capitis*
 boreales, siue ob regionem. Is enim cum & per nares ad- *frigida.*
 mittatur, & extra caput ambiat, illud, præcipuè nudum,
 vel non satis coopertum alterare potest. Lotiones item &
 medicamenta refrigerantia extra immoderatus adhibita:
 Medicamenta quoque & alimenta refrigerantia, vt lactuca,
 portulaca, endiuia, papauer, &c. Nimia item sanguinis
 euacuationes, quies nimia & somnus, quæ calorem
 quasi suffocant, tristitia nimia & timor, quæ spiritus
 absument & suffocant, gaudium nimium, Venus immoderata.
 Nonnulli etiam lacrymarum profusionem nimiam addunt.
 Et facilius istam intemperiem ij cōrahunt,

qui antea cerebrum frigidius habent. Reliquæ causæ refrigerantes vix solam intemperiem inducunt, sed ferè materiam simul accersunt. Et facilius intemperie frigidâ capitis pars posterior afficitur, calidâ contra synciput: Unde in affectibus capitis frigidis nonnulli maximè occipiti calefacientia medicamenta adhibent.

Signa Diagnostica.

Signa Diagnostica.

Caput tangenti frigidius apparet; facies pallet; venæ in fronte & temporibus minus sunt conspicuæ; oculi sub-tument, non rubent, sed pallore potius deformantur: grauitas tamen capitis manifesta non adest: Alioquin simplex intemperies non esset, sed cum materia coniuncta. Æger ad somnum est propensior, animi vigor minus acris est, & ad timorem æger est propensus; quia spiritus etiam refrigerantur. Eademque de causâ torpor & pigritia quædam in membris motui dicatis percipitur. Præcesserunt causæ refrigerantes. Nocent frigefacientia; profunt calefacientia.

Prognostica.

Prognostica.

I. Intemperies cerebri frigida sine materia equidem non ita difficulter curatur. Et tutius adhibentur cerebro calefacientia, quàm refrigerantia. Cauendum tamen & hic ne quid in excessu peccetur; cum nimium calefacientia vigilias, deliria, & similia mala inducant.

II. Recens tamen si sit intemperies frigida, facilius curatur, idèoque ei statim occurrendum. Nam si diutius dureret, & in habitum quasi conuertatur, curatur difficilior.

Indicationes.

Indicationes.

Intemperies cerebri frigida calefacientia indicat: & si hæc recens, leuioribus primò tractanda; Inueterata vero calidioribus.

Si tamen corpus sit impurum, illud prius euacuandum, ut calefacientia medicamenta tutius vsurpentur, & ne à caco-chymia alicubi hærente affectus augeatur, & ex intemperie sine materia fiat intemperies cum materia. Quod quomodo fieri debeat, postea de intemperie capitis frigida cum pituita dicetur: Hic intemperiei frigidæ sine materia curationem subiungemus.

Medicamenta simplicia caput calefacientia interna.

Curatio.

Radices : Pœonia Lunâ decreſcente collectæ, fœniculi, Caput
ireos, caryophyllatæ, belenij, ariſtolochiæ, angelicæ, dictamni albi, caleſa-
valeriane. cientia.

Folia : Roriſmarini, maioranæ, rutæ, betonicæ, ſaluia, hyſſopi,
meliffæ calaminthæ, origani, pulegij, primulæ veris, euphraſiæ,
ſaturiæ, ſcarlæ, centaur. minoris, quod neruis dicatum eſt,
mari, chamæpythios, thymi, ſerpilli, ocymi.

Flores: ſtæchad. Arabicæ, quæ vt Meſue cap. de ſtæchade, ha-
bet, educit choleram nigram & phlegma, & mundificat ce-
rebrum ac neruos ac organa ſenſuum, ac confortat ea, &
valde confert ægri tudinibus factis in iſtis, ſecundum om-
nem modum uſus eius, ſiue in potu, ſiue in fomentis & la-
uacris, Roriſmarini, lauendulæ, lili conuallium, ſaluia, ſcarlæ,
betonica, pœonia, primulæ veris, tilia, tunicis, qui contra ver-
tiginem, epilepſiam, paralyſim, conuulſiones & tremorem
commendantur.

Semina : Pœoniæ, aniſi, fœniculi, ſileris montani, carui, baſi-
lici, coriandri præparati, paſtinacæ ſylueſtris.

Ligna : Aloes, viſci querni, coryli, iuniperi, fraxini, guaiaci.

Fructus : Baccæ lauri, iuniperi, anacardia.

Aromata : Cubebæ, cardamomum, grana paradifi, nux moſ-
chata, macis, calamus aromaticus ſeu acorus, caryophylli, cinna-
momum.

Succi & liquores : Opobalſamum, vinum.

Gummi : Thus, maſtiche.

Marina : Succinum, ambra.

Ab animalibus petita: Caſtoreum, quo vix aliud inter ſim-
plicia in calefaciendo cerebro efficacius & potentius eſt,
moſchus, zibethum.

Externa.

Eadem & extra adhibere licet, quibus addi poſſunt

Folia : Verbenacæ rectæ, quam omnium maximè diſcute-
re & perfectè caput roborare, maximè viridem, imò & ari-
dam cum radicibus ac ſimul cum ſerpillo oleo incoctam
ſcribit Galenus, 2 de compoſ. med. ſec. loc. c. 2. Lauri, Nicotia-
næ, aſari, abſinthij.

Radices: Aſari.

Flores : *Chamameli*, *meliloti*.

Semen : *Nigellæ*.

Gummi : *Iuniperi*, *tacamabaca*, *euphorbium*.

Succi : *Ladanum*.

Animalia : Afellos quoque sub aquario vase nascentes, qui millepedæ appellantur, maximè prodesse, si oleo incoquantur testatur Galenus loco allegato.

Ex quibus parantur & componuntur Interna & Externa.

Composita Medicamenta interna.

Decocta

Decocta.

cephali- ℥. *Fol. betonica*, *salvia*, *flor. stæchad. Arab. an. M. s. rad.*
cacalida. *pæonia*, *sem. fœniculi an. 3 iij. nucis mosch. 3. s.*

Coquantur in aq. simpl. ℥. ij. ad tertiæ partis consumptionem : colatura, si libet, dulcoretur saccharo.

Vel ℥. *rad. poeon. caryophyll. an. 3. ij. majoranæ, betonica, salvia an. M. j. flor. stæchad Arab. p. ij. rorismarin. lauend. an. p. j. sem. anisi, fœniculi an. 3. j.*

Coquantur in vase clauso in aq. puræ ℥. ij. ad tertiæ partis consumptionem. Post coctionem stent horis tribus in loco calido : deinde colentur.

Colaturæ adde Sacchar. 3. iij.

Clarificentur & ad Iulepi formam coquantur. Atque inter coquendum in nodulo suspendantur, *caryophyllorum*, *macis*, *cinnamomi*, *an. 3. s. ligni aloës, nucis moschatæ, an. 3. j.*

Vel ℥. *radic, acori veri, galangæ, an. 3. ij. pæonia 3. s. primulæ veris, salviæ minor. majoran. an. M. j. byssopi M. s. sem. anisi. fœnicul. seselios an. 3. ij. flor. stæch. Arab. rorismarin. salu. an. p. j. Coq. in aq. f.*

℥. Colaturæ libr. j. Sacchar. 3. iij. F. potio clarificata, puluer. nuc. mosch. & specier. diamosc. dulcis an. 3. s. Sumat æger mane 3. iv. vel v.

Vina medicata & Clareta.

Vinum
& clare
tum ce-
phalic.

Vinum melissatum, saluiatum, rorismarini, stæchad. Arab. betonic. Claretum in Instit. lib. 5. part. 3. sect. 3. c. 4. descriptum.

Vel ℥. *Nucis moschat. macis, caryophyll. an. 3. j. cardamomi, cubebæ. an. 3. s. sem. anisi, fœnic. an. 3. ij. conseru. rorismarin. bugloss. an. 3. j. spec. arom. rosati, dianthos an. 3. j.*

Affunde

Affunde vini albi vel Maluatici mensuras iij. Stent per tres dies in infusione: postea colentur aliquoties per manicam Hippocratis. Fiat Claretum.

Vel ℥. Cinnamom. 3. vj. caryophyll. nucis mosch. galangæ, cubebæ. cardamom. granor. paradisi, sem. fœniculi an. 3. ℞. uuarum passarum lb. j. rosar. rubrar. 3. iij. rorismarini, serpilli an. 3. ij.

Indantur sacco & suspendantur in vase capiente mensuras xx. & affundatur vinum vel mustum si haberi potest, quod est commodius.

Cereuisia eodem modo condiri potest, Salvia, melissa, roremarino, betonica.

Vt ℥. Zinziberis, cinnamom. an. 3. j. rad. caryophyll. 3. ℞. helenij, baccar. lauri an. 3. ij. macis, nucis moschat. an. 3. ℞. cardamomi 3. j. F. puluis, qui ligetur in nodulo raro.

Mulsum & Hydromel.

℥. cinnamom. elect. 3. j. caryophyll. nuc. mosch. an. 3. ij. calami aromatici, cardamomi, granorum paradisi, coriandri præparat. an 3. j. *Mulsum cephalicum.*

Affunde vini mensuras iij. vel iiij. Mellis despumati lb. j.

Bulliant in vase clauso in balneo per dimidiam vel integram horam: postea colentur per manicam Hippocratis.

Melicratum aliud.

℥. Mell. opt. lb. x. aq. puræ lb. ix. Coquantur & despumentur s. a. Postea in sacculo conclusa imposito Salviæ, origani, artemisiæ, hormini, hyssopi, betonicae an. M. j. Item in alio sacculo, baccarum lauri conquassatarum lb. j. flor. lupuli M. iij. hordei integr. P. ij.

Omnia coquantur & despumentur ad tertiæ partis consumptionem, donec liquor ouum in superficie sustineat. Colentur & in vasculis liquor concipiatur, in quibus fermentetur. Feruore aliqua parte peracto in nodulo suspendantur hæc aromata.

℥. Cinna. caryoph. galangæ, piper. granor. paradisi an. 3. ℞.

Feruore planè absoluto vascula tota repleantur, tribus mensibus elapsis mulsæ ad capitis affectus frigidus efficax exhibetur.

Extat etiam hydromel in Instit. lib. 5. part. 3. sect. cap. 4.

*Aqua
destilla
ta ce-
phalica
calida.*

Aquæ destillatæ & Spiritus.

Simplices : Rorismarini, saluie, maiorana, betonica, lauendula, melissæ, primulæ veris, lilij conuallium, flor. stæchados Arab. flor. tilia, pæonia, origani, calamintha, iuniperi, serpilli, cinnamomi, tunicis.

Compositæ : Cephalicæ duæ in Instit. lib. 5. part. 3. sect. 3. cap. 5. Lauendulæ compos. ibid. & aqua infusionis Lauendulæ Augustini Schurffij, quæ paucis mutatis ita componitur.

℥. flor. lauendul. M. ij. nuc. mosch. zinzib. cubeb. an. 3. iij. cinnamomi op. galangæ, macis, calami aromatici, sem. cruceæ an. 3. j. β.

Infundantur in vini Rhenani lib. iv. per dies aliquot, postea in arena destillantur.

Aqua Cephalica Langij, quæ hæc est.

℥. Flor. anthos, rosar. rubrar. maioranæ an. M. ij. flor. bugloss. M. j. spec. confect. anacardinae 3. ij. aq. bugloss. betonica, flor. tilia an. ℥. j. lauend. ℥. β. spiritus vini ℥. j. β.

Infundantur per mensem, postea destillantur.

Aqua Theriacalis Cephalica Quercetani.

Alia ℥. Flor. primul. veris, rorismarin. majoran. betonic. an. M. j. spec. diamosc. dulc. diambrae an. 3. vj. confectionis anacardinae 3. β. Cubeb. ligni aloës, nuc. mosch. caryoph. piperis longi, carpobalsami. an. 3. j. rad. acori, aristolochie rotundæ, ireos, an. 3. j. β. gran. juniperi 3. ij. sem. siler. montani, anisi, fœniculi an. 3. j. aq. primul. veris, betonica, salu. an. q. s.

Infundantur diebus 8. postea destillantur in cineribus calidis. Fiat aqua, cuius cochlear vel folius, vel cum spiritu vini exhibeatur.

Vel ℥. Flor. lilior. conuall. M. j. saluie M. ij. rosar. M. iij. lauen. melissæ an. M. ij. nuc. mosch. 3. ij. caryoph. 3. j. β. macis 3. β.

Olea de- stillata Affundatur vini q. s. stent in loco frigidus tribus septi-

Cephalica. Olea destillata : Rorismarini, Majorana, Lauendula, Melissæ, Saluie, Caryoph. Macis, Nuc. mosch. Cinnamom. Fœniculi, Anisi, Ruta, Cayui, Iuniperi, Succini. E quibus etiam fiunt balsa-

Tinctura Cephalica. ma de quibus infra. Tincturæ, Extracta, Essentiæ Chymicis dictæ : Ruta, Calami

De intemperie capitis frigida. 27

mi aromatici, Pæonia, Rorismarini, Succini, Melissa, &c.
Extractum Cephalicum Quercetani, vel hoc :

℞. Rad. acori, Pæon. Visc. querc. Lign. aloës, Bacc. Iuniper. an. ʒ. j. Sem. Pæon. ʒ. vj. Cinnam. Caryoph. Macis, Cardamom. Fruct. Anacard. an. ʒ. ij. ꝑ. Flor. Anthos, Salu. Primul. veris, Pæon. Calendul. Betonic. Lauendul. Stæchad. Arab. Lilij Conuall. Euphras. Tilie an. ꝑ. j.

Incidenda incidantur, contundenda contundantur, & affundatur Spiritus vini, Aquæ saluiæ, Betonicæ an. q. s. vt digitis quatuor liquor emineat. Digerantur in balneo diebus 8. Inde fiat colatura, liquorque per distillationem ad extracti essentiam separetur, cuius dosis ʒ. ꝑ.

Syrupi ; De stæchad. simpl. & compos. qui epilepsiæ, spasmo, paralyfi, tremori & omnibus cerebri & neruorum frigidis affectibus utilis est ; nisi fluxus catarrhi obftet : tunc enim aliquid ex astringentibus addi debet ; Betonicæ, rutæ, pæoniæ, melissæ. de calamintha, mel anthosatum, anacardinum.

Syrupi
Cephalici
calidi.

Conseruæ : Betonicæ, saluiæ, lauendulæ, melissæ, anthos, majoranæ, flor. tilie, lilij conuall. primulæ veris, stæchados, pæoniæ, tunicis.

Cōserua.

Condita : Nux mosch. calam. aromaticus, myrobalani chebule, nux iuglans, radic. pyrethri, cortic. citri.

Condita.

Confecta : Cubearum, sem. anisi, fœniculi, coriand. carui, caryoph. cinnamom.

Confectiones.

Rob : Iuniperi.

Species & Pulueres : Diambre, diamos. dulc. aromat. rosat. caryoph. diaxyloaloës, dianisi, letitie Rhasis.

Pul. Cephalici

Vel ℞. Rad. acori ʒ. iij. flor. stæchad. Arabic. coriandri præparati, cinnamom. an. ʒ. ij. sem. fœniculi, sileris montani an. ʒ. j. ꝑ. corall. rubri præparat. ʒ. j. flor. rorismarin. ʒ. ꝑ. nuc. mosch. sem. anisi, poeon. cardam. an ʒ. j. sacchari anthosati ad pondus omnium. F. puluis.

calidi.

Vel qui Langio tribuitur puluis capitalis.

Langij

℞. Majoran. saluiæ, lauendul. stæchad. Arabic. an. ʒ. j. cinnamom. cubearum, galang. seminis callitricbi, caryoph. xedoariæ, sem. foeniculi, xyloaloës an. ʒ. ꝑ. betonicæ, rorismarini, melissæ, nuc. mosch. coriandri præparat. an. ʒ. iij. cardamo

puluis
Cephalicus.

cardamomi, piperis longi, granorum poeon. an. 3. j. macis, zinziberis, an. 3. B. sacchari lb. j. F. puluis.

Puluis ad omnes frigidos capitis affectus habetur apud Quercetanum, in Pharmacop. dogmat. restit. cap. 40.

Vel ℥. Nuc. mosch. macis, xingib. caryoph. galang. sem. anisi, foeniculi, rutæ, carui, thuris, saluæ minoris, cinnam. an. 3. ij. sacchar. lb. B. F. puluis.

Vel ℥. Sem. cumin. coriandr. præpar. an. 3. B. foeniculi, macis, xingib. cubebar. radic. poeon. an. 3. ij. cinnam. an. 3. j. F. puluis.

Vel ℥. Radic. ireos Florent. 3. B. xingib. galang. majoran. calam. arom. an. 3. B. piper. longi ʒ. j. sacchari albi ad pondus omnium: Fiat puluis, non solum caput calefaciens, siccans acconfortans & catarrhos absumens, sed & reliqua membra roborans.

Vel ℥. Nuc. mosch. cardamom. cinnamom. ligni aloës, an. 3. j. sem. poeon. coriand. præpar. an. 3. ij. specier. diambrae, diamos. dulcis, an. 3. ij. succini albi 3. B. F. puluis.

Boli.

Boli.

℥. Conseru. betonica, saluæ, an. 3. j. mithridat. ʒ. ij. cum sacchar. Fiat Bolus, qui diuisus sumendus in introitu lecti.

Vel ℥. Conseru. rosar. 3. B. anthos 3. j. theriacæ, mithridat. an. ʒ. j. cum sacch. Fiat Bolus, à cubitum ituro sumendus.

Electua-
ria ce-
phalica
calida.

Electuaria: Confectio anacardina, theriaca, mithridatium, aurea Alexandrina, diacoram, diacastoreum, & quale habetur in Instit. lib. 5. part. 3. sect. 3. cap. II. confectio alchermes.

Langij hoc

℥. Diacori 3. j. B. conseru. majoran. lauendulæ, rosmari-
ni an. 3. j. stœchad. Arabic. 3. B. specier. diambrae ʒ. v. ca-
ryoph. cardam. cinnam. an. ʒ. ij. cubeb. nuc. mosch. galang. an.
3. B. visci querni ʒ. ij. corall. rubr. ʒ. j. Cum saccharo in
aqua lauendulæ dissoluto F. Electuarium.

Rotula
& Mor-
suli.

Rotula & Morsuli, Fiant ex speciebus modò enumeratis, quibus & olea destillata & extracta addi possunt; vt:

℥. Specier. arom. diamb. rosat. an. 3. j. olei caryoph. gutt. iij. sacch. in aqua lauendulæ dissoluti 3. ij. F. rotulæ.

Vel

Vel ℥. Sacch. in aqua betonica dissolut. ℥. iij. olei anisi gutt. vij. rorismarini gutt. iij. saluie gutt. ij. ambre grisee ḡ. v. F. rotulæ.

Trochisci : De Gallia moschata, Dianisi, de succino.

De interiorum medicamentorum omnium usu & hoc notandum, si totum corpus simul calefacere animus est, ventriculo vacuo ea esse assumenda : ita enim promptius in totum corpus distribuuntur. Si verò tantum caput calefaciendum, commodius sumuntur post cibum : sic enim diutius circa os ventriculi hærentia efficacius caput afficiunt : modò non sint ex iis composita, quæ ad distributionem cibi vehementiorem faciunt. Talia enim post cibum exhibere prohibet Galenus 4. de sanit. tuend. cap. 7.

Externa.

Inter quæ liquidiora omnia actu calida admoueantur, & eligantur primò ea, quæ minus calida sunt : quæ verò calidiora sunt admoueantur, dum ventriculus vacuus est ; ne, si pleno eo admoueantur, vapores sursum ad caput alluciantur.

*Externa
medica-
mēta ca-
pitale
calefacien-
tia.*

Validiora quoque non tutò, nisi post totius corporis euacuationem, applicantur.

Epithemata, fomenta, embrochæ, lotiones.

*Epithe-
mata.*

Exemplum est in Institut. lib. 5. par. 3. sect. 3. cap. 41.

Vel ℥. Flores lauendulæ, chamamel. an. M. j. Folior. Lauri, Hyssopi, Betonic. Maioran. an. M. ij.

Coquantur in sufficiente q. lixiuij vel aq. pro lotione capitis.

Vel ℥. Flor. Betonic. Serpilli, Maioranae, Origani, Lauri, Flor. Chamamel. an. M. ij.

Affundatur lixiuij q. f. inter lauandum vsurpetur sme-gma odoratum :

Vel ℥. Folia Saluie, Maiorana, Rorismarini, Lauri, Calaminthe an. M. β. Betonic. M. j. β. Flor. Chamam. Melilot. Stæchad. Arabic. Lauendul. an. P. j. Coquantur in aq. f.

Colatura calida per clepsydrum vel gutturnium capiti instilletur vacuo ventriculo. Vel decoctum per pannum linteum vel spongiam capiti calidè applicetur.

Epithema ex cinerib. & aceto ex Auicen. l. 3. fen. 1. tract. 2. cap. 12.

cap. 12. commendat Iacobus de Partib. scribitque experientia constare, illud saepe profuisse.

℥. cineris 3. ij. aceti 3. vj.

Misc. in forma lixiuij, in quo calefacto intingantur panni lintei, expressique Epithematis loco capiti applicentur.

Aquæ quoque destillatæ, & spiritus, si iis caput irroretur, potenter id alterant. Thermæ quoque sulphuræ caput calefaciunt. Quæ si desint, succedaneum tale parat Capiuaccius.

℥. Sulph. viui lb. j. salis lb. 8. maiora. serpil. stœchad. Arabic. calaminib. montan. saluiæ, betonica, rorismarini, pulegij, melissæ an. M. j. aquæ communis lb. 100.

Fiat decoctio ad partis tertiæ consumptionem pro stillicidio.

Olea.

Olea; præter destillata antea inter interna enumerata: Rutaceum, nardinum, serpillinum, costinum, sampsuchinū, de castoreo, de euphorbio, de lateribus, oleum Magni Ducis Hetruriæ, quod veluti miracula facere videtur, ut scribit Capiuaccius, oleum destillatū de guaiaco & oleum ligni sassafras, quod admirabile est, ut idem Capiuaccius scribit, irinum, laurinum, cui ob odorem grauem alia admiscenda, de pulegio, de spica

Balsama magistralia & artificialia, quæ temporibus & vertici illini possunt, Arabicum seu Iudaicum, si haberi potest è Peru & Tolu; rorismarini, maioranæ, rutæ, lauendulæ, nucis moschatæ, caryoph. succini. Compositum est in Institut. lib. 5. part. 3. sect. 3. cap. 31.

Vel *℥. Stœchad. Arabicæ, lauendul. saluiæ, rorismarini, maioran. beton. fol. lauri, serpill. hyssopi, an. M. 8. sem. pæon. fœnicul. an. 3. j rad. caryoph. calami vulg. an. 3. ij. Contusis adde, spiritus terebinthinæ lb. j. aquæ anisi, caryoph. an. q. s. Destillantur per vesicam.*

Destillatæ aquæ adde styracis liquidæ 3. iij. Iterumque destillantur.

Postea *℥. styrac. calamitæ 3. ij. myrrhæ, gummi juniperi, an. 3. j. succini atbi, thuris, asæ dulcis, an. 3. j. 8.*

Quibus affunde aquam & oleum proximè destillatum, aut si non suffecerint, aliquid aq. rorismarini, granor. iuniperi,

niperi, vel anisi adde, iterumque destilla :

Aquæ & oleo, destillatis adde *Cubearum, calami aromatici, an. 3. ij. caryoph. nucus mosch. cinamomi, an. 3. B. croci 3. B.* Ultimoque destilla.

Tandem separa oleum ab aqua, & serua oleum instar balsami, cuius non solum in externis vsus est, sed etiam in vino vel alio liquore octo vel decem guttæ exhiberi possunt.

Vel ʒ. *Terebintb. lb. j. thuris 3. j. B. styracis calamitæ, 3. j. ligni aloës 3. B. nucus mosch. 3. j. cubearum, galangæ, an. 3. B. cinamomi, caryoph. sem. carui, an. 3. vj. flor. la- uendulæ 3. ij. croci 3. j. B. moschi, si libet, & ambre, an. ʒ. j. vel trochisc. galliæ moschatæ 3. B.*

Affunde spiritus vini optimi lb. iij. Stent in vase dili- genter clauso octo diebus in digestionem, postea in cineri- bus destillantur. Primò destillat aqua cum oleo crocei co- loris; continuetur destillatio, donec color ad nigredi- nem mutari incipiat, & tùm statim mutetur recipiens: Se- paretur oleum ab aqua & spiritu: vtrumque est magni vsus ad affectus capitis frigidos intra & extra adhibitum.

Vnguenta & linimenta: *Martiatum, Aregon.*

ʒ. *Olei rutacei, nardini, an. 3. B. nuc. mosch. express. 3. B. pulu. caryoph. ʒ. j. olei destillati majoran. gutt. iij.* Fiat lini- mentum, quo synciput & tempora inungantur.

Vbi maiori calefactione opus est, olea calidiora eligi- mus, iisque styracem calamitam, benzoen, euphorbium, mi- thridatium, theriacam, spir. vini admiscemus, vt:

ʒ. *Vnguenti martiati 3. B. ol. nuc. mosch. express. 3. B. destill. lauend. ʒ. B. caryoph. an. gutt. iij. M.*

Cataplasmata:

ʒ. *Farinæ lupinor. pulu. serpilli, flor. chamæmel. stæchad. Arab. majoran. an. 3. j.*

Misc. f. a. cum vino ad ignem. Adde *Olei rutacei, samp- suchini, an. 3. B. F. cataplasma.*

Vel ʒ. *Farinæ sænugræci, lupinor. an. 3. j. fol. lauri 3. B. Coquantur in mulla, & addatur olei irini, sampsuchini, an. q. s. F. cataplasma.*

Vel ʒ. *Baccarum lauri, origani an. 3. j. thuris, mastich. an.*

an. 3. ij. Cum succo betonice vel ol. conueniente. F. Cataplasma.

Commendatur & radix panacis contusa, & cum oleo mista applicata. Guainerius laudat cineres calidos modico vino albo conspersos cum panno lineo impositos. Plura Epithemata & Linimenta videantur apud Auicenn. lib. 3. fen. 1. tract. 2. c. 13.

Emplastra & Cerota : De Betonica ; de Euphorbio.

Fortiora tamen medicamenta calefacientia, quale est Euphorbium, satius est adhibere in intemperie cum materia, quam in intemperie nuda & sine materia.

Vel ℥. gummi juniperi, styrac. calamitæ, thuris an. 3. j. stercoris columbini 3. ij. nigellæ parum torrefactæ 3. j. nucis moschat. caryophyl. an. 3. j. olei nardini, terebinthinæ & cere 9. s. Fiat emplastrum bregmati imponendum.

Aliud ℥. Farinæ lupinorum, pulu. serpilli, flor. stæch. Arab. majoran. an. 3. ij. gumm. tacamanacæ 3. j. ʒ. olei nardini, cera an. 9. s. Fiat Emplastrum.

Pulueres : post lotionem capitis pulueres rectè & commodè capiti insperguntur : vt,

℥. Nucis moschat. majoran. caryophyl. an. 3. j. flor. stæchad. Arabic. rorismarini, ligni aloes an. 3. j. moschi, ambre an. ʒ. ij. Fiat puluis.

Vel ℥. Nucis moschat. caryophyll. granorum tinctorum seu hermes an. 3. j. cort. citri 3. ʒ. ligni aloes 3. j. F. puluis.

Si pulueres caluarie affricentur, & postea aliquid spiritus vini optimi, vel potius aquæ vel spiritus cephalici irroretur, facilius ad cerebrum eorum vis penetrabit & id roborabitur.

Sacculi & pilei : pulueres, si linteo aut sindone aut serico includantur, Fiunt sacculi & pilei. Guainerius hunc commendat.

℥. Flor. chamamel. betonice, verbenæ, majoran. absinthij, rosar. rubr. flor. stæchad. Arab. rorismar. an. ʒ. j. gummi juniperi 3. ʒ. folliculor. senæ, granorum tinctorum an. 3. ʒ. ligni aloes 3. ij. ambre quantum libet. Cum sindone rubra F. sacculus vel pileus, qui diu gestetur.

Vide etiam Fernel. l. 5. M. M. cap. 19.

Vel ℥. Thuris 3.j. succini 3.j. maioranæ, rorismarini, betonice. an. 3.ij. flor. stæchad. Arab. 3.j. lauendulæ 3.ß. caryophyllor. nucis moschatæ, an. 3.j. Cum sindone rubra fiat facculus.

℥. Rutæ, serpilli, byssopi an. 3.j. maioran. betonice. an. 3.ij. flor. stæchad. Arab. lauendulæ, an. 3.j.ß. Fiat pileus.

℥. Flor. stæch. Arab. M. ß. beton. majoran. verbenæ, flor. chamamel. an. P.ij. lauend. P.j. nucis moschat. caryophyll. an. 3.ij. gumm. juniperi 3.j. thur. 3.ij. gall. mosc. 3.ß. Contusis omnibus crasso modo, F. sacculus vel pileus.

℥. Majoran. serpilli, melissæ, rorismarini, stæchad. Arabic. lauendulæ an. M.ß. cort. citri, granorum kermes an 3.ij. cubebæ. caryophyll. nucis mosch. an. 3.ß. F. pulvis crassus & ex eo pileus.

Smegmata: Smegmatum exempla vide in Institutionibus, lib. 5. part. 3. sect. 3. cap. 31.

Vel ℥. Saponis veneti 3.ij. ladani, styracis calamitæ, ligni aloes, thuris an. 3.j. pulu. caryophyllor. ireos an. 3.j.ß. moschi, ambre a. q. l. Fiat Smegma.

Pulveres, Trochisci & candelæ ad suffitus; qui tamen in dolore capitis vel intermittendi, vel parcè vsurpandi. Pulveres & trochisci carbonibus accensis insperguntur; candelæ accendantur. Fumus ex his & naribus attrahi, & pileis nocturnis excipi potest. De quibus tamen omnibus obseruandum, ne accendantur. Sine flamma enim suauior & fortior odorem spirant: flamma verò eorum vires & odorem facile absumit & dissipat. Exempla sunt in Institut. loco modò allegato.

Vel ℥. Styracis calamitæ, benzoes, ladan. an. 3.ij. gummi iuniperi, thuris an. 3.ß. gran. iuniper. 3.ij. caryophyll. 3.j.ß. Pulu. carbonum tilie q.ß. Cum mucilagine tragacanthæ aq. rosar. extracta F. candelæ.

Vel ℥. Gummi bederæ, thuris, gran. iunip. an. 3.j. nucis mosch. caryoph. styrac. calamit. an. 3.ij. nigellæ parum torrefactæ 3.ß. galliæ moschatæ 3.j. Cum ladano & mastiche dissol. in aq. salu. F. trochisci pro fumo.

Vel ℥. Gumm. bederæ, coriandri, nigellæ aceto maceratæ & siccatae an. 3.ß. thuris, mastiches, granor. iuniperi an. 3.ij. F. pulvis

puluis pro suffumig.

Vel ℥. *Saluiæ*, maioran. rorismarini, caryoph. cinnamomi, an. 3. j. fol. lauri 3. ℞. ligni aloës 3. j. thuris 3. j. ℞. galliæ mosch. 3. ℞. F. puluis.

Pertinent huc & odoramenta, quibus vel vestes conspergi, vel manus & nares illiniri possunt, quæque supra ignem in vaporem resoluuntur, ex aquis & aliis Cephalicis calidis præparata, de quibus etiam in Institut. l. allegato.

Balsama. Ex oleis destillatis supra enumeratis, etiam ad odorandum, ut & tempora inungenda, ut antea dictum, balsama parari possunt, Rorismarini, majoranæ, saluiæ, melissæ, rutæ, lauendulæ, nuc. moschatae, caryoph. succini. Compositi exemplum est in Instit. l. modò allegato.

Vel ℥. Olei majoran. 3. ℞. saluiæ, macis, caryoph. an. gutt. vj. melissæ, lauendulæ, succini, an. gutt. iiij. ol. nuc. mosch. expressi q. s. F. balsam.

Pomambræ seu Poma odorata. Exemplum est in Institut. loco modò allegato.

Vel ℥. Ladani 3. ij. styrac. calamit. 3. ℞. nucis moschat. mac. an. 3. ij. rosar. 3. ℞. cinnamomi, ligni aloës, an. 3. ℞. zibethi, moschi, an. 3. ij. ambre 3. ij. olei destillat. caryoph. gutt. v. mucil. tragacanth. aq. rosar. extract. q. s. Fiat Pomambr.

Vel ℥. Semin. nigellæ, caryoph. nuc. mosch. rosar. rubrar. an. 3. j. lauendul. 3. ℞. ladan. 3. ij. benzoes, styracis calamit. an. 3. ℞. moschi 3. ij. zibethi 3. ij. ambre 3. ij. mucil. tragacanth. aq. rosar. lauendul. extracta q. s. F. Pomambr.

Vel ℥. Benzoes, styrac. calamit. an. 3. ij. cinnamom. ligni aloës, an. 3. ℞. caryoph. gutt. iiij. ol. nuc. moschat. express. 3. ij. olei destillat. major. gutt. vj. ambre, mosc. an. 3. ij.

Excipiantur ladano agitato in mortario cum oleo castino vel de spica.

℥. Styrac. calamit. 3. ij. caryoph. macis, ligni aloës an. 3. ℞. lauend. 3. ij. gall. mosch. 3. j. ℞. moschi, ambre an. 3. ij. Cum succo majoranæ & styrac. liquida F. Pomum.

Noduli odorati. Fernelius lib. 5. method. medend. cap. 19.

℥. Caryoph. 3. ℞. macis 3. j. nigellæ præpar. 3. ℞. flor. stor. chad.

ebad. Arab. majoran. an. 3. ℞. Ligentur in nodulo ex serico ad odorandum.

Vel *℥. Troch. galliæ mosch. ʒ. j. Fol. majoran. roris-mari, flor. stoebad. Arabic. an. 3. ℞. macis ʒ. ℞. nucis mosch. caryoph. cinnamomi, ligni aloës an. ʒ. j. moschi, ambre an. ʒ. ij. F. pulvis, qui sindone rubra vel serico includatur.*

Moschus tamen, quod semel monuisse sufficiat, in mulieribus, quæ hystericis affectionibus sunt obnoxia, o-mittatur.

Masticatoria : Caput quoque calefaciunt, quæ masti-cantur, vt : *Cubebæ, nux moschata, cardamomum, pyrethrum, sem. erucæ & similia.* Resoluuntur enim ex iis halitus, qui ad cerebrum penetrant, idque calefaciunt.

Vt *℥. Cubebæ. ʒ. j. cinnamomi, caryoph. macis, nucis mosch. an. ʒ. j. semin. carui ʒ. j. majoran. ʒ. j.* Concidantur & contundantur crasso modo & mastiget æger tatum, quan-tum pugillo comprehendere potest.

Auribus immissa vel applicata. Cum in auribus in actum deducantur, hæc medicamenta, in vapores resoluuntur, qui cerebrum calefaciunt; qualia sunt : *oleum rutaceum, co-stinum, de castoreo, moschus & similia.*

Vel, si sacculi ex calidis cephalicis parati, & vino ge-neroso calido vel spiritu vini adpersi, auribus applicen-tur, vapores, qui inde eleuantur, per aures ad cerebrum penetrant.

Inunctiones etiam volarum pedum & manuum cum oleis calidis ad caput calefaciendum profunt, vt docet Galenus 2. de comp. med. secundum loc. cap. 1.

Phænigmi tandem in malo contumaci utiles sunt, de quibus Galenus, 1. de comp. med. sec. loc. cap. 2. & nos in Instit. lib. 5. Qualis apud Trallian. est, lib. 1. cap. 16:

Vel *℥. Fimi columbin. ʒ. ij. ℞. piper. albi ʒ. ij. castorei ʒ. ℞. croci ʒ. j.*

Cum aceto & oleo nardino misceantur.

Præter hæc multa medicamenta ad caput calefaciendum vtilia descripsit Galenus 2. *ἡνὶ τῶν. cap. 1. & 2.*

Dietæ.

Vitetur ær frigidus, subterraneus, caliginosus, austrinus,

*Aër ut
arte ca-
lesfacien-
dus.*

aquilonaris:eligatur calidus & purus:vel paretur talis arte stratis per conclaue herbis calidis odoratis, saluia, maiorana, roremarino, lauendula, pulegio, serpillio, vel iunipero, baccis iuniperi: Et modò dictæ plantæ carbonibus iniiciantur:aut suffitus modo antè dicto excitentur:modò his æger non offendatur,sicut hystericæ mulieres non quousis gratos odores ferre possunt:aut accendatur ignis ex ligno iuniperi,rorismarini, lauri,lauendulæ stipitibus. In nostris regionibus aër sat commodè in hypocaustis igne in fornace accenso alteratur. Diligenter quoque cauendum, ne manus & imprimis pedes refrigerentur.

Cibi condiantur saluia, roremarino, maiorana, hyssopo, fatureia, aromatibus. Auicennas, *lib.3. fen.tr.2.cap.12.* etiam allij esum commendat. Vitentur pisces. Vinum bibatur album,tenue,quod caput non replet: Etsi enim antiquum & generosum ad frigidam intemperiem corrigendam esset potentius; tamen quia caput replet & tentat, ab eo abstinentum:vel bibatur tenue vinum medicatum, vel mulsum ac hydromel supra descriptum. Vel paretur talis cereuisia:

℥.cinnamom. ʒ.ij. galangæ ʒ.β. baccar. lauri ʒ.β. caryoph. nucis moschatæ, granor. paradisi, cubebæ an. ʒ.ij.

Puluerisata includantur linteo raro & in vas cereuisiæ amphoras ij. vel iij. capiens coniiciantur.

Vigiliæ somnum superent, quemadmodum & corporis motus & exercitium quietem. Fricentur manè crura & pedes, ac vesperi cubitum iturus lauet pedes aquâ, in qua herbæ cephalicæ calidæ coctæ sint. Venus, ut & tristitia, timor, ac sollicitudo nocent, gaudium moderatum utile est. Exemplum talis intemperiei curatæ habetur apud Forestum, *lib.9. obseru.6.7.*



C A P V T III.

De Intemperie Cerebri humida sine materia.

Causæ.

*Intemperie
cere-*



Umida cerebri intemperiem excitant mora in aëre humido, pluuia & nix, si iis caput minus probe tectum

ctum

De intemperie cerebri humida sine materia. 37

Etum obiciatur : præsertim si caput post lotionem & ma- ^{bri humi}
defactionem non exsiccat : Lunæ radij , balneum aquæ ^{da.}
dulcis, vita otiosa & quies. Medicamenta humectantia tùm
externa, tùm interna: vt & cibus ac potus plurimum hume-
ctans : Somnus longus. Atque inducitur hæc intemperies
facilius iis, qui cerebrum natura humidius obtinent.

Verum humida intemperies capitis diu sola non persi-
stit, sed humores superfluos colligit, catarrhisque caput
obnoxium reddit.

Signa diagnostica.

Frons & facies est mollis, nares humidæ, & excremen-
ta narium & oculorum plura. Actiones animales omnes
hebetantur, præcipue si adsit vnâ frigoris excessus : Memo-
ria imprimis est labilis, adestque in somnum propensio, è
quo non ita facile expergiscuntur : Humiditas per se nul-
lum delirium parit: Præcesserunt etiam causæ modò enu-
meratæ: Delectant & iuuant siccantia, nocent humectantia.

Prognostica.

Deterior est excessus humiditatis, quàm siccitatis. Faci-
lius verò curatur humiditas cerebri, quàm siccitas. Siccantia
enim tutius adhibentur capiti.

Indicatio.

Cerebrum humidum siccantia requirit. Attendendum
tamen simul, quæ qualitates humiditati coniungantur. Ne-
que enim siccantia calida semper tuta sunt.

Curatio.

Quia verò humiditas plerumque frigiditati coniungi- ^{Cerebrū}
tur, aut cum materia copulatur, & calefacientia cerebrum ^{siccantia}
supra proposita omnia quoque idem siccare valent: Calefa-
cientia ea etiam hic in intemperie humida profunt, & qui-
dem omnia, si frigiditas cum humiditate coniungatur. Si
verò caliditas coniuncta sit, temperata eligenda, aut calidi-
tas frigidis admixtis, vt, rosæ, myrobalanis, coralliis, cornu
cerui, smaragdo, radicibus, quinquefol. tormentillæ; santa-
lo, myrtillis, nuce cupressi, & similibus temperanda : Pau-
ca ex iis hic quoque subiungemus. De quibus & hoc no-
tandum: non nimis odorata vsurpanda esse, quæ caput va-
poribus replendo καρβαρία inducunt.

Interna.

Medicamenta Interna.

Plurimum hic valet decoctum ligni Guaiaci & Sassafras & radicis Chinæ cum modico visci querni. (Alij in capite siccando non minorem efficaciam tribuunt decocto radic. quinq̄uefolij & tormentillæ, si ad modum decocti radic. Chinæ paretur & exhibeatur, vt & vino, in quo rad. pentaphylli & tormentillæ maceratæ fuerint) Castoreum, species diambra, aromatici rosati, theriaca, mithridat. sales theriacaes, confectio anacardina.

Externa.

Externa. Præter calefacientia supra proposita, herba & semen pastinacæ siluest. radix imperatoris, myrtus, myrtilli bacca, cineres calidi vino madidi commendantur.

Lotiones. Lotiones & embrochæ:

℥. Betonica, majoran. rosar. rubrar. calaminth. an. M. j. sem. pastinacæ sylu. 3. ℞. radic. cyperi 3. ij. flor. stoechad. Arab. P. ij. Concludantur in sacculo, qui coquatur in lixiuio pro lotionem capitis.

Embrocha.

Imprimis siccant Embrochæ ex thermis sulphureis & bituminosis, quæ non solum cerebrum siccant, sed & ita roborant, vt superflui aliquid facile non admittat. Vbi calefacientia minus tuta sunt, caput lixiuio, in quo flores rosar. rubrarum & folia myrti cocta sint, abluatur, & postea pannus fumigatus puluere rosarum rubrarum & styrace imponatur.

Cataplasmata. Vbi ob calorem siccantia calida adhibere non licet, commodissimum est cataplasma ex cochlearum carne (licet & totas cum testis contundere) in mortario minutim contusa, addito momento thuris & myrrhæ. Cochlearum n. caro superfluitatem ab intimis ad externa euocat, & ita internas partes quocumque humore grauatas siccatur: vt etiam docuit Galen. 11. de simp. med. facult.

Pulueres Cephalici: qui & capiti inspergi, & sacculis conficiendis materiam præbere possunt.

Vt ℥. Pulegij, calaminthæ. majoran. flor. stoechad. betonic. cortic. citri, gummi juniperi, caryoph. an. 3. j. F. Puluis.

Vel ℥. Stoechad Arabic. betonic. rad. poeonia, majoran. ligni aloës, caryoph. nucis moschat. an. 3. j. ℞. moschi, ambre,

an. ḡ. iij. F. Puluis.

Vel ℥. Gumm. iuniper. tacamahac. an ʒ. j. rosar. rubrar. corticum thuris, citri, caryoph. mastich. santalor. omnium, myrtill. an. ʒ. ʒ. F. puluis.

Antequam pulueres inspergantur, commodum est caput prius styrace liquidâ inungere.

Sacculi & Pilei.

℥. Betonica, majoran. rosar. organ. an. ʒ. ʒ. gummi iuniperi, tacamahacæ, thuris, mastich. an. ʒ. j. caryoph. nucis mosch. cupressi ʒ. ʒ. F. puluis crassus & cum sindone rubrâ cucupha.

Vbi calefacientia locum non habent, fiat sacculus ex rosif rubris, myrto, santalo rubro & coralliis rubris.

℥. Salis torrefacti ʒ. iij. milij torrefacti ʒ. iij. semin. melanthij ʒ. j. ʒ. Insuantur duobus sacculis lineis, qui capiti imponantur.

Et reliqua supra de intemper. Cerebri frigidâ proposita olea, linimenta, vnguenta emplastra, imprimis *Emplastrum de Betonica; ceratum cephalicum, de Euphorbio*: Et quæ infra in capite de Intéperie cum pituita proponétur.

Dietæ.

Aër eligatur naturâ ficcus, qualis est montanus, vel talis arte efficiatur. Idem sit luctidus & serenus: vitetur verò humidus, crassus, nebulosus, qualis est in conuallibus, circa paludes, & in locis subterraneis: caput à ventis muniatur. Inprimis venti australes vitentur, qui caput replent, ʒ. aphorif. 17. Vitentur & lunæ radij.

Cibus vim siccandi habeat: Eliganturque assâ potiùs quàm elixa. Condiatur aromatibus & herbis siccantibus cephalicis. Abstinentum à carne vitulina, agnina, & iuniorum animalium, cerebro, fructibus fugacibus.

Potus sit paucissimus. Præstantissima est in tali capitis affectu ea victus ratio, quæ præscribitur iis, qui decocto guaiaci, sarsaparillæ aut sassafras vtuntur. Imò & ipsum decoctum vtile est, cerebrumque valde siccet. Vigiliæ, quæ insigniter siccant, & ea de causa, edaces ab Hippocrate, 6. Epid. sect. 4. r. 18. aliis 20. nominantur, somnum, qui corpus & caput humectat, superent. Motus &

exercitium corporis otio præferatur. Caput diu pectinandum. Exemplum talis intemperiei curatæ est apud Forest. lib. 9. obseru. 9.



C A P V T I V.

De Intemperie Sicca sine materia, & Intemperiebus Compositis.

Causæ Intemperiei Sicca.

Intemperies sicca cerebri.

¶ Erebrum siccant calor solis, ignis, thermarum; cibi siccantes, omnes immoderatæ corporis euacuationes, per hæmorrhagias quasumque, alui fluxum, sudorem, venerem, vigiliæ nimia, inedia, animi perturbationes vehementiores, inprimis mœstitia & tristitia, animi intentio & studia nimia, labor, medicamenta siccantia immoderatè adhibita.

Signa diagnostica.

Capitis cutis est aridior, sensus acres, motus celeres, excrementa è naribus vel palato pauca profluunt, oculi caui sunt & aridi, tempora adstricta, frons intenta, facies tota squalidior, adsunt vigiliæ: præcesserunt causæ cerebrum siccantes, iuuant humectantia, nocent siccantia.

Prognosticum.

Siccitas cerebri, si non multum à mediocritate recedat, cæteris intemperiebus minus damni infert: si vero magnus sit siccitatis excessus, omnium deterrimus est, & difficulter curatur.

Indicatio.

Cerebri siccitas humectantia requirit. Attendendum tamen an caliditas vel frigiditas siccitati coniungatur, & pro qualitatibus harum ratione medicamenta varianda: simul etiam ad causam à qua siccitas inducta est, respiciendum. Si enim à tristitia & vigiliis ortum habeat, optimè ei opitulabitur somnus & animus hilaris ac curis vacuus: si ab inedia, venere, vel nimia euacuatione, succurret rectissimè plenior & boni succi victus.

Curatio.

De intem. sicca sine mater. & intemp. compos. 41

Curatio.

Medicamenta interna.

*Medica-
menta
cerebrum
hume-
stantia.*

Folia, Borraginis, buglossæ, lactucæ, maluæ.

Flores, Violarum, borraginis, buglossæ, nymphææ.

Semina, Papaueris, quatuor frigida maiora, lactucæ, maluæ.

Fructus, Poma dulcia & dulcacida, amygdalæ dulces.

*Medullæ, crurum vituli, spuma ex sero lactis, omentum ag-
ninum vel veruecinum in oleo chamæm. vel sambucino coctum
& capiti impositum, pulmo arietis calens, & catulus dissectus
capiti impositus, omentum veruecis. E quibus liquida tepida
applicentur, semel vel bis de die manè & vesperi pluribus
diebus, prout ex vigiliis & aliis symptomatibus id opus
esse coniicimus.*

Externa.

*Interna enumerata etiam extra adhibere licet : quibus
accedunt folia & semen Maluæ, violariæ, althææ, semen Cy-
donior. fœnugræci, lac, pinguedo gallinæ, butyrum recens
sine sale. E quibus fiunt*

Interna.

Decocta è plantis modo enumeratis.

*Aquæ destillatæ. Violar. borragin. buglossæ, lactucæ, nym-
phææ.*

Syrupi : Violar. Borragin. buglossæ, nymphææ, papaueris.

Iulepi : Violarum.

Conseruæ : Violar. borragin. buglossæ, nymphææ.

Condita, Caules lactucæ, radic. saryrj.

*Emulsiones : Amygd. dulc. seminum quatuor frigid. maior.
papauer.*

*Vt ℥. Amygdal. dulc. ʒ. j. ʒ. sem. quatuor frigid. maior. an.
3. j. papaueris 3. j. ʒ. aq. hordei simplicis ℔. ʒ. borragin. bugl.
an. ʒ. iij. fiat Emulsio. Cui adde Iulepi violar. ʒ. j. ʒ.*

Species : Diamargarit. frigid. diatragacanth. frigid.

Electuaria.

*℥. Conseru. violar. buglos. an. ʒ. j. lactucæ Italicæ conditæ
3. ʒ. specierum diamarg. frigid. ʒ. j. fiat Electuarium.*

Externa.

E quibus liquida tepida applicentur.

Epithemata : Ex succo vel decocto maluæ, althææ, borrag.

ex emulsione sem. papau. lactuæ, lacte : aquis humectantibus cephalicis

Vt ℥. Olei viol. amygdal. dulc. lactis muliebris, an. ʒ. vj. succi lactuæ ʒ. iij. Misceantur pro Epithemate frontis.

Vel ℥. Semin. papauer. albi ʒ. vj. lactuæ, cucurb. an. ʒ. iij. aq. violar. ʒ. vj. fiat emulsio, cui adde Mucilag. sem. psyll. aq. violar. & lactuæ extractæ ʒ. ʒ. Misce.

Vel ℥. Olei viol. ʒ. ij. aneth. ʒ. ʒ. album. ouorum bene conquassatorum, num. ij. lactis muliebris vel alterius ʒ. iv. Misce.

Lotiones & Irrigationes : cum decoctis humectantium herbarum ante propositarum, vel etiam lacte dulci.

Non vtendum hic lixiuio in lotionibus capitis, quia ficcet, sed lacte potius, quod humectat.

Vt ℥. Radic. althææ ʒ. j. Folior. althææ, maluæ, violarum, lactuæ, an. M. j. Flor. violarum, nymph. borragin. chamamel. an. p. j. Semin. lini ʒ. ʒ. papauer. ʒ. vj. Coque in aqua s. pro lotionem vel irrigationem capitis.

Oleum, Oliuarum matur. violar., amygd. dulc. nymphæ, sesaminum.

Linimenta.

Vt ℥. Olei violar. ʒ. ʒ. amygdal. dulc. ʒ. ij. pingued gal. lin. ʒ. ʒ. fiat linimentum.

Vel ℥. Mucilag. sem. malu. lini, foenugræc. psyll. an. ʒ. j. butyri recentis sine sale ʒ. j. ʒ. Medullæ crurum vituli ʒ. ij. cereæ quantum satis, fiat vnguentum molle.

Vel ℥. Radic. althææ ʒ. ʒ. Fol. violarum, branchæ vrsinæ, maluæ an. ʒ. j. Flor. rosar. albar. violar. nymphæ albæ an. p. j. semin cydon. ʒ. ij. Coquantur in aqua ad mollitiem & probè contusa per setaceum traiciantur. Adde medullæ crurum vituli, butyri sine sale, olei violar. an. ʒ. ʒ. cereæ parum. fiat vnguentum molle

Odoramenta : Ex floribus violarum, rosarum, nymphæ.

Errhina, ex iisdem, lacte, ol. violar.

In aures instillantur : Oleum violar. rosar. nymphæ, amygd. dulcium, sesaminum.

Lotiones pedum : Ex simplicibus modò dictis decoctis.

Dieta.

Vniuersa Diætæ ratio ad humidum vergat. Aër eligatur humidus, qualis est in conuallibus iuxta flumina, aut si talis natura non detur, plantis humectantibus sparsis concilietur.

Cibi sint boni & facili concoctionis: oua forbilia, pingua iuscula: carnes pullorum gallinaceorum, vitulina, hædinæ, elixæ potius, quàm assæ, pisces, butyrum recens: cibique alterentur lactuca, flor. violar. borragin. maluæ & similibus. Salis verò & aromatum condimenta, quantum fieri potest, vitentur. Conueniunt etiam amygdalæ dulces, passulæ, pruna, rapum. Vinum sit tenue & oligophorum, vel decoctum hordei cum glycyrrhiza & iulepo violar. aut cereuisia aliqua humectans.

Somnus sit longior. Vt enim vigiliæ caput & vniuersum corpus ficcant: ita somnus illud madefacit & humectat. Hic non inutile fuerit, in tali intemperie à coena lenia somnifera exhibere, vt lactucam, amygdalas dulces, vel earum lac, sem. papaueris.

Nec inutile est balneum aquæ dulcis. Vitetur Venus, labores nimij, ira, tristitia, nimia animi intentio: animum potius laxet æger.

Exemplum talis intemperiei habet Forest. lib. 9. obs. 8.

De intemperiebus capitis compositis sine materia.

Vt de intemperiebus compositis multa in specie addamus opus non est: cum ex iis, quæ de simplicibus dicta sunt, facile, quæ causæ, signa, curandique ratio compositarum sine materia sit, pateat.


Quæ enim causæ calefaciendi & siccandi vim simul habent, calidam & siccam intemperiem inducunt; quæ refrigerandi & humectandi, frigidam & humidam: quæ refrigerandi & siccandi, frigidam & siccam.

Cognoscuntur quoque hæ Intemperies eodem modo ex effectibus, causis, quæ præcesserunt, dispositione cerebri naturali, iuuantibus ac lædentibus. Nam si quis cerebrum sua natura frigidum & humidum habeat, eique causæ amplius refrigerantes & humectantes occurrant, & effectus ac symptomata adsint, quæ seorsim in vtraque intem

De intemperiebus capitis compositis sine materia.

intemperie sæpe diximus, verbi gratia ad somnum eumque profundiorē propensio; mentis stupor & ingenij tarditas, sensuumque inertia; calefacientia & siccantia profunt, humectantia & refrigerantia noceant: Ex his facile colligere est, adesse cerebri humidam & frigidam intemperiem. Contraria apparebunt, si calidum & siccum fuerit.

Curandique ratio quoque ex superioribus patet. Prouer enim hæ vel illæ qualitates coniunguntur: ita medicamenta contrariis qualitatibus prædita eligenda & miscenda sunt. Et prout vtraque qualitas vel vna magis excedit: ita contraria vsurpanda, quæ vel æqualem vim obtinent, vel ita temperanda, vt medicamenta contra eam qualitatem, quæ magis excedit, magis pugnet. Sæpè tamen medicamentum vnum duabus qualitatibus resistit simul, & quæ calefaciunt, ferè omnia etiam siccant. Exemplum intemperiei cerebri frigida & humida, cum pituita habetur apud Solenandr. *sect. 1. consil. 2.*



C A P V T V.

De Intemperiebus capitis cum materia in genere.

*Intemperie
ries capi-
tis cum
materia.*

Plerumque verò cum Intemperie materia coniungitur, quæ eam vel excitat, vel fouet: eaque est vel humor, vel vapor.

Materia autem hæc in capite vel generatur & cumulat, vel aliundè transmittitur: Cumulatur in capite ex imbecilla vel vitiosa nutrimenti concoctione ob cerebri partium & capitis *assensum & duorum*, quæ plura, quàm par est, excrementa proueniunt. Nam etsi alimentum, quod ad caput alendum distribuitur, bonum sit, tamen si coctio in capite rectè non fiat, multa excrementa cumulantur. Aut quod excrementa ob crassitiem, copiam, meatuum angustiam, expultricis debilitatem expelli non possint. Materia verò extra caput genita; seu ob cibos vitiosos, seu ob errorem coctionis primæ aut secundæ, ob quem mul-

ta excrementa generantur, ab inferioribus ad caput fertur, vel transmissa à partibus aliis robustioribus ad caput imbecillum, præcipuè frigidum & humidum; vel eò attracta à calore aut dolore, vt & vocis intentione & clamore, tubarum inflatione, vomitu, quæ omnes causæ humores & vapores ad caput alliciunt idque replent. Nimirum omnes ferè capitis affectus proueniunt, vel à capitis imbecillitate, vel à partium inferiorum repletionem & cacochymia. Si enim caput vel à primo ortu imbecillum sit, vel ex aliquo incommodo, vt vulnere, casu, contusione, externisque aliis iniuriis, vigiliis, animi affectibus debilitatum sit: faciliè ex affluente alimento etiam bono multa excrementa cumulat.

Deinde ob prauam victus rationem, ob viscerum ventriculi, hepatis, lienis, vteri, &c. intemperiem, & hinc dependentem vitiosam alimentorum concoctionem prauum humores in corpore cumulari solent, qui facili de causa ad caput, præcipuè verò si debile sit, feruntur.

Quò etiam faciunt suppressæ consuetæ euacuationes mensium, hæmorrhoidum, vel quod vlcus, aut fistula aliqua, quæ diu vitiosos humores effuderunt, suppressa est.

Non prætereundum & hoc de morbis intemperiei cum materia, cum ex Astrologorum sententia Luna cerebro maximè præsit, & ipsa experientia teste, secundum luminis Lunæ augmentum & decrementum, humores decrescant, vel augeantur, morbos cerebri secundum Lunæ *φάσις* non parum mutari, & nunc augeri, nunc minui.

*Luna in
cerebri
morbis
vis.*

Signa Diagnostica.

Qua ratione a. intemperies cum materia ab intemperie sine materia discerni possit, supra cap. 1. dictum. Forestus equid. lib. 9. obseru. 10. etiam quædam signa communia intemperiei cum materia recenset: verum non capitis illa propria sunt, sed intemperiei cū materia in toto corpore.

Signa autem, quibus an per se, an verò per consensum afficiatur cerebrum discernere licet, nonnulli ex Galen. 1. de loc. aff. cap. 9. & 1. prorrh. comm. 1. text. 3. ad tria capita redigunt.

*An cere-
brum per
se, an per
consensu
afficia-
tur.*

Primò considerare iubent, an omnia symptomata quæ affectum illum comitari solent, quæque sunt. veluti characteristica, exactè adsint. Si enim adfuerint, proprium esse capitis affectum indicio est: Si non omnia affuerint, per consensum esse argumento est.

Deinde considerare iubent, an ea symptomata quæ affectum illum significant, sint perpetua & continuò molestant. Hoc enim, si fiat, signum est primarium esse capitis affectum: Si verò interdum intermiserint per consensum caput affici significatur.

Tertiò perpendendum monent, an alia pars prius fuerit affecta, antequam caput laborare coepit. Nam si nullus præcessit alterius partis affectus, primariò caput affici putandum est. His tamen alia quædam addi possunt; & signa, quibus discernitur an caput primariò, an per consensum afficiatur, omnia hæc sunt. Si per se caput afficiatur, natiua ad tale malum est propensio; nullum in aliis partibus, quæ cerebrum in consensum trahere possunt, adest vitium; Antecesserunt causæ, quæ potissimum caput afficere aptæ natæ sunt; ea, quæ capiti soli adhibentur, & applicantur, prosunt vel nocent; & symptomata & affectus in cerebro primariò conspiciuntur; affectusque ferè continuus est. Fieri enim potest, vt materia per intervalla in capite generetur, atque ita affectus, qui inde dependet; non continuus sit; Contrà continuus esse potest, si genita extra caput in reliquo corpore materia continuò ad caput feratur. Ideoque huic signo soli non fidendum, sed alia etiam coniungenda sunt. Si verò antecesserunt causæ, quæ vel totum vel partem aliquam læserint, & in toto, vel ventriculo, hepate, corde, vtero vel alia parte aliquis morbus apparet, ad cuius ortum, augmentum & decrementum etiam morbus in capite initium trahit, augetur, & decrescit, ac proinde non semper continuus est, sed si morbus vel remittit vel intermittit, & ipse remittit & minuitur, vel cessat, ac iisdem præsidis & morbo capitis & parti in reliquo corpore affectæ succurritur, & symptomata non solum in facultate animali læsa, sed & alia partis illius, à qua cerebrum in consensum

sum trahitur , adfunt : cerebrum per consensum affici indicatur.

Notandum tamen hîc , quoque aliquando fieri posse , vt capitis affectus cum alterius partis affectu inualeſcat & cum eo leuetur , nec tamen ab illa parte per consensum afficiatur. Quod accidere potest, si ex eadem parte & fonte materia in partes plures simul influat ; dolor tamen in parte , quæ materiam mittit , non percipiatur. Ita 6. *Epid. com. 4. text. 4.* Agesijs filia cum doleret ipsi coxendix, correpta fuit asthma ; dolore sedato suspirium sedabatur : nulla tamen hic inter thoracem & coxendicem fuit sympathia , sed ab eodem loco , eodem tempore , in vtramque partem humor influebat , & ibidem eodem tempore dissipabatur & retrò cedebat. Ideoque hîc diligenter inquirendum , an pars illa , quæ simul cum capite affligitur , primariò affecta sit , & materiam capiti communicet , an verò illa aliunde eam suscipiat.

Obseruandum & hoc , non semper statim affectu , cuius consensu caput afficitur , remittente , etiam materiam & dolorem in capite euanescere. In febribus enim intermittentibus quandoque , cessante paroxysmo , nihilominus per aliquot horas adhuc dolor in capite perseverat ; quod accidit , quod propter cranij densitatem in capite tardius materia , quàm in reliquo corpore , discutitur. Summa : per essentiam , vt loquuntur , caput afficitur , si nullum extra caput est vitium , & adfunt signa capitis per se affecti ; per consensum verò si nullum vitium sit in capite , ob quod materia generetur , sed solùm extra caput.

Transmittitur autem illa materia , qua cerebrum per consensum afficitur , vel à toto corpore , vt in febribus vapores , in plethora sanguis , in cacochymia pravi humores : vel ab aliqua parte , & frequentissimè à ventriculo , è quo per œsophagum vapores sursum ad caput ascendant : ab hepate item ; corde , liene , pulmone , vtero , renibus , vesica , intestinis ; imò externis artubus per venas , arterias , neruos , & occulta quæque corporis spiracula. Caput enim veluti tectum fumosæ domui impositum excipit , quæcumque ab imo effumant , sursumque feruntur.

tur. Cum autem materia hæc, vt dictum, sit vel humor, vel vapor, & humor rursus vel sanguis vel bilis, vel pituita, vel bilis atra, vel melancholia: de iis ordine dicemus, quatenus quidem intemperiei solùm cum materia causæ sunt.

*Humores
quot mo-
dis cere-
brum p.
n.afficiat*

Nam humores cerebrum & membranas occupantes duplici ratione iis damnum inferre possunt, vel dum ipsa quasi perfundunt & irrigant, ac hoc modo eorum temperamentum immutant, dum scilicet per venas delati cerebro eas, quas habent, qualitates imprimunt; vel dum extra vasa elapsi, in spatia inania & poros ac meatus cerebri & membranas eius effusi, ea in tumorem attollunt. De posteriore suo loco: iam de intemperie solum, quam humores excitant, dicemus.

Prius tamen generatim quædam præmittenda, & primò quidem dicendum, qua ratione, an cum flatu & vapore, an vero cum humore sit intemperies, cognosci possit, & quæ generalis intemperies capitis cum materia curandi ratio sit.

*Cerebri
à flatu
affecti si-
gna.*

Primum quod attinet, si cum flatu vel vaporibus sit intemperies capitis, adest tensio capitis sine grauitate, & punctio per interualla, sonitus aurium, & sæpe vertigo, præcessit diæta flatus generans, ægerque ab iis, quæ flatus discutiunt, emolumentum percipit.

*Cerebri
ab hu-
more af-
fecti si-
na.*

Cum humore si sit intemperies, percipitur sensus grauitatis, tensio est stabilis, nec ita de loco in locum mouetur.

Si vapore aut flatu caput afficitur, cum is mobilis sit, ab inferioribus partibus eum capiti communicari, idque per consensum ferè affici suspicio est: quamquam interdum etiam flatus in ipso capite sine affectu partium inferiorum generari possit.

Si caput ab humore crasso, pituita aut melancholia afficiatur, cum hi humores non ita mobiles sint, neque ab inferioribus ad superiora faciliè adscendant, in ipso capite genitos fuisse & cumulosos plerumque est indicio. Tenuis verò, vt sanguis & bilis, plerumque ab inferioribus transmittuntur.

Curatur intemperies cerebri cum materia, materiae euacuatione; & intemperiei, seu simplex sit, seu composita, per contraria alteratione. A materia tamen euacuatione semper incipiendum: cum impossibile sit, intemperiem capitis tollere, materia, quæ eam fouet, adhuc in eo hærente.

Semper tamen totius corporis prius habenda est ratio, neque caput commodè euacuatur, nisi prius totum corpus euacuatum sit. Ideoque à corporis vniuersi euacuatione, si necessaria ea sit, curatio inchoanda, & vel sanguis, si abundet, imminuendus, vel cacochymia euacuanda, ne materia superflua ad caput affectum, quod facillè fieri potest, affluat. Et Clysteres nunquam in morbis capitis sunt prætermittendi; quia non tantum fumos & vapores reuellunt, sed etiam à cerebro ipso consequutione quadam attrahunt.

De vniuersi tamen corporis purgatione ex iis, quæ in genere de purgatione rectè instituenda præcipi solent, hoc repetimus & monemus, semper attendendum esse, an affectus sit sine febre, an verò cum febre, atque ita cruditatem coniunctam habeat. Nam si sit sine febre, quouis tempore (præparantia tamen quædam præmittere nihil prohibet) purgantia exhibere licet, & quidem etiam paulò fortiora. Si verò febris coniuncta sit, attendendus aphor. Hippocr. 22. sect. 1. *Concocta medicari oportet, non cruda, nisi materia turgeat.*

Postea videndum, an materia in cerebro cumulata & genita sit, an verò aliunde trāsmittatur. Quid agendum sit, si aliunde trāsmittatur materia, sequenti capite dicetur. Si materia in ipso capite cumulata sit, primò ea ipsa euacuanda, postea caput roborandum.

Euacuatur autem caput priuatim; aut per modum & vias sensibus manifestas, aut insensibiliter. Sensibilis euacuatio fit per duas præcipuè vias, per palatum & nares, per quas natura, quam sequi decet, & ipsa caput plerumque expurgare solet. Nam quamuis natura quandoque etiam per aures caput purget: tamen id rarius est, & non nisi in

grauissimis morbis accidit, vt in internis inflammationibus, sanguini & pure circa cerebrum collecto. De his viis omnibus Hippocr. 6. aph. 10. Caput, inquit, dolenti & vehementer laboranti, pus vel aqua vel sanguis per nares, aut os, aut aures effluens morbum soluit. Multò minus per oculos euacuare licet; quam viam natura vel errans, vel vt maius malum præcaueat, quandoque eligit, ne cæcitatem, aut aliquod aliud visus vitium inducamus; cerebro verò parum profimus.

Inter istas tamen duas vias, nisi quid obftet, ea, quæ per palatum fit, commodior est. Natura enim ipsa solam hanc viam molita est, & in sano homine, per infundibulum in palatum euacuatio cerebri ferè sufficere potest. Nasus verò naturæ consilio odoratus & respirationis gratia præcipuè factus est. Vbi tamen maior est excrementorum cerebri copia, natura hac via sæpè abutitur. Præterea per palatum via securior est, neque ita ista euacuatione cerebrum concutitur, ac ea, quæ fit per nares, cerebrumque commotum maioris sæpe mali causa esse potest, dum in cerebro euacuando aberrans natura, ad partem aliquam principalem humorem transmittit.

Potentius tamen, vbi iis tutò vti licet, errhina humores commouent, cum non solum medicamenti qualitas, vel vapor, vt in apophlegmatismis, sed & ipsa eius substantia cerebrum stimulet. Neque tamen hi duo modi caput priuatim euacuandi in quouis humore & eadem ratione locum habent. Nam apophlegmatismi, vt ipsum nomen indicat, iis affectibus competunt, qui à pituita & frigido humore ortum habent; non verò iis, qui ex sanguine feruentiore vel bile proueniunt. Ideoque de apophlegmatismis suo loco, vbi de intemperie capitis cum pituita agemus, dicetur. Hoc saltem hic in genere de iis monemus, vt ad masticatoria, sic & ad apophlegmatismos ea eligantur, quæ nec odore nec sapore sunt insuauia, nihilque maligni habent, ne vel cerebrum vel oesophagum offendant.

Errhina verò in omni humore locum habent: alia tamen in alio, vt suo loco patebit. Quare de Errhinis hic aliquid addemus.

De intemperieb. capit. cum mater. in genere. § 1

Errhina.

De Errhinis autem in genere Institut. lib. 5. par. 3. sect. 3. *Errhina,*
cap. 30. diximus : hîc saltem de iis, quatenus caput euacuâ-
di vim habent, agendum. Euacuant verò Errhina præci-
puè excrementa circa anteriorem cerebri partem hæren-
tia, & quæ circa cerebrum eiusque meninges colli-
guntur : non verò ea, quæ in posterioribus ventriculis; nisi
forſan ſternutatoria cerebri totū vehementius concutiant.
Hinc Errhina in omnibus ſoporofiſ affectibus & ſenſuum
ſtupore vtilia ſunt, & internis doloribus proſunt, & ſternu-
tatoria catarrhos, qui in fauces irruunt, potèter reuellunt.

Medicamenta autem Errhina duplicia ſunt : alia pecu-
liari vi humores trahunt : alia facultatem expultricem ſo-
lū irritant, vt ipſa ſponte cerebro concuſſo humores vi-
tioſos eiiciat, quæ in ſpecie ptarmica & ſternutatoria di-
cuntur. Prioris generis rurſum duplicia ſunt : quædam
enim calore aperiunt funduntque humores, ac detergent,
vt *succus betæ, ſuccus calaminthæ montanæ, ſuccus bederæ, ſe-
men nigellæ, maiorana, pulegium* & alia odorata. Quibus
tamen vtendum non eſt in ea catarrhi ſpecie, quæ coryza
appellatur, ne dilatatione maiore partibus, & tenuitate hu-
moribus inducta maior fiat fluxio, humorque tenuior &
acrior reddatur. Alia non ſolū acrimonia & calore, ſed
etiam tota ſubſtantia excrementa a cerebro alliciunt, vt
*agaricus, turbiſ, colocynth, cyclamen, elaterium, elleborus al-
bus & ſimilia.* Quæ verò cerebrum irritando euacuationis
cauſa ſunt, cum dictis quidem modò multum conue-
niunt, acriora tamen ſunt & tenuiora, vt ad ipſum cere-
brum penetrare poſſint, qualia ſunt *ſaponaria, raidæ ari, pi-
per album, zingiber, pyrethrum, caſtoreum, euphorbium, ellebo-
rus albus,* qui vtramque vim habet. Quomodo autem in
ſpecie parentur Errhina in Inſtit. loc. alleg. dictum.

Liquida in nares ex vola manus attrahuntur, vel ſupi-
no corpore naribus infunduntur; ore tamen prius vino
vel aqua impleto, ne liquor per palatum in os influat :
quanquam, quod ſic influit, etiam humores efficaciter per
fauces educit. Formulæ verò poſteà ſuis locis proponètur.

Cauendum tamen ab errhinorum uſu dum oculi ſunt

quando
abstinen-
dum.

affecti, vel nares vlceribus obnoxia (errhinis scilicet, quæ vim euacuandi habent : vlceribus enim dicata tunc profunt) dum orificia venarum in naribus laxa sunt, vt hæmorrhagia ex irritatione metuenda sit, aut dum vertigini homo est obnoxius : cum sternutatoriis cerebrum vehementius concutiat & facîle vertigo excitetur ; & tunc potius Apophlegmatismis vtendum. Post errhinorum verò vsum lacte vel oleo violarum nares eluere non inutile est, vt tollatur, si quid acedinis & acrimonia est relictum.

Fōticuli
in morbis
capitis.

Nisi tamen hæ viæ sufficiant, & malum pertinacius sit, ad materiam euacuandam adhiberi possunt sinapismi & vesicatoria capiti applicata, quibus cutis exulceratur & sensibilibiter humor effunditur. Et tandem vbi reliqua non sufficiunt, cauteria, quæ in vertice ad futuram coronalem, vel inter primam & secundam ceruicis vertebam, vel medicamento caustico, vel ferro ignito excitantur. De quo mox, *quæst.* 3. dicetur. Sunt enim cauteria aut fonticuli potius per cauteria excitati materia auxiliij sensibilibiter euacuantis, quod indicatur ab humore, qui sensim gignitur & morbum diuturnum excitat. Talem materiam fonticuli continuò euacuant ; modò vnus, modò plures, prout materia paucior vel copiosior fuerit. Et quidem prout materia est euacuanda vel reuellenda vel deriuanda : ita etiam in hoc vel illo loco fonticulus excitandus. Nam si simpliciter reuellenda est materia, in partibus infra caput, vt capite sequenti dicetur, fonticulus excitandus. Si euacuanda, reuellenda seu deriuanda, in occipite : si simpliciter euacuanda, in futura coronali : modò id sine periculo fieri possit, de quo *quæst.* 3. dicetur. Neque solùm è capite materiam euacuat vlcus cauterio in occipite excitatum, sed etiam quæ ad pectus ruit intercipere valet.

Setaceū.

Cauterio non minorem vim euacuandi habet setaceum : Imò verò maiorem cum per foramina duo plus euacuet quàm per vnum ; neque ita commodè pila eo loci in fonticulo gestari possit. De quo in *Inst.* 1. 5. par. 1. sect. 2. cap. 7. satis dictum. Videatur Hieronym. Fabric. tit. de setaceo parando. Auicennas, lib. 3. sen. 1. tract. 2. cap. 33. etiam ad interceptionem vaporum, qui per arterias cum sanguine arterioso adscen

adscendunt, proponit incisionem arteriarum in temporibus, vel aduersionem earum per cauteria, modumque & ea, quæ in tali operatione necessaria sunt pluribus describit. *Arteria inciso.* Idem eodem in loco plura cauteria præscribit, & præcipit vt tria cauteria supra medium capitis applicentur, vt e cerebro humores extrahantur: duo super tempora, quibus via humoribus & vaporibus ab inferioribus ad superiora ascendentibus intercipiatur, Vnum in nucha seu posteriore capitis & colli parte. Verùm non sine causa addit *in comm.* Iacob. de partibus, cum plerique ægri vix suaves medicinas admittant, quis toties se vstulari sinet? ideoque consulit, ne medicus tot cauteriis vti attentet, nisi instantè ab ægro & amicis postulentur: cum incertum sit, an eorum usu malum sit cessaturum, & metuendum sit, ne sanatis vlceribus malum recrudescat.

Insensibilis capitis euacuatio fit per inconspicuos tum cutis, tum partium subiectarum meatus, præsertim verò per futuras. Fitque adhibitis eo loci topicis remediis digerendi, discutiendi & exsiccandi vi præditis, quæ supra *cap. 3. de Intemperie capitis humida* proposita sunt. Eligenda tamen semper ea, quæ natura humoris & intemperies coniuncta postulat: & in Intemperie humida & frigida; siccantia calida: In materia verò calida, quæ sine calore siccant, vsurpanda. Atque ita humor, qui in capite hæret, euacuandus apophlegmatismis, errhinis, sternutatoriis, sinapismis, vesicatoriis, cauteriis, reliquisque insensibiliter discutiendus, & exsiccandus.

Tandem dum caput euacuauatum est, vel etiam dum euacuatur, intemperies, quæ superest, vel quæ materia coniuncta est, corrigenda per contraria. Vbi semper cephalica supra proposita in intemperie sine materia eligenda; sicut eadem quoque purgantibus immiscenda sunt. Quomodo autem capitis per contraria alteratio fieri debeat, ex superioribus, quæ de intemperiebus sine materia dicta sunt, patet. Ideoque quæ intemperiei, quatenus talis, debeatur curatio, ex superioribus petatur: In sequentibus verò præcipue, quid materia intemperiei coniuncta requirat, docebimus.

Faciemus autem initium de intemperie capitis cum materia per consensum : vbi generales reuellendi ; deriuandi , repellendi à capite leges trademus : reliqua, quæ materiæ in capite contentæ debetur curatio , communis est in capite genitæ vel cumulatæ & aliunde communicatæ.

Q V Æ S T I O I.

An pilulæ commodius , quàm aliæ formæ medicamentorum , ad caput euacuandum vsurpentur.

An pilulæ commodius è capite euacuetur, quàm aliæ medicamentæ.

Vulgata apud plurimos practicos est sententia , pilulas commodius , quàm Electuaria vel potiones , in capite purgando exhiberi , quòd fortius à capite & remotioribus attrahant ; idque ideò , quod diutius in ventriculo morentur. Verùm hoc quidem concedimus , pilulas ad caput purgandum efficaciter exhiberi , sed non faciunt hoc propter formam , verùm quia è fortioribus medicamentis constant. Quod autem propter formam ad caput purgandum , quàm aliæ medicamentorum formæ vtiliores sint , parum rationi consentaneum est , & ex falsa hypothesi nata est hæc opinio , quo scilicet medicamenta in ventriculo hærentia vitiosos humores è reliquo corpore ad se trahât. Neque enim medicamenta purgantia ad se in ventriculo humores trahunt (aliàs enim extrà vmbilico & ventri applicata , manibus tractata aut naribus ad olfaciendum admota non purgarent) sed quia sui aliquid in corpus transmittunt , quod humores peculiari vi & singulos humores determinata fermentat quasi & quietos commouet ; vnde facultas expultrix irritata & stimolata humores vitiosos cum medicamento purgante per aluum expurgat. De quo videantur Institut. lib. 5. par. 1. sect. 1. cap. 11.

Q V Æ S T I O II.

Quo tempore pilulæ ad caput purgandum sint vsurpandæ ?

Quo tempore pilulæ ad caput purgandum exhibendæ.

Non omnium eandem de tempore exhibendi pilulas fortiores ad caput euacuandum esse sententiam , qui scripta Medicorum seculorum superiorum legit , facillè animaduertit. Plerique in ea fuerunt sententia , quam etiam in praxi ipsa secuti sunt , pilulas , quæ ex capite fortius trahere debent (nam de lenioribus , & quæ saltem primas

vias

vias euacuant, hîc quæstio non est, eaque citra contro-
uersiam hora vna ante cibum sumi debent) vna atque al-
tera hora post coenam, exhibendas esse, ea procul dubio
ratione persuasi, quod crediderunt, cum cibi vaporibus
vim medicamento facilius ad caput adscendere, atque ita
fortius à capite attrahere. Verum posteriores Medici non
sine causa huic opinioni contradixerunt, & rectè olim iam
etiam Paulus Ægineta *lib. 7. cap. 4. scripsit*; qui vesperi
medicamentum purgans exhibent, aut à cibo, noxam in-
ferunt; quippe alimentum corrumpunt, minusque eua-
cuant. Et reuera si coctio nondum sit absoluta, alimentum-
que distributum, concoctio turbatur, minusque, quàm
par est, operatur medicamentum, cibo, à quo eius vis re-
tunditur, permistum. Cibus quoque nondum integrè co-
ctus ad venas cum medicamento purgante rapitur, humo-
resque vitiosi, qui purgante medicamêto attrahuntur, chy-
lo permiscuntur, eumque inquinant. Ideoque commodis-
simum tempus exhibendi tales pilulas, vt & alia purgantia
medicamenta, est matutinum, vbi concoctio iam absoluta
est. Neque ratio quæ illos mouet alicuius momenti est.
Nam humores vitiosi à purgante medicamento moti ad
vias euacuationis non per œsophagum, per quem vapores
ad caput præcipuè adscendunt, sed per venas perue-
niunt: ideoque commodissimum purgationis tempus est, si
viæ illæ omnes liberæ sint, & coctio in ventriculo absoluta.

QVÆSTIO III.

*Cui loco ad caput euacuandum cauteria in capite appli-
canda sint?*

Duo loca, in quibus cauteria ad materiæ in capite
euacuationem applicantur, à plerisque medicis nominan-
tur, occiput, & synciput seu futura coronalis; & de priore
quidem loco nulla lis est, etsi vt antea dictum, nō ita com-
modus videatur, & setaceum ei præferendum sit. De loco
verò in syncipite seu futura coronali Medici dissentiant.
Plurimi quidem fonticulos, qui in capite ad futuram co-
ronalem, qua sagittali committitur, excitantur, multum fa-
cere ad eliciendos, reuellendos, euacuandósque humores,
qui intus in capite sunt, ne detenti, aut deorsum descen-

*An cau-
teria su-
tura co-
ronali
adhiben-
da.*

dentes varias corporis partes afficiant, statuunt; & hinc imprimis ad capitis morbos frigidos & humidos, vt dolorem capitis, vertiginem, somnum profundum, paralyfin, & ad morbos, qui ex detentis in capite humoribus, & ex fluxu eorum ad oculos, nares, aures, columellam, fauces, dentes, pectus, articulos, vtiles esse tradunt, & quidem quinque de caussis, vt Hieron. Fabricius ab Aquap. *de operat. Chirurg. cap. de fonticulo in sutura coronali*, docet. Primò, quia hoc in loco facilius detinentur gestanturque fonticuli: Secundò, quia anterior capitis pars humidior est posteriore, & propterea majore humorum euacuatione indiget: Tertiò, quia hic locus minus durus & ad exhalationem humorum aptior est: Quartò, quia laxior & rarior est quam cæteræ partes: Quintò, quia ibi adest vena interius per futuras penetrans, in nonnullis per caluariam insculpto in ea foraminulo, qua caluaria combusta & aperta humores multi è penitioribus partibus profluunt: cuius rei exemplum ibidem adducit Fabricius, & propterea de loco illo exactè inueniendo ibidem pluribus agit. Alij inter quos Montanus *consil. 36. 143. 170.* Hieron. *Mercurialis tom. 3. cons. 3.* Fab. Pacius *in lib. 5. method. medendi ca. 13. & in appendice ad lib. 7.* Lud. Septalius, *animaduers. medic. lib. 6. num. 107.* (qui testatur, se 40. annis, quibus Medicinam Mediolani fecit, nullum vidisse, qui ex hac cauterij applicatione quid commodi perceperit, aliquos verò in periculum inflammatione excitata coniectos fuisse,) Zechius *in consultationibus medicis, consult. 75.* & alij cauteria huic loco applicata improbant, ideò præcipuè, quod cum summo periculo coniunctum sit hoc auxilium. Cum enim os hoc loco sit tenuissimum & durior membrana, per fibras, nervos, arterias, venas, pericranio connectatur, ignito ferro facilè inflammari & cerebrum in consensum trahi possit. Refert idem Zechius, *consult. prima*, pistorem quendam Bononiæ ab inustione hoc loco facta in phrenitidem eadem die incidisse, ideòque idem in loco cauterij applicandi inueniendo manus radicem summis naribus, non autem ad superciliarum inter medium applicare iubet. Secundò, quod difficile sit, humores in capite latentes, suapte natura deorsum

deorsum inclinantes sursum per futuras euocare. Et omnino hisce authoribus subscribo, & cum Zechio sentio, si ob euocandam ex alto materiam in cerebro hærentem & cerebrum siccandum roborandumque, destillationem, quæ *ἀπορροή* in fauces aut thoracem ruit, cohibendam, aut symptoma aliquod, quod subito exsiccare iubet, quemadmodum in apoplexia & lethargicis affectibus fieri solet, vltio necessaria sit, vnicam eamque superficialiariam & cutaneam sufficere; & tum tamen etiam cum summa cautione, ne cerebrum vltione illa lædatur, instituendam esse. Vbi verò fonticulum excitare, eumque diutius apertum seruare animus, quo humores vitiosi à cerebro auertantur, potius in capitis parte posteriore inter secundam & tertiam vertebam cauterium applicari potest; cum eundem vsum præstare possit; & sanè minore periculo applicari queat. Etenim cauterium anteriori parti capitis applicatum, non tam ex ipso cerebro, quam ex illa vena, quæ eo loci ad cerebrum tendit, cuius mentionem fecit Hieron. Fabricius ab Aquapendente, euacuare, atqui ita humorum affluxum ad cerebrum potius impedire, quam è cerebro euacuare videtur. Cum verò idem fonticulus in occipitio vel setaceum excitatum, & quidem sine periculo minore præstare possit: meritò ad ista potius, vbi necessitas postulat, confugiendum videtur.



C A P V T V I.

De Intemperie Capitis cum Materia per Consensum.

Atis autem frequens est hæc intemperies, & hoc nomine omnem illam intelligimus, vbi caput à materia in partibus inferioribus generata, & ad caput adscendente afficitur. Capiti nimirum supremo corporis loco *Intemperies capitis per consensum.* posito idem accidit, vt supra quoque dictum, quod in turgurij tecto, ad quod fumi & vapores omnes feruntur: & præterea per venas arterias & nervos, quos in omne cor-
pus

*Capitis
cum vē-
triculo
cōsensu.*

pus distribuit, cum omnibus ferè partibus consentit. Nam quicquid vaporis vel humoris in venis & arteriis est, vel ab aliis partibus hepate, liene, corde, vtero, in eas effunditur, id omne liberè ad caput moueri potest. E ventriculo verò non solum per latam & patentem viam vapores ad caput adscendunt, sed & per nervos sextæ coniugationis cerebrum cum ventriculo cōsensum habet maximum. Rondeletius, *method. curandi morb. cap. 5.* etiam per arterias & venas, quæ à vena porta originem trahunt, & exteriori ventriculi tunicæ inferuntur, materiam ad caput ferri posse docet. Et quidem cum è ventriculo materia cerebro communicatur, fit hoc, vel quia cibus est copiosus, & crudus, vel corruptus in eo continetur, vel quia humores vitiosi in eo abundant, vel quia venenum sumptum est.

Cum intestinis.

Ab intestinis etiam materia quandoque capiti communicatur, cum scilicet vel vermes in iis delitescunt, vel humores vitiosi in iis hærent; vel fœces & excrementa præter modum & tempus retinentur, vnde vapores multi

Cum liene.

ad caput eleuantur. A liene per arteriam magnam inprimis materia ad caput transmittitur. A renibus per arterias

Cum renibus.

& venas. E pulmone per asperam arteriam halitus & vapores ad caput adscendunt. Vterus quoque, præter vasa, per quæ cum cerebro consentit, vinculis spinæ robustissimis alligatur, & per ea cerebrum facilè in consensum trahit. Consentit quoque cerebrum cum septo transuerso.

Cū pulmone.

Cum vtero.

Cū diaphragmate.

Cum externis

partibus.

Ab extremis etiam partibus per nervorum ductum sæpe materia ad caput adscendit. Materiam tamen potius per vasa, venas, & arterias communicari. Qui verò per nervos & spinalem medullam fit consensus, eum potius propter condolentiam fieri nonnulli censent, cum pars ab acrimonia vel multitudine humorum vellicata eam, cum qua communicationem habet, in consensum trahit. Quod vt facilius, & expeditius fieri posse omninò concedendum: ita planè negandum non putarim, aliquid etiam materiæ per nervos sextæ coniugationis & spinalem medullam cerebro quoque communicari: cum manifestè in Epilepsia id fieri videamus, in qua aura venenata sæpe ab extremis

tremis partibus per neruos vsque ad cerebrum adscendit.

Signa Diagnostica.

Quomodo in genere, an cerebrum per consensum afficiatur cognosci possit, præcedenti cap. explicatum est. In specie, si afficiatur consensu totius corporis, totius corporis affecti signa aderunt, vt plenitudo, & suppressa aliqua euacuatio, febris, crisis, menstrua purgatio. In hisce enim omnibus cum humores in corpore turbentur, caput aut vaporibus, aut sanguine, & sæpè cum eo vitiosis humoribus repletur, & hisce malis sublatis capitis affectus cessat.

Signa capitis per consensum affecti.

Si à ventriculo cerebrum in consensum trahatur, eius affecti signa adsunt; praua concoctio, ob ventriculi debilitatem, aut cibum ac potum vel copiosum, vel vaporosum assumptum, cibi fastidium, nausea, ructus, ventriculi morsus & conturbatio. Interdum diaphragmatis compressio, & anhelitus difficultas ex materia flatulenta in ventriculo contenta. Et quidem si cibus crudus & copiosus sit in ventriculo, ex antecedente diæta id cognoscitur. Si verò cibus corruptus sit in ventriculo, adest nauseabunda satietas, ructus foetidus, fumosus, acidus, ventriculi morsus & circa præcordia dolor & anxietas, appetitus deiectio. Si materia biliosa sit, & in ventriculum aliunde effundatur, vt in pichrocholis, ascensus ille vaporum in caput sedatur humore prauo benigniore cibo depresso & mitigato. Augetur vero, cum ventriculus cibo est vacuus, & post somnum ac præcipuè inedia, cum tum temporis bilis liberè ad ventriculum effundatur & ad caput fumos mittat; à cibo verò vapores illi deprimantur & acrimonia mitigetur, modo æger, cibus boni succi, non acribus, qui acrimoniam bilis augere possunt, vtatur. Ructus, si accidunt, sunt fumosi & amari, bilis quandoque vomitu reicitur, oculis *μαρμαρυγαι* interdum obuersantur. Qui verò à pituita excitatur excitatur affectus, ventriculo vacuo & per famem sedatur; cum ventriculus vacuus & à cibo liber frigidus & crudos humores concoquere tentet: post cibum verò magis inualefcit cruditate aucta, dum ventriculus

Signa cerebri à ventriculo affecti.

culus simul à cibo & pituita grauatur, & dum cibum & pituitam concoquere perfectè non valet, & debiliter in eos agit, multi vapores & flatus ad caput eleuantur, vt dum ignis debilis in viridia ligna agens multos fumos excitat. Quandoque tamen accidit, vt ventriculo vacuo & per inediam plurimi vapores ex pituita in ventriculo excitentur & inde dolor capitis & vètriculi generetur: quod fit, quando humor frigidus in ventriculo est copiosus, vt calor ipsum vincere & concoquere non possit, sed vapores & flatus multos ex ea excitet. Et tum cibus assumptus non integrè sedat dolorem ventriculi & capitis, vt in bile accidere solet, sed eum potius auget. Ea, quæ ventriculo profunt, etiam caput iuuant, vt vomitus & alia: & quæ ventriculi affectum augent, ea etiam capitis morbum augent. Et id, quod vomitu reicitur, qualis humor sit, qui per consensum caput afficit, docet. Interdum tamen accidit, vt cerebrum & stomachus simul afficiantur, & reciproca quasi fiat materiæ communicatio. Vbi diligenter attendendum, quæ pars primo afficiatur. Fieri enim potest, vt in cerebro leue aliquod, & nisi quis diligenter attendat, sensibus vix obuium vitium sit, & à cerebro debili materia in sanum ventriculum defluat, cuius continuo affluxu ipse ventriculus tandem debilitetur, eius coctio lædatur, vnde vapores multi ad caput eleuantur, idque lædunt. In quo casu licet malo ventriculi remittente etiam caput melius habet: tamen pars primò affecta non est vètriculus, sed cerebrū. Itaq; diligenter perpendendum, an cerebri, an verò ventriculi affecti signa prius affuerint. Si enim mali initium in capite est, principiò nullum in actionibus ventriculi vitium apparuit, sed in capite potius ea præcesserunt & capitis grauitas, somnus, vel aliarum capitis actionum debilitas, vel vitium aliquod apparuit. Si venenum sit in ventriculo, eius signa aderunt, quæ suo loco proponentur. De quibus omnibus plura, vbi de morbis ventriculi, dicentur. Si ex vermibus caput afficiatur, signa vermium adsunt. Si humores vitiosi in intestinis hæreant, vel fæces retineantur, etiam suis signis id faciliè cognoscitur.

*Ab ute-
ro.*

Si ex vtero caput afficiatur, vel menses suppressi sunt, vel

De intemp. capit. cum mater. per consens. 61

vel viduis ac cœlibem vitam agentibus semen retinetur, & alia signa vteri affecti adsunt. Caput verò inprimis in vertice afficitur, & quæ vtero profunt vel obsunt, ea etiam capitis affectum minuunt vel augent.

Si ab-hepate caput per consensum afficiatur, affectus is *Ab hepa-*
plerumque occupat dextram partem capitis, excrementa *te.*
capitis sunt falsa & calida: hepatis affecti signa adsunt,
& ad hepatis morbum curatum vel diminutum capitis af-
fectus imminuitur vel tollitur.

Si à liene, sinistra capitis pars magis afficitur, & dolor, si *A liene.*
adeft, magis à cibo infestat, & eadem circa lienem occur-
runt. *De quo vide questionem in fine capitis.*

Si à corde & arteriis caput in consensum trahatur, san- *A corde.*
guinis feruidioris in corde & arteriis signa adsunt, & fer-
uor in capite, & rubor in facie atque oculis apparet, & ar-
teriæ in capite vehementius pulsant, & quæ feruorem san-
guinis temperant, præcipuè profunt.

Eodem modò si à pulmone fit affectus capitis, affecti *A pul-*
pulmonis signa adsunt, & quæ pulmoni commoda vel in- *mone.*
commoda sunt, eadem simul capiti profunt vel obsunt. Si-
mul etiam si ex vesica vel renibus materia communicetur,
earum partium affectarum signa aderunt.

Prognosticum.

Facilius curatur, cæteris paribus, Intemperies hæc
per consensum, quàm quæ per essentiam.

Indicationes & curatio.

In omni capitis per consensum affectu hoc generale *Capitis*
præceptum est, vt partis mandantis, materiæ, quæ transmit- *per con-*
titur, & capitis partis recipientis ratio habeatur: nisi à cri- *sensum*
si is proueniat. Nam si à critico humorum motu aliquis *affecti*
affectus excitetur, si natura rectè agat & humorem vitio- *curandi*
sum è corpore euacuare conetur; non verò errans ad ca- *ratio.*
put transmittat, de consilio Hippocrat. 1. aphor. 20. & Ga-
len. 1. ad Glaucon. c. 15. nullo modo crisis turbanda, neque
repellentia, neque alia adhibenda; sed totum negotium
naturæ rectè agenti committendum. Crisi enim absoluta
affectus ille facilè euanescit. Nisi forsitan ex vehementi
humoris ad caput motu præsentissimum periculum in-
flamma

flammationis scil. cerebri & delirij lethalis immineat, quod ex vehementissimo dolore, calore, & instante delirio cognoscitur. Tum enim ne ob sanguinis cum impetu ad caput ruentis copiam crisis vel nulla fiat, vel imperfecta, mediocriter repellentia adhibere utile est, quæ affluxum humoris ad caput non tollant penitus, sed moderentur. Rarius tamen hoc accidit, & cautè hic agendum. Quod si crisis nondum sit præsens; ex motu tamen materiæ, quem natura crisin moliens instituit, vapores vel humores ad caput mittantur, perpendendum, per quæ loca natura crisin sit institutura, de quo in *Instit. lib. 3. part. 3. cap. 16.* dictum. Et si natura sit ignauior, ei subueniendum, ut per conuenientia loca humores vitiosos facilius expellat.

Si verò extra crisin sit, & partis mandantis & capitis recipientis habenda est ratio. Curandi verò ratio semper à parte inchoanda, quæ materiam ad caput transmittit, & pars mandans vulgò appellatur; nisi affectus ipse tantus sit, ut ad se curationem mox ab initio conuertere iubeat. Nam si multa materia in toto corpore, vel in parte aliqua contineatur, à qua ea, quæ in capite est, foueatur, nisi prius totum vel pars, quæ materiam capitis morbo subministrat, euacuetur, frustra in capite vel euacuando vel alterando laboratur.

Deinde caput non negligendum, sed eius simul habenda ratio est, ne humores ad id affluent, vel ab eo facile recipiantur, vel in eo sedem figant. Quod fit reuulsione, deriuatione, repulsione, interceptione. Reuulsio fit venæ sectione in brachiis vel cruribus instituta: cucurbitulis, dorso, scapulis, brachiis, coxis ac cruribus admotis, tam scarificatis, quæ fortius reuellunt, quam non scarificatis; vel hirudinibus partibus inferioribus appositis: Clysteribus iniectis, purgantibus exhibitis, frictionibus crurum ante cibum, coxarum, dorfi; vinctulis cruribus iniectis, lotionibus extremorum, vesicatoriis; collo ac cubito applicatis; Fonticulis item seu cauteriis. Cauteria autem ad excitandum fonticulum applicanda cruribus quatuor digitos infra genua, si à toto

Reuellentia à capite.

corpo

corpore materia capiti cōmunicetur. Hoc enim modo & totū corpus euacuatur & à capite materia reuellitur. Quod etiam faciendum, si à partibus infra renes ob mensium vel hæmorrhoidum suppressionem, ad caput materia transmittatur. Nam ita & materia reuellitur, & menstrua ac hæmorrhoides prouocantur. Si verò partes supra renes, vt & hepar & lien capiti materiam suggerant, in brachiis fonticuli excitandi, dextro quidem si ab hepate, in sinistro verò à liene.

Intercipitur materia adstringentibus collo adhibitis. *Intercipientia*

Repellitur à capite materia, & caput ne facillè admittat, roboratur oxyrrhodonis & aliis repellentibus, refrigerantibus ac adstringentibus adhibitis. Deriuatur materia, quæ in cerebro & eius membranis est, apertis venis post aures, in fronte, sub lingua, in naribus. Si quæ tandem materia in cerebro sedem fixerit, euacuatur ea cum sensibilibus, tum insensibilibus, iis modis, qui capite præcedente propositi sunt. *& repellentia materia ad caput tendentem.*

Quæ omnia qua ratione fieri debeant, postea in specie patebit: de repellentibus saltem, & quæ humorum ad caput affluxum prohibent, in genere adhuc quædam addemus. *Repellentia à capite.*

Cum reuellere incipimus seu sanguinis missione, seu quocumque modo alio, statim subiungenda repellentia. Si enim & reuellentia materiam à capite auertant, & repellentia eandem repellant, facilius scopum nostrum assequimur, caputque roboratur, ne tam facillè affluentem aliunde materiam admittat. Excipiunt tamen aliquos casus Medici, in quibus non liceat adhibere repellentia, nimirum in febribus, cum vaporibus exitum intercludant, & dolorem capitis ita augeant; quando euaporatio sit à toto in corpore plethorico, & quando catarrhus coniungitur, ne repercutientium vsu is augeatur. Matthæus de Grad. tamen, in 9. *Rhasis in fin. cap. 1.* Catarrhum non semper sufficere putat ad prohibendum repellentia, sed monet, si materia biliosa ad caput tendat, vt de phrenesi sit metus, ad prohibendam phrenesin & majus malum, non attendendum esse catarrhum, & minus malum, quod ex repellent

repellentium vsu euenire posset, sed repellentia adhibenda esse. Imò & in reliquis casibus idem obseruandū puto: & si ex motu materiæ ad caput graue aliquod malum metuendum sit, non omittenda sunt repellentia. Præstant autem hoc medicamenta refrigerantia & nonnihil adstringentia, qualia sunt *succus portulacæ, semperuiui, polygoni, aqua rosacea, cui oleum rosaceum & aceti aliquid admixtum sit, succus cucumeris, cucurbitæ, quibus etiam aliquid aceti, vel alterius adstringentis medicamenti mistum sit.* Vbi nihil aliud ad manum est, posca, id est, aqua frigida aceto mixta scopo huic satisfacere potest. In omnibus tamen capitis affectionibus hîc commendatur oxyrrhodium appellatum, quod conficitur ex oleo rosaceo, cui aliquid aceti admiscetur, & quod ob astringentem commodius ex oleo recenti, & quod annum vnum non excesserit de quo *supra cap. I.* plura dicta sunt, quæ & huc referantur.

*De oxyrrhodinis.
notanda.*

Hoc saltem hîc addimus, in aceti electione hoc attendendum esse, vt in biliosa & calida materia, ac vbi vigiliæ vrgent, acetum minus acre (acre enim caloris participes est) eligatur, aut si acre sit, minor eius portio admisceatur: si autem materia sit crassior, acri & copiosiori vti licet.

Hoc quoque monendum ex Galen. 2. κατὰ τὸ π. c. I. Si cranium vel cerebrum vel eius membranæ vulnere aliquo detectæ sint, acetum planè omittendum esse; quia cum acre & mordax sit, excitato dolore maiorem fluxum concitare potest. Conueniunt & alia refrigerantia & repellentia *supra cap. I.* proposita.

Tandem quod in genere alibi in Instit. de repellentium vsu dictum, id in affectionibus capitis omnibus quoque obseruandum, vt inter prima initia sola repellentia adhibeantur; postea verò cum aliquid materiæ affluentis in capite receptum, quod amplius repelli non potest, mixta oritur indicatio & materia, quæ adhuc fluit repellenda, quæ vero iam influxit, discutienda digerentibus; atque ita mixta remedia adhibenda: & quidem vbi à statu remotior est morbus, repellentia præualere debent; vbi statui propinquior, vel in statu est, æquales vires habere debent.

bent medicamenta, & in declinatione, ac vbi materia iam amplius non affluit, sola laxantia & discutientia adhibenda; atque vbi fluxus iam cessauit, materia, quæ in capite substitit, iis remediis, quæ capite præcedente proposita sunt, tollenda.

Postquam hæc in genere de affectibus capitis per consensum dicta sunt, quædam adhuc in specie addenda. Primum si caput per consensum totius afficiatur, quod sæpè accidit in febribus, vnde dolor capitis & deliria excitantur: tum quia in capite permanens causa non est, magis incumbendum euacuationi & reuulsioni affluentis materiæ, caputque per repellentia defendendū. Ideoque materia ad caput ruens venæ sectione in brachiis, vel talo & pedibus, clysteribus, purgatione, cucurbitulis, frictionibus, ligaturis, cruribus, brachiis, & dorso adhibitis, reuellenda; quem in finem etiam cubito extra applicantur vesicatoria ex cantharidibus & fermento, plantis pedum imponitur raphanus cum sale, ruta item contusa cum sale & fermento applicatur, vt extremitates venarum arteriarumque laxata ad se vapores proliciant, & à capite retrahant.

*Materia
à toto ad
caput
ruens quo-
modo re-
uellenda.*

Interim dum hoc modo reuulsioni materiæ à capite studemus, simul repellentia & caput roborantia oxorrhodina, & alia supra *cap. 1.* & modò proposita applicanda.

*Repellen-
da.*

Ad intercipiendam verò materiam collo circa arterias & venas carotidas linteola succo lactucæ, vel aqua rosarum cum aceto madida, vel oleo rosarum, nymphææ, myrtino imbuta apponere licet.

*Interci-
pienda.*

Reliqua curatio ad ipsum principalem morbum dirigenda. Intus tum ea exhibere vtile est, quæ vapores, qui sursum feruntur, deprimant, conseruam rosarum, rob ribes, succum citri, granatorum, species diamargariti frigidi & similia. Quæ omnia locum habent, si, vt antea dictum, affectus capitis nō à critica euacuatione proueniat. Tū enim nihil agendum, sed totum negocium naturæ committendū. Si tamen natura nondum crisin tentaret, sed aliquam eius significationem præmitteret, vnde caput afficiatur, natura adiuuanda est, & leni aliquo medicamento ad conuenientia loca, quò natura tendit, materia ducenda.

*Capitis
per con-
sensum
vetriculi
affecti
curandi
ratio.*

Si ventriculo affecto caput in consensum trahatur, & quidem si cibus vel potus plus nimio in ventriculo redundet, procuranda eius coctio, & inedia imperanda; Vel si malum vrgeat, cibus vel potus statim vomitorio leni exhibitio per os reiciendus; vel vt maturè per aluum descendat, clystere aluus irritanda. Ita si cibus corruptus sit in ventriculo, similiter vel vomitorio eiciatur, vel si homo ad vomitum aptus non est, leni purgante exhibitio vel clystere iniecto per aluum educatur. Et quantum fieri potest absque cibo æger somno & quieti se dedat, aut si dormire non possit, leniter ambulet, donec cibus vel coquatur & à natura superetur, vel ad intestina descendat. Cibo vomitu eiecto, vel per aluum euacuato ventriculus internis & externis roboretur, &, vt suo loco dicetur, curetur.

*Nidorosa
crudita-
tis reme-
dia.*

Inprimis verò considerandum, an in ventriculo cacochymia & cruditas sit nidorosa vel acida. Si enim nidorosa cruditas & humores biliosi ac mordaces in ventriculo abundant, & vapores congeneres ad caput inde adscendant, euacuandi illi syrup. rosarum solutiu. manna, cassia. Ad vapores verò reprimendos & extinguendos, ac præterea vias coarctandas aq. frigida potus in assuetis utilis est. Item syrupus de rosis siccis, granatorum, acetositis citri, myrtillorum cum aqua plantagnis lactuæ, portulacæ.

*Acida
crudita-
tis reme-
dia.*

In acida verò cruditate & pituitosis humoribus conuenit mel rosatum solutiuum, hiera simplex Galeni, diaphanum. Ad flatum verò ab hoc humore natos discutiendos utile est anisum, cuminum, chamæmelum, mentha, cortices citri, diagalanga, dianisum. Mercatus ad flatum in ventriculo discutiendos commendat aquam calidissimam, quæ præterquam, quod malitiam humorum retundat, coctioni etiam plurimum prodest, ventriculum abluat, & ad euacuationem non parum iuuat, & actuali caliditate flatum, antequam in ventriculum irruant, mirum in modum discutiat. Idem in vtraque causa, vt à quocumque humore, quæ ex inferiorum viscerum consensu oriuntur, feliciter usum fuisse his pilulis scribit.

De intemp. cap. cum mater. per consens. 67

℥. Folior. senæ ʒ. vj. passular. mundatar. ʒ. iij. glycyrrhiz. ʒ. ij. ʒ. folior. fumarie, borrag. betonic. cichori, absinthij, an. ʒ. j. Coque in vase clauso in aqua borragin. fumar. aut absinthij.

Decocti ℥. ʒ. viij. in iis macerato Rhabarbar. ʒ. j. ʒ. schænanth. ʒ. j. Colat. adde specier. hieræ Galeni ʒ. j. Agitentur donec pulueres humorem absumpserint, & addito syrup. ros. solutiū. f. q. F. Massa.

A cibo exhibeantur, quæ adscendentes vapores reprimunt, os ventriculi claudunt.

Vt ℥. Coriand. præparat. ʒ. iij. cinnamom. semin. anisi ʒ. ʒ. ʒ. fœniculi ʒ. j. ʒ. cumin. aceto præparat. carui an. ʒ. ʒ. rosarum rubrar. ʒ. j. mastic. ʒ. j. sacchari albissimi vel manus Christi perlate ʒ. j. F. Puluis.

Vel ℥. Conseru. rosar. ʒ. ij. betonic. carnis citri conditæ an. ʒ. j. myrobal. emblic. ʒ. j. diacydon. sine speciebus, sem. coriand. præpar. an. ʒ. j. corall. rubr. præparat. ʒ. ij. mastic. ʒ. j. Cum syrup. cydoniorum, fiat Electuarium.

℥. Coriand. præparat. ʒ. ij. sem. anisi ʒ. ʒ. cinnamom. specier. diarrhodi, glycyrrhiz. an. ʒ. ij. diacydon. sine speciebus. ʒ. iij. Sacchar. rosat. tabulat. ad pondus omnium, fiat puluis post pastum fumendus.

Reliqua, quæ huc faciunt, patebunt ex doctrina de ventriculi intemperie cum materia.

Vermes, si tetros vapores ad caput mittant, interficiantur, & è corpore exturbentur, vt suo loco dicetur.

Eadem ratione & aliæ partes, à quibus cerebrum per consensum afficitur, hepar, lien, renes, vterus curentur, vt de singulis suo loco dicetur. Quod dum fit, id quod antea in genere præceptum est, semper obseruandum, vt caput, quod pars recipiens est, non negligatur, sed ab ipso materia reuellatur, repellatur ipsumque ne humores & vapores admittat facile, roboretur, & materia, quæ in id affluit, modis antea dictis euacuetur, tandemque intemperies si quæ reliqua est, contrariis alteretur.

In specie si ab vtero materia cerebro communicetur, Ab utero, cucurbitulis spinæ prope anum & intra coxas versus pendenda admotæ reuellendo plurimum præstant. Si materia,

ria, præcipuè vaporosa & calida in vena caua & arteria magna lateat, vel per eam adscendat, spina secundum longitudinem, sub qua trunci venæ cauæ & arteriæ magnæ latent, refrigerantibus inungenda est,

Q V Æ S T I O.

An cerebro consensu hepatis affecto, dolor & molestia in dextra capitis parte; lienis in sinistra; vteri in vertice & syncipite percipiatur.

Communis ferè Practicorum sententia est, si caput hepatis consensu afficiatur, in dextra parte dolorem & molestiam magis percipi; si ob lienem afficiatur, in sinistra; si ob vterum, magis in vertice. Dissentit verò ab hac sententia Rondeletius, *meth. cur. morb. c. 5.* statuitq; dolorem, qui ex consortio hepatis & lienis in capite suboritur, non dextram potius, quàm sinistram partem occupare, nec aliam partem præter anteriorem ei assignandam, in qua omnis materia, quæ ab inferioribus partibus sursum fertur, subsistit, ob causas, quæ postea ex Galen. *I. Epid. comm. I. text. 2.* afferuntur; (quo loco etsi Galenus tantum de dolore per vteri consensum agat, causæ tamen quæ ab eo afferuntur communes sunt omni dolori, qui per materiæ ab inferioribus transmissionem fit.) Etsi enim ab hepate facilius per venam cauam, à liene per arterias materia sursum ad caput feratur: tamen cum vena caua arteriaque magna tantum iuxta iugulum diuidatur, dextramque & sinistram arteriam & venam in caput mittant, causam esse nullam putat, cur quod à iecore & liene demandatur, per hanc potius, quàm per illam viam ad caput perueniat, & in dextra potius quàm in sinistra parte dolorem excitet; nisi forsitan casu vel aliqua alia læsione pars vna debilior sit quàm altera, ut facilius id, quod ab inferioribus transmittitur, suscipiat. In consensu verò per vterum distinctionem adhibet. Caput in vertice & syncipite ab vtero magis affici, tum tantum verum esse putat, cum materia per arterias & venas ad caput transmittitur. Nam, ut Galen. *6. Epid. comm. I. text. 2.* docet, vapores calidi per arterias ad caput eleuantur, arteriæ verò per collum ab utraque infundibuli

fundibuli parte recta in synciput discurrunt. Præterea & sanitatis tempore tenuia ac calidiora cerebri excrementa maximè per synciput diffusi solent: siquidem eo loci futurae sunt laxissimæ & ipsa caluaria subtilissima, plurimisque meatibus peruia. Adhæc multa sensu prædita corpora per futuras euadunt, quæ ad dolorem percipiendum sunt aptissima. Imò non per arterias solum ad caput vapores mittuntur, sed & per venas, ac in syncipite & vertice sedem figunt, & distensionem faciunt, eò quod venæ, quæ sinus duræ meningis constituunt, ibi desinant, potissimumque tertius & quartus. Si verò cerebrum ab vtero in consensum trahatur, non per fumos & vapores per vasa transmissos, sed per condolentiam, quæ fit ob connexionem spinæ cum vtero, tum dolor & molestia magis in occipite percipitur. Et hoc vnum peculiare habent hi dolores, qui ab vtero per consensum spinæ fiunt, quod in occipite magis percipiuntur & initium faciunt, cum reliqui omnes, qui per fumos & vapores transmissos, imò & per humores in capite collectos, fiunt ob causas à Galeno modò allegatas, in syncipite & vertice magis percipiantur.

Et quidem vterum quod attinet, facile Rondeletio assentimur & considerandum putamus, an consensus capitis & vteri fiat per venas & arterias, an per spinam. In priori enim magis verticem & synciput, materia ad caput per venas & arterias transmissa, in posteriore occiput, capite per spinam in consensum tracto, affici putamus. Et quidem cum cerebrum per spinam consentit, quia vterus membranosa constat substantia & neruea natura in-texta, seu per condolentiam nervosum genus in consensum trahere potest, seu per materiæ alicuius communicationem. Etsi enim corpus totum est *ἑσπέρειον καὶ ζώοντιον*: tamen nervosa nervosis & cerebro facilius aliquid communicant, quàm aliis partibus, ut in Epilepsia, quæ fit à partibus extremis, fieri videmus, ubi aura illa maligna per nervos cerebro, non cordi vel alteri parti communicatur.

Hepar verò & lienem quod attinet, etsi verum esse concedimus plerumque per vasa arterias & venas materiam

ab hisce visceribus communicari, & non magis ad dextrā quàm sinistram ferri, & inde dolorem in syncipite excitari, tamen experientia ipsa testatur, sæpissimè in dolore per consensum, nunc partem dextram, nunc sinistram affici; quod non solùm fit, quod hæc vel illa pars debilior sit, sed ob hepatis & lienis cum dextra & sinistra consensum. Si autem porrò quærat, quomodo ille consensus fiat, vix alia causâ dari potest, quàm ἑνότης & ὁμόνοια Hippocratis, quæ fit ἡ ἐν ἡμῖν, qua dextra dextris, sinistra sinistris respondent.



C A P V T VII.

De Intemperie cum vapore & spiritu flatulento.

*Intempe-
ries capi-
tis à va-
pore &
flatu.*

Postquam ista in genere de Intemperie capitis cum materia seu in eo genita & cumulata, seu aliunde transmissa diximus: Proximum est, vt pro diuersitate materiæ caput afficientis, ista in specie explicemus. Initium autem facere libet de intemperie cum vapore & spiritu flatulento.

Causæ.

Causa.

Flatus autem & vapores vel in ipso corpore generantur, vel extra in caput admittuntur. Primò si in corpore generatur flatus & vapor, intemperiem hanc excitant quæcumque flatum vel vapores gignendi aut concitandi vim habent. Flatus autem generantes causæ duæ sunt: Agens, scilicet calor imbecillis, qui materiam quidem rarefacit, discutere verò nequit, & materia ad flatum generandum apta, vt cibi flatulenti & humor pituitosus ac melancholicus. Pro natura tamen humorum, è quibus eleuantur, est flatuum & vaporum differentia. Flatus equidem ex humoribus frigidis, crassis & viscidis, ac glutinosis eleuantur, & propterea difficiliter resoluuntur: vapores verò & à frigidis humoribus & à calidis sanguine & bile excitantur. Vapor verò is vel spiritus flatulentus aliquando in ipso cerebro generatur ob aliquam eius intemperiem, ob quàm

quam alimentum, ex quo alendum erat, ex parte in flatum conuertitur; quò etiam faciunt venti, qui per aures & nares admissi cerebrum afficiunt, vt & frigus externum: vel in reliquo corpore generatus ad caput mittitur, idque fit, vel ex toto corpore, vel aliqua parte. Humores quoque commouet, vt inde vapores ad caput eleuentur, ira, exercitium corporis nimium, aer calidior, balneum à cibo.

Secundò etiam extrinsecus flatus & vapores in caput admitti possunt. Primò quidem venti cum australes tum boreales, per aures & nares in caput admissi, id replent. Deinde vapores aliarum rerum frigidi, calidi, humidi, interdum etiam maligni, vt vapores ex locis palustribus & limosis, vapores rerum, quæ suauem quidem habent odorem, sed fortem, vt camphoræ, moschi, croci, scarlæ, menthæ, & similia; vapores rerum foetidarum, vt alli, caulium, folior. nucum, cannabis, lini & similia; carbonum item fumus, & candelarum extinctarum; maligni, ex cadaueribus.

Signa Diagnostica.

Cognoscitur flatus vel vapor in cerebro, quod sensus *Vaporum* tensionis sine grauitate percipitur; quod affectus, quem ex- *& flatu* citat, subito nascitur & remittit, quod facile de loco in *caput af-* locum mutatur. Vapores etiam & flatus in capite præter *ficietium* dolorem, quem distendendo membranas pariunt, sonitum *signa.* & sibilum in auribus, vertiginem, incubum, soporem, epilepsiam, apoplexiam etiam excitare possunt. Sæpè quoque venæ in collo intumescunt, & inflatæ apparent, pulsatio arteriarum capitis est fortior, maximè si in arteriis sit materia peccans; quandoque etiam imaginatio, spiritibus turbatis, corrumpitur & deprauatur; Excrementa è capite ferè nulla excernuntur, nisi vapores tandem in humorem degenerent. Præcesserunt causæ flatus generantes modò dictæ, vt materia crassa & flatulenta, ac calor imbecillis; Vini potentioris, aut cibi flatulenti aut vaporosi usus; adest febris; instat crisis vel menstrua purgatio. Quod autem flatus vel vapor in ipso capite sit genitus & non aliunde transmissus, ex eo cognoscitur, quod nullus sonitus aut inflatio in ventriculo aut partibus vicinis percipitur,

pitur, & neque propter ciborum repletionem, nèque inanitionem, vel symptomatum, quæ flatus in capite excitant, remissio, vel augmentum percipitur. Præcessit capitis grauitas, & aliquis sensuum sensim læditur, leuique de causa malum inde excitatum recurrit. Si autem flatus & vapor ab aliis partibus ad caput feratur, partium affectarum notæ indicabunt locum, à quo flatus attollitur. Venæ in collo sæpè tenduntur, urinæ in superficie bullis repletæ sunt.

Et cum flatus non ex seipso originem habeat, videntur, quæ sit materia, à qua resoluitur, & an cum caliditate vel frigidityte sit coniunctus, id quod ex signis cognoscetur, quæ de ipsis humoribus postea tradentur. Ipsi tamen vapores etiam, cuius humoris soboles sint, produnt. Pituitosi enim flatus & vapores tardius mouentur quàm biliosi, grauitas capitis maior adest cum quadam in somnum propensione, tenebræ si oculis oboriantur, diutius durant. Biliosi mordaces sunt & acres, citò euanescent: melancholici tristitiam excitant, fixi sunt. Melancholia enim ad euaporandum minus apta. Qui à sanguine sunt, mites sunt, temperati caloris, & magis quantitate quàm qualitate molesti, somnum excitant.

Sunt quoque signa, quæ docent, per quas vias vapor & flatus ad caput adscendant. Nam si per partem anteriorem adscendant, percipitur tensio thoracis, & quidem si per arterias latentes in profundo, quasi chorda cum pulsatione tendens apparet: si per venas, sine pulsatione id fit. Si per partem posteriorem, tenduntur venæ & arteriæ in eadem parte. Si fiat adscensus per venas & arterias manifestas in collo vel facie, tensio vel pulsatio ibi deprehenditur.

Prognosticum.

Non ægrè curatur à vaporibus & flatibus orta intemperies, modò materia & pars, vnde proueniunt, cognoscatur, & facillè curari possit. Tàm diu enim durant, quàm diu humor à quo attolluntur.

Indicationes.

Materia, è qua flatus eleuatur, siue sit in capite, siue in
reli

reliquo corpore, euacuanda; flatus & vapor à capite auertendus, repellendus, intercipiendus, discutiendus; caputque alterandum & roborandum: Si tamen vaporum & flatuum commotio valdè vrgeat, vt ea sedetur quamprimum opera danda: si extra flatus in caput admissus sit, is discutiendus & caput alterandum.

Curatio.

Ideoque primum videridum, qualis materia seu in toto seu in capite abundet, & flatibus ac vaporibus materiam suppeditet, eaque euacuanda, vt seqq. capitibus dicetur, tum venas secando, tum purgando, tum etiam particulares capitis euacuationes instituendo.

Quibus expeditis, si in capite flatus sit genitus, caput fouendum decocto *florum chamæmeli, anethi, cumini, rutæ, folior. lauri, flor. meliloti, sem. cumini, fæniculi*, vel inungendum oleo *anethino, chamæmelino, irino, rutaceo*: vel imponatur sacculus ex milio, sale & dictis modò plantis.

Vt ℞. *Milij torrefacti M. B. flor. chamæm. melilot. roris m. stæchad. Arabic. pulegij, an. P. j. sem. cumin. anethi, an. 3. j. F. sacculus.*

Olfacienda exhibeantur *majorana, rosmarinus, radix ireos, caryoph. castoreum, ol. salu. Auribus instilletur oleum rutaceum, saluiæ, chamæmel. anethinum, amygdal. amarar. vel moschus & castoreum lanæ bombycinæ inuoluta auribus indantur. Et alia, quæ in intemperie cum pituita proponentur, vsurpentur, vbi flatus est à materia frigida.*

Si verò aliundè flatus vel vapor ad caput eleuetur, curatio ab iis inchoanda quæ materiam, quæ flatus suppeditant, euacuant, & quæ flatus & horum materiam à capite deorsum trahunt, quæque humores & vapores ad caput tendentes repellunt. Ideoque commodissimè initio vsurpantur clysteres paulò fortiores, qui materiam, quæ in intestinis & circa mesenterium est, euacuant, & ne ad caput feratur, potenter reuellunt. E. g. fiat talis clyster.

℞. *Mercurial. beton. an. M. ij. flor chamæmel. M. j. melilot. M. B. sem. fænic. cumini, carui, an. 3. ij. Coquantur in aqua simplici.*

Colat. ℥. ℥. j. *Benedictæ laxat.* ʒ. ʒ. *elect. diaphœnie.*
hieræ simpl. an. ʒ. ij. *olei chamæmel. anethini an.* ʒ. i. Fiat
 clyster.

Si intemperies capitis calida adfit, quæ motum ad caput vaporum adiuuat, eosque attrahit, oxyrrhodina vel alia repellentia supra *cap. i.* proposita vsurpanda, quæ intemperiem capitis corrigant, idque roborent, ne eos facile recipiat. Imò collo eadem ad inhibendum vaporum adscensum, applicare vtile est. Vt & ligaturas in partibus adhibere, à quibus vaporem adscendere cognitum est.

Neque inutile fuerit medicamenta, quæ vapores supprimunt, adhibere: inter quæ sunt conseruæ rosarum, rob ribes, myrobal. conditæ, corallia, spiritus vitrioli, salis & similia. Reliqua etiam curatio eo modo, qui mox de humoribus tradetur, perficienda, & humores, qui vel in ventriculo, vel venis mesaraicis, vel circa vterum, vel in habitu quoque corporis continentur, à quibus vapores hi attolluntur, expurgandi, & vnà cum vaporibus à capite auerendi sunt per venæ sectionem, scarificationem, frictiones, purgationes, vomitus & alia, quæ deinceps proponuntur. Hoc saltē obseruato, vt medicamentis ea admisceantur, quæ flatum discutiunt, cuiusmodi sunt *semen anisi, fœnic. carui, cumini, dauci, seseleos, ammeos, anethi, rutæ, acorus conditus, cubebæ, galāga, iuniperi bacca, leuisticum, bacca lauri, species diacalaminthæ, diacymini, dianisi, aromatici rosati, diamoschi amari, diagalangæ, & alia*, quæ flatum crassos in intestinis & ventriculo discutiunt.

Videndum tamen, qualis sit materia. Si enim sit calidior, & ab humoribus biliosis & mordacibus vapores eleuentur, à calidis abstinendum & vtendum syrupo granatorum, limonum, citri, acetosellæ, quibus vaporum ad caput adscensus prohibeatur. Caput quoque oxyrrhodino tunc fouendum. Tandem flatum discutiendi medicamentis modò enumeratis.

Et cum ex ventriculo sæpius vapores ad caput adscendant, illudque repleant, eius tum inprimis habenda ratio, ac medicamenta, quæ vapores è ventriculo adscendentes supprimunt, exhibenda: de quo *cap. precedente* dictum.

ctum. De coriandro ad vapores è ventriculo adscendentes
supprimèdos vsurpando vide paulò post *questionem*. Auicennas *prima terti j tract.* 2. c. 19. & Mesues *distinçt.* 12. antidotarij, si causa mali sint flatu in ventriculo, valdè commendat *oleum de herua*, seu granis cataputix maioris, vtpote quod crassos flatu discutiit & phlegma crassum attenuat, ac propterea doloribus stomachi, vt & capitis, ex hac causa ortis prodest seu ventri inunctum, seu bibitum, seu clystere iniectum. Auicennas *loc. alleg.* ad flatu discutiendos etiam adhibet balneum ficcum, præcipuè ieiuno stomacho vsurpatum.

Tandem si flatu & vapor extrinsecus in caput penetrauerit, & quidem si ventu causa mali sit, considerandum, an fuerit austrinus & calidu, an verò frigidu & borealis; & an per nares, an verò per aures magis ad caput penetrauerit. Si calidu, in aures instilletur oleum chamæm. anethin. cum rosac. mixtum tepidè, vel ex iisdem medicamenta naribus admoueantur. Etsi enim causa sit ventu calidu: tamen cum animu sit flatu discuti, non in aures stipare & concludere, moderatè calidis vtendum. Si verò ventu fuerit frigidu, calidiora adhibenda, ea scilicet, quæ supra in Intemperie capitis frigida, & antea in hoc ipso capite sunt proposita, & modis ibi explicatis. Si à bonis odoribus caput sit repletu, qualitates odorum perpendendæ, & frigida calidis, humida ficcis opponenda. Si verò odores mali & graueolentes fuerint, & si ferè calidi sint; cum euaporabilia ad caliditatem inclinent: tamen simpliciter frigida olfacienda non sunt; cum vapores in capite retineant & eorum discussionem prohibeant: sed moderatam caliditatem habere debent; nisi forsan magnus caloris excessus sit: tum enim oleum cucurbitæ, violar. & similia narib. attrahenda, & aer ipse, qui inspiratur, refrigerandus, vt supra *cap. i.* dictum. Si vapores maligni sint, non solum contrariis qualitatibus prædita naribus sunt attrahenda, verum cum maligna qualitas plerumque altius in corpus sese insinuet, ea quoque, quæ peculiari vi malignitati illi resistunt, exhibeantur.

Intemperies capitis à ventis.

Caput ab odoribus repletu.

Contra vapores metallicos, mercuriales & arsenicales

*Caput à vaporib. metalli-
cis affe-
ctum ut
curandū.* commendatur zedoaria; item hoc Electuarium, de quo
manè portio auellanæ magnitudine fumenda, & naribus
quoque aliquid illinendum.

℞. Allij, nucum iuglandium, an. M. β. Contundantur
& super igne cum melle despumato misceantur; addan-
turque Theriac. optime 3. ij. zedoariæ, caryoph. matus, an.
3. j. Fiat Electuarium.

De his vide Auicennam, *prima tertij tract. 2. cap. 20. 22. 23.*

*Suffocati
à fumo
carbonū.*

Tandè vapores illos quod attinet, qui ex carbonibus ac-
censis periculum suffocationis inferunt, etsi & illi in-
temperiem cerebri & spirituum etiam aliquando mu-
tant, & proculdubio narcoticam vim coniunctam ha-
bent: tamen quia etiam replendo, & angustiam pariendo
nocent, dicemus de curatione à vapore carbonum penè
suffocatorum infra c. 17. de angustia cerebri.

Quantum ad curandi rationem attinet, danda opera,
ut quamprimum illi vapores discutiantur. Itaque æger sta-
tim in aërem liberum deducendus vel deportandus est, &
aliqua vitæ aqua præstans, quæ vapores illos discutiat, ad-
hibenda, cui aliquid theriacæ addi potest. Hinc vomito-
rium cum oxymelite exhibendum, & tandem sternutato-
rium naribus insufflandum, & oleum destillatum vel bal-
samum rutæ, saluæ, vel aliquid simile naribus inungen-
dum; neque omittendæ reuulsiones per clysteres, frictio-
nes & similia.

Dieta.

Abstineat æger à cibis flatulentis, & iis omnibus quæ
caput replere possunt, & supra cap. i. proposita sunt. Si
causa aliqua euidens, quæ humoribus & spiritibus in ca-
pite & corpore commotis, vapores & flatus excitauit ad-
sit, ut solis radij & æstus, motus violentus, ira, vini po-
tentioris vsus, odores vehementes, capitis agitatio, in-
spectio rerum, quæ velociter mouentur: causæ hæ om-
nes remouendæ sunt. Caput muniendum à frigore ne va-
pores concludantur & retineantur; fugienda crepusculi
aura, & venti australes, aërque nebulosus & crassus, lu-
næ ac solis radij. Si à pituita sit flatus, cibi condiantur
flatu discutientibus. Alius seruetur aperta, coena sit fru-
galis,


De intemp. capit. cum vapo. & spirit. flatul. 77
galis, & post cibum non bibatur, nec à coena statim dormiatur. Nihil enim æquè caput ita replet ac somnus & potus per cibum. A cibo studia grauique negotia ac seria cogitationes, omittantur, ira & tristitia vitentur. Caput sit quietum, nihilque capite inclinato agendum vel adspiciendum.

Q V Æ S T I O.

*An Coriandrum ad suppressendos vapores è ventriculo
adscendentes sit usurpandum.*

Apud plerosque practicos ad suppressendos vapores è ventriculo adscendentes & coctionem ventriculi adiuuandam coriandrum dari, notissimum est. Sunt tamen quidam, inter quos P. Salius Diuersus *in annotat. in Alt. cap. 18.* qui eius vsum improbant, ideò quod non tantum prohibeat ascensum vaporum ad caput, sed & sua natura maximè caput petat, vapores alios secum ad caput ducat, & si largius fumatur delirium inducat, vt Dioscor. *lib. 6. cap. 9.* docet. Et de alijs quoque coriandri facultatibus Medici discrepant, alique calidum, alij frigidum esse putant: de quo Matthiolus *in Dioscorid. lib. 3. capite 57.* Verùm enim verò si quis odorem, saporem, aliasque coriandri qualitates perpendat, facile animaduertet, non frigidum sed calidum esse; de quo tamen hic controuersia præcipua non est. Verùm eius vim, qua caput petit, quod attinet, est ea, si immoderatè fumatur, cum croco, nuce moscha. thure & similibus ei communis. Moderatè tamen sumptum propterea non reiiciendum, præcipuè præparatum. Vaporosum enim illud & volatile, vt loquuntur Chymici, quod est in coriandro, quodque caput immoderatè sumptum instar veneni lædit, ab aceto figitur & corrigitur, vt vtile ad ventriculum roborandum, concoctionem adiuuandam, cor & cerebrum mundandum fiat remedium, quod ipsa experientia testatur.

*An coriandri
vapores
supprimat.*



CAPVT VIII.

De Intemperie Capitis cum sanguine seu plethora.

causæ.

De Intemperie capitis cum sanguine.

Intemperies hæc calida & humida est, qualis sua natura est sanguis. Ad sanguinis autem in capite copiam cumulandam faciunt omnes plethoræ & sanguinis in corpore abundantia causæ, quas lib. 2. Inst. part. 2. cap. 3. recensuimus. Ad caput verò copiosius fertur & attrahitur sanguis calore, dolore, ira, mentis nimia intentione, corporis exercitatione nimia, vini generosi potu, acribus calidisque fumis & odoribus; & facilius affluentem sanguinem caput admittit, si laxius sit vel debilius.

Signa Diagnostica.

Signa sanguinis in capite abundantis.

Adest grauitas & tensio, præcipuè flante austro: vasa in capite distenduntur, oculi & facies inflantur, rubent, venæque in iis conspicuæ sunt: calor capitis mitior est: quæ omnia certum signum exhibent, modo non ab alia causa externa proueniant. Nam ira & erubescencia, corporis item motus vehementior, potus vini potentioris, febris, calor externus, balnea, & quæcumque alia sanguinem calefaciunt & fundunt, eum ad exteriora mouere possunt, licet sanguis in corpore non abundet. Contra timor, moestitia, externum frigus, sanguinem, quamuis ille subsit multus, ad interiora reuocant. Vt igitur certum ex calore & colore corporis & capitis peti possit signum, expectandum, secundum Galeni consilium, donec animi & corporis motus sedentur; antequam feramus inde aliquod iudicium.

Notandum & hoc, etsi interdum sanguis in capite non peccet, sed alius humor, bilis, pituita, melancholia: tamen si à tali humore dolor diuturnior excitetur, fieri potest, vt doloris occasione tenuior sanguinis pars ad caput attrahatur, ad cuius præsentiam rubeat & caleat.

Verum

hic locum habet. In acutis morbis eadem die, qua incipiunt, esse medendum: Si enim differatur, morbus interim naturam superabit. Non omittantur quoque aliae reuulsiones per elyteres, ligaturas & frictiones extremorum, aut per lotiones crurum, & brachiorum ante pastum institutæ.

Neque inutile fuerit, etiam post venæ sectionem lenes illas purgationes, præcipuè bilem spectantes, ex syrupo rosarum solutiuo, manna, tamarindis, &c. repetere. Et si enim sanguinem non euacuent: tamen bilem, in quam sanguis calidior faciliè degenerat, & intestina ac primas vias ab excrementis, à quibus vapores ad caput eleuantur, liberat. Inprimis vtilis sunt myrobalani, cum non solum bilem euacuent, sed & sanguinem alterent, utpote quæ sunt frigida: in secundo, & sicca: in tertio. Quod etiam præstant simulque euacuant & alterant tamarindi, qui sunt frigidi & sicci in secundo.

Deinde ad sanguinis ad caput motum impediendum vsurpentur repellentia, potestate & actu frigida tempore æstatis, & si æger sit iuuenis: potestate verò tantum frigida tempore hyberno & in senibus. De quibus cum cap. 1. & c. dictum sit, ea hic non repetimus.

Repellentia sanguinē ad caput fluentē. Intercipientia.

Intercipientia etiam venis & arteriis temporum applicari possunt, ut:

℥. Mastich. 3. ij. myrtill. corall. rubr. an. 3. ℞. olei myrtini 3. ij. succi plantag. 3. ij. cera q. s. Fiat Ceratum.

Vel ℥. Boli armeni 3. ij. mastic. 3. j. sanguin. draconis 3. ij. balaustiorum 3. ℞. Excipiantur albumine oui & aqua rosarum. Applicentur temporibus.

Si verò sanguis ad caput iam fluere desiit, repellentibus opus non est; Siquidem illum ibidem figerent & retinerent. Abstinentium quoque ab iis, si catarrhus adsit; quia eiusdem fluxum per compressionem cerebri magis commouent: Atque tunc frictionibus potius à vertice ad humeros deorsum factis utimur.

Materiam autem, quæ influxit, quod attinet, ea euacuanda est ex capite, quod fit vel sensibiliter, aut venis narium cum recentib. ramulis herbæ millefolij, flor. graminis vel

Sanguinē ex capite euacuā - tia.

aliis foliis nonnihil asperis, vel setis porcinis reſeratis, (nam licet quidam etiam ſcalpello, vel hirudinibus appoſitis eas reſecare iubeant: tamen id tutum non eſt, ut poſtea, in *queſtione tertia* dicetur) aut vena frontis aperta, aut hirudinibus narium apicibus appoſitis, aut cucurbitulis ceruici affixis: ut & errhinis ex ſucco betæ, maioranæ &c.

Quæ vena in ca. affect. aperienda.

Inter eſt tamen aliquid, quæ vena aperiatur. Narium enim venæ apertæ euacuant ex ipſo capite quacumque parte dolor fuerit; ex capitis parte verò poſteriori laboranti, rectè in frontem excurrens vena incifa prodeſt, ut habet Hippocr. 5. *aph.* 68. quæ ut Galenus habet, in *commentario*, non ſolum vacuat, ſed etiam cum reuulſione vacuat, cum ante & poſte opponantur: ſicut cum anterior pars capitis laborat, in occipitio vena aperta vel cucurbitulæ admotæ profunt. Laudantur & incifiones venarum, quæ ſunt in temporibus; dextris quidem, ſi ſiniſtra pars ſit affecta; ſiniſtris, ſi dextra. Nonnulli venas, quæ ex vtraque parte colli adſcendunt, & Arabibus *Guidex* dicuntur, aperiunt, & in extremis à ſanguine ortis in capite morbis præſentaneum remedium eſſe ſcribunt. Et proculdubio plurimum commodi afferret harum venarum ſectio, ſi non periculum immineret, quod ob amplitudinem, & quia in valida ſpiritus retentione, & vocis intentione admodum tument, ægrè ſanguis ſiſti poſſit. Itaque tutius eſt, minores ipſius ramos cutem capitis in temporibus & fronte perreptantes, ut modò diximus, aperire, licet venas ſub lingua aperire, quæ iugularis interioris os perreptantis ſunt propagines. Galenus, Aëtius, Paulus Æginet. Auicennas & antiqui plerique ſi ſanguis calidus & vaporofus in capite morbum diuturnum, qui aliis remediis non cedit, excitet, ſecari iubent arterias, quæ in temporibus, in fronte, & poſt aures ſunt, eas ſcilicet quæ raſo capite ſi tangantur, calidiores apparent; & pulſum maiorem excitant, de quo poſtea, *quæſt.* 3. plura dicentur.

Inſenſibiliter euacuant diſcutientia & reſoluentia. Itaque poſt principium addenda reſoluentia repellentibus uſque ad ſtatum: In declinatione ſola reſoluentia conueniunt.

De intemp. capit. cum sanguine seu plethor. 81

niunt. Discutiunt autem medicamenta ex flor. chamæm. melilot. sem. althææ, lini, fænugrec. Nonnulli pulmones animalium recens mactatorum in aq. calida vel decocto chamæmel. melilot. aneth. applicant: Alij etiam catulos vel pullos columbarum per medium discissos. Verum hæc sæpius permutanda sunt; cum facile corrumpantur, & corrupta prauum odorem expirent. Dum hæc fiunt, non negligenda caput alterantia, qualia supra de Intemperie capit. calida sine materia proposita sunt, iisque si intemperies quædam reliqua sit, corrigenda. E quibus eligenda ea, quæ refrigerant & minus humectant, vt rosæ, plantago, fantalum, margarita, corallia, & eorum solutiones.

Cæterum si his præstitis capitis grauitas & dolor adhuc perseveret, indicio est sanguinem amplius purum non esse: sed bilem & melancholiam admixtam: cum sanguis copia peccans facile inflammetur, & quod subtile est in bilem, quod crassum in melancholiam vertatur: Itaque reliqua curatio ad bilis & melancholiæ præparationem & purgationem dirigenda, de qua postea.

Dieta.

Victus ratio & intemperiei calidæ & humidæ & plenitudini sit contraria. Aer sit moderatè frigidus, in passivis parum declinans ad siccitatem, qui si talis non detur, parandus vt supra cap. 1. dictum. Vitentur venti, præcipuè austrini. Cibus sit refrigerans, & tenuior, vergens ad siccitatem, & vitentur ea vsque ad declinationem, quæ plenius nutriunt, vt oua sordilia, & carnes, quæ multum nutrimenti præbent, vt pulli gallinacei, gallinæ, capi, carnes vitulinæ, hædinæ, veruëcinæ. Vitetur quoque lac & omnia cum lacte parata, ac multò magis ea, quæ ad caput effumant, idque vaporibus replent, quales sunt fructus oleosii, coepæ & similia, supra cap. 1. proposita.

Conceduntur hordeata, pisces saxatiles, pruna & huius generis alia: cibi condiantur refrigerantibus, supra cap. 1. propositis. Vino planè abstinendum, aut tenue, aquosum, oligophorum aut dilutum bibendum, aut aliquid aquæ superbibendum; ita enim vapores supprimuntur: aut bi-

batur cereuisa tenuis, vel ab assuetis aqua. In prima mensa quæ aluum lubricam reddunt, vt pruna damascena, iuscula gallinarum aut pullorum, aut aliarum carniū, cum herbis emollientibus, spinachia, malua, borragine, lactuca parata; In secunda verò mensa fumantur, quæ ascensum vaporum prohibent, claudendo os ventriculi; vt caro cydoniorum condita saccharo, pyra cocta, vel tosta, semen coriandi præparat. saccharo obductum. Æger non valdè exerceatur, vitetque iram, & animi affectiones vehementiores, & studium atque animi intentionem à cibo. Neque caput multis tegumentis inuoluatur, ne humores & vapores ab inferioribus ad superiora rapiantur. Membra inferiora fricentur, post vniuersales euacuationes, somnus non sit prolixus. Aluus, vt dictum, sit lubrica, ne ab excrementis in intestinis morantibus vapores ad caput eleuentur. Exemplum talis morbi curati est apud Forestum lib. 3. obs. 9. & seqq. vsque ad 13.

Q V Æ S T I O I.

Quenam vena in capitis affectibus aperienda sit?

*Quanam
vena in
affectib.
capitis
aperiēda.*

Non idem hac de re sentiunt Medici. Galenus equidem, quem reliqui Græci sequuntur, vt è libr. de curand. rat. per venæ sectionem cap. 7. & alibi passim videre est, venam humeralem seu cephalicam dictam, modò in conspectum veniat, aperiendam censet: Auicennas verò & alij Arabes non sine distinctione hanc rem definiunt. Si enim abundantia sanguinis, quæ morbum in capite parit, solum in capite sit, & partibus capiti vicinis, aut etsi in reliquo corpore fuerit, iam tamen ad partem affectam omninò affluerit, neque metus vllus amplius sit ex reliquo corpore sanguinem ad caput affluxurum, solas venas capiti proprias incidendas docent, vt venam frontis, vel in occipite, vel post aures cucurbitulas apponendas censent. Si verò etiam in reliquo corpore sanguis abundet; & fluxus adhuc duret, vel sanguinis fluxus metuatur, tunc venam cephalicam aperiendam existimant, qua aperta & partes capiti vicinæ euacuentur, & sanguinis ad caput affluxus reuellatur: vel etiam si viscera, & partes infimi ventris sint repletæ, basilicam aperiendam putant, quæ vt Ga-

len. 4. *de rat. vict. in acutis* docet, præcipua membra, quæ infra collum & clauiculam sunt, facilius & expeditius euacuat. Quod si & caput & inferiora repleta videantur, venam, quæ media seu mediana dicitur, secandam statuunt, quæ ex coalitu humeralis & axillaris fit, & caput, ac sub eo partes euacuare potest. Auicennas hoc præterea addit, si plus euacuare voluerimus, venam propè talum vel saphenâ secandâ esse. Mesues etiam in omnib. capitis morbis hæmorrhoidû prouocatione plurimû prodesse scribit.

Et omnino distinctione hic quadam opus est, & quid leges euacuationis ex toto, quid reuulsionis, & ex parte affecta euacuationis, requirant attendendum. Etenim in principio morbi non solum ad caput, sed etiam ad totum corpus & partem, à qua fit affluxus sanguinis, respiciendum, & ita venæ sectio instituenda, vt capiti proximus, non noceamus, idest, sanguinis ad caput affluxum prohibeamus. Ideoque in principio talis vena aperienda, quæ simul sanguinem abundantem possit euacuare, & à capite revellere: nullo verò modo vena in ipso capite in principio aperienda. Sed si plenitudo proueniat ab hepate, & partibus ad illud attinentibus, & sit in toto corpore, vel interna vel mediana statim aperienda.

Si verò à mensium vel hæmorrhoidum suppressione sanguinis abundantia & capitis morbus proueniat, quæ vena primû aperienda sit, authores dissentiunt.

Alij enim statim in principio, dum fluit adhuc sanguis, venas in cruribus & pedibus secandas, aut loca illa scarificanda putant: cum si in partibus superioribus vena aperiatur, sanguinis motus ad caput magis concitetur. Alij plenitudinem primò demere vena communi in brachio aperta, postea sanguinis motum ad inferiora reuocare vena in pedibus secta iubent.

Verum hic quantitas sanguinis abundantis, & morbi capitis hinc dependentis magnitudo attendenda. Etenim si sanguinis copia sit minor, & morbus det inducias, venas in pede primû, & quidem sæpius, si opus sit, aperire licet; cum venæ hæc & sanguinem minuant, & reuellât; siquidem venæ ubicunque aperta sanguinem immi-

nuere potest. Cum vero hæ venæ in pedibus, vt minores, sanguinem tardius euacuent : si magna sit eius copia, & morbus vehemens, ac præsens propterea auxilium requiratur, in cubito vena primùm aperiri potest, seu externa, seu mediana. Hinc deinde danda opera, vt naturalis fluxus iterum concilietur. Si verò in toto corpore nulla vel non magna sit sanguinis abundantia, affluxus tamen eius ad caput metuatur, statim cephalica aperiri potest. Tandem verò & corpore euacuato, & fluxu cessante, nisi malum cesset, venas in capite aperire licet. Videatur & Iachin. in 9. Rhaf. cap. 3. Inualuit quidem apud vulgus & apud tonsores nostros opinio in affectibus capitis plurimum prodesse venæ, quæ est inter pollicem & indicem, quam ideo cephalicam appellant, sectio. Verùm nullis fundamentis ista opinio nititur. Nam nullus ramus ex cephalica ad manum tendit, sed omnes rami venarum in manu sunt vel rami basilicæ, vel communis.

Q V A E S T I O II.

An arteria in affectibus capitis à sanguine secunda sint?

Vetères, vt ex Galeno 3. de loc. affect. cap. 8. 6. de tuenda san. cap. 9. lib. de curand. rat. par sang. missionem cap. duobus ultimis, Aëtio, Ægineta, Auicenna, Rhase videre est, vbi sanguis calidior & feruidior ad caput fertur, & in eo abundat, & sæpe diuturnos capitis dolores, vertiginem & alia mala diuturna, quæque aliis remediis non cedunt, excitat, ad arteriarum sectionem, tanquam præsentissimum remedium accedere solebant. Et quidem in temporibus, infestantibus oculos fluxionibus calidis; post aures verò in vertiginosis maximè; & qui diuturnis doloribus capitis ac spirituosis affliguntur. Experientiæque comprobatum est, post varia diu frustra tentata remedia, hoc auxilij genus tandem profuisse. Verùm plerique hodiè eam tentare metuunt. 1. cum nostris Chirurgis ratio eas secandi non sit cognita. 2. (quæ duæ rationes etiam à Galeno, lib. 3. de curand. ratione per sanguinis missionem cap. 2. attinguntur) quod difficile sit erumpentem ex arteriis sanguinè compescere & suppressere. 3. quod etiamsi sistatur & vulnus ad cicatricem perducatur, nihilominus *in d'earum fiat.*

*An arte-
ria in af-
fectibus
capitis
aperien-
da.*

Verum

Verum enim verò periculum & hæmorrhagiæ & aneurismatis vitari potest, si arteria tota præcidatur, ut ex Galeno, *loc. allegat. cap. ult.* patet. Alias enim ut Galenus, *5. meth. med. cap. 7.* docet, difficulter sanguis fisti arteria secta potest. Platerus prius etiam arteriam denudare iubet, ut ligari postea possit. Sed nec planè impossibile est, etiamsi tota non dissecetur, sed ut vena aperiatur, sanguinem sistere, modò deligatio rectè fiat, neque ea citò solvatur, ut Ambrosius Paræus *lib. 16. chirurg. c. 4.* docet: Qui in diuturnis capitis affectibus à sanguine feruido, tenui, vaporoso istam sectionem non solum in seipso, sed & in aliis feliciter & cum commodo instituit. Verum, nisi aliis omnibus frustra tentatis, ad hanc sectionem non accedendum est. Diligenter etiam perpendendum est, quibus in casibus ea necessaria sit. Plerique statuunt, id tentandum esse, cum certi sumus causam in arteriarum sanguine spiritioso esse, idque ex arteriarum pulsu vehementiore & calore ad tactum agnosci: Idque etiam verum esse credimus, Quamquam enim multa hac de re arguetur Theodorus Collado *in observ. in Holler. methodum cap. 9.* & probare conetur, primò aliquem dolorem capitis ac oculorum pulsatilem, etiam materia fluente per arterias exteriores, non requirere hoc remedium, imo id si adhibeatur, malum esse; secundò in aliquo affectu seu dolore capitis aut oculorum, cuius materia fertur per venas & arterias internas, arteriotomiam utilem esse: tamen quæ assert non magni momenti sunt. Ludit enim procul dubio in æquiocatione doloris pulsatis. Neque enim credo, Hollerium, cum dicit, in omni dolore capitis pulsatili singulare remedium esse arteriotomiam, dolorem pulsatilem propriè dictum intelligere, qui est proprius partium inflammatarum, ubi ob partes inflammatas tensas pulsatio arteriæ vehementior percipitur, sed eum, qui fit sine inflammatione, cum scilicet ob sanguinem arteriosum, spirituosum & flatulentum, qui dolorem capitis diuturnum excitat, arteriæ in temporibus vehementius pulsant, & tactu calidiores percipiuntur: qui dolor sæpe tam pertinax est, ut nisi secta arteria vix tolli possit.

Neque, quod se demonstraturum promittit, demonstrat Collado, scilicet aliquem dolorem etiam materia fluente per arterias externas non requirere hoc remedium, sed hoc probat aliquem dolorem esse pulsatilem; materia non existente intra arterias, sed etiam aliquando intra venas: & ita concedit materiam tum non existere intra arterias, sed venas; cum tamen se demonstraturum promiserit, materia, intra arterias existente aliquando arteriotomiam non solum inutilem, sed etiam noxiam esse. Alterum quod attinet, contrarium statuit Galenus, & non ob quosvis capitis affectus arteriotomiam instituendam, sed ob eos solum, cum sanguis feruidus per arterias externas fertur, clarè docet 3. de loc. aff. cap. 8. cum scribit; *Non omnes huius auxilij beneficio fuisse curatos, eos nimirum ubi vapor ille spirituosus per arterias internas ad caput adscendit.* Addit enim: *Etenim aliæ arteriæ iis maiores ad cerebrum ex ipsius basi per retiformem plexum adscendunt, per quas huiusmodi affectionem fieri consentaneum est, elato per ipsas vaporoso calidoque spiritu.*

Q V Æ S T I O III.

An venas narium scalpello vel hirudinibus aperire liceat?

An venas narium scalpello vel hirudinibus aperire liceat.

Plurimi quidem Medici eas etiam scalpello & hirudinibus aperire iubent, sed neuter modus tutus est. Nam cum venæ illæ visui non pateant, qua ratione etiam scalpello aperiendæ sint, Chirurgus non videre, & facile hinc aliquid peccare potest; neque etiam vulnus ita obligari potest, sicut in venis subcutaneis. Multo minus tutum est, hirudines naribus immittere; cum facile penitus irrepere & pertinacius hæreere queant, ut non facile extrahi, ac magnæ hæmorrhagiæ causæ esse queant, cuius rei exemplum annotavit Herc. Saxon. lib. 1. pract. cap. 2. de quodam patritio Veneto, cui hirudo naribus apposita adscendit in caput, ita ut nullo modo vel extrahi vel necari posset, unde æger nimia sanguinis effusione extinctus est. Et simile quid etiam Venetiis accidisse refert.

Q V Æ S T I O IV.

Cui loco cucurbitula reuulsionis gratia sint applicandæ.

Diximus cucurbitulas scarificatas venæ sectionis vicarias

rias primùm lumbis, deinde scapulis & brachiis, tandem Cui loco
 cervici imponendas esse. Contrarium sentire videtur Platerus, dum *pract. tract. 2. p. 257.* scribit: Cucurbitulas colli cucurbi-
 lateribus, summo humero, scapulis, brachiis, coxis, furis, rula in
 natibus quoque applicandas, sensim à superioribus versus affecti-
 inferiora cucurbitularum applicatione procedendo, repe- bus capi-
 tendoque eodem vel etiam seqq. diebus, adhibita post- tis appli-
 modum scarificatione, si validiùs à parte trahere velimus. canda.

Verùm nulla est hìc repugnantia. Nos enim tantùm de cucurbitulis scarificatis locuti sumus, quas meritò primò partibus remotioribus applicamus. Platerus verò & de scarificatis & non scarificatis loquitur: & non scarificatas primò loco propinquo applicat, hinc sensim remotiori, vbi demum & ultimò scarificationem adhibet, atque ita non scarificatis, saltem sanguinem versus locum scarificandum deducit.



CAPUT IX.

De Intemperie capitis cum bile.

Causæ.

Intemperies hæc calida & sicca est, bilemque con- De in-
 iunctam habet: quam quæ causæ generent, in Instit. temperie
lib. 2. part. 2. & 5. explicatum est. Ex autem & hic locum capitis
 habent, nim. aer calidior, anni tempus calidum; vigiliæ cum bile.
 nimia, exercitatio corporis nimia, & vitæ genus laborib.
 deditum; inedia, cibi, qui faciliè in bilem vertuntur, vinum
 potens, medicamenta calida & sicca, & id genus alia. Idq;
 facilius ista præstant, si hominis temperatura sit calidior &
 siccior, habitus corporis gracilis, ætas iuuenilis.

Signa Diagnostica.

Sensum mordacitatis, & dolorem acutum, mordacem Signa bi-
 & pungentem ob acrimoniam, & feruorem totius capitis lus in ca-
 excitat humor biliosus; vnde caput totum calidum tan- pite.
 genti deprehenditur, dolorque, etsi vehemens, est sine in-
 signi gravitate, quia sua tenuitate, poros subit nec inflat,
 F 5 dolor

dolorque magis in dextra parte percipitur; quod proculdubio intelligendum est, cum caput ab hepate ^{καὶ τῷ} afficitur. Facies pallet, vel potius flauet, & ad citrinum colorem tēdit, vt & oculi. Actiones cerebri potiùs deprauantur, quàm abolentur, vel imminuuntur. Aliter enim sæpè imaginantur, & ratiocinantur quàm par est, bilisque in cerebro abundans delirium sæpè cum quadam feueritate & iracundia excitat; vigilæ infestant, quas interdum leuissimus & breuissimus somnus interrumpit, obuersantur ante oculos, præsertim dum æger obdormiscit, imagines flammarum & incendij, pugnarum & dimicationis, volatus. Excrementa cerebri sunt pauca, aurium verò multa, & flauescent, adēstque linguæ, narium & oculorum siccatas, os amarescit. Non quiescunt ægri, sed inæqualiter variè & inordinatè corpus mouent. Pulsus, si in corpore reliquo bilis abundet, est magnus, velox, frequens. Vrina citrina, ignea & tenuis: ac symptomata, quæ coniunguntur, per periodos affligunt, & plerumque circa meridiem ingrauescunt, refertque Iachinus in 9. *Rhas. l. 4.* Iuuenem quendam dolorem capitis ex bile adeò grauem quotidie circa meridiem passum esse, vt fureret. Solētque tunc accidere, vt etiam in febribus, vt vrinæ tenues & aqueæ quasi mingantur, bile ad caput tendente; circa vesperam verò iterum tinguntur, dum eadem in venis humoribus permiscetur, & cum vrina excernitur.

Præcesserunt causæ bilem generantes, vt hepar calidum & ficcum, ætas iuuenilis, cibi & potus ad bilis generationem facientes, & reliquæ bilem cumulantes causæ. Iuuant, quæ refrigerant, bilem euacuant, à capite auertunt, alterant, eiusque generationem prohibent: contra nocent, quæ calefaciunt, bilem generant, retinent, augment, eamque ad caput concitant. Lux etiam vehementior molesta est.

Indicationes.

Humor biliosus est euacuandus, à capite auertendus, repellendus, si aliunde affluit. Intemperies verò tam cerebri quam humorum coniuncta, calida & sicca contrariis alteranda caputque roborandum. Et quidem si febris adsit, coctio prius expectanda; nisi materia turgeat: si verò fe-

bris absit, quocumque tempore purgationem exhibere licet, modò viæ apertæ sint. Hæ enim si apertæ non sint, aperiendæ prius, de quo in Institut. lib. 5. part. 2. sect. 1. cap. 6. & de febribus lib. 2. cap. 6. dictum. Ideoque frustra nonnulli ad bilem digerendam multa medicamenta propinant. Etsi enim illa, quæ præscribunt, medicamenta vtilia sint; tamen potius post purgationem, ad intemperiem alterandam, quam ante purgationem ad bilis coctionem, qua hîc in morbo non febrili nihil opus est, conducunt.

Curatio.

Iniiciatur ergo primùm clyster ex refrigerantibus & emollientibus.

Vt ℥. Fol. malu. violarię, parietarię, mercurialis, betæ, an. M. j. prunor. damasc. num. x. hordei M. ℞. Coquantur in aq. simplici.

Colat. ℥. ℔. j. Cassiæ vel elect. lenitiui, aut diacathol. 3. j. olei violar. 3. iij. sacchari rubri 3. ℞. salis 3. ℞. Fiat clyst.

Vel ℥. Maluæ, violar. endiu. lactuc. an. M. j. flor. nymph. P. ij. sem. quatuor frigid. major. 3. ℞. prunor. num. xij. Coque in aq. hord. ℥.

Colat. ℥. ℔. j. flor. cassiæ 3. vj. elect. diacathol. 3. ℞. olei violar. 3. iij. mell. rosati colat. 3. j. Fiat clyster.

Vel exhibeantur syrup. violar. aut rosar. solutiui. 3. ij. vel iij. cum aqua vel decoctione endiuæ, vel decocto florum & fructuum.

Vel ℥. Cassiæ, elect. lenitiui. an. 3. ℞. pulpæ tamarindorum 3. ij. Cum saccharo fiat bolus.

Vel in decocto aut aqua calidos humores alterante dissoluatur cassiæ 3. j. & addatur syrup. solutiui. rosar. aut viol. solutiui. 3. ℞. F. haustus.

Postea si bilis mista sit cum sanguine, vtilis est sanguinis missio, sed parciore, ad sanguinis copiam imminuendam, eundemque refrigerandum mittendus etiam reuulsionis gratia sanguis, vbi inflammatio metuitur. Si verò nulla copia sanguinis adsit, nihilque tale metuatur, venæ sectione opus non est. Censent autem Medici venam potius in dextro quàm in sinistro brachio aperiendam esse, quia sedes bilis potissimum sit in dextro latere: & aperienda est vena vel mediana vel humeralis.

Postea

*Præparantia
bilem in
affecti-
bus capi-
tis.*

Postea bilem præparantia exhibenda, quæ scilicet eius feruorem & acrimoniam attemperant, vt sine molestia per conuenientia loca euacuari possit, refrigerantia scilicet & humectantia, è quibus cephalica eligantur. Si tamen id conditio humoris postulat aliàs, & si bilis sine vilo incommodo euacuari potest, statim ad purgationem accedendum, vt antea dictum. Conueniunt ergò hîc, si opus est, caput humectantia, & refrigerantia supra proposita; quibus & alia bilem præparantia, vt endiuia, acetosa, cichorium & similia misceantur. Et si bilis sit tenuior & cum multis vigiliis; lactuca, nymphæa, papauer:

℥. Syrup. papau. ʒ. j. de nymphæa ʒ. ss. aq. lactucæ, viol. nymph. an. ʒ. j. Misce.

Vel ℥. Syrup. granatorum, de agrestæ, nymph. an. ʒ. vj. aq. portulac. lactuc. rosar. an. ʒ. j. Misce.

Si bilis sit crassior.

℥. aq. endiu. cicbor. an. ʒ. j. ss. syrup. acetos. f. ʒ. j. endiu. ʒ. vj. Misce.

Etenim natura bilis semper perpendenda. Quo enim bilis calidior, fortiora refrigerantia adhibenda. Vt si bilis sit pallida, fiant medicamenta ex hórdeo, cichorio, endiuia, rosis, acetosa: Si flaua & præsertim vitellina, illa scilicet ex aduersione bilis pallidæ orta, nymphæa, papauer addenda: si sit visciditatis particeps, vt vitellina illa Guainerij ita dicta, quæ pituitæ aliquid admistum habet, syrup. acetosus & acetum addendum: de qua re pròlixius agit Sauanorola *pract. tract. 4. cap. 30.*

Obseruandum etiam hîc in vsu istorum medicamentorum, quod aliàs in genere præcipitur, cum dulcia faciliè in bilem mutantur, syrupos & alia dulcia in parua quantitate esse vsurpanda, & aquis ac decoctis refrigerantibus benè diluenda. Acida potius præcipuè vbi incisione aliqua opus est, conueniunt et si bilis sit crassior.

*Purgantia bilem
in affectibus
capitis.* Deinde purgetur humor biliosus, verum non admodum validis & calefacientibus medicamentis, quibus sanguis magis calefit & ad superiora fertur, sed lenioribus, & quæ simul feruorem sanguinis tollunt, blandèque euacuant, qualia sunt. *syrup. rosar. & violar. solutius, aloë, cui*

vt fortius purget, paxillum scammonij, ad ʒ. j. ʒ. ʒ. viij. vel x. prout natura corporis & humoris copia id requirit, addi potest, & Gal. *biera picra, myrobalani citrin. tamarindi. manna*, quia facile bilefcit, refrigerantia, & quæ eius in bilem mutationem prohibeant, addi possunt, vt syrup. ros. solutiū. cremor tartari, aqua endiu. violar, &c. *Rhabarbarum*. De quo tamen notandum, quod quidem ad bilem euacuandam vtile, & admodum familiare est medicamentum; quia tamen siccatur ac fumosum est, & facile exhalat, solum non dandum, sed cum aqua endiuæ, violar. & similibus frigidis, addendusque syrup. rosar. vel violar. solutiū. *Electuarium lenitiū, diaprunis lenitiū. diacatholicum*. Et fortiora, *electuar. de psyll. diaprunis solutiū, de succo rosarum, pilulæ aggregatiuæ, aureæ*, quæ vsurpanda si bilis sit crassior & ob lentorem pertinacius adhærescat, vel pituitæ aliquid admistum habeat.

℥. Specier. decocti flor. & fructuum ʒ. ʒ. sem. quatuor frigid. major. an. ʒ. j. tamarind. ʒ. ʒ. Coquantur in aq. simpli. In colat. f. q. infundant. *Rhabarb. ʒ. ʒ. cinnamomi ʒ. ʒ. spica ʒ. vj.*

Colat. ℥. ʒ. iij. In iis dissolue manna ʒ. vj. vel ʒ. j.

Iterum colentur. Adde syrup. rosar. solutiū. ʒ. ʒ. F. haustus.

Vel ℥. *Tamarindor. ʒ. vj. myrobalan. citrin. ʒ. ij. flor. borrag. violar. M. ʒ. sem. quatuor. frigid. major. an. ʒ. j.* Coque in aqua hordei.

Colat. ℥. ʒ. iij. In iis dissolu. manna ʒ. j. ʒ. *Elect. diacatholici ʒ. vj.*

Colat. Adde syrup. viol. solutiū. ʒ. ʒ. F. haustus.

Decoctum etiam vel syrup. florum & fructuum cordialium bilis feruorem reprimat, sanguinem mundat, & bilem leniter educit.

℥. *Prunor. num. xl. juiubarum, sebesten, an. num. xxx.* Coque in aq. tb. iij. ad remanentiam tb. j.

In colatura dissolu. *pulpæ tamarind. cassiæ extract. an. ʒ. iij. manna ʒ. j.* Si libet adde saccharum. Fiat syrupus pro iij. dosibus, quarum quælibet scammonij ʒ. iij. acuat.

Vel ℥. *Rhabarbari ʒ. iij. cinnamomi ʒ. j. flor. cordial.*

P.ij. Infundantur in aq. endiuixæ

Colat. ℥. 3. iij. ℞. In iis dissolu. pulpæ tamarind. el. de succo rosar. 3. ij. syrup. violar. solut. 3. ℞. M.

Bolus.

Bolus.

Delicatis talis bolus exhiberi potest.

℥. conseru. violar. vel rosar. cum manna parata 3. ℞. Extrahiti scammonij ḡ. vj. vel diagridij 3. ℞. cinnamomi, macis, mastiches, an. ḡ. iij. Fiat bolus.

Vel ℥. Cassiæ 3. v. Elect. rosar. Mes. 3. j. rhabarb. elect. 3. ij. spic. ḡ. vj. trochisc. de viol. cum scammon. 3. j. Cum sacchar. F. bolus.

Puluis.

Puluis. ℥. Turbith elect. 3. ℞. zingiber. stæchad. Arab. an. 3. ℞. diagrid. ḡ. vj. macis, santali rubri an. ḡ. iij. Fiat puluis.

Et quidem bolis & liquidis medicamentis bilis commodius purgatur, cum iis refrigerantia & humectantia commiscere liceat, pilulæ verò magis siccant. Si tamen alicui pilulæ arident, & præcipuè si bilis sit crassior, tales exhiberi possunt.

Pilula.

℥. Pilul. aggreg. 3. ij. de rhabarb. 3. j. diagrid. ḡ. iij. cum aq. endiu. F. pilul. xxj.

Vel ℥. Rhabarb. 3. ℞. spica ḡ. vj. Specier. biexæ s. 3. ℞. agarici trochisc. 3. j. cum syrup. viol. F. pilul. xxv.

Notandumque hic illud, quod Galenus, lib. i. uel in cap. 2. monet, in omni capitis morbo à quocumque humore fiat, admiscenda esse phlegmagoga.

Clysteres etiam refrigerantes & humorem biliosum euacuantes sæpius iniicere utile est.

Vt ℥. Maluæ, althææ, violar. parietariæ an. M. j. bordei M. ℞. semin. quatuor frigid. major. an. 3. iij. prunor. num. x. Coquantur in aqua simplici.

Colat. ℥. lb. j. Cassiæ pro clysteribus 3. j. elect. de psyll. 3. ℞. olei violacei 3. ij. mellis rosati colati 3. j. salis 3. j. Fiat clyster.

Vomitoria.

Si bilis ad ventrem confluat, atque inde vapores ad caput eleuentur, ægerque ad vomendum facilis sit, vomitoria etiam lenia exhiberi possunt. Si verò æger ad vomendum difficilis sit, ne caput magis repleatur, omit-

tenda

tenda vomitum cientia, & bilis per aluum educenda.

Neque solum ista electiuè purgatio vsurpanda, sed & ea, quæ abstergendo potius eandem cum per aluum, tum vias vrinæ educunt, qualia sunt decoctum lupuli in sero lactis, & fumaria cum eodem sero exhibita.

Postquam humor biliosus ita euacuatus, qui restat al- *Vrinam*
terandus, & intemperies inducta corrigenda contrariis, *cientia.*

frigefacientibus scilicet & humectantibus supra cap. 1. & 4. propositis, quæ hic repetere opus non est. Quibus & alia ad bilem temperandam vtilia addere licet, *tv dentem leonis*, *sonchum*, *portulacam*, *syrup. de portulaca*, *de agresta*, *oxy-saccharum* & si vigilæ infestent, præcipuè vsurpanda *lactuca*, *nymphaea*, *papauer* & ex iis parata medicamenta. Simul etiam & postquam humor biliosus per aluum aliquo modo euacuatus fuerit, ab initio etiam hic repellentia conueniunt, quæ supra de intemperie capitis calida & à plethora proposita sunt. Et licet repellentibus opus non sit, refrigerantia tamen adhibeantur tum interna, tum externa cap. 1. proposita. Inter quæ odora menta reliquis præferuntur, quod satis refrigerent, exitum tamen vaporum è capite non prohibent. Topica, quæ adhibentur, non sint humida & sanguinem ad putrefactionem disponentia, sed eligenda adstringentia, succi granat. berber. Ideoque Forestus lib. 9. obseru. 12. sacculis potius quàm lotionibus vtendum censet.

Camphora tamen hic, quia siccatur, & vigilas inducit, *Cāphora*
vel omittatur vel cautè adhibeatur; cum somnus in hac *ad affe-*
intemperie capitis commodissimus sit, ideoque & quia *ctus ca-*
bilis siccatur, & plerumque vigilas inducit, somnum con- *pitū.*
ciliantibus sæpe opus est, vt lotionibus pedum, medica-
mentis, quæ acrimoniam bilis retundunt, & cerebrum
humectant, ex foliis lactucæ, flor. violar. capitibus &
feminibus papaueris & similibus; de quibus suo loco
diceretur.

Neque omittantur reuulsiones per cucurbitulas sine scarificatione, per frictiones, ligaturas, lotiones extremorum. Vtile etiam hic est balneum aquæ dulcis.

Hinc particulares euacuationes instituantur. Apophlegmatismi

*Enacuā.
ria bilem
è capite.*

gmatisimi quidem pituitæ propriè conueniunt. Masticari tamen & hic possunt grana mastiches cum passulis & salina crebrò expui. Et si aliquid pituitæ admistum sit, aliquot grana piperis vel cubearum, vel parum cortic. radic. cappar. addi potest. Errhina parentur ex succo betæ, aqua tamen hordei admixta. Vel fiat gargarismus ex decocto hyssop. hordei & oxymel. simpl.

Vel ℥. *Succi rosarum* ʒ. ij. *diagrid.* ʒ. j. *℞. succi betæ* ʒ. iij. *mellis q. f.* fiat errhinum.

Vel ℥. *Succi rosarum* ʒ. ℞. *diagrid.* ʒ. j. *mellis parum*, Misce.

Vel *Scammonium aut elaterium cum lacte* misceatur, quod naribus attrahatur.

Vel ℥. *Aq. majoran.* ʒ. ij. *manne* ʒ. ℞. Misce.

Rhabarbarum quoque usurpare licet. Sternutatoria cum ex folis frigidis, vtpotè quæ naturam sufficienter non stimulant, parari non possint, parantur, si iis opus, ex frigidis & calidis simul mixtis, vt ex succo violarum vel rosarum, quibus aliquid piperis aut helleb. addi potest. Aut vapor aceti in quo castoreum dissolutum sit, naribus attrahatur.

Et si bilis sanguine permixta sit, sanguisque biliosus, tenuis, feruidus ac vaporosus mali causa sit, ad arteriarum sectionem, aliis remediis non iuuantibus; accedere quoque necessarium est, de qua *capite præcedente* dictum.

Tandem etiam digerentia ex chamæm. meliloto, sem. lini, foenugræci adhibenda, vt & vnguentum alabastrinum, eodem modo vt in intemperie cum sanguine, *de quo postea etiam in questione dicetur.* Et quia cochlearum caro citra calorem redundantem humorem euocat, etiam hic nonnulli cataplasma quod paratur ex cochlearum carne contusa, cum modico thuris commendant.

Dietæ.

Aër in quo æger degit, sit frigidus & humidus, vel talis arte paretur, vt supra *cap. i.* dictum. Victu vtatur æger refrigerante & humectante, supra eodem capite proposito & descripto, quo generatio bilis prohibeatur, & genita temperetur. Abstineat vino, potusque sit assuetis aqua cocta & præparata, vel aqua hordei aut cereuisia tenuis.

Assue

Affueti cubitum ituri haustum aquæ frigidæ bibant. Somnus sit longior: Perturbationes animi & corporis motus vehementiores, vt & inedia, vitentur.

Q V Æ S T I O.

An in intemperie cum humore bilioso etiam locum habeant discutientia & resoluentia?

Videntur quidem minus conuenire discutientia. 1. cum sint calida, & intemperiem augeant, ac faciliè putredinem humori inducere possint. 2. quia attrahere valent humores ad caput. 3. quia bilis spontè & faciliè exhalat, & vir vllas sui reliquias in capite relinquit.

Verum enim verò in declinatione non sunt planè omitenda discutientia. Si enim locum habent in inflammatione, vt docet Gal. 13. m. m. cap. 6. 8. & 9. & 1. ad Glauc. cap. 13. & 2. reg. 1. 7. cap. 2. omninò etiam in humore bilioso adhiberi possunt. Tantum verò abest, vt intemperiem augeant, vt potius refrigerent. Digerentia enim, vt vult Galenus, 1. de simpl. medicam. facult. cap. 4. & 2. ad Glaucon. cap. 2. refrigerant ex accidente, quatenus materiam calidam discutunt. Neque metus est attractionis: cum non nisi vniuersalibus præmissis, & post vsum repellentium adhibeantur; vbi verò metus adhuc est de affluxu, compositis ex repellentibus & discutientibus vtendum. Et quanquam humor biliosus sit tenuis, & facile exhalet: tamen faciliè fieri potest, vt in capite hærens crassescat, & hinc non totus exhalet.

C A P V T X.

De intemperie capitis cum pituita.

Causæ.

Q Væ cum pituita coniuncta est intemperies, frigida & humida est. Generatur autem & cumulatur pituita in cerebro hyemè, & constitutione aëris frigida, locisque palustribus & vliginosis, ætate senili, inprimis vbi

De intemperie capitis cum pituita.

cerebrum frigidius & humidius est, vel à morbo aliquo, aut nimia venere, aut immoderato sanguinis è naribus fluxu, debilitatum est, aut ob meatuum angustiam, excrementorum crassitiem, facultatisque expultricis debilitatem excrementa expellere non valet. Aliundè verò ad caput transmittitur, si in vniuerso corpore, aut determinata aliqua parte abundet, & causæ accedant, quæ ipsam ad caput allicere valent, vt dolor capitis, calor & similia. Non parum etiam sæpè ad hanc intemperiem generandam facit hepar calidum & humidum, à quo sanguis vaporosus materiam multis vaporibus, qui in caput eleuantur, præbet, quibus ibi hærentes, cerebrum debilitant, & materiam pituitæ præbent. Et omnino huc faciunt causæ omnes pituitam generantes; lib. 2. Institut, enumeratæ.

Signa Diagnostica.

Signa pituita in capite.

Adest capitis grauitas & tensio, sensuum cum internorum, tum externorum inertia, mentisque stupor & tarditas, in somnum propensio, idem est longior & profundior. De somno tamen hoc monet Zechius, *consul. 72.* fieri posse, vt in cerebro pituitosi humores generentur, & nihilominus vigiliæ ægro sint molestæ, si scilicet pituitosa excrementa statim cum gignuntur, concitato motu delabantur & catarrhum excitent, præcipuè si cerebri calor natius absumptus & cerebrum secundum substantiam exsiccatum sit: præterea si moeror & sollicitudines somnum interrumpant ac vigilias excitent. Somnia sunt de rebus albis, aquis, pluuiis. Cælo sereno melius habent ægri, nubilo & frigido aëre peius habent circa lunæ phases peius, luna ab aspectu solis vacua melius. Si tamen in parte capitis anteriore pituita abundet, soporosus magis affectus extat; si in medio vel posteriore, fatuitas & memoriæ læsio magis excitatur.

Os saliuæ multa humet, lingua est mollis, sitis adest nulla, & pituita copiosior è naribus & per palatum excernitur, quæ sapore est, vel dulci vel acido, vel falso pro natura & differentia pituitæ. Facies pallet, nisi forsan doloris vehementia aut diuturnitate tenuior sanguinis pars ad

ad caput rapiatur, cuius præsentia id rubeat & caleat, oculi subument. Caput si tangatur non est ita calidum, sed potius frigidum, & quod non nisi tegumentis multis adhibitis calefieri potest. Nonnullique conqueruntur, se frigiditatem instar niuis & glaciei in capite percipere. Molestia, quam parit, ferè magis in occipite sentitur, præsertim iis horis, quibus pituita dominatur, à tertia scilicet hora noctis vsque ad nonam. Vrina, si simul in reliquo corpore pituita abundet, est cruda, crassa, alba, pulsus paruus, mollis, tardus, rarus; Affectus qui inde excitatur, est diuturnus. Quod si cum his temperamentum, ægri ætas, anni tempus, æris constitutio, diæta præcedens, & omninò causæ, quæ caput frigefacere & humectare ac pituitam in eo cumulare solent, consentiant, certiora omninò erunt ista signa; iuuant quæ pituitam alterant & euacuant, caputque calefaciunt & siccant; nocent quæ pituitam nimium augent, caputque frigefaciunt & humectant.

Prognostica.

Intemperies hæc curatu non ita facilis est, & sæpè in stuporem, paralyfin, apoplexiam, & soporosos affectus degenerat; & quò diuturnior est, eò difficiliùs curatur, vt & in corpore senili. Tempus hybernũ quoque, quod morbum auget, minus aptum est ad curationem; commodior est calida & sicca æris constitutio, qualis est æstiuæ.

Indicationes.

Cum intemperies tolli non possit, nisi causa prius tollatur, pituita primũ euacuanda, & si ad caput moueatur, reuellenda. Intemperies verò frigida & humida per calefacientia & siccantia corrigenda.

Auxilia & Curatio.

Itaque sanguinis euacuatione ob pituitam equidem nulla opus est. Si tamen in reliquo corpore, quod fieri impossibile non est, præcipuè si hepar sit calidius, sanguis abundet, eum in ætate floreute vel consistente etiam detrudere inutile non est. Hoc enim modo & vaporum ad caput exhalatio impeditur, & superfluum alimentum

demitur, vt natura postea, quicquid crudum & pituitosum in sanguine est, facilius & exactius concoquere possit, & medicamenta postea tutius vsurpentur. Sanguine euacuato, aut si sanguinis euacuatione opus non sit, statim ad ipsius humoris pituitosi euacuationem se accingat Medicus.

Primò ergo præcipuè si ab inferioribus humor ad caput feratur, iniiciatur clyster. Clysteres enim non solum ex primis viis materiam superfluum euacuant, sed & à membris principalibus superioribus, & maximè cerebro humores superfluos versus inferiora trahunt.

Primò talis sufficit.

℞. Maluæ, althææ, betæ, parietar. betonic. byssopi, an. M. j. Flor. stæchad. chamæmel. melilor. an. p. ij. Coq. in aqua s.

Colat. ℞. ℥. j. in qua dissolue bieræ simpl. Galen. benedict. laxatiu. an. ℥. ss. mellis anthosati, rosat. colati an. ℥. j. succi betæ 3. x. olei lilior. an. ℥. ij. salis 3. ss. Fiat clyster.

℞. Rad. ireos, pæoniæ, an. 3. ss. mercurial. betæ, saluiæ, rutæ, betonicæ, an. M. j. rorismarin. flor. chamæmel. an. p. j. sem. anisi, fœniculi, an. 3. ij. agarici albi in petia ligati 3. ss. Coquantur in aq. simplici.

Colat. ℞. ℥. j. adde benedict. laxat. 3. ss. diaphœnici 3. ij. mellis rosat. solut. 3. j. olei rutacei 3. j. ss. laurini 3. j. salis 3. j. Fiat clyster.

Si in ventriculo sit materia fluitans aut nauseam excitâs, ægerque ad vomitum facilis sit, vomitus concitetur, alijs vomitus inutilis, cum caput repleat.

Præparantia pituitam in capite.

Deinde humor pituitosus, nisi sit salsus, cum magna ex parte sit crassus & viscidus, præparandus & attenuandus incidentibus & abstergentibus, byssopo, saluia, origano, maiorana, betonica, verbena, quæ siue assumpta, siue extra vsurpata in morbis capitis à materia frigida multum prodest, ruta, roremarino, stæchade, pæonia, matricaria, in mulieribus, & alijs cephalicis calidis supra cap. 2. propositis, tum simplicibus, tum compositis, quibus & alia medicamenta incidentia & abstergentia addi possunt. Magna ex parte pituitam crassam & viscidam esse diximus. Quando enim

Preparantia
pituitam in
capite.

enim pituita fluida est & catarrhus coniunctus ac materia euaporationi apta, quæ nimia attenuatione redderetur fluidior & plures vapores suppeditaret, vsurpanda calefacientia & sistentia nonnihil, atque incrassantia, vt *saluia*, *mentha*, *absinthium*, *maſtiche*, *nux moschata*, *nuces cupressi*, *thus*, *mel rosatum* & similia. Vbi verò materia est frigida, crassa, viscida, ab attenuantibus & mitioribus inchoandum, qualia sunt oxymel simplex, aqua maioranæ, hyssopi, betonicæ; postea ad fortiora ascendendum, qualia sunt oxymel compositum, scylliticum, syrup. stœchad. Arabic. aq. maioranæ, rutæ, rorismarini, decoctum radic. pœoniæ, acori; & prout visciditas maior vel minor est, ita etiam incidentium & abstergentium, vt oxymel simplic. & compositi plus vel minus admiscendum. Omnino enim in præparantibus istis medicamentis hoc obseruandum, vt à lenioribus incipiamus, ne si nimis calida statim initio vsurpentur; materia fundatur & morbus vehementior reddatur. Ideo Matthæus de Gradibus reprehendit eos, qui in dolore capitis à causa frigida à principio exhibent syrup. de stœchad. qui est valdè calidus. Quapropter rectissimè fit, si cum materia est multa, primò leniora vsurpentur: hinc pars materiæ euacuetur & postea ad fortiora fiat progressus. Si pituita sit salsa, semper addenda cichorium, endiuiâ, scariola.

Vt ℥. Radic. fœnicul. ʒ.ß. Fol. beton. hyssop. an. M. j. semin. fœnicul. 3. j. Flor. rorismarini, stœchad. Arabic. an. p. ij. Coquantur in aq. simplici.

Colat. ℥. ʒ. vij. syrup. de betonicâ, de stœchad. simplic. an. 3. vj. oxymelitis simp. ʒ.ß. Misce pro duabus dosibus.

℥. Radic. calam. aromat. pœoniæ, galangæ ana ʒ.ß. betonic. saluæ, rorismar. an. p. j. sem. pœon. ʒ.ß. anisi, fœnicul. an. 3. ij. Flor. stœchad. Arabic. saluæ, sambuc. rosarum an. p. j. Coquantur in aqua pura.

Colat. ℥. lb. j.ß. sacchari ʒ. iij. Fiat potio clara.

Quæ aromatizetur specier. diamosch. dulcis ʒ. j. pro 3. vel 4. dosibus.

Vel ℥. Hyssopi, betonicæ, saluæ an. M. j. Flor. stœchad. Arabic. M.ß. Coquantur in aq. simpl.

Colat. ℥. ʒ. viij. Syrup. de byssop. de stæchad. simpl. an. ʒ. j. Misce pro duabus vel tribus dosibus.

Vel ℥. Syrup. stæchad. ʒ. j. oxymel. simpl. ʒ. ʒ. decocti cephalici ʒ. iij. vel iv. F. Haustus.

Vel ℥. Radic. fœnicul. ʒ. j. pœoniæ, angelic. ireos Florentinæ, an. ʒ. ʒ. saluiæ, maioranæ, betonicæ, calaminthæ, byssopi, an. M. ʒ. sem. fœniculi, sileris montani an. ʒ. ij. carui ʒ. j. flor. stæchad. Arabic. anthos, lauendulæ an. p. j. Coquantur in aq. simpl.

Colat. ℥. lb. j. ʒ. Dulcoretur saccharo & clarificetur, add. aq. cinnamomi ʒ. ʒ. Fiat potus pro quatuor dosibus.

℥. Radic. fœnicul. petrosel. an. ʒ. ʒ. pœoniæ ʒ. j. betonic. byssop. calaminth. capill. Veneris, meliss. maioran. an. M. j. Flor. stæchad. Arabic. p. j. Coq. in aqua f.

Colat. ℥. lb. j. Mellis anthosati, syrup. de betonica, oxymel. simpl. an. ʒ. j. Fiat potio pro 4. dosibus, quæ aromatizetur specier. aromat. rosat. ʒ. ʒ.

℥. Radic. fœnicul. pœoniæ, an. ʒ. ʒ. byssop. calaminth. betonic. capill. Veneris, maioran. rorismarin. stæchad. Arabic. an. M. j. flor. sambuc. M. ʒ. Coq. in f. q. aq. puræ.

Colat. adde mellis lb. ij. aceti scyllitici lb. ʒ. Fiat Syrupus, qui aromatizetur pulueris nuc. moschat. ʒ. j. sem. pœon. ʒ. ʒ.

Quæ conquassata in nodulo sub finem decoctionis addantur. Syrupi huius datur ʒ. j. ʒ. cum aq. betonic. fœnic. byssop. an. ʒ. j.

Vel ℥. Syrup. de stæchad. simpl. de betonica, de byssopo an. ʒ. j. oxymel. scyllit. ʒ. vj. aq. betonicæ, rorismarini, byssopi an. ʒ. iij. M. pro tribus dosibus.

Et reliqua, quæ supra cap. 2. de intemperie capitis frigida sunt proposita.

Purgantia pituitam è capite.

Purgantia Postea purgatio instituat^r agarico, turbit^h, trochisc. al-
pituita è bandal, foliis senæ, aloë, pilulis coctis Arabicis, lucis, de
capite. agarico, assajeret, speciebus diaturbith, Eleſtuario diaphœnic.
& similibus.

Pilulæ: ℥. Aloes lotæ cum aq. maioranæ, agaric. trochisc.
an.

an. 3. j. mastiches, cubebæ. an. ḡ. vj. trochiscorum alhandal
 ʒ. ʒ. cum syr. betonicæ, fiant pilulæ; dosis 3. j.

Vel ʒ. Pilul. cochiar. ʒ. ij. aurearum ʒ. j. Trochiscorum
 alhandal ḡ. iiij. cum aqua betonicæ F. pilul. xvij.

Vel ʒ. Pil. cochiar. 3. j. aurear. ʒ. ʒ. trochisc. alhandal ḡ. ij.
 Cum oxymel. syllit. F. pilul. xvij.

Vel ʒ. Pilul. cochiar. aurear. aloephagin. an. 3. ʒ. agarici
 trochiscat. ʒ. ij. turbith electi ʒ. ʒ. mastic. cinnam. cubebæ.
 an. ḡ. vj. trochisc. alhandal ḡ. vij. Cum aq. roris marini F. pilul.
 è 3. j. xv. vel xvj. vel xvij. detur 3. j.

Vel ʒ. Pilul. cochiar. ʒ. ij. de hiera cum agarico ʒ. j. Tro-
 chiscor. alhandal ḡ. iiij. Cum aqua maioranæ, fiant pilul. xxj.

Zechius has pilulas laudat.

ʒ. Agaric. elect. 3. ij. colocynth. 3. v. ʒ. myrobal. chebulor. 3. j.
 semin. maioran. rutæ, pæoniæ, asari, piperis, zingiber. an. ʒ. j.
 nuc. moschat. cubebæ. caryoph. xylaloës mastic. cardamom. spica
 nardi, an. 3. ʒ. bellebor. nigri ʒ. ij. salis gemmæ, nitri, an. ḡ. v.
 aloës hepaticæ pondus duplum, fiant pilulæ cum benedict.
 laxatiu. Quarum 3. j. bis terue in mense vel ʒ. j. tertio quo-
 que die sumatur.

Boli ʒ. Elect. diaphænic. 3. ʒ. vel 3. v. vel vj. pulu. stæchadis
 Arabic. radic. pæoniæ an. ʒ. ʒ. cum saccharo, fiat Bolus.

Vel ʒ. Agarici trochiscat. ʒ. iv. Elect. diaphænic. 3. ʒ. Flor.
 stæchad. Arabic. sem. anisi an. ʒ. ʒ. Cum saccharo, fiat
 Bolus.

Pulu. ʒ. Pulueris senæ preparatæ, mechoacannæ, an. 3. j.
 turbith ʒ. ʒ. crem. tartari rad. ireos florentinæ, diagridij an. ḡ. vj.
 ambr. ḡ. ij. F. puluis pro ij. dosibus.

Vel ʒ. Turbith elect. ʒ. iv. zingiber. ʒ. j. flor. stæchad. Ara-
 bic. ʒ. ʒ. sacchari ad pondus omnium, F. puluis. Vel iste:

ʒ. Polypod. quern. 3. j. glycyrrh. 3. j. agaric. trochisc. 3. ʒ. tur-
 bith gummosi, infusi in lacte & exsiccati 3. j. zingiber. salis gem-
 mæ, mastiches, an. 3. ʒ. cremor. tartar. 3. ij. cinnamom. cubeb. an.
 ʒ. ij. summitat. thymi 3. iiij. sem. violar. 3. ʒ. medullæ sem. car-
 thami 3. j. sacchar. candi parum, fiat puluis.

Simul alterat & purgat dosis ʒ. ij. vel plures.

Si dosis videatur minor, purgantia augeri poterunt.

Potiones ʒ. Agaric. trochisc. 3. ij. zingib. albißimi 3. j. salis

gemma ℥. j. Incisa infundantur in f. q. oxymelitis simplicis per horas octo. Postea ebulliant, colentur & exprimantur. Expresso liquori adde *decocti foliorum betonicæ, hyssopi, flor. stœchad. Arabic.* pro haustu, in quo dissoluantur *Elect. diaphœnici* 3. ij. *℞. mellis anthosati* 3. ℞. Iterum coletur, fiat haustus,

Vel ʒ. *Radic. fœnic.* 3. ℞. *pœonia* 3. ij. *hyssopi* M. ℞. *sol. senæ elect.* 3. ij. *sem. carthami contusi* 3. ij. *anisi, fœniculi, an.* 3. j. Coquantur in aq. simpl.

Colaturæ ʒ. 3. iv. ℞. *Mellis rosati solutiui* 3. ℞. Misce.

Sed quia humor pituitosus plerumque contumax est, & vna vice vix educi potest, ex interuallis repetere vsû præparantium & purgantium conuenit, sintque semper posteriora medicamenta prioribus fortiora. Vt si primò mel rosatum exhibitum sit, postea vsurpetur syrupus de duabus radicibus, de stœchade simplex, oxymel simplex: tandem syrup. de stœchad. compositus, oxymel scylliticum cum decoctis & aquis herbarum cephalicarum saluix, rorismarini, stœchadis. Si primò exhibitæ pilulæ Assaieret, postea exhibeantur pilulæ aureæ, tandem cochix, foetidæ.

ʒ. *Rad. fœnic. pœon. an.* 3. ℞. *ireos, calami aromat. an.* 3. j. ℞. *sem. carui* 3. j. *anisi, filetis montani, an.* 3. j. ℞. *sol. betonic. M. j. maioranæ, hyssopi, rutæ, an. M. ℞. flor. stœchad. rorismarin. lauedulæ, an. P. j.* Coquantur in aq. simplic. ad consumptionem tertiæ partis pro ℥. j.

Colat. adde Syrup. de hyssop. de stœchad. compos. an. 3. j. ℞. *mellis anthosati* 3. ij. *oxymel. simpl. vel scyllit.* 3. j. *Aq. cinnamom.* 3. ii. j. M. pro quatuor dosibus.

ʒ. *betonic. menthæ, saluix, flor. rorismar. an. P. j. caryophyll. cinnamom. an. ℥. j. corticum citri* 3. ij. Coq. in f. q. aq. betonicæ ad quartæ partis consumpt.

Colat. adde *mellis & aceti q. s.* Fiat oxymel. De quo manebis tribus diebus continuis sumatur cochlear. 2. vel 3. Hinc iterum purgatio instituat.

Vt ʒ. *Pil. cochiarum, aurearum, fœtidarum, an. ℥. j. agariæ trochiscat.* 3. ℞. *trochiscorum albandal* ʒ. ii. j. cum aq. saluix, fiant pil. xxj.

Vel ʒ. *Turbith elect.* 3. iv. *zingiber.* 3. ℞. Infundantur in f. q. hydro

hydromelitis & aq. hyssopi per horas septem.

Colat. express. ℥. 3. iv. In iis dissolue super igne elect. diacatholic. Indi maior. an. 3. ij. ℞. mellis rosati colati 3. ℞. Iterum colentur. Fiat haustus.

Vel ℥. Elect. diaphenic. 3. iij. Indi 3. ij. ℞. diacaribami 3. ℞. pulu. flor. stæchad. Arab. & sem. pæonia, an. 3. ℞. Cum saccharo, fiat bolus.

Vel ℥. Turbitb elect. 3. j. agaric. trochisc. flor. anthos, stæchad. Arab. zingiber. an. 3. ℞. Fiat puluis.

Efficax est in hunc usum etiam medicamentum, quod nonnulli Hippocratis Theriacam appellant, & ita paratur:

℥. Absinthij, marrubij, stæchados, mastiches, rhabarb. chamæpyth. chamædryos, an. 3. iij. hyssopi 3. j. agarici boni ad pondus omnium, Pulueriscentur & cum melle cocto excipiantur. Detur mane à 3. ij. ad 3. iij. in decocto stæchadis, vel alio conueniente liquore.

Vtile etiam est sæpè clysteres repetere & iniicere, & si ab inferioribus aliquid adscendat, frictiones, cucurbitulas & similia reuulsoria auxilia adhibere. clyster fortior talis prodest.

℥. Rad. ireos recent. sigill. Salomon. angelic. pæonia, an. 3. ℞. fol. lauri, rutæ, origani, calaminthæ, an. M. j. flor. stæchad. Arabic. anthos, an. p. j. sem. carui, fœniculi, an. 3. iij. baccar. lauri, sem. caribami, an. 3. ℞. agaric. in petia ligati 3. ij. Coquantur in aq. pura.

Colat. ℥. lb. j. Elect. benedict. laxatiu. 3. ℞. hieræ diacolocynth. vel hieræ Logadij 3. ij. pilul. aurearum 3. j. mellis anthosati, succi betæ vel mercurial. an. 3. j. olei rutacei 3. j. ℞. de castoreo 3. vj. salis 3. j. Fiat clyster.

Post purgationem, vt & caput alteretur ac roboretur, & purgantium noxa eluatur, sumat æger Mithridatij 3. ij. conferu. rosar. anthos, an. 3. j. Misce.

Vel ℥. Theriac. mithrid. an. 3. ij. conferu. flor. saluie 3. ℞. rosar. 3. j. cum melle anthosato F. electuarium. Dosis 3. ij.

Aut alia caput frigidum alterantia supra proposita usurpentur. Et quia malum hoc sæpè pertinax est, & generosis etiam remediis non semper cedit, non inutile fuerit

corpore purgato aliquot diebus decoctum ligni guaiaci exhibere. Nam corpus & caput calefacit ac siccatur, & crudos humores in vniuerso corpore coquit, crassos attenuat, viscidos incidit, lentos abstergit & quicquid aquosum est per vrinam educit, & per habitum corporis digerit & discutit: ad quæ omnia multum etiam facit tenuior illa victus ratio, quæ cum potu decocti ligni adhiberi solet.

Purgationibus vniuersalibus hisce si materia tota non tollatur, particularibus euacuationibus quod reliquum est per conuenientes vias, per nares scilicet & palatum, educere, tandem per insensibilem perspirationem resolvere, & medicamentis, quæ ex alto quoque attrahunt, discutere & dissipare necessarium est.

Per nares pituitam euacuant errhina, quorum quæ simul sternutationem cient, ptarmica dicuntur.

In os & fauces pituitam proliciunt apophlegmatismi in genere dicti, masticatoria scilicet, collutiones oris & gargarismi, faucium seu palati illitus.

Caput
euacuā-
tia me-
dicamen-
ta.

Medicamenta hæc, quæ caput euacuant, seu per palatum, seu per nares id fiat, sunt, vt Galen. 2. καὶ πρ. cap. 2. & 6. καὶ πρ. c. 1. docet, calida, tenuis substantiæ, acria, detergentia, odoris & saporis non ingrati, & malignitatis ac venenositatis expertia. Quatenus autem calida sunt, attrahunt & fundunt materiam in capite: tenuitate penetrant, acrimonia facultatem expultricem irritant, detergendo faciunt, ne materia viscida adhæreat; odore & sapore careere debent ingrato, cum ore & naribus excipiantur. Et eadem de causa, ac quia facilè aliquid ad oesophagum vel asperam arteriam peruenire potest, venenatæ qualitatis expertia sint: si tamen aliqua vel nimia acrimonia, vel sapore, vel odore insuauis offendere possunt, corrigentia addenda propter acrimoniam, foenumgræcum, caricæ pingues, passulæ, ol. violar. amygdalarum dulcium; propter odorem aromata, moschus, ambra, gallia moschatæ, asa dulcis, styrax calamita; propter saporem dulcia, mel, saccharum, vinum dulce, passulæ, & caricæ. Commodissimum tamen est, vt talibus qualitatibus ex se ista medicamenta prædita sint.

Sunt

Sunt autem horum medicamentorum gradus quidam. Alia sunt debilia, vt *maſtiche, tbuſ, manna, oxymel ſimplex* : alia mediocria, vt *origanum, hyſſopus, majorana, ſaponaria, naſturtium, ſemen nigellæ, radic. capparum, ſemen erucæ, ſinapi, naſturtij, calaminthæ montanæ, dictamnus creticus, acorus, fol. lauri, piper, zingiber, pyrethrum, ſuccus betæ, iridis, oxymel ſcyl-liticum* ; alia fortia, vt *purgantia, agaricus, ſena, ſcammonium, turbiſh, colocynthis, belleborus albus, niger, elaterium, euphor-bium.*

Quorum omnium cum alia ſint mitiora, alia valentiora, ſemper à benignioribus inchoandum, & ſubindè paula-tim vim medicamenti augendo tentandum, quantum ferre poſſunt ægri : nihilque incommodi habent leniora, quàm quod parum proſunt, quod tamen augendo medicamenti vires corrigere poſſumus. Contra verò valentiora incautè uſurpata plurimum nocere poſſunt. Senſibiliter quoque euacuant veſicatoria, & cauteria. Ad inſenſibiliter verò reſoluendam & digerendam materiam capiti applicantur lotiones, embrochæ, vnguenta, cerota, émplaſtra, ac deni-que quæ ex profundo materiam attrahunt dropaces, & ſi-napiſmi, vt ſupra etiam dictum.

De tempore autem errhinorum, vt & apophlegmatif-morum uſurpandorum, notandum hoc in genere : uſur-panda ea eſſe tempore matutino, & ieiuno ſtomacho.

Errhina.

De Errhinorum & Ptarmicorum varietate dictum eſt in Inſtitut. lib. 5. part. 3. ſ. 3. cap. 39. vt & in genere ſupra cap. 5.

Errhina.

Materiam errhinis præbent folia *majoranæ, rutæ, nico-tianæ, ſem. nigellæ* : Rad. *betæ, pyrethri, cyclaminis, cucumeris ſylueſtris, hellebori* : ſuccus *betæ, bliti, braſſicæ, majoranæ, ana-gallidis, cyclaminis, mel, manna, ſaccharum rubrum* : piper, eu-phorbium, caſtoreum : aqua *majoranæ, nicotianæ* : Nonnulli & ſel anſeris, & aliorum animalium admixcent.

Vt ꝯ. Caulem *betæ* vel radic. *iridis, vel cyclamin. vel gen-tianæ*, formentur inde ſtyli pyramidali figura, alligentur filo, & macerati in aqua *majoranæ* indantur in nares ma-nè ieiuno ſtomacho, vel etiam vſperi antè cœnam.

Vt

Vt ℥. *Ladani* ℥.℞. *pulu. majoran.* 3. j.℞. *sem. nigellæ* 3.ij. *styracis liquidæ* q.s. F. *nasalia* iustæ magnitudinis & inuoluantur puluere, qui sit ex *majoran.* 3. ℞. *rad. nigell.* 3. ℞.

Vel ℥. *Succi betæ, majoranæ, rutæ, an.* 3. ℞. *mannæ elect.* vel *mellus anthosati*, 3. j. ℞. M. attrahatur liquor in nares.

Vel ℥. *Succi betæ, maioranæ, rutæ an.* 3. j. *vini albi* 3.ij. *sacchari rubri* 3. ℞. M.

Addi etiam potest semen nigellæ torrefactum.

Vel ℥. *Succi betæ rubræ* 3.ij. *aqu. mellis* 3. ij. *vini albi* 3. ℞. *pulu. sem. nigell. macis, cubebæ. an.* 3. ℞. Misc. pro Errhino.

Vel ℥. *Succi cyclamin. betæ, brassic. majoran. an.* 3. ℞. M.

Si herbæ vel radices virentes & succulentæ desint, è quibus succi exprimi possint, illorum decoctum vel aqua vsurpetur.

Vt ℥. *Rad. ireos* 3. ℞. *majoranæ, saluiæ, rutæ an.* M. ℞. *rad. cyclam.* 3. j. Coq. in aq. simplici.

Colat. ℥. 3. viij. *mellus rosati colati, spiritus vini, an.* 3. j. Misc.

Vel ℥. *Rad. pyrethri, ireos, an.* 3. ij. *pulegij, origani, betonica, majoranæ, an.* M. ℞. *agarici trochiscati* 3. j. *flor. stæchad. Arab.* P. j. Coq. in sufficienti q. aq. simpl.

Colat. ℥. 3. vj. In iis dissolue *mellus anthosati* 3. j. *scyllitici* 3. ij. Misc.

Vel ℥. *Agaric. trochisc.* 3. ℞. *betonica, anagallid. flore rub. an.* P. ij. Coquantur in hydromelite pro Errhino.

Efficacissima etiam sunt Errhina si scammonij modicum admisceatur.

Linimenti forma.

℥. *Sem. nigel. præp. piper. alb. myrrhæ, an.* 3. j. *cucu. syl.* 3. j. Trita excipiantur oleo irino. F. linimentum.

Vel ℥. *Piperis albi, cubebæ. caryoph. nuc. mosch. sem. nigellæ, pyrethri an.* 3. j. *diagridij, elaterij* 3. ℞. *moschi* 3. ij. Trita excipiantur s. q. olei irini, & ducantur in formam linimenti naribus inungendi, & post illitionem aer attrahatur.

Trallianus, lib. i. cap. ii. ad varios capitis affectus hoc commendat;

℥. Melanthij 3. viij. salis ammoniac. 3. j. elaterij 3. iij.

Trita excipiantur oleo scyonio vel irino, vt cerati habeant consistentiam, quo nares illinantur.

Loco Errhinorum etiam vsurpari possunt turundæ ex gossipio paratæ, & madefactæ succis, decoctis, vel aquis supradictis, pulueribusque idoneis conspersæ & naribus immissæ.

Videatur quoque Galenus 2. *al' n'a. cap. 2. Paul. lib. c. 3. 3.*

Ptarmica.

Ptarmica ex iisdem ferè medicamentis sunt, ex quibus *Ptarmica* errhina; acrioribus tamen, quæ suo calore & acrimonia cerebrum ita feriant & percellant, vt ad sensum illum molestiæ, refugiens sese contrahat, sui que concussione superuacanea simul cum immisso medicamento à se repellat & extrudat.

Præstat id herba *ptarmica* ab effectu sic dicta, solo etiam odore, si eius flores & folia terantur: Et *ellebori albi*, radix in spiritu vini macerata, si sola fibra radicis in nares immittatur, iterumque extrahatur. Nam puluerem solum insufflare, nisi veterno consopitis, aut apoplexiâ detentis, tutum non est, ob ingentem, quam efficit in cerebro, agitationem. *Lilij conuallij* radix puluerisata etiam sternutationem ciet.

Exempla: ℥. *Piper. albi, pyrethri, hellobari albi, castorei, caryoph. an. 3. j.*

Trita macerentur in suff. q. hydromelitis, in quo intinctum linteum naribus indatur.

Vel ℥. *ellebor. albi 3. j. piper. longi, sem. staphidis agriæ, nuc. mosch. an. 3. j.* Cum tragacantha in aq. majoranæ dissolut. F. nasalia.

Vel ℥. *Majoranæ, nigellæ, caryoph. zingib. rad. pyrethri, acori, cyclamin. an. 3. ss. F. puluis.*

Vel ℥. *sem. nigell. 3. ij. piperis albi, ellebori albi, an. 3. ss. majoran. 3. j. F. puluis sternutatorius.*

Pertinet huc & puluis, qui hodie è Nicotiana, macere, majorana, moscho, ambra paratur.

Si catarrhus coniunctus sit, errhina & ptarmica fortiora vitentur; cum caput vehementius agitent, & humores commo

commoueant. Ac tunc potius odoramenta exsiccantia conueniunt.

Si post errhinorum & ptarmicorum vsum ardor aliquis intra nares percipitur, aqua tepida simplici, vel oleo violarum vel lacte tepido attracto is lenitur.

Apophlegmatismi.

Apophlegmatismi.

De iis actum est in Institut. lib. 5. sect. 3. part. 3. cap. 28. Detrahunt verò à capite pituitam, & è cerebro per palatum in os alliciunt, gargarismi, collutiones oris, masticatoria, inunctiones palati. Quocumque autem modo vsurpentur, duplici ratione vim suam exerunt. Vel enim caliditate & acrimonia humores fundendo id præstant, vel simul tota substantia id perficiunt. Prioris generis sunt semen anethi, hyssop. rad. capparum, pyrethri, Valerianæ, sem. erucæ, sinapis, baccæ lauri, cubebæ, cardamomum, grana paradisi, galanga, mastiche, passulæ, ficus. Posterioris generis sunt quæ purgant, vt radix iridis recens, sem. staphidis agriæ & similia. Ideoque pro humoris peccantis & affectus natura & differentia, etiam medicamentorum quendam delectum habere oportet.

Prioris generis medicamenta, vt leniora, in affectu leuiori vsurpari poterunt: Vbi vero humores altius in cerebro delitescent, & magnum instat periculum, valentiora eligere conuenit.

Cautè tamen vsurpentur apophlegmatismi in iis, qui fluxioni ad pectus & tabi sunt obnoxij. His enim magis conueniunt Errhina, quæ nonnulli caputpurgia in specie appellant: cum tamen hoc nomen iure optimo etiam apophlegmatismis competere possit.

Masticatoria.

Masticatoria.

Mastiche mansa vel sola, vel cum passulis blandè & leniter pituitam è cerebro elicit: Passulæ item cum pipere masticatæ.

Valentiora sunt radix iridis, agaricus, semen sinapi, & nasturtij, staphidis agriæ, radix pyrethri, & cyclaminis.

Vt: ℞. Mastiches 3. ij. pyrethri, staphidis agriæ, an. 3. ss. confusa grosso modo masticentur, crebrò expuendo, aut cum f. q. mellis, vel pulpa caricarum pinguium & cerâ figurantur

rentur pastilli manfiles instar lupinorum.

Vel ℥. Pyrethri, cubebæ. staphidis agriæ, an. 3. ℞. Excipiantur mastiche & cera an. q. s. F. pastilli manfiles.

Vel ℥. Agaric. 3. ℞. specier. diamb. 3. ℞. pyrethri, cubebæ. ligni aloes. an. 3. j. mastiches. 3. ij. Cum aqua iridis fiant trochisci manfiles, & in sole siccentur, qui mansi manè caput purgant & roborant.

Vel ℥. Piperis longi, nucis moschat. an. 3. ij. staphidis agriæ, pyrethri, an. 3. ij. sem. sinap. 3. j. Cum melle F. trochisci manfiles.

Vel ℥. Vuarum passarum 3. iiij. byssopi, pyrethri, an. 3. ij. mastiches 3. iiij. Cum melle & cera fiant trochisci manfiles.

Vel ℥. Cubebæ, piper. albi an. 3. ℞. pyrethri 3. j. mastiches 3. ℞. Contusa & conclusa nodulo vel sacco linteo raro mastificentur.

Utilissimum etiam est agarici 3. j. vel ij. diu masticare.

Masticatoria tamen non omnes admittunt, ut quibus dentes cariosi aut exesi sunt, aut exciderunt & masticare non possunt. Non conueniunt quoque, cum adsunt vlcera circa fauces, vel tussis adest aut affectus pulmonum. Nam materiam versus eas partes trahunt. Videatur etiam Galenus 2. 2. cap. 2.

Inunctiones palati.

℥. Theriacæ vel Mitridatij q. l. dissoluanturque in oxymelite scyllitico, & addatur aliquid sinapis vel pulueris castorei, & mistura illa palatum inungatur.

Vel ℥. Pulv. nuc. moschat. caryophyll. sinapis, piper. albi, pyrethri, zingiber. an. 3. ℞. mellis anthosati 3. ℞. M. & inungatur palatum.

Fortius erit medicamentum si aliquid de staphide agria, vel elaterio addatur.

Gargarismi & Collutiones oris.

℥. Fol. betæ, majoran. byssopi, calaminthæ, an. M. ℞. cort. rad. cappar. 3. j. sem. sinapis, rad. pyrethri, pip. alb. an. 3. ij. caricarum pinguum num. iiij. Coquantur in suff. qu. aq. vel hydromeliris pro lb. j.

Colat. adde mellis anthosati, oxymelitis an. 3. j. ℞. vel oxymel. scyllit. 3. ij. Misceantur. Tepidum ore diu contineatur manè

manè ante pastum cum vel sine gargarisatione.

Vel ℥. *origani, pulegij, majoran, betonica, ruta, zingib. pipe. stæchad. Arab. an. 3. s. mastich. staphidis agriæ, nuc. moschar. an. 3. j. s. sem. sinap. 3. vj.* Contusa coquantur in suff. q. vini ad tertiæ partis consumptionem. Colatura vsurpetur pro gargarismo.

Vel ℥. *Turbith, agarici trochiscat. an. 3. ij. hyssop. origani, calaminthæ, an. M. s.* Coquantur in aq. Colat. ℥. lb. s. *oxymel. simpl. 3. j.* fiat gargarismus.

Dodonæus quoq; lac ex amygdal. amaris aut ex nucleis persicorum cum aq. pulegij factum non inutiliter apophlegmatismi loco vsurpari posse scribit; cum & pituitam detrahat & eam expediat, præsertim erucæ & sinapis semine addito.

Apophlegmatismi etiam in Errhina mutari possunt, si capite supino naribus hauriantur, vt per summum palati relabantur in fauces. Hoc enim modo dum basin cerebri transeunt, viam, per quam excrementa cerebri decurrunt, abluunt, & ex ventriculis cerebri excrementa validius extrahunt.

Ad apophlegmatismos meritò etiam refertur fumus ille, qui ex Nicotiana accensa per canalem, à Belgis præcipuè per fauces & palatum attrahi solet, & pituitam è capite elicit, de qua re consulantur libelli à recentioribus de Nicotiana scripti. Commodior tamen est puluis, cuius supra inter ptarmica facta est mentio.

De apophlegmatismis quoque agit Aëtius *tetrab. 2. serm. 2. c. 53.* vbi & sequentem recenset, ac de eo scribit, quod qui eo vtitur, neque capitis dolore, neque oculorum caligine, neque aurium & dentium affectibus corripitur.

℥. *Sampsuchi, succi irid. Illyricæ, pyrethri, hyssopi, nitri, pip. semin. apij, radic. panacis, staphid. agriæ an. 3. iiij.* Si vero vim eius intendere voles, adde etiam *myrrhæ 3. ij.*

Singula primum seorsim, deinde simul terito cum aqua & formato pastillos, pauco melle admixto. Vfus autem tempore melle & aq. diluito, ac pro gargarismo vtere *Errhina* supra c. 5. fuerunt enumerata. Recenset etiam quædam Aëtius *tetrab. 2. serm. 2. cap. 52.*

Topica.

Topicorum, quæ vim habent reliquias discutiendi & *Topica*
 caput roborandi ac calefaciendi & exsiccandi, formulæ *cephali-*
 supra de Intemperie capitis frigida & humida traditæ *ca in pi-*
 sunt, quæ huc transferantur. Inter quæ cum à Galeno 2. *tuita.*
 de comp. medicamentor. *sec. loc. cap. 2.* tum ab Aëtio *tetrab.*
 2. *serm. 2. cap. 48.* valdè commendatur *verbenaca recta*, vt
 quæ omnium maximè discutiât & mirificè roboret, om-
 nique capitis dolori ex frigiditate aut crassis humoribus
 orto medeatur, præsertim viridis, imo & arida cum ra-
 dicibus & cum serpillio oleo incocta, & imprimis si cro-
 codiliadis maximè circa aquas nascentis radix addatur.

Fomenta.

℥. Vini albi fortis ʒ. v. salis communis ʒ. j. Liquefiat sal
 cum vino bulliendo, postea adde spirit. vini vel aq. alicu-
 ius cephalicæ ʒ. v. Madesiat eo linteam quod capiti impo-
 natur.

Vel ℥. Fol. lauri, majoran. Flor stæchad. Arabic. an. M. j.
 chamæmeli, meliloti, fol. senæ, an. M. j. agarici albi ʒ. ij. Co-
 quantur in lixiuio pro lotionem capitis.

Vel ℥. Lixiuij ex sarmentis vitis q. s. ad vnam lotio-
 nem. In eo coq. Majoranæ, baccar. lauri, pulegij, calamint hæ,
 ocymi, an. M. j. agaric. elect. ʒ. ij. addaturque pars tertia vini,
 & coquatur ad quartæ partis consumptionem. Postea co-
 lentur & lixiuio isto ac sapone odorato caput lauetur.

Vnguentum, quod recipit euphorbij ʒ. j. ceræ quadran- *Vnguen-*
 tem, olei dulcis lb. j. commendat ad temporum & frontis *ra.*
 inunctionem Aëtius *tetrabibl. 2. serm. 2. cap. 49.* & sæpe vni-
 co eius vsu ante balneum frigidas capitis affectiones ces-
 sare scribit.

Prodest & oleum ex euphorb. ʒ. iij. & olei lb. j. paratum, in
 aurem instillatum. Paul. Æginet. *lib. 3. c. 5.* valdè laudat vn-
 guentum ex euphorb. & castoreo. Vbi & alia externa me-
 dicamenta habet ad capitis affectiones frigidas.

Emplastra. ℥. Radic. cucumer. syluest. minutim concisa & Empla-
 crasso modo contusæ ʒ. j. Coq. in olei cheiri ʒ. x. ad consum- *stra &*
 ptionem quintæ partis. Colentur cum forti expressione. *cerota.*

Col. adde pulu. castorei, absinth. an. ʒ. ʒ. euphorbij ʒ. j. spice-
 L. I. H nardi

nardi ℥.ij. *Cera* q.s. *F. Emplastrum.* Quo solo inueteratos capitis dolores diuturnos internos & externos, etiam contumacissimos se sanasse scribit Zech. conf. 3.

Ceratum eiusdem.

℥. *Styrac. calamitæ* ʒ. j. *olei irini* ʒ. ℞. *de euphorb.* ʒ. ij. *theriacæ veteris* ʒ. j. *cera* q.s. *Fiat ceratum.*

Aliud ceratum eiusdem Zechij, ad intemperiem cerebri frigidam & humidam & inde pendentes catarrhos diuturnos efficacissimum.

℥. *Garyophyll. thuris, macis, an.* ℥. ij. *corallior. albor. spody, ambari, an.* ʒ. ℞. *nuc. cupressi* ʒ. j. *styracis calamitæ, vernicis, an.* ʒ. j. *℞. ladani* ʒ. vj. *resinæ* ʒ. j. Soluantur ladanum cum resina in vino veteri & coquatur ad iustam consistentiam.

Aqua cephalica ad extra.

Inprimis verò ista aqua valdè commendatur ad pituitam & flatus in capite absumendos & catarrhos exsiccandos, ad cerebrum & memoriam roborandam, ad dolores capitis è causa frigida, si cochleare vnum capiti infundatur & tempora ac frons ea illinantur.

℥. *Saluiæ, rorismarini, betonicæ, serpilli, majoran. an.* M. ij. *Flor. chamæmeli, meliloti, an.* M. j. *lily tenuial. lauendulæ, summit. anethi, an.* ʒ. j. *sem. fileris montani, carui, cinnamomi, nuc. moschat. caryophyll. granor. paradisi, cubebæ. baccar. lauri, an.* ʒ. ℞. Concisis & contusis affundantur in vitro vini Rhen. optimi Mens. ij. Hinc adde *succi rosar. alb. plenar. aq. fl. cheir. an.* ℔. j. ℞. Stent in digestionem octo diebus, hinc destillentur, aut parètur talis sacculus.

Saccul.

℥. *Milij, fursuris macris, salis communis, an.* ʒ. ij. *sem. feniculi* ʒ. i. *bacc. lauri contusarum* ʒ. ℞. Torrefactis omnibus in sartagine fiant sacculi duo ex linteo, qui manè capiti calidi applicentur per dimidiam horam, & per vices permutètur.

Pileol.

Aut pileolus vel cucupha ita fiat.

℥. *Flor. rorismarin. stæchad. Arab. an.* p. j. *Fol. saluiæ, majoranæ, verbenæ, origani, an.* M. ℞. *macis, nuc. moschat. caryophyll. an.* ʒ. j. Trita omnia pileolo ex sindone rubra infuantur, qui aliquot septimanis in capite gestetur.

Eadem medicamenta vel his similia sacculo lineo inclusa in lixiuio coquantur pro capitis lotionem.

℥. *Fol. chamæmel. Fol. betonic. saluiæ asari an.* M. j. subiciantur

ciantur cineri farmentorum vitis in fundo vasis, & aq. superfusa fiat lixiuium: Postea, antequam caput lixiuii illo lauetur, madescat eo sacculus lineus continens *fol. major. saluie, roris marin. Flor. lauendul. stæchad. Arab. rosar. rubrar. an. p. ij. agarici albi 3. ij.* Caput manè ante prandium lauetur, adhibito, si placet, sapone odorato.

Commendatur & sequens medicamentum.

℥. Cucumeris agrestis q. l. Coqu. in f. q. aq. addita parte vj. olei communis. Colatura caput vngatur, & radices contusæ instar cataplasmati capiti applicentur.

Guainerius hoc præcipuè laudat.

℥. Bacc. lauri, origani, an. 3. j. Fiat puluis, & cum succo foliorum betonicæ, fiat cataplasma. Si addatur cera & oleum irinum, fit emplastrum.

Puluis pro fumo ad cerebrum siccandum.

℥. Benzoes, styrac. calamitæ, an. 3. iij. thuris 3. j. flor. lauend. 3. ij. caryophyllor. 3. iij. granor. iuniperi 3. 8. trochiscorum galliæ moschatæ, si libet, 3. j. (qui in foeminis omittantur.) Fiat puluis crassus carbonibus ignitis inspergendus.

Trochisci.

Vel *℥. Ligni aloës, costi, an. 3. j. galliæ mosc. thuris, gummi iuniperi, an. 3. 8. Cum styrace liquida fiant pilul. vel trochisci carbonibus iniiciendi.*

Odoramentorum tamen vsus nec continuus sit nec frequens, verum moderatus: aliàs enim capitis grauedinem inducunt. Non etiam nisi corpore purgato vsurpentur.

Reliqua etiam topica, quæ supra in intemperie capitis frigida & humida proposita sunt, etiam hic locum habent. Inter quæ magis commendantur sacculi, & pulueres, inunctiones, cerota, emplastra: quam fomenta, embrochæ & lotiones quæ actuali sua humiditate caput offendere possunt. Ideoque si vsurpentur, calefaciendi & siccandi vis humectandi vim actualem superet, & proinde pro aqua simplici vsurpetur lixiuium. Aquarum tamen & spirituum cephalicorum destillatorum vsus nihil incommodi habet, sed potiùs plurimum vtilitatis præstant, si iis caput illinatur. Exempla supra proposita sunt.

Quod si hæc non sufficiant in affectibus grauioribus, vt

lethargo, caro, ad sinapismos ex sinapi, pyrethro, castoreo, euphorbio, columbarum stercore & ficibus paratos adscendendum.

Vt ℥. Pyrethri, sinapi, scyllæ, an. ʒ. j. castorei, euphorbij, an. ʒ. ʒ. Misce omnia cum succo asphodeli & majoranæ, fiat Emplastrum in lethargo & caro utile, & à somno excitans.

Vel ℥. Ol. nardini, costin. an. ʒ. ʒ. castorei, euphorbij, pyrethri, an. ʒ. ʒ. scyllæ ʒ. j. ʒ. F. linimentum.

Topica talia etiam proponit Paulus Ægineta lib. 3. cap. 5.

Interna caput roborantia.

Caput
calefa-
ciētia &
roborātia
interna.

Neque negligantur medicamenta interna caput calefacientia supra cap. 2. enumerata, quæ intemperiem corrigunt, caput roborant, ne aut aliunde transmissa superflua recipiat, aut intra se generet & cumulet, quibusque reliquæ pituitæ consumuntur & discutiuntur. Inter quæ multum laudatur decoctum rad. sarsæ parillæ, chinæ, & si maiore exsiccatione & calefactione opus sit, ligni guajaci. E. g. paretur tale decoctum.

℥. Rad. Chinæ transversim in tenues taleolas incisæ ʒ. ij. fol. betonicæ, calaminth. an. M. j. Flor. stæchad. Arab. M. ʒ. rad. pæon. ʒ. ʒ. Incisa omnia infundantur in aq. ʒ. xij. vase clauso horis xiiij. in loco calido. Postea lento igne secundum artem coquantur ad dimidiæ partis consumptionem. Sub finem adde cinnamomi ʒ. ʒ. Sumat æger quotidie mane ʒ. v. horis v. ante prandium, & ʒ. iv. horis ij. ante coenam.

Benè purgato corpore etiam sudor ægro manè præcipi potest.

Embro-
cha.

Quod si his omnibus tentatis & adhibitis malum perseveret, vt de cæcitate vel aliis grauioribus malis periculum immineat, repetitis euacuationibus vniuersalibus & particularibus, intermixtisque roborantibus, expedit adhibere embrochas ex thermis naturalibus, vel artificialibus actu calidis, quarum aquæ manè ex alto pluuiæ instar demittantur supra futuram coronalem, ad horæ quadrantem vel semissem, continuando per septem aut plures dies, prout vires & vsus ægri postulat.

Sinapis
mi.

Vel Sinapismos ex sinapi, stercore columbino, capril-

lo, ruta syluestri, radicibus pyrethri, bryoniæ, costo, euphorbio, incorporatis cum caricis pinguibus, vel alio modo applicentur, inchoando semper à mitioribus : de quibus in Institutionibus, lib. 5. p. 3. sect. 3. cap. 28.

Vt *℥. Caricarum pinguium* q. l. macerentur per diem in aqua, deinde addatur dimidium vel æquale pondus vel duplum sinapis, prout lenior, vel acrior sinapisimus expectitur.

Monent hic nonnulli, nec abs re, quod licet antiqui qui- *Acetum*
dam acetum adhibuerint, experientia tamen docuerit, si- *an sinapi*
napis vires aceto exolescere, quod non aliundè accidit, *miscen-*
quàm quod sal volatilis, à quo tota vis mordicandi in si- *dum.*
napi & similibus pendet, ab aceto figitur.

Aut applicetur cauterium, vel ad futuram coronalem, *Cauterium*
qua parte extremitas mediij digiti verticem capitis attingit, posita radice manus circa carpum ad radicem nasi, idque exiccationis causa; vel quod tutius, ad colli vertebrae, qua capiti committitur, deriuationis gratia. Eodem *Setaceum.*
modo ad euacuationem & exiccationem materiae dropax vsurpari potest : & ad sensibilem euacuationem setaceum in ceruice, quo solo sæpe graues & diuturni capitis affectus curantur.

Dieta.

Vitus ratio ad calidum & siccum vergat. Itaque aer talis sit siue natura, siue paratus arte, iis modis qui supra cap. 2. sunt propositi. Videndum tamen, ne odore æger offendatur. Valde etiam calidus aer cauendus, cum & caput repleat, & humores in eo contentos liquet & fundat, flatusque excitet, & sæpe malum hoc, quod latebat, detegat. Hinc, etiam videmus eos, qui hac intemperie cerebri laborant, si sub Solis radiis morentur, vel caput ad ignem calefieri sinant, peius habere. Ideoque commodissimus est aer siccus, qui in alterutra qualitate actiuarum non multum excedat, ad calidum tamen plus quàm ad frigidum vergat. Vitandus aer crassus & nebulosus circa flumina, stagna, lacus, paludes : in locis subterraneis non diu morandum.

Caput æstate leniter tegatur, & radiis Solis nudum non

exponatur, vt nec Lunæ radiis, hyeme bene tegatur, sed nō oneretur. Si aërē morbi causam fuisse constet, is mutetur.

Victus sit parcus, inprimis coena sit parca. Alimenta sint boni succi, facilis coctionis, nec frigida, nec excrementitia, nec vaporosa, sed attenuandi vi prædita. Alimentorum diuersitas inprimis vitanda. Abstineat æger à multo piscium esu, præsertim eorum, qui carnem molliorem habent, à lacte item & lacticinijs, carne suillâ & similibus. Leguminibus item, & oleribus & fructibus, præter vuas. Panis sit benè fermentatus, coctus cum semine carui & anisi, & modico salis: utilis est & bis coctus. Reliqui cibi condiantur saluia, maiorana, roremarino, pipere, caryophyllis, cinnamomo, nuce moschata. Carnes assæ potius sint, quàm elixæ. Potus sit parcior. Vinum post corporis purgationem conceditur, sed parcè: Commodissimus potus est hydromel medicatum saluia, hyssopo, roremarino &c. Corporis exercitatio sit paulò vehementior, ieiuno stomacho & excrementis prius depositis. Somnus moderatior, parcior potius quàm nimius, qui horas 7. non excedat, nocturnus, non diurnus: nec ineatur, nisi duabus à coenâ horis exactis; ante quem leuis deambulatio utilis. Decubitus in somno sit in alterutrum latus non supinus. Dormiatque æger capite elato & tecto.

Post somnum antequam æger è lecto surgat, pedes, crura & brachia diligenter fricentur, qua frictione & calor naturalis excitatur, & fit à capite auersio. Venus vitetur vel sit parcissima, quæ immoderata mirum in modum capiti noxia est. Animi affectus, qui spiritus agitare, & turbidiores reddere possunt, vitandi, & maximè moeror, & tristitia, quæ caput frigidius reddunt, & debilitant. In multam noctem non lucubrandum. Alius sit laxa, & nisi respondeat, sollicitetur subinde pilula vna, atque altera ex aloë ante cibum assumptâ: aut terebinthina Cypria auellanæ magnitudine eodem tempore deglutita, vt primæ viæ mudentur; & vapores ad caput tendentes reuelantur. Commodæ sunt in hunc vsum hæ pilulæ,

℞. *Terebinth. Cypri. vel Venetæ* ʒ. ʒ. *aloes rosat.* ʒ. iij. *agaric. trochisc.* ʒ. j. *ʒ. B.* Fiant pilulæ mediocres.

Q V Æ S T I O.

An odorata in hoc affectu conueniant ?

De aromatum & aliarum rerum bene olentium ad olfaciendum vsu alij aliter sentiunt : Quidam ea admittunt, quod caput exsiccent ; quidam improbant, quod vaporibus & exhalationibus caput repleant. Mesues vt hanc controuerfiam dirimat, dicit, immoderatum vsum aromatum cerebro nocere ; moderatum verò prodesse ; quia ficcet. Malim tamen dicere, odoratas res, quæ moderatum odorem spirant, prodesse ; quod cerebrum ficcant, & spiritus animales recreant ; quæ verò vehementem odorem spirant, nocere ; quia caput repleant, & humores sæpe fundant. Ita ambræ odor frequens capiti non nocet, sed plurimum prodest : Moschi non item, quia vehementior. Exempli huius intemperiei sunt apud Montanum, *consil. 31. Solenandrum, sect. 1. cons. 2. Forestum, lib. 9. obseru. 17. 19. Zechium, consil. 2. 72.*



C A P V T X I.

De intemperie capitis cum humore seroso.

¶ Tsi non leuis pituitæ & humoris serosi sit cognatio : **¶** tamen non planè eiusdem naturæ esse vel ex iis, quæ de natura serosi humoris in Institut. *lib. 2. part. 2. cap. 7.* dicta sunt patet. Pituita enim plerumque crassior est ; serum verò tenue & aquosum. Non tamen serum pura puta aqua est, quod vult Carolus Piso, qui puram putam aquam seu aqueam humiditatem, siue cum cibo & potu ingestam, siue partem chyli aqueam serum esse dicit, idque ab ichore discernit, qui scilicet sit cuiusque humoris pars fluxa, eiusdem coloris & naturæ cum propriis humoribus.

Intemperies capitis cum humore seroso.

Quantquam autem autores quandoque has voces discernunt, vt ichor vel sanguis crudus vel imperfectus sit, vel tenuior pars massæ sanguinæ corruptæ & colliquatæ ; **¶** verò seu serum *ὀξύς τῆς πύσης* : tamen duo hæc vocabula sæpe sunt synonyma, vt ostendit D. Caspar Hof-

mannus, in collectaneis de Ichoribus num. 12. & 13.

Duo autem feri seu ichorosæ materiæ sunt genera: vnum mite, quod est sanguis aqueus & dilutior, vel aquea humiditas cibo & potu admixta; alterum acre & salsum, quod suam acrimoniam ex colliquatis seu corruptis, seu quacumque de causa falsis & acribus acquirit. Serum enim quod pura puta aqua sit, in corpore vix reperitur, sed quod ipse Piso, in præfatione, fatetur, dum per vasa decurrit, ex iis ichoribus, qui in sanguine redundant, partem aliquam secum transportat, quocumq; fertur. Neque etiam, ut pituita, in corporibus pituitosis tantum reperitur serum copiosius, sed in iis præcipuè, qui corpore sunt graciliore, & ad caliditatem & siccitatem vergunt, & sanguiné æstuosum atq; atrescentè habent. Atq; si quis ea, quæ in nonnullis morbis accidunt, diligenter perpendat, in nullam aliam causam, quam humorem serosum referri posse animaduertet. Affectus enim illi sæpe fugaces, & momentanei sunt, ac facili de causa recurrunt, quod neque ex pituitoso, neque ex alio humore accidere potest, neque aliorum humorum signa tum adsunt. Vnicum verò serum eius est naturæ, ut vbicumque in corpore redundat, faciliè hinc illinc moueatur, ab alieno calore efferuescat & ebulliat, ac feruens atque agitatum in varias partes feratur, easque afficiat, faciliè tamen etiam discutiat & euanescat.

Ut autem in aliis partibus variorum malorum sæpe est causa humor iste serosus: ita in capite quandoque plura mala excitat; de quâ re inter recentiores diligentius monuit Carolus Piso in lib. de morbis à colluuiæ serosa. Cum enim ad caput venæ & arteriæ plures tédant, & per id disseminentur, ac in primis cum spiritu vitali, qui vna cum sanguine arterioso ad caput ad spiritum animale generandum mittitur plurimus, etiam serum multum, quo sanguis arteriosus abundat, ad caput mittatur, & sanguis quidem in nutrimentum capitis absumatur, serum verò ad illud ineptum sit, neque etiam per vasa, per quæ ascendit recurrere, neque per partis calorem debilem transpirare insensibiliter possit, neque ob cranij densitatem exsu

Seri in
capite
collectio-
nis caus-
sa.

exsudare sensibilibiter : vel in capite cumulatur , vel pondere suo deorsum secundum ductum membranarum & neruorum descendit , vnde & in capite & partibus capiti subiectis , & cum eo consentientibus variorum affectuum causa est , doloris capitis , dentium , aurium , & aliarum partium , & præcipuè vagoꝝ illõꝝ in externis partibus , scapulis , dorso , thorace , brachijs , cruribus ; epilepsiæ , cõuulsioꝝ motuum , paralyſis , tussis , thoracis doloris & similia.

Causæ.

Non generatur autem serum in capite , sed præcipuè in Generatio. secundæ concoctionis instrumentis , ac in primis vitio lienis in toto corpore cumulatur , de quo alibi dictum , atq; inde ad caput fertur , ibique cumulatur . Et quo maior serosi huius humoris in toto est abundantia : eo facilius ad caput conuertitur . Colligitur autem in toto vel ob nutrimentum tali humiditate abundans ; vel densatis in toto habitu corporis , vt & in capite , poris cutis ab aëre frigidiore , aut alia de causa , retentoque sudore : vel vitio lienis , vt iam dictum . Corriuatur autem ad caput serum vel sensim , dum cum ipso sanguine , qui nutrimenti gratia attrahitur , & præcipuè cum arterioso affluit , & copiose ad caput fertur , si accedat hepatis caliditas venosumque genus sit amplum ; vel confertim ad caput mouetur ob causas , quæ feruorem in sanguine excitare possunt , & faciunt , vt tenuior & serosior sanguinis pars sursum feratur ; quod fit quando corpus motu , calore febrili , animi affectibus , aëris æstu , vel alia de causa incalescit , vnde quoque accidere solet , vt plerumque cum catarrhis & morbis à motu serosi humoris ortum habentibus febricula coniungatur , ex agitatione & feruore feri in arteriis proueniens . Facit huc multum etiam Luna , quæ secundum *Φάσιν* suas humores in corpore mouere solet : præcipuè verò mouent serum radii lunares , si nudo capite excipiantur . Atque hinc accidit , vt perturbationes & commotiones serosi humoris , cum in toto corporis habitu , tum in capite præcipuè euenientes , instantium Lunæ *Φάσεων* & mutationum tempestatum mox futurarum sint prænunciæ .

Signa Diagnostica.

Dolor qui inde oritur non est admodum acris aut pungens, sed grauis potius cum tensione. Mala, quæ ab hoc humore oriuntur, non sunt continua & sæpe locum mutant. Vapor enim & humor hic quoquo versum variè moueri & impelli possunt. Vaporem tamen à fero discernere non ita difficile est. Vrina plerumque est paucior, nec sudores matutini fiunt. Ea etiam quæ de causis modò tradita sunt, in notitiam huius humoris deducere possunt.

Indicationes.

Humor serofus è toto corpore & capite euacuandus, à capite auertendus & repellendus, intemperies adiuncta corrigenda, & partis quæ eum generat, intemperies emendanda.

Curatio.

*Euacuatio hu-
moris se-
rosi.*

Primò autem euacuatio eius per aluum instituenda est: ad quam (modo viæ sint apertæ) nulla præparatione opus est; cum serum per se satis fluidum sit. Ideoque exhibenda medicamenta serofos & aquosos humores educentia, qualia sunt manna, syrupus & mel rosarum solutium, syrupus de spina ceruina, mechoacanna, agaricus, semen, carthami, ebuli, gummi Gotte, extract. esulæ, cortic. ebuli, sambuci, flor. persicorum; pomor. syluestrium, folia senæ; quibus quoque rhabarbarum & diagridium addi possunt, quæ bilem, feri stimulum & vehiculum expurgant.

Vt ℞. Polypod. quern. ʒ. ʒ. B. cuscute, betonicæ, summitat. lupuli, byssopi, an. P. ij. fol. senæ elect. ʒ. ʒ. sem. carthami contusi ʒ. iiij. rhabarb. ʒ. j. passularum ʒ. ʒ. Coquantur in aq. simp.

In Colat. ʒ. iiij. dissolue manna ʒ. ʒ. Iterum coletur.

Adde syrup. rosar. solutiui vel de spina ceruina ʒ. ʒ. Fiat haustus.

Vel fiat talis syrupus.

℞. Radic. pæoniæ, ireos Florentinae, an. ʒ. ʒ. B. mercurialis, cuscute, capillor. Veneris, betonicæ, summitat. lupuli, flor. sambuci, an. M. ʒ. sem. ebuli, carthami contusi, an. ʒ. vj. fol. senæ elect. ʒ. iiij. sem. fœnic. ʒ. ij. flor. bugloss. anthous, an. P. ij. Coquantur in aq. vel hydromelite.

Colaturæ ℞. lb. j. Infundantur in ea agarici ʒ. ʒ. mechoacanna

cannæ 3. iv. zingib. galang. an. 3. j. Iterum coletur. Adde *sacchari q.s. succi rosarum 3. ij.* F. secundum artem syrupus, de quo cochlearia tria vel quatuor manè exhibeantur.

Vel *℥. Mechoacan. 3. ij. specier. diacarthami vel diaturbith cum rhabarb. 3. j. diagridij, gummi Gotte, an. ʒ. ij.* Fiat pulvis, qui sumatur in iusculo carnis & postea superbatur serum lactis.

Si tamen feruor aliquis sanguinis percipiatur, qui occasionem præbuerit, vt serum in caput moueretur, aut sanguis copiosior sit, vel consueta euacuatio suppressa sit, præmisso leniente medicamento, venæ sectio primum instituenda, quæ feruorem sanguinis sistit, eiusque copiam imminuit; cum magna serosi humoris copia sæpè cum sanguine educi soleat.

His peractis reliqua serosi humoris copia per vrinas & sudores euacuanda. Eligenda autem hic ex diureticis ea, quæ lieni profunt, eiusque obstructions aperiunt, & intemperiem calidam non augent, sed potius corrigunt.

In primis verò vtilia sunt sudorifera, sudoresque certissimum sunt & prophylacticum & curatiuum remedium doloris capitis & aliorum morborum, qui à seroso humore à capite defluente ortum habent. Ideoque danda opera vt æger sæpè manè sponte in lecto sudet, & nisi sudores sponte proueniant, medicamentis prouocandi. In quibus eligendis cauendum ab iis, quæ valde calefaciunt & siccant, cum etiam calidæ & siccæ constitutiones seroso humore abundare possint; sed temperatiora eligenda: aut si ligno guaiaci, sarfa parilla, & similibus vti libeat, cichoracea & humectantia addenda. Vtile est & vinum chamædrytes, antimonij diaphoreticū. Deinde particulares euacuationes fiât per masticatoria è mastiche & passulis, apophlegmatismos, capite præcedente propositos.

Vesicantia quoque & cauteria occipiti & brachijs vel setaceum ceruici applicetur.

Ad absumendos quoque & exsiccandos, tum per sudorem & insensibilem transpirationem discutiendos serosos humores non inutiles videntur ij pulueres (qui tamen faciliè etiam in pilulas & electuaria redigi possunt)

*Sudores
in morbis
à seroso
humore
vtilissi-
mi.*

*Pulueres
arthritici.*

qui

qui quidem ad arthritidem præcipuè commendantur, sed tamen ad omnes generis affectiones ab humoribus serosis ortas vtilis sunt, & quidem sub nomine Cratonis, Erasisti, Monauij, Donzellini & aliorum circumferuntur. Sed, vt ex consiliis Cratonis à Scholzia collectis, *consil.* 216. patet; medicamenta sunt à veteribus excogitata, quibus Arthriticos sanari posse affirmant, si per integrum annum eorum vsus continuetur, vt per Ianuarium mensem \mathfrak{D} . ij. per 5. dies, in Febuario totidem per totidem dies, in Martio & Aprili per duos dies, in Iunio vno die, in Iulio duobus, in Augusto vno, in Septembri, Octobri, Decembri, duobus sumantur. Quanquam putarim, neminem ad dies istos ita planè adstrictum esse, sed vel vno mense, per dies viginti aut plures, prout vsus postulat, vsurpari posse. Cratonis descriptio hæc est:

\mathcal{L} . *Aristoloch. rotund.* \mathfrak{z} . j. *centaur. minor.* \mathfrak{z} . iij. *gentiana* \mathfrak{z} . vj. *mei* \mathfrak{z} . v. *hyperici* \mathfrak{z} . vj. *petroselin. Macedon.* \mathfrak{z} . ss. *agaric. albiss.* \mathfrak{z} . ij. *rhapontic. veri* \mathfrak{z} . j. F. puluis.

Alia antiqua descriptio hæc est:

\mathcal{L} . *Rhapontic. veri* \mathfrak{z} . j. *agarici* \mathfrak{z} . ij. *valerian.* \mathfrak{z} . iij. *petroselin. Macedonic. mei, an.* \mathfrak{z} . v. *gentiana, aristolochiæ rotund.* *an.* \mathfrak{z} . vij. *chamædryos* \mathfrak{z} . ix. F. puluis.

Alia. \mathcal{L} . *Chamædryos, dictamni Cretici, iuæ arthetica, centaur. minor. gentiana, aristolochiæ rotunda, an.* \mathfrak{z} . ij. *cort. interior. iuglandium* \mathfrak{lb} . j. F. puluis, cuius dosis \mathfrak{z} . ss. per dies triginta vel quadraginta.

Eiusdem generis est diacorallium Alexandri, quod Capiuac. de *Arthritid.* omnibus in Arthritide curanda anteponendum censet.

\mathcal{L} . *Corallij nostri seu Anagallidis* \mathfrak{z} . ij. (forfan \mathfrak{z} . ij.) *myrrhæ* \mathfrak{z} . iv. *caryoph.* \mathfrak{z} . ss. *rhapontici* \mathfrak{z} . j. *folij* \mathfrak{z} . ss. *aristoloch. vtriusque, an.* \mathfrak{z} . ij. *spicanardi* \mathfrak{z} . iv. fiat puluis. Exhibeatur manè hor. 6. ante cibum \mathfrak{D} . j. per centum dies, postea triginta diebus intermittitur; rursus centum diebus exhibetur, iterum 30. dies intermittitur; hinc per dies centum sexaginta alternis dieb. exhibetur, inde rursus tertio quoque die: de quo plura in doctrina de Arthritide dicentur.

Cuius generis & alia ad serosos humores absumendos,

& insensibilem transpirationem promouendam, parari possunt, ex cineribus ossium humanorum, equorum, ceruorum; ex cineribus & sale miluij, ciconiæ, hirundinum, ex herbis primula veris, pilosella, ruta, saluia, asaro, betonica, hyperico, acoro; floribus consolidæ regaliæ, succino, ungula alcis. De quibus plura suo loco de Arthritide: qualia etiam habet Platerus, tract. 2. pract. pag. 721. 722.

Neque omittantur caput siccantia & roborantia supra proposita. Quibus hoc addi potest.

℞. Mastich. gummi iuniperi, nuc. mosch. parum tostæ, an. ʒ. j. caryoph. subtiliter puluerisatorum ʒ. ss. ladanij puri ʒ. vj. Ducatur ladanum in mortario calido, addanturque pulueres cum pauxillo oleo mastich. F. Massa, quæ extendatur supra alutam, tegatur sindone rubra. F. Emplastrum vertici imponendum.

Pila quoque è succino si manibus gestetur & versetur, vt incalescat, ac subinde naribus admoueatur, sine offensione excrementitios humores in capite absument, idque roborat.

Dieta.

Victus ratio sit siccans, aer siccus & calidus moderatè, & cibi tales, qui minimum aquosi & serosi humoris suppeditant. Cum autem, vt in Institut. loc. allegato dictum, serosus humor partibus duabus constet, vna aquea, altera falsa: quando dicitur cibum siccum esse debere, non tale alimentum intelligendum, quod siccæ & terræ naturæ sit, quales sunt carnes sale & fumo induratae, pisces sale conditi, & quæ terrestrem succum generant (hæc enim potius augment falsedinem serosi humoris, quam minuunt) sed hic eum substantiæ modum intelligimus, & tale alimentum, quod non multum aquosi humoris, nec falsi suppeditat, ideoque bonum & vtilem succum præbet; quales sunt carnes tum quadrupedum animalium, tum auium plerarumque, vt carnes gallinacæ, hædinæ, vitulinæ, perdicum & similes; quæ & bonum alimentum præbent, & viscerum, præcipuè lienis feruorem & siccitatem corrigere possunt; Imò hac ipsa de causa, iuscula præcipuè carniū non reiicienda, moderatè sumpta; cum substantiam

tiam alimentorum multam participant. De liquidis verò aliis non plus sumendum, quam distributio alimenti in totum corpus, & correctio caloris & siccitatis in visceribus, præsertim liene, feri plus, quam par est, ad se trahente, postulat. A fructibus horariis, prunis, pyris, pomis & similibus abstinendum; cum serosam humiditatem augeant. Passulæ verò vtilis sunt. Vino etiam parcè utendum, eiusque non plus, quàm cibi concoctio & distributio requirit bibendum. Etsi enim spiritum ardentem in se contineat: tamen is paucus est, maxima verò pars aquea; & præterea vinum serosos humores secum ad caput rapit, atque illis, qui iam in capite hærent, feruorem inducit, eosque commouet. Aluus aperta seruetur, & nisi sponte officium faciat, arte laxetur. Animi motus vehementes & meditationes atque animi intentiones nimix vitentur: cum vnà cum spiritibus sanguinem arteriosum, & cum eo serum ad caput rapiant, naturæque meditationibus & cogitationibus intenta excrementa minus rectè expellat. Vtilis verò est corporis exercitatio ieiuno corpore facta, quæ serosos humores discutit & sensibilibus sudoris forma, vel insensibiliter per ἄδην ἀγνοήν. Vestibus ita corpus tegatur, & muniatur, vt pori cutis aperti seruentur, iisque patentibus, vel sudor erumpat, vel vapores libere transpirent. Qua de causa etiam corpus noctu plumeis culcitris probè tegatur, vt sub somni finem manè sudor erumpat, quæ ad præseruandum à morbis à serosis humoribus ortis, optimum prophylacticum esse supra diximus, ipsa astipulante experientia. Venus vitetur.



C A P V T XII.

De Intemperie capitis cum humore melancholico.

Intemperies capitis cum melancholia.

Causæ.

Intemperies, quæ cum hoc humore coniungitur, est frigida & sicca. Quæ autem humoris melancholici causæ sint, lib. 2. Instit. part. 2. c. 6. dictum, quæ omnes hic

hic locum habent : præcipuè verò in capite ipsam cumulant, & ad id trahunt moeror, tristitia, animi sollicitudo, curæ, meditationes nimix, vigiliæ immoderata, medicamenta desiccantia nimium capiti adhibita.

Signa Diagnostica.

Gravitatis sensus est cum vigiliis & visis in somno tristibus, pauores sine causa; cogitationes sunt assidua, sæpè etiam deliria cum timore & moestitia. Punctiones quasi circa oculos, facies est macilenta & horrida, maximè si humor melancholicus ad atram bilem vergat: color faciei est liuidus & plumbeus: nonnunquam accidit repentina motus amissio, in qua ægri oculis apertis fixo obtutu res aspiciunt, ac licèt taceant ferè omnia animaduertunt, quæ circa ipsos fiut; excrementa ferè nulla eiiciuntur è capite. Molestia, quæ percipitur, magis est in parte sinistra, & sentitur illa magis hora, qua melancholia moueri solet, scilicet ab hora nona diei vsque ad tertiam noctis. Cum quibus si ægri temperamentum, ætas, vitæ ratio præcedens, tempus anni autumnale, & causæ aliæ melancholiam generantes, si præcesserint, consenserint, certius de hac intemperie iudicium habetur. Vtilitatem adferunt, quæ melancholiam euacuant, temperant, & à capite auertunt. Nocent, quæ humorem hunc generant & augent.

Prognostica.

Longus & curatu difficilis hic morbus est: sicut omnis affectus melancholicus; præcipuè si diuturnitate temporis radices egerit: circa initia verò curatu facilior est; Ideoque circa initia curatio eius non negligenda, sed maturè medicamenta adhibenda.

Indicationes.

Melancholicus humor præparandus & euacuandus est, & si ad caput moueatur, reuellendus. Intemperies frigida & sicca corrigenda, & ne humor melancholicus iterum generetur, præcauendum.

Curatio.

Itaque si cerebrum primariò afficiatur, nihil opus est quantum ad ipsam rationem affectus attinet, sanguinis detractio: quod si aliquando mittendus sanguis, aliqua alia

alia ratione mittendus est, vt Galen. *de loc. affe.c.7.* scribit. Quæ autem illa sit docet Aëtius ex Posidonio; si scilicet sanguis multus sit in toto aut aliqua euacuatio consueta suppressa fuerit. Quapropter si plenitudinis cuiusdam signa affuerint & cætera consentiant, primæ viæ primùm euacuentur.

Paretur ergo & iniiciatur talis clyster.

℥. Rad. althææ, polypod. quern. an. ʒ. β. maluæ, althææ, mercurial. an. M. j. betonica, majoran. an. M. β. fol. senæ elect. ʒ. β. Coquantur in aq. simpl. vel iure carnis:

Colat. ℥. lb. j. Cassiæ pro clysteribus ʒ. j. elect. diacathol. ʒ. β. mellis anthosati ʒ. j. olei chamæmel. ʒ. iiij salis ʒ. β. fiat clyster.

Vel exhibeatur hic bolus.

℥. Cassiæ recens extract. ʒ. vi. elect. diacathol. ʒ. iii. confect. hamech. ʒ. β. Cum saccharo fiat bolus. vel dissoluatur in feri lactis ʒ. iii. fiat haustus.

Vel purgentur primæ viæ cassia, syrup. rosar. vel violar. solutiū. elect lenitiuo, diacathol. fol. senæ secundum Augustanos.

Vel ℥. Meliss. flor. borrag. buglos. an. p. ii. passu. ʒ. β. fol. sen. elect. ʒ. vi. galangæ ʒ. β. Infundantur per noctem in f. q. aq.

℥. Colat. ʒ. iii. β. in quibus dissolue mannæ ʒ. β. Iterum coletur. Adde syrup violar. vel rosar. solutiū. ʒ. i.

Imò etiamsi venæ sectione opus non sit: tamen à primarum viarum eiusmodi euacuatione curam inchoare necessarium est.

Hinc, si opus, aperiatur cephalica sinistri brachii, & sanguis ad ʒ. iii. vel plures educatur, præsertim si niger & purulentus ille fluxerit; alioquin si lucidus & purus, vena citò constringatur, vt Galen. iubet 3. *de loc. aff. cap. i.* Quia autem sanguis melancholicus crassior esse solet, frictio vel corporis exercitatio, vt attenuetur, præmittenda, & vulnus latius infligendum.

Si verò menses vel hæmorrhoides suppressæ sint, vena in talo aperiatur. Postea humor præparetur, & purgetur medicamentis conuenientibus; ita vt attenuantibus semper addan

addantur humectantia, cum humor melancholicus per se sit ficcus & terrestris.

Præparant humorem melancholicum, quæ humectant & calefaciunt, eumque liquant (inprimis victus talis; vt & medicamenta humectantia & calefacientia) atque attenuant, sed non siccant admodum: & talia medicamenta aliquot diebus continuanda.

*Humorẽ
melancholicum in
capite
præpara-
rantia.*

Radic. Buglossi, fœniculi, filic. polypodij, gram. caparis.

Folia, Melissæ, lupuli, scolopendrij, cuscute, roris-
marini.

Flores, Borragin. bugloss. stæchad. Arabic. violar. roris-
marin.

Cortices Citri.

Serum Caprinum.

Vnde fiunt, Syrupus de melissa, de borragine, de lupulis, de buglossa, tunicis, de thymo, de corticibus citri, de pomis.

Conferuæ, Bugloss. borragin. meliss. maluæ.

Condita, Cortic. citri, caro citri.

Confectio, Alkermes, de hyacintho.

Vel ℥. Rad. fœnicul. polypod. querni, an. ʒ. j. glycyrrhizæ ʒ. ʒ. bugloss. cort. rad. cappar. an. ʒ. ij. meliss. betonic. sum-
mitat. lupuli, an. M. j. flor. borrag. bugloss. stæchad. Arabic.
an. P. j. sem. fœnicul. citri, ocymi, an. ʒ. j. passular. exacinat.
ʒ. j. Coquantur in aq. simpl.

Colat. ℥. lb. j. ʒ. ij. Dulcoretur saccharo pro quatuor
dosibus.

Vel addantur syrup. de pomis & de borragin. ana
ʒ. ij.

Vel ℥. Rad. fœnicul. asparag. polypod. quern. glycyrrh. an.
ʒ. ʒ. capill. Veneris, thymi, an. M. j. rorismarin. M. ʒ. flor.
borrag. bugloss. an. M. j. violar. stæchad. Arab. an. M. ʒ. sant.
citrinor. rubror. an. ʒ. j. passular. minor. ʒ. Coq. in aq. l. Co-
lentur & cum saccharo, fiat syrupus, cuius ʒ. ij. dentur
cum sero lactis caprini.

Vel colaturæ clarificatæ dentur ʒ. iv. cum syrupo de
pomis ʒ. j. ʒ. pro dosi.

Vel Rad. borrag. sænicul. cichori, cortic. radic. cappar. an. 3. ij. radic. asari 3. j. fol. meliss. serpill. majoran. betonica, chamædryos, pulegij, an. M. R. flor. stæchad. Arab. schænanth. an. P. j. fol. senæ, epithymi, an. 3. iiij. sem. anisi, sænic. cortic. citri. an. 3. j. flor. cordial. an. P. ij. passul. major. exacinnatar. 3. j.

Affundantur aq. lb. iiij. & coquantur in vase duplici clauso in aqua. Colaturæ adde succ. fumar. pomor. borrag. rosar. an. 3. vj. sacchar. albi lb. j. R. fiat s. a. potio, de qua sumat æger manè & vesperi 3. liij.

*Enacuā-
ria me-
lancholiā
à capite
affecto.*

Purgant, fol. senæ, polypod. quern. epithym. myrobalan. Ind. elleborus niger & albus, lapis aymenus & lazuli, de quibus videatur in Institutionibus lib. 5. part. 1. sect. 1. cap. 11. Et cum, vt ibi dictum, Alexand. Trallianus lapidem armenum elleboro albo præferat, authoritate Tralliani confusus Guainerius, sæpissimè eo vsus & diuersimodè quidem, ac nunquam optato sine frustratus est, vt scribit tract. 15. c. 6. pulueremque, quem mox subiiciam, inde parat. Eleſtuarium diacathol. diasenæ, confect. hamech, pilul. de fumar. de quinque generib. myrobalan. Indæ, de lapide lazuli, Extractum hellebori nigri, antimonium.

In quorum vsu obseruandum, ne in principio fortiora exhibeantur, ne humorem agitent, & per se pertinacem contumaciorem reddant, fortioribusque semper blanda & leniora quædam & humectantia admiscenda. Ideoque medicamenta in forma liquida commodiora sunt. Et omit-tenda quoque sunt omnia siccantia, vt aloë, hiera, pilulæque rarò vsurpandæ.

Vt ʒ. Rad. sænicul. polypod. quern. an. 3. R. bezon. meliss. capill. Veneris, an. M. j. ceterach, flor. borrag. bugloss. an. M. R. sem. anisi, sænic. an. 3. j. fol. senæ. elect. 3. x. ellebori nigri præp. 3. j. R. epithymi 3. ij. passular. maior. exacinat. 3. j. glycyrrhiz. 3. R. Coq. in s. q. feri lactis.

Colat. ʒ. lb. j. Syrupi è stæchade simpl. violarum solutiui, de pomis, an. 3. j. Misce pro tribus dosibus.

Vel ʒ. Fol. senæ elect. 3. R. polyp. querni, epithymi, rad. gila-pa, an. 3. j. cremor. tartari 3. ij. diagridij 3. j. sem. anisi, sæn. spicæ, caryoph. macis, an. 3. R.

De intemp. cap. cum humore melancholico. 129

Dosis ʒ. j. Si libet, potest addi saccharum.

Vel ʒ. Fol. senæ mundat. ʒ. j. cremor. tartari ʒ. ʒ. cin-
namomi ʒ. ij. caryoph. diagrid. an. ʒ. ʒ. fiat pulvis, dosis
ʒ. j.

Pulvis Guainerij.

ʒ. Lapid Armeni ʒ. ij. croci ʒ. ʒ. matris ʒ. j. fiat pulvis.

Alij de lapide lazuli talem parant.

ʒ. Lap. lazuli sæpius loti ʒ. ij. epithym. ʒ. j. croci ʒ. ʒ. sacch.
ʒ. j. fiat pulvis.

Vel ʒ. Elect. diacathol. ʒ. ʒ. diasenæ ʒ. ij. confect. hamech
ʒ. j. cum saccharo fiat bolus.

In morbi progressu hæc pilulæ exhiberi possunt.

ʒ. Pilul. Indarum ʒ. ij. cochiar. ʒ. j. extracti ellebori ni-
gri ʒ. vj. Cum aq. meliss. F. pilulæ xxiv.

Et quia humor hic pertinax est, & semel nunquam
planè euacuatur, præparantia & purgantia repetere & cō-
tinuare opus est.

Inter omnes Syrupos hîc primas tenere Syrupum de
pomis compositum descriptum à Mesue *cap. de soda frigida*
à Melancholia scribit Rondeletius, *method. curandor. mor-
bor. cap. 9.* vt qui non solum concoquit, sed & educit hu-
morem melancholicum ac pituitosum, idque sine noxa
ventriculi & aliarum partium.

Paratur autem hoc modo:

ʒ. Capillor. Veneris, Radicum bugloss. domesticæ & sylu.
florum bugloss. polypodij, epithymi, an. ʒ. j. folior. senæ, cha-
mamel. stæchad. an. ʒ. vij. chamædryos, schenanthi, ellebori
nigri, an. ʒ. iij. fumi terræ ʒ. vij. eupatorij ʒ. iv. succi pomor.
dulg. ʒ. viij.

Omnia præter epithymum & succum pomorum bul-
liant in lb. iij. aquæ vsque ad lb. ij.

Deinde bulliat in eo ebullitione vna epithymum, & co-
letur, & cum succo pomorum lb. ij. sacchar. q. s. fiat
Syrupus.

Non tamen vsurpari debet in principio, sed in progres-
su morbi, & præcedente totius capitis vniuersali purga-
tione.

Iachinus decocto ellebori nigri vtitur, hoc modo

℥. Cortic. elleb. nigri ʒ. ʒ.

Contusi leniter infundantur in ℥.ij. aq. horis sex, postea adde *cinnamomi, sem. dauci, epithymi, an. ʒ. j. passular. ʒ. ʒ. flor. buglos. M. j.* Coq. ad dimidiæ partis consumptionem, dulcorentur saccharo, propinentur pro duabus dosibus.

Post vniuersales istas corporis euacuationes, particulares euacuationes per errhina & gargarismos supra propostos instituendæ, quibus hîc polypodium, thymum, epithymum, elleborum addere commodum est.

Si morbus sit pertinax, & æger sanguine simul abundet, etiam frontis vel narium venas aperire vtile est.

Per insensibilem etiam transpirationem discutienda materia: medicamentis verò, quæ hoc præstant, semper admiscenda humectantia. Utendum nimirum oleo irino, anethino, lilior. albor. amygd. dulc. chamæmelino, unguento alabastrino, vel lotionem ex decocto florum chamæmeli, borraginis, rosarum, flor. stæch. Arab. betonica, melissæ, sem. anethi, fol. senæ adiectis.

Decoctum hoc embrochæ modo per plures dies capiti instillare commodum est.

℥. Folior. maluæ, althææ, bugloss. summ. aneth. an. M. ij. flor. chamæm. viol. an. M. j. sambuci P. j. capit. papan. num. vj. Coquantur in aquæ ℥. xxj.

Si humor melancholicus ab inferioribus, præcipuè liene & hypochondriis, communicetur, frictiones & alia reuulsionis media non omittenda, de quo plura dicentur suo loco de melancholia hypochondriaca.

Caput
& cor
roboran-
tia in
melancholia.

Peracta purgatione, imò dum adhuc peragitur, ea exhibenda, quæ caput & cor alterant, roborant & simul exhilarant, ex consensu borraginis, bugloss. violarum, melissæ, anthous, Cort. citri conditis, radic. condit. helenij, quod Rondeletius in method. morbor. c. 9. miram vim & proprietatem ad hilaritatem & gaudium excitandum habere, & à nonnullis pro secreto haberi scribit, Confect. alķermes, de hyacintho, elect. de gemmis, latificante Rhasis & Galeni, dianthous, diamoschi dulcis, item lapid. Bezoar aduersus omnes melancholicos morbos valde vtili, coralliis, margaritis.

Vt *℥. Conseru. bugl. borraginis, an. ʒ. j. rosar. ʒ. ʒ. margarit.*

De intemp. cap. cum humore melancholico. 131

rit. præp. 3. ℞. hyacynthi, sapphiri, smaragdi, corallij utriusq;
an. ʒ. ℞. cinnamomi, macis, galinæ, nuc. mosch. an. ʒ. j. carya-
phyl. cuhebar. ligni aloës, styrac. calamitæ, sem. basilici, an. ʒ. ℞.
croci ʒ. j. moschi, ambre, an. ʒ. iv. carnis vuar. passar. ʒ. ij. aq.
rosarum moschatæ ʒ. j. sacchari q. s. fiat Electuarium, de quo
mane sumat 3. iij. cum aq. bugloss. ʒ. iij.

Vel ʒ. Conseru. bugloss. borragin. melissæ, an ʒ. j. anthous,
violar. an. ʒ. ℞. cort. citri cond. 3. iij. specier. diamoschi dulcis,
latitiæ Galen. an. ʒ. j. confect. alhermes 3. ℞. cum syrupo tu-
nicis fiat Electuarium.

ʒ. Conseru. bugloss. violar. rosar. an. ʒ. j. ℞. tunicis ʒ. j. spe-
cier. dianthos, diamb. diamarg. frigid. an. 3. ℞. cum syrupo de
pomis & corticib. citri fiat Electuarium.

Utile est & semel in septimana sumere 3. ℞. vel ʒ. ij.
mithridatij cum ʒ. ℞. conseru. flor. borragin. vel bu-
glossæ.

Vel ʒ. Conseru. bugloss. violar. an. ʒ. j. ℞. meliss. cortic. citri
conditorum, an. ʒ. ℞. specier. diamb. diamosch. dulc. diamargar.
frigid. an. 3. ℞. lapid. Bezoar. ʒ. ℞. cum syrupo de pomis fiat
Electuar.

ʒ. Conseru. bugloss. meliss. violar. an. ʒ. ij. cortic. citri condi-
tor. ʒ. j. specier. diamb. diamosch. dulc. diamarg. calid. an. 3. ℞.
confect. alhermes 3. j. lapid. Bezoar. ʒ. j. cum syrupo de pomis,
fiat Electuarium.

Dietæ.


Aër ad calidum & humidum vergat; sit lucidus, non
tenebriosus, non foetidus, sed suauolens. Victus ratio
instituatür ita, ut præter caliditatem magis inclinet ad
humidum: Cibusque talis sit, ut bonum sanguinem sup-
peditet. Sæpe enim, præcipuè si malum recens sit, sola vi-
ctus ratione bona, qua probus, tenuis & clarus sanguis,
qui omnem humorum malitiam corrigit, gignitur, & cor-
poris humectatione malum hoc curatur. Ad bonum sangui-
nem gignendum faciunt panis ex bono frumento, bene
coctus, oua recentia, carnes animalium iuuenum, præser-
tim pullorum gallinaceorum, hædorum, vinum bonum &
similia. Conuenit & prisana hordeacea. Ex oleribus con-
ueniunt, malua, buglossa, borrago. Ex fructibus, vux &

mala dulcia, vix passæ. Vitet æger omnem cibum, qui succo melancholico materiam præbet, qualia sunt legumina, porrum, capæ, caules, & similia, quæ Galenus 3. de loc. affect. cap. 9. recensuit. Cibi quantitas etiam moderata sit, nec abstinencia se maceret æger. Vinum tenue bibat conditum melissa, flor. buglos. borrag. cort. citri. Motus & exercitatio corporis sint moderata; & quæ ad excrementa discutienda sufficiant, non verò corpus resoluant & exsiccent: animus à mœrore abducatur, & omnibus, quantum fieri potest, modis ad lætitiâ componatur. Somnus sit longior, omnique modo prouocandus; cum in eo maxima curationis spes sit, vtpote qui cerebrum maximè humectat: vigiliæ verò nimix sunt interdiciendæ. Balneum aquæ dulcis in hac intemperie vtile est. Omnia, quæ metum & tristitiâ conciliare possunt, vitentur. Animus contra, quibus potest modis, ad hilaritatem componatur.

Q V Æ S T I O.

An acetum melancholicis vtile sit?

Donatus Antonius ab alto mari de medend. corp. human. morb. cap. 7. ex Aetio & Paulo Aegineta, qui hoc ipsum è Posidonio mutuati sunt, extollit aceti acerrimi sorbitionem post omnem cibum, vbi iam dormire velit æger, vel quod attenuet, succumque melancholicum discutiat; vel quod sumptorum ciborum vapores humidos confestim ad caput deferat, somnumque propterea conciliet: tantorumque virorum, siue his siue aliis rationibus moti fuerint, consilium sequendum censet. Verum maioris ponderis nobis sit Hippocratis & Galeni autoritas, ratione & experientia munita, qui in affectibus melancholicis aceti vsum improbant. Hippocrates, 3. de ratione victus in acut. 38. scribit; *Nigra ab aceto fermentantur, attolluntur & multiplicantur, & exaltat nigra acetum*; & Galenus ibidem acetum melancholiæ aduersissimum esse dicit. Qua de re etiam diximus de Febr. lib. 2. cap. 19. vide etiam infra part. 2. cap. 8.



CAPVT XIII.

De intemperie capitis cum bile atra.

Causæ.

BILEM atram è sanguine, bile flaua, vel humore *Intempe-*
 melancholico adustis prouenire l.2. *Instit. p.2. cap.6. rics ca-*
 dictum. Eadem causæ & hic locum habent. Causæque, *pit^{is} cum*
 quæ sanguinem vel bilem, vel melancholiam seu in capi- *atra bi-*
 te, seu in hypochondriis, seu in toto adurunt, vbi ille hu- *le.*
 mor adustus capiti communicatur, intemperiei calidæ &
 siccæ cum materia, quæ est atra bilis, causa esse possunt.
 Vnde malum hoc (quæ remotiores causæ sunt) sæpe in-
 calefcenti melancholiæ succedit, & ira, mœstitia, nimia
 animi intentio ac studia, sollicitudo, vigilæ, præcedentes
 capitis dispositiones calidæ, inflammatioque, vini poten-
 tis nimius vsus, medicamenta immoderatè calefacientia,
 intemperiem hanc producere possunt. Præcipuè verò in
 biliosis, extenuatis & iis, qui hepate ac corde calido &
 ficco præditi sunt: obesi verò & pituitosi ad hunc mor-
 bum minus sunt dispositi.

Signa Diagnostica.

Adest dormiendi impotentia, & vigilæ pertinacissimæ,
 sæpe etiam accedit delirium. Pro humorum tamen, è qui-
 bus atra bilis gignitur, hic etiam est quædam differentia.
 Nam si ex sanguine adusto bilis atra fit generata, hilariores
 nonnihil sunt, & ad risum procliuēs, ac præcesserunt si-
 gna sanguinis abundantis. Si ex bile flaua profecta sit, fe-
 rinum est delirium, cum iracundia & temeritate, ac quod
 Hippoc. 6. aphor. 23. *μεν σαρδν* appellat, audaces sunt &
 violenti: Si ab humore melancholico sit atra bilis, mœsti
 sunt & taciturni, & cum per interualla loqui incipiunt,
 garruli sunt, neque loquendi finem faciunt. Omnibus ta-
 men ferè hoc commune est, vt aspectus sit horridior, &
 truculentior; de quo suo loco de mania plura.

Prognostica.

1. Curatu difficile hoc malum est, & tempus ad curationem satis longum requiritur. Cum enim cerebrum natura frigidum & humidum, longè à naturali sua constitutione recessit, & valentiora medicamenta ac longius tempus, ut ad pristinum statum reducatur postulat.

2. Facilior curatu est in iuuenibus, ac mediæ ætatis hominibus; difficilis verò in senibus.

3. Melancholicis & nephriticis hæmorrhoides superuenientes bono sunt.

Indicationes.

Intemperies hæc calida & sicca refrigeranda & humectanda est. Materia ipsa eodem modo alteranda, temperanda, attenuanda & euacuanda est, eiusque generatio inhibenda. Et quidem si humor ater proueniat à bile flaua exusta, calidior est, & magis refrigerantibus indiget: Si verò ab humore melancholico, minus calidus est, minusque refrigerantia requirit; vterque tamen humida postulat. Qui autem è sanguine exusto est, mediocrem conditionem obtinet. Et si in toto vel partibus inferioribus generetur, & ad caput transmittatur, euacuetur, à capite reuellatur, repellatur & quod reliquum. Et quò eius generatio prohibeatur, intemperies visceris, à qua producit, corrigenda, & cum plerumque à caliditate, & siccitate hepatis, ut & lienis ortum habeat, ea viscerum intemperies refrigerantibus & humectantibus alteranda. Et quia vigilie in hoc morbo vrgent, eumque augent, danda diligenter opera, ut somnus omnimodo concilietur.

Curatio.

Itaque primò clyster aliquis humectans ex althæa, malua, parietaria, borrag. bugloss. violis cum cassia & Electuario Diacacathol. paratus iniiciendus.

Vt ℞. Rad. althææ, polypod. querni, an. ʒ. R. parietarie, branca vrsin. fumariæ, lactuce, borrag. an. M. j. Fol. senæ ʒ. vj. prunor. num. xij. Coquantur in aq. simpl.

Colat. ℞. lb. i. cassiæ pro clysteribus ʒ. j. elect. diacathol. ʒ. vj. olei

olei oliuar. chamamel. an. 3. ss. F. clyster.

Hinc si ex sanguine adusto bilis atra prouenerit, vel in capite aut toto sanguis adustus & feruidus redūdet, communis, basilica, vel cephalica vena, prout opus, aperiatur: sanguinisque missio præsentissimum in hoc morbo est remedium. Et quidem si in capite redundat sanguis, statim cephalica aperiatur; si in toto simul, primò communis vel basilica, deinde cephalica secetur, & præcipuè in sinistro latere. Reuulsionis quoque gratia Saphena aperiri potest; præsertim in mulieribus, cum menses suppressi huic malo originem dederunt, & ut si hæmorrhoides suppressæ morbi causa sint. Quandoque etiam in viris natura ~~æque perniciosa~~ humorē huius morbi causam & à capite & nobilioribus partibus ad crurales venas detrudere, & varices in cruribus excitare, morbumque hoc modo dissoluere solet.

Neque inutile fuerit, hirudines circa tempora & post aures, vel etiam ani venis applicare, si hæmorrhoides suppressæ sint.

Hinc materia præparanda refrigerantibus & hume-

Atra bile in capite præparanda.

stantibus, ut:

Radicibus, *Borrag. bugloss. gramin. asparagi, polypod. glycyrrhizæ.*

Floribus, *Borrag. bugloss. violar. nymphae, rosarum.*

Foliis, *Lactucæ, borrag. endiu.*

Seminibus, *quatuor frigid. maior. papau. lactuc.*

Fructibus, *Passul. jujubar. sebesten, pomor. prunor.*

Et quæ hinc fiunt.

Aquis, *Borrag. bugloss. violar. rosar. endiu. fumarie.*

Syrupis, *Violar. de borrag. bugloss. nymphae, byzantin. simpl.*

Conseruis, *Borrag. bugloss. rosar. violar. nymphae*, quibus cordialia ob affinitatem adicere licet. Conseru. *Anthous, meliss. cortic. citri.*

Et quidem medicamenta ex his, prout natura humoris, è quo humor hic ater est generatus, eligenda sunt. Nam si ex sanguine feruido atra bilis sit genita ea eligenda, quæ de intemperie capitis cum bile proposuimus, si ex humore

melancholico, ea ferè conueniunt, quæ capite præcedente de intemperie cum humore melancholico tradita sunt.

℞. *Aquar. borrag. bugloss. fumar. an. ʒ. ij. Syrup. borrag. bugloss. viol. an. ʒ. j. ʒ. M.F. potio pro ij. dosibus.*

Vel ℞. *Radic. bugloss. glycyrrh. polypod. querni, an. ʒ. vj. fumar. ceterach. an. M. ʒ. Flor. cordial. M. j. epithym. ʒ. ij. Coq. in aqua pura.*

Colat. ℞. *ʒ. ij. Adde succi pomor. ʒ. vij. sacchari ʒ. j. ʒ. Ebulliant, & depurentur, vel addatur Syrup. de pomis, violis, an. ʒ. j.*

Vel ℞. *Conseru. bugloss. borrag. violar. an. ʒ. j. nymph. rosar. an. ʒ. ʒ. ʒ. specier. diamarg. frigid. ʒ. ʒ. Cum syrupo de pomis, fiat Electuarium.*

Atrā bilinguē & capite purgantia. Purganda postea est materia Syrup. violar. solut. diaprūno solutiu. decocto senæ, epithymo, polypod. diacathol. quibus deinde elleb. niger adiici potest, Confect. hamech & diasenæ, de lapide armeno, lazuli, pilulis de fumaria, de lapide lazuli. Vbi notandum, vt purgantibus istis semper ex humectantibus & præparantibus antea enumeratis aliquid admisceatur, & purgantia non vsurpanda, nisi corpus prius humectatum fuerit:

Vt ℞. *Flor. cass. elect. diacathol. an. ʒ. ʒ. confect. hamech ʒ. j. Cum saccharo. F. bolus, vel dissoluantur in aq. fumarie & bugloss. an. ʒ. ij. & addatur Syrup. violar. ʒ. ʒ. F. haustus.*

℞. *fol. senæ ʒ. ʒ. epithym. ʒ. ij. flos. violar. borrag. fumarie an. P. ij. passular. exacinat. glycyrrh. an. ʒ. ʒ. Coq. in aq. hordei simplici.*

Colat. ℞. *ʒ. iv. In iis dissolue manna elect. ʒ. j. Colentur, adde Syrup. violar. solutiu. ʒ. ʒ.*

Vel ℞. *Radic. bugloss. graminis an. ʒ. ʒ. polypod. querni ʒ. ij. glycyrr. ʒ. ʒ. M. corticum fraxin. tamarisc. an. ʒ. ij. meliss. lingue ceruinae, ceterach, capillor. Veneris, an. M. j. Flor. sen. elect. ʒ. ij. epithym. ʒ. ʒ. elleb. nigri præp. ʒ. ij. sem. 4. frigid. major. an. ʒ. j. sem. portul. ocymi, fœnicul. zedoar. an. ʒ. j. jujubar. sebesten, an. num. x. passul. exacinar. tamarind. an. ʒ. j. ʒ. Infundantur per noctem in aq. pura, postea ebulliant & colentur.*

In colat. ʒ. ij. infundantur rhabarbar. ʒ. ʒ. cinnamom. ʒ. iv. flor. cordial. an. P. ij.

Colat.

Colat. adde succi pomor. Borstorianor. vel aliorum odoratorum lb. j.

Iterum parum coquantur, saccharique q. f. ad dulcorandum addatur, & clarificentur. Fiat potus ad dies 5. vel 6.

Vel addatur sacchari q. f. Coquantur ad syrupi consistentiam, de quo 2. vel 3. cochlearia propinantur.

Licet & in grauioribus malis antimonio & medicamentis ex eo præparatis uti.

Post purgationem alterantia supra proposita repetenda, quibus addi possunt margaritæ, fragmenta lapidum pretiosorum, lapis bezoar, corallium, bolus armenus, quæ non solum ut nonnulli putant, exsiccandi ichores, qui in arterias penetrarunt, sed etiam peculiari vi spiritus defæcandi & illustrandi præditi sunt.

Atrabile in capite alterantia topica.

Post sanguinis missionem & purgationem, fronti & suturæ coronali frigida humectantia applicanda sunt.

Vt oleum rosar. violaceum, nymph. amygdal. dulc. quibus oleum anethinum & chamæmel. admisceri potest.

Aqua rosarum, lactucar. violar. & aliarum plantarum refrigerantium.

Epithemata è refrigerantium & humectantium aquis & decoctis,

Vt ℥. Olei violar. nymphææ, rosar. an. 3. j. aq. lactucæ, solani, rosar. aceti, an. 3. lb. M.

Vel ℥. Fol. lactucæ, borrag. endiu. an. M. j. flor. violar. rosar. borrag. bugloss. nymph. an. P. ij. capit. papau. cum semine num. x. Coq. in aq.

Colat. ℥. lb. j. Adde Ol. viol. rosar. an. 3. ij. M. pro Epithemate.

℥. Fol. malu. flor. violar. nymph. an. M. ij. capit. papau. albi cum seminib. num. vj. flor. chamæmel. melilot. summitat. anethi, an. M. j. fol. senæ 3. ij. Coq. & decocto caput abluatur, & hinc ol. viol. & de nymphæa cum lacte muliebri irrigetur. Vel si ascensus vaporum metuatur, cum ol. rosaceo fiat linimentum.

℥. Ol. violar. sem. cucurbitæ, an. 3. j. papau. aneth. an. 3. lb. mucilag. sem. psylli, aq. viol. extractæ 3. v. sem. lactucæ, hyoscyam. an.

an. 3. β. croci β. β. Misce.

Emulfiones: sem. papau. lactuc. amygdal. dulc.

Sacculi: fiunt ex rosīs, flor. violarum, nymph. sem. papauer.

Lotiones pedum & manuum ex refrigerantibus & humectantibus supra positis.

Balneum aq. dulc. utile est cum decocto earundem plantarum paratum.

Tandem post euacuationes vniuersales institutas & absolutas ad particulares cerebri euacuationes perueniendum, quæ fiunt apertione venarum, frontis, narium, aut sub lingua, aut applicatione hirudinum ad venas post aures, errhinis item, vt capite præcedente dictum.

Si malum non cedat, Zechius Consult. 80. ad tria tanquã generosa remedia confugiendum censet si humor adustus in toto corpore simul redundet. Sunt autem ea, lactis serum, cum succo cichorij & fumariz læ larga copia quindecim diebus hor. 5. ante prandium hauustum; aquæ thermales, quarum minera sit ferrum, epotæ, & aquæ dulcis tepidæ balneum, pluribus diebus vespere duabus horis ante coenam vsurpatum, cuius vsu & vniuersum corpus humectatur, & obstructi & adstricti meatus aperiuntur.


**Cauterium in melan-
cholia.**

Si reliqua non profint etiam ad cauteria bregmati, modo supra explicato, nonnulli deueniendum & cauterium per menses aliquot apertum tenendum censent. Scribitq; Guainerius, tract. II. c. 9. se nobili cuidam foeminæ mania laboranti cauterium potentiale syncipiti applicasse, quo cutis ad cranium vsque absumpta sit: hinc in coniunctione Lunæ & Solis cranium trepano aperuisse, & foramen per mensem apertum seruasse, atque ita foeminam illam, quæ plus quàm duobus annis mania laborauerat, sanitati restitutam fuisse. Vtilissimum etiam est ægrum in balneum aq. dulcis calidæ sæpius inducere.

Dieta.

Ær in caliditate sit temperatus, ad humiditatem vergens. Cibus sit in quantitate mediocris, refrigerans & humectans, vt ptisana, iuscula carniū, carnes pullorum gallinaceorum, gallinar. agninæ, hædinæ, vitulinæ, perdicum,

cum, oua forbilia. Abstinendum verò ab iis, quæ bilem gignunt, iisque, quæ crassum succum suppeditant, quales sunt caro bubula, ceruina, hircina, & fumo indurata. Ex piscibus conueniunt saxatiles & friabiles. Grandes verò pisces, duri & viscidi, falsi & fumo vel aëre indurati nocent. Cibi condiantur borrag. malua, lactuca, asparago. Panis sit similagineus. Vino æger planè abstineat, nisi à metu aut melancholia adusta hoc malum originem habeat: Tum enim vinum album tenue concedendum, aut si fortius sit, diluendum aq. borrag. violar. enditiuæ & cichorij. Huiusmodi enim vinum ad excrementa biliosa temperanda & expellenda, partiumque solidarum siccitatem corrigendam est aptissimum. Vel bibat æger aquam hordei cum succo granatorum dulcium, aut serum lactis, in quo epithymum maceratum sit, vel etiam lac calidè emulsum cum saccharo bibat. Exercitium sit mediocre. Somnus sit consueto longior, qui propterea medicamentis tum externis, tum internis conciliandus. Alius laxa sit, & nisi sponte officium faciat, clysteribus vel lenientibus medicamentis aperta seruetur: Animus ad hilaritatem componatur, & omnes, quæ iram & tristitiam commouere possunt, occasiones vitentur.



C A P V T XIV.

De venenatis & malignis & tota substantia cerebro contrariis morbis.

PRæter intemperies hætenus enumeratas, cerebrum quoq; morbos quosdam malignos & venenatos, quos totius substantiæ vocant, quandoque patitur. Talis est illa *2^a & 3^a*, quam imprimit aura vel vapor, vel materia *Venena cerebro aduersa.* venenata, quæ epilepsiam excitat, seu ea in cerebro generetur, seu ab inferioribus transmittatur. Tales sunt dispositiones, quas imprimunt venena cerebro peculiariter infensa; solanum furiosum, hyoscyamus, herba Sardonina, seu apium risus, virus caninum, cerebrum & sanguis, felis

felis, de quo memorabilis historia est apud Vveinrichium, *de monstris cap. 15.* Torpedo, menstruus sanguis, vinum fulmine tactum, cicuta, napellus, vmbra arboris iuglandis, taxi, cocculi de Leuante & pisces iis capti, aconitum, thus cum vino, sanguis humanus potus, lolij, semen, flores colchici, crocus 3. ij. pondere: quorum alia somnum p. n. inducunt, alia imaginationem & ratiocinationem lædunt, ac deliria excitant; nonnulla conuulsiones aut paralyfin inducunt. Ita in maniâ peculiarem malignitatem statuit Platerus.

Verum enim verò cum, vt modo dictum, alia alias actiones lædant, ac de epilepsia, sopore graui & deliriis, quæ ab huiusmodi venenis proueniunt, suo loco dicendum sit, & vix aliquod venenum sit, quod etiam si cerebrum primò afficiendi vim habeat, non tamen reliqua membra in consensum trahat, in enumeratis symptomatibus de iis aliquid dicetur; reliqua suo loco, vbi de venenis in specie dicetur, explicabuntur.



C A P V T XV.

De vitiiis spirituum animalium.

SPiritus animales partes sint corporis nec ne hic non disquirimus, satis est si sciamus, eos ad actiones animales omninò necessarios esse, neque sine iis eas perfici, & si actiones hæ rectè perfici debent, requiri, vt ipsi non minus quam cerebrum suam naturalem temperiem & constitutionem habeant.

*Spiri-
tuum a-
nimaliū
vitia.*

Generatur spiritus animalis in cerebro, quod eius fons & origo est, & ea de caussa præter facultatem altricem, quæ ipsi cum omnibus partibus viuentibus communis est, peculiarem substantiam ab omnibus aliis corporis partibus diuersam habet, & potentias, quibus & retinet materiam, è qua spiritus animalis generatur, eamque alterat & coquit, & in spiritum animale mutatur.

Generatur autem spiritus animalis ex subtilissima spi-
ritus

ritus vitalis parte & aëre attracto, ab ipsa cerebri sub-
stantia, quæ animæ, vt agentis principalis, proximum
instrumentum est, cui in toto corpore similem reperire
non est. Ea enim animæ sedes est, non verò ventriculi, &
ab ea spiritus animales elaborantur, atque in ea, non ve-
rò in ventriculis, quorum alius vsus est, vt alibi dictum,
continentur. Cerebri verò substantia ad actionem hanc
concurrit præcipuè per suum calidum innatum & pecu-
liarem temperiem, ac pro huius variatione etiam spiri-
tus animales variant. Est tamen etiam necessaria peculia-
ris cerebri conformatio, quæ in magnitudine, figura &
cavitatibus consistit, quæ non solum ad spirituum gene-
rationem vel ad conseruationem necessaria est, cerebrum-
que suam substantiam, calidum natium, temperiem &
conformationem obtinens spiritus animalis origo, fons &
domicilium est.

*Spiritualis
animus
genera-
tio.*

Plura autem ad naturalem constitutionem spirituum
requiruntur. Primò vt habeant suam temperiem, quæ est
quidem calida; sed longè temperatior, quam spirituum
vitalium. Secundò vt sint tenuissimi & subtilissimi: qua
de causâ rerum Creator sapientissimus innumeros arte-
riarum plexus in cerebro collocauit; vt per minutissimarum
arteriarum insensibilia orificia spiritus vitalis in cerebrum
exacte tenuissimus quasi percolaretur & à sanguine arte-
rioso separaretur. Tertio vt sit purissimus, lucidissimus &
splendidissimus. Qua de causâ spiritus animalis è spiritu
vitali à sanguine arterioso separato, & in cerebro, omnis
fere coloris experte recepto gignitur, & ibi vltiorem
elaborationem adsequitur. Idem nimirum hic fieri cre-
dendum est, quod in igne, qui quò magis in flamma à fumo
separatur, eo fit clarior & lucidior. Quartò vt sit copio-
sissimus: quam ob causâ cerebrum amplissimum, mol-
lissimum, innumerisque poris & cavitatibus præditum
est, & ad illud innumera fere arteria decurrunt. Quintò,
vt naturalem suum motum in cerebro habeant.

*Spirituum
anima-
lium na-
turalis
constitu-
tio.*

Quæ naturalis spirituum animalium constitutio si læ-
datur quocumque modo, etiam actiones animales, quæ
per ipsos, vt instrumentum proprium, obeuntur, vitia-

*Spiritus
anima-
les cali-
diores.*

ri necesse est. Etenim si spiritus animales nimium incallescant & feruidiores reddantur, id quod fit in febribus acutis & partium internarum inflammationibus, vaporibus calidis caput petentibus spiritibus; sese permiscantibus, item in cerebri & membranarum inflammationibus & intèperie calida p.n.in phrenitide, in mania, aut dum à causis externis, vt æstu Solis, Syrij, aliisque supra cap. i. enumeratis cerebrum incalescit: vigiliæ immodicæ & deliria accedere solent. Frigidus contra spiritus animales actiones omnes hebetat, stoliditatis ac amentix causa est.

Frigidiores.

Si spiritus animales suam naturalem tenuitatem non obtineant, sed crassiores iusto sint, animales actiones quoque rectè sese non habent, sed torpidiores quasi sunt. Negat quidem Platerus planè, vbi de læsa visione tractat, spiritus animales crassescere; cum sint ætherei penè, & tales mutationes non patiantur, verùm id ita simpliciter admitti non potest. Etenim spiritus animales duobus modis crassiores esse possunt, vel dum tales generantur, vel dum vapores aliqui ipsis admiscantur. Primò enim si spiritus vitalis & aer, è quibus spiritus animales generantur, crassiores sint, spiritus etiam animales inde crassiores fiunt. Atque inde accidit, vt ob aeris & spirituum vitalium subtilitatem nonnullarum regionum incolæ ingeniosiores sint, quam in aliis, aliarum verò stupidiores, ob aërem, in quo viuunt, crassiorem. Sic Bœoti apud antiquos stoliditatis & stupiditatis nomine male audierunt; de quo Horatius in Epistolis.

Crassiores.

Bœotum in crasso iurares aëre natum.

Impuriores.

Si spiritus animalis tenuitas & puritas propter vaporis alieni admistionem perturbetur, actiones animales etiam variè læduntur. Si enim vapor frigidus & humidus ipsi admisceatur, spiritus animalis quasi feruidus & iners redditur, vndè sæpè post cibum, propter vaporum ad cerebrum adscensum, hominem ad actiones illas cerebro proprias minus aptum esse animaduertimus. Si vapor sit obscurus & nebulosus, qualis cum ab internis humoribus, tùm ab aëre externo cerebro communicatur, & spiritui animali permiscetur, homines non ita alacres, sed quodammodo

tristes

tristes esse animaduertimus. Si vapores sunt calidi, quales in ebriis à vino, vel potus alterius largiore vsu eleuari solent, variæ animi mutationes, & quasi deliria, pro cerebri & humorum in corpore varia dispositione excitantur, de quo Horat. lib. 3. Carm. Od. 21.

O nata mecum Consule Manlio,

Seu tu querelas, siue geris iocos:

Seu rixam, & insanos amores,

Seu facilem, pia testa, somnum.

Si enim vini vel alterius potus vim inebriandi habentis vapor cum sanguinis abundantis vapore permiscetur, iocos & hilaritatem excitat; si caput humidum sit, propensionem in somnum inducit; si vasa seminaria semine sint referta, insanum amorem producit; si pituita caput refertum, somnum: si bilis vapor permiscetur, rixas & iram excitat; si melancholiæ vapor, tristitiam & querelas.

Si spiritus animalis naturalem illam luciditatem & Tenebrisplendorem amittat, & opacus, tenebricosus, ac niger quasi euadat, quod præcipuè fit à vaporis melancholici admistione, merus & tristitia sine causa, & affectus melancholici excitantur. Nam vt Galenus, 2. de sympt. caus. cap. ult. scribit, cum nihil eorum, quæ extra corpus sunt, nos æquè perterreat ac tenebræ, si ex ipsi rationalis animi parti sint circumfusæ, necesse est, hominem timere, vt qui semper vna cum corpore timoris causam circumferat.

Si spiritus animales sint pauciores, quàm par est, & Paucis deficient, omnes animales actiones languent, & ex defectu spirituum, & causis spiritus dissipantibus, actiones principis facultatis non solum imminuuntur & abolentur, sed & deprauantur quandoque & delirium excitatur, vt docet Galenus, 7. aphor. 9. eodem modo quo tremores artuum. Vt enim dum pondus nimium facultati mouenti imbecilli offertur, tremor excitatur: ita dum obiectum sensibile principi facultati debili offertur, imaginatio & ratiocinatio obiecto non satis proportionatæ & debiles vacillant.

Deficiunt autem in cerebro spiritus animales, vel quia Defectus spirituum absumuntur, & non generantur in cerebro, vel quia in

*anima-
lium
caussa.*

reliquum corpus diffunduntur. Absumunt spiritus in cerebro sanguinis nimia profusio, nimia euacuatio, venus nimia, morbi diuturni, præsertim maligni, nimia animi intentio & studia, vigiliæ, curæ. Non verò generantur, si spiritus vitales non suppedientur. Effunduntur etiam nonnumquam spiritus in sensuum externorum organa, ut in cerebro deficient. Ut enim in magnis animi affectibus spiritus vitales è corde in reliquum corpus ita interdum effunduntur, ut animi deliquium inde accidat: ita quoque spiritus animales in externorum sensuum organa effundi possunt, ut veluti attoniti homines fiant.

Præter has causas & sæpe aliæ dantur, occultæ nimium, spiritus maligna vi afficientes; quales sunt venena, quæ cerebro tota substantia infesta esse antea diximus, & inter ea, quæcumque narcotin quandam & temulentiam quasi inducunt, ut lolium, semen hyoscyami, cortex mandragoræ, solanum, venenum canis rabidi, & quod ab aliarum quoque bestiarum venenatarum ictu communicatur.

Imò etiam vapores maligni spiritus animales afficientes intra corpus generantur: hinc in Epilepsia ægri in fine paroxysmi sopore corripuntur, & stupidi aliquandiu iacent, quod, ut Platerus docet, non accidit, quia cerebrum nimia agitatione defatigatum est, sed quia vapores maligni, qui prius nervosum genus afficiendo convulsivos motus excitabant, cerebrum & spiritus iam labefactant, soporemque & stupiditatem, donec discussi sint, excitant.

*Agitati
& moti.*

Si tandem spiritus nimium agitentur, per iram, gaudium, terrorem, & alios animi affectus, vel à vaporibus ab inferioribus partibus ascendunt, vel etiam in ipso capite è putridis humoribus, ut in membranarum corruptione & vermibus in capite, eleuatis perturbentur, aut à nimia corporis circumgyratione & agitatione, aut rerum motarum aspectu, casu & ictu vehementi cranij, depressione, calore & Lunæ radiis, doloribus vehementioribus cerebri intemperie calida, & ipsi agitentur, & motu quodam inordinato cieantur, vertigo & alia symptomata oriuntur.

Facit huc & simulata ac diu continuata stultitia, quæ spiritus continuo & deprauatè agitans prauam dispositionem ad continuum talem motum per consuetudinem inducit, vt suo loco dicetur. Contra si non moueantur, & vt debent in organa sensuum non influant, etiam animales actiones læduntur, quod fit in affectibus soporosis & catalepsi.

Curatio.

Cum ergo tot sint spirituum vitia, quæ ex affectibus & symptomatibus modò enumeratis, & signis etiam humorum cognoscuntur, non vna erit spirituum vitia emendandi ratio, sed quodlibet vitium peculiari modo ad naturalem constitutionem reduci postulat. Si enim sint nimis calidi spiritus, sunt refrigerandi; si frigidi, calefaciendi; si crassi & impuri, attenuandi & purificandi, iisque naturalis tenuitas & claritas restituenda, & vapores, qui eos inquinant, discutiendi & ab iis separandi. Si malignis qualitatibus inficiantur, iis resistendum. Si desint, reficiendi.

Verùm cum ista vitia spiritibus cum cerebro sint communia, & ab humorum vitiis pendeant: plura de curatione non addimus: cum materia medica, quibus hisce indicationibus satisfieri potest, præcedentibus capitibus proposita sit. Si quæ tamen restant peculiariora, ea postea explicabuntur, vbi de actionibus læsis, quæ à spirituum horum vitio proueniunt, agetur.

Hoc saltem addimus, ad cerebrum roborandum, spiritus reficiendos & augendos plurimum posse vinum, vt & oua forbilia, cum saccharo & cinnamomo, si bonum vinum superbibatur, Plurimum etiam ambram griseam orientalem cum saccharo in iusculo vel ouo forbili sumptam; si scilicet ad 3. s. ambræ addatur lb. s. sacchari, vel rotularum manus Christi perlat. vt & moschum, hyacinthum, margaritas, & aromata pleraque. Commendantur & lapis armenus ac lazuli, vt fuligines, quibus spiritus inquinantur, discutiant; item myrobalani emblicæ & chebulæ, quod spirituum dissipationem prohibeant.

Spiritus quoque instaurat confectio alchermes. Ad eosdem confortandos commendatur succinum, & præci-

*Spiritus
anima-
les robo-
rantia
& augē
tia.*

puè eius oleum. Magna quoque vis est ad spiritus instaurandos & reficiendos spiritus ex vino maluatico vel alio optimo destillati. Et maior adhuc aquæ vitæ dictæ, quæ si rectè paretur, sæpe cum admiratione vires languentes & iam ferè collabentes reficit: quarum passim multæ extant descriptiones. Nobilis est illa, quæ vulgo aqua Carbunculi dicitur, cuius descriptio in Institutionibus, lib. 5. part. 3. sect. 3. cap. 5. habetur.

Aqua
Carbun-
culi.

Aqua
vitæ Ma-
thioli.

Vt & illa aqua quam Mathiolus lib. 5. in Dioscorid. cap. 7. describit. Alia minus sumptuosa

℞. Granorum Paradisi, cinnamom. cubebæ. styrac. calamitæ an. ʒ. j. macis, nucis moschatæ, cardamomi, caryoph. an. ʒ. ʒ. flor. lilior. conual. M. ij. rosar. rubrar. M. vj. lauendulæ M. j. borrag. bugloss. an. M. ij. Melissæ, saluiæ, an. M. j. menthæ crispæ M. ʒ. Contusis adde vini maluatici, aqu. rosar. an. Canth. ij.


Digerantur & destillentur suspendendo in nodulo in collo alembici Ambra & moschi an. ʒ. j. vel quantumlibet.

Extant passim etiam multa Electuaria ad spiritus multiplicandos & confortandos vtilia: Vt illud Mesue, quod ad lætificandum, gaudium generandum, iuuentutem conseruandam, coloris pulchritudinem & odoris bonitatem conciliandam prædicatur, & ita paratur.

℞. Rosar. ʒ. iij. cyper. ʒ. ij. caryoph. mastiches, ligni aloes, spicæ, asari, an. ʒ. j. ʒ. cinnam. croci, melissophylli, ocymi minor. Margar. fol. Indi, vel spicæ Indicæ, mac. cardam. minor. nuc. mosch. cortic. citri, galliæ mosch. doronici, ocymi maioris, an. ʒ. j. moschi ʒ. ʒ. Cum mellis myrobalan. emblicor. vel bellaricorum quantitate ad species quadrupla, fiat Electuarium, hyeme præfertim vtile.

Vel ℞. Hyacinth. sapphir. smarag. doronici, coral. alb. rubri, an. ʒ. j. cinnam. macis, galangæ, nuc. mosc. an. ʒ. ʒ. caryoph. cubeb. ligni aloes, styrac. calam. sem. ocym. an. ʒ. ʒ. croc. ʒ. ʒ. mosch. amb. an. ʒ. vj. cortic. citri condit. ʒ. ʒ. glycyrrh. ʒ. ij. pass. ping. sacch. cand. an. ʒ. j. conseru. bugloss. borrag. an. ʒ. j. ʒ. succi pomor. dulc. depur. ʒ. ij. aq. rosar. moschatæ, an. ʒ. j. sacchari optimi lb. j. Fiat secundum artem Electuarium.

Videantur etiam Actuarij de spiritu animali libri duo.



CAPVT XVI.

De Morbis conformationis, & primò de morbis figura.

G Vm haftenus morbos, qui cerebro quatenus similare est, competunt, explicauerimus: proximum iam est, vt de morbis organicis eiusdem dicamus. Cum verò, vt ex Galen. lib. de morb. differ. & lib. 2. Inst. par. 1. cap. 5. patet, morbi organici in morbos numeri, magnitudinis, conformationis, compositionis & situs diuidantur: quinam ex his in cerebro & capite inueniantur, videndum.

Et primò figuram quod attinet, naturalis capitis figura, quæ optima est, vt eam Galenus lib. de ossibus 9. de vsu *Capitis figura optima.* part. cap. 17. & art. med. c. 11. describit, sphaeræ assimilatur ad latera, vtrinque leniter compressæ, quæque in temporibus rector, & quodammodo plana; in parte verò antica & postica plus, quàm in sphaerâ, prominet: hac tamen plus protuberat, quàm illa: in vertice verò sphaerâ curuitatem seruat. Quibus ergo hæc capitis figura cum decente magnitudine obtigit, ij vigorem & alacritatem habent sensuum, pollent ingenio, iudicio & memoria, & robore corporis præstant.

Quæ verò capita à naturali figura recedunt, ea *Figura capitis vitiosa.* φεῖα generaliter à Galeno vocantur, dicunturque ita non solum ea quæ fastigiata sunt, sed etiam in quibus vel antica, vel postica, vel vtraque ἐξέχῃ seu eminentia deest, vel plus, quàm par est, eminet, vt vel retrò solum, vel ante, vel sursum fastigiata capita appareant. Etenim vel synciput seu anterior cranij pars plus iusto eminet, occipite cōtra quasi euanescente & nō extuberante, vel occiput p.n. prominet, vel neque antica, neque postica eminentia protuberat, & si in lateribus depressum non sit, quasi perfectam sphaeram exhibet, quod si in temporibus depressum sit, in vertice caput eminere potest, & acuminatum esse. Cuiusmodi Therisitæ caput fuit, quod, vt Homerus *Iliad.* β. scribit, *ὑπερὶν φεῖος ἐν κεφαλῇ*, quod interpretes per *ἐκκεφάλαν*

rectè explicant. Galenus eam capitis figuram, qua longitudo in latitudinem, & latitudo in longitudinem mutetur, dari negat, & propter deprauatam cerebri constitutionem talem hominem viuere posse negat, quod in ea tota cerebri constitutio peruertatur, eaque à paucis, cum rarissima sit, animaduersa. Vesalius tamen illam se vidisse, *lib. 1. anatom. cap. 5.* testatur, & ante eum Conciliator *diff. 79.* & Hugo Senens. *in com. in art. med. Galen.*

Causæ.

Ortum habent figuræ hæc vitia plerumque in vtero ante natiuitatem, vel ob materiæ vitium, vel ob facultatis formatricis errorem; nonnunquam & post ortum inducuntur, dum tenella infantium capita ab obstetricibus & nutricibus vario modo formantur, dum fasciis inuoluuntur, & manibus tractantur, aut dum, quæ in vtero vel partu contracta sunt vitia, ab ijs non rectè emendantur. Nonnunquam tamen tum pueris, tum adultis figura capitis vitiatur, dum ex casu vel percussione caput deprimitur; quod & cū & sine fractura fieri potest. De quo vitio emendando cum in *Institut. lib. 5. part. 1. sect. 2. cap. 5.* sit dictum, & suo etiam loco de fracturis cranij eius mentio sit facienda, de eo hic nihil addimus.

Signa Diagnostica.

Figura vitiosa visu cognoscitur, quæ etsi cranij conformationem præcipuè indicet: tamen & cerebrum, quod cranio concluditur, eandem figuram participare vero consentaneum est. Effectibus tamen sese etiam prodit, & stultitiam quibusdam innatam facile ex capitis figura vitiosa cognoscere est.

Prognostica.

Figuræ vitium, quod vel à conformatione praua, vel ex partu difficili, vel obstetricum imperitia inductum est, si recens sit, & non procul ab ortu, aliquantisper corrigi potest, dum adhuc ossa mollia & flexibilia sunt. In adultis verò, vbi ossa iam induruerunt, incurabile est.

Indicatio & Curatio.

Si qua parte caput præter naturam eminent, ibi deprimendum; quod nullo alio modo fieri potest, nisi manuum opera,

opera, vt scilicet obftetrix vel nutrix manibus caput sapius leniter tractando, & fasciis inuoluendo, eam figuram, quæ præternaturalis est, aboleat, & eam, quæ expetitur, ipsi inducat.

De Suturis Capitis.

Suturas capitis, quarum tres esse, coronalem, lambdoidem & sagittalem, vt ex anatomicis patet, pro varietate figurarum capitis variare docet Hippocrates *in initio libri de vulneribus capitis*. Idque aliquando quidem verum esse obseruationes docent, qualem & Volcherus Coiter. *in obseru. anatom.* habet. Non tamen semper suturas variare propter eminentiarum cranij defectum vel excessum doctissimi Anatomici testantur. Reperta quoque capita esse, quæ omnibus suturis destituta fuerunt, obseruatum est. Verum quia ista ipsam conformationem sequuntur, neque à Medico corrigi possunt, plura hic addere ea de re non libet. Videantur Vesal. *huma. corp. fabr. l. 1. cap. 6.* Sylu. *in comment. ad lib. Galen. de off. Columb. lib. 1. anatom. c. 6. & l. 15.* Eustachius *de off. Ambros. Paræus l. 4. Chirurg. cap. 3.* Riolan. *anatom. cap. 18.* Bauhinus.

Sutura capitis.



C A P V T X V I I.

De Morbis meatuum & cavitatum cerebri.

IN superficie cerebri nulli morbi occurrunt, & si qui in cranio interdum reperiuntur, cum in fracturis interdum exasperatur, & festucæ quasi prominentes membranas comprimunt, de eo suo loco, cum de vulneribus capitis & fracturis cranij agetur, mentio fiet. Sequuntur ergo morbi in meatibus cerebri.

Sunt autem cavitates & meatus hi triplices: Alij in cerebro, alij ad cerebrum, alij à cerebro.

Primo enim cerebrum ipsum porosum est, & in porosa & fungosa quasi eius substantia spiritus animales generantur, continentur & mouentur, quod vel spatium illud docet, quod in mortuis inter tenuem & crassam menin-

Meatus & cavitates in capite. Cerebrum est porosum.

gein interiectum est satis magnum.

*Cerebri
ventri-
culi.*

Deinde sunt in cerebro ventriculi, excrementis eius euacuandis parati, quæ de causa in iis etiam glandulæ quædam locatæ sunt, quæ veluti spongiæ per vasa à cerebro vel cerebello eò transmissa excrementa cerebri exstingunt, ideoque omnes etiam in infundibulum, cui glandula pituitaria substrata est, desinunt. Ad corporis enim callosi latera duo superiores ventriculi cerebri tenui quodam corpore, quod speculum lucidum dicitur, inferius distincti positi sunt. Ab horum tergo apparet corpus concameratum seu fornix, sub quo tertius est ventriculus, ex priorum concursu proueniens, in quo duplex est meatus: anterior desinit in palatum, seu infundibulum dictum, quod finit in sellam ossis sphenoidis, vbi glandula pituitaria est & plexus retiformis, seu rete mirabile, ut Galen. vocat.

Posterior verò quartum ventriculum constituit. Cerebello etiam suum ventriculum recentiores quidam attribuant.

*Ad cere-
bri ten-
dientia
vasa.*

Ad cerebrum tendunt, quæ è sinibus cerebri egrediuntur venæ & arteriæ, quas *ὀφθαλμοὶ*, ductus, vulgò vocant, quæ à tenui meninge susceptæ, in ipsam cerebri substantiam disperguntur, quæque rubra illa puncta, quæ dissecto cerebro conspiciuntur, constituunt, & sanguinem arteriosum, ac venosum, spiritusque vitales, cum ad cerebri nutritionem, tum ad spirituum animalium generationem aduehant.

A cerebro & spinali medulla, quæ & ipsa à cerebro ortum habet, nervi omnes suam originem habent, quorum *σχιζήν* seu paria triginta septem secundum vulgatam opinionem recensentur: septem scilicet à cerebro orta, triginta à spinali medulla. Recentiores verò quadraginta numerant, decem à medulla oblongata intra cranium, triginta à spinali medulla, vulgo ita dicta, extra cranium ortum ducentia, de quibus consulantur Anatomici.

Pertinent & ad vias è cerebro futuræ cranij, per quas vapores & fuligines è cerebro exhalant,

Causæ

Causæ.

Hi ergo meatus & cavitates vt ad cerebri nutritionem, spirituum animalium generationem, cōseruationem, motum, & in totū corpus distributionem necessariæ sunt: ita iis angustioribus redditis istas actiones lædi necesse est. Etsi verò angustia plures causæ sint: tamen angustia meatuum horū omnium prouenit vel ab obstructione, vel à compressione.

Obstructio fit à vaporibus vel humoribus. Compressio vel à cranio depresso, vel à sanguine, aut humore, aut tumore, aut ipsa cerebri substantia anfractus eius & neruorum principia comprimente.

Obstructionem quod attinet, fit illa primò à vaporibus crassis. Si enim hi confertim & copiosè ad caput ferantur, meatus cerebri opplere, & obstruere possunt. Tales vapores eleuantur à cibo vel potu pleniore, vel vaporoso, vel humidiorē; Ab humoribus item & excrementis vaporosis in ventriculo, intestinis, à vermibus in vtero, in venis cū mēfaraicis, tum venæ cauæ ramis, quod non rarò in principiis & inuasionē febrium cū intermittentiū, tum cōtinuarū fieri solet, vbi à materia calore attenuata & agitata vapores ad caput copiosi ferūtur, meatūque obstruūt, & somnum inducunt. Possunt quoque meatus cerebri obstruere fumi & vapores crassi extra admissi, id quod ij, qui ex carbonibus accensis in conclauibus conclusi exhalant, præstare possunt; quibus non dissimiles sunt, qui à musto & cereuisia feruente attolluntur. Cuius rei exempla habet Marcel. Donatus de histor. medic. mirab. lib. i. cap. 6. & Plate-
rus, obseruat. lib. i. pag. 16. 17.

Meatus
cerebri
obstructio
eiusque
causæ.

Deinde idem præstant humores crassi, qui in ipsa substantia cerebri cumulati eius meatus obstruunt, & præcipuè si exortum neruorum, & vias illas, per quas spiritus animales in totum corpus influunt, occupant, & varia, pro modo obstructionis & natura humorum, actionum læsarum genera inducunt. Si enim obstructio illa sit leuior, affectus soporosi excitantur; si verò grauior & integra, apoplexia generatur.

Tertiò idem fieri potest à sanguine extra vasa sua effuso, si non inflammationem parit, sed anfractus eius obstruit,

id quod non solum in percussionibus & lapsu fieri potest, vbi interdum, cerebri substantia etiam non vulnerata, vasa aperiuntur & rumpuntur, sed etiam interdum ob plethoram quoad vasa, vnde & viuentibus & mortuis quandoque magna sanguinis copia per os & nares erumpit.

Angustiores etiam redduntur illi meatus ad cerebrum tendentes in *φλεγμονώδεις* illa diathesi, de qua postea.

Compressio meatus cerebri eiusque causa.

Compressio fit à causis vel internis vel externis. Internas sunt primò humores crassi & pituitosi, qui basin cerebri, vbi neruorum principium est, occludere, & spirituum animalium in corpus reliquum distributionem impedire possunt.

Deinde sanguis ex vulnere vel contusione, vel etiam sine cerebri vulnere ex eius vehementi concussione, vel ex venæ alicuius ob plethoram ad vasa & ob sanguinis per menses, hemorrhoides, nares, euacuationem suppressam, ruptione, aut in cerebri substantiam eiusque poros, anfractus & meatus, aut ad basin cerebri effusus, comprimendo sensum & motum omnem abolere potest.

Tertiò idem accidere potest, vbi vasa ad cerebrum tendentia *φλεγμονώδεις* & *αγγεῖα* laborant, & ita replentur ac distenduntur, vt sanguis ab iis vix capi queat, & propterea substantiam cerebri, eiusque meatus grauet, comprimat, ac angustiores reddat, vt nec spiritus vitales liberè à corde adscendere, & in cerebrum distribui, nec animales liberè in cerebro moueri, & in neruos influere possint.

Quartò Platerus neruorum principium seu basin cerebri ab ipso etiam cerebro comprimi posse statuit, dum scilicet vel eius substantia ab humore pituitoso in eo immoderatus cumulo, vel etiam ab aëre humido & crasso, vt vult Matth. de Grad. ita irrigatur, vt mollior laxiorque facta subitò subsidat, neruorumque principia comprimat, vel ventriculi seu cavitates cerebri ita subitò replentur, vt non ob obstructionem spiritibus animalibus transitum denegent (neque enim spiritus animales in ventriculis cerebri, sed in cerebri substantia & neruis sedem suam habere statuit) sed basin cerebri grauent, & principium neruorum

uorum comprimant.

Quintò idem addit tumorem durum, qui pondere suo meatus cerebri comprimant & angustiores reddat.

Inter externas verò causas est cranij cerebrique à causis externis compressio. Si enim ictu vel casu vehementiore fracta vel depressa caluaria cerebrum simul comprimatur, poros & meatus in eo angustiores fieri, & hominem subito sensu & motu priuatum concidere necesse est.

Suturarum angustiam quod attinet, potest illa fieri à vaporibus multis & lentis eò loci hærentibus. Interdum etiam planè deficiunt futuræ, & inuenta sunt capita omnibus futuris carentia. Quod cum antiquis, Aristoteli de hist. anim. l. 3. c. 7. Herodoto & Arato notum fuit, tum recentiores plures idem obseruauerunt, Fallop. in com. in lib. Gal. de off. & in obseru. anat. Volcher. Coiter. in obseru. anatom. & Chirurg. Reald. Columb. l. 1. anat. c. 5. Ioan. Andreas à Cruce l. 1. Chirurg. sect. 1. c. 2.

Capita talia sanè firmissima & à dolore tutissima esse, & quo futuræ sunt pauciores, eò capitis valetudinem commodiorem esse, scribit, Cels. lib. 8. de med. c. 1. Verùm etsi hæc Celsi sententia vera sit, de externis iniuriis, quæ capiti occurrere possunt: tamen vaporibus & fuliginibus retentis multa incommoda cerebro accidere possunt, ac si de iis etiam accipiat, falsissima est.

Obseruationes enim (qualè etiam habet Reald. Columb. loc. alleg.) docent, nonnullos diuturno & incurabili capitis dolore fuisse vexatos, non alia de causa, quàm à suturarum defectu, ob quem vaporibus & exhalationibus nullus datur exitus.

Signa Diagnostica.

Cognoscuntur hæc meatuum cerebri vitia ex operationibus cerebri læsis, præcipuè imminutis & abolitis. Cum enim ad actiones animales obeundas spiritus animales liberè per cerebri substantiam moueri & in nernos influere debeant: si angustioribus illis meatibus redditus & occlusis liberè moueri, & in neruos influere non possint, fit inde somnus nimius, stupor, apoplexia, paralyfis, pro vitij magnitudine. Nam si vitium sit leuius, ob id sensus saltem

An va-
letudini
cõmodus
sit.

Angu-
stia mea-
tuum ce-
rebri sig-
na.

aggra

aggrauantur, quod fit in sopore, vel in stupore leuiore, motusque tunc manet, etiam si in sopore quiescat. Si verò vitium hoc magnum sit, & sensus omnes & motus abolentur, vt in sopore & stupore grauiore, caro, aphonia & apoplexia accidere solet. A quibus verò causis meatuum hæc angustia proueniat, porro inquirendum.

Causæ externæ, ictus, percussio, lapsus, ex aliorum relatione cognoscuntur: quæ eadem etiam an sanguis extra vasa sua effusus mali huius causa sit docere potest.

Internas causas quod attinet, patent eæ ex iis, quæ antea de signis intemperierum capitis cum materia diximus. Si à vapore, eius signa aderunt, & cibis ac potus vel copiosus vel vaporosus adsumptus est, vel alius morbus vel in toto, vel parte aliqua deprehenditur, ex cuius causa agitata sursum multi vapores ferri possunt. Vapores soli nisi narcoticam vim habeant, stuporem vix excitant, soporem verò frequenter pariunt, imò & apoplexiam excitare possunt, sed quæ leuior est, & quæ sola corporis agitatione & concussione sanatur. Si à pituita proueniat angustia cerebri, cognoscitur ex præsentis corporis constitutione, ætate senili, ex anni tempore, coelique constitutione, & aliæ causæ pituitam generantes præcesserunt. Pituitæ per nares, faucesque euacuationes consueta suppressæ sunt, ægerque prius de capitis grauitate ac pondere, pigritia in motu, oculorum obtenebratione est conquestus & cum multo stertore dormiuit.

A sanguine si ortum habeat, dolor capitis plerumque præcessit, & rubor in facie, atque alia plethoræ tum in toto, tum in capite præcipuè signa adsunt sanguisque per os & nares interdum erumpit. Cum à tumore est angustia, vix viuente homine is satis cognoscitur; diuturnus tamen stupor adest.

Prognostica.

1. Quo minor causæ seu obstruendo seu comprimendo angustiam parientis vis est, eo malum leuius est: quo potentior; eò grauius.

2. Hinc quæ à vapore fit obstructio leuior est, & facilius vapore discusso curatur, quàm quæ ab humore.

3. Et quo maior humoris copia, eo malum periculosius est. Hinc nisi pituita per emunctoria sua euacuetur, & è meatibus, quos obstruit, aut comprimit, excutiat, vel in spinalis medullæ principium delapsa paralyfin excitat, vel circa principium neruorum hærens, motumque auferens, cessante tandem etiam thoracis motu & respiratione penitus sublata ægrum suffocat.

4. Quæ à sanguine prouenit angustia, si sanguis adhuc in vasis suis hæreat, facillè curatur: si verò è vasis effusus sit, nisi per aures, nares, & os effundatur, aut tanta eius saltem copia sit, quæ insensibiliter discuti possit, putrescit, & inflammationem, febrem, conuulsionem, & tandem mortem accersit.

5. Quæ à tumore est angustia, incurabilis est; cum tumor in cerebro abditus emolliri & discuti non possit, & si quid curationis admittit, ea non alia erit, quàm quæ intemperiei cum pituita debetur.

6. Quæ à compressione cranij fit angustia, prout ea vel maior, vel minor, & cum minore, vel maiore cerebri & vasorum eius læsione coniuncta est, & prout facilius cranium eleuari potest, vel non potest, eò periculosior, & difficilior, vel minus periculosa, & curatio faciliior est.

7. Defectus suturarum est incurabilis.

Curatio angustiae cerebri à vaporibus.

Vapor, qui continens obstructionis meatuum cerebri causa est, discutiendus, & ne extra cerebrum generetur, & ad caput mittatur, præcauendum. Itaque materia, à qua suppeditatur, euacuanda & partis mittentis ratio habenda, vt supra, cap. 7. dictum. Proinde si à venoso genere, quod in febribus accidit, & quidem si mox cum febre incipiat, ad febrem præcipuè curatio dirigenda: capitis tamen & cerebri, quod vapores recipit, ratio habenda, & ea, quæ vaporum ascensum impedire possunt, eosque deprimere, repellere, discutere valent, vsurpanda, vt supra de intemperie capitis per consensum c. 6. & 7. dictum. Si à ventriculo, vel vtero, vel alia parte vapor ille eleuetur, pars illa euacuanda, roboranda, & vapores à capite reuellendi, atque in eo discutiendi.

*Vapores
caput in-
festantes
vt emol-
liendi.*

Curatio eorum, qui à carbonum fumis & similibus vaporibus suffocantur.

A carbonū fumis suffocatio ut curanda.

Pertinent huc & vapores illi, qui ex carbonibus accensis, vt & illi, qui è musto ac cereuisia feruescente attolluntur, & quibusdam periculum suffocationis intenterunt, quosdam planè suffocarunt. Qui qua ratione noceant, alij aliter sentiunt, vt apud Donatum Marcell. *de hist. med. mirab. l. 2. c. 6.* Forestum *l. 15. obseru. 26.* Paræum *tract. de renuntiationibus, & lib. 2. Instit. par. 3. sect. 2. c. 6.* videre est. Quin tamen etiam crassitie sua cerebri meatus oppleant, negari non potest.

Quantum ad curandi rationem, danda opera, vt quamprimum vapores illi discutiantur. Itaque ægri statim in aërem liberum deducendi vel deportandi sunt, & aqua vitæ aliqua præstans, quod vapores illos discutere potest, instillanda, cui aliquid theriacæ addi potest. Hinc vomitorium cum oxymelite exhibendum, & sternutatorium naribus insufflandum, atque oleum destillatum, vel balsamus rutæ, saluiæ, vel simile quid naribus inungendum. Neque omittendæ reuulsiones per clysteres, frictiones, & similia.

Curatio angustie cerebri à pituita.

Angustia cerebri à pituita curatio.

Si à pituita cerebri meatus obstruente siue comprimente angustia in eo fiat, & inde seu somnus grauis, seu stupor, seu apoplexia, seu paralyfis fiat, eo modo curanda, qui supra *c. 9. de intemperie capitis cum pituita*, propositus est, nimirum ex vniuerso corpore pituita euacuanda, eadem à capite reuellenda, per os & nares euacuanda, & medicamentis tum internis sumptis, tum extra adhibitis discutienda, caputque calefaciendum & roborandum, vt ibi dictum.

Curatio angustie cerebri à sanguine.

Angustia cerebri à sanguine curatio.

Ita si à sanguine siue obstruente siue comprimente angustia est, sanguis venæ sectione, cucurbitulis & aliis modis euacuandus & reuellendus ac repellendus, vt cap. 8. supra de intemper. cum sanguine dictum. Et quidem si sanguis extra venas illapsus sit, & vena aliqua seu causa

violens

violenta, seu quocumque modo aperta, præter ea, quæ ibi tradita sunt, & venæ frontis, & nâi, & sub lingua deriuationis gratia aperiri possunt, sanguisque ne confertim affluat, repellendus, & qui iam extra vasa extitit, euacuandus & discutiendus, vt postea cap. 20. dicitur.

Curatio angustiae à cranij compressione.

Si à cranij depressione sit angustia, cranium eleuandum, vt Instit. lib. 5. part. 1. sect. 2. c. 6. dictum, & postea etiam suo loco de fracturis & compressione cranij dicitur: quamuis verò in infantibus etiam sine fractura deprimi possit, curandi tamen ratio est eadem.

Curatio angustiae suturarum.

Si futuræ à vaporibus vel humoribus obstructæ sint, discutiendi illi fomentis ex chamæ. meliloto, betonica, stœchade, serpillio & similibus, quæ ex superioribus nota sunt. Cauendum verò hîc à repellentibus & adstringentibus, quæ makum augment.

Vt meatus & cauitates in cerebro & capite plures sint vel maiores, id non facilè accidit, nisi forsan à prima conformatione; quæ mala incurabilia sunt: quale exemplum An. 1622. Mense Augusto in oppido vicino Kemberga sese obtulit, vbi infans natus est, qui in capite foramen habebat, quod ab ore sursum ad occiput patebat, ita vt ore aperto per totum caput quasi tubum vel canalem transpicere liceret



C A P V T XVIII.

De Morbis in numero, & de vermibus ac calculis in capite.

M Orbos numeri quod attinet, etsi nullos in cerebro statui vel dari nonnulli statuunt; suo tamen modo dari & concedi possunt. Nam vt de iis, qui bicipites nati sunt, quorum historias recenset Schenckius, lib. 1. obseru. 15. & 16. Plater. obseru. l. 3. p. 550. nihil iam dicam: Cornutos etiam natos fuisse, atque ita hac parte in capite quosdam abun

Bicipites

Cornuti.

abundasse, idem Schenck. *lib. 1. obseru. 24.* & Guilelmus Fabricius, *cent. 2. obseru. 25.* testantur. Verùm cum hæ monstrosæ sint à primo ortu capitis constitutiones, nec curationem admittant, eas prætermittimus. Hoc tamen prætereundum non censemus, Bartholomæum Cabrolium *obseru. 11.* referre, se cuidam cornu in fronte natum, cuius longitudo erat dimidiati pedis, crassities pollicis, serra refecuisse.

Quoniam verò Galen. *lib. de differ. morb.* inter morbos numeri refert non solum id vitium, quod à rerum naturalium, verùm etiam illud, quod à præter naturalium abundantia accidit, atque inter ea etiam vermes recenset, eum secuti inter morbos in numero seu rerum p.n. in cerebro abundantium hîc vermes recensēbimus. Etsi enim alij aliter hac de re sentiant, vt Instit. *l. 2. part. 1. c. 7.* dictum, & in re obscura quivis per me quidlibet sentire possit: tamen quia de vermibus capitis commodiore loco, quàm isto, tractari vix potest, hoc capite de vermibus agemus.

*Vermes
in capite
geniti.*

Vermes in capitis parte anteriore ad nasi radicem, vbi oues & capræ frequenter eos habent, nasci Auicennas *lib. 3. fen. 1. tract. 2. c. 3.* ex Medicorum Indorum relatione narrat. Idem tamen & in alijs regionibus ac seculis accidere annotatum, & cuidam Italo ex frequenti odoratu basilicæ herbæ natum scorpionem in cerebro dolores vehementes & longos, & mortem denique attulisse, Holler. *l. 1. de morb. inter. cap. 1.* refert. Et è capitibus eorum, qui febre Vngarica theriode mortui sunt, vermes confertim prorupisse testatur Conradinus, *cap. 11. de febr. malig.* Quod confirmat Volcherus Coiter, *in append. obseru. Anatom. & Chirurg.* Et Cornel. Gemm. *in append. oper. Cosmocratici*, in matronæ cuiusdam pestilenti hemitritæo extinctæ capite aperto magnam putredinem circa cerebri substantiam, & inter meningēs cum vermiculos, tum cimum copiam incredibilem repertam fuisse. Valescus quoque de Taranta, *l. 4. c. 30.* refert, se vidisse in iuvene febrem habente acutam duos tresve ad formam granorum pini expulsos, & iuvenem sanatum fuisse. Narrat quoque Forestus, *lib. 9. obseru. in*

schol. Beniuentis cum multi morbo quodam ignoto ē vita decederent, tandem Medicos hoc morbo interemptum incidisse, & in eius cerebro inuenisse vermem rubrum breuem, quem cum multis medicamentis vermes occidendi vim habentibus occidere non possent, tandem frustra raphani incisa in vino maluatico coxisse, quo medicamento vermis occidebatur, atque hoc remedio postea simili morbo quasi epidemio affectos omnes curasse. Refert *ibidem* Forestus se quendam nouisse lue venerea infectum, qui cum longo & diuturno capitis dolore affligeretur, nec ullis remediis curari posset, tandem Bononiæ cranium eius in frontis parte superiore, qua dolor hærebat, perruptum & vermem sub eo supra duram matrem nigriusculum instar gurgulionis, inuentum esse, quo ablato dolor cessauit. Ita narrat Ambr. Paræus *libr. 9. capit. 20.* cuidam ex cranij putredine & carie supra ipsam crassam meningem vermes plures natos fuisse. Notabilis quoque est historia, quam Franciscus Hildesheim. *spiceleg. l. i. p. 41.* recitat, de quodam, qui vermes tredecim oblongos lanuginosos viuos instar erucarum seu oniscorum, quos auriculares vocant, in capite continuit, quique per fauces, nares & aures prodierunt.

Causse.

Possunt quandoque in caput irrepere eiusmodi vermes, id quod seruus ille apud Hildesheimiū suspicatus est, qui cum sapius benè potus in gramine dormiuisset, vermem eiusmodi vnum atque alterum in aurem irrepsisse, à quo reliqui deinceps generati fuerint, credidit. In capite tamen etiam generari ex corruptione humorum, præcipuè malignorum, certum est, id quod in malignis & pestilentibus febribus, & nonnunquam in putredine ac corruptione cranij accidit.

Signa Diagnostica.

Cognoscuntur vermes ex dolore diuturno, qui nullis remediis cedit, vehementi, maximo; præsertim cum caput mouetur, & ferè lancinante foetore, qui per nares & os ex-
Vermiū in capite signa.
 halat, sternutatione & frequenti vertigine quæ ægrum corripit.

Prognosticum.

Malum hoc satis periculosum est, & curatu difficile, ac quod sapissimè ægris exitium affert.

Indicationes.

Vermes seu viui seu mortui exturbandi sunt ex capite. Ideoque præmissis vniuersalibus, vermibus aduersantia, eosque necantia & errhina & sternutatoria ad eorum expulsionem vsurpanda.

Curatio.

Vermes è
capite
toeentia.

Errhina & sternutatoria ex superioribus nota sunt: iis tamen talia admiscenda, quæ vermes hos necare, vi peculiari, comperta sunt; vt succus raphani, hiera picra, aloë, succus mal. persicor. abrotani, absinthij, ol. amygd. amarar. ol. persicorum.

Vel excipiat naribus & ore hiant talis fumus.

℞. Centaur. minor. marrub. betonicæ, an. 3. ij. zedoaria 3. ℞. angelic. succini, an. 3. ij. antimon. crudi 3. j. minij. 3. j. ℞. boli armeni 3. j. aristolochiæ rotundæ 3. ij. absinthij 3. iiij. F. puluis carbonibus inspergendus.

Loco verò dolenti applicetur hoc emplastrum.

℞. Aloës, puluer. lumbricor. cuiuscumque descrip. an. 3. ij. fellis taurini 3. j. olei absinth. ceræ, an. q. s. F. cerotum

Quod Emplastrum cum applicauisset & fumum naribus ter quaterue excepisset seruus ille apud Hildesheimium, vermes lanuginosi viui tredecim per fauces, nares, & aures prodierunt, atque dolores remiserunt, post menses tamen aliquot adhuc duo prodierunt. Marquardo tamen pract. l. i. c. corollar. 64. suspecta est vermium interfectio. Ideoque hoc emplastrum imponit capiti raso.

℞. Amygd. amarar. contusar. succi folior. persicor. abrotani, absinthij, an. 3. j. Misce & capiti imponatur. Per nares verò excipiat vapor è lacte vt ita vermes exeant. Commendatur & Tabaci succus & fumus naribus attractus ad vermes in capite occidendos.

Calculi
in capite
geniti.

Calculos etiam quandoque in cerebro nasci obseruatum est à Medicis, cuius rei historias collegit Schenck. l. i. obseru. 81. Exemplum etiam extat apud Guilelmum Fabric. centu. i. obseru. 11. Cognoscunturque ex dolore, qui est fixus

fixus & nullis cedit remediis, adest grauitas, sine excrementis tamen. Sed malum id incurabile est. Annotauit etiam Guilhelm. Fabric. *cent. 2. obseru. 2.* Globulum plumbeum sclopeto emissum in caput iuuenis adactum fuisse, ibique vulnere etiam sanato sex mensibus inter cranium & duram matrem ad latus futuræ rectæ nullo superueniente symptomate remansisse.

Possent & huc referri fungi cerebri: verum cum ij saltem in vulneribus cerebri nascantur, suo loco, vbi de vulneribus cerebri agemus, de iis dicemus.



C A P V T XIX.

De morbis magnitudinis in capite.

AD morbos magnitudinis vitiatæ in capite pertinet hydrocephalus, & tumores cerebri ac membranarum eius. Verum cum ij morbi compositi sint, & cum magnitudine aucta concurrat intemperies cum materia, de iis seorsum in fine huius libri dicemus. Pertinet huc & illa prodigiosa capitis magnitudo, quam ex Fincelio de miracul. refert Schenck. *l. I. obseru. 32.* de infante quodam, cui ad quintum mensem capitis magnitudo ita aucta est, vt in circumferentia vnam æquaret. Et occurrunt similia interdum etiam, & capita prodigiosæ magnitudinis: sed cum ista vitia à prima conformatione sint, incurabilia sunt. Eodem modo sese res habet de nimia capitis paruitate.

*Capitis
magni-
tudo vi-
tiosa.*



C A P V T XX.

De commotione cerebri.

Itus totius cerebri in homine viuente mutuari non potest: in partibus verò cerebri eiusmodi affectio fieri potest, vbi ob depressionem ossis ab ictu aliquo validiore, vel etiam sine ossis depressione, ab ictu vel collisio-

*Comotio
cerebri.*

ne capitis quacumque vehementiore partes cerebri, præcipuè superiores, quæ alioquin ab inferioribus disiunctæ feruari debent, p.n. cum ipsis coniunguntur, cerebriq; partes quasi loco naturali dimouentur. Agendum ergo hic de illa affectione, quæ vulgo cerebri commotio nominatur. Etsi verò & angustia ferè in ea coniungatur, & nonnunquàm etiam vasa quædam rumpantur, & proinde in diuersis locis de ea agi posset: tamen non incommodè inter morbos in situ, & ante vulnera capitis hoc loco de ea agi posse videtur.

Facit huius affectionis mentionem Hippocr. 7. aph. 58. & Gal. in comm. Paræus l. 9. Chir. c. 9. & 22. Guil. Fabri. cent. 1. obs. 11. 12. cent. 3. obs. 9. & alij. Hippocr. de ea ita scribit: Quibus occasione aliqua cerebrum vehemètiùs fuerit concussum, mutos protinus fieri necessum est. Recentiores appellant cerebri commotionem, quo nomine malum id præcipuè intelligunt, vbi sine externo aliquo vulnere, sine cranij fractura, vel depressione, ex percussione vel lapsu vehementiore, vel cranij modiolò perforatione, vel manus illusione, vel bombardarum & tonitruï fragore talis consternatio accidit, vt ægri neque loquantur, neque agant aliquid, sed ferè apertis oculis immoti maneant, similes iis, qui motu & consternatione perculsi sunt, atque attoniti. Accidere ista symptomata statuit Galen. loc. allegat. quia virtus animalis retracta in cerebrum cogatur per tales affectiones commotione vehementiore offensa, & propterea quietem agat, & ferietur, atque inde organa sensuum & motus suo officio non fungantur. Et quidem hoc ita sese habere in leuiore modo faciliè concedi potest; in grauiore tamen credibile est, non solum spiritus in cerebrum reuocari, sed & conturbari, & ob cerebri situm mutatum, & angustiam motu eorum impedito symptoma eiusmodi excitari. Vbi enim cerebrum vehementius concutitur, non solum spiritus commouentur & coturbantur, sed & cerebri partes à naturali situ dimouentur, & meatus cerebri concutiuntur; imò vasa ad cerebrum tendentia & per eius substantiam sparsa, vt & nerui, non solum comprimi & contorqueri, sed & rumpi possunt, si vis maior sit, & inde sanguis

in cerebrum effundi potest. Quod sanguis per os & nares sæpè effusus testatur, à quo meatus cerebri tum obstrui, tum comprimi possunt. Et quidem vbi cranium frangitur vel deprimitur, fit hoc facilius. Integro tamen etiam eodem manente, imo capite galea ferrea tecto vehementiore ictu cerebrum grauissimè concuti, & venæ ac arteriæ in eo rumpi possunt. Ideoque quæ hic de isto malo dicentur, tam in commotione cerebri cum fractura cranei, quàm sine fractura eiusdem locum habent. Facilius autem ista commotio fit syncipite percusso, quam alia capitis parte, vt historia de Nerei filia, quæ mox recitabitur, docet.

Signa Diagnostica.

Ad adstantium relationem, an æger grauiter percussus vel lapsus, vel simile quid passus fuerit cognoscitur. Symptomata autem, quæ ex cerebri commotione sequuntur, hæc sunt: Si concussio minus violenta est, non statim muti redduntur, sed sopore quasi corripiuntur, non adeò tamen profundo, quin excitari possint; vel vertigo corripit: sin concussio sit vehementior, ἀφασία & κεφαλαίη, vt Hipp. 7. aphor. 14. nominat, accidit, & auditus, visus, motusque aboletur; delirium etiam quandoque accedit, sanguis per os & nares effunditur, oculi inflàmantur & sæpè inflantur; plerique hoc modo affecti vomunt compariante cerebro ventriculi orificio per nervos sextæ coniugationis. Et primò quidem quicquid in eius capacitate reperitur, euomitur, hinc quicquid à vicinis partibus affluit, in primis bilis flaua, quæ ad motum aptior, vesicula felleis lacescita, in ventriculum infunditur. Vbi sanguis corruptus putrescere circa cerebrum & membranas eius incipit, cerebri & membranarum eius inflammatio excitatur, calorque cordi communicatur, vnde febris continua oritur, delirium, conuulsiones, & tandem, nisi materia euacuetur, cerebri corruptio & sphacelus.

Rei huius historiam narrat Hippocrates, 5. Epidem. Pulchra, inquit, erat virgo Nerei filia, & fere annos nata viginti, cui à femina ludente, latâ manu synciput percussus est. Ac tum quidem oculorum caligo corripuit, & sine respira-

tione erat, cumque domum peruénisset, ilico febrī vehemēti correpta & capitis dolore tentata est cum faciei rubore. Septimo autem die ad aurem dextram pus graueolens aliquantum rubrum cyatho uno amplius prodiit, meliusque habere & allevari visa est. Rursus innualeſcente febre in somnum propensa erat, neque loqui poterat; faciei pars dextra contrabebatur, difficultas spirandi & conuulsio cum tremore aderat, & lingua impediabatur, oculusque stupidus factus est; nono mortua est.

Prognostica.

Prognostica.

1. Duplicem hic affectus euentum habet. Aut enim redeunt ad se ægri; aut non redeunt, sed moriuntur.

2. Et quidem dum ad se redeunt, atque iterum loqui & moueri incipiunt, id fit quandoque sine grauib. symptomatibus, postquam facultas animalis ad se redit, spiritusque explicando partibus communicat, meatus aperiuntur, spiritibusque naturalis motus restituitur, præcedente interdum quodam leui delirio, quod accidit, ubi nulla vasorum, neruorum aut membranarum cerebri facta est disruptio.

3. Quandoque verò ad se quidem redeunt, & loqui incipiunt ægri, sed grauissima tamen patiuntur symptomata. Vasis enim ruptis & sanguine circa cerebrum vel in cerebri substantiam effuso, febris acuta, delirium, vel cerebro repleto sopor grauis, stupor & paralyſis sequitur. De quo Hippocr. 7. aph. 14. Ex ictu capitis *ἐκ πλῆθους ἢ πνευματοσφύνης*, stupor aut desipientia malum. Si materia è capite eiiciatur, & ad neruos detrudatur, sequuntur & alia interdum symptomata, vt colli relaxatio, tumores periculosi in capite, cæcitas ab obstructione neruorum opticorum, conuulsiones. Cuius rei historias habet Guilel. Fabr. Cent. 1. obseru. 11. & cent. 3. obseru. 9. 36.

4. Interdum verò ægri ad se non redeunt, sed moriuntur; & si symptomata enumerata permaneant, vel alia accedant, quo tempore omnia remittere oportebat, periculū portenditur, & ob inflātionem, putredinē & gangrænam ac sphacelum cerebri conuulsio & apoplexia, & tandem mors sequitur. Quod si cerebri portione abrupta, vel
nerui,

nerui, vel membranæ auulsæ, vel vasa dirupta insignia sint; quod in corporibus senilibus facilius accidit, in quorum capite minor est cerebri motus, spatiumque inter cerebrum & cranium maius, qua de causa cerebrum magis concuti potest: Sic affecti breui, & plerunque intra triduum moriuntur. Eius rei historia fuit modò ex Hippocr. 5. epid. relata. Habet etiam similes Valleriola libr. 3. obseru. 1. & 8. Dodonæus obseru. med. cap. 12. Guilelm. Fabric. loc. alleg.

5. Si cerebrum vehementius loco suo motum sit; nihil tamen in eo ruptum, fatuos reddit, qui nullo modo restitui possunt.

Indicationes.

Principio curandum, ne sanguis ad caput affluat, quod expeditur reuellentibus & repellentibus. Sanguis è vasis effusus, saniesque ex eo genita, circa membranas cerebri hærens euacuanda; quod fit vel sensibiliter, cranio aperto; vel insensibiliter, dum medicamentis attractiuis foras elicitur, & discutitur. Si quid verò læsum est, sanandum.

Curatio.

Ideoque statim vena in brachio aperienda; simulque caput, crinibus abrasis, oleo rosaceo, vel myrtino inungendum, aut tale cataplasma capiti imponendum.

℞. Farin. bordei, fabarum, an. ʒ. vj. olei rosar. ʒ. iij. aceri q. s. Fiat cataplasma; quod capiti applicetur, & sæpius renouetur. Sicca verò & vehementius adstringentia vitanda sunt, cum poros obstruant, & transpirationem prohibeant, ac proinde inflammationem non arceant, sed potius accersant.

Clysteres quoque iniiciendi, & repetendi, & vapores à capite auertendi, atque aliæ reuulsiones per frictiones partium extremarum, cucurbitulas scapulis appositæ, instituendæ.

Die altero Paræus venam puppis, quæ supra lambdoidem est, aperit, obturatis, vt id commodius fiat, ore & naribus, & spiritu magno conatu eliso, vt membranæ cerebri hoc modo intumescant, & sanguis extrudatur; Et paucis diebus post & venam frontis & sub lingua, vt

sanguis omnibus viis è capite eliciatur.

Post quartum diem repellentibus discutientia admiscenda sunt ; quale est hoc cataplasma.

℥. Absinthij M. j. flor. rosar. rubr. chamæmel. an. P. j. farina fabarum ℥. j. sanguinis draconis ℥. ij. mumie ℥. iiij. Cum oleo rosaceo F. s. a. cataplasma. Vel hoc fomentum.

℥. Rad. althææ ℥. iiij. ireos, cyperi, calami aromatici, an. ℥. j. fol. saluie, maioran. betonic. flor. rosar. rubr. stœchad. Arab. an. M. B. salis communis ℥. j. Coquantur in vino rubro & aqua fabrorum.

Decocto spongia excepto foueatur caput, vt tamen non nimis incalescat.

Ceratum Vigonis. Inferuit etiam huic scopo ceratum Vigonis vsu comprobatum, quod ita paratur,

℥. Furfuris ℥. iiij. farina lentium ℥. ij. rosarum, fol. & granor. myrti, an. ℥. j. calami aromat. ℥. x. chamæmel. meliloti, an. M. B. nuc. cupress. num. vj. olei rosacei, chamæmel. an. ℥. iiij. cere albæ ℥. ij. B. thuris, mastiches, an. ℥. iiij. myrrhæ ℥. ij. Puluerisandis puluerisatis & liquefactis oleis cum cera, fiat Emplastrum.

Tandem sola discutientia vsurpanda ex radicibus althææ, cyperi, calami aromatici, fol. saluie, maioran. betonic. flor. stœchad. chamæmel. quibus ad caput roborandum flores rosarum rubrarum addantur.

Emplastrum è gümni hederæ. Alexander Benedictus, lib. i. meth. med. morb. cap. 5. Emplastrum ex gummi hederæ valde commendat, eoque senem decrepitum octogenarium, qui ex capitis percussione obmutuerat, præter omnem opinionem, se sanasse refert, idque etiam fracta caluariæ ossa plusquam credibile ferruminare scribit. Paratur autem hoc modo.

℥. Gummi hederæ ℥. iiij. resinæ puræ ℥. B. cera ℥. iiij. olei rosacei ℥. ij. B. ammoniaci ℥. ij. terebinth. ℥. iiij. succi corymb. hederæ ℥. iiij. farina fabarum q. s. Misceantur.

Pulli quoque columbini vel gallinacei, vel catuli per medium dissecti, vel pulmones animalium calidi capiti admoti insignem discutiendi vim habent.

Dieta.

Diæta sit tenuis & æger vino ad diem 14. abstineat, vt & carne

carne ferè, & pane ac prifana vel alio tenuiore cibo fit contentus. Acida, falſa, & acria vitanda; ægerque in quiete & tranquillitate continendus.

Exempla videantur apud Hippocratem, 5. *Epid. num. 55. & 7. Epid. num. 85.* Foreſtum, *lib. 9. obſeru. 30. 32.* Exempla commotionis cerebri etiam habet Schenck. *libr. 1. obſeru. 47.*

De Craniꝝ depreſſione ſine fractura.

Cum hætenus depreſſionis craniꝝ aliquoties mentio facta fit, & ſi cranium deprimatur, cerebri, quod vna comprimitur, meatus anguſtiores reddantur, capitis figura vitietur, & in ſitu etiam vitium accadat, de ea etiam aliquid hoc loco dicendum.

Craniũ depreſſũ.

Cauſſæ.

Fit autem compreſſio illa à cauſſa violenta, percuffione, caſu; & quidem nunc cum fractura craniꝝ, de qua ſuo loco, vbi de fracturis craniꝝ agemur, dicetur, nunc ſine fractura, de qua hoc loco. In infantibus enim & qui oſſa craniꝝ molliora habent, caluariæ oſſa abſque vlla fractura comprimi poſſunt, idemque patiuntur, quod plumbea, ſtannea & cuprea vaſa.

Signa.

Digitis fouea & depreſſura deprehenditur; & ſi depreſſio paulò fit maior, muti fiunt, vomitus bilis adest.

Modum curandi tradidimus in *Inſtitut. lib. 5. part. 1. ſect. 2. cap. 6.* quibus hoc addimus, in infantibus nulla violentia opus eſſe, nec aliam curam requiri, quàm vt deraſis capillis ceratum aliquod cephalicum ad depreſſa oſſa eleuanda idoneum adhibeatur. Molliæ enim infantium oſſa, natura cooperante, facilè iis in priſtinam ſedem reſtituuntur.

Quomodo ſit curandum.

Vt ℥. *Reſinæ pini. ceræ ſlauæ, an. ʒ. iv. terebinth. claræ, gummi elemi, an. ʒ. iiij. olei roſacei ʒ. ij. ammoniaci ʒ. j. ſ. farina volatilis ʒ. j. vini nigri q. ſ.* Fiat Emplaſtrum.

Vel applicetur Emplaſtrum de gummi elemi Conciliatoris aut Guidonis de centaureo.

Vel hoc: ℥. *Maſticheſ, terebinth. an. ʒ. j. gummi elemi ʒ. x. colophonie, reſinæ pini rec. an. ʒ. ſ. ammom. ʒ. j. ſucci betonice,*

consolidæ maioris, minoris, an. 3. j. apij. 3. vj. vini odorati lb. 8.

Bulliant ad consumptionem succorum & vini; Postea fortiter colentur:

Siriafis.

Colaturæ adde *cera alba, olei mastich. an. q. s.* F. ceratū super ignem, quod cranium depressum suum in locum reducit.

Præter hanc, quæ à causa violenta fit, cranij depressio- nem, alterius adhuc mentionem faciunt autores, quæ à causa interna ortum habet in infantibus. Aëtius *tetrab. 1. serm. 4. cap. 13.* Siriafin appellat, quod in syncipite cavit- as quædam apparet. Σιρὸς enim, & vt nonnulli legunt, σιρὸς, apud Græcos dicitur fossa ac fouea, in qua femina serun- tur. Etsi verò Aëtius, *loco allegato*, saltem ab inflammatio- ne cerebri ac membranarum id accidere dicit: tamen & in aliis morbis os bregmatis in infantibus nonnun- quam subsidet. In Germania mulieres appellant *das Blat fallen oder schiessen*. Ossa enim syncipitis parte su- periore, vbi coronalis & sagittalis sutura coeunt, in in- fantibus non dura sunt, sed cavitatem quandam efformant, quam membrana quædam, quæ omnium postrema sicces- cit, & ossea euadit, quamque Arabes Zeudech, nonnulli Fontanellam, Germani *das Blat* appellant, tegit. Id os seu mébrana potius, vt diximus, interdū in infantibus subsidet, & à mulieribus pro lethali plerunque signo habetur, quod proculdubio accidit, cum ipsum cerebrum in morbo ali- quo graui in motu deficere incipit, nec satis dilatatur.



C A P V T XXI.

*De Morbis soluta unitatis in Capite & cerebro; & pri-
mò de Contusione capitis.*

*Suturarū
cranij si-
mus.*

Estat tertium morbi genus soluta unitas, quæ vt plu- rimum à causis externis & violentis accidit. Aliquan- do tamen à causis internis futura capitis, quæ aliàs con- tiguæ sunt, disunguntur, vt euident inter eas sit distantia (nisi quis hanc suturarum distantiam ad morbos compo- sitionis referre malit) quod euenit ab humorum copia, quæ

quæ distendendo faciunt, ut futuræ magno spatio distent, ut docet Paulus Ægineta, & tale exemplum recitat Iacob. Fontan. *pract. l. 1. cap. 3.* de quodam iuvene Aquensi, in cuius capite dissecto futuræ fere quatuor digitis inuicem distabant, & è quo ingens copia serofi humoris, qui in vètriculis & tota substantia cerebri cõtinebatur, effluebat. Scripsit etiam nuper ad me Medicus quidam è Silesia, Pestis, quæ anno 1622. in Polonia grassata est, tantam fuisse sæuitiem, ut ea extinctis cranium rumperetur. Verum rariora hæc sunt, & incurabilia. Itaque de ea unitatis solutione, quæ à causis externis & violentis accidit, dicamus.

Sunt autem solutæ unitatis plures differentiæ, de quibus in *Instit. lib. 2. part. 1. cap. 10.* dictum: hic inprimis dicendum erit de contusione, vulnere, fractura, & carie. Et quidem soluta unitas in capite est, vel in cute tantum & carne, vel simul in pericranio, vel etiam cranio. Et quæ in cranio est, vel cranium totum penetrat, vel non; & quæ penetrat, est vel sine duræ matris læsione, vel cum ea; & quæ cum duræ matris læsione est, aliquando ad piam matrem, & cerebrum penetrat, aliquando non.

Non autem hic dicemus de vulnere in genere, sed quæ de eo dicenda sunt, suo loco, ubi de partium externarum & habitus corporis morbis agetur, explicabuntur. Hic saltem ea, quæ capiti propria sunt, persequemur, sicut & Hippoc. in *lib. de vulneribus cap.* de iis agit. Dicemus autem primò.

De Contusione.

Contusio autem est interna membri continui solutio & collisio, extrinseco plerumque integro apparente, quæ fit à re graui, dura & obtusa, quam sequitur *εγχύμασις*, seu *εγχύμα*, sanguinis scilicet subter cutem effusio.

*Contusio
capitis*

Causæ.

Hæc fit, cum caput vel fuste, vel alia re obtusa percutitur, vel ex lapsu caput rei duræ non acutæ alliditur, & cute plerumque integra venæ exiguæ sub cute aperiuntur, sanguisque ex iis effunditur, & inde tumor mollis, liuidus absque magno dolore excitatur.

Fit autem duplici modo, vel cum cutis vulnere, vel si-

ne eo. De ea, quæ fit cute integra, primo dicemus, de altera capit. seq.

Prognostica.

1. Malum hoc si nimirum & cutis & cranium salua sint si rectè tractetur, periculo vacat.

2. Si tamen muscoli temporales contundantur, delirium paralysis, conuulsio & mors inde sequi potest. Cuius rei exépla sunt apud Glandorpû in *speculo Chirurgor. c. 10. 11. 12.*

Indicationes.

Danda autem opera, vt humorum affluxus prohibeatur dolorque si adsit mitigetur, & sanguis qui sub cutem effusus est, euacuetur, & vasorum orificia iterum claudantur.

Curatio.

Curatio. Ideoque statim initio repellentia & adstringentia adhibenda, eaque sæpius, ne incalescant, remouenda. Ac proinde statim capillis, si in loco capillato confusio sit, prius abrasis adstringentia supra *cap. 1. & cap. 8.* proposita applicanda, & oleo rosaceo locus inungendus: deinde oui albumen bene conquassatum, vel solum, vel aqua rosacea & aceto mistum, & stuppa exceptum imponendum.

Vel tale repellens applicetur.

℥. Olei rosacei ℥. iij. album. ouor. ℥. ij. pulu. nuc. cupressi, balaustiorum, alum. roche, rosarum rubrarum, an. 3. j. M. & imponatur.

Vel ℥. Farinæ hordei, fabarum an. 3. vj. olei rosacei 3. iij. aceti q. s. fiat Cataplasma.

Locus ipse paulò arctius ligetur, sitque ligaturæ initium in loco affecto, & desinat eo loco, è quo fluxum imminere metus est. Ligatura enim arcta fluxiones arcet. Medicamenta autem talia sæpius renouentur.

Secundo die vinum austerum, in quo rosæ, myrtus, betonica, & aliquid florum chamæmel. cocta sint, tepidum imponatur, & si dolor aliquis appareat, medicamentum bis de die mutetur, & locus oleo rosaceo tepido foueatur.

Si confusio maior sit, & ob dolorem affluxus maior metuatur, vena statim aperienda, & si corpus impurum sit, medica

medicamentum bilem purgans, exhibendum, vel etiam clyster iniiciendus, & tenuis victus imperandus. Et si dolor vehemētiore sit, lana oleo rosaneo & chamæmelino madida locus fouendus, vel decocto rosarum, radicis althææ, lini, foenugræci, betonicæ, vel vnguento Alabastrino inungendus.

Vbi iam dolor sedatus, & de affluxu amplius non metus est, danda opera, vt sanguis extra vasa effusus euacuetur: quod fit vel insensibiliter per ἄδην Ἀγνόν, vel sensibiliter materia in pus conuersa & tumore aperto. Tutius verò longè est materiam insensibiliter discutere, quàm permittere, vt in pus vertatur.

Quapropter paretur tale cataplasma.

℥. Summ. absinthij M. j. β. rosar. rubrar. flor. chamæm. betonicæ, sertulæ campanæ; an. M. β. Coquantur in vino ad mollitiem. Postea contundantur & addatur Farinæ bordei, fabarum an. ℥. j. β. pulu. sem. cumin. ℥. ij. olei rosar. q. f. fiat cataplasma

Vel imponatur emplastrum, quod capite præcedente ex Alexandro Benedicto recensuimus: aut emplastrum de betonica, aut de gummi elemi. Aut Ceratum Isidis descriptum à Galeuo. & γέν cap. 2. matrisylua, Emplastrum de Janua Fernelij, Emplastrum de gratia Dei Fernel. lib. 7. method.

Vel ℥. Emplast. diachyl. ℥. ij. oxycroci, de meliloto, an. ℥. j. olei chamæmel. anethini an. ℥. β. Malaxentur. fiat Emplastrum

Vel usurpetur Cevotum Vigonis de minio, quod emollit & discutit, & ita paratur:

℥. Olei chamæmel. lilior. albor. an. ℥. x. mastichini ℥. ij. pingued. veruecis lb. j. β. lithargyri auri ℥. viij. minij ℥. ij. vini boni cyathum vnum. Bulliant omnia simul agitando primum lento, hinc fortiore igne, donec massa colorem subnigrum contraxerit, tum adde terebinthinæ lb. iij. pulu. mastiches ℥. ij. gummi elemi ℥. j. ceræ q. f. Iterum coquantur: fiat Emplastrum.

Vel fomentum tale paretur.

℥. Nuc. cupressi contusar. num. x. myrtil. ℥. j. rosar. rubr. absinthij, Fol. salu. majoranæ, stæchad. flor. chamæmel. an.

M.ß. *aluminis rocha, rad. cyperi, calam. aromatic. an. ʒ.ß. Coquantur in vini rubri lb. iv. lixiuij communis lb. ij.*

Decocto caput foueatur, & post fomentationem excisetur & emplastrum aliquod imponatur. Forestus *lib. 9. obseru. 32.* hoc Emplastrum Helidei, quod mirum in modum humiditatem in contusionibus discutiat, commendat.

ʒ. Flor. rosar. rubrar. chamæmeli, absinthij, betonica, an. M. j. Coque ad mollitiem & contundantur: adde *farin. fabar. ʒ. iij. ol. rosac. vini nigr. styptici, an. q. s. fiat Emplastrum, seu potius Cataplasma.*

Si vero ob humoris effusi copiam is totus discuti nequeat, & suppuratio impediri non possit, medicamentis maturantibus suppuratio promouenda, vt oleo dulci tepido, vel decocto maluæ, althææ, caricarum, vel parando ex his cataplasma cum farina hordei, adipe gallinæ & oleo communi, vel imponendo emplastrum tria phar-macum, quod fit ex olei dulcis parte vna, aquæ communis partibus duabus, & triticeæ farinæ s. q. quibus vitellum oui addere licet.

Vbi ex dolore & loci mollitie materiam in pus conuersam esse cognitum fuerit, extrahenda ea, idque ocyus faciendum, ne pericranium, & quæ ei connectitur, duram matrem corrumpat. Quod fit sectione facta in loco decliuore, & ad materiæ euacuationem commodiore. Si temporalis musculus est contusus, sectio non in ipso musculo, sed in loco propinquo instituenda. Vitandi tamen musculi caput mouentes.

Abcessu aperto & materia euacuata, vlcus detergendum tali, vel simili medicamento :

ʒ. Syrup. de absinth. simplic. rosarum an. ʒ. j. terebinthin. ʒ. j.ß. pilu. ireos, aloes, mastiches, myrrhæ, farine hordei an. ʒ. ß.

Vlcere mundato cavititas implenda & cicatrix inducenda. Carnis tamen excrefcentia, seu *ὑπερπλασία*, quæ in hisce contusionibus frequenter suppullulat, depascenda, pulueribus *καταρτηνωίς*, aut liquore illo viridi, qui in *ὑπερπλασίᾳ* quacumque vtiliter & sine omni dolore

lore adhibetur, qui *Institution. lib. 5. part. 1. sect. 2. cap. 13.* describitur.

De Contusione Capitum puerorum.

Quia verò in primis pueri & infantes propter capitis mole^{Contusio}lem tibi^{capitum}arumque imbecillitatem sæpius labuntur, caput^{puerorū.}que graui^{ter} offendunt & contundunt, sanguisque ex contusione collectus sub cute tumorem excitat. De hac in puerorum capitibus contusione in specie aliquid addemus, ex Iulio Cæsare Arantio, qui *in fine comment. l. Hippocr. de vulnerib. cap.* scribit: Si iuniorem, min^{us}que exercitatum metuisse, ne sanguis sub cutem effusus ibi putresceret, & ad membranam descenderet, & idcirco sectionem cuti adhibuisse, vt sanguis educeretur, sed hoc modo in maximum discrimen infantes adduxisse; cum & ob sanguinem effluentem vires resolueretur, & dolore ac clamore & eiulatu infantum fluxio, & tandem inflammatio excitaretur: Ideoque longo rerum usu se oculatiorem factum, tandem à sectione planè abstinuisse, ac sequenti curandi modo, graues etiam contusiones feliciter curasse.

Ab accepta contusione protinus, vbi opus, abrafo, aut *Curatio.* si ratio ob dolorem fieri non possit, forfice detonso capillo, linteum vel stappa oui albumine, & aceto rosaceo madida imponenda, & deligatione facta integro die naturali, linteum extrinsecum iisdem madefaciendum, ne exsiccetur. Ita enim humorum confluentium impetus prohibetur, & aliqua pars resoluitur.

Sequenti die sequens cataplasma imponendum.

℞. Pulv. rosar. rubrar. fol. & baccar. myrti, ana ℥. ij. farine fabarum, hordei, ana ℥. j. absinthij, betonicae, an. ℥. 8. sem. cumini 3. j. mellis albi ℥. ij. Cum vino nigro austero, fiat cataplasma, cui adde olei rosar. *Chamamel. an. ℥. j.*

Hoc medicamentum, quod appellat benedictum, bis singulis diebus tepidè imponendum est, vt non solum contusam partem, sed circum sitas complectatur: sitque eius quantitas, quæ vna vice adhibetur mediocris. Si enim sit exigua, parum habet virium, & à partis calore facilè exsiccat^{ur}: Si nimia, locus affectus comprimitur. Atque
in

in istius medicamenti vsu ad diem vsque nonum vel decimum perseuerandum est. In dies enim partem detumescere, & collectum sanguinem resolui, ac per poros cutis euaporare animaduertetur: ac si caluaria etiam contusa sit, ad pristinum statum reducetur.

Cùm verò dies vndecimus præterierit, emplastrum diapalma Galeni, corio tenuissimo illitum, imponendum, & tertio quoque die immutandum.

Post vigesimum diem ad reliquias humorum absumentas, & collisam caluariam in suum naturalem statum reducendum emplastrum barbarum corio illitum applicandum. Et quamuis curatio protrahatur, & collecti & effusi sub cutem humores tardius dissipentur; tamen curatio hoc modo feliciter expeditur. Forestus ad tumores, qui pueris ex lapsu in capite oboriuntur, oleum anisi commendat, si eo tumor illinatur. Victus interim ætati sit sufficiens non nimis tenuis.

Eadem curatio adhiberi potest, si infanti recens nato in partu difficili, caput contusum & tumidum ob sanguinem effusum sit: sed simplicior. Solum enim diaphanicinum ex rosaceo confectum tumores hos discutit.



C A P V T XXII.

*De Vulneribus Capitis sine cranij, membranarum
& cerebri læsione.*

Et primò de Vulnere sine Contusione.

*Vulnus
cutis ca-
pitis sim-
plex.*

R I M ò vulneratur caput sæpe cranio integro manente, vbi scilicet solum cutis, panniculus carnosus, musculi & nonnunquam etiam pericranium vulneratur.

Signa Diagnostica.

*Signa
diagno-
stica.*

Signa diagnostica quod attinet, vulnera capitis, quæ partibus cranio superpositis accedunt, & cutis carnisue vulnera dicuntur, vel ipso obtutu vel saltem specilli indagi

indagine patefiunt. Cæterarum verò partium læsiones, non ita faciliè innotescunt.

Prognostica.

Quæ vulnera etsi per se periculosa non sunt; præcipuè cuti & panniculo carnosò inflicta, nemoque ex iis, si rectè tractentur moriatur: tamen nec illud male dicitur: nullum capitis vulnus contemnendum esse: quod Hippocrates in præmio libr. de vuln. cap. monuit. Ideoque in iis curandis, quàm in aliarum partium cutaneis & non profundis vulneribus, plus diligentia adhibendum; cum si quid negligatur, sæpè magnum periculum accersatur. Etenim etsi cutis solum vulnerata sit: tamen nisi diligentia debita adhibeatur, vlcus incrudescens nō parùm molestiæ exhibet, & à pure partes subiectæ corrumpuntur; aliquando febris inducitur, vnde Medico quidem negocium; ægro verò periculum affertur. Exemplum notabile est apud Schenck. l. 1. obseru. 35. de Carolo Regis Hispaniæ filio, qui ob vulnus capitis non periculosum negligenter tractatum, in vitæ periculum adductus est: & alterum, ib. obs. 36. de quodam, cui ob vulnus capitis etiam non graue, sed non rectè curatum, cranijs os vitiatum fuit, & hinc diuturnus & longus capitis dolor exortus vt & apud Valeriolam l. 3. obseru. 1. Guilelm. Fabric. cent. 1. obs. 21.

Curatio.

Primò ergo videndum, quousque vulnus penetret. Nam si cutis sola læsa sit, nulla alia curandi ratio est, quàm quæ aliis cutaneis vulneribus debetur. Nimirum sanguis, si copiosius fluat, sistendus, capilli circa vulnus abradendi, & labia vulneris coniungenda ac coniuncta seruanda, & ne quid labiis vulneris intercitat, neque accidens aliquid superueniat, cauendum. Quod potissimum fit, si interna causa, quæ est *δυσκροσία* partis calida & dolorifica, quæ grauiā concitare symptomata, cum caloris, tum doloris vi, & humores tenues ac mobiles, à quibus *φλεγμοῖς* metus imminet præsentissimus attrahit submoueatur. Submonetur autem, si dolori & calori attractionis causis resistamus. Dolori succurrimus eo,

Eius curatio.

qui infra exponetur, modo. Calida verò & flammea partis affectæ intemperies corrigitur refrigerantibus, nempè rosis rubris, plantagine, albumine oui. E compositis autem, vnguento de cerussa, vnguento de alabastro, vnguento rosacei Mes. vnguento infrigidante Galeni, vel linimento simplici, quod conficitur ex æquali portione vnguenti rosacei Mes. & ceroti de succo solatri. Labia vulneris sola deligatione hîc facîle coniunguntur. Si enim capitis cutis sola incisa sit, propter capitis rotunditatem vulnus non est adeò longum (nam si longum fuerit, proculdubio cranium simul læsum erit) neque labia eius ita distant, vt non facîle vniri possint. Si tamen sola deligatione hiantia vulneris labia satis coniungi non possunt, futura cruenta vel sicca ad mutuuum contactum adducenda. Vulneri verò vsitatum aliquod medicamentum, digestiuum quod vocant, imponendum; quale fit ex *terebinth. 3. vj. olei hyperic. 3. iij. thuris pulu. 3. j. oui vitello.*

Vel *℥. Resinæ abietinæ 3. vj. vitellum oui j. Misce.* Vel hoc, quod valdè efficax.

℥. Terebinth. claræ, gum. elemi, an. 3. j. B. pingued. castreati 3. ij. porci antiquæ 3. j. Liquefiant ad ignem, fiat vnguentum.

Pure bono apparente, quod tridui vel quatruidi spacio accidit, digestiuo addi potest aliquid mellis ad vulnus detergendum. Vel etiam mel crudum aut de rosati colati spumatum vel resinarum & thuris dosis augeri.

Vel tale vnguentum vsurpetur.

℥. Terebinth. Venetæ 3. ij. syrup. rosar. vel mellis rosarum 3. j. pulu. aloës, myrrh. mastich. an. 3. B. Misc. fiat vnguentum.

Hinc sarcoticis & epulotitis vulnus claudendum.

Interdum tamen accidit, vt capitis cuti vulnus non punctim vel cœsim infligatur, sed lapsu, vel simili violentia cutis pars maxima à cranio sine eius læsione auellatur, vt in frontem vel latera dependeat: atque tum nisi alio modo, suo in loco contineri possit, cutem fuere nihil prohibet, vt cranium ab aëre defendatur. Toti verò capi-

ti repellens cataplasma, quale capite præcedente propositum imponere necessum.

Si verò vulnus vsque ad pericranium penetrauerit, illudque læserit, danda & tunc quidem opera, vt labia vulneris coniugantur. Quoniam quæcumque cute deteguntur & denudantur, ægrè ad curationem perducuntur, & sæpè accidit, vt si vel pericranium vel cranium denudetur, etsi primò simplex fuerit vulnus: partibus tamen subiectis alteratis à sua natura degeneret, & facultate alteratrice læsa humiditates crudæ in vulnere generentur, & postea maiore labore ad pus generandum opus sit. Potest tamen & hic labiorum vulneris coniunctio sola deligatione fieri, nec facilè futura instituenda. Cum enim pericranium arctissimè cranio cohæreat, fieri vix potest, quin læso pericranio & cranium lædatur, & vulnerato pericranio os ab aëre alteretur. Ideoque cum cranium deradendum sit, tum ob has causas, tum vt cranio ad exsudationem sanguinis vsque derafo, sanguis ad carnis generationem facilè suppeditetur, futura ob quam derafio cranij impeditur, vix hic locum habet. Si tamen vulnus tam amplum sit & labia latius distent, ac magna cutis pars, siue sola, siue cum subiectis partibus, vt temporali musculo, resecta & auulsa sit, si cui vulnus tale suere libeat, videat tamen, vt solam cutem suat: non verò simul subiectum pericranium. Nam cum pericranium sit membranosum, & sensus maximè particeps, magnus dolor ex futura ista excitaretur, & facilè inflammatio suboriri, ac dura mater in consensum trahi posset. Cauendum quoque ne labia vulneris cum violentia attrahantur: quod si faciendum esset, & cum labia vulneris sint tumida, potius futura omittenda.

Attendendum & hoc in futura, vt ita instituatur, vt saniei detur liber exitus, ne supra cranium colligatur & cranium corrumpat. *De futura in vulneribus capitis, vide cap. 24. quæst. 1.*

Verùm siue vulnus suatur, siue non suatur, pericranij diligens habenda est ratio. Cum enim sit substantiæ membranæ, & per futuras duræ meningi adnexum, dolorem,

Vulnus

cutis capitis, cū pericranij læsione.

Cutis capitis vulnerata non facile suæda.

Pericranium non suædum.

inflammationem, febrem, conuulsionem, si malè habeat, accerfere potest. Ideoque vniuersalibus corporis euacuationibus, si opus, præmissis, & circa vulnus capillis, vt antea dictum, derasis, si dolor adfit, vulnus oleo rosaceo circum circa inungendum. Vel cataplasma ex vitello oui & oleo rosaceo imponendum. Et cum dolor ex pericranij læsione excitari, & sanies sub eo colligi, ac cranium corrumpere possit, pericranium, nisi satis pateat, incidendum & os radendum, vt sanguine quasi extillante idonea carni generandæ suppeditetur materia. Temèrè tamen & sine necessitate pericranium non secandum, neque sine causa doloribus æger infestandus, sed tum solum cum suspicio est læsi crani, aut insignis est contusio sanguinem cruentum continens. In primis in pueris non facilè ad hanc sectionem veniendum, nè vires, in ea ætate imbeciliores dolore & sanguinis profusione deiciantur, & vasa capitis clamore & eiulatu distendantur, vnde inflammatio & alia symptomata oriri possunt, sed potius Topici materiam resoluerè conandum.

Cranio
denuda-
to qua
medica-
mèta im-
ponenda.

Cranio verò ipsi denudato & raso, non vnguenta imponenda, sed medicamenta actu & potentia sicca cum linamentis siccis imponenda, vt temperamento ossis similima, ex doctrina Galeni, 6. meth. med. cap. 6. Pulueres nimirum cephalici dicti, qui parantur ex aloe, thure, cortic. thuris, mastiche, myrrha, sarcocolla, bolo armeno, sangu. dracon. farina hordei, orobi rad. irid. florent. vel Ilyrica, aristolochiæ. Et quidem in molioribus corporibus minus sicca eligenda sunt, potestque solum thus sufficere: in siccioribus magis ficcantia vsurpentur.

Vt ℥. Aloës, sarcocollæ, myrrha, an. 3. iij. thuris 3. ij. sangu. dracon. 3. ℞. fiat puluis.

Vel ℥. Myrrha, aloës cortic. thuris, aristoloch. ireos, sarcocolla, an. 3. j. fiat puluis.

Vel ℥. Aloës hepaticæ 3. iij. myrrha 3. j. thuris 3. ℞. fiat puluis.

Vel ℥. Aloës hepaticæ, rad. irid. aristoloch. rotundæ, an. 3. jj. myrrha, thuris, an. 3. j. sangu. dracon. 3. ℞. fiat puluis.

Ipsis verò vulneris labiis vnguentum aliquod digesti-
uum

num & sarcoticum adhibendum, qualia paulò ante proposuimus. Omnino enim primis diebus, ut pericranij dolor sedetur, illicò pus mouendum vnguentis, quæ Chirurgi digestiua vocant. Eorum tamen usus cum in omnibus, tum vel maximè capitis vulneribus ita moderandus est, ne vulnus recens & ἀπερίπλωτος in vlcus diutinum & sordidum faceffat. Postea vulnere satis purgato protinus ad σκελετὸς deueniendum, qualia fiunt è thure & cortice thuris, myrrha, radic. aristolochiæ, ireos Illyricæ, aloë, sanguine draconis, & vulnus ut dictum consolidandum, & cicatrice claudendum. Inseruit huic vsui & hoc emplastrum.

℞. olei rosacei omphacini completi ℥. iij. olei mastichini, myrtini, an. ℥. j. pingued. hircin. ℥. j. β. Coquantur ad succi consumptionem, & postea colentur.

Colat. adde Mastiches ℥. x. gummi elemi ℥. vj. terebinth. ℥. ij. β. cera albæ q. s. Iterum ebulliant, & fiat cerotum.

Historia curati vulneris, in quo tota musculosa capitis cutis vsque ad pericranium diuulsa erat, ut tota ab occipitis initio, in frontem & faciem dependeret extat apud Ambros. Paræum, l. 9. cap. 15.

In omnibus autem capitis vulneribus & hoc attendendum, an vulnus telo venenato inflitum sit. Si enim venenum telo vulnere illatum sit, illud extrahendum & alexipharmacis oppugnandum & infringendum, ut suo loco de vulneribus in genere dicetur.

De vulnere cum partium externarum contusione.

Sæpè etiam accidit, ut telum, vel aliud quid, quo æger vulneratur simul obtusum & inæquale sit, & tum vulnus quidem infligitur, sed cum partium subiectarum, cranio tamen integro manente contusione, quæ cum in pus abeat, paulo post vlcus latum & profundum efficitur: quod genus vulneris ita curandum.

*Vulnus
capitis
cum
cutis
contusione.*

Primò diligenter despiciendum, ne in vulnere lapillus, festuca, capilli vel simile quid insit & relinquatur, & an cranium saluum sit. Et si cranium sit saluum, abradis per vulneris ambitum capillis, sanguis si immoderatiùs fluat, sistendus, atque opera danda, ne pars vel dolore, vel in-

flammatione corripiatur; cum hoc generale axioma sit: Nullum vulnus sanari posse, nisi partis, quæ vulnerata est, temperies sese rectè habeat. Itaque, si opus est, sanguis euacuandus, humores vitiosi expurgandi, & fluxio à capite auertenda, victusque tenuis imperandus, neque ægro, oua, carnes, vinum concedenda, vulnusque in ambitu, vt dolor arceatur, oleo rosaceo inungendum.

In ipsum verò vulnus, quæ pus mouent, digestiua appellata imponenda, (cum carnes contusas in pus mutari sit necessarium) vt suppuratio quamprimum promoueatur, & cruditas illa in labiis vulneris, quæ ab aëre alterante inducta est, quæque Medico molestiam sæpè exhibet, ægro verò periculum affert, auertatur. Omne enim vlcus exsiccationem requirit, præter id, quod contusum, quod humectari & emolliri postulat. videndum tamen, ne medicamenta illa sint nimis humectantia & putrefacientia; sed ita constituta, vt partis calorem naturalem à contusione, externo aëre, medicamentis debilitatum, foueant, & humores in labiis vulneris congestos attenuent, quod præstant temperatæ caliditatis & paucae humiditatis medicamenta & quæ alicuius absterfionis participes sunt, ac dolorem leniendi vim habent. In quem finem in principio vtendum oleo rosaceo maturo, vel solo vel cum vitello oui in corporibus mollioribus, quod præstantissimum est medicamentum & requisitas condiciones omnes obtinet. In durioribus verò corporibus resina larinica vel aliud digestium vsurpandum.

*Terebinthina
vsus in
vulneribus.*

Et omninò hic vtilissimum medicamentum est terebinthina, omnibus vulneribus commoda, præsertim partium neruofarum, qualis pericranium est. Præseruat enim contusa à corruptione & putredine, ea corroborat, obstructions aperit, dolores sedat, vlcera mundat, & si acrimoniam aliquam præ se ferat, ea facillè tollitur ablutione, cum aqua betonica vel consolidæ. Et cum in passiuis sicca sit, siccitas temperatur humidis, vt oui vitello & olei rosacei modico adiecto. Efficax est & hoc:

℞. olei rosacei, terebinthinæ, ana ℥. j. ℞. cera ℥. ℞. croci ℞. ℞.

Si inflammationis metus adsit, addatur *farinae hordei* ℥. β. Et ut fiat *farcoticum* addatur *corticum thuris* ℥. j. *Aloes* 3. β.

Si dolor vrgeat, reliquis medicamentis cataplasma ex radicibus althææ, hordei farinae, floribus meliloti, oleo rosaceo, vitello oui, & croci momento paratum imponatur,

Cocione sese ostendente, & pure optimo apparente, quod sit circa diem septimum, vulnus abstergetur melle rosato, terebinthina, succo apij & similibus, vel per se, vel cum digestiuis mixtis. Ulcere purgato; farcotica adhibenda, & humida omnia dimittenda. Cui vsui inferuiunt pulueres cephalici. Vel vsurpetur hoc vnguentum in vulneribus capitis vtile.

℥. *Artemis. betonica, scabiosa, cauda equina, pimpinella, an. M. j.* Contundantur & succus exprimatur.


Cuius ℥. 3. vj. *Olei rosacei, mastichini, myrtini, an. 3. ij.* Coquantur ad succorum consumptionem. Postea adde *aloes, thuris, mastiches, sanguinis draconis, gummi elemi myrrhæ, an 3. ij. ceræ q. s.* fiat vnguentum

Cicatrix tandem emplastro diapalma, vel de betonica inducatur. Si os caluariæ detectum sit, diligenter inquirendum, an & ipsum aliquid damni acceperit. Etsi enim fractum non sit: tamen contundi potest; vnde paulò post cum sanies in eo colligitur, maculae & puncta subrubea in eo apparent, quæ postea in colorem liuidum & plumbeum mutantur, ipsumque cranium deinde nigrescit, non nutritur, & emoritur, ut cum eo pericranium vniri, & caro super eo generari non possit. Tum ergo abradendum os est, eousque donec rubeus color appareat, & sanguis instar lachrimarum rubearum extillet.

Tandem vnum adhuc circa ista cutis capitis vulnera monet Paræus *lib. 9. cap. 15.* nimirum, si à ferarum, vel hominis etiam moribus tale vulnus infligatur, aliter tractandum esse, quàm si à gladio vel alio telo inferatur, & qua ratione tractandum sit exemplis ibidem docet. Statuit scilicet, omnia ferarum, imò & hominis morfu inflictæ vulnera, veneni aliquid coniunctum habere, quod nisi ali-

quis in contusionem, quæ à dentibus fit, referre velit, procul dubio à salua coniuncta eueniet & proinde eius etiam rationem habendam. Quapropter etiam labia vulneris scarificat, & saniem sanguisugis extrahit, vlcusque abluit medicamento:

℞. Mitbridatij, ℥. j. theriacæ, ℥. ij. unguenti ægyptiaci,
3. ℞. aq. vitæ, cardui benedicti. an. q. s. M.



C A P V T XXIII.

*De soluta vnitate cranij sine meningum & cerebri
vulnere.*

*Cranij
vulnera
sine me-
ningum
& cere-
bri lasso-
ne.*

¶ Actenus de ea continui solutione in capite egimus, in qua tantum cutis & pericranium, cranio integro & saluo læsa sunt: iam de ea agendum, in qua cranium læsum est, & primò quidem de ea vnitae soluta, in qua cranio læso meninges & cerebrum salua manent.

Differentiæ.

*Fractura
cranij
quot.*

Authores autem alij aliter solutæ vnitatis in cranio differentias recensent, & alij aliis nominibus vtuntur: nos Hippocratem, in libro de vulneribus cap. secuti, qui ante omnia hac de re diligenter cognoscendus; siquidem neque superfluas & minus vtilis recensuit, nec necessarias, & quæ frequenter accidunt omisit, quinque & quidem Hippocratis nominibus recensebimus, aliis tamen aliorum authorum appellationibus non omisissis, id est nimirum, ρωγμὴ, φλάσις, ἑσφλασις, ζυμφορὴ. Ægineta lib. 6. cap. 90. plures habet differentias.

Fissura.

*Fissura
cranij.*

Fissura & fissio ρωγμὴ & ρηγμὴ ῥῆξις. Latinis etiã rima dicitur. Accidit autem fissura vel fissio cum à graui & contundente telo, vt lapide, ligno, casu ab alto, & in rem duram impulsu, cranium ita læditur, vt vasis testacei in modum findatur, seu rimam agat, ita tamen, vt cranium situm suum naturalem seruet, & partes eius loco non moueantur. Et remper quidem à re graui & contundente rim a

rima prouenit; nonnunquam tamen simul ab incidente & acuto, vt gladio acuto sed graui simul. Quâto vero ossa sunt duriora, tantò sunt aptiora ad rimam contrahendam; quanto molliora, ad contusionem sunt aptiora. Sunt tamen qui rimam à fissura distinguunt & sub rima fracturam, sub fissura sedem comprehendunt.

Fissurarum autem seu rimarum rursus sunt differentię *Fissura* seu modi & quatuor præcipuè; à latitudine seu angustia: *cranij* à longitudine vel breuitate: à rectitudine & curuitate: à *quot.* profunditate desumpti. Alię enim fissurę conspicuę sunt, quę ossē denudato oculis conspici & specillo tangi possunt; Alię verò inconspicuę & coecę, quę visui obuię non sunt, præcipuè circa initium, antequam saniem contraxerunt. non verò coecę eę dicuntur, vt nonnulli putant, quando non is, in quem ictus incidit locus, sed alius in cranio finditur. Hęc enim alia fracturę differentia est, vt mox dicetur. Alia media quę capillaris *ἡ μέση γὰρ μὴ & τελεσιότης* appellatur, angustissima & arctissima fissura, & instar capillorum sese habens, sensumque ferè latens, quę tamen si ad interiora penetret, grauissimorum symptomatum & mortis sæpe caussa est. Cum enim & oculorum obtutum effugiat, nec specillo inuestigari queat, læsi ossis abrasio aut perforatio negliguntur, sanguis contra ruptis effusus vasis intus coërcitus putrescit.

Alię rursus fissurę non per totum cranium, sed vtramque laminam penetrant: alię totum penetrant, vbi scilicet vtraque lamina ad meningem duram vsque finditur: cui fissurę interdum & hoc accedit, quod meninx ab interna caluaria separatur, ex qua separatione vasa diuulsa sanguinem effundunt, qui sub cranio collectus, nisi ipsi viā ad exitum patefiat, ægro exitium affert, Aliquando solum externa lamina finditur, interna integra manente: Aliquando contra accidit, vt externa lamina integra maneat, interna verò rimam seu fissuram contra. Cuius rei exemplum recitat Fallopius in *lib. Hippocrat. de vuln. cap. 13.*

Alię rursus fissurę breues sunt, alię longę: alię rectę, alię curuę. Quibus addere possumus differentiam

à numero, quod nunc vna rima est, nunc duæ vel plures.

Contusio.

*Contusio
cranij.*

Secunda differentia est *φλάσις*, Galeno & Paulo Æginetæ, *θλάσις*, contusio & collisio, cum sine rima & fissura, ab irruente & illiso extrinsecus violenter aut obstante duro aliquo & obtuso corpore os ita contunditur, ut etsi externa eius facies ad sensum permaneat integra; in profundo tamen sit continui solutio, dum os intus deprimitur, & in se cogitur, ut idem fere ossi contingat, quod carnibus, dum à re dura non acuta læduntur, accidere solet, *φλάσιν* enim contundere & contundendo emollire significat: & usurpatur hoc vocabulum de piscibus & carnibus duris, quæ plagis emolliuntur. Et necessarium omninò est, ut sub ipso ictu os in seipsum impellatur & cauum fiat id, quod colliditur; alioquin non collideretur: Ut verò cessante ictu cauum & compressum maneat non est necessarium. Maxima enim ex parte mollia ad naturalem situm regrediuntur, ubi percussio & vis externa cessauerit. Itaque eorum sententia mihi non videtur probabilis, qui *φλάσιν* per depressionem cranij explicant, ita ut tangentibus & intuentibus fouea appareat, remque explicant similitudine vasorum cupreorum, stanneorum, plumbeorum, quæ rebus duris allisa introrsum pelluntur, absque solutione continui, & foueam contrahunt. Hæc enim fracturæ cranij species non est, neque ad fracturas pertinet, sed figuræ saltem fit vitium, cum nihil neque fissum, neque fractum, neque collisum sit, sed os solummodò depressum. Etsi quandoque fractura coniungi possit. Clarum verò est, & ex Hippocrate apparet, eum de contusione loqui, quando os nunc plus, nunc minus collidi, & nunc altius ac totum os, nunc saltem in summo statuit; quod depressioni non competit, sed contusioni. Nisi quis fortè Hippocratem utramque cranij læsionem, depressionemque & contusionem sub nomine *φλάσεως* comprehendisse dicere velit. Vtrumque enim fieri potest, ut scilicet cranium contundatur, simulque deprimatur.

Atque ita duæ contusionis seu collisionis species cranij consti-

constitui possunt: Vna cum cranium solummodò in se ipsum cadit, ac subsidet, sicut spongia vel caro compressa, & locum ac figuram naturalem non mutat: Altera, cum cranium simul deprimitur & figuram mutat, ac foueam acquirit. Verum contusio hæc simplex non est, sicut & reliquæ, cum quibus aliæ læsiones concurrunt, & cum fractura hæc species sæpè coincidit. Interdum enim cranium contunditur sine rima & fissura, quod in puerorum capitibus, quorum ossa sunt molliora, ferè accidit; aliquando rimam contrahit. Quorum enim ossa sunt duriora, in iis vix contundi potest cranium, quin simul frangatur. Contusio rursus aliquando est sine eorum, quæ sunt intra cranium, læsione; aliquando verò cum eorum læsione. Etenim nonnunquam ex graui capitis contusione, non solum venæ, sed & arteriæ ac nerui, qui sunt intra cranium, rumpuntur, quæ contusio periculosissima est. Et quidem venulæ & arteriæ, quæ sub cranio, rumpuntur, non semper sub loco cranij, in quo fit contusio, rumpuntur, sed etiam in parte contusioni opposita vel vicina. Fieri quoque potest, vt cranio in vna parte contuso vel percusso, in alia parte aliqua, futura dissoluatur, & ossa, quæ per futuram vnita erant, disiungantur & hient; imò etiam cranium integrum in alia parte rumpatur & rimam contrahat.

*Contusio -
nis cranij
species.*

Depressio.

Tertius modus seu differentia est ὀφλασις, Latinis depressio, desessio, introcessio, contrusio, effractura Paræo, cum scilicet os finditur, sed non, vt in fissura simplici, in suo loco manet, verum intrò cedit; id quod fit ex validis telorum obtusorum, lapidum, fustium ictibus, vel capitis ex lapsu ad rem duram obtusam vehementiore allusione. Quanquam enim depressio cranij etiam dicatur, cum cranium integrum manens intrò saltem deprimitur, sicut dum cuprea, vel stannea vasa comprimuntur: tamen inter vulnera & vnitatem solutam illa læsio non est referenda, ac osse in suum locum reducto nihil mali amplius superest. Hic verò de ea saltem compressione loquimur, quæ cum fractura & ossis comminutione est coniuncta, atque

*Depressio
cranij.*

ita non simplex fractura est, sed coniuncta cum rima vel sede.

Differentiam hanc fracturæ aliqui non rectè explicant, & plurimi ita solum fieri docent, cum os præ ictus vehementia non solum finditur, ac intrò truditur; verum insuper frangitur, fragmentumque cranij secedens sub oram suæ limbū ossis vicini integri truditur. Quod ut aliquando fieri posse putamus, & vnum ἰσφλάσεως modum hunc esse admittimus: ita non semper necessarium esse putamus, ut particula ossis effracti sub os, quod integrum manet, detrudatur, & sub eo lateat. Sufficit enim ad ἰσφλασιν constituendam, ut aliquod ossis fragmentum à toto separatum, interiora & cerebri membranas versum detrudatur, & vel aliquibus angulis & extremitatibus acutis, quasi spiculis meningem lædat, vel plana superficie servata cerebrum comprimat, eiusque motum impediat. Ego hanc læsi cranij differentiam commodissimè fracturam in specie appellari posse existimo.

Ἐ' σφλάσεως etiam peculiaris differentia est, quæ Galeno, 6. *method. medend. cap. 6.* & Paulo Aegin. *libr. 6. c. 9. κρημνιστικῆς* & κρημνιστικῆς dicitur, cum scilicet fragmenta cranij deorsum compulsa simul cum telo feriente, dum illud educitur, sursum trahuntur ac reliquis sublimiora fiunt; ita tamen, ut Galenus, *loco allegato* scribit, ut qua primum ab integris fracturæ partibus deduci cœpit ægra, intrò magis recedat & membranæ initantur.

Sedes.

*Sedes
fracturæ
cranij
species.*

Quarta solutæ in cranio unitatis species est ἰδρῆ, Latinis sedes, sessio, vestigium. Erotianus per ἀλγεῖν πλῶ explicat, & alij ἐγχεῖν πλῶ, ἀλγεῖν πλῶ καὶ ἰδρῆ pro eodem habent. Incisio etiam Latinis commodè dici potest. Interpretes Hippocratis etiam hîc varij sunt. Planissimè rem explicari posse puto, si dicatur ἰδρῆ, seu sedem & vestigium esse, cum à telo acuto cranium læditur, ita ut aciei teli impressi vestigium & sedes, qua scilicet parte telum insedit manifestè appareat. Aduenit autem ἰδρῆ perpetuò cum cutis & pericranij vulnere.

Verum varij huius læsionis rursus modi sunt. Primò enim

enim huc pertinet simplex illud vulnus, cum pugio-
nē, cultro, stylo, vel alterius rei acutæ cuspide cranium lædi-
tur, quæ punctura rectè appellatur, quæque nunc exter-
nam solum, nunc vtramque tabulam cranij penetrat. De-
inde illud simplex vulnus, cum à telo leui acuto, & bene
scindente secundum longitudinem scinditur, ita vt suum
naturalem situm adhuc retineat, & vestigium in osse inci-
so appareat, quæ incisio appellari potest: fitque ea nunc
ita, vt extrema saltem lamina, nunc verò vt vtraque di-
scindatur.

Tertius simplex modus est, si cum incisione aliquid
ossis deperdatur, quàm *Αφαιρησις καὶ ἐκτομή* in specie &
dedolationem siue excisionem nominant, dum scilicet si-
cut asseres ascia, vel dolabella complanantur aliquid ligni
abscinditur: ita hîc etiam aliquid de superficie cranij ab-
scinditur. Hîc referunt nonnulli etiam id vulnus, quando
bombardarum & sclopetorum glandibus aliquid cranij
interdum aufertur.

Compositi modi sunt, cum quidem ipsum telum acu-
tum est, sed non satis acutum; nec leue, sed aliquo modo
obtusum, vel graue, vnde accidit, vt cranium non solum
scindatur, sed etiam rimam contrahat, aut contundatur,
imò deprimatur, & cranium effringatur. Et quidem si cra-
nium sit durius, cum incisione facilius fractura coniungi-
tur; si verò sit mollius, contusio.

Fieri quoque potest, vt in exteriori cranij superficie
solum incisionis vestigium sese ostendat; intus tamen ri-
ma sit.

Contrafissura.

Vltima differentia est, quam Hippocrates *ἐνυφωγὴ* seu *Contrafis-*
infortunium, Paul. Ægineta *ἀπὸ τοῦ κρανίου*, Latini contrafissu- *sura cra-*
ram, seu resonitum appellant. Neque sine causa hoc no- *nij.*
men indidit huic malo Hippocrates. Reuera enim infeli-
ces & infortunati sunt, qui nec ipsi sciunt, quo loco læsi
sint, neque medicus satis certus hac de re fieri potest, nisi
cum res ferè iam desperata est. Accidit autem contrafissura
ex resultu ictus in partem à plaga distantem & ad resisten-
dum minus aptam. Dum enim aër in *diploë* vocata, hoc
est,

est, in meditullio cranij seu inter vtramque laminam conclusus vehementer ex ictu alterius loci agitur & impellitur vndique, fit, vt loco alteri allisus caluæ solidæ ipsam perfringat.

*Contrafisura
sura quo
loco fiat.*

Et si verò hac de specie fracturæ, alij aliter sentiunt, & nonnulli eam ad oppositam plagæ partem simpliciter restringant: alij verò, vt Paulus Ægineta *lib. 6. cap. 90.* hoc negent, & si quid tale accidat, etiam in contraria parte cranium collisum esse dicant, similitudinemque vitri, vtpote quod vacuum est, reiiciant: Tamen controuersia hæc facile decidi potest, si verbis Hippocratis adhæreamus, qui non in parte opposita semper cranium frangi dicit, sed alio, quàm quo vulnus est, osque nudatum fuit, loco: & addit; non scire posse Medicum vbinam malum hæreat, & quam parte vulneratus sit æger: cum tamen facile id sciri posset, si in contraria semper parte læsio esset, siquidem æger facile significare potest, quo loco percussus & læsus sit. Itaque satis est, ad hanc differentiam constituendam, si rima non in loco sit, cui ictus inflictus est, sed alio, seu vicino seu opposito. Sunt quidem nonnulli in ea sententia, rimam nunquam egredi extra os, in qua plaga facta est, sed contrarium docet experientia. Testatur enim Nicolaus Florentin. *serm. 7. sum. 2. tract. 4. cap. 1.* se hoc obseruasse in quodam artifice, qui funes faciebat, qui cum in capite fuisset percussus, facta in loco contusionis incisione, nihil læsum repertum fuit; tertia postea die cum febris fuisset subsecuta, aperta parte opposita copiosa sanies fuit inuenta. Refert quoque Petrus Pavv, in *anatomico succenturiato*, se vidisse ictum bregmatis os sinistrum, quo loco λαμβονδῆς iungitur, fisso syn-
cipitis osse dextro, idque propè bregma, loco ita vicino coronariæ futuræ, vt in ipsam rimæ pars sese extenderet.

Præterea interdum accidit, vt in externam laminam cranij ictus incidat, eaque integræ maneat; altera verò non solum rimam contrahat, sed & fragmenta, quæ meningem & cerebrum pungunt, de se emittat, quod malum longè periculosissimum est; imò præter cranium & venu-

læ cerebrum ambientes ex aduersa ictus parte, rumpi & aperiri possunt. Inde sanguis effluit, & breui in pus mutatus cerebri substantiam putrefacit & corrumpit; id quod seprehendisse testatur Amatus Lusitanus, *centur. 6. curat. 110.*

Ex his, quæ dicta sunt, tres patet posse constitui contrassuræ modos. Primus est, locus fissus & locus percussus sunt in vno eodemque osse. Secundus, cum eiusdem ossis percussa tabula externa eaque integra manente, interior dehiscit. Tertius modus est, vbi os percussum ab osse fisso futura disternatum est.

Potest huc & alius casus referri, vt ictus scilicet in aliqua parte capitis infligatur, vas autem aliquod in meningum alterutra (sæpius autem in pia matre ob vasorum eius tenuitatem) non ea regione, qua ictus illatus est, sed alia etiam, ad quam ictus non pertigerit, disrumpatur ob concussionis vehementiam. Sic vbi occipitio grauiter percusso sanguis manasset è naribus, conualuisse percussos obseruauit Fallopius. Et contra fronte percussa sanguis sub occiput, ruptis vasis, effundi, ægroque malum lethale afferre potest. Exempla contrassuræ recensent Nicol. Florent. *serm. 7. sum. 7. tract. 4. Cap. 1.* Fallopius *in com. in lib. Hippocr. de vuln. cap. 14.* Paræus *lib. 9. cap. 8.* De loco contrassuræ vide *cap. seq. quæst. 2.*

Atque hæ sunt differentię fracturarum Cranij; quas licet alij aliter recensent & explicant: tamen si Hippocratem & ipsam rei euidentiam consulimus, res plana est.

*Fracturæ
varii cranij
differentia
vnde.*

Pendent enim, vt breuiter ista contrahamus, omnes vulnerati & fracti cranij differentię, tum à telorum, quibus cranium læditur, varietate, tum ab ossis, quod læditur, ratione.

Etenim si telum acutum sit & leue, eoque, seu punctum seu cæsum cranium vulneretur, sit simplex incisio, quæ idem & vestigium dicitur, qua nunc cranium perforatur, quæ in specie punctura dici potest; nunc cæsum læditur, quæ incisio dicitur, nunc etiam particula, si ad angulum obliquum vulnus infligatur, abscinditur, quam dedolationem

tionem appellant; cui læsioni vicina est ea, quæ sclopetorū & bombardarum fit glandibus, quibus interdum aliquid de externa lamina tollitur. Si verò telum sit obtusum & graue, idque incidat in cranium mollius, vel ictus non sit admodum vehemens, cranij contusio accidit. Si verò cranium sit solidius & durius, & ictus grauior, vel rimam contrahit cranium, vel frangitur, & pars aliqua de eo abrum-pitur: Si verò telum non admodum acutum sit, simulque graue, potest fieri aliqua incisio, simulque cranium contundi, deprimi, frangi.

Causæ.

*Fractura-
rarum
cranij
causæ.*

Cranij istæ fracturæ & læsionis omnes à causis euiden-tibus & violentis ortum habent, quæ etsi in Indicationi-bus non considerentur: nonnihil tamen in fracturis de-terminandis, & ad earum quantitatem & qualitatem de-finiendam faciunt.

Cum enim istæ, de quibus hactenus diximus, læsiones omnes sectione, contusione, tensione fiant, in telo confi-derandum pondus, prout graue vel leue: figura, prout la-tum vel angustum, acutum vel obtusum est. Ab acuto enim fit incisio vel punctura; à lato & obtuso contusio vel fra-ctura; quæ omnia curiosè planè persequitur Paulus Ægi-neta, lib. 6. cap. 88.

Considerandus etiam est modus ictus & læsionis, & quod de telo dictum, idem etiam fit, si lapsò ab alto caput re-bus duris illidatur. Si enim id acutum est, incisio fit; si ob-tusum, fractura, rima vel contusio. Et plerumque à lapsu fit contusio, rima vel fractura, eaque maior vel minor, pro-ut casus ex loco alto vel humiliore est, resque cui caput al-liditur, dura vel minus dura. Modus, vt dictum, ictus læsio-nem variat. Si enim æger rectà telo occurrat, siue manu iaciatur siue feriatur, siue quid in ipsum illabatur, siue la-psus offendatur, grauius læditur; minus verò grauiter, si ictus obliquus sit.

Neque hîc solum teli & ictus conditio, sed & ossis habi-litas consideranda. Nam licet nullum os tam firmum sit, quin à causa violenta possit frangi: plurimum tamen inte-resset, an sit validum vel infirmum, durum vel molle.

Quod

Quod enim validum est, non nisi ab ictu vehemen-
tiore & telo grauiore frangitur; quod infirmum, etiam
ab ictu & telo non admodum graui læditur; quod mol-
le, facilius comprimitur; difficilius, quod durum. Con-
sistit autem ossis robur in crassitie, duritie, soliditate,
tegumento: quæ omnia cum clarissime Hippocrates ex-
plicet, ex libro de vulneribus capitis hic recitare libet.
Caluaria, inquit, *media duplex est*; ossaque eius & in sum-
ma parte qua carne tegitur, & ab ima, qua cerebrum mem-
brana contegit, durissima sunt, maximè densa & leuia, sed
cum à summo ad ima discedis ex durissimis & maximè densis
minus densa, mollia magis & caua inuenies, vsque ad inte-
riorem partem, qua inter se connectuntur. Hæc autem maxi-
mè caua est, mollissima & spongiæ similis. Quin & vniuersa
caluaria à summo & ab imo parte exigua excepta, spongiam
repræsentat, plenaque est caruncula similis, madentisque, quæ-
ne si digitis teratur, in sanguinem vertitur. Discurrunt etiam
in osse venulae tenues sanguinis plenæ. Quod igitur ad duri-
tiem, mollitudinem & cavitatem, caluaria sic se habet. Quod
verò ad crassitudinem & tenuitatem ex vniuerso caluariæ osse
id tenuissimum est & infirmissimum, quod inter frontem &
verticem est, idemque paucissima & tenuissima carne tegitur:
Hæc etiam parte plurimum cerebri subest: Quamobrem ubi
vulnus & telum æquale sit vel etiam minus, ab hac parte ma-
gis colliditur, finditur ac desidet, in quo casu res magis ad in-
teritum præcipitat, maiori negotio curatur & vitatur mors,
quàm cum id incidit qualibet alia capitis parte. Ex pari item
vulnere, pari ictu, ubi alioquin plaga lethalis sit, homo ce-
lerius moritur, cum hac parte caluariæ percussus est, quàm
cum alia quauis, quoniam cerebrum inter frontem & verticem
celerrimè ac maximè sentit id malum, quod accepit os & caro.
ex cæteris os temporis infirmissimum est, quod maxilla in tempo-
re cum caluaria committatur, & sursum ac deorsum moueatur
articuli modo, quod iuxta sit item, per quod facultas audiendi
est, quod vena caua & valida per tempus transit. Ex vniuersa
caluaria id, quod post aures & verticem est, robustius est, &
carne continetur copiosiore & altiore, quàm omne id quod à
parte priorè est. Quocirca, ubi vulnera ac tela paria similiaque

omnino sint, atque homo æqualiter vel etiam grauius percutitur hac parte caluaria minus finditur & colliditur. Ac si alioquin ex vulnere homini intereundum sit, noxa in posteriore parte existente diutius trahitur, cum os ob crassitudinem diuturniore tempore pus contrahat, & inferius ad cerebrum transfundat. Præterea hac parte minas cerebri subest, & plerique ex iis, qui posteriore caluariæ parte vulnerantur, plures mortem euadunt, quàm ex iis, qui priori. Hactenus Hippocrates.

Neque solùm ossa pro diuerso situ, verùm ætatis etiam & temperamenti ratione differunt, & in alia ætate & temperamento molliora, in alio duriora & solidiora sunt, atque hinc facilius contunduntur & franguntur.

Signa Diagnostica.

*Fracti
cranij si-
gna &
explora-
tio à
sympto-
matibus.*

Signa hic petuntur primo ab effectibus seu symptomatibus, quæ plagæ superuenire statim solent; secundo à causis: tertio ipse sensus consulendus. Primum frontem quod attinet, caluaria ipsa cum ossea planè sit, sensusque per se expers, neque dolorem, neque aliud graue symptoma excitare potest, sed tantum è membranarum & cerebri compressione, punctura, lancinatione grauias symptomata oboriri solent, de quibus Celsus lib. 8. cap. 4. Pertusa, inquit, caluaria protinus requirendum est, num bilem vomuerit, num oculi eius obscurati sint, num obmutuerit, num per nares auresue sanguis ei effluxerit, num conciderit, num sine sensu quasi dormiens iacuerit. Hæc enim non nisi ossis fractio eueniunt. Quibus addi potest oculorum rubedo, vertigo tenebriosa. Augetur suspicio, si æger in percussione actu stridorem quasi fracti ossis perceperit. De his sunt aphorismi Hippocrat. quibus diuisum est cerebrum, his febrem & biliosum vomitum superuenire necesse est 6. aph. 50. Quibus occasione aliqua cerebrum vehementer fuerit cõcussum, multos protinus fieri necesse est. 8. aphor. 58. propter plagã in capite acceptam, stupor & desipientia malum, 7. aphor. 14. Ab ossis vulnere desipientia, si in vacuũ usq; penetrauerit 7. aphor. 24. Quæ symptomata omnia eueniunt cerebro & eius mēbranis affectis. Etenim cū cerebrum facultatis animalis sedes sit & ab eo spiritus animales omnia sensus & motus organa accipiant, si cerebrũ comprimatur & concutiat, & spiritus

animalis motum turbari eiusq; in organa sensus & motus influxu inhiberi necesse est. Hinc ex spiritu animalis perturbatione vertiginē, ex influxu ac motu denegato lapsu & spontanei motus abolitionem, obcæcationē, obmutescentiā, stuporem, somnumque quasi profundu fieri necesse est. Atq; ubi membranæ cerebri lancinantur, trahitur ventriculus in consensum ob nervos sextæ coniugationis, atque facultas eius expultrix irritatur, ut primum ea, quæ in ipso continentur, deinde bilis, quæ ad motum aptissima est, & vesicula fellis membranacea eadem de causa in consensum tracta facile reiicitur, euomantur. Et cum venæ & arteriæ ad cerebrum tendentes violenter rumpuntur, sanguis ex iis effunditur, qui interdum per os, aures, nares effluit. Signa tamen hæc etsi propria sint, non tamen semper sunt inseparabilia, atque accidere potest, ut etsi cranium fractum sit, nihil tamen istorum appareat; si scilicet fractura sit parua, caput robustum. Quædam etiam horum symptomatum statim inuadunt, ut subitus in terram lapsus, vertigo, caligo oculorum, biliofus vomitus, sanguis è naribus, auribus, palato fluens, *aporia*: alia postea superueniunt, ut convulsiones & epilepsia, febris, delirium, torpor, paralyfis.

Ideoque etiam secundus fons signorum consulendus *Ab ictus* & ictus conditio perpendenda. In quo consideranda, *conditio-* Percutiens, capitis ictum recipientis dispositio & *ne.* instrumenti conditio. Inquirendum nimirum an is, à quo percussus fuit æger, robustus vel imbecillis fuerit, num de industria vel de improviso, cum vehementia vel absque ea percusserit; an directè vel obliquè ictum intulerit; num ex alto vel minus alto loco, num ex propinquo, vel minus propinquo loco percusserit. Nam si qui vulnerat, est fortior, & de industria ac præmeditatus, aut ex loco altiore & recta percutit, is grauius ferit, & os faciliè rumpit, contundit & intrò deprimit. Et qui ex loco altiore in rem duram cadentes impingunt, iis & faciliè os rumpitur & contunditur & introcedit. Qui verò in loco plano cadit, & in rem minus duram impingit, cranium minus affligit.

In eius verò, qui percussus est, capite perpendendum, an debile & robustum sit, durum vel molle, sanum, antequam percuteretur, vel morbosum fuerit, an æger sit senex vel iuuenis: item, qua parte vulnus inflictum sit, & inde de læsionis vehementia coniectandum, ut modò in causis dictum fuit.

Instrumentum tandem considerandum. an nimirum lapide, ligno, ferro, telo percussus sit, & an telum leue vel graue, acutum vel obtusum, durum vel minus durum, æquale vel asperum fuerit. Tela enim rotunda, orbiculata, & plana; obtusa, dura, grauius cranium maxime rumpunt, contundunt, & intrò deprimunt. Tela verò oblonga, tenuia, acuta & leuia magis secant, quàm contundunt.

Per visum.

Tertiò sensus ipse fidissimus testis fracturas detegit, & hic Hippocrates iubet, ut Medicus, antequàm quid tentetur, quo ægrum & adstantes sibi confidentiores reddat, primò capillos consideret. Si enim hi telo sunt dissecti, & in vulnere ipso contineantur, ossis denudati & læsi signum id esse docet. Etenim à lapide vel alio telo cadente proiecto, si extremitas eius in angulum acutum abierit, pili sæpè & conscinduntur, & in ipsam ossis substantiam impinguntur, ut citra rimæ abrasionem euelli non possint. Deinde vulneris conditio attendenda. Nam si vulnus longum sit in syncipite, quia ibi cutis est tenuis & os rotundum, de cranij fractura meritò suspicio suboritur. In temporibus verò etsi vulnus sit longius, tamen quia os ibi depresso & planum est & caro multa, os ibi fractum esse non ita facile suspicandum.

Per specillum.

Verum certior explorandi modus est per specillum. Itaque quæ plaga est specillum immittere oportet, neque nimis tenue & acutum, ne cum in naturalem quandam foueam inciderit, opinionem fracti ossis frustra exhibeat, neque nimis crassum, ne exiguæ rimulæ fallant. Vbi specillum os attigit, si nihil asperum, sed omnia leuia apparent, integrum os habetur. Si verò loco extra futuras asperi quid occurrat, fractum os esse indicio est. Sutura verò, quæ & ipsa aspera est, fallere potest & pro rima haberi,

Et quamuis futuræ plerumque naturalem suum locum habeant: tamen cum is non semper sit ita planè certus, ne fallamur, & futuram pro rima vel contra habeamus, tutissimum est, os nudare, & plagam diligenter explorare. Verùm si in ipsis futuris sit vulnus, longè difficillimum est fissuram cognoscere, vt pluribus docet Hippocrates, *l. de vulner. cap.* & suo exemplo, qui *l. 5. epidem.* se hoc modo deceptum, idque cum vulnerati pernicie ingenuè fatetur. Sutarum enim loco cranium natura sua fissum est. Itaque si his locis leuior incidit fissura, facilè pronaturali fissuræ plaga habetur, seu visu, seu specillo id explores; ideoque diligenter omnia animaduertere oportet, & teli conditionem attendere; cum à simili telo eiusdemque magnitudinis, aut etiam minori ictu atque graui vel etiam leuiori multò magis homo lædatur, si telum futuras attigerit, quam si alias partes.

Celsus specillo contentus non est, & licet nec minima *Per atramentum* rima appareat, tamen si ex tali vel ictus conditione & *scriptorium.* symptomatibus superuenientibus de fractura cranij suspicio sit, ossi atramentum scriptorium (quod ex sola galla fieri potest, si vitrioli acrimonia metuatur) medicamento mistum inducere iubet, & postea os radere. Quod enim fissum est, quia nigrum colorem in se recipit, nigrum manet, reliquum album naturalem colorem rasura adquiret.

Hanc autem fissuram hoc modo deprehensam porro secundum profunditatem radere oportet. Si enim rasione nigredo omnis eximitur, indicio est, fissuram minorem esse: Si verò deleri potest, ad profundiora peruenit. Quæ ex Hippocrate mutuatus est Celsus *l. 8. c. 4.* qui vult, vt primò ossi nigrum aliquod medicamentum imponatur, secundò linteam oleo imbutum supra extendatur, tertio cataplasma ex maza superponatur, & postridiè resolutò vulnere caluaria radatur. Nonnulli hoc modo fracturam explorant.

℞. Thuris, ladani, cere, an. ʒ. iv. terebinthina, farina fabarum an. ʒ. ij. Omnia simul imponantur. Si postridiè aliquo in loco medicamentum fuit exsiccatum, ibi fracturam

esse censent. Alij hoc imponunt.

℞. Cera noua, flaua, thuris, santali, an. ℥. ij. terebinth. aceti, farina fabarum, an. ℥. j. M. ad ignem fiat emplastrum.

Fallopius scribit, eo loci vbi cranium contusum est, quasdam maculas seu puncta alba instar eorum, qui in vnguibus apparent, conspici. Os enim contusum post duos vel tres dies adhuc viuit & nutritur. Post tertium autem diem sanguis, qui in partibus contusis est, exhalat, ideoque cessat rubedo.

His addiderunt alij & alia. Iubent nimirum vt æger filum vel funiculum dentibus apprehensum altera extremitate teneat, altera verò Chirurgus eum fortiter intendat, & intentum manu percutiat, aut vt aliquid, quod durum est, frangi tamen facile non potest, dentibus frangere conetur (Hippocrates in Coacis caulem asphodeli vel ferulam masticare iubet. Videatur Duretus in Coacis l. 3. tract. 2. aphor. 6.) Dum enim hoc modo vel funiculus percutitur, vel in frangendo dentibus re dura laborat æger, ipsum facile locum affectum & cranij partem fractam deprehensurum, atque ibi stridorem vel strepitum percepturum existimant. Scribit tamen Ambros. Paræus l. 9. c. 2. etsi vtrumque sæpius tentauerit, signorum tamen horum veritatem experientia comprobare non potuisse.

Signa
contra-
fissura.

Signa verò Infortunij ab Hippocrate appellati seu contrassuræ quod attinet, si quis grauiter percussus vel lapsus sit, & symptomata supra enunrata adsint, rima tamen nulla in parte læsa appareat; in parte vicina vel opposita diligenter inquirendum. Etenim in aliis partibus vulnus cicatrice obducitur, in ea verò, in qua est latens fractura, nullo modo: Caro quoque ibi mollior, tumidior & flaccidior apparet; sanies, quæ è vulnere effluit, copiosior est, quàm pro vulneris magnitudine. Per interualla febricula quædam percipitur; & si stylus immittatur, cutis à cranio separata reperitur. Imò etsi cutis sub loco fracto integra sit: tamen si raso diligenter capiti emplastrum ex pice cum liquida tum nigra, cera, terebinthina, puluere ireos & mastiches imponatur, locus cutis in quo fractura est,

est, humidior & mollior apparet: æger etiam nihil tale cogitans cogitur subinde manus ei cranij parti admouere.

An autem vtraque lamina cranij fissa sit, vel externa solum, hoc modo præter rasuram deprehenditur. Primum æger ore ac naribus obturatis, spiritum comprimatis; si vtraque lamina est fissa & fracta, humor vel spiritus cum ipso mixtus per rimam egreditur. Quod tamen in osse nudo saltem locum habet. In tecto verò ex auditu id cognoscitur, cum mandendo fortiter strepitus exauditur, vtraque ossis parte diuisa.

Deinde iubent, vt puluis mastiches albumine oui excipiat, & in linteo extensus rimæ applicetur. Si enim postridiè medicamentum ea parte, qua rima est, sit magis, quam alibi, siquum; indicio est, rimam ad membranas cerebri penetrare; cum calor expirans medicamentum siccat. Si non penetret, etiam tale nihil adest. Tandem, si vt dictum, atramentum scriptorium rimæ illinatur, & cranium abradatur, quamdiu nigredo apparet, facile quousque rima penetrat, deprehenditur.

Si dura mater sit vulnerata, aut ab aliquo officuli fragmento pungatur, præter bilis vomitum, casum, occæcationem, vertiginem, torpor accidit, mens non constat, neruorum resolutio vel conuulsio sequitur, febris adest continua. Videatur etiam Celsus l. 5. c. 26.

Prognostica.

1. Si cranium quocumque modo læsum sit, periculo non vacat, nec contemni vulnus debet; etiam vbi omnia benè sese habere videntur. Scribitque Ambros. Paræus, l. 9. c. 13. & à veteribus proditum & experientia confirmatum esse, in cranij fractura neminem extra periculum positum censi debere, nisi post exactum diem centesimum. Quod & Hippocrates in præmio lib. de Vulner. capitis monuit. Minus tamen periculi est, si externa saltem tabula læsa sit; & minus adhuc, si incisa solum: contusio verò magis periculum coniunctum habet.

2. Si verò vtraque lamina diuisa sit, & tota caluaria aperta, magis periculum adest. Minus tamen periculi est, si sedes sit aut fissura lata & ampla: maius, si sit angusta:

*Fractura
rarum
cranij
prognostica.*

adhuc maius, si sit contusio & rima; & præcipuè si sit rima angusta: maximum, si rima sit in alia parte ab ea quæ ictum excepit. Etenim etsi rima sæpè sit tam angusta, vt sensum exiguitate fallat, tamen pluribus mortis causa fuit, teste Ægineta: cuius rei historiam recitat Valleriola in *append. loc. com. c. 15.* Quanquam non tam ob rimam ipsam, quam ob sanguinem supra cerebrum effusum ægri periclitentur. Periculumque auget, si non constet, qua in parte fractura sit, & quod sæpè osse extra integro, nihilominus ossis aliquod fragmentum ab interna tabula separatum sit, quod dum membranas pungit, grauissimorum symptomatum & sæpè mortis causa est.

3. Maius adhuc periculum est, si præter cranium & dura mater, maximum si simul tenuis membrana & cerebrum læsa sint, & quo vulnus profundius penetrat, eo periculosius est.

4. Vt autem hæc clarius pateant, & quantum periculi quodque vulnus habeat, appareat, aeris ambientis conditio & regio, locus vulneris, conditio, capitis dispositio, & ea, quæ superueniunt, symptomata consideranda. Et aërem quidem quod attinet æstate capitis vulnera sunt periculosiora, propter inflammationis imminentis metum. Hieme quidem etiam ob frigus, quod tamen aëre igne temperato faciliè euitari potest. Etsi homini ex vulnere moriendum est, hyeme, quàm æstate, viuet diutius. Calor enim tempore hyberno vegetior est, ac æstate humores citius incalescunt & putredinem concipiunt.

5. In humida regione plus periclitantur ægri, quàm in sicca; cum cerebrum ab humidis faciliè offendatur. Hinc in nonnullis regionibus vulnera capitis etiam à Chirurgis non satis peritis feliciter curantur. Id quod sæpè in Germania accidit. In aliis verò etiam à peritissimis Chirurgis tractata ferè omnia sunt lethalia: Id quod Neapoli, Florentiæ, & Bononiæ accidere solet. Fracturæ etiam & vulnera capitis in plenilunio inflicta periculosiora sunt; cum tum corpus & caput magis humoribus abundet.

6. Vulnus, quo cerebro vicinius eo periculosius, &
ex

De sol. unit. cran. sine mening. & cerebr. vul. 199
ex cerebro vulnerato maius, quàm ex vlla capitis parte,
periculum imminet.

7. In occultis rimis & contusionibus etiam non parum periculi affert, quod quæ inter duas tabulas est medulla compressa, aliquid sanguinis effundit, qui eo loci putrescens, ossis inflammationem & corruptionem affert, vt interdum non solum aliquot post acceptum ictum septimanis, sed & mensibus nihil malè suspicans æger moriatur; cuius rei notabile exemplum habet Petrus Pavv. *in comment. in libro Hippocrat. de vulnerib. cap.* de quodam poculo stanneo in capite percusso, in quo nihil fissi deprehensum est, consolidatoque vulnere æger bene se habere persuasum habens, post decimum mensem inter deambulandum vertigine correptus concidit, neque diu post obiit. Aperto cranio deprehensum est, os loco ictus planè computruisse, & meningem in consensum traxisse.

8. Vulnèra in sincipite & bregmate valde periculosa sunt. Nam os illud debilius & tenuissimum est, carne tegitur paucissima, & cerebrum eo loci copiosius; vt Hippocrates, *lib. de vuln. cap.* habet. Reuera tamen cerebrum hoc loco, quam alio magis abundare non videtur: Sed cerebrum hic magis arcuatur & attollitur, vt conuexam cranij partem repleat (quod forsàn etiam intellexit Hippocrates) vicinius etiam cranio, ac proinde hoc loco facilius, quam aliis ab externa violentia lædi potest. Præterea quocumque modo æger decumbat, saniei non datur commodus effluxus. In posteriore capitis parte vulnèra se contrario modo habent: quia ibi os est firmitus. Quæ in anteriore sunt parte, medio modo sese habent, cæteris paribus. Licet enim & ibi cerebrum sit copiosum; os tamen satis crassum est, & præterea viæ ad sunt expurgandæ materiæ per nares & aures. Ideoque dum tela æqualia sunt & vis æqualis: tamen semper grauius afficitur os capitis anterioris, quàm occiput. Et vulnerato occipite plures euadunt, quàm in aliis capitis partibus. Et si ex occipitis vulnere homini moriendum est, vitam diutius trahit. Nam propter ossis crassitiem noxa tardius cerebro commu-

N ; nicatur,

nicatur, & longiore interuallo pus generatur & colligitur.

9. Sicut ipsius ossis læsi ratione nulla periculosiora sunt vulnera, quam quæ bregmati infliguntur: ita in temporibus vulnera valde periculosa sunt, ob musculos temporales, in quibus venæ, arteriæ & nervi disseminantur, quibus arctè cerebro tempora connectuntur, & propterea iis læsis, hæmorrhagia, convulsiones, deliria, carus & alia symptomata accidunt. Neque propter musculos os ibi commodè nudari & secari potest. Quibus accedit, quod maxillæ inferiori detrimentum affertur, eiusque motus impeditur ob læsum temporalem musculum, qui maxillæ motui addictus est, & auditus organo vicino damnum facile afferre potest. Videatur historia huius rei apud Guilelm. Fabric. cent. 2. observ. 8.

10. Sunt quoque vulnera periculosa in futuris, cum propter cranij eo loci imbecillitatem, tum propter duram meningem, quæ fibris ibi annectitur. Et sanies per futuras è vulnere facile in duram matrem destillat.

11. Minus periculosum vulnus est, quod cæsum factum; magis, quod punctum; maximè, quod cum contusione. Contudentia enim præterquam, quod osse depresso cavitates cerebri comprimunt, etiam complura alia mala inferunt, quæ ob cutis integritatem oculis non sunt obvia, qualia sunt, torius medullaris cerebri substantiæ concussio, squammulæ alicuius ex cranij interna parte membranas cerebri pungentis abscessus, ruptio denique nervi alicuius molliusculi, vel venæ vel arteriæ.

12. Rima quò latior est, & statim primis diebus apparet, eo minus periculosa: Angustæ verò rimæ, & quæ non apparent, magis periculosæ sunt. Etsi externa saltem lamina findatur, rima periculo vacat: periculosum verò est, vbi utraque lamina fissa est: cum sanies tum in duram matrem decidere possit: periculosissimum est, si solū interna lamina findatur; cum rima illa lateat & in conspectū non veniat, præcipuè si festuca aliqua membranas pungat. Valdè etiā periculosa est fissura, si cum depressione coniuncta sit, & ossis pars avulsa subiectum cerebrū premat.

Periculosissimum vulnus est, si rima in alia parte sit, quam qua percussa est, & vas aliquod intus in parte aliqua, quam ignoramus, rumpatur.

13. Periculosæ etiam sunt cranij depressiones, & sæpe neglectæ mortem afferunt, cuius rei exempla annotauit Guilelm. Fabric.^{cent. 2. obseru. 3.} vbi etiam rectè Felicem Vvirtz refutat, qui in sua Chirurgia *cap. 7.* statuit, non multum laborandum esse in cranio depresso eleuando, sed negotium totum naturæ committendum esse, & parum referre, etiamsi fouea remaneat. Etsi enim in infantium & mollioribus capitibus hoc locum habere possit, & idoneis emplastris adhibitis, vt supra dictum, cranium natura coopitulante restitatur: tamen in siccioribus & durioribus ossibus omninò eleuatione cranij opus est. Spatium enim inter cranium & mumbranam est satis exiguum, vt eo depresso & cerebrum lædi, & motus eius impediri possit. Imò etsi ab initio grauiora symptomata non superueniant: tamen curatione neglecta, & cranio depresso incuruato manente, stupiditas ingenij incurabilis sequi potest, vt id obseruatione peculiari docuit Guilelm. Fabric.^{cent. 3. obseru. 21.}

14. Maius adhuc periculum est, si præter cranium etiam dura membrana, quacumque sui parte (præcipuè autem media capitis parte,) vbi sinum illum sanguine refertissimum (torcular vocant) constituit, quo loco sauciata omnem illam intercapedinem, quæ inter cerebrum & duram matrem interiacet, adimplet, cum præsentaneo mortis periculo. Maximum periculum est, si simul tenuis membrana & cerebrum læsa sint: & quo vulnus profundius penetrat, eò periculosius est. Cerebrum enim aëri expositum faciliè corrumpitur, & à sanie defluente læditur ac putrescit. De quo Hippocr. 6. *aph. 18.* Vesica discissa aut cerebro, aut corde, aut septo transverso, aut aliquo ex tenuibus intestinis, aut ventriculo, aut iecore, lethale est. Vbi, vt Galenus in comment. monet, lethale non mortem necessariò inferens significat, sed etiam periculosum.

Neque enim omnia vulnera cerebri necessariò mortem
affe

An cere-
bri vul-
nera om-
nia sint
lethalia.

afferunt; sed ea solùm, quæ profundiora sunt. Ac vt in aliis, ita etiam in capitis vulneribus sæpe quasi miracula fiunt, & qui planè desperati videbantur, præter spem conualescunt. Ideoque vulnerati sine auxilio nunquam relinquendi nec deferendi. Vidit ipse Galenus vulnera talia curari 8. de usu part. 10. 6. aph. 18. Exempla quoque habentur Valleriolam, l. 4. obseru. 10. l. 5. obser. 9. l. 6. obseru. 4. Guilel. Fabric. cent. 4. obseru. 1. 2. 3. & longum catalogū medicorum, qui vulnera cerebri sanata viderunt, recenset Ioan. Andr. à Cruce de vulner. lib. 1. tract. 2. cap. 14. de cerebro sauciato. Imò obseruatum est, particula cerebri amissa ægrum nihilominus conualuisse: cuius rei historiæ variæ annotatæ à Medicis, Anton. Musa Brassa vola com. in Hipp. aph. 18. l. 6. Nicolao Massa l. 1. epist. 11. Fallop. de curand. vuln. 45. Francisco Arcæo de curand. vulner. l. 1. c. 6. Ioan. Andrea à Cruce l. 1. de vulner. tr. 2. cap. 14. Ambrosio Paræo lib. 9. cap. 22. & aliis, quæ pleraque collegit Schenck. lib. 1. obs. 40. 42. Notatu etiam dignæ sunt historiæ de priculosissimis cerebri vulneribus, quæ extant apud Cabrolium obseru. 16. 22. & 34. Henric. Petræum tom. 2. Diss. harmonic. diss. 36. quæst. 10. Dum hæc scribo, offertur mihi & cheirurgo faber lignaritus curandus, qui in osse sinistro ad futuram coronalem securis ex alto proiectæ acie vulnus pollicis ferè longitudine in cerebrum penetrans acceperat, ita vt particula cranij effracta statim eximi posset, & cerebri portio nucis iuglandis ferè magnitudine propenderet. Conualuit tamen, cerebri illa portione extra propendente sensim abscedente. Et quod mirum est, toto morbi decursu nec de dolore capitis, nec de vlllo symptomate conquestus est, & ambulare sine vlllo impedimento potuit. Ad vulnus curandum vsurpatum vnguentum Guilelmi Fabricij, quod infra describetur, cui Chirurgus aliquid interdum pulueris cephalici admiscuit, & Emplastrum de betonica,

15. An autem ex vulnere cerebri conualiturus sit æger, ex virtutis robore & morbi vehementia diiudicandum. Si enim naturæ robur sit magnum, & calor innatus sese rectè habeat, sæpe etiam periculosa capitis vulnera præter spem

sanantur : Contra ubi vires deficiunt, & calor est imbecillius, malum est indicium, præsertim si praua symptomata statim accedant. Et quo pars, quæ læditur est nobilior, & quo læsio maior est, eò vulnus periculosius est.

16. Quo caput vel natura vel ex morbo; vel ex ætate est debilius, eò vulnus periculosius est. Hinc in senibus vulnera capitis sunt periculosiora; minus iuuenes & mediæ ætates periclitantur. Nam & calor in senibus est debilius, sanguisque minus laudabilis & serosus, minus aptam vñioni & adglutinationi materiam præbet. Infantes verò & pueri etsi ossa habeant molliora & sanguine bono humentia, ac propterea ex sese facilius sanantur: superuenientium tamen symptomatum ratione, & quod putredo in corpore calido ac humido faciliè excitatur, satis suspecta sunt.

17. Si caput destillationibus obnoxium, aut æger erysipelata in capite pati soleat, aut corpus lue venerea infectum aut omninò cacochymicum, aut hæctica febre, vel tabe, vel alio morbo consumptum, vulnus periculo non vacat. Cum enim ad vulnus vniendum naturæ robur & bonus sanguis requiratur, vtrumque deest in hæcticis, & morbo vel tabe consumptis; bonus verò sanguis in cacochymicis. Periculosum etiam est, si quis in capite post venieris actum vulneretur.

18. Symptomata quod attinet, duo eorum genera sequi solent, vnum eorum, quæ affectus cerebri substantiæ & partium vicinarum sequuntur, qualia sunt, conuulsio, paralysis, delirium, sopor, stupor, febris & similia, quæ in toto apparent; alterum eorum, quæ ob repentinam spirituum animalium agitationem, turbationem, & dissipationem proueniunt, qualia sunt voce priuari, non videre, non audire. A quibus symptomatibus aliquando ad se redeunt ægri, sine vllis grauib. symptomatibus superuenientibus, quando scilicet, nec cranium fractum, nec neruus, venæ aut membrana aliqua cerebri rupta est: aliquando verò ad se non redeunt, vel si ad se redierint, in grauissima symptomata incidunt, ubi nimirum partium harum aliqua læsa est.

19. Itaque quæ initio vulneratis accidunt symptomata, minus terrere debent quàm quæ perseverant, vel postea superueniunt. Cum enim fiant saltem ob dolorem, hæmorrhagiam, aut spirituum animalium turbationem, lethale vulnus non significant. Quæ verò vel permanent, vel quarto, septimo die aut deinceps, quo tempore omnia in melius mutari oportebat, accidunt, periculum portant, & saniei collectionem, putredinem vel simile quid adesse significant.

20. Si nullum prauum symptoma adsit, vulnus quidem periculosum dicendum est, non tamen lethale, modo medicus & ægro adstantes singuli suum officium faciant. Et quod de aliis morbis acutis dicitur, id & hîc locum habet. Si æger quiescat, mente constet, somnum capiat, facile spiret, siti non vrgeatur, cibum non fastidiat, non doleat, si febris absit vel desierit, pus album sit, leue, æquale, non foetidi odoris, conuenientis quantitatis, si ægri facies sit similis bene valentis & sui potissimum, si membrana sit mollis, sui coloris, liberè moueatur, caro increescens rubicunda, ac ceruicis & maxillæ quietus & facilis motus bene prælagire licet, etsi vulnus magnum sit.

21. Si per vulnere capitis initia febris oboriatur quarto aut septimo die, id à puris generatione fieri putandum est, nec adeò periculosum est. Dum enim pus fit, dolores ac febres accidunt, 2. aph. 47. Si verò post septimum & eo tempore, quo iam terminari debet, incidat, periculosum; cum putredinis in cerebro, meningibus aut cranio sit indicium. Præcipuè si alia etiam adsunt signa, quæ putredinem adesse simul attestentur, vt pallidus & subflauus vulneris color. Perpendendum tamen hîc, an febris sit ab Erysipelate: tum enim minus periculum coniunctum. Cognoscitur autem ab Erysipelate & biliosæ materiæ cõfluxu febrè ortam esse, si cum rigore inuadat, tertianæ typum præferuet, atque sudore terminetur paroxysmus; Si vulneris labia subtumida sint, vnaque tota facies, si ceruix & maxilla adeò rigeant, vt vix caput moueri & os diduci possit, si mordicans & pungens dolor & calor maior, quàm ab inflammatione.

22. Si vulnus aridum & siccum salitarum carniū in-
star appareat, & vulneris labia depressa & non tumida
sint, nihilque saniei vulnus emittat, & liuidum ac citri-
num appareat, periculosum est. In vulneribus enim ma-
gnis si tumores non superueniant, malum: Hippocrat. 5.
aph. 66.

23. Si capitis vulnere tumor superueniens statim euanes-
cat; malum: nisi fiat id ob euacuationem aliquam per pur-
gationem, phlebotomiam aut resolutionem. Hippocr. 5.
aph. 56.

24. Si os initio nigrum euadat, mors prædicenda &
timenda.

25. Propter plagam in capite acceptam stupor aut de-
sipientia malum, 7. *aph. 14.*

26. Si os purulentum euadit & pustulæ per linguam
exoriuntur, & lingua præ siccitate finditur & denigratur
ex acris saniei per palati foramina in linguam delapsu, ra-
rò euadunt ægri.

27. Si æger delirat, si memoria aboletur, si lingua est in-
cōtinens, si caligāt & obscurantur oculi, si aures obsurdes-
cunt, si æger in lecto iacet immobilis vel ex eo se præcipi-
tem vult dare, si vrina & alui excrementa supprimuntur, si
paralytis aut conuulsio accedit: omnia ista vulnus lethale
inducant.

28. In omnibus capitis partibus facillè caro regenera-
tur & inducitur, excepta frontis ea parte, quæ paulum est
super interstitium superciliorum, vt interdum per omnem
ætatem vlcus ibi maneat. Est enim eò loci cavititas, quæ ad
nasi cribrosa ossa pertingit, & excrementa, quæ alioquin
per nares & oculos efferuntur, eò confluunt. Ambr. Paræus
lib. 9. c. 12.

29. Vrinæ quoque perturbatæ, quales iumentorum,
cum maximam humorum corruptionem ostendant; nec
non albæ & perspicuæ, vtpote bilis flauæ ad caput motum
significantes, periculosæ sunt. Obseruauit etiam Ioa. And.
à Cruce, vt *tract. 2. de vuln. lib. 1. cap. 5.* refert, eos, quibus
diarrhoea, dysenteria spōte superuenerit, ferè omnes peri-
clitatos fuisse, ac quàm plures etiā, qui pollutione yexātur.

Curatio.

*Cranij
fracti cu-
ratio.*

Si cranium læsum sit, quocumque etiam modo, corpus euacuandum in corporibus plethoricis & cacochymicis. In eiusmodi enim corporibus etiam, quæ leuia sunt vulnera ob humorum copiam praua attrahunt symptomata; multò magis verò id accidit, in magnis. Imò in omnibus vulneribus capitis euacuatio necessaria est, in quibus sectione, dilatatione, ossis abrasione opus est, & causa adest, ob quam affluxus humorum metuatur.

Ideoque primum & protinus prima die vena aperienda, cephalica vel communis, modo vires id permittant, ut affluxus tenuioris sanguinis ad caput impediatur, & sanguinis tantum euacuandum, quantum eius copia requirit, & vires ferunt, & prout ex vulnere, parçè & copiosè effluxit; aut si venam aperire non liceat, cucurbitæ scarificatæ dorso applicentur, & scapulis, vel etiam lumbis.

Deinde corpus euacuandum medicamentis idoneis; & in primis bilem ac serum, quæ ut mobilia faciliè ad caput feruntur, purgantibus, plurimumque omninò utilitatis in vulneribus capitis purgatio rectè instituta habet. Conueniunt hîc syr. rosar. & violar. solutiuus, pulpa tamarindor. myrobolani, præsertim citrinæ infusæ vel decoctæ, cum humorum ad caput motum impediunt & caput roborent. Neque inutile est Rhabarb. (alioquin quidem vaporosum & capitis affectibus minus commodum) infusum in decocto myrobolan. citrinar. & admisto syrupo rosarum solutiuo, vel pulpa tamarindorum. Vel iniiciatur hîc clyster.

℞. Rad. pæon. ʒ. j. parietar. maluæ, althææ, betonic. maior. byssopi, an. M. j. sem. anisi, rutæ, pæoniæ, an. ʒ. ij. flor. stæchad. Arab. chamæmel. an. P. j. Coquantur in aq. simpl.

Colat. ℞. l. j. elect. diacathol. fndi maioris an. ʒ. vj. olei liliorum alborum ʒ. ij. rutacei, mellis anthosati, an. ʒ. j. salis ʒ. ʒ. F. clyster.

Non tamen medicamentâ purgantia sint nimis lenia; cum ob humorum ad caput motum in vulneribus capitis aliud plerumque adstricta sit. Ideoque syrupo rosarum vel

viola

violarum solutiuo & lenibus istis medicamentis in robustioribus 3. j. vel 3. ij. Electuarij rosati Mesuæ vel de succo rosarum addere vtile est, cum aqua vel decocto cichorei.

Clysteres quoque sæpius repetere conuenit, vt vapores à capite reuellantur.

Exhibenda præterea biliosos humores alterantia, & quæ calidorum vaporum ad caput motum impediunt, caputque roborant. Vt *syrup. rosac. myrtinus, de endiuia, granatorum, de betonica*, quæ simul serum sanguinis subducit, vrinamque mouet, cum *aquis vel decocto hordei, betonica, cicbory, plantaginis, conserua iterum rosarum.*



Ipsam verò vulnus quod attinet, potest, vt ex superioribus patet, id variis modis fieri. Si enim vulnus fiat ab instrumento incidente vel pungente, non potest cranium lædi, nisi cum vulnere cutis: Si verò à contundente, potest id fieri etiam sine cutis capitis vulnere, & cum eo. potest quoque vulnus vtramque laminam penetrare, vel alteram tantum. De his ergo ordine dicendum.

Et primò quidem si cutis vulnerata sit & satis pateat, labiaque, quantum opus, diduci possint, sectione nulla opus est; sed aut digito, aut vnguibus, aut instrumento obtusam aciem ex altera parte habente membrana ab osse diuellenda, sic vt labia æqualiter, & quantum satis distent.

Si verò cutis non satis pateat, latius aperienda, donec *Pericranij sectio.* fissura tota in conspectum veniat, & in primis hinc cauendum, ne quid de pericranio integrum relinquitur. Terebra enim vel scalpello postea laceratum dolores & inflammationem excitat, & malum facile cerebro communicat. In pericranij autem sectione id monendum, tunc eam solum tentandam, cum suspicio est læsi cranij, aut insignis est contusio sanguinem concretum continens. Aliàs verò non sine causa doloribus affligi æger debet. In pueris etià non facile hæc sectio tentanda & sanguinis profusione ac dolore vires ea ætate debiles deiciendæ, sed potius opera danda, vt conuenientibus topicis materia discutiatur.

Sectio verò cutis ea plerumque commodissima est, si *Sectio cu-*

is capi-
tis quo-
modo in-
stituenda.

chirurgi opéra fieri debet (Nam quæ ex vulnere est , necessario talem habemus , qualem accipimus) quæ duabus transuersis lineis crucis , siue litteræ X. figuram exprimit , præsertim cum fractura aut depressio magna est . Aliàs hæc sectio non semper necessaria est , sed etiam rectam à latere vulneris ipsum vulnus , ita vt anguli recti constituantur , ex linea recta ducta supra rectam , inprimis si vulnus sit rectum vel oblongum instituere licet , hoc modo  vel trigonam  Sanguinis postea fluxui & dolori succurrendum lineamentis vel albumine oui , vel vino austero madidis .

In sectione autem musculi temporales vitandi , quantum fieri potest , cum & nervosissimi sint , & cerebro vicini , & inflammationes , deliria & conuulsiones afferre solent . Vitandæ quoque sunt futuræ , cum eo loci fibræ duræ matris pertranseant , & ad latera futurarum sectio faciendâ . Scribit tamen Ioannes Andr. à Cruce *trâct. 2. de vuln. lib. I. c. II.* se necessitate cogente & in temporibus & in futuris felici euentu sæpè sectiones molitum esse , statuitque consultius esse , aliquid nonnulla cum fiducia vel cum periculo facere , secutusque est hac in re Celsus qui scribit , urgente necessitate , & si accidentiû magnitudo impellat , etiam temporum incisionem faciendam , sed iuxta villorum progressum .

In vulnere etiam frontis cauendum , ne sectio fiat per transversum . Etenim si musculus , qui palpebram attollit , per transversum secetur , palpebra decedit , nec oculus aperiri potest , atque hoc modo visio læditur : sed sectio à parte inferiore sursum versus faciendâ . Neque etiam sectio nimis ampla faciendâ ; non solum quia turpitudine ex cicatrice maiore oritur , sed pars denudata etiam imbecilla redditur . Ideoque tanta solum , quanta ad plagam detegendam opus est , sectio faciendâ .

Hinc ad os læsum accedendum . Cum verò cranium variis modis lædi possit , vt supra dictum , de iis ordine dicemus .

Et primò de fissura, in qua externa solum lamina læsa, interna integra manente.

Fractura detecta & denudata, scalp pro, seu plano seu *Fissura incuruo*, seu cauo os deradendum, quamdiu vestigium *crani in aliquod fracturæ apparet*, de quo *in lib. 5. Inst. part. 1. sect. externa 2. c. 8.* dictum. Quia enim in rima necessario aliqua sanies *solum la. mina.* colligitur, quæ è super positis partibus defluit, & os atque subiectam membranam facile corrumpere potest, dera-
fione ossis eiusmodi saniei collectio impeditur. Deindè quia labia in osse plerumque inæqualia & aspera sunt, ac dolorem pariunt, neque caro cum iis facile vnitur: asperitas omnis deradendo tollitur. Tertiò etiam in cognitionem fracturæ peruenimus & quam profunda sit radendo cognoscimus.

Vt autem de profunditate fissuræ certius constet, primò super os aliquid nigri coloris medicamentum liquidum, vel atramentum scriptorium imponendum, ac vulnus siccis lineamentis implendum, & cataplasma dolorem leniens imponendum. Postridie soluto & purgato vulnere os deradendum. Tum enim fissura, quæ nigrum medicamentum in se suscepit, nigra apparet, os verò reliquum album. Os ergo tamdiu vel vna vice, vel pluribus vicibus deradendum, donec tota rima aboleatur, & os totum album appareat, & sanguis instar lacrymarum extillare incipiat. Non tamen sine causa quis hic dubitare posset; An opus sit (præcipuè in nostris regionibus, in quibus capitis vulnera non ita periculosa sunt, vt in multis locis in Italia) ita curiosè semper fracturas rimari, præcipuè non penetrantes, & tam accuratè radere. Si enim, vt postea dicetur, Galenus, *6. Method. med. c. 6.* rectè monet, & ipsa experientia confirmat, fragmenta ossium longius excurrentia, vsque ad finem prosequenda non esse, cum nulla inde noxa sequatur & tales ossium rimas natura sponte, vt in aliis ossium fracturis consolidare soleat: cur non etiam in his fracturis, vbi non totum cranium, sed superior saltem lamina fracta est, idem fieri possit?

Vid. quæst. 3. cap. seq.

Figuræ scalp prorum videantur apud Ioan. Andr. à Cru-

ce, & Ambros. Paræum, l.9. c.4. Antequam autem os radere incipimus, vulnerati aures aut lana, aut gossypio aut carptis linamentis obturandæ sunt, ne ex rasura molestiam aut strepitum æger percipiat; ægri quoque caput ab astantibus immobile tenendum.

Dum verò raditur, vulneris labia puris linamentis munienda, ne à scalpro vel aëre lædantur.

Scalprum verò, ne attritu longo incalescat & os inflammet, vel in oleum rosaceum, vel aquam rosaceâ sapins immittere, vel quod commodius, immutare oportet; cum aliàs etiam scalpria permutanda sint. Ideoque scalpella & numero multa & magnitudine differentia in promptu habere oportet.

Post rasuram & ossis & cutis vulneratæ ratio habenda. Et si verò & regeneratio partis deficientis, & rimæ & cutis coalitus naturæ opus sit, adiuuanda tamen ea medicamentis. Et primò quidem pulueres cephalici supra propositi imponendi, nec pingue quid cranio imponendum. Delectus tamen hîc medicamentorum habendus. In vulnere enim exiguo & corpore humidiorè & molliorè sufficit thus: in maiore & ficiore manna thuris vsurpanda: Si vulnus sit fordidum, & corpus valdè ficcum, myrrha & alia valentius siccantia vsurpanda. Et tempore quidem frigido calida vsurpanda, iris, aristolochia: Tempore verò æstiuo sanguis draconis, cornu cerui. Supra os pulueres, linamenta sicca imponenda (quæ etiam in principio, si pulueres illi non in promptu sint, semper cranio imponenda) supra linamenta verò tandem digestiua vnguenta dicta, cutis & labiorum vulneris gratia applicanda; In primis verò in capitis vulneribus laudatur resina abietina cum modico oleo rosaceo, & sunt supra etiam talia proposita.

Vt verò post rasionem inflammatio aliqua non excitetur, interdum anodynus vti oportet, & proinde partes circa vulnus oleo rosaceo calido fouere; deinde linteam vino calido, in quo rosæ & betonica cocta sint, madidum imponendum, quod totam partem oleo inunctam complectatur. Aut si inflammatio iam immineat, cataplas-

ma ex farina hordei & rosæ cum posca imponendum. Apparente iam pure ad detergendum vna & altera vice melle rosaceo vel solo, vel cum dicto vnguento misto, vtendum, prout puris maior, vel minor copia est. Nam si copiosum sit pus, solo melle rosaceo vtendum. Vulnere deteriso farcoticum medicamentum supra pulueres imponendum, vt vnguentum Basilic. de betonica, de matrisyluia.

Tandem vulnere carne repleto vel siccis linamentis, vel emplastro diapalma, vel alio conuenienti cicatrix inducenda.

Curatio fracturæ cranij, quæ utramque laminam penetrat, siue tamen membranarum læsione.

Si verò maior sit cranij læsio, quam vt externa solum *Fractura cranij laminæ utriusq.* lamina fissa sit, videndum, qualis sit fractura. Potest enim tantum esse fissura, vel simul ossis depressio & fractura, vel etiam contusio. Si sit simplex vtriusque laminæ fissura, sed sine membranarum & cerebri læsione, curanda est, vt mox dicetur. Si verò cranium simul depressum sit, eleuandum, vt in *Instit. lib. 5. part. 1. sect. 2. cap. 5.* dictum, & Ambros. *Paræus lib. 9. cap. 5.* tradit. Si ossis aliquid effractum, & in multas testas defractum sit, & ita auulsum, vt facile eximi possit, forcipe vel volsella extrahendum; si pertinacius autem adhæreat, & præcipue si membranas pungat, vel premat, vectibus, forcipibus excisoriis, scalpris eximendum, de quibus *Paræus lib. 9. cap. 6.*

In ossibus tamen extrahendis nulla violentia adhibenda; sed si extractioni resistant, opus totum naturæ committendum, (modo ab iis membranæ non lædantur), quæ id, quod instrumentis nullis consequi licet, facile suo tempore expedit. Multò minus cranij pars quæ cuti vel pericranio adhuc cohæret (etsi à reliquo cranio auulsa sit) extrahenda & cerebrum & membranæ eius suo tegumento spoliata nuda relinquenda, sed suo loco restituenda, & naturæ negotium committendum, quæ ipsa vel separabit, vel reliquis ea agglutinabit, vt *Paræus l. 9. c. 7.* monet, & historia curationis comprobatur.

Si verò simplex rima sit, sed sine cerebri & membranarum læsione, ita curatio instituenda. Duo pericula hic

A fractura cranij quæ periculo imminet.

præcipuè imminent. Primum est, quod sanies ad duram matrem destillat. Cum enim ex fractura os debile effectum sit, alimentum affluens debito modo concoquere non potest, vnde excrementitia quædam humiditas in loco fissuræ nascitur, & etiam ex partibus incumbentibus per rimam in membranam duram destillat, vnde metuendum, ne humor hic putrescens membranam corrumpat, & inflammet, vnde febres, conuulsiones, deliria, & sæpè mors ipsa sequitur: atque hæc vulgatissima interitus eorum, qui ex vulneribus capitis moriuntur, causa est. Secundò interdum accidit, vt festuca quasi & frustulum ossis intus separetur ac duram membranam pungat, vnde dolores acutissimi & conuulsiones oriri possunt. Itaque præcipuus hic curationis scopus est, vt saniei huic exitus pateat, vel paretur, & si festuca aliqua cerebrum pungat, illa dematur. Ac proinde si foramen inflictum vulnere expurgando & curando non sufficiat, vel quia ex depresso ossis nimium comprimitur membrana dura, vel quia nigrescit, alterum foramen adhuc priori vicinum moliendum est, prominentibus interstitiis cuspidibus resectis.

Quapropter curandum, vt cutis loco affecto, vel ex vulnere pateat; vel dicto antea modo aperiatur. Si verò fractura tam ampla non sit, vt per eam sanguis vel sanies, quæ ab osse & cutè continuò separantur, inque duram matrem destillant, euacuari possint; cranium maturè, & quàm potest fieri citissimè aperiendum, vt saniem expurgare, & duram membranam ab ea mundare liceat.

*Cranium
quomodo
aperien-
dum.*

Quomodo verò cranium aperiendum sit, *lib. 5. Institut. part. 1. sect. 2. cap. 8.* dictum, & tractat hac de re diligenter Ioan. Andr. de Cruc. *de vuln. lib. 1. tract. 2. cap. 13.* Aperitur autem cranium vel scalpri, vel terebra, vel modiolis. Neque enim, vt verbis Petri Pavv *in comment. in Hippocr. de vuln. capit.* vtar, semper per pristin exsectio quæ trepano fit, intelligenda. Tentandum delere fissuram; planandæ ossis fracti oræ, si angustæ sint valdè rimæ, dilatandæ, vt superfluis exitus detur, idque accommodatorum scalprorum vsu. Abradentes scalpri si non suffecerint etiam

etiam ad cycliscum accedendum. Breuiter, omnia tentanda, priusquam modiolus in usum trahatur. Periculo enim non vacat. Vnde nisi summa urgente necessitate eo utendum. Nimirum scalpria locum habent, vbi magna fractura est: & ossa fracta vacillant, vt & in ossibus mollioribus: si verò os firmitus sit, terebra vel modiolus opus est. Si enim os non solum fractum, sed & effractum & depressum sit, nec terebram nec modiolum adhibere conuenit, ne osse magis compresso subiectæ membranæ laxentur; sed sano ossi tunc, proximè tamen, quantum fieri potest versus fracturam, imponenda, & cranium, quantum ad saniei exitum necessarium est aperiendum, ossisque quam minimum eximendum, ne membranæ valde denudatæ aliquid incommodi patiantur, sed satis est, si quod membranas pungebat, eximatur.

Monet & hoc hic Galenus, 6. m. m. cap. 6. Si ossium fragmenta quædam longius excurrant, ne ea vsque ad finem prosequamur, cum nulla ex eo, modo reliqua rectè peragantur, noxa sequatur, ipsa experientia teste, ad quam etiam prouocat Amatus Lusitanus, cent. 6. curat. 100. qui tales ossium rimas longius procurrentes consolidari & ferruminari vidit. Vt enim in aliis ossibus, ita etiam in cranio natura callum obducere solet.

In scalpriis verò eligendis hic alio modo res sese habet ac in rima, quæ externam tentum cranij laminam penetrat. Ibi enim latiora scalpria primo vsurpanda, deinde strictiora & angustiora: Hic verò ab angustioribus incipiendum & ad latiora progrediendum.

Notandum etiam hic, quod obseruauit Guillelmus Fabricius 1. obseru. 7. duram matrem, inter quam & cranium plerumque spacium est, quandoque arctè totam cranio adhærere; quo in casu perforatio ferè inutilis est, cum sanguis non inter ipsum & membranam duram, sed infra duram membranam seu matrem quam vulnerare ita non licet, contineatur. Si tamen necessitas id postulet, ea ipsa potius aperienda, quam permittendum, vt æger sine auxilio moriatur. Cuius rei historia extat apud Glandorpium in specul. chirurg. obser. 4. de quodam pugili, cui

Dura mater quandoque aperienda.

cum grauius in capite vulnerato tertia die grauius symptomata superuenirent, ut suspicio esset, materiam intra cranium collectam esse, cranium apertum est, verum nihil effluxit, sed dura mater in tumorem elata, in conspectum venit, quæ cum scalpello incuruato, ne pia mater læderetur, aperiretur, maxima copia saniei effluxit, quæ non intra cranium & piam matrem, sed intra duram & piam matrem, latuerat; qua euacuata & idoneis medicamentis adhibitis æger sanitatem recuperauit.

*Quo loco
aperien-
dum.*

In apertione cranij & hoc obseruandum, ut in decliuiori, quantum licet, parte apertio fiat (modo per futuras aut per ossis tenuitatem aut crassitiem liceat, & cerebrum vulneratum non sit, quod tunc per decliuiora loca aperta exire solet) ut saniei facilius exitus detur. Neque etiam perforatio in futuris facienda est; nam quia eo loci venæ & membranæ transeunt, ferro facile lædi possunt. Et quia cranium ibi imbecillius est, facile fieri posset, ut in terebrando ferrum præter opinionem descenderet & membranam ac cerebrum læderet. Præterea futuræ factæ sunt, ut per eas vapores capitis exhalarent: Si ergo callus ibi post apertionem generetur, exspiratio impediretur. Si tamen aliter euacuatio saniei fieri non posset, minus periculi à futurarum apertione, quam ex retentione saniei est. Nec etiam in osse temporum etsi id læsum sit, perforatio instituenda; cum musculos temporales secare non liceat, ob pericula *prognost.* 9. proposita. Nec tamen æger sine auxilio relinquendus, sed si necessitas id postulet, loco vicino in osse sincipitis sectio instituenda, ut docet Galenus, 6. m. m. cap. ult. & Ambros. Parælib. 9. cap. 15. Imo si necessitas summa exposculet, etiam tempora diuidere & ægrum omni ope non destituere iubet et Petr. Pavv. in com. in Hippoc. de vuln. cap. refertque se vidi esse alà molæ puero ita contusum tempus dextrum, ut aliquot ossis pertusi fragmenta per vulnus eximerentur, nihil tamen incommodi toto curationis tempore patiente puero tempora aperiri manu Chirurgi non semel vidisse absque vlllo symptomate. Duo tamen monet, primum ut non nisi summa exposcente necessitate tempora diui-

diuidantur; deinde vt nouacula semper secundum ductum fibrarum temporalis musculi ducatur.

Tempus aperiendi quod attinet, dierum numero id definiri non potest, sed quo citius, eo melius, & fieri potest, ante quartum aperiatur. Neque expectandum, donec graua symptomata superueniant, sed si malum tantum sit, vt graua superuentura symptomata metuumdum sit, quamprimum apertio cranij instituenda. Si tamen Medicus in principio vocatus non sit, vel alia de causa apertio dilata sit, quandocumque opus & necessitas id postulat, apertio instituenda; cum experientia docuerit, sæpè satis longo, ab accepto vulnere, tempore cranium feliciter fuisse apertum & ægros à grauissimis symptomatibus liberatos. Et satius est, citius occurrere remediis malo, quam iis omissis sine auxilio ægrum mori sinere. Itaque quantum fieri potest citissime, vel ante quartum diem apertio instituatur, præcipuè tempore æstiuo, quo humores facilius putredinem concipiunt. Imo Celsus nec tertium diem expectari voluit, cum humores interea temporis ad membranam descendentes & exitum non habentes grauissima symptomata excitent.

Si tamen fractura ita pateat, vt saniem per eam euacuari posse spes sit: vel si materia exigua & benigna fuerit, quæque à calore natiuo facile regi & discuti possit, regioque sit temperata, aer non æstuans, ægri constitutio robusta, nec is prauis humoribus scateat; neque accidens vllum appareat, potest apertio nonnihil differri, an forsan naturæ opera sine sectione æger conualescere possit.

Post perforationem si sanguis copiosus fluat, medicamento aliquo sanguini sistendo apto cohibendus: Quale est, quod à Galen. 5. m. m. cap. 4. describitur, quod paratur ex thuris parte vna, aloës parte vna & dimidia, & cum vtendi tempus instat oui albumine ad mellis crassitiem subigitur, & mollissimis leporis pilis excipitur ac vulnere imponitur. Et oræ foraminis radendæ ac læuigandæ sunt instrumento lenticulari, ne asperitas in carne succrescente aliquem dolorem excitet, & si quid scobis in dura membrana collectum est, id omne detergendum.

*Tempus
aperien-
di cranij.*

*Capitis
vulnera,
patente
membra-
na, quo-
modo cu-
randa.*

Osse patente vel aperto, vt iam saniei exitus dari possit, de medicamentis idoneis dispiciendum, quæ patienti iam duræ membranæ imponenda sint. De quibus Medici cum antiqui tum recentiores valdè dissentiunt, vt postea in quæstione 4. post caput sequens dicetur. Vt rem igitur in pauca contrahamus, feliciter vulnera talia curantur, ipsa experientia teste, vt ex Valeriol. *lib. 4. obseru. 19. lib. 5. obseru. 9. lib. 6. obseru. 4.* Guilelm. Fabric. *cent. 4. obseru. 4.* & aliis, videre est, si mel vel syrupum rosaceum (pauillo olei rosacei addito, si dolor vrgeat) panno sericeo vel syndoni illitum membranæ imponamus: Vulnus verò cephalico aliquo vnguento repleamus, cranioque puluerem cephalicum imponamus, tandemque emplastro de betonica, vel simili cephalico id muniamus, caput verò totum oleo rosaceo inungamus. Sedato dolore & inflammatione, melli rosaceo, quod membranæ imponendum, guttula vna atque altera aquæ vitæ admisceri potest.

*Vnguen-
ta &
Empla-
stra ad
vulnera
capitis.*

Cephalicum Conciliatoris celebre, quod different. 181. descripsit vnguentum ita paratur.

℞ Gumm. elem. 3. iij. resin. puriss. 3. iv. ceræ 3. vj. ol. rosac. 3. iij. B. ammon. 3. ij. tereb. 3. iij. fiat vnguentum. Aliud eiusdem,

℞. Gummi elem. 3. iij. opopanac. 3. ij. bdellij 3. B. resina pini 3. j. ceræ q. s. fiat vnguentum.

*Gummi
elemi v-
tilitas*

In primis enim in capitis vulneribus vtile est gumm. elemi, quod, vt ibidem Conciliator scribit, attrahit, dolorem mitigat, malam intemperiem propter familiaritatem, quam cum corpore habet corrigit.

Guil. Fabricius hoc primo vtitur.

℞. Terebinth. aq. beton. & salu. lotæ 3. j. olei rosac. 3. j. B. vitell. ouorum 3. j. gumm. elemi cum oleo super igne lento dissoluti & colati 3. B. croci 3. j. vitellos ouorum num. ij. M.

Vtile est & hoc.

℞. Resina pini lb. B. terebint. 3. iij. ceræ, thuris, gumm. elem. an 3. B. Misce, fiat vnguentum.

Dolore sedato ad mundificationem hoc vtitur.

℞. pulu. caryoph. angel. Arist. rot. ireos Florent. an. 3. j. extract. salu. beton. an. 3. ij. gumm. elem. ol. rosac. diss. 3. ij. mell. ros. q. s. aq. vitæ parum. M. in mortario, fiat vnguentum.

Emplastrum de Betonica ita paratur.

℥. Betonice M. ij. matrissyl. salviae, hyperici, millefol. pilosellae, consolid. minor. an. M. j. centaur. minor. maior. pimpinell. verbenae, an. M. ℞. terebinth. clarae ℥. xx. olei rosar. ℥. x. resinae pini, gummi elemi an. ℥. j. ℞.

Empla-
strum de
Betonica.

Herbae contundantur & terantur ac affundantur vini albi ℔. ij. Aliquantum bulliant, & inde Soli exponantur per dies viij. vel plures, ac quotidie agitentur. Hinc colentur, exprimantur, & addito cerae q. s. Fiat Emplastrum.

Alij hac descriptione Emplastri de betonica vtuntur.

℥. Betonice viridis, pimpinellae, agrimon. salviae, pulegij, millefol. consolidae maioris, matrissylviae, an. ℥. vj. thuris, mastich. an. ℥. iij. ireos, aristoch. rotund. an. ℥. vj. cerae albae, terebinth. an. ℥. viij. gummi elem. ℥. ij. resinae pini ℥. vj. ol. abietini, vini albi, an. q. s.

Herbae in mortario contusae octo diebus in vino albo macerentur & saepius agitentur, tandemque ebulliant. Expressum & colatum vinum coquatur ad tertiae partis consumptionem & addatur ol. abietinum, postea cera liquata & hac fusa resina & gummi, deinde terebinthina. Quibus paulum refrigeratis reliqua trita & creta; & manibus assidue subigantur, dum totus humor exeat. Tandem ad formandam massam additur lac caprillum iterumque manibus continenter medicamentum subigitur.

Emplastrum cephalicum Basilicum ita paratur:

℥. Herbarum viridum, betonice, plantag. matrissyl. pimpinell. rorismarin. an. M. ℞. Contusa macerentur per diem. In oleo rosar. ℥. iij. mastich. ℥. j. pinguedinis recentis vitulinae, porcinae, an. ℥. ij. Deinde coquantur ad vini consumptionem. Colentur. Postea adde Mastich. gummi elemi, resinae pini, lithargyri an. ℥. ℞.

Empla-
strum ce-
phalicum
Basilicu.

Rursum coquantur, donec subnigrum acquirant colorem, semper agitando, tandemque addantur Terebinth. clarae ℥. ij. cerae q. s. Fiat Emplastrum.

Guilelm. Fabric. tale parat:

℥. Emplastri de betonica ℥. iv. gum. elemi oleo rosaceo dissol. ℥. j. pulu. rosar. rubr. myrtillor. an. ℥. j. massiches, calami aromatici, angelicae, caryoph. an. ℥. j. olei & cerae q. s. Fiat Emplastrum.

Empla

Emplastrum Fr. Arcæi.

℥. ol. rosac. omphacini & completi ℥. ij. mastich. myrtin. an. ℥. j. pingu. hirci ℥. j. ℞. succi betonic. ℥. j. Coq. ad cōsumptionem succi, adde mastiches 3. x. gummi elemi 3. vj. terebinth. ℥. ij. ℞. ceræ alb. q. s. Iterum ebulliant, fiat emplastrum. Est & hoc vtile.

℥. Gummi elemi, resina pura, an. 3. ij. ceræ j. ℞. ol. rosac. 3. vij. ammoniac. ℥. ℞. terebinth. 3. vj. succi betonic. 3. x. F. s. a. emplastrum.

Habet & hîc locum Emplastrum Alexandri Benedict. quod lib. i. cap. 5. describit, quod supra cap. 20. proposuimus.

Felix Vvirts hoc suum laudat vnguentum.

℥. Seui ceruini, mellis despumati, an. 3. ℞. aloes hepaticæ puluerisat. 3. j. Misce. Ioan. Andr. à Cruce hoc feliciter vsus est.

℥. Vini ℥. xx. succi betonic. ℥. ij. calaminthæ ℥. ij. myrtbæ, thuris, aloes, sanguinis draconis, centaur. minor. granor. hyperic. ana 3. j. Puluerisanda pulueriscentur ac omnia misceantur, & per biduum macerentur. Postea lonto igne ad tertiæ partis consumptionem coquantur, addantur mellis rosac. ℥. iv. Iterum parum bulliant: vase ab igne remoto adde Aquæ vitæ vel spiritus vini ℥. vj. Colentur: Tandem adde olei terebinthin. ℥. iv. & in vase vitreo clauso feruentur.

De betonica Vnguentum Hieronym. Fabric. ab Aquapendente:

℥. Betonic. viridis M. viij. Contundantur, contusis addantur, ol. communis ℔. iv. ceræ, terebinth. an. ℔. j. Coquantur & exprimantur: Expresso succo iterum adde betonic. viridis contusæ M. viij. Iterum coquantur & exprimantur.

Plura talia vnguenta & emplastra videantur apud Andream à Cruce, lib. i. de vln. tract. 2. cap. 16.

Aqua &
spiritus
ad vul-
nera ca-
pitis.

Sunt nonnullis, præcipuè vbi dolor & inflammatio non adest, (nam dum pars præter naturam calet, & sanguis ac spiritus ad locum affectum confluunt, non ita tuto adhibetur,) aquæ vitæ in vsu, & quod Galenus de Eudemi
med

De sol. unit. cran. sine mening. & cereb. vuln. 219.
medicamento testatur, idem etiam multi de aquis & spiritibus istis prædicant, quæ propterea apud plures nationes in usu sunt, videnturque membranarum cerebri naturæ siccæ, optimè conuenire: Ideoque vnā & alteram formam adscribemus. Ioannis de Vigo hæc est:

℞. Aq. ardentis seu spiritus vini ℥.x. myrrhæ ℥. j. aloes ℥. ij. sarcocollæ, thuris, an. ℥. ij. croci ʒ. j. Misce. Imum vulneris linamento isto liquore imbuto repleatur; & hinc emplastrum de betonica vel aliud applicetur. Iacob. Carpenfis hæc est.

℞. Aq. vitæ lb. v. vini maluatici lb. ij. ℞. aloes, myrrh. thuris, an. ℥. j. ℞. pulu. rad. consol. maior. ℥. ij. centaur. minor. ℥. j. ℞. hyperici ℥. ℞. terebinth. claræ lb. j. Omnia misceantur; & per mensem stent in vase vitreo optimè obturato; Postea colentur & exprimantur. Expressum vsui seruetur, in quo lintea pura madefiant, & vulnere imponantur.

Alia. ℞. Spiritus vini ℥. j. ℞. aloes hepatic. ℥. j. myrrhæ ʒ. ii. Super lento igne misceantur.

Alia. ℞. Spiritus vini rectificati lb. ij. mastiches, myrrh. thuris, gummi elemi, hedera, ammoniac. opopanax. bdellij, matrisylu. betonic. an. ʒ. j. theriacæ ℥. ij.

Contundenda contendantur & omnia misceantur, simulque stent in infusione vitro clauso per triduum, inde destillentur in B. M. Distillatum vsui seruetur, in quo linteamina pura madefiant, iisque vulnus repleatur; & deinde emplastrum de betonica, aut de matrisylu. imponatur. Monet hic etiam Ambrosius Paræus, lib. 9. cap. 18. quod os, quod terebra attigit, vel aer affluit, squammas semper emittit, ad quam desquamationem celerius promouendam aspergit puluerem ex eruca, pœonia, cucumere sylvestri & aristolochia. Prohibet verò, ne squammam detrahat Chirurgus, sed totum negotium naturæ committat. Desquamato ossi cephalicum puluerem adspersit.

Neque solum vulneris, sed & partium vicinarum habenda ratio est. Ideoque in principio opus est repellentibus & exsiccantibus, vt materiæ influxus prohibeatur, & quod influxit exsicceatur, partesque vicinæ roborentur.

*Defectus
in vul-
neribus
capitis.*

In hunc vsum Hippocr. *lib. de vulner. cap.* cataplasma componit ex farina hordei & oleo rosaceo, quod omnibus medicamentis reliquis vltimò, vt & vulnus, & partes vicinas complectatur, superponendum. Vel fiat tale tempore æstatis.

℞. Farin. bord. ʒ. viij. olei rosacei ʒ. iv. poscæ seu oxycrati q. s.
Fiat cataplasma.

Hyeme verò farinæ hordei & oleo rosar. addendæ *pulu. rosar. ʒ. ij.* & cum vino formetur cataplasma.

Si contusio aliqua adsit, ea, quæ supra proposita, vsurpanda, vel tale cataplasma:

℞. Farin. bord. ʒ. vj. myrtill. ʒ. ij. olei rosac. ʒ. iv. pulu. betonic. ʒ. vj. oxymel. simpl. ʒ. iiij. vini albi generosi q. s. Fiat cataplasma.

Simul vtile fuerit caput magna ex parte, vt & ceruicem & collum, & in primis venas iugulares oleo rosaceo calido inungere, ad dolorem, si adsit, leniendum, & ad sanguinem, qui ad caput affluit, moderatè refrigerandum & repellendum.

*Duram
meningē
mundifi-
cantia.*

Notandum & hoc, quod monet Ioan. Andreas à Cruce, quod post caluariæ perforationem membrana intacta colorem & motum naturalem seruare solet, postmodum eo amisso, amplius non mouetur, nec ob id aliud nouum symptoma superuenit; paucis post diebus superficies eius alba & tenuis admodum in squāmas resolui incipit, & pellicula quædam prætenuis aranæ telæ modo eleuatur, & inde noua caro oriri incipit. Vt enim ob aëris externi & medicamentorum topicorum contactum externa cranij superficies emoritur, & ab humido suo natiuo derelictum, ab osse reliquo separatur, & quasi piscium squamas de se emittit: Ita duræ matri idē iisdem de causis euenit; & chirurgos non exercitatos sæpe timidos reddit, vt membranam illam corruptum iri metuant; cum tamen nihil periculi subsit, sed superficialis illa corruptio solo melle rosaceo amoueat. Cui si non cedit, hoc vnguentum imponendum.

℞. Terebinth. claræ, vin. alb. lotæ ʒ. ij. mellis rosati, aq. v. ʒ. i. farin. hordei cribratæ an. ʒ. j. myrrhæ, aloes, sacchari fini,

De sol. unit. cran. sine mening. & cere. vuln. 221
an. 3. ij. M. Fiat vnguentum; quo vtere donec membrana ite-
rum pura & sui coloris appareat.

Solet interdum & foetor quidam in separatione istius
membranæ apparere, qui tamen nihil periculi coniunctum
habet, cum saltem in externa superficie sit vitium, nisi alia
praua symptomata adsint.

Neque sine fructu est, si cephalica interna etiam exhi-
beantur, nunc calidiora, nunc frigidiora, & temperatio-
ra, prout febris & alia quæ coniuncta sunt, id requirunt.
Valeriola etiam aureæ Alexandrinæ vel Mithridatij
3. j. cum diamoscho dulci & pœoniæ semine exhibet. Ip-
sum verò cranium quod attinet, etsi rimæ coalitus & cra-
nij per callum ferruminatio, vt capite præcedente dictum,
naturæ opus est, adiuuanda tamen ea & medicamentis, &
cranio pulueres cephalici, ita veteribus dicti, quod cra-
nij fracturis sint idonei, supra enumerati, huc referantur,
inspergantur & imponantur. Callus autem, quo cranij of-
sa ferruminantur, ferè 40. aut 50. dierum spatio perfectio-
nem suam acquirit; quamquam propter corporum diuer-
sam constitutionem ita certus dierum numerus definiri
non possit, cum in iuuenibus citius, in senioribus tardius
absoluatur.

Exemplum talis vulneris curati est apud Guilel. Fabric.
cent. 4. obseruat. 4. Glandorp. spec. chirurgor. cap. 20. ob-
seruat. 3.

*Calli in
cranio
genera-
tio.*

De Cranij fractura cute integra manente.

Interdum accidit, vt cranium frangatur, cute ad sen-
sum integra manente. Etsi enim contusio etiam tum in cu-
te sit; eius tamen externa superficies est integra, nullum-
que vulnus in ea apparet. Nam cum sit mollior, cedere po-
test, vt non vulneretur: Os verò subiectum, quia durum,
ictui resistit, & ab impetu eius frangitur; id quod ex ictus
ratione, superuenientibus symptomatibus, tactu digno-
scitur. Tum ergo inquirendum, an fracturæ cranij aliquid
annexum sit, quod neque à natura, neque à medicamentis
curari possit: quorum tria præcipue sunt; nimirum ma-
gna sanguinis copia intra cranium & membranam cere-
bri effusa, ossis particula vel festuca membranam pungens,
&

*Cranij
fractura
cute in-
tegra
manente.*

Nota.

& ossis depressio cerebrum comprimens. Sanguinis effusi copia cognoscitur ex sanguine per nares & aures etiam effuso, ex capitis grauitate, ex sopore, stupore. Os depressum tactu cognoscitur & fouea digito deprehenditur: Cerebrum comprimi & pungi ex eo colligitur, quod dum æger nasum emungit, puncturam percipit: aut post puncturæ signum succedit delirium.

Si itaque horum aliquod adsit, omninò cranium aperiendum, & si depressum sit, eleuandum: & sanguis è venis effusus euacuandus, ac fragmentum cranij eximendum. Si verò horum nihil adsit, & symptomata mala absint, præmissa venæ sectione, & medicamento purgante bilem exhibito, ea ferè curatio instituenda, quæ cap. 21. de contusione cap. proposita est. Nimirum capite raso tale repellens imponendum.

℞. Farin. hordei ℥b. β. ladani, pulu. rosar. myrtill. mastiches, an. ʒ. j. olei rosar. oxycrati, an. q. s. Fiat cataplasma, quod mane & vespere renouetur.

Particulæ quoque capitis euacuationes instituantur: quarto die gargarismus paretur ex decocto hordei, in quo passulæ & hyssopus cocta sint & mel rosarum dissolutum. Nares quoque intus oleo amygdal. dulcium inungantur. Post quartum diem vsque ad septimum caput hoc vnguento illinatur.

℞. Pulu. rosar. rubrar. myrtill. nuc. cupressi, santal. rurb. albi, absinth. ladani, schœnanthi, asari, an. ʒ. j. olei rosati completi, myrtini, an. ʒ. iiij. ceræ ʒ. ij. β. Fiat vnguentum.

Post septimum vel nonum dissoluentia siue discutientia applicentur, vt Emplastrum de betonica, cerot. de gummi elemi, Emplastrum sacrum cum æquali portione diapalmæ. Vtile est & hoc Emplastrum.

℞. Qpopanac. ʒ. β. gummi bederæ ʒ. vj. bdellij ʒ. iiij. resinæ ʒ. ij. ol. rosar. ʒ. iv. terebinth. ʒ. vj. ammoniaci ʒ. ij. ceræ q. s. Fiat s. a. Emplastrum.

Linimentum extrahens saniem & materiam contentam sub cranio.

Vel ℞. Ol. lentisci laurini, gummi elemi resinæ pini, an ʒ. iiij. succi

De sol. vnit. cran. cum mening. & cereb. vuln. 223
fucci saluæ ʒ. ij. ammoniaci, opopanax. galbani, an. ʒ. ʒ. Dissoluantur gummi in aceto, postea bulliant in succo saluæ ad succi consumptionem & refrigerentur.

Si verò post septimum mala accidentia superueniant, quæ saniem collectam indicent, tunc cranium aperiendum, & procedendum, vt supra dictum. Videatur etiam infra post cap. seq. quæst. 5.

Facta etiam inter solutæ vnitatis in cranio differentias *Contusi cranij curatio.* contusionis mentio. Verùm ad eam curandam eadem ferè medicamenta vsurpanda, quæ supra de contusione capitis proposuimus: quibus saltem hoc multiplici vsu probatum è 59. Epist. à Scholtz collect. addimus.

ʒ. Farinæ hordei, fabarum, an. ʒ. ij. pulu. betonica, chamemeli, meliloti, rosar. an. ʒ. j. calami aromat. ʒ. ʒ. oxy-mel. ʒ. j. olei rosar. hyperici, an. ʒ. ʒ. vini boni q. s. Misce fiat cataplasma.



C A P V T XXIV.

*De cranij fractura cum meningum & cerebri læsione :
Et primo.*

De vulnere meningis duræ saltem.

Vulnus dura meningis.
¶ I vulnus tam altum sit, vt etiam simul dura meninx sit læsa, vulnus hoc id peculiare habet, vt sanguis copiosè effluat, cum plurima vasa per eam disseminentur, & dolor in parte membranosa valdè vrgeat; ac proinde sanguis sistendus & dolor leniendus: Et quia cùm membrana & cranium & cutis læsa sunt, quæ & cutis & cranij vulnus requirunt, peragenda, & videndum, ne membrana ex sanie ab hisce partibus destillante lædatur, tandemque vulnus duræ matris sanandum.

Ideoque si sanguis copiosè fluat, os nisi antea ex vulnere pateat, statim aperiendum, & membrana detegenda. Osse aperto, statim imponendum aliquod medicamentum sanguinem sistens, in primis illud celebre Galeni, quo 5. m. m. c. 4. se ad sistendum sanguinem etiam in vulnere capitis,

& sanguine è dura matre fluente feliciter vsum scribit: quod ex aloë, thure, & oui albumine, mollissimisq; pilis leporis componitur.

Nonnulli tamen ante hoc medicamentum imponunt prius puluerem ex aloë & manna thuris compositum.

*Dolorem
lenientia
in vniuersi-
tibus me-
ningis.*

Ad dolorem leniendum, ne inflammatio & conuulsio excitetur, nihil commodius est oleo rosarum tepido, quod & leniendi & repellendi vim habet. Alij instillant sanguinem ex ala turturis & columbæ recens effusum, in quibus sanguinibus præter doloris mitigationem etiam vis deterforia inesse deprehenditur, & illam curationem ad septimum diem continuant.

Ioan. Andr. à Cruce ita in curando progreditur. Præmissis vniuersalibus in secunda visitatione hoc medicamentum imponit.

℥. Olei terebinth. 3. ij. spiritus vini, syr. de rosis sic. an. 3. j. M.
Post totum vulnus tali puluere replet.

℥. Myrrh. aloës, mastich, sang. dracon. rhabarb. corall. rubr. an. 3. ij. fiat pulvis subtilis, qui per pannum lineum rarum traiciatur, & imponatur emplastrum de betonica. Et quia hic autor oleo terebinthinæ spiritum vini miscet, possent etiam hic aquæ cephalicæ, *cap. præcedente* descriptæ, locum habere, vt & vnguenta cephalica ibidem proposita.

*Dura
meningis
corruptio.*

Si autem corrumpi & purulenta euadere incipiat membrana, detergenda, ne putrescat, melle rosato, vel melle cum farina hordei & succo apij. Ioan. Andr. à Cruce etiam Isidis medicamento vtitur ad incipiëntem membranæ corruptionem, vt & Ægyptiaco vnguento initium sphæceli feliciter curasse se scribit.

Matthiolus oleum è vitellis ouorum ad membranas cerebri putrescentes commendat, & eas putrilagine confectas à sanis mirum in modum separare, idque se in quam plurimis magno cum honore expertum esse testatur. Amb. Paræus, l. 9. c. 2. hoc Ioan. de Vigo proponit.

℥. Aqua vitæ 3. ij. mell. rosar. 3. β.

Quod si leniore isto remedio contumacius malum corrigi nequeat, hoc vtitur:

℥. Aq. vitæ 3. iij. mell. rosar. 3. j. puluer. mercurial. 3. ij.

Misce

Misce super ignem.

℥. Aq. vitæ ʒ. j. ℞. syr. absin. mell. ros. an. ʒ. ij. vnguent. Aegypt. ʒ. ij. ℞. sarcocolla, myrrh. aloes, an. ʒ. j. vini alb. boni ʒ. j. Bulliant leniter & colentur.

Quod si putredinis tanta vis sit, vt istis remediis non cedat, Ægyptiac. cum aqua plantaginis aceti loco composito solo ad id profligandum vtitur, vel solo Mercurij puluere, vel cum alumine misto.

Quod si dolor non valdè vrgeat, aut iam mitigatus sit, vt materia, quæ è vulnere segregatur, rectè concoquatur, oleum hyperici, mastichinum, vel abietinum imponendum, vel cephalicum aliquod vnguentum.

Pure laudabili apparente olea omittenda, & ad detergendum syrupo vel melle rosato vtendum.

Tandem ipsam duram matrem quod attinet, vulnus quidem eius vnionem postulat, sed quia & dura est, & labia eius adduci nequeunt, vnio eius per carnis, vel substantiæ ei analogæ generationem procuranda. Archigenes in hunc vsum succum calaminthæ supra duram matrem effundit, & farinam milij inspergit, vt vulnus siccetur, detergatur & caro generetur. Habent & hic locum medicamenta cephalica. Reliquis partibus vulneratis pulueres, vnguenta & emplastra cephalica imponenda.

Pertinet & duræ matris contusio. Nonnunquam enim *Dura* membrana dura, vt crassior, contusa & concreto sanguine *meningis* respersa est. Et tum sanguis concretus abstergendus est *contusio.* oxymelite s. syrupo rosato, melle rosato, syrupo de absinthio, syrupo de marrub. quibus resina terebinthina aut abietina, vel sanguis columbinus immisceri queunt.

De vulnere tenuis meningis & cerebri.

Tandem si pia mater, seu tenuis membrana cum cerebri *Cerebri* bro, cui arctissimè annexa est, vulneretur, & sanguinis *& tenuis* profluuium & inflammatio metuenda est, propter innu- *meningis* mera vasa, quæ per tenuem meningem disseminantur, & *vulnus.* propter vtriusque membranæ sensum exquisitum; ideoque vt sanguis sistatur, medicamentum ex Galen. s. meth. c. 4. antea propositum, cui bolus Armenus addi potest, vel aliud conueniens vsurpandum. Et si quid cranij fractum,

quod euelli queat, maturè extrahendum ; Si verò sine violentia euelli nequeat, naturæ totum negotium committendum , ne si violentia aliqua adhibeatur , æger in manibus Chirurgi moriatur, atque ita ægro Medicus nihil profit, sibi verò infamiam pariat.

Hinc cauendum, ne sanies ex partibus cerebro incumbentibus vulneratis in cerebrum descendens , illud, utpote frigidum & humidum , labefactet, alteret , & corrumpat: Ideoque sanies illa quamprimum absumenda & exsiccanda, ad quam rem calore & siccitate opus est, & proinde digestiua humida hic locum non habent , & omnia oleaginosa, vinctuosa, pinguia, etsi potentia sicca sint, fugienda, cum cerebri corpus molle ab iis facilè corrumpatur ; sed siccantia usurpanda. Nonnulli quidem oleum abietis , ol. terebinthinæ destillatum , balsamum orientalem adhibere solent : sed ista propriè pinguia non sunt.

Quapropter dum vulnus soluitur, aer cubiculi calidus sit , vel candelis circa ægrum accensis, aut simili modo alteretur, & linteola vino Cretico vel alio potenti, in quo rosæ & betonica cocta sint, imponenda aut sanguis columbæ calidus instillandus. In siccioribus etiam corporibus & tempore hyberno aquis vitæ supra descriptis uti licet. Alij succum nepethæ laudant : alij thuris purissimi pulvere utuntur, usq; ad septimum, donec caro incipiat succrescere.

Hieron. Fabric. ab Aquapend. se in magno cerebri vulnere felicissimo successu hoc usum scribit *lib. 2. Chirurg. cap. 20.*

℥. Farin. milij 3. ℞. olei Hispani 3. j. mithridatij 3. vj. balsam. nigri , quod è Portugallia affertur. 3. iij. aq. vitæ 3. v. olei de Calchanto 3. j. ℞. (quod ego tamen non facilè adderem)
Misce.

Supra verò imponit hoc emplastrum.

℥. Farinæ hord. 3. viij. pulu. flor. chamæm. 3. iv. spicæ, schænanth. an. 3. iij. betonic. stæchad. an. 3. ℞. olei mastich. lb. ℞. rosac. complet. 3. iij. oxymelit. simp. 3. v. vini albi. q. s. ad emplastrum formandum.

Oleum autem Hispanum , quod ad vulnera breuissimo tempore sananda valdè commendatur, ita paratur.

℥. olei

De cran. fract. cum mening. & cereb. læsion. 227

℥. Olei vetustissimi ℥. iij. terebin. puræ ℥. iij. frument. integr. ℥. j. β. hyper. ℥. ij. rad. card. bened. valer. an. ℥. j. thuris puluer. ℥. ij. Rad. & herb. crasso modo contundantur, & in vino immergantur, & per biduum macerentur. Hinc oleum & frumentum adiciatur, & coquantur ad vini consumptionem & colentur: Colaturæ addantur terebinth. & thus, & iterum parum ebulliant.

Ioan. And. à Cruce cum syndone rubro imponit oleum terebinth. cum melle rosato misto. Reliquum vulneris replet tali medicamento.

℥. Myrrh. aloes, mastic. sang. drac. an. ℥. ij. tereb. ℥. ij. spiri. vin. ℥. j. M.

Vel ℥. Tereb. aq. consol. lotæ ℥. ij. spir. vin. syr. ros. an. ℥. j. pulu. thur. mastich. myrrhæ, an. ℥. ij. mumia, ex cranio, sem. hyper. sang. dracon. an. ℥. ij. Misce.

His emplastrum de betonica, vel gummi elemi imposuit, totumq; caput oleo rosaceo ompha. inunxit; superpositis spleniis vino, in quo rosæ & beton. cocta fuere madidis. Puellam quoq; quæ cuspide falcis vulnus in capite cum cerebri læsione acceperat, atque è cuius capite cranio aperto notabilis portio cerebri exierat, curauit ad diem vsque solo oleo tereb. & aq. vitæ vel spirit. vin. mistis: Inde in vulnus guttatim instillauit istum liquorem.

℥. Vini ℥. xx. succi betonic. ℥. iv. calamint. ℥. ij. myrrh. thuris, aloes, sang. dracon. centaur. minor. minor. granor. hyperici, an. ℥. j.

Contusis contundendis infundantur per triduum vase clauso: Postea coquantur ad tertiæ partis consumptione, & addantur Mellis rosacei ℥. iv. iterumq; parum ebulliant. Ab igne remotis addatur spirit. vini ℥. j. Colentur: colaturæ addantur ol. tereb. ℥. iv. & in vase vitreo diligenter clauso vsui seruentur.

Reliquum vulnus repleuit puluere cephalico, & emplastrum cephalicum imposuit. Feliciter etiam ad vulnera cerebri sananda vsurpatur balsamum Orientale: cui & artificiale hoc substitui potest, quod describit Vidijs de curat. membr. lib. 6. cap. 3.

℥. Ol. abietini, album. onor. ad duritiem coctorum, an. lb. i. resina pini lb. β. gummi elemi ℥. ij.

Coniiciantur omnia in retortam vitream perlutatam, quæ in cinere ponatur, & destillatio 36. horarum spatio absoluat.

Quod si dolor & hic vrgeat, oleum rosaceum cum vino miscendum & imponendum. Extra verò, dum dolor molestus est, conuenientia fomenta imponenda, imprimis Emplastrum vel Cataplasma de farina hordei.

Potiones vulnerariæ in capitis vulneribus.

Potiones
vulnerariæ
in
vulneribus
capitis.

Potionum vulnerariarum nonnullum vsum esse in Instit. lib. 5. part. 1 s. 1 c. 9. dictum, & docet id experientia. Non tamen eadem in omnibus partibus æquè conueniunt; sed secundum partium diuersam materiam variandæ. In vulneribus ergo capitis, si cranium vel cerebrum, aut eius membranæ vulneratæ sint, eligendæ plantæ, quæ alias capiti conueniunt, ut *betonica*, *primula veris*, *artemisia*, *lilium conuallium*, *caryophyll.* *salvia*, *carduus benedictus*, *hipericum*, *nux moschata*, quibus *plantago*, *veronica*, & alia loco allegato enumerata addi possunt: quæ coquenda sunt in vino; vel si vinum locum non habet, in vino & aqua, aut cereuisia, & sumitur plerumque pulueris ex plantis ʒ. ʒ. vel paulò plus, & coquitur in vini, vel cereuisiæ mens. ad tertiam vel quartam partis consumptionem. Et colat. si libet melle vel saccharo edulcoratur, & exhibentur manè & vesperi ʒ. ij. vel paulò plus.

Vt ʒ. *Betonice*, *primul. veris*, *cardui benedicti*, *pyrolæ*, *consolid. sarracenic.* *artemisiæ rubræ*, *saniculæ*, an ʒ. ʒ. Puluerisatis omnibus, ʒ. tantum quantum cochleari capi potest, coquantur in vini vel cereuisiæ mens. i. ad partis tertiam consumptionem, dulcorentur melle vel saccharo, & vesperi & manè ʒ. ij. propinentur.

Vel ʒ. *Plantag. rosar. rubrar.* *caryophyll.* *hyperic.* *veronica*, an. ʒ. ʒ. Coquantur in vino.

Colaturæ addatur *magisterij oculorum Cancr.* ʒ. ij.

Vel ʒ. *Artemisiæ rubræ*, *betonica*, *primula veris*, *verbenæ*, *radic. caryophyllat.* an ʒ. ʒ. Coquantur in mensura vini vna.

Vel ʒ. *Saniculæ*, *artemif.* *betonic.* *veronica*, an. ʒ. ʒ. *conserv. ros. rub.* ʒ. ij. *caryoph.* ʒ. ʒ. *torment.* ʒ. ij. Coq. in aq. puræ & vini

Rhenz

De cran. fract. cum mening. & cerebr. læsion. 229

Rhenani an. lb. ij. vase clauso in B. M. Colentur per manicam Hippocrat.

Vel ℥. Fol. aquilegæ M. vj. consolidæ sarracenic. M. iv. betæ M. iij. betonice M. ij.

Omnia viridia conscindantur & contundantur, & in vase duplici clauso, nullo liquore addito, in balneo bulliente coquantur horis 4. Postea spontè finantur refrigerari & liquor percoletur: de quo manè & vesperi ægro duo cochlearia exhibeantur.

Potionum loco quoque conseruæ exhiberi possunt, vel pulueres.

Vt ℥. Conseru. beton. primul. veris, ros. rubr. an. ℥. j. margar. præp. ocul. canceri præp. macis an. ℥. j. Cum syrupo betonicæ fiat Eelectuar. de quo mane & vesperi ℥. ℞. detur.

Vel ℥. Nuc. mosch. ℥. ℞. oculor. canceri præpar. ℥. iij. F. puluis detur 3. j.

Vel ℥. Coral. rub. præpar. margar. præpar. an. 3. j. spodij 3. ij. oculor. cancer. 3. j. fiat puluis, cuius dosis 3. j.

Diata.

Aër sit temperatus ad calidum vergens, & nisi talis sit, *Diata in vulnerebus capit. is.* arte paretur; ita tamen, ut ignis longius ab ægro accendatur. Calidum enim, ut est 5. aphor. s. 2. in vlcere pus mouet, & maximum securitatis præbet indicium, cutem emollit, extenuat, dolorem lenit, rigores, conuulsiones mitigat, capitis grauitatem soluit, ossibus fractis plurimum prodest, maximè si nudata, multoque magis, si in capite. Aër verò frigidus in vulneribus capitis, præsertim cum cranij fractura & meningum læsione vitandus: Frigus enim conuulsiones, tetanos, rigores ac horrores febriles affert. Hippoc, 5. aphor. 17. Proinde vulnus diligenter tegendum, aër cubiculi temperandus, & dum vulnus detegitur, calefaciendus. Imò ut Ambros. Paræus lib. 9. c. 13. testatur, multi ex vulneribus capitis sauciati frigore imprudenter admissio in discrimen vitæ adducti sunt.

Aër tamen nimis calidus, æque ac frigidus, vulneribus capitis inimicus. Ideoque etiam plumis, linteaminibus, fasciis, pellibus, medicamentis calidis, aliisque calorem augentibus caput non est onerandum, sed ut Hippocrat.

de offic. Medici ait, fasciæ mundæ sint, leues, molles, tenues, ne locus vulneratus oneretur, néue vaporum transpiratio prohibeatur, & calor augeatur. Imò si magnus æstus sit qualis sub cane & tempore æstiuo, aër etiam refrigerandus, vt supra *cap. 1.* dictum. Aër quoque sit obscurior; non valdè lucidus, qui spiritus commouet, & dolorem augeat.

Victus sit tenuior, ne vapores multi ad caput adscendant, & humores ad caput moueantur. Et si sanguinem humoresque tenues ad partem vulneratam affluxuros metus sit, cibis refrigerans, & sanguinem nonnihil incrassans, ac vasa constringens esse debet. Ideoque ægri primum panatella, vel prifana hordeacea sunt alendi. Non improbantur tamen etiam cichoracea, malua, lactuca, quæ & somnum conciliant, & vapores calidos caput petentes temperant ac incrassant.

*Cerebri
gallino-
rum in
vulneri-
bus capi-
tis vsus.*

In mensa vltima Cydonia vtilia sunt. Nonnulli hic cerebri gallinarum commendant, vt quod ob substantiæ similitudinem cerebro vulnerato multum proficit. Scribit quidem Ioan. Andr. à cruce *de vulnerib. lib. 1. tract. 2. cap. 6.* se nunquam ob cerebri gallinarum exhibitionem cerebrum vulneratum sanitati restitutum videre potuisse; licet interdum ob tenuem victum & medicamenta idonea id acciderit. Ad negandum tamen hoc non sufficit. Scribit contra Cardanus, gallinæ cerebrum & memoriam iuuare, adeoque vt aliquos, qui delirare inceperint, resipiscere fecerit. Amygdalas dulces quidam etiam non exhibendas censent quod caput grauent.

Vini potus ad diem 14. vsque planè intermittendus; cum caput petat & vaporibus repleat, neruisque noceat, sed cereuisia tenuis & aq. hordei bibenda. Si sitis molesta est, succus malorum granatorum vtilis est; feruorem enim bilis reprimat. Somnus sit moderatus. Interdiu æger non dormiat: quoniam caput somnus diuturnus replet; nisi noctu non dormiuerit. Si tamen phlegmone cerebrum aut meninges inuaserit, etiam interdiu, præsertim ab auroa ad meridiem, somnum inire suadet Ambrosius Paræus, *lib. 9. cap. 14.* cum ea diei parte sanguis in corpore dominetur, qui cum per vigilias in habitum & superficiem

corporis effundatur, somno contra intrò ad partes corporis nobiles, cor & hepar reuocetur, si cum ortu Solis in habitum corporis effunditur, etiam vigiliarum motu magis magisque effunderetur, inflammatioque augeretur. Si vigilie sint immoderate, somnus concilietur lenioribus medicamentis, vt *part. 2. cap. 1.* dicetur, decubitus sit in ea parte quæ minus dolet, donec pus sit genitum; postea in affecta parte æger iaceat, vt pus effluat, nisi dolor prohibeat. Quies animi & corporis imperanda. Exercitij tamen loco lenes frictiones in partibus inferioribus ante cibum instituantur. Oculorum acies non intendenda; & proinde, vt dictum, lumen intensum vitandum, & potius mediocres tenebræ eligendæ.

Vitandus quoque sonus & strepitus vehemens, vt tympanorum, tubarum, ferrarum & similes. Compertum enim est & hunc quibusdam mortem attulisse, vt refert Guil. Fabric. *cent. 1. obseru. 20.* Æger pauca loquatur, abstineat risu, clamore, & in primis sternutationem cauendum ne duri etiam masticandum.

Animi symptomata, vehementiora præsertim, ira & metus, valdè capite vulneratis noxia sunt, vt mortem quandoque afferant, sicut id obseru. Guillelmus Fabric. *cent. 1. obseru. 17.*

Nocentissima quoque est Venus, adeò vt quidam penè sanitati restituti ex usu Veneris mortui sint. Exemplum annotauit idem Fabric. *cent. 1. obseru. 84.*

Alius singulis diebus reddatur, & nisi sponte officium faciat, arte mouenda, ne fæces retentæ vapores ad caput mittant.

Q V Æ S T I O I.

An vulnera capitis per agglutinationem seu suturam, an vero per carnis generationem sananda sint.

Inter chirurgos agitur Controuersia de curatione vulnerum capitis sine cranij fractura, an capitis cutis vulnerata per suturam & agglutinationem, vt loquuntur; an vero per carnis generationem curanda sit. Alij enim per agglutinationem curari volunt, ea de causa, ne caput ab externo aëre offendatur: Alij verò vulnera capitis consui-

An vulnera capitis sananda sint.

nolunt : 1. quia cutis capitis durior , vt aliarum partium non agglutinatur. 2. quod periculum immineat , ne fanies sub futura retineatur , & retenta pericranium & cranium corrumpat, & dolorem, inflammationem & alia mala excitet. 3. quod metuendum sit , ne suendo pericranium lædatur. Ab externis verò aëris iniuriis , etiam sine futura , tegumentis caput defendi posse aiunt.

Verùm enimuerò quod ipsam futuram attinet , dictum iam ante est, omittendam omnino esse, nisi necessitas summa id postulet, & vbi necessaria est , ne pericranium simul lædatur. Et præstantissimi chirurgi ferè eam omittunt: Potestque alteratio capitis ab aëre frigidus tegumentis caueri. Et si tota cutis incisa est, omnino metuendum pericranium simul læsum esse, quo vulnerato , tutius est futuram omittere quam adhibere. Malè verò puto opponi futuram carnis generationi , atque curationem per agglutinationem & futuram pro eodem haberi. Etsi enim negandum non sit, cum experientia id testetur, etià cutem capitis (quamuis tardius , cum crassior sit & siccior) conglutinari : tamen vix fieri posse puto, vt illa agglutinatio fiat sine omnis carnis generatione , præsertim cum longiore tempore ad cutis agglutinationem opus sit. Et licet tardè generetur; omnino tamen & conglutinationem cutis fieri necessarium est , cum non ex carne cutis , neque ex cute caro crescat, aut cutis per carnem conglutinetur; sed ex cute solum cutis generetur , & cutis per cutem, seu cicatricem coalescat. Ideoque satis esse puto , si chirurgus de hoc primum sollicitus sit, vt necessaria medicamenta adhibeat , & vulneris labia per deligationem coniungat , reliquum naturæ committat. Nam vt simul aliquid carnis succrescat , ipse vix prohibere poterit, cum non sit possibile, vt sine omnis puris generatione & prouentu tale vulnus sanetur. Alteratur enim tum à telo , tum ab aëre externo, cruditateque quandam contrahit, quæ non nisi coctione, & puris aliqua generatione emendatur. Vnde in eius, quæ in pus vertitur, locum alia noua succrescat necesse est.

*Vulnera
frontis
an sint
suenda.*

Vulnera frontis nonnulli etiam per futuram coniungi debere docent , vt deformitas vitetur; idque ideo quod

pri

primò statim futura sicca, vel per glutinum adhiberi non possit; quapropter suendum censent vulnus, & secundo & tertio die futuram remouendam & glutinum adhibendum putant. Verùm hoc modo deformitas non euitatur: Puncta enim semel facta conspiciuntur: neque futura vsque ad vulneris consolidationem durat. Neque refert, etiam si in prima deligatione futura sicca non adhibeatur. Sufficit si in secunda id fiat.

Q V A E S T I O II.

Quo in loco contrasissura fiat.

Dè contrasissuræ loco non omnes idem scribere supra dictum est. Nonnulli in ea sunt sententia, fieri hanc fracturam in alia quidem ossis parte ab ea, quæ ictum excipit, in eodem tamen osse, nullo modo in opposita parte. Sententiæ huius est Paulus Ægineta, *lib. 60. cap. 90.* vbi aduersus Soranum disputat: cui assentiuntur Guido de Cauliaco, Vidus Vidius, Gabriel Fallopius. Idque ex usu futurarum probare conantur, quas inter alias causas ideo etiam datas volunt, vt si parte aliquâ cranium frangeretur, reliqua indemnis seruetur, terminusque læsionis esset futura ipsa. Ideoque si vitra & cucurbita exsiccata in parte opposita frangantur, in cranio tamen aliter se rem habere statuunt. Vitrea enim vasa & cucurbitæ exsiccatae vacuæ sunt, & agitato ex percussione in iis aëre, nec exitum inueniente in alia vel opposita parte fit fractura: cranium verò vacuum non est. Vitrea etiam & cucurbitæ cõtina corpora sunt, cranij verò partes inter se saltem contiguæ & futuris distinctæ.

Alij verò, & quidem ipsa experientia edocti, in alia cranij, quam quæ percussa est parte, imò in opposita fracturam fieri posse statuunt. Dux horum procul dubio Hippocrates, qui in *lib. de vulnerib. capitis*, scribit: Frangitur caluaria sub vulnere alia parte, quàm vbi plaga est. Idem post Hippocratem Soranus *lib. 8. de affect. cap. 4.* & Cornelius Celsus, *lib. 8. cap. 4.* Galenus, *lib. 6. m. m. cap. ultimo*, Auicennas *quinta quarti, tract. 3.* Nicol. Florentin. Ioan. de Vigo, Ioan. Andr. à Cruce, statuunt, qui omnes in alia, quam vbi plaga est, cranij parte fracturam fieri posse asserunt.

asserunt & obseruarunt. Ideoque ob rationes quasdam sensum dimittere non licet, vt Aristotel. 1. de generat. & corrupt. text. 58. habet, & in morbis externis sensus omnibus rationibus præferendus. Neque experientia hæc elidipotest, quod Amatus Lusitanus, cent. 3. curat. 42. & alij quidam asserunt, fieri posse, vt vna parte caluariæ læsa, cum alia longè distans afficiatur, non quod os fissum sit, sed quod sub eo cerebri meningum venula aliqua rupta sit, ex qua sanguis effluit & sanies fit ac putredo oritur. Experientia enim contrarium docet, obseruatumque, vt ex locis allegatis patet, non solùm venas, sed ipsum cranium in parte opposita, vel distantiori ruptum fuisse. Et quamuis cranij ossa non continua sint, sed contigua saltem: tamen quod aliis corporibus accidit, & cranio accidere potest. Dum enim aër in cranio ex ictu commouetur, & per totam cranij substantiam fertur, vbi in concursu cranij parti oppositæ alliditur, renitens frangit. Et sit sanè, quod etiam Galenus, 9. de usu partium, cap. 17. vult, vt hanc quoque futuræ vtilitatem habeant, ne si fractura accidat, ea nimis longè protrahatur, sed ad futuram terminetur: tamen nihil obstat, quin in opposita etiam alia parte fractura fieri possit ob causam modo dictam. Fracturæ quidem ad proximum os continuationem prohibent futuræ: vt verò in alio osse fractura peculiaris fiat, prohibere non possunt. Non tamen necessarium est, vt quoque supra diximus, vt contrafissura semper fiat in parte opposita, sed satis est si fiat in alia, quam quæ percussa est.

QVÆSTIO. III.

An cranium fissum statim & semper radendum sit?

Cranium
fissum an
semper
radendū
sit?

Celsus lib. 8. cap. 4. quo de vulneribus capitis diligenter tractat, antiquiores quidem Medicos in omni fisso fracto osse protinus ad ferramenta, quibus id exciderent, venisse scribit. Ipse verò melius esse putat ante emplastra experiri, quæ caluariæ causa componuntur, eorumque aliquod ex aceto molitum per supra fissum, fractumque os imponere, deinde super id aliquanto latius, quàm vulnus est, eodem medicamento illitum linteolum, & præterea succidam lanam aceto tinctam imponere iubet, & hoc modo

modo vsque ad diē quintum curare. Quod si caruncula incre-
scere coeperit, & febricula, aut soluta erit, aut leuior,
& cupiditas cibi reuerterit, satisque somni accedat, in eo-
dem medicamento perseuerandum esse censet. Hac enim
ratione sæpe rimas callo quodam, qui veluti ossis cicatrix
est, impleri scribit, qui callus aliquanto melius sit vela-
mentum cerebro, quàm caro, quæ exciso esse increfcit.
Si verò sub prima curatione febris intenditur, breuesque
somni, & iidem per insomnia tumultuosi sunt, vlcus ma-
det, neque alitur, & in ceruicibus glandulæ oboriun-
tur, magni dolores sunt, cibique semper fastidium in-
crefcit: tum demum ad manum scalprumque veniendum
censet.

Hierouymus Fabric. ab Aquapendente verò *l. 2. chirurg.*
cap. 17. Celsi sententiam, quam etiam Petrus Pavv. *in com.*
in hunc locum paradoxam appellat, improbat ob sequentes
rationes. 1. quia in vulneribus capitis, quæ sua natura
admodum periculosa sunt, pessimum est, exspectare praua
symptomata, ac tum demum providere, cum forsàn oc-
casio præteriit. 2. quia si rima non deradatur, vt pluri-
mum nigritiem contrahit, ob quam deinde ad os raden-
dum cogimur. 3. quia cranium etiam non læsum, si de-
nudatum sit, deradendum est, vt rasura saniei collectio,
quam ad subiectam membranam destillare potest, & eam
corrumpere, præcaueatur: Labia, quæ in osse inci-
sa sunt, inæqualia & aspera læuiganda sunt, & rasura
in exactam cognitionem profunditatis rimæ peruenien-
dum.

Verum enim verò Celsi, vtpote viri in Chirurgia peri-
tissimi sententia, præsertim vbi externa saltem lamina fis-
sa est, non planè reiiciendam puto: Etsi enim in iis regio-
nibus, vbi periculosa sunt capitis vulnera, nemini suaferim,
vt ratione differat; tamen in nostris & aliis regionibus, vbi
minus periculosa sunt capitis vulnera, ex Celsi sententia
curationem institui posse puto; cum certum sit & expe-
rientia id testetur, naturam vt in aliis partibus, ita & in
capite sæpe ossa consolidare, si omni rasura, quod vel
fissuræ illæ, quæ longius procedunt, testantur, quas ad
extre

extremum vsque inuestigare Galenus 6. *m. m. cap. 6.* & omnes Medici prohibent, quasque natura sine rasura sanat. Itaque hîc vulneris conditio diligenter perpendenda. Si enim eius labra non sint aspera & inæqualia, & vulnus tale sit, vt non sit metuendum, graua symptomata superuentura; naturæ negotium committere, & pulueres cephalicos, atque alia necessaria medicamenta adhibere licet. Et quamuis negari non possit multos satis commodè viuere, quibus magna pars cranij dempta est: tamen quod Celsus habet, negari non potest, melius & fortius velamen cerebro esse callum, qui in rima concrefcit, quam carnem, quæ concrefcit, vbi os derafum est. Potest etiam sine rasione vulnus mundari. Si verò vulnus sit inæquale & asperum, aut ob graua symptomata imminetia malum metuimus, ad rasuram statim accedendum. Neque hic semper ad septimum vel octauum vsque diem naturæ negotium committendum, & grauissima symptomata expectanda sunt, sed quid sub prima curatione, vt Celsus loquitur, & primis statim diebus fiat, attendendum. Facile enim ex signis à Celso traditis cognosci potest, an morbus in peius vel melius vergat.

Q V Æ S T I O. IV.

An dura meningi denudatæ siccantia, an verò humectantia medicamenta imponenda sint.

*An dura
meningi
siccantia
an hu-
mectantia
imponen-
da.*

Non eadem medicamenta membranæ duræ denudatæ chirurgos, vel olim imposuisse ex Galen. 6. *m. m. cap. 6.* patet: sed aliquos blandissima, quæ hodie digestiua vocantur, alios vehementer siccantia. Meges Sidonius, vt ibidem refert Galenus vehementissimis siccantibus utebatur, vt & ciuis quidam ipsius Eudemus, vir satis exercitatus in hac artis parte, sic vt emplastrum, quod Isis vocant, nudatæ membranæ imponent, & super hanc foris oxymel. Emplastrum autem Isis cephalicum lib. 5. de comp. medicamentorum 5. gener. cap. 2. describitur; paraturque ex ceræ 3. 100. Terebinth. 3. 200. squammæ aris rubri, æruginis rasæ, aristoloch. rotund. thuris, salis Ammoniac. aris vsti, rad Dracunculi, an. 3. viij. Aluminis vsti 3. xij. olei veter. 3. x. Terenda terantur, adiecto aceto acerrimo, & vt conuenit, coquantur

fur quousque non inquinentur manus, & fiant pastilli manibus aceto acerrimo intinctis, qui per x. dies in aceto acerrimo macerentur. Nullum verò alium his vsum se vidisse scribit Galenus: hoc tamen testatur, magis sanatos fuisse eos, qui ab Eudemio illo curabantur, quàm aliis qui blandis utebantur. Neque ea curandi ratio Galeno displicet hanc ob causam, quàm ab aliis qui blandis utebantur. Neque ea curandi ratio Galeno displicet hanc ob causam, quod auditorius meatus, qui non solum vsque ad duram cerebri membranam pertingit, sed etiam neruum attingit, qui ipsum à cerebro descendit, tamen vehementissima medicamenta tolerat: qualia propterea etiam duræ membranæ, ut natura siccissimæ, conuenire possunt: Atque ita Eudemio curationem approbare videtur Galenus. Eandem curandi rationem & Celsus obseruauit, qui perforatione peracta duram matrem aceto acerrimo vult inspergi, ut si cruor aliquis super ipsam sit concretus discutiatur. Deinde vsurpat emplastrum viride, vel Iudæum, quæ valde siccant, & ab eo lib. 5. cap. 19. describuntur. Atque hæc curandi ratio petita videtur ab Hippocrate, qui lib. de vuln. cap. iubet, ut exciso osse & membrana patefacta, valde siccantibus & detergentibus ea purgetur, ne diutius madens sub aliis medicamentis hebes fiat & putrescat.

Ex posterioribus verò Medicis sunt, qui membranæ duræ denudatæ spiritum vini, seu aquam vitæ aliquam, præcipuè cum cephalicis, vel solam, vel cum melle rosaceo, aut terebenthina, aut vnguentis cephalicis siccis mistam imponunt. Neque hic curandi modus per siccantia rationibus destitui videtur. Primò enim vlcera omnia exsiccatione indigent; anodyna verò & humida facillè putredinem excitant. 2. Oleum est nervis inimicum. Meninx autem dura est nervosæ substantiæ. 3. Frigida sunt nervis inimica, quale est oleum rosaceum, quod plerique adhibent.

Qui verò Romæ viuebant Medici tempore Galeni contrariam rationem sequebantur, ac humectantibus & præcipuè oleo rosaceo utebantur: alij columbæ sanguinem
cali

calidum supra membranam instillabant. Et de oleo rosaceo quidem scribit Galenus 11. *de simpl. med. fac. cap. 2. de sangu. columb.* sese sexcétos nouisse eorum quibus Romæ perfanata fuerint capitis ossa, nec quidquam ab vsu rosacei citra columbæ sanguinem offensos, statuitque nihil melius inueniri posse, quàm vt osse perforato optimo rosaceo vtaris. Galeno adstipulatur Aëtius *lib. 2. cap. 85.* & Paulus *Ægineta lib. 6. cap. 90.* Sequuntur hanc curandi rationem & hodie plurimi, qui tum oleo rosaceo, tum digestiuis medicamentis vtuntur, scribuntque non dari aliquod medicamentum, quod ita nobis similis temperaturæ naturalem & innatum calorem foueat & corroboret, fluxiones inhibeat, intemperiem remoueat, causis dolorem parientibus resistat: Et proinde cum præcipua cura Medici esse debeat, inflammationem prohibere; nihil verò magis ad inflammationem excitandam faciat, quàm dolor, medicamenta dolorem sedantia, & præcipuè oleum rosaceum, semper esse necessaria. Præterea quia vulnus incrudescens non parum molestiæ exhibet; incrudescit autem siccis medicamentis: potiora putant humectantia & lenientia. Sunt tandem qui vtramque curandi rationem probant, ac parum referre putant vtram sequamur.

Verum enim verò cū siccantia & humectantia medicamenta valdè differant, & contrarios planè effectus edant, non parum refert, an his, an verò illis vtaris. Itaque hac in re & vulneris & corporis & regionis conditio consideranda. Etenim si membrana sine inflammatione sit alba, illæsa ac pura appareat, dolorque absit, medicamenta sicca cephalica vsurpanda. Accidit verò sæpè hoc, vbi à telo membrana detecta est: quæ si mollis, illæsa, alba & pura appareat, mel rosatum vel solum, vel cum siccante aliquo mistum adhiberi potest. Scribitque Ioan. Andreas à Cruce, se longo experimento compertum habere, in Athleticis & exercitatis corporibus mel rosatum cum guttis iv. aquæ vitæ, imò vulnere, seu membranæ detectæ feliciter cum sypone imponi, & residuum vulnus puluere vel vnguento cephalico repleri. Neque omninò aquæ vitæ illæ in tali vulnere planè reiiciendæ videtur, cum neruosis partibus

*Spiritus
vini in
vulneri-
bus vlce-
ribus à*

amica

amicæ sint, à putredine præseruent, & in omnibus vulne-
 ribus vlceribusque detergendis, siccandis, & ad bonum
 exitum perducendis mirabilem vim habeant, id quod qua-
 draginta annorum experientia se obseruasse scribit Vale-
 riol. l. 5. obs. 8. Si verò dolor & inflammatio metuatur &
 membrana non planè illæsa sit, id quod plerumque acci-
 dit, cum artificis manu, ac instrumentis cranium aperitur,
 & vel agitatione nimia, vel ossis eminentia, vel quocum-
 que modo membrana læditur, & nō rectè sese habet, com-
 modissimum est oleum rosaceum omphacinum, quod ex im-
 maturis oliuis expressum est, & cum rosis non planè aper-
 tis paratur, quod & adstringendi vi aliqua roborat, &
 temperata frigiditate inflammationes prohibet & suppu-
 rationem, quæ in principio vulneris statim procuranda
 citat. Cum enim inflammationem penitus euitare non
 possimus, mitiorem eam fore docet Hippocrates, lib. de vl-
 cer. si quam celerrimè vulnus suppurare fecerimus. Non
 tamen nimis diu, & vltra septimam præter, propter quod
 fit tertio die deligationem, (neque enim certo dierum nu-
 mero hoc definiri potest) in huius vsu persistendum, ne
 putredo aliqua excitetur, & membrana tum à frequenti
 oleorum impositione, tum è puris longiore mora hebes-
 fiat; præsertim æstate, quo tempore citius pars generatur;
 hyeme autem ad septimum vsque diem nonnunquam me-
 dicamentis suppuratoriis vtendum. Ideoque quampri-
 mum pus bonum apparere incipit, oleo rosaceo, mel ro-
 faceum addendum, aut syrupus rosaceus, vel etiam oleum
 de vitellis ouorum. Hinc ad magis siccantia accedendum,
 & cranio pulueres cephalici inspergendi. Ad quam rem
 Meges Sidonius Iside solo utebatur in capitibus Persarum
 durissimis & robustissimis, & his, qui in Asia degebant.
 Itali non nisi duplo rosaceo abiecto vti audent. Neque ve-
 rò siccantia eiusdem planè modi in omnibus corporibus
 vsurparunt antiqui; sed in mollioribus corporibus ute-
 bantur emplastro, seu vnguento Isidis à Galeno descripto,
 quod fit ex vna parte emplastri Isidis, & duabus parti-
 bus cerati rosacei: In mediocri temperamento vnguen-
 to composito ex æquali horum portione. In robustissimis

corporibus, qualia sunt nautarum, agricolarum, Emplastrum Ifidis solum locum habere potest.

Eodem modo temperaturæ & corporis constitutionis ratio habenda est in lenioribus & anodynis illis adhibendis. Etenim in corpore molliore, & humidiores, qualia puerorum, sufficit solum oleum rosaceum. Sin caput sit ficius, ut in adultis & præcipue crispis capillos habentibus, resina abietina admiscenda, vel oleum hyperici. Sin adhuc ficius plus resinæ quam olei rosarum sumendum. Ita & æstate vtilius est oleum rosaceum, hyeme resina abietina.

Hodie ferè vtuntur vnguentis cephalicis de gummi elemi, de betonic. de matrisylu. quæ ita pleraque sunt composita, aut aliorum admistione ita facile temperari possunt, ut & dolorem leniant, inflammationem prohibeant, putredinem arceant. Vbi maiore siccatione opus est, adhibent, vel admiscent aquas vitæ supra propositas. Exemplum talium curationum videantur in locis supra allegatis.

Q V Æ S T I O. V.

An cranio fracto, cute verò integra manente, cutis secanda sit.

An cranio fracto Est Pauli Æginetæ, Celsi & plerorumque Chirurgicorum opinio, si cranium fractum, cutis verò integra sit, cutem capitis secandam esse, ut fractura pateat, & reliqua, quæ debent, commodè peragi possint. Refert tamen Vidus Vidius in *comment. in lib. Hippocr. de vulnerib. capit.* Iacobum Perusinum; Romæ Medicum & Chirurgum suo tempore celebrem, longo usu observasse, eos magis seruari, qui sine cutis incisione partim lenientibus, partim siccantibus medicamentis curantur, quam quibus cutis inciditur, & os aperitur, atque his longè aliam esse rationem cranij fracti denudati, quam cute intacti docet. Etenim si cranium detectum sit, si absque sectione relinquatur, humor, qui supra membranam cerebri delapsus est à calore, qui expirat, discuti non potest; quo circa putrescens hominem iugulat.

Vbi

Ybi verò cutis integra est, calor non expirat, ideoque sanie digerere, & ossa solidare potest; id quod in aliis etiam fracturis, quæ carne & cute teguntur, quotidie fieri videmus.

Verum sententia hæc absolutè vera non est. Facile quidem eam recipimus, si neq; magna sanguinis copia sub cranium effusa sit, neq; os fractum mēbranas pungat, neq; cranium depressum cerebrum comprimat, vt supra dictum. Vt enim alia ossa fracta à natura consolidantur: ita in cranio idem accidit, sicut manifestè in fracturis longius progredientib. euenit, quas ad extremum vsque inuestigare Galenus prohibet. Etsi nec vasa, nec cutis valdè læsa sit, sanies illa exigua à natura facilè discutitur.

Verum si sanguinis magna copia sub cranium effusa sit, & partium subditarum corruptio à pure metuatur, membrana ab osse fracto vel depresso pungatur, aut comprimatur, id quod ex signis supra traditis & symptomatib. grauius superuenientibus apparet. Cum natura ista vitia corrigere non possit, omninò cutis sectio & cranij apertio necessaria est. Præterea cum cutis sectione neglecta, nec fractura ossis, neque modus eius, neque terminus satis cognosci possit, cautus hic sit medicus, ne in aliquod periculum ægrum coniiciat. Et sit, vt saniem per cutem exhausti possit: ossicula tamen & squammæ in profundo hærentes non ita facilè extrahuntur.

Q V Æ S T I O VI.

*An in cranij fractura etiam internam laminam penetrante
semper cranium aperiendum sit.*

Communis est opinio, quam supra proposuimus, si cranij vtraque lamina fissa sit, cranium aperiendum esse, vt saniei, quæ colligitur, & deligatione exprimi, nec alio modo euacuari potest, exitus patefiat. Sunt tamen nonnulli, qui contrarium sentiunt, & breuius ac tutius emplastris, ceratis & aliis medicamentis extra apposis, quàm manuum & ferri opera cranium hoc modo fractum curari posse putant: Ideò, quod 1. per medicamenta nihil amplius destruitur, quod sit manuum opera, sed quod fractum est statim reficitur: 2. quod cranij apertione sæpè inflammatio-

*An in
cranij
fractura
cranium
semper
aperien-
dum sit.*

nes & alia symptomata accerfuntur. 3. quod membranarum cerebri inflammationes solis medicamentis; non verò manuum opera sanantur. 4. quod dantur medicamenta, quæ sagittas, spinas, & alia è corpore extrahunt, quorum sylua est apud Galen. 6. *de comp. med. sec. gren.* Scribonium Largum *de comp. med. cap. 201.* Celsum *lib. 5. cap. 19.* quibus etiam sanies sub cranio contenta extrahi posse videtur. Et tandem, quod ipsa experientia testatur, plurimos sola medicamentorum applicatione sine manuum opera sanatos fuisse.

Verum enimverò eadem ferè huius quæstionis solutio est, quæ tertiæ. Etenim si certò constet, neque cranium depressum esse, neque quicquam effractum, à quo cerebrum lædatur, & sanies tam parvam copiam esse, ac naturæ robur tantum, ut medicamentis adiuta saniem absorbere & dissipare possit, id quod ex symptomatibus apparet, apertione cranij opus non est. Verum si sanies sit paulò copiosior, aut à cranio cerebrum, aut membranæ eius lædantur, nullo modo omittenda sectio. Et cum semper satis certi esse non possimus, quanta saniei copia collecta sit sub cranio, & quantum naturæ robur sit: tutius ferè semper videtur maturè cranium aperire, antequam symptomata grauia superueniant, quæ postea apertionem difficiliorem & periculosiorem reddunt. Neque enim, si vtraque lamina rupta sit, per medicamenta semper sanies omnis discuti, neque membrana abstergi, à corruptione seruari potest. Et quamuis in partibus carnosis ad extrahendum aliena talia medicamenta adhibeantur: tamen quia id tardius præstant, & interea temporis inflammatio & alia mala excitari possunt, his solis non fidendum. Inflammationum etiam membranarum cerebri sine vulnere & fractura cranij alia ratio est, quam eius, quam hîc metuimus: ibi enim humor adhuc in venis & partium poris est, non verò extra parti incumbit, & propterea facilius à natura regi potest: hic verò extra parti incumbens si putrescat eam necessariò corrumpit. Neque etiam omnes à membranarum cerebri inflammationibus conualescunt. Et quamuis interdum in robustioribus naturis, in quibus sæpè in vulneribus quasi miracula

racula sunt, fracturæ tales sine cranij apertione curentur: tamen idem de aliis omnibus polliceri non licet.



CAPVT XXV.

De fungis cerebri.

F Membranis cerebri vulneratis interdum caro quædam mollis, & radice subnixa instar fungi quandoque pullulat, quæ idcirco etiam fungus appellatur. Vt enim per arborum cortices interdum humor quidam vitiosus exstillat, qui in fungum concrescit: ita si membranæ cerebri lædantur, humor quidam exstillans in carnem mollem, quæ fungi instar est, mutatur, & breui tempore sæpe magnum incrementum sumit. Natura enim nunquam otiosa est, ac si humores affluentes ob eorum ineptitudinem, vel etiam partis debilitatem in eius alimentum vertere non possit, in eam, quam potest, naturam conuertit, quomodo etiam alibi in corpore verrucæ & similia generantur.

Fungi cerebri.

Subiectum, vt in *Epist. ad Gulielm. Fabr. cent. 2. obseru. 35.* scripsi, membranam esse puto, eamque non integram, sed vulneratam, seu contusam, ita vt humores affluentes ex ea læsa exstillent, & in talem fungosam ac mollem substantiam conuertantur. Ideoque non solum in cerebro, sed etiam in aliis partibus membranosis contusis, tales fungi oriuntur, quos Chirurghi antiqui Nattas & Naptas appellant.

Discernendos autem esse puto istos fungos, propriè ita dictos, à carne illa vtili, quam natura prouida interdum ad cerebrum & membranas nudatas interdum tegendas ex vtili alimento ex humoribus secundariis, quos vocant, generat, quamq; nonnulli etiam fungum appellant. De quo proculdubio intelligendum est, quod Volcherus Coiter in *observ. anat.* scribit se in omnib. capitis vulnerib. quæ tum ipse curauit, tum à Fallopio & Iulio Cesare Arantio curata vidit, animaduertisse, substantiam quandam fungosam, duram, &

ita tenaciter partibus subiectis annexam, vt spatula auferri nequiuert, suppullulasse. Fungos enim propriè dictos, qui plerunque lethales sunt, in capitis vulneribus ita frequenter nasci credibile non est. Ita quoque caro non ita subito generatur, nec valdè extuberat. Fungi verò propriè dicti ex humoribus vitiosis affluentibus instar fungorum citissimè generantur, vt sæpè vno die magnitudine oui gallinacei excrescant, & licet aliqua pars dematur, paulò post maior repullulat.

Signa Diagnostica.

Visu facilè huiusmodi vitium cognoscitur. Ex contusa enim, seu vulnerata membrana cerebri breui téporis spatio fungosa pallida caro subito excrescit & pullulat, vt sæpè etiam supra cranium & cutem emineat.

Prognosticum.

Fungi hi periculosi sunt, & plerumque lethales: cùm ab humorum vitiosorum ad cerebrum affluxu proueniant, & tandem putrescentes gangrænam attrahant.

Indicationes.

Cùm ab humorum vitiosorum ad cerebrum affluxu gignantur fungi, humores illi è corpore euacuandi, & à capite reuellendi sunt. Ipse verò fungus siccantibus, & ex edentibus medicamentis absumendus; acriora tamen hic vitanda. Excisio verò, quæ ferro fit, vt & quæ ligatura & filo serico, adeò tuta nō est; cùm grauiora symptomata superueniente soleant. Si tamen fungus nimium incrementum summat, filo serico ad radicem ligandus arctius, vt decidat, reliquum medicamentis siccantibus absumendum. Si etiam durities aliqua & malignitas adsit, quæ canceri naturam referat, tum lenioribus medicamentis non cedit fungus; acrioribus verò magis irritatur, & proindè nisi radicitus excindatur, vix tuto, citò & sine dolore curari potest, vt sentit Guilelm. Fabricius.

Curatio.

*Fungorū
cerebri
curatio.*

Qua ratione corpus vniuersum à vitiosis humoribus euacuari debeat, ex superioribus patet. Ad fungum verò exciccandū & absumendū inseruiunt Sabina, hermod. cōb. rad. caryoph. angel. aristol. rotund. irid. Florent. rosmarin.

Ambro


Ambrosius Paræus hoc puluere vtitur.

℥. *Sabinæ* 3.ij. *ochræ* 3. j. fiat puluis. Guillelm. Fabric. isto.

℥. *Rad. caryophyll. angelic. calami arom. an. 3. β. aristolochiæ rotundæ, iridis Florentin. ligni guaiaci an. 3. ij. flor. salu. summ. maioran. flor. rorismarin. an. P. j.* fiat puluis subtilissimus. Deinde hoc Emplastrum imponit.

℥. *Emplastrum de betonic. 3. iv. gumm. elem. dissolut. in ol. rosar. 3. j. pulu. rosar. myrtil. mastiches, calami arom. an. 3. j. β. Cum s. q. olei rosarum.*

Videatur Paræus *lib. 9. Cap. 19.* Guilelm. Fabric. *cent. 1. obseru. 14. 15. cent. 2. obser. 35. 36.*



CAP V T XXVI.

De carie Cranij.

Continui solutio in ossibus, quàm erosio ab humoribus acribus gignit, caries appellatur. Ea quandoque etiam cranio accidit, cùm scilicet per vulnera aut vlcera sanies defluens ossis substantiam corrumpit. In quo humore interdum est peculiaris proprietas, quæ ossi aduersatur, vt obseruatum sit cranium corruptum & cariosum euasisse cute capitis integra manente.

*Cranij
caries.*

Signa Diagnostica.

Cognoscitur visu, & os nudatum à naturali colore in liuidum & nigrum mutatum est, tactu quoque, specillo immisso deprehenditur, cum scilicet inæquale & asperum quid occurrit, & specillum leuiter adactum in ossis substantiam, tanquam lignum cariosum penetrat. Cariem ossis indicat etiâ sanies liquidior, tenuior & foetidior, quàm quæ à simplice carnis vlcere prouenire possit. Caro insuper est laxa & mollis, vlcusque, sicut accidit, est rebelle, nec facile cicatricem contrahit.

Prognosticum.

Si caries non admodum magna sit, & medicamenta, vel ferrum commodè adhiberi possit, malû incurabile non est.

Quicquid ossis corruptum est, à sano separandum. Fit hoc dupliciter: medicamentis, vel manus opera. Si enim caries minus profunda sit, sufficiunt medicamenta, quæ insigniter exsiccant, quo fit ut glutine, quo cum osse sano cohærebat, absumpto abscedat & separetur, vel natura roborata & vitioso humore absumpto sponte, quod corruptum est, separat. Inseruiunt huic vsui pulueres cephalici dicti supra enumerati, quibus & alia exsiccantia addi possunt. Ex iis sunt alia mitiora, alia fortiora.

Mitiora quæ in corporibus mollioribus, & si corruptio ossis non sit magna, usurpanda sunt, *radix ireos, aristolochiæ rotund. peucedan. myrrha.*

Fortiora, quæ in corporibus durioribus, & si corruptio maior sit, locum habent, *rad. dracontij, cortices pini, scoriaris*; inter fortissimum est, *euphorbium & vitriolum*. Exempli gratia.

℥. Pulu. aloes, pumic. vsti, pompholyg. an. 3. ij. rad. ireos Florentin. aristoloch. rotund. myrrha, an. 3. j. ostrea combusta 3. s. fiat pulvis subtilissimus, qui vel solus, vel melle rosato & spiritu vini mixtus applicetur, & hoc emplastrum apponatur.

℥. Cerae nouæ, resinae pini, gummi ammoniac. elemi an. 3. vj. terebinth. 3. iij. pulu. mastiches, myrrha, aristolochiæ rotunda, ireos Florentin. aloes, opopanax. euphorbij, an. 3. j. olei rosacei q. s. fiat emplastrum. Vel imponatur emplastrum de Betonica.

Quod si maior sit ossis corruptio, quam ut medicamentis emendari possit, os radendum, donec integrum & album appareat, ac aliquid sanguinis extillet, vel scalpro, aut alio instrumento cariosum exscindendum: Aut si corruptio maior sit, & maligna, ut nec ferro tolli possit, cauterio os adurendum, de quibus plura dicentur, ubi in genere de ossium carie curanda tractabitur. Videatur interim Celsus *lib. 8. cap. 2.* Ambros. Paræus *lib. 9. cap. 20. & lib. 18. cap. 26. 27.* Hieron Fabric. ab Aquap. *lib. 3. cap. 10.* Chalmataeus *ench. chirurg. cap. 8.*

CAPVT XXVII.

De tumoribus Cerebri : & primò de cerebri & meningum eius inflammatione.

Absoluimus hæcenus tria morborum simplicium, quæ capiti accidere possunt genera : Superfunt quidam morbi compositi, tumores nimirum in quibus intemperies cum materia coniungitur cum magnitudine aucta, & quandoque etiam cum vnitæte soluta : quorum duo explicanda sunt, inflammatio scilicet & hydrocephalon.

Et primò quidem inflammationem quod attinet, cum ad cerebrum & eius membranas plurima rafa sanguinem vehentia tendant, & per has partes disseminentur, si sanguis ex iis excidat, & in poros & spatia partis effundatur, atque ibi corrumpi, & putrescere incipiat, inflammatio excitatur.

*Cerebri
& meningum
eius inflam-
matio.*

Causæ.

Causa nimirum inflammationis cerebri est sanguis, isque vel purus, vel pituitosus, vel biliosus. Vt autem sanguis ille p. n. ad cerebrum & membranas eius effundatur, faciunt, quæcumque sanguinem nimis calefacere, & ad caput conuertere possunt, ut aëris feruor, quo cerebrum incalescit, humoresque feruidi è toto corpore sursum trahuntur, ictus & capitis vulnera, ac dolor inde sequens, vigiliæ diuturnæ, ira, victus ratio calidior, ac in primis vini meracioris potus, à quo sanguis accenditur, & ad caput mouetur, tandemque motus humorum symptomaticus in febribus.

*Causa
inflam-
mationis
in cere-
bro.*

In primis verò duobus modis cerebri & membranarum eius inflammatio generatur, vel febre præcedente, vel sine febre ex cerebri & membranarum eius læsione, aut nimia calefactione.

Primò enim ut in febribus quibusdam continuis, sæpe malignis, materiæ febrem parientis pars aliqua à natura mox sub initium ad partem aliquam, ut pleuram, pulmo-

nes, fauces detrudi solet, unde pleuritis, peripneumonia, angina oritur: Ita si eadem ad cerebrum, aut membranas eius detrudatur, inde inflammatio cerebri & membranarum eius excitatur; quæ febris propterea vulgo quidem symptomata appellatur, sed rectius à Platero comitata dicitur: cum febris ista non inflammationem cerebri, sed inflammatio cerebri febrem sequatur, & à febrili natura ortum habeat.

Deinde aliquando ex causis euidentibus, ut vulnere, percussione, contusione capitis, mora sub radiis solaribus, & similibus causis sanguis ad cerebrum, eiusque membranas concitatur & confluit, ibique inflammationem excitat.

Pars affecta nunc est cerebrum secundum inflammationem eius: aliquando cerebrum ipsum. Etenim cum vasa, quæ sanguinem ad cerebrum deferunt, membranis cerebri inuestientibus inferantur, si sanguis eo effundatur, ipsæ inflammationem concipiunt, & sanguinis parte in cerebrum effusa, & ob vicinitatem ipsum quoque calorem concipit & inflammatur. Et cum cerebrum ipsum etiam alatur, & ad spirituum animalium generationem arteriæ sanguinem aduehant, si sanguis confertim in eius substantiam & poros effundatur, ibi calorem p. n. concipit, putrescit, & inflammationem parit.

An cerebrum inflammari possit.

Vocatur quidem à nonnullis in dubium, an cerebri substantia inflammari possit; sed nihil obstat, quin id accidat, cum & illud sanguine nutriatur, de quo plura in Institut. lib. 2. part. 2. sect. 2. capit. 4. de phrenitide dicta sunt. Videatur etiam Petrus Salius diuersus de affect. partic. cap. 1.

Siue autem cerebrum, siue membrana eius inflammatur, & generationis ratio, & curandi modus idem est: quamvis, si cerebrum inflammatur, cum maiori periculo coniunctus morbus sit; cum phlegmonis magnitudinem gangræna sequi soleat, de qua interpretatur Galenus aphorismum 50. sect. 7. *Quibus cerebrum syderatum est intra tres dies pereunt: si vero hos superuenerint sani fiunt.* Et cum inflammatio cerebri plerumque in gangrænam abire soleat, inflammatio ista cerebri sub nomine sphaceli cere

cerebri plerumque à Medicis proponitur, de quo etiam Hippocrates, 3. *de morb. in init.* & 2. *de morb.*

Etſi verò curandi ratio parum aut nihil variet, ſiue cerebri, ſiue membranæ eius inflammantur; tamen ſymptomatibus non parum differunt, de quo mox in ſignis dicetur.

Differentia.

Differt hæc inflammatio, I. vt dictum, ratione ſubiecti, quod nunc ſunt membranæ ſolùm, nunc verò ipſum etiam cerebrum. II. ratione cauſæ, quæ nunc eſt ſanguis purus, nunc ſanguis cum multa bile miſtus, vel etiam ſanguis ſeroſæ humiditatis, aut pituitæ aliquid participans. Etſi verò ſanguis & bilis aduri poſſint, vt in atrâ bilem vergere incipiant, & tum etiam grauiora deliria excitentur: tamen cum bilis in atram bilem iam abiit, potius mania, quàm phrenitis oritur, & vix atra bilis putreſcere, ac febrem excitare poteſt, ſicut id in cancro videmus.

Verum differentiæ hæc cum niſi quantum ad cauſas non niſi, curationem diuerſam non habeant, inflammationes cerebri & membranarum eius ſimul proponere volumus: quia tamen ſignis & ſymptomatibus non parum diſcrepat inflammatio cerebri ab inflammatione membranarum eius, ſigna vtriuſque ſeorſim proponemus.

Signa inflammationis membranarum cerebri.

Inflammatis cerebri membranis, adeſt febris continua, & delirium perpetuum ac vigiliæ, quæ propterea ſigna inflammationis membranarum cerebri ſunt pathognomonica.

*Membrana-
rum ce-
rebri &
inflam-
mata-
rum ſig-
na.*

I. Febris acuta & continua ſemper coniuncta eſt: ſiquidem aliquando febris inflammationem præcedit, aliquando ob magnum cordis & cerebri conſenſum ſtatim inflammationem cerebri feбри ſequitur, quæ de tertio in tertium exacerbatur, vt etiam in pleuritide accidere ſolet, quod bilis ferè ſemper coniuncta ſit. Et licet prior differentia inflammationis cerebri à febre ortum habeat: tamen rurfus inflammatio capitis & cordis conſenſum augere poteſt.

I I. Adest delirium perpetuum ; sed id sensim & paulatim inchoat , & inflammationis huius præludium esse solet : quoniam in incendio illo , spiritibus animalibus continuo agitatibus & impulsis , mentisque officina turbata , imaginatio & ratio suo munere , ut par est , fungi non possunt.

I I I. Præterea cum cutis sectione neglecta , nec fractura ossis , neque modus eius , neque terminus satis cognosci possit , cautus hic sit medicus , ne in aliquod periculum ægrum coniiciat. Et sit , ut saniem per cutem exhaurire possit : officula tamen & squammæ in profundo hærentes non ita facile extrahuntur.

His accedunt & alia : sæpe ægri floccos & festucas legunt , ob turbatam spectris inanibus phantasiâ. Dolor capitis & ceruicis percipitur , quem successu temporis ægri non percipiunt ; quoniam mens ægrotat : Ægri ad iram proni sunt , strident dentibus , oculi rigent , accidunt tremores , & totum corpus inordinatis motibus concutitur : Obliviscuntur ægri meiore petita matula , vel linguam intra os retrahere , ubi exuerint , memoria varietate spectrorum & imaginum à munere suo auocata. Pulsus est tardus , durus & celer. Respiratio magna & rara ; quia spiritum etiam ægri ducere obliviscuntur , & raritas magnitudine in illo febrili incendio suppletur. Æger sit *βραχυπότης* , id est , sitim etiam præsentem non sentit ; quia mens læsa est. Facies & oculi rubent , attracto per calorem sanguine ad caput , oculi squalent ob siccitatem cerebri , viridi amplius non sunt , quod spirituum animalium vigore destituuntur , & lumen refugiunt , quo spiritus agitati magis dissipantur : Aspectus est toruus ob conceptam animi ferocitatem , lachrymæ excernuntur acres , paucæ , oculorum angulis adhærentes. Lingua aspera est , citrina vel nigra , vaporibus feruidis humiditatem linguæ absorbentibus ; eiusque tunicam corrumpentibus : sanguinis stilla fit è naribus , natura conante quod molestum est expellere , sed præ virium imbecillitate succumbente : quod si stilla nigra sit , lethale est , ob exustum in venis cerebri sanguinem. Interdum lachryma acris ex altero oculorum

fluit,

fuit, ob dissolutionem humorum ab immodico calore, unde & lemæ siue sordes in oculis existunt. Urina supprimitur: quia sensus interiores laborant, & ægri neque pondus, neque acrimoniam urinae percipiunt. Dum autem emittitur, alba plerumque est & perspicua, quod bilis quæ urinam tingere solet, ad caput rapiatur. Imminentis quoque inflammationis cerebri signum ex urina haberi potest. Si enim circularis spuma in urina appareat, in morbo, qui in inflammationem cerebri abire potest, flatuum copiam significat, qui humores secum ad caput rapere, & inflammationem ibi parere possunt. Vbi verò iam urina, quæ antea erat, valde tincta, vel etiam turbida, clarior & remissè colorata apparet, sine signis coctionis & morbi diminutione, moueri humores ad caput, & iam iam instantis cerebri inflammationis indicium est, præcipuè si vigilie infestare, & æger delirare incipiat. Alius est adstrictior. An autem inflammatio sit à sanguine puro vel bilioso, ex signis intemperierum capitis supra traditis cognoscendum. Hoc saltem hic addimus, si ex sanguine puro sit inflammatio, vel cum humore seroso aut pituitoso misto; deliria sunt mitiora, & cum risu: Si verò à flaua bile, delirium est grauius, & cum iracundia & truculentia: quæ si aduratur, grauissimum fit delirium.

Signa inflammationis cerebri.

Si verò sanguis confertim & subito in ipsum cerebrum effundatur, symptomata non parum variant. Febris quidem continua vtrique inflammationi communis est: reliqua tamen non parum differunt. Nam inflammatione cerebri primò quidem ægrum apprehendit ingens capitis dolor, qui per occiput collo & vniuersæ spinæ communicatur. Hinc sensus omnes amittuntur, tum externi, tum interni. Et ægri nec dolorem, nec quicquam molestiæ percipiunt, nec delirant, & interrogati non respondent, & parum aut prorsus non loquuntur; quod non accidit in inflammatione membranarum cerebri, in qua adest delirium, & sensus non amittuntur, sed solum deprauantur, solusque motus in inflammatione cerebri remanet, qui

*Cerebri
inflammationis
signa.*

qui adeò interdum validus est, vt vix loco contineri queant ægri, qui nonnunquam etiam in proprium corpus sæuiunt, & capillos sibi euellunt, vel vnguibus faciem dilaniant; quod procul dubio prouenit irritata natura, & æstuante intra corpus maximo incendio. Facies in principio rubet, vt & oculi. Morbo verò præcedente, corpus languescit, ad motum impotens redditur, decubitus raro mutant ægri, ac dormire quasi videantur; manus tamen sæpius mouent, quasi aliquid quærere vel apprehendere velint, manus etiam sunt tremulæ.

Prognostica.

*Inflam-
matio cere-
bri quot
diebus
termine-
tur.*

1. Inflammatio cerebri & membranarum eius morbus est acutus & periculosissimus, quæ si sit acutissima, quale exemplum est, 3. *Epidem. comm.* 3. ægrot. 4. tertio die hominem iugulare potest. Plerique ita affecti, inter septimum diem moriuntur, perpauci, hique rari hunc superant. Galenus, vt *loc. allegat.* testatur, quarto die & quinto acuta à prima die statim phrenitide correptos vidit exanimatos fuisse, tertio non vidit. Auicennas *libr. 3. centur. 1. tract. 3.* vnica die phrenitide extinctos narrat. Prosper Alpinus *lib. 1. de med. Aegypti. cap. 13.* refert in Ægypto se vidisse phreneticos mortuos trib. vel quatuor diebus. Nonnunquam tamen ad diem 23. & 24. & plures extenditur: mutata morbi natura ex acuto simpliciter in acutum ex decidentia, vt ex Hippocrat. *loc. allegat. t. 84. & seqq.* videre est.

2. Longè tamen periculosius malum est, si ipsum cerebrum, quàm si membranæ tantum inflammentur. Cerebri enim inflammatio plerumque in gangrænam & sphacelum definere solet, de quo Hippocrat. 7. *aphor. 50.* *Quibus cerebrum sphacelo correptum est, intra dies tres moriuntur. Si verò hos superant sani sunt:* qui verò conualescunt, nec morbi, nec alterius rei ad morbum pertinentis recordantur.

3. Inflamatio cerebri & membranarum eius, quæ à puro sanguine est, minus periculosa est, quàm cùm bilis simul mista est.

4. Quò functiones plures sunt læsæ, & grauiora sunt symptomata, eò malum periculosius est.

5. Lingua contremiscens hic malum. Significatur enim magna animalis facultatis imbecillitas ex immoderata cerebri caliditate & siccitate.

6. In inflammatione membranarum cerebri alba deiectio mala; quia significat motum bilis ad caput. Galenus, 1. *prorrh. com.* 1. c. 12.

7. Vrina pellucida & alba veluti aqua in inflammatione cerebri & membranarum eius malum: quia morbum maximè crudum esse, bilemque omnem sursum rapi ostendit. De quo Hippocrates 4. *aphorism.* 72. quibus pellucidæ & albæ sunt urinæ, malum: maximè verò si in phreniticis appareant; scribitque Galenus in *commenta.* nullum se phreniticum seruatum vidisse, in quo talis apparuisset vrina.

8. In inflammatione adhuc cruda rigor signum pessimū est, id est, si acidat rigor ille materia biliosa adhuc in corpore existente: quod ex eo cognoscitur, quod alba per alium deiciuntur. Est enim rigor ille symptomaticus. 1. *prorrh. com.* 1. *aph.* 13.

9. Vt in aliis febribus acutis, ita in inflammatione cerebri & membranarum eius sanguinis è naribus stilla mera; id est, nigra sincera pessima est, exustionem scilicet sanguinis in cerebri venis significans, quem natura morbo succumbens frustra expellere nititur. Nam, vt Galenus addit, rubri sanguinis stilla in morbo exitiali haud vnquam visa est, sed nigri semper. 1. *Epid. com.* 3. *agrot.* 1. Si verò copiosius sanguis fluat, indicio est ægrum ex morbo conualiturum.

10. Si quis in tali morbo dentibus stridat, non consuetus id facere à pueritia, futuri delirij indicium est: Quod si verò iam deliret æger, & simul stridat dentibus, mors in propinquo est. Nam conuulsio significatur musculorum in temporibus & maxillis; 1. *progn.* 1. & 1. *Epidem. com.* 2. t. 53.

11. In inflammationibus cerebri, in quibus tremulæ, obscuræ & contrectabiles desipientiæ sunt, vt Hippocrat. 1. *prorrh.* 33. nominat, longè periculosiores sunt, quam quæ sunt *σπονδαίαι*; & tumultuosæ, ob membranarum inflammationem.

*Deliria
in inflā
matione
cerebri
qualia.*

flamma

flammationem, & ob simulatam mansuetudinem minimè contemnendæ, quod tam cerebrum ipsum, quàm membranæ ipsæ inflammatae sint. Non rarò enim accidit, vt Galenus *in comment.* ait, vt ægri tales quieti iaceant, neque solùm non tumultuosè exclament exsiliantque, vt antea vel aliàs fieri videmus, sed neque prorsus loquantur, neque figuram decubitus permutent, ita vt familiaribus præbeant opinionem quod mox sint dormituri; imò dormire putentur, quod neque loquantur, neque moueantur, & clausas etiam palpebras quidam habeant, & si quis accedens, cum iis colloquatur; alij palpebras non aperiunt, alij postquam aperiunt, statim claudunt. Vnde Hippocr. obscuras desipientias appellat, quod non solum Idiotis, sed etiam Medicis cognitu sint difficiles. Galenus tales *φρενιδες*, hecéticas appellat, quod ipsum cerebrum humorem acceperit, & quasi imbiberit.

12. Pessimum etiam signum est si phrenitidi superueniat conuulsio, vt Galen. 12. *method. medend. cap. 8.* testatur se nullum vidisse, aut audiuisse vnquam qui hoc modo affectus euaserit.

13. Qui in febre acuta, aut phrenitide (quæ omnis est, vel inflammatio cerebri, vel membranarum eius) aut peripneumonia, aut capitis dolore manus ad faciem subinde ferunt, aut frustra venantur muscas, aut colligunt festucas, aut de veste pilos euellunt, aut de pariete festucas carpunt, id omne malum exitiale est. Affectus enim tanta vis significatur, vt mentis etiam sedem inuasit & perturbauerit. *1. progn. t. 23.*

14. A peripneumonia inflammatio cerebri, malum. Nam materiæ ab ignobiliore ad nobiliorem translatio significatur ob morbi magnitudinem & virium imbecillitatem. *7. aphor. 12.*

15. Inflammationem cerebri & membranarum eius, & inde prouenientem phrenitidem indicat sudor bonus, & præcipuè si à capite multus & calidus fluxerit, sudante simul reliquo corpore. Contingit autem nonnunquam etiam per sanguinis è naribus fluxum eandem iudicari. Galenus, *3. de crisib. cap. 3.* Nonnunquam & per aluum ingens copia

bilis post summum morbi vigorem à natura euacuatur.

16. Quæ verò ad suppurationem tendunt, omnes ferè sunt lethales; cum pus intra membranam & cranium euacuari non possit. Refert tamen Hercul. Saxonia, *capite proprio*, se vidisse seruatum, cui sanies erumpebat per os & aures, sed ipse hoc pro raro & tantum non pro miraculo habet. Ducit autem morbus ad interitum per virium resolutionem, tremorem, conuulsionem, veternum.

Indicationes.

Quæ in aliis inflammationibus dantur indicationes, ex & hic locum habent: nimirum sanguis & humor, qui ad caput affluit, euacuandus, reuellendus, deriuandus, repellendus, intercipiendus: Qui verò iam affluxit, & in capite hæret, vel sensibilibiter euacuandus, vel insensibilibiter discutendus. Etsi per attractionem ipsius capitis eò confluat, ob intemperiem capitis calidam, refrigeranda illa est; si ob dolorem, is mitigandus. Si verò per transmissionem eò feratur materia, siue à toto, siue à parte aliqua, ratio habenda cum mittentis, siue sit pars aliqua, siue totum corpus, & ea euacuanda, & alteranda; tum recipientis, hoc est, capitis, quod propterea roborandum, ne materiam affluentem admittat. Et cum febris semper coniungatur, totius corporis simul ratio habenda, & in primis si à febre ortum habeat hæc inflammatio: curatio febris, vt decet, institienda. Ipsa tandem intemperies capitis alteranda. Vires quoque corporis custodiendæ alimento iusto modo, & quantitate adhibito, & somno ac quiete conciliata.

*Cerebri
inflama-
tio quo-
modo cu-
randa.*

Curatio.

Qua ratione autem istis indicationibus satisfieri possit, maximam partem ex iis, quæ supra cap. 8. de intemp. cap. cum sanguine curanda dicta sunt, patet: Nimirum cum inflammatio cerebri sit morbus valdè acutus, & breui tempore ita inualescat, vt curationem postea non admittat, subitum auxilium requirit, quale est venæ sectio, quæ sanguinem inflammationis causam euacuat, alio reuellit, deriuat, atque ita quod in inflammatione adhuc sit, prohibet, quod verò factum est, tollit.

*Qua ve-
na aperienda.*

Itaque si vires id ferant, præmissio leni clystere, sanguis mox detrahatur ex cephalica, aut si magna adsit sanguinis copia, ex hepatica vel mediana primum, & post aliquot horas è cephalica, quæ non solum reuellit, sed etiam deriuat, & è venis, per quas sanguis ad caput proximè fluit, euacuat. Si tamen ex mensium vel purgationis post partum, vel hæmorrhoidum suppressione malum originem habeat, saphena in pede aperienda. Quia tamen verò consentaneum est, iam liquid in capite receptum esse, vel proximè in id moueri, nec cephalicæ sectio postea omittenda. Nisi enim sanguinis ad caput fluentis impetus sistatur, & ille, qui in venis, per quas ad caput defertur, fluctuat, deriuetur, sine fructu repellentia adhibentur, cum humores, dum vasa plena sunt, repellentibus non cedant. Etsi verò nonnulli dubitant, an in inflammatione cerebri & membranarum eius, præsertim à sanguine bilioso, sanguis mittendus sit: tamen causas dubitandi sufficientes non habent; Cum certum sit, bilem sine sanguine inflammationem non parere, & nō nisi sanguine commixtam ad cerebrum ascendere: idque in primis verum est, si inflammatio cerebri per se sine febre incipiat. Etsi verò quandoque accadat, vt natura errans vel in augmento, vel in statu febrium, biliosos & vitiosos humores à sanguine separare conetur, eosque ad caput mittat: tamen nec tunc id sine sanguine fit, & tunc vena, vt mox dicetur, aperienda.

Quando vena aperienda.

Aperiatur autem statim ab initio quacumque etiam diei hora; cum tutum non sit in inflammatione cerebri phlebotomiam ad tertium diem differre, donec tota materia influat, & in capite figatur. Si verò febris inflammationem aliquandiu præcesserit, nec ab inflammatione febris illa ortum habeat, & iam ratione febris sanguis missus sit; nihilominus repetenda venæ sectio, & pro virum, quæ proculdubio febre iam debilitatæ sunt, ratione parcius sanguis mittendus. Si verò sanguis antea non sit missus, & vires constiterint, audacius sanguis emittendus. Itaque tunc cephalica mox aperiatur, vel si vires id non ferant, vena in manu, aut quod commodissimum

mum est ; saphena in pede vno , vel utroque ; cuius venæ in talibus morbis apertio plurimum utilitatis affert. Cum verò delirium aut immineat , aut iam adsit, foramen non amplum fiat , ut vulnus citò coalescat : accuratè quoque vulnus obligetur , ne ab ægro reuellatur. Quam ad rem linimentum vtile ex aloë , albumine oui , & pilis leporinis paratum.

Quantum sanguinis euacuandum sit , tum ex viribus ægri , tum ex humoris inflammationem parientis copia & conditione æstimatur. Minus enim educitur , si humor ad bilis naturam propius accedat : plus si à sanguinis , & si sanguis sit copiosior & inflammatio incipiens , nec ex alio morbo orta. Non tamen , ut Arabes quidam volunt , usque ad deliquium animi sanguis emitte debet , ne vires collabantur , quæ per se ob vigilias & iactationes perpetuas , mentemque turbatam imbecilliores sunt , & à victu paulò pleniore auxilium in hoc morbo expectare non possunt. Et tutius est , bis potius eodem die , vel bi-
Quantum sanguinis euacuandum.

Si verò venam aperire non liceat , cucurbitulæ cum scarificatione iterata & profunda , applicentur primò par-
Cucurbitula.
 tibus inferioribus , postea superioribus ; nec omittantur alia reuulsionum genera , per frictiones crurum , cucurbitulas etiam non scarificatas cruribus applicatas , ubi sanguinis euacuatione ita non opus est. Nam si plenitudo ita adhuc adsit scarificatio , ut dictum , simul adhibenda : quod in primis faciendum , ubi ex suppressis mensibus vel hemorrhoidibus malum originem ducit. Vtile quoque fuerit , vesicatoria ex cantharidibus scapulis & brachiis apponere.

Clysterum vsus etiam post phlebotomiam conuenit ; ac in primis si phlebotomia omissa sit frequentius iniiciantur , ex humectantibus & refrigerantibus parati , quibus præter quam quod aliis emollitur (ventris enim adstrictio hic summopere cauenda est , ut quæ malum & causam eius augeat & confirmat) humorum etiam acrimonia temperatur.

Vt ℥. Radic. althææ ℥. j. folior. malvæ, violarum, lactuc. parietar. betæ, an. M. j. centaur. minor. flor. nymphææ, an. p. j. prunorum Damascen. num. x. Coquantur in aqua hordei simpl.

Colat. ℥. ℔. j. adde Electuar. lenitiu. simplic. vel diacatholic. cassiæ pro clysteribus, an. 3. vj. olei violarum ℥. ij. syrup. rosarum solutiū. ℥. j. salis 3 ℔. fiat clyster.

Et quod clysteres præstant, idem commodè mitiora lenientia efficere possunt, quæ propterea commodè intrò exhibentur; cum non solum primas vias euacuent, sed & feruorem humorum temperent, ac refrigerent, qualia sunt syrup. rosar. & violar. solutiū. cassia, tamarind. diaprwn. simplex, lenitiū.

An electiue purgantia inflammationi cerebri conueniant.

An autem electiue purgantia inter initia exhibere liceat, de eo inter Medicos non conuenit, vt postea in quæstione prima dicetur, quorum summa hæc est. Si inflammatio hæc febrem sequatur & materia errabunda sit, vt pro turgente haberi possit, & magna sit cacochymia, vt sanguinem copiosius mittere non liceat, lenientibus antè enumeratis rhabarbarum, vel etiam aliquid Tryphææ, Persicæ, Electuar. rosar. Mesue, de succo rosarum, aut aliquot grana diagrydij addere licet.

Vt ℥. Rhabarb. optim. ℥. j. ℔. flor. cordial. an. P. j. cinnamomi, spica, an. 3. ℔. Infundantur in aqua endiuivæ.

Colaturæ ℥. 3. iij. in quibus dissolue Electuar. rosati Mes. 3. ij.

Iterum colentur.

Adde pulpæ tamarind. syrup. rosarum solutiū. an. 3. ℔. Misce.

Si verò inflammatio sine febre ex vulnere, vel simili causa inceperit, quamdiu febris abest, purgare licet: vbi verò febris accidit, à purgantibus abstinendum.

Videndum tamen hic, an maior sit sanguinis copia, an verò cacochymia. Cum enim in tali casu utroque auxilio sit opus, si sanguinis maior copia adsit, liberalius is euacuandus. Et tunc leniora purgantia exhibenda, sufficitque in tali inflammatione rhabarbarum. Si verò maior adsit cacochymia, & ideò sanguinem copiosius emittere non liceat,

liceat, copiosius purgandum, & tum rhabarbaro, vt dictum, aliquid Trypherae Persicae, vel Elect. rosati Mesue, vel de succo rosarum addendum.

Quamprimum autem vena aperta est, ad sanguinis motum in caput impediendum, & caput, ne nimis incalecat, temperandum, vsurpanda repellentia, de quibus supra cap. 1. §. 8. dictum est.

An verò vel tepida vel frigida sint, adhibenda morbi, natura & tempus, ætas & anni constitutio definient. Nam in inflammatione legitima incipiente, si æger sit iuuenis & anni tempus calidum, refrigerantia actu frigida adhibeantur. Imò Auicennas niue ea refrigerare iubet: si verò inflammatio sit nota, æger senex, tempus anni frigidum, tepida admoueantur. Ita Galenus 2. de compos. medic. 1. hyeme actu calida, vel tepida, æstate frigida applicare iubet.

Si etiam æstus sit vehemens & ipsum cerebrum inflammatum, actu frigida adhibeantur, & quoties incaluerunt, renouentur. Et raso ea parte capiti hæc topica imponantur, cum vt vis medicamenti melius penetret, tum vt capite onere capillorum leuato fumi facilius discutiantur. Non enim, quod Archigenes metuit, tam breui tempore detonsa capillorum seges ita largè fruticare potest, vt plus materiae hac ratione ad caput trahatur. Vbi autem capilli per se breues aut rariores sunt, etiam intonso capiti rectè applicari ista medicamenta possunt.

Non quoque nimis diu horum vsus continuetur, sed circiter dies tres saltem. Aceti etiam portio minor sit, propter vigilias, quæ vrgent.

Si verò quod nonnunquam accidere solet, inflammatio ad cutem & versus capitis partes exteriores vergere videatur, ne materia intrò & ad cerebrum repulsa grauius malum inducat, à repellentibus in primis fortioribus, abstinendum.

Odoramenta quoque vtilia sunt, quæ supra cap. 1. proposita ex flor. rosarum, violarum, nymphaeæ, aqu. rosarum. Nec omittantur lotiones crurum ex decoctis herbarum refrigerantium cephalicarum: sed quæ actu cali-

Repellentia in inflammatione cerebri.

An verò tepida.

dæ vsurpentur. Ita enim actuali caliditate reuellunt : potentiali autem frigiditate refrigerant , humores temperant ; quibus aliquid florum chamæmeli, & meliloti addi potest , ad aliquam discussionem.

Vt quoque impetus humoris ad caput fluentis intercipiatur , inter initia fasciæ aqua rosarum , & aceto madi-dæ collo circumiiciendæ. Imò nec abs re fuerit, deorsum vnguento rosaceo , aut aceto , ad feruorem humorum in vasis temperandum inungere.

Dum hæc peraguntur & capiti extra applicantur , non omittenda interna medicamenta , quæ humores alterant, eorumque calorem remittunt , supra , cap. i. proposita.

Et quia æstus non solum est in cerebro , sed in toto simul corpore, nonnulli epithemata ex refrigerantibus aquis & aliis medicamentis imponunt.

Somnum conciliantia in inflammatione cerebri.
Quia etiam in hoc morbo vigilæ pertinaces sunt, quæ morbum miris modis augment, vires deiciunt, coctionemque humorum, quæ in somno fit, impediunt, mox ab initio medicamenta somnum conciliantia, vel repellentibus miscenda, vel seorsum adhibenda, forma epithematum, inunctionum, lotionum, odoramentorum. Pleraque tamen ex iis, quæ somnum conciliant etiam repellendi & calorem cerebri temperandi vim habent.

Vt ℞. *Folior. lactuce, salicis, vitis, an. M. ij. flor. nymphaeæ, violarum, rosarum albarum, an. M. j. chamæmeli, M. B. capit. papaueris albi cum semin. num. xv. Coqu. in aqu. q. f.*

Decocto tepido spongia imbuatur, quæ capiti applicetur, atque eodem extrema abluantur ; cum lotiones extremorum magnam ad somnum conciliandum vim habeant.

Vel ℞. *Capit. papau. alb. cum semin. num. vj. flor. nymphaeæ, lutæ P. ij. sem. lactuce 3. ij. Contundantur minutim & affundendo aquam anethi 3. B. aqu. rosar. lactuce, an. q. f.*

Misceantur in formam pultis, seu cataplasmatidis & fronti imponantur.

Post lotiones inungantur frons & tempora tali lini-
mento :

℥. Olei violar. nymph. unguenti populei an. 3. iij. opij ol.
nuc. mosch. express. an. ʒ. iij. Misce.

Vel ℥. Fol. lactuc. M. j. ʒ. flor. rosar. M. ʒ. sem. papau.
alb. 3. ʒ. Coquantur in aq. ad mollitiem. Contusis adde sa-
rinæ hordei, lactis muliebris an. 3. ʒ. olei violacei q. s. fiat
cataplasma ad frontem.

Si delirium & vigiliæ valdè vrgeant, quomodo iis oc-
currendum sit, dicetur *part. 2. cap. 1.* Exhibeantur lauda-
ni opiat i ʒ. iij. vel iij. in opiatorum tamen vsu Medicus cau-
tus sit & circumspectus, ne exhibeantur, si vires valdè de-
biles sint, ne spiritus ac calor ab iis extinguantur.

Vt autem materia quæ influxit, euacuetur, cum sensibi-
les, tum insensibiles euacuationes instituendæ. Sensibiliter
euacuetur sanguis, qui influxit, venis in capite apertis, de
quibus supra *cap. 8.* dictum. Inter eas verò maximā cum
vtilitate aperiuntur venæ narium, & si vllō modo morbus
est sanabilis, hoc modo curari poterit, sanguisque satis
copiosè per eas emittendus. Idque satis maturè, & statim
post vniuersales euacuationes faciendum. Suadent quidem
nonnulli etiam, vt venæ sub lingua aperiantur; neque
sine fructu id foret. Verùm in iis, qui mente non con-
stant, id præstare non ita facilè est. Possunt & hircudines
post aures applicari, vt & cucurbitulæ cum scarificatio-
ne occipiti apponi.

Sanguinem è ca-
pite eua-
cuan-
tia.

Vena na-
rium a-
perienda.

Vena sub
lingua
an hic a-
perienda.

Quo tempore & dum hæc fiunt remittantur illa repel-
lentia & refrigerantia, & quoad actualem, & quoad po-
tentialem frigiditatem. Itaque in morbi progressu repel-
lentibus aliquid discutientium addendum, secundum no-
tissimam communem illam curandi inflammationes legem.
Et primò quidem parum addatur de resoluventibus: quo
verò morbus ad declinationem propius accedit, eò plus
addatur: & tandem in declinatione resoluventia sola vsur-
pentur, vt reliquæ humorum in cerebro discutiantur.
Ideoque oleo rosaceo addatur ol. Chamæm. vel anethin.

Discu-
tientia.

Vel ℥. Flor. rosar. rubrar. M. j. summ. anethi, flor. cha-
memel, an. M. ʒ. Coquantur & loco fomenti adhibeantur.

Est & vtile tum vnguentum Alabastrinum.

Applicantur quoque futuræ coronali pulli columbarum, vel catuli per medium dissecti: vel pulmones agnorum calentes, quæ omnia efficaciter resoluunt, sine nouæ materiæ attractione, vt etiam supra *cap. 8.* dictum. Et quidem à lenioribus ad efficaciora sensim adscendendum, nec fortiora primò adhibenda, ne tenuior pars humoris discutiatur, & crassa relinquatur, & graue aliquod delirium excitetur.

Cucurbitula an vertici affingenda.

Si vero ex hisce medicamentis parum commodi sequatur, consultissimum censet Ludouicus Mercatus, summo capiti cucurbitulas affigere, quibus per futuras aliquid extrahatur & euocetur, & si rubor ac tumor appareat, cutem scarificare: scribitque hoc auxilio Medicum consequi posse, quod reliquis omnibus non valuerit, maximè si mox adhibeatur lauacrum aq. dulcis, in quo aliquid ex discutientibus coctum sit. Monet tamen, hoc saltem in ea inflammatione esse faciendum, quæ sine febre per se incipit: In febribus verò malignis & acutis id non tentandum esse, nisi multæ euacuationem præcesserint, vt nulla plenitudo, vel vitiosi humoris in corpore sit redundantia, sed materia solum in capite hæreat.

Alterantia.

Interea verò & toto morbi tempore alterantia, quæ calorem in cerebro & toto corpore temperant, simulque vires conseruant, vsurpanda & continuanda; qualia supra *cap. 1.* proposita sunt; Præcipue in ea inflammatione, quæ à febre continua, vt morbo primario ortum habet.

Vt *℞. Conseru. rosar. violar. borragin. nimb. acetos. an. 3. j. spec. diamargar. frigid. ʒ. ij. fragmentorum 5. lapid. pretiosor. an. ʒ. iij. sem. acetosæ, portulac. an. ʒ. j.* Cum syrup. acetosit. citri, vel granat. fiat Electuarium.

Dieta.

Dieta.

Aër, in quo continetur æger, sit temperatè frigidus. Calidior enim morbum augeat. Nimis verò frigidus cutem densando, & insensibilem transpirationem prohibendo nocet. Æstate ergo vbi calidus est nimis, refrigeretur iis modis, qui supra *cap. 1.* sunt propositi.

Victus sit tenuis & refrigerans, ac quo morbus est acutior

rior, eò sit victus tenuior. Conuenit autem, vt in aliis calidis, & acutis morbis, Ptifanæ cremor. Olera item, quæ refrigerandi vim habent, vt lactuca, endiuia & alia *supra cap. I.* proposita. Non diu ieiunet æger. Cibus enim acrimoniam humorum demulcet. Cibisque paucus, sed sæpius offeratur. Potus sit aqua hordei, vel Iulepus ex aqua *fragorum sine vino, endiuia, acetosæ, violarum, Iulepo rosar. violar. vino granatorum,* aut decoctum radic. acetosæ cum syrupo violarum. Nec inutilis est emulsio semin. quatuor frigid. maior. & papaueris albi: vel coquantur sem. quatuor frigid maior, nodulo inclusa in aqua, & colatura vel sola, vel cum iulepo rosarum, vel violarum exhibeatur. In nostris regionibus commodus potus est cereuissia tenuis, quæ non multum lupuli habet: Vino omninò abstinendum in principio, ne malum exasperet, vt postea, *quest. 2.* dicetur. Æger, quibus fieri potest modis, in quiete contineatur; cum motus ille varius & vires deliciat, & impediat. Somnus verò omnibus modis concilietur.

De sphacelo cerebri extat historia apud Amat. Lusitan. *Cerebri cent. I. curat.*

Q V Æ S T I O I.

Sphacelus.

An electiue purgantia in principio inflammationis cerebri

aut membranarum eius exhibenda sint.

De hac re inter medicos non conuenit, alique ea vsurpanda: alii verò ab iis abstinendum censent. Qui ab iis abstinendum putant, ea ratione ducuntur, Quod materia cruda sit, humorque vitiosus à bono nondum separatus: Ideoque si agitur purgantibus, futurum existimant, vt citius & maiore cum impetu ad caput affectum ruat.

An electiue purgantia in inflammationem cerebri conueniant.

Alij contra plus commodi sperant ex humorum euacuatione, quam damni ex agitatione. Quanquam enim negare non possint, humorem plerumque adhuc esse crudum; tamen eandem conditionem turgentis materiæ habere existimant, & errabundum caput petere, ideoque quamprimum purgandum esse, ne ad caput ruat, & malum tam periculosum generet. In primis cum venæ sectione totus euacuari non possit.

Verùm distinctione hic opus est, & perpendendum, vt

supra dictum, an inflammatio ortum habeat à febre, an febris ab inflammatione, vt morbo primario, proueniat. Si enim morbus primarius febris sit, atque ex humorum vitioforum qui per eam in venis agitantur, motu excitetur inflammatio, non immeritò talis materia ad turgentem refertur. Ideoque de consilio Hippocratis, 1. aphor. 22. per initia statim euacuanda est. Etenim errabunda est materia, & natura ea liberari cupit, eamque propterea è venis expellere conatur; quod non facit in materia quieta & non turgente. Et quanquam natura ad certam partem eam pellat: tamen tam immobilis non est materia, quin ductus medicamenti purgantis facile sequatur. Atque errabundam esse & turgentem, vel ex eo patet, quod materia talis primo in hanc partem moueri videtur, mox ad aliam fertur. Vnde ex pleuritide fit nonnunquam angina vel peripneumonia, ex peripneumonia phrenitis. Si verò materia iam fuerit in cerebrum recepta, & principium morbi præterierit, frustra adhibentur purgantia. Ad declinationem etiam, quod vult Massarias, cum periculo differtur purgatio; cum hic morbus occidat, vel in principio, vel in augmento, vel statu: si verò conualescat æger, ad periculum auertendum post statum purgatione amplius opus non fit. Alia verò longè est ratio inflammationis, quæ sine febre præcedente à cerebri, vel membrarum eius læsione, aut ab efferuescentia sanguinis in capitis venis prouenit. Ibi enim omninò Hippocratis consilium 2. de fract. 1. 20. & 22. sequendum, qui in talibus inflammationibus purgat quidem in principio, dum febris abest; si verò febris accedat, amplius non purgat. Non enim tum turgens est materia, qualis est quæ per febrium initia ad partem aliquam ruit, neque morbi initium est ex venis totius, sed ex peculiari parte incipit.

Q V Æ S T I O II.

An vini potus in inflammatione cerebri & membrarum eius conueniat.

De hoc etiam Medici non consentiunt. Nonnulli à vino in hoc morbo omnino abstinendum esse, atque id tanquam venenum fugiendum censent: cum humorum ad caput

*An vini
potus in
cerebri
inflam-
matione
conue-
nias.*

caput motum adiuuet, & delirium, quod coniunctum est, augeat. Alij verò vinum concedunt, si vigilæ pertina-
tes sint, viresque concidant, vtpote quod vires instaurat,
vigilias temperat, & insaniam demulcet.

Verùm prior sententia verò magis consentanea est ob
rationes allegatas. Nam quod vigilias moderari, & ani-
mum demulcere dicitur vinum, hoc de melancholicis, de-
lirijs & vigilijs potius verum est, quàm isto, quod ex hu-
more calido & inflammatione oritur, quæ vini vsu potius
exasperantur. Ideoque in principio à vini vsu planè absti-
nendum. Postea verò, vbi morbus id admittit, viresque re-
quirunt, in assuetis *ἀλυσφόροις* saltem concedendum, præci-
puè iis, qui aliàs meraciore vti consueuere.



De hydrocephalo.

CAPVT XXVIII.

A Liquando serosus humor in capite tanta copia col- *Hydroce-*
ligitur, vt illud in tumorem attollat, qui affectus *phalon.*
Græcis *ὕδρως κεφαλῆς* & Hippocrati 2. de morb. *ὕδωρ ἐν τῇ κε-*
φαλῇ, Latinis hydrops capitis appellatur: magnitudo sci-
licet capitis aucta ab humore seroso. Autor defin. med.
definit hydrocephalum, quod sit collectio humoris aquo-
si, vel cruenti, vel feculenti in parte aliqua corporum eo-
rum, quæ caput constituunt. Ita enim legendum videtur,
ἀπὸ τῆς ὑγρῆς ὑδατὸς ὅς ἐστι αἰματὸς ἢ στυγατὸς. Nam sic etiam
Aëtius habet, qui procul dubio hunc locum in sua scripta
transtulit.

Causæ.

Causa huius morbi continens est humor serosus, quo *Hydroce-*
nomine omnes humores, quos Medici inter causas hi- *phali*
drocephali ponunt, complectimur. Celsus solum ab aqua *causæ*
fieri, Autor definit. Med. vt & Aëtius *tetrabibl. 2. serm.*
cap. 1. ab humore aquoso, vel cruento, vel feculento fieri
scribit; vbi malè Cornarius vertit fieri ab humore lento:
Cum hoc saltem velit Aëtius, tardè & lentè, non subito
hunc

hunc tumorem generari ; non verò ab humore crasso vel lento. Auicennas non solum ab aqua, sed aliis humoribus fieri scribit. Nimirum vt serum, à quo hydrops in abdomine generatur, non semper est eiusdem modi, sed nunc simplici aquæ planè respondet ; nunc feculentum est, & plus de hoc vel illo humore participat : Ita quoque serres habet in hydrocephalo, in quo aqua illa nunc pura & limpida est, nunc feculenta ; nunc etiam cruenta sanguine tenuiore ex venarum orificiis apertis effluente permisto.

*Quo loco
aqua in
capite
colligatur.*

Locum affectum quod attinet, non semper vno in capitis loco serofus ille humor colligitur, sed coarceatur nunc inter cutè & pericranium; nunc inter pericranium & cranium; nunc inter cranium & cerebri membranas; nunc inter membranas & cerebrum: & tum, vbi scilicet aqua est intra cranium, futuræ cranij sæpe dilatantur, ipsumque cranium, quod in infantibus adhuc molle est, distenditur. Vesalius *de corp. hum. Fabric. lib. I. cap. 5.* aliam adhuc differentiam obseruauit in puella bienni Augustana, cuius caput in mensibus plus minus septem ita increuit, vt viri caput quoduis mole excederet; ob aquæ nouem libras in ipsius cerebri cavitatè, & quidem dextro sinistroque ventriculo collectas, quorum amplitudo & cavitatè valde extensa erat, cerebrum verò in capitis vertice; membranæ quasi modo tenue & quodammodo continuum cum sua tenui membrana corpus; caluaria quoque prorsus membrana erat; in reliquo capite nihil aquæ erat. Et quod mirum ad mortem vsque sensibus integris vsa est. Qualis historia etiam est apud Guilelm. Fabric. *Cent. I. obseru. 12.*

Colligitur ista etiam aqua nunc in toto capite, nunc in parte aliqua præcipua, sicut in anteriore id obseruauit Epiphan. Ferdinand. *hist. med. 21.* Quocumque autem in loco aqua contineatur, effunditur in eum, cum è venis vel anastomosi, vel diapedesi patefactis effluit, idque quod vel à reliquo corpore ad caput mittitur, vel quod frequentius accidit, quia ibi sensim coaceruatur. Cuius rei causa est calor cerebri debilis, & cerebrum nimis refrigeratum & humectatum, quod alimentum rectè elaborare, vel ab

infe

inferioribus transmissos humores discutere nequit. Facit huc in primis sanguis, quo infans in vtero alitur, aquosus & serofus, quem mater vel ex nimio aquæ potu, vel ex visu fructuum, aliorumque ciborum, qui copiosum serum gignunt, cumulauit.

Accidit autem malum hoc frequentius infantibus, quàm adultis; & quidem vel in vtero, vt obseruauit Epiphan. *Hydrocephalo in-*
Ferd. hist. med. 21. vel extra vterum, dum circa partum ca- *fantibus*
 put ab obstetricibus incautè comprimitur, vel etiam sine *frequen-*
 errore obstetricis natura serosum humorem multum in *tius ob-*
 capite collectum ex venis pellit. Nonnunquam tamen & *tingit.*
 aduiores hoc morbo corripiuntur, sicut rei huius histo-
 riâ habet Carolus Piso, *de morbis à collu. serosi humor. obser. 1.*
 de quadam puella temperamenti calidi & sicci (in quo se-
 rosis humores facilius colliguntur) quæ ex menstrua pur-
 gatione suppressa, & aquæ liberaliore potu hoc malum
 contraxerat; vt & alterum viri cuiusdam *obseru. 2.* Guilel.
 Fabr. etiam iuuenis 18. annorum hydrocephalo laborantis
 historiam annotauit, *cent. 3. obseru. 19.*

Signa Diagnostica.

Facile visu hoc malum cognoscitur. Quo autem capitis
 loco serofus humor contineatur, ex signis discendum.
 Si extra cranium, & quidem inter cutem & pericranium
 contineatur humor, tumor est euident, mollis, eiusdem
 vbique coloris, pellucidus plerumque, vt posita ex aduerso
 candela, vel ad radios Solis capite collocato, aqua conspi-
 ci possit: tumor est doloris expers, in altum incuruatur,
 qui tactui cedit, & rursus assurgit, compressusque aquæ
 fluctuantis motum exhibet. Atque ista signa apparent, vbi
 per se incepit hic tumor: At si ex contusione vel percussio-
 ne prouenit, initio quidem rubet & dolet tumor, postea
 verò concolor & sine dolore euadit. Cum autem inter
 cranium & pericranium aqua continetur, cætera quidem
 eodem modo sese habent, & signa ferè sunt eadem, nisi
 quod doloris aliquis sensus adest, propter pericranij di-
 stensionem, tumorque est durior.

Signa
 diagno-
 stica.

Si verò inter cranium & cerebri membranas aqua con-
 tineatur, tumoris ad tactum mollis non est, nisi valida
 fiat

fiat compressio. Tum enim impulsus cedit; cum cranium infantū adhuc sit mollius, & maximè futuris dilatatis. Dolor etiam in iis maior est, & totum caput tumidius, & frons ipsis extra proiecta est, ac intētis oculis vident, & frequentius lachrymantur, sensus ferè hebetantur, ac sopore afficiuntur.

Prognostica.

I. Si aqua extra cranium contineatur, affectus curationem recipit. Neque tamen etiam tum periculo vacat, cum adsit magna intemperies, & ætas plerumque tenera sit, quæ neque morbum, neque remedium sustinere potest, præcipuè si aqua sit, quæ neque morbum, neque remedium sustinere potest, præcipuè si aqua sit copiosa. Cum enim lenia medicamenta parum iuuant, fortia ætas non fert. Si verò aqua intra cranium collecta sit, plerumque incurabile malum est. Nec tamen tum planè æger deferendus, sed exsiccantia medicamenta vsurpanda, & cauteria applicanda.

II. Si lethargus vel apoplexia accedat, mors in propinquo est.

Indicationes.

Aqua, quæ in capite quocumque loco continentur, euacuanda, & vt in ea amplius non colligatur, præcauendum; quod sit totum corpus, si opus est, euacuando, cerebrumque frigidum & humidum calefaciendo & ficcando, & vitium, cuius ratione generatur & colligitur aqua, corrigendo.

Curatio.

*Aquam
è capite
euacuan-
tia.*

Euacuatur autem aqua è toto corpore hydragogis, sudores & vrinam mouentibus. E capite verò vel insensibiliter per medicamenta discutientia & exsiccantia; vel sensibilibiter vesicatoriis, cauteriis, cutis capitis sectione. Humor, qui paucus est, insensibiliter discuti potest; qui verò multus, sensibilibiter educendus. Nihil tamen tum prohibet, quin cum euacuatione sensibili etiam discutientia & exsiccantia adhibeantur.

Vniuersalem corporis euacuationem quod attinet, infantibus vix tutò hydragoga dantur, & alia remedia, quam

quàm externa, vix iis commodè adhibentur. Si verò nutritrix prauis humoribus scateat, corpus eius purgandum. Si tamen puer tam adultus est, vt sustinere medicamenta possit, exhibendum mel rosar. solutiu. vel succus Irid. & sambuc. sed pauca quantitate, & cum syrupo rosar. solutiuo.

Vel ℥. Rad. Freos 3. vj. sem. fenicul. anisi, coriand. an. 3. ℞. passular. 3. ℞. Coq. in aq. pura. In colatura infunde mechoacan, agarici an. 3. ij. Colat. addde mellis rosar. solutiu. 3. ij. Detur cochlear.

Adultioribus pil. cochleæ exhiberi possunt; vel succus Iridis, vel g. ij. Elaterij cum pil. conuenientibus.

Per sudorem serosum humorem euacuant decoctum Ligni Guajac. Sarsæ parill. Sassafras, vel balneum Laconicum & sudatorium.

Per vrinam euacuant decoctum betonicæ, rad. foeniculi, asparagi, sem. anisi, & alia.

Vniuersalibus euacuationibus præmissis, si opus est, prius tentanda insensibilis euacuatio, quæ tutior est, quàm sensibilis. Quia autem cutis densitas ad aquæ retentionem & collectionem non parum facit, primò cutis rarefacienda & mollienda decocto malux, chamæmeli, meliloti, parietariæ. Hinc exsiccantia & discutientia vsurpanda, in quem finem vsurpari possunt, oleum chamæmel. aneth. laurinum. iuinum.

Cataplasma item ex farina fabarum, lupinorum, orobi, rad. Iridis, absinthio ac melle.

Ceratum de betonica, emplastrum ex stercore columbino, caprino, tapsia.

Auicennas vsurpat cochleas, quas coquit, in decocto Cochlearum in artemisiæ; stoechadis, calaminth. montan. vel cucum. asini, vel ebuli, easque ita coctas contundit, & calidè capiti raso applicat. hydrocephalo vsus.

Amatus Lusitan. Cent. 1. cur. 69. infantem hydrocephalo laborantem intra tres dies hoc medicamento se curasse scribit.

℥. Pulu. absinthij, chamæmel. meliloti an. 3. ij. butyri recentis, olei chamæmel. an. 3. iv. ceræ parum. Fiat ad ignem vnguentum.

guentum. Idem & hoc, vt vsu comprobatum, laudat.

℞. Mell. ℥. β. salis ℥. β. pulu. origani ℥. iiij. Misce & calidè caput inungatur.

Exsiccant & thermæ sulphuræ, vbi earum est copia, si sponsia in iis madefiat, & capiti imponatur. In defectu verò coquantur in aqua sal, Sulphur & alumen, & eodem modo applicentur.

Vel ℞. Sem. coriandr. anisi an. 3. ij. artemisiæ, origani, pulegij an. M. β. sulphur. ℥. β.

Coquantur in lixiuio : In colatura sponsia madefiat & calida capiti applicetur.

*Aqua
calcis vi-
ua in hy-
droce-
phalo.
Nota.*

Hieronym. Fabric. ab Aquapend. in pueris, qui infantiam excefferunt, & in hydrocephalo maximo, vt remedium efficacissimum laudat aquam calcis viuæ (abiecta calce) si ea sponsia imbuatur & capiti imponatur, ac hoc solo remedio se hydrocephalum curasse scribit.

Idem commendat spiritum viui primæ destillationis cū parte quarta aquæ scabiosæ cum sponsia impositum. Moneta. hîc sponsiam nouam esse recipiendam, & arctè fascia capiti alligandum, ac ne refrigeretur calido linteo superposito moderatè calefaciendam esse.

Vel ℞. Ole. Irini rutac. chamæmel. an. 3. j. β. pulu. rad. Ireos, sulphur, an. 3. ij. ceræ parum. Fiat linimentum.

Vel ℞. Ol. chamæmel. vel rutac. 3. iv. sulphuris 3. j. M.F. vnguentum, quod diu continuetur.

Potest & hîc locum habere balsamus sulphuris cum aliis mixtus.

Vel ℞. Emplastri cephal. 3. ij. pulu. cumini 3. j. absinth. aneth. specier. aromat. rosat. an. 3. β. olei chamæmel. parum. Misce. Fiat emplastrum.

Vel ℞. Farinæ fabar. lupinor. an. M. ij. sulphur. flau. 3. j. β. cumini 3. β. Coquantur in suff. q. lixiuij non fortis, addatur olei aneth. vel rutac. 3. ij. Fiat Cataplasma.

Carolus Piso ægram illam puellam hoc modo curauit: Primò Syr. rosat. solutiu. cum diacatholico exhibuit: Hinc sanguinem è talo detraxit, pillulas aggregatiuas septimo quoque die exhibuit; caput verò fouit lixiuio cum herbis cephalicis, semine carthami & agarico parato. Atque imposuit

imposuit cataplasma ex absinthio in vino cocto, & emplastro è cochleis supra proposito.

Quod si ex vasorum contusione non solum aquosus humor, sed & feculentus sanguis collectus sit, sanguinem primo incidere & attenuare, inde discutere & euacuare oportet.

Quod præstat spongia aut stuppa posca madida in æstate; vino verò cum aceto misto in hyeme. Vtilis est & farina hordei cum oxymelite.

Si his remediis non cedat malum, ad sensibilem euacuationem accedendum. Celsus antequam ad sectionem accedit, prius sinapismo rem tentandam suadet, dum l. 4. cap. 2. scribit: in Hydrocephalo tonderi ad cutem necessarium est: deinde imponere sinapi, sic vt exulceret. Si id parum proficit, scalpello vtendum est. Euacuant & cauteria aquam sensibilibiter. Ita Carolus Piso virum illum curauit, cauterio occipiti imposito, quo aqua subviridis quædam per multos dies euacuata est, ægerque inde conualuit.

Sectionem tandem quod attinet, si reliqua non prosint, *Sectio in in ea, modo morbus sit curabilis, maxima salutis spes est. hydroce- Paulus Æginet. lib. 6. cap. 3. Si inter cutem & pericranium phalo. aqua sit, vnâ dissectionem per medium transuersam facere iubet: Si verò inter pericranium & cranium, & tumor sit maior, duabus dissectionibus per medium sese mutuò secantibus vitur. Si maximus sit tumor, tribus vitur litteram H. referentibus. Facienda autem est sectio in loco vbi maior est aquæ copia, & in loco decliui. Vitandi tamen sunt muscoli temporales. Aëtius tetrab. 2. serm. 2. c. 1. Si paruus est tumor, apicem ipsius vnica sectione diuidit; si verò magnus, duas aut tres, aut plures sectiones facit iuxta magnitudinis proportionem in locis ad effluxum commodis. Vbi autem sub cranio hæserit humor, tamdiu expectandum est, donec è capite per cranium redundet humor, futuræque distendantur, & tumor appareat.*

Sectione peracta aqua non semel, sed paulatim euacuanda. Si enim confertim educatur, non minus periculo *Aqua ex hydroce- phalo e- id vacat, quam si hydropicorum aqua æstus euacuatur, ductio,*

ius rei historia est apud Guilelm. Fabricium, *cent. 3. observatione 17.*

Hinc Hieronim. Fabric. cum sensibilem euacuationem propter infelicem, qui sæpè accidit, euentum pertimescat, vtramque euacuationem instituit, & sensibilem & insensibilem. Facit primò exiguum vulnus, cui immittit cannulam argenteam nonnihil incuruam exactè vulneri respondentem, ita vt nihil humoris effluere possit, nisi cannula sit aperta. Hinc parum humoris emittit & cannulam ligno stuppa inuolutò obstruit, ac capiti medicamentum aliquod siccans & discutiens imponit, & ita sensim humorem tum sensibiliter emittit tum discutit. Euacuata aqua vulnus debito modo, & vt aliàs fieri solet, ac de cutis capitis vulnere dictum est, conglutinandum & sanandum.

Tandem cerebrum refrigeratum & humectatum calefaciendum & siccandum. Verùm eadem opera id per medicamenta aquam exsiccantia & discutientia expediri potest: possuntque medicamenta calefacientia & siccantia etiam post aquæ absumptionem & euacuationem aliquandiu continuari, vt cerebro sua temperies restituatur. Hoc saltem attendendum, facilius in calefaciendo, errorem, quam in siccando committi posse.

Historia Hydrocephali etiam exstat in Spicileg. Fr. Hildesheimij pag. 780.

LIBRI



LIBRI I.

PARS II.

DE ACTIONIBVS CEREBRI LAE-
sis, sensuum internorum scilicet, & ratiocina-
tionis, motus item animalis symptoma-
tibus, ac excretorum & reten-
torum in cerebro vitiis.

P R A E F A T I O E T S V M M A H V I V S P A R T I S.



AB SOLVIMVS haftenus omnes cerebri, vt
& partium, quæ cerebrum muniunt & te-
gunt; morbos: proximum iam est, vt de
symptomatibus, quæ homini, cerebri ra-
tione accidunt, dicamus. Etenim ex mor-
bis his, & eorum causis, symptomata om-
nia, de quibus dicemus, originem habent, iisque subla-
tis evanescent. Nam cum ad actiones, quæ à cerebro &
in cerebro fiunt, cerebrum benè & naturaliter constitu-
tum, ac dispositum, id est, suam temperiem, calorem in-
natum, & spiritus, & præterea structuram, ac naturalem
conformationem, ac unitatem obtinens requiratur: si
quid horum à naturali constitutione degenerat, actiones,
quæ à cerebro, & in cerebro eduntur, lædi necesse est, &
varia symptomata excitari.

Sunt autem illa symptomata duorum generum, Actio-

nes læsæ, & retentorum ac excretorum à cerebro vitia. Symptomata enim qualitatum mutatarum hîc vix vlla Medico occurrentia dantur.

Actiones cerebri; præter nutritionem priuatam, quæ ipsi cum omnibus partibus est communis, duæ sunt: Vna, quæ ab ipso fit, cerebroque propria est, spiritus nimirum animalis generatio; Altera, quæ in ipso perficitur, sensus nimirum interni & ratiocinatio. Spiritus animalis generationem quod attinet, cum ille à cerebro, quatenus calido innato & propria temperie præditum perficiatur, & vix alia, quam quæ supra de Intemperiebus cerebri dicta sunt, hîc dici possint; vitiis, quæ circa spiritus animalis generationem accidunt, de quibus etiam *part. I. cap. 5.* dictum est, missis, saltem hîc de symptomatibus sensuum internorum, ac Ratiocinationis agemus: quibus coniungemus motus animalis, qui quoque à cerebro provenit, vitia.

Et proinde hîc agendum erit.

1. De Symptomatibus, quæ in sensu communi accidunt, nimirum de Vigiliiis nimis, de somno p.n. cataphora, & comate, de Insomniis p.n. immoderatis & grauibus.

2. De Imaginationis symptomatibus; vbi dicendum erit de Vertigine.

3. De Symptomatibus; in quibus Imago & Ratiocinatio læditur, siue imminuatur, siue deprauetur: cuiusmodi affectus sunt, mentis imbecillitas & hebetudo, tarditas ingenij, stupiditas & corporis mentis, fatuitas, stultitia & amentia (vbi simul de memoria imminuta & abolita, seu obliuione agetur) temulètia, deliriû, *παραφρενία*, Phrenitis, & Sabare Arabibus dicta affectio, Melancholia, Amor infanus, Melancholia errabunda, Arabibus cutubuth, Lycanthrophia, Rabies, quo pertinet insania canina, Lupina, Felina, Tarantati, Chorea S. Viti.

4. De symptomatibus, in quibus plures sensus interni læduntur: qualia sunt Coma Vigil, Typhomania, sopor grauis, dæmoniæcus, sopor Ecstaticus, Somnambulatio, Lethargus.


5. De motus animalis symptomatibus, & læsionibus, quales sunt Lassitudo, Pandiculatio, Inquietudo, Horror, Rigor,

Rigor, Tremor, & motus impotentia, ac paralyfis, conuulfio & motus conuulsiui.

6. Tandem de symptomatibus, in quibus sensus Interni & Ratiocinatio, & motus & sensus Externi simul læduntur, vel certè plures animalis facultatis actiones; qualia symptomata sunt Incubus, Catoche, & Catalepsis, stupor manente auditu, vel motu, Ecstasicus, Epilepsia, Carus, apoplexia.

Quæ verò sensibus externis seorsim & priuatim, sine superiorum facultatum læsione, accidunt symptomata, de iis parte sequenti tractabimus.

Tandem explicandum erit & alterum symptomatum genus, in Excretis & Retentis, vbi dicetur de catarrho, & excrementis cerebri p. n. retentis, & sternutatione.



CAPVT I.

De Vigiliis nimis, & primò in genere.

VT ergò de symptomatibus, quæ sensui communi accidunt, primò agamus; affectiones sensus communis sunt Somnus & Vigiliæ atque ita animalia, & inter ea homo, comparata sunt, vt per vices vigilent, & dormiant. Et si enim ad actiones, quæ per vigilias fiunt, condita sunt: tamen quia spiritus animales, & consequenter etiam Vitales, ac calor innatus per eas absumuntur, eorum instaurationio, quæ in somno fit, necessaria est. Itaque homo sanus actiones suas per vigilias quidem obire; vbi verò spiritus aliquo modo absumpti sunt, se quieti dare, somnumque capere debet, id quod commodissimè fit horis duabus vel tribus post coenam exactis. Quod vbi fit, corpus ad actiones per vigilias rursus obeundas redditur vegetius, alacrius, mens acuitur, & ad omnia peragenda habilior redditur homo; cum per somnum spiritus absumpti instaurentur, calor augeatur, cibi crudi & humores concoquantur, corpus humectetur, & ita in sanitate conseruetur, atque ad senectutem traducitur.

Somni
nis &
utilitas.

Vigilia
nimia.

Si verò modum somnus & vigiliæ excedant, malum, vt est 2. aphor. 3. Et vt Galenus, 2. de sympt. diff. cap. 3. scribit: Duo egregia circa primum sensorium, quod omnium sensuum est commune, adsunt symptomata, sopor, & perurugilium.

vigilia-
um ni-
miarum
incom-
modum.

Et primò quidem vigilias quod attinet, si ex modum excedant, quando nimirum omninò homo non dormit per aliquot dies, vel non satis diu scilicet non 7. vel 8. horarum, vel plurium spatio pro naturæ constitutione (Infantes enim diutius dormiunt, quàm senes) noxa corpori infertur. Cum enim in iis calor ad exteriora moueatur, sensusque sint in continuo exercitio, spiritus, ac tenuior sanguinis pars absumuntur, carnes collquantur, corpus & præsertim cerebrum siccatur; vnde plurima incommoda oriuntur. Spiritibus enim animalibus absumptis, & cerebro exsiccatò spiritus obtunduntur, mens perturbatur: & cum consequenter etiam spiritus vitales, qui animalibus præbent materiam, absumantur, & dissipentur, languor totius corporis sequitur, naturalesq; actiones, quæ vt rectè perficiantur, spiritu & calore plurimo indigent, simul offenduntur. Et si homo vtatur alimento solido, aut copioso, corpus cruditatibus & superfluis humoribus repletur, & ad cachexiam deducitur, si verò minore & tenuiore victu vtatur, ad tabem disponitur, senectusque acceleratur. Et quia spiritus ac humores, præcipuè sanguis & bilis per vigilias incalescunt & acceduntur, dolor capitis, oculorum rubedo, ventriculi rosiones, vertigo, febres, & deliria excitantur, variisque malis corpus obnoxium redditur. Ideoque etsi vigiliæ nimix in symptomatum numero sint, ac sublatis causis, à quibus pendent, tollantur: tamen si nimix sint, ita interdum vires deiciunt, & tot incommoda secum afferunt, vt Medici in iis temperandis, & inducendo somno, qui auxilium est in multis morbis, supra gemmas & lapides pretiosos æstimandum, vt quidam ait, opera necessaria sit.

Cum autem somnus & vigiliæ contrario modo sese habeant, & somnus naturalis sit cessatio naturalis sensus communis & primi, ac sensuum externorum, salutis animalis

malis gratia facta; Vigiliæ contra *ὑπεργεία* seu λύσις sensus communis & externorum: vigiliæ immodicæ, & p. n. *Vigilia nimia quid.* Græcis ἀγρυπνία, sunt sensus communis, & externorum præter modum, ac tempus constitutum solutio, ac exercitium, & durans *ὑπέρπυρία*. Nihil enim in vigiliis, quæ in symptomatum numerum veniunt, p. n. est, quàm quod ultra debitum tempus extenduntur, & dum dormiendi tempus est, in officio & *ὑπέρπυρία* sensus persistunt. Quod tamen non de iis vigiliis intelligendum est, quando homines ex proposito, & de industria, negotij alicuius expediendi gratiâ, vigilias protrahunt, & somnum quasi arcent, sed iis, cum homo, qui dormire debet ac cupit, dormire non potest, sensuumque externorum actiones præter voluntatem persistunt, atque ita vigiliæ homini molestæ sunt.

Causæ.

Cùm verò hæ vigiliæ somno naturali contrariæ sint, somnique naturalis defectus sint, contrarias somno naturali causas habebunt. Cum autem, vt Institut. l. i. c. 14. dictum est, somni proxima causa sit spirituum animalium à cerebro in organa sensuum influentium in cerebro detentio & quies, ac quasi feriatio vigiliarum nimiarum causa proxima erit quies eorundem denegata, & continuus in organa sensuum externorum influxus.

Causæ verò mediatae variæ esse possunt. Avicennas *sen. 1. 3. tract. 4. cap. 4.* ponit octo. 1. Intemperiem simplicem calid. vel siccam, vel intemperiem compositam calidam & siccam, & quidem cum, vel sine materia. 2. Salsedinem, seu nitrositatem humoris serosi misti cum sanguine & falsa pituita, vellicantem cerebri membranas. 3. Dolorem. 4. Intentam cogitationem & curas. 5. Lucem nimiam & splendorem. 6. Apostema aliquod in partibus cerebri, aut cerebro propinquis, à quo eleuantur vapores sicci & mali. 7. Malam digestionem & repletionem, ex acribus, vel corruptis cibis, aut multo potu. 8. Febrem putridam, è qua vapores multi eleuantur: quas tamen ita ad methodum commodissimè redigi posse putamus.

Vigiliæ p. n. accidunt vel quia vapores illi qui spiritus anima

animales in statu s.n. sopiunt, aut, vt aliis placet, qui principia neruorum obstruunt, defunt; vel quia spiritus in cerebro turbantur, agitantur, commouentur. Ob vaporum illorum, qui spiritus sopiunt, vel principia neruorum obstruere dicuntur, defectum vigilæ p.n. accidunt in inedia nimia, aut cum cibi, qui assumuntur nullum ferè talem exhalationem suauem præbent, aut quod vapores à caussa calida vel sicca absumuntur. In senibus & decrepitis vigilæ accidunt ob cerebri siccitatem, &, vt practici quidam loquuntur, humoris nitrositatem, nimirum pituitam sal-
sam. Vide Langium l. i. *epist.* 26. spiritus turbantur, commouentur, & inquietiores redduntur variis modis. 1. Intemperie cerebri calida vel sicca, vel calida & sicca; cum, vel sine materia. 2. ab externis sensuum obiectis vehementioribus, vt strepitu, sono, punctionibus. 3. In specie ab obiectis tactus vehementioribus dolorem parientibus, seu doloribus magnis, quacunque in parte. Quò pertinent eorum affectus, qui dispnæam in morbis pectoris, vel hydropem patiuntur. Hi enim vel dormire nequeunt, vel si obdormiant, suffocationis periculum incurrunt. 4. In animi affectibus nimis, ira, mœstitia, sollicitudine & curis, timore, gaudio, amore, insomniis grauioribus. 5. A vaporibus acris, in primis biliosis, & melancholicis.

Differentiæ.

*Differen-
tiæ vigi-
liarum.*

Vt ita causæ omnes, quæ vigilas p. n. excitare, quæque curationem variare possunt, & hîc vigiliarum p. n. aliquot differentias constituunt, hæ sint.

1. Vaporum spiritus animales sopientium, vel vt alij loquuntur, principia neruorum obstruentium defectus.
2. Cerebri intemperies calida vel sicca: vel calida & sicca; cum, vel sine materia, vt bile, pituita falsa, humore melancholico, atra bile.
3. Dolor vehemens in quacunque corporis parte, dispnoea, & omninò omnium sensuum externorum obiecta vehementia.
4. Vapores acres turbantes spiritus.
5. Animi affectus nimij. De quibus iam ordine dicemus:

si prius quæ in genere de vigiliis p. n. dicenda sunt, expediuerimus.

Signa Diagnostica.

Qua ratione vigiliæ cognoscendæ sint, signis opus non est: cum ipsæ sese satis manifestent, & ægri de iis conquerantur. & quamvis ægri id non referant, tamen, ut Galenus 1. *prognost.* 1. 8. docet, vigilias longiores præcessisse cognoscitur ex eo, quod oculi apparent squallidi, licet nulla immodica euacuatio præcesserit, ægri palpebras difficulter attollunt, eæque instabiles sunt. Qua ratione autem causæ cognoscendæ sint, postea in specie de singulis dicitur.

Prognostica.

1. Vigiliæ nimix non contemnendum malum sunt, quæ præter id, quod homini eam, quæ ipsi naturaliter ex somno debetur, refectionem subtrahunt, etiam ut Galen. 1. *prognost.* 8. & 12. *meth. med. cap.* 1. & 5. docet non minus vires exoluunt, ac deiciunt, quam sensibiles euacuationes. Unde ab Hippocrate, 6. *Epid. comm.* 4. t. 20. vigiliæ edaces appellantur. Et quot incommoda immodicæ vigiliæ homini afferant, antea in initio huius capituli dictum.

2. Vigiliis qui sunt ætate consistente, plus offenduntur quam iuvenes. Galen. 3. *aphor.* 39.

3. Corpora vigiliis assueta minus læduntur 2. *aph.* 50.

4. Quo maior causæ, à quibus vigiliæ p. n. excitantur, vis est, eò periculosiores sunt vigiliæ, & quò facilius causæ tolli possunt, eò etiam minus periculi coniunctum habent vigiliæ. Atque ideo à causâ interna periculosiores sunt vigiliæ, quam ab externa, & euidente.

5. A vigiliis conuulsio aut delirium, malum 7. *aph.* 18. Videatur Galenus & alij cõmentatores in hunc aphorismum.

6. Si à vigiliis nimis proueniat tussis malum. Siccitatem enim organis respirationis cõmunicari significat.

6. Breue autem plerumque tempus est, quò siue ad salutem, siue ad mortem vigiliæ terminantur: cum vires diu sine somno consistere non possint. Et quidem via ad mortem est per virium dissolutionem, via verò ad salutem & sanitatem per somni restitutionem.

*Vigilia-
rum diu-
turna-
rum hi-
storia.*

Obseruatum tamen est, nonnullos satis diu sine vitæ dispendio vigilasse. Seneca, in lib. de provident. refert, Mecenatem tribus annis integris sine somno permanfisse, & tandem ab hac ægritudine liberatum fuisse sola placida & leni harmonia. Sic vt & de eodem Plinius, lib. 7. natural. hist. cap. 51. narrat quod ei triennio supremo nullo hora momento contigerit somnus. Fernelius, Patholog. lib. 9. cap. 2. mentē quendam captum menses 14. insomnes durasse refert. Montuus de morbis lib. 1. cap. 27. scribit se nouisse mulierem, quæ per 35. annos insomnis permansit sana, & citra noxam. Heurnius de morb. capit. cap. 16. refert, sibi in Italia narratum esse, Nizolium illum Ciceronianum decennium somnum non vidisse.

Indicationes.

Vigiliis nimis quidem cōmodissime succurritur, si causæ à quibus ex pendent, tollantur: quod quomodo fieri debeat, postea in specie dicetur. Verum cum causæ illæ saepe statim, & breui tempore tolli non possint, ac interim vigiliæ vrgeant, & vires deiciant, atque ob vigilias cum periclitetur æger: vigilie tunc curam ad se trahunt, & remedia postulant. Vigilie autem nimie somnum indicant, vt sibi contrarium, seu remedium somnum concilians.

Interim si etiam causæ succurri possit, facilius somnus conciliabitur. Et quia plerumque vigilie nimie fiunt à vaporibus biliosis, bilis euacuanda, si morbi natura id admittat; & temperanda. Venæ sectioni verò hic nullus per se locus est: cum sanguis per se non inducat vigilias. Et si interdum, vbi vigilie vrgeant, venæ sectio requiritur, id non fit ob vigilias, sed ob adiunctum alium affectum. Vide. Benedic. Victor. Fauentinum tom. 1. cap. de vigilis. Forest. lib. 10. obseru. 36. in scol.

Cura.

Quia verò somnus conciliatur, cum spiritus animales ad sensus necessarij sopiuntur, vt quiescant, & in organa sensuum non influant, seu vt alij volūt cum meatus per quos in organa sensuum spiritus animales influunt, clauduntur, & nullum obiectum vehementius in sensuum organa agat (cum vnus saltem sensus excitatus vigilias excitare possit).

Somnus
qua mo-
dis conciliatur.

fit) quatuor modis somnus conciliari potest: Si 1. remoucantur omnia, quæcumque sensum aliquem ad operandum excitare possunt. 2. Si ab externorum sensuum actione animus auocetur, & spiritus animales à motu ad quietem placide inuitentur. 3. Si ea exhibeantur, quæ calidos, siccos & acres vapores temperant, & suaues vapores, ac ἀναψυδάς in cerebrum mittunt, quibus id humectatur, & spiritus Animales quasi sopiuntur, quæque vapores acres à cerebro auocant, vt frictiones extremorum. 4. Si ea exhibeantur, quæ peculiari vi spiritus Animales sopiunt, ac torpidos reddunt quæ in specie ὕπνιον, & ὑπνῶσις dicuntur. De quibus ordine dicendum.

Primò ergo danda opera, vt omnia obiecta, quæ sensum quemcumque excitare possunt, remoucantur: lux nimia, strepitus, & sonus vehementior omnis, odores item fortes, & in primis, quæ tactum afficiunt. Ideoque æger in molli lecto cubet, à quo absint culices, & pulices, claudantur fenestræ; æger ipse oculos claudat, omnis strepitus & sonus vehementior absit, ac silentium adstantibus imperetur.

Secundò facultas ad vnum aliquem sensum blandè dinnertatur, & ab aliis auocetur blando aliquo, non vehemènti obiecto (cum vehemens obiectum potius excitet sensus, quam sopiat) vt spiritus à reliquis sensibus auocati blandè sopiantur, & quieti tradantur; id quod fit cantu suauis, & Musica vniformem sonum edente, autum cantillatione, susurratione submissè loquentium, strepitu aquæ ad modum riui blandè fluentis, vel aquæ in peluum per gutturnium, vel filtrum, quod Chymicis dicitur, stillantis sonitu, motu in lecto pensili, scalpura cutis capitis leni, plantarumque pedum blanda titillatione.

Tertiò somnum conciliant, quæ suaues ἀναψυδάς ad caput mittunt, & calidos, siccos, atque acres vapores temperant, & tum maximè conueniunt, vbi à vaporibus calidis, siccis & acris vigiliæ proueniunt. Quæ tamen ipsa pleraque peculiarem aliquam, sed leuem omninò spiritus animales sopiendi quasi vim habere credibile est. Cuiusmodi sunt: *sol. & sem. lactuc.* cuius frequens tempore vesper

Somnum
conciliantia
medicamē-
tis.

vespertino comestio familiare antiquis erat ad somnum conciliandum remedium; flores violar. nymph. rosar. sem. frigid. maiorana, anethum, amygdal. dulc. nuclei persicor. quibus et sem. papau. alb. addere licet. E quibus fiunt.

Interna.

AQVÆ viol. nymph. lactuc. portulacæ, solani, rosar. Hypnotica Dorncreilij.

EMULSIONES.

Vt ℥. Amygdal. dulc. ʒ. ʒ. sem. papau. alb. ʒ. iij. aq. rosar. ʒ. j. lactuc. ʒ. vj. F. s. a. emulsio. Cui adde Iulepi, vel syrup. violar. ʒ. j. Misce.

Vel ℥. sem. papau. alb. ʒ. ʒ. lactuc. ʒ. j. amygd. dulc. excoctum. vij. aq. lactuc. ʒ. iij. nymph. violar. an. ʒ. ij. Fiat s. a. emulsio. Cui adde Iulepi violar. rosar. an. ʒ. ʒ.

Possunt etiam addi species Diamarg. frigid. vel alie pro morbi natura.

SYR.V.P.I., violarum, nymph. papau. qui ad ʒ. j. & plus post cenam exhibetur. CONSERVÆ, violar. nymphæ. CONDITA, caules lactuce Italice, conditi.

POTIONES vel IVLEPI.

Vt ℥. Syr. violar. ʒ. j. nymph. papau. an. ʒ. ʒ. aq. lactuc. nymph. an. ʒ. iij. rosar. j. Misce pro 2. vel 3. dosibus.

Vel ℥. Syn. de papau. de nymph. an. ʒ. vj. aq. lactuc. portulac. an. ʒ. j. ʒ. specier. diamarg. frigid. ʒ. ʒ. Misce.

Vel ℥. Syr. de papau. de nymph. an. ʒ. vj. aq. lact. portul. an. ʒ. j. ʒ. specier. diamarg. frig. ʒ. ʒ. Misce.

Vel ℥. Syr. papau. ʒ. j. ʒ. aq. lactuc. ʒ. ij. vini albi ʒ. j. Misce.

Vel ℥. Aq. violar. lactuc. an. ʒ. j. ʒ. confect. alherm. ʒ. ʒ. spec. diamarg. frig. ʒ. j. syr. de papau. de violis an. ʒ. ij. Misce pro haustu.

DECOCCTA.

Vt ℥. Fol. lactuc. M. j. flor. violar. borrag. bugloss. nymph. an. M. ʒ. passular. ʒ. ʒ. Coq. in aq. f.

Colaturæ ℥. ʒ. ʒ. add. syrup. viol. ʒ. j. ʒ. nymph. ʒ. j. Misce pro duabus dosibus. Vel coq. in iure pulli, vel gallinæ iij. vel iv. capita papau. aut folia aliquot lactuc. iusculū hoc detur sub horam somni. Cum quo etiam hordeatum fieri potest.

ELECTUARIA. *Diacodium simpl. 3.j. exhibitum.*
 Vel ʒ. *Conseru. violar. rosar. nymph. caulium lactuc. condit.*
an. 3. ʒ. ʒ. cum syrup. de papau. Fiat Electuarium, de quo datur
3. ʒ. vel 3. vj.

Vel ʒ. *Conseru. nymph. 3.j. violar. syrup. papau. an. 3. ʒ.*
Misce. P v l v i s ; ex semine papau. & saccharo. R o t v -
l æ ; Diacoedium album in forma solida, de quo 3. ʒ. exhi-
betur.

Sunt autem ista omnia medicamenta exhibenda sub
 tempus somni.

Externa.

Quæ fronti, temporibus, naribus, futuræ coronali, vel *Externa.*
 toti capiti, pedibus item, ac manibus applicantur.

LOTIO CAPITIS, fiat cum decocto *fol. lactuc.*
 & imponantur *fol. lactucæ*, quibus sæpe renouatis in fe- *Nota.*
 bribus, vbi ne opiata quidem contulerunt, somnum se
 conciliasse scribit Nicol. Massa. Possunt & addi *fol. nymph.*
solani, vitis, violar. & alia, quæ suprà *part. 1. cap. 1.* sunt
 proposita.

EPITHEMATA fiant ex earundem plantarum de-
 coctis, *succo lactucæ, nymphææ, solani ; lacte muliebri, emul-*
sione sem. papau. alb. & lactuc.

Vt ʒ. *Sem. lactuc. 3. ij. papau. alb. 3. v. nucleor. Persicor.*
3. ij. aq. lactucæ, papau. an. 3. ij. ʒ. anethi. 3. j. Fiat emulsio
pro Epithemate.

Vel ʒ. *Nucleor. Persicor. 3. ʒ. sem. papau. albi 3. ij. aq. solani*
3. iij. rosar. 3. j. Fiat emulsio pro Epithemate.

Nonnulli aq. anethi cum zedoaria puluerisata vtuntur,
 eamque temporibus apponunt.

Vel ʒ. *Mucitag. sem. psyllij aq. violar. extract. emuls. sem.*
papau. albi an. 3. ʒ. nucum iugland. nucl. Persicor. an. 3. j. ʒ. la-
pid. albastr. preparat. 3. ʒ. Misce. Parari etiam possunt SAC-
CVLI ad tempora. E. G.

ʒ. *Flor. violar. rosar. nymph. an. 3. j. Fiant sacculi duo ex*
syndone rubr. qui in Epithemate aliquo humectentur &
temporibus applicentur.

Vel ʒ. *Flor. betonic. verben. an. P. fol. salicis persicor. an.*
P. iij. solani P. ij. sem. papau. albi 3. j. nucl. persicor. num. xv. flor.
rosar.

rosar. M.j. nymph. M.ß. Concidantur & indantur facculi qui ebulliat in aqua & expressus capiti imponatur.

CATAPLASMATA.

℥. Amygd. dulc. num.vj. nucleor. Persicor. num. v. sem. papau. albi 3.ß. thuris 3.j. nuc. moschat. num. j. Omnia contul cum medulla panis albi, aq. rosar. & lacte muliebri subgantur, & misceantur: Vide Instit. lib. 5. part. 3. sect. 3. cap. 3. in fine.

OLEA, ad inungendum frontem; tempora, & plantas pedum. Ol. violar. nymph. papau. alb. Amygd. dulc. anethinum, salicis, mandragoræ. MEDULLA crurum vituli, cerui. VNGVENTA, Populeum recens, somniferum. Vnde variaz illitiones, & inunctiones fiunt.

℥. Ol. amygd. dulc. 3.j. viol. nymph. papau. an. 3.vj. unguent. populei 3.ß. Misce.

ERRHINA, & quæ naribus admouentur, vel naribus attrahuntur, iisque illinuntur; vt aquæ destill. rosar. lactuc. solani, nymph. lac muliebre, ol. papau. violarum, nymph. Vel odoranda exhibentur ex flor. rosar. violar. nymphæ papau.

Vt ℥. Papau. alb. cap. ij. flor. rosar. alb. violar. nymph. sem. lactuc. coriand. non præparati an. 3.j.ß. oculor. populi, santal. rubr. an. j. Conquassentur, & ligentur in nodulo, qui irroretur aq. rosar. & lactuc. & sæpius naribus admoueat. Flores quoque ligustri odore somnum conciliant.

LOTIONES extremorum cum decocto fol. lactuc. malu. violar. alibæ, salicis; vitis, flor. nymph. summit. anethi flor. chamæmel. quæ actu calida adhibeantur, vt facilius penetrent.

Vt ℥. Fol. lactuc. salicis, violariæ, maluæ, vitis, an. M. iv. flor. nymph. summit. anethi an. M. ij. capit. papau. albi cum sem. incisor. num. xij. vel xv. Coq. pro lotionem pedum.

Vel ℥. Fol. maluæ, violar. lactuc. an. M. ij. flor. chamæmel. fol. lactuc. an. M. j. summit. anethi M. ij. Incisa coquantur pro lotionem pedum.

Vel ℥. Flor. nymph. M. ij. rosar. alb. fol. vitis, violar. lactucæ, summit. anethi, an. M. j. Coquantur in aq. pro lotionem pedum.

PVLVINARIA quoque è plantis viridibus, vt *fol. lactucæ, salicis, vitis, flor. nymph. violar. parare licet*: quibus ob odorem suauem, & penetrationis gratia aliquid melissæ addere commodum est.

Quartò somnum conciliant, quæ spiritus animales torpidos reddunt, & sopiunt quasi. Quod (etiam si calida sint) peculiari vi præstant, & idcirco *ὑπνῳγῆ*, aut potius *ὑπνῳγῆ* dicuntur: quem effectum hæctenus malè nimis frigiditati attribuerunt. De quo quæst. i. dicetur.

Narcotica & Hypnotica.

Talia sunt.

RAD. Mandragor. hyoscyami. **FOL.** Solani hyoscyami, mandragoræ, tabaci. **FLOR.** Hyoscyami, papaueris, croci. **SEM.** Papau. albi, nigri, hyoscyami, lolij. **FRUCT.** Mandragoræ. **CORTIC.** Papau. & mandragoræ. **SUCC.** Mandragoræ, hyoscyami, opium. **GVM.** Styrax. Neque refert, quod styrax aliàs inter calida medicamenta refertur. Est enim ipsi hoc cum opio commune: Interim experientia edocti styracem ad somnifera medicamenta referunt Dioscorid. lib. i. cap. 69. & Galen. 2. de compos. medic. s. loco cap. i. in fine.

Nota.

E quibus leniora sunt *sem. & cort. papau. solanum*: quo etiam referri possunt (nisi quis in tertiam classẽ ea referre velit,) absinthium, sem. coriand. crocum. Fortiora *Hyoscyamus, Mandragora, fortissimum, Opium*, quod hæctenus 4. gradu frigidum habitum est. Vnde autem reuera ea efficacia proueniat, dicetur quæst. i. Ex his parantur varia medicamenta somnifera.

Interna.

AQVÆ DESTILLAT.

℥. Allij, opij, an. ʒ. ij. aq. solani lb. j. Destillantur, & aliquot guttæ aquæ exhibeantur.

Alia ℥. Opij ʒ. j. allij capit. ij. Simul contendantur, & in B. M. per alembicum destillantur. Aquæ vna, vel altera gutta in vino data somnum mirabiliter prouocat, Langius lib. 3. Epist. 1. cap. 1.

Nota.

Alia ℥. Sem. papau. alb. nigri, an. ʒ. ʒ. vini albi, fellis leporin. an. ʒ. ij. aq. lactuc. ʒ. iv. Macerentur per 3. dies, postea destillantur in B. M. Huius aquæ gutta vna somnum ad horam

horam r. conciliare dicitur. Alia, quæ Helidæo Paduano attribuitur.

℥. Lollj ℥. j. opij ℥. j. Infund. in vini Maluat. ℥. vj. add. salis commun. ℥. ij. papau. ℥. ℞. hyoscyam. alb. lactuc. an. M. ℞. Destillentur, & aqua à ℥. ℞. ad ℥. j. exhibeatur.

PILULÆ, de cynoglossa, quæ dantur à ℥. ℞. ad ℥. j. Pilula Narcoticæ Plateri, quæ parantur hoc modo.

℥. Opij ℥. j. Infund. in spirit. vini ℥. ℞. Dissoluatur sensim & rursus exsicceatur : Deinde nouo spiritu vini affuso Opium dissoluatur, & add. ol. cinnamomi gutt. ij.

Postea ℥. Cinnamom. ℥. ij. sacchari candi ℥. j. piper. ℥. j. sem. coriandr. ℥. ij. croci ℥. ℞. Subtilissimè puluerisatis addatur opium dissolutum, & sensim misceantur, ac cum syrupo papau. redigantur in massam, addendo moschi ℥. ℞. Massa diligenter in mortario agitetur. Ne verò massa exsicceatur, oleo de been subigatur : Dosis pilulæ duæ paræ.

Possunt inde etiam fieri tabulæ, si saccari dosis augeatur, & massa infusione tragacant. excipiat : sed tum dosis etiam est augenda. Aliæ eiusdem.

℥. Opij ℥. j. sem. hyoscyam. alb. ℥. ij. piper. ℥. ij. castor. ℥. ℞. croci ℥. j. Dissoluatur Opium in vino maluatic. vt fiat massa, quæ exsicceatur, rursusque puluerisata cum syrupo papau. redigatur in massam, de qua in forma pilular. detur ℥. ℞. vel si parum operetur, plus. Sequentes Dorncreilio attribuuntur.

℥. Opij ℥. j. magist. perlar. corall. an. ℥. j. sal. salu. maioran. an. ℥. ℞. cum confect. alchem. Fiant pilulæ num. xviii. inaurandæ.

Dosis pilulæ ij. vel sola, vel cum aq. lactuc. ℥. ij. & syrupo de papau. ℥. ℞. Sal. Albertus sequentibus frequentissimè vsus esse dicitur.

℥. Philon. Rom. confect. alchem. an. ℥. ℞. pulu. croci ℥. j. F. pilulæ xviii. quæ diuidantur in duas partes, & vna pars circa medium noctis sumatur.

TROCHISCI ex Mesue laudati ad vigilias & delirium in febre.

℥. Sem. lactuc. portulac. papau. cucurbit. melon. cucumer. an.

an. 3. v. succi glycyrrh. amylli, tragacanth. opij, an. 3. j.ß.
Terantur omnia subtiliter, & cum mucilag. sem. psyl.
F. trochisci. Dantur ad 3. ij. Plateri.

℥. Species pro electuario opiato, (cuius descriptio paulo post proponitur.) adde gumm. tragacanth. in vino maluat. dissolut. & cum saccharo. F. Trochisci à 3.ß. exhibendi.

Alij, qui etiam Tabularum narcoticarum Plateri nomine circumferuntur.

℥. Opij 3. ij. Infund. in vin. maluat. 3. iij. & postquam dissolutum, ac benè agitatum fuerit, rursusque subsederit, liquor clarus à fecibus effundatur, & filtretur. cui add. sacchari 3. ij. cinnamo. 3. ij. moschi 3.ß. mucilag. tragacanth. cum aqu. rosar. factæ q. s. Misce instar pastæ, siccanturque, donec in tabulas formari queant, quæ exhibentur à 3.ß.

Habuit & sequentes alias in usu, quas etiam ad sedandam tussim vehementem exhibuit.

℥. species. diatragac. frig. 3. j.ß. pulu. sem. hyosciam. albi 3. j. opij vino dissoluti 3. vj. sacchar. penidij 3. j. gum. tragacanth. aqu. rosar. dissol. q. s. F. Trochisci parui.

P V L V I S. ℥. cinnamom. myrrh. an. 3. vj. opij, croci, an. 3. iv. F. pulvis, qui diuidatur in partes 3.

L A V D A N A, quæ ferè reliquorum omnium instar esse possunt, de quorum compositione, & variis variorum Authorum descriptionibus prolixè agit Libav. syntagm. arcanorum Chymicor. lib. 8. cap. 44. Lauda num.

Nostrum, quo hætenus usi sumus, hoc est:

℥. Opij puri 3. j. Affunde spir. vin. optimè rectif. vt digitis tribus superemineat, stent diebus 14. sæpius agitando: Postea quod clarum est, sensim effundatur, & spirit. vin. lento calore separetur ad syrup. liquidioris consistentiam. Seorsim infundatur in spir. vin. etiam diebus 14. species. diamb. 3. ij. Et tinctura clara separetur.

Hinc extracto Opij tincturæ diamb. pars dimidia affundatur, stentque in digestionem seu calore tepido per dies 20. sæpiusque agitentur. Vbi spirit. vin. maxima pars exhalauerit, adde solut. corallor. perlar. an. 3.ß. essent. croci 3. j.

Affunde tincturæ spec. diamb. reliquum in lento igne spiritus vin. exhalet. Sub finem adde ol. citri, cinnamomi,

caryoph. an. ḡ. iij. F. Massa instar extracti: Dimidiæ parti add. Moschi, ambr. an. ḡ. vj. Reliquum reseruetur pro Foeminis.
 Laudanum Opiatum D. Andr. Doreri.

℥. Essent. Opj debito modo purgati, atque aceto opt. extr.
 ℥. j. croci aq. limonum stillat. extr. ℥. ℞. syrac. liquid. puriss.
 ℥. j. spec. diamb. diamosch. d. an. 3. iij. terr. sigill. turc. ℥. ij.
 pulu. off. de C. C. magist. succini, an. 3. ℞. corall. perlar. an. ℥. ℞.
 ol. anisi 3. ℞. nuc. mosch. express. ℥. j. citri, aurantior. an. gut. v.

Essentiæ cum styrace primò vniantur ad lentum ignem.
 Postea addantur species cum reliquis speciebus atque
 oleis: Diuidantur in partes duas æquales,

Vni part. add. Essent. castorei ℥. j. atque cum syrup. pa-
 pau. simpl. q. s. Redigatur in iustam Electuarij consistentiam,
 S. Laudanum Opiatum pro mulieribus.

Parti alteri add. Ambr. mosch. an. ḡ. vj. cum syrup. papau.
 simp. q. s. fiat Electuarium. S. Laudanum opiatum pro viris.

Possunt tamen ista laudana etiam forma liquida, seu ex-
 tracti liquidi exhiberi, quale est illud, quod in *Epistol. à*
Scholtzio Collect. epist. 61. cōmendatur, & in mania, in vigiliis
extremis, colica, in febribus ardentibus, phrenesi, peripneu-
monia desperata cum cōmodo exhibitū fuisse prædicatur.

℥. spec. diamb. 3. ij. Infundantur in vino destillato qua-
 tuordecim diebus vt latum digitum superemineat.

Adde Opj 3. vj. mumie 3. ℞. succi hyoscyami 3. j. corallor.
 rubr. carabæ, an. 3. ij. croci ℥. j. moschi ḡ. xvj. ambre ḡ. xij.

Affuso rursus spiritu vini, vt superemineat latum di-
 gitum, digerantur per mensem quotidie agitando: dosis
 ℥. ℞. pro ægri constitutione.

Et quia Laudanum Opiatum instar omnium, vt dixi-
 mus, esse potest & frequentissimè vsurpatur, varium eius
 vsum monstrare libet.

Potiones.

℥. Aq. rosar. borragin. an. 3. j. cinnamom. 3. ij. margarit.
 preparat. ℥. ℞. Laudani opiat. ḡ. ij. vel iij. Misce.

Vel ℥. aq. papau. solani, an. 3. j. succini preparat. ℥. ℞.
 essent. papau. 3. ij. Laudan. opiat. ḡ. ij. syrup. violar. 3. iij. M.
 Syrupus. ℥. Syrup. de papau. 3. ℞. de nymph. 3. ij. pulu. croci
 ḡ. iij. Laudan. opiat. ḡ. ij. Misce.

Emulsiones. ℥. Amyg. dulc. 3. ij. sem. papa. alb. 3. j. aq. viol.
 nymph.

nymph. an. ʒ. j. ʒ. F. l. a. Emulsio, in qua dissolue. Laudan. opiat. ʒ. iiij. addendo margarit. præparat. ʒ. v. Misce.

Pilulæ. ʒ. Laudan. opiat. ʒ. ij. vel iiij. magist. perl. ʒ. ij. cum aqu. violar. F. pilulæ ij. inaurandæ.

Vel ʒ. Laudan. opiat. ʒ. ij. ʒ. vel iiij. Magist. coral. rubr. ʒ. iiij. F. pilulæ num. iiij.

Electuaria vel misturæ. ʒ. conseru. violar. ʒ. ij. Laudan. opiat. ʒ. iiij. Misce.

Vel ʒ. Conseru. flor. nymph. ʒ. ij. vel iiij. Laudan. opiat. ʒ. ij. specier. diamarg. frig. ʒ. ʒ. cum syrup. de papau. Misce.

Vel ʒ. conseru. rosar. albar. ʒ. ij. Laudan. opiat. magist. perlarum. an. ʒ. ij. Misce.

ELECTUARIA. Philonium à Philone Medico Tarsensi ita dictum, cuius descriptionem habet Galenus 5. de comp. med. sec. loc. c. 4. Aëtius tetrab. 3. serm. 1. c. 37. Æginet. l. 7. c. 11. & alterū, quod maius, seu Romanum (Arabes enim res Græcas Romanas appellare solēt) appellatur, descriptū à Nicolao, quæ à ʒ. j. ad ʒ. j. ad summum exhibentur. *Requies Nicol. theriaca recens, & aliæ antiquis vſitatæ compositiones.*

Plateri Electuariū Opiatum. ʒ. Spec. diamb. vel diamosc. vel aromat. rosar. ʒ. ij. cinam. ʒ. j. ʒ. santal. rub. ʒ. ʒ. sacch. ʒ. ʒ. opij in vino malu. dissolu. ʒ. ʒ. ol. caryoph. vel cinnamom. gutt. aliquot, additaque syrupi cydonior. vel conseruat. citri s. q. fiat electuarium, quod exhibetur à ʒ. ʒ. Commendatur & hoc.

ʒ. Conser. nymph. viol. an. ʒ. j. diacodij ʒ. ij. requ. Nicol. an. ʒ. iiij. specier. diarrhod. abbat. ʒ. ij. sem. majoran. frigid. papau. alb. an. ʒ. j. lactuc. scaryolæ, coriandr. an. ʒ. ʒ. croci ʒ. v. cum syrup. de papau. F. Electuarium.

Vel ʒ. Spec. pill. de cynoglossa ʒ. j. philon. Mes. ʒ. j. requiei Nicol. ʒ. j. ʒ. conseru. rosar. ʒ. iiij. violar. ʒ. ij. borragin. bugloss. an. ʒ. j. mithridat. optim. recent. ʒ. ʒ. cum syru. de papau. q. s. fiat Electuarium, cuius dosis ʒ. ʒ.

.. Externa.

Quæ vt antea etiam dictum, vel temporibus, sincipiti & fronti imponuntur, aut inungūtur, aut in lotionibus capitis adhibētur, vel naribus odoranda admouentur, vel etiā volis manū & pedum inunguntur. Mitiora equidem futuræ coronali applicari possunt: Opiata verò non item.

EPITHEMATA, & CATAPLASMATA ad tempora, & frontem:

℞. Rad. mandragor. aut hyosciam. capit. papau. alb. an. part. æq. Torreantur, & deinde terantur cum vino, & ol. rosacei q. s. apponanturque fronti, & temporibus.

Vel hoc Dominici Leoni:

℞. Farin. hordei ℥. j. β. cort. rad. mandrag. sem. hyoscyam. alb. cort. papau. an. ℥. j. sem. lactuc. portulac. flor. violar. nymphaea, an. 3. β. Coquantur omnia in succo solani, hyoscy. & mucil. sem. psyll. Deinde addatur ol. de mandrag. de nymph. de pap. amygd. dulc. an. ℥. 3. β. Iterum coq. ad formam pultis, & tandem addatur lac mulieb. in quo opij 3. j. fuerit dissoluta. F. cataplasma.

Vel ℞. Sem. papa. atb. ℥. j. opij ḡ. iv. croci ḡ. vj. nucl. persi. nu. x. Contusa cum aqua. anethi misceantur in formam pultis, vel cataplasmatidis, ac extendantur super pannum lineum, qui fronti & temporibus applicetur.

Vel ℞. Sem. papau. alb. ℥. 3. β. lactu. 3. iij. nucl. persi. 3. j. aq. papa. alb. 3. β. lactuc. anethi, an. 3. j. β. F. emulsio, cui add. requ. Nicol. 3. j. Epithematis loco capiti applicetur.

Fieri quoque possunt sacculi ad tempora.

Vt ℞. flor. nympha. viol. enulæ. an. 3. j. sem. hyoscyam. croci, an. 3. j. F. sacculi duo interpassati temporibus admouendi.

INUNCTIONES, quibus non solum tempora, sed & plantæ pedum, volæ manuum, pulsus, nares inungi possunt.

Vt ℞. Ol. violar. nympha. unguenti popul. an. 3. j. opij, croci, an. ḡ. vj. Misce.

Vel ℞. Ol. violar. unguenti popul. an. 3. j. ol. hyoscyam. mandragor. an. 3. β. opij, croci, an. ḡ. vj. cere parum. F. vnguentum.

Vel ℞. Nucleor. persiccor. sem. aneth. an. 3. j. contusis affund. aq. lactuc. 3. iij. Exprimatur succus, in quo dissolue opij ḡ. vj. add. ol. papau. unguent. popul. an. 3. j. cere parum. F. Vnguentum.

Vel ℞. vnguent. popul. 3. ij. sem. hyoscyam. cort. mandragor. an. 3. j. ol. nuc. mosch. express. 3. β. opij 3. j. Misce cum ol. papau. F. vnguentum.

Aliud

Aliud. ℥. Vaguenii rosar. alabastr. an. 3. iij. croci ḡ. v. opij ḡ. iij. Cum oleo rosar. F. linimentum.

Aliud. ℥. Vnguent. popul. 3. iij. ol. nuc. moschat. express. 3. j. laudani opiatī ḡ. vj. extr. croci ḡ. iv. specier. diambrae ḡ. iij. Misce.

Vel ℥. Vnguenti popul. rec. 3. ij. ol. papau. 3. iij. sem. hyoscyami ḡ. v. cort. mandragor. ḡ. x. opij ḡ. iij. croci ḡ. vij. cere 3. j. styracis 3. j. Misce. Et fiat vnguentum molle.

℥. Ol. violar. nymph. vnguenti popul. an. 3. ij. 3. cort. mandragor. 3. ij. croci 3. j. opij 3. j. cere 3. vj. Misce & fiat f. a. vnguentum.

℥. Ol. hyosciam. papau. nymph. mandragor. violar. an. 3. j. vnguenti popul. 3. iij. pulu. cortic. mandragor. opij, an. 3. ij. croci 3. 3. cere q. s. Misce & fiat vnguentum.

Hisce addenda sunt Balsama, quæ pro delicatioribus, ut qui grauem & ingratum vnguentorum istorum odorem ferre non possunt vel nolunt, adhiberi solent.

℥. Ol. nuc. mosch. express. 3. j. extract. croci ḡ. iij. laudan. opiatī ḡ. iv. styracis calaminth. 3. 3. Misce.

Aliud ℥. Balsam. anethi 3. j. 3. ol. nuc. mosch. express. 3. 3. tinct. croci, gutt. v. extract. opij ḡ. vj. moschi ḡ. ij. camphor. ḡ. j. Misce.

Vel ℥. Balsam. chamæm. 3. j. anethi 3. 3. ol. thuris destill. ḡ. v. opij, croci, an. ḡ. vj. Misce.

EMPLASTRA

℥. Capit. papau. alb. cum sem. 3. ij. cort. mandrag. hyosciam. an. 3. vj. fol. lactuc. salicis, flor. nymph. rosar. an. M. j. ol. tb. j. vini tb. 3. Coq. ad vini consumptionem.

Colat. ℥. tb. 3. sem. lactuc. 3. ij. opij 3. j. 3. croci 3. j. cere q. s. F. Emplastrum pro fronte, & temporibus.

Aliud ℥. Vnguenti popul. 3. j. sem. hyoscyam. 3. iv. opij, cra-ci, ol. nuc. moschat. express. 3. 3. rad. mandrag. 3. ij. ol. de papau. 3. 3. cere q. s. F. Emplastrum.

PEDVM LOTIONES.

Vt ℥. Herb. violar. lactuc. an. M. iv. solani, nymph. an. M. ij. capit. papauer. alb. cum sem. num. iv. flor. verbasci, melilot. rosarum, hyoscyam. cum sem. an. M. j. radic. hyoscyami, 3. j. Coquantur in aqua pro pedum lotionem.

Vel ℥. Fol. lactuc. alkekeng. solani, malu. violarum. an. M. ij. flor. rosarum, nymph. an M. j. melilot. M. β. Capit. papau. alb. num. xij. summitt. anethi M. j. cortic. mandragoræ ʒ. j. Coquantur in aqua pro lotionē pedum.

Vel ℥. Folior. salic. lactucar. cucurbitul. vitis, an. M. ij. flor. nymph. summitat. anethi, an. M. j. capit. papau. alb. viridium cum sem. concisor. numer. vij. cortic. mandragor. ʒ. ij. Coquantur pro lotionē pedum.

Vel ℥. Folior. salic. solani, lactucar. an. M. j. flor. anethi, Chamemeli, an. M. j. β. cortic. mandragor. ʒ. j. capit. papau. num. vj. Coquantur pro lotionē pedum.

ERRHINA, quæ fiunt ex opio, & croco dissolutis in ol. violar. mandragor.

ODORAMENTA & SVFFITVS ex styrace, & opio.

NODVLI ad odorandum.

℥. Flor. violarum, nymphææ, rosarum, an. P. j. sem. lactucarum, papau. alb. an. ʒ. j. hyoscyam. ʒ. β. cortic. papau. alb. mandragor. an. ʒ. β. opij ʒ. iv. croci ʒ. β. cum syndone rubro, vel linteo albo. F. Nodulus naribus sæpius admouendus, qui etiam intingi potest in aqu. rosarum, lactuc. solani.

Vel ℥. Flor. nymphææ, violarum, an. P. j. cortic. papau. mandragor. an. ʒ. j. opij ʒ. j. croci ʒ. β. Cum linteo, vel syndone rubro F. Nodulus.

Alias ℥. Flor. nymphææ, violarum, an. P. ij. sem. lactucarum ʒ. β. cortic. mandragor. ʒ. j. β. sem. anethi ʒ. j. croci ʒ. viij. Ex concisis fiat Nodulus.

Alius ℥. capit. papau. flor. violarum, nymphææ, an. P. j. sem. lactucarum, portulacarum, an. ʒ. j. cortic. mandragor. sem. hyoscyami, an. ʒ. β. anethi, croci, an. ʒ. iiij. vel iv. M. & fiat nodulus. Parari etiam possunt.

POMA SOMNIFERA.

℥. Flor. violar. sem. cicuta, hyoscyam. an. ʒ. j. opij ʒ. j. camphor. ʒ. β. cinnamomi, caryoph. an. ʒ. β. asæ dulcis ʒ. ij. ladani, styrac. liquid. an. ʒ. ij. Cum aq. hyoscyami. Fiat f. a. Pomum.

Commodum quoque est, vt plantis hætenus enumeratis,

is, & odorem spirantibus pauimentum conspergatur.

GLANDES ex Opio, & ol. violac. ac melle. Verum cum facile ex his damnum aliquod ægro afferri queat, filum alligandum, si ijs vti placet, vt, quando libet, extrahi possint. Tutius est glandem parare ex cort. mandragor. & melle.

De vigiliis fenum hoc in specie Crato *Confil.* 118. monet *De vigiliis senū.* illorum, ac præcipue eorum, qui in summis curis versantur, & quos iam diu hoc malum vexat, vigiliis mederi, difficile esse. Lotiones, inunctiones, præsertim frigidas nihil prodesse; imò frigida plurimum lædere. Itaque calidis & odoratis vapores potius contemperandos esse, & propterea hora decubitus vnā alteram pilulam ex sequentibus sumendam.

℞. Spec. diambra ℥. ij. *diamoschi dulcis* ʒ. ℞. *succini albi* ʒ. j. *ambra grysea* ḡ. iij. Cum syr. de cortic. citri, fiant pilul. xxiv.

Vide etiam *cap.* 3. puluerem ad insomnia.

De usu Opij & Opiatorum Medicamentorum.

De usu tamen Opij, & Opiatorum quædam monenda sunt. Magnam omninò Opiatorum medicamentorum esse vim, certum est. Cum enim vix aliud vires corporis humani magis deiciat, quàm dolor, & vigiliæ nimix; somnus contrà vires reficiat, & calorem ac spiritus instauret: Opiata certè, quæ vnā opera & somnum conciliant, & dolorem tollunt, vtilissima sunt, & propterea valde à Medicis commendantur.

De usu opij & opiatorū medicamentorū.

Aëtius, *tetrab.* 4. *serm.* 1. *cap.* 102. Antidotum Pæoniam opiatam valde commendat, & multos ex ægris ab eius usu à somno surrexisse scribit, adeò concoquendi facultate præstantes, vt obliiti sint, an vnquam aliquid à principio doluerint. Nostro verò seculo in opiatorum usu, & laudibus multus fuit Felix Platerus, Medicus experientissimus. Interim cum plurimū etiā opiata nocere possint, nō equidem, vt antiqui crediderunt, refrigerandi supra modum vi, sed quia spiritus torpidos reddunt, soporemque sæpe grauem, stuporem, spiritus difficultatem inducunt, & interdum ipsam mortem afferunt, vt videre est apud

Schenck lib.7. obseru. 186. Forest. lib. 10. obser. 6. in Schol. & obseru. 35. in fine Scholij, Platerum lib. 1. obseru. 15. Guil. Fabric. in responsoria ad D. Donringium Epistola de Hernia vterina, cautus omninò in opij, & opiatorum vsu sit Medicus. Tutiusque est extra primò ea capiti adhibere, & videre, an extra applicatorum vsus sufficiat, antequam intra corpus exhibeantur. Sunt tamen & ipsa topica cautè adhibenda, ita vt & morbi & naturarum ratio habeatur, ne scilicet ea ante vsum vniuersalium applicemus, vel fortiora pueris & mollioribus corporibus adhibeamus. In hisce enim stuporem inferunt, memoriamque lædunt in reliquam vitam, vel alios affectus procreant. Sic refert Forestus, lib. 7. obser. 22. de sorore sua Gertrude, quod ex morbo cōualescens ab vnctione opij ad vigilias vrgentes adhibitam, circa tempora perpetuò vrgens frigus senserit, tanquam gelu fuisset. Multos quoque ob intempestiuum stupefacientium tam applicationem quàm exhibitionem Lethargum incurrisse, idem Forestus obseruauit, ita vt illi, qui prius vigiliis vexati fuerant, postea somnolenti & lethargici euaserint, vt videre est ex scholio observationis sequentis 23. citati libr. 7.

Quæ autem cautio hic necessaria sit, docet Galenus 12. meth. med. cap. 1. Committunt, inquit, Medici eiusmodi excessus cum in aliis quoque remediorum generibus non paucis, tum vel maximè in iis vocatis Anodynis, quæ ex papau. succo, vel alterci semine, vel mandragoræ rad. vel styrace, vel tali quopiam fiunt. Nam & qui agris gratificantur, in eorum medicamentorum vsu modum excedunt; & qui intempestiuè immodiceque sunt animosi, dum prorsus horum vsum refugiunt, doloribus agros iugulant. Ergò veluti in omni totius vitæ tum habitudine, cū actione: ita hîc quoque consiliū illud sapiētis, qui, Ne quid nimis, dixit, amplectimur habentes pro fine, quò tendamus, egri utilitatem. Quippe si fas est, iis remedis, quæ morbum sanent vtendo, quod optamus efficere, abstinendum à sopientibus medicamentis. Sin ex vigiliis, & viribus resoluendis ad mortis discrimen ager tendat, tum profectò tempestiuè eiusmodi medicamentis vtare, scilicet non ignarus corporis habitum nonnihil ex iis ledendum, læsionem tamen, quàm mortem potius

potius eligendam. Hæc Galenus. Omnino enim hoc præcipue attendendum, an vires tam diu morbum sustinere possint, donec causa vigiliarum, vel doloris ordinariis medicamentis tolli possit; neque prius ad Opiata accedendum, antequam periculum aliquod ægro ex vigiliis, vel dolore imminere videatur. Perpendendum & hoc, an vires à morbo nondum valde deiectæ sint, sed saltem ob dolorem, vel vigilias periclitari incipiant. Tum enim tutò, reliquis nihil iuuantibus, opiata exhibere licere; quæ cum somnum inducunt, fit, ut dolor etiam non percipiatur, & in somno spiritus, ac calor reficiantur, ac materia morbifica rectius concoquatur, & vincatur. Verùm, reliquis nihil iuuantibus, dixi.

Primò enim semper leniora usurpanda, & primò quidem cibi Medicinales somnum inducentes, hinc medicamenta leniora, & tandem ad opiata adscendendum. Si verò non solum ob vigilias & dolorem æger periclitetur, sed ab ipso quoque morbo vires iam deiectæ sint, ut fere de ægri vita dubitetur, tum non facile opiata exhibenda, quæ eo in casu nihil aliud efficiunt, quam dum spiritus sopiunt, torpidosque reddunt & ignavos, ut mortem accelerent, & soporem perpetuum inducant. Quod innuere videtur Auicennas, dum *lib. 5. summ. 1. tract. 1.* quasi sub persona Philonij loquens scribit: Et meum iuuamentum ad eum, cui dimissa mors est, est iuuamentum maximum. Frequens etiam nimis opiatorum usus fugiendus, ne cerebrum lædant, & ipsi dispositionem prauam inducant, vel etiam ventriculo noceant.

Infantibus quoque & pueris parè admodum somnifera, præsertim Opiata, exhibenda. Solent enim ingenium & memoriam labefactare. Imò nec concedendum nutribus, ut sæpe syrupum papaueris infantibus nimis vigilantibus exhibeant, ut & infantibus, & sibi in primis quietem concilient. Heberat enim & is sæpius sumptus ingenium ac memoriam.

Tempus exhibendi somnifera medicamenta quod attinet, si leuiora sint, ex viciis nympha. lactuc. sem. papau. alb. amygd. cum cibis exhiberi possunt. Ita enim suavis illa

Tempus
exhibendi
opiatum.

exhalatio cum cibi euaporatione permixta in caput fertur, & exhalationes calidas & siccas in eo, ac siccam cerebri intemperiem temperat ad demulcet. Quæ verò fortiora sunt, vt opiata, cum planè medicamentosa sint, cibo permisceri non debent, sed vel cibo concocto, vel vna atque altera hora post cibum sumptum exhiberi.

Non etiam in principio paroxysmorum, aut crisi instante exhibenda. Cum enim tum calor expandi ad exteriora debeat, & expulsio spirituum beneficio fiat, in somno verò calor ad interiora reuocetur, & spiritus sopiantur: Naturæ ille conatus, ac motus impediretur.

*Lesio à
Narcoti-
cis indu-
cta vt
corrigen-
da.*

Si quis etiam torpor Capiti, & læsio aliqua inducta videatur, corrigatur lotionem cum decocto fol. beton. maluæ, flor. chamæmeli: & si præter opinionem æger profundius ac diutius dormiat, naribus admoveatur spongia, vel linteolum aceto acerrimo madidum, vel pulvis nigellæ & rutæ aceto maceratus naribus indatur.

Dieta.

Cibus sit talis, qui suaues vapores generet, & qui vim habeat vapore ex alimento adscendentes densandi, vt spiritus sopiantur. Talis est ptisana hordeacea, in primis si alteretur lactuca cocta, oua forbilia, carnes gallinar. vitulina, hoedina, panis cum amygdalis & sem. papau. alb. paratus, iuscula & alij cibi ex amygdalis parati. Ex oleribus vtilia sunt lactuca, malua. Vinum si morbus id ferat, dilutum liberalius bibatur. Antiquum verò, & generosum potius vigilias excitat. Neque inutile fuerit, antequam quis cubitum eat, haustum aquæ destillatæ lactuc. aut violar. bibere. Si morbus id ferat, ad somnum conciliandum etiam valet aqua dulcis tepida bibita. Nam & corpus vniuersum refrigerat, & succos acres temperat. Antiqui ad somnum conciliandum post coenam lactuca frequenter utebantur: cum hodie, imò & apud Romanos iam appetitus potiùs excitandi gratia ante cibum, vel cum cibo exhibeatur, de quo Martial. lib. 3. Epigram.

Claudere quæ coenas lactuca solebat anorum,

Dic mihi cur nostras inchoet illa dapes?

Abstineat æger à cibis salsis, acribus, acidis, exsiccantibus

bus. Reliqua quod attinet, vt supra de somnum concilians
tibus dictum, cubile non sit lucidum, absit omnis strepi-
tus, & sonus vehementior, æger ipse quietus sit, & taci-
turnus, oculos clausos habeat. Hoc non prætereundum,
quod Galenus ad somnum conciliandum habet, 6. *Epid.*
comm. 4. tit. 17. Quos arctè dormire volumus, eos eatenus vi-
giles seruare debemus, quatenus stare iam nisi conuiuentes non
possunt. Ego enim multis, qui se celerius quieti dederant,
cum vigilare diutius eos coëgissent suauem somnum conci-
liant.

*De vigiliis præter naturam in specie.**Et primò*

De vigiliis nimis ob vaporum Spiritus sapientium defectum.

Postquam hæc ita in genere de Vigiliis p. n. dicta sunt,
iam in specie de iisdem secundum causarum supra enume-
ratarum differentias dicemus. Et primò quidem Vigiliæ,
quæ ob vapores ad somnum necessarios deficientes fiunt,
quod attinet, suauis illi vapores somno conciliando
necessarij deficiunt, vel quia ad cerebrum non feruntur,
vel quia ad cerebrum eleuati ibi non conseruantur, sed
dissipantur. Non feruntur ad caput, non solum cum
non generantur, vt in inedia, & dum cibus, qui tales
vapores non suppeditat est assumptus, aut ob ni-
miam copiam non coquitur, aut quia coctio debilis est,
quod in senibus & frigidum ventriculum habentibus fieri
solet: verum etiam quia à calore p. n. absumuntur, &
dissipantur vapores, in intemperie totius corporis, calida
præcipuè, vt & sicca, quod fit in febribus acutis & bilio-
sis, aliisque ægritudinibus biliosis; aut tales vapores ge-
nerantur, qui ad spiritus sopiendos idonei non sunt, sed
potius eos turbant, de quo mox dicetur. Ad Cerebrum
verò eleuati vapores non conseruantur, sed dissipantur ab
intemperie cerebri calida & sicca, quod in inflammatione
cerebri præcipuè accidere solet.

Ideoque febres pluribus modis vigilias inducere pos-
sunt, nimirum quia nec vapores idonei ad somnum in-
ducendum in iis ad caput eleuantur, sed tales, qui
spiritus potius turbant, & agitant. Et si qui blandi vapores inducāt,
e ci

*Febres
quemodo
vigiliās
inducāt.*

è cibus eleuantur, à calore febrili absumuntur.

Signa Diagnostica.

Vapores somno conciliando necessarios deficere ob inediam, cibum iis suppeditandis ineptum, copiam cibi & cruditatem, ex diætâ ægri, quæ præcessit, & ætate senili cognoscitur.

Absumptos ac dissipatos esse, & adhuc dissipari cognoscitur ex intemperie calida, & sicca totius corporis, ex febre acuta & biliosa, ex immoderato vini generosi potu, aut medicamentorum calefacientium & siccantium usu.

Prognostica.

1. Si ex inedia, vel diætâ vitio vigiliæ proueniant, cibo exhibito & diætâ errore correcto vigiliæ facillè tolluntur.

2. Prout febris est vehementior, vel minus vehemens, ita etiam vigiliæ magis vel minus pertinaces sunt.

Indicationes.

Si ob inediam sit hic vaporum defectus, vel in diætâ aliquem errorem, vt multum nocet perseverantia in iisdem causis: ita plurimum prodest transitus ad contrarias. Et proinde cibus boni succi suppeditandus, vt & potus, qui multos suaues, & benignos somno conciliando aptos vapores suppeditat. Si cibus minus commodus sit, melior substituendus; si copiosius sumptus, paucior præbendus, & cruditas corrigenda, vt de morbis ventriculi dicitur. Si calor febrilis vapores illos absumat, curatio ex doctrina de febribus petenda.

Curatio.

Materia remediorum ex iisdem locis depromenda. Hoc saltem hic monendum, vt ex medicamentis, quæ ad calorem febrilem alterandum usurpantur, ea eligantur, quæ simul suaues & somniferos vapores ad caput mittunt, & calidos vapores temperant, qualia sunt *lactuca, nymphaea, viola, sem. papau. alb. lactuc. quatuor frigid. maiora. amygd. dulc.* & quæ ex his fiunt.

Ex cibus similiter eligendi, qui probe coquantur in ventriculo, suaues illos vapores plurimos suppeditant, quales

quales antea in diætâ in genere enumerauimus.

Secundò.

De Vigiliis ex caliditate & siccitate cerebri.

Etsi verò idonei vapores ad caput eleuantur : tamen ibi *Vigilia*
dissipantur ab intemperie cerebri calida , vel sicca, vt Ga- *ex cali-*
lenus 1. *prorhet. comm.* 2. t. 29. & 2. *aphor.* 3. docet. In vigi- *ditate &*
liis vero producendis primas tenet caliditas , secunda sic- *siccitate*
citas. Caliditas enim maioris actiuitatis est , & vapores ab *cerebri.*
inferioribus adscendentes facile dissipat, ipsosque spiritus
agitat , ita vt caliditas duobus modis ad vigilias produ-
cendas concurrat. Siccitas tamen eosdem etiam absument,
& maximè hoc fit , si caliditas & siccitas coniungantur.
Nonnulli tamen etiam ab intemperie frigida & sicca vi-
gilias prouenire posse statuunt , quale quid in melancho-
licis & senibus accidere potest

Intemperies autem hæc vel est cum materia , vel sine
materia: quorum posterius sæpe accidit in febribus putri-
dis, ardentibus, inflammatione cerebri & membranarum
eius , Melancholia , Mania , Intemperie cum pituita falsa
& humore seroso. Nonnumquam & à potu, vel medica-
mentis calidis & siccis contrahitur. Ita Galenus 2. *de loc.*
affect. cap. 9. refert , puerum apud Grammaticum agen-
tem ex meraci vini potu vigilem permanisse, ac postea fe-
bre correptum periisse.

Vnde autem Intemperies istæ cerebri originem habeant
quomodo cognoscantur , quid periculi portendant , quid
indicerent, & quomodo curandæ sint, dictum est parte 1. hu-
ius libri, quæ omnia inde petenda. Hoc saltem hic iterum
repetimus , quod antea etiam monuimus , vt ex medica-
mentis , quæ ad intemperiem cerebri corrigendam vsur-
pantur , ea eligantur , quæ simul suaues vapores ad caput
mittunt, & vim aliquam soporiferam obtinent.

Interna.

E. G. ℥. Conseru. nymph. violar. an. ʒ. j. ℞. lactuc. Ita-
lic. condit. ʒ. ℞. cum syrup. de nymph. vel papau. fiat Electua-
rium in vigiliis ab intemperie calida & sicca.

Vel ℥. Aqua lactuc. viol an ʒ. iij. syrup. violar. papau. an.
ʒ. j. ℞. fiat potus pro 2. dosibus.

Externa.

Externa.

Si intemperies sit calida, vsurpentur *Ol. violar. rosar. nymph. papau. mucilago sem. psyllij, semperuiuum, lactuca, papauer.* è quibus vel Epithemata vel lotiones capitis fiant. Si Intemperies sit sicca, conuenit *ol. amygd. dulc. lac.* Si siccitati iungatur frigiditas, quod in melancholia accidit, profunt *chamamel. aneth. fœnugræcum, malua alibæa, melilotus, & ea quæ supra cap. 12. sunt proposita.*

Si peccet bilis, humectantia & refrigerantia conueniunt, quæ supra cap. 1. & cap. 9. de intemperie capitis cum bile sunt proposita, in primis, *lactuca, violæ, papauer, nymphæa, cucurbita.*

Si caussa vigiliarum sit pituita falsa, calida simul admiscenda, & attenuantia, vt *aneth. chamæ. melilo. & vsurpanda ol. amygd. dulc. commune*, in quo cum aq. hordei, & vino albo subdulci sit parum *chamæ. melilot. serpill. coctum.* Exempli grat.

℞. Flor. rosar. violar. nymph. fol. salicis an. ʒ. j. santali ʒ. ss. cort. papau. ʒ. viij.

Iniiciantur in vas vitreum, & affundatur aq. rosar. q. s. Bulliant in cineribus calidis, vaporesque exhalantes ore & naribus excipiantur in vigiliis ex intemperie cerebri calida & sicca.

Exemplum vigiliarum ex intemperie cerebri calida & sicca sine materia est apud Forestum, lib. 10. obseru. 35.

Tertiò

De vigiliis à dolore, pectoris angustia, ac sensuum externorum obiectis.

*Vigiliae
dolore.*

Cum cuiusque sensus externi obiectum vehemens sensum communem in consensum trahat, vnusque sensus excitatus reliquos commouere, ac vigilias excitare possit: Frequentissime vigilias excitant tactus obiecta, quæ dolorem gignunt, dolorque in quacumque parte corporis si sit magnus vigilias excitet.

Quomodo à dolore vigilie fiant.

Cum enim sensus communis simul afficiatur, eo commoto omnes reliqui sensus commouentur, atque ita vigilie suboriuntur. Capiuacius quidem existimat, dolorem excitare vigilias, quia non permittat alimenti vaporem in caput

caput ferri; cum propter dolorem fluat materia in partem, quæ primò afficitur. Verùm ratio prior probabilior est. Neque enim omnes vapores à cibo ad partem dolentem confluunt. Et licet vaporum satis sit in capite, ægerque dormire incipiat; tamen ab obiecti vehementia iterum excitatur, non secus ac si æger vellicetur, aut pungatur aut clamore excitetur.

Quomodo autem dolori succurrendum sit, dicitur in *part. 3. huius libri cap. 2. vbi de symptomatibus tactus agitur*. Hoc saltem hic addimus, si dolor grauis somnum turbet, neque alia ratione leniri possit, narcotica vsurpanda esse, quæ vna opera & somnum conciliant, & dolorem leniunt, de quibus antea de vigiliis in genere diximus.

Pertinent huè & illæ vigiliæ, quæ sitientibus accidunt, vt & quæ fluxu alui, & dysenteria laborantes infestant; vt & quæ dispnoëa in morbis pectoris, & hydropè laborantibus molestæ sunt, quibus accidit, vt dormire nequeant; vel si dormire incipiant, suffocationis periculum immineat. Ideoque sitis lenienda, & morbi, à quibus vigiliæ pendent, tollendi.

Et quod obiecta tactus præstant, idem & aliorum sensuum symptomata præstare valent, vt lux nimia, strepitus & sonus, quæ omnia dormientes inquietos reddunt & excitant; ideoque amouenda sunt.

Quartò

De vigiliis à vaporibus calidis, siccis, acris & acidis.

Si vapores calidi, sicci, acres, ab humoribus biliosis, falsis, melancholicis, prauis ad cerebrum attolluntur, spiritus etiam turbantur, & vigiliæ excitantur.

*Vigilia
à vaporibus
calidis &
siccis.*

Attolluntur autem illi vel à toto vt in febribus ardentibus, vel ab epate, liene, vtero, vt supra *cap. 6. part. 1.* dictum. Accidit etiam hoc sæpius à generoso vini potu, à calidis & siccis medicamentis, aut cum in ventriculo sit praua concoctio, & à cibo vel à potu copioso, aut corrupto, aut cibus flatulentis, & prauis, quales sunt lentes, fabæ, fungi & tubera.

Fit hoc etiam quandoque à serosis humoribus, & pituita salsa, qui humores & ipsi membranas cerebri vellicant,

&

& sui generis vapores emittunt, quibus spiritus turbantur, quæ non minima causa est vigiliarum in senibus; et si & aliæ concurrant, quod scilicet cerebrum ipsum euadat siccius, coctio debilior, & pauci suaves vapores in cerebrum eleuantur, de quo vide Lang. lib. 1. epist. 26. ubi de senum vigilia agit. Neque solum in senibus, sed & aliis vigiliæ ab humoribus, seu falsis, seu acidis generantur. Dum enim vel ob cibi copiam vel calorem debilem fit cruditas acida in ventriculo, vapores & fumi similes in cerebrum eleuantur & vigiliarum causa sunt.

Neque solum à reliquo corpore vapores illi in caput mittuntur, sed sæpè etiam in ipso capite ex apostemate aliquo, vel vlcere in partibus cerebro propinquis ad cerebrum eleuantur; sicut & in inflammatione cerebri, & membranarum eius vapores tales calidi attolluntur, & spiritus animales agitant.

Signa Diagnostica.

Signa humorum & vaporum caput molestantium supra part. 1. tradita sunt. Pituita falsa, & ventriculi debilitas plerumque in senibus vigiliarum causa est.

Prognostica.

1. Quantum periculi hoc genus vigiliarum habeat, ex morbificis humoribus, à quibus pendent, coniectandum.
2. Vigiliæ, quæ senibus ab humoribus falsis eueniunt, difficulter curantur; cum maturæ istius generatio ob ætatis constitutionem præcaueri non possit, nec ætas fortiora, vel crebriora purgantia sustineat.

Indicationes & curatio.

Parti, quæ vapores ad cerebrum mittit, conuenientibus medicamentis succurrendum, humorque peccans euacuandus, & post coenam exhibenda ea, quæ vapores illos demulceant, qualia supra de curatione vigiliarum in genere, numero 3. recensuimus. Febrem quod attinet, & totius corporis Intemperiem calidam, temperanda ea refrigerantibus, aq. hordei, lactuc. sero lactis caprin. cum emulsione sem. papau. & melon. Opiata verò cum cautione supra proposita exhibenda.

Ad intemperiem frigidam, & siccam hoc commendatur.

℞. spec. diambrae ℥. ij. *diamosch. dulc.* ʒ. β. *succini alb.* ℥. j. *ambrae gryseae* ḡ. iij. *cum syrupo de cort. citri.* F. Pilulæ num. xxiv. Capiantur tres hora somni.

Quinto

De vigiliis ab animi affectibus.

Tandem etiam animi affectus vehementes, ira, timor, mœror, curæ, & sollicitudines, amor, gaudium, spiritus concitare, & vigiliarum causæ esse possunt. Quò referenda & consuetudo. Vt enim excrementis reddendis natura sua tempora obseruat: ita consuetudo facit, vt homines certis horis noctu excitentur & vigilant; in primis si curæ, & cogitationes variæ accedant, quod senibus familiare est.

*Vigilia
ab animi
affecti-
bus.*

Causæ hæ ex ægris, vel adstantibus faciliè cognoscuntur.

Prognostica.

1. Ab animi affectibus, & causis euidentibus vigiliæ non sunt ita periculosæ, quàm quæ ab internis proueniunt.

2. Consuetudo tanquã altera natura non faciliè mutatur.

Curatio.

Animi affectus corrigantur, & ad lætitiã moderatam æger disponatur, quæque eam excitant, & somnum conciliant, exhibeantur; vt vinum, sed moderatum. At si de re aliqua intenta cogitatio vigiliarum causâ sit, mens aliò auocanda. Et cum affectus, si diu durent, tandem intemperiem aliquam capiti concilient, ei occurrendum, & bilioforum, ac melancholicorum humorum prouentus præcauendus, & si quid eorum genitum iam est, euacuandum, vt part. 1. diximus. Consuetudo contraria consuetudine sensim mutanda, & cogitationes omnes à cubito ituris seponendæ.

Q V Æ S T I O. I.

Qua vi iantrix & vapouria somnum concilient.

Qua vi medicamenta, quæ somnum conciliant, id præstent, Autores non parùm dissentiunt. Nonnulli in ea sunt sententia, causam vigiliarum proximam esse immoderatam canalium, per quos spiritus animalis ad singula orga-

*De vi
Narcoti-
corum.*

na sensuum influit, apertionem, ob defectum vaporum, qui eosdem canales, certis quibusdam horis obstruere debebant. Ideoque eorum occlusionem per tales vapores esse proximam somni causam: & propterea ad somnum conciliandum si vigiliæ urgeant, requiri medicamenta frigida, crassos ac frigidos vapores, eosque plurimos ad caput exhalantia. Capiuaccius verò statuit, quod talia medicamenta natium calorem sensorij iudicantis dissipent. Atq; ita existimat, talia soporifera & anodyna non reuera talia esse, sed saltem secundū quid dici, quod partem quasi sensu priuent. Cum enim quò pars calidior est, eò sensum habeat exquisitiorem, si medicamentum calorem natium sensorij dissipet & remoueat, & stuporem induci, & somnum conciliari necesse est.

Alij frigoris excessu spiritui animali ad partem aditum intercludi dicunt. Atq; ita secundū has opiniones *ὑπνωτικὰ* & *ναρκωτικὰ* valde frigida statuiuntur. Vnde etiam secundum hanc communem opinionem ad narcoticorum correctionem adhibentur calida, piper, cinnamomū, pyrethrū, costus, euphorbium, castorium, crocus, nux moschata, semen petroselini, dauci, foeniculi.

Verū, vt liberè dicam, quod sentio, nulla vnquam in Phisicis introducta fuit perniciosior opinio, quam eorum, qui omnia ad qualitates primas reducere conantur, qui error hactenus & in ista cōtrouersia cōmissus est, dum omnes ferè Medici facultatem somnum inducendū frigiditati principaliter attribuerunt: cū tamen, si rem diligenter perpendamus, longè aliter sese res habeat. Nam tantū abest, vt *ὑπνωτικὰ* illa, & *ναρκωτικὰ* medicamenta propriè dicta valde frigida sint, vt contrarium potius verū sit, & calida deprehendantur. Vinum vim narcoticam habere rectè statuit Platerus, *prax. tr. I. l. I. c. 2. p. 31. & 107.* & testatur id experientia. Eadem vis inest lolio, quosdamq; è panis è lolio confecti esu primò in leuè quandā amentia, hinc in somnū profundū, longūq; incidisse refert Vvierus, *de præstig. Dæmoni. l. 7. c. 13.* Styraçé calefacere extra controuersia est; & tamē soporē asferre docet Diosc. *l. I. de mat. Med. c. 68. & Gal. 20. de comp. med. sec. loc. c. I. in fin. & 6. Epid. com. 5. l. 13.* Anethum calidum

Narcotica sunt calida.

Nota.

fidum est; & nihilominus somnum conciliat, teste Gale-
no, 6. de simp. med. facult. Eodem modo sese res habet de
sem. cannabis, nuce moschat. nucleis persicor. amygdalis
amaris, absinthio, lupulo, allio,; quæ omnia calida sunt
omnium confessione, & tamen somnum conciliant. Reli-
qua etiam, quæ frigiditate somnum inducere creduntur,
omnia frigida non sunt. Nam vt de papauere vulgari, cu-
ius semen frigidum esse creditur, cum tamen oleum ex
eodem exprimatur, quod flammam alit, & ad lucernas
eodem modo, vt ol. oliuarum, lini, cannabis adhiberi po-
test, nihil dicam: opium vulgò frigidum, & quidem vltra 3.
gradum statuitur. Verum si eius qualitates, & vires dili-
genter perpendamus, calidum esse animaduertemus, vt
prolixè & accuratè id demonstraui Cl. D. D. Doringius,
tract. de opio sect. 2. Est enim amarum, acre, vt linguam vel-
licet, fauces incendit, sitim excitat, odorem grauem ha-
bet, facile inflammatur, animum efferat. Venerem concit-
tat, pruritum excitat, sudorem ciet, dura emollit & discuti-
tit, de quibus omnibus D. Doringius, loc. alleg. videatur,
ne actum agere hic opus sit

*Opium est
calidum.*

*Opium vi-
res.*

Ex quibus omnibus patet, frigida non esse, quæ *ὀπνὰ*-
νὰ & *vapῶντα* dicuntur. Quibus accedit & hoc, quod tan-
tula quantitate, gran. scilicet ij. vel iij. pondere, quo opium,
& laudanum opiatum (quod tamen purum putum opium
non est) exhibentur, qua certè corpus tam insigniter refri-
gerare, & tot crassos ac frigidos vapores, qui ad meatus
cerebri omnes obstruendos sufficiant, emittere non potest.
Quis enim, nisi qui opinionibus præconceptionis obcoecatus
est, credat, ab opij ḡ. ij. vel iij. assumptis corpus etiam fe-
bre æstuans ita refrigerari posse, vt illa refrigeratio vsque
ad cerebrum penetret, quod ne à satis magnâ aquæ quan-
titate fieri potest? Cum ergo in tam parua quantitate exhi-
bitum non solum somnum profundum, & stuporem in-
ducat, sed & paulò liberalius exhibitum enecet: rectius
qualitati alicui occultæ & peculiari proprietati, quæ in
spiritu quodam sulphureo consistit, vt ex odore, inflam-
mabilitate ac resolutione patet, vim hanc tribuimus. Hic
enim spiritus seu odore in cerebrum admissus, seu per
poros

poros cutis penetrans, seu intra corpus sumptus, in cerebro vi spiritus peculiari sopit, & torpidos, ac quasi immobiles, atque ita ad actiones animales edendas ineptos reddit. Quod id etiam confirmat quod Platerus, *tract. 1. lib. 1. cap. 5. p. 185.* scribit, se nunquam deprehendere potuisse, quod à Narcotico extrà cuti applicato ea stupida, & indolens reddatur; licet, vt certi aliquid cognosceret, massam opij emollitam podagra laboranti extrà applicarit.

Q V Æ S T I O II.

Quomodo opium præparandum & corrigendum.

*Opium
quomodo
corrigendum.*

Antiquos, qui Opium frigiditate excedere & nocere putabant, calidis planè medicamentis, pipere, pyrethro, croco, castoreo, euphorbio & similibus ad eius correctionem vsos fuisse antea dictum. Verùm falsa hypothefi ad istam opium corrigendi rationem adducti sunt; & medicamenta non satis commoda præpararunt. Vt saltem de Philonio Romano dicam, olim satis vsitato medicamento experientia docuit, ob tot medicamentorum calidorum admistionem vix posse deglutiri, quin fauces accendat, & in iis ardorem excitet; clysteribus etiam vel pondere fefquidrachmæ admistum nonnullis ingentem ardorem in imo ventre & intestinis recto excitasse.

Hodie satis vsitatum est, vt opium cum spiritu vini, spec. diamb. aromat. rosat. vel similibus imprægnato extrahatur, vel spiritus vini eiusmodi extracto opij addatur, vt & olea destillata, atque alia cordialia, vt ex variis Ludani Opiati (ita enim medicamentum hoc appellare libuit Paracelso) descriptionibus, quas collegit Libav. *Syntagm. arcan. Chymicorum lib. 8. cap. 84.* videre est.

Reprehendunt tamen hanc Opij præparationem Recentiores quidam, quod, vt Petrus in *Nosolog. Harm. tom. 1. disput. 5. quest. 9.* habet, foetidum, & venenosum suum Sulphur, quod etiam post ignis examen adhuc superfit in Opio, in spiritum vini æquè deponat, imò à spiritu Vini magis attenuatum malignitatem suam citius exferat, & in partes penitus insinuet: Quibus addunt & hoc, quod vino vis quædam Nercotica inest, qua de causa

caussa Platerus, *Præf. tr. l. i. c. 2. p. 66.* in sopore, & stupore, vini usum improbat. Præterea Turcos & Ægyptios vino quasi opij succedaneo, in eius defectu, uti patet ex Christoph. à Costa *de arom. l. i. c. de Opio*, & Prosp. Alpino *de Medic. Ægypt. lib. 4. cap. 1.*

Isti igitur aliam Opium præparandi & corrigendi rationem ineunt. Opium in exigua frustula concidunt, & in patellis aliquot super leni cinerum, vel alio calore tam diu siccant, donec sulphur foetidum exhalet, ac Opium suaviorem, & gratiorem odorem spiret, ac digitis in pulverem teri possit; quod ferè 6. vel 7. dierum spatio accidit. Inde tincturam aceto destillato extrahunt. Acida autem, ut acetum, succus citri, & limon. ea de causa eligunt, quod sicut acrimoniam humorum, ita & Narcoticam vim acida heberant; & spiritus Narcoticos figunt, ac supprimunt: Undè in soporiferis affectibus, venenisque soporiferis commodus est aceti usus, ipsiusque ebrietatis acetum & acida sunt remedium.

*Acetum
ebrieta-
tis reme-
dium.*

Verùm enim verò, ut quid mihi hac de re videatur, liberè aperiàm: Primò illam Opij siccationem, & leuem quasi tostionem quod attinet, si, de quo tamen certò constare prius debet, quædam heterogeneæ partes sunt in opio, quarum aliæ aliis magis sunt noxiæ, torreatur sanè, me non obstante, Opium, sed ita, ne illud sulphur Narcoticum, cuius vis expetitur, dissipetur, & corpus inefficax relinquatur. Ipse tamen Petrus, ut antea dictum, etiam post ignis examen sulphur illud foetidum, & malignum superesse scribit.

Quantum ad reliquam correctionem, illa antiquorum per calida, & quidem vehementer calefacientia falsâ nittitur hypothesi, ut antea monstratum. Quæ verò per acida fit, an eas, quas Recentiores ipsi attribuunt, laudes mereatur, dubito. Licet enim hoc facillè concedam, acida Narcoticorum vim infringere, & soporosis affectibus prodesse: tamen id hîc non expetitur, sed vis soporifera quæritur, quæ modò aliud incommodi non subsit, omninò integra relinquenda, & propterea aceto non infringenda videtur.

Ideoque cur eam, quæ spiritu vini aromatis impræгна-

to fit, præparationem reiiciamus, nondum video; quoniam malignitas illa, quam Narcotica participant, ea satis corrigitur, quamq; ij ipsi, qui aceto Opium extrahunt, vsurpant, dum extracto suo magisterium perl. corall. extract. croci, & alia similia addunt. Neque quenquâuis quæcunque etiam Narcotica in spirit. vini offendat. Totus enim separatur, & ad sulphur illud, seu partem Narcoticam à fecibus & impuritatibus separandam eo vtimur; eoque separato spec. aromat. rosati, quibus spiritus illè vini imbutus est, vis cum Opio coniuncta manet, quæ malignitatem, quæ Opio inest, corrigit, & cor atque alia viscera roborat.



C A P V T II.

De somno p. n. ac comate, & cataphora.

Somniis opponitur somnus, qui & ipse nimius esse potest, si nimirum homo diutius, quam par est, & profundius dormiat, quam s. n. solet. Vt autem somni nimij natura & causæ rectius cognoscantur, afferenda ex Auicenna 3. Can. fen. i. tract. 4. cap. de Suboeib & Caro, somni distinctio, qua aliū naturalè facit, eumq; vel absolute talè, vel non absolute: alium p. n. Absolute naturalis est, qui post moderatas & vsitatas vigilias quotidie hominem apprehendit noctu, à cibo, vt calore & spiritibus intrò reuocatis alimentum rectius concoquatur, spiritusque per vigilias dissipati instaurentur. Non absolute Naturalis est, qui & Naturalis grauior dicitur, qui nimia corporis exercitationem, & laborem, sanguinis vel alui profluuium, dolorem, similesque causas sequitur, calore naturali, & spiritibus supra modum absumptis, vel vbi halituoso quodam vapore caput repletur, id quod ebriis euenit. Diuturnior enim, & profundior somnus ex his causis absolute quidem naturalis non est, non tamen etiam p. n. Pertinet huc & ille somnus profundus, cuius Galenus, 2. Prorbet. l. 29. mentionem facit, qui ægrotantes interdumprehendit post tridui, vel quatruidi vigilias, ma-

Somnus
quotu-
plex.

gno cum ipsorum commodo, sicut & pueris interdum idem accidit, eosque à morbis tum præseruat, tum liberat. Hic enim somnus à spirituum & caloris ad interiora retractione saltem ortum habet. Nam natura defectum spirituum sentiens, tam diu calorem & spiritus animales in cerebro retinet, donec reparati sufficienter fuerint, & calore ad interiora retractio coctio fit felicior. Vnde multi suaves & alituosi vapores ad cerebrum adscendunt, somnumque longiorem, & profundiorē parant.

Præternaturalis tandem & morbosus, ut apellant, somnus, de quo hoc loco nobis agendum est, qui à causa p. n. & morbosica provenit, spiritusque ita vincit, & detinet, ut difficilis ab eo fiat expergefactio, neque ad spirituum & virium instaurationem, sanitatisque commodum aliquod emolumentum affert. Is autem etsi varius sit, & sub se complectatur Cataphoram & coma, Lethargum, ac Carum, & nonnulli coniunctim de his agant: tamen, quia in comate vigili, Lethargo, Caro, non solum sensus communis, sed & aliæ actiones animales leduntur, de his suo loco agemus: hic verò, ubi de symptomatib. sensus communis tractamus, saltem de Cataphora, & Comate somnolento, in quibus sensus communis primario afficitur, agemus.

Nomen.

Quod malum Mauritani sua lingua Subeth nominant, Coma id Græcis est καμα, vel κατεφορα. Etsi enim Galenus, 4. de Cataphora. tuend. cap. 4. etiam sanis Comata accidere scribat: phora. tamen non proprie Comatis voce tum vitur, sed abusiue pro somno naturali profundiore. Et quidem καμα dicitur quasi κοιμημα à κοιμη, quod est profundius, & prolixè dormire. Alij απο της κοιμης, id est, commensationibus indulgere, deducunt hanc vocem, siue quod tales communiter symptomate soporis profundi teneantur, siue quod κοιμηζοντες omnium facillimè in hunc morbum incidant. Κατεφορα verò dicitur, quod vehemens sit in somnum propensio. Vocabulum enim κατεφορας & κοιμητης, ut mox dicetur, non solum de somno profundo accipitur, sed etiam de propensione in somnum, qualis est in comate vigili. Etsi autem nonnullis κατεφορα minus malum est, quam καμα, sicut

sicut καμψ minus rursus, quam Carus : tamen exquisita hac vocabulorum distinctione opus non esse, ex Galeno intelligimus, qui in *libel. de Comate & in 1. prorhet. comm. 1.* affirmat, ab Hippocrate quamlibet κατὰ φύσιν Coma nuncupari, ut promiscuè his vocabulis ille usus fuerit. De quo etiam vide Anut. Foësius in *Oecum. Hippocrat. ad vocem καμψ*. Interdum & Carus nominatur ; sed non propriè : quoniam hoc vocabulo malum multo grauius significatur, quod à leui apoplexia non multum distat.

Est autem Coma duplex, ὑπνῶδες, seu somnolentum, & ἀγρυπνῶν seu vigil. Coma ὑπνῶδες, quod & sæpè absolutè Coma appellatur, est, cum ægri oculos aperire nequeunt, & non solum in somnum propensionem continuam habent, sed & profundius dormiunt. Coma verò σύν ὑπνῶδες, seu non somnolentum, & ἀγρυπνῶν seu vigil, est, cum ægri quidem in somnum propensionem habent, nihilominus dormire non possunt, sed saltem oculis clausis, & conuiuentibus inani dormiendi cupidine tenentur, ipsisque varix imagines obseruantur, quæ & somnum impediunt, & ut nonnihil delirent ægri in causa sunt. In Comate Vigili cum plures actiones animales lædantur, dicetur de eo suo loco : hoc capite saltem de Comate somnolento nobis agere propositum est.

Definitio.

Est autem Cataphora seu Coma somnolentum sopor grauis, seu sensus communis quies, à causa, quæ spiritus animales ad sensuum organa sine difficultate influere non finit, ortum habens : seu symptoma in imminuta actione sensus communis, qui veluti torpens neque spiritus animales ad externos sensus diffundi finit, neque ab iis accepta obiecta agnoscit, & diiudicat.

Causæ.

Causam huius mali esse ea, quæ spirituum animalium ad sensuum organa influxum prohibent, eosque ad actiones animales ineptiores reddunt, iam ante dictum. Etsi verò à frigiditate & humiditate, vel à repletionem & obstructionem canalium, per quos spiritus animales influunt, id fieri plerique doceant, ut ex Galeno, 3. *Epid. comm. 1.*

aphor.

Coma
quid.

aphor. 7. 2. *prophet. 1. 29. 3. Prophet. 2. 1. videre est* : tamen, vt postea dicitur in quæstione, probabilius est, à peculiari vi narcotica spiritus animales torpidos, & ad actiones animales ineptos reddente, ac in vapore quodam residente, id fieri, qui à venis, & toto in febribus, malignis præcipue, & quæ *παραπνοῖς* appellantur, vel à parte aliqua, vt à ventriculo, ab humoribus vitiosis, vini nimio potu (cuius rei exemplum est apud Forest. *lib. 10. obseru. 34. & tria in Scholio*) intestinis & vermibus in his, vtero, vt in hysteriis sæpe euenit, ad caput eleuantur: pertinent & huc medicamenta, ac venena Narcotica vi prædita, vt lactuca, papauer, solanum, lolium, fungi quidam, Opium. Si tamen vapores sunt crassiores, & copiosiores, vel vapores qui ad caput exhalant, in crassum & lentum humorem conuertantur, meatus cerebri ab iis obstrui posse, non negauerim, quæ si fit leuior, Coma esse potest, si vero grauior, Carum vel Lethargum excitat: Vapores tamen illi vix qualitatis Narcoticæ expertes sunt. Ita etiam compressio cranij à percussione, & percussio in temporibus coma inducere potest.

Signa Diagnostica.

Æger diu & profundè dormit, demissa ferè inferiore maxilla, & hiant ore, cum difficultate excitatur, oculos, si excitetur, aperit, sed mox iterum profundè dormit, & palpebras non sine difficultate attollit. Quis autem humor peccet, ex febre præsentè, vel aliis indiciis, quæ supra *part. 1. tradita sunt*, patebit.

Signa Diagnostica.

Differt à Comate Vigili, quòd in Comate Vigili solum est in somnum propensio, non vero dormiunt ægri: à Caro, quod in comate interrogati respondent, in caro vero non respondent: ab Apoplexia, quod in hac non sentiunt, immoti iacent & stertunt: à syncope, quod in hac facies est mortuis similis, & pulsus paruus & languidus: ab vteri suffocatione, quod ad interrogata ferè non respondent, & oculos non aperiunt, licet interdum audiant: in graui vero somno omnibus his contraria accidunt.

Prognostica.

1. Somnus & vigiliæ vtræque si modum exceßerint, malum

lum 2. *aph.* 3. At somnus immoderatus malus est, non solum vt signum, quod scilicet cerebrum p. n. affectum significat, sed etiam vt causa, eo quod spiritus & calorem naturalem obtundit, actiones Animales torpidas reddit, cruda excrementa in capite & toto corpore cumulat, & denique destillationum ac frigidorum morborum autor est.

2. In quo morbo somnus laborem facit, malum est 2. *ap.* 1. Cum enim somnus naturaliter vires instaurare debeat, si id non fiat, malum indicium est, tantumque humorum vitiosorum ac prauorum copiam adesse significat, quam calor in somno retractus & collectus concoquere, & superare non potuerit: aut somnum illum non à naturali, sed maligna causa inductum esse indicio est. Contra si delirium adsit, illudque somnus sedet, bonum.

3. Exitiosum est coma, cuius morbi calidi & sicci Autores sunt, teste Galeno 3. *Epid. comm.* I. t. 7. cuius causam esse putant vulgo, quod insignem in cerebro refrigerationem in morbo calido esse oporteat. Sed cum in morbo calido & sicco simul insignis intemperies frigida adesse non possit, probabilius est potius à maligno & Narcotico vapore, in eiusmodi febribus talem somnum nimium excitari.

4. Periculosum quoque est, quod virium magnam imbecillitatem sequitur, ex acutissimo aliquo morbo, vel graui cerebri affectione, Galen. *ibid.*

5. Minus periculosum est, quod ob confusum fit siue ventriculi, siue intestinorum, siue vteri, modo causa tolli possit. Sublatis enim illis causis, coma etià tollitur. Si tamè causa illa maligna sit, etiam suo periculo nō vacat. Magis verò periculosum est, quod ipsius cerebri affectus sequitur.

6. Periculosius coma est, quod in continuis febribus accidit, quam quod ab intermittentibus. In intermittentibus enim ad remissionem, aut intermissionem cum ipso paroxysmo definit. In continuis vero etiam si primo accessu leue, & non magni momenti videatur, tamen in dies crescit, & sæpè in Carum ac Lethargum permutatur.

7. Tempus quo siue ad salutē, siue ad mortem terminatur, semper breue est. Neque enim cerebrum membrum nobile tam diu grauem affectum tolerare potest.

8. Ad salutem terminatur per discussionem caussarum, à quibus prouenit, quando Natura per hæmorrhagiam narium, alui fluxum, sudorem, sæpe etiam insensibilem transpirationem, nonnunquam & per abscessus, & tumores, præcipuè post aures, materiam euacuat: Artis v. beneficio, cum medicamētis euacuatur. Ad mortem verò terminatur; per virium dissolutionē, reliquis viscerib. in consensum tractis, vel suffocationem, vbi malum ita ingrauefcit, vt sensus & motus, atque ipsa adeo respiratio tollatur.

Indicationes.

Intemperies cerebri, humoris & vaporis alteranda, aut potius vis *καρτική*, & *σπαστική* per contraria expugnanda. Materia, quæ in capite proxima Comatis causa est, euacuanda, & discutienda; si aliunde capiti communicetur, reuellenda; è toto, vel parte, è qua communicatur, tollenda, ne amplius generetur, præcauendum. Sensibus v. omnibus obiecta vehementiora, quæ ipsos excitent, offerenda, viresque simul alimentis instaurandæ.

Curatio.

Qua ratione totius ratio habenda, & quomodo vapores ad caput adscendentes reuellendi & repellendi sint, *Curatio Comatis.* patet, ex iis, quæ supra *part. i.* diximus. Et cum plerumque Coma in febribus accidat, ad duo tum omninò respiciendum, ad ipsam febrem, quæ causæ rationem habet, & ad somnum, atque ita curatio instituenda, ne ea, quæ somno depellendo exhibentur, febrem augeant. Hoc tamen cum febris, tum Coma requirit, vt humor vitiosus & febris, & somni p.n. causa euacuetur. Ideoque etsi febris causa iam sanguis euacuatus sit: nihilominus venæ sectionem, si opus sit, repetere licet, vt fluxio inhibeatur, & materia à capite aueratur; quod commodissimè fiet vena in cruribus aperta. Sicut & clysteres sæpius iniicere, aut materiam leniter euacuare vtile est.

Et licet coctionis perfectæ signa non adsint: tamen si magis magisque materia in caput repere videatur, vt malum maius præcaueatur, materia vitiosa euacuanda est. Et aliis quoque modis, frictionibus, cucurbitulis, vinculis reuellenda. Quod etiam faciendum, si à ventriculo, vtero,

vel alia parte inferiore materia ad caput adscendat; & partium, à quibus vapores eleuantur, curatio debito modo instituenda.

Si à nimio vini potu, eoque adhuc in ventriculo hærente sit coma, oxymelite in os infuso, & penna oxymelite ac oleo intincta in fauces demissa vomitus excitandus.

Oxyrhodina, quæ repellendi gratia, & ne vapores in caput admittantur, si materia per partes externas fluat, vsurpantur, actu calida vsurpentur, & futura coronali applicentur, ac liberalius acetum iis admisceatur, ita vt ad vnâ partem olei rosac. aceti partes duæ sumantur. Quia tamen vapores, vtpote tenuiores, repellentium medicamentorum vim sæpius subterfugiunt, discutienda potius vsurpanda, post capitis vniuersalem euacuationem.

Causam somni proximam quod attinet, cum eam frigidam esse hætenus creditum sit, ad eam expugnandam etiam calida exhibenda esse traditum. Verum etsi quædam calida ad Somnum p. n. expugnandum vtilia esse certum sit: tamen cum non omnia id præsent, & vis illa Narcotica à peculiari proprietate, quæ etiam in minima portione maxima est, consistat: ea medicamenta eligenda, quæ peculiari proprietate hypnoticorum vim expugnare obseruatum est: qualia sunt ruta, nigella, castorium, acetum & acida. Neque hîc (etsi alias de vi Narcotica & Hypnotica ipsi assentiamur) Platero planè adstipulari possumus, dum scribit Narcoticorum vires debilitare ea, quæ leniendo temperie quadam ipsorum caliditatem potius, quàm frigiditate emendant. Quamquam enim in parte sulphurea ea vis narcotica hæreat: tamen tota eius potentia non à caliditate, sed à peculiari, & occulta qualitate dependet.

Narcoticorum vim qua infringant. Ideoque acetum, & acida, vt succus citri, limonum, ruta, castoreum & ex his parata exhibenda, atque aliis medicamentis morbo conuenientibus admiscenda, & nari- bus ad mouenda ruta cum aceto, vel balsamum ruta, castorium cum aceto, nigella cum aceto. Efficax etiam reme

remedium est in Comate ac cataphora, si acetum acerrimum supra laminam ferream ignitam fundatur, & vapor aceti ab ægro naribus excipiat. Adhuc efficacius erit, si aceto addatur sem. nigell. rutæ, & castorium. Excitat etiam à somno suffitus ☿. Nonnulli theriacam exhibent: sed cum theriaca ob opium vim Narcoticam potius augeat, ab ea abstinendum, præcipuè si non planè verus sit.

Apophlegmatismis, & Errhinis, quæ ad particulares capitis euacuationes adhibentur, & Topicis, quæ ad vapores in capite discutiendos vsurpantur, addantur etiam ruta, castorium, acetum. Sternutatoria quoque adhibere licet. Sicut & alia medicamenta, quæ ad vapores illos discutiendos ab antiquis vsurpata sunt, eaque pleraque calida, quod somnum nimium & p.n. ab humore frigido semper prouenire crediderunt. Verùm cum & calidi humores, ac vapores somnum talem inducere possint, videndum, an natura ista medicamenta admittat. Si ergo humor pituitosus peccet, exhibeantur diambra, diamosch. conferua betonic. & yngatur caput ol. rutæ. laurino, costino, de castoreo, vel foueatur decocto serpill. rutæ, pulegij, calaminth. betonic. & aliis, quæ supra par. 1. cap. 2. & 10. sunt proposita.

Dieta.

Dieta causæ respondeat. Aër sit lucidus. Potus diluatur aceto, & acidis. Cogitationis, & ratiocinationis exercitium in soporosis affectibus, quæ πάθος sunt *παθος τὸ λογικόν, καὶ τὸ μνημονεύτικόν* vtile esse docet Galen. *Epid. comm. 5. aphor. 11.* Vt enim Hippocr. *ibid.* habet: *Ψυχῆς ἀειπαύθη, φροντὶς ἀσπώπεις*, Animæ quasi deambulatio est cogitatio, & meditatio hominibus. Ideoque ægris subito iocunda vel molesta nuncianda sunt. De quo Horatius *sermon. libr. 2. satyr. 3.* de quodam auaro Opimio scribit, qui

*Quondam lethargo grandi est oppressus, ut hæres
Jam circum loculos, & clauas lætus ouansque
Curreret: hunc Medicus multum celer, atque fidelis
Excitat hoc pacto. Mensam poni iubet, atque.
Effundi saccos nummorum, accedere plures
Ad numerandum: hominem sic erigit: addit & illud:*

Ni tua custodis, audus iam hoc auferet hæres.

Men' vino? ut viuas igitur, vigila.

Et omninò sensibus omnibus obiecta vehementiora, & quæ iis molestiam aliquam exhibent, offerenda. Excitandus æger, clamore, sonitu & strepitu, in primis proprio nomine magna voce sæpe appellètur: naribus acria, vt ruta, castorium, acetum, vt modo diximus, obliicienda. Ori & palato itidem acria iniicienda. Oculi radiis solari- bus, & luci splendida obliiciendi. Tactus frictionibus, vel- ligationibus, pilorum euulsionibus, & aliis huiusmodi ir- ritandus.

Historia huius mali curati habetur apud Forest. lib. 10. obseru. 33. & 34.

Q V Æ S T I O.

Quænam Comatis, & cataphoræ causa sit.

*Causa
comatis
& cata-
phora.*

Causam Comatis & cataphoræ esse ea, quæ spirituum animalium ad sensum organa influxum prohibent, iam dictum: quænam autem causæ id præstent, non ita pla- num, nec omnes eodem modo hîc sentiunt, vt in Instit. lib. 2. part. 3. sect. 2. cap. 4. vbi de causâ Comatis & cataphoræ egimus. Vt rem breuiter hîc complectamur, causæ Comatis somnolenti non sunt, quæ calorem, & spiritum ad interiora, reuocant, ibique detinent, donec instaurati sint: sed quæ prohibent, ne iterum iusto tempo- re, imò etiam externa vi stimulatî ad organa sensum in- fluere possint.

Causas huius rei antiqui duas posuerunt, vel Intempe- rîem frigidam & humidam, spiritus Animales quasi stu- pidos reddentem, vel materiâ, canales, per quos spiri- tus animales ad organa sensuum influunt, obstruentem, causamque comati somnolenti & cataphoræ posuerunt Intemperiem frigidam aut humidam, vel frigidam & humidam cum, vel sine materia: refrigerationem & humectationem, nunc à causâ externa, vt aère am- biente, pluuiis, medicamentis, & alimentis tali qua- litate præditis, præsertim vaporosis prouenire, nunc ab interna, vt humoribus, & vaporibus in corpore. Plerique tamea statuunt, Intemperiem esse cum materia

coniun

coniunctam, quæ vapor sit (nam si sit humor, iam grauiorem affectum, carum scilicet sequi) ab humore sui generis ad caput eleuatus. Vtramque enim enumeratam qualitatem vim habere calorem & spiritus densandi, cohibendi, & ad motum, actionesque minus idoneas reddendi; (quanquam frigiditas id magis præstet) non tamen solum à refrigeratione & humectatione cerebri coma produci, sed & à repletionē, quæ etiam fiat à copia calidorum & putridorum vaporum exhalantium, vel à toto, vt in febrium, præsertim pituitosarum accessionibus, & in primis iis, quæ propterea καμπτωδεις nominantur; vel à parte aliqua, vt ventriculo, intestinis; & vermibus in iis. Sunt tamen quidam, qui negant, coma produci à materia meatus cerebri angustiores reddente, & obstruente (hanc enim non coma sed carum producere) sed solum cerebrum irrorando & refrigerando. Ideoque soporem illum profundum, qui vel ictum capitis grauiorem, vel cerebri compressionem in cranijs perforatione minus dextrè instituta, vel musculi temporalis inflammationem sequitur, potius ad Carum, quam Coma referendum censent.

Recentiores verò & Galenici, & Chymici rem clarius *Hypnotica* explicare videntur. Nam in hoc quidem cum antiquis consentiunt, quod ea, quæ vim habent spiritus cohibendi, torpidos & ad motus actionesque animales minus idoneos reddendi, Coma producant; verum quænam vis id præstet, in eo ab antiquis dissentiant, neque solum in frigiditate & humiditate acquiescendum esse censent; cum multa fiat frigida, quæ somnum non inducunt: contra verò etiam calida, quæ sunt Hypnotica. Ideoque etsi non planè negent, frigiditatem cum humiditate ad somnum facere posse: non tamen hanc solam & vnicam huius mali causam esse, & qualitates has somnum aliquem naturalem profundiorē paulò, quàm illum p. n. de quo hic sermo est, inducere, sed malum hoc à peculiari qualitate *υπνωτικῇ* & *νευρωτικῇ* prouenire putant. Et videtur eorum sententia rationi consentanea. Etenim videmus eos, qui Vinum fortius, aut spiritum vini immoderatus biberunt, quasi

quasi soporiferum medicamentum sumpfissent, profundius dormire. Et vt cap. præced. *quæst. i.* demonstrauius, medicamenta, quæ somnum grauem conciliant, non frigiditate, sed peculiari vi Hypnotica & Narcotica id præstant; quæ & venena quædam prædita sunt, eaque procul dubio non carent humores, qui in febribus malignis, & iis, quæ *καρμωδεις* nominantur, somnum profundum inducunt. Cum enim humores sæpe satis calidi in iis sunt, frigiditate id præstare credibile nõ est. Et sunt multæ febres, in quibus longè maior vaporum, & quidem crassiorum copia in cerebro est, quæ tamen *καρμωδεις* non sunt. Non tamen planè negauerim, vapores interdum posse tam crassos & copiosos, aut in humorem crassum degenerare, vt angustiam aliquam, & obstructionem in meatibus, per quos spiritus animales in organa sensuum influunt, excitare possint: verum tñ plerumque Carus vel Lethargus sequitur.



C A P V T III.

De insomniis immoderatis.

*Insom-
nia im-
modera-
ta.*

Isi in somno profundiore, qui ex copiosiore alimen-
ti vapore excitatur, sensus & Externi & Interni
quiescunt; vnde statim à cibo, vt sensus externi fortius
ligantur, ita etiam somnia rarius obueniunt: tamen in
somno ex moderatis vaporibus obrepente, etsi sensus Ex-
terni quiescant, Interni tamen sæpè sese exserunt, & phan-
tasia quidem ex parte libera manet, vt ex rebus, quas vi-
gilans gesserit, senserit, cogitaueritque, spectra plurima
compareant, quæ ceu vera intuetur, iisque fidem adhibet,
nesciens se dormire, quæ operatio in somno somnium
appellari solet. Ista tamen operatio minus perfecta est, sed
vt in delirantibus, Phantasia malè cohærentia coniungit:
ita & in somno minimè cohærentia coniunguntur. Vn-
de rectè dicitur, quod somnia sint dormientium de-
liria, deliria verò vigilantium somnia. Et ad istam
inconcinnam & ineptam imaginum coaptationem non
parum

Nota.

parùm faciunt vapores mobiles , spiritusque turbantes , quales cum in febribus sæpe sint satis copiosi , etiam febricitantes in somniis huiusmodi maximè molestantur, vnde etiam Prouerbiũ natum , per febrem somniare.

Compertum tamen est , vt Aristot. *de historia animal. li. 4. cap. 10.* & Plinius *libr. 10. histor. nat. in fine* refert , & mulieres & viros fuisse , qui nunquam quicquam somniauerint, quorum nonnullis in processu ætatis accidit, vt viso somnio mutarentur habitu sui corporis, vel in morbum, vel in mortem. Atlantes etiam non somniare fertur. Etsi verò plerumque insomnia sine hominis incommodo sint, & propterea Naturalia habeantur : tamen si immoderata, grãuia, & cum terrore sint , cum spiritus exagitent , hominesque delassent, vt excitati plus defatigationis , quàm refectionis & refocillationis à somno percipiant , & ita plus incommodi , quam commodi à somno habeant : de hisce insomniis inter actiones sensus communis læsas agendum. Etsi enim phantasie, ac memorie propria sint: tamen quia non vigilantibus, vt alia deliria, sed dormientibus accidunt , & cum vigiliis p. n. ferè communes causas habeant , de iis hoc loco dicemus.

Cum autem somnia naturalia nihil aliud sint, quam visa homini in somno apparentia , seu oberratio imaginis circa phantasmata per somnum oblata : insomnia illa , de quibus hinc agendum , sunt ea , quæ vel præter consuetudinem longiùs, & totam ferè noctem durant, aut animum ita exercent, spiritusque exagitant, vt quamuis omnia falsa & ficta sint , tamen non minus hominem moueant & turbent, ac si verè acciderint. Vnde vel subito terrore perculsi homines excitantur , & si euigilare non possunt, in somno anxietatem summam percipiunt, corpus variè iactant, præ angore sudant , vt excitati ita lassii sint, ac si maximos labores sustinuissent.

Causse.

Etsi verò & à Deo , & à Dæmone, qui permittente Deo *Insomnia* falsis spectris etiam per somnum homines terret, talia somnia immitti extra dubium sit ; atque illud etiam sit certum , ab actionibus diurnis , quas Memoria per somnum

*grauia
qua ex-
citent.*

suggerit, somnia multa excitari, de quibus Claudianus:

Omnia, quæ sensu voluntur vota diurno,

Tempore nocturno reddit amica quies:

Tamen illa non sunt ea, quæ Medico considerata veniunt, sed illa, cum à causâ interna homo grauioribus & immoderatis somniis vexatur. Vnde nec hûc pertinent insomnia illa grauia, quæ à mœrore, timore, sollicitudine, & similibus causis ortum habent, illisque sublati cessant.

Causæ autem illæ sunt vapores impuri, tetri, melancholici, à cibus vel humoribus eiusdem naturæ copiosius exhalantes, spiritusque animales inquinantes, & exagitant; vel intemperies cerebri, vapores ab inferioribus adscendentes & spiritus in cerebro agitant.

Primò enim cibi, & assumpta quædam terribilia somnia faciunt, vt fabæ, lentes, lolium, phaseoli, brássica, pastinaca, s. erucæ, allium, smilacis semina. Pertinet hûc & vinum quod sæpè copiosius sumptum somnum inquietum, & somnia grauia facit, vt & narcotica pleraque. Vide Prosper. Alpin. *de med. Aegypt. lib. 4. cap. 2.*

Secundò humores prauī corrupti melancholici. Hinc ii, quibus cibo ventriculus nimium repletur, vel quibus cibus in ventriculo corrumpitur, vt inde multi vapores ad caput adscendant, inquietè dormiunt. Accidit hoc sæpissimè infantibus, qui cum lac copiosius, quàm par est, sugunt, id ipsis in ventriculo corrumpitur, vnde vapores prauī & acres ad caput eleuantur, spiritibusque permisti eos turbant, vnde vel excitantur, & nimis vigilant, vel grauib. insomniis terrentur. Quandoque etiam ex toto corpore & venis vapores tales ad caput copiosius attolluntur, id quod sæpè accidit in febribus, vnde prouerbiū ortum, per febrem somniare, quod scilicet plura absurda febricitantibus in somno, quàm sanis occurrant. Idque hominibus magis in supino decubitu accidit; cum in eo vasa magna in dorso incalescant, & vapores copiosos ad caput mittant. Nonnunquam ex parte aliqua priuata tales vapores eleuantur, quod ex liene & hypochondriis fit frequenter in melancholicis, nonnunquam ex vtero.

Tertiò

Tertiò si cerebrum sit calidum, vapores adscendentes & ipsos spiritus animales turbat. Vnde homo vel vigiliis p. n. vel insomniis grauibz vexatur.

Signa Diagnostica.

Ipsi homines hac de re, & de somniorum grauitate *Signa diagnostica.* conqueruntur, & à somno lassitudinem percipiunt. In infantibus ex eo id cognoscitur, quod inter dormiendum gemunt & concutiuntur, excitati clamant & plorant, nec placari possunt, foetidus odor sæpè ex ore exhalat, calor percipitur in iis.

Causæ etiam suis signis faciliè cognoscuntur. Si è ciborum vel copia, vel qualitate malum proueniat, id ex diætâ, & cibis, quibus æger vsus est, cognoscitur. Humores seu in toto, seu in parte aliqua abundantes etiam suis signisprehenduntur. Cerebrum nimis calidum ex signis supra *part. I. c. I.* propositis innotescit.

Prognostica.

1. Vt iucunda & læta somnia hominis sanum & bonum *Prognostica.* statum indicant: ita tristitia & horrenda plerumque morbi imminantis sunt indicia & melancholicam constitutionem significant.

2. Somnia graua & terribilia corpus debilitant.

Indicationes & Curatio.

Si æger cibis vel flatulentis, vel prauis vsus est, pro iis *Curatio insomniorum grauium.* melioris succi substituendi. Si nimia copia sint ingesti, coena parca & sobria vitium hoc emendat, in primis si æger non statim à coena se cubitum conferat.

Humores vel in toto, vel in parte aliqua abundantes, & vapores, qui spiritus turbant, suppeditantes, euacuandi, vel venæ sectione, vel purgatione, & dispositio vitiosa corporis, quæ humores illos generat, emendanda, de quo supra *part. I. cap. 5. & seq.* dictum.

Post coenam etiam exhibenda ea, quæ vaporum ad caput adscensum prohibent, quæ etiam supra *part. I. c. 6.* sunt proposita.

Calida euaporatio à cibo vel potu, vino præsertim adscendens insomniorum caussa, frigida in fine coenæ, vel aceti potu supprimenda. Vnde nonnulli si dormitum

ituri haustum aquæ frigidaë fumant, præsertim post vini vsum, suauius dormiunt. Vitandus quoque decubitus supinus.

Si ab intemperie cerebri calida sit malum, alteranda ea, & curanda, vt supra part. I. cap. I. dictum.

Simul ea vsurpanda, quæ tetros illos vapores spiritus turbantes discutiant. Melissa in coena comesta contra molesta insomnia commendatur; vt & rad. bugloss. puluerifata cum aq. flor. tiliaë. Laudatur etiam oleum anisi, si eius gutta vna atque altera linguæ vel naribus illinatur; modò malum non sit ab intemperie cerebri calida. Puluis, qui somnia horribilia arcet & somnum inducit.

℞. Smaragd. hyascinth. margarit. corall. an. q. l. F. puluis. Sub noctem detur ʒ. j.

Si in Infante malum proueniat à lactis in ventriculo corruptione, videndum, an lac à nutrice non bonum supeditetur, ideoque vel nutrix mutanda, vel danda opera, vt lac corrigatur. Si copiosius sumpserit infans lac, parcius præbendum. Si ob ventriculi debilitatem corrumpatur, extrà oleo absinth. menthæ, mastichino ventriculus inungendus, vel emplastrum aliquod stomachale imponendum. Lac verò corruptum è ventriculo abstergendum melle vel simplici, vel rosarum solutiuo.



C A P V T IV.

De Vertigine & primò in genere.

Nomen.

Vertigo.

Vertigo affectus est à symptomate sic denominatus. Qui enim hoc malo corripuntur, iis omnia in gyrum circummagi videtur. Diciturque Latinis Vertigo, Græcis *δῖν* & *παρὰ δῖνός*, *ἰλιγ* & *ἰλιγξ*, *σκότωμα*, *σκοτώδιον*, *σκοτωδνία*, *σκοτωματικὸν πάθος*: quibus nominibus non species distinctæ, sed mali eiusdem diuersi gradus significantur, ac discernuntur. Nam cum solum circummagi corpus, vel exteriora videntur, *δῖν* & *ἰλιγ* vocatur: quando

verò

verò simul oculi veluti ex offusa caligine obscurantur, σκοτώμα & σκοτόδιον, seu vertigo tenebricosa appellatur, quæ sæpè ita ingrauescit, vt æger protinus concidat, nisi prehensis proximis adminiculis sese fulciat, ac sustentet. Barbari verò Scotomiam appellant, & hoc nomine etiam in genere vertiginem intelligunt, sed minus rectè. Neque enim omnibus, qui vertigine laborant, tenebræ (quod σκοτώματ vox propriè innuit) offunduntur; etsi omnes, Σκώτωμα qui σκοτώμα patiuntur, etiam vertigine laborent. Nonnulli tamen inter σκοτώμα & σκοτόδιον distingunt, & σκοτώμα adhuc lenius malum, quam sit σκοτόδιον, esse volunt; ita vt σκοτώμα sit, cum sine circumactione aut illa sanè leui tenebræ offundi videntur, aut solum fumi, nubes, muscæ volitare ob oculos putantur; vt ita σκοτώμα sit σκοτόδιον incipiens.

Aliud verò à scotomate malum est υπόχυμα improprie sic dictum, quando è ventriculo fumis ad caput adscendentibus, aut per ardentium febrium vigorem, aut phrenitidem, fumis è calido humore elatis & spiritui optico permistis, pupilla nonnihil occluditur, visusque obtenebratur, quod etiam instante crisi per hæmorrhagiam narium fieri consuevit. Illud enim omne absque circumgyrationis phantasia accidit.

Definitio.

Etsi verò certum sit, animalis functionis læsionem in vertigine accidere: tamen quæ actio lædatur, non ita plañum est. Alij enim visum, alij sensum communem, alij In vertigine quæ actiones animales læduntur. imaginationem, alij motum & sensum deprauari existimant. Verùm cum ista controuersia in Instit. l.2.par.3.sect. 1.c.9.explicata sit, breuiter hîc omnia complectimur, statui- musque principaliter, & semper imaginationem & sensum communem in vertigine lædi. A visu quidem plerumque huic malo occasio primùm præbetur, & tum sensus communis, & hinc phantasia etiam afficitur: attamen & oculis clausis à motu vertigo excitatur: Imò ebrii idem accidit. Et vertigine nonnunquam homo corripitur, etsi nulla vel à visu vel à motu, aut certè leuis occasio præbeatur. Et præcipua læsio est phantasiæ, ac vertiginosi ea, quæ

quiescunt, in orbem circumgyrari existimant, idq; in omni vertigine accidit, siue occasio per visum præbeatur, siue absq; tali occasione ab interna causa exciteretur. Neque tamen hinc sequitur, quod vertigo sit delirium, de quo cum Altimaro disputat Massarias, *c. de Vertigine*; cum non quilibet functionum principum deprauatio delirium sit, sed solum, quæ in compositione aberrat, non verò quæ in apprehensione simplici; id quod hic accidit, cum obiectum quietum pro moto apprehenditur.

Et quidem si à visu occasio vertigini præbeatur: & sensus communis ac phantasia afficitur, & vterque rem, quæ quiescit, quasi motu agitatum apprehendit. Cum enim spiritus animalis obiecta sensu recipiat, & ad sensum communem ac phantasiam deferat, si ille p.n. moueatur, obiecta quoq; moueri videntur. Habetque se res, vt in aliis rebus visibilibus. Etenim vt si rei albæ species per vitrum flauum, aut rubeum in oculum admittatur, res rubra, vel flaua apparet: ita etiam res quiescentes moueri videntur, si spiritus animales non rectè in oculos, sed circulariter agitati influant. Si verò ab interna tantum causa exciteretur vertigo, & oculi sint clausi, solum imaginatio afficitur, non verò simul sensus communis, vtpote qui non agit, nisi ab externo sensu motus, & externorum sensuum obiecta mediis sensibus exterioribus percipit. Secundario postea motus & visus sæpè læditur. Cum enim à phantasia gressus animalis regatur, accidit, vt læsa imaginatione consequenter lædatur motus, & ægri concidant: aut quia spiritus animales in anteriore cerebri parte p.n. moti etiam eos, qui ad organa motus influunt, turbant, ac, vt inordinate moueantur, efficiunt, vnde fit vt spiritibus animalibus non, vt par est, in organa motus influentibus, ægri collabantur; aut, vt aliis placet, cum omnia circumagi videantur, non habent, vbi gressum figant ægri.

Et quia spirituum hoc vitium oculis quoque communicetur, tenebræ simul oculis oboriuntur. Vtrumque tamen etiam euenire potest: vt & aliorum sensuum læsio, quod spiritus animales in organa sensus ac motus non influant. Etenim cum spiritus animales recta linea in ner-

uos influant, si hi circulariter moueantur, neruos præterlabuntur; sicut aqua, quæ in vase aliquo circulariter mouetur, è vase non effluit, etsi illud perforatum sit.

Sed & auditus nonnihil deprauatur interdum, vt leuis fluctuatio obaudiatur, spirituum commotione ad porum *ἡκιστα* pertingente.

In nonnullis etiam olfactus, in aliis gustus læditur, teste *Ægineta lib. 3. cap. 12.*

Ratiocinatio autem, & Memoria salua est, cum Vertiginosi in ipso paroxysmo agnoscunt se errare, & post paroxysmum omnium recordantur.

Quandoque tamen etiam sine Vertigine oculi obtenebrantur, & varia corpuscula, ac colores iis falsò offeruntur, & in auribus sibilus, & motus quidam percipitur, si agitatio & circumgyratio ea spirituum in cerebro non fiat, sed sola vaporum cum illis permistio. Quæ symptomata cum veram vertiginem præcedere soleant, vt docet *Ætius, tetrab. 2. serm. 2. in princ. cap. 7.* *Rhases cap. 3. sub nomine Vertiginis hunc affectum comprehendit, eundemque describit Auicenna prima tert. tr. 5.*

Locus affectus est Cerebrum, & quidem quatenus pars organica, & spiritus animales continet, ac quibusdam meatibus, in quibus illi mouentur, est præditum, & quidem secundum partem potissimum anteriorem, quæ organæ sensuum externorum propior est. Quanquam & reliquis postea communicetur, quod ex motu deprauato colligitur.

Causam huius mali proximam quod attinet, etsi de ea aliter sentiant: tamen si non solum perpendamus, quod vertiginosi omnia in gyrum circumagi imaginantur, sed & quod ex corporis circumgyratione Vertigo sanis quoque oboritur, facile colligere est, immediatam & proximam causam esse inordinatum, & quidem circula-rem spirituum Animalium motum, quem alij vndosum appellant, quod tale quid in spiritibus in cerebro fiat, quale in vorticibus aquarum. Cum enim visio fiat spiritibus non solum colorum, sed & reliquorum sensibilium,

vt quietis, motus, & huiusmodi speciebus per oculos receptis, atque à spiritu animali ad sensum communem, & phantasiā deductis: si spiritus illi, qui species oculo receptas ad sensum communem, & imaginationem deferunt, p. n. & circulariter moueantur, motus ille speciei imprimitur, non aliter, vt antea etiā dictum, ac dum res alba per vitrum coloratum adspicitur, atque ita res quiescens moueri putatur. Omne enim quod recipitur, per modum recipientis recipitur.

*Vertiginis.
definitio.*

Atque ita Vertigo est Imaginationis ac sensus communis læsio, ac deprauatio talis, vt omnia in gyrum circumagi videātur, à circulari spirituum animalium motu in cerebro ortum habens. Nonnumquam tamen, vt dictum etiā, sensus externi simul afficiuntur.

caussa.

*Caussa
Vertiginis.*

Inordinatus ille, & circularis spirituum animalium motus, quem modo Vertiginis causam proximam & continentem esse diximus, non ab vna causa proficiscitur, vnde accidit, vt alij aliter de causis vertiginis sentiant. Commodissimè autem causæ hæ ita diuidi possunt; Causæ circularis & inordinati spirituum animalium motus sunt vel internæ, vel externæ; Internæ vel in capite hærent, & vertiginem per essentiam pariunt, vel aliundè adueniunt, & vertiginem per consensum pariunt, qui sit ratione totius, vel partis alicuius, vt ventriculi, intestinorum, epatis, lienis, vteri.

Primo nimirum, & plerumque illam circumgyrationem parit κίνησις ἀτακτὴ φυσῶδες πνεύματι, inordinata motio spiritus flatuosi per venas, & potissimum per arterias in cerebrum effusi. Πνεῦμα enim hoc ἀτακτὸς καὶ φυσῶδες cum ἀτακτὸς in cerebro mouetur, spiritus animales quoque agitat & impedit, vt in illis angustis occlusi in sese motu circulari conuertantur, & Phantasie falsam hanc rerum externarum, vel proprii etiā corporis speciem exhibeant. Atque hinc, qui imbecillo sunt capite, & qui flatibus abundant, faciliè vertigine tentantur, etiā ob externam aliquam leuem causam, & propterea Vertigo malum est senibus familiare, ob spiritum vaporosum ex imbe

imbecillitate caloris naturalis, & pituitæ copiam redundantē, motuque inordinato impulsū 3. *aphor. ult.* Chymici quidam vapores hos resinofos ac sulphureos esse statuunt, non salinos, qui dolores capitis, vigilias, epilepsiam & deliria excitant, ac proinde citra acrimoniam esse, & nullos dolores inferre, sed saltem spiritus turbare, iisque tenebras offundere.

Initium autem motionis sumit *πρῶτον φυσικόν*; vel extrinsecus à leui aliqua occasione, vel intus à seipso, ut est vaporis & spiritus omnis natura fluxa, ac mobilis, præsertim calidi ac tenuis. Hinc accidit, ut qui in arteriis cerebri spiritus feruidiores habent, faciliè per se, vel etiam leui accedente occasione, vertigine corripiantur, quandiu multumque & facili de causâ, sæpè etiam cum dolore capitis hominem infestat, ut & aurium tinnitu, & arteriarum in capite, & auribus præcipuè pulsu, ac vix nisi arteriarum apertione, curatur.

Hinc causæ antecedentes sunt omnes humores, è quibus vapor suscitari potest, sanguis nimirum, bilis, pituita, melancholia & humor serosus, cum tam calidus quam frigidus vapor vertiginem excitare possit, ut docet Galen. 3. *de loc. affect. cap. 8.* & 3. *aphor. 23.*

Causæ istæ, & humores vel in cerebro hærent, & calefacti, vel agitati vertiginem per essentiam generant, vel extra cerebrum geniti & aliundè ei communicantur, ac vertiginem per *συμπάθειαν* excitant, quo pertinet & Ebrietas, quæ corpus vaporibus replet; unde ebrij non rarò vertigine corripiuntur, & ebriosi vertigini sunt obnoxij.

Causæ verò *αἰσθητικῆς* sunt omnes aëris in qualitatibus excessus, præcipuè Austrina constitutio, teste Hippocrate, 3. *aphor. 17.* æstus & mora sub Sole. Et quæcumque alia foris incidentia subito humores fundere, agitare, & in vaporem dissolvere possunt, ut immoderata corporis exercitatio, præsertim à repletionem, balneum, ira, & aliæ animi perturbationes, Venus nimia, inedia in iis, qui eam ferre non possunt, ob bilem in ventriculo, qui ab Hippocrate *πυρρόλοι* dicuntur, corporis item in gyrum conuersio, vel rerum externarum

circumrotatarum adſpectus, aut velox motus, vel aquarum vorticofarum adſpectus, proſpectus ab alto, adſpectus rerum lucidarum, & Solis in primis, ſonus vehemens vt tonitru, & bombardarum, percuffio capitis & dorſi. Quorum quædam cum tam potentia ſint, vt in ſanis etiam vertiginem excitare poſſint, multo magis in ægris, & iis, quibus caput ab internis cauſis male diſpoſitum eſt, præſtare valent. Inducit & vertiginem nonnunquam purgatio. Nam à medicamento purgante humores vitioſi, ſi adſint, agitantur; & qui ſani purgantur, vertigine corripì ſolent, teſte Galeno, 2. aphor. 22. & in libell. quos purgare oporteat. Vapores enim ex colliquatione humorum etiam bonorum excitati ſpiritus animales in cerebro motu inordinato turbare poſſunt.

I I. Eandem ſpirituum circumgyrationem producit vaporum, & meatuum cerebri anguſtia. Nam ſi ſpiritus animales per loca impedita moueantur, retrocedunt, ex qua retroceſſione fit motus circularis.

I I I. Spirituum illam circumgyrationem excitant omnia illa, quæ ſpiritus etiam ſine vaporis admiſſione agitare, mouere, ac perturbare poſſunt. A cauſis tamen his facilius excitatur vertigo, ſi cerebrum ſit debile, quod ſpiritus animales continere, & vt par eſt, ac ſ. n. fieri aſſolet, diſtribuere non poteſt, ſed cauſarum violentiæ facilè cedit.

Differentiæ.

Vertiginis.
differentia.

Eſt quidem aliqua Vertiginis ſecundum gradus differentia, vt ex iis, quæ antea dicta ſunt, patet, quod nunc *ωκυποψία* ſeu circumgyrationis ſpecies offertur ſiue viſus obtebratione: nunc viſus ſimul quaſi caligine offuſa hebetatur, nunc malum adeo inualeſcit, vt ſpiritus animalis, in organa ſenſus ac motus voluntarij diſtributio impediatur, atque ita homo concidat. Maximi verò momenti eſt illa differentia, quæ à cauſarum modo enumeratarum varietate ſumitur, quod ſc. vertigo generatur: 1. à vapore ſpiritus animales turbante, qui quidem ſi in ipſo cerebro generetur, Vertiginem per primarium cerebri affectum conſtituit: ſi vero aliunde in cerebrum eleuetur, per *αυμπύθειαν*, quæ rurfus varia eſt, pro locorum, quæ vaporem illum

ſub

subministrant, varietate. 2. à vasorum & meatuum cerebri angustia, quæ fit ab eorum compressione, obstructione, coalitu. 3. à spirituum, siue vaporum permissione, à causis euidentibus & externis agitatione. Quæ differentiæ cum ob curationem attendendæ sint, de singulis in specie agemus: prius tamen de vertiginis signis diagnosticis, prognosticis, & curatione in genere dicemus.

Signa Diagnostica.

Si cui omnia in gyrum circumagi videntur, quæ reuera quiescunt, aut homo ipse circumrotari videatur, is vertigine laborat: quod tamen pluribus modis accidit. Aliis enim hoc solum contingit: aliis præterea & visus obscuratur; nonnullis sibilus quidam, vel tinnitus in auribus percipitur, vel quidam, nisi proxima adminicula prehendant, planè concidunt. Non tamen vlli, qui vertigine saltem laborant, voce & sensibus priuantur, neque conuulsione tentantur: qua ratione ab apoplexia & epilepsia vertigo differt.

Prognostica.

1. Vertigo, quæ citra externam & euidentem causam non accidit, leuior est, quam quæ etiam sine euidente causa inuadit.

2. Vertigo, præcipuè grauior & diuturnior, est affectio Epilepsiæ & Apoplexiæ proxima, & ad has quasi via teste Galeno, 2. aph. 17. & 23. Si enim causa illa augetur, tandem grauissima ipsa symptomata accersit.

3. Vertigo in senibus magis periculosa, quia ipsorum cerebrum debile est, & calor in eo paucus, pituita verò abundans. Et si frequentius senibus malum accadat, præsertim cum magna sensuum perturbatione, Apoplexiam tandem affert.

4. Periculosior est Vertigo, in qua caput, vel corpus circumagi videtur, quàm in qua saltem externa, & in qua fit vehemens visus læsio, ob causæ vehementiam. Et si Vertigo adeo inualescat, vt homo concidat, Apoplexiæ & Epilepsiæ prænuncia est.

5. Vertigo à calidis humoribus citius soluitur, quàm à frigidis.

Nota.

6. Quibus in Vertigine viridis, aut purpureus color obuerfatur, ad epilepsiam; quibus ater, ad apoplexiam; quibus rubeus, ad maniam magis proni censentur.

*Indicationes.*Indica-
siones.

Cum vertigo fiat ab inordinate, & circulari spirituum animalium motu, danda opera in paroxysmo, ut spirituum animalium motus ille sedetur, & causæ, quæ spiritus agitarunt, si adhuc præsentēs sint, tollantur. Extra verò paroxysmum ad præcauendum, ne malum recurrat, singulæ causæ, prout natura earum id requirit, & postulat, tollendæ. Diæta quoque pro varietate causarum idonea instituenda, ac vitanda omnia, quæ caput replent.

*Cura in Paroxysmo.*Cura
vertigi-
nis in pa-
roxysmo.

Itaque ut in Paroxysmo inordinatus spirituum animalium motus sedetur, æger ad quietem componatur: & si ab inferioribus humores & vapores ad caput tendant, reuulsiones ac diuersiones instituendæ, & proinde inferiores partes ligandæ, & fricandæ, quod in plantis pedum, sale & aceto fieri potest, donec, si fieri possit, somnus superueniat; facies vino adspargenda. Si insignis sit Vertigo, non solum frictiones instituendæ, sed & glandes, ac clysteres indendi. Hinc odoramentis utendum, causæ tamen adhibita distinctione. In calido ex aceto cum aq. rosar. In frigida fiant odoramenta ex aceto cum moscho, ambr. spec. diamb. sem. nigellæ. Narium foramina inungantur oleo destillato nucis moschatæ, aut maioranæ, aut galbani. Tempora & manuum carpi fortiter fricentur aqua & aceto rosaceo, addita paucula aqua cinnamomi, ori indatur momentum salis, aut cinnamomum & macis mastica dentur. Si ex fame sit Vertigo, quod in Picrocholis fieri solet, mica panis in succo cydonior. granator. vel vino austero intincta exhibenda. Marcell. de medic. c. 3. scribit: Vertiginem citò tolli, si betæ nigræ succo tempora illinantur; Item, si abrotanum tritum in vino tepido bibatur, vel cum oxymelite non acri exhibeatur: vel applicetur fronti serpillum aut aqua eius; temporibus ac cervicali affricetur. Aqua rorismarini.

Interdum tam vehemens est vertigo, & tam diu durat,

vt Apoplexia & Epilepsia metuenda sit. Ideoque tum ægro reclinato, & clystere præmisso venam aperire, aut cucurbitulas cum scarificatione applicare, & palatum theriaca vel mithridatio inungere opus est.

Esti verò de venæ sectione in tempore paroxysmi instituenda in vertigine controuersia sit, atque eandem nonnulli dissuadeant, metuantque, ne vires, quæ tum debiliores sunt, magis debilitentur, tamen si diuturna, & vehemens sit vertigo, & ea sit ægri constitutio, vt omninò, si Apoplexia illum inuadat, Venæ sectio instituenda sit; hic verò Apoplexiæ periculum immineat: causa nulla est, cur non admitti debeat venæ sectio, si adsint Indicantia, quæ eam postulent.

Nonnulli si vertigo per consensum à partibus inferioribus fiat, intercipientia quoque vsurpant, & medicamenta siccantia, atque adstringentia venis atque arteriis iugularibus apponunt.

Quæ verò extra paroxysmum instituitur curatione, tota ad præseruationem, ne malum recurrat, dirigenda: quæ cum varia sit pro causarum varietate, de ea postea in specie dicetur.

Præseruatio à vertigine.

Hic saltem duo addo, ad præseruationem commendari semen carui maceratum in vino, & postea siccatum, si quotidie sub horam decubitus cochlear dimidium diu masticeatur, tandemque deglutiatur, idque per dies aliquot continetur.

Dieta.

In diata ea conferunt, quæ humorum & spirituum inordinatum motum sistunt, & nullo modo motui isti causam præbent. Aër sit temperatus, non admodum lucidus tempore paroxysmi: fugiendus crassus, humidus, nebulosus, qui vertiginem excitat, vt est apud Hippocratem 3. aphorism. 17. Caueat æger ventos, vitet quoque radios Solis & Lunæ: cibus sit causæ vertigini aduersus: nocent omnia alimenta difficilis coctionis, & prauis succi, ac quæ vapores & fumos multos ad caput mittunt, vt fabæ, pisa, & alia legumina, lac, pisces viscosi, conchyliæ omnia, castaneæ, auellaneæ, nuges rancidæ, allium, porrum, cepæ, sinapi,

Diata in vertigine.

finapi, raphanus, & omnia huiusmodi suprà *part. I. cap. I.* proposita. Vitet æger etiam ciborum varietatem & nimiam repletionem. Potus non sit vaporosus; ideòque vinum non bibendum, nisi ventriculus sit imbecillis ex frigiditate, aut vires in toto corpore deficiant: vel parce bibatur, & tenuius non vinosum.

Cereuisia non multo lupulo fit condita, quæ caput replet. Post cibum sumenda, quæ os ventriculi claudant, & adscensum vaporum ad caput impediunt, vt Coriandr. præpar. cum nuce mosch. cydonia condita vel diacydonium. Nonnulli crySTALLUM appensum Vertiginosis prodesse censent, atque ex poculo inde parato bibere, vel potui crySTALLUM imponere iubent.

Motus, qui fit ventriculo vacuo, moderatus non est incommodus, modo non fiat capite vel dorso inclinato: vice exercitij sint frictiones, quæ à supernis partibus ceptæ desinunt in inferiores.

A cibo non statim dormiendum. Vitandus adspectus rerum, quæ circumrotantur, & in gyrum aguntur, vel celeriter mouentur, vt rotæ, & impetuosa flumina. Æger ex alto non despiciat, turbam etiam hominum, qui hinc inde ambulant, & mouentur, vitet. A Venere abstinendum, nisi à mensibus suppressis, vel semine retento fiat vertigo. Cauendæ animi perturbationes nimix, ira, moestitia, alius sit aperta, & nisi singulis diebus officium faciat, arte irritetur.

Secundò.

De Vertigine in specie, &

I. De Vertigine à Flatu, seu Vapore spirituosò, & quidem per essentiam.

Causæ.

*Vertigo à
flatu.*

Si in capite flatus ille, vel vapor generetur, fit vertigo *ἡ ἀπὸ πλάτης*, eaque ab omnibus causis, quæ flatus & flatuum materiam in capite generare possunt, quales sunt sanguis spirituosus, & feruidus, ac alij humores, è quibus flatus & spiritus eiusmodi eleuantur in capite cumulati: plerumque verò iis accidit, quibus consueta cerebri euacuationes supprimuntur; idque Galenus exemplo ostendit eorum,

eorum, qui cum soliti essent purgari per aures ab excrementis cerebri, euacuatione illa suppressa facti sunt Vertiginosi, & auribus reclusis, exituque iterum patefacto à vertigine liberati sunt, *comm.2.in 6.epid.t.29.*

Carolus Piso, *in libr.de morb.ex collu. serosa* in Vertigine animalem spiritum tumultuari ac moueri scribit à feruente sero in capite, & ad suam sententiam probandam affert locum Hippocrat.2.*de morb.vbi hæc habentur*: Aqua si in cerebro oborta fuerit, dolor acutus synciput, & tempora, interdumque alias capitis partes detinet, subindeque rigor, ac febris oculorum regiones dolor occupat, nique caligant, pupilla scinditur, ac si surrexit, ipsum Vertigo tenebricosaprehendit, &c. Neque hîc de Hydrophobia, quæ Mercati sententia est, sed de Hemicrania Vertiginosa agere Hippocratem statuit. Quod vt sæpissime verum esse existimo: ita nihil obstare puto, quin & ex aliis humoribus eiusmodi vapores eleuari possint: sicut & Vapores ex inferioribus adscendentes, ac vertiginem excitantes non omnes à serosis, sed & ab aliis humoribus proueniunt.

Signa Diagnostica.

Per affectum primarium, & à spiritu flatulento in ipso cerebro genito Vertiginem produci, cognoscitur ex præcedente capitis dolore, & grauitate, ex aurium tinnitu diuturno, ac sensuum externorum quadam læsione; in nulla verò alia corporis parte aliquid mali, quod vertigini causam præbere possit, deprehenditur. Malum ipsum frequens est vel continuum; nec citò discutitur: & ex leui causa, atque à *Poppe* homo vertigine corripitur, & præcipuè cum imaginationem in aliquid intendit: Vide Galen.3. *de loc. affect. cap.8.* Et quidem si vapor ille (quod plerumque fit, imò à nonnullis semper fieri creditur) sit calidus, & à sanguine feruidiore ortum habet, cognoscitur, id ex temperamento corporis calido, ex tumore & pulsatione articularum in capite, ex rubore, & colore faciei & signis aliis *part.1.cap.8.* supra propositis. Alij etiam humores, qui flatibus & vaporibus præbent materiam, in capite abundantes signis *ibid.cap.seq.* propositis cognoscuntur.

Signa
Vertiginis
flatulenti.

Prognosis

Prognostica.

Prognostica.

1. Periculosior est Vertigo, quæ fit per *ιδιωμαθεαν*, quam quæ per *συμπυθεαν*.

2. Si vertigo hæc adeo inualeſcat, vt homo concidat, Apoplexiæ prænuncia eſſe ſolet, vt antea dictum.

Indicationes.

Curatio
vertiginis à flatu.

Quid in paroxyſmo agendum ſit, antea in genere dictum. Extra paroxyſmum verò primò materia illa, è qua vapores illi generantur, conuenienti modo tollenda, & euacuanda: Deinde vapores diſcutiendi: Tandem ille cerebri morbus, ob quem materia, & vapores illi generantur, tollendus, & cerebrum roborandum.

Auxilia.

Itaque ſi ſanguis ſiue in toto, ſiue in capite abundet, Vena aperiatur, & ſanguis per interualla educatur, capite reclinato; cum vertiginofi facilè ex qualibet occaſione vertigine corripiantur, & concidant. Aperiatur autem, ſi ſanguis in toto ſimul abundat, primò baſilica, vel communis, hinc cephalica: ſi verò in capite præcipuè ſtatim cephalica. Et omninò in venæ ſeſtione, ſi cauſſa mali ſit ſanguis nimis ſpirituofus, aut flatuoſus, curationis maxma ſpes eſt ſita; cum ſanguis arteriarum & venarum in cerebri ſinibus confundatur, atque ita vena aperta ſanguis ſpirituofus euacuari poſſit.

Nota.

Poſt cephalicam Rhafes, & Auicennas venas poſt aures incidunt. Non incommodè quoque vena in fronte aperiri poteſt. Galen. 3. de loc. affect. cap. 8. & 6. de tuend. ſanit. cap. 9. arterias quoque aperit, ſi ſcilicet vaſa illa multo ſanguine calido turgeant, & malum vehemens ſit. Verùm quid de arteriarum ſeſtione ſtatuendum ſit, ſuprà part. I. cap. 6. quæſt. 2. dictum: hoc ſaltem hic repetimus, experientiam non rarò docuiſſe, poſt varia remedia fruſtra adhibita arteriarum apertionem tandem proſuiſſe, vbi ſcilicet in ſpirituofò ſanguine in arteriis cauſſa mali hæret. Res igitur diligenter exploranda, & ſi certi ſimus ſanguinem in arteriis cauſſam mali eſſe, ſeſtio arteriarum nonnunquam neceſſariò inſtituenda. Præcauetur autem omne periculum, ſi tota arteria tranſuerſim incidatur.

Reuul

Reuulsis enim vtriusque partibus dissectis, ad sibi continuas vulnus facilius coalescit. Quod tamen suprà etiam monuimus, diligenter híc perpendendum, quænam arteriæ vapores & humores ad caput deferant. Derafo nimirum capite, vbi opus est, arteriæ tum quæ retrò, tum quæ secundum vtramque aurem sunt, præterea in fronte, & temporibus, curiosè tangendæ sunt, quarum quæ calidiores aliis apparent, & maiorem pulsum exhibent, incidentæ sunt.

Si enim in arteriis internis spiritus ille flatulentus contineatur, (id quod ex eo cognoscitur, quod abest tensio & pulsatio vasorum externorum; adest verò colli dolor fortis, non tamen ex nervis affectis: nec vertigo remittitur per compressionem vasorum externorum, siue per fascias, siue per laminam plumbeam, siue digitis factam; neque per compressionem adstringentium) frustra externæ secantur. Atque in eo casu Rhafes iubet cucurbitulas scapulis apponere, quæ sint quasi vicariæ sectionis vasorum internorum latentium. Vide Galenum 13. m. m. cap. ult. Scarificationes etiam loco venæ sectionis, vel post illam ad deriuationem faciendam in scapulis, & collo cucurbitulis applicatis profunt.

Si verò alij humores abundant, purgatio conueniens secundum singulas humorum species instituenda: quod quomodo fieri debeat, suprà par. i. propositum. Et in primis in humore pituitoso vtile est electuarium suprà part. 1. cap. 10. propositum, quod nonnulli Theriacam Hippocratis nominant, de quo hoc notandum. Nonnullos pro absinthio, marrubio, stœchade siccis eorum succum sumere.

Medicamentis suprà enumeratis pilulas istas addere libet.

℞. Agaric. elect. 3. j. myrobal. chebul. cubebæ. an. 3. ij. rad. asari, sem. pæon. ligni aloes, zingib. an. ʒ. ʒ. mastich. cardam. spica nard. an. ʒ. xv. trochiscor. olbandal. 3. ʒ. ʒ. xv. extract. bellebor. nigr. pæon. an. ʒ. v. ol. maioran. rutæ; caryophyllat. an. ʒ. j. aloes rosat. ʒ. j. ʒ. Cum benedict. laxatiu. fi. pilulæ; quarum ʒ. ij. vel 3. j. bis in mense vel singulis septimanis sumatur.

Alia ʒ. Pilul. coebiar. s. ʒ. ij. extr. solutor. ʒ. ʒ. pulu. cubear. ʒ. ij. Cum aq. salu. F. Pil. num. xxi.

Vel hoc decoctum propinetur.

ʒ. Rhabarb. elect. ʒ. ij. agaric. alb. ʒ. j. fol. senæ elect. ʒ. ij. sem. fœnicul. ʒ. j. carui ʒ. ʒ. zingiberis ʒ. ʒ. schœnanth. ʒ. vij. herbar. beton. meliss. an. ʒ. ij. Infunde per noctem in aq. betonic. mane decoq. pro ʒ. j. ʒ. in quibus dissolue syrup. rosar. sol. ʒ. ʒ. extract. panchymag. ʒ. v. aq. cubear. ʒ. j. M. Vel hæc potio.

ʒ. Aq. roris marin. meliss. an. ʒ. j. flor. lauendul. ʒ. ij. extract. belleb. nigri ʒ. ʒ. panchymag. ʒ. xij. syrup. cichorij cum rhabarb. ʒ. ij. spirit. ʒ. gutt. ij. aq. pœon. ʒ. j. Misce.

Postea ad particulares capitis euacuationes per sternutatoria, errhina, masticatoria, apophlegmatismos deueniendum, quæ etiam suprâ sunt propositæ. Errhina quidem nonnullis suspecta sunt, quod metuunt, ne eo motu humores & spiritus in cerebro magis agitentur, & vertigo excitetur. Verùm si capitis euacuationes conuenientes præcesserint, nihil tale metuendum.

Fiant & deriuationes omnis generis, per vesicatoria, setacea, cauteria, si opus sit, de quibus etiam supra dictum.

Vaporum quoque impetus reuellendus est frictionibus à collo per spinam ad inferiora sensim ad extremitates perueniendo eaque fricando. Post has frictiones, quod in capite collectum est, discutiatur, caput panno fricetur, non tamen calefacto. Tandemque adhibenda, quæ vapores illos discutiunt, & caput roborant, tam interna, quàm externa medicamenta.

Inter interna sunt cephalica calida suprâ proposita, part. i. c. 2. & ex iis præcipuè Rosmarinus, betonica, salvia, melissa, majoran. euphrasia, flor. stæchad. Arabic. lauendul. sem. pastinac. syluest. In primis verò commendantur radices doronici, quas comedere solent cōtra vertiginē, qui in Alpibus Damas persequuntur. Vt & auricula ursi, quam similiter venatores contra vertiginem vsurpant, & inde Schroinde oder Scraffiroukkel nominant, teste Bauhino, in Tabernæmont. tom. 2. pag. 40. Commendant etiam nonnulli sterces pauonis,

nis, idque; (& quidē masculis masculi, foeminis foemellæ) puluerisatū, à ð.vno, ad 3.ß. cum saccharo forma pulueris mixtum exhibent: alij 3. j. per noctem vino albo macerant & per linteum colant & propinant; Huiusque vsu etiam inueteratam vertiginem curatam fuisse testantur. Exhibentur etiam *Marguaritæ*, *succinum*, *corallium*.

Chymici *oleum succini*, *anisi*, *fœniculi*, *cumini*, *caryoph. laeudul. nucis mosch. maioran. rosmarin. balsama* ex iisdem commendant; vt & *Spiritus seu oleum* ⊕, sicut & ☿ guttarum aliquot quantitate, quod cum aqua pœonia, alternis diebus per plures dies exhibent. Composita: *Diambræ*, *diamosch. theriacæ*, *mitbridatium*. Vtilis est & hic puluis.

℥. *Macis* 3. ij. *cinnamom.* 3 j. *fol. euphragiæ* 3. j. *stæchad. Arab. flor. laeudul. an.* 3. ij. *sacchar. ad pondus omnium.* fiat puluis, cuius dosis ad 3. ij.

Vel ℥. *Sem. cumini*, *carui*, *anisi*, *fœnicul. an.* 3. ij. *flor. laeudul.* 3. j.ß. fiat puluis.

Vel ℥. *Euphragiæ cum floribus* 3.ß. *macis aceto præpar.* 3. j. *coriand. præpar. ð.* iiij. *cubebæ.* 3.ß. *sacchari candi* 3. vj. fiat puluis, de quo sumatur 3. j. Nec inefficaces sunt sequentes pulueres.

℥. *Cardamomi vtriusque* 3. j.ß. *cubebæ.* ð. ij. *carui* ð. iv. *cumini* 3. j.ß. *cinnamom.* 3. iiij. *cortic. myrobal. chebul.* 3. ij.ß. *rad. bryon.* 3. iiij. *sem. papau. alb.* 3. ij. *fol. veronic. euphrag. laeudul. an. P. j. capit. stæchad. Arabic. num.* iiij. *sacchari albi* 3. ij.ß. F. ex omnibus puluis tenuissimus, qui Dresdæ in vsu est.

Vel ℥. *Cubebæ.* 3. ij. *cardam. sem. sinapi, cinnam. macis, ligni aloes, an.* 3. iiij. *spec. dianth. ð. j. diamosch. ð. ij. ambr. gryseæ. ver. zingiber. alb. maioran. an.* 3.ß. *sacchar. albiss.* 3. v. M. F. Puluis.

Vel ℥. *Sem. pœon. nuc. mosch. coriand. præpar. visci. q. an.* 3. j.ß. *cubebæ. galang. piperis, torment. zingib. an.* 3.ß. *flor. rosmarin.* 3. j. adde *sacchari* 3. iiij. F. puluis subtilissimus.

Vel ℥. *spec. arom.* 3.ß. *pulu. nuc. mosch. succin. albi præpar. margar. præp. an.* 3. j. *macis* 3.ß. *ligni aloes* ð.ß. *ol. coriand. fœnic. an. gut. iiij. nuc. mosch. gut. ij. sacchar.* 3. iiij.ß. M. pro Tragea.

Commendatur à nonnullis etiam contra vertiginem, vt & contra epilepsiam (etenim epilepsiæ ac vertiginis ferè

eandem curandi rationem statuit Rondeletius) pulvis ex cinnabari natiua.

℥. Cinnabaris mineral. ver. ℥. β. margar. corall. an. ℥. ij. croci ℥. j. fol. auri x. F. pulvis subtilissimus; cuius ℥. β. vel ℥. j. detur cum aqu. lilior. conuall.

Vel ℥. Nucis moschatæ ℥. β. euphragiae ℥. ij. F. pulvis magnæ in vertigine efficaciz, qui detur manè à 3. j. ad 3. iiij.

Efficax est etiam confectio capitalis contra vertiginem D. Casp. Kegeleri.

℥. Sem. pæon. ℥. j. β. nucl. auellandar. Lampert. vtrunque excort. & parum incisar. prius in aqua maceratar. & lotar. postea exsiccat. ℥. iv. granor. Paradisi, cardamomi, an. ℥. ij. cubebar. ℥. iv. sem. anisi, fœnicul. an. ℥. iv. carui, sem. cumini aceto macerat. erucæ, acori, filer. montan. nuc. moschat. macis, an. ℥. ij. β. caryoph. cinnamom. optim. an. 3. j. β. zingiber. ℥. β. flor. tiliz. rorismarin. lauendul. an. 3. iiij. stæchad. Arab. ℥. β. Cum saccharo albi ssimo F. s. a. Confectio.

Vel ℥. Granor. pæon. excort. coriandr. præp. nuc. mosch. galang. visci quern. cubebar. piper. long. cardamom. an. 3. ij. zingib. rorismarin. an. 3. j. sacchar. alb. ℥. j. β. F. Tragæa.

Possunt etiam ex pulueribus rotulæ fieri.

Vel ℥. Zingiber. alb. caryophyll. an. 3. j. β. cubebar. cardamom. macis, an. 3. j. sem. pæon. excort. nucis moschat. an. 3. β. sem. ocymi, caryophyllor. maioran. spicæ Indicæ, galang. an. 3. j. sacchar. albi ℥. viij. Dissoluatur saccharum cum syrup. stæchad. & add. conseru. lauendul. 3. j. Misce. F. Electuarium.

Vel ℥. Conseru. stæchad. betonic. an. 3. j. tunicis, anthos, an. 3. β. spec. diamb. diaploris, theriacæ, an. 3. j. Cum syrupo de stæchade. F. Electuarium.

Vel ℥. Conseru. anthos, lauendul. an. 3. β. maioran. 3. ij. euphrag. rosar. an. 3. j. calam. aromat. condit. myrobalanor. chebul. condit. an. 3. β. specier. diamb. 3. j. ol. destill. fœnicul. carui, an. ḡ. vj. caryophyll. nuc. moschat. an. ḡ. ij. cum syrup. de stæchad. F. Electuarium.

℥. Conseru. flor. rorismarin. lauend. betonic. an. 3. β. mibrid. 3. β. elect. diacor. 3. β. pulu. nuc. mosch. macis, caryophyllor. cube

cubebæ, cardamomi, an. 3. ℞. sem. carui, fœniculi, seselios. eruc. an. ℥. j. extract. pœon. visci querni ḡ. v. enulæ ḡ. viij. spec. diaplir. ℥. ij. diamosch. d. 3. j. diagalangæ 3. ℞. aq. the-riac. apoplest. an. 3. ℞. spec. \oplus 3. ℞. cum syrupo de cortic. citri & miua cydonior. arom. an. q. s. F. Electuarium seu conditum, de quo mane & sero dosis nucis moschatæ magnitudine capiatur.

Aut fumantur mane sem. fœnic. carui, grana iuniperi, cubebæ, vel horum condita & confectiones: præcipuè commendatur sem. pastinac. syluest. & aquilegiæ saccharo obductum.

Vel ℥. Pulu. rad. pœoniæ, ireos, margarit. preparat. an. ℥. j. ol. destillat. succin. cinnamom. caryophyll. carui, nucis moschat. an. ḡ. ij. sacchar. in aq. lauendul. dissolut. 3. iij. F. rotulæ.

Vel ℥. spec. diamb. diamosch. dulc. an. ℥. j. aromat. rosat. ℥. ij. corall. rubr. succic. alb. an. ḡ. xvj. cardamom. nucis moschat. santali citrini, an. 3. ℞. cubebæ. ℥. j. cinnamom. macis. an. 3. ℞. sacchar. 3. vj. Dissolu. in aqu. rosar. & fiant rotulæ, quæ inungantur ol. anisi vel fœniculi.

Vel ℥. Margarit. preparat. corall. rubr. preparat. an. ℥. j. ol. caryophyll. nuc. mosch. anisi, an. ḡ. iv. sacchari in aq. ros. dissol. 3. ij. F. rotulæ.

Vel ℥. Spec. dianth. diamo. dulc. arom. ros. Gall. an. 3. ℞. extr. pœon. ℥. j. ol. nuc. mos. dest. ḡ. x. fœnic. ḡ. vj. sacch. in aq. lauendul. dissol. 3. iij. F. rotulæ.

Vel ℥. sem. pœon. pastinac. sylu. carui, an. ℥. j. rad. pœon. visci quer. cubeb. cranij hum. præp. granor. Parad. an. 3. ℞. spec. diamosch. dulc. ℥. ij. sacch. albiss. in aq. ros. & rorism. dissol. q. s. F. Morsuli.

Alij ℥. Conser. flor. beton. 3. ij. myrob. chebul. condit. 3. j. cort. citricondit. 3. ij. spec. diamb. ℥. j. dianthos. ℥. ℞. pulu. puleg. ℥. ij. cubebæ. caryoph. card. an. 3. ℞. calam. arom. ℥. j. extr. pœon. ℥. ℞. galang. ḡ. vij. smaragdi. præp. ℥. ℞. solut. margar. ℥. ij. corall. rub. ℥. j. ol. carui, macis, an. ḡ. v. destill. nuc. mosch. ḡ. viij. sacch. opt. in aq. lilior. conuall. dissol. q. s. F. Morsuli 3. ij. pendentes, de quibus mane & sero vnus atque alter capiatur.

Vel ℥. spec. diamosch. dulc. ℥. ij. diamb. dianth. diagalang. diaplir. an. 3. ℞. pulu. cubebæ. cinnamom. an. ℥. j. cardamomi.

conseru. anthos ℥.℞. sacchar. albiss. ℥.iv.℞. in aq. beron. dissol.
In fine adde ol. caryoph. ḡ. iij. F. Confectio in morsulis.

Vel ℥. sacch. ros. tabul. in aq. scorzon. dissolu. ℥. iv. rad. pæon.
ireos, scorzon. an. ℥. ℞. doronici ℥. j. spec. dianthos, arom. rosat.
diatrion santal. an. ℥. j. extr. pæon. ḡ. x. ol. nuc. mosch. macis, an.
ḡ. iv. cortic. citri, sœnic. an. gutt. ij. F. morsuli.

Alij ℥. Sacchar. albi lb. j. cinnamomi, zingiberis, ireos,
macis, nucis moschat. cardamomi, cubeb. caryophyll. an. ℥. j.
fol. euphrag. ℥. ℞. amygdal. dulc. mundat. ℥. j. Cum aqu. eu-
phras. q. s. F. s. a. morsuli.

Vel ℥. Cubeb. cardamom. flor. lauendul. an. ℥. ℞. ma-
cis, piper. longi, pyrethr. an. ℥. ℞. mosch. ambrae, an. ḡ. ii.
Cum mucilag. tragacanth. aqu. cinnamom. facta, fiant trochis-
ci, qui in ore detineantur, & sensim deglutiantur.

Efficax est ad vertiginem depellendam aqua vitæ rubra
Electoris Saxoniae vulgo dicta, quæ hoc modo paratur:

℥. Cinnamom. opt. ℥. j. ℞. zingiber. alb. caryophyll. santal.
rubr. an. ℥. ℞. macis, nucis moschat. piperis, galangæ, carda-
mom. cubeb. specier. aromat. rosat. diamb. dianthos an. ℥. ij.
sem. anis, coriandr. præpar. maioran. basilici. flor. lauend. an-
thos. spice nardi, an. ℥. ij. rosar. rubr. M. j. Incisa crasso mo-
do infund. in spirit. vini optim. lb. v. aq. rosar. moschat. ℥. ix.
caryophyll. cinnam. an. ℥. j. (Caryophyll. aqu. borrag. mace-
rantur, & postea destillantur, hæc est aq. caryoph.) vini
maluatic. lb. j. ℞. Macerentur omnia per dies iv. postea ex-
primantur, & colentur per manicam Hippocratis.

Colaturæ add. sacchar. cand. lb. ij. Sinantur per bi-
duum ita stare, deindè bis vel ter colentur, donec liquor
clarefcat.

Commendatur etiam valdè aqua vel spiritus rorisma-
rini in vertigine continua, præcipuè à causâ frigida &
hyeme, ac aère frigido, cuius ℥. ℞. exhibeatur: vt & aqu.
cinnamomi, vel aqu. & extract. scorzonæ, quæ peculia-
ri proprietate contra vertiginem opitulatur. Est & hæc
aqua efficax.

℥. Salu. menthae crispæ, an. M. j. flor. lauend. M. ij. maioran.
rutæ, rorism. an. M. ℞. nucis mosch. caryophyll. macis, an. ℥. ℞.
granor. Paradis. cinnamom. granorum iunip. sem. pæon. ℥. ℞.

Infun

Infunditur in f. q. vini Rhenani vel Maluatici per dies aliquot, postea destillantur. Aqua hæc ad vsus tam Internos, quàm Externos commoda est.

Aliæ aquæ compositæ ad vertiginem descriptæ habentur in Instit. Efficaces sunt & sequentes, quarum prior Dresdæ in vsu est.

℥. Veronic. M. iv. euprag. M. iij. flor. maluæ M. ij. lauend. rorism. card. bened. an. M. s. stæc. Arab. M. j. rad. bryon. ℥. iij. castorei 3. s. cinnamom. 3. j. s. vini veteris optim. lb. iij. aq. lauend. veronic. tilia, lilior. conuall. betonicæ an. lb. s. Stent infusa in loco calido per biduum, postea f. a. destillantur. Dosis cochleare mane & vesperi, vel per se, vel cum pulueris contra vertiginem Dresdensis supra descripti 3. j.

℥. Radic. bryonia, scorzonera, an. ℥. ij. s. pæon. Imperat. an. 3. vj. herb. veronic. beton. salu. card. bened. an. M. ij. s. maioran. M. j. s. flor. anthos, lauendul. eupragiæ an. M. s. confect. anacardin. 3. vj. cinnamomi elect. ℥. j. cubebæ. 3. ij. ligni aloes 3. j. s. castor. elect. 3. s. aq. veronic. lauendul. flor. tilia an. ℥. x. scorzonæ. vel saluæ lb. s. vini Hispan. lb. ij. M. & infunde per dies 14. in loco calido, postea destillantur.

Vel ℥. flor. lilior. conuall. lb. j. s. lauendul. tilia, an. lb. s. pæon. 3. ij. sol. beton. 3. ij. visci querni 3. j. s. rad. pæon. 3. ij. cubebæ. castorei, an. 3. s. macis, cardamomi, cinnamomi, an. 3. iij. vini generosi Rhenani lb. v. Macerentur per dies 7. vel 8. inde destillantur per B. Et ne post pastum vapores multi ad caput adscendant, idque debilitent, talis Tragæa parari potest.

℥. Confect. sem. coriand. anisi, fœnicul. carui, cubebæ an. ℥. s. cinnamomi 3. ij. macis 3. j. sacchar. rosar. tabulat. 3. j. Fiat Tragæa.

Vel ℥. Pulu. cydonior. exsicc. 3. j. sem. coriandr. 3. s. nuc. moschat. macis, an. 3. j. mastich. sem. anisi, fœniculi, an. 3. s. cinnamom. cortic. citri. an. 3. j. sacchar. rosar. tabul. ℥. v. M.

Inter Externa sunt odoraamenta ex nigella, maioran. ca. flor. menth. & puleg. cum aceto. Vel fiat tale pomum.

℥. Ladani puri 3. ij. styracis calamir. 3. s. benzoin. 3. j. ol. destillat. caryophyll. macis, an. gutt. iv. gallæ moschat. 3. j. Fiat Pomum.

Vel præparetur sequens nodulus, & odorandus in manibus teneatur.

℞. Summit. maioran. stæchad. Arab. an. P. j. flor. lauendul. rorismarini an. P. ℞. nucis moschat. 3. ℞. caryoph. cubebæ, an. 3. ℞. sem. nigell. in aceto quinquies macerati 3. ij. erucæ 3. ij. castor. 3. ij. Ex concisis fiat Nodulus rotundus ex serico rubeo cum stylo, qui manibus, vti dictum, teneatur. Vel in aqua sequenti intingatur, naribusque sæpius admoveatur.

℞. Aq. multipl. infus. flor. lauendul. 3. ij. apoplect. 3. ij. maioran. rutæ, saluæ, an. 3. j. cinnamom. 3. ij.

B A L S A M V M.

℞. Nuc. mosch. express. 3. j. styrac. calaminib. 3. v. ladani 3. ij. ligni aloes 3. ij. moschi 3. ij. ambre 3. j. ol. lauendul. maioran. an. gutt. ij. croci, caryoph. an. gutt. j. Cum aq. rosar. q. f. Fiat Balsamum. Inunctiones fiant ol. rutæ. laurin. nucis moschat. succin. balsam. apoplect.

Vel ℞. Ol. nuc. mosch. express. 3. j. ol. destill. caryoph. maioran. rorismar. an. 3. ij. succini 3. ij. Misce & eo tempora, nares, occiput inungantur, vel exceptum gossypio auribus indatur.

Vel ℞. Ol. nuc. mosch. express. 3. j. spec. diamb. diamosch. dulc. an. 3. ℞. ol. succini, 3. vj. moschi, 3. ij. M.

℞. Balsami, saluæ, rorismarin. an. 3. ℞. caryoph. 3. vij. ol. nucis mosch. express. 3. j. lauendul. gutt. iv. succini gutt. ij. ambre 3. ij. moschi 3. iv. zibeth. 3. v. Misce pro Balsamo, quo nares & tempora sæpius inungantur.

Nonnulli commendant pinguedinem Damarum temporibus illitam.

Lotiones fiant ex decocto Pulegij, hyssop. serpilli, rosar. betonic. stæchad. maioran. saluæ, rad. freos, bacc. lauri.

Valde commendatur bombyx exsiccatus, & puluerisatus Vertici inspersus, quo Carolum V. frequentissimè vsum ferunt.

Pulvis etiam sequens capiti inspergi, vel cucupha inde parata capiti imponi potest.

℞. Herb. rorismarini, maioranæ, saluæ, an. P. iij. flor. chamæmel. P. ij. serici crudi 3. ℞. rad. Imperat. 3. j. M. F. pulvis grossus. Possunt

Possunt & facculi capiti imponi ex plantis modo enumeratis parati. Auribus immittatur *ol. caryophyllor. cinnamom.*

Ex periaptis commendantur, præter crySTALLUM, corallia rubra, vt & succinum, siue de collo gestetur, siue pocula inde parentur, siue in potu suspendatur. Montuus, in *anasc. morb. lib. 1. cap. 12.* ex Nicolao virgam vulpis capiti alligatam vertiginem tollere scribit. Ruellius corollam ex foliis vlni paratam capiti imponi iubet.

Et cum vertigo ista per essentiam sæpe in Apoplexiam degeneret, ad præseruandum ab Apoplexia apud multos in vsu est hic puluis; cuius 3. j. singulis mensibus ante nouilunium cum aqua Lauendul. aut cerasorum datur. *Puluis ab Apoplexia præseruans.*

24. *Succin. præpar. 3. ij. spec. diarrhod. abbat. 3. β. rad. pæon. ʒ. ij.* Fiat Puluis.

Exemplum eiusmodi vertiginis exstat apud Solenand. *sect. 1. consil. 2. Forest. lib. 10. obseru.*

Tertiò.

De Vertigine per Consensum orta.

Causæ.

Vapor verò, qui vertiginem per consensum excitat, ex variis locis eleuari potest. Frequenter excitatur vertigo per consensum è Ventriculo vaporibus ab humore bilioso, vel pituitoso, vel cibus corruptis ad caput adscendentibus. *nis per consensum causæ.*

Primò enim cum bilis per inediam in eo efferuescit, & Epar excrementa sua ad ventriculū mittit, vapores copiosi ad caput eleuantur, & vertiginem excitant, quod picricolis in primis accidere solet: Deinde idem ex pituita interdum euenit: vt & ob ventriculi imbecillitatem, propter quam ex cibo, & potu vaporosus & flatulentus spiritus gignitur, & cibus in eo corrumpitur. Feruntur autem hi vapores ad caput facilius, cum agitantur; id quod fit ab inedia, motu nimio, vt vectione, aut nauigatione, cuius rei exemplum habet Forestus, *lib. 10. obser. 49. in Schol.* de quodam Iuvene, qui si curru veheretur, vertigine, nonnunquam & syncope, corripiebatur; cum pedes sine incommodo magnum iter conficere posset.

Iidem vapores ab aliis quoque partibus, Epate, Liene, Vtero, venis Mesaraicis, intestinis, item & vermibus in iis communicari possunt: sicut & à parte aliqua externa. Vt enim vapor malignus à pede, vel alio membro externo auræ alicuius instar eleuatus Epilepsiam quandoq; excitat: ita & ab eodem vertigo generari potest. Vnde & vertigo interdum Epilepsiam præcedit, eiusque mox secuturæ præsagium est.

Aliquando & per totius corporis & venosi generis consensum accidit vertigo, vt in febribus, quæ *ἰσχυράς* ab Hippocrate in *Coac.* dicuntur. Vbicumque enim in corpore tales vapores generantur, si per venas & arterias, vel etiam per vias apertas, vt oesophagum, & asperam arteriam, sursum adscendunt, & ad cerebrum penetrant, spiritusque agitant, vertiginē excitare solent. Id quod & ebriis interdum euenire solet, quibus à potu vel multo, vel potenti, & spirituofo caput vaporibus repletur.

Signa Diagnostica.

Vertiginis per consensum signa.

Si per consensum oriatur vertigo, malum per vices affligit: nulla capitis p.n. affectio, aut sensuum læsio præcessit, aliarumque partium affectarum signa adsunt; & vertigo crescit, aut imminuitur, prout ipse affectus partis, quem sequitur, minuitur vel augetur.

Et quidem si sit à Ventriculo; aderit cruditas, nausea, oris amaritudo; quia linguæ tunica ventriculi tunicæ continua est; *καρδιόγυμς* teste Hippocrate, 4. *aphor.* 17. & ieiunos maximè hoc symptoma infestat; quia bilis in eo tum efferuescit, & ad eum vndique alimentum attrahentem Epar excrementa sua transmittere solet. Sumpto cibo minuitur, vel cessat; cessat quoque post vomitionem, & alia affecti ventriculi signa adsunt.

Si ab aliis partibus malum originem habeat, earundem affectarum signa aderunt, vt si ab vtero vertigo proueniat, mensium suppressio, vteri strangulatio, vel alia eiusmodi aderunt.

Si per consensum totius vertigo accidat, affecti quoque totius corporis signa aderunt, vt in febribus fieri solet.

Et quidem si signa coctionis præcesserint, hæmorrhagia Critica sequitur; si nulla, à febris potius malignitate provenit.

Si verò absque febre sit, & à sanguine calido & flatuoso in venis proveniat, in primis post motum corporis vehementem, vertigo excitari solet. De quibus omnibus etiam suprà *part. 1. cap. 6.* dictum.

Prognostica.

1. Vertigo, quæ accidit per consensum alicuius membri stupore affecti, Epilepsiæ, vel Apoplexiæ indicium est.

2. Si vertigo accadat in febre ob crisin instantem, salutem indicat; modo vires consent. Si ante signa coctionis accadat, periculum portendit. Si medio modo sese res habet, crisin imperfectam, & malam denunciat.

Indicationes.

Vt vertigo per consensum rectè tollatur, necessarium est, humorem, qui vaporem illum subministrat, præparare, si opus sit, & euacuare; vaporem ipsum, qui ad caput adscendit, reuellere, intercipere (quam ad rem clysteres vilissimi sunt,) & repellere, si per vasa externa feratur; eum verò, qui iam caput occupavit, discutere, & partem ipsam mittentem roborare, eique naturalem dispositionem restituere, ne in ea materia vitiosa vapores transmittens generetur; simul & ipsum caput roborare, ne vapores suscipiat, aut facillè discutiat, & ij, qui adscendunt, non ita facillè spiritus commouere possint. Et quidem si affectus non vrget, à causæ, à qua is pendet, remotio-
ne curatio inchoanda: si verò malum vrgeat, ipsi primò prouidendum, vt suprà de curatione paroxysmi dictum.

Vertiginis per consensum curatio.

Auxilia.

In sanguinis missione, si ille euacuandus sit, attendendum, vt præseruationis gratia venæ in cruribus potius aperiantur, quàm in brachio, vt Galenus *de missione sangu. cap. 19.* docet, vtpote, quæ non solum sanguinem euacuare, sed & reuellere, & ad partem contrariam trahere potest. Atque id præcipuè faciendum, si menses vel hæmorrhoides suppressæ vertiginis causam præbeant.

Vertigi-
nis à vè-
triculo
curatio.

Humor in ventriculo contentus, vomitu, nisi quid prohibeat, aut purgatione per aluum euacuandus, præmissa, si opus est, præparatione. Quanquam enim Hippocrates, in libr. de loc. in homin. Vomitus, vbi oculi affecti sunt, damnat: tamen de eo solum oculorum affectu id intelligendum est, qui ex primaria in cerebro caussa est, non verò per consensum ventriculi ortus. Et ne in vomitu æger vertigine corripiatur caputque lædatur, vtile fuerit, fascia caput, dum æger vomit, constringere, aut oculos obuoluere, & ad futuram coronalem aliqua medicamenta adstringentia adhibere, quæ cerebrum à vaporibus adscendentibus tueantur, qualia sunt flor. rosar. rubrar. myrtil. balauft. nux moschat. caryophyll. vel vaporum ad caput adscensus clystere iniecto prohibendus. A vomitu verò statim aliquid aromatici rosati, vel myrrhæ, vel syrup. de mentha vel de cortic. citri propinandum & ad ventriculum roborandum vaporum adscensum prohibendum. Si verò euacuatis cruditatibus affectio non cessat, alijs leniter purganda, & quidem in purgatione inchoandum à lenioribus, vt manna, syrup. rosar. solut. pilul. ex aloë parat. & similibus; quæ si non suffecerint, humore præparato ad fortiora deueniendum.

Si æger sit Picrocholus, non diu ieiunet, sed cibum summat maturius, vt vertiginem præcaueat, aut si ieiunum paroxysmus inuadat, statim cibus exhibeatur.

Tandem quæ ventriculum roborant, & confortant, & halitus adscendentes compescunt, aut in ventriculo discutunt, vsurpanda, cum Interna, tum Externa. Et quidem considerandum, an cruditas sit nidorosa & humores calidi & acres in ventriculo abundant, an verò acida, & prout opus, cura instituenda: sicut hac de re supra part. I. cap. 6. dictum, ne post cibum etiam sumptum multi vapores ad caput adscendant, vertiginemque renouent, tragææ antea propositæ vsurpandæ, quæ hic vtilissimæ sunt, vel hoc electuarium.

℞. Conseru. rosar. ʒ. ij. maioran. ʒ. j. R. cydonior. condit. ʒ. j. cort. citri condit. ʒ. R. myrobalan. chebul. condit. N. ij. sem. coriand.

coriand. præpar. corallor. rubr. præpar. an. 3. j. mastich. 3. B.
 Cum syrup. cydonior. fiat Electuarium.

Si ab Epate, Liene, vtero, vel toto corpore

Vertigo ortum habeat, curatio & ad partem mittentem, & recipientem dirigatur. Pars nimirum, cuius *supra* vertigo oritur, euacuetur seu venæ sectione, seu purgatione, prout natura humoris peccantis requirit: Per venæ sectionem, cucurbitulas, scarificationes, frictiones reuulsio instituat: si consueta aliqua euacuatio suppressa sit, reuocanda ea, & pars cum mittens, tum recipiens roboranda. Si reliqua auxilia non prosint, nonnulli arterias post aures scindere iubent, vt ita via, per quam à toto, vel ab aliqua parte ad caput feruntur vapores, intercludatur,

Vertiginis ab Epate, liene, vtero, toto curatione.

Verum de arteriarum sectione antea, vbi de Vertigine per primarium capitis affectum, cui præcipue competit egimus, dictum. Tutius hic venæ frontis, vel temporum, si ea turgeant, vel venæ sub lingua aperiuntur, vel in brachio fonticulus excitatur. Si tamen ex Epate, vtero, suppressis hæmorrhoidibus, vlcere aut fistula aliqua in locis inferioribus malum originem habeat, fluxio antiqua reuocanda, vel loco eius fonticulus in cruribus aperiendus.

Vteri etiam regioni applicari potest *Emplastrum de galbano seu matricale, & de Emplastr. de mastich.* modo retentio mensium id non prohibeat.

In critica in febribus Vertigine nihil agendum, capiti que nihil applicandum, neque natura in opere suo turbanda. Si tamen crisis non rectè procedat, primò promoueri potest, vt alibi dictum.

Quartò.

De Vertigine à meatuum cerebri angustia.

Causa.

Non solum verò à vaporibus spiritus animales in cerebro agitantur, sed & cerebri meatuum angustia eiusdem motus causa esse potest; cum scilicet spiritus animalis per loca impedita mouetur, & retrocedit. Angustia tamen hæc non est integra. Aliàs enim Apoplexia sequeretur. Fit autem hæc angustia.

1. Ab obstructione, quam pariunt vapores crassi, quæ non diu durat. Vt enim subito oritur: ita etiam subito resoluitur vapor. Quandoque & aqueus, serosus atque pituitosus humor, qui cerebri anfractus, spatiaque adimplens, & flatuum copiam simul generans, in eo fluctuat, & Vertiginem illam quæ Apoplexiam & Carum præcedere, ac minari solet, & frequens ac diuturnior est, excitat vt hac de re Platerus docet.

2. Ex cranij fractura, ac cerebri compressione eadem angustia, & hinc sequens Vertigo excitari potest.

3. Angustiam hanc productâ fuisse à vase venoso cerebri omnibus illius arteriis ab exortu & ingressu in caluariam vniuerso per cerebrum ductu coalitis, induratisque, glandulisque paruis toto processu distinctis, obseruauit Platerus sectione in quodam mercatore, qui multis annis Vertigine laborans nec ambulare, nec è lecto amplius surgere, quin corrueret, poterat. Ab angustia enim vasorum cerebri spiritus impediti retentique in cerebro ex leui corporis motu circumducti incurabilem Vertiginem pepere-rant.

Nonnulli & subsidentiam addunt, eamque fieri statuunt à veneno aut humore acri vellicante ventriculos cerebri, aut ex nimio dolore in quacumque corporis parte, vt in morsu oris ventriculi, in fame item sine vapore aliquo sursum misso. Verùm non probabile est, ex istis causis cerebrum ita moueri posse, vt subsideat: & licet subsideret, quomodo motus circularis spirituum excitaretur?

Verò magis consentaneum est, à spirituum perturbatione & agitatione ex istis causis, quæ & materia aliqua communicata, & sine materiæ communicatione fieri potest, Vertiginem produci.

Signa Diagnostica.

Si Vertigo sit ab obstructione, signa adsunt vaporum, & humorum illam inducentium, & pituitæ præcipuè in cerebro redundantis. Et quidem quæ ex vapore obstruente fit Vertigo, citò soluitur: quæ verò ab humore, pertinacior est; quandoque etiam ægri de fluctuationis quodam sensu in capite conqueruntur: estque hæc etiam vertigo frequens,

frequens, & diuturna,

Si à compressione ictus, aut compressio, aut fractura cranij præcessit.

Si à coalitu vasorum sit vertigo, grauissima illa est, & diuturna, vt historia antea à Platero adducta docet. Vix tamen in viuente homine de causa hac aliquid certi statui potest, sed sectio demum post mortem Medici coniecturam confirmat.

Prognostica.

Difficilis curatu est Vertigo, quæ à compressione, ac obstructione prouenit, & Apoplexiam, aut Carum præcedere, ac minari, & nisi præcaueatur, tandem in hæc mala terminari solet. Coalescentia verò vasorum cerebri incurabilem vertiginem gignit.

Curatio.

Cum autem qua ratione angustia cerebri à quacumque causa curanda sit, supra *part. 1. cap. 17.* dictum sit, nihil amplius hic de ea addere opus est, sed quæ ibi dicta sunt, in vertigine ex angustia meatuum cerebri curanda, omnia locum habent.

Quinto.

De Vertigine à Spirituum ex causis euidentibus agitatione.

Causæ.

Spiritus, præter dictas hætenus causas, etiam euident- *De ver-*
tes causæ agitare possunt. Facilius tamen id præstant, *tigine à*
si interna dispositio. & debilitas cerebri adsit. *spirituū*

Et primo quidem spirituum circumrotationem excitant *à causis*
causæ externæ, vt corporis in gyrum conuersio, rerum *euidenti-*
externarum circumrotatarum, & variè motarum, vel aqua- *buz.*
rum vorticifarum adspectus; ab alto prospectus, item

ambulatio per pontem angustum, & tremulum, adspectus rerum insigniter splendidarum vt Solis, exercitium intempestiuum, & motus corporis, vnde conualescentibus surgentibus, vel se mouentibus vertigo obrepere solet, vehemens fragor tonitruui, bombardarum capitis percussio, & casus in caput, percussio in dorso, quæ & ipsa quandoque ob consensum spinalis medullæ vertiginem excitat.

Deinde

Deinde Internæ, vt Imaginatio. Si quis enim fortiter imaginetur obiectum in gyrum motum, spiritibus animalibus, vt etiam in gyrum moueantur, occasio potest præberi. Ita animi perseuerantes, vel inhærentes commotiones spiritibus, sæpe, & validè in cogitationibus illis profundis, & assiduis, vt & vigiliis, exagitatis vertiginem pariunt.

Signa Diagnostica.

Cognoscitur hæc vertigo facilè ex ægri & adstantium relatione, qui causas, quæ præcesserunt, & vertiginem inducere valent, patefaciunt.

Prognostica.

Non adeo periculosa hæc est vertigo, nec diuturna, vt reliquæ differentia.

Curatio.

Causis enim illis cessantibus, cessat vertigo; accedente in primis quiete, & somno: ac proinde alia curatione opus non est. Si tamen non planè cesset, frictiones extremorum viles sunt.

Q V A E S T I O I.

*An temperies, vel humor sine vapore Vertiginem
producere possit.*

*An sine
vapore
possit ver-
tigo ex-
citari.*

Dubitant equidem nonnulli, an solus vapor, an verò etiam humor possit inordinatum hunc motum spirituum inducere: imò nonnulli affirmant, solam intemperiem calidam sine humore & flatu vertiginem inducere posse, atque exemplo aquæ feruentis id probare conantur, quæ mouetur in gyrum à calore ignis. Rem tamen planam esse puto. Humor certè, nisi ex eo flatus excitetur, spiritus ita agitare non potest. Neque caliditas id per se præstat: cum in multis affectibus capitis spiritus incalescant sine vertigine. Neque exemplum aquæ feruentis id probat. Quod enim aqua feruens agitur, & mouetur, causa sunt partes illæ aquæ, quæ vi caloris aërescunt, aut, vt aliis placet, partes ignis permixtæ, quæ cum, vtpote leuiorres, sursum tendant, & exitum quærant, aquam simul mouent.

QVÆSTIO II.

An Repellentia locum habeant in Vertigine per consensum partium inferiorum.

Respondet quidem Massarias, quamlibet materiam repellendam esse; & quanquam huiusmodi repellentia præsidia aliquo incommodo non careant: tamen longe maiorem vtilitatem asserre. Verùm hoc ipsum in questione est, an repellentia tum plus commodi, quàm damni afferant. Mihi distinctione vtendum videtur. Si enim per vasa externa vapor adscendat, locum omnino habent, & multum commodi afferunt, cum vaporem sine incommodo possint reprimere. Si verò per interna adscendat, tantum abest, vt prosint, vt nocere etiam queant; cum vaporem reprimere non valeant, & in caput eleuatum in eo retineant.

An repellentia in vertigine locum habeant.

QVÆSTIO III.

Qua ratione prospectus ab alto, & in profundum vertiginem excitet.

Cur ab obiectis externis circumrotatis, & variè motis vertigo excitetur, res non ita difficilis est. Ad obiecti enim talem motum per species visibiles spiritus visionis celeritatem veluti sequentes simili modo concitantur & agitantur. Hinc ij, qui vertigini sunt obnoxij, ad rerum talium adspectum oculos claudunt, vel obuelant, & iumentis, quæ molas in orbem circumducunt, oculi obuelari solent, aut cæca in hanc operam eligi. Quomodo verò rerum profundarum & ab alto prospectus vertiginem generet, non ita planum est. Theophrastus causam refert in titubationem, & dissipationem spirituum externorum, qui interiores agitent.


Quomodo prospectus ab alto vertiginem excitet.

Cum enim spiritus visorij, vbi res profundæ spectantur, in immensum quasi protendantur, in tanta spatij longitudine firmos manere non posse, sed titubare quasi, & tremere, eumque tremorem radiorum communicatum spiritibus cerebri eos similiter mouere existimat. Verùm malè præsupponit visionem fieri radiorum & spirituum emissionem, & spiritus continuo ab oculo ad rem visam extendi, & quasi baculum vel funem tremere posse. Et si saltem

longitudo spatij esset in causa, cur non etiam prospectus in altum & stellarum adpectus vertiginem moueret? Hercul. Saxonia ex adpectu rei profundæ spiritum animale[m] ita consumi putat, vt propter eius defectum, nec vacuum detur, postea attrahantur vapores, qui vertiginem excitent. Verum enimvero non plus spirituum in rei profundæ, quam propiori adpectu consumitur. Et si hæc huius rei causa esset, etiam res lōginquæ è directo in plano, vel alto positæ æque, ac res profundæ vertiginē excitare deberent.

Nota.

Probabilius est, ex rei quasi horrendæ, & metuendæ, ac periculose adpectione spiritus diffundi & moueri, atq; ex terrore rursus retrahi, & sic inordinato motu moueri. Vnde qui affueti sunt in alto versari, neque metuunt sibi, si ex alto prospiciant, vertiginē facile corripere non solent. Itaque capite deorsum inclinato, spiritibusque tunc ab eo ad principium neruorum vergentibus, cum illud rursus erigitur, iisdem spiritibus impetu ad propriam sedem remeantibus, vertigo excitari solet.



C A P V T V.

De Phantasia, ratiocinatione, & memoria imminuta, atque abolita.

Post sensus cōmunis symptomata, de quibus hæcenus egimus, explicanda veniunt symptomata, quæ phantasiæ, ratiocinationi & Memoriae accidunt, de quibus in Instit. l. 2. p. 1. sect. 1. c. 7. & sect. 2. cap. 4. tractauimus.

Phantasia ratiocinatio, memoria laesa.

Læduntur autem functiones istæ triplici modo: vel dum imminuuntur, vel dum abolentur, vel dum deprauantur. Imminutæ phantasiæ & ratiocinationis symptomata sunt, mentis imbecillitas, & hebetudo, tarditas ingenij, stupiditas, & torpor mentis: abolitæ, amentia. Ad deprauatas has actiones pertinent omnia deliriorum genera. Memoria verò, cuius officium est non iudicare, sed saltem imagines recipere, & retinere, debilitari & aboleri, depruari non potest, vt plerique sentiunt.

De his itaque actionum principum læsionibus, quæ sine aliis, ut soporosis, & aliis, in quibus omnes animales functiones læduntur, affectibus contingunt, iam dicendum. Et primò quidem de imminutis & abolitis. Agemus autem de his coniunctim; quia communes causas & communem curandi rationem habent. Præterea læsa memoria plerunque stoliditatis causa est. Cum enim memoria species rerum non retinet, neque eas, ut debet, phantasia, & intellectui suggerit, facultates hæc obiecta, quibus exerceantur, non habent. Atque ita solum occupantur circa species ab externis obiectis oblatas, atque in operatione non persistunt, & homines dicuntur stolidis infantibus similes, qui non discunt circa species reseruatæ, sed prout hoc vel illud ipsis offertur, ita iudicant, statimque & rei & iudicii facti obliuiscuntur, & modo vnum, modo alterum appetunt & statuunt.

Primò ergo quod imminutas & aboliatas has functiones attinet, pertinent hinc omnes, qui adultiores facti, istas actiones, quæ homini maximè propriæ sunt, vel nullo ferè modo vel debiliter certè exercent. Quod malum longè maximum est. Cum enim solis hisce functionibus homo à brutis differat, si iis destituatur & priuetur, ferè ad brutorum classem detruditur. Sunt tamen talium quidam gradus.

Quidam enim omni ferè ingenio destituuntur, & facultas imaginatrix, præcipuè verò ratiocinatrix, ita à causis p.n. impedita est, ut nullos conceptus gignere possit, qui ad sapientiam spectent, nec illa ipsa principia, quæ ad disciplinas omnes in vniuersum discendas præsupponuntur, & præcognoscenda sunt, assequi queant. Qua de causa omnis via, & ad sapientiam aditus ipsis præcluditur, atque in istis instituendis oleum & opera perditur: qui amentes & stolidi dicuntur; vitium ipsum *ἀνοία*, Amentia, & *ἡλίπνοια* stultitia nominatur. Alij sunt, qui primorum quidem principiorum cognitionem assequuntur, atque hinc aliquas conclusiones deducunt, sed magno cum labore: qui ingenio tardi, hebetes, stupidi appellantur; vitium ipsum mentis hebetudo, stupiditas, torpor ingenij. Et si enim

Phantasia & ratiocinatio, imminuta & aboliata.

symptomata ista , præcipuè apud Latinos nominibus non semper accuratè distinguantur ; vsus tamen ferè obtinuit, vt in Institut. *loc. alleg.* dictum , vt *ἀνοια* dicatur , cum imaginatio, ratiocinatio & memoria ferè abolentur : *μᾶλλον*, vt ex Galen. 1. *prophet. comm.* 2. 1. *ult.* patet , cum sine delirio homo parùm ratiocinatur ; à quo vitio gradibus saltem differunt , stupiditas , tarditas , & torpor ingenij. Cum verò actio imminuta , & deprauata concurrunt , & homo parùm ac malè iudicat, stultitia appellari potest. Memoria , vt diximus , non deprauatur , sed vel imminuitur , vel aboletur. Læduntur autem actiones hæc vel seorsim , vt sola interdum ratiocinatio , interdum sola phantasia , interdum sola memoria ; vel plures simul.

Dicemus verò in primis de memoriæ læsione. Hæc enim læsa , vt diximus , læditur consequenter phantasia & ratiocinatio ; & læsæ memoriæ exempla sæpius offeruntur. Phantasia verò & ratiocinatio cum plerunque vel à primo ortu lædantur , & homo stupidus vel fatuus nascatur , vel ætate aboleantur , aut debilitentur , vt fit in senibus , vitia ea ferè incurabilia sunt.

Passim autem memoriæ læsæ notabilia exempla occurrunt , quæ collegit Schenckius , *lib. 1. obseru.* 128. & sequ. *Memoria læsa ex- pla.* Inter reliqua notatu digna sunt, quod Plinius *natur. histor. lib. 7. cap. 34.* narrat , quendam ex præalto tecto lapsum , matris , & affinium , propinquorumque cœpisse obliuionem. Alium ægrotum , seruorum etiam ; sui verò nominis Messalam Coruinum Oratorem. Et Christoph. à Vega *lib. 3. art. Med. cap. 10.* refert , Franciscanum quendam ex acuta febre ita memoriam amisisse , vt etsi prius peritus esset Theologus , nec literas agnosceret , neque nomina rerum , quæ sibi assiduè in vsu erant , memoria teneret. Et quod Bassianus Landus *de human. historia* recitat ; Franciscum Barbarum Hermolai amicum Græcarum litterarum , quarum erat doctissimus , in extrema senectute oblitum esse : quanquam diiudicandi , & commentandi facultate polleteret. Et quod de studioso quodam Monspelienfi ex Rondeletij narratione Thom. Iordan. *de pest. Phænomen. tr. 2. cap. 2.* habet ,

habet, qui ex vulnere ita rerum omnium oblitus est, vt instar infantum Lutetias retrogredi, & prima pueris tradi solita Elementa discere denuò necesse habuerit.

Causse.

Ad causas horum symptomatum rectè inuestigandas necessarium est, quærere, quomodo, & quibus instrumentis hæ actiones in sanis perficiantur. Videmus enim homines etiam sanos secundum ætatis differentias diuersimodè has actiones edere. Primo enim infantes parùm valent hisce functionibus, & à brutis non multum differunt: postea ætatis progressu magis magisque & memoria & ratiocinatio, & phantasia sese exerunt, donec in adolescentia & virili ætate ad æculum perueniant, & quidem mirabiles & stupendos affectus homo edat. Hinc rursus declinante ætate vigor ingenij & memoriæ imminuitur, & tandem in decrepita ætate quasi repuerascunt plerique senes. Hæc in hisce ætatibus actionibus istarum varietas animæ adscribi non potest, quæ ipsa semper eadem manet, nullamque alterationem, & mutationem recipit, sed diuersitas ista omnis ex organorum, cerebri puta, & spirituum animalium diuersa dispositione prouenit. Cerebrum caliditatis & humiditatis gradum requirere ad has actiones, extra controuersiam est, idque vel ex eo patet, quod infantes ob nimiam humiditatem in hisce actionibus minus valent, qua absumpta, & corpore indies sicciore euadente facultates hæ magis sese exserere incipiunt.

Quis autem ille gradus sit, in hac humanæ mentis caligine determinare difficile est, imò impossibile. Ne dicam de occultis illis qualitatibus, quæ cerebro non deneganda, ac modo substantiæ; vt nec de eo quænam dispositio ad memoriam, quæ ad phantasiam, quæ ad ratiocinationem necessaria, & aptior sit. Videmus enim homines secundum has facultates variare, & rarissimè vnum aliquem hisce omnibus eminere. Id quod proculdubio à cerebri & spirituum constitutione peculiari prouenit. Neque enim eadem omnibus actionibus æquè apta est. Primæ ætatis constitutio vegetatiuæ, ac sensitiuæ actionibus apta est, non verò actionibus mentis; contra senum constitutio

*Causse
lase phā-
tasie, ratiocina-
tionis &
memoriæ.*

ad has apta, ad illas verò inepta. Atque inde etiam accidit, vt in affectibus p.n. qui dispositionem cerebri, & spirituum mutant, quales sunt phrenitis, melancholia, mania, in momento quasi omni sapientia, & scientia, qua antea præditus fuit homo, priuetur. Contra etiam obseruatum, stolidos & stupidos plus ingenij ex morbo acquisiuisse. Aristoteles *sect. 30. problem. 2.* refert de Marco quodam Syracusano, quod dum mente alienaretur, præstantior Poeta erat. Notabilia verò huius rei exempla duo recitat Ianus Huartus, *Scrutinij ingenior. cap. 7.* Primum: Cordubæ anno 1570. in aula Regia fatuus quidam erat, Ludouicus Lopezius, qui ob iocos & sales in gratia Aulicorum erat. Is cum febre maligna corripereetur, in medio morbo ad tantum iudicij & discretionis acumen peruenit, vt vniuersam aulam in admirationem raperet, & toto vitæ, quod reliquum habuit, tempore prudentissimus perstitit. Alterum est hoc. Puer nobilis satrapæ cuiusdam in Hispania pedissequus, sanus, ingenij stupidi, & pauci intellectus, postquam in Maniam (melancholiam fuisse existimo) incidisset, tam aptè, tam prudenter ad interrogata respondit, tamque acutas & ingeniosas edidit regulas de administrando regno, cuius ipse se Dominum esse imaginabatur, vt prodigij instar videndi, audiendique eius causa complures confluerent. Ille ipse, cui inseruiebat, herus rarò a lecto discedebat, Deum rogans, ne mentis ipsi restitueret Medicus sanitatem. Et cum ipsum pristinæ sanitati restituisset, malè id habuit herum, doluitque, ex sapienti, & ingenioso rursus stolidum reddidisse. Imò ipse puer ægrè tulit, se pristinam sanitatem recuperasse. Cum enim in delirio viueret, eius animus subtilissimis mundi cogitationibus pascebatur, cuius Monarcham se esse imaginabatur, omnesque Reges quasi vasallos se dominum agnoscere credebatur. Quod licet falsum esset, nihilominus tantam inde delectationem habebat, ac si reuera talis esset. Gal. hac de re peculiarem libellum scripsit, quo monstrat quod animi mores temperamentum corporis sequantur. Cui ipsa experientia adstipulatur, quæ ingens discrimen ingeniorum secundum regiones, & in singulis regionibus

secun

secundum temperamentorum varietatem nobis ostendit.

Naturalis autem hæc constitutio requirit tria: 1. bonam temperiem, quo & occultas qualitates, & modum substantiæ referimus. Cerebrum enim non solum bonam temperiem habere debet, sed & constare substantia tenui, ac subtili, non crassa. 2. debet habere iustam quantitatem, figuram & conformationem. 3. Vnitatem. In his si quid mutetur, actiones, quæ in eo, & ab eo fiunt, mutari necesse est.

Neque solum ipsum Cerebrum bene dispositum sit oportet, sed & spiritus animales, qui proximum Animæ in hisce actionibus obeundis sunt instrumentum. Et cum spiritus Animales ex Vitalibus fiant, & hos bene dispositos, subtiles, rectè temperatos esse oportet.

Cum autem diuersæ sint facultates, Phantasia, Ratiocinatio, & Memoria, & videamus etiam homines sanos alios memoria, alios phantasia, alios intellectu pollere: si quæ constitutio Memorix, quæ phantasiæ, quæ Ratiocinationi in specie magis inseruiret, notum haberemus, & in causis harum læsarum functionum inuestigandis facilius progredi possemus.

Tentarunt id quidem cùm alij tum Ianus Huartus, in *Ad me-
scrutinio ingenior.* Et Memoriam quod attinet, vulgata *mori-
equidem sententia est, ad apprehensionem utilem esse hu-
miditatem, cuius rei signum sit in pueris, qui felicius res
memoria apprehendant, quam senes, cum cerebrum ha-
beant humidius. Idque ideo, quod cum memoria per viam
quandam impressionis fiat in cerebro molli facilius figuræ
imprimantur, in duro difficilior. Ad species verò fir-
miter retinendas, necessariam esse cerebri duritiem,
& siccitatem statuunt, & exemplo rerum externarum,
cera præcipue, id declarant, quibus si molles sint fa-
cilius figuræ imprimuntur, facile tamen obliterantur: si
verò duriores, difficilior quidem signa imprimenda reci-
piunt, impressa verò fortiter retinent. Verùm si ea quæ I.
C. Scaliger, *exer. 307. f. 28.* hæc de re habet, diligenter con-
sideremus, vix admitti potest hic memoriæ modus. Cum*

*qua ce-
rebri co-
stitutio
sit com-
moda.*

enim memoria sit penè infinita , quibus spatiis continetur illa , quibus sedibus ita disposita , atque etiam ordinata , vt & vnumquodque separatim , & cuncta confertim , & singula ordinatim promere , statuere , digerere possimus . Et si qua ratione actiones sensuum Externorum , vt & Internorum perficiantur , diligenter consideremus , atque attendamus , species illas sensibiles non recipi in materia , sed à spiritibus ad animam deferri : tota huius rei causa in spiritibus proximè quærenda videtur , secundariò verò in cerebro .

*Lassa
Memoria
caussa.*

Ac si porro causas omnes , quæ Memoriam , & intellectum tardant & iuuant , perpendamus , inueniemus , siccitatem cum moderato calore coniunctam Memoriam & intellectui esse aptissimam , idest , cerebrum quod nec calore destituitur , nec humiditate abundat , esse ad has actiones aptissimum . Vnde Heracliti illud , quod Galen. in lib. quod Anim. mores , cap. 5. recenset : *splendor siccus , Animus sapientissimus* , idest , spiritus calidi & sicci , sed moderatè tam ad memorandum , quam ad ratiocinandum sunt aptissimi . Ideoque contra & frigidum & humidum & siccum cerebrum ad has actiones ineptum redditur . Aboler memoriam frigiditas , imminuit frigiditas aut siccitas . Et quidem frigiditas vel sola , vel cum humiditate aut siccitate coniuncta . Hinc cum infantes , tum decrepiti senes parum hisce actionibus valent . In infantibus quidem calor est copiosissimus : verùm multa humiditate obruitur . In senibus & calor deest , & multa adsunt excrementa , seu , vt Scaliger *loc. alleg.* loquitur : In puero sunt multa excrementa , in senē etiam aliena . Et in humido cerebro multi spiritus commeantes sese tanquam circuli in aqua secant ; & humido cerebro multa inter intellectum , & species seruatas interponuntur , quæ si fuerint crassa , fit obliuio , si mobilia , dilatio recordationis , atque ibi reminiscencia , cum remouentur intercedentia impedimenta . Ideoque cum à frigiditate & humiditate cerebri Spiritus animales ad has actiones inepti reddantur , frigiditas & quæ hanc ferè , vt indiuidua comes sequi solet , humiditas , & excrementorum copia , imminutæ & abolitæ phantasia , Memoriam

morix ac Ratiocinationis causa meritò statuitur. Sufficit tamen etiam solà frigiditas, & calidi natiui defectus, vt Galen. 2. de loc. aff. cap. 7. & 3. de loc. aff. cap. 5. docet.

Calida tamen & sicca etiam intemperies, vt dicitur, Memorix obesse potest. Sicut & conformatio cerebri vitiosa hisce actionibus impedimento esse potest.

Et quod frigiditatem, quam plerumque humiditas sequitur, attinet, ad eam producendam faciunt omnes causas, quæ supra part. 1. cap. 2. 3. 10. sunt propositæ. Quas vt hic coniungamus, & huic loco applicemus, sciendum, quod frigiditas cerebri est vel positua, eaque vel simplex, vel composita, cum, vel sine materia, à causis loc. allegat. propositis inducta: vel priuatiua, quæ est caliditatis natiuæ defectus, isque à primo ortu, vel post ortum contractus. Calor natiuus à primo ortu deficit vel in quantitate, vel in qualitate. In quantitate deest, dum cerebrum est nimis paruum, & ita in paruo cerebro paucus calor, aut dum cerebrum est nimis magnum, cui caloris innati quantitas non respondet, sed, propter magnam cerebri molem, exiguus calor quasi dispergitur. Vnde plerumque Capitoes parum ingenio valent. De quo vide Institut. lib. 3. part. 1. sect. 2. cap. 3. Qualitate deficit in Infantibus. Etenim hi quoad molem, & quantitatem satis caloris habeant: tamen ad ratiocinandum non apta est eorum cerebri dispositio: quia calor iste non eum gradum habet, qui ad has functiones requiritur, sed à nimia humiditate obtunditur, qua postea assumpta calor acrior & efficacior redditur, & in dies homo ad has actiones aptior euadit. Siccitas enim ad prudentiam, humiditas ad dementiam animum deducit, vt Galen. in lib. quod Animi mores, cap. 7. scribit. Transfertur autem hoc vitium sæpè à parentibus in liberos, & vt aliarum partium imbecillitas sæpè hæreditaria est, ita & cerebri vitium istud in sobolem transit. Et quod in infantibus accidit, idem etiam in adultis potest fieri, vt in his nimia humiditate calor obruatur vel etiam à primo ortu nimis paucus sit, vnde homines cum adolescunt, stupidi, vel amentes manent.

Si autem post ortum calor natiuus deficiat, vel ab humido

mido obruatur, causſæ eius rei variæ eſſe poſſunt. Primò eſt ætas, ob quam in ſenectute calidum deficit, ſeneſque etſi ſicciffimi ſint, tamen quia humidum radicale & calidum innatum in iis ſerè abſumptum fuit, ideò & ad ratiocinandum, & memorandum minus apti ſunt, & vt Galen. in *lib. quod anim. mores, cap. 5.* habet, multi decrepiti ſenes amètes fiùt, ſeu, vt in prouerbio dici ſolet, bis pueri ſenes.

Deinde Aër. Vt enim aër tenuis, & purus ſubtilia reddit ingenia, ita craſſus & impurus contra tarda ac obtuſa. Hinc vt Galenus 6. *Epid. com. 6. t. 8.* ſcribit, Athenienſes acuto ſunt ingenio, propter aërem tenuem in quo degunt: Thebani verò ſtupidi, quia Thebis, & in tota Bœotia craſſum eſt cœlum; ynde Horatius in *Epiſt.*

Bœotum in craſſo iurares aëre natum.

Tertiò ciborū, & potus frigidi, ac humidi frequens vſus, & præcipuè eorum quæ vim quandam ſtupefacientem habent, vt papau. vſus frequens, crapula & ebrietas, quæ maximæ ingenij & memoriæ peſtes ſunt. Et in primis ſi quæ hæ cauſſæ, aëris nimirum, & cibi ac potus vitium concurrant, ingenium ac memoriam valde debilitare ſolent. Ita refert Euftach. Rudius *lib. 1. Præſt. cap. 6.* ſe in Tirolenſi quodam comitatu amentium, ſultorum, fatuorumque frequentiffimum numerum vidiffè; cauſſamque mali agnouiffè; aëris frigiditatem & humiditatem, aquarum cruditatem, id quod ex gutturis boeis deprehendit; vini penuriam, & vſum frequentem panis cum ſemine papau. conſecti. Quod etiam obſeruauit Platerus, vt refert *tr. 1. Præſt. cap. 3.* in Carinthiæ valle, *Vinkgerthale* dicta, in qua multi reperiuntur ſtulti & ſtupidi, capite informi, lingua magna, & tumida, muti, ſtrumofa gutture, aſpectu deformi.

Quartò morbi, & cauſſæ morbiſicæ eorundem ſymptomatum cauſſæ eſſe poſſunt, ſi calidum innatum cerebri deſtruant, idque humidius reddant. Ita poſt morbos diuturnos, malignos cerebri abſceſſus, vulnera, contuſiones capitis, ſtupiditas & ſtoliditas interdum ſequi, ac memoria amitti poteſt. Sic in peſte illa famoſa Attica quam Thucydides *lib. 2.* & Lucretius in *ſine lib. 6.* deſcribunt, homines tanta omnium rerum caput obliuio, vt & neceſſarios

& seipfos non agnoscerent; & Memoriz ex febre, & vulnere, ac capitis percussione amissæ exempla suprà recensuimus.

Venena quoque, & philtrea ex ingeniosis stolidos, & amentes reddidisse notum est. Et inter ea Cerebrum felis comestum memoriam abolere dicitur. Quò pertinent & Narcotica capiti & ceruici incautè applicata. Idem præstare possunt medicamenta calidum natium absumentia, vel extinguentia. Humores etiam vitiosi Intemperiem frigidam, vel frigidam & humidam cerebro inducentes, calorem natium suffocant, spiritusque ineptos ad hæc functiones reddunt. Pertinent huc & nimia sanguinis profusio, labores nimij, vigiliz immodicæ, studia nimia, & omnia huiusmodi, quæ calidum natium cerebri possunt absumere.

Calida tamen & sicca Intemperies etiam memoriam labefactare potest, dum inordinatum spirituum Animalium motum facit, vt testatur Galen. 3. *de loc. affect. cap. 5.* vbi scribit, nouisse se quendam, qui ob labores in studiis, atque vigilias memoriam penè amiserat, læsa etiam Ratiocinatione: item agricolam, qui ob labores, quos vites colendo subierat, ac tenuem victum eodem malo affectum esse. Et Scaliger, *loc. alleg.* scribit, quod etiam in siccis cerebris, si sint biliosi, propter spirituum mobilitatem, Memoria lædatur. Quæ intemperies etiam à Medicamentis induci potest, nouimusque aliquos, qui dum medicamentis calefacientibus, & siccantibus memoriam roborare velent, cerebro nimium exsiccatò, & calido natio absumpto, fatui ferè euaserunt.

Nocet quoque memoriæ & ingenio, si mens diuersis studiis distrahatur, & pluribus intentus minor est ad singula sensus, dum plurimæ imagines sese inuicem turbant, obfuscant ac confundunt.

Præter intemperiem etiam Conformatio, quæ ad spiritus capiendos, eorumque motum necessaria est, ingenio, ac memoriæ obesse potest. Quò referri potest & substantiæ cerebri modus, de quo in *Instit. lib. 3. part. 1. sect. 2. cap. 3.* Qui enim tenuitate cerebri destituuntur, & cerebrum crassius

crassius habent, ij procul dubio ad has actiones omnes non ita apti sunt. Etenim in tenui substantia cerebri spiritus Animales mouentur expeditius, in crassa verò impediuntur. Et quo cerebri substantia ac calidum, & spiritus innatus sunt tenuiora, & puriora, eò etiam puriores & tenuiores spiritus in eo generantur. Figura cerebri imitatur cranij figuram, & plerique qui minus decentem capitis figuram habent, stupidi sunt, aut malitiosi, quale caput Therpsites, ob id famosus, habuit. Quò pertinet & casus ex alto, percussio, quibus procul dubio cerebri conformatio læditur; vnde quosdam memoriam amisisse suprà ex Plinio diximus. Et Guilel. Rondel. in fin. libr. i. meth. cur. morb. refert, quendam valdè eruditum cui gladius in oculum altius adactus fuerat, ob vulnus illud memoriam ita amisisse, & rerum omnium ita oblitum fuisse, vt Lutetias repetere, & prima literarum elementa iterum discere coactus fuerit.

Signa Diagnostica.

*Læsa memoria si-
gna.*

Ipsū malum ex actionibus ægri læsis facilè cognoscitur. Cum enim memoriæ officia sint, facilè arripere, fideliter retinere, expeditè expromere & reddere, si horum aliquid desit, & in primis, si imagines sensibilibus rerum, quæ prius animum mouerunt, in mentem, vbi opus est, non veniant, imaginatione & ratiocinatione salua potissimum memoriæ vitiatæ signum est.

Causas quod attinet, si conformatio cerebri, & capitis vitiosa horum malorum causa sit, ea in oculos incurrit, & vel ab ortu homini contigit, vel homo percussus & lapsus est.

Hæc si absit, defectus calidi natui & frigiditas ac humiditas abundans ex causis calidum innatum cerebri absummentibus, & cerebrum refrigerantibus ac humectantibus, vel etiam siccantibus (quæ & ipsæ consequenter calidum natuum absumunt) aut ex actionibus læsis vel excretis, iuuantibus item, & nocentibus cognoscitur, vt suprà part. i. cap. 2. §. 10. dictum. Nimirum si intemperies cerebri sit frigida & humida, somnus est longus & profundus: si humida tantum est, somnus longus, sed non profundus.

fundus : si frigida tantum , moderatè somnolenti sunt : si frigida & sicca , non sunt somnolenti. Ita & copia , vel paucitate excretorum frigiditas vel sola , vel cum humiditate aut siccitate coniuncta cognoscitur. Qui enim frigidum & humidum habent cerebrum , multa excrementa per palatum & nares emittunt ; qui frigidum & siccum , pauca ; si frigidum tantum moderata ; si cerebrum sit calidum & siccum , cum memoria læsa adest delirium ac rationis læsio.

Prognostica.

1. Euentus mali talis expectandus, qualem causæ pro- *Prognost.*
mittunt. Ipsa enim symptomata ex se eum non indicant : sed vt à causis suis pendent , ita non tolluntur , nisi iis ablatis.

2. Si absque causa externa memoria subito lædatur , imminētis apoplexiæ, Epilepsiæ , Paralysis est indicium , si homini saluo aliàs id accadat. Si verò ægroto viribus destituto memoria deficiat , certissimum est propinquæ mortis indicium.

3. Mentis imbecillitas & stupiditas ab ortu contracta , & quæ à conformatione prima capitis vitiosa prouenit , incurabilis est.

4. Incurabilis est & illa , quæ ætatis ratione accedit.

5. Nec curatur , quæ ab inueterata Epilepsia pendet. Vt enim illa vix curatur : ita & symptoma inde excitatum.

6. Difficiliter & illa curatur mentis imbecillitas, & memoriæ læsio, imò plerumque incurabilis est, quæ à malignis morbis, venenis, ac philtis ortum habet.

7. Quæ à frigiditate & humiditate, ac humore pituitoso ortum habet, & cum Lethargo, Caro , Apoplexia accedit, etsi & ipsa curatu sit difficilis : tamen interdum curatur, præcipuè dum ætas viget, & vires constant.

8. Obliuio à caliditate , & siccitate contracta curatu difficilior, quàm à frigiditate, & humiditate, quia facilius & tutius est caput calefacere & siccare, quàm frigefacere & humectare.

9. Obliuio sub accessiones periculosa. Hippocr. 3. epid. comm. 3. l. 37.

*Memoria
laxa &
Ingenij
debilita-
tis cura-
tio.*

Intemperies cerebri & spirituum, quæ adest, & causa horum malorum est, corrigenda per contraria, & materia, quæ cum ea coniuncta est, euacuanda; vt *part. 1.* dictum; calidum natium instaurandum, & spiritus torpidi excitandi. Quæ tamen immodicas corporis euacuationes & inanitiones sequitur memoria læsio, requirit tantum commodam refectionem per cibum, & calidum natium ac spiritus instaurantia ac roborantia; sicut & illa, quæ senibus accidit,

Auxilia.

Qua ratione autem hisce Indicationibus possit satisfieri, dictum etiam supra *part. 1. cap. 2. 3. 10.* vbi monstratum, qua ratione intemperies frigida & humida calefacienda & siccanda sit, & pituita caput obsidens præparanda & euacuanda. Pauca saltem hic illis adiungimus.

Alterantia quod attinet, quæ eadem humorem pituitosum præparant, proponuntur etiam postea interrobarrantia v.g. Materia pituitosa sic præparanda.

℞. Rad. Ireos, Flor. acori veri, valerian. pyretbr. an. ʒ. ʒ. galang. ʒ. ij. betonic. maioran. meliss. thymi. flor. lilij. conuall. an. M. ʒ. lauendul. saluæ, stæchad. Arab. an. M. ij. sem. fenicul. ʒ. ʒ. Coq. in fuf. aq. q.

Colat. ℞. ʒ. j. ʒ. adde mellis q. f. despumentur, & aromatisentur nuc. moschat. & cinnamom. pro 4. vel 5. dosibus.

Vel ℞. Rad. pæon. acori veri, an. ʒ. ʒ. betonic. maioran. serpill. hyssop. saluæ, stæchad. Arab. torismarin. an. M. ʒ. sem. carui. fenicul. siteris. montan. an. ʒ. ʒ. cinnamom. nuc. moschat. macis an. ʒ. ij. Concisa & contrusa indantur in vas vitreum, & affund. hydromelit. ʒ. iij. vel q. f. & vase clauso in B. horis 2. coq. postea colentur.

Colatura, si liber, addantur oxymelit. scillit. ʒ. iij. Dentur singulis diebus manè & vesperi ʒ. iv.

Vel ℞. Aq. beton. salu. an. ʒ. j. ʒ. essent. salu. meliss. an. ʒ. ʒ. syr. de stæchad. ʒ. j. aq. cinnamom. ʒ. ij. Misce pro haustu, qui cubitum ituro exhibeatur.

Purgantia.

Purgantia ex prima parte nota sunt Ex.g.

℥. Pilulæ aureæ. Arabic. an. 3. ℞. trochisc. albandal. ḡ. iij. extract. castor. ḡ. ij. F. pilulæ xxv.

Vel ℥. Extract. solut. Andern. ʒ. j. bellebor. nigri ʒ. ℞. gummi gutt. ḡ. j. vel ij. extract. castor. ḡ. ij. Cum aq. lauendulæ. F. Pilulæ xxi.

Commendantur & hæ, quæ tamen potius caput roborant, quàm purgant.

℥. Aloës, agaric. an. 3. ij. sal. gemmæ 3. j. ℞. caryophyllor. cinnamom. mat. nuc. condit. ligni aloës, thuris, mastich. myrrh. el. cubebæ, absinth. croci, bacc. lauri, iuniperi, stœchad. Arab. calam. arom. an. 3. ℞. Puluerisatæ cum vino odorifero. Misc. & F. Massa Pilul. Dosis 3. j.

Vel ℥. Agaric. albiss. 3. j. ℞. fol. senæ el. 3. ij. zingiber. alb. sem. carui an. ʒ. j. Macerentur per noctem in aq. beton. & hydromelit. an. 3. iij. In Colatura dissolu. super igne diaphanico. 3. iij. vel 3. ℞. Iterum coletur. F. Haustus.

Vel ℥. Aq. betonic. 3. j. ℞. saluæ, lauendul. an. 3. ℞. extr. panchymag. ʒ. ℞. vel j. turbit. ḡ. viij. belleb. nigri ḡ. v. diagryd. ḡ. iij. Symp. rosar. solut. 3. iij. essent. cinnamom. ʒ. ℞. M. pro haustu.

Antiqui fortioribus, vt hiera compos. hiera Logadij, hiera Ruffi utebantur.

Si ex Intemperie frigida & sicca sit vitium, preparatio & purgatio fit, vt supra part. i. de Melancholia dictum.

Particulares quoque euacuationes per Errhina, masticatoria, Gargarismos, Apophlegmatismos fiant, de quibus etiam supra dictum.

Vtiles quoque sunt reuulsiones per Cauteria & Fonticulos, qui in cruribus, vel brachiis excitari possunt.

Roborantia.

Roborantia, quæ scilicet Intemperiem cerebri emendant, & reliquias materiæ absumunt, cerebrumque confortant, etiam ex superioribus patent.

Sint autem fortiora: cum temperamentum cerebri hisce affectibus valde mutatum sit, & difficulter in pristinum statum reducatur.

Medica-
menta
memoriæ
& inge-
nium cō-
seruātia.

Inter simplicia Cephalica hīc magis vtilia sunt : *lilium conuall. melissa*, quæ memoriā confortat, ingenium acuit, & animi tranquillitatem, ac hilaritatem præstat, & ad curas pellendas vtilis est, *betonic. flor. stæchad. Arab. lauend. primulæ veris, maiorana, salvia, rorismarin. rad. acori veri, pyrethr. semen. hormini, zingiber, nux moschata*, quæ non tantum ob manifestas, sed & occultas qualitates ad caput roborandum, & memoriā confortandam commendatur : si sæpe ieiuno stomacho masticeatur, vel alio modo vsurpetur, *cubebæ* ; *thus item* ꝑ. ꝑ. pondere cum vino, aut liquore conueniente sumptum, *sem. sinapi, myrobalan. castoreum, ebur*, & alia suprà part. 1. cap. 2. proposita. Ex quibus parantur.

Aqua *lily conuall. meliss. primulæ Veris, maioran. saluie, rorismarin. Conseruæ lily conuall. meliss. lauendul. betonic. stæchad. Arab. anthos. Syrup. stæchad. simpl. & comp. de betonica, mel anacardinum.*

Benedict. Victor. Fauentin. syrupum suum de aromaticis commendat, quem ita describit.

℞. *Herb. & flor. Sampsuchi, thymi, pulegij, serpilli, menthe, calaminth. hortens. syymbrij, rorismarini, saluie, beton. an. M. ij.* Coquantur in suffic. quant. aquæ ad consumptionem tertiæ partis.

Colat. in syndone ligata infunde *cinnamom. nuc. mosch. macis, spica hardi, Celticæ Folij zingiberis, an. ꝑ. j. ambre, moschi, an. ꝑ. ij.* Bulliant ad 4. partis consumptionem & cum s. q. sacchari, F. s. a. Syrupus. Cuius ꝑ. j. ꝑ. aquæ flor. citri ꝑ. ij. misceantur pro dosi vna, & sic pro alijs ꝑ. vel 6. Extracta & Essentiæ *Melissæ, saluie, rorismarini, ligni aloes, cinnamomi.* Condita ; *Zingiber*, præsertim si cum modico thure sumatur, *rad. pyrethr. acori, myrobalani, Confectio Sem. Sinapi.* Olea destillata *nucis moschat. meliss. maioran. saluie, rorismarin.* Extracta & Essentiæ *melissæ, saluie, rorismarini, ligni aloes, cinnamomi.* Species aromaticæ ; *diamb. aromatic. rosat. diamosch. dulc.* Vina medicata :

℞. *Ligni aloes, zingiberis, piper. long. galang. an. ꝑ. j. caryophyll. cnebebar. an. ꝑ. j. nuc. moschat. ꝑ. ij.* In sacculum inclu

includantur, & affund. musti lb. xij. vel etiam plures. F. vinum medicatum.

Electuaria : *Confectio anacardina*, quæ ad frigidam & humidam intemperiem cerebri corrigendam est efficacissima, vnde etiam confectio sapientum appellatur, quæ ut gravior sit, sine castorio parari potest. Scribit tamen de ea Ianus Huartus, in *scrutinio ingeniorum*, cap. 22. compositione ista, quia valdè calida & sicca, intellectum & memoriam perire, etsi imaginationem exacuat, ut quis loquendo & respondendo per dicteria & comparationes excellat, & malitias ac dolos fingere calleat. Verùm præsupponit illè vulgarem doctrinam, nimirum ad memoriam opus esse cerebro molli. Cum autem certum sit ficitatem cum moderato calore ingenium ac memoriâ acue-re, non est de nihilo, quod de compositionis huius efficacia dicitur, & obseruatum, quosdam ea mirabilem sibi memoriam comparasse, & proinde etiam in imminuta à caussis p.n. memoria vsurpari potest.

Cautè tamen ea exhibenda, præcipuè in sanis, ad memoriam roborandam. Vnde nonnulli eius 3.ß. vel minus cum aq. calida exhibent, ut nimia eius exsiccatio remittatur. Iis verò, qui membra principalia calida habent, nullo modo exhibenda. Docuit enim & hoc experientia, nonnullos quidem memoriam admirabilem sibi hac confectio-ne comparasse, sed parum vitales fuisse, & in ipso ætatis flore, corpore nimis exsiccato, extinctos.

Et rectè de hac confectio-ne hoc etiam monet Mercatus, prodesse quidem eam sæpe iis, qui memoriam, quam à natura felicem obtinuerunt, vi causarum præter naturalium læsam habent: iis verò, qui à natia constitutione debilem memoriam habent, maximopere obesse, & ex eius vsu nonnullos iudicium, alios memoriam planè amisisse & capitis dolores ingentes contraxisse. Natia enim partium temperies, si in meliorem statum mutari debet, sensim & paulatim mutanda est, non vehementibus medicamentis, quale est Confect. anacardina, calidumque & humidum natium absumendum & exsic-candum est. Ideoque iis qui debilem habent à natura me-

memoriam, victu idoneo & imprimis frequentioribus studiis, & memoriæ exercitatione subueniendum. Abs quo si fit, medicamenta parum proderunt.

Forestus hoc Electuario in muliere, quæ post Apoplexiam memoriam ferè amiserat, feliciter vsus est.

℞. Rad. acori veri, seu galang. minor. condit. conseru. flor. betonic. rorismarin. an. ℥. j. flor. herbæ paralyfis ℥. ℞. cubeb. nucis moschat. cinnamom. puluerisat. an. 3. j. Cum syrupo de stæchad. F. Electuarium, de quo singulis diebus manè sumebat instar castanæ, & nucham, occiput, & frontem aqu. hederæ arboreæ, ter, vel quater in alembico destillatæ inungebat.

Laudatur & hoc Mesuæ tanquam expertum, & satis vtile.

℞. Mellis anacard. thuris, rad. cyperi, acori, an. ℥. j. piperis, macropiper. an. ℥. ℞. myrobalan. chebul. Indor. an. ℥. j. mellis q. s. F. Electuarium, cuius dosis à 3. j. ad 3. ij.

Vel ℞. Conseru. lily conuall. betonic. saluiæ, rorismarin. an. ℥. j. lauendul. ℥. ℞. spec. diamb. diamosc. dulc. an. ℥. ℞. sem. carui, caryophyll. cubeb. nuc. moschat. an. 3. ℞. ol. cinnam. gutt. vj. cum syrupo de stæchad. vel ℥. q. sacchari in aq. rosar. dissolut. F. Electuarium.

℞. Conser. beton. meliss. lily conuall. anthos, an. ℥. j. mell. anacard. ℥. ℞. spec. diamb. diamosc. dulc. an. 3. j. cum syrupo. stæch. vel conseru. myrobalan. chebullor. F. Electuarium.

℞. Cinnam. spicanard. caryoph. an. ℥. ℞. macis, zedoar. an. 3. ij. D. ij. moschi ḡ. v. ambre ḡ. vj. confect. anacard. 3. ij. ol. nuc. mosc. 3. ij. cum syrupo de beton. q. s. F. Electuarium.

Platerus hoc præscribit.

℞. Confect. anacardin. 3. ij. conseru. maioran. rorismar. an. ℥. ℞. M. & fiat Electuarium, de quo quantitas nuc. moschat. mane & vesperti sumi potest.

AQVÆ COMPOSITÆ.

℞. Rad. ireos, valerian. an. 3. ℞. meliss. beton. organ. rorismar. an. M. j. ℞. flor. primulæ Veris, lily conuall. lauend. rosar. rubr. an. M. ij. stæch. Arab. ℥. ℞. cinam. opt. ℥. ij. galang. macis, caryoph. nuc. mosch. an. ℥. ℞. cubeb. cardam. an. 3. vj. ligni aloes ℥. ℞. spec. diamb. ℥. j. asæ dulcis ℥. ℞. Incisis & crasso modo contusis affund. vini mali.

maluatic. vel rhenani, & aq. rosar. an. ℥. iij. vel iv.

Stent in digestionē per octiduum, postea destillantur.

Alia ℥. Aq. betonic. bugloss. flor. tilie, an. ℥. j. spirit. vini opt. ℥. ℞. flor. rorismar. rosar. rubr. maioran. flor. bugloss. an. M. j. spec. confect. anacardin. 3. ij. Stent in digestionē per mensem, hinc destillantur.

Vel ℥. Flor. lilij conuall. M. ij. spirit. seu aq. destillat. de bacis juniper. ℥. iv. Stent in digestionē per dies 14. Hinc colentur, & exprimantur. Suo tempore adde flor. salu. rorismar. lauend. an. M. j. spec. diamosch. dulc. diamb. an. 3. ij. Mace-rentur per mensem, & hinc in vitro per cineres destillen-tur. Huius aq. cochl. j. ter in septimana sumptum memo-riam roborat, spiritus animales illustrat, & ab apople-xia & epilepsia præseruat.

Vel ℥. Flor. rorismarin. bugloss. meliss. an. q. v. Minutim in-cidantur & add. sacchar. alb. q. s. & in sole aqua succulen-ta destilletur, de qua singulis diebus mane cochlear. j. hauriatur.

Præstat tamen hanc aquam tribus cohobiis in M. B. aut cineribus parare.

Vtilis est & aqua sophorum Dorncreilij, vt & aqu. se-quens Vid. Vidiij, quam l. 7. de M. cap. 5. describit & mirificè memoriā confortare & ingenium acuere scribit, si mane 3. ij. fumantur.

℥. Spirit. vin. opt. ℥. v. aq. bugloss. meliss. betonic. stæchad. flor. lilij conuall. an. ℥. ℞. flor. anthos. rosar. rubr. bugloss. maioran. an. M. j. spec. diaplir. diacastor. an. 3. iij. confect. anacard. 3. j. Infun-dantur prius flores, post species: Stent in digestionē per mensem 1. postea destillantur.

Sequens aq. sapientiæ nonnullis dicta etiā cōmendatur.

℥. Rad. bugloss. 3. ij. costi amari & cand. 3. j. cyperi rotund. 3. ij. pæon. maris 3. iij. summitat. maioran. verbenæ, euphras. flor. anthos, betonica, primula veris, an. M. iij. meliss. M. ij. lauendul. M. j. ℞. stæchad. Arab. 3. vj. santal. albi, rubri, citrini, an. 3. v. chebulor. bellirici myrobal. chebul. Indor. citrinor. piperis longi, & nigri, castorei, cardamomi, nuc. anacard. an. 3. j. cubebar. 3. ij. baccar. lauri exc. an. 3. iij. nuc. mosch. 3. ij. Pulueriscentur subti-lissimè, flores autem incidantur.

Affunde *Aq. lilij conuall. vel bugloss. Italic. flor. tilia, rorismarini, aqu. aurea Langj, an. 3. ix. vini maluatici lb. xj.* Adde *spec. latif. Rhasis, latif. Galeni, an. 3. j. trochisc. Gallia moschat. 3. ij.* Stent in infusione in loco calido per 8. dies, deinde distillantur igne lentissimo in M. B. addendo postea *Magister. perlar. 3. ij. tinctur. corall. 3. j. essent. croci 3. lb. solut. sapphiri 3. j. tinctur. 3. j.* Misce.

Vfus. Hæc aqua ingenium ob nimiam humiditatem & frigiditatem stupidum acuit, memoriam eandem ob causam labilem debilemque mirifice confortat, sensus omnes spiritusque viuificat, atque exhilarat, melancholiam reprimat. Dosis est 3. j. alternis diebus.

Aqua vitæ duæ preciosissimæ, quas Casparus Peucerus describit in suo Tractatu de memoria, & ex aulis principum accepit.

Prima.

℞. *Vuarum Creticar. vel Damascen. grand. (officina Cybebas vocant) 3. ij. Concid. minutim & infund. vini sublimati lb. j. 3. aut dimid. canthar. Insolentur autem calido loco, reponanturque octiduum vase vitreo bene obturato, adde flor. salu. minoris, rorismarin. borraginis, bugloss. an. 3. ij. rosar. rub. exaresact. lilior. conuall. an. 3. 3. melliss. cortic. citri. recent. betonicae, flor. tunicis an. 3. 3. santal. citrin. rubr. an. 3. ij.* Deducantur omnia in tenuissimum puluerem, & sic infusa tepido loco asseruentur, macerenturque tamdiu, donec liquor iniectionum vires omni ex parte exorbuerit ac combiberit, quod sapore deprehenditur, sitque ferè spacio 2. mens. Nihil obfuerit, si integram ætatem Solis radiis exposueris. Tandem per manicam Hippocrat. traiciantur. Si libet, adiici possunt, *moschus, ambra, lapides pretiosi, margaritæ orientales, unicornu, vt aqua tantò fiat fortior.* Dosis cochlear j. aut 3. ieiuno stomacho.

Alter aqua.

℞. *Cinnamomi 3. 3. zingiberis 3. ij. santal. omnium, an. 3. iij. caryophyll. galangæ, nucis moschat. an. 3. iv. macis, cubebarum, an. 3. 3. cardamomi 3. j. 3. zedoariæ, sem. nigellæ, an. 3. j. 3. anisi, feniculi, pastinac. sylvestr. osymi, radic. ange*

angelic. caryophyllat. glycyrrhiz. calami aromat. valerianæ minor. fol. scarleæ, thymi, calaminth. puleg. menthæ, serpill. maioran. an. 3. j. flor. rosar. rubr. saluiæ, betonicæ, rorismarini, stæchados, bugloss. borraginis, an. 3. ij. cortic. citri 3. j. B. spec. diambra, aromat. rosat. diamosch. dulc. diamar-garit. diarrhod. Abbat. Elect. de gemmis, an. 3. j. B.

Terenda terantur, & infund. libris aquæ vitæ præstant. vj. hoc est, duobus canthar. finantur in vitreo vase 15. dies continuos stare occluso subinde vasis osculo. Deinde destillantur per alembic. in B.M. arcuè occlusis commissuris. In aqu. extillatam ponantur fantal. tesseratim incis. 3. j. mosch. ambræ, in pet. illig. an. ḡ. iij. vel. v. iulepi rosati clariss. lb. B. Stentque ita per dies 15. postea aqua separetur. Præsentanea auxilia sunt aquæ hæ ad reparandam memoriam.

Pulveres. ℥. Rad. cyperi, croci, myrrhæ, thuris, piper. alb. an. 3. j. F. pulvis, detur à ʒ. j. ad 3. j.

Vel ℥. Rasur. eboris. C. C. castorei, an. 3. j. mosch. ambr. an. ḡ. iij. F. pulvis.

Antiquitus valdè celebratus est pulvis sequens.

℥. Thuris masculi 3. j. piper. longi vel albi ʒ. B.

Deducta in pulverem propinentur ieiuno stomacho, aliquot diebus sub auroram cum vino vel aqua mel-lis.

Marsilius Ficinus libr. 2. de studios. sanit. capit. 9. è tri-bus illis muneribus, quæ Magi Christo obtulerunt, con-fectionem auream parat memoriæ conseruandæ, inge-nio acuendo, sensibus vegetandis spiritibusque fouendis & roborandis vtilem.

℥. Thuris 3. ij. myrrhæ 3. j. auri foliat. 3. B. Cum vi-no fiant pilulæ, quarum aliquot sub auroram suman-tur.

℥. Succini odorati 3. j. (possiet etiam ambra sumi) cu-bebarum, thuris, myrrhæ, an. 3. B. ligni aloes ʒ. j. Cum vino F. pilulæ mediocres, quarum duæ vel tres alternis diebus ante decubitum dentur.

℥. Nuc. moschat. thuris, ligni aloes, rasur. ebor. an. 3. B. sem. anisi, sinapi, coriandr. preparat. cubebæ. an. ʒ. j. cin-

namom. 3. ij. *margaritar. præparat.* 3. ℞. *mosch. ambr. an. g.* vj. *manus Christi perlat.* 3. vj. F. puluis, de quo cum pane albo vino subdulci madido cubitum iturus bis in septimana 3. j. vel 3. j. ℞. sumat. Multum etiam prodest, præsertim apud senes, in memoria deperdita instauranda puluis Trithemij, qui ita paratur.

℥. *Macis, cubebar. caryophyll. an.* 3. vj. *fol. senæ elect. obamæpyt. zingiber. albi, crystallor. tartari, an.* 3. v. *radic. calami aromat. gentianæ, sem. cumini, sileris montani. anisi, petroselini, spicæ Indic. spicæ nardi, an.* 3. ℞. *magister. corallor. perlarum, an.* 3. ij. Redigantur secundum artem in puluerem. Dosis est 3. j. Hunc accipiat per primum mensem manè & vesperi ante cibum horis tribus in vino, vel etiam brodio : secundo mense tantum mane : tertio mense mane ter in septimana : quarto mense bis in septimana & sic deinceps per aliquot menses.

Valdè commendatur sequens Tragæa, de qua manè & vesperi tantum, quantum duo vel tres cuspides cultri capere possunt, fumantur.

℥. *sem. leuistici, petroselini, ammios, anisi, apij, an.* 3. ℞. *thimi, epithymi, hyssopi, origani, an.* 3. j. *spic. Celt. cinnamomi, sem. rutæ an.* 3. ij. *piperis albi, & nigri, chelidoni. an.* 3. j. ℞. *myrobal. omnium, an.* 3. ij. *sal gemmæ, chamædryos, centaur. utriusque, marathri, an.* 3. ij. cum paucis saccharo F. Tragæa.

P I L U L Æ.

℥. *Pilu. cubebar. calament. nuc. moschat. caryophyll. thuris, an.* 3. ℞. *ambræ, 3. j. moschi g.* v. Cum succo, & aqua maioran. vel saluæ, aut syrup. de stæchad. F. pilulæ 3. xij. & conspergantur spec. diamb. & fumantur hora decubitibus 4. vel 6. quotidie per integrum mensem.

R O T U L Æ & M O R S V L I.

℥. *Nucis moschat. num.* ij. *caryophyll. num.* vj. *ligni aloes 3. j. sacchar. in aqua maioran. dissolut. q. s. F. Rotulæ.*

Vel ℥. *spec. diamosch. dulc. diamb. flor. lauendul. rosmarin. an.* 3. ℞. *cubebar. sileris montani, flor. stæchad. Arabic. ligni aloes, an.* 3. j. *spec. confect. anacardin. 3. j. moschi, ambr. an.* 3. ℞. ol. destillat. *sinnamom. nucis moschat.*

chat. caryophyll. an. ḡ. iv. sacchar. in aqu. rosarum dissolut. q. s. F. Rotulæ. Claudinus sequentes tabulas commendat.

℥. Ligni aloes ḡ. ij. cardamomi, galangæ, vn. 3. j. cinnamomi 3. B. galliæ moschat. ḡ. j. sacchari 3. vj. in aq. flor. citri dissolut. F. Rotulæ, de quibus 3. vel 4. manẽ sumantur. Vel parentur hi morsuli.

℥. Sacchar. clarificat. lb. B. aq. lauendul. borragin. an. 3. j. B. Coq. ad consumpt. aquæ, postea adde Margarit. præpar. ḡ. j. eboris vsti, C. C. smaragdi præparati, an. ḡ. B. ol. nuc. mosch. express. 3. j. F. s. a. Confectio in morsulis, de quibus vnus vna vice præberi potest.

Chymici præter olea superius commemorata etiam hîc commendare solent Elixir proprietatis Paracelsi, Magisterium perlarum & coralliorum, oleum (H. Am aqua fœniculi, essentiam melissæ, medicamenta ex) parata.

In Intemperie frigida & sicca, quæ calefaciunt, & humectant, requiruntur. Paretur ergo tale Electuarium.

℥. Conseru. flor. borrag. bugloss. betonic. lilij conu. an. 3. B. spec. diamargar. frigid. 3. B. cum syrupo de tunicis, vel stæchad. F. Electuarium.

Externa.

Externa eodem modo se habere debent; & in Intemperie frigida ac humida & sicca supra cap. 2. 3. part. i. proposita vsurpanda. Commendatur hic aq. hederæ arboreæ, diligenter destillata, & occipiti applicata.

Vtiles & hîc sunt, extraque capiti applicari possunt, aq. destillatæ modo propositæ.

Vel ℥. Spirit. vini opt. lb. B. caryoph. nucis moschat. acori veri, maioran. flor. stæchad. an. 3. ij. Stent in vase clauso, & vbi opus, caput isto liquore illinatur. Sunt quæ sequentem aq. vitæ miris laudibus extollant.

℥. Cubebar. cardamomi, croci, confect. anacardine, an. 3. B. Affunde spiritum vini maluatici ad supereminentiam 3. vel 4. digitorum. Stent in infusione per dies 10. Hinc effunditur liquor, & per chartam filtretur, quo tempora & occiput illinantur.

Vel abluatur caput lixiuio, in quo radices asari, lauri

folia, thus, fol. senæ, acorus, flor. chamæmel. maioran. melissa, rorismarin. &c. ebullierint.

Aliàs quidem nimium & præter modum caput lotionibus non fatigandum. Redditur enim inde cranium debile, atque ad leuissimam auræ iniuriam destillationibus obnoxium. Quoties tamen vsus exigit, vt octauo, vel decimo quoque die, lixiuo abluatur, in quo dicta modo ebullierint, vel eisdem indatur facculor. alteruter, qui

℥. *Macis* 3. j. *caryophyl. nuc. mosch. maioran. an.* 3. ℞. *flor. labrusc. rosar. an.* 3. j. *pic. celtic.* 3. ℞. Concisa indantur in facculo.

Vel ℥. *Spica celtica* 3. ij. *flor. lauendulae, rosarum, an.* P. j. *maioran. rorismarini, an.* M. j. ℞. *rad. irid.* 3. j. Concidentur & panno laneo insuantur, singaturque facculus, qui feruenti lixiuo impositus probè exprimatur, vt vim trahat & sorbeat. Apprimè confortant cerebrum & memorandi facultatem. Adhibeatur & sapo odoratus, qui

℥. *Saponis Veneti* ℥. ℞. *rad. irid. odorat.* 3. ij. *calami aromatic.* 3. ij. ℞. *fol. hederae, caryophyl. cardamom. maioran. thym. stæchad. Arab. nigell. meliss. an.* ʒ. j. ℞. Tritis terendis & sapone derafo F. cum aqua card. benedict. Magdaleon, è quo formantur pastilli didrachmales.

Ol. thuris destillatum illitum valde etiam prodest; oleum etiam myrrhæ temporibus & occipiti inunctum in confortanda memoria valde efficax est. Paratur autem vel per destillationem vel per deliquium, si scilicet oua ad duritiem coquantur, per medium dissecantur, vitellóque exempto spatium puluere subtili myrrhæ impleatur, & in cellam ponatur, vt myrrha in oleum resoluatur. Vt & myrrha, maioran. saluiæ, rorismar. nucis moschat. caryophyllor. Laudatur & fel perdicis arteriis temporum semel in mense illitum.

LINIMENTA & VNGVENTA.

℥. *Ol. de lateribus, nardin. an.* 3. ℞. *nuc. mosch. express.* 3. ij. *ol. destill. saluiæ, maioran. nucis moschat. an.* ʒ. vj. *mosch.* ʒ. ij. Misce.

Vel ℥. *Ol. de lateribus, de castor. an.* 3. ℞. *nuc. mosch. express.*

press. 3. j. ol. destill. caryophyl. 3. B. thuris, 3. B. benzoïn. 3. j. cera parum. F. Linimentum.

Vel 2℥. Ol. de lateribus, castor. an. 3. B. destill. nucis mosch. caryophyl. cinnamomi, an. 3. j. rad. pyrethri. 3. j. Cum pauca cera F. vnguentum.

Vel 2℥. Pulb. rad. pæon. valerian. maioran. an. 3. B. ruta 3. j. succi verben. 3. B. testicul. castor. 3. j. medull. nucum. anacard. an. 3. ij. Cum pinguedine vrsi. F. vnguentum. Commendatur & hoc.

2℥. Ol. costini, iuniperin. an. 3. j. nardin. 3. ij. de castor. 3. B. spice 3. ij. pulv. cinnam. nuc. mosc. an. 3. j. caryophyl. macis, flor. anthos, lauendul. stæchad. Arab. spic. Indic. Celt. an. 3. B. rosar. purpurear. cubear. fileris montan. piper. long. cardamom. an. 3. ij. vini maluat. 3. ij. aq. rosar. 3. iv. Coqu. ad consumption. humiditatis, & colentur; postea adde spec. diamb. diamosc. dulc. dianth. an. 3. j. mosch. in aq. rosar. dissolut. 3. B. Misce pro vnguento, quo post lotionem occiput illinatur. Nonnulli hoc commendant:

2℥. Pingued. vrsi, eamque pone in vesicam vrsi cum eius vrina, stent simul per octiduum, postea extrahe, & add. suc- cum hormini, euphrasie, verbenæ, bugloss. valerian. aloes part. æq. F. vnguentum.

Non prætereundum est hic vnguentum, quod miris laudibus efferunt, & Carolum Ducem Burgundiæ à Doctore quodam Anglo decem millibus florenorum emis- se, & tantæ efficacæ esse scribunt, vt perpetuam rerum memoriam pariat. Etsi verò hic merito illius recordemur, quod Galen. 4. de compos. med. s. loc. cap. 4. scribit de medica- mentis ad suffusiones; promissiones horum omnium esse magnificas, effectus verò aliquando nullos, aliquando val- dè exiguos; & faciliè crediderim laudes istas hoc vnguen- tum non sustinere: tamen etiam non negauerim ad me- moriam utile esse. Paratur autem hoc modo.

2℥. Succ. fol. meliss. basilic. flor. myricæ, lilior. primulæ veris, roris marin. lauendul. borragin. genist. an. 3. ij. aq. vitæ, nymph. rosar. violar. an. 3. j. cubear. cardamom. gran. parad. santal. citrin. carpobalsam. ireos, croci oriental. satyreia, pæonia, thymi, an. 3. B. styracis liquid. calamit. opopanax. bdellij, galbani,

gummi bederae, ladan. an. 3. vj. rad. aristoloch. long. pœonia, ol. terebinth. nardin. costini, iuniperin. laurin. mastichin. de been, de spica, an. 3. v. Puluerisanda puluerisentur, & misceantur omnia, destillentur per Alembicum secundum gradus ignis, & aqua, ac oleum separetur. Vsum eius hunc esse ferunt, vt primis duobus mensibus nares, & aurium meatus quotidie magnitudine pisi illinantur; sequentibus duobus mensibus tertio quoque die; aliis duobus mensibus bis in septimana; deinceps singulis septimanis semel; hinc 14. diebus semel, vt ita annus compleatur; tandem sequentibus annis singulis bimestribus semel.

Christophorus à Vega *art. med. lib. 3. cap. 10.* adhibita diætâ frugaliore ex carnibus perdicum, gallinarum, turturum in prandio, passularum & amygdalarum dulcium in cœna, & vino oligophoro rubro propinato per 20. dies, solum pulu. sequ. Dosis. 3. j. ß. exhibuit.

℥. *Calaminth. origani, puleg. an. 3. iij. macer. cinnamomi, an. 3. ij. piperis, galangæ, zingiber. caryophyll. cubebæ. an. 3. ß. castor. ʒ. ij. Trita M. vtatur sex diebus continuis 3. j. ieiuno stomacho cum 3. j. vin. alb. aut 3. ij. aquæ mulsæ vel puluer. ʒ. ij. M. cum syrupo de stœchade 3. ß. ac deinceps propinetur mixtura diluta 3. j. ß. aq. foenicul. siue cardui benedicti. Hora somni pessulum j. ex sequenti antidoto sinistra nari indidit, ac deinde ægrum legere iussit per horam j. vel ij. quæ vellet, tandem extracto pessulo dormire. Manè expergefactum affirmat lectorum exactè meminisse, & sine hæsitatione ea recitasse.*

℥. *Menth. sicca. puleg. euphrag. verbenæ, sem. coriandr. præpar. callitrich. an. 3. j. flor. anthos. 3. j. ß. calam. aromat. cinnamomi, an. 3. ij. caryophyll. 3. j. ß. moschi, galliæ moschat. an. ʒ. vj. mellis anacardin. styrac. calamit. an. 3. ß. Formentur cum aqua foeniculi in pessulos Vel tale fiat Balsamum.*

℥. *Bals. maioran. rutæ, an. 3. j. succini ʒ. j. Extr. rad. valerian. acori. an. ʒ. j. confect. anacard. 3. j. galliæ mosch. ʒ. v. M. pro Balsamo.*

S A C C V L V S.

℥. *Flor. lauendul. roris marin. saluiæ, fol. maioran. melissæ, flor. stœchad. Arab. serpill. an. M. ß. nucis mosch. macis, caryophyll. an.*

an. 3. j. styrac. calamit. benzoës, an. 3. s. sem. carui 3. ij. Fiat sacculus.

Cum etiã odores hic aliquid emolumenti conferant, in hunc vsum eiusmodi pomum odoriferum præscribi potest.

℥. *Rad. ireos 3. j. s. seseli stæchad. an. 3. ij. nucis moschat. menthæ, an. 3. j. thuris, calamentib. styracus, calamit. ligni aloës, an. 3. s. ambre 3. j. ladanî q. s. ad formandum pomum.* In intemperie frigida & sicca intemperie conueniunt malua, althæa, flor. borrag. bugloss. ol. chamæmel. aneth. amygdal. dulc. E. G. Paretur talis lotio:

℥. *Rad. althææ 3. iij. caryophyllat. 3. j. betonic. maioran. an. M. j. flor. violar. borragin. bugloss. rosar. chamæmel. lauendul. an. P. j. Coq. in lacte pro capitis lotionem.*

A M V L E T A etiam quædam, quæ appensa gestantur, ab autoribus hic commendantur. Ametystus lapis gestatus sensus omnes acueret, Beryllus quoque intellectum memoriamque roborare scribitur. Rhases linguam vpuræ appensam obliuionem tollere refert. Paratur etiam annulus ex auro puro, in quo inclusus est Adamas, sub coniunctione H & V in V. quem ad memoriam & ingenij præstantiam valere ex Hermete refert Mizaldus *cent. I. memor. aph. 19.* de quo cuique liberum iudicium esto.

Dieta.

In læsa memoria, & Ratiocinatione à causâ frigida & humida, quæ frequentissima est, diætæ sit hæc ratio, quæ etiam sanis, quibus ex eadem causâ memoria est debilior, si medicamenta cerebrum roborantia modo proposita coniungant, ad memoriam augendam prodest. Poterat equidem ea ex iis, quæ supra *par. I. c. 2. 3. & 10.* de diætâ dicta sunt, patere, eam tamen præsentibus affectibus accommodare libet.

Aër sit natura moderatè calefaciens & siccans, purus & tenuis, vel talis arte paratur, vt supra dictum. Caput ab aëris externis iniuriis & frigore ac humiditate muniatur.

Cibus item sit moderatè calefaciens, & siccans, ac tenuis substantiæ: condiatur caryophyllis, nuce moschat. cinnamom. galang. piper. zingiber. croco, maioran. saluia.

Galli

Nota.

Gallinarum cerebrum hîc valde commendatur, & id adeo iuuare scribit Cardanus, vt aliquos, qui delirare cœperint, resipiscere fecerit. Abstinentum à carne porcina, anatina, anserina & piscibus, præsertim mollioribus, lacte, caseo, leguminibus, brassica, lectuca, papau. fructibus horariis, & omnibus, quæ vaporosa sunt, crassæ substantiæ, & coctu difficilia. Vinum moderatè sumptum spiritus exhilarat, & coctionem adiuuat: copiosius autem sumptum multos vapores ad cerebrum mittit, qui caput replent, spiritus turbant, & calorem extinguunt. In primis vitentur crapula & ebrietas, maximæ ingenij & memoriæ pestes. Ac si incommodum aliquod ex vsu vini percipiatur, eius loco substituatur aq. mulsa, in qua acorus, nux moschat. cinnamom. cocta sunt. Cereuisia sit pura, non vaporosa multum.

Corpus exerceatur moderatis laboribus, extrema sæpe fricentur, caput manè diligenter pectinetur, vt pori cutis aperiantur. Et vt aliæ functiones otio torpent, exercitio verò expeditiores fiunt: ita & hæ functiones crebro exercitio acuuntur. Vt enim Hippocrat. 6. *Epid. comm. 5. aph. 11.* scribit, *ψυχὴς εὐσταθὲς & φρονὴς ἀνθρώποις*. Ideoque memoria acuenda multum memoriæ mandando; iudicium, res subtiles meditando. Tempestiuè tamen id fiat, non statim à cœna, vel prandio, sed præcipuè tempore matutino, quo tempore spiritus instaurati & refecti sunt, & organa coctionis in suis functionibus non ita occupantur. Vnde aurora Musis amica rectè dicitur. Contrà nocturnæ lucubrationes ingenio non parum obsunt, vt Marsil. Ficinus, *libr. 1. de tuend. sanit. cap. 7.* prolixè docet. Somnus, & vigiliæ sint moderata. Somnus non mox à cibo ineatur; diurnus vitetur; fugiat æger mæstitiam, & animi sollicitudinem, & ad lætitiā disponatur.

In obliuione verò à frigiditate & siccitate, diæta ad calidum & humidum vergat: cibi omnes sint calidi & humidi, vinum dilutum moderatè bibatur: exercitia sint moderata: somnus longior: caput abluatur decocto fl. chamæmel. & meliloti. A Venere planè abstinentum.

Quæ

Quæ de artificiali, seu locali memoria apud Ciceronem, Quintilianum, & nostro sæculo in multis hac de re editis libellis habentur, huius loci non sunt. Et si enim arte ea non parum adminiculi memoriæ in sanis suppeditatur, & mira per eam præstari possint; tamen præsupponit illa memoriam & phantasiam saluam, ac bene se habentem: ac quo quis hisce magis valet, eò ad hanc artem tractandam aptior est, quo minus ineptior. Itaque vt claudus ad saltandum ineptus: ita qui Phantasix & Memorix immixta, aut abolita vitio laborat, de quo hic agimus, is nihil vel parum auxilij ab hac parte speret.

Exempla curationis lesæ memoriæ, & multa ad eam vtilia medicamenta videantur apud F. Hildesheimium, *specileg.* 3.



C A P V T VI.

*De Delirio in genere, & de delirio simplici,
Paraphrenitide, ac temulentia.*

Non solum autem imminuuntur & abolentur Phantasia ac Ratiocinatio, sed etiam quandoque deprauantur, quæ functionum harum deprauatio siue sit phrenitis, siue Melancholia, siue Mania, siue quæcumque Phantasix & Ratiocinationis deprauatio, Græcis in genere *παρεφροσύνη*, Latinis delirium & desipientia appellatur. Occurrunt tamen & aliæ horum symptomatum appellationes. Hippocrates & Galenus ad leuē desipientiam significandam ferè vocabulis *ληΐσσι*, siue *παρληΐσσι*, *παρεφροΐσσι*, & *παρεχῆναι* vtitur; Item *παρεπαΐσσι* & *παρεκρῆσσι*: ad grauē *ἐνσῆναι*, *μεγῆναι* & *ἐμμεγῆναι*. *Παρακόψαι* verò promiscuè de vtraque vsurpatur: *Παραφέρεσθαι* verò maiorem, quam leuē mentis errorem, & ad insaniam, ac furorem quendam gradum significat.

Et si verò magna sit deliriorū varietas: tamen in genere in deprauatione functionum principum Phantasix, ac Ratiocinationis conueniunt, quando scilicet phantasmata, seu imagines, nec quæ debent, nec vt debent, offeruntur

tur, nec, vt par est, coniunguntur; sed phantasmata à consuetudine & ratione aliena obiiiciuntur, ac inordinate & confuse mouentur, ac diuersorum obiectorum simulachra simul offeruntur, & ineptè coniunguntur, vnde absurda & loquuntur & agunt delirantes

Acciditq; delirantibus tale quid, quale dormientibus in insomniis; vnde, vt supra dictum, non ineptè somnia deliria dormientium, & deliria vigilantium somnia appellantur.

Nota.

Ideoque etiam in genere, quæ deliriorum causa sit, quærendum. Cum verò nec ad conformationem solam, nec ad solutam vnitatem hæc symptomata referri possint: cum videamus multos delirio corripì, in quibus neutrum horum læditur, vel cerebro, vt parte similari, læsa, vel ob errorem externum hæc symptomata excitari necesse est.

Capiuaccius melancholici delirij causam proximam Phantasma tenebricosum; Maniaci verò igneum Phantasma, & rectè quidem, statuit. Cum enim ratiocinantem oporteat phantasmata speculari, & ipsa etiam phantasia circa suas imagines, & obiecta versetur, si illa non rectè sese habeant, functio illa deprauatur, & perinde sese res habet, vt dum species visibilis rei albæ per vitrum rubrum conspectæ, rubra aut res quiescens mota videtur, ob obiecti seu speciei visibilis, quod à medio concepit, vitium.

*Deliriū
quid.*

Itaque in genere delirium definiri potest, actio deprauata Phantasie ac ratiocinationis, à phantasmate absurdo & inconueniente oblato orta. Phantasmatis autem huius p. n. se habentis causam idem rectè in spiritibus quærit. Sicut enim, vt de Vertigine diximus, spiritus animales si circumrotentur, hanc qualitatem speciei per visum oblatae communicant, ita si alio etiam modo p. n. sint affecti, species & obiecta facultatum principum deprauare solent.

Atque ita causa proxima horum symptomatum in spiritibus Animalibus quærenda: quam si quis ad morbum cerebri, vt partis similis considerati, referre velit, non repugnamus. Hoc tantum notandum, cerebrum, vt partem similem posse considerari primo vt mixtum; deinde vt

viuens & calore vitali præditum, per quem animæ vegetantis actiones perficit: & tertio vt includit spiritum, qui solus proximum harum actionum instrumentum est. Hinc accidit, vt etsi temperies cerebri lædatur, quod sæpè fit in febribus, & aliis morbis: tamen delirium nullum accidit, vbi malum spiritibus non communicatur. Vbi verò spiritus ille cerebri insitus, & consequenter etiam reliqui, qui in eo continentur, afficiuntur, tum deliria contingunt. Cum enim spiritus illi, quibus Anima in obeundis actionibus illis principibus vtitur, debeant esse temperati, tennes, puri, lucidi, & ordinatè, ac certo quodam ac regulari modo moueri, si quid horum desit, & mutetur, vitiumque illud speciebus & Phantasmatibus communicate- tur, varia deliriorum genera excitantur.

Cum autem duo spiritus, quem vtrumque Animalem *Nota.* dicimus, sint in cerebro, vnus insitus, qui proximum, & maximè intimum animæ in actionibus istis obeundis instrumentum est, quique ad temperiem cerebri pertinet, eamque perficit; alter, qui in cerebro generatur, quo Anima etiam in actionibus sensuum tum internorum tum externorum, vt & motu Animali vtitur: si ille spiritus mobilis, quem in specie animalem nuncupare solemus, à causis p. n. quod facillè fieri potest, nimium calidus vel impurus reddatur, & inordinatè ac irregulariter moueatur, leuiora deliria excitantur; si verò ille insitus à statu naturali deflectat, grauiora illa & pertinaciora deliria cōtingunt.

Atque ita delirij seu desipiētix in genere causa quæreda est in p. n. constitutione spiritus animalis in cerebro, siue illius insiti & fixi, siue mobilis. Etenim si hic impurus fiat, vel inordinate ac irregulariter moueatur, vitium id communicatur phantasmatibus, circa quæ occupatur ratio: vnde non ea, quæ debebant, menti præsentantur, sed aliena & absurda, nec eo modo quo debeant, sed aliena qualitate infecta, nec ordinatè intellectui offeruntur, sed vel omnia ferè simul, & confusè, vel inordinatè, & quæ diuersissima sunt, & non cohærentia, dum simul occurrunt connectuntur.

Deliria autem hæc differunt primo loco affecto, quod *Delirio- rum dif- ferentia.* nimi

nimirum nunc cerebrum per se afficitur, & ipsum causam delirij suppeditat; nunc per *συμπάθειαν* afficitur, causa delirij à venoso & arterioso genere, hypochondriis; diaphragmate, ventriculo, vel aliis partibus communicata. Et quidè nunc causa illa, vti modo diximus, saltem spiritus animales in cerebro mobiles, nunc etiam spiritum insitum viat. Deinde causa efficiente. Interdum enim solus vapor sine humore deliria excitat, iis, quæ ebriis eadem de causa accidunt, non absimilia: interdum sanguis, bilis flaua, vel humor melancholicus, aut ater delirij causa est. Atque ex hac humorum varietate, & in primis morum ac ingeniorum diuersitate varij sunt desipientium ordines. Quidam enim sola cogitatione delirant, imaginando absurda phantasmata, qui sæpè longam telam absurdarum cogitationum texunt, etsi pauca loquantur, vnde *σιώπῃροι* nuncupantur; alij sermone delirant, qui ridicula, aliena, magnifica, vel maledica proferunt; alij opere, & factis cogitationes suas absurdas & aberrantes explent. Efficiuntque hæc omnia vel *μὲν γέλωτι*, vel *μὲν σπῆδι*, sicut *παραιφροσύνης* differentias hæc statuit Hippocrat. 6. aphor. 53. Et rursum quædam *παραιφροσύνη κόσμει* est, quædam *ἡμερόδης*. Vt autem de deliriorum generibus distinctè agamus, ita commodè diuidi possunt. Primò est delirium simplex, quod nomine generis exprimitur, & *λῆρ* ac *παραιφροσύνη* nominatur, cum reliqua desipientiæ genera sua peculiaria nomina habeant. Est enim secundo phrenitis: tertio melancholia: Quartò Mania, & quæ sub his comprehenduntur.

De Delirio simplici.

Delirium simplex.

Et primò quidem simplex delirium quod attinet, etsi vox delirij & *παραιφροσύνης* omni desipientiæ generi tribuatur: tamen in specie interdum, & vbi absolutè ponitur, certum delirij genus significat, quod nonnulli etiam Paraphrenitidem, alij paraphrenisim, sed sine antiquorum exemplo nominant.

Est autem hoc delirium non vnius generis. Aliquando enim est cum febre, aliquando sine febre.

Et primo quidem à nonnullis etiam delirium leuius, quod à calida intemperie cerebri, ab æstu Solis, vigiliis, medi

meditationibus & similibus caussis contracta, oritur, nomine delirii simplicis comprehendunt: Plerumque tamen apud authores hoc nomine venit delirium, quod non proprio cerebri, sed partium inferiorum vitio, à vaporibus scilicet calidis, à reliquo corpore cerebro communicatis excitatur.

Qui enim sine cerebri primario affectu, sed ob reliquum corporis consensum delirant, quod in febribus ardentibus accidit, eos, ut Galenus, 3. de loc. affect. c. 7. habet, nemo Phreneticos, sed vel *παρεφρονέως* vel *παρεπαιγνέως* nominat. Quandoque enim vapores calidi, præcipuè maligni, copiosè in caput irruunt, spiritusque ac cerebrum nimis calefaciunt, ac turbant, delirium excitatur; id quod accidit in augmento, & statu febrium ardentium, ac malignarum continuarum, & internis partium inflammationibus, in vermibus, cum putrescunt, & febrem excitant; interdum etiam paroxysmis intermittentium. Ut enim frigus spiritus torpidos reddendo ingenij tarditatem, stupiditatem ac mentis torporem & soporem excitat: ita nimia caliditas spiritus turbando, & nimis mobiles reddendo, errorem & deliria generat. Et quia vapor ille, qui in caput irruit, tenuis substantiæ est, & faciliè discutitur, neque malum spiritum cerebri insitum occupat, propterea delirium non est continuum, sed remittente accessione; aut exacerbatione & parte mittente calidos vapores non ampliùs communicante, delirium cessat aut certè non est eiusdem generis vel vehementiæ.

Platerus caussis his addit sanguinem calidiore, & tenuiorem in sinibus & vasis cerebri contentum, non vapore solum, sed & propria substantia cerebrum accendentem: uti & eum, qui ab ictu, vel casu eo affluit. Verùm si sanguis non solum vapore, sed & sua substantia cerebrum accendat, phrenitidem potius, quàm delirium simplex, seu paraphrenitidem, ut appellant, excitare videtur, præcipuè si extra vasa effundatur. Et licet adhuc in vasis contineatur: tamen phrenitidis, & inflammationis membranarum cerebri initium tum iam adest.

Deindè nonnunquam ex inflammatione partis alicuius,

quæ calidos vapores ad caput mittit, febremque continuam coniunctam habet, accidit delirium. Et præcipue hoc fit ex inflammatione septi transversi, quod antiqui etiam *Φρένας* appellarunt. Vnde nonnulli recentiores hoc delirii genus in specie paraphrenitidem nominant: sed sine antiquorum exemplo. Nonnulli tamen omne delirium per consensum paraphrenitidis nomine appellant, sed & hoc sine antiquorum exemplo. Nonnulli hoc delirium *παρεφρενισιν* appellant, quod etsi Hercul. Saxonia, *lib. I. c. 4.* ex Galeno *de sympt. diff. cap. 3.* citet: tamen ibi non extat, sed vocabulum *παρεφροσύνης*.

Prius delirium, quod in febribus accidit, quod attinet, sæpe delirii simplicis meminit Hippocrates & Galenus. Hippocrates, *6. aphor. 53.* Desipientiæ, quæ in calidis febribus fiunt, ferocitatem non habent; Phreniticis verò appellatis id inest. Galenus, *prophet. 1. 31.* Desipientiam consuetam, familiaremque gignit biliosus sanguis cerebrum petens. Et in *6. Epid. comm. 3. t. 36.* In febrium vigore deliria contingunt ex repletione capitis.

Sunt autem huius delirii varij gradus, quos Hippocrates quoque peculiaribus nominibus expressit. Primum enim & leuissimum gradum per *τὸ λῆρθαι* exprimit, *3. Epid. agrot. 1.* & *ληρῆσιν*, vel *παρεληρῆσιν*, nugatum esse dicit, *1. Epid. agrot. 14.* *σμίκερα παρέκρυσσε*, parum deliravit. In secundo gradu, *παρεφρενῆσιν* delirasse dicit, & *παρέκρυσσε* deliravit *1. Epid. agrot. 5. & 8.* De tertio gradu dicit, *παρελήρει πάντα*, planè nugatus est, *1. Epid. agrot. 13.* & *παρέκρυσσε πόδα* multum deliravit, *ibidem agrot. 4. & 10.* De quarto gradu, *πάντα παρέκρυσσε*, planè deliravit, *1. Epid. agrot. 1.* Qui ultimus etiam huius delirii simplicis gradus est. Nam si illud amplius intendatur, in phrenitidem degenerat.

Signa Diagnostica.

Signa delirii simplicis.

Delirium hoc ex febre comite cognoscitur, & quidem delirium præcedente. Imminere autem ex garrulitate quadam, aut nimia loquendi promptitudine, morumque mutatione deprehenditur. Si nimirum, qui natura mitis, & facilis est in respondendo, fit ferox, & temerarius, & in iram præter solitum procliuior; qui taciturnus est, incipiat fieri

fieri loquax, corpus indecorè nudet, vel obscœna dicat, aut faciat, aut in lectum mingat, eorum, quæ egit & locutus est, statim obliuiscatur; eundemque sermonem sæpius repetat, & omninò si ægri actiones, & vultus à naturali modo, consuetudine mutantur, delirium imminere indicio est, ut etiam Hippocrates 2. *Coac. s. 1. aphor. 10.* docet, in primis si vigiliæ pertinaces aut somnus turbulentus præcessit. Si quis etiam in febribus acutis dentibus stridat, non consuetus id facere à pueritia, futuri delirii indicium est. Pulsus quoque in hypochondriis cum perturbatione delirium portendit; magis etiam si oculi crebrius moveantur. Hippocrates in *Coac. lib. 3. s. 2. com. 1. aphor. 13. sec. distinct. Hollerij.* Et oculorum motus in omnibus morbis, in quibus delirium metuendum, diligenter considerandi. Etenim instabiles illi ipsum præagiunt. Nam cum cerebro vicini sint, & cum ipso venis, arteriis, & nervis sociati, omnium ferè primi ipsius iniuriam persentiscunt, atque inde imminente delirio crebro huc atque illuc moventur.

Ipsam verò delirium iam præsens ex sermonibus & actionibus ægri deprehenditur. Delirantis enim actiones, & sermones à consueto modo multum deflectunt, dum loquuntur & proferunt absurda, quæ cum rebus non consentiunt, nec cohærent, obscœna & turpia loquuntur, dum manus temerè iactant, & agitant, floccos carpunt, festucas legunt, muscas venantur, quæ nullæ adsunt, partes tegendas, & pudendas nudant, subito è lecto surgunt, lætantur, aut moerent præter solitum, urinam & feces in lectum excernunt, tardius, quam necessitas postulat, respirant, dolores non sentiunt. De quo Hippocrates, 2. *aph. 23.* Quicumque dolentes aliqua parte corporis omninò dolorem non sentiunt, iis mens ægrotat. In ventrem etiam cubare, qui non est assuetus ita dormire, quo tempore sanus fuit, malum est. Delirium enim, aut dolor circa ventrem significatur. Eius generis aphorismi multi ex Hippocratis prœdictionibus, prognosticis & coac. prædicti colligi, & huc referri possunt.

Prognostica.

1. Ipsum quidem delirium, per se magni momenti non est, sed ex causa omne periculum pendet. Ob quam nullum delirium tutum putat Galenus 6. aphor. 53.

2. Euentus tamen his prædicendus, quem febris & vires præfagiunt. Quò enim vires sunt debiliores, & febris vehementior, vel malignior, eo plus periculi metuendum. Si vires contra constent, & febris non sit periculosa, nec delirium aliquid periculi portendit.

3. Et delirium, quòd cum bonis signis coniungitur, minus metuendum est, quàm quòd cum malis: Et delirium intermittens, non vehemens, sed leue, præsertim quòd fit per accessiones, non lethale est.

4. Somnus in delirantibus bonum signum est, præcipuè si delirium sedet, vt Hippocrates 2. aphor. 2. docet. Contra deliria, quæ iam valdè debilitatis accidunt, exitiosa sunt, vt nullus ferè ex iis conualescat.

5. In principio quoque febris, quæ apparent deliria, & quæ sine signis coctionis accidunt, pessima sunt, & ad phrenitidem deducunt.

6. Mala signa cum deliriis apparentia mortem, lethalia verò iam imminens exitium minantur. Exitium nimirum portendunt deliria, si delirans non videat, non audiat, si oculi lucem subterfugiant, inuoluntariè lacrumantur, aut peruertantur, aut alter altero maior fiat, aut album oculi rubicundum euadat, si ægri obmutescant, vox fiat clangosa.

7. Tempus solutionis breue est: cum febris illæ non sint diuturnæ, sed breui vel ad salutem, vel ad mortem terminentur. Et quidem ad salutem terminatur delirium, si febris, quæ eius causa est, cesset, & critica euacuatio bona sequatur: ad interitum verò, si febris vel vires deiciat, vel ex delirio per consensum fit delirium per se, & homo phreniticus euadit. Si nimirum signis coctionis præcedentibus largior sequatur sanguinis euacuatio per nares, vel menstruas purgationes vel hæmorrhoides, aut sudores prorumpunt, nihil periculi habet delirium, sed è signis decretoriis vnum est. Si verò nulla euacuatio sequatur, vel parua,

parua ; vt sanguinis è naribus stillicidium , sudores capitis frigidi, & huiusmodi alia , lethale signum est delirium. De quibus passim exstant multi aphorismi apud Hippocratem in Coacis , pròrheticis & prognosticis , quorum aliquos etiam in Instit. l. 3. part. 3. c. 5. proposuimus.

Indicationes.

Quamprimum delirij aliqua suspiciò adest, videndum, ne illud incrementum sumat, & in phrenitidem degeneret. Itaque feruor humorum, qui vapores suppeditat, temperandus ; vapores ad caput adscendentes reuellendi, repellendi, intercipiendi, quique ad caput iam penetrauerunt, discutiendi.

*Delirij
simplicis
curatio.*

Auxilia.

Sanguinis feruorem temperant medicamenta, quæ alias febribus eiusmodi debentur.

Reuulsionis gratia instituendæ frictiones, ligaturæ, aut cucurbitulæ, etiam cum scarificatione, si opus sit, cruribus affigendæ. Et si hæc non sufficiant, & sectione venæ febris vehementiæ primò non sit satisfactum, ea, si vires ferant, repetenda, & vena Cephalica, aut quod commodius est, & si nondum vehementer materia caput obsedit, venæ in pedibus aperiendæ. Clystères quoque qui materiam à capite reuellant, infundendi. Imò si febris aliquam remissionem, vel intermissionem habeat, die quietis lenè purgās ex cassia, manna, tamarind. syrup. rosar. & violar. solut. vel rhabarbaro exhibendum. vesicatoria quoque cruribus, vel brachiis applicata ad reuellendam à capite vitia sunt. Profunt etiam pedum lotiones, & epithemata ac cataplasmata iis admota.

Vt 2℥. Fermenti acerrimi ʒ. iv. sapon. Veneti ʒ. j. sal. communis ʒ. j. R. aceti rosar. q. s. pro empastatione. F. cataplasma, quod linteis imponatur, plantisq; pedum admoueatur.

Dum hæc fiunt, simul refrigerantia, & adstringentia non nihil capiti adhibenda, quæ feruorem humorum temperant, eosque ad caput non admittunt : de quibus suprà cap. i. 7. 8. 9. part. i. dictum,

Et quia vigilæ plerunque cum delirio coniunguntur, hypnotica medicamenta, de quibus cap. i. suprà dictum,

tum internis refrigerantibus, tum repellentibus, quæ extrâ exhibentur, admiscenda.

Tandem ut etiam materia, quæ iam caput occupavit, euacuetur, vena in fronte aperiri potest, vel sub lingua, vel post aures. Repellentibus verò in morbi progressu admiscenda leniter discutientia, malua, chamæmel. melilot. betonte. aneth. sem. & mucilago lini, foenugræc. & ex his parata, ol. chamæmel. anethinum. In declinatione solum chamæmelum usurpari potest, vel unguentum alabastrinum. Prodest etiam tum columbas per medium dissectas calentes capiti apponere, vel pulmones arietis, aut agnorum calentes, aut in lacte, vel ol. chamæmel. calefactos capiti applicare & post remotionem horum caput aqua calente abluere. Ac quò malum magis ad declinationem tendit, eò magis horum usus insistere decet. Id tamen attendendum, ne nimium calidis medicamentis caput iterum incalasciat, ac vapores rursus à partibus inferioribus ad caput attrahantur.

De Paraphrenitide.

Deinde delirium tale, idque etiam cum febre coniunctum, oritur quandoque ex diaphragmatis inflammatione, quod recentiores nonnulli in specie paraphrenitidem appellant; cum alij hoc vocabulo omne delirium, quod accidit capite non primario affecto, comprehendant; utrique tamen, ut dictum, sine antiquorum exemplo, & auctoritate. Cum enim diaphragma nervosum sit in medio, habet magnam cum cerebro per nervos *συνπιθεται*, & ut Galenus hac de re scribit *lib. 5. de loc. affect. cap. 4.* (quo in loco cum expressè de hoc malo agat Galenus, merito vox paraphrenitidis occurrere deberet, si antiquis in usu fuisset) ab aliarum partium nulla perpetuum delirium præcedit, excepto solo septo transverso, à cuius inflammatione excitatum delirium, non multum differt à phrenitide, & continuo delirio, ut veteres putauerint hac parte inflammatione affecta homines phreniticos euadere, atque ob id *φρένας* appellarint, quasi *φρονέειν*, id est sapienti parti aliquid conferat.

Causa huius delirii, proxima cum sit inflammatio diaphragma

phragmatis, nihil de ea amplius hic addi potest: reliqua patebunt ex iis, quæ lib. 2. de pleuritide, & diaphragmatis inflammatione dicentur.

Signa Diagnostica.

Delirium hoc eadem ferè signa habet, quæ in Phrenitide apparent. Verùm distinguitur ab eo, vt Galenus *alleg. loc.* docet, & ex oculorum accidentibus, & sanguinis è naribus stillis, vt spirationis specie. Quippe phreniticorum respiratio magna est, & ex longis semper interuallis.

Contra vbi à septo transuerso delirium oritur, inæqualis, vt modo exigua sit, atque frequens, modo magna & cum angustia coniuncta. Nam incipiente septi transuersi inflammatione, priusquam delirent laborantes, exiguum ac frequentem reddunt spiritum; contra ab iis, qui ab affecto cerebro delirant, magna prodit, raraque spiratio. Sed frequenter ita confunduntur hæc signa, vt vix quicquam certitudinis habeant. Præterea vt eorum accidentium quæ Phrenitidem antecedere solent, quæque Galenus eodem loco proponit, aut nullum apparet, aut exiguum, ita sursum & intro reuelli hypochondrium, septi transuersi illico ab initio affecti proprium indicium est id quod affecto cerebro posterius accidit, non incipiente affectu, sed cum iam factus est. In primis verò Paraphrenitis ex eo cognoscitur, quod delirium iunctum est cum tussi & dolore lateris. Calor quoque circa caput, & faciei & oculorum rubedo maior est in iis, qui ob cerebri quam qui ob septi transuersi inflammationem delirant.

Prognosticum.

Delirii huius periculum æstimandum est ex vahementia morbi, & virium robore, & ex horum collatione salus vel mors prædicenda. de quibus etiam cap. seq. dicitur.

Curatio.

Curatio ad partem affectam in primis dirigenda, de qua lib. 2. dicitur; cum curata inflammatione diaphragmatis etiam hoc delirium cesset. Interim tamen materia à capite auertenda & repellenda, vt modo De Delirio simplici, & part. 1. capit. alleg. diximus

Temulē-
tia &
Ebrietas.

Sine febre verò deliriorum genera etiam aliquot sunt. Pertinet primo huc temulentia, vel ebrietas, à vino aliisque potibus & rebus inebriandi vim habentibus orta. Ut enim in febribus vapores calidi ex humore putrescente ad caput eleuantur, spiritusque turbant: ita etiam à ventriculo vino vel alio potu inebriante repleto, imò toto venoso genere, in quod spiritus eiusmodi penetrant, vapores calidi eleuantur; & Phantasiam ac Ratiocinationem turbant. Vnde Ebrietas rectè voluntaria insania appellatur cum Ebrij delirantibus similia agant, & loquantur: & ut deliria pro corporis dispositione, in quod incidunt, variare solent: ita & Ebriorum non eadem actiones, & mores sunt. Alij enim in hilaritatem nimiam, risum, cachinnos, cantilenas, & iocos se effundunt: alij tristes euadunt, & de rebus sacris, de morte faciunt verba, vel etiam lacrumantur; alij ad iram, rixas, contentiones, clamores, pugnasque concitantur, alij somno statim corripiuntur. De quo Horat. 3. Carm. Ode 21.

*O nata mecum Consule Manlio,
Seu tu querelas, siue geris iocos,
Seu rixam & insanos amores,
Seu facilem, pia testa, somnum.*

Habent autem vim ebrietatem inducendi pleraque Narcotica dicta, quorum vis antequam eo progressa est, ut soporem vel stuporem excitet, prius temulentiam, & delirij quoddam genus producit. Inter ea primum est vinum, & præcipuè eius spiritus, in quo vis illa vnita est. Idem tamen præstant & aliarum plantarum succi & spiritus. Cereuisia enim omnis seu triticea, seu hordeacea, seu auenacea vim inebriandi habet, partim à lupulo, partim à frumento, è quo spiritus ardens æque ac ex vino elici potest. Et spiritus omnes ex plantis parati, ut baccis & flor. sambuci, cerasis, rosis, inebriant, si copiosius sumantur. Inebriant quoque cannabis, lolij, pseudomelanthij, & hyoscyami semen, fructus fagi, cocculi de Leuante, cort. mandragor. opium, si cum vino fortissimo bibatur. Refert etiam Lobel. in observation. styrium pagin. 570. Fœminam Anglam grauidam esu

esu 10 & 12. nucum myristicarum ebriam delirasse. Et Matthiolus scribit, ambarum vino infusum temulentos efficere, quod & lignum aloes Indum in vino infusum sine nocumento præstat.

Turcas, cum in aciem prodire volunt, ut audaciores fiant, & furibundi quasi pericula minus metuant, opij 3. ſ. cum vino fumere scribit non solum Bellonius, sed & Proſp. Alpinus de Medic. Aegypt. lib. 4. cap. 2. refert, Turcas post opium sumptum hilares admodum euadere, multaque ac varia loqui, fortioresque ad quæque munera obeunda sibi videri, præterea subdormientes hortos, ac viridaria arboribus, herbis ac floribus variis perbelle ornata in somniis videre. Ita ex cannabe, quæ Turcis assis est, puluerem Turcas parare idem, eodem in loco, scribit, quo sumpto ebrij fiant. Refert & hoc, Aegyptios in usu habere quoddam electuarium, quod in India paratur, & Pernauī nominatur, cuius si 3. j. fumatur, homines primo hilares fiunt, multumque loquuntur, & canunt amatoria, multumque rident, aliaque deliramenta læta produnt, atque ea Amentia ferè per horæ spatium durat, postea statim iracundi fiunt, & in iram præcipitantur, in eoque statu parum persistunt; demum tristes fiunt, tantoque timore ac mœrore anguntur, ut continuo plorent, & lamententur; denique somno corripiuntur.

Quædam etiam capiti admota idem præstant, sicut Rondeletius refert quendam cum hyoscyami folia capiti applicuisset, ad insaniam redactum esse.

Signa Diagnostica.

Actionibus & moribus facile se produnt Ebrij: Ac si Narcotica medicamenta tale delirium excitauerunt, ex ægro vel adstantibus id cognoscitur.

Prognostica.

1. Ebrietas equidem ex potu vini, vel cereuisiæ contracta, post aliquot horas discutitur, præcipuè somno accedente & vomitu.

2. Si vero à veneno, vel medicamento Narcotico sit delirium, magis periculosum est. Imo etiam ex vino vel cereuisia ebrietas, si sæpius continuetur, memoriam & in-

genium debilitat, vt non sine caussa pestis, & mors memoriae appelletur, neruofum genus lædit, vnde tremor, Paralyfis, Apoplexia, Podagra excitatur, & quia etiam Epati nocet, sæpè hydropem inducit.

Præſeruatio ab Ebrietate,

Præſer- Si tamen iſtam bibendi neceſſitatem, quæ magno mor-
uatio ab talium malo, & Chriſtianismi damno, in Germaniam
ebrietate. præcipue inueſta eſt, quis effugere non poſſit, commen-
dantur amygdal. amar. 5. vel 6. aut 10. ante cibum ſump-
tæ, vt & nuclei perſicorum, quod quidem nonnulli putant
fieri, quod amaritudine humi-
ditates abſumant, ne ad ca-
put aſcendant: Verum probabilius eſt, vrinam ciendo
id præſtare. Commendatur & abſinthium in ventriculo
frigido, ſcribitque Arculanus ex propria experientia, ſi
quis abſinthij comas, aut etiam folia rutæ, mane ieiu-
ſtomacho edat, ab ebrietate defendi.

Vtilis etiam eſt contra ebrietatem braſſica, vt & ſemen
ipſius in cibo ſumptum, vt & folia eius capiti impoſita;
verbenaca recta, lac item ieiu-
ſtomacho bibitum. Com-
mendatur & rad. betonic. Nonnulli hunc puluerem laudat:

℥. Sem. caulium 3. j. coriandr. 3. ſ. camphor. ʒ. ij. fiat
pulis. Vel paretur tale electuarium:

℥. Conſeru. roſar. rubrar. rob. ribes, berberis, an. 3. ſ.
amygdal. amar. contuſar. num. xij. ſemen. caulium 3. ij. coriandr.
prepar. 3. j. cum ſyrupo granator. fiat electuarium.

S Y R V P V S

℥. Succ. caulium albor. vini granator. ſucci ribes, an. 3. ij.
aceti 3. j. ſacchari q. ſ. Coquantur ad Iulepi conſiſtentiam.

Vel ℥. Syrup. acetofiſat. citri & aq. q. ſ. fiat iulepus.

Extra comendatur fol. hederae capiti impoſita, vnde an-
tiqui in conuiuiis coronis ex hedera caput cingebant, vel
ſuccus illius capiti inuſtus, vt & lapis Amethiſtus geſtatus.

Qui Ebrietatem etiam præcauere cupit, non ieiuus vel
ſtatim in prima menſa ἀπόας bibat, ſed tardè, & vbi ſatis
comedit.

Curatio.

Iam verò ebrios vt ab ebrietate citò liberentur, inuat
vomitus, ſi vinum adhuc crudum ex parte in ventriculo
conſi

consistat, qui etiam si opus, medicamentis prouocandus :
 & si acida in fine mensæ exhibeantur, acetumque aqua di-
 lutum, vel solum etiam haustum, quod Ebrietatis & vene- Nota.
 norum Narcoticorum ac furiosorum est Antidotus; prunæ
 acida, pruna, cydonia, comesta, eorumque succus haustus,
 lac acidum, lactuca item & brassica.

Vel *Aq. fontis* lb. ℞. *aceti vini* ℥. iij. *syrup. acetosilat. citri*,
 vel *oxysacchar. simpl.* ℥. j. ℞. *syrup. violar.* ℥. ℞. Misce pro Iu-
 lepo. Vel etiam haustus Aquæ frigidæ propinetur ad va-
 pores supprimendos & vini feruorem restiguendum.

Extrâ Oxyrrhodina capiti applicentur, & camphora, ac
 santali odoranda exhibeantur. Postea etiam pedes fricen-
 tur vel aquæ calidæ immergantur. Vtilis est & sudor, si
 erumpat.

Maximè verò ad abigendam Ebrietatem somnus facit.

Pertinet huc & illud delirium, quod Græci etiam
 παραφρεσίν & λήρον nominant, quod ab imbecillitate facul- παραφρε-
σιν.
 tatis principis oritur, ob immoderatum sanguinis pro-
 fluxum, vel diuturnas Vigiliæ, nonnunquam ob ictum
 capitis, quo spiritus Animales perturbantur. Atque
 istud delirium ex suis causis cognoscitur, & iis amotis
 tollitur.

Referenda & huc stultitia, in qua facultates principes
 non solum imminutæ, sed & deprauatæ sunt. Quæ non-
 nullis à primo ortu impressa est, aliis post ortum etiam
 contrahitur. Et quidem pendet istud malum proximè à
 spiritus Cerebro insiti vitio, ut & interdum à Cerebri, &
 capitis conformatione praua, quam cum nec satis expli-
 care, nec emendare possibile sit, de ea amplius nihil ad-
 dimus.

Q V Æ S T I O.

Quid sit Maslach Turcarum.

Vt hoc loco obiter quasi de Maslach Turcarum, cuius *Maslach*
 supra facta est mentio, aliquid inferamus, communis *Turcarum*
 hætenus fuit opinio, Maslach, ut ex Scaligero, *Exercitat. quid.*
 175. sect. 1. Vviero *lib. 3. de prestigiis demonum cap. 18.* & aliis
 videre est, ex opio parari. Etsi enim nomen Maslach non
 apud omnes occurrat, rem tamen ipsam satis autores omnes
 descri-

describunt. Sunt tamen hodie, qui id negant, adducti auctoritate Leonard. Turnheuseri, qui sui *herbarij lib. I. cap. 29.* ex ceruariæ succo Maflach parari scribit, idque ex secreta Turcatum relatione sibi cognitum fuisse refert. Etsi verò apud nos non sit in usu Maflach: tamen ut etiam hac in re veritatem rescirem, scripsi eo nomine Patauium ad virum Clariss. Dn. D. Daniele in Bucretium, Ciuem & amicū meum, eumque rogavi, ut Venetiis apud Turcas, vel alios, quos huius rei notitiam habere putaret, hac de re inquireret. Percontatus ergo ille est primo hac de re Dn. Ioan. Baptistam Syluagium, Genuensem, Reipublicæ Venetæ apud Turcarum Imperatorem Interpretem, peritissimum linguarum & morum gentium orientalium. Is hoc primo negauit, Turcas prælium inituros tale quid, quo animosiores se morti opponant, deuorare: Imò grauissimè prohibitum esse, ne quis prælium accessurus, quicquam earum rerum, vel degustet, quæ mentem quocumque modo turbare queant. Id autem, quod animum præliaturis addit, prædestinationem esse, quam de vita & morte hominis ab æterno factam esse à Deo credunt. Vbi enim dimicandum est, Imperatores vel Duces belli suos quisque adhortatur, se præstent strenuos, memores se pro Deo sanctæque fide maiorum pugnare, & si quod periculum impendeat, se immunes nihilominus à morte futuros esse, si ita æterno Numini visum fuerit: Sin aliquid secius fortè contingat, iam iam martyres se sciant esse, quibus coelum apertum sit. Deinde Maflach quod attinet, idem retulit, habere Turcas medicamenta quædam, quibus frequenter vtuntur, quæ primum hilares reddunt, at mox, præsertim si copia peccatum sit, insanos, inde in somnum coniiciunt, quo variæ rerum iucundissimarum imagines omnino repræsentantur. Et quidem talia præcipuè duo habere, quorum primum patrio sermone Afion dicitur: alterum Bôngelic. Et Afion nihil aliud esse quam opium nostrum, quod iter facientes assument, ut hilarius tempus perdant, fessique redeuntes suauius dormiant. Aiunt enim post eius vsum sibi somnia iucunda obuii & chòreas pulcherrimarum virginum sibi videri.

Scalig. in
exercit.
scribit
Amphiā.

videri. At si sæpius id fumant, insensati quasi redduntur, minusque, vt antea, animo semper valent. Quin etiam si assuescant huius vsui, fieri quam sæpissime solet, vt qua hora fumere consueuerant, nisi eadem sollicitè repetant, iam malè se habeant, ac si consuetudo fuerit vetustior, in animi deliquium cadant. Tristes fiunt toto vitæ tempore & ad omnia animi officia inhabiles redduntur, nec redire ad vllam hilaritatem queunt, nisi fucata sit & arte vsuque opij parata. Quæ causa est, cur ij, qui animo ferè nobiliori præditi & ad res gerendas nati, tanquam rem infamem & impiam exsecrentur, sicque inter plebeios tantum, vilesque animos locum inueniant. Bónge lic autem electuarium est ex melle paratum, foliis & semine cannabis puluerisati, quod in maximo vsu & frequentiore adeo, quam opium habent, cum languentem ventriculi vim ipsis colligere videatur. Coniicit tamen & hoc in eadem homines pericula, cum delirantes reddat, & si somnum capiant, (quem conciliat similiter) gigantes pugnare sibi videantur, ignesque & ciuitates ardentes. Cæterû idem Dn. D. Bucretius, vt ab aliis etiam in veritatem inquireret, cum Venetiis manè in coronâ Turcarum circa mèsam cuiusdâ foeminæ stantem incideret, videretque ipsos aquam quandam potitare (quam vendebat hæc) feruentissimam, vt non nisi guttulam semper deglutirent, atque ex ipsis, quid esset, quæreretur, responderunt, decoctum esse feminis cuiusdam, quod Caphe vocant, allati ex Arabia Felice, quod bibunt matutinis horis, vt nostri aquam vitæ. Tandem cum etiam incideret in Dn. Poterium, ex scriptis Chymicis notum, atque ipsum de Masslach percontaretur, retulit hic, se multa iuuenè de eodem indagasse, ac tandem à pluribus Turcis edoctum esse, nihil quam opium nomine vocari. Cui cum Dn. D. Bucretius auctoritatem Turnheuseri, cui fidem facit, tot circumstantiis, quas affert, obiiceret, ille se parvipendere hominis istius fidem respondit, à quo nunquam non credulus fuerit delusus. Ex quibus omnibus patet, etsi vox Masslach non omnibus nota nec vbique obuia sit, tamen medicamentum quod eo nomine circumfertur, ex opio esse. Et cum de hac re sit vnanimis consensus, non

tantum

tantum Turcarum, sed & Christianorum, qui nihil aliud pro Maslac, quod in Turcia emerunt, quam opium monstrant: non video, cur eum deferere, & Turnheusero assentiri potius debeamus, qui tamen in aliis rebus multis fidem suam suspectam reddidit. Si qui tamen hac de re certiora (nam fides hic penes experientiam est) cognita & perspecta habet, ut veritas patefiat, ea in publicum conferat.



C A P V T VII.

De Phrenitide.

PHRENITIS; Græcis *ἀπὸ τῆς φρενὸς* dicitur, quo *φρενὸς* vocabulo, ut Galen. I. *prophet. t. 4.* docet *ῥῆς* seu *Ἀφροία* propriè significatur, significatque (ut pleuritis, nephritis) inflammationem, ob quam Ratiocinatio læditur, & delirium excitatur. Et cum diaphragmate inflammato mens etiam turbetur, factum est, ut à Platone, & veteribus aliis *τῆς φρενὸς* appellatio (Latini tum præcordia vertunt) diaphragmati tributa sit; quod huius etiam constitutio ad mentem aliquid facere videatur: verum cum diaphragma ad mentem non pertineat, sed per accidens delirium illud contingat, verè ac propriè dicta Phrenitis sit tantum cerebri membranarum primariò affectis; Et propriè membranarum cerebri affectio sit Phrenitis. Aliquando tamen etiam deliria symptomatica febrium ardentium deliria dicuntur.

Phrenitis dupliciter consideratur. Affectio autem hæc dupliciter considerari, ut & definiri potest, vel ut morbus, inflammatio scilicet membranarum cerebri, qua ratione supra *part. I. cap. 27.* considerata fuit; vel ut symptoma, seu deprauata actio facultatum principum, qua ratione hic consideranda venit.

Phrenidis quid. Atque hoc modo considerata Phrenitis est delirium perpetuum & continuum, seu principum functionum cerebri, imaginationis scilicet & Ratiocinationis deprauatio, ab inflammatione membranarum cerebri orta cum febre

febre continua; Aut potius delirium dependens ab intemperie calida cerebri cum materia, eaque ab inflammatione membranarum cerebri proueniente, ut postea de causis dicetur.

Ut enim in aliis deliriis, ita & hic Phantasia, & Ratiocinatio suum officium non faciunt, sed in iudicandis rebus aberrant, nec verum à falso, bonum à malo, turpe ab honesto, congruum ab absurdo, & quod nec loco, nec temporis conuenit, distinguere valent, & ob causæ rationem omnia cum contentione, rixa & furore agunt.

*Quanam
faculta-
tes lædā-
tur in
Phreni-
tide.*

Interdum tamen sola imaginatio, Ratiocinatione salua, interdum vtraque functio deprauatur. Dum imaginatio sola afficitur, res absurda, & non cohærentes offeruntur, ac ea, quæ nullo modo adsunt, præsentia putantur: cætera rectè iudicant. Id quod Theophilo Medico contigit, ut Galenus *de differ. sympt. cap. 3.* refert, qui cum tubicines angulum domus, ubi decumbebat, occupasse, affidueque sonare, tum pulsare putabat, in eo imaginationem deprauatam habebat: quod verò eos, ut sibi molestos, & quietem turbantes domo eiicere iubebat, & in cæteris omnia prudenter agebat, & loquebatur, atque ubi conualuit, quæ quisque adstantium dixisset, fecissetve, narrare poterat, & imaginationis illius deprauatæ de tibicinibus recordabatur, in eo Ratiocinatio & memoria salua erant. Alius, ut *itidem* Galenus refert, qui occlusis foribus singula vasa promens, & per fenestram transeuntibus monstrans, ac nominans, & an ea proiicere iuberent, interrogans, eaque ab alto proiiciens, Phantasiam & Memoriam eatenus salua habebat, dum vasa omnia agnosceret, & nomina eorum recitaret: verum dum ea ex alto proiecit, Rationem saluam non fuisse, ipso facto demonstrauit. Plerumque tamen & Phantasia, & Imaginatione simul deprauantur.

Eustach. Rhudius quidem hanc doctrinam impugnat, An læsa statuitque fieri non posse, ut ratione salua, & illæsa permanente, sola imaginatio possit lædi, idque ea de causa, quia speculantem & intelligentem oporteat circa phantasmata versari, ideoque si à phantasia deprauata, Ratiocinatrici

*An læsa
phanta-
sia Ratio
salua
permane-
re possit.*

cinatrici potentia absurda phantasmata offeruntur, necesse esse, vt intellectus ea praua phantasmata specularando prauè quoque & absurdè speculetur.

Verum enim verò etsi hoc verum sit, intellectum circa phantasmata versari: tamen ad intellectum non transmittuntur species materiales, vt à sensibus exterioribus transferuntur ad sensum communem, & hinc ad phantasiam; cum intellectus specierum sensibilium non sit capax, neque organum corporeum habeat, sed intellectus agens phantasmata illustret, eaque à conditionibus materialibus liberet, & speciem intelligibilem efformet, vt de his pluribus Philosophi docent. Præterea intellectus de vno ad aliud discurrit, & circa species memoria retentas etiam occupatur. Ideoque etsi Phantasia aliquid absurdi menti offerat: tamen si species antea perceptæ in memoria adhuc retineantur & Rationi offerantur, inde errorem illum & deprauationem Phantasie cognoscere, & corrigere potest, si nimirum animaduertit, neque loco, neque tempori, neque aliis circumstantiis, quas adhuc rectè memoria habet, & vera esse scit, absurda illa phantasmata, quæ ab imaginatione deprauata offeruntur conuenire. Vnde rectè Aretiacus lib. 1. de causis & signis morbi diuturni. cap. 5. scribit, in Melancholia in re vna aliqua esse lapsum, constante in reliquis iudicio.

Memoria etiam in Phreniticis sæpe læditur, seu aboletur, cum ægri, etsi sitiant, bibere, & lotium vrgeat mingere obliuiscantur.

Causæ.

Causæ
Phreni-
tidis ce-
rebri me-
branarum
inflammatio.

Causa huius mali proxima est membranarum cerebri inflammatio, cum sanguis biliosus è vasis suis effusus membranas cerebri occupat, ibique putrescit, & accenditur; aut potius intemperies cerebri & spirituum calida à membranarum cerebri inflammatione proueniens. Neque enim, vt postea in quæstione dicetur, inflammatio cerebri, quatenus talis, delirium hoc excitat; sed tunc demum, vbi calida illa intemperies cerebro & spiritibus eius comunicatur. Imò obseruatum, cerebrum inflammatum fuisse sine delirio. In hoc enim delirio membranæ cerebrum ambientes, vt per

quas

quas vasa sanguinem continentia transeunt præcipuè inflammantur. Vix tamen fieri potest, quin cerebrum ita vicinum etiam non incalescat; imò aliquando, præcipuè eius externa pars, simul inflammetur. Vnde & spiritus insitus, & qui in cerebro generatur ac continetur, incalescit, & nimis mobilis redditur, varietque agitur, atque inde delirium continuum excitatur. etsi enim etiam in aliis febribus deliria accidant, de quibus capite præcedente dictum: tamen quia illa saltem per consensum fiunt, vaporibus biliosis ad caput, siue ex aliqua parte, siue toto elatis, deliria illa non sunt continua, nec tam vehementia & ferocia, vt in phrenitide, vbi materia ipsum cerebrum occupauit.

Qua ratione autem cerebri & eius membranarum inflammatio generetur, & quas causas habeat, dictum est *Cerebri inflammatio quomodo & unde fiat.* supra *part. 1. cap. 27.* vt de eo hîc addere nihil opus sit. Imò cum phrenitis nihil aliud sit, quam cerebri membranarum inflammatio, nihil ferè amplius hîc addere opus esset, sed omnia, quæ de phrenitide dicenda sunt, ex loco alleg. peti possent: pauca tamen adhuc addere libet, præcipuè ea quæ huic affectioni ratione delirij sunt propria, & dicentur etiam quædam postea *in questione.*

Differentiæ.

Primò pro causarum varietate etiam delirium hoc variat. Mitius est & cum risu, ac leui in somnum propensione, quod fit à sanguine puro; quod tamen rarius accidit, & diu non durat; cum ex sanguine inflammato facillè bilis, aut atra bilis fiat: sæuius si pallida bilis admisceatur: adhuc sæuius & cum pertinacissimis vigiliis, si flaua bilis admisceatur, quæ si aduri incipiat, sæuissimum delirium excitat. Variatur etiam phrenitidis magnitudo pro causarum vehementia, ita vt nunc sola imaginatio, nunc quoque ratiocinatio, imo quandoque memoria lædatur.

Deinde ratione loci affecti. Etsi enim solum cerebri membranæ inflammatio, quod malum Arabes Charabintum, & Sirsen calidam nominant; ad phrenitidem constituendam sufficit: tamen interdum inflammatio ipsum cerebrum simul corripit, quod malum fibare ab Arabibus

appellatur. Et quidem cum sanguis, ac humor biliosus nondum per totam cerebri substantiam diffusus est, sed in membranarum meatibus adhuc hæret, phrenitis *ὑπὸ βλάβει* seu tumultuosa appellatur: si verò in ipsâ cerebri substantiam humor imbibatur, hæctica phrenitis est, quam Hippocrates *ἀσπασμένη*, obscurâ & mitè nominat, quod ægri quiescunt, neque loquuntur, neque se movent & dormire videntur, vt ex 1. *prorhet.* 1. 33. videre est.

Signa Diagnostica.

*Signa
phreniti-
dis immi-
nentis.*

Vtile est autem etiam signa imminētis phrenitidis cognita habere, vt ei maturè occurratur. Proponuntur verò à Galeno 5. *de locis affectis capite* 4. & 1. *prorhet.* 5. & sunt hæc: Vrgent vigiliæ, aut somnus est interruptus, & molestis somniis horrendis perturbatus, somniaque sunt conspicua; quidam dormientes vociferantur; alij è lecto exsiliunt; incipiunt delirare, etsi delirium non sit continuum, sed præcipuè circa accessiones, & acerbationes vrgeat, in facie & oculis præcipuè apparet rubedo, in auribus percipitur sibilus, sonitus, strepitus, tinnitus; res oblata visui geminæ videntur, lacrumæ ex oculis erumpunt, oculi inordinatè moventur, ægri se variè iactant, & movent, frequenter exscreant sine necessitate; urinæ extinctis albæ, & crudæ apparent, humore bilioso caput petente: præterea ægri eorum, quæ dicuntur, obliuiscuntur, respondent cum iracundia; ac vbi iam iam Phrenitis præstò est, ægri fixis & toruis oculis homines, qui ad eos accedunt, intuentur.

*Signa
phreniti-
dis præ-
sentis.*

Signa verò præsentis iam phrenitidis ex iis, quæ de inflammatione cerebri, ac membranarum eius loco alleg. dicta sunt, satis patent, vbi signa pathognomonica inflammationis cerebri, seu phrenitidis esse diximus, febrem continuam, delirium perpetuum, & vigilias pertinaces. Duo hîc saltem addimus, primò Galenum de signis illius phrenitidis, quæ à cerebri inflammatione prouenit, & Arabibus Sibare nominatur, ipsi verò phrenitis hæctica est, prolixè agere, in 1. *prorhet. comm.* 1. 1. 33. vbi docet, non solum illos phreniticos dicendos, qui exclamant, vel exsiliunt, sed & eos, qui quieti iacent, & prorsus non loquuntur,

tur, neque frequenter decubitus mutant, sapiusque famulantibus præbent opinionem, quod mox, si quod fiat silentium, dormituri sint, & cætera, quæ ibi videantur.

Deinde ex signis Pathognomicis supra præpositis, febri continua, delirio perpetuo, & vigiliis facile phrenitis ab omnibus cognatis affectibus discerni potest. Febre enim differt à melancholicorum delirio; vigiliis, à lethargo; delirio perpetuo, & æquali, ab aliis deliriis, in quibus caput non primario, sed per consensum afficitur; præterquam cum consensu diaphragmatis laborat. Verum hoc delirij genus aliis signis à phrenitide differt. Respiratio enim in delirio ex septi transversæ inflammatione est parva, & frequens; in phrenitide magna & rara, & in Phrenitide caput, ac frons magis calent, oculi rubent, neque statim hypochondria sursum reuolluntur, ut in diaphragmatis inflammatione, sicut cap. præced. dictum. Ad dimus & hoc, flauam bilem sæpe in atram degenerare, cuius conuersionis signa sunt, animi ferocia, cum scilicet æger clamat, alios verberibus & moribus impetit, & familiares pro hostibus habet.

Phrenitis à cognatis affectibus dignoscenda ratio.

Prognostica.

Prognostica de inflammatione cerebri, & membranarum eius, suprà *part. I. cap. 27.* proposita, omnia etiam hic locum habent, cum phrenitidis causa proxima sit inflammatio cerebri, & proinde reipsa non differant. Ut breuiter illa contrahamus, euentus ex morbi magnitudine, & virium robore æstimandus est. Si enim vires sint languidæ, ut neque solæ neque præsidij artis adiutæ morbo sustinendo & vincendo pares sint, morbus verò sit vehemens, id quod hic non solum ob præstantiam partis accidit, sed etiam à symptomatum vehementia colligitur, morbus lethalis est. Ideoque cum hic pars nobilis afficiatur, & ob id omnis phrenitis periculosa sit, si accedat conuulsiones linguæ & neruorum partium, ἀσπνία, singultus, dentium stridor, vox clangosa, & tremula, tremor membrorum, urinae & fecum inuoluntaria & inscia deiectio, & similia suprà enumerata, phrenitidem lethalem significant. Si verò hæc symptomata, vel pleraque ipsorum absint, & vi-

res sint validæ, de salute adhuc spes est. Vide etiam Fore-
stum *lib. 10. obseru. 3. in scholio.*

*Phrenitis
in lethar-
gum vel
coma
mutatur.*

Vnum saltem iis addimus: phrenitis si vertatur in le-
thargum, aut coma, non bonum: non tam, quia materia bi-
liosa, consumpta pituitosa putredine, accenditur, vt nonnul-
lis videtur, quam quia ipsa cerebri substantia corrumpi &
labefactari incipit. Vnde & phrenitis hectica praua est 1.
prophet. com. 1. t. 32. Et quauis hectica phrenitis videatur esse
mitior, nec dolor capitis sit in ea ita magnus, nec delirium
tam vehemens, sed ita blandum, vt æger delirare vix videat-
ur: tamen fucata ista mansuetudine Medicus non decipia-
tur, sed potius mortem proximam esse colligat. Etenim qui-
bus cerebrum Sphacelo correptum est, substantia cerebri
ob inflammationis magnitudinem ita corrupta, vt iam
emori incipiant, ij intra 3. dies moriuntur. 7. *aphor. 50.*

Curatio.

Cum phrenitis ab inflammatione cerebri & membrana-
rum eius, vt proxima causa dependeat, & ea posita excite-
tur, sublata cesset: nihil aliud de curatione phrenitidis dici
potest, quam quod supra, *loc. alleg. de curat. inflammat. cerebri
ac membranarum eius* dictum. Et præcipue venæ sectio hic
necessaria est. Notat quidem Arculanus, vnum saltem ca-
sum occurrere, in quo non competat venæ sectio: quando
scilicet phrenitis pendet à sola bile, nullo sanguini permix-
ta. Verum cum phrenitis sit inflammatio, impossibile est, vt
sine sanguine fiat.

*Vigiliis
in phre-
nitide
quomodo
meden-
dum.*

Duo saltem hic addimus, primò quia in phrenitide vigi-
liæ vrgent, & maximum negotium facessunt; vt pote quæ
attrahendo humores ad caput, & id calefaciendo phreniti-
dem augment, imò excitare valent; deliriumque præterea sit
perpetuum: ad somnum conciliandum, & delirium sedan-
dum hypnoticis hic plurimum indigemus, imò ad narco-
tica quandoque deueniendum; de quibus supra *c. 1. de vi-
giliis nimis* dictum. Ideoque è medicamentis Internis, quæ
ad temperandum humorum feruorem exhibentur, ea eli-
genda, quæ simul somnum conciliant, vt lactuca, violæ;
Ex qui- bus fiat nymphæa, papauer. Multum hic prodest Electuarium illud,
diacodiū. quod ex sem. papau. & sacch. conficitur, & Græcis Diaco-
dium

dium appellatur, quod non solum calidos & acres vapores & humores temperat, sed & somnum egregie conciliat.

Extra mox ab initio repellentibus misceantur hypnotica, vel seorsim adhibeantur. Exempl. gratia.

℥. Fol. lactuc. sativis, vitis, an. M. j. & flor. nymph. rosar. rub. violar. an. M. j. summit. anethi M. ss. capit. papav. alb. cum sem. num. xv. Coq. in ss. q. aqu. ad tertias.

Colatura tepida capiti cum spongia applicetur, & eadem extrema abluantur. Si \mathfrak{z} . ss. vel \mathfrak{z} . j. rad. mandrag. addatur, efficacius erit. Neque solum caput, sed & pedes ac manus laudanda ad refrigerationem, reuulsionem & somni conciliationem.

Harum lotionum capitis usum Hippocrates & Galenus probant in delirio cum vigiliis, etiam ubi sanguis e naribus profluit, minus tamen profluit, quam oportebat; de quo in 1. Epid. comm. 3. aphor. 24. seu ægrot. 7. A lotionem inungatur frons, tempora & pulsus hoc vel simili linimento.

℥. Unguent. rosar. popul. ol. violar. de nymph. an. \mathfrak{z} . ij. opij, ol. nuc. mosch. express. an. \mathfrak{g} . iij. M. Oxyrrhodinis etiam, & illitionibus addantur aqu. lactuc. papav. nymph. ol. papav. nymph. mandrag. Plurimum prodest in vigiliis ex hac causa si caput inungatur ol. violar. frigido, & oxyrrhodinum superponatur. Et reliqua supra proposita c. i. usurpentur.

Postea & hic clyster iniici.

℥. Maluæ, viol. lactuc. parietar. an. M. j. summit. aneth. M. ss. capit. papav. num. vj. bordei M. ss. Coq. in aqu. f.

Colat. *℥. lb. j. ol. violar. \mathfrak{z} . iij. sacchar. alb. \mathfrak{z} . j. F. clyster.*

Vel *℥. Malu. mercur. lactuc. scariol. an. M. j. nenupb. viol. an. M. j. ss. prun. Vngar. N. x. furfur. macri M. j. Coq. in aq. hord.*

Colat. *℥. \mathfrak{z} . xij. Dissolu. Cass. rec. extr. \mathfrak{z} . ss. diapr. f. aut pul. tamar. \mathfrak{z} . ij. Vel Elect. de succ. rosar. \mathfrak{z} . j. ss. tripher. Persic. \mathfrak{z} . iv. ol. viol. \mathfrak{z} . iij. vitel. oniz N. j. sacch. rubr. \mathfrak{z} . ss. salis \mathfrak{z} . j. M. F. Enema.*

Bilis etiam feruorem restinguentia exhibenda.

Ut *℥. Pulp. tamar. \mathfrak{z} . ij. rad. cichor. sativ. condit. \mathfrak{z} . ss. lact. Ital. cond. pulu. citri condit. an. \mathfrak{z} . iij. conferv. flor. nymph. rosar. incarn. bugloss. an. \mathfrak{z} . v. acetosel. \mathfrak{z} . ss. spec. diamarg. frigida. \mathfrak{z} . ss. fragment. lapid. pretios. an. \mathfrak{z} . j. coral. rubr. prepar. \mathfrak{z} . j. Cum syr. conferv. citri q. s. F. condit. Superbibatur aq. bord. aut vin. Cydon.*

aut aq. flor. nymph. endiu.

Si calor cordi communicetur.

℞ Aq. rosar. ℥. iv. viol. ℥. ij. bugloss. borrag. an. ℥. j. ℞. acetos. ℥. ij. acet. vin. alb. ℥. ℞. pulu. spod. ℥. ℞. seric. cocco tinct. crud. ℥. j. ossis de cord. c. ℥. ℞. ligni aloes ℥. j. santal. omnium an. ℥. ij. croci ḡ. viij. camph. ḡ. vj. M. F. Epithema ad sinistram mammillam applicetur cum panno charmesino, quod lixiuio semel atque iterum elotum est. Inter epulandum remoueat.

Hepatis regioni sequens apponatur Epithema.

℞ Aqu. lactuc. ℥. ij. rosarum ℥. iij. endiu. acetos. an. ℥. ij. absinth. ℥. ℞. acet. vin. alb. odorifer. an. ℥. ℞. santal. alb. rubr. spodij, an. ℥. j. camphor. ḡ. v. spic. ḡ. iv. specier. diarrhod. abbat. ℥. Misce. Applicetur tepidum cum petia lintea.

Sunt qui genitales etiam partes refrigerant.

Vt ℞. Vini alb. ℥. i. aq. rosarum ℔. ℞. santal. rub. ℥. ℞. M. His foue testiculos.

Opiata cautè omninò, & circumspèctè vsurpentur, vt ibid. dictum, ne phrenitis in venterum mutetur, & ab iis abstinendum, si vires sint imbecilliores. Etsi enim, si mitioribus remediis febris ac delirium non sedetur, res plena periculi sit: tamen salus ab Opiatis sperari non potest, sed spes in angusto est, quia aut vires iam succumbunt, aut abscessus metuendus est, cuius maturationi cerebrum sufficere non poterit. Vbi tamen necessitas id postulat, laudanum opiatum exhiberi potest, vt suprà cap. i. dictum. Aut, quod tutius est, clysteribus permisceatur.

*Vrina
suppres-
sioni quo-
modo oc-
curren-
dum.*

Deinde quia contingit vrinam quandoque suppressi in hoc morbo, siue quod sponte illa subsistat, siue, quod credibilius, quod ægri eam reddere negligunt, vnde partes illæ distenduntur, & tandem inflammatione corripiuntur, quæ vel sola ægro interitum asferre potest: itaque tum ægri ad vrinam reddendam sæpiùs incitandi sunt, ac pubes & perinæum fouendum emollientibus, ac laxantibus, & vrinam prouocantibus, (à calidis tamen abstinendum,) decoct. fol. pariet. malu. petrosel. & similibus, aut

inungenda illa loca ol. amygdal. dulc. scorpion. vnguento dialthææ, vel pinguedine cuniculi, aut Cataplasma fiat ex parietaria cocta cum ol. scorpion & amygdal. dulci.

Reliqua, vt dictum; ex *part. 1. cap. 27.* petantur. Hoc saltē adhuc addimus. Si febrilis feruor & sitis vrgeat, syrupi modicē adstringentes, veluti sunt syr. de succo granat. de succo ribes, de succo berber. limonum, citri, exhibeantur. vel præparetur sequens Iulepus.

℞. Aqu. nymph. ℥. iij. rosar. bugloss. an. ℥. vj. syrup. de succ. ribes ℥. ij. spir. ☉. ℥. ℞. Misce.

Vel ℞. Aq. fontan. puriss. ℔. ij. trifoli acetosi, papauer. errat. an. ℔. ℞. spir. ☉. 3. j. vel q. s. ad gratum saporem: adde flor violar. borragin. nymph. an. 3. j. santali rub. limati 3. ij.

Stent in infusione per aliquot horas, postea filtrentur per chartam emporeticam; tinctura, quæ rubicundissima erit, edulcoretur saccharo albo q. s. vel syrup. ace. osit. citri.

Cordi quoque & pulsibus Epithemata applicentur refrigerantia & confortantia, de quibus in doctrina de febribus dictum. Testibus etiam nonnulli epithemata adhibent refrigerantia, vt pote spongiam marinam in aqua rosar. madefactam, cui penetrationis gratia acetum admiscant.

Ad odorandum etiam præbent aq. rosar. camphoratam.

Chymici nonnulli commendant, 1. spir. terræ sigillatæ, per se, sine vlllo additamento, destillatum, flauum & acidum, cuius 3. j. intra exhibent, in cuius locum & alij substituant coagulum ☉. j. seu spir. ☉. j. coagulatum. Commendant etiam magisterium seu quintam essentiam margaritarum, tincturam corallorum.

Diatæ.

Diatæ etiam ratio ea obseruetur, quæ supra de inflammatione cerebri & membranarum eius proposita est.

Ob delirium hoc saltē addimus, quæri à Medicis, *An in luce vel tenebris declinendū sunt Phrenitici.* vt *utrum æger in luce, vel tenebris habendus sit.* De eo Celsi sententiam adferimus, qui *lib. 3. cap. 19.* sic scribit: Antiqui tales ægros in tenebris habebant, quas ad quietē etiam conferre iudicabant: at Asclepiades, tanquam tenebris ipsos

fos terrentibus in lucē habendos esse dixit. Neutrum tamen perpetuum est. Optimum itaque est, vtrumque experiri, & habere eum, qui tenebras horret, in luce, eum qui lucem, in tenebris. At vbi nullum tale discrimen est, æger, si vires habet, loco lucido, si non habet, obscuro continendus: Hæc Celsus. Aliqua enim naturarum diuersitas hic occurrit, atque alios plus tenebræ, alios plus lux turbat. Et nonnulli dum in aëre sublucido versantur, multa quæ non sunt, se videre imaginantur, alia pro aliis agnoscunt, & varias imagines ab obiectis concipiunt. Ideoque tum non solum omnes picturæ è cubiculo amouendæ, cum eiusmodi colorum varietas occasionem præbeat, vt multa falsa imaginentur ægri, sed & æger in loco obscuro continendus. Contra si æger tenebras horreat & pertimescat, in luce continendus. Vt æger in quiete detineatur, etiam turba ab eo arceatur, adstantesque sint pauci, prudentes; & ægro familiares, æ grati: absint vero, quos ægri odio habent.

Musica quoque suauis interdum demulcendus æger: custodiendus etiā diligenter, ne damni aliquid vel sibi vel aliis inferat, & nisi admonitionibus, ac obiurgationibus quietus contineri possit vinculis coercendus. Somnus omnibus modis concilietur, cum nihil Phreniticis tam vtile sit, quam somnus, & somno deliria mitescant, ægrique conualescant.

Q V Æ S T I O.

An cerebrum, an vero membrana eius in phrenitide inflammantur.

An in inflammatione membranarum cerebri semper adsit delirium.

Vt in iis, quæ supra, part. I. cap. 27. & hoc ipso capite dicta sunt, nihil dubij, quantum possibile, relinquamus, explicandæ omnino videntur sequentes duæ controuersix, quæ à nonnullis mouentur. Primò, an omnis inflammatio membranarum cerebri delirium afferat; deinde an phrenitis fiat solum ab inflammatione membranarum cerebri, an vero etiam ab ipsius cerebri substantiæ inflammatione. De priore vt dubitarent nonnulli, ipsis occasionem præbuit Hippocrates, qui 5. Epidem. t. 47. recensens historiam Nerei filix, quæ membranarum cerebri inflam-

matione, ex percussione laborasse putabatur, nullam delirii mentionem facit, quod tamen in similibus casibus non omittere solet; Et *lib. 3. sect. 1. agrotat. 3.* referens historiam ægri, qui in Dealcis orto decumbebat, qui Phrenitide laborauit, nec tamen continuò delirauit. Et in *Commentar. in locum 5. Epidem.* refert Franciscus Vallesius, se vidisse in capitis fracturis, membranas, præcipuè duram inflammari conspicuè atque adeo suppurari, postea & frustatim extrahi, homine non delirante.

Secundo etsi negandum non sit cerebrum inflammari posse: tamen id non fieri in phrenitide, sed aliam eam esse affectionem nonnulli putant, cum cerebrum ipsum inflammatur, quum quæ inflammatio membranarum ipsius parit, utpote quæ diuersa habet symptomata.

Ex his dubiis, ut nos expediamus, hoc ex iis, quæ supra de delirio dicta sunt, patet, delirium non fieri posse, nisi ipsum cerebrum spiritusque in eo, qui functionum principum sunt instrumenta, afficiantur. Non tamen necessarium est, ut ipsum cerebrum semper inflammetur; sed satis est, si à vicinis membranis inflammatis incalescat, vel aliundè vapores calidi illi communicentur.

Ideoquæ non impossibile est, etsi cerebri membranæ afficiantur, ut tamen delirium nullum accedat, si nimirum malum cerebro non communicetur, neque spiritus in eo turbentur.

Si vero cerebrum ab inflammatione membranarum p. n. incalescit, tunc delirium, de quo nunc agimus, excitatur. Atque ita phrenitis non potest esse sine inflammatione membranarum cerebri; inflammatio autem membranarum cerebri potest esse sine delirio. *Nota.*

Alteram verò quæstionem quod attinet, concedendum putamus, phrenitidem, utpote quæ sæpè curabilis affectus est, solum ab inflammatione membranarum cerebri provenire: ipsum verò cerebrum etsi quoque inflammari posse concedimus, ipsius tamen inflammatio alius à Phrenitide affectus est, & phrenitide longe periculosior, utpote in quo ægri non delirant, sed sensu omni priuantur. Inflammationis equidem cerebri nomine tres affectus cõ-

prehenduntur: Primò enim ab humore bilioso, aut eius vaporibus ad cerebri membranas cum sanguine affluente, etiam cerebri substantia irrigatur & incallescit. Deinde humor, qui est in membranis cerebri, etiam in venulas cerebri effunditur; nondum tamen in ipsam cerebri substantiam effusus est: Tertio sanguis in ipsam substantiam & spatia cerebri effunditur, & tum non solum membranæ, sed ipsa cerebri substantia simul inflammatur. Etsi enim nonnulli Medicorum cerebrum inflammari negarint: tamen non solum doctissimorum Medicorum auctoritas, sed & experientia, & symptomata, quæ ex inflammatione cerebri proueniunt, contrarium persuadent. Ad phrenitidem autem constituendam priores duo affectus sufficiunt; etsi inflammationes cerebri propriè dictæ non sint, sed cerebrum saltem ob vicinas membranas affectas afficiatur. Si verò ipsa cerebri substantia afficiatur, longè vt dictum modo, periculosior affectus est, cuius Hippocrates 2. & 3. *de morbis*: sub sphaceli cerebri nomine mentionem facit, vt & 7. *aphorism.* dum scribit: Quibus cerebrum sphacelatum est, in tribus diebus pereunt: si verò hos euaserint, sani fiunt. Paulus Ægineta etiam, Aëtius & Auicennas eius meminerunt, & diuersis capitibus de ea & phrenitide tractant: & proinde nos etiam signa eius supra *par. 1. cap. 27.* seorsim proposuimus, & ab inflammationis cerebri signis & symptomatibus separauimus, cuius historiã descripsit Hippocrates, 2. *de morb.* in *initio*, & Petrus Sal. Diuersus, *de Affect. part. cap. 1.* Hoc tamen ita accipiendum putamus, in Phrenitide quidem non totam substantiam cerebri inflammari, sed solum externam eius partem, quæ membranas contingit; & qui hoc modo afficiuntur, etiam phrenitici ab Hippocrate 1. *proph. 1. 33.* sed *ἀνοψιδέει* nominantur, vt Galenus *in comm.* explicat. In eo verò affectu, quem Hippocrates 2. & 3. *de morb.* ac P. Sal. Diuersus, *de affect. part. cap. 1.* describunt, internæ partes cerebri eiusque propria substantia inflammatur, & malum plerumque in sphacelum degenerat.



CAPVT VIII:

De Melancholia in genere.

Nomen.

MELANCHOLIA, vt ex Hippocrate, 3. aphor. 14. *Melan-*
 & lib. de aere aq. & loc. Videre est, morbi nomen est, *cholia*
 non humoris: proculdubio tamen ex illorum affectuum *unde na-*
 p. n. genere, qui teste Galeno, 2. meth. med. cap. 2. & 3. de loc. *men ob-*
 affect. cap. 7. nomen acceperunt à causa, idest à materia, *tineat.*
 quæ illos produxit. Cum verò humoris Melancholici duo
 præcipuè genera sint: Vnum, quod excrementitius hu-
 mor Naturalis est, & veluti fex sanguinis, qui circa lienem
 præcipuè cumulat, & μέλας χυμός, ac Melancholia in
 specie appellatur: Aliud quod est excrementum p. n. ex
 adustione Melancholiæ, sanguinis & bilis genitum, &
 μέλαινα χολή, Atra bilis nominatur: malum, de quo iam
 agendum, ex priore genere hoc est, succo atro, vel Me-
 lancholico ortum habet, quando is peccans siue in Cere-
 bro, siue in toto, siue in hypochondriis, principes animæ
 functiones deprauat: Quæ verò ab atra bile prouenit, ha-
 rum functionum deprauatio Mania appellatur, vt postea
 dicetur. Interdum Hippocrates Melancholicum delirium
 nomine *μανίας* indigitat, vt 6. aphor. 21. & 56. sed minus
 propriè.

Definitio.

Definitur itaque vulgo Melancholia, quod sit delirium,
 seu imaginationis, & Ratiocinationis deprauatio, sine fe-
 bre, cum timore & mœstitia, à phantasmate tenebricoso
 seu Melancholico orta. Vt enim in aliis deliriis, ita etiam
 hîc Phantasia, & Ratiocinatio læditur, sed in primis
 Phantasia: Ratiocinatio verò non semper multum, neque
 in omnibus, & vt Aretæus, lib. 1. de caus. & sign. morb. diu-
 zurn. cap. 5. loquitur, in Melancholia in vna re aliqua est
 lapsus, constante in reliquis iudicio. Melancholicorum
 enim

In Melā-
cholia
Phanta-
sia in pri-
mis lædi-
tur; Ra-
tiocina-
tio verò
nec in
omnibus,
nec sēper
multum.

enim Ratiocinatio circa vnam rem falsam plerumque, quam veram esse credunt, & Phantasiæ deprauatæ circa eam assentiuntur, aberrat, de reliquis prudenter; & sapienter ratiocinantur. Ita puer ille, cuius supra cap. 5. ex *Huarii scrutiny ingenor. cap. 7.* mentionem fecimus, in eo solum delirabat, quod se totius mundi monarcham credebat; de Republ. verò administranda prudenter differebat. Sic mercator ille apud Forestum, *lib. 10. obseru. 15.* optimè ratiocinabatur, nisi quod ad extremam inopiam se redactum esse conquereretur. Sic qui Melancholia hypochondriaca laborant, & sine causa timent, ac moerent, ipsi sæpe intelligunt, timorem illum, ac moestitiam esse vanam, & sine causa.

*Memoria
hic planè
non ladi-
tur.*

Memoria verò nec per se, nec per accidens læditur, quod non fit in Phreniticis, vbi imaginatrix ob immoderatum calorem spirituum, & veluti efferata innumeram obiectorum multitudinem Memoratriei offert, sed sine ordine, quæ propterea citò, & facilè in illa oblitterantur. Atque hinc accidit, vt propter memoriæ integritatem cum probè sæpe ratiocinentur Melancholici, tum plerique versuti admodum sint. Imò obseruatum est, nonnullos in delirio hoc carmina etiam elegantia composuisse.

*Melan-
cholia ab
aliis de-
liriis dif-
ferentia.*

Differt autem hoc delirium ab aliis deliriis, quod metuunt plerumque, & moesti sunt ægri præter solitum; neque tamen metus, aut tristitiæ causam vllam afferre possunt, quæ alicuius momenti sit, nisi forsitan eam, quam animo falsò conceperunt, & pertinaciter fouent, dum scilicet alij carceres, alij supplicia, alij condemnationem æternam, alij alia timent, & quidem ex leuissima sæpe occasione, vt apud Forest. *lib. 10. obseru. 12.* videre est. Quandoque tamen à manifesta causa incipit timor, qui si sit perseuerans, melancholiam parit. Rarò verò ridet; & risus potius Maniacis ex feruore sanguinis, quam Melancholicis competit. Si enim sanguis sit calidior, & feruidior, Maniam mitem efficit: si verò sit crassior, & frigidior, Melancholiam producit, à qua mæstitia vix abest, etiam si ea minor sit; talesque Melancholici per interualla lætitiæ alicuius signum exhibent, & interdum in risum

risum prorumpunt. Si autem plus iusto latentur tales Melancholici, iam instantis Maniæ est indicium, ac præludium.

Quod tamen ex communi Medicorum sententia de timore & mœstitia, quæ huius delirij propria sint, quibusque à reliquis deliriis discernatur, dictum est, rectè accipiendum. Neque enim semper mœstitia aliqua, & timor insignis in omnibus Melancholicis apparet; imò nonnulli lætitia quasi affici videntur, cum falsis suis imaginationibus indulgent, & se Reges, vel Principes, aut diuites esse imaginantur, cuius rei historiam supra cap. 5. ex *Huartii scrutin. ingenior. cap. 7.* recensuimus, de famulo Hispano, qui se totius mundi Monarcham esse imaginabatur, & hinc maxima delectatione, ac voluptate afficiebatur. Ita refert Marcell. Donat. *de histor. Med. mirab. lib. 2. cap. 1.* mulierculam quandam se Regi desponsatam esse persuasum habuisse, quæ si fortè in fragmenta vitrorum, aut alia lucida corpuscula incidebat, gemmas sibi à coniuge Rege transmissas dicebat, eaque tanquam rem carissimam, in arca, quam totam ferè oppleuerat, asseruabat. Eiusdem generis fuit deliramentum cuiusdam senioris diuitis, qui, referente Seneca, quæcumque, quibus uti opus erat, quam maxima expetebat, mulieres paruas, & homines paruos abominabatur, prægrandes equos peroptabat, amplissimis poculis utebatur, & calceamenta pedibus maiora gestabat; latissimis vestibibus vestiebat. Et huius generis deliramenta sæpe occurrunt, ubi ægri quidem absurda imaginantur, & in cogitatione illa, ut verissima, pertinacissimè hærent, timoris tamen aut mœroris parum, vel nihil adest: qui omnes cum sine febre delirent, neque etiam vlla in iis truculentia, aut ferocia appareat, ut Maniaci appellari non possint, nomine Melancholicorum merito etiam comprehenduntur. Et cogitandum Lectori reliquo, quò referenda sit illa falsa Imaginatio, quæ iis, quibus crura amputata sunt, accidit, cum sæpe post multos post amputationem menses crus amputatum grauitèr crus sibi dolere conqueruntur, ut testatur Ambr. Paræus, *lib. 11. c. 17.* eiusque rei Historias recècet Guil. Fabricius, *sent. 3. obs. 14. 15.*

Itaque

Vera Melancholia definitio.

Itaque vt Melancholiæ nomen pro delirio acceptum omnibus eius speciebus competat, malo cum Aretæo de *caus. & signis morbor. diuturn. lib. I. cap. 5.* Melancholiam definire, quod sit Animi angor in vna cogitatione defixus, atque inhærens, absque febre, & furore, à phantasmate Melancholico ortum.

Melancholicorum magna varietas.

Est autem Melancholicorum magna varietas, vt omnes Melancholicorum imaginationes absurde faciliè comprehendendi non possint, nihilque tam absurdum, & ineptum sanis occurrere potest, quod non Melancholici sibi imaginantur, & verissimum esse pertinacissimè credunt. Atque occurrunt huius rei exempla passim, quorum aliqua in *Institut. lib. 2. part. 3. sect. 2. cap. 4.* recensuimus: plura exstant apud Schenck. *libr. I. obseru. 254. & seq.* Marcell. Donat. *de histor. Medic. mirabil. lib. 2. cap. I.* Forestum, *lib. 10. obseru. 12. & in schol.* Plater. *lib. I. obseru.* Pro dispositione enim humorum varia, vitæ, conditionis, ac cogitationis varietate, innumera hic varietas occurrit. Nam quidam risum interdum admiscunt; quidam cum ira aliqua & contentione Phreniticis adsimulantur; quidam nescio quæ scelera se commississe imaginantur, atque hinc supplicij metu, & mortis terrore vexantur; alij se ad inferos damnatos, imò gehennæ flammis cremari conqueruntur, nonnulli se mori, vel etiam mortuos putant; nonnulli cœlum ruiturum metuunt; quidam serpêtes, vel ranas in ventre se gestare persuasum habent; nonnulli se in bruta animalia conuersos credunt; alij in testam, aut vitrum mutatos; nonnulli lacrumantur; quidam desperabundi mortem sibi inferunt: quidam diuina affectant, & colloquia cum DEO & Angelis somniant; alij auari nihil nisi de diuitiis cogitant; quidam quasi diuites, etsi tales non sint, de magnis opibus gloriantur; quidam elati & superbi, vel de pretiosis vestibus, auro & gemmis cogitant, ac loquuntur, vel se Principes aut Reges esse opinantur; alij contra animo abiecti, licet diuitiis abundant, de paupertate conqueruntur; alij de studio, quo sunt delectati, perpetuò cogitant, ac loquuntur. Mœstitia tamen, & timor plerumque cum hoc delirio coniungitur, aut certè pertinax,

tinax, & intenta, ac quasi cum animi angore de re vna, sed falsa, cogitatio. Abest etiam febris, etsi post febrem, aut in declinatione febris, humoribus adustis relictis, Melancholia generari aliquando possit.

Affici autem Cerebrum, & quidem vt pars similis est, extra controuersiam est, de quo mox in causis dicetur. Verum cum, vt Fernelij verbis vtar, negandum non sit, dum iracundia, doloribus, gaudio, metu, cæterisque eiusmodi animi perturbationibus concutimur, conspicuè atque insigniter cor in nobis opprimi & gestire, animique perturbationes in corde fieri; Melancholia verò sit delirium cum tristitia, aut metu, aut certè alio animi affectu: concedendum est; ea ratione in Melancholicis simul cor affici, imò plerumque principium melancholiæ est ex corde. Cordis enim temperies corrupta corrumpit temperiem cerebri. Et licet delirium hoc nunquam accadat, nisi Cerebro primariò affecto: tamen, vt iam in causis dicetur, si spiritus vitalis impurus sit, & tenebricosus, vitium hoc spiritibus animalibus & cerebro cõmunicatur, & ita cor sæpe huic delirio primam occasionem præbet; malumque hoc fouet, & proinde tum non solum ad Cerebrum, sed etiam ad cor in curando respiciendum. Imò etsi cerebrum primariò afficiatur: tamen quia hoc delirium semper cum aliquo animi affectu coniunctum est; animi verò affectus cor valde alterent, ac afficiant: vix fieri potest, vt in Melancholico delirio cor etiam non afficiatur.

In Melancholia præter Cerebrũ, quod primariò laborat, etiã Cor afficitur.

Causæ.

Causa huius delirij proxima est, vt Capiuaccius appellat, phantasma tenebricosum. Ego, vt omnibus eiusmodi deliriis competat, malim appellare Melancholicum. Phantasma autem tenebricosum, aut melancholicum redditur à simili animalium spiritu dispositione. Cum enim spiritus Animales, qui sunt proximũ Animæ in hisce actionibus obeundis instrumentum; speciesque deferunt, lucidi, tenues, subtiles, & mobiles esse debeant; quæ de causa ipsum etiam Cerebrum nitidissimum, ac nullo colore infectum: si illa ipsorum naturalis constitutio lædatur, actiones

Causa Melancholia proxima.

nes Animales, quæ eorum beneficio perficiuntur, læduntur, & quidem variis modis, prout spiritus vitiantur. In melancholia spiritus melancholicos, idest, opacos, obscuros, tenebricosos, & fixos quasi reddi dicimus; quæ eadem dispositio, plerumque etiam est in spiritibus Vitalibus. Qui enim tristes, & meticulosi sunt in hoc delirio, proculdubio spiritus Vitales crassiores, impurioreque habent. Nam ut spirituum puritas & subtilitas animum hilarem ac alacrem reddit: ita crassities, frigiditas & impuritas moestum ac tristem.

*Melan-
cholia
quemodo
tristore
moestitiā
inducat.*

Qua ratione autem spiritus ac vapores melancholici tristiā ac moerorem efficiant, inter Galenum ac Auerroem controuersia est, de qua quæ in *Instit. lib. 2. part. 3. s. 2. cap. 4.* dicta sunt, hinc repetere superuacaneum est. Hoc saltem declarationis gratia addimus, in spiritibus non solum qualitates primas, sed & secundas, ac occultas esse attendendas; cum ad actiones illas perficiendas æquæ sint necessariae, ac qualitatum primarum temperies. Videre est huius rei exemplum in humore vitreo, crystallino, & tunica cornea in oculo, in quibus non solum qualitates primæ, sed ad visionem rectè perficiendam æquæ, imò multò magis pelluciditas, & ἀσποία, seu coloris carentia est necessaria, quæ si desit, visio non rectè perficitur Eodem modo in spiritibus & vitalibus & Animalibus præter qualitatum primarum temperiem etiam tenuitas & subtilitas, puritas, ac luciditas requiritur, quæ si desit, spiritus non satis aptum animæ instrumentum sunt. Atque hunc puritatis, luciditatis & subtilitatis defectum in spiritibus atrii coloris, & tenebrarum nomine Galenus exprimit. Et quamquam à sensibus externis non percipiatur illa tenebricositas: tamen causa est, ut omnia obiecta ad modum vitiosæ dispositionis spirituum repræsententur, & vitiosa illa dispositio spirituum speciebus imprimatur. Id etiam fieri in somniis animaduertimus, in quibus sæpe horrenda & metuenda offeruntur, propter abundantiam vitiosorum humorum in corpore, qui faciunt, ut obiecta hoc modo sensibus Internis repræsententur.

Platerus equidem malignitatem materiæ, quæ melancholiam,

choliā, vt & quæ maniam producit, tribuit. Verū vt facili cōcedimus, & hætenus defendimus, non solum à qualitatum primarum mutatione melancholiā prouenire, ita malignitatem peculiarem & propriè dictam ei tribuere opus esse non putamus, sed sufficit ad melancholiā generandam, si spiritus animales naturalem luciditatem & puritatem amittant, & in statum contrariū deducantur: quæ tamen dispositio p.n. qualis sit, facile explicari non potest. Ideoque etsi malignitatem negamus, occultā tamen qualitatem faciliè admittimus: quam si intellexit Platerus, ei assentimur. Et dispositionem illam melancholicorū p.n. non esse simpliciter opacā, sed occultā ex eo patet, quod si imaginationi ipsorum satisfat, sanitati restituantur, sicut illi accidit, qui cum nasum magnum se habere putabat, farcimine appposito & remoto conualuit: cuius rei etiam alia exempla in Institut. habentur, & infra etiā recensebuntur.

Itaque si hæc, quæ hætenus dicta omnia diligenter pensitemus, fixa & firmiter impressa imago spiritibus cerebri insitis causā proximā melancholiæ esse videtur. Imaginationis tamen huius fixæ causā plerumque est vitium spirituum animalium.

Vera & proxima causa melancholia.

Fiunt autem spiritus melancholici, seu opaci impuri & tenebricosi duobus modis, Vel quia tales vitio cerebri generantur: vel quia etsi natura sua sunt puri, à materia aliqua impura, & melancholica, quæ ipsis permiscetur, inquinantur, & melancholici redduntur, aut quia ob sanguinis & spirituum, è quibus generantur, vitium, tales fiūt.

Prius fit, cum cerebri constitutio vitiosa est, & melancholica, quæ ex sanguine & spiritu vitali etiam puro impurum, & melancholicum spiritum animale generat, quæ cerebri constitutio potissimum à spiritu insito melancholico dependet. Capiuaccius equidem hoc negat, & à nulla qualitatum primarū intemperie in cerebro melancholiā excitari posse statuit, dicitque à cerebro calido fieri spiritus animales calidiores, & hinc delirium maniacum, à frigidityte spiritus animales paucos, ac frigidos, indeque fatuitatem. Verū non solum ad qualitates primas in cerebri constitutione est respiciendum, sed etiam ad

alias, vti antea dictum, sicut oculi constitutio id manifestè demonstrat.

Fieri quidem nonnulli & alio modo hanc melancholiæ speciem statuunt, cum scilicet spiritus vitalis in corde vitiosus, & impurus gignitur, qui cum sit spiritus animalis materia, spiritum animale eiusdem generis, & modi generari necesse est, impurum scilicet & melancholicum. Verùm malo hoc genus melancholiæ ad melancholiam per consensum referre: cum cerebrum tum non primariò afficiatur, sed solum spiritus animalis purus inquinetur, vel ad eius generationem impura materia suppedite-
tur. Si tamen hoc diu duret, tandem ipsum etiã cerebrum affici necesse est. Nam cum cor caloris natiui, & spiritus vitalis, qui in totum corpus diffunditur, fons sit, si illud frigidius & siccus, quam par est, seu melancholicum euadat, tandem totus corporis habitus talis redditur, imò & ipsum cerebrum, quod tali sanguine etiã nutritur, & a spiritibus melancholicis affluentibus continuò inquinatur, & tandem melancholicum euadit, & ex affectu per consensum fit affectus primarius.

Posterius verò fit, cum cerebrum per consensum afficitur, & quidem tribus modis. Primò cum ab vniuerso corporis habitu, & præcipuè venis maioribus materia hæc in cerebrum fertur, quod fit in primis corde affecto, & spiritus, ac sanguinem melancholicum generante; Secundo cum ab hypochondriis materia melancholica transmittitur; quæ melancholia hypochondriaca nominatur; Tertiò cum ab vtero.

Notandum tamen hic, etiãsi proxima causa melancholiæ sit humor melancholicus, à quo etiã affectio hæc nomen habet: tamen in melancholicis, vtpote frigidis & siccis, multum pituitæ cumulari, propter debilitatem caloris naturalis; ad quod propterea in curatione melancholiæ sæpè etiã simul respiciendum.

Differentiæ.

*Prima
melancholicorum
differentia.*

Melancholicorum hic differentiæ sumuntur primò à forma ipsa delirij, quæ multiplex, & varia est pro phantasmatum varietate, quæ ab imaginatione deprauata exhiben-
tur.

tur. Causſa diuerſitatis illorum phantaſmatum eſt primò natura humoris melancholici, qui in aliis ſincerior eſt, in aliis impurius, in aliis nonnihil aduſtus: deinde natura & conſtitutio corporis ac cerebri. Nam vt vinum moribus potantium, ita humor melancholicus laborantis conſtitutioni ſe accommodat. Poſtea cōſuetudo vitæ & actionum. Qualis enim olim cuiuſque intenta cogitatio fuit, aut qualis vitæ conditio, talis ſeſe repræſentat melancholica deliratio. Propter has ergò cauſſas alij alia cogitant, & loquuntur. Quidam proriſus conticeſcunt, quod melancholicorum, inter initia præſertim, proprium eſt, teſte Galeño, vt multum loqui phreneticorum, & ſemper cooperiri: vtrorumque meminit idem Author in 3. *Epidem. comm. 3. aphor. penult.*

Sed præcipua melancholicorum differentia, quæ ad curationem mali plurimum momenti aſſert, ſumitur ex ſitu materiæ, vel ex ſedibus, in quibus humor gignitur, & redundat, vt ex cauſſarum enumeratione patet. Atque ita quatuor præcipuæ ſunt melancholiæ differentiæ. Prima eſt per primarium cerebri affectum; Secunda per conſenſum cordis, & totius; Tertia Hypochondriaca; Quarta per conſenſum vteri. Arabes quidem plures partes, quibus in melancholia cerebrum per conſenſum affici poteſt, recenſuerunt, vt ex Auicenna & interpretibus eius videre eſt, Ventriculum, Hepar, Lienem, Vterum, Hæmorrhoides, & alias partes: nullus tamen reuera inter eos, & Græcos, qui omnem melancholiam ad tria capita redegerunt, in proprium cerebri affectum, conſenſum à toto, & eum qui fit à venis meſaraicis, & hypochondriis, eſt diſſenſus, ſi rectè explicetur. Galen. enim *ſ. de loc. affect. cap. 1.* expreſſè fatetur, quod ſi lien officium ſuum non faciat, & humorem melancholicum vel non attrahat vel per conuenientia loca non excernat, tum alij affectus, tum melancholia inde excitari poteſt. Idem de hepate, hæmorrhoidibus dici poteſt. Verùm hæ partes omnes aliter melancholiam non producant, niſi quatenus humor retentus, vel in totum corpus diſfunditur, vel in hypochondriis ſtabulatur, ideoque melancholia inde orta ad melancholiam per con-

Secunda præcipua melancholicorum differentia à ſitu materia ſumitur, & quadruplex eſt.

sensum totius, vel ad hypochondriacam referri potest. Vteri tamen quin peculiaris mentio fiat, abs re non videtur; cum in specie & priuatim ad eum curatio etiam dirigenda sit. De his ergo quatuor melancholiæ differentiis iam ordine dicendum, si prius ea, quæ in genere de signis Diagnosticiis, Prognosticis, curatione, & diætâ, quæ omni melancholiæ competunt, proposuerimus.

Signa Diagnostica melancholiæ in genere.

Dum imminet melancholia, æger insomniis terretur, somnumque habet turbulentum, & horrendis somniis interruptum: postea vigiliis infestatur, præter solitum fit inæstior, & tristior, aut tristia cogitat, & metuit sine euidenti causâ, aut certè in vna cogitatione pertinacissimè hæret; quæ si perseverant, præsentis iam melancholiæ indicia sunt. Ita enim Hippoc. 6. aphor. 23. Si metus atq; tristitia longo tempore perseverant, melancholiæ est signum. Hinc æger fit taciturnus & morosus, hominum consortia fugit, & solitudinem sectatur, fit suspicax, præter solitum inedia tolerat, & in nonnullis inediæ tolerantiâ tam pertinax est, ut fame mori malint, quam comedere, & viuere; crebrò suspirant, respiratio est tarda & rara, pulsus tardus, paruus, rarus; tandemq; ubi malum augetur, illa, quæ cogitant, absurda sermone, & gestibus proferunt, ut manifestè delirare deprehendantur: absurda tamen illa loquuntur, & agunt sine omni scuitia & furore; febre præterea carent.

Prognostica in genere.

1. Sicut nulla desipientia tuta est; quia functio princeps læditur: ita nec melancholia: per se tamen lethalis morbus non est, nisi aliud accedat.

2. Malum hoc recens facile, & non multo negotio curatur. Sæpissimè enim sola victus ratione conueniente, qua probus, tenuis, & clarus sanguis gignitur, & præterea humectatione corporis ac capitis, præsertim verò balneis aquæ dulcis, se melancholicos sanitati restituisse absq; ullo alio remedio validiore testatur Galenus 3. de loc. aff. c. 7. Et tum bonum signum est, melancholicorum corpus augmentum sumere. Indicium enim est, sanguinem iam meliorem reddi & attemperari. Inueteratum verò malum difficulter

ficulter curatur. Itaque inter initia ipsi occurrendum, cum inueteratum plerumque ægrum ad mortem comite-
tur.

3. Facilius tollitur, & minus periculi habet melancholia per consensum, quam quæ per essentiam.

4. Facilius curatur melancholia, quæ cum risu aliquo est; difficilius, quæ cum studio ob humoris prauitatem maiorem.

5. Leuius est malum, si imaginatio saltem læditur; grauius, si simul ratiocinatio.

6. Melancholia hæreditaria ferè nunquam curatur.

7. In morbis melancholicis periculosa sunt tempore Verno humorum depositiones & decubitus; quoniam permutantur frequenter vel in apoplexiam vel in conuulsionem, vel maniam, vel cœcitatem, teste Hippocrate, 6. aphorism. 50.

8. Malum enim hoc nonnunquam ab humore melancholico prouenit; sæpissimè vero melancholia in epilepsiam transit, teste Hippocrate, 6. Epid. in fine.

9. Si Melancholicus præter solitum in risum, vel fletum, vel lacrimas soluatur, ne in maniam transeat, metuendum.

10. Via ad interitum in melancholia est vel per virium resolutionem, quæ paulatim succedit, cum ægri cibum ac potum pertinaciter auersantur, parùm aut nihil dormiunt, & animi moerore vel aliis cogitationibus se miserè conficiunt; vel per conuulsionem aut epilepsiam, materia ad neruorum principium, & membranas Cerebri conuersa.

Via ad salutem est, si materia melancholica vel dissipetur, si pauca fuerit, vel ad inferiores & ignobiliores partes à natura detrudatur, & per varices, hæmorrhoides, aut vteri venas expellatur, aut in scabiem similesque cutaneos affectus mutetur, vel denique præfidiis artis eadem superetur, & profligetur.

11. In sanis si varices vel hæmorrhoides superuenerint, insanix solutio 6. aphor. 21. Quod de melancholia intelligendum esse explicat Galennus.

Curatio in genere.

De curatione in genere vix multum dici potest, præter

Curatio
melan-
cholia.

id, quod suprà *part. 1. c. 12.* dictum fuit. Hæc saltem diligenter attendenda. Primò procurandum esse omni studio, vt bonus, clarus, tenuis ac subtilis sanguis generetur, qui omne caussarum vitium corrigere potest, quo solo auxilio, & aquæ dulcis balneo, sine vlllo fortiore remedio, se recentem melancholiam sanasse testatur Galenus 3. *de loc. aff. c. 7.* Qua ratione autem hoc fieri possit, dicetur mox in diætâ. Deinde vt ab animi perturbationibus, mœrore, tristitia, timore, & curis æger liber sit, eiusque animus ad hilaritatem auocetur. Tertio vt æger ad contrariam imaginationem deducatur. Compertum enim est sæpè, si ægro persuadeatur, illud, quod ipsi molestum videtur, & in quod omnem cogitationem defigit, remotum esse, ægrum conualescere. Commodum quidem est, vt æger ad contrariam imaginationem deducatur: Verum rarò hoc ab ipsis obtinetur. Ideoque ipsorum imaginationibus quidem indulgendum, sed interim fallendi sunt. Ita refert Trallianus, *lib. 1. cap. 17.* Medicum quendam, qui caput sibi amputatum putabat, curasse imposito repente capiti ipsius pileo plumbeo, vt gravitatem sentiens caput se recepisse putaret. Alius nasum se ingentis magnitudinis habere putabat, Chirurgus naribus preheusus nouacula eas se immnuere fingit, carnisque frustra abscissa ostendit, quo modo æger conualuit. Gattinaria refert, Medicum quendam melancholico, qui ranas in ventre se habere putabat, purgans exhibuisse, & excretis ranas viuas iniecisse, quas cum ille è ventre suo exturbatas crederet, conualuit. Quidam se mortuum putabat, referente Hollerio, *l. 1. de morb. intern. c. 15.* & propterea cibum capere noluit, is socij comitate, qui cum eo se in sepulcro mortuum esse asserebat, & cibum nihilominus capiebat, ad cibum capiendum persuasus fuit. Et exstant huius rei exempla passim plura. Nullo verò modo concedendum, vt Medici vel adstantes cum ægro de imaginationibus eius falsis pertinacius contendant. Quartò; hoc etiam notandum, ex præcepto Aëtij interdum ab omni medicamento abstinendum esse aliquandiu, & naturæ aliqua quies concedenda, quæ aliquando continuis remediis afflicta quiescens

recrea

recreatur & validius morbum aggreditur & superat. Quia etiam humor melancholicus circa vesperam moveri solet, commodum videtur, circa vesperam hora quarta exhibere purgantia, eaque mitiora (fortia enim raro fert) & illa aliquot diebus continuare. Præparantia verò horis matutinis exhiberi possunt.

Reliqua patebunt ex iis, quæ postea de singulis melancholiæ speciebus dicentur. Cordialia tamen hic etiam non omittenda, cum cor in melancholia non plane immune sit: & cum dentur medicamenta, quæ simul & cordi, & capiti amica sunt, & alterando humori melancholico apta, illa eligenda sunt; qualia sunt borrago, bugloss. melissa, ocymum, cort. citri, grana kermes, flores tunicis, lignum aloes, crocus, moschus, ambra, & similia. Conferua satirij & radices eiusdem conditæ etiam in melancholia vtilis sunt; excepta ea, quæ ex amore est.

Dietæ.


Cum probus sanguis omne hoc vitium ferè emendare possit, ut talis, id est purus, tenuis generetur, providendum. Fit autem hic dupliciter; primo si cibus ad talem sanguinem generandum aptus eligatur, deinde si is probe coquatur. Itaque cibi sint calefacientes, moderatè humectantes, puri, tenuis substantiæ, concoctu faciles, non flatulenti. Exhibeantur ergo carnes pullorum, gallinarum, caponum, perdicum, hædorum, agnorum, veruecina, vitulina, & similes, pisces saxatiles, oua sorbilia, ex ole-ribus, borrago, bugloss. lactuca, endiuia; ex fructibus ficus, amygdal. pineæ, pistacia, vux passæ, mala punica medijs saporis, & quibus ob iecoris calorem maior copia atri humoris colligitur, refrigerantibus & humectantibus cibis utantur, ut iusculis ex hordeo. Breuiter melancholicis omnibus conuenit cibus, qui est tenuis substantiæ, copiosioris nutrimenti, humidus in passiuo, in actiuo temperatus, vel ad caliditatem declinans. Frigiditas tamen excedat, aut ad frigidum vergat, si ex adustione melancholia proueniat.

Contra verò vitandus cibus frigidus, crassus, fæculentus, & omnia, quæ sanguinem melancholicum

gignunt, vt caro bubula, hircina, caprina, aprugna, leporina, & animalium omnium quæ annosa sunt, & ex auibus, quæ magis ambulant, quam volant, vt anserina, anatina & similis. Inter pisces, qui habent crassam carnem, ex oleribus brassica, legumina omnia, & maximè lentes. Abstinentum & à falsis, duris, aceto conditis, & sale ac fumo induratis tam piscibus, quam carnibus. De aceti vsu diximus supra, *part. I. cap. 12. in question.* Et nullo alio modo concedi potest, nisi vt vapores illos siccos ad cerebrum adscendentes reprimat, ne somnum turbent: idque saltem in melancholia ab epatis affectu fieri potest, in aliis locum non habet. Potus sit vinum bene maturum & dulce, aut cereuisia pura, inprimis triticea.

*Aër, sō-
nus &
vigilia
animi
pathe-
mata.*

Aër sit in calore & frigore temperatus, paulisper humidus, ac nisi talis sit, arte paretur. Somnus vigilias superet, qui melancholicis est remedium supra gemmas & lapides pretiosos æstimandum: inprimisque danda opera, ne æger multum vigilet; cum ex hac vnica causa malum in habitum transire, & quod peius, in maniam mutari possit. Curæ & sollicitudines animi omnes studiosè cauendæ sunt, ægrique animus suauibus colloquiis, vel etiam musica ab intentis & moestis cogitationibus, ac imaginationibus auocandus, & ad hilaritatem adducendus. Et cum ægri de vna re falsò animo concepta plerumque solliciti sint, & de ea perpetuo cogitent, danda opera, vt quibuscumque fieri potest, persuasionibus, ac mediis à falsa illa cogitatione abducantur.



C A P V T IX.

*De prima melancholia specie, quæ fit cerebro
primario affecto.*

Hantasma tenebricosum ac melancholicum, quod proxima melancholici delirij causa est, fieri à spiritibus animalibus eodem modo dispositis antea dictum. Dispositione autem istam, vt itidem antea dictum, spiritus

animales obtinent, vel quia tales in cerebro & quidem eius vitio generantur, vel quia licet puri, & lucidi generentur, aut à cerebro bene constituto generari possent, à materia aliunde in caput missa inquinantur, aut ad eorum generationem materia melancholica suppeditatur. Vt autem de prima melancholiæ differentia, quæ fit per primum cerebri affectum, prius dicamus, ut aliarum partium vitia, coctiones, quæ in iis obeuntur, corrumpunt, & ventriculus male constitutus chylum vitiosum, hepar malè sese habens sanguinem vitiosum generat: eodem quoque modo si cerebrum non bene sese habeat, spiritum animale vitiosum, & dispositioni p.n. respondentem gignit.

Causæ.

Dispositio autem illa cerebri vitiosa non solum querenda est in qualitatibus primis, frigiditate ac siccitate; cum multi senes has obtineant, neque tamen sint melancholici: sed in eo præcipuè sita est, cum cerebrum in modo substantiæ à naturali puritate, luciditate, seu albedine defleat, & impurum, crassum, tenebricosum & melancholicum euadit. Tum enim spiritus animales eiusdem constitutionis vitiosæ generat. Si tamen frigida & sicca intemperies cerebri eo progressa sit, ut tenues, lucidas, & puras partes ex cerebro, & spiritu infuso quasi exprimat, & cerebri constitutionem ita mutet, ut tenebricosum euadat, inter melancholiæ causas numerari potest. Causæ enim, quæ melancholicam dispositionem cerebro inducunt, sunt omnia illa, quæ humorem melancholicum in cerebro cumulant, eiusque & calidi innati substantiam tenebricosam reddunt.

Primo ergo causa huius mali sunt terror grauis, subito & ex improviso accidens, fortisque rei horrendæ imaginatio, quæ fortes impressiones in spiritibus, humoribus & cerebro faciunt, ut rectè scribit Platerus, totumque corpus ita mutant, ut melancholiam grauissimam, detentiorēque fere ea, quæ ab interna causa fit (humores & vapores intelligit) producat, & quæ, ut idem Platerus scribit, ægrè, nisi tota sanguinis massa exhauriatur, possit curari. Posset quidem hæc melancholiæ species etiam ad

Melancholica cerebri dispositio non in qualitatibus primis solum consistit.

Causa melancholica cerebri dispositionis prima fortis imaginatio & graues animi perturbationes.

eam, quæ per consensum totius est referri, cum sanguis in toto corpore ferè mutetur, quia tamen cerebrum maximè, & primariò afficitur, ad hanc speciem eam referre malumus. Fit autem hoc, si homo viso aliquo horrendo vt cadauere, aut simili re abominanda, vel spectro terreatur, aut imaginatione, & metu periculi in tenebris nocturnis, in sylua vel loco solitario percellatur, cuius rei historias habet Platerus *tom. 1. Pract. pag. III. & in obs. lib. 1.* Et si verò quomodo imaginatio & animi perturbationes tales istam in humoribus & spiritibus alterationem efficere possint, integrè explicari non facilè sit; tamen experientia testatur, species rei vel iucundæ vel horrendæ & formidabilis visu, aut auditu oblatas, & memoria conceptas ac conseruatas, atque imaginationi & menti repræsentatas adeo seruare vestigia, & naturam rerum, vnde prodierunt, vt fere non minus, quam ipsæ res externæ alterare & corpus mutare, & morbos tum inducere tum depellere possint. Et facilius præstant hoc hæ causæ, si corpus ad melancholiam sit dispositum. Tum enim humor melancholicus in corpore abundans ad caput rapitur, ibique hærens cerebri constitutionem mutat.

*Secunda
Humor
Melan-
colicus
in capite
collectus.*

Secundo melancholicam hanc dispositionem cerebro inducit humor melancholicus in capite cumulatus: quod fit in primis ob intèperiem cerebri frigidam & siccam, aut potius ob natiuam aut quocumque modo contractam melancholiam, idest, minus puram, & lucidam cerebri constitutionem, quæ cum sæpè à parentibus in liberos deriuatur, accidit etiam vt melancholia tunc in liberos traducatur, imo quandoque totis familiis hæreditaria sit.

Cerebri autem hanc constitutionem melancholicam, sanguinem in materiam sibi similem mutantem post ortum frequentissimè inducunt tristitia, mœror, curæ, luctus, atque animi sollicitudo diu perseuerans, vel ob rei charæ amissionem, vt Parentum, liberorum, amicorum, pecuniæ & bonorum, honorum: vel in generosis animis ex pudicitia, & verecundia ob errorem aliquem, sæpè etiam leuem, & nullius momenti commissum, vel ex inuidia, odio & vindictæ cupiditate, ex zelotipia, vel ex

deside

desiderio, & amore alicuius rei, de quo *cap. sequent.* in specie agetur.

Deinde humor iste Melancholicus in cerebro colligitur, cerebrique etiam talis constitutio inducitur, & in eo relinquitur interdum à morbis calidis, post phrenitidem calore remittente, & resolutis partibus tenuioribus, materia frigida, sicca & crassa, ac feculenta in cerebro relinquitur, & in cerebro similis intemperies excitatur, à qua humor melancholicus & fouetur & augetur. Idem post epilepsiam interdum accidit, & epileptici melancholici, & contra melancholici epileptici fiunt. De quo Hippocrates 6, *Epid. in fine*: melancholici quoque magna ex parte epilepsia corripitur consuevere, & epileptici melancholici fieri. At horum vtrumque magis accidit, prout ad alterutram partem morbus inclinatur. Etenim si in corpus, epileptici, si verò in mentem, melancholici fiunt. Quem locum prolixè explicat Galenus, 3. *de loc. affect. cap. 6.* Nimirum si humor melancholicus cerebri corpus lædit, id est, obstructionis in Ventriculis auctor est, secundum vulgatam doctrinam, seu potius, si membranas ventriculos inuestientes vellicat, Epilepsiam producit: si verò ipsam cerebri constitutionem & spiritus, qui facultatum principum proximum instrumentum sunt, lædit, melancholia excitatur.

Signa Diagnostica.

Delirium melancholicum ex primario cerebri affectu est perpetuum, & ut plurimum vehemens, oculorum obtutus fixus, & signa abundantis melancholix in capite suprà, *part. I. cap. 12.* proposita adsunt. Symptomata contrà, & præter naturale aliquid circa hypochondria, Epar, venosum genus & cor non animaduertitur: præcesserunt vigiliæ, cogitationes assiduæ, curæ, aut subitus terror, & consternatio, atque aliæ causæ, quæ caput exsiccare, humoremque Melancholicum tandem in eo relinquere potuerunt, ut phrenitis, epilepsia. Sanguis etiam emissus hic signum præbet. Si enim is non est crassus & ater, non in toto, vel corde causa mali est, sed in cerebro: nisi forsan membri alterius affecti signa adsunt.

Prognostica.

1. Quò materia in capite est copiosior, frigidior, & ficcior, eò difficilior hoc malum curatur.

2. In morbis melancholicis vere & æstate suspecti sunt humorum decubitus, & vel apoplexiam, vel maniam, vel convulsionem, vel cœcitatem denunciant, 6. aphorism. 56.

3. A terrore melancholia profecta primariò cæteris omnibus est curatu difficilior. Platerus.

Indicationes.

Materia melancholica, quæ in capite spiritus inquinat, similemque dispositionem iis imprimit, & cerebrum ad spiritus melancholicos generandos disponit, est alteranda & euacuanda, nimirum cum sit sicca, frigida, crassa, humectanda, calefacienda, attenuanda. Hinc medicamentis humorem melancholicum educentibus expurganda. Postea reliquiæ discutiendæ: caput roborandum, & intemperies, ac constitutio eius vitiosa corrigenda, ipsumque ad naturalem statum deducendum. Totius tamen semper simul habenda est ratio.

Auxilia.

Qua ratione autem hisce Indicationibus satisfieri possit, explicatum suprà part. I. cap. 12. ubi de intemperie capitis cum humore melancholico curanda dictum. Ideoque hic pauca saltem addimus.

Et præparantia quod attinet, iis etiam ☿rum ☉rum, ut & crystalli ☿ri admisceri possunt. Exempl. gr.

℞. Aq. pomor. redolent. borrag. an. ʒ. j. β. ☿ri ☉ri ʒ. j. syr. de pom. s. ʒ. β. M. pro haustu, qui per aliquot dies horis matutinis continuandus.

Vel ℞. Aq. fumar. ʒ. ij. lupuli ʒ. j. extr. polypod. ʒ. j. crystall. ☿ri ʒ. β. spir. ☉j. (vel ol. ☿ j. per. deliq.) ʒ. β. syr. de foliis senæ ʒ. iiij. M. pro haustu.

Purgantia sæpius repetenda sunt. Ad humorem verò melancholicum euacuandum valde efficax est extractum hellebori nigri ʒ. j. vel etiam ʒ. β. pondere exhibitum.

Vel ℞. Aq. borrag. bugloss. fumar. an. ʒ. j. extr. solutiu. Ander. ʒ. j. helleb. nigr. tartari vitriolati an. ʒ. β. syr. de epithyme ʒ. iiij.

3. iij. M. pro haustu. Commendatur & puluis Valeſci de Taranta, qui infra cap. ii. proponetur.

Vel ℥. Fol. ſenæ ʒ. iij. epithym. rhabarbar. ʒingib. an. ʒ. iv. ſpec. diarrhod. abbat. ʒ. j. cinnamom. macis, aniſi, margar. an. ʒ. ʒ. confection. electuar. de ſucco roſar. in tabulis ʒ. iij. ſacchar. candi. in ſyrup. violar. concreti ad pondus omnium. F. Puluis. Doſis ʒ. iv. vel ʒ. j. ʒ. in iuſculo pingui.

℥. Maſſ. pil. de fumar. de lapid. lazuli, an ʒ. ʒ. extr. helleb. nig. ʒ. iv. ol. maioran. gutt. ij. Cum ſyrup. roſar. Sol. F. pilulæ.

Vel ℥. extr. panchymagogi vel extr. melanagogi Querc. ʒ. j. helleb. nigr. ʒ. ʒ. trochiſc. alband. gutt. iij. ol. aniſi gutt. ij. F. ſ. a. pilulæ.

Quod ſi melancholici, neque has, neque alia medicamentorum formas admittere velint, quod ſæpe fieri ſolet, propinetur ſequens decoctum galli decrepiti :

℥. Rad. polypod. ʒ. ʒ. ſcorzonera ʒ. iij. cort. rad. helleb. nigri preparati ʒ. j. glycyrrh. ʒ. j. ʒ. flor. borrag. bugloſſ. violarum, an. P. j. ſem. aniſi, ſænicul. an. ʒ. ʒ. paſſul. minor. lotar. ʒ. ʒ. Fol. ſenæ Alex. ſ. ſt. ʒ. v. Ebulliant in iuſculo galli decrepiti, & detur iuſculum edendum & bibendum.

In alterando & roborando capite commendantur præcipuè margaritæ, hyacinthus, borrago, bugloſſ. crocus : Alteran-
roſæ, meliſſa, doricum, aromata ſubtilia & odorem roborantia
ac ſaporem ſuauem habentia, vinum album ſubtile, interna.
aromaticum. Commendatur etiam hoc Electuarium :

℥. Amygdal. dulc. excort. ʒ. iij. nuc. iugland. excort. ʒ. j. ʒ. nucl. perſcor. ʒ. j. ſem. papau. alb. ʒ. ʒ. ocymi ʒ. j. Contundantur & add. nucis conditæ ʒ. iij. margarit. præpar. ʒ. j. conſeru. meliſſ. betonic. bugloſſ. borragin. an. ʒ. j. Cum ſyrup. de cort. citri & violar. Fiat Electuarium, de quo veſperi exhibeatur ʒ. ʒ.

Vel ℥. Condit. flor. citri, flor. aurant. an. ʒ. iij. nuc. Indic. ʒ. iij. cort. citri ʒ. ʒ. conſeru. ſt. nymph. roſar. violar. an ʒ. ʒ. borraginis, bugloſſ. an. ʒ. ʒ. flor. lauend. anthos an. ʒ. j. ſpec. elect. de gemm. ʒ. ʒ. diamoſchi d. ʒ. j. conſ. alkerm. ʒ. ʒ. tinctur. coralior. rubr. ʒ. j. eſſentia cinnamom. ʒ. j. Cum ſyr. de cort. citric. moſcho q. ſ. F. conditum (quod duplici folio auri tegi poteſt

potest) cuius dosis quantitas nucis moschata , vel castaneæ.

℞. Conseru. rosar. ʒ. j. flor. tunic. pæon. an. ʒ. ʒ. violar. nymph. an. ʒ. ij. Aq. pomor. redolent. ʒ. v. borragin. bugloss. an. ʒ. j. ʒ. succi cydonior. rec. depurati ʒ. ʒ. citri recent. ʒ. j. Misce, contund. in mortario marmoreo. Hinc fortiter exprimantur, & colentur.

Colaturæ add. spir. margaritar. ʒ. ʒ. tinct. corallior. ʒ. j. smaragd. ʒ. ʒ. essentia papau. rhæad. ʒ. j. syr. de cinnamom. borrag. an. ʒ. vj. Misc. pro potione , cuius dosis cochlear. ij. manè & vesperi.

Cardanus se solis somniferis potionibus, & lotionibus, ac vsu Chrysolithi intra octiduum melancholicos curasse scribit.

Chymici hîc præcipuè tincturam , & magisterium Ƀæ laudant. Commendant etiam tinct. Corallior. magist. lap. lazuli, chrysolithi, perlarum , coralliornm, sal crystal- li, smaragdi , sapphiri , essentiam macis , essentiam & tincturam croci , sapphiri , smaragdi , essentiam anagallidis. E Chymicis nonnulli etiam spir. ⑤, & præcipuè spir. ⑤ ʒis commendant. Sed non video, quam commodè ; cum alias acida melancholicis sint noxia. Nonnulli tanquam specificum commendant sanguinem asini ex venis post aures tempore verno emissum, si in eo linteola munda nullo vsu antea infecta madefiant , & exsiccentur , & postea particula duos digitos lata , & vnum pollicem longa in aq. fontana maceretur, eaque ter postea manè exhibeatur, & sudor, si fieri potest, prouocetur.

Externa. Si materia adhuc generetur à perseuerante ibi calida dispositione, tum refrigerantibus & humectantibus, vt violis, rosis, nymphæa & similibus, quæ odoramenti loco vsurpentur, vtendum, vel caput abluatur decocto rosarum, violarum, maluæ, hordei.

Particu- lares ca- pitis euacuationes. Particulares quoque capitis euacuationes instituantur cum sensibiles, tum insensibiles. Aperiantur venæ narium, temporum, frontis, post aures , idque aliquoties fiat ; imò & in pedibus vena aperiri potest. Sanguini enim permiscetur humor melancholicus, & cum eo cōmode euacuatur.

Apophlegmatismus talis instituat.

℞. Pyrethri, zingiber. an. 3. j. sem. staphid. agriæ, erucæ, an. 3. β. cubebar. ʒ. j. ambre ʒ. vj. Cum oxymel. simpl. F. linimentum palato inungendum.

In nares immittantur sternutatoria ex hellebor. alb. maiorana, nigella, & similibus; & quidem fortiora eligantur.

Commendatur & serum caprinum cum extracto hellebor. nigri pro errhino.

Efficax est & sequens pulvis sternutatorius:

℞. Fol. tabac. veri, oleo sem. anisi præparat. 3. j. β. maioran. 3. β. agarici alb. 3. β. pulv. gumm. gutt. ligni aloes an. ʒ. β. ambre ʒ. v. moschi ʒ. iij. M. pro pulvere subtilissimo, cuius parum manè & vesperi naribus attrahatur.

Fomenta & inunctiones fiant ex stoechad. Arab. hyssopo, melissa, thymo, pulegio, fl. chamæmel. borragine, bugloss. quibus addantur malua, althæa, sem. foenugrec. quæ coquantur in vino subdulci, vel in lacte, vel in iure capitis veruecis, aut pulli gallin. & spongia decocto imbuta caput foueatur. Ac si papau. capita, aut fol. nymphææ addantur in mediocri quantitate, somno conciliando, cuius semper in melancholia curanda Medicus rationem habere debet, vna opera succurritur.

Vel imbuatur spongia ol. calidis, & humectantibus, vt oliu. chamæmel. anethin. lilior. albor. amygdal. dulc. & capiti applicetur.

In primis vtile est stillicidium ex lacte caprino recenti super futuram coronalem factum.

Vtile est & linimentum ex oui vitello & ol. amygd. dulc. 3. j.

Vel ℞. sem. papau. alb. cannabis, granor. iunip. an. M. j. zburis 3. β. nucleor. persic. malor. armeniac. an. 3. iij. Contund. & misc. cum aq. rosar. & fl. sambuci, ac supra totum caput in panno lineo ponantur, idque toties repetatur, quoties efficcata fuerint. Nonnulli etiam fonticulos supra futuram coronalem factos commendant. Alij cranij per trepanum apertionem, vt vapores melancholici, & si quid aliud est p. n. in cerebro, euacuetur. Refertque Rondeletius, meth. curandi

curandi morb. cap. 41. quosdam, quibus ex casu & lapsu cranium apertum fuit, sanatos fuisse, & Sauanorola scribit, quendam ex vulnere sanatum fuisse.

Somnife-
ra.

Somni, vt diximus, vtpote qui valde vtilis est in hoc morbo curando, etiam Medicus rationem habeat. Ideoque si ea, quæ antea diximus, non sufficiant, opij grana aliquot cum vnguento populeo misceatur, eoque tempora & nares illinantur. Si contumaces sint vigiliæ, laudan. opiat. ḡ. iij. exhibere licet.

Monet tamen Crato, *consil. 186.* remedia somnifera foris adhibita, etsi plurimum prodesse videantur: tamen melancholicis non satis tuta esse; quod de fortioribus intelligendum puto.

Amuleti loco de collo nonnulli suspendi iubent Smaragdum, alij corallia rubra, alij lap. Chelidonium.

Dieta.

Diæta ex antea dictis patet. Imprimis cibus sit boni succi, quo solo, & aquæ dulcis balneo recentem hanc melancholiam Galenus se curasse scribit, *3. de loc. affect. cap. 7.* Si enim cerebri constitutio nondum valdè mutata, nutrimentum bonum continuò affluens vitium præsens & nondum inueteratum corrigere, & balneum aq. dulcis frequens materiam discutere & euacuare potest. Reliqua diæta eadem est, quæ antea, & supra *part. 1. cap. 12.* est proposita.



C A P V T X.

De Amore infano.

Amor
Infanus.

T S I ad causas, quæ cerebri constitutionem immutando melancholiam inducunt, & quidem ad animi sollicitudinem & curas amor quoque pertineat, & proinde melancholia ex amore immoderato orta ad eam, de qua modo diximus, melancholiæ speciem referri possit: quia tamen hic animi affectus præ reliquis vehementior est, & peculiare quid obtinet, Medicis plurimis peculiari capite de melancholia ex amore orta, seu de Amore infano agere

agere placuit; quos & hic sequemur, & seorsim de hoc delirio hoc capite agemus, de quo etiam in Instit. l.2. part. 3. f. 1. c. 7. & ibid. f. 2. c. 4. quædam diximus.

Amor Græcis *ἔρως* est, vnde affectum hunc Barbari He- *Vnde di-*
reos, & hoc malo laborantes Heroticos nominant, Ara- *catur.*
bæ Ilisci. Est autem delirium melancholicum ex amore nimio ortum. Non equidem omnes amantes delirant. Etsi enim verum sit Poetæ illud:

Crede mihi, stulto nemo in amore sapit.

& plerique amantes cæco amoris impetu in diuersum à recta ratione abripiantur, & videant meliora probentque, deteriora sequantur: tamen non semper rectæ rationis vsum amittunt, sed amicorum, imò mentis, & conscientiæ ad meliora hortantis monita sequi possunt, si validius paulò affectui huic reluctentur, & resistent, & causas, ac occasiones huius mali vitent. Interdum tamen affectus hic tam vehemens est, vt, præcipuè si diu duret, hominem ratione quasi spoliaret, & ferè delirum efficiat.

Causæ.

Causa enim huius delirii primaria est impressio fortis *Causæ*
rei amabilis, seu amor, non ille blandus Dei, virtutis, bo- *amoris*
ni ac honesti, Parentum, liberorum, imò & coniugum, sed *infani*
Venereus, quo homines cum ratione insaniunt. Etsi enim *prima-*
& hic amor, qui est inter masculum & foeminam, si intra *ria.*
suos limites contineatur, blandus & suavis affectus fit: ta-
men si nimius sit, vt Seneca ait, est rationis obliuio, &
infantiæ proximus, foedum, ac minimè conueniens animæ
ospiti vitium; turbat consilia, altos & generosos spiritus
frangit, à magnis cogitationibus ad humillimas detrahit.
Etenim si hominis seu viri, seu foeminæ, vel reuera pulchri
vel qui talis apparet, (est enim, quod vulgo dicitur, Amor
cæcus) species ex visu, vel colloquiis concepta fortiter me-
moriæ imprimatur, & imaginationi, ac menti sæpius offeratur,
tantum rei amatæ desiderium & appetitus oritur, vt ma-
gna in homine inde fiat mutatio, & amore ægri nec som-
num, nec cibum capere possint, & animi variis perturba-
tionibus percellantur. Dum enim, vt in Institut. loc. alleg.
diximus, spem & opinionem consequendi rem amatam

concupiunt, in profundissimum sæpè gaudium erumpunt; & præ gaudio multa inepta & stulta agunt, & loquuntur, & periculis se non rarò maximis exponunt. Vbi verò de consequenda re amata desperant, nec mutuum amorem respondere animaduertunt, lugent, dolent, aut etiam irascuntur, interdum etiam violentas manus sibi inferunt. De quibus multa passim apud Poëtas, quæ etsi de amore qui nondum in delirium degenerauit, dicta videantur: tamen eadem etiam omnino delirantibus ex amore conueniunt. Terentius, in *Eunucho*.

In amore hæc omnia insunt vitia: Iniurie,

Suspiciones, inimicitie, inducie, bellum, pax, rursum.

Et Plautus, in *Mercat*.

Amori accidunt etiam vtrò hæc, quæ diximus,

Insomnia, ærumna, error, terror & fuga,

Ineptie, stultitiæque adeo, & temeritas,

Incogitantia, cupiditas, & malevolentia,

Inhæret etiam auaritia, desidia, iniuria,

Inopia, contumelia, & dispendium.

In primis verò graphicè incommoda amoris describit Plautus in *Cistell. Act. 2. Sc. 1.*

Credo ego amorem primùm apud homines carnificinam commentum:

Hanc ego de me coniecturam domi facio, ne foris quæram,

Qui omnes homines supero atque antideo cruciabilitatibus animi.

Factor, crucior, agitor, stimulator, versor in amoris rotâ miser.

Exanimor, feror, differor, distrabor, diripior: ita nullam mentem

Animi habeo. Vbi sum, ibi non sum: ubi non sum, ibi est animus.

Ita mihi omnia ingenia sunt: quod lubet, non lubet iam id continuò.

Ita me amor lapsum animi ludificat, fugat, agit, appetit, Raptat, retinet, iactat, largitur: quod dat, non dat, deludit:

Modò quod suaserit, dissuasit: quod dissuasit, id ostentat.

Maritimis morib. mecum experitur: ita meum frangit amantem

Ani

*Animum: neque, nisi quia miser non eo pessum, mihi ulla
abest*

Perdito pernicies.

Imò vt Virgilius *Eclog.* 8. ait:

*Sæuus amor docuit natorum sanguine matrem
Commaculare manus; quod à Medea factitatum.*

Egregiè quoque infanum hunc amorem descripsit *Seneca*, in *Hippolyt.*

Torretur æstu tacito, & inclusus quoque,

Quamuis tegatur, proditur vultu furor:

Erumpit oculis ignis, & lassæ genæ

Lucem recusant: nil idem dubiæ placet,

Artusque variè iactat incertus dolor:

Nunc vt soluto labitur moriens gradu,

Et vix labante sustinet collo caput:

Nunc se quieti reddit, & somni immemor

Noctem querelis ducit; attolli iubet

Iterumque poni corpus, & solui comas

Rursusque fingi, semper impatiens sui

Mutatur habitus: nulla iam Cerevis subit

Cura, aut salutis; vadit incerto pede

Jam viribus defæta, non idem vigor,

Non ora tingens nitida purpureus rubor

Populatur artus cura; iam gressus tremunt,

Tenerque nitidi corporis cecidit decor,

Et qui tenebant signa Phœbeæ facis

Oculi, nihil gentile, nil patrium micant:

Lacrumæ cadant per ora, & assiduo genæ

Rore rigantur.

Et sunt huiusmodi ærumnarum quibus amantes affliguntur; pleni Poëtarum libri.

Tot verò curis, ærumnis & sollicitudinibus cum amantes conficiantur, non mirum est, si tandem in melancholiam incidant. Et si enim amor, vt diximus, in principio species delirij, & melancholiæ non sit: tamen nimia animi sollicitudo, inedia & vigiliæ, ira; & vehementissimi animi affectus, quibus continuò cruciantur, cerebrum refrigerant, & exsiccant, humores melancholicos cumulant,

& cerebro melâcholicam dispositionem inducunt. Et quidem in principio nihili tale incauti metuunt : dum verò obiectum gratum & delectabile memoriæ nimis imprimumt , & continuò de eo cogitant :

Labitur totas furor in medullas ,

Ignè furtivo populante venas.

Non habet latam data plâga frontem ,

Sed vorat testas penitus medullas,

Vt Seneca in *Hippolyt.* habet. Ideoque vt idem *ibi* scribit:

Qui blandiendo dulce nutrit malum ,

Serò recusat ferre , quod subiit , iugum.

Causæ Cussæ verò huius delirij remotæ sunt omnia , quæ ad
remota. amorem conciliandum faciunt. Cum verò amor sit appetitus ; appetitum verò præcedat notitia , & ignoti nulla cupido sit : primus ad amorem gradus est rei notitiâ : ad quem peruenitur visu & auditu. Et in primis amoris causa est obiectum pulchrum seu reuera tale , seu tale apparens visui oblatum. Vnde Amor Græcis *ἔρως δὸν τὴ ἑσπερίν*, ab influendo , quod ex adspectu per oculos quasi per fenestras in mentem hominis influat , dictus putatur ; & hinc illud est vulgatum ; *ὦν τὴ ὀφθαλμοῦν πύλης τὸ ἔρως* , & illud ; *Oculi sunt in amore duces.* Vnde ille apud Virgilium ;

Vt vidi , vt perij , vt me malus abstulit error

Ita David Bersabæ , Dido Æneæ conspectu amore accensa est.

Vt verò amor ex visu seu auditu perceptus , penitius sese menti insinuet , & obiectum fortius animo imprimitur , multum facit otium , solitudo , lectiones librorum amatoriorum , colloquia amatoria , & frequens cum amico , vel amica conuersatio : de quo Seneca in octau.

Vis magna mentis, blandus , atque animi calor

Amor est iuuentæ, gignitur luxu, otio

Nutritur inter lætæ fortunæ bona.

Et de otio Ouidius ait :

Hæc sunt iucundi causâ , cibusque mali.

De Philtris.

*Philtra
vnde dicuntur.*

Cùm verò inter causas amoris insani etiam Philtra à multis numerari soleant , de iis hic aliquid dicendum.

is exsorsus sit, nec placeat, philtra pro odio amorem inducere non possunt animos; cum talia pharmaca in corpus quidem agant, in animam verò hominis agendi nullam potestatem habeant.

Hoc quidem non negamus, Veneris stimulos, & vene-reos affectus interdum à talibus medicamentis induci posse: non tamen is appetitus ad certam & peculiarem, quod hic præsupponitur, personam determinatur, sed promiscue in obuiam quamque.

Hoc verò experientia sæpe docet, pro amore furorem, & insaniam philtris inductam fuisse, de quo Poëta:

Philtra nocent animis, vimque furoris habent.

Vnde & leges Romanorum graues & capitales poenas in eos constituunt, qui pocula amatoria aliis exhibent. Plutarchus de L. Lucullo Imperatore refert; quod hausto poculo amatorio in furorem inciderit, quo tandem misere periit. Lucretius Poëta philtro ab vxore Lucilla accepto in furorem coniectus sibiipso manus violentas intulit. Et talia exempla passim occurrunt, atque aliquot etiam annotauit Schenck *lib. 7. obseru. 30. & 31.* Notusque hic Vvitebergæ fuit ante paucos annos quidam Calceolarius, qui philtro accepto multos annos insanus vixit, & tandem in claustro insanus mortuus est.

Et sit, vt occurrant exempla eorum, qui philtris in amorem alicuius inducti creduntur: tamen id vel Dæmonis fraudibus factum, qui etsi in hominis animam nullum habeat imperium, tamen Dei permissu, vt alios prauos affectus in hominum animis, ita & istum excitare potest, hominumque mentem dementat, & impuris cogitationibus amantium sese associat, atque interim iis, qui philtra exhibuerunt, persuadet à philtris eiusmodi affectum dependere, atque ita supersticiosam de philtris opinionem in hominum mentibus cõfirmat, eosque ad malè agendum & secum colludendū porro incitat: Vel quod philtris adscribitur, conuersationi potiùs, colloquiis amatorijs, & aliis causis amorem conciliantibus adscribi debet.

Ita narratur historia de Rege Macedonum Philippo, qui cum amore puellæ arderet, & Olympiæ Reginz
vx ori

uxori persuasum esset ab aliis , philtro à puella propinato Rēgem maritum in hunc amorem pertractum esse, puellam ad se adduci iussit; adductam vero cum & formæ elegantia & morum suauitate excellere videret , suspitione de philtro abiecta exclamauit χαίρειν σοι Διόβολαι : σὺ γὰρ ἐν παντὶ φάρμακον ἔχεις : *Valeant* , inquit , *calumniæ* : tu in te philtro habes. Vbi vox φάρμακον, vt supra diximus, pro philtro sumitur.

Signa Diagnostica.

Qui melancholici sunt ex amore, vultum sæpè mutant, & nunc hilaritatem , nunc tristitiam præ se ferunt , & in primis si amici , vel amicæ mentio fiat , vel is aut ea visui obiciatur , non solum in vultu , sed & in pulsu mutatio deprehenditur , quo modo Galenus , de præcogn. ad posthum. cap. 6. mulierem quandam ex amore ægram esse deprehendit , & ab Erasistrato Medico Antiochum Seleuci Regis filium Stratonicæ nouercæ amore ægrotare deprehensum esse refert Valer. Maximus , lib. 5. cap. 7. Ideoque si Medicus tale quid de ægro suspicetur , neque is ob verecundiam animi affectum prodere velit , Medicus tangat pulsum , & curet , vt amicæ vel amici mentio fiat , vel de eo nuncium , aut epistola afferatur , aut is , vel ea ex improviso ægrotanti offeratur , tum enim ad mentionem , vel adspectum eius non solum faciei color , sed & pulsus mutabitur. Pulsus equidem amantibus nullus proprius est , & peculiaris , sed turbatus saltem , vt neque naturalem æqualitatem , neque ordinem seruet. Sic etiam si carmina amatoria , vel sermones , aut cantilenas amatorias audiant ægri , vel in hilaritatem & risum , vel in tristitiam , & fletum soluuntur ; in risum quidem , si se in gratia amicæ esse existimant ; in fletum , si repudiatos se opinantur. Facies amantium pallet , vigilæ vrgent , corpus contabescit , oculi intra orbitas conduntur , & graues sunt ob spirituum defectum. In sermonibus , gestibus & actionibus decorum non obseruant amantes , & multa præter τὸ ὀρεῖν loquuntur , & agunt , & in iis grauitas nulla , quæ debebat , apparet , de quo illud :

Non bene conueniunt nec in una sede morantur

Maestas, & amor.

Et ita homines immutantur ex amore, vt Terent. in *Eunuch.* ait, vt non cognoscas eosdem esse. Et effectus amoris, & quantum ex iis corpus immutetur, antea etiam in causis diximus, vt exemplis etiam in instit. *loc. allegat.* ex Galeno *lib. de præcognitione ad Posthum. cap. 6.* Valerio Maximo *lib. 5. cap. 7.* Amato Lusitano *curat. medicinal. cent. 3. curat. 56.* Francisco Valleriola *lib. 2. obseru. 7.* docuimus, qualia etiam passim in historiis, & poetis occurrunt. Medea filios discerpit impotentia amoris, vel zelotipia in amatum Iasonem. Dido sibi ipsi manus violentas infert vehementia amoris in Æneam victa. Hercules amore effæminatus turpiter seruauit Omphalæ. Samson amore superatus arcana sua cum suo maximo damno amicæ reuelauit. Salomon omnium hominum sapientissimus amore mulierum victus Idololatriam committit. Notatu etiam dignum est, quod Cornax, *lib. 1. consult. Medic. cap. 3.* refert se vidisse, nobili cuidam iuueni, qui puellæ cuius nuptias ambiebat, in mensa assidebat, subito venam in temporibus propè aurem sponte apertam fuisse, & copiosum sanguinem ex ea profluxisse. Quosdam ob repulsam, vel amicæ discessum subito mortuos esse refert Marcel. Donat. *de hist. Med. Mirabil. l. 3. c. 13.* vbi plures infani amoris historias recenset.

Prognosticum.

In principio quidem malum hoc curatu difficile non est: si verò radices agit, vel in Maniam degenerat, vel ægri Marasmo, & tæbe consumuntur, vel sibi ipsis violentas manus inferunt.

Curatio.

Initio ergo, vbi constitutio cerebri nondum adeo immutata est, saltemque vanis illis cogitationibus torquentur amantes, malo statim resistendum, & vt Ouidius habet;

Dum licet, & modici tangunt præcordia motus,

Si piget, in primo limine siste pedem.

Opprime, dum noua sunt, subiti mala semina morbi.

Et

Dum nouus est, cæpto potius pugnemus amori:

Flamma recens parua sparsa resedit aqua.

Ideo

Ideoque fugienda solitudo, & amicorum colloquiis & conuerſatione, animus amore æger à mœſtitia, & vanis illis cogitationibus ad hilaritatem auocandus, & quibus fieri poteſt modis oblectandus, & de re amata cogitationes excutiendæ, & virorum grauium admonitionibus æger ad mentem meliorem adducendus, monſtrandumque quam abſurda, inepta, & genere ac conditione indigna agat, atque ea, quæ amatur, omnibus modis exoſa reddenda, eiufque vitia, ſeu corporis ſeu animi exaggeranda. De quibus tamen multa præcipere potius Ethici eſt, quàm Medici. Et extant hac de re non pauca apud Ouid. *in lib. de remedio amoris*. Ideoque plura hic non addimus. In primis fugiendum otium: nam vt Ouidius habet:

*Otia ſi tollas periere cupidinis arcus,
Contemptæque iacent, & ſine luce faces.
Deſidiam puer ille ſequi ſolet, odit agentes:
Da vacuæ menti, quo teneatur, opus.
Quam Platanus riuo gaudet, quam Populus vnda,
& quam limoſa canna paluſtris humo:
Tam Venus otia amat: ſinem qui queris amori,
Cedit amor rebus, res age, tutus eris.*

Hinc tres Deas Amori inuiſtas eſſe Poëtæ tradunt, Minervam, Dianam, Veſtam.

Si verò malum ita radices egerit, vt admonitionibus vix amplius locus ſit, modo capite præcedente propoſito æger curandus: & ſi ex Veneris appetitu & ſeminis abudantia tale malum ortum habeat, medicamenta venerem ſopientia, & ſemen exſtinguentia exhibenda. Inter quæ commendatur ſem. agni caſti, rutæ, portulaca, mentha, camphora, quod tamen Scaliger *exerc. 104. ſ. 8.* negat, ſem. coriandr. lactucæ. Folia etiam ſalicis trita, & pota Venerem imminuunt, & ſi ſæpè uſurpentur, planè auferunt. Idem verbenæ præſtare dicitur, atque etiam geſtata Venerem extinguere. Idem præſtare lapidem topazium in annulo geſtatum ſcribunt. In primis ſaccharum ſuni, quod Venerem imminuit, & ſi ſæpius uſurpetur, virilitatem tollere poteſt.

Nota.

De Mentha procul dubio hinc ortum prouerbiū:

Mentham tempore belli neque serito, neque edito. Quod quamuis inde natum putat Aristoteles *sect. 20. Problem. 2.* quod quia corpus refrigeret, animositati & fortitudini sit aduersa: tamen quia mentha frigida non est, hæc potius huius adagij causa videtur, quod mentha Venerem extinguit, quod ipse *loc. alleg.* concedit Aristoteles. Cum enim belli tempore multi pereant, & proinde nouo milite & ciue, qui mortuis succedant, opus sit, ad eam rem liberorum propagatione opus est, quam mentha, utpote semen extinguens, impedit; & proinde eo tempore inutilis est.

Hinc commendantur hæc medicamenta:

℥. Trochiscor. de camphora, menth. sicca an. 3. j. sem. agni casti 3. ℔. cum syrup. nymphae fiant pilulæ.

Vel ℥. Menth. sicca, sem. agni casti, nymph. an 3. j. rasur. eboris, corall. rubr. an. 3. ℔. sacchar. alb. in aq. nymphae dissolut. 3. iij. fiant rotulæ.

Vel ℥. Sem. lactuc. portulac. coriandr. menth. sicca an. 3. j. fiat puluis.

Cui si addantur sacchari 3. iij. vel iij. in aq. nymph. vel menthæ dissolut. fiant Rotulæ.

Aqua castitatis ut appellant.

℥. Aq. menth. chelidon. aneth. lilior. conuall. lilior. albor. nymph. an. 3. j. Misce. Dosis 3. ij. vel iij.

Diaeta.

Victus tum sit tenuis: cum sine Cerere & Baccho frigeat Venus: & hic etiam locum habeat oraculum Saluatoris: hoc genus dæmoniorum non eiicitur, nisi precatione & ieiuniis.

Videantur de hoc affectu etiam Lang. libro 1. Epistola 24. Valefc. de Tarant. libro 1. capite 11. Forest. libro 10. obseruat. 29. & 30. In primis verò eruditè & prolixè de insania ex amore tractat Fr. Valleriola, *observation. lib. 2. observation. 7.* qui videatur.

Cura furoris ex philtis.

Cura furoris ex philtis

Quamprimum cognitum habetur, vel suspicio est, philtum datum esse, statim ipsi occurrendum ne venenum, in quod philtum degenerant, cor petat, & hominem iugulet. Primo itaque necessaria sunt vomitoria, ut sunt aqua benedicta, Elect. Vitri ʒnij, Crollij, Aurum vitæ, &

& similia, quibus semper addendum aliquid alexipharmacorum, ceu sunt lap. bezoar, terra sigillata, aqua theriacalis, mithridatica, &c. Ægro quidam radicem asari contusam exhibuit, qua sumpta multum euomuit, & ita pristinae sanitati restitutus est, vnde radix hæc mirè commendatur.

A sumpto vomitorio statim prouocandus sudor cum aqu. acetosæ, cardui benedict. angelicæ, betonic. præseruatina aliqua, aq. mithridatica, theriacali, spirit. theriacali, spirit. tartari compos. Andernaci, terra sigillata; quibus admisceri possunt elixir. propriet. Mater perlarum præparata, vel eius magisterium, succinum album præparatum.


℥. Aq. acetos. card. ben. an. ʒ. j. terre sigill. Siles. ʒ. j. matr. perlar. præparat. succini alibi præpar. an. ʒ. ʒ. lap. bezoar ʒ. ij. mixtur. simpl. ʒ. ʒ. Aq. theriacalis ʒ. j. syr. acetos. citri ʒ. ʒ. M. pro haustu.

Vel ℥. Aq. plantag. cardui bened. an. ʒ. j. ʒ. theriacal. ʒ. ij. terre sigill. ʒ. j. C. C. præparati ʒ. xv. sal. absinth. ʒ. ʒ. extr. gentiana ʒ. iv. spir. ☉. ʒ. vij. syr. de succo acetosæ ʒ. iij. Misce pro haustu, quæ dosis per aliquot dies manè vacuo ventriculo repentenda, donec sudor largus consequatur, & alleviationem aliquam percipiat æger.

Postea per aliquot dies exhibeatur tale decoctum.

℥. Succ. meliss. recent. hyperic. an. ʒ. ij. extr. rad. vincetox. ʒ. ʒ. lap. magnetis boni, & ferrum trahentis ʒ. ij. mellis despumati q. s. Fiat Electuarium, cuius ʒ. j. vel ʒ. j. ʒ. ieiuno ventriculo exhibenda, donec remittat malum. A meridie quotidie exhiberi potest aliquid de tinctura Coralliorum, à gutt. vj. ad x. vel haustus de emulsione canabina seq.

℥. Sem. cannab. ʒ. j. Vini albi generosi ʒ. ix. Fiat Contundendo emulsio, cui add. margarit. præparat. ʒ. ʒ. pulu. sem. hyperic. ʒ. j. lap. chrysolith. ʒ. ʒ. bezoar. ʒ. ij. Misc. pro ʒ. dosibus.



CAPVT XI.

De Melancholia per consensum cordis & totius.

*Melan-
cholia per
consensu
caussa.*

ALDE cognata & proxima melancholiæ ex primario cerebri affectu est melancholia, quæ fit consensu cordis & totius, adeo ut nonnulli eam, quæ fit cordis vitio, spiritus vitales melancholicos ad spirituum Animalium generationem suppeditantis, ad melancholiam per primum cerebri affectum referant. Nos ad melancholiam per consensum referre malumus: cum cerebrum saluum esse possit, & spiritus Animalis melancholicus saltem ob errorem externum, seu materiæ vitio generetur. Hoc tamen verum est, si spiritus, & sanguis vitalis impurus diu ad cerebrum affluat, tandem ipsum cerebrum dispositionem melancholicam inde contrahere.

Causse.

Melancholiæ huius causa est humor melancholicus, & spiritus vitalis similis in toto abundans; & quidem nunc purus, nunc cum alio humore mixtus.

Continetur autem iste humor melancholicus in venæ cauæ, ut & arteriæ magnæ ramis: sicut ille, qui melancholiam hypochondriacam excitat, in ramis venæ portæ continetur: Vnde & delirium hoc continuum est, non verò per vices infestans, ut in melancholia hypochondriaca accidere solet: licet quasdam exacerbationes habere possit, quales etiam in febribus continuis fieri solent.

Colligitur verò iste humor præcipuè ob intemperiem cordis frigidam & siccam. Cum enim cor, si sit frigidum & siccum, etiam intra sanitatis limites, spiritus tales gignat, ob quos homo est tristior, & timidior: probabile est, multò magis si intemperies illa iam morbosa fiat, quod spiritus tales generabuntur, quorum ratione ægri etiam sine causa externa timidi, & tristes reddantur. Cor enim frigidum & siccum tam subtiles, ut par est, & tam salidos spiritus non generat. Hi ergo ipsi ad melancholiam

apti

apti sunt, & cum spiritibus Animalibus præbeant materiam, eiusdem generis spiritus Animales inde generabuntur, idest, minus calidi, crassi, impuri, & vno verbo melancholici.

Et cum cor officina sanguinis, & spiritus vitalis sit, & ad temperiem totius corporis mutandam maximam vim habeat, temperiemque cordis temperies totius sequatur: intemperies hæc, & constitutio p. n. cordis toti corpori communicatur. Facit tamen etiam sæpe ad melancholicam totius corporis constitutionem inducendam hepar, & lien, si eorum vitio sanguis melancholicus generetur. Et quidem non solum hepar frigidum & siccum, verum etiam calidum & siccum ad humoris melancholici generationem facit. Cum enim hepar tale sanguinem adustum, & crassum generet, vbi calor exspirat, & crassiores partes in liene hærent, sanguini melancholico præbetur materia. Neque tamen ob id melancholia, & mania easdem planè causas habent, & confunduntur. Nam in melancholia quidem humor esse potest adustus, sed causa exurens iam cessauit, calor desijt, & humorem frigidum & siccum post se reliquit: in mania verò causa adurens adhuc durat. Interdum tamen accidit, vt mistus quasi affectus ex mania & melancholia excitetur, & æger aliquo temporis spatio maniacus sit, alio melancholicus; dum scilicet humores sunt adusti, sed amplius caliditatem notatu dignam non obtinent.

Et quidem ista cordis & viscerum, imò totius corporis intemperies, & melancholica constitutio nonnunquam à parentibus in liberos deriuatur, & tum inter morbos hæreditarios melancholia numeratur. Si etiam quis corporis constitutione melancholica est, facilius hoc morbo corripitur. Hinc graciles, nigri, hirsuti, præsertim cum pilis crassis & nigris, & qui venas latas habent, facilius melancholia corripiuntur. Nec tamen alij, qui eam corporis constitutionem non habent, sed corpore sunt molli, albo aut rubro, à morbo hoc planè immunes sunt; sed si causa, quæ iam enumerabuntur, adsint, aut præcesserint, in omnibus omninò corporibus cuiuscumque constitutu

stitutionis melancholicum delirium hoc excitari potest, quod ipsa experientia testatur.

Secundò etiam in quacumque corporis constitutione melancholiam generant curæ, tristitia, subitus terror & consternatio, metus, quæ sanguinem in toto corpore mutare possunt; nimia animi intentio, & rerum difficilium, vel impossibilium exercitatio, nimia excitatio, & labores, vigiliæ, ieiunia: quæ omnia humidum radicale & corpus absumunt & exsiccant. Faciunt quoque huc febres acutæ & diuturnæ, humores in corpore adurentes & siccantes, cibi item crassi, & sanguini melancholico generando apti, quales sunt caro bubula, ceruina, hircina, aprugna, pisces marini, & grandes, & alij cibi sale & fumo conditi, ac indurati, brassica, lentes, legumina, panis furfuraceus, vel ex pannico, milio, fabis coctus; caseus vetus; vina crassa, nigra, cereuisia crassa. Facit quoque ad melancholiæ generationem aer crassus, & turbulentus, frigidus, siccus, vel etiam siccus adurens, vt æstas calida & sicca, quæ humores adurunt. Quamuis enim ea potius bilem, quam melancholiam gignat: tamen superueniens frigiditas autumnii id impedit, & materia adusta & crassa in melancholiam degenerat: Vnde quartanæ Autumno sunt familiares: & inter anni tempora ad hunc morbum autumnus commodissimus est. Cumulant quoque humorem melancholicum in toto corpore causæ, quæ eum in corpore detinent, vt vitium aliquod lienis, ob quod sanguis à feculento humore non expurgatur, atque hinc in vniuersum corpus redundat: hæmorrhoidum etiam, & mensium suppressio, ob quam sanguis talis retentus in totum corpus redundat, illudque inquinat.

Cum verò multi humore melancholico abundant, nec tamen delirent: delirium non generatur, nisi humor iste cerebro communicetur, & spiritus tenebricosi, & melancholici inde reddantur, quod fit in primis ob animi affectus, studium, curas, sollicitudinem, quibus is ad cerebrum rapitur. Interdum tamen & Dæmones hanc occasionem arripientes, Deo permittète, sese huic corporis cōstitutioni
asso

affociant, & omnis generis tristes, absurdas, & prauas cogitationes homini suggerunt; vnde melancholia Balneum Diaboli vulgò nominari solet.

Signa Diagnostica.

Si à totius corporis venis ad caput humor melācholicus transmittatur, erit delirium continuum, quod tamen aliquas interdum exacerbationes, vel remissiones habet: nihil verò insigne p.n. circa hypochondria apparet, aderuntque melancholiæ in toto corpore abundantis indicia, & æger, vel ab ipso ortu corporis cōstitutionem melancholicam obtinet, est fuscus, macilentus, niger, hirsutus, vel si natura talis non sit, præcesserunt causæ melancholiam multiplicantes siue eam generent, siue detineant, febres acutæ diuturnæ, vigiliæ, curæ, & similes antea enumeratæ. Hinc nōnunquam corpore molli, albo vel rubro, vel etiam biliosi melancholici fiunt, si præcesserint curæ, vigiliæ, cibus prauus melancholicū succum generās, Epar, & cor ex morbo aliquo ad melācholiam generandam disposita sint, præcesserunt febres diuturnæ, mensium vel hæmorrhoidum suppressio. Quæ omnia confirmantur sanguinis phlebotomia emissi inspectione, qui melancholicus apparet, si talis in toto redundet.

*Melan-
cholia
per con-
sensum
signa.*

An autem humor melancholicus purus & simplex sit, an cum alio mistus, deprehenditur ex iis, quæ antecesserunt, effectibus. Nam si ea præcesserunt, quæ simplicem humorem melancholicum tantum generare valent, vel quacumque ratione eum in corpore colligere, si ægri constitutio & temperatura sit melancholica; color plumbeus, nulla præcesserit febris diuturna, vel ardēs, aut cordis, vel hepatis caliditas, vel siccitas nimia, quibus humores aduri solent, cum delirio metus & tristitia sit insignior: à puro humore melancholico delirium est.

*Humoris
melan-
cholicī
simplicis
& misti
signa.*

Si autem humor alius admistus sit, præcesserunt causæ cum humore melancholico etiam sanguinem, bilem, pituitam vel atram bilem generantes, & symptomata quoque nonnihil variant. Nam si sanguis admistus sit, delirium interdum fit cum risu; si pituita, delirium est mite, cum obliuione & pigritia, metus ac mœror valde excedunt; si bilis

bilis

bilis admista sit, delirium est cum ira, & excandescencia aliqua; si bilis atra, delirium est mania proximum.

*Diaboli
melan-
cholia se
immiscē-
tis signa.*

Diabolum verò se immiscere melancholiae patet ex eo, quod ægri ea, quæ antea ignorabant, proferunt, futura prædicunt, arcana patefaciunt, linguis quarum ignari antea fuerunt, loquuntur, & alia supra captum & ingenium proferunt. Quamvis enim ex morbo, ut supra diximus, dispositio aliqua cerebro induci possit, quæ ingenium augeat, & hominem quàm antea prudentiorem vel sapientiorem reddat: tamen si ea proferat æger, quæ planè supra eius captum sunt, ad causam naturalem id referri non potest.

Prognostica.

Prognostica, quæ supra de melancholia in genere enumerata sunt, etià hic locum habent. In specie huc pertinere videntur aphor. 11. §. 6. *melancholicis & nephriticis hæmorrhoides supervenientes bonæ sunt*: Et aphorism. 21. sect. eiusdem: *Insanis si varices, vel hæmorrhoides supervenerint, insanie solutio.*

Indicationes.

Humor melancholicus cum in toto, tum in capite consistens primò præparandus, & deinde euacuandus. Omnium verò primò si sanguis abundet, & humori melancholico mistus sit, is euacuandus, & si cordis vel alterius membri, hepatis puta, vel lienis vitio aut generetur, aut cumuletur, & detineatur in corpore humor melancholicus, morbus illius membri curandus. In primis autem melancholia à capite reuellenda.

Multi sunt, qui humore melancholico abundant, nec tamen delirant, & melancholici fiunt; cum humor hic in iis caput non occupet. Tandem caput, & cor alterandum, & roborandum.

Curatio.

*Vena se-
ctio.*

Si ergo sanguis redùdet, præmissis clystere, vel leni pharmaco purgante, vena aperiatur in brachio, in primis sinistro, & pro eius redundantia & viribus ægri sanguis euacuetur, præstatque ob spirituum necessitatem paulatim & partitis vicibus sanguinem detrahare. Atque præcipuum ad

ad curationem melancholiæ, & manix remedium venæ sectionem esse censet Platerus, scribitque se longa observatione didicisse, innumeros hac ratione sanatos fuisse à Chirurgis quibusdam, vel aliis, qui hisce morbis sanandis operam dabant, qui vigesies & sexagesies quoque venas tundendo, insanos penitus & melancholicos ita restituerunt, ut postea sani adhuc longam vitam vixerint, qui in venâ certa eligenda nihil laborarunt, sed nunc brachij, nunc pedis, hanc, illamve, nunc alibi sine discrimine aperuerant. Quod remedij genus & ipse, sed maiore cura & providentia, ac methodicè, præmissis semper alui purgationibus, usurpauerit. Is enim non solum venam aliquam patentem in brachio eligit, sed & saluatellam sinistræ manus, & in pedibus quoque malleoli venam, Saphænam dictam, præcipuè si menses non rectè fluant, vel quæ ad pollicem pedis excurrit, secatur; varices quoque, si in cruribus aut alibi appareant, cum magnam eiusmodi materiæ melancholicæ copiam contineant, aperiendas censet, tandemque frontis & narium venas. Quæ omnia de repetita venæ sectione, etsi inprimis de mania vera esse non dubitem: habent tamen suo etiam modo locum in melancholia, præcipuè in melancholia, quæ ex terrore, vel metu subito & ex improviso accidente oritur, quæque tam fortem in spiritibus, & humoribus, ac cerebro ipso impressionem facit, ut ægerrimè, nisi tota sanguinis massa exhauriatur, curari possit. Habetque ut Crato ex sententia Montani loquitur, humor melancholicus seminarium ignis in se, quod aliàs magis, aliàs minus intenditur, & cum efferuescit, in maniam degenerat. Aliqua tamen cautione opus est, ob timorem & moestitiam, quibus plerique melancholici perpetuò afficiuntur; ob spirituum, quibus maximè opus habent melancholici, dissipationem, suffocationem & imminutionem, ne nimia sanguinis euacuatione spiritus exhauriantur & vires deiciantur. Cognoscit autem facile Medicus, quid in hoc melancholiæ genere agendum sit, si causas ob quas humor melancholicus genitus, aut collectus est, consideret: si enim hepatis ob intemperiem calidam & siccam talem humorem generet, aut sanguinem in cor-

pore abundantem exurat, aut eadem totius corporis intemperies ab interna, vel externa causa contracta præstet, aut à subita consternatione malum ortum habeat, hæmorrhoides vel menses suppressi sint; sanguinem audacius pro copia & viribus ægri, & quidem ex pluribus venis, per intervalla tamen, euacuare licet.

Si verò vigiliæ, curæ, inedia, amor, & similes causæ sanguinem, spiritusque absumentes præcesserint, vel nulla vel parcior sanguinis euacuatio instituenda.

*Quanam
vena se-
canda.*

Aperiatur autem primò Interna, aut Mediana vel dextri, vel quod commodius videtur, sinistri brachij vena, & quidem latiore foramine, ut sanguis crassior etiam effluat. Diligenter enim hic attendendū, ne crassior sanguinis melancholici pars intus relinquatur, subtilis verò & utilis euacuetur. Monet quidem Galenus, si sanguis affluens non sit melancholicus, statim supprimendum esse. Verum moment hic alij, sæpe accidere, ut licet sanguis primò subtilis exeat; crassius tamen postea sequatur. Hinc vena in talo aperiat. Aut si venam sæpius aperire non licet, vena in talo statim aperiat, cuius apertione in hoc morbo maxime utile esse experiētia docet. Reuellit enim à capite propius, & sanguinem crassiorem ad inferiora tendentem facile euacuat: Et si ex mensium & hæmorrhoidum suppressione malum hoc proueniat, consueta euacuatio reuocanda; non tamen statim id in principio morbi tentandum, sed prius plenitudo in toto demenda, ne medicamenta, quæ euacuationes illas prouocant, cum sint calida & sicca, malum augeant. Per venæ tamen in talo sectionem statim sanguinem ad consuetum euacuationis locum reuocare nil prohibet; nisi forsan tanta copia sanguinis ex suppressione eius sit cumulata, ut consultius sit, primò in brachio venam aperire. Si æger etiam crurum venas amplas habeat, quæ varicibus similes sint, hirudines iis affigere utile est.

Præparantia.

Sanguinis euacuatione peracta, ad præparationem materiæ melancholicæ accedendum, quæ per dies nunquam pauciores, quam quatuor, interdum etiam octo continuanda est. Dictum verò antea, ad humorem melancholicum
requi

requiri calefacientia, humectantia, & attenuantia, qualia supra, part. 1. cap. 12. sunt proposita, quæ una opera humorem melancholicum in cerebro, corde, & toto præparare & alterare possunt. Commodè etiam usurpatur ☐ & ☐ vitriolatum. Exempl. gra.

℥. syrup. de succ. borrag. bugloss. de epithym. an. ʒ. ʒ. aq. sco- Syrupi
lopend. & borra. an. ʒ. j. ʒ. M. pro una dosi, & sic pro reliquis. & potio-

Vel ℥. Rad. fenicul. scerzonera, bugloss. an. ʒ. ʒ. cortic. ta- nes.
marisc. rad. cappar. polypod. q. an. ʒ. iiij. sem. anisi, fenicul. an.
j. ʒ. citri ʒ. ij. sol. capill. ♀. scolopendr. meliss. lupuli, thymi,
an. M. j. flor. borrag. bugloss. violar. an. P. ij. passular. exacinat.
ʒ. j. glycyrrhiz. ʒ. ʒ. Coq. in aq. f.

Colat. ℥. ʒ. xvj. add. syrup. de epithymo, de pomis, de suc.
borragin. byzant. simpl. an. ʒ. j. ʒ. Misce pro 4. vel 5. dosibus.

Vel ℥. Rad. polypod. q. asparag. fenicul. an. ʒ. j. helenij, bu-
gloss. cort. tamarisc. rad. cappar. fraxini, an. ʒ. ʒ. herb. bu-
gloss. borrag. lupuli, melissæ, thymi, epythym. capill. ♀. an.
M. j. sem. fenicul. ocymi, caryophyll. an. ʒ. ij. flor. borrag. bugloss.
violar. genist. an. P. ij. Coq. in fero lactis & sub finem ad-
de succ. pomor. dulc. melissæ, fumarie an. ʒ. iv. Postea colentur,
& saccharo colatura dulcoretur: vel addatur syrup. de po-
mis, bugloss. de cortic. citri, an. q. l. & cinnamom. condia-
tur.

Non solum autem syruporum, vel potionum forma Electua-
præparantia exhiberi possunt, sed & forma conferuarum, ria.
& Electuaria, qualia postea inter alterantia & roboran-
tia proponentur. Et ut facilius talia in corpus distribu-
antur, aliquid syrupi, vel aq. conuenientis, aut iusculi galli-
næ post sumtum tale medicamentum haurire utile est.
Exemp. gr.

℥. Conseru. bugloss. borragin. fumar. rosar. an. ʒ. j. specier.
diamarg. frigid. diamb. dianthos. pliris archontici, an. ʒ. j.
cort. citri condit. ʒ. vj. Cum syrup. de pomis. F. Electuarium;
cuius manè & ante coenam ʒ. ʒ. exhibeatur per aliquot
dies cum syrupo, vel aq. conueniente, aut iusculo.

Atque hæc humoris melancholici præparatio omnino
necessaria est, & sæpe satis diu continuanda. Etsi enim hu-
mor hic putridus non sit, & propterea propriè non crudus,

nec ob cruditatem coctionem hic moliri necessarium sit, vt in Instit. lib. 5. p. 2. f. 1. cap. 7. dictum: tamen alia de causa præparatio necessaria est. Etenim cum hic humor sit crassus, siccus, terrestris, & omnino contumax, ac vt Platero placet, malignitatis quid obtineat, non temere ipsum purgantibus agitare decet. Aliàs enim & nisi præparatus sit, purgantium, præsertim validiorum, vsu exacerbabitur, vt cancer medicamentis, quæ digerendi & abstergendi vim habent. Itaque prius mitior reddendus humectantibus & attenuantibus medicamentis.

Nectar
Varigna-
na.

Varignana inter præparantia laudat sequens vinum, non solum in melancholia, sed & in aliis morbis melancholicis, atque eo solo quartanas se curasse scribit.

℞. Epithym. follicul. sen. flor. borrag. an. ʒ. ʒ. cinnam. ʒ. ij. ʒ. cassiæ, spic. macis, cardam. an. ʒ. ʒ. zingib. caryophyll. sem. anisi, an. ʒ. ij. ʒ. F. Nectar cum vino subtili, cuius dosis manè cyathus vnus. Quia tamen potus hic parum humectat, conuenire videtur in ea tantum melancholia, quæ sine causa calefaciente orta est.

Imò non solum hisce præparantibus humorem melancholicum præparare necessarium est, sed vtile quoque, dum præparantia ista vsurpantur, tertio, vel quarto quoque die clysterem emollientem, & humectantem, qui- que humores ad aluum blandè alliciat, iniicere. Humor enim melancholicus terrestris, piger, & pertinax est, vt nisi egregiè humectetur, & attenuetur, medicamentis purgantibus non cedat. Parentur autem tales clysteres ex parietar. malua, althæa, mercuriali, violaria, branca vrsina, chamæmel. melilot. sem. anisi, lini, polypod. passulis, glycyrrhiz. cum melle rosar. & violar. cassia, electuar. diacathol. & modico hieræ picræ, ol. violar.

Vt ℞. Rad. alth. polypod. q. an. ʒ. ʒ. parietar. mercurial. malua, violar. an. M. j. flor. chamæmel. M. ʒ. sem. lini ʒ. ʒ. passul. maior. exacinat. ʒ. ij. Coqu. in aqu. f.

Colat. ℞. ʒ. j. cassiæ, electuar. diacathol. an. ʒ. ʒ. ol. violarum, ʒ. ij. chamæmel. ʒ. j. vitell. ouorum. num. j. Fiat Clyster.

Purgan-
tia.

Præparantibus talibus præmissis ad purgationem accedendum,

dendum, quæ Melanogogis instituatur, qualia sunt sena, epithym. polypod. radix ialap, quibus fyrup. violar. solut. & manna addi possunt, helleborus niger. lap. Lazuli, & Armenus, Electuar. diacathol. diafena, confectio hamech, pilulæ de fumar. &c.

De confectioe hamech tamen hoc loco notandum, *Confectio Hamech.* eam à medicis nonnullis improbari. De ea enim Solenander, *sect. 5. consil. 22.* scribit: *Hamech*, inquit, *in sua confectioe mirificam farraginem contulit, & non decoquenda decoxit, longeque dissimilia simul confudit, tandemque confecit horrendam confectioem sine ulla medicorum arte, quæ nulli grata esse potest. Nihil dico de acribus, scammonio & colocynthide, medicamentis admistis.* Idem ferè sentit Rondeletius, *in Pharmacop. officina.* vbi eandem saltem ad ichores prauos humorum vtilem esse docet. Eandem confectioem improbat Fernelius, vt & Steeghiius, *Medicinæ pract. lib. 1. cap. 14.* Et reuera non videtur satis commoda confectio, præcipuè ob myrobalanorum quæ astringunt, copiam. Etsi enim Arabes iis frequenter vsi fuerint: recentes tamen habuerunt, quibus nos destituimur. Et commodius omnino, si cui & vti libeat, ad ichores prauos, scabiem, & similes cutaneos affectus; quam ad melancholiâ vsurpâtur.

Verùm de purgatione hic rectè instituenda Authores non consentire videntur. Aliqui enim fortiora purgantia planè reformidant, scribitque Crato *Consil. 174.* se multos melancholicos curasse, licet verè affirmare possit, se nunquam lapide Lazuli, vel scammoio vsum fuisse. Ideoque ex Mesuæ sententia censet, istum gradum esse sapientiæ, ne ad Medicinas fortes deueniamus, nisi vbi debiles non contulerint. Et cum eo faciunt alij quidam, qui experientia teste adfirmant, fortioribus medicamentis humorem melancholicum deteriorem & ferociorem reddi. Contrà antiquos in curanda melancholia helleboro, & fortissimis medicamentis purgantibus vsos esse constat, quos & recentiores quidam imitantur: neque id sine causa facere videntur, cum humor pertinax sæpe mitioribus remediis non cedat, sed fortiora requirat. Ne ergo in curando hoc morbo medicus vel timiditatis vel temerariæ audaciæ cri-

Nota.

*Hellebori
nigri ritè
correcti
tutus in
hoc affe-
ctu usus.*

men incurrat, rem hanc diligentius perpendat. Distinctione verò hoc negotium expediri potest. Primò inter initia non fortiora, sed leniora medicamenta vsurpentur: postea verò vbi humor iam satis præparatus est, ad fortiora progrediendum. Deinde origo humoris melancholici consideranda. Nam si ex abundantia sanguinis, hepatis vel alterius membri calore, aut externa causa calefaciente humor melancholicus ortum habeat, à fortioribus & vehementioribus purgantibus abstinendum; cum medicamenta talia focia se causæ melancholiam generanti præbeant, humoremque melancholicum, qui in se seminarium ignis continet, vt antea ex Cratone dictum, ferociorem reddant. Tunc ergo mitiora medicamenta, quibus Crato se melancholicos curasse refert, vsurpanda: modò sint electiuè purgantia, & ea quantitate exhibeantur, vt humorem melancholicum non solum agitent, sed etiam educant. Alias enim damnum, quod ex humorum agitatione accidit, maius est, quàm commodum ex leni, & insufficienti purgatione. Atque inter ista medicamenta purgantia præcipua sunt, fol. senæ, myrobalan. Indi, polypod. q. epithym. radix ialap: quibus tamen aliquid ellebori nigri ritè correcti addi potest. Neque is tam vehemens medicamentum est, vt albus, præsertim is, qui ex Alpibus & vicinis regionibus in nostras defertur, qui tam vehemens non est, vt qui in calidis regionibus crescit; imprimis si mitioribus misceatur, & aliis medicamentis temperetur, vt in syrupo de pomis solutiuo videre est.

Si autem terrestris, & crassus sit humor, sine sanguinis vel aliorum humorum efferuescentia, fortiora purgantia adhibenda, vt helleb. niger, imò etiam albus, quem in melancholicis sine vllò incommodo, imò cum ægri vtilitate se exhibuisse scribit Matthiolus in *Dioscorid. lib. 4. cap. 146.* Et mitissimus reddi traditur, si aliquoties radices mundatæ cum aceto forti decocto coquantur, rursumque exsiccentur, vt quo crebrior earum cum recenti aceto affuso fuerit decoctio, eò mitior futura sit per superiora euacuatio, ita vt dosis tandem earum esse possit 3.j. in cereui

cereuisia calente cum tantillo butyro. Minore tamen quantitate exhibeantur talia fortiora, & sæpius repetantur: cum quantitas minor vehementiam medicamento minuire, & nihilominus sæpius repetitum humorem etiam pertinacem frangere possit. Si tamen iam corpus valde exsiccatum sit, & contabuerit, ac humor potius siccitate, quam copia peccet, viresque iam symptomatum vehementia debilitatæ & collapsæ sint, tum fortiora medicamenta locum non habent, sed mitioribus, & quæ corpus humectant, vtendum in maiore tamen copia.

Mesues de purgatione hic instituenda quatuor Regulas tradit: Regula circa purgationem observanda

Primâ est, vt non semel, & confertim, adeoque cum labore, & molestia corpus euacuetur, sed moderatè & per interualla, vt natura purgans medicamentum regere possit, non verò à medicamento violento prosternatur.

Secunda, vt medicamenta purgantia non multum recedant à gradu medicamentorum lenium, quæ benedicta appellari solent, cùm in qualitatibus manifestis, tum in occultis.

Tertia, vt purgantia semper misceantur cum aliquibus humectantibus. Qua de causâ in hoc affectu medicamenta purgantia commodius in forma liquida, quam sicca exhibentur, cum liquida plus humectent, & iis plus humectantium misceri possit.

Quarta, vt purgantibus semper admisceantur medicamenta, quæ spiritus, ac partes principes roborant.

Quibus consideratis non erit difficile, conuenientia cuique ægro medicamenta in hoc morbo præscribere. Vbi ergo mitioribus purgantibus opus est, talis potio præparari potest.

℞. Fol. sen. ℥. 3. vj. epithym. ʒ. ʒ. zingiber. sem fœnicul. an. ʒ. ij. glycyrrh. ʒ. ij. flor. borrag. bugloss. violar an P. j. passul. ʒ. ʒ. Coquant. vel infundantur in iure pulli vel prunorum damasc. pro ʒ. iv.

Colaturæ adde syr. rosar. vel violar. solut ʒ. j. vel manna ʒ. vj. fiat haustus.

Vel ℞. Succ. borrag. bugloss. depurator. an. lb. j. pomor. odo-

rator. lb. iij. fol. sen. 3. iv. sem. anis. fenicul. cortic. citri an. 3. ij. simul infundantur per diem vnum, & post lenem ebullitionem addatur sacchar. lb. j. F. secundum artem syrup.

Vbi fortioribus medicamentis opus, admiscetur confectio Hamech, aut vsurpantur pilulæ de lapide Lazuli, vel ipse lapis Lazuli, aut helleborus niger, præsertim in robustioribus.

Vt ℥. Electuar. diacat. 3. j. confect. Hamech. 3. j. R. vel 3. ij. Dissoluantur in aq. borrag. mel. scolopendr. an. suff. q. vel 3. iv. aut 3. v. Colenturque & fiat haustus. Vel vsurpetur syr. de succ. pomor. cum fol. sen. & helleboro nigro.

℥. Succ. pomor. dulc. lb. j. R. borrag. meliss. an. lb. R. flor. cord. an. P. ij. fol. sen. epitym. cortic. hellebor. nigr. præpar. an. 3. R. Coq. secundum artem, cum suffic. quantit. sacch. F. syrup. in quo in nodulo suspendatur cinnam. caryoph. croc. sp. aromat. rosat. diamosch. dulc. an. 3. R. In cuius 3. iij. dissolu. mann. 3. j. & cum iusc. capon. vel gall. tribus horis ante prandium exhibeatur.

Vel ℥. Rad. bugloss. polypod. q. an. 3. R. fol. sen. 3. j. follic. sen. halleb. nigri præp. an. 3. vj. flor. bugloss. borrag. anthos. fumar. an. P. ij. sem. enis. cortic. citri, zedoar. galang. cinnam. an. 3. j. Coq. in suffic. q. aquæ ad remanent. lb. j. R. Colaturæ adde succ. pomor. dulcium lb. j. R. sacchari q. s. F. secundum artem syrup. Cuius dosis 3. ij. vel iij. Vtilia etiam sunt sequentia.

℥. Rad. polypod. q. 3. ij. gramin. scorzon. helen. bugloss. glycyrrh. an. 3. R. cortic. tamarisc. fraxin. an. 3. iij. summitat. lupuli, meliss. thym. an. M. j. sem. melon. excorticat. 3. R. anis. feniculi, an. 3. ij. iniubar. sebest. an. num. x. passular. 3. i. R. hellebor. nigr. præpar. 3. ij. sem. carthami. contus. 3. j. turbit. el. 3. ij. Coqu. in aqua pura. In colat. infundantur fol. sen. el. 3. ij. epithym. 3. R. rhabarb. el. 3. iij. flor. cordal. M. R. cinnamom. 3. j. spic. 3. j. cortic. citri 3. ij.

Colaturæ ℥. lb. j. succ. pomor. dulc. lb. R. sacchar. q. s. Coque ad syrup. liquidior. consistentiam, qui per dies 5. & plures exhibeatur. Huc pertinet, & ab huius syrupi descriptione non multum differt (nisi quod Rhabarbarum addatur) syr. rosatus laxatius compositus seu helleboratus Montani in disp. Augustano descriptus.

Vel ℥. Myrobal. omnium an. 3. R. Contundantur crasso modo

modo & manibus cum oleo amygd. dulc. madidis fricetur. hinc infundantur in suffic. quant. aq. borrag. & fumar.

Postea ℥. Polipod. q. 3. j. epithym. thym. glycyrrh. an. 3. ℞. sol. sen. 3. j. ℞. cortic. radic. hellebor. nigr. 3. iiij. sem. citri. fœnicul. anis. an. 3. ij. Bulliant omnia ad consumptionem medietatis. Postea colentur. & addita sacchar. s. q. fiat syrup. cuius dosis 3. iiij. vel iv. cum syr. ros. sol. vel violar. sol. 3. ℞.

Utilis etiam est helleborismus Matthioli. ab eo lib. 3. Epistolar. in Epistola ad Georgium Hantschium descriptus.

Helleborismus
Matthioli.

℥. Cortic. hellebor. nigr. 3. ij. sem. anisi, fœniculi, an. 3. ℞. citri cinnamom. an. 3. j. spic. 3. j. Infundantur in succi rosar. lb. iv. Omnia bulliant ad consumptionem tertiæ partis, & cum sacch. lb. j. ℞. vel lb. ij. F. secundum artem syr. Cuius 3. iiij. vel solius vel cum aliis medicamentis exhibeda.

Utile etiam est Oxymel helleboratum Iuliani à Gesnero commendatum.

Habetur quoque in Euonymi thesauro succus hellebor. nigr. qui paratur ex radicibus hellebori nigri, si coquantur in aqua simplici, & inter coquendum despumentur diligenter, & effusa aqua prima noua aqua affundatur, atque ita coctio aliquoties repetatur, donec nihil amaritudinis in radicibus amplius percipiatur; tandem omnis illa aqua per filtrum coletur, & lentissimo igne ad spissitudinem mellis coquatur, & sub finem aliquid mastiches e. g. ad rad. lb. j. mastich. 3. ij. vel iiij. addantur. Cuius exhibeatur 3. j. vel 3. ℞.

Succus
hellebori
nigri
Euonymi

Verum conuenientius esset, si aquæ simplicis loco ad coctionem usurparetur aqua fœnicul, anisi, puleg. Commodius adhuc, si succo isti primo per coctionem extracto spiritus vini tantum, ut quatuor digitis emineat, superinfunderetur, & extractum pararetur.

Si adhuc artificiosius parare velis extractum, primo menstruo separato digeri poterit primum extractum per aliquot dies cum nouo spiritu vini, qui macis vim prius imbibierit. Vel extracto guttæ aliquot ol. anisi, citr. meliss. addi poterunt. De quo exhibeatur 3. j. Estque extractum hellebor. nigri in morbis melancholicis summè efficax, quod vel solum, vel cum aliis purgantibus, ut

extracto panchymagog. vel catholico aliquo. vel pilulis pro constitutione humoris & corporis ægri misceri poterit.

Aliud

Penotus.

Habet & Penotus de medicamentor. chymicor. præparat. extracti hellebor. nigr. descriptionem, quam ex vetustissimo codice se transcripsisse dicit, estque talis:

℥. Hellebor. nigr. rad. cum fol. M. iv. Conquassatis adde vinum moschatellin. & in balneo bulliant per diem & noctem. Colatura fortiter expressa filtretur & fundatur supra recentium itidem conquassat. radic. hellebor. nigri M. j. rosar. rubrar. M. v. (forsan M. ss.) caryophyllor. prius contus. 3. vj. addendo spiritus vini partes octo, digerantur per dies tres, postea colentur & filtrentur, ac destillentur ad consistentiam mellis, hinc feces comburantur, & phlegmate seu aqua ab extracto separata sal extrahatur. Huius salis ℥. 3. ss. croc. 3. j. ambr. gryf. 3. ij. vel q. l. M. omnia.

Dosis est ʒ. j. cum aqua asservat. 3. iv. Extracto huic miras vires in sanguine mundificando & senectutem retardando tribuit Penotus. Qui de eo videatur pag. 186. de præparat. medicament. chymicorum.

Valescus de Taranta lib. i. cap. 13. & alij valde laudant hic pulverem Haly, quem ipse his verbis commendat: Posito, inquit, quod aliæ medicinæ non valeant, ista valet nutu Dei misericordis, & est Medicina coronata, quæ secretissimè teneatur, ut humanus intellectus q. deperditus hoc medicamento instauretur: Paratur autem hoc modo:

℥. Epithym. 3. ss. lapid. lazul. agaric. an. 3. ij. scammon. 3. j. caryophyl. num. xxx. fiat pulvis, qui semel in septimana datur à ʒ. ij. ad ʒ. iv. in aqua vel syrupo aliquo conueniente. Vix tamen & iste pulvis, nisi corpus antea bene humectatum sit, satis commodus est uenæ valde siccandi vim habeat.

Pilulæ sequentes etiam viles sunt in humore melancholico euacuando.

℥. Fol. sen. elect. polypod. q. an. 3. ss. epithim. cretic. 3. ij. aloes extract. 3. vj. extract. scammon. 3. ij. hellebor. nigr. 3. ss. succ. glycyrrh. extract. belen. zedoar. an. ʒ. j. mastich. macis sem. aquileg. an. 3. ss. cum syrup. borrag. & pomor. s. q. redigantur in massam pro pilulis formandis.

Verum

Verum cum humor melancholicus pertinax & fixus sit, sæpius iteranda est huius præparatio & euacuatio, ac continua medicatione plurimos melancholicos curatos fuisse experientia docet. Imprimis verò perpetua humectatione indigent melancholici, ideòque humida alterantium loco vsurpanda & purgantibus admiscenda: vnde etiam medicamenta, in liquida forma vtiliora sunt, quam sicca, & frequentius euacuandum per leniora quam per fortiora. Inter leniora valde vtilis est syrupus multiplicis infusionis violarum cum fol. sen. ita paratus, vt nouem vicibus in aqua communi, vel borraginis, vel scorzonæræ violæ infundantur, & postea vltimæ infusionis lb. viij. addantur fol. sen. 3. vj.

Commendatur ad melancholiam vt & maniam curandam in robustis etiam ☿, & multis hoc medicamentum profuisse è Galeni quoque schola Medici testantur. Excipit tamen melancholiam hypochondriacam Mercatus, neque etiam iis exhiberi vult, quibus sanguis superassatur, vel caliditas in toto aut viscere aliquo viget. Contra tamen Matthiolus, in Dioscorid. lib. 5. cap. 59, in vniuersum aduersus morbos omnes prouenientes ab humore melancholico, ac præsertim iis vtile esse scribit, qui hypochondria habent inflata & ventosa. Verum humor & viæ prius bene præparandæ essent, ne humor frustra agigaretur. Et cum ☿ humorem melancholicum à proprietate non trahat, helleborus verò niger in humore melancholico peculiari vi euacuando multiplex experientia comprobatus sit, malim hunc præferre.

Dum hæc ita fiunt, vel maxima ex parte peracta sunt, danda etiam opera est, vt corpus externis medicamentis humectetur, & si vna, pars verbi gratia, Hepar, intemperata sit, humorique melancholico generando causam præbeat, eius intemperies corrigatur, partes principes roborentur, & spiritus foueantur. Atque hæc iis imprimis diebus, quibus purgantia non exhibentur, vsurpentur, & post purgationem continuentur.

Et si malum aliis remediis non cedat, tria esse remedia vtilissima, serum lactis cum succo cichorij & fumarizæ, potum

Antimonium an locum hie habeat.

Balnea, & lotiones.

potum thermarum, quæ mineram ferri habent, & balneum aq. dulcis supra *part. I. cap. 14.* dictum. Et omninò ad corpus humectandum vtilissimum est aquæ dulcis balnei, quod corpus humectat, & suauis humore & calore temperat, ipsumque humorem melancholicum benigniorem reddit, & sudorem leniter & moderatè mouendo (nam liberalior sudor exsiccando nocet) eius aliquid discutit. Vtile etiam fuerit in aq. balnei humectantia & moderatè calefacientia coquere, vt maluam, althæam, violar. borrag. bugloss. sem. hord. lini, flor. chamæmel. melilot. parietar. branc. vrsin. capita veruecis. Affundere quoque licet libras aliquot lactis recentis. Aqua autem balnei à tempore ad caliditatem declinet, nostroque calori respondeat. Lauet verò æger horis tribus, vel quatuor ante cibum. Quidam totum corpus leniter fricando inungunt ol. chamæmel. anethin. Aëtius ol. communi vtitur addito nitro.

Embrocha.

Dum lauat æger, caput irrigetur decocto plantarum modo dictarum, siue ex alto per stillicidium demisso, siue spongiis capiti applicatis.

Vt *℥. Fol. malu. althææ, flor. chamæmel. an. M. j. borrag. bugloss. violar. an. M. ss. stæchad. Arab. P. j.* Coquantur pro Embrocha.

Inunctiones.

A lotionem caput inungatur ol. violar. anethino, amygdal. dulc. quibus parum ol. nuc. mosch. aut macis admisceatur. Spinam dorsi in balneo aut post exitum è balneo inungere vtile est ol. lilior. albor. violar. amygdal. dulc. pinguedine gallinæ.

Antidoti magna.

Ad reliquias humoris melancholici insensibiliter discutendas Antiqui magnis antidotis utebantur. Sic Galenus theriacam in quartana exhibet, humore satis præparato, & corpore euacuato: & Aëtius theriacam dare iubet quibusdam interuallis, præsertim hyeme & incipiente vere.

Abstinthij decoctum.

Ad viscera roboranda Abstinthij decocto quidam vtuntur; quod Aëtius ita prædicat, vt eius solius vsu quosdam ab hoc morbo curatos fuisse affirmet; Venter enim & hepar roborat.

Imprimis verò cerebri & cordis, vt in omni, ita & in hac melancholia habenda est ratio, & ea roboranda aquis, syrup. conseru. borrag. bugloss. meliss. violar. nymph. rosar. & similibus. Cerebrũ
& cor ro-
borantia.

Imprimis magna vis & efficacia corroborandi & exhibendi ac resistendi timori & mœrori sine causa est in confectione Alkermes, modo rectè præparata sit, qualis hodie in monte Pessulano præparata ad nos adfertur: & Lapis Lazuli, quem nonnulli in hac confectione omittendum censent, non solum vim purgandi teste Auicenna, in libro de viribus cordis, sed & segregandi à sanguine vapores melancholicos habet. Confectio
Alker-
mes.

Electuaria.

℥. Conseru. fl. borrag. violar. meliss. nymph. rosar. an. ʒ. j. cortic. citr. conditor. ʒ. ʒ. spec. lætificantis Rhasis, diamb. diamargarit. frigid. ana. ʒ. ij. corall. rubr. præpar. margarit. præpar. an. ʒ. j. confect. Alkermes ʒ. ʒ. cum syr. tunic. & de pomis an. q. s. F. Electuarium.

Vel ℥. succ. pomor. Borsdorffianor. vel alior. odorat. lb. ij. succ. borrag. bugloss. flor. tunic. an. lb. j. ʒ. sacch. albiss. lb. ij. Coq. secundum artem: sub finem adde vini odorati ʒ. v. spec. lætificant. Rhasis ʒ. j. galliæ moschat. ʒ. ʒ. confect. alkermes ʒ. j. F. Conditum, de quo mane singulis diebus sumatur ʒ. ʒ.

Vel ℥. Conseru. fl. borrag. tunic. violar. meliss. rosar. incarnatar. an. ʒ. ʒ. spec. lætitiae Gal. ʒ. iv. diamb. dianthos, diamargarit. frigid. an. ʒ. ij. corall. rubr. præpar. margarit. præparat. an. ʒ. j. Cum syrup. de pomis. F. Electuarium.

℥. Conseru. flor. borrag. bugloss. rosar. violar. tunic. rorismar. maior. an. ʒ. j. lap. bezoar. orient. ʒ. j. spec. conf. dianth. diamarg. fr. diamb. diamosch. d. an. ʒ. j. Cum syr. de succo borrag. q. s. F. mixtura, addendo ol. cinnamom. ʒ. iv. Vel ex speciebus cum saccharo in aq. rosarum & cinnamom. dissoluto. Fiat Conf. in Tabulis sacchar. albissimi q. s. Commendantur & hæc Aq. contra melancholiam.

℥. Pomor. citri num. vj. vini maluat. mens. ij. aq. rosar. mens. j. ʒ. spec. diamarg. fr. de gemm. cordial. temper. lætif. Gal. diaplir. arch. diamosch. d. an. ʒ. vj.

Nota.

Destillantur lento igne, ligentur in pet. mosch. Ambra an. ʒ. ʒ. Verum de talibus notandum frustra margaritas, corallia & lapides pretiosos in destillando admisceri; cum in alembicum non adscendant.

ʒ. Conseru. borraginis, bugloss. an. ʒ. j. ʒ. margarit. preparat. ʒ. ʒ. hyacinthi, sapphiri, smaragdi, corallior. lapis bezoar an. ʒ. ʒ. radic. condit. scorzonera ʒ. ʒ. cinnamom. macis, galange, an. ʒ. ʒ. caryophyll. ligni aloes, an. ʒ. ʒ. ol. citri gutt. iv. spir. rosar. ʒ. j. sacchar. opt. in Aq. rosar. dissol. q. s. F. Electuarium.

Morsuli.

ʒ. Sp. electuar. de gemm. diamb. diamosch. dulc. latificant. Rhasis an. ʒ. j. sacch. in aq. cinam. ʒ. ʒ. rosar. suff. q. dissolut. ʒ. iij. F. Rotulæ vel Morsuli.

Externa cordialia.

Et quia, vt dictum, in omni melancholia cordis maxima habenda est ratio, non solum interna ad id roborandum vsurpentur; sed & externa medicamenta cordi applicentur.

Epithema.

ʒ. Succ. borrag. buglo. an. ʒ. j. ʒ. aq. rosar. ʒ. iv. meliss. ʒ. iij. spec. cordial. temperatar. latificant. Rhasis, cortic. citri an. ʒ. ʒ. vini odorati ʒ. j. spir. rosar. ʒ. ʒ. F. Epithema cordis.

Sacculus.

ʒ. Meliss. flor. rosar. rubr. an. M. ʒ. bugloss. violar. an. P. j. cortic. citr. caryophyll. macis, santal. citrin. ligni aloes, cinnamom. an. ʒ. ʒ. gall. moschat. ʒ. ʒ. zedoariae, sem. ocymi, an. ʒ. ʒ. granor. kermes ʒ. j. ambr. ʒ. iij. cum syndon. rubr. F. Sacculus pro corde.

Unguentum.

Vel inungatur cordis regio oleo destillato citri aut solo, aut cum vnguento rosaceo odorato, vel alio cordiali misto.

Imprimis danda opera, vt somnus concilietur, statim ab initio; quod fit frictionibus extremorū sub somni tempus, epithematis, linimentis, odoramentis & aliis supra cap. i. propositis.

Dieta.


Dieta sit talis, qualis supra de melancholia in genere proposita est, in omnibus ad calidum & humidū vergens.

Aër igitur & in hisce qualitatibus sit temperatus, & propterea purus, odoribus suauibus refertus, non foetidus, non tenebricosus, nisi quantum somni ratio exigit.

Cibi sint *εὐχρηστοί & εὐπεπτοί*, ac mediocriter humidi, flatuque expertes, ut caro pullorum, gallinarum, hœdina, vitulina, veruecina, oua recentia, pisces saxatiles, passula, amygdalæ: Condiuntur flor. borrag. bugloss. roremarino. Conueniunt quoque poma & pyra dulcia & odorata cocta. Abstineat æger à leguminibus, caseo antiquo, & omnibus omnino cibis, qui succum crassum atque excrementitium generant. Vinum conceditur album, tenue, oligophorum. Et cum morbus sit diuturnus, talis victus ratio instituat, qua corporis vires si non augeantur, tamen conseruentur, non verò debilitentur vel imminuantur, in melancholicis præsertim, qui cibo pertinacius abstinent, aut parçè admodum hunc sumunt. Somnus omni studio concilietur & prorogetur: Delectatio quærenda est ex Musica, aliisque, quibus maximè delectari sanus consuevit, leniterque obiurganda inanis tristitia, aut si nihil proficiatur, æger acriter increpetur & obiurgetur, ac diligenter ab astantibus obseruetur & custodiatur.

Cibus & potus.

Somnus. Animi pathema.



C A P V T XII.

De Melancholia Hypochondriaca.

SECUNDA melancholiæ per consensum differentia, eaque satis frequens est, quæ hypochondriaca appellatur, quod ex hypochondriis ortum habeat, & ex causa in hypochondriis genita excitetur. Hypochondriorum autem nomine veniunt non solum sita in his utrimque hepatis & lien, sed & ventriculus, potissimum eius fundum & mesenterium cum suis venis, itemque pancreas & omentum, ut postea dicitur.

Melancholia hypochondriaca unde dicitur.

Notandum tamen hic, affectionem aut passionem hypochondriacam latius patere, quam melancholiam hypochondri-

Affectio hypochondri-

pochon

*driata
latius
patet,
quam
Melan-
cholia
hypochō-
driaca.*

pochondriacā. Non solum enim melancholia, sed & alia mala plurima ex materia vitiosa in hisce locis cumulata oriri possunt: neque semper cum affectu hypochondriaco melancholia coniungitur, se tum demum, cum cerebro vapores ex materia illa exhalantes communicantur, spiritibusque animalibus miscentur: Ideoque hic non omnia, quæ de affectu hypochondriaco dici possunt, proponemus, sed ea tantum, quæ ad melancholiam hypochondriacam explicandam & curandam necessaria videntur; reliqua suo loco, ubi in genere de affectione hypochondriaca dicitur, explicabuntur.

Arabibus melancholia mirachia vel mirachialis eadem de causa appellatur, quod scilicet causa eius in mirach, idest, ventre inferiore, seu abdomine contineatur, Græcis *φουδνις*, & vulgò etiam flatulenta melancholia nuncupatur, quod qui ea laborant, in ventriculo & intestinis flatibus abundant, qui & rugitibus sese produnt. Chymici affectionem hypochondriacam Tartarum hypochondrium appellant.

Definitio.

Est autem melancholia hypochondriaca delirium melancholicum non continuum, ex vapore è melancholia p. n. in hypochondriis cumulata eleuato, & cerebro communicato, spiritusque animales inquinante ortum habens.

Causæ.

*Proxima
Melan-
cholia
hypochō-
driaca
causæ.*

Proxima enim & continens huius mali materia est vapor melancholicus cerebro comunicatus, spiritusque animales inquinans & obfuscans, & moerorem ac tristitiam, eo quo supra de melancholia in genere dictum fuit, modo, excitans. Nam sicut, vt Galenus 3. de loc. aff. cap. 7. docet, elato ex ventriculo ad oculos fuliginoso quodam & fumoso halitu, aut crassis vaporibus, similia, vt in suffusione accidentia contingunt: eadem ratione sublata ad cerebrum ab atra bile euaporatione veluti fuliginosa fumosaque melancholica eueniunt in mente accidentia.

*Causa
antece-
dens.*

Causa antecedens est humor melancholicus in hypochondriis cumulatus. De cuius natura & sede alij aliter docent,

docent, vt prolixius de affectione hypochondriaca dicitur. Et quidem humorem, qui affectiones hypochondriacas parit, non semper eiuidem naturæ esse ex affectibus seu symptomatibus, quæ sequuntur & coniunguntur, satis apparet; eum verò, qui hoc, de quo iam agimus, delirium parit, melancholicum esse, etiam extra controuersiam positum puto. Vnde Galenus, 5. de loc. affect. cap. 6. scribit. De flatuoso verò & hypochondriaco malo nemo non dixit, quomodo tristitiam, desperationem, mestitiam inducat, atque vt summatim dicam, ad melancholiæ accidentia nihil reliqui faciat. Quippe laborantes hypochondriaco morbo post cruditates dictis accidentibus multò vehementius infestantur; ac plures ex ipsis quoque spleneticis sunt: quocirca coniectandum ex hoc etiam viscere vitiosam sanitatem euadere. Ideoque quamquam alij authores aliter hac de re loquantur, videtur tamen, id omne de hypochondriaco affectu in genere accipiendum esse, de quo suo loco dicetur: huius verò de quo iam agimus delirij causam meritò melancholiam statuimus.

Eodem modo sese res habet de subiecto, quod quidem hypochondria statuimus, à quibus nomen etiam hæc melancholia sortita est. Veruntamen cum plures in hypochondriis partes contineantur, lienem præcipuè & loca vicina, antecedentem huius melancholiæ causam continere putamus. Lien equidem humoris melancholici sedes est: si tamen magna huius humoris copia colligatur, vt tota in eo contineri non possit, etiam in mesenterium ac omentum protruditur: ac in venis mesaraicis naturalia viscera perreptantibus continetur, iis præsertim in locis, vbi plures maioresque venæ portæ rami versus lienem in hypochondrio sinistro tendunt: licet, si maxima eius sit copia, in totum abdomen per venæ portæ ramos dispergi possit. Et quamuis nonnulli duplicem melancholiā in hypochondriacam ratione loci, in quo causa antecedens continetur, statuunt, vnā in venis dextræ partis ab hepatis caliditate excedente ita calefactis, vt calefaciendo chylum perpetuo feruore & ardore molestiam quasi caliditatis alicuius internæ in eo loco exhibeant: alteram in fini-

*Subiectū
& sedes
causæ
antecedentis.*

stra parte in venis mesaraicis, quæ sunt inter splenem & ventriculum sitæ: tamen hæc differentia potius affectioni hypochondriacæ in genere competit, quæ est pluribus locis originem habere potest quam melancholia, de qua agimus; cum sit probabilius, humorem melancholicum, à quo vapores; proxima melancholiæ causa, eleuantur, in liene potius, quam hepate redundare. Et omninò distinguendum est inter affectionem hypochondriacam & melancholiam hypochondriacam; cum affectio hypochondriaca latius pateat, quam melancholia hypochondriaca. Atque ita, quia causa huius mali in hypochondriis primario sita est, non est continuum hoc delirium, sed tamdiu durat, quamdiu vapores atri spiritibus animalibus miscentur, quibus discussis, & illud vel evanescit, vel minuitur: atque iterum reddit vel exasperatur, ubi novi vapores & flatus, qui corpus petere solent, collecti & coaceruati sunt, qui ubi vel per ructus, vel per vomitum, vel per alui crepitus aut deiectiones euacuantur, ægri melius habent.

Viam, per quam vapores melancholici ad caput feruntur, quod attinet, statuunt quidem nonnulli, nunquam nisi mediante orificio ventriculi ad cerebrum hos vapores ferri: Verum etsi sæpe hoc fieri non negamus, tamen frequentissimè per venæ cavæ ramos & arterias id fieri putamus: facilis enim vaporum ex vena porta in cavam est transitus, ut & in arteriam magnam, per arterias, quas lien habet magnas & multas.

*Causa
antece-
dentis
natura
quam.*

Quæ autem humoris huius melancholici, quam antecedentem melancholiæ hypochondriacæ causam esse diximus, sit natura, non ita planum est. vulgata sententia est, eum esse frigidum, siccum, atrum. Verum negat id Platerus ea de causa; quod æstuatio quædam eo in loco, ubi humor latet, percipitur, quæ acrimoniam & caliditatem illius satis declarat. Imò non solum adustum & feculentum esse hunc humorem, sed & malignitatem peculiarem obtinere statuit, ob enormia illa accidentia, quæ & in mania & in melancholia apparent; ob quam etiam Cacodæmones sedem in hoc humore habere gaudeant.

Verum

Verum enim verò adustum equidem humorem in mania esse extra dubium est, verum in melancholia id ita facile concedi non potest: & si quis adsit, non in omni melancholia adest, sed distinctione quadam opus est. Melancholiæ enim hypochondriacæ non est vnum genus. Quidam enim melancholici sunt torpidi, ignaui: alij *μετὰ σπένδης* sua peragunt. In illis delirii causa est melancholia naturalis, quæ eo modo, quò vt supra in genere dictum, melancholiam inducit: in his verò iam aliquid quidem adusti humoris est, vel alij humores adusti admiscuntur: adustio tamen illa non est magna: aliàs enim potius mania, quam melancholia inde excitaretur. Et si humor melancholicus amplius aduratur, ex melancholia fit mania; cum ex humore valdè calido & adusto delirium cum timore & tristitia prouenire non possit, sed caliditas illa potius audaciam inducit. Et esse illum humorem frigidum, ructus & vomitus acidi satis docent. In aliis verò hypochondriacis affectibus facile assentimur Platero, & concedimus, humorem illum, qui affectionis hypochondriacæ causa est, non semper frigidum esse, sed in venæ portæ ramis accumulatum aduri, & calorem atque acrimoniam contrahere; & vt ex Diocle Galenus, 8. de loc. affect. cap. 7. docet, hypochondriacas affectiones plus caloris, quam decet, in venis, quæ alimentum è ventriculo excipiunt, habere.

Ita quoque necessarium non esse putamus, vt peculiarem aliquam malignitatem humor melancholicus ad inducendum hoc delirium obtineat, sed impuritas & nigredo illa eius, ob quem spirituum animalium naturalis luciditas & puritas vitatur, ad inducendum hoc delirium sufficit, vt supra cap. 8. dictum.

Quomodo autem generetur humor hic in hypochondriis, pluribus dicetur, vbi de affectionibus hypochondriacis in genere tractabitur, libro tertio: & dicta de eo etiam sunt quædam in tractatu de Scorbuto cap. 3. Vt breuiter de eo, quantum huius loci ratio postulat, dicamus, præcipue generationis & cumulationis humoris melancholici in hypochondriis causæ sunt errores in victu

*Causa
remota
& proca-
rctica
interna
& exter-
na.*

diu continuati, & ventriculi ac hepatis & lienis ἀν-
περζία.

Primò enim, cum coctionis primæ errata in secunda corrigi non possint, à pluribus verò in diætâ plurimum delinquatur, & hinc in prima coctione multi errores committantur, plurimos etiam errores & vitia in secunda coctione consequi necesse est. Ad humoris verò melancholici generationem faciunt ea, quæ crassum & feculentum, atque ut Chymici loquuntur, tartareum chylum generant. Si enim plus huius sit in chylo, quam debeat, omne hoc excrementum à liene attrahi, elaborari, segregari atque euacuari nequit, sed multo maxima pars à natura valida & robusta plerumque in pancreas, mesenterium & omentum deponitur, atque ferè per eos venæ portæ ramos, qui non in ipsa intestina, sed in mesenterium & pancreas desinunt & oblitterantur, ut hac de re rectè Fernelius de part. morb. & sympt. lib. 3. cap. 7. disse-
rit.

Ventriculi
debilitas.

Facilius verò id accidit, si ventriculus sit debilis. Cum enim cibi eiusmodi crassi & feculenti etiam in eo, qui ventriculum satis fortem habet, nihilominus similem chylum suppeditent, multò magis hoc accidit, si ventriculus sit debilis. Ideoque inter remotiores causas omnia locum habent, quæ ventriculum debilitare valent, de quibus suo loco de imbecillitate ventriculi dicetur.

Ventriculi
ac hepa-
tis &
lien
ἀνπερ-
ζία.

Et adhuc promptius id fiet, si aliqua adsit lienis, ventriculi & hepatis ἀνπερζία: Tum enim ventriculus debilis cibos non rectè coquit, & cruditatis causa est: lien verò & hepar, si calidiora sint, avidius illum ad se, & sæpe adhuc crudum trahunt & quidem tenuem & aquosam chyli partem maturius, crassam tardius; illamque in vapores tenues nonnunquam & subsalsos ac acres resoluunt, atque vel in caput, vel in totum corpus distribuunt, unde catarrhi, dolores vagi, vel sudores excitantur; hæc vehiculo destituta in venis mesaraicis subsistit, obstructions in iis parit, ampliusque exsiccatur & incrassatur, vel etiam adurit, & obstructions in venis mesaraicis parit, ac humorì melancholico materiam præbet, atque

ita humorum crassorum & feculentorum copia in hypochondriis cumulatur, atque hinc cum melancholia, tum plurima alia hypochondriaca mala oriuntur, quæ ibidem Fernelius recenset, & prolixius in tract. de Scorbuto cap. 6. enumerauimus.

Imò hæc, si affectum hunc producere debet, necessario circa lienem hæret, & si id tantum fiat, mitior est melancholia. Accidere tamen potest, vt in vtroque hypochondrio illa cumuletur, & tum grauior affectio est, & non solum melancholia, sed & alia symptomata adfunt, ob materiam mistam, quæ partim frigida sicca, acris & amara est, ob igneam, quæ in hepate & venis circa hepar est dispositionem, & sensum æstus in dextro hypochondrio exhibet, partim frigida, sicca, acida, quæ in liene & circa eum hæret & colligitur, de quibus lib. 3. de affect. hypochondriaca dicitur. Suppeditant autem tali humori materiam

Cibi & potus acetosi.

cibi crassi, difficilis coctionis, visceri, flatulenti, caro bubula, suilla, aprugna, ceruina, pisces maritimi, & in aquis stagnantibus degentes, carnes & pisces sale ac fumo indurati, aues in aquis degentes, legumina, brassica, oua indurata; vina non defecata, austera in primis, quæ in lapide calcario vel alio solo, quod materiam mineralem vel tartaream continet, crescunt; cereuisia ex aquis impuris cocta, præcipuè si sit turbida & non defecata.

Facit ad hoc malum generandum etiam aer crassus, foetidus, nebulosus, qui inspiratione attractus spiritus animales & vitales inquinat, item autumnalis, modò calidus, modò frigidus.

Aëris vitiosa constitutio.

Quies & otium nimium huius mali generationem quoque promouent, dum ob ea multa excrementa in corpore retinentur, calorque non excitatur & ventilatur. Vnde obstructions in corpore fiunt. Atque hæc, cum lucubrationibus & meditationibus, caussa est, cur literati, & qui vitam sedentariam agunt, malo hypochondriaco frequentius sint obnoxij; minus verò ij, qui quotidianis laboribus exercentur.

Quies & otium nimium.

Alius suppressa etiam ad malum hoc generandum facit. Etenim si excrementa diutius in intestinis detineantur

Evacuationes suppressæ.

venæ mēfaraicæ ex iis pro bono & recenti chylo crāssā & feculentā materiā attrahunt, è qua multi tartarei & feculenti humores generantur, atque obstructiones in venis mēfaraicis & liene excitant; vnde iis, qui ad affectionem hypochondriacā sunt dispositi, summè vtile est aluum semper habere laxā. Multū quoque ad malum hoc inducendum faciunt suppressæ euacuationes, per quas natura vitiosos eiusmodi humores in primis viis collectos euacuare solebat, vt alui deiectiones & vomitus quibusdam certis temporibus consuevit; ac, quæ maxima huius mali causā est, hæmorrhoides, quæ aliquando fluxerunt, suppressæ.

Immoderati animi affectus.

In primis verò mali huius causā est metus & tristitia & animi nimia intentio. Vnde ij, qui à natura corporis constitutionem melancholicā adepti taciturni, cogitabundi & tristes sunt, facilius hoc malo corripuntur. Atque hinc etiam accidit, vt infantes & iuuenes, qui à curis & mœstitia alieni sunt, in hoc malum non incidunt, sed adulti post annum 30. plerumque. Tum enim temperamentum corporis non solum fit siccus, & errores in victu commissi in adolescentia sese produnt, sed & curis, meditationibus, atque animi intentione homines tum magis occupari incipiunt;

Signa Diagnostica.

Signa melancholice hypochondriacæ diagnostica.

Melancholiæ Hypochondriacæ signa sūt delirium absq; febre, cum mœrore & timore, idque non continuum, sed notatu digna interualla habens. Sunt enim melancholia hypochondriaca laborantes nōnunquam satis hilares; mox tamen sine causā in mœstitiā recidunt. Cum enim vapor melancholicus ater & tenebrosus huius mali causā proxima in cerebrum eleuatur, spiritibusque animalibus permiscetur, eosq; inquinat, delirium inde excitatur, ægerque multa falsa imaginatur, metuit non metuenda, sine causā mœret, & variis modis animum macerat: duratque hoc delirium tamdiu, quamdiu vapores illi spiritibus permiscentur: postquam verò vapores illi melancholici discussi sunt, delirium cessat, donec noui vapores ad caput eleuati spiritibus animalibus permiscantur, eosque turbant.

Et hæc quidem propria melancholiæ signa sunt, quibus tamen interdum & alia coniunguntur. Nam quia vapor ille flatulentus, melancholicus in cerebro permiscetur spiritibus animalibus, qui non solum imaginationi, sed & aliis sensibus inferuiunt, accidit, ut etiam circa alios sensus varia symptomata oboriantur, in auribus tinnitus, strepitus sonique varii, nunc campanarum sonitum, nunc aquarum strepitum referentes: oculi obscurè vident, vel etiam omnia circumagi videntur. In nervos etiam sese insinuans vapor varios dolores, & alia nervosi generis symptomata accersit. Idem vapor, dum seu per venas seu per arterias sursum tendit, & cor transit, illud in eas angustias redigit, ut motu violento palpitare & arteriarum celerem & velocem motum ad expellendum & discutendum vaporem sibi molestum instituerè cogatur: quod dum fit, æger de summa cordis angustia conqueritur, de vita desperat, maximisque suspiriis opem & auxilium exposcit: plerumque etiam urgent vigiliæ, quæ à vaporibus illis siccis ortum habent, qui non solum spiritus perturbant, sed & cerebrum exsiccant, ac somni proximam causam absument; aut si dormiunt, somnus eadem de causa est perturbatus cum somniis metus & terroris plenis. Ad sunt etiam alia affectionis hypochondriacæ signa, quæ Galen. 3. loc. aff. cap. 7. ex Diocle ita recenset. Sumpto cibo maximè coctum difficili sputum multum & humidum concitatur: item ructus acidissimus, flatus, æstus, in hypochondriis fluctuatio non illico, sed cum retinuerint interdum quoque ventriculi vehementes dolores, qui nonnullis ad dorsum usque procedunt, concoctis deinde cibis quiescunt, mox aliis cibis ingestis eadem reuertuntur symptomata, quæ interdum ieiunos, interdum etiam à cibo molestant, atque euomunt crudos cibos, & phlegmata subamara & calida & acida, adeo ut dentes stupore afficiantur. Et alia coniunguntur, quæ suo loco de affectione hypochondriaca explicabuntur.

Hoc saltem hic addimus, non omnia symptomata in omnibus apparere, sed modo hæc, modo illa, pro partium læsarum vel seorsum vel simul ratione. Si enim venæ mesaraicæ

raicę saltę obstructę sint, & in iis humor cõtineatur, mitior est affectio: grauior, si ipsa viscera simul afficiantur. Et quidem si vtrumque viscus afficiatur, atque vtriუსque venę sint obstructę; grauiā & plurimā apparent symptomata: Si verò vnum saltem viscus obstruatur, mitiora & pauciora sunt.

Paroxysmi & symptomatum quanam sit ratio.

Quia vero hoc malum non continuum est, sed per intervalla quędam inuadit, & paroxysmos suos habet, quā ratione illi oriantur, & quomodo inuadant ægros, etiam explicare non inutile fuerit: præsertim cum ægri ipsi rarò omnia recensere possint, quod improuiso hoc malo corripuntur, & ratione ac mente perturbata omnia memoria comprehendere non valent. Primo quidem corripuntur paroxysmo ægri sæpe etiam citra vllam euidentem vel externam causam, vbi materia copiosius accumulata à natura mouetur, & vapores ac flatūs ab ea excitantur, soletque & hic morbus, vt alij, suas habere periodos: facilius tamen hoc fit, si causa externa aliqua accedat, vt improuisus terror, moeror, ira, vsus ciborum flatulentorum, vini potentis crapula. Vbi vero malum ægros apprehendit, in nonnullis quidem subito & ex improuiso hoc accidit; interdum ex flatibus & vaporibus ascendentibus ructus antecedunt, ventriculus distenditur, & orificium eius lacinatur, ac per gulam transiens vapor acidus linguę neruos peruadens eam quasi constringit, ac rigidam & ad sermonem immobilem reddit. Interdum per cor transiens vapor, anxietatem lipothymię non absimilem, vel cordis palpitationem excitat, atque altius ascendens difficilem respirationem parit. Hinc cerebrum occupans delirium parit atque vt antea etiam dictum, caligo oculis offunditur, in auribus tinnitus excitatur, ac membranę cerebri tenduntur, & dolor in iis excitatur, vt ægri totam cerebri substantiam è cranio sibi euulsum iri metuant, & dum porro vapor per spinam dorsi deorsum tendit, interdum in dextro, interdum in sinistro, interdum in vtroque brachio frigus quoddam aut stuporem potius & motum formicantem inducit. Quę cum fiunt, anxietatis & terroris omnia plena sunt, ægrique metuunt, ne labantur & concidant

cidant, ideoque locum quieti quærunt, interea mente quasi priuantur, vel delira loquantur, & sudore frigido perfunduntur. Hinc calore illos vapores discutiente, rubore iterum suffundi incipiunt, anxietas minuitur & mentis actiones sese iterum exerunt, ac tandem paroxysmo superato, nihil ægri amplius sentiunt, præter metum alicuius grauioris morbi, Epilepsiæ vel Apoplexiæ, vel subitanæ mortis, atque hinc tristitiam & animi moerorem concipiunt.

Prognostica.

1. Malum hoc, vt omnes morbi melancholici, diuturnum & difficile curatu est. Humor enim melancholicus natura sua pertinax est, nec facile medicamentis cedit; imo si minus tautè tractetur, ferocior redditur. Præterea indicationes inter se plerumque pugnant; ventriculus est debilis, frigidus & calefacientiæ postulat: contra Epar in hoc affectu plerumque est calidius. Humor ipse quoque crassus & ficcus, & propterea humectantiæ postulat: cum eo tamen plerumque serosus humor coniungitur, vnde sputo abundant hypochondriaci. Faciunt quoque non parum ad morbi huius diuturnitatem errores ægrorum, dum & in victu sæpe delinquant, & diuturni morbi pertæsi, vel vsum medicamentorum intermittunt, vel Medicos temerè mutant.

*Signa
melan-
cholia
hypocho-
ndriaca
prognos-
tica.*

2. Facilius tamen curatur in principio, quam si iam sit inueterata, & si duret hæc melancholia, tandem similis vapori dispositio cerebro imprimitur, & ex affectu per consensum proprius excitatur.

3. Tanto malum est grauius, quanto humor magis adurit & ad atræ bilis naturam accedit. Si enim humor ille, qui vaporem suppeditat, adurit, vel adustus illi admiscetur, melancholia in maniam tandem transit. Cuius rei signum est, cum qui antea erant meticulosi & tristes, iam hilares quasi animosi, audaces & iracundi fieri incipiunt; quod facilius accidit, si æger multo & potenti vino propotum utatur.

4. Si materia illa & vapores inde excitati prauam & peculiarem corruptionem subeant, aut copiosius ad cere-

brum ferantur, malum interdum in Epilepsiam degenerat; interdum cerebro morbi diuturnitate valde debilitato & cruditate aucta in apoplexiam transiit.

Indicationes.

Vapor ille, qui proxima & continens huius delirii causa est, etsi sponte à natura discuti soleat, tamen danda opera, vt id quam citissime fiat. Ne verò malum recurrat, vaporum ascensus prohibendus, iique ne cerebro & cordi molestiam afferant, alio diuertendi. Et quod curationis caput, humor melancholicus, è quo vapor ille eleuatur, ex hypochondriis euacuandus. Quod rectè & ordine fiet, si viæ obstructæ aperiantur, & venæ mesaraicæ, quæ simul siccitate plerumque laborant, humectentur, humor ipse crassus attenuetur & incidatur, & tandem per alium & vrinas euacuetur, atque eius generatio prohibeatur, quod eueniet si omnes causæ, à quibus is originem traxit, vel à quibus moueri & augeri potest, amoueantur & vitentur. Tandem cerebrum & ventriculus, roborandus, vt & aliæ partes principes.

Curatio.

ALUI LENITIO.

Alui lenitio per clysteres.

Cum aluum in hoc morbo laxam habere, semper utile sit, & reliqua remedia, nisi primæ viæ euacuata sint, parum profint, ab alui lenitione & primarum viarum euacuatione curatio inchoanda, vbi maxime cauendum ne purgantibus validioribus & à partibus remotioribus trahentibus humores non solum in hypochondriis, sed & in aliis venis commoueantur, qui cum exitum non inueniant, nec ad euacuationem tum apti sint, epatis & venarum obstructionem augent, aliaque incommoda secum trahunt, atque ita plus nocent, quam profunt: iniiciatur ergo talis clyster.

℞. Rad. althææ, polypod. q. an. 3. vj. malu. pariet. aith. viol. mercurial. an M. j. flor. chamemel. M. s. fursur. in petia ligat. M. j. prunor. num. x. Coq. in aqua pura Colat. ℞. lb. j. Elect. lenit. vel diacatol. 3. j. biere simp. 3ij. mell. rosat. colat. ol. violar. an. 3. j. chamemel. 3. j. s. vetell. oui num. j. F. Clyster.

Sanguis

Sanguinis euacuatio.

Postea si sanguis abundet, & hepar sit calidius, vt sanguis euacuetur, corpusque ventiletur, & ad vsum medicamentorum aptius reddatur, vena aperienda. *Sanguinis missio.*

Commodissimum autem foret, si ex venæ portæ ramis sanguis euacuari posset. Cum autē ij nullibi pateant, nisi in ano, vtilissimum esset, sanguinem per hæmorrhoides euacuare, hæmorrhoidumque fluxus ad melancholiam curandam multum potest, atque interdum hypochondriaca melancholia, quæ aliis remediis tolli non potuit, hoc vno sanata fuit.

Verum nisi natura ipsa hunc tentet, ab arte solâ earum fluxus vix sperari potest: si tamen fluere consueta sint hæmorrhoides, aut tumeant, hirudinum applicatione, vel aliis modis, vt aperiuntur, tentandum.

Cum etiam menstruorum fluxus naturalis sit, & natura per eum vitiosos humores, qui in corpore colliguntur, simul euacuare soleat, cauendum, ne supprimatur, & si suppressus sit, reuocetur.

Venæ verò in brachio tum demum aperiendæ, vbi, vt diximus, sanguis abundat, aut ille iam à succo melancholico infectus est.

Hinc sanguis ex venis crurum, poplitis aut malleoli emittatur; cum sanguis prauus infra hepar maxima ex parte consistat; & humor melancholicus, tanquam fex sanguinis, aliquando inferiora petere soleat, & fieri potest, vt hoc modo sanguis ad hæmorrhoides fluat, & illæ cum maximo ægri commodo aperiuntur.

Vomitória.

Quia verò non raro ob ventriculi debilitatem crudi & pituitosi humores in ventriculo cumulantur, sæpe necessarium est à vomitu initium curationis facere, ne à præparantibus, vel purgantibus excrementitij illi humores ad penitiores partes rapiantur, atque obstructions augeant.

Vt *℞. Suc. radic. raphani express. ʒ. iv. hydromel. ʒ. iij.* In quibus mistis macerentur per noctem radic. asari contus. ʒ. ij. Mane colentur & exprimantur, liquor tepidè propinetur.

Præparan

*Materia
morbifica
prepara-
tio.*

Præparantia humorem melancholicum in Hypochondriis.

Hicse peractis iam ad materiæ præparationem accedendum, quæ attenuantibus & aperientibus perficitur, sine insigni tamen calefactione & exsiccatione, propterea quod plerumque ardor quidam & siccitas mesaraicarum adfit, & inflammationi quid simile partes illæ & inferiori orificio ventriculi vicinæ obtineant. Qua in re non raro peccatur ab iis, qui ad flatum tantum, quibus hypochondriaci etiam abundant, habito respectu, valde calidis & siccis medicamentis in hac melancholiæ specie vtuntur, quibus morbus potius exasperatur.

Contra nec nimis refrigerantia & humectantia sine aliqua apertione conueniunt; cum in partibus illis sint obstructions, quas tollere semper conuenit. Vbi tamen plus aquosi admistum est, calida non omittantur. Atque ita prout varia est conditio humoris in hoc morbo, & aliud atque aliud membrum magis læsum est, ita curatio aliàs calida, aliàs minus calida postulat, aut etiam moderatè refrigerantia & humectantia, quæ omnia tamen sint aperientia & etenuantia. Si caliditas & æstus maior percipiatur in hypochondriis, hora vna ante cibum seri lactis caprini ℥.ss. vel ℥.j. commodè exhibetur, quod & calorem istum temperat, ac venas mesenterij refrigerat, & materiam obstructionis causam eluit.

Simplicia. Radices *Feniculi*, *asparag. eryngij*, *graminis*, *borragin. bugloss.* *cichorij*, *scorzonera*, *betenij*, *polypod. glycyrr. centaurij maior.* Crato n. inter aperientia & obstructions tollentia in hoc morbo multum tribuit rad. centaur. maior. quod vulgò rhaponticū appellatur, si succus recenti è radice exprimatur, & cum saccharo in formam syrapi redigatur, ac de eo singulis diebus manè sumantur cochlearia duo vel tria: vel si radix centaurij maioris in vino horis 24. maceretur, & ante coenam æger vini haustum, idque aliquot diebus continuet.

Cortic. *cappar. tamarisci*, *fraxini*, *citri*.

Folia & herbæ, *ceterach. scolopend. chamædr. chamæpit. capill.* ♀ *meliss. betonic. hyssopi, endiuia, cichorij, sumaria, cuscute, carduiben. absinthij.* præcipuè pontici, *cochlearia, veronica.*

Flores

Flores, borrag. bugloss. viol. centaur. minor. sambuc. genist.

Semina, anisi, fœnicul. endiu. ocym. aquileg. genist. quatuor
frigid. maior.

Fructus, prun. amygdal.

E quibus fiant medicamenta vsualia.

Aquæ; borrag. bugloss. meliss. chamædr. capill. ♀. hyssop. fumar. cuscut. scolopendr. lupul.

Syrupi; byzantin. de duab. radicib. de fumar. de scolopendr. de borrag. bugloss. endiu. de epithym. de lupul. de poly-
pod. de pomis.

Conseruæ; borrag. bugloss. meliss. fumar. cichor. beton.
cochlear. tunic.

Condita; cortic. citr. radic. helen. eryng.

Extracta; Veronic. meliss. card. benedict. absinth.

Species; Electuar. latitiæ Galen. Rhaf. de hyacint. diar-
rhod. Abbat.

Trochisc. de capparib. de absinth.

Ex his varia pro vsu & constitutione ægri fieri possunt.
De quibus hoc monendum, vt initio non ea vsurpentur,
quæ fortius vrinam mouent, ne materiam vitiosam è pri-
mis viis ad hepar & venam cauam deducant, malum au-
geant, aut morbum aliquem in renibus excitent.

Reiicit quidem alia de causâ diuretica Hollerius, quod
scilicet splen nullum habeat consensum cum renibus per
viam communem. Verum diuretica nec planè reiicienda
sunt, sed corpore & primis viis per purgantia euacuatis
etiam locum habent, & sæpe nigra planè per vrinam eua-
cuantur, cum ægri commodo: nec ratio vera est. Sunt
enim viæ è liene ad renes, quas monstrarunt Recentiores
Anatomici, & eas recenset Laurentius, *quest.* 38. & per ar-
terias emulgentes satis commodè è liene ad renes materia
euacuari potest.

*An diu-
retica in
melācho-
lia hypo-
chōdria-
ca conue-
niant.*

Valde etiam calida vitanda, aut si vsurpentur, aliis
temperanda: ne humorem adurant, peioremque red-
dant, tetrofque vapores excitent, & grauia symptomata
inducant.

Potio.

℞. Rad. cichorij, borraginis, scorzonera, polypod. q. cortic. Potiones.
rad.

rad. cappar. an. 3. ij. rad. asari 3. j. fol. melissæ, betonica, ceterach, fumariæ, capill. ♀ris, chamædryos an. M. B. centaurij minoris, absinthij pontici, an. P. j. flor. cordial. p. ij. cortic. citri 3. ij. sem. anisi, fœniculi, an. 3. j. fol. fenæ el. epitbymi, an. 3. iiij. passul. minor. 3. j. Infundantur omnia in A. puræ lb. iiij. in vase clauso loco calido & postea in B. ebulliant. Colat. add. succi borragin. rosar. fumariæ, an. 3. iv. sacch. lb. j. F. potio clara, dosis 3. iv. vel 3. v.

Syrupi.

Syrupi.

℥. Succ. buglossi, borragin. pomor. suaueolentium, an. lb. j. melissæ lb. B. Infunde in eo granor. kermes 3. j. croci 3. j. Colentur & cum sacch. s. q. F. Syrupus.

Vel ℥. Rad. asparag. fœnicul. polypod. q. belen. scorzon. eichor. an. 3. B. cortic. rad. cappar. tamarisc. fraxin. an. 3. iiij. citri, aurantior. an. 3. ij. fol. ceterach. ling. ceruin. endiu. hortens. epatic. nobil. chamædr. card. benedict. capillorum ♀ris, an. M. B. epithymi 3. B. sem. aquileg. 3. j. B. anisi, fœnicul. an. 3. j. quatuor frigid. maior. an. 3. ij. glycyrrh. rasæ 3. B. passular. exacinat. 3. j. B. Coq. in aqua pura.

Colaturæ ℥. lb. iiij. Succ. pomor. dulcacidor. odorator. lb. j. borrag. fumar. an. lb. B. sacchar. q. s. Fiat Syrupus. Cuius 3. ij. vel iiij. sumat æger mane & superbibat haustum aquæ borraginis.

Decocta.

Vel ex iisdem simplicibus potest fieri Decoctum, & clarificato idonei syrupi addi.

Claretum.

Clareta.

Si æger Decocta & Syrupos respuat, aut ex syrupis aliquid incommodi metuatur, cum dulcia lieni non satis utilia sint, fiat tale Claretum:

℥. Rad. fœnic. eryng. belen. scorzon. an. 3. B. cortic. tamarisc. rad. cappar. polypod. q. an. 3. vj. cortic. citri 3. B. xedoar. 3. ij. chamædr. ling. ceruin. meliss. capill. veneris, absinth. an. M. B. flor. borrag. bugloss. an. M. j. cinnamom. 3. ij. spic. Indic. lign. aloes, an. 3. j. Affunde vini Rhenani ὀλίγη φόρη calefacti lb. vj.

Stent aliquandiu in infusione, & postea aliquoties traiciantur per manic. Hippocr.



Ultimò add. sacchar. albiss. 3. iiij. Manè post iusculum, vel

in prandio & coena loco primi haustus vsurpetur.

Aqua.

Vel paretur talis Aqua:

Aqua.

℥. Rad. aperient. ʒ. j. belen. ʒ. vj. cortic. tamarisc. fraxin. an. ʒ. ʒ. B. meliss. betonic. chamædr. chamæpit. an. M. ij. card. benedict. M. sem. anisi, fœnicul. an. ʒ. ʒ. B. flor. bugloss. genist. centaur. minor. an. M. j. Macerentur omnia in aq. borrag. ℥. iv. vini ℥. iij. postea colentur. Colat. add. succ. fumar. ℥. j. cochlear. ℥. ʒ. trochisc. de cappar. ʒ. j. Destillentur. Destillatum exhiberi potest, vel solùm, vel cum syrupo borrag. aut alio, aut etiam addi oxymel scyllitic. vel  rum  latum.

Electuarium.

℥. Conseru. cicbor. meliss. borrag. bugloss. card. bened. an. ʒ. j. Electua-
cortic. citri, condit. rad. condit. belen. an. ʒ. ʒ. B. sp. diarrhod. rium.
abbat. ʒ. j. confect. Alkerm. ʒ. ʒ. Cum syrup. byzantin. simp. Fiat
Electuarium. De quo sumat æger ʒ. ʒ. vel ʒ. vj. & superbi-
bat aquam borraginis.

Purgantia.

Purgatio

Postquam aperientia & præparantia hæc aliquot diebus sunt exhibita, quarto vel quinto die purgatio instituatur. Et quidem purgantia sint mitiora. Crato sæpe non fortiora, quam syrup. ros. solut. cum aq. roris maialis (vtpote quæ longe subtilior est reliqua aqua, ita vt testæ oui inclusa Solique meridiano exposita & calefacta statim euaporet) confectum addita manna diluta infuso fl. persicor. exhibet. Et talia mitiora sæpe & diu continuanda sunt. Licet tamen interdum & fortiora exhibere.

Maximè verò vtilis sunt Clysteres sæpius repetiti, sed non admodum acres, verùm mediocres & simul flatus discutientes.

Potiones.

℥. Polypod. q. ʒ. vj. cortic. citri ʒ. v. fol. sen. ʒ. v. rhabarb. Potiones.
ʒ. ʒ. B. epithym. ʒ. iij. flor. borrag. bugl. an. P. ij. caryophyll. num. iv.
sem. fœnicul. anisi, an. ʒ. j. cinnam. ʒ. ʒ. B. passular. ʒ. ʒ. el. dia-
phen. ʒ. ij. Infund. in suffic. quant. feri lactis.

Colaturæ ℥. ʒ. iv. syrup. de pom. Regis Sabor. ʒ. j. M. F.
Haustus.

℥. Radic. aperient. vino præparat. ʒ. j. scorzonæ. ʒ. ʒ. B.
cortic.

cortic. tamarisc. fraxin. citri, an. 3. ℞ meliss. ceterach, chamædr. an. M. ℞. flor. borrag. bugloss. sambuc. genist. an. P. sem. Endiu. portulac. agni casti, anis. an. 3. j. rad. belleb. nigri præpar. glycyrrh. an. 3. ℞. passular. maior. 3. j. Coq. in aq. simpl. In Colat. infund. fol. sen. 3. ij. xedoar, galang. an. 3. j. ℞.

Colat. ℥. 3. iv. adde syrup. de epithym. de pom. Reg. Sabor. an. 3. ij. F. Potio pro 4. dosibus, quæ aromatizetur sp. lactitæ Galeni aut diambri.

Alia ℥. Infusion. rosarum f. in aqu. Endiu. & fumar. aq. part. 3. ij. aq. anisi, cusc. fl. borrag. an. 3. j. fol. senæ el. & vino albo irrorat. 3. v. passular. minor. p. j. rad. glycyrrh. rasæ, sem. anisi, coriand. præpar. an. 3. ij. caryophyllor. num. iij.

Bulliant omnia tribus ebullitionibus vase recto, tunc adde rhabarb. opt. 3. j. ℞. el. de succo rosar. 3. ij. diaphœnic. 3. ij. pulu. santali cirr. 3. j. spec. diamarg. fr. gr. viij.

Relinquantur per noctem in infusione loco tepido; postea fortiter exprimantur per linteum, fiatque potio, quæ detur manè tribus horis ante pastum.

Syrupi.

Syrupi.

Donatus Antonius ab Alto Mari, hunc syrupum valde commendat, quem & alij laudant.

℥. Hyssop. sampsuchi, serpill. melissophyll. betonic. an. M. ℞. borrag. lupul. scolopendr. fumar. capill. Qris, an. P. ℞. rad. cichor. borragin. fœnicul. cappar. an. 3. iv. absinth. cortic. citr. an. M. j. sen. elect. polypod. q. an. 3. ij. puleg. flor. chamæmel. centaury. minor. an. 3. ij. chamædr. chamæpit. an. 3. ij. iunc. odor. (idest schœnant.) spic. anis. fœnic. asar. an. 3. j. passular. enucleat. 3. j. Coquat. f. a.

Colat. ℥. ℥. iv. add. succ. pomor. dulc. acidor. rosar. & malor. prunicor. acidor. an. ℥. ℞. borrag. & fumar. depurat. a. ℥. j. sacch. q. s. F. Syrupus, de quo æger sumat 3. iij. vna vice, & superbibat parum aq. lupul. & borrag.

℥. Rad. Scorzonæ. polypod. q. an. 3. vj. bugloss. cichor. cortic. tamarisc. citri an. 3. ℞. ceterach, chamædr. meliss. an. M. j. thym. epithym. an. 3. ℞. flor. sambuc. genist. an. M. ℞. sem. fœnic. 3. ij. bellebor. nigr. Syriac. præpar. 3. iij. glycyrrh. 3. ℞. passul. exacinat. 3. j. Coq. in aqua pura. In Colat. infundantur. fol. sen. el. 3. ij. follicul. senæ 3. j. radic. ialap, rhabarb. an. 3. j. turbit. el.

*el. 3. ij. flor. borrag. bugloss. an. M. B. stæchad. Arabic. P. j. cin-
namom. 3. j. spic. Indic. 3. B. caryophyll. xedoar. an. 3. j. B.*

*Colat. 4. lb. j. acet. scillic. 3. ij. succ. borrag. vel pomor. 3. iij. sacchar. lb. B. Coq. ad Iulep. vel syrup. fluidior. consisten-
tiam, de quo singulis diebus æger manè 3. iij. vel iv. vel
q. s. sumat, addaturque singulis dosibus ol. anis. vel cin-
namom. vel citri gutt. j. idque continuetur 4. diebus, quin-
to æger quiescat, hinc ad vsum syrup. redeat, donec planè
absumptus sit.*

*Est & hic syrupus vt in omni, ita etiam in melancholia
hypochondriaca utilis.*

*4. Polypod. q. lb. B. bugloss. borragin. melissophyl. an. M.
j. cyperi, cappar. acori, asari, an. 3. j. senæ, epithym. an. 3. ij.
sem. lact. endiu. an. 3. iij. Puluerisata omnia præter senam
& epithym. quæ referuentur, ebull. in f. q. aq. ad laps. medij.
In fine decocto adde senam & epithym. & mox remouea-
tur ab igne. Postea colentur. Colaturæ adde sacchari q. s.
F. syrup. f. a. Sumatur 6. diebus contin.*

*Et quia aliis aliæ formæ medicamentorum magis arri-
dent, potest etiam talis Nodulus parari.*

*4. Rad. polypod. q. scorzon. an. 3. ij. fol. sen. 3. j. rad. ialap. 3. Cereuisia
ij. bellebor. nigr. præpar. 3. j. B. xingiber. cortic. citr. galang. purgans.
xedoar. an. 3. j. sem. anis. fœnic. an. 3. B. flor. anthos. bugl. an. P. j.
Ligentur in nodulo, qui in cereuisia suspendatur. Ne re-
liquorum medicamentorum sapor ingratus percipiatur,
aliquid absinthij addere licet.*

Vinum.

*Commendatur & vinum purgans, quod Zvingero ad-
scribitur.*

*4. Rad. aperient. an. 3. B. bugloss. card. bened. absinth. an. M. B.
sem. fœnic. cartham. an. 3. B. fol. sen. el. 3. ij. B. agaric. 4. ri alb. an.
3. B. xingiberis, cinnam. an. 3. j. Infundantur in vino, de quo
cyathus vnus vel duo, prout opus fuerit, mane & vesperi
ante cibum, vel mane saltem per dies plures sumantur.*

*Vel 4. Fol. senæ el. 3. ij. rhabarb. opt. 3. ij. rad. mechoacannæ
vel ialap. 3. j. cort. rad. belleb. nigri præpar. 3. B. fol. fumar. cuscut.
scolopend. ceterach. meliss. flor. 3. cordiat. flor. rorisma. an. P. ij. sem.
anis. fœnic. an. 3. ij. cinnam. 3. j. limatur. chalybis præpar. 3. B.*

Incisa & contusa ligentur omnia in syndone pro nodulo, qui in lb. iv. vini Rhenani iniiciatur, de quo vino medicato quatuor horis matutinis ante prandium quotidie ʒ. iij. præter propter exhibeantur.

Pulveres.

Pulveres. Tenuioris fortunæ homines vtantur pulu. sen. præp. iuxta descriptionem Montagnanæ, qui acui postest ʒ. iij. vel iv. diagryd. pro natura ægri.

Vel sumatur pulueris sen. præpar. ʒ. j. vel ʒ. iv.

℥. Crystallor. ʒ. ʒ. ʒ. ʒ. fol. senæ Alex. ʒ. v. rhabarb. el. agarici troch. an. ʒ. iij. scammon. præpar. ʒ. j. turbitib. alb. hermodactyl. an. ʒ. iij. cinnam. galang. macis, an. ʒ. ʒ. Misce pro puluere, de quo ʒ. j. in liquore vel iusculo propinetur.

Pilulæ.

Pilulæ. Aut vsurpentur pilul. Præ à Quercetano descriptæ, vel de ammoniaco. Platerus has commendat.

℥. Aloes ʒ. iij. myrrh. ʒ. ʒ. epithym. ʒ. j. rad. gentian. asari, an. ʒ. ʒ. gumm. ammoniac. aceto dissolut. ʒ. j. sem. petroselin. ʒ. ʒ. rhabarb. el. ʒ. i. ʒ. ʒ. ʒ. cum succ. absinth. F. Massa. De qua æger alternis vel tertio quoque die sumat ʒ. ij. vel etiam plus, si copiosius purgare libeat & liceat.

Idem & hoc commendat.

℥. Aloes succotrinæ ʒ. j. ʒ. rhabarb. agaric. an. ʒ. j. zingib. mastich. gentianæ, an. ʒ. j. ammoniac. aceto dissol. ʒ. ʒ. succi absinthij inspissati (extractum efficacius est.) centaur. min. an. ʒ. j. limatur. chalybis vel croci ʒ. ʒ. ʒ. terebinthinæ Cypriæ q. s. F. Pil. dosis ʒ. ʒ.

Electuaria & Boli.

Quibus Electuaria vel boli arident, sumât El. diacathol. diasenæ vel in bolo vel in sero lact. dissoluta. Multum in hoc morbo valet Extract. helleb. nigr. quod in pilul. formari vel alio modo exhiberi potest. Ventriculi tamen in purgantibus in primis habenda est ratio, præcipuè iis, qui cruditate acida laborant, & cauendum, ne nimio purgantium medicamentorum vsu is amplius debilitetur.

Vomitibus prouocatio.

Vomitória in assuetis etiam repeti possunt, & pro ægri tolerantia nunc leniora, nunc fortiora vsurpanda. Vomitu enim excrementitij humores circa ventriculum & loca vicina hærentes non raro excutiuntur, qui purgantibus per aluum

alium euacuari non poterant.

Vt ℞. Rad. asar. 3. iij. sem. atriplicis 3. j. agar. 3. ij. flor. genist. sambuc. an. P. j. Coq. in hydromel. ad 3. vj. add. oxymel. s. 3. j. B. F. Vomitor.

Purgatione hoc modo peracta iterum Aperientia, incidentia, attenuantia vsurpanda. Et cum purgantia viscera nonnihil calefacere soleant, & alias in hoc affectu hepar & venæ mesaraicæ plerumq; sint calidiores, addantur medicamenta, quæ p.n. illam venarum mesaraicarum caliditatem & siccitatem emendent: quos scopos omnes exple-re poterit feri lactis caprin. vsus aliquot diebus, octo scilicet aut 14. continuatus. Et ne vllum damnum afferat, & magis sit efficax, pulueres vel pilulæ conuenientes ante se-rum vsurpentur. Seri la-
tis ca-
prini
usus.

Vt ℞. Rad. flicis maris, quinq. fol. absinth. card. bened. chamædryos, ceterach, agrim. an. 3. j. Cum syr. acetos. citri. F. Pilul. maiores, quarû 6. vel 10. singulis vicibus ante serum hau-stum sumantur.

Vel ex pulu. horum omnium fiat Extractum, de quo ante vsus feri lactis 3. ij. forma pilul. vel alia æger sumat. vel vsurpetur cum sero lactis Extr. card. bened. veronic. meliss. ceterach. & similiū. Ita enim maior vis aperiendi & pene-trandi conciliabitur sero, & minus refrigerando nocēbit.

Necessarium vero est, vt sumatur maiore copia, præser-tim ventriculo nō admodum debili, nimirum ad lb. iij. vel etiam plures & ebibatur calix vnus post alium pitissando, & post vsus feri deambulandum, vt in profundiora cor-poris sese infinuet & materiam quæ obstructions facit, per alium & vrinas deducat. Neque magna feri copia pertimescenda. Si enim per venas penetrare, & iterum per alum & vrinas statim deiici debet, magna copia requi-ritur, in miuore verò nihil præstat: eodem modo vt thermæ & acidulæ in maiore quantitate ebibuntur. Nota.

Ne tamen ventriculo dāni aliquid inferatur, sacculis, vn-guentis & emplastris conueniētibus corroboretur. Et post vsus feri singulis biebibus mane & vesperi sumatur de elect. seq. portio, quæ quantitate nucem iuglandem æquet.

℞. conseru. bugloss. borragin. an. 3. j. rosar. anthos. an. 3. B. sp.

diarrhod. abbat. diatrion santal. an. 3. ℞. margar. præp. ʒ. ij. lign. aloes ʒ. j. cort. citr. cond. 3. ℞. confect. alķerm. 3. ℞. cum syr. de pom. F. Electuarium.

*Absin-
thij vri-
litas &
usus.*

Vtile est & absinthium per dies 30. vel 40. exhibitum post purgationes in vino generoso non austero; cum absinthium ipsum per se satis adstringat. Nimirum in vini ℥b. iij. macerentur absinth. M. ij. & singulis diebus vnum atque alterum cochlear exhibeatur.

Vel cereuisia aut vinū absinthites paratur simp. vel cōpos. ʒ℥. Cort. tamarisc. frangulæ, sarsaparil. vel sarmen. vitæ, an. 3. ij. absint. M. v. epithym. meliss. an. M. j. gr. iunip. 3. j. flor. genist. 3. ℞. Concisa & contusa sacculo includantur & in musto vel recenti cereuisia deferueant.

Vtiles etiam sunt trochisci de cappar. de absin. additis iis, quæ virtutem cordis & cerebri roborant, vt sp. diambri. cordial. temperat. de gemm. de hyacinth. lætitiæ Gal. Rhaf. Hyeme & vere incipiente corpore euacuato Theriacæ vel Mithrid. aliquid cum refrigerantibus mistum exhibeatur.

Vt ʒ℥. Theriac. ʒ. j. conseru. ros. 3. ij. M.

Ægerque omnibus aliis medicamentis eo die abstineat.

Vel ʒ℥. Conser. ros. borra. an. 3. ij. mithridat. 3. ℞. sp. lætificant. Rhaf. ʒ. j. M. Chymici ad intentionem istam complendam cremore & crySTALL. Tartari, Tartaro lato, sp. sulphuris cōpos. quam vulgo misturam simplicem vocant, vtuntur.

*Chalybis
usus.*

Plurimum quoq; ad obstructions hypochondriorū aperiēdas commendatur non solum à Chymicis, verum etiam à Galenicis chalybs præparatus, adeò vt Iul. Cæs. Claudinus respon. 29. propriū melancholiæ hypochondriacæ alexipharmacum chalybem nominet, quoniam continuus illius vsus semper felicem in ægris finem sit affecutus; siquidem in referendis obstructionibus, in quibus omnis melancholiæ curandæ cardo vertitur, nulli medicamento cedat.

Cum verò chalybs non solum vim aperiendi, sed & adstringendi & fluxus sistendi habeat, prout diuerso modo præparatur, chalybs præparatus aperiens vsurpetur. In primis hic utilis est tinctura chalybis, de quâ re plura dicitur suo loco de affectibus hypochondriacis in genere.

Cōmendatur & seq. Electuariū de chalybe D. Kolreuteri.

ʒ℥. Limat.

℥. Limat. chalyb. tenuiff. ℥. β. Superfund. acetum vini acerrimum, quantum imbibit. Stent 24. hor. postea vbi exsiccata reperitur, aliud affūdatur simili modo; sin minus, ad prunas in lebeo vitreato incrustato agitata terātur, donec perfectè exsiccet, & tū acetum, vt primò factū est, affundatur, & hoc fiat tertio, i.e. tribus diebus continuo, postea perfectè exsiccata aceto scillitico in marmore vel alio duriore lapide teratur, & in leuorem redacta exsiccataque sumatur, & add. pulu. subscript. totum.

℥. Rad. ireos 3. ij. xingib. lapath. ac. cyclam. ering. bryon. an. 3. j. fol. ceterach, scolop. beton. ruta, chamaed. chamæpyt. agrimon. calamint. galang. caryophyll. macis, lign. aloes, zedoar. Doronici, an. 3. β. spic. Ind. croci, an. 3. β. cort. rad. cappar. fraxini, fagi, salic. tamarisc. cass. lign. ver. costi dule. an. 3. ij. visci q. 3. β. cinnam. 3. iij. ammeos, cardamomi, cymini aceto macer. coriand. præp. sem. agni casti, petrosel. melanth. portul. an. 3. j. siler. mont. 3. ij. β. anisi 3. iv. F. puluis tenuiff. Huic chalybs totus præparatus commisceatur, & melle purissimo despumato, ac tertia parte ipsius oxymell. scillit. & syrup. è cichor. c. rhab. F. Electuarium.

Vtiles etiam & magnæ efficacix sunt in melācholia hypochondriaca acidulæ: vtpotè quæ lienem & venas mesaraicas aperiunt, ac sine omni molestia omnis generis vitiosos humores per aluum copiosè educunt, quales sunt Ægranæ & Schvualbacenses. *Acidula.*

Eadem, quæ acidularum, & thermarum ratio est. Et si enim externus thermarum vsus in melancholicis, qui plerumque macilenti atque exsuccati sunt, rarè commodus sit, & metuendum ne corpus amplius iis exsiccet: tamen si bibantur, eadem ratione, quæ acidulæ, prosunt: cum ob mineralia, à quibus suas vires habent, & primas vias eluāt, & vitiosos humores, qui in iis hærent, per aluum & vrinas educant, ventriculum calefaciant, hepar & lienem roborant. Thermæ, quæ in hoc affectu conueniunt, sunt Apennenses in agro Patauino, & Aquarianæ Regio Longobardo 25. miliaribus distantes: Thermæ S. Cassiani in Italia, Badenses Marchionis, & Ferinæ in Germania. *Therma.*

Vbi nec acidularum nec thermarum copia habetur, se-

rum lactis caprini eorum loco vsurpetur, cum succo cichorij & fumariæ: At si flatulentia eius metuatur, dum igne depuratur, aliquid feminis coriandri & ligni sassafras addi potest. Vel medicamenta ex chalybe aliquot diebus continuentur.

*Topicorum
usus.*

Neque interim externa & Topica omittenda sunt, sed extra etiam vsurpanda, quæ obstructions aperiunt ac flatus discutiunt, vt fomentationes lienis, præcipuè ex flor. chamæmeli, genistæ, melilot. sambuc. fol. & rad. malu. althææ, rut. calaminth. pulegij, ceterach, rad. filic. cortic. rad. cappar. tamarisc. & similibus.

Vnguenta etiam ac linimenta vel emplastra lienii applicentur, de quibus de lienis affectibus, atque affectione hypochondriaca in genere dicetur.

Hoc saltem hic non prætereundum censemus: Post corporis purgationem utile esse aq. dulcis tepidæ balneum, in qua fol. viol. malu. althææ, mercurial. brancæ vrsin. flor. chamæm. meliloti, & similia cocta sint.

*Viscerum
corrobo-
ratio.*

Tandem quæ viscera roborant, vsurpanda, non solum in fine curationis, sed & medicamentis præparantibus & purgantibus per intervalla subiungi debent; vt ita caput & viscera ad natiuam constitutionem & temperiem reducantur.

Pro corde & cerebro roborando iam antea medicamenta proposita sunt. Iis addi possunt & hæc:

Commendatur in primis smaragdus & potus & collo gestatus, vt in omni melancholia, ita & hic, & in primis eius tinctura, vt & sapphiri & corallior.

℞. Aq. flor. borrag. in B. destill. ℥. iv. cinnam. ℥. β. margarit. præpar. ℥. iij. smaragd præpar. ℥. j. β. Misceantur in mortario marmoreo. F. liquor potabilis instar emulsionis. Vel fumantur margarit. & smaragdi præparat. loco horum magisteria. Detur vnum atque alterum cochlear ingruente paroxysmo calidè.

℞. spec. aromat. rosat. diamb. an. ℥. j. marguarit. præparat. ℥. j. ambr. ḡ. iv. ol. destill. macis, caryophyll. citri, an. gutt. ij. saccb. in aqu. cinnam. ℥. β. borrag. f. q. disso. ℥. iij. F. Rotulæ.

*Mixtura
& Ele-
ctuarium.*

Efficax est & hoc in Paroxysmo hypochondriaco,

℞. Extr.

℥. Extr. cardui ben. ℥. j. lign. aloes, meliss. an. ḡ. vj. calam. aromat. ḡ. iv. sacchar. in aq. borrag. dissol. ℥. iij. suc. recent. ℥. ℞. syr. tunic. ℥. j. M. Vt & hæ rotulæ.

℥. ol. nuc. mosc. express. ℥. ij. distill. ℥. ℞. confect. alķermes extract. pæoniæ an. ℥. j. calam. arom. ℥. ℞. margarit. præpar. ℥. j. coral. rubr. præpar. ℥. ℞. ol. carui gutt. iij. sacch. in aq. pæoniæ & melissæ dissol. ℥. vj. fiant rotulæ. Est & hæc aqua efficacissima.

Rad. bugloss. borraginis an. ℥. j. ℞. pæoniæ, cortic. citri. an. ℥. ij. rorismar. maioran. meliss. an. M. j. flor. borrag. bugloss. stæchad. Arab. an. ℥. ℞. sem. Basilic. croci, cinnam. caryophyll. an. ℥. j. confect. alķermes ℥. ij. Aq. bugloss. borrag. an. ℥. iv. vini Rhenani lb. ij.

Stent infusa, destillentur. Felici etiam cum successu exhiberi sequentem puluerem, dosi, quantum apice cultelli, bis capi potest, sub lecti ingressum, affirmant nonnulli.

℥. pulu. smaragd. hyacinth. margarit. corall. præpar. scobis eboris, boli arm. an. part. æq. Misc. fiat puluis, vel cum tryphera Mesuæ in formam Electuarij redigantur. Hoc quoque in obstructione venarum mesaraicarum profuisse deprehensum est.

℥. spec. diarrhod. abbat. diatrion. santal. rosat. nouell. an. ℥. ℞. diapenid. ℥. ij. flor. cuscut. beton. hyperic. an. ℥. ℞. sem. fœnic. ℥. ℞. cinnamon. spic. an. ℥. ℞. spod. santal. rub. alb. an. ℥. j. cum syr. de Epirhym. & Endiu. an. q. s. fiat Electuarium.

Vel ℥. Conseru. rorismar. maioran. meliss. borrag. an. ℥. j. marg. præp. hyacinth. præp. confect. alķerm. an. ℥. ℞. cortic. citr. condit. ℥. ℞. cinnam. caryophyllor. macis an. ℥. j. cum syrup. tunic. F. Elect.

Vel ℥. Conseru. anthos, meliss. bugloss. an. ℥. j. calam. aromat. condit. cortic. aurant. condit. rad. cichor. eryng. conditar. an. ℥. ℞. trochisc. de cappar. ℥. j. ℞. nuc. in india condit. ℥. ij. cinnam. macis crasso modo concisor. an. ℥. j. ol. citr. gutt. iij. cu syr. borr. F. Elect. vel confect. de hyacinth. ℥. ij. vel ℥. j. sæpè exhibeatur.

Prætiosa quidem, sed utilis est hæc mistura, multumque facit ad vapores melancholicos discutiendos.

℥. Conseru. tunic. ℥. j. ros. confect. alķerm. an. ℥. ℞. lapid. bezoar. ℥. j. succin. alb. pulueris. ℥. ij. cum syrup. de cortic. citr. F. Elect.

Si vigilæ sint molestæ, lotiones pedum & manuum,

item vnguenta & alia supra proposita vsurpanda.

Commendatur & hæc aqua in melancholia hypochondr.

Aqua
destillata

℞. cor. ceru. num. j. fol. meliss. M. j. basilic. menth. ceterach. flor. borrag. bugloss. violar. tunic. an. M. ℞. Anthos, lauend. an. P. j. sem. basilic. coriandr. prepar. anis. citri an. 3. j. macis, santal. citr. cinnam. an. 3. ij. caryophyll. 3. j. Cōcisa & contusa macerentur in vini maluat. ℞. j. aq. borrag. bugloss. an. ℞. ij. meliss. ℞. j. fiat destillatio in balneo. Exhibeantur 3. iij. cum syrup. violar. tunic. vel borrag. 3. j. Reliqua & inter ea etiam, quæ Chymici exhibere solent, proponentur libro tertio.

Dieta.

Quod in omni curatione verum est, in huius affectus curatione verissimum: Omnia medicamenta frustra vsurpari, nisi diligens diætæ ineatur ratio. Et omnium Medicorum testimonio atque ipsa experientia teste, nihil ad hoc malum curandum est magis necessarium aut plus confert, quam bona diætata. Ergo causæ omnes, è quibus malum hoc prouenire supra diximus, sedulo vitandæ sunt. Cibi nimirum omnes crassi & vitiosi succi, ac vsurpandæ potius carnes gallinarum, vitulina, agnina, hædina, veruecina: Inter pisces, lucius, percæ & saxatiles. Panis sit albus bene, non tamen nimis, fermentatus: vinum album tenue, cereuisia clara & defecata. Commodum est, si primus haustus semper sumatur de vino vel cereuisia melissa, absinthio, carduo bened. borrag. & simil. medicata. Aromatû vsus nimius noxius; quod caliditate, ficcitate & acedine iecur & sanguinem, plus quam par est, celefaciunt, & venas mesaraicas exsiccant. A cibo tamen medicamento aliquo peptico uti interdum utile est.

Vt ℞. sp. aromat. rosat. 3. j. succin. alb. pulu. 3. ℞. ambr. ḡ. viij. mosch. ḡ. iij. ol. nuc. mosc. destil. 3. ℞. sacchar. in succo cydonior. dissolu. 3. iv. fiat morsuli. Et sunt tales formulæ passim notæ.

Cibi quoque assumantur ea quantitate, quæ ventriculo nullam in coctione molestiam pariat, nec noui assumantur, priusquam priores è ventriculo in ventrem descenderint. Varij quoque & multi cibi simul assumpti hoc malum non parum augment. Alius ut laxa semper sit, operâ detur. Mæstitia & curæ nimix vitentur. Plura de diætæ ratione

Excreta
& animi
pathemata.

tionem in hoc malo videantur in consil. Petr. Andr. Matthiol. quod est 182. in consil. à Scoltizio collect. Diligenter etiam & prolixè de melacholia hypochondriaca tractat D. Balthaz. Brunnerus, Consil. 6. 7. 8. 9. 10. 11. qui videatur. Et dicentur plura huc conferentia infra, lib. 3. de aff. hypochondriaca.



CAPVT XIII.

De Melancholia ex utero.

Melancholia per consensum species est melancholia ex utero, quæ melancholia hypochondriacæ valde cognata est, ita quidem, ut has duas melancholias per consensum differentias discernere non sit ita facile. Imo in hac melancholia hypochondria etiam sanguine vitioso sæpe repleta sunt. Causa proxima huius mali, ut in hypochondriaca, etiam est vapor, qui & cor anxium reddit, & spiritus animales obfuscat, obscurat atque inquinat, atque ita mæstitiam, timorem & delirium parit. Quod eò facilius in foeminis accidit, quod natura sint deiectioni animi, & præcipuè in viduis, quas animi moeror & curæ cruciant. Verùm symptomata hæc non sunt continua, sed tamdiu durant, quamdiu vapor, qui proxima est causa, adest, quo discussio symptomata remittunt & evanescent. donec noui ad caput eleuentur: quod ex eo patet, quod dum vapor ille quiescit, satis hilares sunt eiusmodi foeminae, nec vlla melancholiae signa exhibent; mox commoto & agitato humore & vaporibus, ad cor & cerebrum eleuatis, subito moerore corripiuntur, docuit ista omnia eleganter Hippocrat. in lib. de morbis virginum, dum ita scribit: Est muliebris natura animi magis deiectioni & imminuti. Ceterum virgines nobiles & mature viro hoc magis patiuntur vna cum mensium descensu, antea non valde his affectæ. Postea enim sanguis in uterum confluit, veluti effluxurus. Cum igitur osculum exitus non fuerit apertum, sanguis autem amplius influxerit, propter cibos & corporis augmentum, tum sanguis non habens exitum refilit ad cor & septum transversum. Cum

Melancholia ex utero causa proxima.

Causa antecedens & remota.

igitur hæc repleta fuerint, cor saluum fit, deinde ex fatuitate torpedo, postea ex torpore delirium apprehendit. Malum nimirum hoc virginibus iam nubilibus familiare est, cum sanguis ad vterum confluens, ibique exitum quærens, exitum non inuenit. Deinde viduis, imprimis ob curas & & moerorem animi, in quem ob mariti obitum pleræque coniiciuntur, ut & aliis fæminis, quibus menses, aut post partum purgationes ex aliqua causa euidente supprimuntur, aut non rectè fluunt. Sanguis enim ex vtero effluere solitus si quacumque etiam causa detineatur, ibi circa vterum cumulatur, corrumpitur & in venas superiores regurgitat, easque replet, unde multi prauis vapores eleuari, & ad cor & cerebrum exhalare, variaque symptomata inducere solent.

Signa Diagnostica.

*Melan-
cholia ex
vtero si-
gna dia-
gnostica.*

Fœminæ hoc malo laborantes sunt moestæ, cogitabundæ, timidæ & anxie citrà causam manifestam, nullaque re delectantur vel gaudent, sed tædio habent omnia, amantque solitudinem, sed cum suo incommodo. Et quidem hæc patiuntur per interualla quædam in quibus cum aliis melancholicis conueniunt. Sunt autem alia non pauca, quæ è melancholia per essentiam, tum reliquis melancholiæ per consensum differentiis, eam discernunt. Nimirum præter hæc omnia symptomata accidunt fletus & risus, non satis possunt verbis exprimere, quid mali sentiant, sed conqueruntur, & multa proferunt, ex quibus quid mali patiantur, Medicus vix certo colligere potest. Conqueruntur de doloribus variis, tum præcipuè sinistri lateris è regione cordis, qui vniuersam mammam aliquandoprehendit, imprimis vero de manifesto pulsu in dorso circa diaphragma, qui accidit ob arteriæ magnæ eo loci p. n. vehementem pulsationem. Nam cum sanguis circa vterum hærens incendatur, communicatur id malum non solum venæ cauæ, sed & arteria, quæ iuxta dorsum est, venæ cauæ malorum fit particeps. Habent præterea somnia tumultuosa, aliis in quibusdam supprimitur, in quibusdam pauca reddit: menses supprimuntur & parcius fluunt.

Prognostica.

1. Quo diutius hoc malum durat, eò curatu est difficilius. *Prognostica.*

2. Nisi maturè huic malo occurratur idoneis remediis, in maniam periculofam plerumque tranfit.

Indicationes.

Cum à fuppreffa fanguinis euacuatione malum hoc ortum habeat. 1. Sanguis fupfluius imminuendus & euacuandus. 2. Hinc humor melancholicus, qui ex fanguine fuppreffo generatus eft, præparandus & euacuandus. 3. Sanguinis fupflui in vtero & vicinis locis congeftio præcauenda. 4. Animus à triftitia ad hilaritatem aduocandus, cerebrum & cor roborandum. *Indicatum.*

Curatio.

VENÆ SECTIO.

Sanguis imminuitur venæ fectione & cibi detractione. Venæ fectionem quod attinet, fi tempus, quo menfes fluere folent, adhuc longius abfit, vena basilica vel mediana in brachio aperiatur. Si verò menfiū fluxus iā inftet, aut nuper præterierit, vena in pede aperiatur. Et commodiffimū quidè eft ad melancholiā hanc tum curandā, tum præcauendā 2. 3. vel 4. diebus ante confuetum menfium fluxum, venam in talo aperire. Ad fanguinem imminuendum vtile eft cibi aliquid detrahare, & cibum tenuis fubftantiæ præbere, vt craffi humores vafa obftruentes attenuentur. *Sanguis per venā fectione.*

Purgatio.

Sanguine euacuato, fi confitet ex fignis, fcilicet fi affectio diutius durauerit, quod mores aliquo immutati fint, ægerque cogitationibus abfurdis & melancholicis refiftere nequeat, iam humoris melancholici aliquid accumulatum effe, id quod ferè femper accidit, is præparandus & euacuandus. Quod qua ratione fieri debeat, ex capitibus duobus præcedentibus fatis patet: ideoque pauca hac de re addemus. Cum foeminarum natura fortiora purgantia non ferat, humor verò contumax fit, mitiora medicamenta, fed frequentius, vfurpanda. Exhibendæ fcilicet Pilulæ ex aloë, agarico, maffich. & fol. fenæ paratæ. Vel exhibeatur cōfect. hamech. f. scamon. & colocynthide facta; *Purgatio.*
Pilula. Electuaria. Infufa.
vel

vel serum lactis, in quo fol. senæ & flor. cordiales macerati sint. Vel fiat Syrupus :

Syrupi. ℞. Rad. polypod. q. scorzon. an. ʒ. j. fol. sen. el. ʒ. iiij. fl. cordial. an. M. ʒ. cortic. citr. ʒ. ʒ. zedoar. ʒ. ij. Infundantur in aq. borrag. lupul. meliss. an. ʒ. x. succ. borrag. depur. ʒ. viij. pomor. ʒ. vj. Postea leniter ebulliant. Colaturæ adde Rhabarb. agaric. trochisc. an. ʒ. ʒ. Iterum parum bulliant & colentur. Colaturæ adde Sacchar. q. s. F. s. a. Syrupus. Cui adde aq. cinnamomi ʒ. j. Datur ad ʒ. ij. vel ʒ. iiij.

Pulueres. Si tamen morbus iam augmentum sumpserit, ita ut mediocria non sufficiant, cum ne mouere quidem humorem tam crassum, fixum ac stabilem possint, ad fortiora, helleborum nigrum & lap. lazuli ascendendum. Ideoque helleborismus Matthioli & alia medicamenta purgantia capite præcedente proposita vsurpanda. Commendatur quoque hic puluis,

℞. Epithymi ʒ. ʒ. lap. lazuli præpar. agaric. trochisc. an. ʒ. ij. ʒ. diagryd. vel extr. scammon. ʒ. xv. caryophyll. num. xx. fol. sen. ʒ. vj. sacchar. albiss. ʒ. iiij. Fiat puluis. Dosis ʒ. ʒ. vel q. s.

Alterantia & Præparantia. Vbi semel atque iterum purgatum est, antequam iterum ad purgationem accedatur, medio tempore medicamenta humorem melancholicum alterantia vsurpanda, quæ hæcenus proposita sunt.

Vel ℞. Conseru. borrag. anthos, meliss. an. ʒ. j. cortic. citr. condit. rad. bugloss. condit. an. ʒ. ʒ. myrobal. chebulor. emblic. condit. an. num. ij. confect. alkermes ʒ. j. ʒ. lap. lazul. præpar. ʒ. ʒ. spec. el. de gemmis, vel hyacinth. ʒ. j. ʒ. Cum Syr. bugloss. F. Electuar.

Vtero ap- propria- za. Simul & vtero prospiciendum & danda opera, ut menses, si subsistant, prouocentur. Ideo hæc potio parari potest.

℞. Vini alb. ʒ. vj. aq. matricar. ʒ. j. ʒ. distam. Cret. puleg. calamintb. an. P. j. Sabin. rad. rubiæ, an. ʒ. j. galanc. cinnamom. macis, sem. dauc. an. ʒ. iiij. Stent in infusione per diem integrum : postea colentur & addatur limaturæ chalybis præpar. ʒ. ʒ. atque in loco calido in vase vitreo bene clauso asseruentur per dies 10. Dosis ab ʒ. iiij. ad ʒ. ʒ.

Commendatur etiam valde hæc aqua in vteri affectionibus è mensium & seminis retentione & melancholia inde nata.

℞. Succi borragin. depurati, meliss. an. ℥.ij. croc. opt. ʒ. j. Infundantur & postea destillentur in balneo: Dosis cochlear. vnum manè cum iusculo.

Vel ℞. Trochisc. de absinth. pulu. diatrion santalon, spec. Rotula. diamarg. frig. confect. de hyacinth. an. ʒ. ʒ. sem. cuscut. ʒ. ij. croci ʒ. 3. ij. sacch. in aqua meliss. sol. ʒ. v. F. Rotula.

Et cum cor atque cerebrū simul hoc morbo afficiantur, Cor & ea etiam roboranda; & à vaporum melancholicorum in Cerebrū iuria defendenda, vt cap. præced. dictum. Hoc saltem confortā- addimus, diligenter laborandum esse, ne habitualis frigida. ditas & siccitas cordi, cerebro vel etiam toti corpori inducatur. Ideoque medicamenta humidiora semper vsurpanda: sicciora verò, quibus humor melancholicus exasperatur, vitanda. Ideoque nec externa, quæ caput & corpus humectant, negligenda. Atque inter purgandum & Topica. post purgationem aquæ dulcis tepidæ balneum cum herbis humectantibus & moderatè calefacientibus vsurpandum: & si malum his medicamentis non cedat, vt à capite & corde materia auertatur, fonticuli in cruribus excitentur.



CAPVT XIV.

De Melancholia errabunda, Arabibus Kutubuth dicta.

MELANCHOLIA errabunda medicis dicta, ea Melancholia errabunda. species est, quæ plerumque Februario mense ægros infestare solet; nomenque hoc accipit, quod qui ea laborant, ne horam in vno loco quiescere possunt, sed hinc inde continuò vagantur, nescientes tamen quò vadant. Ab Arabibus vocatur Kutubuth ab animali, vt scribunt, quod in superficie aquarum stagnantium hinc Kutubuth. inde perpetuo cursitat.

Causæ.

Causæ.

Causam proximam huius melancholiæ esse statuunt melancholiam naturalem aliquo modo adustam & certum corruptionis modum adeptam. Nam si valde esset adusta, accederet furor. Alij censent prouenire à bile adusta, melancholiæ non adustæ permista, quæ in permissione talem & peculiarem corruptionis gradum adepta est. Et quidem generatur per primarium cerebri affectum, non per consensum. Infestat a. magis mense Febuario, quod ista peculiaris sit materiæ malitia, quæ autumnò cummulata & hyeme referuata in fine hyemis sese exerit. Nonnulli etiam, eo tempore astrorum positum concurrere putant: Sicut certum est, pro vario siderum positu, nunc hos, nunc illos humores moueri & varios morbos inde excitari,

Signa Diagnostica.

Ægri, vt dictum, sunt in continuo motu, fugiunt hominum consortia, loca solitaria amant, nec tamen sciunt, quò vadant. Color corporis est citrinus, lingua sicca, vt valde sitientis, oculi ficci, concaui, nunquam lachrymantès, totum corpus est siccum & aridum, facies præ se ferens tristitiam. Tales melancholici timidiores sunt, quam vlli alij melancholici: vnde, vt dictum, solitudinem amant, noctu magis vagantur, latebras circa mortuorum sepulchra & alia loca solitaria quærunt. Homines obuios fugiunt, & si iis insperato offeruntur, eos non aspiciunt, aut vident. Cuius rei proculdubio causa est summus timor, ob quem omnia suspecta habent & fugiunt. Crura eorum plerumque vlceribus scatent, quæ non consolidantur; cum ob continuum motum melancholia ad crura descendat.

Curatio.

Curandi ratio ferè eadem est, quæ melancholiæ; cum vnam cum ea causam, gradu saltem & permissionis modo differentem, obtineat. Ideoque humor melancholicus, qui in capite spiritus inquinat, & cerebrum ad spiritus similes generandos disponit, est alterandus & euacuandus. Deinde caput roborandum, & intemperies eius ad naturalem

ralē constitutionem Cephalicis humectantibus moderatē calefacientibus, vel potius temperatis deducenda; qua de re supra *cap. 9.* dictum. Et imprimis hic utilis est Sanguinis euacuatio, quæ copiosius, vel vna vice, vel pluribus instituenda. Danda quoq; imprimis vt somnus cōcilietur; cum vix aliud ad malum hoc expugnandum plus faciat, quam somnus. Medicamenta purgantia sæpe repetenda. Præcipiunt etiam hîc Medici, vt ægri, si alia non profint, flagellentur, vt à prauis cogitationibus abducantur, & ratio ad se conuertatur, deinde vt obediētes fiant.



CAPVT XV.

De Mania.

MANIA Græcis, *μανία*, idest, insaniendo dicitur: (ineptē verò à nonnullis à manibus, i.e. diis infernalibus, vel *μανία* vel *μανία*, vel *μανία*, idest, Luna deducitur.) Iisdem etiam *μανία* est vehemens mentis motus & delirium. Vocabulum Maniæ & Latini retinent: Iisdem quoque insania nominatur; quamquam Celsus nomine insaniæ omnia deliriorum genera complectatur: Iisdem & furor dicitur: Neque Medici Ciceronem sequuntur, qui *lib. 3. Tuscul. quæst.* scribit: Latinos eam affectionem furorem appellare, quam Græci melancholiam. Non enim melancholicorum furor est, sed maniacorum.

Mania unde dicta.

Solet equidem mania melancholiæ sæpe succedere, & causæ saltem ac Symptomatum vehementia ab ista differre nonnullis videtur: qua de causâ Tralliano nihil aliud est, quam intensio melancholiæ ad maiorem feritatem. Verùm causæ melancholiæ & maniæ non solùm vehementia, verùm & natura ac specie differunt, & interdum per se, ac non præcedente melancholia oritur Mania, quæ cogitatione quidem verbo & opere melancholicorum deliramenta imitatur, sed citra timorem vel metum, imò cum audacia, iracundia, iurgiis, & mentis perturbatione tanta,

Mania quomodo à Melancholia differat.

vt ægri tanquam immanes bestię obuios quosque inuadant, imò nec sibiipsis sæpe parcant.

Mania definitio. Est nimirum mania seu furor delirium, seu imaginatio-
nis & ratiocinationis deprauatio, sine timore, sed potius cum audacia, temeritate, ira, iurgiis, & ferocia, sine febre, à dispositione spirituum feruida & ignea ortum habens. Vide, *Instit. lib. 2. part. 3. sect. 3. cap. 7. pag. 398.* Imaginantur enim ea, quæ non sunt, & nullum discrimen inter honestum & turpe, bonum & malum, amicum & inimicum agnoscunt. Memoria verò in mania sæpe maxima ex parte seruatur, quod ex cantilenis ipsis familiaribus colligit Aëtius, quarum in furore illi non obliuiscuntur.

Mania prater Cerebrū definitio. Verum vt natura huius mali manifestior reddatur, de loco affecto & causa ante despiciendum. Et quidem locum affectum quod attinet, etsi plerique Medici cerebrum solum in mania affici dicant, & verum sit, delirij huius causam proximè in cerebro contineri: tamen vero valde consentaneum est, cor simul affici, quod affectus illi & perturbationes animi vehementes, audacia, temeritas, ira & alia animi *passiones* monstrant, quæ etiam ad essentiam manię pertinent, & tamen à corde proueniunt. Præterea & hoc idem persuadere videtur, quod maniacy, qui in claustris & domunculis publicis custodiuntur, hybernum frigus, & quidem sæpe nudi, multos annos, sine vlla corporis læsione & iactura ferunt, ac quod mirandum, si tangantur, non frigere, sed calere in medio frigore hyberno deprehenduntur, vt videre est apud Forestum, *l. II. & obseru. 20.* Quamquam enim consuetudo etiam hic aliquid facere possit: tamen eam solam non sufficere aliorum exempla docent. Qui calor in vniuersum corpus, nisi corde affecto vix diffundi potest: & credibile est, non solum spiritus animales, sed & vitales feruidos & quasi igneos euasisse, sicut idem iis, qui in vino inebriantur, accidit.

Causæ.

Mania Causa coniuncta. Causam primam & coniunctam manię feruidam & igneam quasi spirituum dispositionem esse diximus. In quo si quis acquiescere nolit, sed occultam aliquam qualitatem addere

addere velit , cum eo non litigabimus. Facit id Platerus, qui quidem non negat , in hoc effectū humorem atrum adesse , verū manifesta qualitate contentus non est , sed malignam, occultam & venenatam qualitatem addit , necessariumque putat, vt humor ater hanc dispositionem suscipiat, si maniam inducere debet, atque impossibile esse existimat , vt tam enormia accidentia , quæ in ægris, ac si veneno perciti essent, sese proferunt, & non breui tempore, sed sæpe multos annos durant, à manifesta causa & solo calore prouenire possint. Etsi enim negari non possit, insignem esse feruorem in sanguine & spiritibus, quod ipsum testatur, vt modò diximus , quod qui in claustris publicis custodiuntur, & nudi miserè in stramine volutantur, frigus hybernū multos sæpe annos citrà vitæ iacturam ferunt : tamen hoc mirandum est, quod cum isto spirituum feruore nulla febris coniungitur. Ideoque credibile est aliam adhuc occultam & potentiorē qualitatem subesse, venenis cognatam, & talem, qualis etiam à venenis quibusdam inducitur. Dantur enim venena, quæ insaniam inducunt, & compertum est, nonnullos à philtris propinatis in maniam incidisse.

Dispositionem hanc spirituum igneam, vel quocunque nomine alio appellare liceat, plerique vel ab intemperie cerebri sine materia, vel à materia simul prouenire statuunt. Verū impossibile est, affectum tam grauem & diuturnum, atque in quo non solum cerebrum, sed & cor afficitur, à nuda saltem intemperie prouenire, neque credibile est, seu cor, seu cerebrum ita à naturali statu deiici posse, vt non simul humores afficiantur. Causa ergo antecedens semper coniungitur, materia nimirum simili qualitate prædita, bilis scilicet atra hanc igneam & occultam qualitatem adepta, quæ in venæ cauæ ramis detinetur, maioribus præsertim (proculdubio & in arteriis) id quod vtilitas venæ sectionis in hoc malo indicat. Refert enim Platerus innumeros sanatos fuisse à Chirurgis quibusdam & aliis, qui ex professo hisce morbis sanandis operam dabant, qui vigesies & sexagesies etiam venas tundendo, nunc brachij, nunc pedis, hic illam, alibi aliam sine

*Causa
antecedens.*

discrimine, infānos plurimos restituerunt, vt postea incolumes longam adhuc vitam vixerint.

*Causse
antece-
dentis se-
des.*

Verūm continetur hæc materia nunc in vniuersi corporis venis, nunc in venis cerebro propioribus, imo interdum in ipsis cerebri vasis; vnde etiam mitiora vel grauiora, & hæc vel illa symptomata excitātur. Nonnunquam & circa vterum ex sanguine illic abundante, & semine retento, ac corrupto talis materia colligitur; vnde melancholiam ex vtero quandoque in maniam degenerare, capite præcedente dictum, quæ furor yterinus appellatur, in quo tum aliis modis insaniunt foeminæ, tum quandoque etiam concubitus & venerem vehementissimè appetunt. Cuius rei historiam annotauit Dominicus Leonus, *c. de mania*, in quadam virgine, quæ ob feminis retentionem & veneris desiderium maniaca facta erat, ita vt per agros & syluas erraret, & obuium quemque ad coitum prouocaret, ac renuentes conuitiis & lapidibus insectaret, quem eius furorem coitus sedauit. Quocunque autem loco prima illa caussa contineatur, reliquam sanguinis massam ab ea quasi fermento & veneno infici, credibile est.

Et quamquam atra bilis huius mali caussa ex bile flaua, vel melancholia adusta plerunque generetur: sanguis tamen etiam hoc modo corrumpi potest; docetque experientia, non solum macilentos, fuscis, tristes, & qui natura ad melancholiam procliuēs sunt, hoc malo corripī, sed omnibus naturis hoc malum accidere posse.

Feruor autem ille sanguinis & humorum etsi vehemens & acris sit: tamen putredine & inflammatione caret, ac propterea mania sine febre est.

*Causse
remota
& eu-
identes.*

Causas remotiores & euidentes quod attinet gignitur ille feruidus humor, vel in hepate, ob calorem illius nimium, vel cum chylus calidior in ventriculo genitus ob calidiorem victum hepati suppeditatur.

Quod faciunt & hæmorrhoidum ac mensium purgationes, & post partum in foeminis euacuationes retentæ: item fistularum & vlcerum antiquorum occlusio, vel varicum curatio: sicut de Mario referunt, eum euasisse maniacum, postquam varices in cruribus ei medici exemissent.

Exter

Externæ caussæ sunt æeris constitutio calida; unde tempore æstiuo & circa caniculares, vt & in autumno, 3. *aph.* 22. magis, quam alio tempore infestat hoc malum, atque aliæ caussæ, ob quas humores aduruntur, & maniacam *ἀλγὴν* acquirunt. Quo pertinent & morbi præcedentes, qui humores adurunt, sicut interdum phrenitidi mania succedere solet.

Inter euidentes autem caussas præcipuè sunt duæ: Diuturna moestitia, curæ & sollicitudines, præcipuè exca-
descencia & ira concurrente, quo modo Ajax in maniam incidit, & sibi ipsi manus violentas intulit, & sæpe melancholiæ diuturnæ mania succedere solent.

Et huc etiam pertinet insania ex amore. Et si enim supra c. 9. inter melancholiæ differentias de melancholia ex amore egerimus: tamen vt aliæ melancholiæ, ita & hæc, si diutius duret, tandem in ipsam maniam degenerat, atque ad hoc caput pertinet.

Deinde venena assumpta, quorum quædam insaniam inducere posse iam antea dictum. Ita solanum, quod maniacum inde dicitur, insaniam inducit: Idem facit cerebrum felis comestum, mustelæ, morsus canum, luporum & aliorum animalium rabiosorum. De quibus Diosc. l. 6. Pertinent huc & philtrea, de quibus Poëta:

Philtrea nocent animis, vimque furoris habent.

Ita Lucretium amatorio poculo accepto in delirium *Nota.* hoc incidisse scribunt. Vinum quoque fulmine congelatum, cum redit ad pristinam constitutionem potum; aut enecare, aut insaniam inducere referunt. Quibus omnibus non sine causa addi potest vis illa superior dæmonum, quæ Dei permisso humoribus vitiosis sese associat, talemque insaniam inducit; unde Maniaci sæpe talia loquuntur, agunt & perpetrant, quæ vix ad causas naturales reduci possunt.

Differentiæ.

Differentiæ mania respectu varietatis delirij sunt; quod *Mania* delirium aliud est breuius & mitius, aliud vehementius & *differe-*
diuturnius. *tia.*

Deinde, quod mania nunc à causa interna, nunc externa

ortum habet, quandoq; maniaci interdum certarum bestiarum feritatem imitantur, præcipuè in duo genera mania diuiditur. Prius est, quod speciale aliquid præter delirium illud cum audacia, iracundia, & reliquis mania symptomatibus non obtinet, neq; ab animalis alicuius veneno indutum est, sed à causa interna ortu habet, neq; alicuius bestia mores in specie refert, quod etiam *ἐκ παλαιοῦ μελαγχολικὴ* à nonnullis nominatur. Alterum verò genus est, quando ægri vnus bestia mores in specie referunt, quod etiam plerumq; à veneno & morfu talium bestiarum rabidarum communicatur & inducitur, qualis est Lycanthropia, rabies canina, lupina, ac felina. De posteriore hoc genere dicetur c. seq. Prius quod attinet, quodq; hoc capite tractamus, etiam si ex humoribus aliqua eius delirij possit constitui differentia, & humores in iis, qui in insaniam incidunt, varij reperi possint, atque in aliis sanguis, in aliis bilis flaua, in aliis melancholia & humor ater abundet, & propterea etiam ij, in quibus sanguis abundat, mitius insanire, ridere, & frequenter cantare soleant; qui bile abundant, temerarij sint & iracundi; ex atro vero humore triste & ferinum delirium oriatur: tamen in omnibus maniacis humores in atram bilem degenerasse oportuit, quæ tandem igneam, vel potius malignam & occultam illam dispositionem suscipit.

Et siue homo antequam eum mania corripit, sit sanguineus, siue biliosus, siue melancholicus, quod è suis signis diagnosci potest: tamen maniacus non euadit; antequam humor quicunque etiam specificam illam igneam & occultam dispositionem acquirit: atque ideo curandi ratio parum discrepat. Hoc tamen non prætereundum, cum materia illa vel æqualiter per omnes venas diffundi possit, vel vno in loco præcipuè contineatur, & in alia diffundatur, si materia est in venis, vel omnibus, vel membris principalibus propioribus, insania est perpetua & continua: quo si vno in loco præcipuè concludatur, circa vterum vel alium habet delirium hoc interdum quasdam remissiones & interualla.

Signa Diagnostica.

Signa

Mania leui negotio cognoscitur ex imaginatione & ratiocina

tiocinatione deprauata, cum ægri, & falsa imaginantur, *diagno-*
 & absurda & inepta multa agunt, & quidem sine timore, *sica ip-*
 sed potius cum audacia, temeritate, loquacitate, iurgiis, *sus affe-*
 iracundia, sæuitate in se & alios, & omni animi pertur- *ctus.*
 batione tanta, vt ægri bestiarum instar obuios quosque in-
 uadant, & morfu, vnguibus, aliisque quibus possunt modis
 noceant, nec sibiipsis parcant, sed vestes dilaniant suas, ac
 propterea custodia & vinculis continendi sint, è quibus
 tamen omni conatu erumpere conantur. Vigilant præte-
 rea Maniaci pertinacissime, vt refert Fernelius quendam
 menses 14. insomnes duxisse, ac inusitato atque admiran-
 do corporis robore valent, quod ratione deprauata solus
 appetitus dominatur spiritibus animalibus, iisque igneis
 quasi & feruidis à mentis functionibus ad nervos & mus-
 culos totis conuersis. Oculis multi sunt sanguinolenti, af-
 fectus toruus & truculentus.

Atque his notis maniam ab aliis cognatis affectibus *Signa di-*
 discernere non erit difficile. A phrenitide differt, quod *stinctiua.*
 non febricitat maniaci, neque alia cerebri inflammati signa
 adsunt. A melancholia, quod non est cum timore & tri-
 stitia, sed potius cum audacia & iracundia. A Dæmonia-
 cis distinguuntur maniaci eo quod dæmoniacy, quæ su-
 pra humanam potestatem sunt, agunt, vt quod linguis pe-
 regrinis, & quas nunquam didicerunt, loquuntur, futura
 prædicunt, sæpe per vomitum particulas ferri, globos
 plumbeos, puluerem tormentarium, animalia viua, & alia
 quæ naturaliter in homine generari non possunt, eiiciunt,
 cuius rei exemplum habetur apud Hildesheimium, *spici-*
leg. 2. p. 286.

Causarum signa quod attinet, humorum in capite *Signa*
 abundantium signa supra *part. 1.* sunt proposita: Euiden- *causarum.*
 tes causæ ex relatione ægri vel astantium, & iis quæ præ-
 cesserunt cognoscuntur. Si ex amore sit insania, cognos-
 citur, vt supra *cap. 9.* dictum. Si ex vtero, præcessit men-
 sum obstructio & alia, quæ capitis præced. de melanco-
 lia ex vtero sunt proposita.

Nónnulli etiam signa instantis mania recensent, enume- *Signa*
 ranturque ab ipsis, capitis grauitas, aurium tinnitus & *mania*
 sonitus, *instantia.*

sonitus, splendor oculis obuersantes, vigiliæ immodicæ, curæ & sollicitudines, ira ex leui occasione, oculi caui & fixi, consueta hæmorrhoidum & mensium in foeminis fluxus suppressio. Verùm etsi hæc & alia, quæ nonnulli recensere solent, maniam præcedere consueuerint: tamen non omnes, in quibus ista conspiciuntur, mania corripuntur, sed exempl. gr. ex hæmorrhoidibus & mensibus suppressis alia quoque mala excitari possunt; & symptomata modo enumerata multos affligunt, qui nunquam maniaci euadunt. Hoc mania instantis certius signum est, si æger quacumque etiã de causa delirare & melancholia corripì incipiat, & simul in obscœnum & ineptum risum pronus sit, sique, qui antea blandus erat, leui de causa validè excandescat, & animo vehementer perturbetur, oculorum obtutus sit intentus, fixus & toruus.

Prognostica.

Prognostica.

1. Malum hoc diuturnum & curatu difficile est, ac non solum per menses, sed sæpe multos annos durat, & ægros vsque ad mortem comitatur. Est enim atra bilis humorum omnium pessimus & pertinacissimus, præcipuè si malignitatem induat, ac habet se instar fermenti, nec malum cessat, quamdiu istius materiae aliquid in corpore superest. Præterea in vsurpandis medicamentis Medico ægri non obtemperant & obediunt, nec in isto furore persuaderi possunt, vt idonea medicamenta admittant.

2. Minus tamen periculosa est insania, quæ fit cum risu & mitioribus symptomatibus, quam quæ cum studio & insigni feritate accidit.

3. Si menses & hæmorrhoides fluant bonum.

4. Bonum est, si aluum laxam habeant ægri: quod si non fiat, malum.

5. Quanquam verò curatu difficilis est hic morbus: tamen per se lethalis non est, & nisi ægri vel sibi ipsis manus violentas inferant, vel alij morbi accedant, rarò ex hoc malo moriuntur, sed sæpe vsque ad mortem malum id eos comitatur. Qui autem fiat, quod maniaci sæpe tamdiu, cum tot in diætâ erroribus, viuant, postea, quæst.

2. dicetur.

6. Via ad interitum, nisi ægri sibi ipsis violentas manus inferant, aut sponte in vitæ periculum sese coniiciant, est virium dissolutio, quam afferunt vigiliæ continuæ & longæ, astinentia à cibo & fames, quam interdum ægri pertinacissime perferunt & motus violenti quibus continuo ferè exercentur.

7. Ad salutem verò terminatur Mania, si insignis aliqua fiat per sudorem, vel alui fluxum euacuatio, aut copiosa hæmorrhagia è naribus, hæmorrhoidibus, vtero, varicibus, vel artis præsiidiis spirituum, ille feruor, & praua qualitas remittatur & corrigatur, & humor, qui proximam causam fouebat, euacuetur. De quo Hippocrates, 6. *Aphorism. 21. si insanis varices aut hæmorrhoides superueniant, fit mania solutio.* Potest & huc referri *aphbar. 5. sect. 7.* Post Maniam dysenteria, aut hydrops, aut *ἔκστασις*, bonum. Soluitur enim mania, & in alium morbum mutatur, humore vitioso ad inferiores corporis partes robore naturæ per crisin, licet imperfectam, depulso & ad intestina misso, & per ea euacuato, aut eodem intra abdominis cauitatem cumulato; aut quando furiosa insania in taciturnam & silentem desipientiam mutatur, acrimonia humoris à natura deuicta & castigata. Alij tamen hic per *ἔκστασις* vehementem furorem intelligunt: dum enim natura humores coctos per crisin est euacuatura, vehementissima antecedere solent symptomata: ob materiæ motum & impetum.

Etsi verò morbus in alium morbum hic mutetur, tamen qui succedit non ita periculosus est, vtpote adhuc fiens: Et morbi per crisin facti semper citius curantur, si remedia adhibeantur, cum humores illi magna ex parte à natura victi & cocti sint.

Indicationes.

Cum mania proxima & continens causa sit feruida illa, ignea ac maligna, si ita appellare libeat, spirituum dispositio, ista verò à simili humore dependeat & foueatur, primo omnium humor ille vitiosus præparandus & euacuandus.

Deinde danda opera, vt idem à partibus principalibus

cerebro & corde auertatur & repellatur.

Tertio, intemperies illa & dispositio tum spirituum, tum humorum alteranda & mutanda. Et si materia plus in vna parte, quam alia contineatur, cum in euacuando, tum in alterando eius partis præcipuè ratio habenda est. Ac cum cerebrum & cor imprimis afficientur, ad eas partes maximè respiciendum. Sic & hepar & lien refrigerandus, si sanguinem calidiorem ac feruidiorem suppeditent, ac omnino præcauendum, ne materia vitiosa amplius iterum generetur. Denique symptomata quæ grauiter infestant, vt vigilæ, mitiganda.

Curatio.

Sanguinis euacuatio.

Vena sectio.

Inchoanda autem est curatio à venæ sectione, cui si æger persuaderi queat clyster præmittatur, vel aliud medicamentum primas vias euacuans. Et omnino venæ sectionis magna est in hoc morbo vtilitas, vtpote quæ non solum sanguinem & humores in venis contentos euacuat, & à cerebro reuellere ac deriuare potest, sed & ex accidente refrigerat. Potestque sanguis hic pluribus modis peccare, vel vt causa principalis, in iis scilicet, in quibus sanguis abundat, vel vt causa adiuuans, vbi materia maniaca miscetur sanguini, vel etiam vt causa sine qua non, vt aliis auxiliis locus detur. Testaturque Platerus, practicus experientissimus, vt antea etiam dictum, se longâ obseruatione comperisse, innumeros ab aliis medicis derelictos sanguinis missione sanatos fuisse à quibusdam chirurgis, vel alijs, qui ex professo hisce malis sanandis operam dabant, qui vigesies & sexages quoque venas tundendo insanos penitus ita restituerunt, vt postea incolumes adhuc longam vitam vixerint; qui in vena certa eligenda nihil laborarunt, sed nunc brachij, nunc pedis, hanc illamue, nunc alibi sine discrimine aperuerunt. Quod remedij genus & ipse, sed maiori cura & prouidentia, quam illi, methodicè præmissis semper alui purgationibus, vsurpauit.

Quanam

Primo ergo vena aliqua visui & tactui magis obuia in
bra

brachio, & præcipuè in sinistro aperienda; Deinde in manibus, saluatella; in pedibus maximè in foeminis, saphe-
na, vel quæ ad pollicem pedis excurrit. Varices quoque si in cruribus vel alibi apparent, cum magnam copiam melancholici humoris ad eum locum detrufi contineant, aperiuntur, hæmorrhoides, si fieri potest, prouocentur. Cum enim à mania præseruare soleant, & sponte apertæ à mania liberent, Medicus naturam imitari, ac materiæ inclinationem sequi debet. Menses quoque in foeminis, si debito modo non fluant, prouocentur. Venæ etiam frontis in pertinaciori malo aperiendæ, vt & venæ narium fetis, vel millefolio immisfis. Verùm venæ istæ non omnes simul aut continuo aperiendæ, sed per interualla, interiectis humorum præparationibus & euacuationibus, de quibus mox dicetur. Maxima enim curationis spes in his magnis euacuationibus, sanguinis scilicet & humoris melancholi, per vices factis, sita est. Perpendendus autem sanguis, qui effluit. Si enim sit nigrior, copiosius euacuandus; si rubicundior, parcius.

Post venæ sectionem æger cibo & potu reficiendus; & studendum, vt nocte sequenti dormiat, quod iis medicamentis, quæ postea proponentur, perfici poterit.

Multis quoque profuit, hyrudines ad tempora & post aures & ad anum, si hæmorrhoides suppressæ sint, apponere.

Humoris præparatio.

Venæ sectione & sanguinis euacuatione peracta ad materiæ præparationem accedendum, eaque sæpius repetenda ac diu continuanda, atque à leuioribus ad fortiora progrediendum. Leuiores singulis septimanis exhiberi possunt, fortiora singulis mensibus exhibenda, atque inter ea per vices, vt iam dictum venæ sectio, si opus sit, repetenda. Præparantia sunt refrigerantia & humectantia, quæ atræ bili conueniunt ex borrag. bugloss. viol. nymph. lactuca & aliis supra p. l. c. 13. propositis simplicibus. Et licet medicamenta quædam simplicia non semper vtrique qualitate huic morbo conueniant: tamen alijs admixtis, quod deest, potest suppleri. E quibus talia vel similia parari possunt.

*Materia
morbifica
præparatio.*

℥. Aq. borrag. nymph. an. ℥. vj. syr. borrag. viol. nymph. an. ℥. ij. M. propinentur tribus vicibus.

Vel ℥. Rad. bugloss. ℥. ij. glycyrrh. ℥. j. ceterach. fumar. endiu. an. M. j. sem. 4. frig. maior. an. ℥. j. tamarindor. ℥. ℞. flor. cordial. an. P. ij. Coq. in aqua pura.

Colat. ℥. ℥. x. syr. violar. de pomis, nymph. an. ℥. j. ℞. F. potio pro tribus dosibus, vel colat. adde sacch. de pomis an. ℥. ij. parum ebulliant. F. iul. qui aromizet. pulu. fant citr.

Vtile est & serum lactis, quod non solum ad humorem atrum est præstantissimum medicamentum, sed & tale, ad quod vsurpandum facilius persuaderi possunt ægri: cui addi potest syrup. violar. vel rosar. solut. de fumaria.

Purgatio.

Purgatio

Postea purgantia vsurpanda, & prout bilis vel ater humor plus abundat, ita ad hunc vel illum magis respiciendum: & vsurpandum rhabarb. senna, epithym, polypod. el. diacatol. diasen. &c. Cocta vel dissoluta in sero lactis, addito syr. rosar. solut. vel viol. solut.

Inter fortiora sunt hellebor. nigr. alb. lap. lazul. Confect. Hamech. Qum, & ex ea parata medicamenta, quæ & ob humoris contumaciam necessaria sunt, & quod minori dosi exhiberi possint ægris etiam ignorantibus. Ægri enim in hoc morbo non facile obtemperant, ideoque fallendi sunt, & medicati vini vel alia forma, quæ commoda videbitur, ipsis exhibenda medicamenta.

℥. Rad glycyrrh. ℥. j. polypod. q. ℥. ij. belen. ℥. ℞. sem. 4. frig. maior. an. ℥. j. lingu. ceruin. capill. ♀. ceterach, meliss. fumar. an. M. j. epithym. ℥. ℞. tamarind. passular. an. ℥. j. coq. in aqua simpl. In colat. infundantur, sol. sennæ. ℥. ij. rhabarb. ℥. ℞. hellebor. nigr. ℥. ij. flor. cordial. an. P. ij. sem. ocym. fenic. an. ℥. j. cortic. citri. ℥. ij. galang. xedoar. an. ℥. j. ℞. cinnamon. ℥. ij. spic. Indic. ꝑ. j. Postea ebulliant & colentur. Colat. adde succ. pomor. dulc. borrag. vel violar. an. ℞. ℞. sacch. q. s. Coquantur ad syrupi dilutionis consistentiam. Vel quod commodius rhabarb. non simul infundatur, sed cum cinnamomo nodulo inclusum in syrupo suspendatur.

Vel paretur tale diacydonium.

℥. Polypod. ʒ. j. β. epithym. ʒ. j. Coq. in aquæ puræ lb. j. vel f. q. colentur. Colat. add. carn. cydon. iam coctam, & exprimatur. Expressioni addat sacch. lb. j. Iterum Coq. ad formam diacydoniati, cui insperge sub finem pulu. mechoacan. vel potius rad. ialap. ʒ. j. santal. citr. ʒingib. an. ʒ. j. M. Dosis est ad ʒ. j. Vel exhibeatur hic puluis aliquoties.

℥. Fol. sen. el. ʒ. j. sem. anisi, fœnicul. an. ʒ. j. glycyrrhiz. flor. viol. an. ʒ. β. cremor. tartari ʒ. vj. F. puluis, cuius dosis ʒ. j. vel ʒ. j. β. Si minor dosis, vel fortior operatio expetitur, addere licet lap. lazuli, vel diagryd. ʒ. j. Vel paretur talis puluis :

℥. Lap. Lazuli ʒ. j. β. diagryd. vel extract. scammon. ʒ. j. turbit. ʒ. j. senæ ʒ. β. epithym. cremor. tartari an. ʒ. ij. sem. anisi, cinnamom. cortic. citri, an. ʒ. j. troci ʒ. β. Fiat puluis, cuius dosis ʒ. j. vel ʒ. iv. prima vice exhibeantur. Vel paretur talis potio.

℥. Cortic. helleb. nigr. præpar. (quod fit, si f. q. aceti vel vini cum sem. anisi aut in aq. vel decocto dilutiore fœnicul. vel anisi 24. horis in balneo macerentur, & postea liquore effuso rad. asseruentur) ʒ. ij. fol. sen. follic. sen. an. ʒ. j. sem. fœnicul. anisi, an. ʒ. vj. flor. cordial. an. M. β. cortic. citri ʒ. β. Macerentur in mensur. vini albi tenuis duabus; colentur sine expressione, & per manicam Hippocr. traiciantur ac dulcorentur iulepo rosar. & violar. atque aromatizentur santal. citrino.

Et imprimis hellebor. niger utilis est: Ideoque eius extract. vel in forma pilular. vel Syrup. exhiberi potest.

Vt ℥. Extr. hellebor. nigr. ʒ. ij. syr. viol. ʒ. j. borrag. ʒ. β. M. Si hæc non suffecerint, potest exhiberi Q̄ium, & ex eo parata medicamenta.

Tandem Elleborus albus, quo antiqui frequentissimè in talibus morbis vsi sunt, adeo vt in prouerbio eos, quos insanire dicere volumus, Elleboro purgandos esse dicamus, sed cautè, adhibendus, & corpus ad eius vsum rectè præparandum; de qua re videantur tum alij, tum Heurn. lib. 2. meth. ad praxim cap. 21. & Ioan. Baptista Codronchius in Commentario de Elleboro.

Purgatione vna atque altera peracta, ea simul vsurpanda,

da, & interiicienda, quæ cor & cerebrum corroborant, sanguinem & spiritum mundant, ac fuliginosas exhalationes discutunt. Qualia parantur ex rosis, violis, nymphæa, bugloss. borrag. fl. tunic. melissa, scorzonera, cortic. citri, pomis odorat. sp. diamargar. frig. confect. de hyacintho, alkermes: quæ ipsa vna opera humorem atrum alterare & præparare possunt.

Vt ℥. Conseru. rosar. incarnat. borrag. bugloss. an. ʒ. j. cortic. nymph. ʒ. ʒ. citr. condit. ʒ. ʒ. Affunde aq. borrag. bugloss. violar. nymph. rosar. an. ʒ. j. M. diligenter in mortario marmoreo & colentur. Colaturæ adde, succi citri, granat. syr. tunic. an. ʒ. j. Traiciantur per manicam Hippocratis addendo cinnam. fantal. citr. an. ʒ. j. F. Potio clara.

Vel propinetur seq. aquæ cochl. j. atque alterum mane, ieiuno ventriculo, & vesperi ante somnum:

℥. fl. anth. borrag. an. P. iij. hyperici P. ij. rad. bugloss. ʒ. j. nymph. ʒ. ʒ. croci orient. ʒ. j. pomor. cydonior. concis. nu. ij. vini alb. opt. lb. ij. Bene concisa & pistata simul stent per diem naturalem in infusione: hinc ponantur in B. ad digerendum per d. 15. postea destillantur in vase vitreo, duabus vel tribus vicibus cohobando. Aquam destillatam serua.

Vel ℥. Conseru. rosar. violar. bugloss. borrag. tunic. an. ʒ. j. meliss. cortic. citr. condit. lactuc. Ital. condit. an. ʒ. ʒ. pulv. sem. ocym. sp. diamarg. frig. diarrhod. abbat. an. ʒ. ij. confect. alkerms. ʒ. j. Cum Syrup. nymph. & succ. citri. Fiat electuarium.

Vel ℥. Conseru. violar. borrag. bugloss. an. ʒ. j. nymph. ʒ. ʒ. Tinct. corallior. ʒ. j. Cum syr. de pomis. F. Electuarium.

Aliud ℥. Myrobal. chebul. cond. nuc. fnd. cond. an. ʒ. vj. rad. bugloss. cond. ʒ. ʒ. scorzonæ. cond. ʒ. ij. Conseru. veronic. ʒ. ij. rosarum ☉ ʒ. j. borragin. ʒ. ʒ. spec. el. de gemm. ʒ. ij. hyacinth. præpar. ʒ. j. spir. margarit. ʒ. j. Cum syr. violar. M. pro Electuario, duplici folio auri tegendo, de quo mane & vesperi quantitas nucis Castanæ exhiberi poterit. Vel paratur talis pulvis.

℥. Sem. ocym. fantal. citr. cortic. citr. an. ʒ. j. fl. cordial. an. ʒ. j. meliss. ʒ. ʒ. margarit. præparat. sp. el. de gemm. frigid. de hyacintho an. ʒ. j. Fiat pulvis. Commendatur etiam sequens pulvis, qui tamen potius Rabiei conuenire videtur.

℞. Spar & Cor. lucij piscis unius, siccetur, & puluerifetur, add. pulu. Corall. rubr. crud. succini citr. crudi, granor. pæon. an. ʒ. ʒ. B. Theriacæ antiq. exicc. ʒ. j. M. pro puluere, cuius dosis ʒ. j. in aq. fol. brixi, per 8. dies continuanda.

Possunt ex eodem puluere & speciebus diamargar. frigid. cordial. temperatis, confect. de hyacinth. rotulæ vel morsuli parari.

Et cum vigilæ in hoc malo sint pertinacissimæ, vt *Somni conciliatio.* ægros nonnunquam per aliquot menses non dormiuisse obseruatum sit, somnus tam externis, quam internis medicamentis prouocandus, de quibus supra capite primo dictum.

Monendum tamen hic, somniferorum non eandem esse naturam. Quædam enim licet somnum inducant, spiritus tamen magis turbant, & vbi ægri euigilant, longè inquietiores, quàm antea, euadunt, ac malum curatu difficilius reddunt, qualia sunt hyoscyamus, solanum furiosum; imò nec opium ipsum, nisi corrigatur, ab hac noxia immune. Et sicut nemo vino, vel ebrietate, quæ etiam somnum inducunt, maniacos ad somnum deducere audet: ita quoque, cum hic non solum somnus quærat, sed somnus quietus & hinc spirituum quietatio, ea eligenda, quæ simul spiritus quietos reddunt.

Inter Externa commendatur succus sedi maioris recens expressus, capiti impositus, & aqua eiusdem. Vtilis est & aqua solani & papaueris.

Inter interna à nonnullis laudatur mandragora, quod non solum somnum inducat, sed & spiritus quietos reddat, ac, vt Dioscorides habet, etiam bilem atram vomitu educat, sanguinemque & spiritus puriores reddat. Coquantur autem radices in vino bono & decoctum exhibetur.

Occurrunt etiam quædam Empeirica apud Authores, *Empirica & specifica.* quorum probatio est penes experientiam. Commendatur cerebrum arietis nondum venerem experti, si nimirum caput vno ictu ipsi amputetur, & totum cum pelle, cornibus saltem abiectis, coquatur, cerebrumque postea cum farina

farina additis cinnamomi, gingiberis, nucis mosch. macis, caryophyll. an. ʒ.ʒ. (forſan ʒ.ʒ.) ſuper prunis miſceatur, & in partes tres diuiſum mane exhibeatur, ita vt poſt ſumptum medicamentum duabus horis nihil comedat, ac in cæteris quoque rectam diætā obſeruet.

Retulit mihi nuper quidam vicinæ Eccleſiæ Paſtor, in ſuo pago intra triduum ſanatum fuiſſe maniacum exhibitō canis cerebro cocto (addebat, vnius coloris canem eſſe debere) affirmabatque, ſibi præterea alios tres notos eſſe, qui eodem medicamento ſint ſanati. Alij commendant emulſionem ex ſem. papauer. albi, nuciugland. ſemin. nigell. cannab. granis iuniperis, thur. factam cum cereuiſia calida. Specifica etiam proprietate huic malo reſiſtere creditur radix nymph. luteæ, quæ menſe Maio effoſſa, & decreſcente in teſſellas diſſecanda, & cum aceto vini leniter decoquenda, hinc ruruſ exſiccanda in vmbra, & in pollinem redigenda, inque uſum reponenda, de qua Maniacis mane & veſperi ʒ.j. vel ʒ.j.ʒ. cum tribus cochl. prædicti aceti ex decoctione reſeruati propinetur. Commendantur & folia buxi.

ʒ. fol. buxi num. ix. ſcindantur in minimas particulas, & exhibeantur in vno atq; altero cochl. aq. lauend. ieiuino ventriculo (præmiſſis tamē præmittendis) &, ſi fieri poſteſt, ſudor eliciatur: repetaturque hæc doſis ſemel atque iterum.

Nonnulli imprimis laudant ſanguinem aſini ex venis poſt aures emiſſum. Venas poſt aures aperiunt, ſanguinemque linteolis mundis nulli uſui antea expoſitis excipiunt, eaque ſiccant aquæ ex his vnum digitos duos latum, pollicem verò longum, accipiunt, & in hauſtu aquæ fontanæ macerant, aquamque illam manè tribus diebus exhibent, dantque operam, quantum poſſibile, vt æger ſudet. Nonnulli valde laudant Decoctum Anagallid. fl. purpureo.

Quo pertinent & Amuleta, quæ à nonnullis commendantur, de quibus etiam penes experientiam eſto iudicium: Radix Eringij, bryoniæ, hyperici de collo geſtata. Adamas ſiniſtro lacerto alligatus, lapis Lazuli geſtatus, lapis Chelidonium rufus panno illigatus, & ſub ſiniſtra ala deten

detentus, corium seu cutis capitis humani præparata procucupha imposita.

Chymici commendant *saccharum Ani*, & *liquorem seu tincturam Corallior. lap. Armeni*, *lap. Lazuli*, *sapphiri*, *spir. magaritarum*, *Sal*, *Angelica*, *Pimpinella*, & alia.

Laudatur & Nitrum, neque sine causa: Cum enim malum hoc ab impuris, feruidis & inquietis spiritibus ortum habeat, Nitrum non solum omnem fumum crassum, & flammam fumosam clarescit, sed & volatilia figit, ideoque cereuisiæ dum feruet, aliquid **Q** nonnulli adiiciunt. Ita enim non solum cereuisia purior & clarior redditur, sed & obstructions aperiuntur, crassities & fuliginosa sanguinis, ac spirituum dispositio emendatur.

Vtilia est & spir. vitrioli, præcipue si sit mania ex iracundia, aut cum iracundia multa coniuncta. Iracundia enim affectis maximè resistit spir. vitrioli.

Quantum ad Topica, si æstus & furor vehemens sit, repellentia mox inter initia applicentur, vt oxyrrhodinum addito oleo aneth. aut chamæmel. & aliis, de quibus supra *Topica.*
part. 1. cap. 13.

Circa quorum vsum hoc obseruandum, vt humectantia potius præpolleant, quam refrigerantia, ideoque merè frigidis vix vtendum, sed flor. chamæmel. aliquid addendum, vel post adhibenda resoluentia & discutientia. De-topica non actu frigida, sed tepida applicanda. Com-modè ergo caput fouetur ol. viol. nymph. cui aliquid ol. chamæmel. addatur, vel omentum agni tepidum capiti ad-moueatur, vel foueatur caput decocto malux, viol. lactuc. nymph. chamæmel. sem. lini, aneth. papau, lactuc. fl. stoecha-dis, rosarum, vt & succo polygoni, plantag. vel aquis de-stillatis eorundem, vel similibus.

Vel *℥. berb. verben. fragar. an. M. j. beton. M. ij. sem. can-nabis 3. j. B. coriand. 3. B. mily 3. j.* Incisa & contusa includ. sacculo ex tela linea parato, qui in vino coquatur, & verti-ci calida admoueatur.

Vel *℥. berb. verben. M. i. B. sabinae, lupuli an. M. j. placentam rosarum nu. j. granor. iuniperi 3. vj.* Cōcisa grosso modo indā-tur sacculo in aqua cōmuni coquedo, & vertici imponedo.

Vel

Vel ℥. Aq. plantag. semperuiu. solani an. ℥. ij. ol. rosac. ℥. j. B. aceti ℥. ij. M. pro oxyrrhodino. Vel imponatur capiti sequens placenta seu cataplasma :

℥. Placentam rosarum num. j. granor. Iuniperi M. B. sem. lactuc. ℥. j. papau. nigri ℥. ij. spir. vini ℥. B. albumen oui j. Contundantur cum f. q. aq. Rosarum, in fine addendo feminis carui, vel cumini parum. Fiat placenta, quæ vertici imponatur.

Nota.

Singularia repellentia in hoc affectu esse perhibentur succus ex cancris viuis contusis linteo exceptus, qui fronti applicetur, & quoties siccescit, mutetur, & renouetur. A Chymicis mirè laudatur Balf. N. quod fronti & téporibus iniungendum. ① præparatum, quod cum modico Camphoræ in aq. Nymph. dissolutum cum petiis capiti applicatur. Tinctura santali rubri cum aq. rosarum præpar. in cuius ℥. v. dissoluantur Camphor. ḡ. ix. Moschi ḡ. v. & calidè capiti raso imponantur.

Commodissimæ sunt lotiones capitis, quas vt consue- tas facilius, quam alia medicamenta, ferunt ægri, quæ si symptomata vrgeant, singulis diebus semel, vel etiam bis vsurpentur. Intermittendum autem est in lotionibus hic lixiuium, cum nimium siccet, sed aqua dulcis sufficit cum speciebus modo dictis. Vtilis & hic Sacculus.

℥. Sem. cannabis ℥. iv. coriandr. milij an. ℥. B. herbar. fragar. beton. an. ℥. ij. sacculo insuta coquantur in cereuisia & capiti applicentur.

Corpore euacuato nonnulli etiam calidiora discutien- tia adhibent, & recipiunt herbas cephalicas, easque in aqua fontana coquunt, postea parant sacculum ex bac- cis lauri & rad. hellebori nigri contus. an. q. s. sacculum- que istum in decocto modo dicto parum coquunt, hinc diebus 9. continuis caput isto decocto fomentant, & po- stea sacculum futuræ coronali imponunt, vnde humores vitiosi per omnia capitis emunctoria euacuantur. Do- cet enim experientia, elleborum nigrum in morbis me- lancholicis non solum intus, sed & extra vtiliter adhi- beri.

Cauteria futuræ coronali applicata maximè vtilia sunt,

vt scribit Gordon. *cap. de Mania*; probatque id experientia cuiusdam maniaci, cui cum esset vulnus inflitum capiti cum fractura cranij, quamdiu fuit vulnus apertum, tamdiu bene habuit; vulnere sanato, reuerfa est mania.

Cordi quoque prospiciatur. Etenim cum vehementer irascantur maniaci, & feroces sint magnum æstum circa cor esse credibile est, qui omnino mitigandus.

Ergo imponatur cordi tale Epithema.

℥. Aq. rosar. nymph. an. ʒ. iij. borrag. acetos. an. ʒ. ij. flor. rosar. rubr. sem. ocym. santal. citrin. rubr. an. ʒ. ʒ. camphor. ʒ. vj. Tepidè regioni cordis applicetur.

Vel ℥. Vng. rosac. ol. violac. nymph. an. ʒ. ij. pulu. rosar. rubr. santal. citr. rubr. an. ʒ. ʒ. camphor. ʒ. vj. M. F. Vnguent.

Vel sacculus talis paretur.

℥. flor. rosar. rubr. viol. bugloss. an. M. j. melis. M. ʒ. sem. ocym. rad. rhod. santal. citr. an. ʒ. ʒ. camphor. ʒ. v. F. Sacculus, qui vel ficcus vel aqu. rosac. aut vino madidus cordi applicetur.

Ad totum corpus temperandum acresque vapores discutiendos balneum tepidum aquæ dulcis vsurpetur cum herbis refrigerantibus & humectantibus, aut temperatis.

Lotionibus quoque & frictionibus externorum vapores feruidi à capite reuellantur & dissipentur.

De furore uterino.

Pertinet ad maniam & peculiaris eius species est illa infania, quæ vulgo furor uterinus dicitur, cum foeminæ in infania illa præter naturam potissimum appetunt, vel ea non satiari possunt.

*Furor
uterinus
mania
species.*

Cuius causa est, vel semen copiosum ob Plethoram, aut vasorum seminariarum feruorem genitum. Vel si semen præternaturalem caliditatem & acrimoniam acquirat, & virosum quasi euadat ex humoribus salsis, serosis, biliosis & acris, qui semini permiscantur.

*Eius
caussa.*

Hinc enim si sanguis feruidus in caput feratur, maniam inducit. Cuius imminenti signum est, sanguinis in mammis collectio. De quo Hippocrates, 5. aphor. 40. *Quibus in mammis sanguis colligitur, furorem significat.*

Curatio.

Curatio. Curatur hoc malum, si nimius feminis prouentus prohibeatur, aut legitima *♀*re euacuetur, vel medicamentis absumatur, ardorque illius emendetur, & si humores vitiosi & acres semini permisti illud vitiosum & acre reddant, si illi humores euacuentur, feminisque caliditas & feruor remittatur.

Refrigerant semen, & eius feruorem extinguunt, vel etiam siccando, (in qua classe etiam sunt quædam calida), vel etiam occulta qualitate absumunt, lactuca, portulaca, mentha, quæ peculiari vi *♀*rem extinguit, semen viticis, inde agni casti dictæ; vnde ad maniam ex semine & retentis menstruis tale fiat Electuarium.

℞. Sem. agni casti, gr. iuniperi, an. 3. iij. myrtill. 3. ℞. sem. portulac. lactuc. pæon. an. 3. j. F. puluis, & cum melle crudo Elect. de quo 3. j. exhibeatur ante prandium & vesperi cubitum ituro.

Reliqua quæ venerem reprimunt, ex cap. 10. de amore infano petantur.

Dieta.

Dieta. Quæ in diætâ sint obseruanda supra part. i. c. 13. dictum. Quibus saltem hæc addimus: cauendum est studiosè, ne æger solus relinquatur, vel inter ignotos, vel quos contēnit, aut odio habet. Si opus, vinciantur & vinculis cohibeantur ægri, & omnia circa ægrum ita comparentur, vt delectetur potius quam offendatur: qua in re astantium prudentia opus est, vt interdum ipsis assentiantur, non tamen ipsorum deliriū confirment. Suavis musica maniacos sapissimè demulcet, vt exemplum Saulis Israelitarum Regis testatur.

Caueat & sibi Medicus, ne aliquid damni patiatur; cum sæpe odium erga Medicum blandis verbis occultent ægri. Somnus, quibus fieri potest modis, prouocetur. In cibo dulcibus & acribus quæ calidos humores generant, abstinendum. Vino quoque æger abstineat. Neque enim ignem igni addere conuenit. Ac si omnino concedendum videatur, detur tenue, & diluatur, ac temperetur aq. violar. bugloss. rosar. nymph. fantalis, iulepo rosar. violar. Qua in re consuetudini aliquid dandum. Qui enim vino assueuerunt,

runt, minus eo offenduntur, cum exhilaret, modò moderate fumatur, vel, ut dictum, diluatur. Alius seruetur aperta.

Q V Æ S T I O. I.

Qui fiat, quod Maniaci & Melancholici interdum peregrinis linguis loquuntur & futura prædicunt.

Sunt quidem nonnulli, qui hypothefin quæstionis in dubium vocant, negantque, vel melancholicos, vel maniacos peregrinis linguis loqui, vel futura prædicere posse: sed cum nimis agitationibus moueantur, linguamque etiam variè agitent, & sæpe sonos inconcinnos edant, accidere existimant, ut cum vulgus illos intelligere non possit, putet, eos Latine, Græcè aut Hebraicè loqui.

Verum enimverò non est, ut de historiæ veritate dubitemus; cum fide digni Authores testentur, rem ita se habere. Refert enim Antonius Guainerius, *tract. 15. cap. 4.* se rusticum quendam melancholicum vidisse, qui semper Luna existente combusta carmina componebat, Latina, & transacta combustionem circa duos dies ad aliam Lunæ combustionem ne verba Latina proferre poterat. Idem & alij Medici testantur. Rhases refert quosdam melancholicos ex illiteratis literatos euasisse, & ea prædixisse, quæ euentus comprobauit. Erasmus Roterodamus. in *Encom. medic.* narrat: Quendam Spoletanum idiomata locutum esse, quæ nunquam didicerat, recuperata verò valetudine, & vermibus ope medicamentorum pluribus eiectis, ea loqui amplius non potuisse. Refert quoque Forestus, *lib. 10. obseru. 19.* mulierem melancholicam cantiunculas Latinas & hymnos cantasse, quos nunquam didicerat. Et *ibid. in Schol.* se vidisse puerum nautæ filium, qui cum in capite esset vulneratus & deliraret, semper lingua Germanica optimos Syllogismos fecerit, quos postea, cum curatus esset, facere nesciebat.

Causas huius rei alij alias afferunt. Quidam enim ex astris easdem deducere conantur, inter quos est Gainorius, qui *loco modo allegato*, ubi pluribus de hac quæstione agit, ex hypothefibus Platonicis & Astrologicis quibusdam ita hac de re philosophatur. Animam, inquit, ante

infusionem in corpus omnium rerum notitiam possidere, sed eam aboleri quodammodo & obfuscari corporis, cui infunditur, vnione & ergastulo. Recuperari verò per doctrinam, vel per influxum, vel per impressionem planetæ, qui natiuitati tempore infusionis animæ præsidebat. Et huius impressionis tantam vim esse, vt animam donet potestate talia efficiendi, qualia ipsæ stellæ efficere possunt, faciendi scilicet ex sano ægrum, ex ægro sanum, & alia multa: Verùm huic potestati resistere corpus & sensus corporeos; quibus ligatis, quod fiat in melancholia, posse stellas suas influentias perfectius animæ communicare. Atque ita melancholicum illiteratum posse fieri literatissimum, & futura quoque prædicere.

Verùm magna petita sunt, quæ præsupponit, & sibi concedi postulat Guainerius, animam, scilicet in corpus infundi, ex se omnium rerum notitia præditam, per infusionem in corpus obliuione rerum antea cognitarum capi, eamque stellarum influxu rursus excitari, quæ ipsi non conceduntur.

Deinde etsi concedamus ipsi, astra ad temperamentum immutandum multa posse, vel etiam inclinationem ad linguas aut alias disciplinas imprimere, hoc tamen concedi non potest, astra ipsam linguarum, vel aliarum disciplinarum notitiam inducere posse. Hoc enim si possent, quandoque etiam sanæ mentis homines sine doctrina ad talem notitiam peruenire possent. Neque deprauati sensus plus possunt conferre ad recipiendum astrorum fluxum, quam bona eorum constitutio. Neque melancholici & maniacy planè à sensibus abstracti sunt.

Alij humori melancholico id tribuunt. Nam plurimos qui ingenio & artibus excelluerunt, vel in administrandis Rebus publ. aut aliis rebus perficiendis plurimum præstiterunt, melancholicos fuisse deprehensum est. etiam facultatem linguis peregrinis loquendi, ac futura prædicendi melancholiæ tribuunt. Melancholiamque humanam animam ad res miras disponere dicunt. Et sicut vinum immoderatus haustus mores hominum immutat; ita etiam humorem melancholicum, si plus iusto abundat, vel

vel à naturali temperie desciscat, mentem hominis immutare, & eam ad res mirabiles perpetrandas disponere putant.

Quibus & addunt illud, quod Aristoteles 7. *Eudem. cap. 14.* Melancholicos esse *εὐθυμένους*, id est, recta habere somnia scribit. Verùm enimverò nec opinio ista assensum meretur. Etsi enim hoc suo modo concedatur, melancholicos esse ingeniosos de quo in *Institut. lib. 3. part. 1. sect. 1. cap. 2.* dictum: tamen ea, quæ supra hominis vires sunt, melancholia efficere non potest, qualia sunt peregrinis linguis loqui, & futura prædicere. Etenim etsi in homine ad omnes linguas discendas sit aptitudo; tamen omnes linguæ vsu discuntur; & futura prædicere solius Dei est, aut eorum, quibus id communicat. Et quod Aristoteles dixit, melancholicos esse *εὐθυμένους*, eò nihil aliud voluit, quam eos clara habere somnia, qualia etiam solent esse matutina, non ita obscura, qualia pituitosi & biliosi habent. Neque etiam ebrietas præstare id potest, ut homo aliquid ultra vires naturales agat. Etsi enim ebrii multa confidentius agant, atque audaciores facti vocolas aliquas, quas aliquando didicerant, vel Græcas vel Latinas proferant, & sæpe magis disertis, quam sobrii videantur: tamen plura non possunt in hac re præstare, quam didicerunt.

Atque ita quamquam concedi possit, & ab ebriis ac melancholicis nonnulla rectius perfici, quam dum sunt sobrii & sani; tamen id verum saltem est de iis quæ antea didicerunt. Nam & vinum & melancholia, ut Aristoteles *sect. 30. problem. 1.* habet, *πνιγναι ὡδὴ* sunt, & ad ciendos spiritus, à quorum alacritate omnis ingenij vis pendet, plurimum possunt.

Non multum ab hac sententia differt opinio Iani Hueti Medici Hispani, qui *cap. 7. ingen. scrutin.* scribit, Latine *Ridicula* linguæ magnam esse cum animâ rationali consonantiam; & esse quasdam naturas, quæ peculiariter linguis inueniendis accommodatæ sunt. Ideoque si per morbum illud temperamentum in cerebro excitetur, quod elegantissimæ alicui linguæ necessarium est, ilicò linguam Latinam *ratio.*

nam hominem obuiam abiturum, & vocabula Latina etiam citra deliberationem ei occurrura scribit.

Verum nec hæc opinio probabilis. Etenim præsupponit, nondum concessum: Primum homines habere ad linguas inueniendas peculiarem dispositionem. Secundò delirantes saltem lingua Latina loqui, ac linguam Latinam maximam habere cum anima rationali consonantiam. Quorum & hoc nullo fundamento nititur: & obseruatum, melancholicos non solum Latinè, sed & Græcæ & Hebraicè locutos esse. Et quamuis, vt supra cap. 5. dictum, concedamus, ex morbosa constitutione dispositionem in cerebro aliquam concitari posse, ob quam homo ingeniosior euadat, quam sanus fuit, vt eius rei exempla *l. c.* attulimus: tamen ad id, quod supra hominis vires perficiendum nec melancholia, nec alia morbosa constitutio disponere potest.

Alij ergo, cum harum rationum nullam verò consentaneam videant, statuunt Dæmones, qui morbis sese immisceant, permittente Deo, horum effectuum authores esse. Morbis enim naturalibus similia multa sæpe pati eos, qui à dæmone vexantur, testatur historia, quam habet Fernelius 2. *de abd. rer. causis* cap. 16. de Iuvene quodam, qui pro epileptico habitus, & in tertium mensem curatus fuit, donec tandem tertio mense dæmon totius mali author se tum Latinè tum Græcè loquendo prodidit.

Quorum opinioni & nos assentimur; modò rectè explicetur. Non enim omnia, quæ patiuntur melancholici & maniaci, dæmonibus attribuenda. Etsi enim sæpissimè sine vlla corporis morbosa dispositione Deo permittente hominem obsidere & occupare dæmon possit, qui verè obsessi dicuntur & sunt: tamen quandoque morbis, & præcipuè melancholicis sese immiscet dæmon, & forsan frequentius hoc accidit, quam sæpè creditur. Ita in historia Euangelica apud Lucam cap. 13. v. 12. mentio fit mulieris, quæ habebat πνεῦμα ἀδαιμόνιος spiritum infirmitatis annos octodecim, quæque erat contracta, nec omnino poterat caput erigere. Et præcipuè, vt dixi, humori melancholico sese immiscet dæmon, vnde etiam melancholia balneum

balneum diaboli dicitur. Melancholici enim & atrii humoris ea natura est, vt varia phantasmata & deliria pariat, metum, mœsticiam, ferocitatem, & alia multa excitet. Dæmon ergo tali occasione abutens, & se humori melancholico immiscens multa edit, quæ vulgus sæpe morbo adscribit; cùm tamen adscribenda sunt dæmoni. Alia nimirum humori vitioso, alia dæmoni adscribenda sunt. A melancholia est mœsticia, timor; ab atra bile ferocitas, iracundia; ab vtraque delirium, vigiliæ. Si verò in delirio multa miranda accidunt, si ægri ad desperationem adigantur, sibi ipsis & aliis noceant, si ad impia stimulentur, aut ad maledicendum Deo incitentur, vt eius rei exempla aliquot habet Platerus: *lib. 1. obs. p. 44. & seq.* ea iam à Dæmone prouenire credendum est; etsi aliis indiciis sese is non prodatur. Si verò æger iam linguis, quas numquam didicit, loquatur, futura prædicat, eo ipso Dæmon se manifeste prodit.

Atque ita rem se habere patet ex eo, quod ij, qui à dæmone hoc modo vexati fuerunt, medicamentis idoneis adhibitis curati sunt. Postquam enim subiectum aptum & dispositum amplius non est, deserit dæmon suam sedem & alio migrat. Ita Erasmus in *Encomio Medicinæ* refert, dæmonem, qui ab exorcistis curari non poterat, medicamentis exhibitis, plurimisque vermibus eiectis curatum fuisse, vt amplius peregrinis linguis loqui non potuerit. De quo etiam Lang. *lib. 2. Epistola 35.* Ita Martinus Rulandus Pater dæmoniacum & maniacum curauit, de quo videatur *Cent. 3. curat. 100.*

Q V Æ S T I O II.

Qui fiat, quod maniaci cum tot diætæ erroribus tam diu viuant.

• Omnino admiratione & cogitatione dignum est, qui fiat quod cum maniaci tam graui symptomata patiantur, & cum cerebrum tum cor afficiatur, nihilominus tamdiu & sæpe multos annos, & quidem cum tot in diætæ erroribus, viuere possint. Hieronym. Mercurialis tres huius rei causas affert. Prima est, quod viscera nobiliora vitiosos humores à se quam maximè depellere soleant; ac pro-

Quomodo maniaci tamdiu viuere possint.

pterea & hic cerebri facultas humorem vitiosum ab eo maxime depellat. Secunda, quia in aliis visceribus similis humor non colligatur; cum ad humorem melancholicum expellendum natura machinata sit amplissimas venas, quæ educant sanguinem melancholicum ab Epate (aut potius à vena portæ) ad lienem, ac lienem ipsum maximum, & ad excipiendum hunc humorem amplissimum. Tertiam causam hanc ponit, quod licet portio aliqua colligatur in cerebro, aut tamen esse motus maniacorum, ut satis esse possint ad consumendum illum humorem atrum, ne noceat cerebro.

Verum relinquamus has rationes suo loco. Quanquam enim natura expellat humorem melancholicum, ubi omnia recte sese habent: tamen in hoc ipso morbo cumulatū esse, & ea ipsa de causa in maniam ægros incidere, neque etiam motibus illis maniacorum violentis discuti posse manifestum est.

Causa ergo potius in dispositione humoris huius querenda est, quæ omnino talis est: (abest enim putredo & inflammatio) ut facultatem naturalem, ob cuius læsionem plerique morbi lethales sunt, non afficiat, imo calor ita auctus aut fixus esse videtur, ut facultatis naturalis robur potius adiuuet, quam debilitet. Hinc & frigus hybernū atque alios in diuina errores enormes tolerare possunt maniaci. Præterea qualitates occultæ sæpè sine vitæ iactura longo tempore in corpore asseruantur: cuius exempla supeditant Epilepsia, rabies canina, & alia venena.



C A P V T XVI.

De Rabie, & Hydrophobia.

R Eligua deliriorum genera, quæ partim melancholiæ, & partim manix affinia sunt, hoc ex sequenti capite comprehendemus. Et quidem quæ de iis in Instit. l. 2. p. 3. s. 1. c. 7. s. 2. c. 4. diximus hic non repetemus, sed pauca quædam addemus, & præcipue de curatione hic tractabimus.

Et primò quidem Lycanthropiam, quod attinet, duæ eius sunt differentiæ, vna dæmoniaca, altera naturalis, quæ medicæ considerationis est, de qua nihil præterea, quæ in Institut. diximus, addemus, reliqua ex sequentibus de rabie patebunt..

Et quantum ad hydrophobiam & rabiem, etsi non semper hoc morbo affecti delirent: tamen quia frequenter hoc accidit, & præterea omnes præter voluntatem agunt, etiam inter deliria de ea agendum.

Appellatur hoc malum à plerisque hydrophobia, quod eo affecti, aquam, imò omnia liquida, exhorrescunt. Alij sub nomine rabiei caninæ de morfu canis rabidi, de veneno rabidi canis, & aliis hoc malum proponunt. Verum in genere rabiem appellare malo, cum non canes tantum rabie corripiantur, & ab eorum morfu homo in rabiem incidat, sed vt in Institut. dictum, etiam lupi, chameli, equi, fues, boues, vulpes, feles, & vt Coelius Aurelianus *lib. 3. acutor. cap. 9.* & Auicenn. 6. *quarti, tract. 4. cap. 5. & 6.* habet, vrſi, leopardi, asini, mustelæ, simiæ. Baccius in *tract. de ven.* etiam gallum in rabiem actum fuisse, & ab eo hominem interemptum vidit.

An &
alia præ-
ter canes
anima-
lia in ra-
biem a-
gantur.

Plerique tamen à cane rabiei hoc nomen indiderunt, quod frequentius, quam alia animalia, canes in rabiem agantur. Imo sunt, qui existimant, solum canem primario & principaliter, & ex principiis internis rabie corripī, reliqua animalia omnia saltem secundario, & malo à cane rabido communicato ea laborare.

Verum non impossibile videtur, etiam in aliis animalibus hoc venenum generari posse, præsertim iis, quæ cognationem habent cum canibus, quales sunt lupi, qui frequentissimè quoque rabie corripiuntur: vt ex libello German. de lupis rabidis Ioh. Bauhini patet. An verò in homine etiam generari possit, de eo in Institut. dictum.

Est nimirum rabies affectus præter naturam, & sæpe quidem delirium, à veneno quodam peculiari in animali genito, & homini communicato genitum cum vehementi liquidorum omnium, & aquæ potissimum, abominatione.

*Rabiei
caussa.*

Mali huius causa est venenum peculiari modo dispositum, quod ab animali rabido homini communicatur. Et ut veneni huius natura non in qualitatibus primis consistit, sed à tota substantia, ut loquuntur, agit: ita quoque non ex manifesta humorum corruptione, sed ex proprietate peculiari naturæ animalium insensa provenit, non ex qualitatibus primis, quod ex eo patet, quod in dies multæ mutationes in qualitatibus primis accidunt, quæ tamen rabiem non excitant; & quod ut plurimi Medici & ipsa experientia testatur, non solum in maximo æstu, sed etiam per maxima frigora canes & lupi in rabiem agi solent; quod fieri non posset, si à caliditate & siccitate malum hoc originem haberet; cum à causa frigidissima effectus calidissimus fieri non possit: sed ab utroque excessu hoc accidit, quod uterque humores corrumpere, vel corruptos movere potest.

Cur autem canis præ reliquis animalibus in rabiem agatur, nonnulli etiam causam ex qualitatibus primis, alij ex temperamento melancholico, quo canis præditus sit, deducere conantur; sed frustra. Nam cum qualitates primæ in aliis animalibus tale nihil efficiant, & nullis indiciis probari possit, canem esse animal melancholicum: omnino etiam hic ad peculiarem, proprietatem & inclinationem ad hoc malum contrahendum, quod canis præ reliquis animalibus habet, recurrendum.

*Quomodo
venenum ab
animalibus
rabidis homi-
ni communi-
catur.*

Communicatur autem hoc venenum ab animali quocumque rabido, seu cane, seu lupo, seu homine, seu alio: & quidem frequenter per morsum & salivam. Imò & per osculationem animalis rabidi, qua seu saliva, seu halitus animalis rabidi excipitur: nonnumquam tamen & per solum salivæ animalis rabidi contactum, aut esum carnis rabidi animalis, ut in institut. dictum.

Hoc saltem addimus, venenum rabidorum animalium nunc esse fortius, nunc debilius. Si venenum sit fortius & maioris efficacix, etiam contactu carnis, præcipue mollioris & rarioris, qualis est in lingua & labiis, rabiem inferre potest. Quandoque tamen etiam per cutem den-

sio-
riorem

florem hoc præstat, sicut Matth. de Grad. *consil.* 82. quendam Ioan. Coquenarium ex sola manus impositione in os rabidi canis post multos dies rabie affectum fuisse refert; quod idem testatur Petrus Andr. Matthiolus. Si verò venenum sit debilius, non solo contactu, imò nec semper morfu rabiem infert. Est enim vt aliorum animalium venenatorum, ita & rabidorum animalium in hoc genere differentia, secundum locorum, temporis, anni ac aliarum circumstantiarum differentiam.

Sunt quidem nonnulli, qui ex Dioscoride & Coelio Aureliano probare conantur, etiam sola inspiratione aeris à rabidis expiratione emissi rabiem contrahi posse: Verum hoc vix vero consentaneum est, sed potius credibile, qui ex sola conuersatione cum rabidis in hoc malum inciderunt, eos ex cibo, aut poculo, aut alia re à rabido infecta malum hoc contraxisse.

Post acceptum autem & communicatum hoc venenum alij citius, alij tardius in rabiem aguntur; alij quidem statim, & post paucos dies & infra septimanæ spatium: alij post longius tempus. Anton. Musa Brassauola *libr. 2. aphor. comment.* 23. scribit: repertos aliquos, qui 17. anno post morsum rabiem contraxerunt. Guainerius *in tract. de venen. cap. 12.* scribit; se à fide digno accepisse, cuidam post 18. annum malum accessisse. Alzaharaius testatur, expertum se esse, rabidi canis venenum per 40. annos in corporibus delituisse.

*Venenum
rabidorū
animaliū
diu late-
re potest
in corpo-
re.*

Quæ autem causa sit, quod nunc tardius, nunc citius sese exferit, in Institut. dictum. Quibus hoc saltem addimus, ob partis etiam, quæ demorsa est, varietatem, nunc citius, nunc tardius in rabiem incidere demorsos posse. Si enim neruus, vena aut arteria læsa sit, citius & breuiore tempore per has partes nobilioribus membris venenum communicari potest, quam si pars ignobilior & cum partibus nobilioribus consensum non habens, demorsa fuerit. Quò etiam facit ipsius veneni natura, quod nunc debilius, nunc validius est.

Quamuis verò diu in corpore possit latere hoc venenum: tamen potius morbus ab eo inductus inter morbos

acutos, quam diuturnos referendus. Illud enim tempus, quo actiones in homine adhuc saluæ sunt, & quo venenum nondum lædit, in morbum non computandum est.

Excitatur autem hoc venenum latens in corpore etiam occultis quarundam rerum actionibus, si nimirum quis sub umbra forbi dormiat, vel commoretur, narratque Guainerius *tract. de venen. cap. 12.* venenum à morfu canis rabidi communicatum, quod per decem & octo annos latuerat, excitatum fuisse, cum morsus sub umbra forbi maneret, ægrumque intra tertium diē rabidum mortuum fuisse; quod & Fernelius affirmat, & Matthiolus scribit, si commorsus à rabido animali ante annum exactum tangat vel cornus, vel sanguinariæ plantam, eum in rabiem incidere.

Nota.

An venenū hydrophobiā inducens in corpore humano generari possit.

Atque hæc quidem mali huius frequentissima generatio est, & venenum hoc ab animalibus rabidis homini communicatur. Obseruatum tamen est, venenum hoc, aut certè quod id æmulatur, & si non rabiem, tamen hydrophobiam inducit, breuique tempore hominem iugulat, in corpore humano generari posse, præcipuè ex terrore, eiusque rei historias quinque recenset Marcell. Donatus *de histor. medic. mirabili lib. 6. cap. 1.* vnā etiam Petr. Salius Diuersus, *de affect. partic. cap. 19.* Præter quæ exempla notabilis etiam existat historia apud Fel. Platerum *lib. 1. obseru. de foemina quadam, quæ noctu extra urbem relicta & deserta, ac solitudine territa domum reuersa, nec aquam, nec vinum, nec iusculum, nec aliud quicquam deglutire potuit, sed hisce oblatis suffocationis periculum incurrit, imò ex contactu & conspectu rerum liquidarum; & quod mirum, aërem nonnihil agitatam, vel auram leuem sentiens idem patiebatur: quæ octauo à prima inuasiōe die extincta est.*

Signa Diagnostica.

Signa Diagnostica.

Cum verò multum referat, malum hoc statum in principio agnoscere, vt medicamenti idonei, ei obuiam iri possit, antequam ad rabiem & summum ac incurabilem gradum perueniat; ac verò sæpe incertum sit, an canis vel

vel alia bestia, quæ hominem momordit, rabida fuerit necne: diligenter danda opera, vt in eius rei notitiâ perueniamus. Præsertim cùm vulnus, quod animal rabidum inflixit, à vulnere, quod canis non rabidus intulit, nihil differat. Ad explorandum ergo an canis, qui aliquem momordit, rabidus fuerit, nuces iuglandes contritas vulneri imponere, & aliquot horis, vel per noctem aut diem (prout vulnus magnum vel paruum fuerit, cum à magno vulnere facilius venenum nucibus communicetur) super vulnere relinquere, & postea gallo vel gallinæ deuorandas obiicere. Si enim canis rabidus non sit, non morietur; si verò rabidus fuerit, postero die peribit.

Alij triticum vulneri imponunt: Alij sanguinem ex vulnere detrahunt, & cum farina offam inde formant, ac gallinæ obiiciunt, quæ si inde moriatur, canis fuit rabidus. Rhases & Auicenna medullam panis vulneris affricare iubent, vt sanguine vel sanie emanante inficiatur, eamque cani deuorandam obiicere, qui si illum non comedere, vel etiam non olfacere velit: vel si comederit, inde rabidus fiat, aut moriatur, signum est, canem rabidum fuisse.

Verùm vt nullum dubium relinquatur, ipsum animal, quod aliquem momordit, considerandum. Secundùm Dioscoridem verò canis rabidus potum & cibum auersatur, multam pituitam spuitumque ex ore & naribus emit, vel potius saliuam siccissimam & rubiginosam; præter solitum torius videt, oculos rubentes & igneos habet, in omnes, notos pariter, & ignotos sine latratu irruit, eosque mordet, domesticos non agnoscit, non latrat, vel parum, vox est rauca. Canes rabidi etiam sunt macilenti, caudam demissam & sub ventrem inflexam gestant, linguam exferunt, eamque tanquam bile infectam, croceam, rubram, vel nigram; sæpe velociter currunt, mox subsistunt, sæpe in cursu in arbores vel alia obstacula impingunt, canes alij ipsos fugiunt.

Signa autem incipientis rabiei sunt, anxietas & iracundia sine ratione, ventriculi vellicatio & grauitas, & querela de aëre inclementiore & quasi austrino, etsi serenus &
*Incipiens
rabiei si-
gna.*
mitis

mitis sit, corporis grauitas & impotētia ad omnes actiones, vigilix & somnus perturbatus, timor sine caussa, paruum bibendi desiderium contra morem. Ægri secum loquuntur & murmurant, lucem ac luminum accensionem etiam de die optant. In parte olim vulnerata & commorsa, etsi vlcus iam diu fuerit consolidatum, dolor quidam percipitur, ac versus caput tendit, quod cum apprehenderit, quædam vertigo excitatur, vt æger rectè progredi non possit. Quæ signa propterea diligenter attendenda sunt, cum iam sint instantis rabiei signa.

Rabiei
iã facta
signa.

Vbi verò iam facta & confirmata est rabies, accidit membrorum quædam veluti distensio, pandiculationi similis, sed nō cōtinua; corporis & faciei rubor, æger fit anxius; Spumant, oculos toruos & aspectu horribiles habent in proximo exaspuunt, quidam more canum, si à canibus morfi fuerint, latrant, & obuios quoque dentibus impetunt, & quidem præter voluntatem. Narrat enim Gentilis, in *Comment. in Auicenn.* adolescentem quendam rabiosum matrem hortatum fuisse, ne sibi propinquaret; siquidem se continere non poterat, quin appropinquantes morsu inuaderet. Aliqui ex iis delirant, aliqui verò mente constant vsque ad extremum spiritum.

Hoc omnibus commune est, vt aquam & liquida omnia abhorreant, & cum vident pauxillum aquæ, timeant ac peius habeant, imò non solum visum, sed nec sonitum & nomen aquæ & liquidorum ferre possunt.

Cur rabidi aquam abhorreant.

Etsi verò, vt in *Institut. lib. 2. part. 3. sect. 2. cap. 4.* dictum, alij alias huius rei causas afferant: tamen maximè probabilis ratio ibi proposita, quod nimirum venenum hoc, quod omnia membra hominis ægri occupauit, peculiarem diffensum & *αἰσθητικὸν* ad omnia liquida habet, & à liquidis exasperatur ac concitatur, vt ferocius in partes infirmas sæuiat. Vt enim qui à Phalangij specie, quam Apuli Tarantulam vocant, icti, audito musicorum instrumentorum sono statim exsiliunt, & saltare incipiunt: ita veneni à rabidis animalibus illati hæc vis est, vt à liquidis exasperetur, vnde rabidi liquida omnia auersantur.

Pulsus in rabidis sunt parui & inordinati, grauitas membrorum augetur, aluus supprimitur, vrina guttatim redditur, vox est rauca, spiratio difficilis, ægri linguam exserunt, & cùm malum valde intenditur, bilem euomunt, vel flauam, vel atram; singultu corripiuntur, quæ tamen non in omnibus & non nisi vno atque altero die ante mortem apparent; aliqui etiam paulò ante mortem conuulsionibus & maximo stridore dentium corripiuntur.

Prognostica.

1. Cùm rabies, vt alij morbi, vel ad mortem terminetur, secundùm Rhafem & Auicennam salutis spes est si san- *Prognostica.*
guis copiosè è vulnere effluxit, aut postea, dum vulnus curatur, vel sponte sudor multus, vel vrina, præcipuè nigra, euacuatur. Verumtamen hisce non firmiter fidendum est, sed tutissimum, statim idoneis præsiidiis malo huic occurre. Vnde Aëtius: Qui à rabioso cane morfi sunt, si neglecti fuerint, vel malè curati, in affectionem aquæ timoris incidunt. Et Celsus: vbi parùm citò initio occursum est, solet aquæ pavor nasci.

2. Si vulnus ab animali rabioso inflitum non sit profundum, nec neruus, vena, vel arteria vulnerata, de salute maior spes est, modo idonea remedia adhibeantur.

3. Si malum iam eò processit, vt rabies & timor aquæ adsit, tum in angusto spes est, vt Dioscorides, Paul. Ægineta, Aëtius, Celsus, Auicenna, & plerique alij Medici scribunt, nullum ferè, quem aquæ timor iam corripuit, euasisse, etiamsi idonea medicamenta adhibeantur, & alios quidem 4. dierum spatio, alios intra septimanam mortuos esse. Cùm enim membra principalia iam venenum occupauit, frustra omnia medicamenta adhibentur. Quia tamen Dioscorides ex aliorum relatione narrat, Eudemum & Themisonem Medicum rabie affectum, pristinæ sanitati restitutum fuisse, idemque de aliis etiam alij referunt: distinguunt hic nonnulli, & eos, qui per contagium ab homine acceptum in hunc morbum inciderunt, posse seruari, eos verò, qui à cane, lupo, vel alio animali rabido morfi fuerunt, omnes interire.

Indicationes.

Indica-
tiones.

Duo ergo hîc Medico agenda. Primò cùm si homo iam in rabiem inciderit, & hydrophobia correptus sit, spes sit in angusto, danda opera, vt quamprimum homo à cane, vel alio animali rabido morsus est, aut lingua, ore, aut alio modo sputum animalis rabidi tetigit, ne in rabiem aut hydrophobiam incidat, præseruetur. Et quamuis ab initio grauiâ symptomata non percipiantur: tamen quia sæpe longo post tempore, vt dictum, morfi in hoc malum incidunt, nullo modo curatio differenda.

Deinde si homo iam morbo hoc laboret, curandum, vt ab eo, quantum possibile, liberetur.

In præseruatione tres scopi Medico sunt propositi.

Primus est, vt veneno morfu immisso via in corpus progrediendi intercipiatur, idemque mox reuocetur & extrahatur.

Secundus, vt seu morfu, seu alio modo communicatum sit venenum, prohibeatur, ne ad interiora progrediatur, & per vniuersum corpus diffundatur, ac membra principalia, ne id admittant, sed potius à se propellant, roborentur.

Tertius, vt venenûm & ab eo impressa mala *2^a & 3^a*, seu malignitas extinguatur.

Curatio.

Præser- Primûm expeditur, si vincula partibus affecta parte
uatio & superioribus, si partis conditio admittat, iniiciantur, &
Curatio. per tres, vel quatuor digitos supra partem læsam arcta deligatio instituatur. De quò tamen monet Celsus, *lib. 5. cap. 27.* ne partes nimium fortiter ligentur, ne torpeant.

Ligatura At si partis conditio ligaturam non ferat, medicamenta adstringentia, puta sanguis dracon. bolus armen. balauftia & simil. cum oui albumine vicinis locis imponenda.

Cucurbi-
tularum
applica-
tio, &
scarifica-
tio.

Simul statim vulneri, quod ab animali rabido inflictum est, cucurbitulæ cum scarificatione, si partis conditio id ferat, & quidem cum magna flamma imponantur, vt venenum immissum extrahatur; qua in re tamen vulnervis qualitas perpendenda. Si enim vulnus antea satis sit magnum,

Magnum, non opus est scarificationes adhibere, ne inflammatio excitetur, quæ postea impediat, quo minus alia remedia, quæ venenum euocant, adhiberi possint. Si autem vulnus sit exiguum, locus morsus tutò scarificari potest, & quidem si aliquod temporis spatium à morsu præterlapsum sit, sæpius adhibendæ sunt, & partibus vicinis altiora vulnera infligenda. Si verò pars talis sit, vt cucurbitulæ commodè affigi non possint, scarificatio sola adhibenda, vt sanguis effluat, qui sicca sponsia è vulneribus exsugendus, non verò vulnus aqua abluendum; aut hirudines applicandæ, quæ sanguinem veneno infectum exsugant. Si quoque vulnera ab animali rabido inflicta sint angusta, amplificanda, & carnis nonnihil orbiculatim auferendum, si pars ferat, vt vulnus diutius apertum seruetur, ac venenum effluere possit. Licet etiam animalia viua, vt columbas, gallinas, plumis prius euulsis, podice vulnere admouere, & si vnâ moriatur, statim aliam adhibere, vel pullos gallinarum aut columbarum per medium dissectos adhuc calentes læsæ parti imponere.

Postea applicentur medicamenta valdè attrahentia, quæ *Attrahentia medicamenta.*
lib. 5. Instit. part. 1. cap. 9. & part. 3. sect. 3. c. 36. sunt proposita. Ex allio scilicet, stercore columbino, sinapi, nuce iuglande, ruta cum fermento, sale & melle, quibus commodè admiscetur Theriaca. Vtile est & emplastrum vel cataplasma de angelica. Commendatur plurimum ex Dioscoride desumptum, & sæpe cum felici successu vsurpatum ex allio, cepis, & semine tritici masticato paratum. Galenus, *lib. 11. de simplic. fac. cap. de can. vstis, & lib. 3. de composit. medicament. secundum gen. cap. 5. Item lib. 2. de antidot. cap. 11.* commendat valde Emplastrum paratum ex pice, opopanace & aceto.

Recipit autem picis lb. j. aceti acerrimi lb. j. 3. viij. opopanax 3. iij. Opopanax prius in cyathis 4. aceti dissoluitur, acetum, quod superest, cum pice coquitur, quod vbi consumptum est, opopanax additur & coquuntur, cauendo ne efferueant; scribitq; Galen. neminem se vidisse, qui illo vsus mortuus sit. In tenerioribus corporibus liquari potest vino vel oleo veteri; in robustioribus per se applicatur.

Galenus de Theriaca ad Pisonem etiam cum felici successu Theriacam cum ol. rosat. liquatam imponi testatur.

Aëtius laudat hoc, *tetr. 4. serm. 1. cap. 10.*

℥. spum. argent. ceruss. resin. pini, an. ℥. j. ol. veter. ℥. iij. cera 3. vij. ammoniac. thymian. galban. an. 3. iv. Ceruss. & argent. spumam in ol. coquito, donec manus non inquinent, deinde liquefacta adicito & vnito.

Laudatur & emplastrum Diadictamnium, quod Galenus 5. de compos. medicam. secund. genera cap. 4. descripsit. Hieronymus Capiuaccius, lib. 7. pract. cap. 12. sequens commendat.

℥. ciner. cancr. fluuiat. ally, menth. gentian. aristol. rotund. an. 3. ij. baccar. lauri, boli armen. an. 3. j. M. cum succo menthæ. F. Emplastrum, vel potius Cataplasma.

Expediitissima verò via est, adhibere cauteria actualia, quæ & venenum absumunt, & diuturnum vlcus, per quod virus effluat, relinquunt. Vstione peracta danda opera, vt crusta quàm celerrimè amoueat, vt venenum quàm citissimè per vlcus euacuari possit. Nam crusta vlceri inhærens facit, vt venenum retineatur, & ad corporis interiora penetret. Amouetur autem, vt notum, si illinatur vitello oui & recenti butyro. Si locus sit carnosus, etiam manuali opera crustæ aliquid demi potest. Si autem locus vstionem non ferat, aut æger ignem actualem admittere nolit, adhibenda medicamenta caustica & escharotica dicta, inter quæ etiam Qius sublimatus & præcipitatus vtiliter vsurpatur. Vlcus seruetur diu apertum, ad minimum 40. dies, ne aliquid veneni in corpore relinquatur.

Pars demorsa an statim amputanda.

Sunt nonnulli, qui, si partis conditio id ferat, partem demorsam statim amputandam censent, exemplo illorum, qui ab aspidè aut viperis demorsi digitos amputauerunt & salui euaserunt, vt refert Galenus 3. de loc. affect. cap. 7.

Verùm non ita necessarium hoc factu videtur, cum venenum canis rabidi non sit tam celeris actiuitatis ac venenum aspidis vel viperæ, & aliis modis satis euacuari & extrahi possit.

Quidam & hoc remedium proponunt; vt seruus aliquis

quis adhibeatur, qui ore è vulnere venenum exsugat. Verùm cùm id non sine periculo fugentis fiat, id tentare, quod gentiles in mancipiis suis sibi licere putabant, in fratribus Christiana charitas non permittit, præsertim cum alia remedia, quæ idem præstare possunt, in promptu.

Circa auxilia autem ista Externa & Chirurgica, quæ venenum euocant, Dioscorides l. 6. c. 39. & Paulus Ægineta l. 5. cap. 3. admonent, quod si à principio prætermissa fuerint (principium autem alij tribus diebus definiunt, alij ad septimanam extendunt) postea frustra adhiberi, & ægrum doloribus cruciari, cùm iam venenum in totum corpus diffusum sit. Non tamen inutile fuerit, si quocunque etiam tempore fonticulus in loco affecto excitetur, vt continua illa euacuatione venenum reuellatur.

Vt autem cognoscatur, an hisce remediis venenum omne extractum & dissipatum sit, nihilque periculi amplius subsit, Paul. Ægineta ex Oribas. eadem probatione vti iubet, quæ vsurpari solet ad cognoscendum an canis, qui morsum intulit, rabidus fuerit necne: nimirum nuces iuglandes tritas vlceri apponere, deinde gallo vel gallinæ deuorandas obicere. Si enim non moriatur, signum est, venenum planè esse extractum, vulnusque ab eo mundatum, ideoque tutò cicatricem induci posse. Si verò moriatur, signum est, nondum omne venenum extractum esse, & propterea vulnus adhuc apertum seruandum, operamque dandam esse, vt reliquum etiam extrahatur.

Venæ sectioni hic nullus locus est, vtpote quæ venenum non euacuat, sed vires debilitat, venenumq; exagitat.

Purgationem quod attinet, vt ab initio ea instituantur, nihil est, quod eam indicet. Imò si exhibeantur purgantia, metus est, ne venenum ad interiora trahatur, & humores ac corporis partes inquinentur. Si verò malum iam progressum sit, & venenum ad interiora penetrauerit, tum purgatio non inutilis est, eamque tantum auxilij afferre scribit Dioscorides, vt quidam, qui iam hydrophobia propinqui essent, sumpto helleboro sanati fuerint, ideoque non semel atque iterum, sed frequenti vsu ante diem 40. ea ita vti præcipit. Imò nonnulli referunt, si canis ra-

Purgatio

bidus helleborum album cum polenta sumpserit haec euomuerit, à rabie liberatum fuisse.

Humores tamen prius preparare non inutile fuerit calefacientibus, incidentibus, abstergentibus, atque veneno simul resistentibus; vt Syrup. Scord. de cortic. citri, Betonnic. de pomis, de succ. bugloss. epithymo, decoctionibus paratis è semin. citri, radic. gentian. angelic. dictam. alb. scord. vincetoxico, bugloss. meliss. hippolapatho, &c.

Purgantia, quæ in rabie canina conueniunt, sint omnium consensu validiora, vt helleborismus, hiera diacolocynthid. Ruffi, Archigenis, Logadij, Pacchij, pilul. ex helleboro, Onio, de lapid. Lazul. coch. de nitro, fatide. Si ætas, temperamentum, vires, vel aër dissuadeant talia, eligantur mitiora ac mediocria, vt est senna, epithym. polypod. helleb. niger, myrobal. nigr. & agaric. præcipuè, qui simul venenis resistit.

Composita sunt Elect. de dactyl. Confect. hamech. Elect. Indum majus ac Benedicta laxatiua.

*Antidota inter-
na.*

Reliquis scopis nimirum vt veneni ad interna progressus prohibeatur, partes principes roborentur, quò facilius venenum à se propellere possint, ac maligna humoribus & corpori à veneno impressæ aboleatur, iisdem ferè medicamentis satisfieri potest, scilicet antidotis, & iis, quæ peculiari vi huic veneno resistunt.

Simulque pulsus omnes, temporum, manuum, pedum, & cordis regio per biduum singulis 6. horis & aliis quinque diebus bis tantum in die, & circa locum demorsum etiam eodem modo, vel, vt alij volunt, tertia quoque hora illiniri debent oleis illis famosis magni Ducis Hetruriæ, vel scorpionis Matthiol. aut aliis; vt venenum à partibus nobilioribus propulsetur.

Etsi autem plurima à plurimis recenseantur, tamen cum non pauca ex iis fabulosa videantur, certa saltem enumerabimus. Ab omnibus verò commendatur alyssum, vt Dioscorides, *libr. 3. cap. 89.* habet. De eodem scribit Galenus, *lib. 6. simpl. medic. facult.* Nuncupata est herba alyssum, quod mirificè iuuat commorosos à cane rabido, sed

sed & rabienti data sæpe in totum sanauit, & hoc ex totius substantiæ similitudine. De eodem etiam Plinius, *lib. 24. cap. 11.* Alyssum nomen accepit, quod à cane commorfos rabiem sentire non patitur ex aceto potum alligatumque. Et Galenus, *2. de antidot. cap. 11.* modum exhibendi tradit: Alyssum, inquit, herbam contusam & cribratam accipe, cuius, cum opus fuerit, cochlear, exhibe ex aquæ mullæ cyathis tribus à primo die vsque ad 20. sin minus, saltem primis septem diebus. Verum vt Authores in commendanda hac planta contra morsum canis rabidi consentiunt; ita in ea describenda discrepant; aliamque Dioscorides, aliam Galenus, aliam Plinius describere videtur. Sed quia suam valde commendat contra morsum canis rabidi Galenus, præstat ei adhærere, & videtur Alyssum Galeni satis clarè descripsisse & depinxisse Tabernæmont. *libr. 2. herbar. sect. 5. cap. 5.* & quidem ex C. Clusi, *lib. 4. histor. rar. plant. cap. 21.*

Commendantur deinde valde cancri fluuiatiles, cum eorum cinis, tum decoctum multo anetho admixto, scordium, chamædryas, gentianæ radix, rutæ agrestis semen, chamæmelum, centaurium minus, artemisia, aristoloch. rad. sylu. rosæ, vincetox. rad. 3. j. β. exhibitæ, pulegium, oxylapath. card. bened. Radicem cynorrhodi Plinius, *l. 25. c. 2.* vt oraculo patefactam, commendat, eamque & aliis omnibus ferè remediis præfert. Laudatur & vinum generosum statim potum & allium comestum.

Inter composita antidotus è cancri pluribus commendatur & à Græcis & Arabibus, vt ex Dioscoride, *lib. 6. cap. 37.* Galeno *2. de antid. cap. 11.* Item, *11. de f. m. fac.* videre est, scribitque Galenus, neminem vnquam mortuum esse, qui cancrorum puluere rectè vsus sit, & quidem *11. de simul. med. fac.* ex Æschryone Præceptore suo sumit cancros fluuiatiles post ortum Canis captos, quando Sol leonem transit, Luna decima octaua, & eos in sartagine æris rubri comburit. Cinerum sumit duo cochlearia, vel 3. ij. puluer. gentian. cochlear. j. seu 3. j. vini meraci iv. cyath. quæ in modum plentæ diluta miscet, & quotidie bibenda exhibet.

Deinde ex Asclepiade recipit ciner. cancr. p. x. thur. par. j. gentian. part. v. & exhibet huius pulu. cochlear. bibendum xi. diebus, aut si iam à morsu aliquot dies processerint, duo cochlearia propinat. De hoc tamen medicamento obseruandum, cancrōs veros vsurpandos esse, qui sunt corpore rotundo, non nostros gammaros aut astacos. Nonnulli tamen etiam nostros vsurpant.

Commendatur & à plerisque Medicis aduersus morsum canis rabidi Theriaca, vt efficacissimum remedium, cui tuto in hoc malo præcauendo fidi possit. Galenus in lib. de Theriac. ad Pison. cap. 14. & in libell. de Ther. ad Pamphil. Scribon. Largus lib. de comp. medic. cap. 171. & 173. proponit quoddam antidotum Apuleij Celsi, & cap. 176. aliud cuiusdam Cassij, & cap. 177. antidotum Martiani Medici, cui quia nihil deest, *τελεια* appellata sit, quæ felici cum successu in hoc morbo curando exhibita sit.

Laudatur à nonnullis & hoc antidotum.

Remed.
Scalig.

℥. Mithridat. el. pulu. rad. aristoloch. rot. an. ʒ. ij. terre sigill. ʒ. β. muscarum, quæ de napelli fructibus victum quærunr, num. xx. cum succi citri recent. q. s. F. mistura, cuius dosis ʒ. j. ad ʒ. j. β.

Inter Recentiores Alexipharmacum præsentissimum proponit Palmarius in lib. de morbis contagios. quod solum neglectis purgantibus, & omissa etiam vulneris cura, quocunque à morsu tempore vsurpatum certissimum ac tutissimum remedium existat, & quo nullum vnquam animal vsum fuerit, quod non mali huius periculum euitauerit, cum quacunque victus ratione, illæsis tamen capitis partibus, & modò vulnus inflictum capitis partes ore superiores non attigerit, aut aqua elotum fuerit. His enim partibus vulneratis, aut parte vulnerata statim à morsu frigida elota parum spes superest. Est autem tale.

℥. fol. rut. verben. salu. plantag. polypod. absinth. vulg. menth. artemis. metysophyl. beton. hyperic. centaur. minor. singulor. æquale pondus.

Colligantur singula, quo tempore magis viribus polent: Deinde papyraceis chartis inclusa siccentur seorsim in loco, ad quem neque Sol, neque pluuia pertingat,

gat, ne vel nimium exarefcant, vel fitum contrahant. Post redigantur in puluerem de quo 3. j. β. vel 3. ij. singulis diebus demorso exhibeantur, vel cum faccharo, vel cum vino, vel iusculo, vel alio modo, ieiuno stomacho horis tribus ante cibum. Si tamen tempus aliquod à morfu inflicto præterierit, 3. ij. exhibeantur.

Extra vero vulnus prius spongia vel linteolis ficcis efficeatum vino aut hydromelite, in quo pulueris huius 3. β. soluta sit, bis vel ter quotidie foueatur, deinde emplastrum vel vnguentum, quale in aliis vulneribus admoueat.

Post alexipharmaca, venæ sectionem & purgationem etiam exhiberi possunt sudorifera, vt venenum dissipetur. Efficacissimum autem est visc. querc. lignum sumptum, viscus autem ipsum extrinsecus applicatum.

Sudorifera simul alexiteria sunt dictamnus cretic. & alb. vulgar. card. ben. scord. Tabac. angelica.

Vt ℥. Ligni visci q. dictamni an. 3. ij. vel iij. aq. chamæmel. lb. ij. coq. ad med. dos. 3. ix. vel x.

℥. Dictamn. alb. 3. β. Lig. visci q. 3. ij. sem. & flor. card. ben. an. 3. j. β. fiat pulu.

Cuius ℥. à 3. j. vsque ad 3. ij. vini alb. generosissimi 3. j. β. aq. card. ben. 3. ij. vel iij. Mixta exhibe.

Præter sudorifera conueniunt etiam diuretica antidotis mixta, vel exhibita, quæ vtraque vi polleant, inter quæ præstant spica Celtica, Valeriana, Asarum, Scordium & alia, quæ eodem tempore, quo sudorifera, conueniunt.

Nonnulli etiam & quidem Auicennæ auctoritate, vrinæ validissimè prouocandas esse: vel ad sanguinis mictum censent; cum hac ratione venenum simul excernatur, atque in eum finem cantarides etiam exhibent. Hinc rustici vulgato experimento vermes, seu scarabæos Maiales melle asseruatos in hunc usum exhibent. Alij capita iis abscindunt & reiciunt, postea in oleo oliuarum recens eos iniiciunt, & quidem in lb. j. num. vj. atque de hoc oleo ægro sapius 3. j. vel 3. ij. propinant.

Imminente rabie quamprimum validiora adhibenda remedia, vt sinapismi, vesicantia ex validissimis simplicibus parata, quale est tale.

Rabiei
imminē-
tis cura-
tio, & per
totum
annum
præser-
uatio.

℞. Cantharid. abieſtis pedibus & alis 3. vj. Sinap. helleb. alb. an. 3. ij. ſemin. ammeos 3. j. fermenti 3. iv. Aceti ſcillit. q. ſ. M. F. maſſa, de qua portiones brachiis, femoribus, & tibiis apponantur, & diutius detineantur, vt cutis ſimul abſumatur, vlceraque diu aperta ſeruentur emplaſtro diachylo ſimpl.

Antidota propinentur in dupla quantitate, quam in præſeruatione, ſingulis diebus mane theriac. vel mithrid. 3. ij. in vino potenti, veſperi ante coenam antidot. de cancris, gentian. helleb. albus protinus exhibendus, (qui tamen in rabie iam præſente, non exhibendus, vt nec alia purgantia, nec ſanguinis miſſio tum concedenda) qui magis quam quid aliud prodeſt, interpoſitisque diebus repetendus. Hæcque antidota ad 40. diem tum exhiberi debent. Quidam ſuadent, vt æger in anno quater purgetur, & ſingulis 15. diebus ſumat theriacam. Nic. Florentinus, vt per integrum annum antidota uſurpentur, Aëtius, vt ſingulis annis appropinquanter morſus tẽpore per hieram æger purgetur & iſtante die per triduum theriacam ſumat.

Pro amuletis commendantur, dens canis rabidi humero ſuſpenſus & ſubſtratus, corium Vrſæ & Phocæ.

Tandem ſi æger iam Hydrophobia correptus, eſſi, vt dictum, ſpes ſit in anguſto, tamen nec tum deferendus, ſed medicamenta modo dicta exhibenda, verum maiore doſi. Palmarius ægrum etiam vinciri, & ore aperto illi ſuum puluerem infundi iubet.

Antiqui etiam balneum & aquæ potum commendant, ſcribitque Celfus, vnicum hydrophobia oppreſſis remedium eſſe, non opinantem ægrum in piſcinam non ante ei præuiſam proiicere, ac ſi natandi peritiam non habeat, modo merſum bibere pati, modo attollere; ſi habet, interdum deprimere, vt inuitus etiam aqua ſatietur. Verùm obſervarunt plurimi ad præcautionem quidem non raro hoc profuiſſe, quamquam alios nec ad præſeruationem huic remedio fidendum eſſe, experientia docuerit, hydrophobia vero correptis nihil profuiſſe, ſed etiam nocuiſſe, id quod Cœlius Aurelianus, Auicennas & Celfus docent, quod ipſa quoque ratio ſuadere videtur. Etenim cùm inter

vene

*Balneum
& aqua
potus an
in Hy-
dropho-
bia con-
ueniant.*

venenum hoc & aquam tanta fit antipathia, vt ægri etiam ad visum, sonum, imò motionem aquæ exhorrescant, credibile omnino est, ex mersione in aquam & potu eiusdem morbum magis exasperari.

In præseruationis diætâ, vitentur pulli columbini, qui à tota substantia nocent, contra à proprietate commendantur caro arietis, cancri fluuiatiles, castaneæ, brassica. Vescantur & nucibus iugland. caricis, amygdal. allio, cæpa, porro, raphano, smirnio, asparago, cichorio, rumice sylu. & hortensi, &c.

Q V Æ S T I O I.

Qua vi venenum animalium rabidorum agat.

Quæ huius veneni causa sit, & in quo mali huius essentia consistat, alij aliter statuunt, & nonnulli quidem quandam putrefactionem esse dicunt, quod facit Fracastor lib. 1. de morb. contag. cap. 9. Alij, vt ex Dioscor. Aëtio, Paulo Ægineta & Actuário colligi potest, intemperiem calidam & siccam, in partibus præcipue solidis contractam, vel vt Pelops Galeni præceptor statuit, vt ex lib. 11. de simpl. med. fac. c. de cancris vstis, videre est, in immodicam siccitatem, quasi in contrarium habitum mutata penitus solidarum partium substantia veneni huius essentiam constituere statuunt. Verum enim verò neque in putredine causa huius mali constitui potest, cum nulla putredinis signa adsint, ac putredo sine manifestis signis tam diu in corpore latere non possit; neque etiam intemperies calida & sicca ad constituendam huius mali essentiam sufficit, cum intemperies tam diu in corpore esse non possint, sine læsione actionum corporis; neque effectus insignis caliditatis & siccitatis apparent, neque si in intemperie causa consisteret, malum fere incurabile esset, de quo Galen. 1. prorrh. comm. 2. t. 19. Idem docet communicationis modus; cum tantillum sæpè sit, per quod malum hoc homini communicatur, & nihilominus tam insignem in corpore mutationem efficiat, quod qualitates primæ in tam parua mole, non faciunt. Insuper durabilitas huius veneni tam longo tempore in tot corporis mutationibus permanens idem docet, in quibus nihilominus venenum hoc na-

turam suam retinet, imo in dies se multiplicat; quod etiam patet ex historia à Fernel. allegat. de lupo, qui in cibum variè præperatus plurimos rabie infecit, quod fieri non potuisset, si essentia veneni huius in qualitatibus primis consisteret, cum ignis vi qualitates illæ variè mutantur. Tandem & curatio idem persuadet, quæ non qualitatibus primis, sed tota substantia agentibus perficitur, de qua re in Institut. loco allegat. dictum.

Q V Æ S T I O II.

An venæ sectio in hoc morbo conveniat.

Cum morbus à canis vel aliorum animalium morfu contractus sit longe periculosissimus, & antiqui & recentiores medici omnis generis auxilia ad depellendum hoc malum excogitarunt, & inter ea quidem purgationis & venæ sectionis mentionem faciunt, de quo quid sit sentiendum paucis dicendum.

Et quidem venæ sectionem quod attinet, Primò quidem nonnulli venæ sectionem in morfu canis rabidi præcipiunt, persuasi vt putant, auctoritatibus Pauli Æginetæ lib. 2. cap. 2. Celsi lib. 3. cap. 27. Rhasis lib. 20. continentis tractat. 2. cap. 2. Deinde etiam ratione; cum verò consentaneum videatur, si in aliis vulneribus magnis venæ sectio adhibetur, vt æger à dolore, febre, inflammatione, convulsione & similibus accidentibus præseruetur, etiam eodem sine in morfu canis rabidi, venam aperiri posse. Verùm, vt antea dictum, contraria opinio vera est, ac venæ sectio in morbis à cane rabido potius obest, quam prodest, cum sanguinis missio venenum potius in venas trahat, quam extinguat, simulque vires deiiciat. Atque ea procul dubio de causa Dioscorides, Galeñus, Oribasius, Ægineta, Actuarius, alique Medici præstantissimi, vbi ex professo de hoc morbo agunt venæ sectionis nullam mentionem faciunt, vel etiam plane eam reiiciunt. Et longè alia est vulnerum magnorum simplicium, quam morfus canis rabidi ratio, in quo potius à veneno, quam à vulnere periculum. Et si forte aliqui sanguinis missionis mentionem faciunt, potius de ea, quæ ex parte commorsa sit: quam quæ ex venis in brachio, loquuntur.

QVÆSTIO III.

An purgantia medicamenta in hoc male conueniant.

Qui purgationem in morfu rabidorum animalium instituendam negant, eo potissimum argumento nituntur, quod veneni huius natura non in qualitatibus primis & manifestis, sed in occultis consistit, & nec qualitatum primarum alteratione, nec purgantibus, sed alexipharmacis, ac tota substantia agentibus curatur; quod purgantia calori nostro sunt aduersa, ideoque vires potius frangere, quam conseruare videntur. Alij contra purgantia admittunt, qui quidem fatentur, purgantia non recta veneno huic aduersari, illudque expurgare, sed hoc solum à peculiaribus alexipharmacis fieri: interim tamen hoc mediately præstare posse statuunt: dum nimirum vitiosos humores, in quibus venenum residet, educunt, atque ita venenum simul euacuant.

Cui sententiæ ea ipsa de causâ & nos subscribimus, præsertim cum venenum hoc sit lentum, & diu in corpore hæreat.

Quo autem post morsum tempore purgatio instituenda sit, despiciendum. Rhases in *tract. 8. ad Almanf.* statuit, statim in principio purgandum esse medicamenti humorem melancholicum euacuantibus. Verum alij Græci & Arabes omnes vetant in principio, id est, quando adhuc venenum in partibus externis residet, purgatione uti. Verum hîc considerandus modus, quo venenum hoc in corpus immisum est. Si enim labris & lingua venenum in corpus attractum sit, statim in principio purgare licet, cum aliis auxiliis venenum alias euocantibus locus tum non detur. Si verò morfu venenum partibus externis immisum sit, in principio purgare non licet. Ideoque cum Rhases in *tract. 8. ad Almanf.* statuit, statim in principio purgandum esse, id de prioris casu intelligendum est: de posteriori verò, quando alij Græci & Arabes omnes vetant in principio purgantibus uti, ne venenum ex vulnere ad interiora corporis rapiatur, sed tum tandem purgantia exhibenda sunt; cum omnia ritè circa vulnus peracta sunt. Et licet ritè omnibus peractis spes sit, venenum extinctum esse: tamen

men cum faciliè fieri possit, vt aliqua eius portio ad interiora penetrauerit, ea, quam minima etiam fuerit, humores corrumpit, & in sibi similem materiam immutat. Ideoque corrupti illi humores euacuandi sunt, vt venenum simul euacuetur, & alij humores à veneno & corruptis humoribus non inficiantur, simulque medicamenta, quæ reliquos humores à corruptione præseruant, & contra venenum pugnant, exhibenda. Si tamen crassi humores adsint, vt ij facilius ductum medicamentorum sequantur, attenuantia vsurpari, & quæ primas vias euacuant, vel abstergunt, possunt. Præcipuè verò adhibenda Alexipharmaca, quæ vim veneni mitigant. Ad purgationem autem in hoc morbo. Antiqui omnes, Dioscorides, Oribasius, Paul. Ægineta, Aëtius, Actuarius, Helleborum album commendant, eumque præ reliquis in hoc morbo efficacissimum esse dicunt. Antiqui etiam hieram diacolocynthidos, hieram Logadrij, Pachij, lapid. Lazuli & medicamenta, quæ alias ad melancholicum humorem & atrum vsurpari solent, commendant. Qui helleborum album reformidant, helleborum nigrum vsurpare possunt, & imprimis agaricum, qui in morbis venenosis commendatur, & vim alexiteriam habere prædicatur.



C A P V T XVII.

De Tarantatis, & Choreæ S. Viti.

*Tarantula
morsus.*

AD hunc locum non incommode refertur malum, quod ab ictu Tarantulæ infertur, quo qui laborant, vulgo Tarantatos nominant. Et si enim de morsu Tarantulæ etiam inter venena agendum sit: tamen quia à veneno hoc peculiare delirij, & insanix genus inducitur, etiam hoc loco de eo non incommode tractatur. Huic cognatum est alterum, quod Choream S. Viti appellant.

Est autem Tarantula, seu Tarentula, Phalangij, seu aranei genus, quod procul dubio à Tarento, antiqua Apulix ciuitate, nomen accepit, vbi frequens est hoc animalculum & valde

& valde sæuit. Et si verò eius operationes planè admirandæ sunt, vt videre apud Aristotelem, *lib. 9. hist. animal. cap. 39.* & Plinium, *lib. 11. naturalis historiae cap. 24.* adeò, vt Aristoteles genus quoddam araneæ *scorpiones* nominet; & *Nota.* tela eius, vt ex Dioscoride patet, sanguinem sistit, & vulneribus commodè adhibetur, & in tertianis diuturnis ac quartanis pulsibus apposita febrem tollit: Tamen venenosum & noxium etiam animal; & non solum cum ceruo, lacertis, viperis, bufone antipathiam habet, vt ex loco allegato Aristotelis, & Æliano *lib. 1. cap. 8.* Plinio, *lib. 10. cap. 74.* patet, sed & homini damnosum. Et dubium ferè est, vtrum magis admiranda sit eius in tela texenda industria, quam planè ad Geometriæ leges conformat, & tam tereti filo & tam æqualia deducit stamina, ac à centro & medio texere incipit, circinnato orbe subtegmina annexens, vt Plinius loquitur: an verò veneni illius natura. Tam enim admiranda à veneno hoc hominibus inducuntur symptomata, vt reperti fuerint, qui penè pro fabula habuerunt, quæ de malo hoc scribuntur: cum tamen omnia sint certissima, & oculatos huius rei testes habeant plurimos, & hodie Apuliæ & Salentinis sint notissima. Antiqui equidem, Nicander, Ægineta, Aëtius, Celsus, Auicennas, Rhases, & alij, referunt plurima, eaque satis magna, quæ à Tarantula commorsis accidere solent, symptomata; nimirum quod dolor in parte icta exoritur, tumor & pruritus, superuenit corporis frigiditas, ventris ac totius corporis inflatio, virgæ in quibusdam erectio & priapismus, corporis stupor, tremor, membrorum conuulsio & resolutio, adeo vt iuuenes etiam robustissimi omnes vires statim amittant, artuum dolor, corporis varia iactatio, vertigo, vigiliæ, somnus, deliria, vocis priuatio, oculorum rubor, sudores frigidi, & similia, quorum alia aliis, quidem aliis plura, aliis pauciora accidunt. Verum id maximè admiratione dignum est, quod, vt Matthiolus in *lib. 2. Dioscorid. cap. 75.* scribit, *isti à Tarantulis non solum alij perpetuò canunt, alij rident, alij plorant, alij clamitant, sed &, quod præcipuè mirum, veneni huius vis Musica mulcetur. Quandoquidem auditis lyricis instrumentis, per tiliarum sonum*

sonum primo statim occurſu icti à tarantula à plangoribus ceſſant, & in medium tripudiare & ſaltare incipiunt, tamque diu rem perſequuntur, ac ſi ſani eſſent, & nullo vnquam tenentur dolore. Quod ſi eueniat, vt tibicines tantillum quieſcant, non multo poſt tempore in terram concidunt, & ad priſtinos redeunt languores, niſi tamdiu indeficiente ſonitu ſaliant atque tripudiant, donec venenum partim inſenſibiliter, per cutis meatus, partim per ſudorem exeat & diſcutiatur. Ob id igitur tibicines ſtipendio conducuntur, alternatimque mutantur, vt abſque vlla ſonitus intermiſſione, tamdiu tripudiant demorſi, quouſque penitus curati conquieſcant. Refertque Epiphanius Ferdinandus, hiſtor. 81. ſenem 94. annorum adeo debilem, vt non niſi ſcipione innixus ambulare poſſet, commorſum à tarantula, audita muſica veluti capreolum ſtatim ſaltante & tripudiante. Vnde etiam pauperes in Apulia omnem penè ſuam ſubſtantiam in muſicos & tibicines erogant. Cum enim ſciant, menſe Iunio, Iulio, Auguſto, niſi tripudiant: ſe peſſimè habere, ſibi de nummis proſpiciunt, quibus tibicines & muſicos, qui per totam illam prouinciā vagantur, & Tarantatis inferuiendo multum lucri faciunt, conducant. Et quidem tripudiant, & ſaltant intra oppida, in publicis plateis, in ægris, alij vno die, alij duobus, tribus, quatuor, quinque; alij vna hebdomade, alij pluribus. Neque ſemel icti vno anno ſaltem ſaltant, & alij quidem bis, alij ſemel, ſed ſæpe per multos annos, refertque item Epiphanius Ferdinandus, ſe nouiſſe mulieres, quæ vſque ad decimum, decimum quintum, decimum ſeptimum, trigefimum annum ſaltarent.

Præterea à Tarantulis morſi quidam circa ſepulchra verſantur, & in feretris mortuorum cubant, Virgines obſcœnas partes oſtendunt, euellunt ſibi crines: alij penſiles in cunis moueri, alij terra obrui cupiunt; nonnulli etiam alios morſu impetunt. Magna quoque appetentia laborant, præcipuè dum ſaltant, variis coloribus delectantur, & ſi quem calorem auerſantur, eum, qui veſte eo colore infecta indutus eſt, infectantur; aquam abhorrent, vinum bibunt, & merum etiam potum eos non inebriat, & alia admiranda patiuntur.

Causſæ.

Verùm qua ratione à veneno Tarantulæ tot & tanta, ac tam admiranda ſymptomata inducantur, obſcuriſſimum. Qui à manifeſtis qualitatibus & à veneni frigidityte talia ſymptomata deducere conantur, eos operam & oleum perdere tam manifeſtum eſt, vt cum iis diſputandum eſſe non cenſeam. Et optarim, vt ij, qui omnium rationes è qualitatibus primis reddi poſſe audacter & glorioſè promittunt, & vt præ aliis ſapere, ac nihil ignorare videantur, ad neceſſarium ignorantia illud aſylum, occultas qualitates, confugere turpe putant, hinc exerceant ingenium, & quantum poſſint, periculum faciant, & eorum, quæ hætenus de veneni Tarantulæ, & muſicæ in eo curando vidimus & dicemus, cauſas è qualitatibus primis reddant. Nos hinc, vt in omnibus aliis venenis, in occulta qualitate neceſſariò acquieſcimus. Et quidem actiones naturales pleræque læſæ à ſpirituum & calori natiui, quæ à veneno hoc fit, corruptione proueniunt: nec mirandum, quod tot diuerſa in diuerſis accidunt ſymptomata, cum idem etiam ab aliis venenis pro corporum diuerſitate accidat. Verùm quod muſica adeo delectantur demorſi, id imprimis in occultam & ἀππικτον veneni huius referendum, quæ à muſica excitatur. Nam Tarantulæ ipſæ etiam ad ſonum citharæ, tympani parui, tibiarum, cymbalorum, fidium ſolent ſaltare & tripudiare, ſcribitque hac de re Epiphanius Ferdinandus: qui nobis non credit, veniat ac videat, ac periculum faciat. Nam veriſſimum eſſe, quod ſcribimus inueniet. Imò etiam alia animalia à Tarantula demorſa ſaltant; refertque idem Epiphanius Ferdinandus, ſe vidiffe veſpam à tarantula morſam fuiſſe, & cum forte fortuna ibi eſſet citharæduſ, citharamque pulſaret, & tarantulam & veſpam tripudiare coepiſſe: gallum quoque commorſum ſaltaſſe ac tripudiaſſe.

Ita etiam quod in Apulia præcipuè hæc ſymptomata accidunt, non in caliditatem (cum alià loca ſint calidiora) id referri poteſt, ſed in occultam procul dubio regionis vim, ſeu coelitus, ſeu diuinitus immiſſam.

Signa Diagnostica.

Malum ex causa, quæ præcessit, ictu scilicet tarantulæ, vt & sequentibus symptomatibus cognoscitur, vt opus non sit hic plura recensere.

Prognostica.

1. Malum hoc periculo non vacat, & nisi medicamentis idoneis curatur, potest esse lethale.

2. Et si verò tarantulæ morsus periculosus est, non est tamen morbus acutus, vt ictus aspidum, viperarum, sed tardi motus est hoc venenum.

3. Rarò etiam morbus lethalis est, vt ex mille à tarantulis demorsis, si conuenientia remedia adhibeantur, vix duo moriantur.

4. Secundùm locorum varietatem vt aliorum venenorum, ita etiam huius veneni vis nunc maior, nunc minor est.

5. Pro ratione etiam loci, qui pungitur, malum nunc periculosius, nunc mitius est. Qui enim in loco, cui vena, arteria, vel neruus subiectus sit, morsus fuerit, periculosius laborant, quam qui in carne solum morfi sunt; cum hoc modo partibus principibus venenum facilius communicetur.

6. Periculosum quoque, si tarantula ieiuna ieiunum mordeat.

Indicationes.

Cùm hoc venenum, vt alia, occulta vi in corpus humanum agat, ipsi peculiaria & propria antidota statim opponenda. Et primo quidem si homo in loco, qui à tarantulis infestatur, degat, idoneis antidotis se munire debet, ne, si forsàn pungatur, pericliterur. Si verò quis punctus sit, danda opera, ne venenum in corpus penetret, sed statim è corpore extrahatur; deinde vt per interna medicamenta è corpore expellatur.

Curatio.

Ad præseruandum (vt & ad curandum) commendatur anchusa comesta, & decoctum eius potum, artemisia, alium, bolus armenus, theriaca, & antiphalangium, quod postea proponetur in curatione.

Deinde si quis à phalangio morsus sit, curandum, ne
vene

venenum ad interiora penetret, sed statim ad exteriora reuocetur & è corpore extrahatur. Apponantur igitur loco commorso cucurbitulæ, vel etiam pars scarificetur, aut ei vesicatoria, vel stercus capræ, aut panis masticatorius, aut muscæ cum fermento imponantur: idque statim fiat, antequam venenum ad interiora penetret.

Vt verò venenum à partibus interioribus repellatur, mox alexipharmaca exhibenda: Inter quæ sunt & antè in præseruatione enumerata, quæ tamen hic in maiori dosi sumenda. In primis verò cõmendatur ex Dioscoride semen pastinac. sylu. ad 3. j. cum vino bibitum: Item melissa, vel agrimonia 3. vnus pondere cum vino hausta. Laudatur & radix aristolochiæ rotund. ad 3. j. sumpta, vt & semen nigel. & succ. plantaginis. Albucasis hoc Elect. commendat.

℞. Fol. rutæ sicca, costi, mentastri, pyrethri part. æquales, assæ fœtidæ partem quartam ad pondus omnium, mellis q. s. F. Electuarium. Dosis 3. j.

Epiphanius Ferdinandus, qui diligens fuit in obseruandis iis, quæ circa demorsos à Tarantulis euenerunt, quinque remedia experientia comprobata commendat. Primum est aqua vitæ, seu spir. vini. Cùm enim omnes Authores ad curandos Tarantos vinum commendent, multo magis spirit. vini utilis erit, qui felicissimè ab 3. j. ad 3. iij. pro ratione ætatis exhibetur.

Secundum est quinta essentia rorismarini, quæ ipsa etiam contra ictus Tarantulæ prodest.

Tertium aqua vitalis eiusdem, quæ ita paratur.

℞. Flor. citranguli bonam quantitatem, fol. tenenerorum, quercus, cardui benedict. scabiosæ, acetosel. sonchi, saluæ, maioranæ, flor. lauendulæ, absinthij, rorismarini, tussilaginis, rosar. rubr. scorzonere, melissæ, pimpinellæ, borraginis, fol. arbuti, lenticularis, rutæ, an. M. iij. cyperi nostrat. radic. angelicæ, bac. lauri iuniperi, cortic. citri, tormentill. xedoaria, an. 3. j. cinnam. caryoph. an. 3. β. Destillentur in baln.

Quartum est Electuarium Antiphalangium, quod omnia ferè simplicia contra Tarantulæ morsum commendata complectitur.

℥. Fruct. myrti, tamariſci, an. 3. j. ſem. paſtinacæ nigell. agni caſti, dauci, aniſi, cumini, origani, an. 3. j. terræ ſigill. boli armen. orient. præpar. an. 3. ij. centaur. minor. ariſtoloſch. rotund. an. 3. ſ. fol. meliſſ. trifoly bituminoſi, chamæpyt. abrot. an. P. ſ. theriac. opt. miibrid. an. 3. ij. ſ. ſucc. cæpar. ally, plantagin. atriplicis, bedera depurator. an. q. ſ. Cum melle fiat è ſuccis ſyrupus, cum quo fiat Electuarium:

Addendo ſpir. vini q. ſ. Doſis 3. j. ſ. ad 3. iij. cum vino.

In præſervatione 3. j.

*Musica
vis.*

Verùm nullum certius remedij genus eſt, quam Muſica. Vt enim fide digni Authores & oculati teſtes referunt, ſi à tarantula morius iam moribundus & ferè omnibus ſenſibus priuatus ſit, quam primum cytharæ, lyræ, fidium, tympani parui, cymbali, tibiæ ſonum audit, ſtatim quaſi reuiuifcit, oculos aperit, aures arrigit, in pedes ſeſe attollit, primum digitos pedum & manuum, ſecundum muſicam melodiam mouere incipit, hinc manibus, pedibus, capite geſtire, ſaltare, & tripudiare. Vnde in tota Apulia tempore æſtatis tibicines vagantur, vt tarantatis præſto ſint.

Qua autem vi hoc præſtet Muſica, obſcuriſſimum eſt, vt quod ſupra etiam dictum, habeant hic, qui omnia ad qualitates primas deducere conantur, in quo vires ingenij experiantur. Equidem quæ de Muſicæ viribus dicuntur, nemini ignota ſunt, eſſe nimirum in ea quid diuini, muſicam eſſe animi exercitium, ſicut motus eſt exercitium corporis, à dolore animum abſtrahere, ad lætitiæ inuitare. Verùm hoc in quæſtione eſt, qui fiat, quod Tarantulæ veneno infecti ita muſica delectantur, & ad ſaltandum ac tripudiandum inuitantur, & ſaltando à morbo liberantur. Facit equidem forſan ad venenum cum ſenſibilitèr per ſudorem, tum inſenſibilitèr diſcutiendum motus ille. Verùm nec hoc ſufficere videtur; cum alio etiam modo ſudor conciliari poſſit, & nonnulli pluribus annis ſaltare cogantur: ſed proculdubio etiam muſicæ vi occulto modo venenum infringitur. Ideoque hic etiam neceſſario ad illud ignorantiaſyllum confugimus, nec cur
adeo

adeo tarantati musica delectentur, aliud, quod dicam habeo, nisi quod animalculum hoc ipsum est harmonicum & musica delectatur. Non enim omnia animalia musica delectantur, non fues, non boues, non alia plurima. Tarantulam verò esse animal harmonicum, & vt Aristoteles appellat *σαφὸς τε*, vel ex eius tela apparet quam plane ad Architecturæ & Geometriæ leges textit, vt id pulchrè Plinius *lib. II. cap. 24.* describit. Exemplum simile habetur in apibus, quæ & ipsæ in fauis cellulas suas affabre quasi ad geometriæ regulas delineatas formant. Eædem æris sono quoque delectantur & conuocantur. Quia ergo Tarantulæ musica delectantur, ipsasque ad cytharæ sonitum tripudiare vidit Epiphan. Ferdinandus; venenum quoque animalis huius similem dispositionem sanguini & spiritibus in corpore humano (habent enim venena vim totius corporis humores & spiritus mutandi,) imprimit, quæ postea audita musica ab imaginatione mouetur. Sed qui fiat, quod animalculum hoc musica delectetur, & huic veneno vis adhuc impressa maneat, vt homo eo infectus audita musica ad saltandum moueatur; hoc nemo facile explicabit. Ita admiranda sunt Iehouæ opera etiam in rebus minutissimis, & abiectissimis etiam animalculis tanti diuinæ sapientiæ thesauri absconditi latent, quos nullus hominum facile eruet.

Malo huic cognatum est aliud, quod chorea & saltus *Chorea* Sancti Viti appellatur. Hoc enim delirij & insanix genere *S. Viti.* qui laborant, dies noctesque saltare gestiunt. Nonnulli equidem choream Sancti Viti ad *ἐνθουσιασμός* veterum referendum censent. Neque negandum est, quandoque etiam quiddam diuini subesse, & malum hoc poenæ loco interdum diuinitus immitti, sicut sedecim viris & tribus foeminis in cœmeterio choreas ducentibus, ex imprecatione sacerdotis anno Domini 1012. id accidisse refertur ex Vincent. Beluacensi *lib. 26. cap. 10.* Verùm sapiissime hoc malum à causis naturalibus, & humore maligno prouenit; cum *ἐνθουσιασμός* Græcorum sine dubio à Dæmone immissus fuerit, & præcipuè in sacrificiis, quibus cessantibus (etiam *ἐνθουσιασμός* cessauit. Qui verò

hoc morbo laborant, continuo, diesque noctesque saltant. Ita refert Felix Platerus *libr. 1. obseruat. ut & in Practic.* se vidisse foeminam Basileæ, cui magistratus viros aliquot robustos constituerat, qui alternatim vno fesso, altero succedente cum ea dies noctesque tripudiarent. Quod ferè mensis spatio spectantibus multis duravit, sine ferè intermissione, etsi solearum pedum eius cutis attrita esset. Et licet aliquando ut cibum caperet, & somno correpta sedere cogeretur: tamen gestu motuque corporis inquieto interim nihilominus corpus veluti saltans agitabat.

Ortum autem habet proculdubio hoc malum ab humore maligno Tarantulæ veneno simili. Sicut enim hydrophobia quidem à rabidorum animalium veneno extra communicato plerumque oritur; Interdum tamen, ut supra dictum, etiam in ipso corpore tale venenum generatur, à quo hydrophobia excitatur: ita etiam non impossibile est, humorem malignum Tarantulæ veneno cognatum in ipso corpore generari.



C A P V T XVIII.

De Comate Vigili, & sopore graui atque Ecstatico.

Postquam symptomata, in quibus sensus interni singuli seorsim læduntur, explicauimus, proximum est, ut de iis in quibus sensus interni simul læduntur, agamus. Qualia sunt Coma vigil, Sopor grauis & Ecstaticus, Somnambulatio, Lethargus & Carus.

*Comatis
vigilis
natura
quanam.*

Et primo quidem Coma vigil quod attinet, in eo sensus communis, Imaginatio & Ratiocinati læditur. Nam ut Institut. *lib. 2. part. 3. sect. 1. cap. 7.* dictum, qui Comate vigili detinentur, in somnum quidem propensionem habent, quem etiam clausis oculis plerumque exprimunt, dormire tamen non possunt, simulque plerique delirant, clamant, aut somno correpti statim quasi territi, aut spasmus correpti, brachia vel crura inordinatè mouent & iactitant, atque

atque excitati toruum vident, absurda loquuntur, & à delirantibus non differunt. Est enim Coma vigil, cum ægri clausos habent oculos, aut dormire videantur, cum tamen vigilent, seu cum clausis & in somnum propensis, ac conuiuentibus oculis frustra somnum captare tentant ægri, & faciliè oculos aperiunt, ac delira loquuntur, & manus ac crura, imò totum corpus inordinate mouent ac concutiunt.

Estque Coma hoc duplex, vt habet Galenus, *lib. de Com. Differentia*, vnum Phreneticum, alterum non Phreneticum. Phreneticum est cum delirio, (aut potius cum delirio maiore, cum coma hoc vix fit sine delirio.) Non Phreneticum, sine delirio. Phreneticum rursus duplex est, vel ignauum, cum ægri vix mouentur: vel expeditum, cum ægri valde delirant, ac promptè mouentur, & vbi euigilant, è lecto prosiliunt, ac nonnunquam adstantes inuadunt. Qualis ille æger apud Heurnium fuit, qui cum ad somnum se composuisset, & cum monacho custode clinico solus relictus fuisset, rursus expergefactus, monacho, qui defatigatus vigiliis & ipse obdormiuerat, caput cultro abscidit, iterumque ad somnum se composuit.

Causæ.

Causam huius symptomatis quod attinet, vt ea, quæ *Causa* in Institut. *lib. 2. loc. alleg. sect. 2. cap. 4.* diximus, non reperi-*proxima* tamus, sed breuiter saltem contrahamus, comatis vigilis causam esse compositam, & quæ simul somnum & vigilias producit, extra controuersiam est. Verùm quænam sit illa causa, controuersum. Vulgo quidem assignatur bilis cum pituita aut sanguine mista. Verùm probabilius est, causam huius symptomatis esse vaporem narcoticum, simulque mentem turbantem, sicut hoc in spiritu vini, solano manco, & aliis multis narcoticis videre est, quæ & somnum inducunt & deliria excitant. Ideoque præcipuè in febribus malignis hoc symptoma accidit, & teste Paulo Ægineta etiam à venenis idem malum introducit, qualia proculdubio sunt illa narcotica quorum supra ex Prosperi Alpini, *lib. 4. de Medic. Aegypt. cap. 2.* mentio facta est: in quibus tamen venenis nulla pituitæ & bilis mi-

stio est, sed peculiaris malignitas & occulta qualitas, quæ simul & in somnum inclinationem parit. Quanquam enim vis narcotica ad somnum disponat, & adsit ad somnum inclinatio, ideoque oculis conniueant ægri: quia tamen ille vapor in causa est, ut multæ absurdæ imagines phantasiæ obiciantur, accidit ut ægri delirent, & dormire non valeant.

Si quis tamen duos vapores hic statuere velit, vnum narcoticum & somnum inducentem, alterum somnum turbantem, nec cum illo morosè litigabo.

In primis verò maximam vigilandi necessitatem habet inflammatio Phrenetica, si adsit. Etsi enim vapor ille narcoticus faciat, ut æger ad somnum propensus sit: tamen inflammatio somnum impedit. Atque hinc accidit, ut prout huius vel illius causæ vis est maior, etiam somnus, vel vigiliæ ac deliria præualeant, atque æger nunc plus, nunc minus moueatur.

Nonnunquam tamen etiam (etsi ratione causæ tum alterius generis videatur) hoc malum oriri potest à summa virium debilitate, quæ ex vehementi morbo, immanissimis doloribus, aut immodica euacuatione accidit, vnde homines oculos apertos seruare nequeunt, & inclinationem in somnum habere videntur, non tamen dormiunt, ob dispositionis ad somnum necessarium defectum, & in summa dormiendi necessitate causæ somniferæ inopiam.

Ab eadem ferè causâ etiam est sopor ille grauis, qui *καταληξὸς* dicitur, qui quidem à naturali causâ dependet (nam qui à causâ supernaturali accidit, de eo Medici non est agere) & dictum fuit de eo loco modo allegato in *Instit.* oriturque à vapore simul somnum inducente & insomnia simul excitante. Solum in eo videtur esse differentia, quod hic quam in comate vigili somnus arctior est. Et habere narcotica quædam vim simul somnum inducendi, & multa in somnis spectra iniiciendi patet ex eo, quod Prosper Alpinus, de *Medic. Aegypt. lib. 4. cap. 2.* scribit, Ægyptios affirmare, si opium, vel Asis, vel bosa, vel bernaui, vel bers accipiant, plurima pulcher

pulcherrima viridaria, atque formosissimas lasciuientesque puellas in somnis videre, vel alia quibus delectantur: additque hanc opinionem sic apud Ægyptios inualuisse, vt non tantum de plebe, sed etiam ex primatibus, nobilibusque Ægyptiis multi eum in finem hñsce medicamentis vtantur, ibique antiquam consuetudinem esse, vt aliquis ad aliquam rem vocatus, volens eius laborem subterfugere, neget se id posse, quia eo die atque hora herbam comedere consueuerit. Nam cum somnia nihil aliud sint, quam dormientium deliria, & certum sit illa Narcotica, vt ex eodem loco Prosperi Alpini patet, varia deliria in hominibus, antequam in somnum delabuntur, excitare: non mirum est, etiam dormientibus imaginationem variis modis turbare, & varia spectra oblicere, quæ illi pro veris habent.

Signa Diagnostica.

Qui comate vigili laborant, ij, vt ex modo dictis apparet, oculis conuiuentibus somnum captant, dormire tamen non possunt, aut si dormiant mox iterum excitantur, delirant, inepta loquuntur & agunt, corpus variè mouent & iactitant, temere è lecto surgunt, moxque iterum decumbunt.

Prognostica.

1. Coma vigil periculosum & curatu difficile esse, ideo *Prognostica.* vulgo docetur, quod ex materia contraria, & bile cum pituita & sanguine mixta ortum habeat. Verum id falsum esse, & modo, & in Institut. loc. alleg. monstratum. Interim periculosum esse negandum non est, sed alia de causa: quia scilicet à vapore maligno & venenato ortum habet.
2. Si sermo sit impeditus, spirantibus in gutture murmur audiatur, potulenta ægri difficulter deglutiant, humor tenuis è naribus destillet, ægri supini cubent, morbum periculosum indicant.
3. Coma vigil in phrenitidem, vel lethargum mutari solet.

4. Lethale coma vigil est, quod ex virium infirmitate accidit.

5. Deliria vehemētiora in comate vigili plerumque conuulsionem præfagiunt. Non quidem, vt vulgo docetur, quod calorem hic superiorem esse, & successu temporis totam humiditatem absūmendo, ac siccitatem inducendo, conuulsionem pariturum indicio sit; sed potius quia vapor ille malignus spiritus turbans, etiam nervos vellicando conuulsionem inducere potest.

Indicationes & curatio.

*Indica-
tiones &
curatio.*

Eodem fundamento, vt modo diximus, nixi plerique, quod scilicet ex contrariis causis constet, contrariis etiam medicamentis curandum esse coma vigil censent, partim scilicet iis, quæ Lethargum, partim quæ phrenitidem curant. Et quidem considerare iubent, vtra causa; bilis an pituita superet. Nam si pituita bilem superet, ad Lethargum curam magis esse dirigendam, Si vero bilis excedat, magis ad curam phrenitidis esse declinandum.

Verum puto tutissimum esse, ad ipsam naturam vaporis hoc malum excitantis respicere. Et cum malum hoc raro solum inuadat, sed plerumque febrium malignarum comes sit, tota fere curatio ad febrem illam dirigenda est, ac malignitas expugnanda; cum sublata febris causa & malignitate expugnata cum febre hoc etiam malum tollatur. Cum tamen materia tum caput præcipue petat & occupet, vt à capite amouëatur, omnis danda opera.

Primò ergo venæ sectio instituatur, & si iam in principio morbi, cui coma vigil coniungitur, ea instituta sit, repeti potest, & vena in pede reuulsionis gratia aperiri.

Hinc oxyrrhodinū capiti admouëatur, & prout somnus, vel delirium magis vrget, ista mixtura temperanda, vt malo præsentī conueniat. Ultra tamen triduum oxyrrhodina non continuanda. Glandibus quoque, clysteribus, acribus, frictionibus fiat reuulsio, hinc materia præparanda & euacuanda conuenienter. Tandem vt reliqua materia in capite discutiatur, & caput roboretur, inunctionibus & fomentis ex ol. chamæmel. irino, costino, pulegio aceto macera

ceratis, & similibus vtendum; de quibus in caro & Lethargo dicitur.

Soporis graui curatio itidem ex cura Lethargi & Cari patebit.

Sopor vero dæmoniaco, vt à causa supernaturali pendet, ita etiam medicæ curationi non subiicitur.

Q V Æ S T I O .

An coma Ἀρεπνοῦ & catochus sint iidem affectus.

Coma Ἀρεπνοῦ nonnulli etiam κατὰρῶν vel κατὰρῶν appellant, & coma Ἀρεπνοῦ ac catochum pro eodem affectu habent. Reprehenditque Amat. Lusitanus, Cent. 2. curat. 15. in Scol. Leonardum Fuschium, quod lib. 1. de med. morb. eodem capite 24. nimirum de catoco & catalepsi egerit, putatque catochum & catalepsi diuersos affectus esse, eundem vero κατὰρῶν & coma Ἀρεπνοῦ, seu vigil. Verum, vt existimo, sine ratione & sufficiente causa. Cum enim κατὰρῶν & κατὰρῶν deprehensionem & firmam detentionem significant, à medicis vtrique vox iis tribuitur, qui diductis palpebris & apertis oculis obrigescunt, quasi & immoti ac fixi manent. Κατὰρῶν, verò, siue κατὰρῶν vox propriè comati vigili non competit, cum in comate vigili ægri apertos oculos non habeant, vt faciunt, qui catoche laborant, sed perpetuo conuiueant, vt Galenus lib. de comate cap. 3. & 4. & commentar. 3. in tert. Epidem. docet, Κατὰρῶν tamen vox non semper in vna significatione vsurpatur, vt infra cap. 29. dicitur.



C A P V T X I X.

De Somnambulis.

Sertinet ad hunc locum & eorum affectio, qui vulgò Somnambuli seu νυκτεβάται (rectius forsan, cum etiam somnambuli nominantur, qui dormientes è lecto surgunt, ambulant, & vigilantium munera exercent: quorum passim fit mentio apud medicos. Ex professo vero de hac affectione scripserunt Petrus

Sal. Diuerfus de affect. particularibus, cap. 18. Iacob. Horstius in Comm. de noctambulis. Andr. Libavius part. 2. singular. 17. 8. dictumque etiam fuit hac de re lib. 2. Instit. part. 3. sect. 1. capit. 7. & sectione 2. cap. 4. Quibus ut quædam addamus, & signa ac curationem subiungamus, sunt somnambuli propriè ij, qui dormiètes noctu è lecto inscij surgunt, & dormientes ambulant, ac vigilantium, & mira quidem opera perpetrant: quorum tamen manè è somno excitati non recordantur, motu animali vi imaginationis fortioris concitato.

Mira verò planè & vix credibilia; ac vigilantibus inimitabilia sæpè perpetrant isti somnambuli, quorum exempla quædam collegit Schenck. lib. 1. obs. 127. Mirum & ridiculum est illud, quod ex Iacobo Horstio recitatur de quodam nobili; qui nudus in somno surrexit, indusium manibus secum gestans, & ad fenestram porrexit, ac correpto fune è trochlea pendente, in domus fastigium ascendit, & in picarum nidum incidens, pullos indusio inuolutos secum abstulit, ad lectum rediit, & actorum immemor probè dormiuit. Manè verò expergefactus, fratribus duobus in eodem cubiculo dormientibus quasi somnium id, quod reuera perpetrauerat recitauit. Postea verò è lecto surrecturus & indusium quærens, illud, sed pullis picarum circumdatum, inuenit, & postea etiam cum fratribus picarum nidum expugnatumprehendit.

A quo ad
motum
inciten-
tur som-
nambuli.

Causæ.

Perficitur autem iste motus beneficio pedum & manuum, & aliorum animali motui inferuiètiū organorum. Imperatur à locomotiuā, stimulata ab appetitu, concitato à phantasia, quæ obiectum aliquod in somno oblatum cognoscens illud appetitū, vel fugiendum vel appetendum offert. Etsi enim in homine vigilante ratio & voluntas in locomotiuā imperium habeat: tamen in somnambulis voluntatis & rectæ rationis imperium non concurrat; aut certè si concurrat, obscurum, obtenebratum, & exiguum illud esse ex eo patet, quod somnambuli sæpè in præcipitia & loca periculosa adscendunt & feruntur, in quæ vigilantes conscendere nec possunt nec audent, ut ipsi

ipsi postea somno excussio, & periculi in quod dormientes se coniecerunt, magnitudinem attendentes, toti cohorrescant.

Qui autem fiat, quod non omnes homines affectum hunc patiuntur, sed quidam solùm, & illi quidem non singulis noctibus, sed per certa intervalla, & alij quidem frequentius, alij rarius, consideratione dignum est. Causa verò proxima huius rei esse videtur, quod imaginationis actio in somno fortior, ratiocinationis verò, quæ phantasiam digerere & moderari debet, obscurior est, & à vaporibus halituosis obtenebratur; sicut idem in ebriis & aliis delirantibus accidere solet.

Imaginationis verò illa vis à spirituum dispositione pendet, quam quidem illi ab admistis vaporibus accipiunt. Ut enim sanis ratione dispositionis spirituum actiones illæ principes variantur: ita etiam somniantes rerum imagines in memoria asseruatas alij clarius, alij obscurius perspiciunt, & imaginatio hinc variatur, & quidem pluribus modis. Quidam enim planè quietè dormiunt, nonnulli in somno loquuntur, rident, flent, pedes & manus variè mouent, in lecto sese erigunt, secum cubantes percutiunt; & si hic imaginationis gradus intendatur, tandem accidit, ut planè è lecto surgant. Neque enim hæ dormientium & somniantium actiones differre videntur, nisi quod hi surgunt, illi in lecto iacentes eadem ferè agunt.

Somnambulorum natura et constitutio qualis.

Quæ autem vaporis illius, qui spiritibus hanc dispositionem imprimit, & somniorum illorum causa est, natura sit, alij aliter docent. Et plerique ex qualitatibus primis & secundis causas petunt, & alij melancholicæ, alij cholericæ corporis complexionis causam hanc ascribunt, cerebrumque humidum addunt, quod vapores illos ex inferioribus ascendentes cōdenset. Verùm, ut mihi quidem videtur, frustra, cum sufficientem huius affectionis causam non afferant. Etenim in quocumque corporis temperamento, & constitutione, seu sanguinea, seu pituitosa, seu biliosa, seu melancholica affectionem hanc accidere posse, ipsa experientia docet: etsi melancholiam aliquid ad

eam inducendam; & ad omnia deliria prærogatiuam quandam habere non negarim. Ideoque mihi verò magis consentaneum videtur, vaporem huius affectionis causam talem pene vim obtinere, qualem illa narcotica, quæ sensus ligant, & simul somnia plurima, eaque clara excitant, qualia quædam dari & Ægyptiis in vsu, ex Prosperi Alpini *lib. 4. cap. 2. de medic. Aegypt.* cap. præced. diximus, & quale quid atque huic analogum etiam in Comate vigili accidit, ut ibidem dictum: etsi in his quædam occurrat varietas. Etenim in quibusdam sensus & motus ita ligatur, ut in lecto iacentes gestibus solum vel voce, ad quæ in somnio stimulantur, peragant: in Comate vigili oculi subinde conuiuent, somnus verò ab imaginationis vehementia turbatur; in somnambulis sensu externi solum ligantur, imaginatio verò tam fortis est, ut etiam ad motum animalem hominem incitet. Et hoc ita sese habere, vel ex eo patet, quod inter euidentes & externas causas à Medicis lætifica, semen papaueris, vinum & similia narcoticam vim habentia recensentur.

Etsi verò nonnulli Cholericos potius, ob illam audaciam & temeritatem, qua sua peragunt somnambuli, magis quam melancholicos ad hanc affectionem dispositos esse putent: tamen probabilius esse puto, statuere melancholicam spirituum dispositionem ad eam aptiorem esse. Melancholicorum enim imaginatio, ut ad deliria promptior, ita fortis planè est, & ita quidem, ut quæ semel animo conceperunt, pertinacissimè persequantur, & nullis persuasionibus à proposito dimoueri queant. Et narcotica ipsa, quæ somnia talia turbulenta inducunt, melancholiæ magis cognata, quàm aliis humoribus videntur.

Vnde omnino somnambuli talem spirituum dispositionem habere credibile est, qualem interdum melancholici obtinent. Neque tamen totum corpus habitum melancholicum obtinere necesse est (cum plethorici non pauci hoc malo laborent) sed satis est, si ex hypochondriis tales vapores eleuentur, & inter dormiendum spiritibus animalibus misceantur. Neque audacia illa & temeritas,

cum qua actiones suas aggrediunt somnābuli, & qua alias melancholici destituuntur, bilis sufficiens indicium est. Nō enim illa à spirituum, vel corporis dispositione biliosa provenit, sed potius à reliquorum sensuum & ratiocinationis ligatione & obscuratione, ob quam pericula, in quā se ab imaginatione fortiore incitati coniiciunt, ignorant, & non attendunt, atque interim, quod melancholicorum & fortis imaginationis est, sua pertinacissimè peragunt & prosequuntur.

Atque ita proxima causa huius affectionis est fortior *Proxima* imaginatio, appetitum, & hinc loco motuam ad aliquid *somnam-* agendum stimulans, sensibus reliquis à vaporibus ligatis, *bulatio-* & ratiocinatione obscurata. Imaginatio verò illa à spiri- *nis caus-* tuum dispositione pendet; quam inducunt vapores, qui *sa.* spiritibus permiscetur, qui, ut diximus, vim sensus ligandi, & simul somnia multa, eaque clara obiciendi vim obtinent. Hinc adeo fit, ut somnambuli non singuli noctibus surgant, sed tum demum, cum vapores illi ad cerebrum elevantur. Quò faciunt tum causæ antecedentes, tum procatactica & evidentes.

Inter causas antecedentes sunt humores, qui vapores *Causa* suppeditant, qui eiusmodi dispositionem spiritibus indu- *antece-* cere valent, qualis in ebriis & delirantibus sæpe apparet. *dentes.* Neque est, ut causam antecedentem ad vnum humorem astringamus, cum omnes humores tales quid contrahere possint, quale ebriis & narcotica sumentibus accidit: quamquam humorem melancholicum aptiorem putamus ad dispositionem istam contrahendam.

Hinc causæ externæ, evidentes & procatacticae sunt, *Causa* quæ vel eiusmodi humores & vapores subministrant, vel *externa* eos commouent, quales sunt fabæ & alia legumina, lactu- *evidentes* ca, sem. papaveris, vinum recens dulce, vel aliud gene- *& procata-* rosus caput replens. Faciunt huc etiam diurnæ actiones *ctica.* & cogitationes, quarum imagines memoria per somnum phantasie obicit. In primis huic facit Luna, cuius motu, ut Epilepsia, ita etiam hoc malum commoveri experientia docet. Et præcipuè radij Lunares, si dormientis capiti incidunt, hoc malum excitare solent. Facilius quoque ad hoc malum

malum dispositi in aëre pluuioso & turbido eo corripuntur, quam in sereno, vt & post crapulam & cibum, vel potum copiosius sumptum.

Signa Diagnostica.

*Signa
diagnostica.*

Omnibus somnambulantibus hoc commune est, quod noctu surgunt, & dormientes ambulant, & eorum, quæ egerunt, non reminiscuntur, aut si reminiscantur, ea pro somniis habent. Reliqua, quæ agunt & dormientes perperant, planè varia sunt, & vt vigilantes alij aliis occupantur, ita etiam variæ sunt somnambulantium actiones; vt historiæ, quæ de hac re passim extant, docent. Quæ quidem nonnulli clausis oculis, alij verò apertis peragunt. Neque enim qui seras aperiunt, pullos auium è nidis extrahunt, vel alia, ad quæ visus requiritur, peragunt, oculis clausis efficere possunt.

*Cur somnambuli
ea agant,
quæ vigilantes
non possunt.*

Quod autem tam mira peragunt, & quæ vigilantes perficere non possunt, aggrediuntur & perficiunt; ædium fastigia sine scalis superant, in puteos descendunt, ex iisdem adscendunt, præcipitiis sine damno se committunt, non est, vt causam corporis leuitati spiritibus turgentis adscribamus, sed vera causa est, quod somno sensus ligati sunt, & ratio immersa, ac solo imaginationis ductu cum summa incogitantia sine omni metu actiones suas aggrediuntur. Videmus idem in ebriis & delirantibus fieri, qui eadem temeritate ea sæpe perficiunt, atque ea pericula aggrediuntur, quæ sobrij & sani facere non possent.

Prognostica.

Prognostica.

1. Noctisurgium etsi plerumque nihil damni inferat: tamen quia somnambuli tales in vitæ discrimen sæpissimè adducuntur, affectusque hic in peius malum, vt epilepsiam, vel simile quid mutari potest, danda opera, vt æger ab eo liberetur.

2. Solet autem hic affectus sæpe ætatis decursu mutari. Vt enim infantes & pueri non facilè eo corripuntur, sed iuuenes & consistentis ætatis; ita etiam senes plerumque spontè deserit, humorum dispositione ad hoc malum inducendum apta mutata.

In Curatione ad duo attendendum. Primò quid in Pa- *Indica-*
 roxysmo agendum sit. Deinde quomodo is præcauendus sit. *tiones &*
 Prius quod attinet, si somnambuli sunt in loco tuto, exci- *curatio.*
 tandi sunt, vel clamore, vel aliis modis, aut si ex loco pe-
 riculoso eripi possint, & illud faciendum. Si verò in præ-
 cipitio sint, vel alio loco periculoso, è quo vigilantes si-
 ne periculo redire non possint, nullo modo iuclamadi, vel
 excitandi sunt. Obseruatum enim est, quosdam excitatos
 in vitæ discrimen peruenisse. Ita refert Bodinus, quendam
 dormientem noctu in profluentem iuisse, vltèrius tamen
 non processisse: cùm verò socius metueret, ne vltèrius
 procederet; eumque proprio nomine inclamaret, eum
 tum repente corruisse & submersum esse.

Increpandi etiam & castigandi sunt expergefacti, vt
 metu obiurgationis, vel castigationis à surgendo postea
 absterreantur.

Ne verò iterum in somno surgant & ambulent, humo-
 res illi vitiosi, qui vapores illos spiritus animales ligantes,
 phantasiâque turbantes emittunt, expurgandi. Sanguis
 nimirum, si abundet, euacuandus, humores vitiosi, impri-
 mis melancholici, euacuandi, & alia, quæ supra cap. 8.
 sunt proposita, sunt agenda. Imprimis cerebrum est ro-
 borandum, vt supra part. 1. dictum, & quæ postea de incu-
 bi curatione dicentur, facile huic affectui etiam applicari
 poterunt.

Dieta.

Dieta sit talis, quæ materiam huius mali causam
 non suppeditet. Aër si purus, noctu radij Lunæ vitentur,
 & ne ij ad caput dormientis pertingant caueatur. Cibi
 sint boni succi, non flatulenti; & qui somnia turbulenta
 pariunt, vt fabæ, lentes, & similia. Somnus non statim à
 cibo ineatur. Coena sit parcior, animi affectus sint mode-
 rati, ne imagines diurnarum actionum, vel cogitationum
 vehementiorum in somno recurrant, phantasiâque tur-
 bent.

*Dieta.**Aër.**Cibus.**Somnus.**Animi
affectus.*



CAPVT XX.

De Lethargo.

Lethargus.

Lethargus nomen ἀπὸ τῆς λήθης δῶγῃ, siue ἀπὸ τῆς λήθης καὶ ἀργίης, vel δῶγίης accepit, idest, ab obliuione & inertia, seu obliuione inertī, aut cum ignauia coniuncta, quasi dicas obliuionem inertem; quoniam iis, qui hoc malo laborant, memoria ita læditur, vt nihil eorum, quæ fecerunt, audiuerunt, recordentur, & oculis clausis, ac in somnum perpetuò propensis quasi ignauia sepulti iacent. Celsus & ipse vocabulum Græcum retinuit: cum alij Latini Veternum nominant. Plinius tamen lib. 28. cap. 17. Veternum à Lethargo discernere, & pro sopore graui seu caro accipere videtur. Generaliter enim nonnunquam Lethargi vox, vt & vocabulum comatis & cari, pro omni somno profundo, & difficilis expergefactionis vsurpatur.

Lethargi definitio.

In specie autem & propriè Lethargus & Veternus is affectus est, in quo perpetua adest in somnum propensio, cum omnium rerum obliuione, imaginationes & ratiocinatione læsa, cum læta febre continua. Seu Lethargus est inexpugnabilis dormiendi necessitas, somnusque grauis, cum delirio & memoria læsa, ac lenta febre continua. Hæc enim in hoc affectu concurrunt, perpetua in somnum propensio omnium rerum obliuio, delirium, seu phantasia & ratiocinatio læsa, ac lenta febris continua. Estque Lethargus affectus inter coma vigil & carum mediæ naturæ. Nam qui Lethargo laborant, profundius dormiunt, quam qui coma vigil patiuntur: leuius verò, quam qui caro laborant.

Causæ & locus affectus.

Causæ Verùm vt natura huius affectus clarior euadat, de loco
& pars affecto & causâ eius disquirendum; cùm nec antiquiores, nec recentiores ea de re inter se consentiant. Antiqui omnes causam ponunt pituitam lentam & viscidam
in

in cerebro redundantem & putrescentem ; etsi de loco & modo , quo id fiat, non omnes idem planè sentiant.

Plerique statuunt , frequentissimè cerebrum secundum anfractus suos , nonnunquam , & secundum substantiam temperiemque affici , & à pituita imbibita nunc quidem solum irrigari , nunc etiam instar spongiæ intumescere , & à pituita putredine incensa inflammationem, vel inflammationi simile quid exhiberi. Vnde nonnulli lethargum inter tumores cerebri ponunt , atque ipse Auicenna lethargum apostema phlegmaticum nominat , genitum in meatibus substantiæ cerebri , hoc est, in sinuosis illis ductibus & plicaturis, non in membranis, quæ , vt ipse censet, humorem phlegmaticum & duritiem non recipiunt ; nec in ipsa cerebri substantia , quæ tam viscidam & lentam pituitam non admittat, nec etiam in ventriculis cerebri. Nam si in ventriculis cerebri gigneretur , apoplectici fierent ; cum tamen Lethargici contra, quàm apoplectici, excitati oculos aperiant , audiant , respondeant , quamquam ægrè , quod indicio est ductus spirituum à cerebro ad organa sensuum, non planè vt in apoplexia , obstructos esse. Hinc Capiuaccius & alij recentiores distinguunt inter lethargum verum & nothum : Et verum ab inflammatione , alij ab apostemate frigido fieri statuunt ; Nothum verò absque apostemate in capite , sed per consensum aliarum partium, vt in febre quotidiana, hemitritæo, vel à membro aliquo : qui propterea sit continuus , sed modo intendatur, modò remittatur , secundum morbi modum. Et huiusmodi lethargo sæpe laborare putant senes decrepitos , & quidem ob calorem debilem , quo neque excrementa, neque vapores discutiuntur. Aliis tamen Galeni & Auicennæ interpretibus hæc non placent , qui in cerebri substantia & anfractibus sine vlllo tumore & inflammatione pituitam colligi & putrescere censent. Et licet Auicenna apostema Phlegmaticum lethargum nominet , id tamen non de tumore cerebri accipiendum esse putant interpretes , sed de materiæ pituitosæ in cerebri anfractibus collectione, quam putredo & phlogosis quædam sequatur. Neque enim inflammationis cerebri adesse

indicia, neque in Galeni scriptis occurrere putant, lethargum tumorem, multò minus inflammationem appellari, ut ex 1. *prophet. comm.* 1. 13. *m. m. cap.* 21. 3. *aphor.* 30. 3. *de caus. puls. cap.* 16. 4. *de præfag. ex puls. cap.* 8. & plurimis aliis locis patet, in quibus quidam pituitam in cerebro putrescentem causam Lethargi ponit, tumoris tamen, vel inflammationis non meminit. Quod verò 13. *de method. med.* c. 21. Lethargum phrenitidi contrarium malum esse dicit: id de loco affecto in primis & causa, quæ in lethargo est pituita, in phrenitide bilis, accipiendum existimant: unde 4. *de causis puls.* c. 14. scribit; lethargus in cerebro fit, phrenitis in membranis.

Porro cum febris, quæ in lethargo adest, lenta & obscura, eam à cerebri inflammatione, vel affectione inflammationi cognata deducunt, quæ ortum habeat à materia per se frigida, calida tamen per accidens ob putredinem.

Pituitam enim putrescentem in cerebro vapores ad committere paucos, & non impensè calidos: atque hic oriri febrem illam lentam censent; reliquum, quod non putruerit, refrigerando & humectando soporem inducere. Et sic carum & lethargum utrumque quidem à pituita oriri statuunt, eo tamen discrimine quod in caro pituita non putrescat, in lethargo verò putredinem concipiat.

Atq; ita pleriq; Medici causam proximam & coniunctam lethargi statuunt esse humorem pituitosum, frigiditate quidem & humiditate calorem cerebri naturalem obtundente, & spiritus animales torpidos reddente, sed calore etiam p. n. per putredinem contracto cerebrum nonnihil accedente, & φλόγῳ atque affectum inflammationi similem, & hinc febrem lentam continuam excitante.

Hinc antecedentes causas ponunt, quæcunque pituitam in capite gignunt & cumulant, quales sunt aeris immoderata frigiditas, humiditasque, cibi viscosi & lentis quò in primis facit Diæta & ventriculus, quæ succum pituitosum generant, siue suo, siue alimentorum assumptorum vitio. Non tamen lethargus generabitur, nisi materia prius

prius capiti communicetur, illudque occupet, quod fit, vel quod hepar succi huius copia aggrauatum eum ad cerebrum mittit, vel quod cerebrum ob calorem & dolorem eum attrahit, quod facit somnus multus à repletionem & supinus, præsertim diurnus. Hinc etiam lethargum familiarem esse ætati ingrauescenti, & consistenti, & iis qui natura sunt pituitosi statuunt, ita tamen ut calor aliquis supersit, qui febrem accendere possit.

Primitiuas faciunt aërem crassum, turbidum, austri-
num, moram in radiis Lunæ, cibos crassos & viscidos, ut
& coepas, quæ unam partem habent crassam, à qua ge-
neratur pituita, alteram vaporosam, quæ caput vaporibus
replet; otium, intermissa exercitia, & alia, quæ supra
part. 1. c. 10. proposuimus & pituitam in capite cumulate
diximus. Et ut lethargus actu inducatur, præstant, quæ fa-
ciunt ut materia transpiratione prohibita in capite putre-
dinem concipiat, qualia sunt cibi multos vapores ad ca-
put exhalantes, vini potentis usus nimius & similia. Atque
hæc communis & vulgata de natura & generatione le-
thargi doctrina est.

Inter Recentiores verò Platerus aliter hac de re sentit,
negatque ex putredine pituitæ præsertim, in capite febrem
accendi, aut fieri posse, ut idem pituitosus humor putri-
dus sua frigiditate carum, & calore febrem accendere, at-
que unum idemque & frigidum & calidum esse queat; cum
contraria in eodem subiecto consistere non possint. Ipse
verò ita hac de re statuit, ut in febribus intermittentibus,
ex materia in venis mesaraicis putrescente calore at-
tenuata, & copiosè sursum ad caput in paroxysmi initio de-
lata, sopor grauis in tertianis & quartanis nonnullis acci-
dit, & ut in febribus continuis cerebrum dolore præce-
dente diuturno & graui incalefactum, in vigore, vel post
ipsum caro subsequente, perculsum ægrum in summum
sæpe discrimen adducit: ita in principijs continuarum fe-
brium, si propter nimiam euaporationem in cerebrum
ita labefactetur, ut sopor grauis sequatur, lethargum hunc
esse dicit, qui cum febre continua copulatus sit, & mox
cum illa inuadit, quemque ab alio caro, qui in declina-

tione febrium accidit, non adeo differre censet, nisi quod statim cum febre incipit. Et omnino hac in re Platerum rectius quam Antiquos (nisi forsan eorum sententia commodius explicetur) sensisse existimo, atque impossibile esse credo, ut ex eadem pituita putrescente in cerebro & febris & sopor excitetur. Etenim nec humor hic per se ad putredinem præcipuè in capite concipiendam aptus est, neque si eam concipiat, tantam concipere potest, quæ in totum corpus calorem diffundere, & cor ita labefactare potest, ut inde febris continua excitetur, præcipuè si extra cerebrum subsistat, & extra vasa eiusdem in sinuosis anfractibus putrescere debeat.

Hoc verò magis consentaneum videtur, soporem illum grauem non esse primarium affectum, sed à vapore narcotico fieri, & esse symptoma febris talis, quas Platerus comitatus appellat, continuæ nimirum lentæ, qualis est quotidiana continua. Tertianæ nothæ, & semitertianæ. Quod ipsum præter Platerum alij etiam Medici qui pituitam scilicet præcipuam huius mali causam statuunt, confitentur. Vnde Vidus Vidius scribit lethargum frequenter consequi febres pituitosas, ac mali moris, cuiusmodi sunt semitertianæ, vel tertianæ, nothæ & pestilentes. Etenim sopor ille grauis, qui lethargus non est, in variis febribus accidere potest; cum lethargus saltem lentam febrem coniunctam habeat, quod indicio est, eum saltem cum febre pituitosa coniungi. Ideoque etsi vapor narcotico in excitando lethargo primas partes tribuimus, & à pituita in capite putrescente febrem non deducimus, sed febrem primariam affectum esse statuimus, quem lethargus comitatur: tamen pituitam non planè excludimus, eamque siue in toto, siue in capite collecta sit, ad malum hoc etiam facere concedimus. Etenim si pituita in copia in capite collecta sit, & cerebrum aliàs sit humidius, atque homo in febrem incidat, & pituita illa in cerebro calore febrili liquetur & fundatur, cerebrumque ea irrigetur. Aut si pituita in venis calore fusa per febrem in caput pellatur, eo facilius somnus & quidem grauior induci potest, vaporque narcoticus cum pituita concurrens somnum grauem facit,

facit, sicut cum bile coma vigil. Et adfunt in hoc malo indicia, quæ pituitæ copiam non solum in cerebro, sed & venis cumulatae arguunt. Vrinam enim reddunt ægri instar iumentorum turbidam, cuius causa est crudorum humorum in venis à calore facta agitatio; alui excrementa sunt liquida; oculi plerumque & facies tument; vbi à somno excitati ad se reuertuntur ægri, conqueruntur de colli doloribus, ex humoris decubitu ad spinæ vertebrae. Si quis tamen lethargum etiam dari putat, qui à febre primaria non dependeat, sed quem potius febris sequatur, cum eo etiam non pugnabo, modo commodè ea sententia explicetur. A pituitæ equidem solius putredine affectum talem, qui febrem habeat comitem, produci facile non posse, satis probabile est; verum si è sanguine pituitoso id fieri dicatur, absurdum non videtur. Galenus, 13. meth. cap. 21. lethargum malum phrenitidi contrarium secundum speciem esse affirmat; At phrenitis cum sit inflammatio membranarum cerebri, non à sola bile, sed à sanguine bilioso ortum habet. Ita verò consentaneum videtur lethargum non à sola pituita, sed à sanguine pituitoso, seu ab inflammatione pituitosa fieri quæ febrem lentam etiam excitare potest. Quæ sententia, vt antea dictum Capiuaccij fuit: quam sine causa sufficiente nonnulli reiciunt. Neque enim quod Platerus vrget, sola pituita sine sanguine in cerebro putrescere, & tantum calorem concipere potest, vt febrem excitet. Et res ipsa loquitur, atque experientia testatur, inflammationem in lethargo adesse, & sæpe tantam, vt etiam sphacelus cerebri inde producat; cuius rei exemplum est apud Forestum, lib. 10. obseru. 11. in nobili puero; cuius caput cum post mortem apertum fuisset, cerebrum & cerebellum in parte dextra vergens ad posteriorem omnino saniosum, putridum, corruptum & sanguinolentum inuentum est; quod indicio fuit, sine sanguine hanc putredinem excitatam non fuisse. E quibus antiquorum & Plateri sententia forsan aliquo modo conciliari potest. Si cum Capiuaccio dicatur, lethargum alium verum esse, alium nothum, aut esse duos lethargi modos. Verum, seu priorem prouenire

ab inflammatione cerebri pituitosa : nothum seu alterum, vel à vaporibus prodeuntibus in febre pituitosa primaria, vel à pituita copiosa in cerebro collecta, ibique à calore fusa & liquata.

Signa Diagnostica.

Qui lethargo laborant, omnium obliuiscuntur, delirant, cum perpetua in somnum propensione, & excitati rursus feruntur in somnum, interrogatique vix respondent, oculosque quos excitati aperiunt, statim iterum claudunt: in affectu tamen grauiore non ita arctè committuntur palpebræ vt non aliqua albi oculi pars videatur. Vbi reuerſi ad se fuerunt, conqueruntur de capitis dolore grauante & de colli doloribus, ex humorum decubitu ad spinæ vertebraſ, oſcitant, oſque hians aliquandiu ob ignauiam & obliuionem apertum ſeruant, matula porrecta eam ſe in manibus habere obliuiscuntur. Febris lenta ſtatim adest, cuius calor non acris nec mordax eſt, eaque continua, habens tamen acceſſiones quotidie ſub noctem. Pulsus magni ſunt, aucti neceſſitate ob febrem; non tamen abſolute magni, nec reſpectu ſanitatſ, ſed reſpectu reſpirationis, quæ cum ſit parua, neceſſitatiſque ſufficere non poſſit, eiſ vice pulſum magnum fieri neceſſe eſt. In lethargo enim inſtrumeta reſpirationis, nerui ſcilicet thoracis, magis afficiuntur, quam pulſus, arteriæ ſcilicet. Idem tamen ſunt intermittentes, ob fractam facultatem rari & tardi; quia locus affectus, nempe cerebrum, longius à corde diſtat, molles, quod cerebrum viſcus molle eſt. Reſpiratio rara eſt & imbecilla, ob motricem facultatem languentem. Non nihil tuſſiunt, ob pituitæ deſluxû ad laryngem & pulmones. Alui excrementa plerumque liquida ſunt, vrinam reddunt, vt iumenta, turbidam, cuius cauſſa eſt crudorum humorum in venis à calore facta agitatio, ſine tamen ſeparatione. Tument oculi & facies, vt ſomnolentorum; ſudor multus & præſertim in extremitatibus adest, iſque ſerè frigidus: lingua eſt alba & mollis, oculi prominentes, faciesque vniuerſa eſt tumida & pallida: manibus & capite tremunt ob neruorum principium affectum; ſupini iacent,

ad pedes delabuntur, in multis singultus accidit.

Quibus signis lethargum à cognatis affectibus discernere nō ita difficile est. A caro enim differt quod in caro non adest febris, vel si adest præcessit, eaque vehemētior. A catalepsi differt quod in lethargo oculi manent clausi, in catalepsi aperti, ægerque in eo quo correptus fuit, statu permanet, quasi obriguisset. Ab apoplexia differt, quod in hac sensus & motus ac ratio, principesque cæteræ facultates non solum imminuuntur, & hebetantur, sed & abolentur, respiratione solum seruata, & apoplexia non sensim gignitur, vt lethargus, sed subito hominem inuadit, & quidem sine febre. Ab vteri strangulatu differt, quod Lethargici excitati respondent, hysterica verò mulieres non, & præter hæc sæpè conuelluntur febrisque adest. A comate, quod coma in accessione præcipue febrium inuadit, iisdemque declinantibus remittit vel euanescit: Somnus verò, quo lethargici opprimuntur æque profundus semper est, à quo vbi violenter excitantur, statim in eum relabuntur. A Typhomania aut comate vigili differt, quod in hac propensio quidem in somnum adest, æger tamen non dormit, sed faciliè expergiscitur, id quod in lethargo verò non accidit.

*Lethargi
à cognatis
affectibus
differentia.*

Prognostica.

1. Lethargus acutum genus mali est, & nisi succurratur, celeriter iugulat. Celsus lib. 3. cap. 21. omnisque lethargus legitimus fere letalis; vnde malum periculosius esse, quam peripneumoniam, etsi & ea plerumque sit letalis, testatur Galenus 4. de caus. puls. cap. 13. ob partis affectæ præstatiā. Occupat enim lethargus partem præstantissimam & grauissima habet symptomata, nihilque quod ad morbum periculosum constituendum facit, lethargo deest.

2. Lethargici in 7. diebus moriuntur; si verò hos effugiunt, sani euadunt, teste Hippocrat. 2. de morbis.

3. Lethargus accidens iuuenibus æstiuo tempore regionibus calidis & siccis deterior esse statuitur, quam qui accidit senibus, hyemali tempore & regionibus frigidis, ex 2. aphor. 34. Platerus tamen senes plerumque interficere scribit; quod & ipsa experientia & ratio persuadet. Si-

ne enim febrem illam ex sententia Plateri spectes, siue inflammationem pituitosam ex Capiuaccio, vtroque senes ob caloris natiui debilitatem, qui neutrum malum vincere potest periclitantur.

4. Sanantur autem ægri, si facultas naturalis & vitalis constat, & actiones animales non valde læduntur. Si nimirum lethargicus iam melius intelligit facilius mouetur, memorari incipit, ad interrogata respondet, spiratio fit facilior & liberior, parotides erumpunt die critico, multa exspuit, per nâres purgatur, & symptomata omnia minuuntur, spes est ægrum conualiturum.

5. Quando materia lethargi causa, euacuatur per aluum, vel deriuatur ad emunctoria post aures, cum febris & symptomatum remissione, bonum.

6. Contra verò si symptomata statim ab initio sint graui, ac vires prosterantur, nulla salutis spes est.

7. Qui ex lethargo seruantur, Empyici fiunt, teste Hippocrat. in Coac. prædict. & in tertio de morbis. Pituita enim à capite ad fauces decumbens, si non exspuatur, confluit ad pulmones, à quibus compressis in cauum thoracis spatium eiicitur, ibique putrescens suppuratur, vt à plerisque hoc prognosticum explicatur. Monet tamen non sine causa, Mercurialis, alienum esse à ratione hoc prognosticum de empyicis in specie dictis interpretari velle; cum non sit possibile, vt materia, quæ in cerebro lethargum facit, in pectus transmittatur, ac ibi in pus vertatur. Ipse verò per suppuratos hoc loco eos intelligit, quibus materia putrefacta per aures vel nâres euacuatur. Et verum est Hippocratem *ἐμπύκνους* sæpè nominare consueuisse non eas tantum quæ fiunt circum thoracem, sed etiam in alia quauis corporis parte in pus mutationes, vt Galenus 5. aphor. 8. & 7. aphor. 44. docet.

Nota.

8. Si lethargici vrinas claras & tenues reddant, malum.

9. Si lethargicus multa & liquida egerat per aluum, valde exigua vitæ spes est, teste Hippocrat. 3. de morbis. Nam indicium est prostratæ & ferè extinctæ virtutis re-tentricis.

10. Quando symptomata, quæ lethargo coniunguntur, inua

inualescunt, & sudor frigidus, præsertim in capite, auge-
tur, lethale est, virtute iam magis & magis debilitata, te-
ste Auicenna.

11. Tremor in lethargo malum statuitur, vel quia mate-
ria flatulenta resoluta cerebri nervos concutit, vel quia
tanta materiæ copia significatur; vt & dorsalis medulla ab
ea occupetur. Si tamen materia è cerebro expellatur ad
nervos & inde æger melius habeat, bonum; habetque se-
res, vt in paralyfi post apoplexiam.

12. Fit nonnumquam, vt lethargus in sphacelum parte
aliqua cerebri desinat, quando sanguis pituitosus putres-
cens abscessum gignit. Adest tum dolor capitis vehemens,
febris intenditur, tremores vniuersi corporis accidunt, &
alterius lateris paralyfis, si totum cerebrum non sit occu-
patum. Cuius rei exempla sunt apud Amatam Lusitanam,
Dodonæum, Forestum.

13. Lethargum Phrenitis sanat, concocta morbi mate-
ria: & contra non vtiliter Phrenitis in lethargum vertitur
cerebri naturali calore extincto. Galen. 6. Epid. comment.
6. aphor. ultim.

Indicationes.

Ex iis quæ de natura & causis lethargi dicta sunt, pa- *Indica-*
tet curam partim ad febrem, siue ea sit continua, quotidiana *tiones.*
na, siue semitertiana, siue tertiana notha, & malignita-
tem si quæ adsit, partim ad caput dirigendam esse. Qua
ratione febres illæ sint curandæ, suo loco dictum.

Habita igitur febris & totius ratione, eoque quantum
opus euacuato, materia ad caput affluens & reuellatur &
repellatur, æger à somno excitetur, materia quæ ad ca-
put affluxit euacuetur & discutiatur, caputque tandem ro-
boretur.

Curatio.

Primo ergo danda opera, ne materia in toto corpore *Curatio.*
redundans ad caput feratur, verum potius ad partes cæ-
teras reuellatur, & quod commodissimum est è corpore
euacuetur. Et in reuulsoriis auxiliis diutius & ferè semper
persistendum.

*Vena se-
ctio.*

Ergo Clystere præmissio sanguis euacuetur è vena cephalica, nisi id vires prohibeant; & quidem maturè instituaturs venæ sectio, cum morbus sit acutus, præcipuè si malignitas adsit, venæ sectio non diu differatur.

*Cucurbitularum
cum &
sine scarificatione
applicatio.*

Vbi pituitosus humor; quod plerumque fieri solet, simul abundat, & frigidiorè tempore morbus inuadit, parcius sanguis ad 3. iv. vel iij. euacuandus. Nonnulli quidem plane dissuadent venæ sectionem, sed cum febris coniuncta sit & procul dubio humor vitiosus per venas diffusus ad caput affluat; non solum à capite reuellitur venæ sectione sanguis, sed & natura parte oneris leuata reliquum facilius concoquet. Post cephalicam nonnulli venam frontis aperiunt. Potest & hic vena in pedibus aperi-ri. Si verò venam secare non liceat, cucurbitulæ scarificatæ vtilis sunt, quæ dorso & humeris primum, hinc versus occiput admoueantur. Vtiles tamen etiam sunt cucurbitulæ non scarificatæ, quæ tractu suo non solum materiam à capite reuellunt, sed & facultatem animalem sopitam excitant. Cum commodo etiam hirudines hæmorrhoidibus affiguntur, quod remedij genus ab imminente lethargo præseruare, & iam lethargo correptos ab eo liberasse, obseruatum est, præsertim si malum ab hæmorrhoidum suppressione ortum habeat; Eodem fine instituantur ligaturæ fortes, frictiones pedum cum sale & aceto, manibus inunctis ol. rutaceo & castoreo. Si vniuersi corporis euacuatio præcesserit, cucurbitulæ inter primam & secundam vertebam ceruicis applicari possunt.

*Hirudinum
admotio.*

*Ligaturæ
frictiones.*

*Suppositoriorum
& Ene-
matum
usus.*

Repetantur & Glandes & Clysteres.

Vt ʒ. Parietar. Mercurial. saluæ, maioranæ, betonic. centaur. minor. an. M. j. Agaric. in petia ligati 3. iij. coq. in hydromelit. f. q.

Colat. ʒ. lb. j. Elect. Hier. simpl. ind. an. 3. ss. ol. lilior. albor. rutac. an. 3. j. Mell. rosar. vel anthos. 3. vj. Sal. 3. j. fiat Clyster.

Post venæ sectionem sæpè statim ad medicamenta purgantia transeundum; & præcipuè si humor ad caput ruens turgentis naturam præ se ferat, atque graue periculum immineat, si coctio & præparatio humorum expectetur.

Ideo

Ideoque attenuatis crassis humoribus, quantum temporis angustia concedit, purgantia exhibeantur. Cathartica autem medicamenta, in principio mitiora sint ob febrem continuam coniunctam. Commodum est hic Infus. Agar. cum hydromelite, cui aliquid Rhabbarbari addi potest cum bilis plerumque humorum ad caput vehiculum sit, aut Pilul. de Hiera cum Agarico.

De purgantibus autem hoc modo monendum, quandoque solis pituitam purgantibus vtendum esse, quandoque bilem purgantia admiscenda, prout pituita, vel bilis admiscetur. Si Lethargus est in principio, cum materia adhuc ad caput confluat, & eius vehiculum sit humor biliosus, non solum pituitam purgantibus tunc vtendum est, verum etiam de bilem purgantibus aliquid admiscendum, Rhabarb. scilicet & Scammonium. In morbi progressu verò & cum materia iam ad caput fluxit, & in eo hæret, solis pituitam purgantibus vtendum; nisi forsan febris etiam nota sit, & ex misto humore ortum habeat,

Si tamen febris sit remissior, & materia in capite valde vrgeat, etiam fortiora exhibeantur. Possunt & clysteres acriores sæpius repeti.

Non incommodum fuerit & vomitoriis vti, si materia pituitosa in ventriculo contineatur.

Interim dum hæc peraguntur, & quidem mox post venæ sectionem, repellentia medicamenta capiti ad futuram coronalem applicentur, quæ supra *part. 1. cap. 5. & seqq.* propo-
Vomitibus pronocatio.
Repellentium usus.

Mitiora tamen illa vsurpentur, vbi frigidus humor & pituitosus admixtus est.

Neque à reuellentibus interea desistendum, sed clysteres acres, ligaturæ & frictiones continuandæ. Post secundum, vel tertium diem repellentibus discutientium aliquid addendum, vt ol. chamæmel. rosac. flor. stoechad. Arabic. origani, pulægij, calaminthæ, castorei.

Vel ℥. Ol. rosac. ʒ. iv. Aceti fl. tunic. ʒ. β. castorei ʒ. ij. M. Alij cinerem capillorum humanorum admiscent, quem Lethargi antipharicum vocant. Vel applicetur hoc Epithema.

℥. Fol. maioran. fl. lauendul. an. p. iij. rosarum rubr. M. j. rad. angelic. tormentill. an. 3. j. B. ostrutij, zedoar. dictamn. an. 3. j. Aceti vini opt. 3. ij. Aq. q. s. Coqu. ad tertias, Colentur; in colatura stuppa madesiat, capitique imponatur.

Soni inhibito.

Danda quoque opera, ut æger è somno excitetur. Excitatur autem iisdem ligaturis & frictionibus, quæ ad reuellendum adhibentur, cum dolorificæ sint, ut & pilorum vellicatione, vociferatione & strepitu, ac aliis, quibus fieri potest, modis. Imprimis verò tactus obiecta vehementia & dolorifica hic plurimum possunt. Ideoque frequenter cucurbitulæ magnæ sine scarificatione variis corporis partibus applicandæ, plantæ pedum fricandæ, & alia obiecta, & quæ ægrum ad vigilandum excitare possunt, ipsi obicienda.

Exemplum elegans Lethargici excitati ex Horatio supra cap. 2. recensuimus. Facit ad eam rem etiam inunctio palati cum oxymelite s. & Scillit. sinapi, pyrethr. Mithridatio, & similibus.

Suffitus an cõueniant.

Suffitus, quibus nonnulli ad excitandum vtuntur, satis commodi hic non sunt; cum cerebrum valde repleant. Rectius ex pulegio, ruta, serpillio, hyssopo, origano in aceto coctis, addita particula castorei, vapores calidi naribus ægri excipiuntur, de quibus supra cap. 2. dictum.

Vel ℥. Sem. nigell. 3. j. rad. angelic. zedoar. an. 3. ij. Castor. 3. j. baccar. tauri 3. B. camphor. ʒ. vij. Contund. & misc. Fiat Nodulus ex Synd. rubr.

Potest & sequens balsamum naribus inungi:

℥. Bals. angelic. maioran. rutæ an. 3. B. extr. Theriac. 3. j. ol. lauend. destillari, galban. an. gutt. v. M. Vel acetum destillatum acre infundatur laminæ ferreæ candenti, & fumus naribus accipiatur.

Materia morbifica præparatio.

Si Morbus det inducias, materia præparetur medicamentis ex Betonica, Saluia, Capill. ʒ. i. j. Mar. Roremar. foeniculo, pulegio. Medicamentisque hic semper particula castorei admiscenda, utpote cuius usus in Lethargi curatione ferè omnibus aliis medicamentis præferatur,

tur, & quo vnico vt Trall. lib.I. cap.14. docet, plurimi verno correpti pristinae sanitati restituti sunt. Exempli gratia.

\mathcal{R} . Rad. fenic. \mathfrak{z} .j. pæon. \mathfrak{z} .ß. beton. rorismar. an. M.j. saluie M.ß. Coq.in aq.f.

Colaturæ \mathcal{R} . \mathfrak{z} .ix. oxymel. f. \mathfrak{z} .ij. mell. rosat. col. \mathfrak{z} .j. M. pro 3. dosibus.

Vel \mathcal{R} . Oxymel. \mathfrak{z} .ij. castor. \mathfrak{z} .ß. M. Est & efficax hic oxymel. scillitic. quo æger singulis diebus cum syrup. de betonic. & simil. vtatur. Si febris sit valida, à syrup. de stoechade abstinendum. Vrilis est & \ominus , ac \ominus is cum aquis & syrupis Cephalicis exhibitus; cum humores crassos attenhuet, & incidat & euaporationem ad caput prohibeat.

Vel \mathcal{R} . Lign. sassafras, rad. Pæon. an. \mathfrak{z} .j. acori veri \mathfrak{z} .ß. saluie, beton. maioran. satureiæ, an. M.j. fl. stœchad. Arab. rorismar. an. M.ß. sem. sesel. \mathfrak{z} .ij. Coq.in hydromel. \mathfrak{t} .ij. in vase clauso. Colaturæ clarificatæ adde oxymell. scillit. mell. rosati colat. an. \mathfrak{z} .j.ß. & aromatizetur nuc. mosch. \mathfrak{z} .ß. pro tribus, vel 4. dosibus.

Postea purgantia fortiora vsurpentur. Vtendum ergo ad pituitam purgandam, agarico, semine carthami, mechoacanna, turbith, electuar. indo maior. Episcopi, Diaphænico, benedicta laxatiua, trochiscis Alhandal. Alexander Trallianus scammon. \mathfrak{d} .j. cum castor. \mathfrak{d} .ij. in oxymelit. exhibet, quo deploratos multos se restituisse testatur. Verum etsi, vt Oribasius ex Ruffo Ephesio refert, nullum aliud sit lethargo correptis æque vtile, ac efficax medicamentum ad purgandam pituitā, quam bilis admista in caput detulit, quam Scammoneum cum castoreo exhibitum: tamen cautè hic in dosi agendum, præsertim in febre continua, quæ hoc malū comitatur. Neque tamen & in purgando cunctabundus nimis, aut timidus sit Medicus, cùm materia ad caput ruens valdè vrgeat, & consultius sit, eam euacuare, dum in motu est, quam dum in capite firmata est, & sedē ibi fixit. Et omninò periculum in hoc morbo aliquid periclitari permittit, & vt Serenus habet: *Medici hæc potiora putant, quā dulci morte perire.* Etsi accadat, vt lethargus per crisin eueniat,

Pituita
purgatio.

Nota.

niat, humoribus, qui morbum produxerunt, ad caput ruentibus, & feбри, quæ adfuit, iam facta sit remissior, tum totius & febris non magnam habere rationem oportet, sed necessarium est caput respicere, & materiam, quæ ad id fluxit, & in eo hæret, præparare & euacuare, sicut supra part. i. cap. 10. dictum.

Vt ℥. Turbith. elect. ʒ. iv. Agaric. alb. ʒ. ij. zinzib. ʒ. ij. sem. fenic. ʒ. j. fol. beton. salu. an. p. ij. Castor. ʒ. vj. Infundantur in f. q. Hydromel.

Colat. ℥. ʒ. iii. mell. ros. solutiu. ʒ. ʒ. M. Si vires ferant, adde Electuar. Ind. ʒ. j.

Vel ℥. Pilul. de Agaric. Cochiar. an. ʒ. ʒ. Castor. ʒ. iii. Extract. Panchymagog. vel Mechoacan. ʒ. vj. Fiant Pilulæ xx.

Enemati
applica-
tio.

Clysteres acriores repetendos esse, antea etiam diximus.

℥. Hyssop. Calaminth. Orian. fl. stæch. Arabic. Hyssop. Centaur. minor. an. M. j. Pulu. colocynth. in petia ligatæ, ʒ. j. ʒ. Agar. in petia ligati ʒ. ij. sem. cartham. ʒ. j. fenic. cumin. an. ʒ. ij.

Colaturæ ℥. ʒ. j. adde Hier. simpl. Elect. Indi, an. ʒ. ʒ. olei rutac. ʒ. ij. F. Clyster.

Supposi-
toriorum
applica-
tio.

Quod si Clysteres, vel non retineantur, vel nimis retineantur, atque ita parum profint, glandes acriores immitte & toties repetendæ, donec aluus egeratur.

Vt ℥. Sp. Hier. picræ Galen. ʒ. ij. Pulp. Colocynth. Agar. alb. an. ʒ. ʒ. diagryd. ʒ. j. sal gemm. ʒ. ij. Mellis q. s. Coquatur mel ad iustam consistentiam, & species inspergantur, ac fiant Glandes.

Materia
morbifica
per urinā
euacua-
tio.

Neque omittenda, vbi vniuersales corporis euacuationes præcesserint, humorum per vrinas euacuatio ex decocto rad. petrosel. fenic. asparag. gramin. asari, quæ vna opera & humores crassos attenuare, & ad vias urinæ deducere possunt.

Atque hoc modo Antiqui tam præparantia, quam purgantia satis fortia & calida vsurpabant, vt febris cum Lethargo coniunctæ nullam ferè rationem hæuissè videantur. Idque ex eo fundamento, quod putant febrem esse saltem symptomaticam, & sequi putredinem pituitæ in cerebro, qua sublata febris cesset. Verùm cum, vt antea dictum, si rem diligenter perpendamus, febris non solum sit

fit symptomatica ; sed ex materia febrili vapores Narcotici in caput ascendant , & calor pituitam in capite fundat, vel ex vniuerso corpore pituita in caput ruat, febris planè non negligenda est , & prout est intensio , vel remissior , medicamenta moderanda , ac calida illa medicamenta , quæ alias caro competunt, in Lethargo ob febrem ita temperada, ne periculum, quod alias à Lethargo imminet, aucta febre per calidiora medicamenta duplicetur. Et potest caliditas medicamentorum temperari oxymelite , quod alias commodissimè admiscetur. Et si omninò ob reuulsionem materiæ purgantia , eaque fortiora, requirantur , nec tamen febris ea admittat, clysterum vsus repetitus , vt dictum , commodissimus est.

Nonnunquam sudore lethargus, seu potius febris lethargi causa finitur , eaque sublata etiam Lethargus cessat ; *Sudoris pronocatio.* quod ipsum indicio est , febrem esse morbum primarium: quò si naturam vergere animaduertamus, sudor arte & medicamentis promouendus.

Vniuersali curatione peracta , caput euacuandum tam sensibiliter, quam insensibiliter. Sensibiliter per nares, palatum, errhinis, ptarmicis , inunctionibus palati. Insensibiliter embrochis & fomentis, inunctionibus, & aliis supra *part. 1. cap. 10. propositis.*

Sternutatoria etiam ex helleboro albo & nigella parari possunt. In primis puluis rad. lilij conuall. naribus insufflatus tanquam appropriatum hic remedium commendatur. Apophlegmatismis, vt & Masticatoriis, ob illam in somnum propensionem ægri non faciliè vtuntur. Vbi tamen sese recolligere incipit æger , non negligenda.

Formulæ horum remediorum petantur ex allegato *cap. 10. part. 1.* Imprimis v. vt antea etiam dictum , castoreum in hoc malo magnæ efficacix est, & reliquis omnibus præfertur, quod non solum vim habeat pituitam incidendi, sed & quia caput non valdè repleat ac turbet. Ideoque errhinis & apophlegmatismis admiscendum.

De Sternutatoriis hoc monendum , si affectus perseueret, & æger difficulter excitetur , eorum vsum commodissimum

diffimum esse, non tamen continuò in eo persistendum, ne caput repleant, ac humores nimis fundant ac moueant. Multò magis ab initio morbi ab intempestiuo sternutamentorum vsu abstinendum; cum magis ab iis tum materia fundatur, partibus impingatur, vnde morbus fit contumax, vel interdum in apoplexiam degenerat.

Diapho-
reticorū
vsus.

Tandem insensibiliter resoluentia applicanda, & à mitioribus ad fortiora progrediendum, quæ etiam ex cap. 10. part. I. petantur.

Vel coquatur castorium in succo rutæ & aceto ac oleo, atque eo occiput fricetur: nonnulli capillos hominis vstos addunt:

Vt ℥. castorei ʒ. β. capill. homin. vstor. ʒ. j. aceti, succi rutæ, an. q. s. Misc. caputque irroretur & fricetur. Aut hoc decocto caput illinatur:

℥. Beton. saluie, rorismar. flor. stæchad. Arab. spicæ nostrat. an. ʒ. ij. Castor. ʒ. iiij. baccar. lauri, iuniperi, an. ʒ. β. sem. pæon. rutæ, fenic. an. ʒ. j. pyrethri ʒ. iiij. Coqu. in vase duplici, vel loco calido digerantur, Colaturaque expressa caput illinatur.

Vel ℥. Baccar. lauri, iuniperi, an. ʒ. j. β. rad. angelic. zedoar. Imperator. an. ʒ. j. herb. rorismar. saluie, betonic. an. M. j. rutæ, satureiæ, maioran. flor. lauend. an. M. β. Incisa bulliant in f. q. aceti, in quo decocto spongia aut linteam in eo madefactum calidè capiti imponatur. A fomentatione hac capiti absterfo sequens adhibeatur linimentum.

℥. Ol. rutæ, maioran. an. ʒ. ij. satureiæ ʒ. j. succini ʒ. β. rorismar. zedoar. an. gutt. vij. Misc. Rondeletius hoc vtitur linimento, quod capiti raso applicat.

℥. Castor. rec. ʒ. ij. ciner. capill. propr. ʒ. ij. dissolu. cum oxyrhodino, & redigantur ad formam vnguenti.

Vesicato-
riorum &
sinapif-
morū ap-
plicatio.

Quod si mitiora non sufficiant, ad vesicatoria ac sinapismos, ex sinapi, pyrethro, columbarum stercore, nigella, euphorbio, castoreo, &c. adscendendum, vt & alia medicamenta, quibus materia ex alto attrahitur, quæ scapulis, humeris, post aures, aut derafo capite vertici & futuræ coronali imponantur.

Vt: ℥. Pulu. cantharid. ℥. j. euphorb. ℥. ℞. piper. ʒ. vj. fermenti ʒ. ℞. F. Vesicatorium.

In mollioribus vesicatoria ex puluere & semine flammulæ Iouis parantur, quibus octaua pars pulueris cantharidum addi potest. Quod tamen dictum est, vesicatoria locis capiti vicinis, vel ipsi capiti applicanda esse, id de morbi progressu, & cum materia iam capiti impacta est, ac in eo quiescit, & cum deriuationis atque euacuationis gratia applicantur, accipiendum est. Alias verò, vt hoc superioribus addamus, etiâ reuulsionis gratia in principio morbi vesicatoria vsurpari possunt; sed loco remotiori tum applicanda, cruribus scilicet vel brachiis.

Nonnulli, cum morbi vis maxima est, etiam Cauteria actualia occipiti inter primam & secundam vertebam applicant.

Tandem caput roborandum medicamentis supra part. i. *Capitis roboratio.*
cap. 14. propositis, vt:

℥. Conseru. beton. anthos; saluie, an. ʒ. j. lauendul. ʒ. ℞. calam. aromat. condit. ʒ. ij. nucis moschat. cond. ʒ. j. sp. arom. rosat. diamb. an. ʒ. ℞. mithridatij ℥. ij. cum syrupo stœchad. simpl. F. Electuarium.

Vel ℥. Conseru. flor. anthos, primul. veris, an. ʒ. ℞. ros. incarn. ʒ. iij. spec. arom. rosat. ʒ. j. letif. Gall. ʒ. ℞. Cum syrupo de stœchad. & modico acetos. citri. F. Electuarium.

℥. Aq. salu. lauend. an. ʒ. j. ℞. extr. angelic. zedoar. an. ʒ. v. essent. castor. gutt. iij. manus Christi c. ol. succini ʒ. iij. aq. iheriacal. ʒ. j. M.

Nonnulli seq. liquoris cochl. vnum atque alterum sæpius exhibent id repetendo:

℥. Extract. gran. iuniperi ʒ. j. angelic. zedoar. an. ʒ. j. iheriac. antiq. ℥. ij. syrup. de scord. acetos. citri, an. ʒ. v. aq. rutæ ʒ. vj. vel q. v. cinnamomi ʒ. iij. spir. ☉. gutt. ix. Misce.

In quibus tamen omnibus simul ad febrem respiciendum, & quid illa admittat, perpendendum.

In primis castorei vsus continuetur, si malum protrahatur, & manè per aliquot dies eius ʒ. iij. vel iv. cum oxym. simpl. vel scillit. aut syr. de stœch. exhibeantur. Testaturque Trallian. vt etiam antea dictum, multos isto morbo victos,

hoc solo remedio mortem euasisse. Chymici plurima quidem commendant, veluti sunt ol. maioran. rorismar. serpill. ruta, saluæ, ol. ☉ dulce extr. castorei, quod gran. aliquot in aq. lilior. conuall. maioran. & rorismar. exhibent: sed istis omnibus hic & in similibus cerebri affectibus præferunt

☿ Lunæ, hoc modo paratum.

☿ ℥. Purissimi tantum, quantum videbitur, solue in aq. forti communi. Deinde calcina ☿, cui affunde aq. calentem & vulgari via sal ☿ elice: filtra lixiuium hoc sale ☿ impregnatum, & iniice ℥ dissolutum; & præcipitabitur ℥ in forma subtiliss. calcis, calcem hanc frequenti aqu. calentis affusione edulcora, & à falsedine libera, tùm intra prunas in tigillo triquetro colloca, vt colorem assequatur puniceum. Calci affunde acetum ter destillatum & extrahetur ☿ coloris cærulei. Acetum tinctum deple, & aliud substitue dum nihil aliud amplius extrahatur. Abtrahe in cineribus per alembicum acetum, & ☿ ℥ remanebit in fundo. Iam ℥ spir. vini subtilissimi part. j. sal vrinæ part. β. Misc. probè, & in baln. vaporosum collocatum inuicem vniantur. Hinc ☿ i ℥ id superfunde, & denuò hoc soluatur. Solutum vasi circulatorio inditum per dies 30. circulentur, postea in cucurbitam non nimis amplam circulatam liquorem transfer, & ex arena destilla forti igne. Sic ☿ ℥ cum spiritu vna adscendit per alembicum coloris cærulei. Hoc postea cum extr. castor. dosi ḡ. vj. vel viij. miscendum, & in aq. saluæ, maioran. rorismarin. quotidie exhibendum.

Diat.

Aër.

Aër sit moderatè calidus, alteratus odoribus ex castoreo, pulegio, hyssopo, origano & similibus, purus ac lucidus, vt spiritus excitantur.

Cibus & potus.

In principio sit victus tenuis & paucus, vimque attenuandi humorem pituitosum habeat, altereturque propterea hyssopo, roremarino, maiorana, & similibus, oxymelite ob febrem addito. Ratione febris quidem commodus est ptisanæ vsus, sed conspergatur ea cinnamomo. Reliqui etiam cibi aceto & herbis Cephalicis condiantur.

diantur. In progressu tamen morbi, & præcipuè in declinatione aliquid carnis boni succi, & facilis coctionis concedi potest. Nonnulli vtuntur lacte amygdal. dulcum cum melle. Sed quia amygdalæ vim quandam somnum conciliandi habent, vsus earum his tutus non est. Vitentur omnia alimenta pituitosa & vaporosa, pisces, lac, fabæ, legumina, fructus frigidi & humidi; vt persica, pyra, poma, pruna, ficus.

Potus sit aqua hordei cum cinnamomo, vel hydromeli quod sit plenius vel dilutius, prout febris minus vel magis vrget. Vtile quoque est oxymel dilutum.

Vel ℥. Mell. ℔. j. aqu. ℔. iij. salu. betonic. an. M. j. Coquantur ac digerantur. Colat. adde aceti ℥. iv. F. Oximel.

A vino abstineat æger vsque ad declinationem, aut si ob ventriculi imbecillitatem aliquid vini ægro sit indulgendum, sit aquosum & subastringens.

De somno non plus concedatur, quam quod viribus saltem conseruandis sufficiat. Ab assiduo verò somno æger omnibus modis arceatur, in primis mox à cibo. Et cum æger obliuiosus & quasi stupidus sit, ac cum mictionis tum egestionis alui obliuiscatur, admonendus & sollicitandus, ne vrinam vel feces alui diutius detineat, curandumque, vt alius quotidie egeratur.

Somnus
& vigi-
lia.
Excreta.



CAPVT XXI.

De Lassitudine.

Actenus de symptomatibus in quibus sensus interni solummodo læduntur, actum est. Proximum iam est, vt de motus animalis symptomatibus ac læsionibus dicamus, quales sunt Lassitudo, Pandiculatio, Inquietudo, Horror & Rigor, Tremor, Conuulsio & Motus Conuulsui, Paralyfis, & Motus Impotentia.

Lassitudo

Et vt de Lassitudine primò dicamus, quæ Græcis est, *ἀσθένεια*, dolor, labore inprimis, qui Græcis *πόνος*, contractus. Est ea in genere sensus quidam molestiæ in partibus

motui animali dicatis, seu pigritia quædam, & debilitas, & ad motum animale inaptitudo, cum dolore, cum scilicet homo ob exercitium & laborem, ad motum, quem prius facilè obire poterat, suscipiendum non ita aptus est, ut antea, sed cum molestia quadam & dolore aliquid agit.

*Differen-
tia.*

Recensentur autem lassitudinis quatuor genera vlcerosa, Græcis *ἐλκώδης*, Tensiva, *τενωδης*, Inflammationis speciem referens *φλεγμονώδης*, & Exsiccatiua. Commodè tamen in duo primùm genera omnis lassitudo diuidi potest.

*Lassitudo
spontanea.*

Alia videlicet Lassitudo est Spontanea, quæ etiam sine insigni motu & exercitio ab humorum vitio prouenit, & corporibus Cacochymicis, vel plethoricis accidit.

*Lassitudo
exsiccatiua.*

Alia non spontanea, quam Exsiccatiuam nominant, quæ nimios labores & corporis motum, etiam absque humorum vitio, sequitur.

Lassitudo Spontanea tria lassitudinis genera sub se complectitur; Vlcerosam, Tensiuam & *φλεγμονώδη*.

*Lassitudo
vlcerosa,
eiusque
caussa.*

Vlcerosa est imbecillitas corpus mouendi, cum sensu punctionis in ambitu totius corporis, à materia acri & mordaci. Quam qui patiuntur, per vniuersam cutem & corporis ambitum quasi puncturas ac si acubus pungerentur, percipere conqueruntur, ac si infixas carni & cuti spinas haberent, & omnino quendam quasi exulcerationis sensum percipiunt. Vnde & vlcerosa lassitudo nomen accepit. Ortum verò habet ab acrium & mordacium excrementorum copia, quales sunt humores biliosi, atrabilis, vel alij, qui ex putredine & corruptione acrimoniam acquisierunt. Nonnulli & adipem colliquatum ex nimio calore inter huius lassitudinis causas referunt. Imò non solum humores, sed & vapores acres hanc lassitudinem excitare valent. Quæ omnia vel à natura & calore fusa ad ambitum corporis pelluntur, seu motu & exercitio nimio liquata & attenuata eò attrahuntur, seu à mora in Sole, ira, aliaque aliqua commotione vehementi eò concitantur.

*Lassitudo
tensiva,
eiusque
caussa.*

Tensiva est Impotentia motus cum sensu tensionis, fibrarum rectarum in musculis in toto corpore. Nam qui hac lassitudine laborant, tensionem quandam se percipere aiunt,

aiunt, præcipuè in partibus, quæ inter exercitandum laborare maximè consueuerunt, musculorum scilicet tendinibus & fibris ac nervis, ita vt amplius non moto corpore & cessante exercitatione impressa quasi emanent antegressi laboris vestigia, atque in musculis & eorum partibus relinquatur dispositio, qualis inter exercitandum affuit. Sequitur verò maximè plethoram, ob quam solidæ partes in musculis tenduntur. Non tamen impossibile videtur, quin & ab alia materia fieri possit, modò non sit mordax, siue sit vapor & flatus, siue pituita, siue melancholia. Huic nonnulli addunt lassitudinè contudentè, quæ Græcis *ὀστένοσ* est. Verùm hæc doloris potius species est.

Phlegmonodes lassitudo est ad motum impotentia cum sensu contusionis, quasi vel contractionis musculorum & partium voluntario motui inferuentium. Quam qui patiuntur, contusas quasi & confractas, atque inflammatas partes sibi esse conqueruntur. Et hæc ab vtraque causa ortum habet, nempe Cacochymia & Plethora, & in ea simul & musculorum tensio & calor percipitur. Cùm scilicet & humores vitiosi, & sanguinis copia à natura & calore ad musculos effunditur, vel muscoli inter exercendum calefacti nimium humorem ad se attraxerunt. Sensusque hic lassitudinis in musculis ferè, qui sub cute locum habent, percipitur. Vbi verò nervi interiores, tendines ossibus adhærescentes, & membranæ ossa obuoluentes, tenduntur, ita vt ossa dolere putentur, lassitudo & dolor *ὀστένοσ* Medicis nominatur. Atque hæc lassitudo potissimum ex materia melancholica membranas quæ ossa obuolunt, occupante ortum habet, & propterea febribus quartanis ac scorbuto valdè familiaris est, vt sæpe morbo Gallico.

Lassitudo verò non spontanea seu exsiccatiua, nullum talem doloris sensum habet, sed fit solum, cùm corpus nimio exercitio exsiccatum ac resolutum est, atque post defatigationem quietem cupit.

Alij adhuc plures differentias addunt, & nunc vlcerosam tensuam, nunc vlcerosam phlegmonodi, nunc tensuam phlegmonodi, nunc omnes misceri statuunt.

*Lassitudo
gracili-
tatis.*

Sed præter has tamen adhuc alia addēda videtur, quam gracilitatis apellant, quæ est imbecillitas ad mouēdum ob facultatis mouentis læsionem. In hac nullus est tristis ac molestus sensus, sicut in vlcerosa, tensiua ac phlegmonode, sed tantum difficulter mouentur ægri. Hæc autem ad mouendum impotentia sequitur carnis & adipis musculorum consumptionem, quæ gracilitatis propterea dicitur, quia in hac lassitudine corpus emaciatur. Acciditq; & sequitur vel morbos longos & chronicos, vt febrem hecticā, tabem, & omnino ἀρροφίαν in quocunque morbo longo, vel febres ardentes, malignas & pestilentes: atque tunc vlcerosa, tensiua, phlegmonodes coniungi potest.

Signa Diagnostica.

*Signa
diagno-
stica.*

Atque hæ sunt causæ lassitudinis, eiusque differentiar, è quarum descriptione etiam signa earum patent. De signis hoc saltem addimus: lassitudinem spontaneam cognosci, quod nullus labor vel exercitium nimium præcessit, sed, quamprimum ægri mouentur, ea percipitur. Et in vlcerosa quidem lassitudine præter signa antea enumerata caco-chymix, præsertim biliosæ, signa adsunt, & huic ferè succedit rigor. In tensiua signa plethoræ adsunt. In phlegmonode signa vtriusque. In non spontanea verò necessario præcessit exercitium & motus quod in spontanea non semper est necessarium. Plerumque enim sine omni præcedente labore & exercitio hominem occupat: quandoque tamen exercitium & labor in corpore caco-chymico, vel plethorico humores ad ambitum corporis mouere potest, vnde postea spontanea lassitudo oritur.

Prognostica.

*Progno-
stica.*

1. Lassitudo non spontanea, & quæ solum, laborem atque exercitia sequitur, plerumque nihil periculi coniunctum habet, sed, si quiete & cibo ac potu corpus reficiatur, sponte cessat. Aliquando tamen lassitudo etiam ex laboribus periculosa est, si in corpus caco-chymicum incidat, cuius exemplum est apud Hippocratem, lib. 3. Epidem. sect. 2. agro. 8.

2. De lassitudine verò spontanea in genere scribit Hippocrat. 2. aphor. 5. νόσος αὐτὸμυτος φερίζου νύκτας. Lassitudo sponta

spontanea morbos præfagit. Ostendit enim redundare in corpore humores vel qualitate, vel quantitate, vel utroque modo peccantes. Et propterea tum alij morbi, tum febres, plerumque sequi solent. Ideoque quando spontaneam lassitudinem sentit homo, cacochymia vel Plethora tollendæ idonea remedia quærere debet.

3. In quibus per febres lassitudinis sensus est, illis ad articulos, & iuxta maxillas potissimum abscessus fiunt 4. *Aph. 31.* Dum enim natura victrix humores crassiores & ad euacuationem minus aptos à partibus nobilioribus ad imbecillos articulos, & glandulas post aures ac sub mento propellit, in partibus iis & vicinis sparsi lassitudinem in iis pariunt. Et quidem si dolor & molestia sensus in toto corpore percipiatur, ad articulos magis humor decumbit: Si contra in superioribus partibus, magis ad maxillas & post aures.

4. Post febrem lassitudo perseverans Recidivam significat. Hippocrates, *lib. de Indicat.* ῥόμυ τῆ σάμας, id est, corporis robore deficiente.

Indicationes & curatio lassitudinis spontaneæ.

Cum lassitudo omnis spontanea ex humoribus in musculis & circa musculos, & in ambitu corporis hærentibus fiat, & foueatur, vel à cacochymia, vel à plethora, vel ab utraque: ut humores circa musculos hærentes tollantur, danda opera, deinde, ut causa quæ humores istos subministrat, tollatur, laborandum. Itaque humores in ambitu corporis discutiendi, cacochymia verò, vel plethora, vel utraque tollenda. Quæ verò post laborem sequitur lassitudo, si quiete & cibo corpus reficiatur, cessat. Eodem modo, quæ in extenuatis à morbo accidit, bona victus ratione, quæ conualescentibus debetur, tollitur.

Ideoque humores seu à natura ad ambitum corporis protrusi, seu motu & exercitatione eò attracti, leni exercitio, frictionibus vel balneo discutiendi. Si verò vel cacochymia, vel plethora subsit, ea que levis sit, quiete, somno, & cibo parco, sed boni succi, tollenda, iuxta Aphorismum: *Quiete & abstinentia multi magni morbi curantur;* & vini moderato usu, ut videlicet humores crudi & semico-

Lassitudinis spontaneæ curatio.

cti coquantur , & per sudores aut vrinas euacuentur. Neque enim crudi illi humores ideò coquendi esse dicuntur, vt in sanguinem corporis alimentum conuertantur (cum nisi in venis consistant & ad sanguinis formam suscipiendam apti sint , id fieri non possit) sed vt attenuati diffidentur melius. Quod si maius humorum vitium sit, quàm quod istis modis tolli possit , ad maiora illa remedia, sanguinis missionem & purgationem, accedendum, prout hoc vel illud remedij genus requiritur. In vlcerosa lassitudine purgatione opus est; in Tensiuâ sanguinis missione, phlegmonodes utroque auxilio opus habet. Vt ergo in vlcerosa lassitudine humores vitiosi facilius discutiâtur, frictio adhibeatur, præsertim cum oleo dulci. Si verò paulò altius hæreat materia, vt frictionibus discuti nō valeat, motu & exercitio insuper opus est, vt excitetur calori, & cum calore spiritus corporis omnes partes peruadentes excrementa discutiant cibi iis conueniunt humidiores, & tenuior vitus ratio.

Tensiuâ lassitudo similiter frictionibus mollibus cum dulci oleo opus habet, vt tensa laxentur. Ab hac quies imperanda. Balneo etiam aquæ dulcis modicè calidæ vti commodum fuerit. Cibus, quam in vlcerosa lassitudine sit parciore, sed boni succi, in phlegmonode lassitudine corpus quoque oleo dulci fricandum, & balneum tepidum paulò calidiùs vsurpandum, ciboque paucissimo boni succi, & vi attenuandi prædito vtendum.

Lassitudinis ex labore curatio.

*Lassitudinis ex-
ficatua
curatio.*

Lassitudines post labores quies sanat. De quo Hippocrates 2. Aphorism. 48. *In omni corporis motu simul ac quis fatigari cœperit, quies statim lassitudinem leuat.* Ideòque si quis lassitudinem percipiat à labore, non est in labore persistendum.

Maximè verò quies per somnum lassitudinem hanc tollit. Nam in somno membra omnia in ægris quiescunt, dum eo in situ collocantur, eaque forma, quæ media dicitur, musculis omnibus relaxatis & nihil laborantibus; & in somno humores nimium fusi in musculis hærentes discutiuntur, ipsique spiritus labore absumpti reficiuntur. Si quis

quis tamen à lassitudine quiescat, nec mitigetur lassitudo, purgatione, vel sanguinis missione opus est.

Verùm non solum quies, sed & exercitium à labore contractas lassitudines corrigit, si sit priore leuius quia discutit humores seu sponte aut alia de causa in ambitum corporis motos, seu à calore attractos. Et quidem contrarius priori motui lassitudinem & defatigationem tollit, ut si quis montem scandendo defatigatus sit, descendendo rursum citius lassitudo tolletur. Imprimis verò exercitij loco utebantur veteres frictionibus, quas & sanitatis causa instituebant. Et quidem frictionem, quæ ante labores ad partes laxandas & excrementa discutienda instituebatur, præparatoriam nominabant; quæ verò post labores eadem de causa fiebat, ἀποτεγνωτική. Frictiones autem instituebantur manibus oleo dulci inunctis. Apud nos ut balneorum ita & frictionum antiquis vsitatarum vsus ferè exoleuit, & eorum loco balnea humida & calida vsurpantur, quibus seu maior corporis pars, seu pedes tantum immerguntur, quod mirè lassos reficit, cui etiam frictio coniungi potest. Parantur verò balnea vel ex aqua simplici, vel additis Malua, Althæa, Chamæmel. hyssopo, & similibus.

Quod si maius humorum vitium sit, quam ut istis remediis tolli possit, ad magna illa remedia, sanguinis missionem, & purgationem accedendum. Verùm de lassitudinum differentiis & curatione videatur Galenus lib. 3. & 4. de tuend. sanit. vbi prolixè hac de re agit, ut & Aëtium, tetrab. i. serm. 4. cap. 35. 36. & seqq.



C A P V T XXII.

De Pandiculatione & Oscitatione.

Pandiculatio est præter solitum extensio quædam musculorum totius corporis ad vaporum non acrium in iis partibus dissipationem instituta. Coniungitur plerumque & oris apertio & deductio, quæ oscitatio nominatur; quæ tamen & sine pandiculatione potest accidere. Coelius

Pandiculatio & oscitatio.

Rhodiginus *lection. antiquar. lib. II. cap. 4.* affectionem hanc ab Hippocrate *ἀλύνει* vocatam, plerisque etiam *ἀλὴ* nominari scribit. Neque planè præter rem, vt mihi videtur, cum Hippocrates 7. *aphor. 56.* coniungat *ἀλύνει*, oscitationem & horrorem, eique potius quam inquietudini potus vini competat, atque ita totus aphorismus potius pandiculationi, quam alij affectioni congruat. Si tamen Galeni explicatio sequenda sit, malo potius, de quo cap. seq. dicemus tribuenda hæc vox videtur. Ita enim ille in hunc aphorismum: *ἀλύνει* secunda valetudine eos dicunt, qui præ sensuum offensione & læsione errabunda sunt sæpè mente & incerta, atque ad alias subinde aliasque transeunt tum res, tum actiones; aduersa verò valetudine similiter etiam *ἀλύνει* eos dicunt, qui non ferentes decubitus lecto non quiescunt, sed formas mutant, quia præsens semper grauis fit & molesta. Et est procul dubio hæc primitiua potius significatio; sed sæpè ad vicina transferuntur vocabula.

Causse.

Causse. Nimirum si vapores halituoſi in musculorum spatiis colliguntur, & non acrimonia, sed copia potius molesti sunt muscoli in toto corpore, vt eos expellent, constringuntur. Quod si vapor in musculis temporalibus, & masticatoriis præcipuè contineatur, oscitatio fit.

Vapores autem illi halituoſi pandiculationis causa sæpè ex latente cacoehymia, aut plethora in musculorum spatiis colliguntur, & cum lassitudine spontanea coniunguntur. Vnde sicut lassitudo spontanea, ita & pandiculatio & oscitatio frequens futurorum morborum, & instantium paroxysmorum sunt præsagium. Sæpe post somnum Pandiculatio accidit, vbi in somno ex alimenti coctione & cessatione à motu halituoſa, ac vaporosa excremeta in spatiis musculorū colliguntur. Solet & ante somnum pandiculatio & oscitatio accidere, vaporibus illis halituoſis per diurna exercitia, & vigilias collectis & lassitudine inde oborta, quæ postea in somno in quiete tollitur. Insuper & post exercitia nimia pandiculatio sequitur, lassitudinisque ex labore contractæ pandiculatio quasi remedium est. Etenim cum ex labore halituoſi vapores ad musculos attrahantur,

tur, ibique cumulentur motu isto pandiculationis vapores isti discutiuntur. Præterea muscoli à motu nimio defatigati in quiete lassitudinem illam sentiunt. Verùm constricti lassitudinem illam minus percipiunt, & propterea ad eam edendam inuitantur. Nonnunquam & externum frigus pandiculationem conciliat, cùm poros cutis claudat, fumidosque ac halituosos vapores sub cute detineat, quas natura per pandiculationem discutere satagit. Tandem etiam imaginatio sæpe oscitationis causa est, vt si quis alium oscitantem videat, vel de oscitatione cogitet & ipse osciter: præcipuè tamen hoc pigris, lassis & somnolentis accidit.

Ex eadem causa, à qua pandiculatio & oscitatio prouenit, etiam pendet nictatio oculorum, quæ, cùm homo ad somnum propensus est, accidit, ortumque habet, cùm ex continuo motu oculorum palpebræ lassatæ sunt, & ad claudendum, quod dormientibus necessarium est inuitantur. Facit tamen huc etiam spirituum animalium dispositio, qui cùm iam sopiri incipiunt, eius rei indicium in palpebris cerebro valdè vicinis, primò statim apparet.

*Nictatio
oculorū.*

Porrò pandiculatio in sanis, saltem vaporum in musculis quacumque de causa collectorum & lassitudinis indicium est: In febribus verò instantis paroxysmi signum: sicut & si extra febres sæpius accidat pandiculatio, vel oscitatio, impendentium morborum signum est, & materiæ vitiosæ exsuperantiam significat, corpusque febrili propinquam dispositionem habens indicat, & proinde instantibus morbis occurrendum esse monet. Plinius *libr. 7. cap. 6.* & Gellius *libr. 3. cap. 16.* oscitationem in enixu lethalem esse scribunt, sicut sternuisse à coitu abortiuium.

Prognostica.

Cæterùm cùm à pandiculatione & oscitatione in sanis periculi nihil immineat, sed potius prosint, curatione nulla opus est. Ideoque in Pandiculatione, ciuilitatis potius quam vtilitatis gratia, membra minus extendere iubemus, quod & in oscitatione locum habet. Est enim oscitatio pigritiæ & fluxæ atque apertæ securitatis & vagi animi indicium. Vnde oscitantes pro negligentibus sumuntur, & oscitatio pro ignauia. De oscitatione tamen hoc monendum,

Curatio.

dum, os non nimis dilatandum, sed comprimendum esse; cum ex nimia in oscitatione, oris dilatatione, seu diductione maxilla inferior facile luxari, & os hians manere possit. Si tamen latentis humorum vitij pandiculatio & oscitatio frequens signum sit, ei occurrendum, ut modo de Lassitudine dictum.



C A P V T XXIII.

De Inquietudine.

Inquietudo.

Inquietudo, quam Barbari Iectigationem appellant (etsi alij Iectigatione pro Palpitatione sumant) Hippocrati & Galeno variis nominibus appellatur, ἀλκην nimium & ἀλυσμός & ἄλυσις, ἄση, ῥιπίασμός, Βληρησιμός, δυσφορία: quanquam Hippocrat. in historia Adolescentuli 3 Epid. hæc distinguere videatur. Tertio, inquit, die δυσφορία, ἀσώδης πάλιν, φληρησιμός ἀπείρη. Est verò Symptoma cum aliis morbis, tum præcipuè febribus nonnullis familiare, cum ægri corpus & membra variè iactant, & nunquam in eodem situ manent, sed nunc pedes, nunc manus de loco in locum transferunt, nunc de latere in latus, modò in dorsum, modò in ventrem se conuoluunt, mox se erigunt, iterumque quiescunt, ad pedes prouoluuntur, nec ullam loci, vel decubitus formam seruant.

Causæ.

Causæ.

Etsi verò delirantes & Phrenitici idem facere soleant: tamen tum ex imaginationis deprauatione, & variis Phantasmatibus, nunc ad hoc, nunc ad illud agendum inuitantibus, id accidit. Ista verò inquietudo, quæ sine delirio in febribus præcipuè accidit, ortum habet à re molesta musculos & partes motui dicatas aut sentientes molestante. Etsi verò calor totum corpus in febribus occupans etiam homini molestus esse possit: tamen qui non omnium februm, nec semper, sed præcipuè quarundam continuarum, & quandoque etiam intermittentium in paroxysmo est symptoma potius ab acri & maligna materia, quam calore

calore solo prouenire videtur.

Est autem duplex ista inquietudo, vel critica quæ in *Inquietudo duplex* perturbatione fit criticum humorum motum antecedente, *plex*, solentque tum ægri se erigere, iactare, & variè mouere, quandoque etiam delirare. Altera, quæ citra crisin est, & symptomatice nominatur, quæ accidit in genere, cum quicumque dolor & quæcunque molestia hominem angit. Estque rursus duplex: Vna, cùm os ventriculi à prauis humoribus vellicatur, de qua Galenus 7. *aph.* 56. scribit, *ἀλλόγιστος*, seu anxietatem & inquietudinem istam iis maximè euenire, quibus in ore ventriculi propria quædam humoris molesti qualitas continetur, neque multi, neque innatantis in ventriculi capacitare, sed altius in ipsis tunicis inhibiti. Nonnunquam causa istius inquietudinis est cibus intempestiuè exhibitus. Altera est, quæ oritur à materia maligna & acri febrem excitante, quæque circa viscera molestat, vel ab inflammatione alicuius visceris prouenit, vnde ex febres *ἀπὸ τοῦ* nominantur.

Signa Diagnostica.

Affectio hæc per se satis patet. Inquietudinis verò quæ ab orificio ventriculi fit, proprium signum est Nausea *Signa diagnostica*, Nausea sine vomitu. Quæ si absit, vel ab humore prauo & maligno circa viscera, vel ab inflammatione alicuius visceris prouenit, quod ex suis signis patet.

Prognostica.

1. Ex inquietudine, quæ præcedit crisin, nihil incommodi metuendum, si inde euacuatio, vel abscessus sequatur. De quo 2. *Prophet.* hæc habentur: Ex inquietudine rigor indicatorius si fiat, morbum soluit, superuenientibus sudoribus, vel vomitionibus commodis, vel aluo subducta. *Prognostica.*

2. Nec illa aliquid periculi habet, quæ fit à cibo intempestiuè exhibitio, sed eo, vel concoctio, vel reiecto quiescit. *Nota.*

3. Periculosa verò est inquietudo, quæ ortum habet à malignitate & acrimonia materiæ febrem excitantis, vel ab inflammatione interna, vel à virium debilitate, quæ morbum

morbum ferre nequit. De quibus Hippocrates 1. *Coac. aph.*
 2. *Quæ cum refrigeratione anxietates fiunt pessimæ.* Et quidem
 duplici ratione mala est hæc inquietudo, partim ut si-
 gnum, quæ prædicta mala & morbos indicat, partim ut
 causa, quia vires deiecit, & coctionem humorum im-
 pedit.

- *Curatio.*

Curatio.

Inquietudo, quæ febres sequitur, curationem pecu-
 liarem nullam requirit, sed si crisin antecedit, videndum,
 ut crisis rectè peragatur. Si citra crisin fiat, danda opera,
 ut morbo, à quo pendet, succurratur, ideoque in restin-
 guendo humorum incendio & prauitate materiæ corri-
 genda laborandum. Si tamen æger ab humoribus ventri-
 culi orificium vellicantibus valdè angatur, exhibenda, quæ
 acrimoniam illam humorum mitigant & ventriculi orifi-
 ficium roborant: Qualia sunt Syrupus granat. acetos. citri,
 ribes, acetosel. papau. cum aqua lactuc. portulac. nymph.
 Extra verò inungendus ventriculus oleo mastich. cydonio-
 rum, absinth. Vel fouendus similibus medicamentis, de
 quibus in doctrina de cardialgia & de febribus.



C A P V T X X I V.

De Horrore, & Rigore.

*Horror
& rigor.*

DE horroris & rigoris generatione, ac causis satis
 multa in Institut. *lib. 2. part. 3. sect. 2. cap. 5.* diximus,
 & extant passim prolixæ apud Medicos hac de re disputa-
 tiones; neque Galenum semper idem de eo docuisse, sed
 varium fuisse, ex locis ibi allegatis patet. Ut pauca adda-
 mus, horror & rigor affectus sunt saltem vehementia &
 magnitudine differentes. Rigor enim est musculorum to-
 tius corporis vibratio, & concussio cum refrigeratione &
 dolore quodam. Horror verò quasi paruus rigor est, cum
 in ea saltem cutis concutitur, acciditque à causa, quàm
 rigor, minus vehementi.

Et quidem primò hoc præsupponendum, quod nemo
 facile

facile negauerit, rigorem fieri à facultate expultrice stimu-
mulata : & eatenus quidem ad facultatis naturalis sym-
ptomata referri posse : quia tamen facultas animalis ad id,
quod molestum est, expellendum, & propulsandum simul
insurgit, satis commode etiam ad facultatis animalis, &
quidem motus deprauati, symptomata refertur. Genera-
tur enim eodem modo horror & rigor, quò sternutatio,
tussis, singultus, qui motus & ipsi fiunt facultate expultri-
ce à re molesta stimolata. In eo tamen differunt, quod
certarum & determinatarum partium hi sunt motus ; in
horrore & rigore verò totum corpus concutitur.

*Horror
& rigor
quomodo
ad facul-
tatis ani-
malis &
motus
depraua-
ti sym-
ptomata
referun-
tur.*

Rigoris subiectum sunt muscoli totius corporis, seu po-
tius muscoli in ambitu corporis. Causam verò proximam
quod attinet, Galenus equidem alicubi, quem alij etiam
Medici sequuntur, refrigerationem & motum calidi innati
causam proximam rigoris constituit, docetque dum ca-
lidi innati, seu spiritus influentis ob refrigerationem ex-
ternam, quæ in musculis accidit, influxus & motus ad
exteriora prohibetur, eundem cum impetu & violentia
quasi ad exteriora viam quærere, atque iterum repulsum
maiore cum impetu ad exteriora tendere, atque ita ex lu-
cta ista & motu calidi ad interiora, & hinc rursus ad ex-
teriora corporis totius concussionem sequi, quæ rigor no-
minatur.

*Horroris
& rigoris
caussa
proxima.*

Verum enim verò non semper à refrigeratione rigor
incipit, sed concussio illa corporis in rigore à bile excita-
ta refrigerationem antecedit ; vt & vbi medicamentum
acre vlceri imponitur, aut scintilla ignis corporis incidit,
quod etiam Galenus 2. de Sympt. caus. cap. 5. docet. Et refri-
geratio non causa est retractionis caloris ad interiora, sed
effectus potius proueniens à retractione caloris innati ad
interiora ob causam dolorem excitantem. Deinde si eo,
quem Galenus ponit, modo rigor induceretur, motus si-
milis palpitationi esset, neque fieret à facultate expultrice
stimulata.

Itaque causam proximam rigoris constituimus rem
molestam in ambitu corporis subito partes sentientes vel-
licantem, atque expulsionem irritantem. Ad quam causam
omnes

omnes aliæ causæ reducendæ. Primò quidem extra dubium est, materiam rigoris proximam causam plerumque esse; imò à nonnullis pro sola rigoris causa poni, quæ materia primò acris esse debet, mordax, & omninò molesta, vt partes sentientes vellicare possit; deinde multa & velociter moueri. Nam si pauca sit & immota, potius lassitudinem vlcerosam excitat.

Si quis tamen etiam solùm caloris ad interiora recursum causam rigoris quandoque statuere velit, cum eo non pugnaverim. Etenim cùm calor à partibus exterioribus ad interiores refugit, à caloris illa subita priuatione partes sentientes in ambitu corporis molestiam quandam percipiunt, à qua dum expultrix stimulat, musculos exteriores corporis concutit. Et fit hic caloris ad interiora recursus nunc ob causas externas, dum nimirum parti exulceratæ acre medicamentum imponitur, vel scintilla ignis cuti incidit, aut aqua frigida cuti inspergitur. Tum enim ille molestiæ sensus omnibus partibus sentientibus externis communicatur: Nunc à causa interna. Cùm enim partes omnes circa viscera membranis vestiantur, quæ nervos à sexta coniugatione accipiunt, & propterea sensu exquisito præditæ sunt, accidit vt vellicatæ omnes partes corporis sentientes, etiam externas, in consensum trahant. Natura verò de partium internarum, vtpote nobilium, salute sollicita sanguinem & calorem ad suppetias ferendum, ad interiora subitò reuocat, vnde partes externæ molestiam percipiunt, quam facultas expultrix à se amotura totius corporis musculos concutit.

E quibus controuersia illa, quæ de subiecto rigoris, aut potius materiæ rigoris causæ inter Fernelium, & alios agitur, faciliè componi potest.

*Horroris
& rigoris
subiectū.*

Galenus & interpretes eius rigoris subiectum constituunt partes corporis sentientes, seu musculos, & carnem in ambitu corporis, vt ex Galeno *de Sympt.* 4. *de tuenda sanitat.* cap. 2. 2. *de crisi* bus cap. 2. 10. *mete. med.* cap. 4. videre est. Ab hac tamen sententia discessisse putatur Fernelius dum *lib.* 4. *Pathalog.* cap. 11. febrium intermittentium materiam non in ambitu corporis, verùm in primis viis &

circa

circa viscera contineri docet, scribitque præcordia & partes omnes, quæ circa hæc sunt, quia membranis separantur, nervosque sentientes suscipiunt è sexta cerebri coniugatione, eximio tangendi sensu esse præditas, magna quoque societate cū principibus, corde & cerebro, tum externis partibus esse connexas, & cum iis ita consentire, vt affectæ mox principes partes vniuersumque corpus in consensum trahant. Ita bilem vomituri rigescunt, & cum calida mordacia ac acria medicamenta, vel cibus ventriculorum & præcordia feriunt, & cū pus interiore abscessu collectum erumpit, in membranas rigor accidit.

Verū enim verò non multum Fernelius à vulgata sententia de causa rigoris dissidet. Sit sanè, vt statuat, aliquando, ex solo consensu partium externarum cum internis, rigorem fieri, cū scilicet partibus membranosis & nervosis circa viscera affectis, eæ in consensum trahuntur, & natura quasi auxilio & subsidio internis ventura calorem ad interiora reuocat, vnde exteriora refrigerantur, totumque corpus concutitur: tamen hanc vnicam rigoris causam non statuit, sed & aliam adhuc admittit, docetque, rigoris febrisque materiam circa præcordia hærentem, ex se tetrum malignumque vaporem in omne corpus effundere, qui & ipse horroris, rigorisve causæ sit.

Itaque vt rigoris generationem, quam nonnulli variis *Rigoris generationis modus.* disputationibus inuoluunt & obscurant potius quam explicant, breuiter & perspicuè comprehendamus. Rigoris causa proxima est res molesta facultatem expultricem in musculis in ambitu corporis stimulans, & ad concussionem talem concitans, quod ipsum manifestum esse puto.

Cū enim sensus doceat, totius corporis musculos externos in rigore concuti, necesse est, vt causa aliqua in iis adsit, quæ ad motum istum stimulet. Si quidem natura non lacescita nihil tale tentat.

Causa autem naturam ad motum hunc & concussionem stimulans, vel in ipsis musculis in ambitu corporis continetur & colligitur, cū scilicet humores & vapores biliosi, vel quicunque acres in ambitu corporis collecti

sunt, vel aliunde communicaturi, consensum partium externarum cum internis quod attinet, si quis cum Fernelio per simplicem consensum & qualitatem spiritualem transmissam, seu affectum saltem, vt loquuntur, non materiam & causam affectus communicatam, ab internis partibus & visceribus, rigorem quandoque generari statuere velit, nec cum eo, vt antea etiam dictum, pugnaverim. Non enim absurdum videtur, partibus nervosis & membranosis intus affectis consentire nervosas & membranosas in ambitu corporis, & propterea quasi subsidio & in auxilium calorem & spiritum ad interiora recurrere, quo subito partes externae quasi spoliatae, molestiam quandam ex subita alteratione percipiunt, ideoque ad eam amoliendam concutiuntur.

Fieri tamen etiam potest, vt calore & spiritibus ad interiora recurrentibus humores & vapores vitiosi in ambitu corporis haerentes vnà moueantur, atque ita proxima fiunt rigoris causa. Frequenter verò, quod etiam Fernelius admittit, fit rigor per consensum internarum partium, cum vapor quidem teter & acris ex humore, ibi quocunque modo moto, in ambitum corporis mittitur, & partes illas vellicat.

*Refrigeratio
ratio ri-
gore quo-
modo se
habeat.*

Quia verò cum rigore coniungitur refrigeratio, ita quidem, vt nonnulli rigorem etiam per refrigerationem definiant, quomodo refrigeratio in rigore sese habeat videndum, vt & vnde dolor ille & molestia illa oriatur, an à refrigeratione semper, an aliunde proueniat? Rectissime autem ij sentiunt, qui statuunt, cum rigore & quidem omni, adesse sensum doloris, verum aliquando quidem à causa refrigerante, plerumque tamen ab ipso motu & concussionem corporis prouenire, vt cum dolor praecedit refrigerationem, refrigeratio verò sequitur, & fit ex spiritus & caloris ad interiora ob dolorem retractione.

Refrigeratio enim duplici modo in rigore accidit. Aliquando est saltem cutanea, & in superficie corporis fit ob dolorem, quem acrimonia humoris excitat. Aliquando verò fit in ipsis musculis refrigeratio, eaque vel ob humorem

morem pituitosum, aut melancholicum attenuatum, & in omnes partes diffusum, vel ob viscerum inflammationem, in qua interna vruntur, exteriora verò calore retracts ad interiora, frigent.

Atq; hic cum sit generationis rigoris modus & hæc proxima causa, facile omnes remotas & mediatas ad eam reducere licet. Sunt verò rigoris causæ vel internæ vel externæ. *Rigoris causa remota & mediata internæ.*
 Inter internas cum sit materia aeris & mordax, colligitur ea sub cute ob partium in ambitu corporis caliditatem & siccitatem, vt docet Galenus, 5. de loc. affect. cap. vlt. & in lib. de Rigore, & Palpitat. cap. 7. Idque facilius accidit accidente cutis densitate, & ex quacunque causa, adstrictione & prohibita transpiratione in corporibus præcipue biliosis, vt docet Galenus 10. method. medic. capite 4.

Deinde generantur humores biliosi & ichores prauis in ambitu corporis, cum venæ & aliæ partes in ambitu corporis exsiccantur, vt est apud Hippocratem 1. de victus ratione in acut. comm. 4. t. 1. & Galenus in Comment. Transmittitur verò materia à partibus vel communibus, vel priuatis. A communibus venis mittitur materia in ambitum corporis, vel criticè, instante crisi, vel periodicè, & secundum typos in principio paroxysmorum in febribus intermittentibus; vel sine typo & symptomaticè, quando sine crisi subsequente materia in ambitum corporis è venis protruditur. A partibus verò determinatis variis materia transmissa rigoris causa est, vt ex cerebro, cuius exemplum 1. in Prophet. t. 20. 23. & 25. ex Vtero, 5. aph. 61. 69. ex Ventriculo, 6. Epidem. t. 31. & 3. Prognost. t. 31. ex Hepate, Renibus, Vesica. Et omnino siue aliquid materiæ, & vaporis ad ambitum corporis trahatur aut mittatur, siue saltem in consensum trahantur partes externæ, dum interiora vellicantur, rigor accidit. Potestque materia vellicans esse bilis, falsa pituita, melancholia, atra bilis, humorque quicumque putridus, sicut pus, acris medicamenta, cibus & potus acris.

Inter externas verò & euidentes rigoris causas sunt aer & ventus frigidus, siue penitus in corpus penetret, *Externæ, & euidentes.*

tret, siue cuti exulceratæ occurrat, aspersio aquæ frigidæ, scintilla ignis in cutem illapfa, aqua feruens infusa, medicamentum acre parti exulceratæ impositum. Hæc enim quia molesta sunt partibus sentientibus in ambitu corporis, natura ea excutere conatur. Potest tamen etiam fieri, vt calor & spiritus talia molesta percipiens ad interiora refugiat, humoresque in ambitu corporis commoueat, vnde accidit, vt partes subito alteratæ & vellitæ, sese concutiant. Sæpe enim calor externus rigoris causa est, quod nonnunquam balneum ingressis accidit. Idem facit mora sub sole, vinctio calida, animi affectus, præcipue timor. Tales enim causæ omnes, excrementa, quæ prius quiescebant, calefaciendo, attenuando, & in spiritum vertendo, ad motum concitant, vel spiritus commouendo ea simul agitant, vt Galenus, 2. *Sympt. caus. cap. 5.* docet.

*Horroris
caussa.*

E quibus causis hætenus rigorem fieri diximus, ex iisdem etiam horror prouenit, minus tamen vehementibus acrimonia, copia & motu, vt docet Galenus, 2. *de caus. Sympt. cap. 6.* Etenim in horrore est causa vel minus acris, vt bilis cum pituita mista, vel si sit pura bilis ea non est ita acris, neque copiosa, neque vehementer mouetur.

Signa Diagnostica.

*Signa
diagnosti-
ca.*

Ipse rigor, vt signis inuestigetur opus non est, cum sensibus satis pateat. Vt verò à qua causa proueniat, cognoscatur, per signa inuestigandum. Causæ externæ & euidentes, ex ægri vel astantium relatione cognoscuntur. Vbi verò rigor sine causa euidente, & manifesta inuadit, vnde proueniat, inquirendum. Quia verò rigor plerumque cum febribus coniungitur, quam febrem indicet & à qua causa per consequens proueniat, è doctrina de febribus petendum, neque omnia ea recensere huius loci est. Vt pauca saltem attingamus; Rigor est vel vehemens vel paruus. Vehemens in continuis semel fit saltem, vel in principio, vel in fine. In principio qui accidit, est signum inflammationis internæ in parte membranosa, vt meningum cerebri, pleuræ mediastini, ventriculi membra

brantarum hepatis, vesicæ, renum, Peritonæi. Fitque ubi pars membranosa primum vellicatur, & inæqualis intemperies adest: Vbi verò in progressu morbi partes membranosa repletae sunt, atque intemperies æqualis inducta est, rigor amplius non accidit. In fine verò febris continuæ si rigor vehemens accadat, fit vel sine inflammatione, vel cum inflammatione. Si sine inflammatione contingat, indicat, quod materia febrilis, vel criticè, vel symptomaticè è venis extra venas appellatur. Si cum inflammatione, eam ad suppurationem tendere, indicio est. Sicut etiam quandoque rupto abscessu rigor accidit. Intermittentibus verò fit rigor vehemens in principio paroxysmi; materia per partes sentientes mota facultatem expultricem fortem adhuc stimulante scilicet in tertiana, vel quotidiana ex pituita vitrea, vel quartana.

Si verò rigor sit parvus, & is longus ac quotidie inuadat, vel etiam eadem die sæpius recurrat, cum magna refrigeratione, capitis grauitate catarrho, & faucium ardore, indicat febrem quotidianam catarrhalem. Si verò parvus rigor sit & longus, & quarto quoque die inuadat, quartanæ signum est. Longus rigor, sed paruus, ad tertium diem inuadens, ita tamen, vt etiam die intermedio accessio fiat, semitertianæ signum est. Rigor paruus non admodum longus, nec cum magna refrigeratione, singulis vel alternis diebus corripiens, tertianam notham significat.

Prognostica.

Prognostica pleraque ad doctrinam, de febribus pertinent, & proposuimus etiam quædam in Instit. lib. 3. p. 3. cap. 5. quibus adhuc quædam addemus.

1. Rigores periodici, qui febrium intermittentium propria sunt symptomata, & vel quotidie, vel alternis, vel ternis diebus inuadunt, omni periculo vacant.

2. Optimi verò sunt rigores critici in febribus continuis, die critico cum signis coctionis accidentes, & post quos corpus maximè incalescit, (quo enim calor corporis est robustior, eò post rigorem fortius in ambitum

corporis sese exferit) quosque sudores copiosi, aut vomitus, aut alui deiection, aut hæmorrhagia narium sequitur, & post quos febris vel tollitur, vel imminuitur, de quibus Hippocrat. 4. aphorism. 58. Eorumque exempla sunt passim apud Hippocratem, 1. Epidem. comm. 3. t. 22. 3. Epidem. comm. 2. t. 2. 4. Epidem. tex. 83.

3. Mali verò sunt rigores, quos mala signa antecesserunt, vel comitantur, vel statim sequuntur, à quibus corpus non incalescit; quod naturam & calorem languidum significat, aut quos nulla vel mala sequitur euacuatio, & qui morbum nec tollunt, nec minuunt. De quibus 1. Prorbet. A rigore refrigeratus non incalescens, malum. & 1. Epid. comm. 3. t. 28. & 3. Epidem. comm. 3. tex. 29. & 4 Aphor. 36. Febricitanti rigor superueniens, febre non deficiente, malum.

4. In primis verò rigor malus est, si euacuatio aliqua morbum subsequatur, quæ tamen morbum non imminuit vel tollit, ut docet Galenus, 4. aphor. 64. Nam & virtus debilis rigorem ferre non potest, & vires ab euacuatione dissoluuntur, de quo Hippocrates, 4. aphor. 46. Si Rigor accidat febre non deficiente, agro iam debili, lethale est. De quibus etiam 1. Prorbet. t. 57. 3. Prorbet. tex. 27. 3. Epidem. comm. 2. t. 9.

5. Rigere sæpius in febribus acutis, inæqualis & perturbata motionis febrilis materiæ, ac proinde periculosi morbi indicium est, ut ex Hippocrate, lib. 2. Coac. sect. 2. Aphorism. 32. comm. 2. ex distinctione Hollerij patet.

6. Ex his, qui tabe diuturna consumpti sunt, aliqui ante mortem rigere deprehenduntur. Hippocrates, lib. 6. Coac. sect. 2. comm. 1. aphor. 18.


7. Quæ de rigore dicta sunt, eadem & de horrore plerumque locum habent. Etenim horrores illi boni sunt quos signa coctionis præcesserunt, quosque euacuationes morbum tollentes, vel minuentes sequuntur. Mali verò sunt, qui sine signis coctionis propter maximam humorum prauitatem, aut naturæ imbecillitatem fiunt, quæ vitiosos humores expellere tentat, verum expellere nequit, vel quas prauæ euacuationes sequuntur.

Verum multi Aphorismi de Rigore & horrore agentes videan

videantur apud Hippocratem *l. 1. Coic. comm. 2.* & passim alibi in Coacis, quos omnes huc afferre proluxioris operæ foret, & potius ad prognostica febrium pertinent.

Curatio.

Rigor & horror cum aliorum morborum comites & *Curatio.* symptomata sint, per se curatione nulla indigent, sed sublata causa cessant. Quia tamen in febribus interdum, præcipuè quartana, rigor adedè magnus est, ut ægro valdè molestus sit, viresque deiiciat, tum calidis dorsum à quo rigor incipit plerumque, inungendum, oleo scilicet rutaceo, chamomæliño, anethino, costino, laurino, de castoreo, de piperibus cum theriaca, mithridatio, castoreo, & similibus.



CAPUT XXV.

De Tremore.

Tremor, Græcis Τρόμος, etiam inter symptomata *Tremor* motus animalis læsi, eiusque deprauati pertinet, quo *quale* qui laborant membra liberè mouere, & protensa, vel sus- *symptoma.* pensa seruare non possunt, sed membrum à facultate animali in altum sublatum, pondere suo deprimitur, iterumque à facultate motrice erigitur, eaque motus vicissitudo, breuibus & quæ vix discerni possunt, interuallis, accidit.

Est videlicet tremor motus voluntarius deprauatus membrorum huic motui inferuentium, quo perpetua vicissitudine, seu eleuantur & deprimuntur, seu in anteriorem & posteriorem, seu in laeuam & dextram partem mouentur, pendens à facultatis motricis, membrum in eodem situ seruare non valentis, imbecillitate, seu à facultate motrice p. n. onerata.

Nonnulli quidem ad actionem imminutam referunt tremorem: verum seu deprauatam, seu imminutam actionem dixeris, non multum peccabis. Siquidem si totius membri motum & modum secundum se spectes, omnino

deprauatus est, aliterque fit, quam fieri debet. Si verò facultatem mouentem respicias, eius, utpote debilis, & membrum ut debet, ferre non valentis respectu, etiam imminuta actio appellari potest. Et quidem motus is, qui à facultate motrice prouenit membro simpliciter p.n. non est, sed is, qui à membri grauitate prouenit. Concurrit enim in hoc motu facultas animalis, neque planè contra voluntatem est omnis motus in tremore, ut in conuulsione, sed facultas mouens quidem voluntariè, membrum in altum eleuat, vel dextrorsum, aut sinistrorsum, vel ante aut retrò mouet, (hoc enim nisi faceret, membrum in eam loci differentiam, quo pondus vergit, laberetur, & prolapsum, quod in paralyfi accidit, in eo maneret) vel ob debilitatem, membrum in eo statu seruare nequit. Duobus videlicet motibus contrariis partes tremore laborantes afficiuntur, vno, qui voluntarius est & à facultate animali mouente instituitur, altero, qui contra voluntatis imperiū accidit, quo membrum ob grauitatem & pondus deorsum, aut in aliam loci differentiam labitur, in quam prolapsum, cum facultas mouens iterum conetur erigere pondus contra perpetuo renitatur, breuibus, & quæ vix discerni possunt, interuallis, hæc motus vicissitudo accidit; quæ tremoris essentiam constituit. Ideoque membra tremorem non sentiunt, dum rei alieui firmiter innituntur, sed tum demum cum facultas mouens membrum liberè mouere conatur.

*Tremoris
à paraly-
si & con-
uulsione
differen-
tia.*

Ex quibus patet, rem se longè aliter habere in tremore quam in paralyfi & conuulsione. Etenim in paralyfi membrum, postquam in aliquam situs differentiam delapsum est, eam solum seruat, vel per interualla continenter vno, eoque tardo & languido motu attollitur & mouetur. In conuulsione verò pars solum contrahitur & contracta seruatur. In tremore autem, ut dictum duobus motibus pars continuò mouetur, vno, qui fit à facultate animali, membrum attollente & mouente; altero, qui contra voluntatis imperium sequitur membri naturalem grauitatem. Inter quos duos motus perpetua quasi pugna est, dum facultas animalis membrum eleuare & liberè mouere conatur, ob grauitatem verò membri ipsa debilis, il-
lud

Iud mouere liberè non potest. Habetque se res, vt in iis, qui pondus aliquod gestant. Si enim id leue sit, facultasque ei ferendo par, nullus tremor fit, & facultas motrix ponderis inclinationi satis obsistit.

Si verò pondus sit grauius, quam vires ferre queant, partes sub pondere tremunt. Qui verò planè oneri ferendo pares non sunt, sub eo succumbunt & immoti manent. Ita etiam nec qui bene valent, nec cùm membrum planè resolutum est, & nihil mouetur, tremor accidit, sed cùm facultas debiliter mouet.

Differt etiam tremor à palpitatione. Tremor enim ex dimidia parte motus voluntarius est. Palpitatio verò planè p.n.fit, siquidem qui membrum mouere non instituunt, non tremunt. Palpitatio verò accidit, etsi pars voluntario motu non moueatur. In palpitatione, etiam non totum membrum, scilicet cutis, muscoli, ossa, nerui, & omnia è quibus constat, quod in tremore fit, mouetur, sed caro & in primis cutis nominetur, palpitanisque membrum, non vt tremens, continuò sursum & deorsum, aut dextrorsum, vel sinistrorsum mouetur, sed in eodem situ & immotum non distenditur, nunc manens subsidet.

Differt tandem à rigore, qui non fit à facultate motrice secundum voluntatis imperium membrum attollere conantis, sed ab expultrice naturali stimolata, quæ animalem in consensum trahit, & plerumque tremor est in vna parte, rigor verò in omnibus totius corporis, rigorque fit cum dolore & molestia; tremor verò sine dolore accidit.

Causse.

Facultatis motricis imbecillitatem & debilitatem, seu facultatem motricem p. n. oneratam tremoris proximam causam esse in definitione diximus. Idque verum esse, facile corpora quibus tremor accidit, consideranti patebit. Tremunt enim senes, ebriosi, valdè refrigerati, qui ad paralyfin inclinationem habent, omninò qui ex causa quacumque neruosum genus debile habent. Verum hic monendum dum facultatis motricis debilitatem, causam esse diximus, nos medicis vsitatum morem loquendi sequi. Aliàs enim vt in Institutionibus, lib. 2. part. 1. cap. 2. dictum,

ctum, facultates propriè non debilitantur, sed animæ inseparabiles proprietates sunt, & senex, si haberet oculum iuuenis, videret vt iuuenis, cum eadem potentia sit instructus. Ergo dum facultatum debilitatem dicimus, proximè de instrumentis intelligimus, & proinde tremoris causa in instrumētis volūtario motui dicatis quæreda est.

*Proxima
tremoris
caussa
ubi ha-
reat.*

Proximum autem & proprium voluntarij motus organum est musculus, & præcipuum in eo nervus, qui per ipsius musculi substantiam tenuissimis fibris disseminatur, seu fibræ illæ in quo nerui musculi resoluuntur. Et quidem nervosæ illæ fibræ bene constitutæ, calido scilicet suo innato, quod Auicennas spiritum motorium nominat, præditæ; & spiritu animali influente, qui insitum fouet & excitat, perfusæ: facultatisque ad mouendum robur totum pendet à neruorum musculis insitorum, seu fibrarum nervosarum in musculis insitorum, seu fibrarum nervosarum in musculis recta constitutione. Et contra facultatis motricis imbecillitas ab ipsarum mala dispositione, quæ prouenit, vel à domestico & peculiari neruorum, vel spirituum animalium influentium vitio.

Atque ita tremoris p.n. causa quærenda est, vel in spirituum animalium influentium vitio; vel in neruorum & fibrarum nervosarum in musculis mala dispositione; & quidem aut in intemperie & similari constitutione, ac calor illius insit vitio, aut in morbo organico eorundem. De quibus, vt causis tremoris proximis, iam dicemus, & vna opera cuique alias remotiores, cum internas, tum externas causas subiiciemus.

*Tremor à
spiritu
absump-
tione, &
resoluto-
ne.*

Spirituum animalium influentium vitio fit tremor, cum illi deficiunt, non quidem absolute, vt in paralyfi, sed cum non iuxta copia influunt. Quod accidit, quia vel non generantur, vel geniti absumentur, & dissipantur. Non generantur ob cerebri intemperiem frigidā, cum in morbis cerebri frigidis quacumque de causa cōtractis, de quo supra p. 1. c. 2. & 10. dictum, tum in senibus; vnde tremor senibus familiarissimus est, vtpote quorum cerebrum vna cum vniuerso corpore refrigeratur, vt & iis, quorum parentes hoc symptomate laborarunt.

Ob spirituum vitalium defectum spiritus animales non generantur, vel quia ipsi vitales spiritus non sufficienti copia generantur, id quod in morbis, in quibus calor & vis concoctrix languet, accidit, vel quia ob inordinatum motum à cerebro non fluunt; id quod fit in vehementibus animi pathematis, ut ira, gaudio nimio, timore & terrore ex aspectu rei, quæ vel veneratione, vel metu & horrore terret, qualis est hostis, periculi instantis, principis, loci præcipitis, serpentis, facinoris, vel alterius rei horrendæ intuitus, quibus modis omnibus spiritus subito percelluntur, & magno impetu, siue ad interiora, siue ad exteriora feruntur: atque ideo ad cerebrum non perueniunt, unde spiritibus animalibus generandis materia denegatur.

Nota.

Generati verò spiritus animales resolvuntur & dissipantur, (quod tamen ipsum etiam spiritibus vitalibus commune esse potest) in morbis diuturnis, nimia sanguinis euacuatione, & purgationibus immodicis, & exercitio nimio, Pre immoderata, longa inedia, vigiliis, animi deliquiis, & similibus.

In ipsis verò membris & nervis causa tremoris est. Primo, cum intemperie aliqua, vel frigida, vel humida laborant; id quod plerumque accidit: vel etiam sicca, ut in phreniticis & maniacis quandoque evenit, ut Hippocrates, 1. *Prophet. aphorism. 9. & 14.* docet, ubi aut calidum innatum nervorum à calore p. n. absumitur, aut maligna qualitate dissipatur. Potest enim illa intemperies frigida & humida, quæ plerumque tremoris causa est, nervosis partibus induci à causis, tum externis, tum internis. Causæ externæ sunt aer frigidus, aqua frigida, nix, glacies, nimius aquæ frigida in febribus, post balnea, & exercitia, & motus corporis, aut inedia, potus, imprimis si aqua è niue, vel glacie soluta sit. Internæ verò sunt, humores frigidi & crassi, imprimis pituitosi, quacumque de causa cumlati: quæ causa & in iis locum habet, quibus sanguis, vel alia consueta euacuatio suppressa est. Vnde, ut postea, *questione tertia*, dicetur causa morbi apud Hippocratem, 2. *Epidem. f. 4.* Stymargi ancillæ puerperæ, quæ ob retentionem sanguinis tremore correpta, sanguinisque venis tali emissio

Tremor
ab intē-
perie ner-
uos la-
dente.

emissione curata est, potius ad humorum neruofum genus supprimendum copiam referendum puto, quam ad errorem externum, pondus, scilicet membrum deprimés, quod Capiuaccius existimat; nisi quis forsan ad vapores prauos, è sanguine post partum suppresso, elatos ad neruos, causam referre velit.

*Tremor à
maligna
& nar-
cotica
caussa.*

Deinde in neruosis partibus vitium est, cùm praua dispositio à causis tota substantia, & occulto modo neruosis partibus infectis ipsis inducta est. Quod à venenis plurimum accidit; vt & ☿io, vnde Aurifabri & alij, qui argentum viuum tractant, eiusque halitus & vapores excipiunt, vt & ij, qui lue ☿rea laborantes, cinnabaris & ☿rij suffitu vsi sunt, plerumque tremulas manus habent. Idem præstare possunt & humores maligni & prauis, in febribus malignis aut aliis morbis, quibus tamen febres plerumque coniunctæ sunt, vt retentiones secundinæ, sanguinis etiam post partum suppressiones, vt modò diximus. Pertinent huc & medicamenta narcotica, vt opium, hyoscyamus, quorum incautior vsus tremorem inducere potest, vt & vinum meracius, ac potentius præsertim ieiuno stomacho potum, quod ipsum neruos ferit; & vim quandam narcoticam obtinet: vnde vini potatoribus & helluonibus tremor familiaris esse solet.

*Tremor à
neruorū
obstru-
ctione,
vel com-
pressione.*

Tandem in neruis vitium est, cùm obstruuntur, & densiores redduntur, vt Spiritus animales sufficiente quantitate in eos influere non possint; idque ab humoribus frigidis & humidis, vel etiam melancholicis fieri potest, aut, vt aliis placet, cum à quocumque humore comprimuntur, & irrigantur, quod etiam ab humoribus serosis & pituitosis fieri potest. Qua ratione in febribus ardentibus tremores fiunt, teste Galeno, 6. aphorism. 26. Nisi quis ab occulta humorum illorum malignitate, vt dictum, neruos lædi statuere velit. Ab ortu quoque neruis vitium inesse potest, cuius rei historiam refert Platerus de quodam, qui à primo ortu ad senium, vsque continuò tremuit brachiis, manibus, pedibus, quibus inter ambulandum veluti saltabat, capite item quod agitabat, & maxilla, qua veluti masticabat.

Differentiæ.

• Etsi alij plures tremoris differentias constituent , vt *Differentia.*
 quod alius maior, alius minor ; alius totum corpus , alius
 partem quandam , hancce , vel illam occupat : tamen ea
 præcipua est, quæ à causis petitur ; cum secundum eam
 curatio etiam variet. Aliam enim curationem requirit tre-
 mor , qui ab intemperie cerebri frigida provenit , aliam ,
 qui à spirituum vitalium , qui animalium matetia sunt , de-
 fectu , aut inordinato motu ; aliam , qui à spirituum , seu
 animalium, seu vitalium dissipatione & resolutione proue-
 nit ; aliam iterum , cum nervi intemperie frigida & humi-
 da laborant ; aliam cum ab occulta, venenata, ac maligna,
 aut narcotica qualitate afficiuntur, aliam cum obstruuntur,
 densantur, seu comprimuntur & humectantur.

Signa Diagnostica.

Tremor seipsum oculis prodit , siue sit in parte aliqua , *Signa*
 siue in toto, sicuti & an parvus, vel magnus sit. Quomodo *diagno-*
 etiam ab aliis affectibus paralisi , convulsione, palpitatio- *stica.*
 ne , rigore differat , antea dictum. A qua verò causa de-
 pendeat , suis indiciis colligendum , quæ ex constitutione
 corporis , præsertim cerebri & nervorum, ac humorum in
 his , & symptomatum vt & causarum , quæ præcesserunt
 vel accidunt , consideratione sumuntur. Primò nimirum
 quærendum, an causa externa, vel euidens aliqua ex earum
 numero , quas antea recensuimus , præcesserit. Hæ si non
 præcesserunt, de causis internis inuestigandis sollicitus sit
 Medicus.

Cerebro affecto , & spirituum animalium influentium
 (absque causis externis & eidentibus) vitio tremorem
 fieri colligitur ex signis , quæ intemperiem frigidam & hu-
 midam cerebri indicant , & supra *part. 1. cap. 2. 3. & 10.* sunt
 proposita. Profunt , quæ cerebro hoc modo per se affecto,
 sunt vtilia, cerebroque curato, pars ob consensum læsa &
 ipsa curatur. Absunt signa membrorum , quæ tremorem
 patiuntur per se affectorum , & prius partes cerebro pro-
 prias hinc remotiores afficiuntur. Ipsas verò partes ner-
 uosas absque spirituum animalium influentium vitio , ma-
 lè affici colligitur , si cerebri malè affecti signa non adsint,
 con

contra cùm causſæ tum affectus monſtrent in ipſo membro diſpoſitionem vitioſam hæreſe. A parentibus propagatum fuiſſe malum, ex relatione ægri cognoſci poſteſt.

Prognostica.

Prognostica.

1. Tremor, qui à cauſſis euidentibus, vt terrore, & aliis animi pathematis, vigiliis, inedia, exercitiis nimis prouenit, nihil periculi habet, ſed cauſſis iis ſublatis, ipſe ceſſat.

2. Tremor Paralyſi ſuccedens etiam malus non habetur; quoniam indicium eſt naturæ, vel vincentis morbum, vel certè imminuentis. Et præſtat actionem aliquam eſſe imminutam, quam abolitam.

3. Tremor verò cauſſis internis pendens, & vt morbus affligens, etſi & ipſe per ſe lethale malum non ſit, nec per ſe aliquid periculi afferat, quia tamen facilè in paralyſin, apoplexiam, lethargum, ſpasmus degenerare poteſt, non contemnendus. Sicut & ob cauſſam, à qua pendet, mortem non longè abeſſe ſæpius ſignificat.

4. Tremor quò vehementior eſt, aut in parte nobiliore conſiſtit, eò deterior. Auicennæ in parte ſiniſtra eſt periculoſior; quia calidum innatum eius partis facilius cedit & ſuccumbit.

5. Tremor in ſenibus non curatur, ob cerebri & ſpirituum magnam imbecillitatem, ſed eos plerumque ad mortem comitatur.

6. Tremor hæreditarius, vel qui paulatim ob errores in victus ratione contrahitur, & præcipuè in iis, qui à natura facultatis animalis organa debiliora habent, raro curatur, ſed vel in eo ſtatu permanet, vel ætatis progreſſu etiam augetur.

7. Quibus in febribus tremores ſub initio incidentes conquieſcunt, iis tandem in articulis abſceſſus dolens ſuppurat, aut veſica laborat, materia ſcilicet à venis in neruos, aut articulos effuſa, aut in veſicam, vbi vrinæ difficultatem efficit. Hippocr. in Coac.

8. Si tremor in conuulſionem permutetur, malum; quia, vt vulgus exiſtimat, neruoſorum partium exſiccationem

nem magnam sequitur, à quâ, tanquam à priuatione ad habitum, non fiat regressus; vel potius quia materia, quæ antea nervis intemperiem inducendo tremorem efficiebat, iam deteriore qualitate induit, vt nervos vellicet.

9. In febre ardente tremantibus delirium succedit, *παραγινωσκ* facta materiæ è venis in nervos; sed cum ægri detrimento. Cum enim priori morbo succedit alius æquè grauis, aut etiam grauior, viribus hac ratione consumptis, exiguum tum vitæ spem superesse necesse est. 6. *aphor.* 36. & in *Coacis*.

10. Qui tremores ad manum resiliunt, in malo sunt, Hippocrat. in *Coac*. Aliquando enim si ægri manus diligenter spectetur, aut attingatur, intremescentem illam reuelli subito animaduertimus, qui motus ex tremore & conuulsione mixtus est, ac *παρσυσπασμῶδης* appellari potest ex 3. *Prorhet. aphor.* 13. Estque periculosa affectio; non tamen simpliciter; in longis enim febribus, vbi multa cruditas est materiæ, minore illa periculo accidit, nervis humore madentibus, vnde & multi euadunt. In acutis verò & ardentibus, vt vulgata est sententia, incendio febrili nervi exsiccati sunt, seu potius, vbi à materia praua vellicantur, lethale signum est, ac ferè delirium & conuulsio sequitur, vnde ægri moriuntur.

11. In vehementi phrenitide & melancholia ex flaua bile in atram mutata, tremores sunt mortiferi, teste Hippocrat. in *Coacis*, ob neruorum, vt vulgò existimatur, ex incendio febris & vigiliis exsiccationem, aut potius, ob prauam qualitatem humoris nervoso generi inimici. Videre tamen licet, & in phrenitide, & ante hanc, tremulum quendam motum ab acrium vaporum morfu, aut humorum per partes nervosas transitu, qui sæpe criticus est & salutaris.

12. Mulieri post partum ex retentione secundinæ tremor proveniens, malum. Quia signum est putridorum & malignorum humorum nervos vellicantium.

13. Tremor in apoplexia, vel Lethargo accidens, malum signum est. Indicat enim, quod virtus extremè oppressa

pressa exurgere nitatur ad expulsionem materiæ, in quo tamen conatu deficiens, extincto calore naturali tandem succumbit.

14. In inedia, aut quauis alia euacuatione extenuatum si tremor apprehendat, malum; quoniam spiritus dissolui & vires ex inanitione collabi est indicium.

15. Tremor in labio inferiore vomitum instare indicio est.

Indicationes.

Indicationes.

Et si Causa tremoris proxima sit, facultatis motricis debilitas: tamen quia illa à multis causis, vt supra dictum, oriri potest, singulis suis contrariis occurrendum. Neque enim in omni tremore, vt Galenus *lib. de tremore, cap. 5.* monet, calefaciendum, sed si à bile proueniat, vt in febribus ardentibus, in frigidantia nonnulla requiruntur.

Si videlicet non generantur spiritus animales ob cerebri intemperiem frigidam, cerebrum calefaciendum & roborandum. Si spiritus vitales animalium materia deficiant, causa ob quam hoc accidit, tollenda, ac corpus inanitum reficiendum, & Spiritus instaurandi.

Si in neruis sit intemperies frigida & humida, calefacientibus & siccantibus tollenda, humores, à quibus fouetur, euacuandi & discutiendi, ac nerui roborandi.

Si autem praua aliqua *Ἀλγίσις* à causa maligna, vel venenata, aut narcotica iis impressa sit, si causa adhuc præsens sit, tollenda, & *Ἀλγίσις* illa neruos roborantibus expugnanda.

Tandem si seu obstructio ac densitas, seu compressio & irrigatio neruorum adsit, humor, à quo id fit, tollendus, ac nerui roborandi.

Curatio.

Curatio.

Cum autem qua ratione cerebri intemperiem cum & sine materia emendare, vt & spirituum animalium vitia corrigere conueniat supra *part. 1.* dictum sit; de spirituum verò vitalium vitiis, de affectibus cordis *lib. 2.* dicendum sit; & præterea tremor ille, qui ex conspectui rei, quocumque modo tremendæ, vel ex ira, aut aliis pathematis prouenit, sublata causa, quæ spiritus perturbat, facile cesset:

tantum

tantum hic dicemus de tremore à spirituū rum vitalium, tum animalium dissipatione & resolutione. Deinde de tremore, qui à neruorum vitio ortum habet, videlicet de intemperie frigida & humida, simulque, cum eandem curationem habeat, de neruorum obstructione, densitate & compressione. Tandem de praua dispositione à venenis, ac malignis & venenatis humoribus, & narcoticis impressa, curanda. Et quidem breuiter, cum curatio tremoris multa cum paralyfis curatione, de qua *cap. seq.* dicetur, communia habeat.

De curatione Tremoris à spirituum absorptione & dissolutione.

Si spiritus vel ob morbum aliquem grauem, aut longum, aut euacuationem nimiam, vel Prem, aut similem causam, absorpti sint, dissipatas quidem aliquo modo vires restituere, non ita difficile est, amissæ verò planè difficulter reparantur. Ad reficiendum autem spiritus, et si & medicamenta suprà proposita, *part. 1. cap. 15.* & quæ postea *lib. 2. de affect. cordis* proponuntur, vtilia sunt: tamen in primis bona diætæ ratio, quæ refectoria nominatur, utilis est. Versetur ergo æger in aëre puro, temperato, & rerum suaueolentium odore alterato. Cibus sit boni succi, facilis coctionis, & qui plurimum spirituum suppeditat. Talis sit & potus, plurimumque hic valet vinum bonum moderatè sumptum. Æger quiescat, vel etiam moderatè exerceatur. Somnus sit moderatus, vel etiam paulò prolixior, æger sit animo læto, & ab affectibus animi immoderatis alieno.

Curatio Tremoris à causa frigida, & humida nervos lædente.

Si verò Tremor à materia frigida & humida, temperiem, seu innatum calidum neruorum lædente, seu eos obstruente, aut comprimente & irrigante ortum habeat, eadem ferè curandi ratio competit, quæ postea de paralyfi proponetur. Videndum primò, an plethora, aut cacochymia in toto vel parte adsit, eaque tollenda. Itaque si sanguis peccet siue ex se, siue ex suppressa aliqua euacuatione consueta, vena aperiatur. Ita Hippocrates, 2. *Epidem.*

sect. 4. in Stymargi ancilla, quam cum post partum tremores toto corpore occupassent, quod à partu purgata non fuisset, quæ *λοχὴα κατὰ τοὺς* appellatur, illi venam secuit in talo, vt sanguinis multitudinem demeret. Et vix in alio casu sanguinis euacuatio in tremore conuenit, quam vbi tremor ex suppressis hæmorrhoidibus, menstruis, vel purgatione sanguinis post partum, ortum habet. Atque tum commodissimè vena in talo aperitur, vel etiam hæmorrhoides prouocantur. Aliàs verò in frigido affectu, ne corpus magis perfrigeretur, non conuenisset venæ sectio, vt refert Galenus in lib. de Tremore cap. 5. & de venæ sectione aduersus Erasist. cap. 5. Vbi verò plethora tanta non est, venæ sectionis scopus cucurbitulis cum scarificatione & cibi paucitate suppletur.

Si verò humor frigidus mali causa sit, præparetur & purgetur, vt supra par. 1. cap. 10. dictum, cerebrumque ac partes nervosæ roborentur. Iis verò quæ supra loc. alle. dicta sunt, pauca saltem addimus. Ad alterandum & roborandum in primis saluia & castoreum commendantur, vt & galega & stoechas Arab. 3. j. cum hydromel. exhibita; item conseru. primul. veris, anthos, meliss. & acorus conditus & huius generis alia.

Auicennas commendat cerebrum leporis assatum & castoreum, omnibus modis, cum assumptum, tum extra adhibitum, prodest.

Ad confortationem nervorum præcipuè post diuturnos morbos, utile est hoc Electuarium.

℞. Pulpæ pullorum columbarum syluest. vel ciconiarum in vino elixarum 3. iij. cerebri leporis assati 3. j. amygdalar. dulc. mundatar. num. xxx. pinearum recentium lotarum cum hydromelite num. xx. passul. minor. 3. j. sp. elect. resumptiui 3. ij. pulu. cinnamomi 3. iij. zingiberis, caryophyll. galang. macis, an. 3. j. cardamom. 3. B. mosch. 3. ij. mellis despumati q. s. F. Electuar.

Vel ℞. Conseru. flor. lauend. rorismar. salu. an. 3. B. elect. diacori 3. vj. cerebri leporis assi 3. j. castorei 3. B. cranij human. preparati 3. ij. pulu. rad. & sem. pæon. an. 3. j. visci quern. 3. B. spir. primul. veris 3. j. essent. salu. 3. B. Cum Syr. de stoech. q. s. F. Electuar.

Vel ℥. Conser. beton. rorism. an. ʒ. j. β. zingib. cond. ʒ. vj. spec.
diam. d. diamb. an. ʒ. β. Theriac. ʒ. ij. aureæ Alexand. ʒ. β. spir.
⊕ D. j. Cum Syr. de betonica q. s. F. Elect. Vt & hoc:

℥. Conseru. flor. salu. anthos, acori, an. ʒ. ij. cranij hominis
præp. ʒ. β. rad. ac sem. pæon. rad. plantag. aquati. an. ʒ. j. β. cereb.
leporis assati ʒ. ij. M. F. Electuar.

Vel paretur hic Syrupus ad neruos roborandos utilis.

℥. Herbar. primul. vers. salu. rutæ, chamæpyth. maioran. cha-
mædryos, satureiæ, calamint. origan. beton. an. M. β. calami arom.
ʒ. β. Coq. & cum l. q. mellis. F. Syrupus.

In quo adhuc calido nodulus sequens suspendatur &
relinquatur.

℥. Cinnamomi, Caryoph. macis, nuc. mosch. sem. pæon. piper.
nigr. longi, zingib. spicæ, sem. anisi. an. ʒ. j.

Nicol. Flören. refert serm. 3. tr. 3. c. 9. quòd mulier quædam
sexagenaria à tremore capitis liberata fuerit sola comestio-
ne nicticoracum, quos depilatos cum visceribus decoque-
bat, & comedebat.

Chymici essentiam melissæ laudant, in aqua basilic. exhi-
bitam. Alij in quinta essentia vini folia saluix macerant.

Nonnulli aliis remediis nihil proficientibus, decoctum
ligni sancti & farsæ paril. per aliq. dies propinant, ad ex-
crementitium humorem exsiccandum, & per sudores ex-
hauriendum & euocandum.


Tremor à potu aquæ è niue resolutæ, curatur balneo ca-
lidissimo, in quo æger moretur, donec benè sudauerit. Po-
stea vtatur cibus & inunctionibus calidis.

Ex Topicis ad alterandam intemperiem neruosarū par-
tium, humorem pituitosum discutiendum, & neruos robo-
randos, conueniunt ol. costin. vulpin. de castor. Lumbric. te-
rebint. Philosoph. de piper. nardinum, iunip. & lilior. albor.
in quo flor. lauend. lilior. Conuall. macerati fuerint, vel ol.
ex florib. trifol. qui in primis commendantur, & alia, quæ
de paralyfi postea proponentur, quib. ceruix & origo ner-
uorum & membrum inungatur, iisdemque aqua aliqua
apoplectica, aut Cephalica admisceatur.

Vel ℥. ol. iunip. de castor. de piperib. vulpin. an. ʒ. j. vnguent.
Martiani ʒ. j. β. sapon. Venet. ʒ. j. pulu. sem. eruc. vrtic. rutæ, cæpar.

an. 3. j. axung. anatis 3. j. ʒ. M. pro vnguento.

Vel adhibeatur sequens vnguentum.

℥. Ol. communis ʒ. j. clareti boni ʒ. ʒ. ol. laurin. 3. ij. axung. canis 3. iv. succ. salu. 3. ʒ. pul.  citr. sapon. Venet. an. 3. iv. Coqu. ad consumpt. clareti, & succi, coletur.

Vtile est & balsamus rorismarin. lauend. saluix, petroleum, ol. destillat. iuniperi, maioran. melissæ.

Lauetur quoque membrum tremulum aq. vel decoct. saluix, rorismarin. lauendul. maioran. addito castoreo.

Nonnulli commendant lotionem membri malè affecti ex aqua pentaphylli, & membrum per se seu sponte resiccari iubent: alij decocto granorum iuniperi cum vino parato vtuntur: alij aqua lappæ, maioran. saluix, flor. sambuci pro lotionibus vtuntur. Mizaldus artemisiā in aqu. rosarum macerat, & hoc infuso membra tremula lauare iubet.

Nonnulli aquam nucum auellanarum commendant:

℥. Nuces auellanas immaturas, circa diem Margaritæ, * in ☽ versante, collectas, contund. & superfund. aq. fl. sambuc. destilla. In liquore destillato spongia humectetur, qua membra tremula fricentur, quibus lintheum quadruplicatum in ea aqua humectatum super imponatur.

Alij sequentem aquam stillatitiā pro secreto habent:

℥. Fol. salu. recent. ʒ. j. camphoræ 3. j. vini alb. q. s. Digerantur per 8. d. deinde destilla in B. & modo dicto vttere.

Possunt & sacculi, & cucuphæ ex cephalicis & aromaticis puluerib. concinnata vertici capitis raso admoueri.

Sunt qui sequentem balsamum secreti loco habent:

℥. Mastich. thuris, myrrh. gumm. Arab. opopanax. sagapen. an. 3. ij. styr. calamit. & liquid. sang. dracon. mumie, an. 3. j. ʒ. croci 3. ʒ. terebinth. ij. ʒ. mannae el. 3. j. ʒ. herb. inæ arthet. paralyf. an. M. j. ʒ. Concisis & contusis superfund. sp. vini Rhen. ʒ. ij. Stent in infus. in loco calido per 3. d. Postea f. a. destillentur. In destillato liquore dissolu. Moschi 3. j.

Hoc balsamo nucha, & spina dorsi, vt & membrum affectum inungantur.

Nec inutile fuerit, cucurbitulas sine scarificatione ad verte

vertebras , vnde nerui membri affecti prodeunt , apponere. Sunt & efficaces thermæ , & præcipuè ☿.reæ , quæ si desint , Laconicum parari , aut balneum cum herbis conuenientibus potest.

Curatio Tremoris à maligna , venenata ac narcotica caussa.

Si ab vfu narcoticorum medicamentorum , aut vapore vel contactu argenti viui , aut venenis , aut humoribus malignis , qui nerui infesti sunt , tremor originem habeat , exhibenda medicamenta venenis & malignitati adersantia , neruósque roborantia. Nonnulli , neque sine ratione , si tremor sit ab hydrargyro , aurum limatum vel foliatum medicamentis internis (vt & externis , vt dicetur) permiscent. Cum enim aurum cum hydrargyro tantam habeat cognationem , vt hydrargyrum ab auro imbibatur , fieri potest , vt si id in corpore reperiatur , cum eo vniatur & tandem per aluum excernatur.

Nonnulli docent hydrargyrum sudoribus è corpore hoc modo elicere , vt instar arenæ cuti adhæreat , & postea aqua ablui possit. Ægrum alternis diebus in balneo sicco lauare iubent , vno die ignitis lateribus affuso vino , in quo saluia & absinth. cocta sint , altero , thure carbonibus iniecto , ægrumque dum balneo egreditur , aqua vitæ cum melissa destillata , fricant , idque diebus 14. continuant.

Extra etiam adhibenda , quæ neruis familiaria sunt , ac membra tremula illinenda Theriaca dissoluta in ol. irino aut laurino , vel decocto & aqu. saluiae lauanda.

Vel ℥. succi fol. saluiae ʒ. ij. ol. de castor. ʒ. j. Schœnanth. cyp. acori seu calami aromat. ꝑic. caryoph. nucis moschat. piperis an. ʒ. ij. hermodactyl. satyrj an. ʒ. j. spirit. vin. vel aq. apoplest. ʒ. j. ceræ q. s. F. Linimentum.

Efficacius redditur , si auri limati vel foliati ʒ. ℞. addatur , si malum sit hydrargyro. Commendatur & ☿.ol. ris , vel balsamum ☿.ris , si tota spina & membrum tremulum eo inungatur.

Diaeta.

Diaeta pro ratione causarum continens ordinanda. *Diaeta.*

Si à spirituum absumptione & inedia pendeat tremor, cibo boni succi corpus quamprimum reficiatur. Si à cerebri & partium neruofarum intemperie frigida & humida ortum habeat tremor, diætā conuenit, quæ supra *part. 1. cap. 10.* proposita est. In senibus tremulis pullorum & columbarum iuuenum caro, præsertim tempore hyberno, commendatur.

Bibat æger cereuissiam, vel hydromel, saluia, betonica, rotemar. conditum. Abstinendum ab immoderato vini usu, à nimia ☿re, lotionē in aqua frigida; neque etiam manus frigida aqua abluendæ, sed potius decocto, vel aqua saluiæ, aut flor. lauendulæ

Nonnulli urinam ad manuum lotionem commendant. Vtile est & balneum ex aqua Thermar. vel marina, aut si hæc desint, ex decocto plantarum, quæ cerebro & neruis amicæ sunt.

Q V Æ S T I O I.

An Tremoris vox quandoque etiam pro rigore accipiatur.

Tremoris vocem duobus modis à Galeno accipi, propriè & impropriè scribit Hercul. Saxonia, *lib. 1. cap. 14.* Propriè pro deprauatione motus ex facultatis motricis imbecillitate, de qua iam actum. Impropriè etiam pro rigore. Atque hanc impropriam significationem vocis tremoris usurpatam docet à Galeno *lib. de Theriac. ad Pampph.* vbi scribit; Theriacam curare tremores, qui contingunt in febrium accessionibus, & *2. de Antidot. cap. 9.* vbi docet, Mithridatium curare tremores accessionum febrium. Verum enim verò etsi vulgus istas appellationes & symptomata interdum confundat; tamen Medici eas semper discernere solent. Neque loca allegata contrarium probant, sed versione Latina utrobique deceptus est Hercul. Saxon. Neutro enim in loco aliquid de tremore in textu Græco habetur: etsi versio Latina pro rigore vocem tremoris substituerit, quod etiam Latina attentè legentem faciliè latere non potest. Etenim in *libro de Theriac. ad Pampphilian.* ita habetur, ἀγασθὲν καὶ πᾶσι τοῖς πύσι ἀνάλαιον, hoc est utilis est Theriaca cuiuscunque typi rigorem tollere; vbi πύσι non τῶσι habetur. *Libr. v.*

2. de *Antidot.* cap. 9. ita legitur : καὶ τοῖς ἐν κρίσιν πυρετοῖς βοηθεῖ καὶ παρελκὲς τρομάσσουσιν, id est, febribus secundum periodum affligentibus auxiliatur, & qui paresi ac tremore laborant.

Q V Æ S T I O II.

An proxima terroris causa sit una, facultatis matricis imbecillitas.

Proximam tremoris causſam eſſe facultatis motricis imbecillitatem, quæ membrum quod à naturali pondere deprimitur, liberè mouere non poteſt, ſupra dictum eſt, Herculi tamen Saxon. *loc. alleg.* aliam cauſſam habet; dicitque dari adhuc alium tremorem, qui fiat muſculis nulla ratione exercitatis & motis, ac diſſerre à legitimo tremore, non quidem in forma motus, ſed potius in cauſſis. Eſſe enim eandem motus formam compositam ex eleuatione & depreſſione, ſed cauſſis diſſerre; cum legitimus tremor habeat eleuationem factam à facultate animali, motum depreſſionis à grauitate membri. Spurius verò habeat motum eleuationis à cauſſa, vel non naturali, vel præter naturam, vapore ſcilicet vel flatu, qui repleat neruoſum & muſculoſum membrum, & replendo membrum eleuet, motum verò depreſſionis ſimiliter à grauitate membri.

Verùm fallitur & hic Saxonia. Et primò confundit pal-
pitationem ac tremorem. Palpitatio enim est tremor ille
spurius, quem ponit, & motu isto reciproco non totum
membrum voluntario motui dicatum, quod tremoris sub-
iectum proprium est, sed solùm musculosa pars cum cute
à vapore vel fletu eleuatur, membro toto situm non mu-
tante, nec moto.

Deinde quod putat fieri posse tremorem musculo non moto, vel exercitato, atque hoc in Doctore Bottonno & virgine quadam moniali se vidisse scribit; etiam in eo deceptus fuit Saxonia.

Musculorum enim actio duplex est, vna qua pars attol-
litur seu transfertur altera, qua eleuata seu suspensa, vel
in quacumque loci differentia mota, in eodem statu ser-
uatur, quod fit in motu tonico: Ideoque fieri potest, ut

licet vna parte manus vel brachium rei alicui quietæ innitatur, nihilominus tamen ob motum tonicum, quem facultas animalis debilis in toto membro præstare non potest, tremor in membro quod quiescere videtur accadat, qui nullius alterius generis est, nec aliam causam habet, quam tremor antea descriptus.

Cardanus quoque in 6. Aphor. 26. seu vt ipse numerat 25. Galenum reprehendit, quod vnicam proximam tremoris causam posuerit, facultatis motricis imbecillitatem, quæ membrum vt par est, mouere, vel extensum seruare nequit. Etsi enim tremor iste senibus familiaris sit; aliū tamen, præter illum ponit, qui & validis corporibus accadat. Talem se vidisse scribit in vxore Mercatoris Ioannis Angli de Monte, quæ tremore adeo cruciabatur, vt tres viri illam non possent continere, quæ simul & cordis palpitationem patiebatur. Idem in Duce quodam militum se vidisse scribit. Atque omnino maximam inter has duas tremoris species, differentiam esse docet. Illum qui à Galeno & aliis vulgò describitur, accidere senibus imbecillis, aut alio modo debilitatis; hunc verò iuuenibus & validis. Illum esse continuum; hunc habere accessiones, vt comitiales morbum & conuulsiones: Illum tremorem esse lentum, exiguum, ac vix conspicuum; hunc velocem, vt vix contineri possit: Illum superposito tabulæ membro cessare; hunc etiam si membrum quiescat, nihilominus membrum agitare: Illum fieri sursum ac deorsum, hunc etiam ad latera. Causis etiam differre hos tremores statuit, vt iam dicetur. Ipse ergo duo genera tremoris constituit, vnum, quod fiat ab imbecillitate facultatis motricis, quod sit tardum & cum parua concussionem, ac cesset, si membrum quiescat. Alterum verò velox & cum magno impetu ac per accessiones, quod fiat ex corruptione facultatis, non debilitate. Causam cutem corruptionis facultatis dicit esse vaporem quendam stimulantem & pungentem nervos, sicut id & in conuulsionibus videre est. Ascendere autem illos vapores ad cerebrum, & nonnunquam etiam à cerebro ad nervos, aut ad cor transmitti, vnde simul palpitatione cordis accadat, sicut id vxori illius mercatoris accidit

dit. Atque tales etiam tremores esse docet, qui per febres ardentes contingunt, qui accidunt vaporibus talibus ad principium neruorum missis, vnde etiam Aphorismus ille habet; solui tremorem delirio, vbi scilicet vapor, qui antea principium neruorum vellicabat, iam ad ipsam substantiam cerebri eiusque ventriculos penetret. Neque etiam hunc motum ad palpitationem referri posse docet, cum tremor hic sit motus magnus, velox, creber, totius membri sine dilatatione, & contractione cum mutatione situs, quorum contrarium accidit in palpitatione, vt ex Galeno *libr. de Palpitation. & Tremore cap. 5.* videre est.

Non dissentire videtur à Cardano Platerus, qui de causis tremoris scribit: neruorum quosdam affectus non spiritus intercludere, sed neruos alia ratione labefactando, lædendove tremorem inducere; vt si ab humoribus excrementitiis, sicut dictum, non tantum spiritus intercipientdo, imbecillitas hæc in musculo tremoris causa sit, sed & irritando neruum ad motum, qui in tremore fit, non nihil impellat, vnde & aucta causa, vel perseuerante, tremor in conuulsionem sæpè desinat.

Verum enim verò libenter quidem concedimus, motum hunc, quem describit Cardanus, à tremore qui vulgò explicatur, omninò distinguendum esse, ne forsan in curatione nobis accadat, quod ipsi Cardano euenit, cui, vt *loco allegato* ipse scribit, cum dux quidam militum hoc malo correptus curandus oblatus fuisset, atque ipse ea tantum ea cogitaret, quæ Galenus passim de tremore scribit, nullamque aliam causam esse existimaret, quàm facultatis debilitatem, ægrum curare non potuit, quem tamen forsan curare potuisset, si ea, quæ de hoc tremore addidit, perpendisset. Sed nō Galenus Cardanum, verum Cardanus seipsum decepit, dum putauit, hunc affectum, quem in vxore illius mercatoris ac Duce militum obseruauit, tremorem esse à Galeno descriptum, & pendere à facultatis motricis imbecillitate, in quo valdè errauit. Etenim tremor nunquam fit sine motu voluntario, & tremor, respectu facultatis motricis, est motus voluntarij debilitas:

respectu verò totius membri, motus voluntarij deprauatio: id quod non accidit in hoc motu à Cardano descripto, qui omninò contra voluntatem accidit, & ita quidem, vt etiam vi externa motus ille p. n. semper impediri non potuerit. Præterea tremor non fit cum tanta corporis concussione & agitatione, sed saltem in differentias, vnā, in quam à facultate motrice trahitur, alteram, in quam pondere suo membrum vergit. Vnde ad tremorem hic motus à Cardano descriptus referri non debet.

Vt verò quid mihi videatur, aperiam, conuulsiones & quidem epilepticæ fuerunt hi motus, quos Cardanus pro tremore habet. Etsi enim in perfecta Epilepsia ægri concidant: tamen si causa sit leuior, id non semper accidit, & talis epilepsiæ exempla in Institution. recensuimus, ac tale etiam habet Smetius in *Miscell.* p. 526. Ac hoc ipso an. 1624. foemina quædam Halæ Saxonum tale quid perpessa fuit, quæ cum cancrum exulceratum in mamma haberet, atque in dies illud profundius serperet, tandem cum corruptio vsque ad membranā thoracis peruenisset, aliquoties tales conuulsiones passa est, vt etiam ab aliquot hominibus quieta contineri non potuerit. Atque facile hoc cognoscere potuisset Cardanus; cum ipse scribat, tremorem hunc accessiones habuisse, & membrum concussisse, & à vapore neruos vellicante ortum habuisse. Ideoque ad conuulsionem potius hic tremor, quem ita appellat Cardanus, referri debet, quam ad tremorem propriè dictum.

Quod verò tremores illos in febribus ardentibus attinet, hic concedendum puto, conuulsionem quandam interdum cum tremore concurrere, & tunc spasmus *τρεμαδης*, aut *τρεμου παρασπασμωδης* appellari posse. Facile enim accidere potest, vt facultas ex morbo ad mouendum sit debilis, & inde fiat tremor: quod si humor sit malignus, & simul neruos vellicare incipiat, tremori conuulsio accedit & motus quidam ex conuulsione & tremore mixtus accidit.

Atque ita proxima vna tremoris est causa, debilitas facult.

cultatis motricis, quæ membrum eleuatum in eo statu seruare nequit. Motus verò illi, qui à vellicatione neruorum oriuntur, conuulsiui sunt.

Q V Æ S T I O I I I.

An Tremor ab errore externo quoque prouenire possit.

Capiuaccius, cap. de Tremore, motum in tremore duobus modis deprauari statuit, vel læsa facultate, vel ab errore externo; & ad errorem externum refert primò vitium spirituum animalium, quod hi nequeunt facultatem influxam seruare robustam. Deinde mobile, seu pondus mobilis, partiùmque motui destinatarum, cuius exemplum ponit sanguinis abundantiam & potum copiosum. Tertiò ad vitium spirituum & pondus simul refert venena, frigiditatem nimiam, calorem & humores calidos, ac similia, quæ cum spiritibus animalibus aduersantur, tum calidum partibus insitum lædunt.

Verùm non video quomodo aliquid ad errorem externum referri possit, quod obiecti rationem, respectu motricis facultatis, non habeat. Itaque spirituum vitium non ad errorem externum, sed partium, quæ proximum motus organum sunt, neruorum scilicet, morbos, & dispositionem p. n. rectius referri puto. Spiritus enim animales influentes insitum neruis calidum perficiunt, temperièmque eorum quasi complent, & vt facultas motrix motum actu præstare possit, efficiunt. Potus verò copiosus, & sanguinis euacuandi retentio tremoris causa sunt, non quod membrum nimis graue reddunt, sed potius, quia vel insitum neruis calorem debilitant, vel ad vitiosorum humorum, qui idem efficiunt, generationem faciunt.

Atque idem præstant venena, frigus nimium, & humores in febribus ardentibus; qui ipsi tamen maligna sæpe & occulta potius vi, quàm manifesta qualitate neruis inimici sunt, vt suprà de causis dictum.

Q V Æ S T I O I V.

Quomodo Hydragrym Tremoris causa sit.

Hydragrym tremoris causam esse extra dubium est, testaturque id experientia. Nec ignotum est id aurifabris, qui ad noxam, quam argentum viuum inferre potest, vitandam

tandam, dum argentea vasa inaurant, in aëre libero vento secundo sedere solent, ut fumus argenti viui ab eis arceatur. De modo autem controuersum est. Nonnulli & vaporem argenti viui noxium esse, & in inunctionibus extra etiam adhibitum neruis nocere statuunt. Alij saltem vaporem ore exceptum noxium esse docent. Platerus in *tract. 1. de causis tremoris*, vtrumque negat, & argentum viuum in substantia, nec per suffitum, nec per inunctiones corpus subire, sed viribus tantam eo usque deductis, neruis nocere statuit.

Verum enim verò nemo, qui argentum viuum tractauit, eiusque naturam cognitam habet, Platero facile assentietur. Etenim Hydrargyri ea natura est, ut in alia corpora sese intimè insinuet, eiusque mistio tam exacta, ut naturam suam, quocunque etiam modo mutata videatur, non amittat, sed ad pristinam naturam facile redeat, vaporque Mercurij nihil aliud est, quam ipsum argentum viuum in tenuissima corpuscula redactum. Ideoque vtrumque fieri putamus, ut & vapore ac suffitu & inunctionibus noceat, & quidem non solum qualitates communicando, sed etiam substantiam. Etenim vapor ille ut dictum, nihil aliud est, nisi Mercurius in subtilissimas & minimas partes resolutus, qui facili negotio in Ψ ium viuum & currentem etiam redit, quod Chymicis tam notum est, quam quod notissimum. Quin verò & inunctionibus in corpus penetrare possit, nemo dubitabit, cui vires argenti viui notæ sunt, atque ita experientia id confirmat. Quantum enim ex suffitu & inunctionibus corpori nocere possit, historiis & exemplis demonstrant Fernelius de *Lue & rea* cap. 7. Iulius Palmarius de *Morb. contag. l. de hydrag. cap. 5.* Forest. *lib. 8. obseru. 5.* Neque solum qualitate; sed & substantia facile patebit ei, qui exempla ista & historias diligenter perpendet. Præterea refert Laurentius Scholtz. in *obseru. Schenck. lib. 7. de hydrarg. obseru. 20.* cuidam frequenter videnti Mercurio accidisse, ut Mercurius brachio eleuato & dimisso in eo fluctuaret, & motu manifestè perciperetur.



CAPVT XXVI.

De Motus impotentia in genere.

¶ V M Tremor sæpè sit Paralyseos sequētis præludiū, if-
que vt à facultatis motricis imbecillitate dependet,
ita in motus impotentiam & abolitionem sæpe definant;
commode atque ordine post tremorem, iam de motus
impotentia & abolitione agimus. Et primò quidem in
genere de motus impotentia; postea in specie de Paralyfi
dicemus.

Notandum enim hic, motus impotentiam latius pa-
tere, quàm paralyfin. Nam ob luxationem articulorum &
ossium dislocationem, eorundemque fracturam, ob vul-
nera, ob humores, ob exsiccationem & duritiem ten-
dinum, ac ligamentorum, & similes causas, membra,
vt debent, & secundum voluntatis imperium moue-
ri non possunt, ac mouendi impotentia excitatur, quæ
tamen paralyfis non dicitur. Neque cui crus fractum,
ac vulneratum est, paralyticus appellatur, etsi am-
bulare non possit. Sed tum solum paralyfis nomina-
tur, cum facultas motrix læditur, aut frustratus, ob spi-
rituum animalium in musculis defectum, vt capite sequenti
dicetur.

*Motus
impoten-
tia la-
tius pa-
tet, quàm
Paraly-
fis.*

Cum ergo plures causæ esse possint, ob quas facultas
motrix in officio suo impeditur, eas omnes in conspectu
habere oportet, vt quæ in quolibet ægro locum habeant,
inuestigari queat. Cum autem motus voluntarij organum
sit musculus; nervi spiritum animale, sine quo nullus
sit motus voluntarius, deferant; cerebrum verò eum commu-
nicet & transmittat; ac insuper membrum, quod moueri
debet, naturaliter dispositum esse debeat: In hisce qua-
tuor impedimenti, ac læsionis, quæ in motu voluntario
accidit, causa quærenda est. De ea verò motus impoten-
tia, quæ fit ob spirituum animalium defectum, ac neruo-
rum spinalis medullæ, ac cerebri vitium, postea de para-
lyfi

*Causæ
impoten-
tia mo-
tus.*

lysi, ac apoplexia dicemus. Hoc verò capite eas causas saltem explicabimus, ob quas citra paralyfin & apoplexiam motus animalis læditur, & præcipuè de musculorum, ac partium musculis connexarum, & quæ mouentur, vitiis & morbis.

Motus impotentia à nimia musculorum refrigeratione. Et musculos quod attinet, primò nimia eorum refrigeratio, causa motus impotentia esse potest: Id quod iis accidit, quibus manus, vel pedes ab externo frigore aëris, vel aquæ, nimis refrigerati sunt, in quibus, neque manus, neque pes officium faciunt, & neque rectè apprehendere, neque rectè ambulare possunt.

Motus impotentia à musculorum exsiccatione. Deinde exsiccatio musculorum interdum motus impotentia causa est, vbi videlicet musculi, tendinesque iis inserti ita exsiccantur & indurantur, vt amplius flecti, aut contrahi & extendi nequeant. Tunc enim membrum fixum & immobile manet; Accidit hoc sæpius post nimios labores, præcipuè in senibus, quibus membra ita exsiccantur, vt digiti & manus incuruæ maneant, neque rectè amplius officium facere possint. Accidere etiam potest interdum exsiccatio ex pinguedinis, quæ musculis adnata est, defectu, vt & à glutinis illius, quo tendines oblinuntur, absumptione; quæ ab atrophia dependet. Cuius rei notabile exemplum est apud Forestum *lib. 10. obseru. 97.* de puero quodam, qui crurum atrophia laborans, vt ambulare non posset, pro paralytico à multis Medicis, quorum consilia loco allegato videre est, frustra curatus, tandem verò à Foresto restitutus est.

Motus impotentia à duris tumoribus. Nonnunquam tumor durus, veluti scirrhus, aut nodus ab excrementis in musculis genitus, imprimis circa tendines, vbi plures in articulorum regione concurrunt, mouendi impotentiam excitat; Id quod in carpò & circa genu frequentius accidere solet. Germani ab hac & priori causa mouendi impotentia laborantes. Contractos vocant, quod manus, vel genua incurua & rigida contrahuntur, vt extendi planè non possint. Idem à cicatrice post vulnus in musculo, vel tendine, qui vulnerati, non verò planè dissecti erant, accidere potest, à quo vulneris labiis contractis musculoque breuiore reddito pars, cui inferitur, contrahi

contrahitur, nec rectè moueri potest; quod non solum in articulis manuum ac pedum accidit, sed etiam musculo temporali læso accidisse, indèque os adeo constrictum fuisse, vt vix liquidissimos cibos admitteret, obseruauit Platerus.

Si quoque extendantur per motum violentum nimium tendines adeo, vt fiant inde distracti longiores, quam par erat, aut à vinculis, quibus continentur, liberentur ac laxentur, accidit, vt membrum postea sufficienter eleuari nequeat. Ita refert Platerus *lib. 1. obseru. 140.* cuidam lapicidæ, dum saxum immensæ molis volueret, adeo tendines in sinistra manus vola ad digitos annularem & minimum desinentes attractos fuisse, vt à vinculis, quibus detinentur, laxati eleuatique duas chordas sub cute tensas in altum referrent, contractique hi duo digiti & attracti postea semper manerent. Contractionum talium aliquot historiarum videantur apud Platerum *Obseru. lib. 1. à pag. 137. ad pag. 140.*

Tumor etiam in musculo dolorem coniunctum habens motus impotentia causa est, membrumque dolens, vt par est, ægri mouere, nec possunt, nec volunt.

Tandem soluta continuitas in musculis, vel illorum tendinibus facit, vt membrum, quod trahere debebant, mouere non possint, partim ob dolorem, ob quem pars vulnerata moueri non potest, partim quod musculus, vel tendo vulneratus contrahi, aut extendi nequit. Idem efficiunt vlcera, & præcipuè post Ischiadicis dolores orta, quæ membranas, nervos, ligamenta & tendines, circa coxæ articulum corrumpunt, vnde claudicatio, aut ad motum impotentia excitatur. Idem tamen & in aliis articulis fieri potest. Sicut etiam à magnis combustionibus ad articulos nervi & tendines quandoque ita retrahuntur, vt membrum inde incuruetur; præcipuè si circa initia Chirurgus ferulis & aliis idoneis medicamentis incommodum non præcaueat.

Secundò in partibus musculis annexis & præcipuè ossibus, nonnumquam tamen & ligamentis, ac cartilaginibus, causa motus impotentia hæret.

Motus impotentia à cōformatione ossis vitiosa. Primò si conformatio ossium sit vitiosa, qualis nonnullis à primo ortu obtingere, vel etiam ex fractura accidere solet, motus impeditur, vt vel æger claudicet, vel manu rectè apprehendere non valeat.

Motus impotentia ab ossium luxatione, & fractura. Secundò dislocatio ossium & luxatio, & ea qualiscumque motui obest. Præterea si ossa frangantur, membrum moueri non potest, partim quia cū pars ossis fracti, cui musculus & tendines inferuntur, mouetur, reliqua pars abrupta non sequitur: partim propter dolorem, qui etiam leui motu in osse fracto excitatur.

Motus impotentia à ligamentorum vitio. Insuper causa motus impotentia in ligamenti articulos obuolentibus & firmantibus esse potest. Eorum enim continuitas si soluatur, vel si laxentur, ossium luxatio, vel membri elongatio, quam appellant, accidit. Nam quandoque ligamenta rumpuntur; quandoque etiam ex vulnere soluuntur; sed vtrumque rarius accidit. Nonnunquam etiam ex vlcere ibi latente exeduntur, quod in coxendicis articulo, ob sinuosa ibi excitata vlcera accidere solet, vnde nonnulli toto reliquo vitæ cursu luxato & abbreviato crure claudi manent, vel pede elongato claudicant. Nonnunquam distractis ex tensione nimia, & motu violento quocumque ligamenti articulos firmantibus, & ex parte ab ossibus, quibus cohærent, veluti auulsis motus articuli impeditur, cum dolore ab initio sæpe diu molesto. Denique laxata ligamenta, neque membrum satis firmant, & constringunt, vnde fit, vt articuli elongentur, & facili de causa luxentur. Idque nonnullis ab ortu accidit, vt crura quasi pendula, & vnum altero longiùs obtineant, ac facili de causa ossium dislocationem patiantur. Si quoque exsiccantur nimium & indurentur ligamenta, id quod in callosa & nodosa podagra fieri solet, articulus & membrum immobile manet, vel ægrè mouetur, & cum mouetur, stridor aliquis, ac fragor, ac si rumperentur, percipitur.

Motus impotentia à cartilaginibus vitio. Tandem si cartilago, quæ capita ossium mobilium munire solet, suam illam naturalem lubricitatem amittat, & hinc cartilago, vel exsiccetur, vel exasperetur, motui impedimento est. Atque hæ causæ sunt, ob quas citra paralyfin spontaneus motus impediri, vel tolli potest.

Signa Diagnostica.

Signa

Ipsum motus impedimentum per se obuium est, nec signis opus habet. Cum verò pro diuersitate caussarum cura varianda sit, causse diligenter inquirendæ.

Primò refrigeratio manuum vel pedum latere non potest, sed ipse æger, quid passus sit, referet.

Exsiccatio & induratio musculorum ac tendinum, & atrophia membri, visu ac tactu comprehenditur, potestque hac in re Medicus, ne fallatur, & atrophiam membri pro paralyfi habeat, satis instrui à Foresto loco antea alleg. lib. 10. obseru. 97.

Contracti etiam, & qui scirrhos ac nodos circa articulos habent, facile à paralyticis visu & tactu discernere licet. Paralyticorum enim membra aliorum ope flecti & extendi possunt. Membra verò contracta & rigida etiam aliorum ope extendi non possunt, sed incuruata manent; tumoresque duri tactu deprehenduntur.

Si ab extensione violenta tendinum & ligamentorum motus impotentia proueniat, æger ipse, quid violenti passus sit, vel quid egerit, referet; atque ipse extensio tendinum tactu deprehendi potest. Ita tumores vulnera, vlcera, combustiones in musculis & circa articulos visui obuia sunt.

Ossium quoque vitium seu organicum, seu luxatio, seu fractura, sensibus deprehenditur, diciturque de signis fracturarum & luxationum suo loco. Ita si ligamenta vel rumpantur, vel vulnerentur, ex causis euidentibus, quæ præcesserunt, id patebit. Et tum articuli luxantur & membrum plerumque iusto longius redditur; quod si accadat, & nihil tale præcesserit, indicio est, ligamentum laxius redditum fuisse.

Exsiccatio ligamentorum tactu deprehenditur: & tum inter mouendum stridor pletumque percipitur.

Prognostica.

1. Quæ refrigeratione extremorum mouendi impotentia, facile refrigeratione cessante, & plerumque sponte cessat; Nonnunquam tamen medicamentis opus habet.

Prognostica.

2. Immobilitas membrorum, quæ ab exsiccatione &

induratione musculorum ; item duris tumoribus , nodis , callis , vel cicatricibus in tendinibus & ligamentis accidit , curatu difficilis est , & si malum diuturnum sit , ac ratione ætatis , & ob labores diuturnos obtigerit , ferè incurabilis est. Recens verò curationem sæpe admittit.

3. Si impotentia membrum mouendi fiat , quod à violentia tendo aut ligamentum distracta sint , incurabile malum est ; Vt & , si musculus penitus amputatus sit. A combustione vitium facilius , vel difficilius curatur , prout illa minor , vel maior est.

4. Si ab organico ossium vicio motus impedimentum eueniat , idque sit natium , & à primo ortu contractum , malum incurabile est.

5. Si luxatio , vel fractura rectè curetur , etiam impedimentum motus tollitur : Si verò incurabilis est , vel integrè curari non potest , & motus impedimentum aliquod remanet. De prognosticis autem luxationum & fracturarum dicetur suo loco.

6. Qui ab vlceribus diuturnis circa articulos , præcipuè coxendicem , est immobilitas , plerumque incurabilis est.

7. Eadem ratio est ligamentorum vitij. Si enim illud curabile est , mouendi impotentia corrigi & tolli potest , Sin minus , perpetuum motus impedimentum remanet.

Curatio.

*Curatio
motus
impotentia à refrigeratione.*

Primò. Si ob refrigerationem nimiam manus vel pedes officium facere non possunt , plerumque , si æger de loco frigido in calidum se conferat , sponte cessat malum. Hoc tamen hic notandum , statim ad ignem & locum valdè calidum non accedendum , neque medicamenta calida mox applicanda esse. Hoc enim si fiat , magnus dolor percipitur , & nonnunquam , si magna sit refrigeratio , etiam gangræna inducitur. Imò si magna sit refrigeratio , aqua frigidissima pars primum lauanda , aut niue fricanda est. Id quod Norrvegis , Finlandis , & aliis Septentrionalibus populis familiarissimum est. Documentum huius rei

præbent, rapa, poma, & oua congelata. Si enim ea in aquam frigidissimam iniiciantur, gelu extrahitur & extra adhæret, & ea incorrupta manent. Si verò in aquam calidam vel tepidam iniiciantur, corrumpuntur. Postea verò si aliquid intemperiei adhuc remaneat, fouenda calidis medicamentis, vt decocto baccar. lauri, roris-marin. saluæ, lauendul. & simil. aut lacte dulci, in quo ex cocta sint, aut oleis calidis, de cera, terebinth. de lateribus & similibus inungenda.

Secundò, si ab exsiccatione musculorum & tendinum fit membrum mouendi impotentia, humectantia & calefacientia, neruósque roborantia adhibenda. Musculus vel tendo ad eum tendens inungendus ol. amygdalar. dulc. violar. chamæmel. lilior. albor. lumbricor. hyperici, pinguedine anserina, humana, præcipue medulla crurum vituli, terebinth. & similibus. Alij commendant pinguedinem iuniorum catulorum per decoctionem paratam, h. m. Catulorum, qui 9. dies non excedant, fumantur numero iij. exenterentur, & decoquantur in aqua communi ad totalem carnis dissolutionem, vbi pinguedo supernatabit, refrigescat; hinc pinguedo colligatur, & vsui feruetur. Balnea etiam & fomenta vsurpentur, ex radic. althææ, liliorum alb. bryoniæ, ireos, mandragoræ, quæ etiam valde emollit, foliis maluæ, violar. althææ, saluæ, chamæpyt. thymi, floribus chamæmel. melilot. femin. lini, sænugræc. psyllij.

Possunt & infessus ex decocto ebuli parari, & singulis quinque diebus renouari.

Vel parentur seq. species pro balneo:

℞. Rad. ebuli lb. iv. gentian. baccar. lauri, inniperi, rutæ sylu. an. M. ij. flor. chamæmeli, hyperici, agrimon. fol. salicis, querc. an. M. j. Misc.

Profunt & thermæ ☿ rez. Cataplasmata ex iisdem fiant. Emplastra parantur ex gummi ammoniac. elemi, bdellio, galbano, opopanace, styrace, calamita, medull. crurum vituli, radicibus ireos, lilior. albor. & similibus.

Vt ℞. rad. althææ, bryon. lilior. albor. an. ʒ. j. maluæ, althææ, chamæpyt. flor. chamæmel. melilot. an. M. j. sem. sæ-

Curatio
motus
impoten-
tia ab
exsiccatione.

nugrac. lini, an. 3. j. Coq. in decocto pedum & capitis veruecis pro fomento.

Postea inungatur locus affectus tali vnguento.

℥. *Vnguenti dialth. 3. j. axung. human. gallin. anseris, medull. crur. vitul. an. 3. ij. succi lumbric. 3. ℞.* Misc. pro vnguent. Postea emplastrum diachylon imponatur. Post balneum & hoc vnguento membra affecta mox illini possunt.

℥. *Gumm. ammoniac. opopan. an. 3. j. ℞. bdellij 3. vj.* Dissoluantur in spir. vini Rhen. add. *ol. lumbricor. terrest. 3. ix. destill. caryophyll. 3. ℞.* Misc.

Platerus *lib. I. obseru. p. 138. 139. 140.* non sine fructu hisce usus est : Primò hoc vnguento:

℥. *Ol. lumbric. lilior. albor. an. 3. ij. ℞. cheirin. irini, an. 3. ℞. lithargyr. 3. j.* Coque parum & addatur *gummi ammoniac. dissolut. in aq. vitæ 3. j. styracis 3. ij. laricæ, 3. ℞. Cera q. s.* F. Vnguentum. Emplastrum postea tale apposit.

℥. *Gummi ammoniac. 3. ij. Galban. opopanac. bdellij, an. 3. j.* Dissoluantur in aq. vitæ. Adde *Styrac. calamit. 3. ℞. pingued. anserin. medull. crurum vituli, an. 3. j. thuris 3. ij. rad. ireos 3. j. hermodactyll. 3. j. ℞. laricæ & resinæ communis q. s.* Fiat Emplastrum.

Manè remoto Emplastro hunc fotum instituit.

℥. *Rad. althææ, bryon. ireos, lilior. recent. incisar. quantum poculum vulgare capit, Absinthij, thymi, saluiæ, an. M. j. flor. chamæm. meliloti, sambuci, an. p. j. sem. lini, fenugrac. an. cochl. 3. vel 4.* Coq. in decocto Intestin. capitis & pedum vituli, addito paucò vino.

Plura eiusmodi medicamenta videantur in Tractatu de Scorbuto *de Curatione membrorum contractorum & rigidorum.*

Manualis quoque opera ac instrumenta & machinæ ad tendines, musculos & ligamenta adstricta sensim relaxanda & extendenda non incommodè adhibentur. Sed id pro membrorum affectorum ratione varia variis modis perficitur. Si digitus vnus vel plures in manu sint extensi, annulus illi indendus, qui alij annulo vicino digito sano adhibito affixus & connexus sit. Ita enim cùm sanus digitus mouetur & contrahitur, alter simul inflectitur. Si
verò

verò membrum , vt genu, brachium digitus , contractum fit, sensum indies & sæpè membrum vel manibus vel pondere appenso , quod in pede fieri potest , vel idoneis instrumentis & machinis extendendum instrumenta ad hanc rem idonea videantur apud Guilelmum Fabricium , *Centur. 1. obseru. 83. & lib. de combust. cap. 15.*

Ad atrophiam illam in cruribus in adolescente ; vnde motus impotentia orta erat , adhibuit Forestus singulis diebus manè interdum & bis de die, frictiones mediocres manu factas , dum adhuc in lecto decumberet manè æger per integram horam , incipiendo à coxa vsque ad talos & pedes, & sursum atque deorsum membrum fricando , vt eo modo apertis poris & meatibus sanguis ad crura tabida conflueret. Has frictiones cum per dies 12. & plures continuasset , peruenit ad vnctiones, quæ humectarent & moderatè calefacerent. Prius nimirum per dimidiam horam instituit frictiones illas siccas cum panno aspero, deinde talem inunctionem adhibuit.

℞. Ol. amygdal. dulc. ʒ. ij. chamamel. ʒ. j. Misce , quo modo adolescentem pristinæ sanitati restituit.

Tertio. Eodem modo, quo ob exsiccationem tendinum & musculorum motus impotentia curatur, etiam tollitur motus impotentia ex Scirrhis, durisque circa articulos tumoribus : modò sint curabiles vt & à combustione aut ligamentorum exsiccatione, ac duritie ortum habens, videlicet per emollientia antea proposita , & membrorum rigidorum, manuum vel instrumentorum idoneorum opera in contrariam figuram sensim facta extensione. Guilielmus Fabricius loco allegato in contractionibus à combustione callum nouacula excindit, & partes quæ præter naturam coaluerunt , separat , ac vulus debito modo curat.

Quarto. Mouendi impotentia ex fractura vel luxatione, quod quo modo fieri debeat, dictum in Institutio. lib. 5. part. 1. sect. 2. cap. 3. & 4. & dicentur de iis suo loco plura.



CAPVT XXVII.

De Paralyfi.

Paralyfis

Paralyfis à *παράλυσις*, id est, resolui dicitur, quoniam neriuis & musculus, in quem inferitur, ita resoluitur, & enervatur, vt ad motum *παραρριπνόν* exercendum, fiat planè ineptus. Est enim, vt Galenus 3. de loc. affect. cap. vlt. habet, paralyfis maximè *τῆς κινήσεως ἀπώλεια*.

Vbi verò sensus solum perit, ea, si propriè loqui libeat, partis est *ἀνασθησις*: Et si & ea affectio, vbi sensus & motus simul perit, nomine paralyseos comprehendatur. Cognata paralyfi est *νάρκη ἢ νάρκωσις*, hoc est, torpor vel stupor, quæ affectio etsi potissimum sensus hebetudo sit; tamen etiam à Medicis pro affectu ex sentiendi mouendique difficultate composito accipitur, seu pro diminuta & imperfecta paralyfi. Stupor enim seu torpor sæpe ad veram paralyfin via est, eiusque futura prodromus; & saltem causarum magnitudine hi duo affectus differunt. Particula autem *παρά* hoc loco vim minuendi habet, *παράλυοι* media corporis parte, aut vno in membro resoluti dicantur: Cum *λυόμενοι* & *κατάλυόμενοι*, qui toto corpore hoc modo affecti sunt, quales apoplectici & morti vicini, de quibus Hippocrat. 2. aphor. 47. Nominatur & *παροπληγία* vel *παρωπληγία* tanquam vnius medietatis corporis resolutio, vnde & *ἡμιπληγία* appellatur, ad differentiam apoplexiæ, quæ *πάθος* est & affectus totius. Sic enim Galenus in 3. Prophet. Aphor. 26. & 68. scribit; *παροπληγία* tale

πάθος est dimidij corporis quale apoplexia totius. Denique *πάρεσις* quoque pro Paralyfi vsurpatur, quæ remissio, laxatio aut resolutio est membrorum, mouendi facultate potissimum deficiente. Ab Auicenna & Interpretibus vulgò mollificatio nominatur, non quod reuera nerui emolliantur & laxentur, sed quod molliores videantur. Propria enim musculi actio est contractio ad originem, quo neruus & tendo fit rigidior & durior quasi vt

Paralyfis
cognatus
est stupor.
Mollifi-
catio.

παροπληγία,
παρωπληγία,
ἡμιπληγία.

πάρεσις.

Mollifi-
catio.

in fidibus etiā fieri videmus. Cum autem nerui ab illa actione cessant & tendines non contrahuntur, aut non contrahi possunt, videntur esse molliores, etsi reuera molliores non sint, ac nulla essentialis mollities ipsis accidat; sicut & fides cum remittuntur, reuera non molliores, sed laxiores saltem fiunt.

Cur autem accidat, vt nunc sensus & motus simul, nunc motus, saltem saluo sensu, aut contra saluo motu, sensus saltem aboleatur, de eo dictum est in Instit. quæ hic repetere opus non est.

Definitio.

Est videlicet Paralyfis motus in parte vna vel pluribus *Definitio* abolitio (nonnunquam & sensus simul aboletur) ob spirituum animalium ad motum spontaneum necessariorum defectum. Cum enim plures & diuersæ sint causæ, ob quas *Causa* hæc motus abolitio fieri potest, omnes ad causam vnā *proximā* aliquam redigi oportet, quæ est spirituum animalium defectus. Spiritus enim animalis ad motum voluntarium, vt & sensum omnino necessarij sunt, ac sine illis nullus sensus ac motus perfici potest. Vulgò quidem docetur, causam proximam esse denegatum influxum facultatis motricis. Verum, vt alibi sæpius dictum, propriè loquendo facultates non influunt, sed animo ubicumque est, ibi omnibus suis facultatibus prædita & instructa est; Exercet autem illas organis idoneis. Ad quorum perfectionem & spiritus animales influentes requiruntur, qui faciunt, vt facultas insita in actum prorumpere possit.

Differentia.

Aboletur autem motus nunc in toto corpore (quod *Differē-* *tia.* ramen rarius accidit) seu in omnibns infra caput partibus, citra læsionem actionum principum (hæc enim si coniungatur, est apoplexia) cum spinalis medulla tota affecta est : nunc alterum latus tantum, seu dextrum, seu sinistrum afficitur; dextra scilicet, aut sinistra saltem parte spinalis medullæ læsa: nunc determinatæ saltem partis motus tollitur, vt manus, pedis, palpebrarum, à quibus etiā nomen accipit, & Paralyfis pedum, manuum, linguæ, palpebrarum aut alterius partis nominatur.

Causa.

Et si verò de causa proxima nulla sit controuersia, in causarum tamen reliquarum enumeratione non parum discrepant auctores. Quamquam enim è Galeno & Auicenna suas opiniones omnes ferè depromant: alij tamen aliter eas explicant. Galenus quidem lib. I. de symptomat. caus. cap. 5. de Paralyssi causas hæc habet, *Continens siue proxima, siue quomodocumque alio vocabulo libeat appellare, huius symptomatis causa est talis quisspiam in nervo affectus, cuius occasione à principio ad ipsum virtus transmitti prohibetur. Porro prohibetur, siquidem meatum aliquem nervus habet, qualem qui ad oculos descendunt, manifestè habere cernuntur, vel ex obstructione vel compressione. Si autem non habet, ex constitutione vel frigore vel compressione.*

Auicennas v. cap. proprio ita de causis Paralyssi docet: *Destructio sensus & motus fit, quoniam spiritus sensibilis vel motivus aut retinetur à penetratione ad membra, aut penetrat, sed non suspicitur eius impressio propter complexionis corruptionem.*

Hinc plerique doctiores Medici de causis Paralyssi ita sentiunt, quod facultas influens (rectius spiritus influens) vel non transmittitur ob morbum nervorum eum deferentium; vel non suscipitur, licet influat membri recipientis vitio. Alij tamen aliter id explicant.

Nos, ut hæc hoc loco breuiter contrahamus, (plura enim postea in quæstionibus dicentur) statuimus, cum à nervo musculus omnem vim mouendi accipiat, hicque & suam peculiarem temperiem & similem constitutionem necessario habeat, & ut spiritum animale à cerebro in musculis ferat, etiam organicam constitutionem obtineat: à nervorum, siue in partem ipsam, quæ moueri debet, insiti sint, siue longius ab ea remoti & ad eam tendant, vitio & morbis omnem Paralyssin provenire. Et quidem nervos (sub quibus & spinalem medullam comprehendimus) malè affectos Paralyssis causam esse, vel ut sunt partes similes atque intemperie laborant, aut *νάρκη* patiuntur, vel ut instrumenta & canales spiritum animale ferentes, dum angustia præter naturam laborant

rant, vel dum ipſorum vnitas ſoluta eſt. Eſi enim partibus ipſius, quæ moueri debet, vitio ſpiritus animales non ſuſcipi etiam vulgò dicatur, tamen id omne partibus obuenit, quatenus ſunt neruoſæ & neruos obtinent & ob neruos ipſis inſitos hoc accidit. Quamuis, vt poſtea dicitur, ob curationem & medicamentorum applicationem neceſſarium ſit, inquirere, an in ipſo muſculo ſeu neruo muſculo inſerto, an verò in via ſeu neruo ad ipſum tendente cauſſa mali ſit.

Quod verò nonnulli addunt tertium, nimirum cauſſam poſſe eſſe etiam in origine, id ſuperuacaneum videtur. Nam ſi intelligunt originem ſpinalis medullæ aut cuiuſcunque nerui, & tùm in via à cerebro ad morbum cauſſa hæret. Si autem per originem ipſum cerebrum intelligunt (ſicut nonnulli ſtatuunt, quod in cerebro cauſſa Paralyſis eſſe poſſit, ſi illud ſpiritibus deſtituatur) verùm equidem eſt, cerebro affecto motum in toto corpore aboleri poſſe, verùm is affectus non eſt Paralyſis ſed Apoplexia, vel aliquis ſoporofus affectus.

Cùm ergo tria iſta tantùm morborum genera, intemperies *νεύρωσις*, anguſtia, & ſoluta vnitas in neruis, ſiue à cerebro aut ſpinali medulla ad membrum aliquod tendentibus, ſiue alicui muſculo inſertis, ſint cauſſa Paralyſis, quæ faciunt, vt muſculus ſpiritibus animalibus deſtituatur (quorum defectum proximam & coniunctam Paralyſis cauſſam eſſe diximus) de his ordine dicemus.

Et primò quidem intemperiem quod attinet, in eo omnes conſentiunt, frigidam & humidam intemperiem in neruis cauſſam Paralyſis eſſe, qua totus neruus reſoluitur & ad ſpiritum animaleſ ſuſcipiendum (frigus enim ſpiritibus inimicum) & motum ineptus redditur. Vnde rectè vulgò frigus neruis inimicum eſſe ſtatuitur. Et poſteſt hæc intemperies vel ſine, vel cum materia eſſe, ſiue à cauſſa externa vel interna prouenire.

A cauſſa externa & euidente Paralyſis ſit ob contactum diuturnum rei frigidæ, nimirum aërem ambientem frigidum, ventum borealem, contrectationem niuis vel glaciei, moram in aqua frigida, vel ſeſſionem ſuper lapide

frigido, sicut hoc quibusdam accidisse Galenus *i. de loc. affect. cap. 6.* docet. Idem etiam *4. de loc. affect. cap. 4.* refert, quendam hyeme tempore frigido & pluuioso, cum madidum pallium collo diutius obuoluisset, in manus Paralyfin incidisse, neruis, qui à spinali medulla ad manum deducuntur, nimium humectatis & refrigeratis.

Ab interna verò causa excitatur Paralyfis, cum humores pituitosi, frigidi & humidi neruos alicubi irrigant, refrigerant & humectant, eorumque tonum laxant, & temperiem naturalem destruunt, ut spiritum animale commodè suscipere, eoque frui & uti non possint. Humores autem illi, qui spinalem medullam, seu neruos alterando Paralyseos causa sunt, plerumque à capite descendunt. Cum enim spinalis medullæ & omnium neruorum origo fit à cerebro, si quid vitiosi humoris in capite collectum sit, & à natura à cerebro expellatur, vel sponte defluat, via decliui & prona in neruos descendit, eosque afficit, & hoc etiam modo (nam an compressione, vel obstructione idem etiam fiat, postea dicetur) post apoplexiam Paralyfis sequi solet, cum humor, qui apoplexiam produxerat, è cerebro excussus & per cavitatem vertebrarum dorsi descendens, & spinalis medullæ ac neruorum ductus sequens neruos irritat, alterat & humectat, atque ad officium & usum ineptos reddit. Quod tamen & sine apoplexia aliis de causis fieri potest.

Qui autem fiat ut post apoplexiam alterum tantum latus resoluatur, altero manente incolumi, inquisitione dignum. Auicennas statuit spinalem medullam diuisam esse in duas partes perinde ac cerebrum, & hinc fieri, ut licet humor alteram occupet, altera salua manere possit. Leonhartus v. Iachin. qui neque in cocta vitulorum & arietum medulla, neque in cruda hoc discrimen inuenire potuit, in *9. Rhasis capite de Paralyfi*, Auicennam reprehendit, quasi rationibus quibusdam deceptus falsa statuerit, cum contra mirari naturam potius debuerit, quæ in continuis quoque corporibus alteram partem sine altera possit afficere. Ipse enim miræ naturæ sagacitati hoc tribuit, quæ *in 12. Rhasis* seruat non solum per
capi

capitis & spinæ neruos ; verùm & per neruos , musculos & cutem totius corporis. Verùm etsi Iacchius istam spinalis medullæ in duas partes diuisionem inuenire non potuerit : Recentiores tamen anatomici , Varolius & alij satis clarè monstrarunt, vt ipsum cerebrum est duplex, ita & spinalem medullam esse duplicem. Vnde facilè est rationem reddere, cur vnum latus lædatur altero saluo. In quam enim partem natura humorem apoplexiæ causam deponit, ea paralyfi afficitur. Hoc tamen non negandum, naturæ hoc esse sagacitatis & prouidentia, vt humorem vitiosum non ad vtrumque latus simul deponat, sed alterum saltem, & ita vno læso alterum integrum conseruet.

Intemperies autem hæc non solum in ipsis musculis, sed & in neruis ad musculos tendentibus esse potest. Capiuatiùs equidem & alij Auicennæ interpretes statuunt, ab intemperie non in ductibus, sed solum in musculis paralyfin fieri posse. Verùm nec experientia nec ratio id satis confirmat. Galenus 4. de loc. affect. cap. 4. refert, quendam, cum madidum pallium tempore frigido & pluuioso diu collo obuoluisset, in manus paralyfin incidisse, neruis non in manu, sed qui à spinali medulla & collo ad manum deriuantur, refrigeratis. Ac si nerui altera portio vbicunque refrigeretur, & ad officium inepta reddatur, partes omnes, quibus nerui illius ductus reliqui communicantur, seu quæ à ramo isto neruos suos accipiunt, resoluuntur.

Præter intemperiem nerui, quatenus sunt partes similes, etiam à causis occultis iisque peculiari modo infestis lædi possunt. Quod facit vis Narcotica, cum in medicamentis & venenis Narcoticis, tum in humoribus, qui similem naturam induunt. Ab hac Causa proculdubio est Paralyfis, quæ à contactu marinæ torpedinis seu retis, in quo fuerit capta, ortum habet, aut à contrectatione argenti viui prouenit, & aurifabris atque iis, qui specula parant, vt de Venetianis refert Hercul. Saxonia familiaris est.

Vinum etiam huc pertinere credibile est, quod quantum neruis incommodi immoderatus sumptus pariat, tremor manuum in potatoribus, non raro docet; vnde etiam vulgò neruos ferire dicitur. Quanquam verò Paralyfis

lysin à vino induci putent, alij à siccitate, vt Rondeletius, & quod suo calore ac tenuitate excrementa ad neruos deducat; alij, vt Eustach. Rudius, quod in neruis acetosum euadat: tamen probabiliorem putamus Plateri sententiam, qui statuit, vinum peculiari vi Narcotica sensus ac spiritus torpidos reddere: quam confirmat Fernelius, qui *lib. 5. de part. morb. & symptom. cap. 8.* refert, se vidisse aliquando vniuersam corporis cutem ex crapula & vinolentia stupore affectam fuisse. Et Narcoticam talem vim habere non rarò humorem illum, qui Apoplexiæ & Paralyfis causa est, credibile est. Quanquam enim frigiditas concurrere potest: tamen si saltem frigiditas Paralyfin excitaret, non tam pertinax esset hoc malum, nec tam diu tam efficacia medicamenta calefacientia & siccantia sæpe sine omni, vel cum paruo fructu adhiberentur; quod satis arguit, causam aliam longè potentiolem & efficaciorẽ, quam sit sola intemperies frigida & humida, subesse.

Huc pertinet procul dubio Paralyfis Scorbatica, atque ab his duabus causis, irrigatione videlicet & humectatione neruorum ac vi narcotica prouenit, quæ seu ab ichore & seroso humore, seu à vaporibus malignis, qui à colluie humorum Scorbatica eleuantur, ortum habet, de qua cum in *Institut. & Tr. de Scorbuto cap. 5.* plura dixerimus, hic nihil addimus. Vbi etiam, quomodo ex Colica fiat Paralyfis, monstratum.

Paralyfis à neruo- rum angustia. Secundò si nerui quatenus partes organicæ considerantur, seu quatenus sunt canales spiritus animales ad musculos ferentes, angustia p.n. in iis spiritibus animalibus transitum intercludens, Paralyfis causa esse potest, & in eo omnes Medici consentiunt. Verùm quot modis angustia ista neruo excitari possit, dissentiunt.

Vulgò autem tres angustiarum causas ponuntur; Obstructio, Compressio & Densatio.

Obstructio fit, cum ab humore crasso nerui substantia, seu cavitates ita repletur, vt spiritus animales, transire non possint.

Verùm obstructionem hanc fieri posse negat Platerus, ideo, quod humor crassus in neruorum tam solidorum substantia

ſubſtantiam, tam ſubitò, vt ſæpe Apoplexia in Paralyſin mutatur, ſe inſinuare non poſſit. Ipſe verò humores iſtas ſecundum cavitates ſpinæ deſcendentes, & pondere ſuo incumbētes nēruis, ipſos comprimere & ſpiritibus animalibus viam intercipere, ac præterea neruorum naturalem temperiem ac tonum labefactare ſtatuit. Veruntamen non impoſſibile planè videtur, vt humor aliquis in ſubſtantia cerebri collectus in ipſam neruorum ſubſtantiam ſeſe inſinuet; neque opus eſt, vt humor ille planè craſſus ſit. Nam quò minus poroſi ſunt nerui, eò facilius obſtrui poſſunt.

Compreſſio fit ſecundum Platerum ab humoribus neruis extra incumbentibus. Deinde accidit à tumore quocunque neruos comprimente, à contuſione, à luxatione vertebrarum dorſi ſubitò facta (nam ſi ſenſim fiat, quod fit in gibboſis, ſenſim quoque cedit medulla, nec contorquetur, vnde nihil mali nerui patiuntur, nec motus aboletur) vel aliorum oſſium, à fractura oſſium, à vinculo iniecto, & cauſſa quacunque comprimente, vt à diutino in cubitum innixu, capitisque ſupra cubitum inclinatione, vt & femoris ſuper femur poſitu. Quò & frigus referri poteſt neruos adſtringens.

Denique denſatio ſeu coarctatio ſeu ſtipatio, quæ Galeno eſt *πλησις*, accidit, vt Galenus *lib. i. de cauſ. ſympt. cap. 9.* docet, cum neruus craſſiorem, quam pro ſua natura, habitum ſeu conditionem ſuſceperit: Id verò contingit duplici ratione, vel quia nutritus ſit viſcidis & craſſis ſuccis, vel quia ſit coactus à violento frigore.

Tertiò cauſſa Paralyſis eſt ſoluta vnitas, cum neruo diſſecto, eroſo & rupto, membro, in quod ſpiritum animaleſ deferebat, ille denegatur, & hinc ſenſus ac motus perit, niſi ab alijs neruis illæſis adhuc ſpiritum hauriat.

Atque ex his, quæ de triplici morborum genere, quibus dum nerui afficiuntur. Paralyſis inducitur, diximus, manifeſtum euadit, qui humores Paralyſeos cauſſa eſſe poſſint, de quo Authores diſſentiunt, vt poſteà *quæſtion. 2.* dicetur. Nimirum humores omnes, qui neruos vel ſecundum vulgarem ſententiam obſtruunt, vel extra comprimunt, vel

*Paralyſis
à ſoluta
vnitate.*

alterant, refrigerant, humectant ac irrigant, ac stupefaciunt, paralyfis causa esse possunt. Imò & vapores, qui idem præstare queunt, quod in Paralyfi Scorbutica fieri videtur; nisi quis ad humorem serosum potius tum recurrere velit. Ideoque etsi humores pituitosi & frigidi ad Paralyfim inducendam sint valdè apti, & hinc destillationes talium humorum à capite, & omnia, quæ crudos ac pituitosos humores in capite generant, ad Paralyfim inducendam sint apta; tamen humores biliosi & melancholici ac cerosi hinc non planè excludendi sunt, vt postea *question. 2.* dicitur. Quoniam enim humores biliosi & melancholici siccandi vim habeant, & aliis humoribus collati sicci sunt: tamen quia humores sunt, humidi sunt & nervis humidiores, ipsosque proinde humectare & irrigare, ac præterea extra iis incumbentes eos comprimere possunt. Non raro quoque in febribus malignis malignitatem & vim narcoticam inducere solèt, atque eo etiam modo Paralyfis causa esse possunt. Via autem, per quam influunt humores ad musculos, cerebrum plerumque esse facile concedimus; unde affectus cerebri sæpe futuræ Paralyfis indicium sunt, & in paralyfin degenerant. Quandoque tamen etiam è venis eò effundi posse, vel crises in morbis monstrant. Narrat enim Galenus, *4. de loc. affect. c. 4.* cuidam, qui à vehementi Peripneumonia conualecebat, brachij, tam quo ad posteriores, quam quo ad superiores partes & cubiti maximam partem ac summos digitos sensus difficultate laborasse, atque motum quoque aliquot digitorum læsum fuisse. P. Ægineta *lib. 3. c. 18.* facit mentionem paralyseos ex Colica per iudicatoriam quandam translationem, quæ etiam Scorbuticis familiaris est. Et Fernelius. *lib. 5. de part. morb. & sympt. cap. 3.* refert: Bilem flauam sub finem intermittentium febrium in spinam dorsi ac in nervorum originem effusam aliquando paralyfin generasse. In quibus casibus omnibus per venas potius ad spinalem medullam & nervos effundi humores biliosos, quam à cerebro communicari probabilius, de quibus in Institut. & Tractat. de Scorbut. *cap. 5. n. 14.*

Patet ex iisdem etiam, quæ sint causæ evidentes, causæ
proca

procatarctica & euidentes, videlicet frigus aëris & aquæ, medicamenta & vina Narcotica, somnus in loco humido, vel ædibus calce recens obductis, mora sub radiis Lunæ, cibi pituitam suppeditantes, imprimis crapula & ebrietas, præsertim ex vino, imprimis si ieiuno stomacho potetur, & quæcunque caput replent, ac nervis nocent, vt & venus nimia, casus ab alto, percussio capitis, vel ceruicis, contusio & luxatio vertebrarum, vt & aliorum ossium, eorundemque fractura & similia, quorum hæcenus facta est mentio.

Ex his etiam, quæ hæcenus de causis paralyfis tradita sunt, eam senibus & hyeme frequentius accidere posse & quos morbos sequi soleat, manifestum est. Secundum Aui-
Causse dispon- tes.
 cennam quinque ægritudines sequi solet: Apoplexiam, Epilepsiam, doloré Colicum, Strangulationem vteri & Febres Chronicas. Rarius tamen Epilepsiam sequitur: tum scilicet quando à paroxysmo Epilepsiæ materia ad nervorum principium vno impetu detruditur, spirituúmque animalium transitum impedit. Quandoque tamen etiam alios morbos sequi solet, vt de peripneumonia dictum. Scorbuto quoque familiaris est.

Signa Diagnostica.

Paralyfis ipsa & symptomata ex iis, quæ sensibus apparent, facile à vulgo etiam agnoscitur. Etenim pars affecta
Signa diagnostica.
 motu, vel simul etiam sensu destituitur; sæpe numero & atrophia tandem contabescit. Addunt quidam & alia signa, quod nimirum pulsus in parte affecta sit debilis & frequens, quandoque etiam latus sanum ita calidum, ac si esset in igne, & latus resolutum ita frigidum, ac si esset in niue; quod vt quandoque accidere potest, ita proculdubio à peculiari causâ accidit, cum videl. humores frigidi & crassi sunt in latere affecto, qui faciunt, vt non solum spiritus animales, sed & vitales sese liberè in partem affectam diffundere non possunt, vnde latus ægrum frigidum apparet, sanum verò, in quod calor influens totus conuertitur & liberè effunditur, calidius.

Duo verò signis diligenter inquirenda veniunt; Locus primariò affectus, & causâ, secundum quas curatio maxi-

mè variat; neque ipsi parti affectæ semper medicamenta applicanda. Stultè (vt Iachinus loquitur) faciunt, qui ad resoluta membra operam ponunt, origine naturali ignorata; nihilque perficies, nisi affectam prius partem noueris. Notabile est huius rei exemplum apud Galenum, *1. de loc. affect. cap. 5.* de quodam pausania Syro, qui in tribus digitis, seruato motu, sensum amiserat, & triginta iam diebus è medicamentis satis idoneis digitis impositis nihil auxilij senserat. Hunc enim cum Galenus à vehiculo in dorsum lapsum cognosceret, coniecturam fecit, in primo exortu nerui post septimâ vertebra prodeuntis partem quampiam ab ictu fuisse inflammata & nunc habere scirrhosam dispositionem, ideoque illud ipsum medicamentum à digitis amorum illi spinæ parti apposuit, vnde digitus læsus cum adstantium admiratione est restitutus.

Causarum eadem est ratio. Longè enim aliter Paralysis, quæ ab intemperie est, curanda venit, ac ea, quæ à compressione, vel luxatione, vel fractura vel simili causa euidenti.

*Signa loci
ei affecti.*

Locus ergo primariò affectus vt rectè cognoscatur; primò inquirendum, an ægro aliquid ab externis & euidetibus causis acciderit, an scilicet percussus, contusus, lapsus, vulneratus, aut in parte aliqua corporis compressus sit; aut an ab aëre, pluuiâ, aqua, niue refrigeratus. Ex his enim & locus affectus & causa innotescit. Ita Galenus in pausania illo, de quo modo dictum, qui in itinere ex curru delapsus dorsum ita læserat, vt sensum trium digitorum sinistræ manus amitteret, ex causa illa euidente locum primariò affectum non manum, sed spinam dorsi esse collegit, *1. de loc. affect. cap. 6. & 3. de loc. cap. ultimo.* Vbi plura huius generis exempla reperiuntur.

Si verò nulla externa vel euidentis causa præcesserit, obseruandum, in quibus partibus functiones animales laborant vel amissæ sunt: multitudinem enim neruorum affectorum ostendit partium affectarum numerus. Ad quam rem imprimis Anatomica cognitio requiritur, vt Galenus *1. de loc. affect. cap. 6.* docet, & notitia, vnde in quamlibet partem nerui deriuentur & implantentur. Si enim simul

cum

cum dextra vel ſiniſtra corporis parte eadem quoque faciei pars reſoluatur, & impedimentum accidat in ſermone; cerebrum ſecundum illam partem, ſimulque initium ſpinalis medullæ ſecundum illam partem affecta ſunt.

Si autem pars faciei dextra vel ſiniſtra ſolùm reſoluatur, reliquo toto corpore ſaluo manente, ſpinalis medulla ſalua eſt, cerebro ſaltem ſecundum illam partem, à qua nerui ad partes eas deriuantur affecto. Quod ſi verò omnes partes capitis ſalvæ ſint, ſub capite verò partes reſolutæ, cerebrum ſaluum eſt, vitiumque eſt in ſpinali medulla, aut neruo aliquo. Et quidem ſi omnes totius corporis, vel vnius lateris ſub capite partes reſoluuntur, initium ſpinalis medullæ affectum eſt. Et quidem totum, ac ſecundum tranſuerſum, ſi omnes ſub capite partes tam dextræ quam ſiniſtræ reſolutæ ſint. Sin verò in vno ſaltem latere vel medietate corporis ſub capite motus ablatus ſit, in altera duntaxat ſpinalis medullæ parte, dextrâ vel ſiniſtra, cauſſa mali hæret. Sin autem non omnes vnius lateris partes reſolutæ ſint, ſed multæ ſaltem; non initium ſpinalis medullæ affectum eſt, ſed in loco aliquo inferiore cauſſa mali hæret. Quo loco autem conſiſtat cauſſa mali, docebit partium reſolutarum numerus, & cognitio neruorum eſt ſpina in quamcunque partem prodeuntium. Exempl. gr. Si motus brachiorum ſaluus ſit, crura autem reſoluta, vtrumque vel alterum, mali cauſſa hæret infra lumbos, in vertebris offis ſacri, neruiſque inde prodeuntibus. Et quidem ſi vtrumque femur, crus, & yterque pes reſoluatur, ſpinalis medulla eo loci tota afficitur. Sin verò vnum crus ſaltem reſoluatur, vna ſaltem pars ſpinalis medullæ, dextra vel ſiniſtra læſa eſt.

Si verò non totum corpus, non multæ partes, ſed aliqua, vel vna ſaltem reſoluta ſit, neque in cerebro, neque in ſpinali medulla, ſed extra eam in nerui alicuius, vel neruorum propagine cauſſa hæret. Ideoque ex Anatomicis tum inquirendum, vel in mentem reuocandum, vnde muſculus, cuius motus ceſſat, neruos ſuos accipiat. Exemplis aliquot rem illuſtrabimus: Si (citra muſculorum affectum) caput circumagi nequeat, vel buccæ non moueantur,

vel si ceruicem in latera mouere nequeat æger, aut potius si hæ omnes partes laborent: tunc nerui posteriores ex propagine primæ, secundæ, tertiæ, quartæ, quintæ aut sextæ vertebræ ceruicis affecti sunt. Vbi ceruicem quis flectere nequit, anteriores nerui dictarum propaginum sunt læsi.

Si brachium stupeat & resoluatur, reliquo corpore sano & illaeso, si solum brachium attollere nequeat æger, aut cutis externa summi brachij stupeat, primus brachij neruus afficitur. Si cubiti motus impeditus sit, considerata est eius flexio. Si enim sola cubiti flexio extrorsum sit impedita, cum stupore cutis internæ, cubiti alio motu omni saluo, secundus brachij neruus laborat. Quando autem æger cubitum introrsum flectere non potest, & anterior cutis brachij stupet, aut musculi in cubito siti stupent, aut flectere digitum aut carpum non potest cum stupore cutis, tertius neruus læsus est totus: vel si flectat adhuc cubitum, circa articulum cubiti affectus est. Sin verò stupeat, aut non moueatur digitus annularis aut paruus, quintus neruus patitur. Si extendere cubitum, carpum, vel digitos nequeat, vel si musculi stupeant, quartus neruus affectus est. Partem eius affectam ita cognosces. Si enim extensio cubiti sit integra, paulò supra articulum cubiti patitur. Sed si externa cutis cubitusque ad brachiale sensum amiserit, intra articulum illum afficitur. Ita & in aliis partibus affectis exortus & propagines neruorum, qui spiritum animale m iis deferunt, inquirantur.

Præterea à iuuantibus & nocentibus sedes mali & locus primario affectus cognoscitur. Nam si noxa supra partem Paralyticam consistat, & medicamenta ipsi affectæ adhibeantur, nihil iuuabunt. Conferent autem, si fonti mali applicentur, id quod in Pausania Syro, de quo antea, accidit *1. de loc. aff. c. 6.*

Cæterum de partibus in facie obseruandum, quod resoluta in aduersam sanam contorqueri soleat. Quia musculus sanæ partis ab actione sua, id est, tensione siue tractione non cessat. Atque ita pars resoluta tractum aduersæ siue oppositæ sanæ partis sequitur, quæ & breuior propterea redditur.

Diligenter tamen tunc discernendum est, vtrum pars affecta & contorta laboret paralyfi, an conuulsione. Nam *Nota.* si; exempl. gr. distortio oris existat à paralyfi, pars resoluta longior facta in sanam trahitur, vt diximus. Contrarium accidit, si fiat à conuulsione, vbi ægra decurtata sanam attrahit. Deinde in Paralyfi pars affecta faciliè extendi potest, quod in conuulsa fieri nequit, quæ rigida manet. Præterea conuulsio cum dolore aliquo est coniuncta, non paralyfis, in qua plerumque sensus simul perit. Postremo in Paralyfi faciei palpebra oculorum inferior demissa est, ægerque deorsum aspicit, cuius contrarium obseruatur in conuulsione.

Cognita iam sede locoque affecto *Signa* *causa-*
caussa inquirenda. Et primò quærendum de causis exter-
nis & euidentibus, vt de refrigeratione ab aëre, aqua, niue, *rum.*
medicamentis foris impositis frigidis, de contrectatione
marinæ torpedinis, de opiatorum & narcoticorum
de compressione à corpore duro, tumore, casu, ictu, vin-
culis, luxatione ossium, fractura eorundem, & similibus.

Si horum nihil præcesserit, sed Apoplexia æger laborauerit, faciliè & hoc ex ægri & adstantium relatione cognoscetur. Si nec hæc præcesserit, à corporis constitutione ex humorum abundantia insigni ac morbis, quæ præcesserunt, vel adsunt, ex ætate, regione, anni tempore, victus ratione, humor peccans & morbi causa cognoscetur. Consuli etiam possunt iuuantia & lædentia.

Prognostica.

1. Omnis Paralyfis fortis à causa interna difficulter *Progn-*
curatur; cum humores, qui neruos occupant, non sine *stica.*
maximo labore & negotio amoueri possint: Imprimis cum ægri in medicamentorum necessariorum vsu, ac recta diæta rarò persistant. Et primò quidem solent, qui per omnia membra resoluti sunt, celeriter rapi, ac si correpti quidem non sint, diutius quidem viuunt, rarò ad sanitatem perueniunt, & plerique spiritum miserum trahunt, memoria quoque amissa. In partibus verò nunquam acutus, sæpè longus, ferè sanabilis morbus est. Celsus lib. 3. c. 28.

Verùm hic notandum; Primò procul dubio prioribus

verbis de Apoplexia Celsum loqui. Sua enim tempora secutus, vtrumque affectum & Apoplexiam & Paralyfin propriè dictam paralyfin nominat. Deinde non simpliciter verum esse, paralyfin semper esse longum morbum, etiam eam, quæ in partibus saltem est; id quod Paralysis Scorbatica testatur, quæ sæpe breui temporis spatio finitur, vt de Scorbuto cap. 5. num. 22. diximus. Experientia idem docuit Petrum Salium Diuersum, qui propterea, in notis in Altimarum cap. 14. statuit, Paralyfin non semper ab humore frigido & viscido prouenire, verum & à vaporosa materia, quæ ad principium neruorum transmissa, obstructionem in iis inducens, ac spiritus animalis viam intercipiens, sensum & motum inferiorum partium inhibeat. Exemplumque affert cuiusdam Tonforis, qui post crapulam nocte media cum timore suffocationis expergefactus, incidit subito in paralyfin omnium corporis partium infra faciem existentium, sensuque & motu adeò priuatus est, vt nec acu profundè perforatus, nec gladiolo scarificatus, quicquam sentiret, nullamque partem, nisi caput, mouere posset; quæ soluta crapula ac frictionibus tantummodo ac inunctionibus quibusdam resoluentibus ad spinam, intra tertium diem omnino sanatus est. Ideoque ea paralysis sola longa est, quæ ab humore crasso prouenit.

2. Et præcipuè paralysis, quæ ex soluta Apoplexia prouenit, difficilis curationis est, & periculosa ob causæ vehementiam, ob confirmatam partium imbecillitatem, & ob metum recidiuæ. Nam paralysis, Apoplexiam excipiens, sæpè in eandem recidit, vel materia, quæ ad cerebrum & spinalem medullam defluxit, ad cerebrum iterum recurrente, vt nonnullis placet: Vel, quod verosimilius est, factò vndique maiori concursu similis materiæ ad cerebrum, vel eiusdem in cerebro cumulatione, vbi retenta hominem denovo apoplecticum reddit.

3. Minus periculosa est paralysis, si solum motus aut sensus lædatur; magis, si vterque: Peior rursus, in qua plures nerui & muscoli sunt affecti. Hinc maius periculum minatur Paralysis, si medulla spinalis sit affecta, quam si partibus alicuius saltem neruus sit affectus. Et eò periculosiores etiam

Historia
notanda
de subita
paraly-
seos solu-
tione.

etiam ſpinæ affectus, quo cerebro ſunt propiores.

4. Paralyſis ex nerui grandioris aut ſpinalis medullæ incifione tranſuerſim facta non curatur : Quia incifio hæc non coaleſcit. Hippocr. 6. aph. 19.

5. Paralyſis ex luxatione valida & ſubita vertebrarum, præſertim ceruicis (cum à vertebra ceruicis nerui è medio inter vertebram ſuperiorem & inferiorem exeant ; in lumborum non item, ſed è vertebra ſuperiore exeant) plerumque lethalis eſt, teſte Auicenna , propterea quod nerui inſigniter contunduntur & atteruntur , ac propter ſequentem inflammationem vertebræ, facilè ad priſtinam ſedem reduci nequeant. Si in Paralyſi ex ictu, contuſione, caſu nerui vehementer contundantur ; non curatur. Signum verò eſt neruos vehementer contuſos eſſe , ſi illicò poſt ictum Paralyſis oriatur. Aliàs ſi non illicò, non tam ob attritionem nerui Paralyſis exiſtit, quàm ob inflammationem, quæ ictui ſuccedit.

6. Tremor Paralyſi ſuperueniens, bonum. Quoniam meatus neruorum aliquo modo aperiri ſignificat, per quos aliquid ſpiritus animalis ad aliqualem motum ſufficiens tranſire poteſt.

7. Si membrum reſolutum fuerit actu calidum, de ſanitati recuperatione ſpes eſt.

8. Si membrum Paralyticum extenuetur, eiùſque color vegetus mutetur, aut non curatur morbus, aut difficulter ; quia non ſolùm ſpiritus animalis defectum, ſed & calorem naturalem propemodum extinctum arguit : Præſertim ſi reſoluti lateris oculus imminuatur ; id quod ſpirituum defectum indicat. Nota.

9. Cruribus & pedibus reſolutis facilior eſt curatio, ob ſicciorẽ & robuſtiorẽ eorũ neruorum naturam.

10. In ſenibus difficulter curatur Paralyſis, ob caloris natiui imbecillitatem, vt & Hyeme. Plus autem ſperare licet tempore æſtiuo & verno, ſi æger rectè regatur.

11. In omnibus neruoſi generis affectibus, qui à pituitiſis & frigidis humoribus fiunt, vt ſunt Apoplexia, & Paraplegia, febris valida ſuperueniens non parum adiumenti æſt, teſte Galeno, 2. Prorrhet. aph. 50. Morbi enim

causam febris illa absumit, nervosque calefacit & exsiccat.

12. Rhafis *1. contin.* se multos resolutos ex Diarrhoea superueniente curatos vidisse scribit: Quod Marcell. Donatus, in *Histor. medic. mir. l. 2. c. 5.* non de valida & antiqua, sed de debili & recenti Paralyfi accipiendum censet. Potest idem & de Paralyfi scorbutica verum esse, quæ ex humore seroso & mobili prouenit.

13. Paralyfis raro degenerat in alios morbos, ipsa verò alios morbos sequitur, Apoplexiam, Epilepsiam, Colicam, febres Chronicas, suffocationem vteri, vt supra dictum.

Indicationes.

*Indica-
tiones.*

Cùm proxima Paralyfis causa sit spiritus animalis in parte resoluta defectus, vt is parti restituatur, requiritur. Verùm ista indicatio inutilis est; cùm non detur materia remedij, quæ huic proximè & immediatè possit satisfacere. Ergo à causis, à quibus continens ista dependet, indicatio utilis petenda. Sunt autem illæ, vt dictum, intemperies frigida & humida, vis narcotica, angustia, quæ rursum à plurimis causis, vt dictum prouenit, & soluta vnitas. Etsi verò de modo, quo causæ nonnullæ paralyfin efficiunt, authores non conueniant, vt supra de causis dictum, & postea in quæstionibus dicetur: tamen in curatione vix aliqua est discrepantia. Humor enim pituitosus, siue alterando & refrigerando ac humectando, siue obstruendo, siue comprimendo Paralyfin efficiat, Curationem eandem requirit, humorque pituitosus, quocunque etiam modo Paralyfin efficiat, è nervis tollendus est.

Curatio ergo tribus capitibus comprehendi potest, agendumque primò de Curatione Paralyfis ex humore pituitoso & frigido: Secundo de Curatione Paralyfis ex humore tenui & seroso: tertio de Curatione Paralyfis à causis euidentibus. Quamquam verò etiam vim Narcoticam inter Causas Paralyfis supra recensuimus: tamen eadem medicamenta, quæ ad humorem pituitosum adhibentur, videlicet medicamenta nervis amica, narcoticam quoque vim infringere possunt.

In Curatione tamen semper ad locum affectum, in quo
Causa

Cauſſa mali hæret, reſpiciendum, & ei medicamenta applicanda. Si enim omnes infra caput partes reſolutæ ſint, ad ſpinæ initium in cavitare ceruicis topica applicanda; ſimul tamen cerebrum non negligendum. Si verò ſeu plures ſeu pauciores partes læſæ ſint, ſemper ad eam partem medicamenta applicanda, in qua cauſſa mali hæret. Et ſi origo nerui affecta ſit, eò loci medicamenta applicanda. Si verò non in principio, ſed in parte quadam ſolum progreſſus neruus affectus ſit, eò loci medicamenta adhibenda.

Curatio Paralyſis è pituita ortum habentis.

Paralyſis, quæ ab humore pituitoso, vel ſpinalem medullam vel neruum occupante, & quocunque etiam modo Spiritus animalis influxum prohibente, partiſque temperiem corrumpente, ortum habet, curatur, ſi humor pituitosus è loco illo tollatur. Quod ſit, ſi vel in alium locum trahatur, vel è corpore euacuetur, vel diſcutiatur & abſumatur, ac præcaueatur, ne noui humores, qui paralyſis cauſſam augere & mouere poſſunt, cumulentur, & ad partem affectam affluant; tandèmq; intemperies introducta corrigatur, neruique roborentur.

Vt autem iſta ordine ſiant, ab vniuerſi corporis euacuatione incipiendum. Deinde cùm à capite ad neruos materia affluere ſoleat, illud euacuandum & roborandum. Et tertio parti affectæ ſuccurrendum. Et ſi verò quam ratione hæc fieri & in actum deduci poſſint, & præcipue quomodo capiti ſuccurrendum ſit, ſuprà *part. i. cap. 2. 3. & 10.* ſatis dictum: tamen quædam hîc adhuc addere libet. Ea verò, quæ ad neruos propriè ſpectant, ſubiicere neceſſarium eſt.

Vniuerſalem ergo corporis euacuationem quod attinet, in hac Paralyſis ſpecie vix venæ ſectione opus eſt, cùm ſanguis non peccet, ſed pituita, & plerumque in ſenibus pituitosis, ac natura frigidis hoc malum accidat. Si tamen crudi ſanguinis copia humorem pituitosum producat & foueat, venam in brachio partis ſanæ aperire licet. Parcè tamen ſanguis euacuandus, ne languidus calor extingatur.

*Curatio
Paralyſis
pituitosa*

Vena ſectio.

*Leniētia
& Pur-
gantia
mitiora.*

Vniuerſi potius corporis purgatio ad humorem pituitofum dirigenda. Itaque ſecundum commune præceptum aliud & primæ viæ primò expurgandæ, ne attenuantium & præparantium, quæ neceſſaria ſunt, uſu humores crudi in ventriculo & primis viis hærentes, maiori copia ad penitiora corporis & neruos deducantur.

Clyſter ergo talis iniiciatur:

℥. Mercurialis, betæ, ſaluæ, hyſſopi, origani, betonicæ an. M. j. fl. chamæmeli, ſummit. centaur. minor. an. M. ſ. ſem. rutæ, ſanicul. an. 3. j. R. agaric. alb. 3. ij. Coqu. in aqu. ſ.

Colaturæ ℥. ſb. j. In qua diſſoluantur Electuar. Hier. cum Agaric. Benedict. laxat. an. 3. vj. ol. chamæmel. lilior. alb. rutæ, mell. roſ. col. an. 3. j. ſalis 3. ſ. F. Clyſter.

Vel: ℥. Rad. bryon. 3. vj. ſol. ſaluæ, iuæ arthet. centaur. min. Mercurial. an. M. j. fl. primul. ver. origani Cret. rutæ an. P. ſ. ſtæchad. Arab. p. j. ſem. ſiler. mont. 3. j. ſ. carthami in pet. lig. 3. ſ. colocynth. in p. l. 3. j. F. decoctio in ſ. q. aquæ.

Colaturæ ℥. ſb. j. In qua diſſolu. Elect. diaphænic. 3. ſ. hieræ diacolocynth. 3. iij. ol. caſtorei, rutæ an. 3. j. ſal. gemm. 3. j. M. pro Enemate. Vel alia Purgantia mitiora in eundem finem uſurpanda, vt Pilulæ Affaireth & Aloe-phangin.

Vt: ℥. Pilul. Affaireth 3. j. ſ. Alephangin. Agar. troch. an. 3. j. Maſtich. 3. j. cum Syrup. Stæchad. ſimpl. vel oxymel. Scillit. F. Pilulæ mediocres, quarum æger 3. j. capiat per vices.

Inter mitiora iſta & lenientia in hac Paralyſis ſpecie Caſſia locum non habet; cum nimium humectet: Species Hieræ magis conueniunt. Vtilis eſt hic in Paralyſi & Terebinthina, quæ cum aliis Electuariis & pulueribus purgantibus conuenientibus in formam Boli formari & 3. j. vel 3. ij. pondere exhiberi poteſt.

In forma liquida exhibendi Terebinthinam modum ex Lemnio Inſtitut. lib. 5. part. 1. ſect. 1. c. 11. propoſuimus.

Si ventriculus Pituita repletus ſit, commodum etiam eſt vomitum ciere in iis, qui ad eum apti ſunt.

Vomitorium ergo tale parari poteſt.

℥. Raphani in taleolas inciſi, 3. j. ſ. ſem. raphani, a triplicis,

rad.

*Vomito-
ria.*

rad. Afari an. 3. ij. Agar. 3. j. flor. genist. p. j. Coqu. in hydromel.

Colaturæ ʒ. 3. iij. v. vel vj. Oxymel. simpl. 3. ʒ.

In fortioribus succi Nicotian. depurati 3. ʒ. addi potest.

Chymicis sua sunt vomitoria è floridus ꝑ mi, Croco Metall. ʒ. albo, ʒ. ie ʒ. li, Mercurio, de quibus alibi.

Postea ad Præparationem & Euacuationem humoris *Præpa-*
pituitosi accedendum, & vtraque aliquoties repetenda. *rantia.*
Si tamen statim in principio vocetur Medicus, non incommodum est, imò necessarium videtur, vt Medicus statim ad fortiora purgantia, qualia postea proponentur, accedat, dum materia adhuc in motu est, antequam neruis sese penitus insinuet, iisque impingatur: Vbi verò malum iam confirmatum est, & materia neruis impacta, prius attenuanda & præparanda, postea euacuanda est.

Pituitam hîc præparantia omnia sint calida, sicca, attenuantia, simulque cerebro & neruis amica, qualia supra parte 1. cap. 2. & 10. recensuimus, quæ hîc omnia repetere opus non est. Pauca saltem composita addemus.

Vt: ʒ. Syc. stæchad. de betonica, de byssopo, mellis anthosat. an. 3. j. Aq. lauendul. saluæ, rorismarini, byssopi an. 3. ij. cinamomi 3. ij. F. Potio pro tribus dosibus, cui aliquid oxymel simpl. v. el scillit. addi potest.

Et si enim acetum sit neruis inimicum; tamen, vt Her- *Nota.*
cul. Saxon. hac de re loquitur, neruis inimicum non est cum melle, & inimicum est neruis exiccatis, non pituita repletis. Veruntamen, quia etiam ipsum oxymel neruos, si sit acrius, vel eius vsus nimius, vellicat, acidorum vsus omnino parciore sit.

Vel ʒ. Aq. betonic. primulæ veris an. 3. iij. saluæ 3. ij. byssop. 3. j. Syr. de byssop. 3. j. ʒ. de beton. 3. j. Essentiæ castorei ʒ. ʒ. Aq. Cinamomi 3. ij. M. pro 4. dosibus, quarum vna mane & vesperi propinetur. Vel fiat hoc Decoctum.

ʒ. Rad. Ireos, beleuij, acori veri an 3. ʒ. saluæ, beton. byssop. rorismar. an. M. j. flor. Stæchad. Arab. M. ʒ. sem. anisi, fœniculi an. 3. ij. Coqu. in aquæ puræ lb. iij. ad remanentiam lb. ij. Colatura dulcoretur Sacchari vel mell. rosat. aut anthosat. lb. ʒ. & aromatiz. pulu. Cinamomi 3. j. zinzib. alb.

nucis moschatae an. 3. β. cybebar. 3. j. atque per manicam Hippoc. traiciantur.

*Syrupus
de Iua
Artheti-
ca.*

Valde etiam commendatur Syrupus de Iua Arthetica, qui hoc modo conficitur.

℥. f. uae M. ij. salvia, maior an. roris mar. polij, origani, calaminth, mentastri, pulegii, hyssopi, thymi, ruta sylvestr. & domestic. betonic. serpill. an. M. j. Rad. Acori veri, aristoloch, peucedani, valerian. bryon. gentian. dictamni an. 3. β. fœnic. petroselin. apij, asparag. rusci an. 3. j. stœchad. Arabic. sem. anisi, fœnicul. ligustic. ameos, carui, siler. montan. an. 3. iij. rad. pyrethri 3. β. passul. 3. ij.

Bulliant omnia in iusta quantitate aquæ ad consumptionem quartæ partis.

Inde colentur, & cum mell. f. q. f. a. F. Syrupus, qui aromatizetur, Pulvere *nucis moschatae, Cinamomi & Cubebarum*: Cuius 3. j. vel 3. j. β. cum aqua idonea sæpè exhibeatur.

℥. Mell. rosat. col. 3. viij. Extr. calami arom. 3. j. β. M. pro Syrupo, de quo mane & vesperi per aliquot dies cochlearia ij. propinentur.

Imprimis hic utilis est primula Veris, quæ ob magnam in Paralyfi curanda vim herba Paralysis vulgò appellatur.

Utilis est & Mulsæ, in qua Castorei aliquid dissolutum sit.

Paulus Ægineta, *libr. 3. cap. 18.* & Aëtius *Tetrab. 2. serm. 2. cap. 28.* Sagapeni, Opoponac. Asæ fetidæ exiguum portionem cum mulsæ manè singulis diebus exhibent.

Et quia morbus est diuturnus, ac medicamenta sæpius iterata faciliè nauseam ac fastidium pariunt, commodum est potui talia miscere. In hunc ergo usum fieri potest Hydromel seu Melicratum, cuius generis est, quod Quercetanus à Friderico Electore Palatino communicatum *Pharmacop. cap. 11.* describit.

Vel: *℥. Mell. opt. lb. β. aqu. fontan. lb. vj.* Despumantur. Postea adde *Salviae, puleg. betonic. hyssopi an. M. j. vel M. β.*

Coquantur tam diu, donec herbarum vires Melicratum attraxerit.

Colatura calida aromatizetur *Cinamomi, cortic. citri an. 3. j. β. trium piperum, an. 3. β. granor. paradisi, Cardamomi, galang. an. 3. j. nuc. moschat. 3. β. F. Potus Clarus.*

Vel:

Vel : ℥. Aq. ℥. xx. mell. ℥. j. β. rad. acori veri, ſaluia, roſi-
marini an. m. j. rad. ireos ʒ. β. Coquantur ad conſumptionem,
tertiæ partis, addendo ſub finem Cinnamomi, nucis moſchata
an. ʒ. ij. piperis ʒ. β. F. Melicratum.

Loco Mellis & Saccharum uſurpari poteſt.

Vel paretur ſeq. Hydromel digerens :

℥. Aq. communis ℥. ij. mellis opt. ʒ. iij. Decoq. lento igne,
donec non amplius ſpument. Decocto adde fol. ſaluia, ori-
gan. an. p. j. puleg. ſerpil. an. p. β. rad. Ireos conciſæ ʒ. ij. ſem. aniſi,
coriand. an. ʒ. β. macis, cinamomi an. ʒ. j. Bulliant ad con-
ſumptionem quartæ partis, Colentur, & in 4. doſes diui-
dantur.

Hydromelitis aromatici deſcriptio etiam exſtat apud
Langium lib. 3. *Epistol. Medic. Epist. 1. cap. 5.* De quibus omni-
bus & cum cibo & extra cibum ſæpè aliquid bibi poteſt.

Eſſi autem vinum, imprimis potens, non conuenit Pa-
ralyticis : tamen in aſſuetis id loco vehiculi ad medica-
menta ad neruos interius deferenda vtile eſt. Ideo in vino
Saluia, Roſmarinus, Hyſſopus, Betonica, herba Paralyſ. Cha-
mæpyr. & huius generis alia macerari poſſunt. Commo-
dius verò eſt, ſi cum muſto hæ plantæ deferueant.

Purgantia.

Præparata iam per aliquot dies materia, aliquid pur-
gantium admiscere licet, Agaricum, Mechoachan. fol. ſenæ. Purgan-
tia for-

Vt : ℥. Rad. ſenic. pæon. an. ʒ. β. ireos, calami aromat. an. tiora.
ʒ. ij. ſem. ſenicul. ʒ. j. β. bascar. iuniperi, cubebæ an. ʒ. ij. fol. be-
tonic. herb. paralyſ. ſaluia, chamæpit. roſiſmar. flor. ſtæchad. Ara-
bic. an. p. j. fol. ſen. elect. ʒ. j. β. agar. alb. ʒ. β. mechoachan. ʒ. ij.
zingib. ʒ. j. β. cinamomi, maſtich. nuc. moſch. an. ʒ. j. Infundan-
tur in ſ. q. Hydromel.

Colaturæ ℥. ʒ. x. Syrup. Stæchad. ſimpl. ʒ. ij. de byſſopo ʒ. j.
Dentur manè tribus diebus.

Vel : ℥. Flor. Calend. exicc. ʒ. iij. aq. flo. primul. ver. vini
alb. generoſ. an. ℥. ij. Indantur vaſi vitreo bene munito, ac
macerentur hor. 24. in B. tepido poſtea exprimantur præ-
lo : Hinc

℥. Flor. primul. ver. ſic. ʒ. ij. ac macerentur denuo hor.
24. in ſupra ſcripta prima Colatura in B. tepido, expri-
mantur

mantur secunda vice fortiter, ac in hac express. infundantur tertia vice hac *flor. anthos* ℥. j. per horas xxiv. in B. tepido, ac exprimantur prælo.

Tandem ℥. *fol. sen.* ℥. iiij. *turbith. alb. & gumm. hermodactyl.* an. ℥. j. *℞. cort. lign. sancti* ℥. j. *cinamomi* an. ℥. ℞. *caryophyl. arom. sem. anisi* an. ℥. ij. præparatis rite omnibus affundatur spir. ☉ rectif. ℥. ij. ac affundatur præscripta Colatura, indatur phialæ vitreæ capaci, ac maceretur iterum in B. tepido hor. xxiv. Tandem ignis subministratur, ut omnia ebullire incipiant, postea exempta exprimantur prælo, add. sacchar. albiss. ℞. j. Despumetur album. oui, ac coqu. ad Syrup. consistentiam, seruetur vsui.

His peractis quiescendum per aliquos dies, ægerque interea conuenienti Diæta regendus. Hinc fortiora purgantia vsurpentur, Turbith, Colocynthis, Pilulæ de Agarico, Cochia, foetida, Hermodactyl. de Sagapeno, de Opoponace, Elect. Indum: Benedicta laxat. Hieracum Agaric. Hier. Logadij, Hier. Pacchij, atque inter ea mitiora primùm vsurpanda.

*Pilula de Iua ar-
zhetica.*

Mirum in modum commendantur Pilulæ de Iua, quarum singulis diebus hora vna post coenam (ego mallemanè eas exhibere) ℥. j. sumat æger.

Parantur autem hoc modo: ℥. *Iua, herb. paralyf. betonica, flor. stæchad. Arab.* (al. addunt. *fl. anthos*) an. ℥. j. siccata in vmbra in puluerem redigantur, quibus adde *turbith. elect.* ℥. j. *℞. agaric alb.* ℥. ij. *colocynth.* ℥. ℞. *zingib. sal. gemm.* an. gr. x. *rhobarb. optim.* ℥. j. *℞. spica indic.* gr. viij. *spec. Hieræ, simpl. Gal.* ℥. ℞. *diagryd.* ℥. j. Omnia puluerifata cum succo Iuæ recenti in massam pilularum redigantur.

Vel: ℥. *Pilul. fetid. Mesue*, aut quæ fortiores sunt *Rhass* ℥. ij. de *Opoponace* ℥. j. *Castor.* gr. v. Cum Syrup. de *Betonic. vel hyssop.* F. *Pilul.* xxj. quæ repetantur quoties opus est.

Vel: ℥. *Agar. trachisc.* ℥. ij. *turbith.* ℥. j. *sal. gemmæ. zingib.* an. ℥. j. *castor.* ℥. ℞. *Hier. diacolocynth.* ℥. j. F. *Mistura*, cujus dosis ℥. j.

Vel: ℥. *Pilular. fetid.* ℥. ij. *℞. Agar. troch.* ℥. j. *troc. Alban-
dal.* gr. ij. *Castor.* gr. iiij. cum mell. scyllit. F. *Pilulæ* num. x.

Nonnulli pilulas, & quidem maiori formâ, ne vis medi-
camenti

camenti citò diffoluatur, ſub tempus ſomni exhibent. Verùm ſi forte tale medicamentum ſit, cibum corrumpet; ſi lene, nihil præſtabit. Ideoque commodiſſimum fuerit, tales pilulas poſt mediam noctem exhibere.

Quibus pilulæ non arrident, Potiones exhibeantur.

Vt: ℥. *Betonicæ, roriſmar. chamæpit. an. p. j ſem. carthami contuſ. ſol. ſenæ elect. an. 3. iiij. hermodact. 3. j. ſem. aniſi ʒ. iiij. F. Decoctio in Hydromelite. In Colatura infundantur Agarici trochiſ. 3. j. ʒ. turbit. 3. ʒ. ʒ. ʒ. cinamomi ʒ. j. Colaturæ ʒ. iiij. adde mell. roſat. ſolut. ʒ. ʒ. M. Vel Fiat Syrupus talis:*

℥. *Rad. Acori veri ʒ. j. pæon. helenij, imperator. an. ʒ. ʒ. chamæpityos M. ij. ſaluia, beton. hyſſop. primula veris an. M. j. flor. lauendula 3. ʒ. ſem. aniſi, ſœnicul. an. 3. ij. baccar. lauri, juniperi an. 3. iiij. Coqu. in ſ. q. aq. puræ. In Colatura infundantur ſol. ſen. elect. ʒ. iiij. agaric. albi ʒ. j. turbit. ʒ. ʒ. mechoacan. 3. iiij. Iterum ebulliant & colentur. Colatura cum ſ. q. ſacchari coquatur ad Syrupi conſiſtentiam, & aromatizetur Cinamomi, ʒ. ʒ. galang. an. 3. ij. De quo dentur ʒ. ij. vel iiij.*

Hoc modo ſi diebus aliquot purgantia & præparantia exhibita fuerint, quies à medicamentis per dies aliquot concedenda, & poſtea eadem medicamenta ſecunda, tertia, aut pluribus vicibus repetenda, ac ſemper à mitioribus ad fortiora progrediendum. Tempore quietis tamen reuulſiones, per Clyſteres, frictiones, & cucurbitulas inſtitui poſſunt.

Roborantia quoque nonnulla capiti & neruis vtilia ſurpanda, ægérque bona diæta regendus.

Vt: ℥. *Conſeru. primulae veris, 3. iiij. Mithridat. 3. j. Miſce, Vel cum Saccharo F. Bolus, qui poſt purgationem ſeq. die manè horis 4. vel 5. ante prandium ſumatur.*

Vel: ℥. *Tberiac. ʒ. ij. aur. Alex. ʒ. j. conf. fl. lauend. 3. ij. eſſentia Caſtor. ʒ. v. ſal. chamæpit. ʒ. vij. eſſentia ſaluia. ʒ. ʒ. Cum ſacch. q. l. F. Bolus, poſt cœnam deglutiendus.*

Vel: ℥. *Mithridat. 3. ʒ. conf. anacard. ʒ. ʒ. conf. fl. ſalu. 3. ij. ſpir. primul. ver. gutt. v. Ol. deſtill. ſalu. gutt. ij. extr. caſtor. ʒ. iiij. Cum ſacch. F. Bolus.*

Purgatione vniuerſali peracta, ſi caput & cerebrum ſint primario

primariò affecta , materiámque suppeditent , vel pars materiæ ibi hæreat , particulares eius euacuationes instituantur , per Errhina , Apophlegmatismos , Gargarismos , de quibus supra *part. 1. cap. 10.* dictum.

Habent & suum hic locum ptarmica, vt & masticatoria. Preparari etiam possunt tales hypoglottides , quæ manè ieiuno ventriculo , vt & horis pomeridianis in ore detineantur:

℞. Pulv. nuc. mosch. 3. j. ℞. sem. nasturt. pæon. an. 3. ij. rad. pyrethri 3. j. castorei 3. ℞. moschi ʒ. ij. Cum succo saluæ. F. Trochisci lupinis similes.

Vel *℞. Rad. acori veri 3. j. pyrethr. 3. ij. zingiber. pæonia, caryophyll. nuc. moschat. an. 3. ℞. cubebar. 3. j. Cum infus. gum. tragac. in aq. lauend. & salu. facta addita sacchari q. s. F. Trochisci, quantitate lupinorum, quorum vnus, præsertim tempore decubitus, in ore teneatur.*

Apophlegmatismus talis parari potest:

℞. Rad. pyrethr. 3. j. ℞. calami atom. 3. j. ireos 3. ℞. granor. iuniperi 3. j. fol. salu. maioran. an. P. j. rorismar. metiss. an. P. ℞. cubebar. 3. ℞. F. decoctio in l. q. aquæ puræ ad tertias.

Colat. *℞. 3. vij. in quibus dissolu. Extr. sem. coriandr. 3. ℞. essentia salu. 3. ij. sal. lauend. 3. ℞. syr. de stæchad. 3. j. ℞. Misc. pro apophlegmatismo , de quo calefacto cochlear vnum atque alterum per horæ quadrantem in ore detineatur.*

Si caput ab affectu liberum sit , euacuationibus hisce præmissis corroborantia neruos vsurpentur , de quibus postea.

i. Si iterata aliquoties materiæ præparatione & euacuatione, morbus tamen contumaciter persistat ; sudores prouocandi decocto ligni Guaiaci, Sarsaparill. Chinæ, vel ligni sassafras ; seorsim singulorum vno sumpto vel pluribus admistis. Et sub finem decoctionis addantur, si libet , fol. Primul. veris, saluæ, rorismarini , cinamomum , nux moschata. De quo decocto manè bibat æger 3. vj. vel vij. & in lecto hora vna atque altera sudet. Decocto dilutiore secundo potus loco in mensa uti poterit. Atque istiusmodi medicamenti genus aliquot septimanis continuandum.

℞. Ligni Guaiaci 3. viij. corticis eiusdem , Rad. belen. pæon. iridis,

iridis, cortic. citri ſecorum an. ʒ. j. aqu. puræ lb. x. Infunde hor. xxiiij. in loco calido, poſtea coquantur. Colat. dulcoretur Saccharo, & cōdiatur ſpēc. Diagalang. vel Diacinaſomomi ʒ. j. Capiat æger manè & poſt meridiem ʒ. vj. ac manè ſudet.

Loco decocti interdum deſtillatum parari poteſt: Exempli loco ſit ſequens liquor antiparalyticus.

ʒ. Limatur. ligni Guaiaci ʒ. iiij. cort. ligni eiufd. ʒ. j. rad. ſarſaparill. ʒ. j. B. china ʒ. j. lign. ſaſſafr. ʒ. vj. ligni aloes. galangæ an. ʒ. j. B. rad. ſcorzoner. hermodactyl. pæon. ſenic. an. ʒ. ij. B. ſem. pæon. ʒ. ij. F. Infuſio per 24. hor. in loco calido, in aq. communis lb. vij. vini Rhen. lb. iiij. poſtea add. Fol. betonic. iuxta arthet. ſalu. an. p. iiij. flor. Tiliæ, primulæ ver. ſtæchad. Arab. roriſmar. an. p. ij. lauendulæ p. j. chamæm. Rom. ʒ. cordial. an. p. j. Theriac. ʒ. ij. B. mithridat. ʒ. iiij. ſem. & cort. citri nn. ʒ. ij. B. rad. polypod. ʒ. B. cinamomi ʒ. vj. F. ſ. a. deſtillatione in M. B. pro lb. ij. B. Liquori deſtillato add. Manus Chriſti c. ol. cinamomi. c. ol. ſuccini. a. ʒ. j. Conf. diacymini c. ol. cymini ʒ. vj. Miſc. De hoc deſtillato manè & veſperi ʒ. iiij. vel iiij. propinentur.

Pro potu ordinario hoc vti poterit : ʒ. Rad. chinæ ʒ. iiij. Aq. fontan. lb. x. Coqu. ad partis quartæ conſumptionem.

Colatura dulcoretur Saccharo & cōdiatur Cynamomo. Multum quoque tribuitur aqu. vel decocto Roriſmarini, ſi illius ʒ. iiij. quotidie ſumantur cum ʒ. iiij. Rad. Pyrethr. vel Caſtorei.

Vbi decoctum hoc vel deſtillatum ſemel abſumptum eſt, iniiciatur Clyſter, vel purgantia ſupra propoſita repetantur. Atque ita per vices decoctum ſudoriferum & purgantia diebus xi. continuentur, ſi tempus, ætas & vires id permittant.

Tandem quæ frigidos humores in Neruis abſumunt, Nervos eoſque calefaciunt, ſpiritum & calorem ad eos attrahunt, roborantia. eoſdemque roborant, cum internè tum externè uſurpanda. Qualia ſunt pleraque, quæ ſupra part. 1. cap. 2. 3. & 10. ſunt propoſita.

Ideoque uſurpanda Melicrata antea deſcripta.

Aqua deſtillata, Roriſmar. Salu. Lauendul. Primul. veris, Aqua deſtillata. Chamæpit. Betonit. & compoſita Apoplectica & Paralytica.

Conferu. Primul. veris, Chamæpit. Beton. Salu. Anthos. Coſerva. Lauend.

Lauendul. Stæchad.

*Conditæ
& species
aroma-
tica.*

Radic. Condit. Acori, Helenij, Ireos, Galang. Pyrethr. Nux Moschat. conditæ, Diacorum Mesue.

Spec. Aromat. Cariophyll. Diambra, Dialang. diamosch. dulc.

Antidot.

Valde commendatur etiam Magisterium Perlarum. Prodest & Theriaca antiqua vel Mithridat. quæ 3. j. pondere exhibeantur cum Conseru. vel aqua appropriata, vel malsa. Efficacior est Aurea Alexandrina & Confect. Anacardina.

Vel ʒ. Aq. betonic. salu. primul. veris an. 3. ij. antepilept. Langij 3. ʒ. extr. calami arom. galang. an. ʒ. vij. salu. tormen- till. an. ʒ. v. cinamomi ʒ. iiij. aq. cinamomi 3. ij. syr. de stæchad. 3. j. Misc. F. potio pro 3. dosibus.

Alia ʒ. Conseru. chamædr. chamæpit. an. 3. ʒ. salu. primul. ver. an. 3. iiij. aqu. betonic. chamædr. an. 3. iiij. flor. tilia, pæon. an. 3. j. ʒ. M. & agitentur fortiter in mortario marmoreo; post leuiter bulliant, exprimantur & colentur. In Colat. dissolu. extr. granor. iuniperi ʒ. j. betonic. galang. calami arom. an. ʒ. ʒ. sal. betonic. absinth. an. ʒ. j. aq. cinamomi 3. ij. brody rad. enule cond. 3. vj. syr. de cinamomo 3. iiij. M. F. potio pro 3. dosibus.

*Electua-
ria.*

Vel ʒ. Conseru. saluæ, anthos, primul. veris chamæpit. lauendul. an. 3. j. calami Aromatici conditi 3. vj. spec. diambra. diamosch. dulcis an. 3. ʒ. mithridat. 3. j. pul. nucis mosch. ʒ. ij. cubebar. ʒ. j. Cum syrupo stæchados simpl. F. Electuarium, de quo quantitate nucis iuglandis quotidie, vel alternis diebus 4. horis ante prandium, & tantundem duabus horis ante cœnam & vesperi æger sumat.

ʒ. Conf. fl. primul. ver. 3. j. ʒ. salu. rorismar. an. 3. ʒ. nuc. moschat. cond. rad. enule cond. an. 3. iiij. spec. diambra. diamosch. d. an. 3. ʒ. extr. visci q. ʒ. j. galangæ ʒ. ʒ. margarit. preparat. ʒ. j. corall. rubr. preparat. 3. ʒ. mithrid. 3. j. essentia castor. 3. ʒ. Cum syr. brody nuc. mosch. F. Electuarium.

Vel ʒ. Flor. lauendul. 3. j. ʒ. Incidantur minutim, & addantur: sacchari 3. vj. pulu. caryophyll. cinamomi, macis an. 3. ʒ.

Stent in vase clauso in Sole aliquot diebus, & nonnunquam agitentur.

Vel ʒ. Conseru. flor. lilij conuall. primul. veris. flor. saluæ an. 3. ij. mithridat. optimæ antiqui 3. j. cerebri leporis assi & exiccati

cati 3. ij. spec. diamb. 3. j. sem. pæon. baccar. iuniperi an. 3. ij. Cum syrup. stæchad. F. Electuarium, de quo sumat æger singulis diebus 3. ʒ.

Cerebrum quoque Leporis laudatur, quod peculiari proprietate in hoc morbo profit. Vnde commendatur hoc Electuarium. Cerebrũ
leporis.

℥. Cerebri leporis recentis assi vel in fætili frixi, succi saluie an. ʒ. ʒ. chamæpityos, betonic. an. 3. iiij. cinamomi, caryophyll. piper. nigri an. 3. j. therebinth. aqu. chamæpyt. lotæ 3. iiij. sacchar. dissolut. in aqu. iuæ, vel mellis q. s. F. Electuarium, de quo manè horis iiij. anteq̃ cibum fumantur 3. ʒ. vel 3. vj.

Pulueres quoque varij parari possunt, qui in aqua appropriata vel cum pane vino aut mulsâ madido sumuntur, vel cum saccharo in rotulas aut morsulos formantur. Pulvere.

Vt: ℥. Nuc. moschat. 3. ʒ. Radic. pyrethri 3. j. flor. lauendul. 3. ij. anthos, saluie an. 3. ʒ. cinamomi, caryophyll. 3. j. galang. cubeb. cardamom. an. 3. ʒ. F. Puluis.

Vel: ℥. Fol. meliss. primul. veris, iuæ arthet. an. 3. j. ʒ. cubeb. nuc. moschat. sem. anisi an. 3. j. coriand. præpatati, cinamomi, caryophyll. cardamomi an. 3. j. visci q. sem. pæon. an. 3. ʒ. sacch. ad pondus omnium. F. Puluis.

Efficacissima sunt olea destillata, vt & extracta, quæ vel cum conseruis, misceantur, vel Saccharo excepta in tabulas vel morsulos concinnentur. Morsulũ
& Rotu-

Vt: ℥. Extract. calam. aromat. 3. j. Ol. destillat. nucis moschat. salu. Rorismar. cinamomi an. ʒ. vj. caryoph. ʒ. ij. spec. diamb. 3. ʒ. sacch. in aqua lauendulæ dissoluti 3. iiij. vel iv. F. Morsuli.

Vel: ℥. Spec. diamosch. d. 3. j. ʒ. diamb. 3. ij. diamarg. cal. 3. ʒ. rasur. visci q. ungulæ alcis an. 3. j. fragm. lap. s. pretiosor. an. 3. ʒ. extr. galangæ, ireos, pæon. an. ʒ. vij. cardamom. ʒ. xv. Ol. destill. nuc. mosch. gutt. vij. sacch. q. s. in aq. lil. conuall. dissol. F. Morsuli.

Vel: ℥. Spec. diamb. 3. j. Ol. destillati saluie, nucis moschat. caryophyll. an. gutt. iv. sacch. in aqu. rorismar. dissolut. 3. ij. F. Rotulæ.

Vel: ℥. Ol. destillati saluie, nucis moschat. cinamomi,

caryophyll. an. gutt. iv. sacchar. in aqua lue dissoluti ℥. ij. vel ij. ℞. F. Rotulæ.

Vel: ℥. sacchari lb. ℞. decoq. in aqu. fl. lauend. & lilior. conuall. ℥. iv. ad perfectam coctionem; add. Ol. succini rectif. gutt. xv. cinamomi gutt. ix, essent. saluæ ℥. j. F. Rotulæ.

*Aq. Pa-
ralytica.*

Aquæ Apoplecticæ & Paralyticæ passim extant apud Langium lib. 3. epist. 1. cap. 1. Vidum Vidium, Heurnium, Hercul. Saxon. & alios, quos consulere licet.

*Tinctu-
re.*

Potest & talis sine destillatione (Tincturam vel Essentiam hodiè appellant) parari.

℥. Primul. veris, saluæ an. M. j. flor. Lilij conuall. stæchad. Arab. lauend. anthos an. M. ℞. caryophyll. nuc. mosch. galang. cinamomi, cubebar. granor. Paradisi, lign. aloës an. ℥. iij. rad. acori veri, ireos, pæon. an. ℥. ℞. sem. fœnic. anisi, filer. montani, pæon. an. ℥. j. spec. diamb. diamosch. dulc. an. ℥. ij.

Affundantur spiritus vini optimè rectificati tantum, vt ad manus latitudinem vel plus etiam emineat. Stent in infusione per dies aliquot in vitro clauso & singulis diebus agitentur. postea spiritus vini, qui vim specierum imbibit, per inclinationem effundatur. Dosis est ℥. ℞. vel solus, vel cum aqua aliqua conuenienti.

Alia aqua contra Paralyfim.

℥. Rorismar. lauend. an. ℥. iij. salu. sem. sinapi an. ℥. j. cardamomi, galangæ, cubebar. cinamomi an. ℥. ℞. macis, croci Orient. Visci q. an. ℥. j. castor. opt. aureæ Alexand. mithridat. an. ℥. ℞. Macerentur in loco cal. per d. 8. in vini sublim. opt. lb. ij.

Postea: ℥. aq. salu. rorismar. lauend. fl. til. lil. conuall. an. ℥. ij. Mis. & s. a. destillentur.

Alia.

℥. spec. diamb. ℥. ij. ℞. diarbod. abb. diamosch. an. ℥. ij. spir. vini opt. q. s. F. s. a. destillatum.

Aquæ saluæ composita.

℥. Fol. salu. hortens. virid. ℥. vij. nucis moschat. caryophyll. zingiber. albi cubebar. gran. Paradisi. cinamomi an. ℥. ℞. bassar. lauri ℥. j. galaagæ ℥. ij. spic. nard. cort. citri an. ℥. j. camphor.

camphor. 3. ℞. *flor. lauend.* 3. ℞. *roriſmar.* 3. j. Infund. omnia, vt decet, præparata in *vini opt. veter.* ℔. viij. per d. 3. Poſtea ſ. a. in B. deſtillentur.

Alia Aqua.

℥. *Rad. acori veri, galangæ, angelic. enulæ, cyperi* an. 3. vj. *fol. ſalu. min. maj. roriſmar. meliſſ. rutæ* an. M. j. *flor. lauend. ſpicæ, lil. conuall. primulæ veris* an. M. ℞. *nuc. moſchat. zedoar. cinamomi, caryophyll.* an. 3. iiij. *caſtor.* 3. j. ℞. *cort. citri* 3. ℞. *ſpec. diamoſch.* 3. ij. Conquaſſata infund. in vino forti, & permisc. donec pultis inſtar fiat, poſtea extr. liquor.

Aqua articularis.

℥. *Iuæ arthet.* ℔. j. *rad. pentaphyll.* 3. iiij. *fol. piloſell.* ℔. ℞. Inciſis & contuſis affund. *Vini Rhen. veteris opt.* ℔. vj. F. ſ. a. deſtillatio per organa vitrea in B. Collectus liquor feruetur.

Alia D. Kolreuteri.

℥. *Vermium terreſtr. ablutor. vino veteri* M. ij. 3. iiij. *caſtorei* 3. ℞. vel 3. j. His ſuperfund. *vini veteris* ℔. j. Stent infuſa 24. horis; poſtea ſeorſim.

℥. *Metiſſophyll. odor. puleg. an. M. j. chamæpyt. agrimon. herb. paralyſ. chamæmeli Romani* an. M. j. ℞. *betonic. euphrag. an. M. j. ſaluicæ* M. iiij. *hyperici* M. iiij. *flor. ſambuc. verbaſc. an. M. j. baccar. lauri* 3. j. ℞. *ſtæchad. Arab. cap. M. vij. raſuræ Guajaci* 3. ij. *ſaſſafr. 3. ℞. caryophyll. nuc. moſchat. an. 3. ij. ſchænanth. 3. j. roſar. rub. M. ij. flor. lauend. ſpicæ nard. Betonic. maioran. roriſmar. an. M. j. hermodactyl. 3. ij. ℞. nucis moſchat. 3. ℞. caryophyll. 3. iiij. baccar. iuniperi* M. j. Hiſce quoque conciſis & conquaſſatis ſuperfund. *ſpir. vini puriſſ.* ℔. v.

Stent per triduum ad cineres calidos ſæpius mouendo. His add. *vini Rhen. veter.* ℔. iiij. *aq. meliſſ. lauend. beton. hyperic. ſambuc. ſalu. roriſmar. an. 3. vj.* Poſtea ſimul omnia mixta deſtillentur ſ. a. in B. Deſtillato liquori, ſi placet, addi poteſt Moſchi. 3. ℞.

Aqua arthetica D. Brambachij.

℥. *baccar. iuniperi* ℔. ij. *lauri* ℔. j. *flor. lauend. fol. puleg. cum ſummit. an. 3. xvij. menth. criſp. calamenth. an. ℔. j.*

Postea ℥. rad. ostrut. xedoar. macis, cinamomi an. ʒ. j. caryophyll. cardamomi an. ʒ. β. flor. anthos M. j. vrtic. min. c. sem. M. j. salu. minoris M. ij.

Omnibus contusis ac minutim incisus affund. vini opt. ardent. q. s. atque bene cooper.

Deinde sepeliatur vas bene conclusum & obstructum in cella in loco & terra frigida, stent in infus. per mensem, deinde destillentur.

Topica. Tandem ad Topica accedendum, quæ cum parti resolutæ ad calorem & spiritus reuocandos, tùm imprimis loco, vbi causa mali hæret, applicanda ad humorum exsiccationem & discussionem.

Fric-tio-nos. Pars ergo affecta pannis calentibus quotidie fricetur, sed leniter, ne quod de naturali calore & spiritibus attractum est, iterum dissipetur.

Cucurbitula. Cucurbitulæ etiam applicentur, quas valde commendat Auicennas post corporis expurgationem, si absque scarificatione capitibus musculorum partis affectæ applicentur, præcipuè eo fine, vt spiritus ad partem torpentem attrahatur. Qua de causa cucurbitulæ angustiores esse debent, & cum multa flamma applicari, sed non diu affixæ manere, ne quod attractum est, dissipetur. Et vt id, quod attractum est, ibi conseruetur, & non statim dissipetur, Emplastrum ex pice & Resina Pini statim imponi potest. Quin tamen aliquid materiæ morbificæ nervis inhærens hoc modo extrahi & loco moueri possit, impossibile non videtur.

Rubifi-cantia. Vel membrum stupidum & resolutum vrticis viridibus leniter percutiatur, aut ipsi sinapismi & Rubificantia imponantur, donec pars rubescere incipiat. Et si materia à cerebro descendat, & in spinali medulla hæreat, etiam scapulis & brachiis interdum adhiberi debent, vt materia à cerebro & principio spinalis medullæ ad exteriora trahatur, & euocetur.

Postea & progressu temporis (Auicennas post trigesimum diem iis vtitur) spinæ dorsi quoque ea applicare vtile est, vt reliquæ materiæ extrahantur, & spiritus ac sanguis ad partem affectam reuocetur. Rubificantia tamen
tam

tam diu non sunt in loco affecto relinquenda, vt vesicas incute excitent (tum enim spiritus & sanguis ad partem affectam non reuocaretur, sed dissiparetur) sed tam diu solum Sinapismi & Dropaces relinquendi, donec pars rubicunda digito pressa non albescat, sed rubicunda permaneat.

Postea inunctiones fiant Oleis & Vnguentis conuenientibus, cuiusmodi sunt: *Ol. Chamemel. Lilior. albor. Irin. Hyperici, Sambuci, Rutaceum, Laurinum, cossinum, de Spica, lumbricor. terrest. de Piperibus, Vulpinum, de Castoreo, Euyhorbij, destillatum Iuniperi, Cerae.* Peculiari ratione præparata Olea Viperinum, de Ciconia, Anserinum, habentur in Practica Leonell. Fauentini cap. de Paralyfi. & Cati seu Felis apud Forestum lib. 10. obseru. 82. Ex Vnguentis commendatur, Agrippæ, Arregon. Martiatum utrumque, de Bdellio. Efficax est & sequens Vnguentum anserinum.

℞. Anserem veterem, expinguem, suffocetur, deplumetur, & exenteretur. Exenterato inde *cerae flauæ, butyri ouilli, salis communis an. 3. ij. pingued. vulpin. 3. ii. cati syluest. 3. ij. B. porcinae 3. ij. humanae 3. j. medull. crurum asini, bouis, cervi an. 3. j. B. pulu. thuris, farinae, fabar. filiginis an. 3. ij.*

Quibus omnibus repleatur & cõsuatur, verûque transigatur, & assetur, vel ollæ vitreatæ inditus lêto igne assetur; vbi cauendum ne aduratur. Liquor exstillans vsui seruetur.

Aliud.

℞. Anserem deplumatum, exisceratum, vino albo ablutum, configatur vndique *Caryophyllis*, & infarciatur *foliis saluie, rorismarin. spicae*, iisdem addendo *pingued. felis sylu. 3. j. B. pul. myrrh. thuris an. 3. B. Castor. Euyhorb. an. 3. j. B. Lumbricor. in aceto suffocator. num. xxx.*

Insuantur omnia, & torreatur Anser more vsitato in veru, aceto albo rutaceo supposito in sartagine, in quod ichor destillet, posteaque refrigeratio liquore innatans axungia colligatur, & seruetur in vitro ad hosce vsus præstantissima. Crato commendat Vnguentum de Sapone, quod ipse ita parat.

℞. Sapon. veneti lb. B. ol. baccar. iuniperi 3. j. pulu. sem. eruc. 3. vj. M. pro Vnguento.

Vel: ℞. Ol. laurin. de laterib. nardini, sinapi expr. an. 3. j. B.

gummi seqq. in aqua vitæ dissolutor. *Opoponac. galban. ammoniac. sagapen. an. 3. ℞. Euphorbii 3. ij. Misc. quibus add. Ol. iuniper. de piperib. succini, spicæ destill. an. 3. j. Rad. Elleb. alb. pyrethr. sinap. an. 3. j. piperis alb. 3. ℞. sal. ammoniac. 3. ij. castor. 3. j. Cere q. s. F. l. a. vnguentum, quo partes læsæ spir. vini ante ignem prius fricandæ illinantur. Valent & pinguedines humana, Anserina, Vulpina, Cati, Maxime Cati Sylvestr. Vrsi, Leonis, Viperarum.*

In Calidis tamen & siccis oleis, præcipuè destillatis, & imprimis in principio adhibendis, hoc obseruandum, vt aliquid pinguium addatur, ne materia neruis impacta vel adhærens exiccetur, indurescat & quasi lapidescat.

Ex his varia pro re nata misceri possunt.

Vt: ʒ. Ol. Chamamel, lilior. albor. an. 3. vj. lumbric. terrestr. vulpini, an. 3. ℞. spec. diamosch. dulc. pulu. chamæpyt. rorismarin. an. 3. ℞. castor. 3. j. Cere, pinguedin. vulpus an. q. s. F. Vnguentum.

Vel: ʒ. Gummi ammon. bdellij in spir. vini dissolut. an. 3. ℞. axung. taxi, anseris, vulpus an. 3. iiij. pulu. Ireos 3. j. fol. rutæ, betonic. herb. paralyf. an. 3. j. fl. stœchad. Arab. rorismar. chamæm. melilot. an. p. j. styrac. calamit. benzoin an. 3. ij. caryoph. thuris, nuc. moschat. an. 3. j. ol. vulpin. castor. lumbric. terrestr. Cere an. q. s. F. Linimentum.

Vel: ʒ. Ol. Vulpini, laurini, terebinth. de castor. an. 3. ℞. Vnguenti Aregon. Martiati magni, an. 3. ij. Galbani, Ammoniac. Bdellij an. 3. j. Cere q. s. F. Linimentum.

Vel: ʒ. Rad. Ireos, calam. aromat. an. 3. j. ℞. galang. 3. j. fol. Saluie, Rorismar. Iuæ, fl. lauendul. stœchad. Arabic. an. p. j. ol. vulpin. de castor. lumbric. an. 3. ij. terebinth. 3. j. vini albi fort. 3. iiij. Coqu. ad vini consumptionem. Colaturæ adde Spiritus vini 3. j. Sagapen. bdellij, castor. styrac. calamit. benzoin an. 3. j. nuc. mosch. caryoph. piper. longi, pyrethri an. 3. ℞. pingued. taxi 3. ℞. Cere q. s. F. Linimentum.

Efficax etiam ad Paralyfin Vnguentum describit Valeriola lib. 4. obs. 4. quod huc transferri potest.

Efficax est & hoc: ʒ. Lumbric. terrestr. spiritu vini lotorum, & infurno exsiccat. lb. ℞. pulu. zingiberis, galang. an. 3. ℞. ol. lilior. albor. vel costini. q. s. F. Vnguentum.

Efficaciſſima verò ſunt Baſſama Naturalia, tū Artificialia, Baſſa
ſeu olea deſtillata, quæ Baſſami nomine veniunt, & apud *ma.*
Euonymum, Hernium *c. de Paralyſi*, & alios deſcripta extāt.

Exempli gratia.

℥. Terebinth. ℥. iv. ol. laurini ℥. iij. ſpicæ ℥. j. ꝑ. ol. cina-
momi, caryoph. nucis moſch. an. ℥. j. flor. ſtech. Arab. euphorb. Olea de-
an. ℥. ꝑ. gummi hederae, thur. myrrh. an. ℥. j. caſtor. ℥. ij. ſtillata.
galban. bdellij, gumm. elemi an. ℥. iij. laterum ignitor. & in
ol. communi extinctorum lb. ꝑ. Deſtillentur ꝑ. a.

Valde etiam commendatur ſequens Baſſamum, quod
Guidoni de Cauliaco attribuitur, quòdque Matthiolus
loco veri baſſami ſubſtituit.

℥. Fol. Salviae, maioran. menth. herb. paralyſ. an. ꝑ. j.
ſpic. nard. croci, carpobalſami, ſang. dracon. thuris, mumia,
opoponac. bdelli, maſtich. gumm. Arab. ſtyrac. liq. benzoin an.
℥. ij. ꝑ. moſchi ℥. ꝑ. terebinth. ℥. v.

Omnia pulueriſata miſc. cum Terebinth. ponantur in
alemb. & deſtillentur: primò exit aqua, hinc Oleum, poſtea
ſubſiſtentia quædam craſſior, quam Mel appellant, cuius
uſus eſt in hoc & omnibus frigidis affectibus. Eſt & magna
vis ol. deſtillatorij. Salviae, Nucis moſchatae, Lauendulae, Spicæ,
Roriſmar. Succini, de Lateribus, ut & Petrolei, præcipuè albi.

Utilis eſt & hæc aqua, qua membra affecta illinantur *Aqua de.*
& fricentur: Licet eiufdem etiam ℥. ꝑ. cum aqu. Salviae vel *ſtillata.*
alterius conuenientis ℥. iij. manè exhibere.

℥. flor. lauendul. ſpic. noſtræ, ſtechad. Arab. ſalviae, roriſmar.
an. M. ꝑ. maioran. iuæ, primul. veris an. M. j. rad. Ariſtol. rotund.
ireos, calami aromat. an. ℥. j. ꝑ. nuc. moſch. ℥. ij. caryoph. piper.
cubebæ, cardamom. an. ℥. j. ſpec. diamoſch. dulc. diambæ. an. ℥. ij.
ſagapen. opoponac. myrrh. caſtor. an. ℥. ꝑ. baccar. iuniperi M. j.

Incifa & contuſa infundantur in vini albi lb. vi. Stent in
infuſione diebus 8. poſtea, ſi odoratioꝝ expetatur aliquot
grana ambræ vel moſchi tenui linteolo obuoluta roſtro
Alembici appendantur: Poſſunt & ſequenti aqua arthetica
membra affecta humectari & fricari.

℥. gran. iuniperi, herb. vrt. Rom. an. M. ij. ſpic. noſtr. M. ꝑ. ſchæ-
nanth. ℥. j. gran. parad. coccogn. piperis l. an. ℥. j. ꝑ. caryoph. caſt.
myrrh. an. ℥. ij. ꝑ. Conciſ. & contuſ. inf. in ſpir. vini Rhen. M. ij.

Stent in infus. per 3. d. postea destillantur in M.b.

Alia aqua arthetica, D. Eulenbeck Medici quondam Dresdensis.

℥. fl. lauendul. spica, betonic. maioran. roris mar. an. M. j. fol. sambuc. fl. verbasco. an. M. ij. hermodactyl. 3. ℞. nuc. mosch. 3. ij. caryophyll. 3. j. baccar. iuniperi M. j. Incis. & contus. infund. in vini Rhend. ℔b. v. Stent in infus. per 4. d. hinc destillantur. Ante nouam inunctionem sordes, quæ de priori relictæ sunt, abluantur panno imbuto decocto fl. Chamamel. meliloti, Betonic. Maioran. Rutæ, Saluæ, fol. Lauri Chamæpyt. Hyssop. rad. Ebulli, Cyclamini, Ireos, Calami Aromat. Pyrethri.

Ex quibus & Sacculi ac fatus parari possunt, additis Caryoph. Nuce mosch. Castoreo.

Vt: ℥. betonic. M. j. ℞. maioran. chamædr. chamæpyt. an. M. j. calaminth. origani, serpilli, marrub. vrtic. an. M. ℞. fol. lauri num. v. fl. spica, stæch. Arab. an. p. ij. galangæ, piper. 1. 3. j. ℞. mastich. succini an. 3. j.

Concisa & contusa crasso modo decoq. pro fomentatione. Alij sequenti mixtura membra affecta fricant.

℥. spir. vini, spir. granor. iuniperi an. 3. iv. pingued. castorei 3. j. pulu. sem. sinapi 3. j. ℞. rad. aristoloch. salis communis en. 3. ℞. M. Si his malum non cedat, Emplastra & Cerota supra spinam dorsi imponenda.

Vt: ℥. Castor. Euphorb. Piper. longi & nigri an. 3. j. Ammoniac. Opoponac. an. 3. vj. medull. cervi. cruris bubul. an. 3. ij. terebinth. 3. vj. styrac. liquid. 3. ij. Adipis gallin. anseris, porci, 3. j. ℞. ol. Nardini, Irini, de lateribus, de terebinth. an. 3. ℞. Vini albi veteris q. s. ad gummi dissoluenda. Bulliant omnia ad ignem. F. Emplastrum. Alij ab inunctione imponunt Emplastrum ex solo gummi tacamahaca paratum.

Vel: ℥. Empl. de bacc. lauri, de beton. melilot. an. 3. j. thuris 3. ℞. castor. euphorb. an. 3. j. sem. nigell. nasturt. sinap. rad. pyreth. sal. nitri an. 3. ℞. C. ol. de laterib. redigantur in formam Emplastri, quod super alutam extensum applicetur. Vtilis sunt & suffumigationes, quibus inseruit sequens puluis.

℥. Succini, mastich. myrrbæ an. 3. j. thuris 3. ij. caryophyll. cinamomi, nuc. mosch. macis an. 3. ℞. ligni aloës 3. ℞. puluerisata irrorentur spir. vini, exsiccentur postea, & iterum irrorentur

Sacculi
& fo-
mentis.

Empla-
stra &
Cerota.

irrorentur quinquies, ac exiccantur, & F. puluis, qui iniiciatur prunis, vt fumus excitetur, quo calefiat linteum, eoque subinde membra paralytica fricentur & foueantur.

Sudores quoque in parte affecta prouocare vtile fuerit, *Sudorifica.* quod fiet per euaporationes è decocto herbarum prædictarum & radicum facto in aqua, aut potius vino ita parato, vt halitus calentes partem affectam attingant; aut decoctum ex herbis dictis calens in vas aliquod infundatur, in quo æger ieiunus ita sedeat contectus, ne aquam attingat, sed vapores saltem excipiat, vel lateres calentes linteis decocto herbarum dictarum madidis inuoluti parti affectæ imponantur, vt sudor eliciatur, vel in balneo sicco, quod stufam vulgo appellant, vapor ex decocto herbarum dictarum lapidibus vel scoriis calentibus insperfo excipiat. Ad sudores mouendos valde hic commendatur decoctum radicum Bardanæ vel Lappæ maioris. Vbi æger satis sudauit, in lectum componatur exhibita Theriacæ, Mithridat. vel Auræ Alexandr. 3.ß. vel ʒ.ij. cum aq. conueniente. Non v. semel tantum eiusmodi balneis vtendum, sed sæpius, & bis vel ter singulis septimanis.

Autumnali quoque tempore vinaceis exuuis maturis efferuescentibus membra manè per horam vnā vel longius spacium immergere, & postea oleo vel vnguento aliquo cōueniente inungere, idque per dies 15. vel plures continuare summè vtile fuerit, de quo videatur Donatus ab Alto Mari, *Tractat. de vinaceorum facultate & usu*. Idem faciunt feces Vini, si in illis calefactis partes resolutæ quotidie bis foueantur. Membra resoluta tegantur pellibus vulpinis, leporinis, Canis, Cati syluestris, plumis Anserum, Columbarum, Auicularum syluestrium.

Si his omnibus nihil vel parū efficitur, ad Thermas *Therma.* deueniendum erit, præsertim verno tēpore, præmissis vniuersalibus & particularibus corporis euacuationibus. Est autem hic opus delectu Thermatum, suntque vtilēs Sulphuræ, Bituminosæ & Nitrosæ non multi aluminis participes, quales sunt Teplizenfes in Bohemia, quæ & potu ac lotionē & stillicidio vsurpantur. Suntque alijs regionibus etiam suæ, de quibus descriptiones Thermarum in singulis

Regionibus & historiæ ab iis curatorum consulendæ.

*Balnea
artificia-
lia.*

Si Thermæ naturales desint, artificiale Balneum tale parari potest, si aquæ exsiccationis causa Sal, alumen, tartarum vini, sulphur, permisceatur, & in eis ferrum vel chalybs sæpè ignitus exstinguatur, & vt appropriatum magis Balneum fiat, & calefaciat, plantæ etiam conuenientes admiscendæ. Vel tale paretur.

℞. Fol. betonic. saluiæ, maioran. pulegij, rorismar. hyssopi, origani, thymi, rutæ, chamæpyt. an. M. iij. flor. chamamel. melilot. an. M. ij. rad. pyrethri, bryonia an. ʒ. ij. baccar. iuniperi M. iv. lauri M. ij. sulph. lb. iij. nitri lb. j. Coqu. in aqu. ad Balneum.

Cauteria.

Nonnulli & Cauterium apponunt inter primam & secundam vertebra, vel alio loco, pro ratione membri affecti, vt humor neruos occupans euacuetur.

An. febrem accendere liceat?

Nonnulli & febrem accendendam putant ad absumendum & exsiccandum humorem pituitosum, ahibita crebrius Theriaca & Confect. Anacardina, aut oleorum calidiorum, vt Formicarum, Euphorbij, circa pulsus temporum & brachiorum, ac sub axillis inunctione. Verum cum accendere febrem facilius sit, quam accensam extinguere, relicto præsidio minus tuto, alia tutiora eligenda.

Chymici, præter magisterium perlarum, (quod in aqu. primulæ veris vel rorismarini ʒ. ss. pondere exhibent) commendant Elixir proprietatis; Ol. Saluiæ, Succini; Magister. Smaragdi, Coralliorum; tincturam Amethysti; essentiam flor. Cheiri.

Hoc balsamum de Galbano valde laudatus à Cratone.

Extra inungunt (præter olea antea commemorata) Ol. sanguinis humani, vt & balsamum de Galbano, cuius descriptio in Institutionibus habetur.

Dieta.

Aër.

Interim dum hæc fiunt & toto morbi decursu Dieta conueniens instituenda, qualis supra *part. 1. cap. 2.* posita. Aër sit calidus, siccus & purus. Qui si talis natura loci non detur, arte paretur, vt *ibid.* dictum. Nonnulli censent intra ægri cubiculum columbos alendos, vtpote quorum halitus Paralyticis prodest.

Cibus calefaciendi & attenuandi vim habeat, pituita generationem prohibeat, condiaturque Cinamomo, Caryophyll. Nuce Moschat. Macere, Hyssopo, Thymo, Salvia, Roremarino, Maiorana, Satureia & similibus. Et primis quidem 14. diebus victus sit tenuior & parcius; cum materia morbi plus quam vires vrgeat. Ideoque famem interdum tolerare & cœnam intermittere proderit. Toto verò morbi decursu cibo sese æger non oneret: cum nihil in hoc affectu sit perniciosius, quam nimia cibi & potus repletio. Cibus quoque sit boni succi; Carnes assæ, quàm elixæ magis conveniunt. Eligantur & ij Cibi, qui peculiari vi huic morbo resistunt, aut certè pituitam non generant, vel eam etiam absument, quales sunt Columbæ Sylvestres, Turtures, Hirundines, Cuculi, Cerebrum Leporis: commendant nonnulli viperarum carnem, ideoque harum carne vel farina harum iure subacta capones & gallinas faginant. Utiles sunt & pineæ nuges, pistaciæ, amygdalæ, Auellanæ Lombardicæ. Panis condiatur semine carui, foenicul. Anisi, Melanthij. Condimenti loco in mensa vsurpetur Sinapi, Cappares. Item Sales Theriacales, de viperis, Betonicæ, Cinamomi, Hyssopi, Iuniperi, Salviæ, Nucis moschatae, cariophyllor. Contrà ab omnibus cibis frigidis & humidis, flatulentis, a quibus aquatilibus, carnibus agninis, suillis abstinendum. Pisces, si fieri potest, in cibum planè non admittantur: Aut ægro eos appetente saxatiles aromantibus conditi concedantur. A lacte etiam & omnibus lacticiniis absteineat æger, uti & à fructibus horariis.

Potus sit hydromel aliquod ex supra scriptis cum foliis Salviæ, Maioranæ, Rosmarini, Hyssopi, Chamæpityos, Cinamomo, Nuce Moschat. Zingibere, Cardamomo, granis Paradisi, Pipere paratum, aut Cereuisia Hyssopo vel Salvia condita: vel potus, qui Hippocras vulgò Pharmacopæis appellatur, & hoc modo paratur.

℥. Cinamomi ʒ. ij. zingiberis ʒ. ℞. piper. longi, granor. paradisi, galang. an. ʒ. j. cardamom. ʒ. j. ℞. nucis moschatae, cariophyll. macis an. ʒ. j.

Coquantur vase clauso in aquæ fontan. ℔. vj. colatura dulco

dulcoretur Sachar.albi lb β. & per manicam Hippocr. traiciatur.

Morbo tamen declinante ad ventriculi robur conseruandum vinum concedi potest, sed antiquum, quod non facile acescit, idque paucum.

Motus & exercitia.

Pars corporis affecta, quæ restitui nonnihil cœpit, frequenter exerceatur, aut potius fricetur; moderatè tamen, vt calor, sanguis & spiritus ad illam reuocentur. Et quidem frictiones in partibus ægris vtiles sunt ad calorem & spiritus reuocandos: In sanis ad auersionem. Somnus non excedat horas septem, sitque nocturnus, non diurnus. Alius aperta seruanda, & quia Paralyticis alius adstrictior esse solet, per interualla Clysteres iniiciendi.

Somnus & Vigilia.

Excreta.

Curatio Paralyfis ex humore tenui, & ex Colica ac Scorbuto.

De Curatione Paralyfis ex humore tenui, & ex Colica & Scorbuto.

Cum Paralyfis ex Colica ex tenui potius & bilioso vel seroso humore, quam à Crassa pituita proueniat, vt & ea quæ morbos biliosos interdum sequi solet, curatio quoque non parum à curatione paralyfis ex pituita variat. Neque enim tam calida medicamenta, vt in Paralyfi pituitosa, hic locum habent. Et cum materia illa tenuis, biliosa ac serosa ex intestinis non tam ad principium neruorum quam ad musculos ac tendines transmittatur, principio neruorum illæso; tota curationis ratio in eo consistit, vt intemperies intestinorum corrigatur, & humores vitiosi ex iis euacuentur. Deinde vt materia, quæ est in membris exterioribus, discutiatur, ac membra roborentur. Et cum in ista Colica & Paralyfi pertinaces alui obstructions adsint, clysteribus opus est, sed iis non calidis & siccantibus, quales in Colica ex pituita & flatibus requiruntur, sed potius humectantibus, moderatè refrigerantibus, emollientibus & abstergentibus. Et quia motus ad inferiora segnior est, vnde etiam accidit, vt materia cum ad alia membra tum ad musculos moueantur, irritantibus, opus estque intestina ad excretionem stimulent. Conueniunt ergo hic Clysteres ex Malua, Parietaria, Mercuriali, Branca Vrsina, Violaria; ex Lacte Caprino, quibus Cassia extracta addatur, ex ol. violaceo & rosaceo cum adipe Anserina, & vitellis ouorum, item ex

Cremo

Cremore ptisanæ cum ol. Chamæmel. Ad absterfionē verò & expultricem stimulantam commodissimè additur aliquid Hieræ simplicis, vel mellis violar. aut rosac. vel Nitri parum. Et quidem Clysteres tales semel atque iterū iniicere non sufficit, sed ter vel sæpius etiam infundantur, vt peruersus naturæ motus inuertatur, & humores prauī per aluum excernantur.

Postquam aluus per Clysteres aperta & emollita fuerit, si plethoræ in venis indicia appareāt, vena aperienda. Hinc purgantia exhibenda, & per mitiora medicamenta ac per *mixta* materia expurganda; quibus, si indicia obstructionis in venis appareant, medicamenta aperienda temperata admiscenda sunt. Conuenit hic Syrup. Rosar. solut. violar. solut. Manna, Rhabarb. Si morbus id requirat etiam extract. Esulæ, hellebori nigri, turbith exhibentur. Et si ventriculus est humidus ac laxus, conueniens est vsus Hieræ, quæ humores in intestinis abstergit. Ne tamen caliditate vel siccitate sua Hiera noceat, ex refrigerantibus & humectantibus aliquid misceri potest.

Materia subducta sæpius ieiuno ventriculo spir. \odot j. \mathcal{D} . \mathcal{B} . in aqu. fragar. & primulæ veris, vel spir. \boxplus correcti \mathcal{D} . j. in aqu. saluiæ, vel spir. mastich. aut mixtur. simpl. \mathcal{D} . j. in aq. paralyf. \mathcal{Z} . j. \mathcal{B} . nonnulli exhibent. Hinc tertio quolibet die sudorem prouocant tali portiuncula:

\mathcal{Z} . Aq. primulæ veris, betonic. an. \mathcal{Z} . j. \mathcal{B} . succini præparati, matris perlar. præparatæ an. \mathcal{D} . \mathcal{B} . extr. galangæ \mathring{g} . viij. spir. \boxplus correcti \mathcal{D} . \mathcal{B} . Manus Christi c. ol. succini \mathcal{Z} . iij. Aq. theriacal. \mathcal{Z} . ij. Misc. Vel sequenti bolo.

\mathcal{Z} . Conserv. betonic. saluiæ an. \mathcal{Z} . j. \mathcal{B} . theriacæ \mathcal{D} . ij. extr. ligni sancti \mathcal{D} . \mathcal{B} . sal. chamæm. \mathring{g} . viij. Cum sacch. q. s. F. Bolus. Decoctum quoque ligni sancti, sassafra & hic suum habent locum. Dentur etiam quotidie de Rotulis confortantibus manè & vesperi aliquot.

\mathcal{Z} . Extr. galangæ \mathcal{D} . j. ligni aloës \mathcal{D} . \mathcal{B} . essent. saluiæ \mathcal{Z} . ij. succini præparati \mathcal{Z} . \mathcal{B} . Ol. succini \mathcal{D} . \mathcal{B} . cinamomi \mathring{g} . vij. sacch. iri. aq. flor. lauend. & β . tilie dissol. \mathcal{Z} . v. F. Conf. in Rotulis.

Membra verò resoluta fricentur panno asperiore, postea inungantur oleis non vehemèter calidis, qualia sunt Lilior. albor.

albor. Anethin. Chamæmel. & similia. Et si illa supra proposita adhibentur, aliquod moderatè refrigerantiū admisceri potest, vt Ol. rosac. & similia. Quæ præterea ad huius Paralysis curationem facere possunt, videantur apud Schenck. *lib. I. obser. 189.* Paralyfin autem Scorbuticam quod attinet, in ea curanda imprimis ad materiâ Scorbuti causfam respiciendum est, postea membris resolutis medicamenta adhibenda. Qua de re in Tract. de Scorbuto *cap. 8. n. 7.* dictum.

Curatio Paralysis à causis euentibus.

*Curatio
Paralysis
à causis
euentibus.*

In Paralyfi à cõtusione, casu vel ictu, si ob plethorâ affluxus ad partē læsâ metuatur, vena aperiatur, aluo per clystērē prius euacuata. Postea corpori applicētur nō simpliciter adstringentia & refrigerantia, vt in contusione sine Paralyfi, sed partim discutientia, partim adstringentia cum quadam calefactione, nisi inflāmatio adsit. Vtile ergo est tale Empl.

℞. Mastich. thur. gummi bed. an. ʒ. ʒ. pulu. lumbr. ʒ. j. maior. ʒ. ij. flor. cham. rosar. an. ʒ. ʒ. Ol. rosar. cham. cheir. an. ʒ. j. tereb. & cera q. s. F. Emplastr. In declinatione diminutis adstringētibus, digerentia augeātur, vt reliquiæ dissipentur, ac medicamenta, quæ in paralyfi pituitosa proposita sunt, vsurpentur.

Vt: *℞. Earin. fenug. pul. rad. altheæ an. ʒ. ʒ. lumbr. terr. ʒ. iij. ammoniaci, bdellij, adipis anser. an. ʒ. ij. Ol. lilior. alb. ceræ an. q. s. F. Emplastrum.* De particularibus resolutionibus Lingux, palpebrarum, Vesicæ, Ani & similibus dicetur suo loco.

Q V Æ S T I O I.

An Galenus & Auicennas de Causis Paralysis consentiant, & Frigus saltem densando nervos Paralyfin inducat?

Defectus equidem spirituum Animalium in nervis proxima & continens Paralysis causfa est. Cum verò is à pluribus causis provenire possit, in iis recensendis inter Autores discrepantia quædam esse videtur. Primò quidem aliter eas causas recenset Galenus, aliter Auicennas. Galen. *i. de sympt. caus. c. 5.* ita de iis scribit; Continens quidem siue proxima, siue quocunque alio vocabulo libeat appellare, huius Symptomatis causfa est talis quispiâ in nervis affectus, cuius occasione à principio. ad ipsam virtus transmitti prohibetur. Porro prohibetur, siquidem meatū aliquem nervus habet, qualē ille, qui ad oculos descendit, manifestè habere cernitur,

cernitur, vel ex obſtructione vel compreſſione: Si autem non habeat, ex conſtipatione vel frigore vel compreſſione. Vbi quatuor cauſæ ponuntur paralyſis; Nerui ſcil. Obſtructionio, Compreſſio, Conſtipatio & Frigus. Auicennas verò aliter cauſas Paralyſis digeſſit, & paralyſin fieri docet, vel quia facultas, ſeu ſpiritus non fertur ad membra, vel licet feratur, membrorū vitio non ſuſcipitur, his verbis: Deſtructionio Senſus & Motus fit, quoniā ſpiritus ſenſibilis, aut motiuus vel retinetur à penetratione ad membra, vel penetrat, ſed membra non ſuſcipiunt eius impreſſionem propter complexionis corruptionem. Quibus eaſdem quidē cauſas prohibiti ſpiritus animalis in neruos influxus aſſert, Obſtructionem ſcil. denſationem & compreſſionem: addit verò alterum membrum, cum videlicet influit quidem ſpiritus, ſed ob-deprauationem temperamenti partis ſpiritus influens à membro non ſuſcipitur.

Hic tamen Galenum & Auicennā facilè conciliari poſſe putat Iulius Guaſtaſpinus *lib. locorum è med. ſelect. cap. 24.* & quidem hoc modo. Nam primò quidem in eo conuenire ſtatuit, quod vterque tres cauſas ponit, cur ſpirituum influxus prohibetur, videlicet, Obſtructionem, Compreſſionem & Denſationem. Nec de hoc dubium eſt. Deinde etſi aliud vitiū addere videatur Auicennas, cum ſcil. membrum ſpiritus impreſſionem non ſuſcipit, propter complexionis corruptionem, neruorum ſcil. illius membri, qui Spiritum ſuſcipere debent: tamen eā ipſam temperamēti corruptionem ab Auicenna propositam non eſſe aliud putat, quam affectus à Galeno propositos, Obſtructionem, Compreſſionem & Denſationem. Cum enim Auicennas temperiem corrumpi in neruis aſſermet non ab intemperie calida aut ſicca, ſed frigida & humida, Obſtructionem à Galeno propositam ab humore frigido, & Denſationem à frigore illam ipſam temperiei corruptionem eſſe putat. Affectus enim, qui cauſa paralyſis, modò pertinet ad neruos, iuxta eorum initium, cerebrum aut Spinam, aut locum à membro læſo remotiorem; modò ad eorum propagines ſeu portiones exiliores, quæ muſculis inferuntur. Cum ergo exiles hi nerui in ipſis partibus propter obſtructionem,

compressionem, aut densationem spiritus suscipere non possunt, id Auicennā propter complexionis corruptionem fieri statuere putat. Et licet Galenus refrigerationem in specie addat; tamen has duas læsiones, refrigerationem & defationem, ad vnā redigendam censet; cum à frigore fiat Densatio, & Densationem ac frigus putat esse Synonyma, ac prius posterioris explicationem.

Verum enim verò hoc modo Galenus & Auicennas non satis conciliantur, & omninò Auicennas peculiarem causam adhuc addere voluit. Licet enim hoc non sit negandum, frigus aliquando neruos condensare posse; tamen frigus tum proxima prohibiti influxus spirituum animalium causa non est, sed Densatio seu Angustia; voluitque Galenus tum proxima prohibiti influxus spiritus animalis causas recensere, idemque expressè distinguit constipationem, frigus & compressionem, & disiunctiue eam proponit. Auicennæ verò locus multò minus istam interpretationem patitur, & præter mètem eius dicitur, quod temperamenti corruptio, quam ponit Auicennas, non sit alius affectus, quam à Galeno proposita Obstructio, Compressio & Densatio. Frigus enim quidem Temperamentum mutare potest, sed compressio id non mutat, vt neruus fiat inhabilis ad spiritus suscipiendos, potestque fieri compressio sine omni intemperie.

Mens ergo Auicennæ hæc est, spiritum Animalem alia quando influere non posse propter angustiam nerui, à quocunque etiam causa prouenientem, & quocunque loco ea hæreat; aliquando verò, licet nulla sit in neruo angustia, & licet influant spiritus Animales, tamen à membro eos non suscipi, seu, vt loquitur Auicennas, eius impressionem non suscipi propter complexionis corruptionem, id est, quia à frigore innatum partis temperamentum & calor corruptus est, cum eo spiritus animalis influens vniri, ei se associare, & suam *ἐνέργειαν* in membro, cuius temperies naturalis destructa est, exercere non potest. Quod nec ipsum Galenum negare puto, cum 4. de loc. affect. cap. 4. Paralyfin à refrigeratione deducat, & medicamentis calidis sanatam fuisse scribat.

QVÆSTIO II.

Qui humores Paralyfis cauffa effe poffint?

Agitatur quoque inter Medicos controuerfia, qui humores Paralyfis cauffa effe poffint. De pituitofis equidem res plana eft, eosque omnes inter Paralyfis cauffas admittunt: Verum an biliofi etiam & melancholici, ac quomodo Paralyfin inducant, controuertitur. Galenus 4. *de loc. affect. cap. 4.* narrat cuidam, qui à vehementi Peripneumonia conualefcebat, brachij tam posteriores, quàm inferiores partes & cubiti maximam partem eodem modo ad fummos digitos sensus difficultate laborasse, atque motum quoque aliquorum digitorum nonnihil læsum fuisse. Alexander Trallianus *lib. 1. cap. 6.* refert, quendam in Paralyfin ex moerore incidisse, deinde sumpta Hiera adeo læsum, vt totus immobilis fieret, & prope modum interiret, nisi in contrarium mutatus fuisset, & humectantibus omnibus, cum potibus tum cibis, & aliis, quæ temperatum ipsum redderent, vsus fuisset. Paulus Ægineta *lib. 3. cap. 28. & 43.* facit mentionem paralyfis ex Colica per iudicatoriam quandam translationem ab humore bilioso (refrigerantia enim proderant) orta. Fernel. *lib. 5. de Part. morb. & sympt. cap. 3.* scriptum reliquit: Bilem flauam sub finem intermittentium febrium in spinam dorsi ac in neruorum originem effusam aliquando Paralyfin generasse. Hercul. Saxon. *lib. 1. cap. 40.* refert, quendam inflammatione oris ventriculi laborasse, & rupto abscessu factum fuisse Paralyticum. Rondeletius verò 1. *Method. curand. morbor. cap. 32.* Fernelio sese opponit, & bilem, vt & melancholiam, Paralyfin efficere poffe negat; cum hi humores potius siccent, quam emolliant neruos, & bilis ad conuulsionem magis, quam ad Paralyfin excitandam fit idonea. Deinde quod bilis, quæ concocta & pauca fit, ad loca tam diffita & remota facile penetrare non poffit. Neque enim per Cerebrum, neque per vertebrarum foramina & spinam eò peruenire poffe putat. Etenim fi per Cerebrum & spinalem medullam delabertur, Phrenitidem excitaret; atque id potius in ardentibus

febris accideret: si verò per vertebrarum foramina eò ferretur, cum sanguine simul eò deduci & in venis contineri potius debuisset, atque hac ratione continuam potius, quam intermittentem excitasset. Ipse verò sub finem febrium intermittentium biliosarum Paralyfin fieri putat, quod bilis & febrilis calor pituitam in Cerebro contentam, aut in ipsa spinali medulla latitantem eliquare poterit, quæ in nervos effusa Paralyfin induxerit, statuitque sanguinem solum tenuiorem bilémque aquosiores Paralyfin committere posse, dum aut obstructionem faciunt, viamque spiritibus intercipiunt, aut humiditate spiritus extinguunt vel consopiant, aut nervos emolliunt & elongant.

Verum enim verò negandum non est, bilem & melancholiam causam Paralyfis esse posse; cum tot modi sint, quibus Paralyfis excitari potest. Possunt videlicet humores Paralyfis causa esse, nervos refrigerando, humectando, & irrigando, sensus ac spiritus vi occulta sopiendo, extra pondere & gravitate eos premendo, eosdémque obstruendo. Quod ipse Rondeletius negare non videtur.

Duplici autem via humores ad nervos feruntur. Vel enim ex ipsis meatibus cerebri in nervorum substantiam infunduntur, vel saltem, ductum spinalis medullæ nervorumque inde ortorum sequentes, extra nervis incumbunt. Platerus quidem posteriorem modum solum admittit, obstructionem verò reiicit, negatque humores crassos in ipsam nervorum, qui ita manifestas vias non habent, substantiam penetrare posse.

Verum si vapor, præcipuè qui vi narcotica præditus est, in ipsa substantia cerebri contineatur, atque in humorem ibidem condensetur, vel etiam tenuior humor ibi contineatur, eum in nervos infundi & penetrare posse, impossibile non est. Quanquam enim manifestas cavitates non habent nervi, tamen cum nervorum substantia sit rara, humores tenues in eos sese insinuare possunt.

Atque hinc ad argumenta Rondeletij respondere facile est. Nam cum ipse concedat, sanguinem tenuiorem bilémque aquosiores Paralyfin committere posse, frustra pugnatur.

pugnat contra Ferneliū; cum Ferneliū non definiat bilē, quæ Paralyſin facit. Neque enim omnis bilis acris eſt, ut neceſſe ſit, eam nervis affuſam conuulſionem excitare, ut in Ictero videre eſt, in quo in cute nullus pruritus aut dolor percipitur. Neque in intermittētib; febrib; via, qua humores ad nervos tranſeant, denegatur. Quamvis enim fomes febrilis in febrib; intermittētib; ſit extra venam caſam: tamen in eam effunditur, & in paroxyſmo tandem per eius ramos expellitur, ut *lib. 2. de Febrib; cap. 16.* monſtratum fuit. Atque hoc modo partim ad ſpinalē medullam, partim muſculos tranſmitti poteſt. Videantur quoque quæ de generatione & curatione Paralyſis Scorbuticæ in Tractatu de Scorbuto diximus.

Si verò ex capite delapſus bilioſus humor Paralyſin generet, modus generationis eſt facilis; cum & comprimendo ſpiritib; ſque viam intercipiendo, &, ſi aquoſa ſit bilis, nervos irrigando, Paralyſin excitare poſſit. Et ſi ſaltem à liquatione pituitæ fieret hæc paralyſis, potius in augmento vel ſtatu febris, ubi calor maior eſt, quam in declinatione, ea accidere deberet.

Melancholiam quod attinet, ſtatuunt quidam è recentiorib; melancholicum humorem, etſi ſiccus & terreſtris inter humores dicatur, tamen quia humor eſt, humidum & nervo humidiorē eſſe ipſumque humectare poſſe, melancholiāque aliis humorib; collatam eſſe ſiccam, partib; verò corporis humidam & humectantem. Verū rectè explicanda eſt hæc opinio. Etenim etſi humor melancholicus ad tactum & qua humor & quiddam liquidum eſt, humidus eſt: potentiam tamen non humectandi, ſed ſiccandi habet, ſicut Thermæ, lixiivium, vinæ potentia, ſpiritus & alij liquores multi ſiccandi potentia præditi, corpora, quæ contingunt, non emolliunt, ſed ſiccant potius. Ergo ſi à melancholia generatur Paralyſis, credibile eſt, eam extra pondere ſuo nervos comprimere, & ſpiritui fluxum prohibere, ut Platerius ſentit. Aut ſi omnino humectando id efficiat, ſit potius hoc ab humore ſeroſo, quo melancholicus humor plerumque

diluitur, quam à crassa eius substantia, in quod in Scorbaticis accidit.

Q V Æ S T I O I I I.

An Sudorifera in Paralyfi sint exhibenda.

Ludouicus Septalius equidem *lib. 6. animaduers. medic. num. 74.* Sudorifera in Paralyfi reiecit & vrinam cientia præfert, magnumque errorem passim à Medicis committi putat, quod omissis vrinam cientibus, ea vsürpent, quæ sudores mouent, Decoctum Guaiaci, sarsaparill. & similia, ea de causa, quod per vrinam crassiora quoque educantur, per sudores autem tenuibus euacuatis crassiora magis incalescant & crassiora reddantur, magis obstruant, atque difficiliora reddantur ad motum & euacuationem.

Verum etsi hæc omnia vera esse concedimus de morbis, quorum causa circa viscera & in hypochondriis vel etiam in venis hæret: tamen in Paralyfi hæc ratio locum non habet. Cum n. circa neruos causa mali hæreat, non video, quomodo inde ad vias vrinae facile peruenire possit, per ambitum verò corporis facilis euacuatio est. Neque metuendum, vt sudoriferorum vsu materia incalescat nimium, vtpote quæ frigida est, & ita calefactionem requirit, vt etiam nonnulli febrem, quæ eam calefaciat & fundat, accendendam putent; aut crassescat, cum illa ipsa sudorifera vim habeant eam attenuandi.



C A P V T XXVIII.

De Spasmo seu Conuulsione & Conuulsivis motibus.

Spasmus.

Σπασμός Græcis; Celfo Distentio neruorum, vulgò Conuulsio, est motus membrorum ita deprauatus, vt præter voluntatis imperium & contra id membra versus musculorum suorum principia retrahantur. Aut si verbum verbo reddere velimus, Spasmus dicendus contractio. Σπᾶν enim Græcis est trahere. Membrum enim Conuul

Conuulsum, vt & motum secundum voluntatem, musculi sui medio, quod ventrem vocant, contrahitur versus suum initium, quod caput musculi nominatur; Tendo etiam, in quem musculus definit, contrahitur, & ab hac os vel membrum cui inseritur, contrahitur. Quia tamen in contractione illa partes ita distenduntur, vt rumpi quasi videantur, Latinis conuulsionem & distentionem nominare placuit. Et quidem quod musculus tenditur, & ad principium suum trahitur, vnaque cum hac pars, cui inseritur, id commune est sanis ac conuulsis, teste Galeno 2. de Sympt. Caus. cap. 2. Sed quod inuitis & præter voluntatis imperium accidit, id p. n. affecto corpori inest, non sano, vt Galenus docet 3. de loc. affect. cap. 6. Aliud verò vocabulum est *σπασμός*, quod propriè vnitatem solutam in parte neruosa citra vulnerationem significat, seu partium neruosarum vel fibrarum in musculis ex distentione ruptionem. Nam quod in carne *πρηνες* dicitur, id in neruis appellatur *σπασμός*, vt ex Galeno 3. Meth. med. cap. 6. & Meth. med. cap. 1. & de Constitutione Artis, cap. 6. videre est. Et quidem manus vel pedes, vt & caput, frequentius conuellantur, quandoque etiam maxillæ ita constringuntur, vt vix vlla vi diduci possint. Rariores aliquot conuulsionum historias annotauit Marcellus Donatus de Histor. Medic. mirabil. lib. 2. cap. 3. Refert enim penem quibusdam morientibus, imò etiam iam mortuis rigidum & conuulsum fuisse; aliquando anum ita à conuulsione constrictam, vt Clysteris canalem non admitteret; deprehensum etiam manus mortuorum tam constrictas fuisse, & quandoque tractantium manus ita firmiter cōstrinxisse, vt difficulter diuelli potuerint; cuiusdā etiā capite truncatum cadauer, dum in pheretro ad sepulchrum portaretur, repente adeo cōcussum fuisse, vt loculi tabulæ inuicē disiungerentur, ac penè ex gestantium humeris decideret, quod ad iactum sagittæ, dum funus progredieretur, durauit.

Est videlicet Spasmus seu Conuulsio Symptoma deprauatæ facultatis animalis, liberè mouentis, inuoluntaria scilicet & *ἀνελκας*; facta membri versus musculi sui principium contractio, quæ plerumque non sine dolore fit.

Spasmus
quid?

Quod tamen de ipso actu motus & contractionis intelligendum. Posteaquam verò contractio iam facta est, membrumque rigidum est, ablatum potius motus est. Siquidem neque ipsi ægri membrum contractum liberè mouere possunt, & sæpe ita rigidum à Conuulsione fit, ut neque ab astantibus extēdi possit. Et ubi motus tonicus est, membrum rigidū manet, ut flecti nullo modo possit. In Spasmo verò per se nulla fit in principibus facultatibus læsio.

Affectus est in musculo, qui proprium voluntarij motus instrumentum est, & quidem secundum se totus contrahitur: præcipue verò secundum neruosam seu fibrosam partem; vnde Galenus conuulsionem nunc muscolum, nunc neruorum *πάθος* esse scribit. Contrahitur verò pars neruosa seu fibrosa versus originem suam. Origo autem neruorum est Cerebrum & spinalis medulla; musculi vel fibrarum huius, ipsius caput; tendinis, finis musculi; sicut ligamenti origo vel principium est os, cartilago, aut durior membrana.

*Conuulsio
& disten-
tio non
differunt.*

Sunt quidem nonnulli, qui inter Conuulsionem & distentionem distinguunt, ac Galenum reprehendunt; quod ista confuderit. Verum illa ipsa Distensio, quæ in Tetano apparet, etiam est contractio. Quanquam enim membrum Tetano laborans rigidum, rectum & extensum manet; tamen id fit, quia ex vtraque parte fit æqualis contractio, & musculi anteriore & posteriore parte æqualiter contrahuntur, ut neutra pars vincat; vnde membrum rigidum manet.

*Conuulsio
& motus
conuulsi-
uus differ-
runt.*

Monendum tamen hic, distinguendum esse inter spasmus seu conuulsionem & motum conuulsiuum seu *σπασμώδης κίνησις*. Spasmus enim seu Conuulsio propriè dicta est musculi versus suum principium contractio, ex qua membrum rigidum manet, sicut in Tetano, in *ἰνδατονία*, Rifu Sardonio, & aliis veris conuulsionibus apparet. Motus verò *σπασμώδης* seu conuulsiuus est etiam musculi versus suum principium retractio, verum non in vna situs differentia continuat, sed cum quadam concussionē, ut in Epilepsia, febribus malignis, vulneribus capitis sæpè videre est. In hoc enim differt spasmus seu conuulsio à

motu

motu conuulsiuo, quod, vt dictum, in conuulsione membrum ex contractione rigidum manet; in conuulsiuo verò motu membrum agitur, vibratur & variè concutitur.

Nota.

Deinde in vera conuulsione sensus omnes cum interni, tum externi integri sunt. In motibus verò conuulsiuis sæpè læduntur.

Ad motus hosce conuulsiuos referendus vel iis cognatus est ille, qui nonnullis sub primum somnum accidit, quo totum corpus ita concutitur, vt lectum totum concutiat, & homo inde excitetur. Qui procul dubio accidit à vaporibus quibusdam acribus à ventre inferiore ascendentibus, & principium neruorum vellicantibus, sed qui statim euanescent.

Cardanus verò in *Comment. aphor. 37. seu secundum eius distinctionem 39. sect. 6.* etiam hanc differentiam agnoscit & admittit, verum nominibus aliis exprimit, & quem nos conuulsiuum motum appellari diximus, quique cum manifesta agitatione & concussionem fit, conuulsionem solum appellandum censet. Distensionem autem, quæ fit motu occulto, cuius species *ἐν τῷ κέντρῳ*, *ἐν τῷ περιτρίβῳ* & *ἐν τῷ περιτρίβῳ*. Verum præter communem loquendi usum hæc statuit, & præter necessitatem vulgatas appellationes mutat: Cum synonyma sint spasmus, conuulsio & distensio, vt dictum. Concussiones verò illæ & agitationes manifestæ, quas solum conuulsiones appellandas censet *σπασμώδεις κινήσεις* seu conuulsiuos motus, non conuulsiones propriè à Medicis dicuntur.

Notandum & hoc, Spasmodum equidem opponi Paralyfi, quod in Paralyfi est mouendi impotentia, etsi membrum flexile sit, in spasmo verò & motibus conuulsiuis motus deprauatus: Interdum tamen iunguntur ita, vt per vices & alternatim affligant, ita vt pars modo conuellatur, modo resoluatur. Cuius rei exemplum est apud Hippocrat. & Galenum 3. *Proreptic. textu 26.* quale etiam vidit Petrus Salius Diuersus in *Notis in Altimarum cap. 13.* quod tamen raro accidit.

Spasmus
& Paraly-
sis in-
terdum
iungun-
tur.

Definitio.

Sed vt definitio perfecta constitui possit, de proxima

Conuul-
sionis
caussa
proxima

caussa conuulsionis inquirendum, ad quam omnes alia, quæ satis multæ sunt, redigi possint. Et si autem ea sit tendinum & neruorum in musculis contractio seu longitudo imminuta, ob quam in eandem situs differentiam musculum & totum membrum, cui inseritur, secum trahit: tamen cum idem etiam in motu voluntario accadat; Conuulsio verò, contractio, præter voluntatem sit: quanam causa sit, ut præter voluntatem tendines & fibrosæ musculorum partes ita ad originem suam contrahantur, grauissima & intricatissima controuersia est.

Vulgata equidem doctrina est ex Hippocrate 6. *Aphor.* 39. Spasmodum ex inanitione vel repletionem fieri. Et vtuntur plerique cum Galeno similitudine petita à chordis ex intestinis animalium exsiccatis paratis, ut & coriis ac pellibus. Ut enim hæc, ubi Soli vel igni exponuntur, humore absumpto corrugantur & breuiores fiunt; pariter etiam ubi humorem aliquem imbiberunt, latitudine & crassitie aucta, longitudo imminuitur, & breuiores redduntur: Ita etiam putant in neruis ac neruosis musculorum tendinibus ac fibris idem accidere, eosque à causis nimium siccantibus & humectantibus breuiores reddi.

Recentiores plerique tertium genus causæ addunt; quod, tamen etiam Galenus 5. *Aphor.* 1. obseruauit, vellitationem videlicet neruosi generis ex re molesta.

Verum etsi calumniæ facile obnoxium sit, si quis à sententia in omnium libris ferè vulgata secessionem faciat: tamen ubi de veritate agitur, non quis vel quot aliquid dixerint videndum, sed quam bene quid dicatur perpendendum. Idque & hic faciendum puto. Quibus autem & quantis difficultatibus priora duo causarum genera inuoluta sint, in Institutionibus *libr. 2. part. 3. sect. 2. cap. 5.* dictum, & postea infra *quæst. 1.* dicetur. Et quamuis nonnulli anxie laborarint, ut causas omnes remotiores ad hæc duo genera referrent: tamen id, quod cognati sunt, non præstiterunt: adeo ut doctissimi atque ingeniosissimi Medici de vera causa inuenienda ferè desperasse videantur. Inter quos est acutissimus Auenrois, qui

qui 3. collectan. scribit : *Vtinam scirem, cur distendantur in latum nervi & non in longum.* Et mox: *Scias, Medicorum verba in hoc symptomate uniuersè propiora esse verbis Musicorum seu fabellas canentium, quam demonstratorum.*

Verùm ne actum agamus, ea, quæ in Institutionibus loco allegat. prolixè hac de re diximus, hic non repetemus, nec ea, quæ postea *quæst.* 1. dicentur, sed saltem sententiam nostram, quam vero magis consentaneam, quantum quidem in hac rei obscuritate licet, esse putamus, summam proponemus. Et propterea breuiter hic statuimus, causam proximam Spasmi esse facultatis expultricis partium fibrosarum in musculis è neruoso genere compositarum à re molestante irritationem, quæ animalem facultatem sibi in eodem subjecto iunctam in consensum trahit, atque ad motum incitat; seu materiam fibrosas & neruosas partes in musculis irritantem. Reliqua, quæ ad hanc rem pertinent, infra *quæst.* 1. proponentur.

*Opinio
nova de
causa
spasmi.*

Vnde definimus spasmum, quod sit musculorum deprauatus motus, seu versus principium contractio præter voluntatem, à facultatis expultricis partium fibrosarum à re molestante irritatione, quæ animalem sibi iunctam in consensum trahit, & ad hunc motum incitat, orta.

*Spasmi
definitio.*

Causæ & Subiectum.

Sed vt hæc clariora fiant de Subjecto & Causis quædam addenda. Subjectum quidem proprium & proximum conuulsionis musculus esse statuimus. Cum enim musculi proprium & adæquatum motus voluntarij, qui secundum naturam sit, instrumentum sit: etiam motus illius deprauati seu conuulsionis causa erit; & musculo contracto ossa, & quicquid in parte mobile est, simul contrahuntur. Veruntamen neruis solum & fibrosis neruorum partibus mediantibus, vt etiam supra dictum, musculi conuelluntur. Etsi enim musculi ipsi per se sæpè vulnerantur, contundantur, & tumorem aut alium morbum patiuntur: non tamen conuelluntur, nisi neruos malum peculiærter attingat.

*Conclu-
sionis sub-
iectum.*

Variarum autem corporis partium musculos conuulsio occupat. Interdum enim totum corpus, caput scilicet, &

omnia sub capite membra conuulsione corripiuntur : Interdum caput saluum est, & omnes sub capite partes conuulsionem patiuntur. Interdum vnius lateris mēbra omnia. Interdum vna saltem pars, oculus, lingua, ceruix, brachia, manus, crus, pes, digitus.

*Causa
proxima.*

Causam proximā diximus esse facultatis partium nervosarum & fibrosarum in musculis irritationem, quæ animalem in consensum trahit, & ad motum incitat, seu si alicui *ἀντιβολογείν* libeat, materiam nervosas & membranosas in musculis partes irritantem. Nam, vt in Institut. etiam dictum, aliter sese res habet in expulsiōe in parte, quæ potentiam habet ad voluntatis imperium sese mouendi, aliter in eâ, quæ ea destituitur. Conuulsio ad prius genus pertinet, sicut & sternutatio ac tussis : In quibus omnibus, quia facultas expultrix naturalis facultatem animalem in consensum trahit, motus quidam sensibilis excitatur, atque ita vtraque facultas ad conuulsionem concurrat. Neque sola facultas animalis huius motus causa est, vt pote quæ sibi relicta nullum motum, nisi ad voluntatis imperium, aggreditur. Sed hic ad motum hunc primò facultas naturalis concurrat. Cum enim causa, quæ conuulsionem parit, in musculo resideat, seu humor seu vapor, primò inde afficitur & irritatur facultas naturalis, quæ sibi coniunctam facultatem mouendi in consensum trahit. Quæ etsi alijs salua sit, atque imaginatio non deprauata, ob irritationis tamen vehementiam, & totius animalis salutem, ac illam, quæ est in toto corpore, Sympathiam partium & actionum obsequi cogitur, & hunc motum coacta seu permittit seu imperat, quem non irritata non imperasset, seu permisisset; aut certè facultas animalis à naturali in consensum tracta & irritata spiritus animales coacta ad membrum affectum mittit, forsitan non ita concurrente imaginatione. Neque enim adeò credibile esse videtur, cum tam vehemens contractio in conuulsione fiat, vt etiam membrum extendi non possit, etiam contractionem ab imaginatione ac loco motiuam dirigente facultate imperari, sed potest fortasse per spiritus animales ad membrum affectum affluentes etiam in vitâ imaginatione

*A qua
caussa
musculi
in conuul-
sione cō-
trahantur.*

motus

motus ille, cuius modum ignoramus, fieri. Neque tamen sine concursu facultatis animalis motum istum fieri posse manifestum est. Estque irrefutabilis demonstratio hæc: Quod Conuulsio est Contractio: Contractio muscutorum actio propria: muscoli instrumentum non facultatis naturalis sed motricis: motus muscutorum nunquam fit citra facultatis animalis operam, quæ appetitum & rationalem & sensitiuum complectitur, aut certè non sine spirituum animalium ope.

Neque refert, quod hi motus contra voluntatem fiunt, & quod partem conuulsam etiam volentes extendere non possunt ægri. Etenim vel ab appetitu irrationali fiunt, vel animâ quasi perturbatâ, vt ex Aristotele *lib. 3. de anima cap. 2.* & Galeno 2. *de motu muscutorum cap. 6. in Institut.* diximus, vbi monstratum fuit, motus voluntarios non esse planè eiusdem generis.

Si porrò quærat de parte muscoli, in qua Causa irritans hæreat, si qua ratione motus secundum naturam in musculis perficitur, certè constaret, facîle id determinare posset. Credibile tamen est, circa initium muscoli & illam partem hæere causam quâ contractâ, omnes reliquarum fibræ contrahuntur.

Si etiam quærat, qui fiat, quod nunc saltem versus vnâ partem contractio fiat, parsque ita contracta immobilis maneat, quæ propriè est spasmus, conuulsio seu distensio: Nunc verò in hanc vel illam partem varia fiat agitatio, quæ motus conuulsuos propriè nominatur; etsi Cardano contrâ conuulsionem appellare placuerit: Differentiæ causâ in hisce consistere videtur: Quod in vera conuulsione seu vapor seu humor neruos vellicans penitus se in neruorum substantiam insinuauit, iisque adhæret & quasi infixus est; In conuulsio verò motu materia non adhæret neruis pertinacius, sed facîle iterum à natura excutitur, quæ tamen cum iterum neruos petit, conuulsuius motus continuatur, & tam diu

Nota

discu

discutitur, & sæpe hinc inde vagatur. In spasmo autem & conuulsione verâ materia est crassior & tenacior, ac propter ea pertinacius nervis adhæret. Quibus accedit & hoc, quod in verâ conuulsione vnus musculus saltem, vel plures eiusdem generis seu extendentes seu contrahentes afficiuntur: in motu verò conuulsiuo etiam contrarij. Ita enim cum musculis in corpore humano comparatum est, quod omnes, si paucos excipias, *sphincteres, vesicæ & ani, ut & cremasteres*, contrarios musculos habent, quorum si hic contrahit, ille extendit, si hic eleuat, ille deprimit, & ita de cæteris motus differentiis: etsi numero contrarij semper non sunt pares. Sic caput flectentes duo sunt, extendentes duodecim. Itaque in conuulsione seu spasmo in vno saltem musculorum contrariorum genere causa mali hæret; vnde etiam membrum versus musculi illius principium contrahitur, & ita rigidum manet. In conuulsiuis verò motibus materia vellicans nervos, qui ad vtrumque contrariorum musculorum genus tendunt, infestat; vnde pars nunc contrahitur, nunc extenditur, & omnino vario motu agitur, pro vt materia nunc hunc, nunc illum musciculum vellicat. Hinc etiam in spasmo, vt pote in quo causa saltem circa partem affectam & in loco priuato hæret, cerebrum & sensus integri sunt: In conuulsiuis vero motibus cerebrum sæpe simul afficitur, vnde etiam sensus ferè simul læduntur. Et conuulsiui motus ferè accidunt per partium aliarum consensum, materia ab vtero, ventriculo, vel alia parte cerebro per nervos communicata: Quæ cum à cerebro rursus excutitur, & in nervos expellitur, nunc hanc, nunc illam partem vellicat, atque inde variorum membrorum concussio & agitatio excitatur. Et quidem si materia hæc ad principium medullæ spinalis mittitur, & æqualiter totam occupat, tunc æqualiter vniuersum corpus conuellitur, & tam dextræ quam sinistræ corporis partis membra concutuntur. Malumque hoc omnium grauissimum est, præcipuè si aliquid materiæ adhuc in cerebro hæreat, vnde & partes capitis conuelluntur & sensus afficiuntur. Si autem dextram saltem vel sinistram corporis partem petat, motus conuulsiuus tantum in dextra vel

vel sinistra parte accidit. Si verò non ad principium spinalis medullæ, sed ad neruum priuato alicui membro inferuentem materia mittitur, motus etiam conuulsiuus fit saltem in priuato illo membro, & nunc brachium, nunc crus, nunc manus concutitur. Et si magna materiæ efficacia vel copia sit, membro è directo posito per communes neruos communicatur. Aliquando etiam, vbi caussa malè in priuato aliquo membro generatur, cum ea agitari incipit, primum illa pars motu conuulsiuo corripitur, postea tamen materia per neruos cerebro communicata, & hinc ad principium spinalis medullæ protruditur, vnde vniuersum corpus motu conuulsiuo prehenditur, aut certè latus è directo loci affecti situm.

Non etiam hic prætereundum, quomodo spasmus flatulentus generetur, qui Græcis *αεριοσμός φουδών*, vulgo *der flatulentus*, *Kramppf* appellatur. Itali etiam Crampam vel Cramsum nominant, qui cum maximo dolore in cruribus præcipuè & imprimis in furis accidit, si inter dormiendum pedibus non contactis quis decumbat. Quod malum cacochymicos, flatulentos & poculis ac crapulæ deditos infestat, partésque cum dolore summo affligit, sed plerumque breui temporis spatium durat. Durat tamen interdum, vt Iohan. Baptista Montanus in *9. Rhafis* refert, per horas quatuor, vt Medicos aduocare opus sit, & plerumque ad verum spasum via est.

*Spasmus
flatulen-
tus.
Gallicè
Goutte,
Grampe.*

Quomodo autem generetur, pluribus in Institution. dictum est, quæ hic repetere non licet. Vero consentaneum est, spasmum hunc flatulentum à flatu vel humore aliquo tenui ac seroso in musculo aliquo collecto, eiúsque fibras vellicante, fieri.

Caussas Antecedentes, Procatacricas & Euidentes spasmi quod attinet. Primò à sanguine ac Plethorâ spasmum fieri vulgo docent, & quidem ex plenitudine, eiúsque rei exemplum Inflammationes afferunt. Verum enim verò multi dantur plethorici, qui spasmum non patiuntur; sicut nec inflammationibus omnibus Spasmus coniungitur. Et si spasmus tum accidat, fit hoc vbi sanguis corrumpitur & putrescit, acrimoniam acquirit, neruósque vellicat, vt

*Causa
antecedentes.*

etiam

etiam ex Galeno 6. *method. medend. cap. 2.* & alibi videre est.

Pituita deinde conuulsionis caussa statuitur, & plerique eam replendo neruos conuulsionem excitare statuunt. Verùm de modo planè inter se dissentiunt, neque adhuc sufficienter causam reddiderunt, cur ob pituitam Paralyticis membra potius resoluantur, quam conuellantur, vt postea in quæstione dicetur. Probabile ergo & hic est, pituitam corruptam acrimonia sua potius neruos vellicare, quam replere. Et dantur multi morbi pituitosi, quibus conuulsio non coniungitur. Atque exempla, quæ Forestus & alij afferunt, quibus monstrare volunt, à pituita neruos replente spasmodum excitatum fuisse, id non satis demonstrant, nec plus probant, quam cacochymiam pituitosam in talibus corporibus fuisse. Quomodo verò conuulsio à pituita illa producta fuerit, non satis probant.

De Bile Medici, qui vulgarem sententiam sequuntur, in hoc quidem consentiunt, quod conuulsionem inducere possit: Sed de modo dissentiunt. Etsi enim quidam statuant bilem esse tenuem, & in nerui substantiam faciliè penetrare ac in eam sese insinuare posse: tamen plerique agnoscunt, bilem vellicando potius id præstare, quam replendo.

Humorem Melancholicum non nisi rarissimè aut forte nunquam spasmodum producere posse quidam statuunt, eà de causâ, quia crassior sit, quam quod possit in neruum, qui durus est, sese insinuare. Verùm ex præsupposita opinione hæc dicuntur. Si ergo Melancholia spasmodum parit, vellicando id præstat.

*Causæ
procatar.
tica.*

Quæcunque ergo Causæ humores, qui neruos & fibras musculorum vellicare possunt, generant, conuulsionis causâ esse possunt, vt ebrietas, crapula & repletio, consuetæ euacuationes suppressæ, balnea & exercitia in corpore plethorico vel cacochymico, aer frigidus ac humidus & similes.

Quia tamen tales humores in multis abundant, & causæ tales multis obtingunt, qui tamen conuulsionem non patiuntur: procul dubio occultam aliquam dispositionem

tionem

tionem neruis inimicam humor acquirat necesse est, antequam conuulsionem pariat, similem illi, quæ Epilepsiam generare solet.

Causas reliquas euidentes ferè omnes neruos exsiccando conuulsionem inducere statuunt; sed parùm rectè, vt *Causa euidentes.* postea etiam in quæstione dicitur.

Primò enim inter causas illas referunt febrem ardentem & Phrenitidem, quæ cerebri membranas ac neruos omnes exsiccent. Verùm enim verò non omnibus febribus ardentibus nec omni phrenitidi hoc accidit, & sæpè conuulsiones in febribus malignis, fatis, quantum ad calorem, mitibus, accidunt; contrà in alijs febribus, vbi calor ardentissimus est, non contingunt conuulsiones. Quod indicio est, non à calore ficcante, sed à vapore aut humore maligno neruos vellicante conuulsiones prouenire. Quod & hoc arguit, quod conuulsiones illæ non sunt perpetuæ, sed per interualla sæpè recurrunt, quod fieri non posset, si à nimia exsiccatione prouenirent.

Choleram quoque inter causas conuulsionis referunt; nec malè, ipsâ experienciâ teste: eam tamen tum ab humore aliquo acri & maligno prouenire cum alios neruos, tum orificium ventriculi vellicante, & ita alios neruos in consensum trahente, probabile est. Sicut etiam Galenus vomitum ex bile æruginosa inter causas conuulsionis ad causas neruos vellicantes refert, testaturque, adolescentem quendam interdum vomitu bilem æruginosam reiexisse, & inter vomendum toto corpore conuulsum fuisse, & simul vt euacuata est ærugo, protinus conuulsionem cessasse 5. aphor. 1. 12. method. medend. & 5. de loc. aff.

Eadem ratio est Ellebori & aliorum fortium purgantium medicamentorum. Etsi enim quidam statuunt, siccando & nimia inanitione hæc spasmus producere: tamen ipse Galenus 5. aphor. 1. & plerique interpretes eius agnoscunt, non tam ab inanitione & exsiccatione, quam à vellicatione neruorum conuulsionem prouenire. Et omnino rationi consentaneum est, potius à re molesta neruos vellicante, siue sit ipsum medicamentum siue humores vitiosi

à medicamento agitati, quam inanitione, conuulsionem tum fieri: Cùm sæpe tum breui temporis spatio post sumptum tale medicamentum accadat, quod nō probabile est, tantam interea inanitionem factam fuisse, è qua nervi exficari & corrugari quasi potuerint. Et contra sæpe in Dysenteria & alui profluuiio longo tempore fluxus durant, corpusque satis inaniunt, neque tamen vlla inde sequitur conuulsio.

A frigore quoque interdum accidunt conuulsiones, refertque Forestus *lib. 10. obseru. 13. in Schol. & lib. 10. obseru. 104. in Schol.* Fridericum Comitem de Alta flamma ex largiore aquæ frigidæ potu in Conuulsionem incidisse. Verum frigus nec siccando nec replendo id præstare potest, sed potius quia vel nervis inimicum est, vel crudos ac vitiosos humores in corpore retinet, febrémque auget.

Eodem modo in vulneribus capitis interdum neque ex repletionem, neque ex inanitionem Conuulsiones accidunt, sed quia à sanie collectâ membranæ cerebri & nervi velluntur.

Ita in punctura nervorum conuulsio fit, quam alij ad plenitudinem, alij ad inanitionem referunt, sed neutri, vt manifestum est, rectè: Sed fit potius propter dolorem ac condolentiam ac consensum, & propterea etiam nervo discisso sarratur.

Et omninò tales causæ, vt frigoris & caloris immoderatus appulsus, nervorum & nervosarum partium vulnera & puncturæ, compressiones, inflammationes, luxationes, ciborum corruptiones, animalium venenatorum ictus & morsus, subitus terror, ira & similia, in quibus frustra se torquent nonnulli, vt ea ad repletionem & inanitionem referant, rectissimè ad vellicationem nervorum referuntur, quam res tales vel ipsæ præstant, vel humores in corpore commouent, qui id efficiant.

Differentia.

Differentia à loco affecto. Præcipuæ differentiæ sumuntur à loco affecto, qui est nunc totum corpus, nunc pars vna vel plures. Et imprimis notabilis & ab omnibus Medicis proposita est cervicis ac spinæ dorsi & hinc totius corporis conuulsio. Cuius tres sunt

sunt species : Prima est ἐμωλοτότων, quando non solum ceruix sed & reliquum corpus in anteriora conuellitur, & mentum pectori penè admouetur, vt æger corpus erigere non valeat : fitque musculis, qui corpus in anteriora flectunt, affectis & ad principium suum reductis.

Altera est ὀπισθότων, quando ceruix & spina versus ὀπίσθια posteriora flectitur; quod fit affectis musculis, qui corpus posteriora versus flectunt. Tertia πένανθεν, in qua ceruix & reliquum corpus rigidum ac in neutram partem flexile apparet. Etenim in isto affectu partes manifestè conuulsæ non apparent, sed æqualiter & antè & retrò tensæ in æquilibrio permanent, quemadmodum in illo motu voluntario secundum naturam, qui τρυφή dicitur. Et corpus hoc modo affectum propriè rigidum dicitur Celsus tamen *lib. 4. cap. 3.* quamlibet istarum differentiarum rigorem appellat.

Deinde huc referenda & illa differentia, cuius supra mentionem fecimus, quod conuulsio in genere accepta alia est perpetua, nullis motibus ac concussionibus interrupta, quæ membrum contractum manet, quæ propriè conuulsio & Spasmus est, in qua cerebrum saluum est : Alia, quæ membrum varijs motibus hinc inde agitur; quod fit, cum causa per corpus variè mouetur, & plerumque accidit cerebro affecto, & conuulsiuus motus propriè dicitur. Istam tamen nominum distinctionem Medici accuratè non obseruant, sed passim etiam conuulsiuos illos motus conuulsiones appellant. Spasmodum autem propriè appellatum vulgò ex Arabibus proportionatum ad materiam; conuulsiuos verò motus Spasmodum non proportionatum ad materiam, seu per alicuius partis consensum nominant. Et quidem hunc non proportionatum ad materiam ideo dicunt, quod non propter materiæ neruos implentis copiam, nec ob eius inopiam, quam siccitas neruorum sequitur, ortum habeat, sed quod proueniat ex appulsu rei parùm aut nihil proportionatæ ad materiam, neruoso generi ini-

micam, quæ ex parte aliqua, cuius causa tum hic morbus oritur, ad principium nervorum per partes nervosas transmissa, nervos vellicat, & ad expellendum id, quod molestum est, per hunc motum incitat. Seu ut Capiuaccius explicat; appellatur non proportionatus ad materiam in quâ, quæ est musculus; cum musculus à facultate animali liberè mouente non moveatur, sed ab expultrice, quæ est facultas naturalis.

Signa Diagnostica.

*Signa
Diagno-
stica.*

Spasmus seu convulsio propriè dicta facilè cognoscitur, quod videlicet pars præter voluntatem versus nervorum musculique originem contrahitur, ac rigida manet, ut flecti ad voluntatis arbitrium non possit. In convulsio vero motu eadem fit contractio, sed non semel, verum sæpius, ac pars variè concutitur atque agitur. Præterea, ut dictum, sensus reliqui in convulsione verà integri sunt; In convulsivis vero motibus plerumque simul læduntur.

*Signum
pathogno-
monicū.*

Atque ista præter voluntatem contractio sola ad Spasmodum & motum convulsivum indicandam sufficit, atque unicum signum pathognomonicum est. Nam etsi & alia convulsis symptomata accidant: tamen non semper hoc evenit. Dolor quidem satis frequenter adest: non tamen semper, vel quia sensim fit contractio, vel quia membrum ultra modum & naturalem terminum non contrahitur.

Ita interdum etiam febres coniunguntur, ægri modò calent, modò refrigerantur, modò pallefcunt, modo facies rubet & turget, ob inordinatum sanguinis & humorum motum: Nonnunquam vrina est bona; nonnunquam magna vrinæ crudæ copia emittitur, aliquando vrina retinetur & aliis suppressitur. Verum hæc Pathognomica signa non sunt.

*Motus
convulsivus à Tre-
more dif-
ferentia.*

Convulsivus equidem motus tremorem nonnihil quandoque refert: Verum facilè ab eo discernitur; quod in tremore semper concurrat voluntarius motus; Convulsio vero planè præter voluntatem accidit; Tremorque so-
lum

lum fit in vnâ situs differentiam, cum conuulsius motus varius esse possit.

A Paralyfi quoque Spasmus facilè discernitur; quia *Spasmi à Paralyfi differentia.* membrum conuulsus non sine difficultate, vel etiam dolore extendi potest: at membrum resolutum sine omni difficultate partis sanæ vel astantium opera extendi potest. Præterea in Spasmo nerui & tendines rigidi actum percipiuntur, in Paralyfi non item Spasmus denique breui temporis spatio vel ad salutem vel ad mortem terminatur; cum Paralyfis sine vitæ periculo in multos annos durare possit.

Vbi autem causâ mali hæreat, è partium conuulsarum numero cognoscitur. Etenim si cum toto corpore faciei quoque musculi conuellantur, & vnâ sensus interni ac externa afficiantur, cerebrum ipsum affectum est: Si verò sensus omnes consent, neque faciei musculi conuellantur, verum totum corpus afficiatur; spinalis medullæ principium laborat. Vbi verò pars aliqua saltem conuellitur, nerui ac musculi eius membri motui inserviunt afficiuntur, sicut antea, de Paralyfi, dictum est. Quam ad rem musculorum & neruorum ex Anatome cognitio necessaria est. Cuius verò partis consensu cerebrum afficitur, ex eius affectæ signis patet.

Recensent hîc Authores plerique etiam signa, quibus cognoscatur, an ex plenitudine vel inanitione conuulsio fiat. Verum cum ex hypothese ista omnia dicantur, vt ea hîc afferamus opus esse non puto. Qui verò humor peccet, id ex suis signis hîc & alibi propositis cognoscitur. Causæ euidentes etiâ ex ægri vel astantiû relatione cognoscuntur.

Prognostica.

1. Quò motus in conuulsione est vehementior & diuturnior, aut plures vel cerebro vicinas partes occupat, aut *Prognostica.* nobiles, & quarum actiones valde necessariae sunt, lædit, respirationem difficilem & interruptam, Thoracis vel septi musculis conuulsis efficit, eò periculosior est. Tales enim conuulsiones grauissima inferunt symptomata, maximos ac continuos dolores, virium prostrationem, Lipothymiam & Syncopem, vigilias, difficilè respirationem ac suffo-

cationem, quæ omnia hominem iugulare possunt. Contra verò vbi partes à Cerebro remotæ aut ignobiles conuelluntur, minus periculi est.

2. Facilius curatur conuulsio, si Cerebri consensu fiat, quam si primario affectu nerui laboret: Nisi tamen affectus, quo cerebrum laborat, ipse pertinax sit; quod in inflammatione Cerebri accidit. Neque enim ob vehementia Symptomata, dolorem, vigilias, æger diu durare potest; affectus verò breui tempore curari non potest.

3. Si toto corpore ab affectione immuni aut labrum conuellatur, aut palpebra, aut lingua, prauum Symptoma putandum est, & quod magnos timores afferat, etsi affectæ partes parux esse videantur. Paul. Æginet. *de re Med. lib. 3. cap. 19.* Cerebrum enim ipsum tum affectum est.

4. A copioso sanguinis fluxu, singultus aut conuulsio, mala 5. *Aphor. 3.* Et à sanguinis profluuiio desipientia, & conuulsio, malum. 7. *Aphor. 9.* Non tam ob inanitionem, quam ex motu & insultu bilis ac humorum prauorum sanguine euacuato.

5. Ab *ὑπερβολῇ* conuulsio aut singultus, malum. 5. *Aph. 4.* Et conuulsio ab elleboro lethalis. 5. *Aph. 1.* & à medicamento purgantis potione conuulsio mortifera, 7. *Aph. 25.* quod accidit, vt antea etiam dictum, non quod Elleborus & similia medicamenta neruos ita exiccent & contrahant, sed quod qualitate maligna eosdem stimulent, & laceessant, aut humores, qui id præstant, agitent. Non tamen semper conuulsionem à medicamento purgante fortiore lethalem esse, sæpe experientia docuit, atque ipse aliquot, qui post sumptam Colocynthidem & mercurialia medicamenta conuulsionem passi sunt, atque euaserunt, curauit.

6. Ab Ileo vomitus, singultus, conuulsio aut delirium malum. 7. *Aphor. 10.* Nonnunquam enim singultus à materia, quæ præcluso per inferiora exitu sursum vomitione expellitur, concitatur, orificio ventriculi ab ascendente praua materia vel vaporibus irritato. Si verò ad cerebrum vapores tetri efferantur, aut cerebrum orificio ventriculi consentiat, conuulsio aut delirium oritur, prout

vel

vel mentis officina, vel nerui offenduntur;

7. Si muliebri profluuiio conuulsio aut animi defectus superueniat, malum 5. *Aphor.* 56.

8. In acutis febribus conuulsio & circa viscera dolores vehementes malum 4. *Aphor.* 76. Et propter ardores vehementes conuulsio aut Tetanus, malum 7. *Aph.* 67. quia indicium, materiam sursum ad cerebrum ferri. Et in febribus spiritus offendens malum est : conuulsionem enim indicat, 4. *Aphor.* 68. ob musculos scilicet Thoracis initium conuulsionis iam sentientes. De Conuulsionibus in febribus passim etiam alij Aphorismi extant apud Hippocratem : In febre non intermittente, si labrum, palpebra, vel oculus, vel nasus, vel supercilium peruertatur, vel non videat, vel non audiat, iam debili existente corpore, quicquid horum eueniat, mors in propinquo est. 4. *Aphorif.* 49.

9. Conuulsiones, quæ perniciosas Phrenitidas sequuntur, lethales sunt, scribitque Aëtius, *Tetrab.* 2. *serm.* 1. *cap.* 131. se neminem ex iis, qui sic conuulsi sunt, seruatum vidisse, neque, qui vidisset, audiuisse.

10. A vigilijs conuulsio aut desipientia, malum 7. *Aph.* 18. Non quod nerui calore vel vigilijs nimium exsiccati sint, sed quod humores vaporesque prauis per vigilias generati & agitati, cerebrum & neruosum genus lacestant.

11. Conuulsio à vulnere perniciosa. 5. *Aphor.* 2. ob saniem neruos vellicantem & inflammationem neruos corripientem : præcipuè si vulnus cerebri sit.

12. Febrem conuulsioni superuenire melius est, quam febre conuulsionem. 2. *Aphor.* 37. Et Spasmo aut Tetano si febris accesserit, morbum soluit, 4. *Aphor.* 57. Febris enim ad conuulsionem accedens humores conuulsionis causam absumit : Cum contra si febre conuulsio accadat, à materia maligna eam prouenire, eamque cerebrum petere, & partes neruosas occupare indicio sit.

13. Quartana correpti non admodum conuulsionem patiuntur : Si verò prius tentati sint, superueniente quartanâ liberantur, 5. *Aphorif.* 70. Rigor enim in Quartanâ humorem neruoso generi inimicum partim excutit; &

calor rigorem subsequens eundem concoquit & absumit.

14. Quicumque Tetano corripuntur, in quatuor diebus pereunt. Si hos effugiunt, sani fiunt, 5. *Aphor.* 6. Natura enim tam grauem tensionis, quæ vtrunque fit, laborem, ac hinc ortum dolorem diu ferre nequit, & propterea primo statim dierum criticorum circuitu morbus iste iudicatur.

15. Quibus tandem hoc addimus, quod plerique, qui ex spasmo moriuntur, diu calidi manent; quia suffocati moriuntur, musculis respirationi dicatis conuulsis.

Curatio.

Curatio.

Vt quisque de causis conuulsionis sentit, ita ad eas curationem dirigit. Quæ enim ab humore frigido nervos replente creditur fieri conuulsio, eam humorem crassum attenuantibus, viscidum detergentibus & euacuantibus, curandam censent, atque eodem medicamentorum genere, quæ in paralyti sunt proposita. Quam verò ab inanitione fieri putant conuulsionem, eam humectantibus, ut in Hecticâ, interdum refrigerantibus, dum scilicet malum est à febre ardente, interdum moderatè calefacientibus, cum scilicet immoderata euacuatio præcesserit, curandam putant.

Et quidem in conuulsione, quam ex repletionem vocant, curanda nihil peccatur. Humor enim ille quocunque etiam modo nervos afficiat, tollendus. Verùm an humectantibus solis, (quod lex methodi requirit, si malum est à siccitate) conuulsio aliqua curata fuerit, historiæ & observationes medicorum consulantur, Forestus equidem *lib. 10. observ. 108.* exempla conuulsis ab inanitione humectantibus curatæ proponit. Verùm si rem diligenter perpendamus, Contractura potius fuit, cuius Capite præcedente mentionem fecimus, quam verà conuulsio. Idem *observ. 110.* ubi conuulsionis ex cholera exemplum habet, quam plerique ad inanitionem referunt, non humectantibus, sed calefaciente & siccante inunctione vritur. Et quamvis interdum humectantia & calefacientia adhibeantur; tamen potius ad nervos ex conuulsione rigidos nonnihil laxan

Itaque cum generalem causſam conuulſionis vnā poſuerimus, atque ab eadem cauſſa Spasmos illos particulares prouenire docuerimus, à quibus vniuerſalis conuulſio & Epilepſia generantur: ea quoque medica-
menta Spasmo conuenient, quæ in Epilepſia poſtea pro-
ponuntur. Ac propterea materia illa praua expultricem in neruis ſtimulans euacuanda & tollenda, & qualitas eius vitioſa corrigenda, cauſæque omnes, à quibus hoc malum extitit, aut fouetur, tollendæ, & omnino præca-
uendum, ne ex particulari conuulſione vniuerſalis & Epi-
lepſia generetur. Pleraque tamen medicamenta, quæ ad-
hibentur ad Paralyſin curandam, rectè quoque adhiben-
tur in conuulſione; cum neruoſo generi amica ſint, & cauſſam Spasmi diſcutiendi vim habeant.

Съини-
sionis per
primariū

membr:
affectum
curatio.

Hippocrates etiam & Galen. 4. de *Victus* ratione in acutis t. Sanguinis
28. cum ob spirituum interceptione & venarum διαλύσεις, missio.

conuulsio excitatur, venam aperit, sed adhibitis prius fomentis & frictionibus, vt fluxus sanguinis adiuuetur.

Cucurbitularum cum scarificatione applicatio.

Si verò ætas & vires venæ sectionem non admittant, cucurbitulis vtendum est cum scarificatione, primò quidem longius à parte affectâ, deinde corpore bene expurgato etiam in parte conuulsâ, in qua materia fixa est.

Applicentur dorso & cruribus, si sanguis in toto abundet: Si in parte, pro vario eius situ etiam locus cucurbitulis quærendus est. Paulus Æginet. *lib. 3. cap. 19. & 20.* si crura sint conuulsâ, applicat coxis & postremis spinæ vertebra: Sin manus, primæ dorfi vel thoracis; si labrum tantum aut palpebra, aut lingua, occipiti & primis ceruicis vertebra: In Tetano ceruici apponit, & vtrinque ad spinam, & pectori, quò musculis magis munitum est, & præcordijs, & ad vesicæ ac renum locum. Diligenter tamen cauendum, ne tendinibus musculorum cucurbitulæ affigantur, sed musculorum principio vel medio.

Purgatio

Hinc ante Topicorum vsum ad totius corporis euacuationem accedendum, & pro materiæ ratione præparatio ac purgatio instituenda, vt capite præcedente dictum, & postea etiam de Epilepsia dicetur. Si tamen fortis sit conuulsio & partis nobilioris siue totius corporis, ad purgationem festinandum est, materia etiam nondum præparata: semperque castoreum purgantibus admisceatur.

Reuulsio per clysteres, & frictiones.


Simul fiant reuulsiones omnis generis, maximè per clysteres, fortiores etiam, quàm in Paralyfi: adhibeantur quoque frictiones ceruicis, spinæ, spatularum, manibus oleo lior. albor. lumbricor. terrestr. vel castor. intinctis, idque sæpius in die, præsertim vbi dolor vrget; & dum frictiones intermittuntur, spina & conuulsæ partes à frigore custodiantur, vel ex Celsi consilio, malagma aliquod ex calefacientib. imponatur. Membrum quoque conuulsum ad naturalem figuram sensim reducat.

Topicorum usus.

His peractis veniendum est ad topica materiâ resoluétia & discutientia; vt sunt olea, linimenta, vnguenta, forus, sacculi, incessus, balnea naturalia & artificialia.

Et quidem cum materia crassior esse videtur, aut cum calor

calor adest, vel corpus valde ficcatum est, ne ficcantium & calefacientium vsu nimio materia induretur, & vt dolores illi, qui ex violenta membrorum contractione oriuntur, leniantur, medicamenta simul anodyna sint. Hinc Auicennas laudat Renes pingues arietis, hoedi aut vituli, quos in parte affecta detinere iubet, donec exiccentur. Postea membrum conuulsum inuoluit lana, quæ perfusione olei semper madida seruatur. Idem quoque balneum ex oleo communi & lacte parat. Ac inseruit huic scopo etiam Malua, Borrago, Althæa, Fœnugræc. Ol. amygdal. dulc. Adeps gallinæ & vituli quæ aliis, quæ spasmo propriè conueniunt, admiscetur.

Sunt autem illa Ol. vulpin. de Castoreo, & quod ex catellis pinguibus paratur, vt & pinguedo Anserum syluestrium, cuius præparationem, sicut & pinguedinis vulpinæ, peculiarem docet Holler. cap. de Conuulsione. Vtile est & oleum Philosophorum, Juniperi, Laurin. Rutæ. Terebinth. Petroleum, Balsamum ris, Gummi Hederae, Ammoniac. Galbanum, & oleum seu balsamum Galbani, in Institutionibus, lib. 5. part. 3. sect. 3. cap. 33. descriptum.

Vel ℥. Ol. terebinth. lumbric. terr. an. ʒ. j. β. pingued. human. ʒ. j. canis ʒ. β. Misc.

Vel ℥. Vnguenti dialthææ ʒ. vj. Ol. terebinth. chamæmel. Linimen-
an. ʒ. j. lauendul. ʒ. iij. caryophyll. cinamomi, ligni aloes an. ʒ. j. ta, olea
β. styrac. liquid. calam. an. ʒ. ij. F. Vnguentum. & Vn-
guenta.

Vel ℥. Ol. Aneth. chamæm. an. ʒ. j. vnguent. Martiat. ʒ. β. Ol. petrae, spicae an. ʒ. j. spirit. vini ʒ. iij. M.

Vel ℥. Ol. laurin. ʒ. ij. spicae, vulpin. lumbricor. an. ʒ. j. β. destill. succini, galban. an. gutt. vj. rutæ, anethin. an. gutt. iij. nuc. moschat. ʒ. j. β. Misc.

Vel paretur hoc oleum, quod in Spasmo in vulneribus vtile est.

℥. Ol. Rosæ. chamæm. lilior. albor. an. ℔. β. matrisylu. betonic. rosar. an. ʒ. j. æsypi humidæ ʒ. iij. vini nigri ℔. j.

Coquantur in vase duplici ad vini consumptionem atque exprimantur.

Commendatur & hoc ℥. Mustelam in frustra dissectam, imponatur in anserem pinguem, additis herbis & aroma-

tibus conuenientibus, *Pyrethro, Saluia, Lauendula, Sinapi, Castoreo, & similibus*, Anserque ad ignem lentum affetur & pinguedo vsui seruetur.

Inunctæ partes pellibus inuoluantur, vulpium, Catorum syluestriū, aut vesica apponatur oleo calefacto semiplena.

Ægineta in Tetano diuturno in Solium olei calentis ægrum descendere iubet bis quotidie; non diu tamen in ipso moram trahere, ne vires exfoluantur.

Balnea.

Possunt etiā balnea fieri ex herbis cōuenientibus addita olei parte tertia vel inūctis mox à balneo partibus cōuulsis.

Nonnulli vtuntur sequenti decocto carnis vulpinæ pro balneo, quod simul anodynum est:

℞. *Carnis vulpin. ab ossibus separatae* ℥. ij. *sal. commun.* M. ij. Coq. ad perfectionem: In decocto colato ebulliat summit. *anethi* M. j. In quo decocto calefacto ponantur manus vel pedes per 2. vel 3. horas, tribus vel pluribus diebus.

Potest & tale fomentum parari:

℞. *agrimon. betonic. an.* M. j. *℞. salvia, chamædr. chamæpit. an.* M. j. *origan. calaminth. puleg. serpill. hyperic. stœchad. utriusque* M. ℞. *aneth. melilot. chamæm. an.* M. ℞. M. & in aqua communi decoq. & decocto pars affecta fricetur.

Alij hoc Emplastrum commendant.

℞. *Colophon.* 3. ij. *pice naval. resinæ an.* 3. j. *thuris, mastich. ceruss. an.* 3. ℞. *sang. dracon.* ☉. *sal ammoniac. terebinth. an.* 3. ij. *cerae nouæ* 3. ij. ☉. *albi* 3. ij. *matr. perlar.* 3. ij. *lap. magnet.* 3. ℞. *succini flauī* 3. j. *℞. ol. ouor. rosar. an.* 3. ij. F. f. a. Emplastrum, quod alutæ inductum imponatur.

Vtilis est aqua antispasmodica, quæ locus affectus fricandus: ℞. *fol. lauri, roris mar. an.* M. j. *℞. fl. rosar. rubr.* M. ij. *serpill. M. ℞. fl. lauend.* 3. iij. *rad. ireos* 3. iij. *cinamomi* 3. j. *macis* 3. j. Contus. & concis. macerentur in aq. fl. tilia, Mens. j. *℞. salvia,* Mens. ℞. hinc destill. in M. B. liquor destillatus seruetur.

Efficacissima verò sunt Balnea ☿ ea. Conueniunt & Balnea sicca seu vaporosa è decocto *Salvia, Roris mar. Stœchad. Chamæpit. Origan. Iuniperi & similibus*, lapidibus ignitis aut scoriis ferri ignitis infuso.

In vsu tamen horum medicamentorum omnium, quod antea etiam monui, obseruandum, ne subito siccentur partes,

tes, ne tendinibus induratis malum grauissimum ægro concilietur, & membra contracta maneant. Ideoque à mitioribus inchoandum, vt ol. chamæmeli, pinguedine anseris, medulla crurum bouis, oleo vulpino, lumbricorum; hinc ad fortiora ascendendum.

Intra corpus sumptum Castoreum cum mulsa, aut alia *Medicamētorum interno-ri vſus.* aqua conueniente valde efficax est.

Inprimis verò essentia Castorei cum spiritu vini extracta, gutt. v. vel vij. dosi in aqua saluæ propinata, simulque extra loco affecto illita, valde commendatur.

Vel: ℞. Elect. diacori ℥. j. β. conf. fl. saluæ, beton. an. ℥. j. rad. pyreth. cond. 3. iij. Therias. el. 3. j. Mitbridat. spec. diacastor. an. 3. β. extr. radic. cardopat. 3. j. sal. helenij 3. β. Cum Syrup. de stœchade. F. Electuarium.

De quo manè & serò capiatur quantitas nucis mosch.

Aliud. ℞. Conf. pæon. rorismar. an. ℥. j. maioran. beton. an. ℥. β. primul. veris. 3. iij. bugloss. 3. ij. pulu. sem. card. ben. fenic. an. 3. j. rad. pæon. 3. iij. nuc. mosch. cond. 3. ij. β. cort. citri condit. zingib. cond. an. 3. vj. galægæ cond. calam. arom. an. 3. j. β. cinamom. acut. 3. β. Incisis incidend. misc. Cum Syr. pæoniæ. F. Elect.

Vtilis est aqua hirundinum composita, sicut & in Epilepsia, quæ hoc modo paratur:

℞. Pullos hirundinum domesticorum è nidis extractos num. lx. purgentur. (quod fit demendo tantum extremitates pennarum grandiorum, capitibus pennarum vel radicibus in corpore relictis non euulsis) & lotis vino (alij integras comburunt in olla noua) affunde vini Maluatici lb. iij. vel q. s. adde semin. sesel. carduibenedict. an. ℥. β. calami aromat. cypri longi an. 3. ij. fol. maioran. rutæ an. M. β. rasura C. C. visci querni, ungulæ alcis an. ℥. β. radic. pæon.) à decrecente collectarum ℥. ij. castorei ℥. j. Stent in infusione per vnam atque alteram septimanam, postea destillentur in B. M. vel arena. Atque hæc aqua hirundinum dulcis appellatur.

Alij loco vini Maluatici sumunt acetum, & aqua hirundinum acida appellatur. Dosis aquæ est à 3. β. ad ℥. β. pro ratione ætatis. Datur vel sola vel mixta cum Saccharo aut cum duplo aquæ flor. tilix vel lilij conuallium. Ad Tetanum etiam laudatur lotium caprinum cum aqua mixtum, & ieiuno ægrotanti exhibitum.

Paulus

Paulus Ægineta *de re Medic. lib. 3. cap. 19.* conuulsis Acanthi radicem & spinæ albæ semel potum itemque spinæ Ægyptiæ opitulari, quosdam etiam Centaurij tenuis succum exhibere scribit. Ibidem *cap. 30.* in robustis exhibet aquam mulsam ad dimidias decoctam & Panacis 3.j. Dat & Ammoniacum & Succum Cyreniacū erui magnitudine.

Laudatur valde hoc Electuarium.

℥. Castor. sagapeni, opoponac. an. 3. j. succi Cyreniaci 3. j. β. acori, scordij an. 3. ij. β. trium piper. schœnantb. carui an. 3. ij. asari, scillæ assatæ an. 3. j. β. radic. ireos, sem. apij, mastich. an. 3. j. succi stœchad. Arab. 3. j. mellis q. s.

Terenda terantur, & melle Anthosato excipiantur F. Electuarium, cuius exhibetur quotidie 3. β. cum aqua mulsâ.

Cardanus, *de Curationibus admirandis cap. 15.* quendam opisthotono laborantem curauit abstinencia à carnibus vino & ouis, linteis in ol. chamæmel. & liliac. madefactis perpetuò impositis ceruici partibusque, quæ contrahebantur, & medicamento, quod constabat ex Mithridatio & Electuario de Moscho cum margarit. Hyacintho Smaragdisque Orientalibus.

*An conuulso
Aqua frigida
perfundendi.*

Hippocrates 5. *Aph. 21. & 3. de morbis* largam perfusionem cum aqua frigida probat in media ætate in Tetano sine vlcere, (nam vlceratis frigus non conuenit, quia est mordax, suppurationemque impedit) quod Galenus etiam ad alias conuulsionum differentias accomodat, ubi scilicet æger iuuenis est, non infans, & tempus æstiuum. Ita. n. calor natiuus clausis poris cutis intro cogitur, & per accidens absumitur morbi materia, seu à subita aquæ frigidæ perfusione corpus frigore concutitur & materia neruis adhærens excuritur. Etsi vero Paulus Ægineta, *loco allegato*, hoc remedium improbatum esse scribit à posteris, quòd & ipse reiicit: tamen reperti sunt, qui post eum id vsurparunt, inter quos est Valescus de Taranta *l. 1. cap. 21.* qui duos Tetano laborantes hoc modo curauit: Ægrum à quatuor viris erectum tenere iussit, & 24. vrceos aquæ supra collum & omnia inferiora membra eius perfudit, & statim eum collocauit ante ignem, & post sesqui horam

horam iniunxit eum à collo vsque ad vltimam vertebra
& lumbos ac brachio Vnguento Dialtheæ Martiato &
Agrippæ, ac oleo Castorei, ipsique iusculum pulli propi-
nauit: ac vterque æger hoc modo conualuit.

Nonnulli ad spasmodum curandum etiam febrem indu-
cendam putant; de quo quid sentiendum sit, *quæstione 2.*
dicemus.

Dieta.

In hac conuulsione victus ratio sit eadem, qualis in Pa-
rallysi proposita est. In cibo vitetur coturnix, cum ex eius
vsu, vt Auicennas scribit, periculum Spasmi & Tetani im-
mineat; Non solum quia Elleboro vescitur, verum etiam
quia à tota substantia eam vim habet. Decoctum ligni
Guaiaci, Sarsaparillæ vel Sassafras cum victu attenuante
& incidente egregiè tam generationem humoris pituitosi
prohibet, quam generatum ac nervis adhærentem abfu-
mit, ac nervos roborat. Acetum etsi insignem vim atte-
nuandi crassos humores habeat; tamen quia nervis inimi-
cum, seu solum, seu cum aliis mistum est vitandum. Danda
etiam opera, vt membra conuulsa extendantur, sed lentè
ac sensim. Sic enim conuulsione minus affiguntur, nec
materiam nervos impetentem admittent. Imprimis verò
si maxillæ conuellantur, præcauendum cuneo vel alia re
interiecta, ne dentibus, linguæ, damnum inferatur.

Dieta.

Conuulsionis per consensum Curatio.


Conuulsionis autem per consensum eadem ferè curan-
di ratio est, quæ Epilepsiæ per consensum, vt suo loco di-
cetur. Nimirum, vt pauca addamus, si ab ore ventriculi
succis acribus vellicato conuulsio fiat, Galenus vomitum
præcipit 12. meth. med. cap. vltim. aut ne os ventriculi transi-
tu maligni humoris magis offendatur, pilulis ille per al-
uum, subducatur, aut Clystere acri.

*Conuul-
sionis per
cōsensum
Curatio.*

Si ex Cholera acutissima fiat, simili ferè ratione curatur,
addendo, quæ os ventriculi roborant. Ita cum bilis ærugi-
nosa in ventriculo hærens conuulsionem excitat, vomitu
reiicienda.

De curatione Conuulsionis ex vteri vitio videatur Ga-
lenus 6. de loc. affect. cap. 5.

A venenati animalis ictu orta conuulsio, curatur vinculis supra partem læsam iniectis, teste Galeno 3. de loc. affect. cap. 7. & cucurbitulæ cum magna flamma vel cauterium actuale supra partem læsam apponatur; ac præterea veneni illius, quod iniectum est, Antipharmacum exhibeatur, aut si hoc ignoretur, ad communia Alexipharmaca confugiatur, & exhibeatur Theriaca vel Gentiana, Saluia, vtraque Aristolochia, Dictamnus Creticus. Extra quoque vulnere Theriaca cum oleo Rosaceo mista imponenda. Vulus diu apertum seruetur: de quo plura de venenis.

Quæ à vulnere conuulsio existit, cum non omnis lethalis existat, curatur prouidendo, ne phlegmone neruosa pars apprehendatur, misso etiam sanguine, si non satis effluerit; postea dolorem sedando per frictionem continuam cum oleo lumbricorum terrestrium. In punctura nerui, si foramen sit angustius, ferro dilatetur, vt medicamenta penetrare & sanies exstillare queat: Cauendo tamen, ne aucto dolore conuulsio ingrauescat. Dolori medetur Terebinth. cum ol. rosac. mista. Spina dorsi oleo liliorum albor. & Terebinth. inungatur: vel vulnere instilletur Sulphur (aut loco eius Balsamum ris) aut parum Euphorbij dissolutum in oleo rosaceo & Terebinth.

Vel ℥. cereæ & j. picis, terebinth. an. ℥. s. euphorbij 3. j. F. Emplastrum.

In corporibus mollibus Euphorbij dosis minui potest. Ista tamen vehementer calida & acria non applicanda neruo detecto, sed in profundo condito. In punctura enim nerui medicamenta exsiccare, sed sine mordacitate debent. Talia medicamenta parantur ex calce sæpè lota cum oleo rosaceo mista.

Quod si conuulsio his remediis non sanetur, ne cerebro, ac toto neruoso genere in consensum tracto æger de vita periclitetur, neruus per transuersum, paulò supra locum vulneratum, præscindendus. Præstat enim motum vel sensum partis amittere, quàm de vita periclitari. De quibus plura Galenus 6. meth. med. cap. 2. & 3.


A Meningum punctura cranium trepano aperiendum,

vt materia transpiret, aut epileptasticis extrahenda, nisi plenitudo subfit.

Reliqua ex curatione Epilepsiæ & Paralyfis petantur: Et quidem medicamenta Interna præcipuè è cura Epilepsiæ; Topica è cura Paralyfis. Imprimis Castorei intra & extra assumpti magna efficacia est; quia nō solum maximam attenuandi & dissoluendi vim habet, verū etiam nervosis partibus proprietate quadam singulari couenit.

Si à flatu Spasmus ortum habeat, qui vulgò *der Krampff* ^{*Spasmi flatulenti curatio.*} appellatur, musculorum inuoluntariæ extensioni voluntaria contrariorum musculorum, qui conuulsis musculis opponuntur, extensio opponenda. Ita enim flatus, qui musculos contrahebant, ab iis repelluntur & quasi excluduntur. Atque hoc modo Paroxysmus sæpè facillè tollitur, præcipuè in musculis, qui suram constituunt, & pedes digitosque mouent. Quod si non tantum in pedibus, sed & alibi, & in maxilla inferiore accidit, periculum Epilepsiæ imminet. Si verò extensione in contrarium non tollatur iste Spasmus, Clyster, si opus sit, flatus discutiens iniiciatur. Extra verò membrum decocto flor. Chamæmeli, Meliloti, Rutæ, Saluiæ, fol. lauri foueatur, fricetur, & inungatur ol. coctino, de Castoreo, de Spica & similibus. Vtilis est & Spir. vini, præcipuè in quo fl. chamæmel. & lauend. macerati fuerint, seu aqua aliqua Apoplectica & Epileptica, si ea membrum illinatur. Theriaca quoque in spiritu vini dissoluta valde prodest. Potest & hoc Cataplasma apponi.

℞. Absint. pulegij, rutæ an. M. j. baccar. lauri p. j. cumini ʒ. j. Coquantur in vino & cum melle F. Cataplasma. Vel sacculus ex milio, surfure & sale imponatur; cui addi possunt fl. chamæm. meliloti, baccæ iuniperi, lauri, semen cumini. Ager verò caueat sibi ab aëre frigido, nec membra aqua frigida humectet; Cibos flatulentos, crapulam, cruditatem & nimiam venerem fugiat.

Chymici in hoc affectu commendant tincturam & liquorem ℞, corallior. medicamenta ex , Balsamum gummi hederæ & elemi, essentiam, & ol. destillatum radic. imperatoris, magisterium hyacinthi.

*Amule-
ta.*

Inter amuleta ab autoribus recensentur vngula alcis, annulo inclusa, vel aliàs gestata, tendines eiusdem, radix eryngij, tormentillæ & bistortæ de collo appensa, magnes item, corallia rubra, lignum visci querni.

Q V Æ S T I O I.

Quæ sit proxima Conuulsionis Causa?

Causa proxima Conuulsionis etsi sit musculi versus suum principium contractio: tamen quia hoc ipsi cum motibus voluntariis commune est, de alia causâ Medicus sollicitus sit, necesse est, ob quam præter naturam & voluntatem sit hoc contractio, quæ conuulsionem parit. Verùm res hæc plurimis controuersis inuoluta est, & siue veteres siue recentiores consulas, difficultate non caret, ut rarò inuenias, quæ animum veritatis auidum satient. Quia autem plura de hac quæstione in Institut. diximus, istis repetendis tempus & operam perdendam non puto. Pauca ergo saltem addam. Galenus equidem, ut Iacchinus aperte confitetur, hac in re varius est & parum sibi similis: Interdum enim duas illas causas ab Hippocrate 6. *Aphor.* 39. positas, inanitionem & repletionem scilicet, solum ponit; alibi verò, ut 5. *Aphor.* 1. tertiam causam addit, vellicationem partium neruofarum à re molesta. Et quidem ad hanc causam multæ causæ euidenter facillè referri possunt, in quibus ad plenitudinem vel inanitionem referendis vulgò Medici frustra laborant, & ipsi inter se dissentiunt.

Sunt equidem qui putant, temerè ab Hippocratis doctrina recedi, idque idè fieri à quibusdam, quod fundamenta, quibus ea innititur, non assequi queant. Fundamentum autem esse, quod Galenus 2. de *Symptomat. causis* cap. 7. 2. de *loc. affect.* cap. 7. libr. 3. cap. 6. proponit, nimirum similitudinem inter motum voluntarium & conuulsionem. Ut enim in motu voluntario musculi versus sua principia contrahuntur, contractique simul attrahunt partes, in quas inferuntur: Ita quoque in conuulsione eodem planè modo *ἀντίως* musculos ad sua principia contrahi. Quod fundamentum equidem libenter concedimus, & hæcenus aliquoties proposuimus. Dum verò subsumunt,

hoc

hoc tantum fieri ob neruorum corporum repletionem & inanitionem, principium petunt, & plurimum falluntur. Neque enim in sanis, & dum secundum voluntatem fit motus, repletio & inanitio est contractionis causa. Neque etiam ipse Galenus & qui Hippocratem sequuntur, medici duas has solum causas constituunt, sed etiam vellicationem à re molesta addunt 5. *Aphor.* 1. Neque à repletionem vel inanitione conuulsiones oriri id satis probat, quod causæ cum internæ tum externæ, quæ ad plethoram & cacochymiam faciunt, conuulsionis causa sunt. Id enim tantum docet, conuulsionem fieri in corporibus, vel plethoricis, vel cacochymicis: Quo verò modo non Paralysis, non alius affectus à plethora & cacochymia proueniat, sed conuulsio, id non docet. Ita etiam quamuis euacuationes instituuntur, id tantum inde colligi potest, plethoram, vel cacochymiam tollendam esse, quod conuulsioni cum multis aliis affectibus commune, non verò probat, quomodo inde conuulsio proueniat.

Et causæ illæ duæ tot difficultatibus sunt inuolutæ, ut nemo ex iis sese hactenus expedire potuerit. Ad inanitionem quomodo puncturas, ictus animalium venenatorum, usum medicamentorum purgantium & malignorum, & similes causæ referri possint, nonnulli quidem se variis modis torquent, sed frustra, ut etiam in Institution. dictum. Et quidem hoc concedimus, chordas, lora & coria exiccata absumpto humido breuiora fieri, corrugari & contrahi. Sed quomodo hoc in neruis ab istis causis fiat, nondum docere potuerunt. Ideoque plerique doctiores Medici, qui aliàs vulgarem doctrinam sequuntur, causas istas plerasque non exiccando neruos, sed vellicando eosdem, causam spasmi esse vtrò concedunt.

Nec magis feliciter in altera causa, scilicet repletionem, sese expediunt: neque dum causam reddere potuerunt, cum humor pituitosus neruos replendo potius conuulsionem, quam Paralyfin efficiat; Scribitque Iacchinus, Auicennam difficultatem hanc vidisse, sed sic respondisse, ut à nemine intelligatur. Neque simile, quod de chordis & coriis hic adducunt, quadrat, quod scilicet

quod accedit latitudini à repletionē decedat longitudini. Hoc quidem verum est, quod corpora, quæ manifestam habent cavitatem & tendi possunt, si in latum distendantur, breuiora fiunt, & quod latitudini accedit, longitudini decedit. Quæ vero cavitatem manifesta destituantur, vt lora, coria & ipsæ nervosæ illæ fibræ, si humectentur, & secundum longitudinem & secundum latitudinem laxiora fiunt, vt manifestè hoc in coriis vt & in lignis, si aquam vel aërem humidum imbibant, fieri videmus, quæ & secundum latitudinem & secundum longitudinem plus spatij occupant, & iterum exiccata & secundum latitudinem & secundum longitudinem imminuuntur.

Q V Æ S T I O II.

An febris pro Spasmo curando excitanda sit?

Cum febris superueniens spasmodum curare possit, vt ante diximus, de febre excitanda authores dissentiunt. Alij id planè improbant. Arabes Ephemeram concedunt. Galenus 6. *Epidem. comment. 6. aphor. penult.* cum alias febres tum ex diuturnis quartanas potissimum: Hippocrates & Galenus 1. *Proorrh. comm. 2. aphor. 50.* ita moderatam vt nec nimium debilis nihil vel parum efficiat, nec nimium vehemens aut maligna vires exoluat. Ideo Numenij filium oborta Apoplexia febri debili ac diuturna subsecuta haudquaquam sanatum fuisse. Verum febrem semel accensam deinceps ita temperare ac moderari, vt morbum solùm expugnet, & naturæ non noceat, difficile est, vt supra etiam de Paralyfi dictum: Ideoque tam anceps & periculosum remedium non tentandum.



C A P V T XXIX.

De Incubo,

Incubus.

¶ Ostquam Symptomata, in quibus facultates principes seorsim, vt & motus animalis, læditur, absolui-

mus:

nimus : restant adhuc ea symptomata , in quibus animales actiones omnes læduntur. Inter quæ primo est Incubus, Græcis ἐφιάλης ab ἐφάπιας, hoc est, infaliendo nomen habens; quod hoc malo correpti, se ab aliquo inuadi, atque ab onere incumbente premi somniant. Cuius affectionis tamen recordantur expergefacti, falsamque illam imaginationem fuisse agnoscunt. Cæterum nonnulli malum Dæmoniacum esse putant, & Plinius lib. 25. cap. 4. Faunorum in quiete ludibria appellat, quæ tamen fabulosa Aëtius Tetrab. 2. serm. 2. cap. 12. & Oribasius συνοψ. 8. cap. 12. merito repudiant. Quidam & ἐπισόλην, teste Aureliano, hoc est, aggressionem & inuasionem nocturnam nominant, Themison teste Ægineta πνιγαλίωνα & πνιγόμενα : Dioscorides πνιγμὸν ἐνύπνιον, à specie suffocationis; quæ hoc malo laborantibus in somno offertur : Auicennas sua lingua strangulatorem nominat. Nimirum qui hoc malo laborant, sub primum somnum onere se aliquo opprimi & quasi suffocari somniant, & quamuis clamare & alios in auxilium vocare velint, non possunt, neque etiam manus ad onus hoc, quo se opprimi somniant, amoliendum & amouendum liberè mouere valent.

Alij verò Incubi sunt, quorum Augustinus, de ciuit. Dei lib. 15. cap. 23. aliique authores mentionem faciunt, Dæmones scilicet, qui mulieribus se commiscunt, & ab incubando incubi dicuntur, sicuti qui viris & patiuntur muliebria, succubi; quod an fiat, vel qua ratione fiat, disquirere huius loci non est: Cum tantum de symptomate facultatis animalis læsæ & affectæ p. n. à causis naturalibus proueniente agere nobis sit propositum. Sunt tamen nonnulli, qui hoc malum Incubi nomen accepisse putant ex eo, quod Ephialte laborantes opinantur, hominem, qui illos opprimit, turpis libidinis usum ab iis exigere, seu vna cum illis concumbere, vnde etiam quidam in Cacodæmonem eiusmodi ludibria, quæ per somnum contingunt, referunt. Et fieri potest, vt hoc morbo, tanquam instrumento, ad affligendos & vexandos homines Cacodæmon vtatur.

Definitio.

Definitio

Est ergo Incubus respirationis offensio, & vocis interceptio, corporisque oppressio, seu motus impedimentum, cum falso insomnio ponderis thoraci incumbentis, à vapore crasso, posteriora potissimum cerebri obstruente, ut spiritus animales ad liberam respirationem, vocem & motum edendum prodire nequeant.

Nimirum omnes ferè actiones animales in Incubo laeduntur. Nam imaginatio deprauatur; sensus est torpidus, facultas motrix, quæ respirationi, voci & motui membrorum inseruit, laborat. Vnde ægri somnum quidem excutere conantur, sed cum maxima difficultate id accidit; assurgere, vel manus mouere, vel loqui aut clamare conantur, id tamen præstare nequeunt.

Quam læsionem cum homo percipit in somno, varias dormiens causas, unde ea quasi oppressio veniat, comminiscitur & somniat. Quale quid etiam aliis iis, qui causam aliquam morbificam in parte aliqua in somno sentiunt, accidit, dum se vulnerari, morderi, vel alio modo lædi, aut crurum lapideum habere somniant. Etsi verò & ad vocem edendam & ad membra mouenda, qui Incubo laborant, adeò apti non sint, sed & in iis motibus aliquid impediementi percipiant: tamen quia illi motus in somno ita necessarij non sunt, sed cessant, Thoracis verò motus etiam in somno ob respirationem necessarius est, fit, ut hoc, tãquam summè necessario etiam in somno, læso tristis sensus oriatur grauitatis pectoris, qui sensus oblatum phantasiam facit, ut æger suffocari ab externa aliqua violentia sibi videatur.

Causæ.

Causa
proxima.

Causa proxima est obstructio meatuum cerebri, qui ad initium spinalis medullæ tendunt, & spiritus animales organis sensus ac motus deferunt, à vapore crasso. Fernellius equidem de Part. morb. & sympt. l. 5. c. 3. quem Platerus sequitur, causam esse crassam pituitam & melancholiam statuit, verum non in cerebro, sed circa præcordia inhærescentem, qua per crapulam & cruditatem turgescens, diaphragma pulmonesque premantur, crasso autem vapore in fauces & cerebrum exhalante vox supprimatur, sensus

sensus atque mens obturbetur, visisque tristibus offendatur. Etsi verò quandoque istam thoracis suppressionem hoc modo fieri posse non negamus; tamen ea non est præcipua causa, nec semper à cruditate & crapula, verum etiam sine his & aliis causis fieri potest. Et cerebrum præcipuè affici id indicio est, quod non solum motrix respirationi seruiens, sed & quæ voci & aliorum membrorum motui præest, non ita libera est, & Incubo laborantes difficulter expergiscuntur; atque Incubus sæpius imminentis grauioris cerebri affectus præsagium est.

Et quidem posteriores cerebri meatus, qui ad spinalem medullam tendunt, inprimis obstruuntur; vnde & supino corpore cubantes maximè hoc malo corripuntur. Obstructio autem ista non fit ab humore, sed à vapore crasso saltem. Nam malum hoc citò fit & citò desinit. Vapor autem crassior est, quia æger non sine difficultate expergiscitur, aut forsàn etiam Narcoticam quandam vim habet. Obstructio etiam ea non integra est, sed leuior, quam quæ Carum aut Apoplexiam generat.

Antecedens causa, à qua vapor ille resoluitur, est crassa pituita, aut humor melancholicus in hypochondriis & circa præcordia hærens, qua materia per crapulam & cruditatem vel aliis de causis turgescente & mota nonnūquam diaphragma & pulmones premuntur, præcipuè verò crasso vapore illinc in cerebrum exhalante, & neruorum principia obstruente, vna cum motu thoracis, respirationi inferuiente vox impeditur, & phantasia visis tristibus turbatur. Etsi verò à respiratione impedita & grauitatis sensu præcipuè triste illud somnium de opprimente aliquo oriri verisimile est: tamen aliquid etiam hic facere vaporem prauum in imaginationis sedem irrepentem & spiritibus sese miscentem credibile; sicut contra benignis & suauibus vaporibus mixtis cum spiritibus animalibus insomnia læta & concinna existunt.

Rhases & Auicennas etiam vaporis sanguinei meminerunt, siue à sanguine ipso crasso è venis prodeat, siue à sanguine in semen crassum mutato, vnde Veneris per hunc morbum in somnis ludibria existunt.

Itaque vapor ille ad caput plerumque ascendit à materia extra hoc alibi consistente; in pueris etiam à vermicibus: Interdum verò & in ipso capite gignitur, ex alimentis cerebri excremento tenui, quando illud frigore externo repentino incrassatur & repellitur, ne citò discuti queat.

Generatur autem ille vapor vel ob errorem externum, ob victum scilicet crassum & vaporosum, vel læsa facultate, præcipuè ob intemperiem frigidam capitis vel ventriculi. Atque hinc causæ remotiores, procatarctica & evidentes sunt nimia cibi repletio, crapula, & hinc sequens cruditas, somnus statim à repletionem, decubitus supinus, aër denique frigidus, cuius vi materia incrassata in cerebro in meatus eiusdem exprimitur, atque hinc temulentis imprimis ac cruditatibus laborantibus Incubus familiaris est, & quidem somni initio, quando vapores crassiores maiori copia ad caput eleuari incipiunt, nec sicut vigilantibus accidit, satis discuti possunt. Et præcipuè hoc accidit, dum homo supinus decumbit; cum per illum decubitus prompta fiat in caput euaporatio, ac materia facilius ad nucham & ad posteriores cerebri partes ac initium spinalis medullæ moueatur, meatúsque in illo decubitu nonnihil comprimantur. Vnde causa huius morbi definitur, quod sit *ἀναθυμίασις εἰς κεφαλὴν ἀνατρεχουσα ἐξ ἀδιφαιίας καὶ ἀπιδίας*. Hinc etiam pueri huic morbo imprimis sunt obnoxij ob *ἀδιφαιίαν*, qua vitiosi humores collecti vapores multos in caput remittunt; sæpe & ob vermes in intestinis genitos. Atque hinc pauores quoque per somnum in pueris existunt, de quibus Hippocrat. 3. aph. 24. Narrat quoque quidam apud Coelium Aurelianum Romæ aliquando hunc morbum epidemium & publicè grassantem fuisse, & multos instar pestis iugulasse.

Differentia.

*Differen-
tia.*

Differentiæ Incubi à causa efficiente potissimum sumuntur. Prout enim vapor vel à pituita vel ab humore melancholico vel à semine eleuatur: Ita diuersa & pro natura humoris phantasmata vel imagines per insomnia in hoc affectu exhibet, sicut à semine retento venereorum illecebris hominem ludificat. Alius quoque incubus fit per
essentiam

essentiam in capite, quem tinnitus aurium & vertigo & dolores capitis antecedunt & sequuntur: Alius per consensum ventriculi, hypochondriorum, testium, quas partes affectas esse suis indiciis manifestum redditur.

Signa Diagnostica.

Affectus hic ex relatione ægri faciliè cognoscitur. Con-
queruntur enim sibi inter dormiendum quid quasi incide-
re atque incumbere, grauique onere incumbente se pre-
mi, vel ab hoste aliquo inuadi & strangulari, ita vt neque
clamare (quamquam, quòd præsentibus, qui vigilant, audi-
tur, vocem edant obscuram, inarticulatam & nihil certi
significantem,) neque se mouere, neque fugere queant, do-
nec multo tandem labore & conatu de somno expergis-
cuntur. Nonnulli etiam se audire illum, qui super ipsos
incidat, imaginantur. Virgilius 12. *Æneid. circa finem.* Incu-
bum eleganter hoc modo describit:

*Signa
Diagno-
stica.*

Ac veluti in somnis, oculos ubi languida pressit

Nocte quies, ne quicquam anidos extendere cursus

Velle videmur, & in mediis conatibus ægri

Succidimus, non lingua valet, non non corpore nota

Sufficiunt vires, nec vox aut verbo sequuntur.

Quibus signis faciliè ab aliis affectibus p. n. discernitur. Incubi.
Scribit equidem Posidonius apud Aëtium *Tetrabil. 2. ferm. ab epile-*
2. cap. 10. Quæcunque patiuntur comitiali morbo corre-
pti in exacerbationibus, eadem perpeti incubum passos, *psia dif-*
ferentia.
dum dormiunt. Verum maxima est inter hos duos affe-
ctus differentia. In Epilepsia enim motus conuulsi acci-
dunt; In Incubo est motus impotentia: ortumque habet
Epilepsia à materia acri cerebri meninges stimulante; In-
cubus à vapore crasso, meatus cerebri obstruente. Causa-
rum & locorum, vnde vapor, eleuatur differentia è suis si-
gnis cognoscitur, tum ex specierum, quæ per somnum ima-
ginationi offeruntur, qualitate, prout nigri vel alterius co-
loris sunt, aut hominem ad venerem incitant.

Prognostica.

I. Incubus quidem si rarior sit, leuior affectus est; gra-
uior tamen, quam vertigo: quoniam à vapore crasso pro-
ducitur, & dormientem hominem comprimit. *Prognos-
tica.*

2. Incubus à caussa interna perseverans, præsertim in ætate prouectioribus, aut Epilepsiam nunciat, vapore tandem prauitatem & Epilepticam *Ἀσθῆνεια* acquirente; aut Apoplexiam, si meatus cerebri fortius occupet; aut melancholiam, si vapor ater commisceatur spiritibus animalibus. Imo pueri & obeso corpore aliquando hoc malo suffocantur, quando materia crassior & copiosior est, exitumque non reperit. Ideoque inter initia huic malo occurrendum est, monente Aëtio, Paulo & Rhase.

3. Periculosior Incubus est, qui diuturnus est, ac frequens, & à quo æger stupidus permanet.

4. Incubus à caussa externa refrigerante aut à crapula continuata minus perniciosus est.

5. Si Incubus accidit partim dormienti, partim vigilant, deterior est; quia Epilepsia propinquior: & rursus deterior, si post excitationem sudor frigidus, tremor cordis, spasmus aut syncope sequatur.

Indicationes.

Indicationes.

Cùm Incubus ortum habeat à vapore cerebri meatus quadantenus obstruente, ille, vt paroxysmus tollatur, discutendus. Postea, ne redeat malum, humor, è quo gignitur, euacuandus. Amouenda quoque caussa, à qua humor producitur, siue ventriculi imbecillitas sit, siue hepatis, siue alterius cuiusdam membri, siue error externus, atque ita etiam vaporum generatio prohibenda.

Auxilia.

Curatio.

Æger ergo in ipso Paroxysmo, seu insultu huius morbi statim leuiter excitetur, compellatione per nomen, vellitatione corporis, ac deinde, vt vapores reuellantur, discutiantur ac dissipentur, etiam extremorum frictione. Quam ob causam utile est, vt ij, qui huic malo obnoxij sunt, noctu fidum semper hominem adiunctum habeant, qui lamentantem ac quiritantem ægrum mox expergeficiat, ne suffocationis periculum longius augeatur.

Ne verò malum reuertatur, vena aperienda, si Plethora adsit. Aperiatur autem vel Cephalica vel Epatica: in mulieribus ex mensium suppressione laborantibus, Saphena; quæ etiã in viris, post euacuationem per venam in cubito sectionem factam,

factam, ad reuulsionem aperiri potest. Si Phlebotomia uti non liceat, cucurbitulæ cruribus & scapulis applicentur, ac Clysteribus reuulsio fiat & frictiones continuentur.

Si humor pituitosus aut melancholicus altius insederit, præparetur incidentibus & abstergentibus, quibus misceantur, quæ flatus discutiant. Postea debita ratione ac modo humor euacuetur. Et purgatio sæpius repetatur per interualla, maximè cum metus est, ne in alium affectum hoc malum transeat. Vtrobique verò ad ipsum Cerebrum respectus habeatur, & tota curatio partim ad ventriculum & hypochondria, partim ad affectionem cerebri dirigenda. De quo supra, *part. 1. cap. 7. 10. 12.* & antea de Vertigine dictum, ac postea de Epilepsia & Apoplexia dicitur. Cordis tamen simul ratio habenda, ut in Melancholia.

Post vniuersales euacuationes caput priuatim purgetur Errhinis, Apophlegmatismis & similibus, ut locis allegatis dictum, & dicetur: Quidam puluerem è corticibus citri ficcis, cypero, caryophyllis, coriandro præp. fol. maioranæ & betonicæ, flor. rosar. rubr. stoechad. Arab. lauendulæ & rorismarini Capiti inspergunt, vel cucuphæ inspersum pauores in somnijs prohibet. Vel caput lauetur lixiuio, in quo flor. stoechados Arabic. betonic. an. M. j. Cyperi, agaric. macis, an. ʒ. ss. cocta sint. Commendatur & lupina pellis pro tegumento capitis inter dormiendum.

Ad flatus & vapores in capite, seu pituitosos, seu melancholicos propulsandos, caputque roborandum, ijs medicamentis, quæ locis allegatis proposita sunt, utendum. Auicennas, Aëtius & alij commendant semen nigrum Pœoniæ maris, si eius ʒ. xv. trita per plures dies cum liquore conueniente exhibeantur. Plurimum quoque hic valet Electuarium Pleres arconticum appellatum, si cum confectiōe Alkermes seu Diambæ permisceatur, & manè ac hora decubitus exhibeatur. Vtilis est & creber vsus Diacori quotidie tribus horis ante cibum, ut & Diamosch. Dianthos, Elect. de Gemmis. Commendatur & Theriaca bis singulis septimanis cum aqua Pœoniæ

Cordi quoque & pulsuum regioni sacculi cordiales & arteriales, passim noti, aqua rosar. melissæ & similibus irrorati imponantur. Vel Balsama inungenda.

Vt ℥. Balsami citri 3. j. chamamel. Rbm. 3. ℞. ol. destill. rutæ gutt. iij.

Vel ℥. Balsam. rorismarini, succini, an. 3. j. rutæ 3. j. theriacæ 3. ℞. Misce.

Vtiles sunt & frequentes pedum lotiones; cum vapores à capite reuellant.

Post cibum assumptum vapores prohibent Diacydonium aut puluis ex Coriandro præparato, semine anisi, galanga, nuce mosch. cum sacchar. rosar. tabulato paratus. Et alia supra part. 1. c. 7. proposita.

Vel ℥. Spec. aromatic. rosar. 3. j. diarrhod. abbat. 3. ℞. diamarg. frig. 3. j. cinamomi, macis, caryophyll. an. 3. j. sem. pœoniæ 3. j. coriandri præpar. 3. ℞. anisi 3. ij. visci querni 3. ℞. magister. corallior. 3. j. sacchari rosar. tabulati ad pondus omnium. F. puluis. Dosis cochlear. j.

Vel ℥. Sem. Coriandri præpar. 3. ℞. anisi, fœnicul. an. 3. ℞. spec. aromat. ros. 3. j. sem. pœoniæ excortic. corallior. rubr. præpar. an. 3. ij. sacchar. rosar. tabul. ad pondus omnium. F. puluis.

Vel paretur tale Electuarium.

℥. Cydonior. cum arom. cond. 3. j. ℞. nuc. ingland. condit. num. j. cortic. citri condit. 3. ℞. conseru. rosar. 3. vj. anthos. lauendulæ, majoranæ, radic. condit. scorzon. an. 3. ℞. pulu. radic. pœoniæ, sem. pœoniæ excortic. an. 3. ℞. corallior. rubr. præpar. 3. j. Cum syr. cydonior. & de cortic. citri. F. Electuar.

Dum cubitum itur, sumatur bolus ex conserua fl. rorismarini, lauendulæ, menthæ, melissophylli, pœoniæ, aut conditæ radices pœoniæ, aut excorticata eiusdem grana Aqua lauendulæ inebriata, aut nux Indica condita.

Chymici in hoc affectu commendant, tincturam & magisterium corallior. perlar. lapid. armeni, lazuli, chrysolithi, malachitæ, ol. rorismarini, saluiæ, rutæ, succini, chamæmeli, cinamomi, extractum pœoniæ, visci qu. iuniperi.

Amuleta commendantur Radix pœoniæ de collo suspen-

spensa, corallia rubra, lapis chrysolithus auro inclusus, ut & malachites, & in sinistro brachio gestatus.

Infantes, qui paucioribus in somnis obnoxij sunt, non statim à cibo sumpto dormiant, sed hinc inde gestentur, donec cibum descendat: mel etiam vel crudum vel rosatum lingendum exhibeatur, quod extergit, aut exhibeatur pulvis ex radic. Pœoniæ, Margarit. corallis

Dieta.

Degat æger in aëre ad calidum & siccum vergente, puro, neque tetrīs vaporibus inquinato: Vitet aërem nebulosum, humidum & ventris turbatum. Non moretur sub radijs Solis, Lunæ vel ad ignem. Dieta sit tenuis, attenuans, flatulique expers, & proinde vitentur legumina, & fructus ac radices flatulentæ. Ideo cibi calidi sint & sicci, qui facile concoquuntur & distribuuntur, nec in vijs hærent, nec flatus ad caput mittunt. Vita sit sobria, coena frugalis; ægerque crapulam, repletionem & ebrietatem fugiat. Cibi condiantur ijs, quæ extenuandi vim habent; ut pituita peccante, hyssopo, serpillio, satureia; In Melancholia, quæ eam temperant, flor. bugloss. borrag. & similibus, de quibus supra part. i. dictum. Vinum, cum caput repleat, parcius sumendum, vel eo tenuiori utendum, aut cereuisia tenui vel aqua, in qua semen coriandri, anisi, & cinamomum ebullierint. A coena ad somnum tres horæ interponantur. Vitetur decubitus supinus, quo caput repletur. Ad lectum ægri suspendantur vel humi sternantur Radices Pœoniæ, Majorana, thymus, ruta, lauendula, rosmarinus, pulegium, mentha. Corpus moderatè & tempestivè fricetur & exerceatur.

Aër.

Cibus & potus.

Somnus.

Motus.

Symptoma quoddam partim Incubum, partim Epilepsiam referens (etsi potius mitior Epilepsia esse videatur) describit Forest. lib. 10. observ. 52. Quod seminis pœoniæ usu sublatum fuit, ut pote quod Epilepsia, Incubo, paucioribus & ludibrijs nocturnis, vteri strangulationibus egregiè medetur.



CAPVT XXX.

De Catoche seu Catalepsi
Nomen.

QUæ Latinis vulgò Congelatio dicitur, Platæro Stupor cum rigiditate, Græcis est κατὰ ληψιν & κατὰ χεῖρα siue κατὰ χεῖρα. Quamquam posterius vocabulum non in vna significatione vsurpatum fuit veteribus: Vnde & hodie ambiguitas reliqua manet. Nam Paulus Ægineta distinctè agit de Catocho, qui coma vigil est, & de Catocho, qui vera Catalepsis. Et autor definit. Medic. Catochi, (quem fieri docet, cum sensu priuatur omni, corpusque omne velut gelu obrigescit) genera tria facit: primum Somnolentum Lethargo proximum; secundum Vigilans, affine tetano & præfocationi vteri; & tertium Phreneticum, ex Catoche & phrenitide mixtum, quod & Typhomania. Quæ genera aliqui commodius sic discernunt, vt primum sit Lethargo proximum, secundum Coma vigil, tertium Catochus seu Catalepsis vera. Nos hic Catochi & Catalepsis vocabulis pro Synonymis vtimur.

Dicitur autem Catoche, siue κατὰ χεῖρα, à κατὰ χεῖρα, id est, detineri vel occupari, & κατὰ ληψιν, à κατὰ λαμβάνειν, id est, prehendi, quod æger hoc malo repente corripitur, correptusque eo situ permanet. Appellatur & Stupor in genere, qui si vehementior sit, & validius incumbat, ac diuturnius infideat, ἐκστασις à Græcis dicitur, à Latinis excessus, vt habet Scaliger, exerc. 312. Priuatio scilicet officiorum animæ sentientis, mouentis & intelligentis.

De vocabulo autem ἐκστασις hoc hic monendum est, quod Hippocrati quidem semper Ecstasis vehemens est mentis amotio ac delirium, & ἐκστασις de mentis potestate exire, aut vehementer mente emoueri ac delirare significat, & vehementer insanientibus, phreneticis ac Maniacis passim apud Hippocratem tribuitur, & Gale-

nus ἐκστασι per maniam ζῆλον exponit. Vfus tamen vulgo obtinuit, vt ij, qui omnibus animæ sentientis, mouentis ac intelligentis functionibus priuati, & quasi mortui jacent, & sæpe postquam euigilant, mira quæ audiuerint, & viderint narrant, ἐκστατικοὶ nominentur.

Ab ἐκστασι aliam faciunt adhuc ἀφαιρίσιον, in qua non facultatibus animæ modò, sed & ipsa anima corpus priuatur. Quod an fieri possit, Philosophis & Theologis discutendum relinquimus. Hoc saltem addimus, si hic affectus à causa diuina proficiscatur, siue intra corpus manente, siue extra egrediente animâ συμφολήπτεος ab Aristotele i. *Endemior.* & θολήπτεος ac ἐνθουσιαζομένης appellari, vt loco allegato Scaliger docet.

Definitio.

Est videlicet Catalepsis sensuum interiorum & exteriorum, ac in his præcipuè tactus & voluntarij motus cessatio, seu, vt nomen innuit, subita prehensio & occupatio tum mentis & sensuum interiorum tum exteriorum & motus voluntarij, quâ qui corripuntur, rigidi in eo statu, in quo prehensi fuerunt, apertis ac immotis oculis, statux alicuius instar manent, & nec sentiunt, nec vident, nec audiunt, respiratione saltem & pulsu saluo manente, à congelatione & immobilitate spirituum animalium, quam vapor quidam figens caussauit, orta.

Interdum tamen, & vbi malum minus vehemens est, ægri nonnihil audiunt, vident, imaginantur, recordantur, & quæ astantes loquuntur, percipiunt, & postea referunt, immoti tamen manent sine voce & sensu Tactus, quemadmodum Galenus de suo condiscipulo narrat in 2. *Prorrhetic. aphoris.* 16. Atque hos in specie ἐκστατικὸς appellat Platerus.

Alij verò in eodem statu manent mortuorum instar, & licet nihil audiant, nec videant, neque puncti sentiant, tamen si quid ori inferatur, id deglutiant, & erecti consistunt, impulsî incedunt, & membra, prout illis flectuntur, in eodem situ, statuarum instar, fixa retinent.

Affectus sanè vt rarus, ita admiratione dignus, vnde etiam vulgò eo detentos in Ecstasin à DEO raptos existimant,

mant, atque hinc etiam proculdubio *νομολήματα*, *θεολήματα*, *επισυναζόμενα* vocabula, vt modo dictum. Eius historias duas Fernelius *lib. 5. de partium morbis & symptom. cap. 2.* & aliquot Marcellus Donatus *de Historiar. mirab. Medic. lib. 2. cap. 7.* & Schenckius *lib. 1. obseruat. 115.* recitant.

Caussa.

Vt autem malum hoc admirandum est, ita eius causam reddere difficillimum. Et afferunt quidem alij alias, vt in *Institut. lib. 2. part. 3. sect. 2. cap. 4.* dictum: Verum quæ rem satis non explicant, vt ibi pluribus monstraui. Iulius Cæsar Scaliger *loco allegato*, animæ hunc excessum vel à functionibus abscessum, aut absistentiam prouenire scribit, percussis spiritibus ac receptis in intimos cordis sinus. Verum si Catalepsis & hic stupor hoc modo fieret, animi affectus & syncope potius, quam Catalepsis aut Ecstasis excitaretur.

Si verò in hoc naturæ obscuritate probabile quid afferendum, omnino talis causa danda, quæ differat à causis Paralysis, Comatis, Cari, Apoplexiæ, Epilepsiæ, Syncopeis & similibus affectuum: (quales causæ non sunt, quæ vulgò afferri solent, sed hisce affectibus communes) atque talem causam esse puto, peculiarem spirituum animalium in Cerebro *ἀλγήσει*, vt scilicet illi in organis sensus & motus non deficient, sed in Cerebro figantur quasi & immobiles reddantur ac immoti maneant, seu, vt vno verbo cum Scaligero *loco allegato* dicam; Causa Catalepsis est spirituum animalium congelatio seu immobilitas.

Hæc autem ortum habet à vapore congelante, seu vim talem figendi habente, qui quidem ab humore Melancholico ferè attollitur. Vnde rectè Stuporis nomine hic affectus appellatur, mentis puta. Vt enim in Stupore, qui symptoma Tactus est, objecta Tactui oblata ab organo non percipiuntur: ita hic etiam sensuum exteriorum objecta, etsi à suis organis apprehendantur, à mente non percipiuntur.

Quæ autem spiritus illius congelantis natura sit, explicare non ita facile est. Quidam equidem in frigiditatem &c

& siccitatem causam referunt, & ab humore melancholico, alij etiam à pituita vitrea eam petunt. Verùm in corpore viuente vix talis frigiditas esse potest, quæ instar frigoris hiberni in cerebro spiritus congelet.

Commodissimè vapor is figens seu fixatius & congelatius appellari potest, qualis spirituum natura Chymicis satis nota est, qualisque natura fulminis interdum est, & Spirituum illorum, qui in terræ motibus, & alias etiam è terræ cauernis erumpentes homines & bruta repentè rigida reddunt.

Causæ autem huius probabilitatem natura fulminis satis declarat, vt dictum, quæ res sæpe subito congelat, narratque Cardanus, octo messorum, sub quercu cœnantes fulmine percussos fuisse, sub ea specie, quales decumbabant, vt vnus comedere videretur, alter manum poculo ad-mouere, alius bibere: qui proculdubio hoc morbo detenti exanimati fuere. Vnde etiam rectè Medici morbum hunc congelationem nominant.

Verùm vt rectius Causa mali huius cognoscatur, porro inquirendum, an Spiritus illi, qui sensui & motui inseruiunt, an verò qui sensibus internis, an verò omnes spiritus animales congelentur. Communis equidem opinio est, spiritus animales omnes, & potissimum eos, qui sensui & motui inseruiunt, immobiles reddi. Verum si quidem in re obscura proferendum est, potius statuendum videtur, non illos spiritus, qui in membra corporis influxerunt, congelari & immobiles fieri, sed potius spiritus, qui imaginationi & menti inseruiunt. Cum enim motus à Phantasia dirigatur, neque sensuum externorum objecta etiam ab organis suis recepta percipiantur, si sensus interni & mens non attendant; sicut compertum est, viros quosdam deuotos meditationibus sacris quasi ex se raptos, aut literarum studiosos meditationibus suis ita intentos fuisse, vt etiam oculis & auribus apertis non viderent, non audirent, imò nec sentirent: Si spiritus ille Phantasiæ & menti inseruiens quasi figatur & immobilis reddatur, vt sensuum externorum objecta affluentia non apprehendat, fit, vt etsi influat & in organis sensuum externorum spiritus

spiritus animales adsint, qui sensuum externorum obiecta percipiant, & ad Phantasiam deferant, ab ea tamen illa non percipiantur, neque etiam à Phantasia tum quasi torpida & quiescente motus ullus imperetur; & si quis ab externo impulsu fiat, ille non attendente nec gubernante Phantasia accadat. Hinc proculdubio nata est Medusæ Fabula, quæ huius morbi causam aliquo modo declarare potest, quæ cum esset mulier formosissima, ita ut qui eius pulchritudinem attentè contemplarentur, extra se quasi raperentur & ab omnium sensuum functionibus abstraherentur, fixique & immobiles ac quasi lapides redderentur; finxerunt Poëtæ, ex capitis eius intuitu spectatores in lapides conuersos fuisse.

Hæc autem ita se habere, ac in organis sensus ac motus spiritus animales non deesse vel illud arguit, quod quidam ex Catalepticis ipsi quidem nullum membrum mouent, verùm si ab alio id moueatur, mouendi potentia se exserit, & erecti consistunt, impulsu incedunt, & quocunque vel manus vel brachium vel crus inflectitur, illic quasi fixum & stabile permanet, quod non fit sine spirituum animalium ope. Sicut & hoc Spiritus animales non deesse indicat, quod ægri oculos diductus palpebris apertos seruant; quod non fieret, sed potius conciderent palpebræ, si spiritus animales deessent, sicuti in Paralyfi accidit.

Atque hinc patet, quomodo id accipiendum sit, quod in definitione diximus, in Catalepsi sensuum externorum & motus actiones cessare. Nimirum non quantum obiectorum per organa sensuum susceptionem attinet, sensus quiescunt, sed quantum superioris facultatis apprehensionem. Oculis enim apertis imago visibilis excipitur, sed à facultate superiore non apprehenditur. Eodem modo sese res habet in sensibus reliquis.

Neque, est, ut, quod hodie non infrequens, hæc doctrina alicui suspecta sit, quia Chymicorum terminos sapere videtur. Agnouerunt eandem, & iisdem terminis vsi sunt docti Galeni interpretes & Arabum; Etsi rem non satis commodè explicauerunt. Vt de Scaligero iam non dicam, cuius antea mentionem fecimus, Matth. de Gradib. part. i.

Præflic. cap. 6. ita scribit : Causſa coniuncta congelationis eſt mala complexio frigida & ſicca in capitis poſteriore parte , immobilitans ſpiritus & neruos & neruoſa membra , ad operationem ſenſus & motus , maximè ad motum. Ita Dominicus Leonus , *Artis Med. lib. 2. ſect. 1. cap. 6.* Cauſſa coniuncta , inquit , ſunt vapores & humores , ipſaque intemperies frigida & ſicca , aſtu frigida , ſigens & incrassans ſpiritus animales , eorundemque tranſitum obſtruens : Quæ quidem in re rectè ſentiunt immobilitatem , fixionem , vel , vt Scaliger loquitur , Congelationem ſpirituum animalium proximam huius mali cauſſam eſſe , eamque à figente quodam vapore fieri. Et hoc etiam verum eſt , quod ille ſpiritus in cerebro , ſede mentis , ſigitur immobilis redditur , atque in organa ſenſus & motus non inſluit. Interim non negandum eſt , ſpiritus animales alios in ea organa influere. Neque fixio illa & congelatio fit à frigore & ſiccitate , quæ tanta in corpore viuente non datur , vt tam ſubitæ congelationis cauſſa eſſe poſſit , ſed à vapore peculiarem vim ſpiritus figendi & immobiles reddendi habente , qualis eſt in fulmine & aliis ſpiritibus. Cauſſam Antecedentem ponunt humorem frigidum ſiccum. Et concedimus ſanè , humorem Melancholicum præ cæteris aptum eſſe ad vapores , qui talem diſpoſitionem ſuſcipiunt , emittendos. Non tamen ſola frigiditate & ſiccitate id præſtare poteſt. Poteſt autem eiufmodi vapor nunc in ipſo cerebro generari , & ita primarium affectum excitare , nunc per conſenſum à toto , vt in febribus malignis aut , à membro aliquo , vt ſplene , inteſtinis vel aliis.

Ad cauſſas Procataſticas multi referunt aërem frigidum , pluuiam , glaciem , niuem , & iter facere per loca niuoſa & nimis frigida , vt per Alpes. Verum etſi verum ſit , multos , qui per Alpes & ſimilia loca tempore hiberno iter faciunt , ita congelari , vt partes extremæ emoriantur , & tandem ſphacelo corripiantur : tamen plane alterius generis eſt hæc congelatio , quæ fit à frigore hiberno , quam de qua hic fermo eſt. Ita cibi quidem , qui humorem melancholicum generant , ad hoc malum producendum ali-

*Cauſſa
procataſtica.*

quid facere possunt: Sed nisi humoris vel vapor inde emissus peculiarem vim congelandi & figendi spiritus induat, causa huius mali proxima non fit. Referunt huc nonnulli etiam contactum torpedinis piscis, fumum vel inunctionem argenti viui. Verum & ista omnia potius stuporem in sensu tactus, quam Catalepsin inducunt,

Signa Diagnostica.

*Signa
diagno-
stica.*

Malum hoc subito hominem inuadit, & in quo statu ægrum offendit, vigilantem, stantem, bibentem, edentem, scribentem, legentem, in eo immotum seruat, ac si congelatus esset. Aeger apertos oculos habet, eosque fixos & immobiles, palpebris veluti rigentibus, quas ne ad minas quidem claudit. In sensibus tamen in quibusdam aliqua est differentia. Qui enim exquisita Catalepsi laborant, nihil audiunt, nihil vident, etsi oculos apertos habeant, quod mens non attendit. Alii audiunt & vident, sed nihil loqui possunt. Quidam etiam mouere manus visi sunt. Quidam si impellantur, ambulant, sed instar statuarum in eodem statu manent. Quidam etiam somnia se vidisse ferunt. Respiratio seruat, sed ita vt per intervalla sæpe magnum spiritum ducant. Pulsus similis est Lethargicorum; non tamen ita languidus & mollis, magis v. æqualis. Præterea in Lethargicis laxatur vniuersum corpus: contra stipatur & cogitur in Catalepticis, teste Galeno 4. de Caus. puls. cap. 16. Alius & vrina suppressitur expultrice sopita, nec stimulationem excrementorum percipiente.

Prognostica.

*Prognos-
tica.*

1. Catalepsis morbus periculosus est, & nisi tempestive ægris succurratur, stupidi moriuntur non aliter, ac si gelu hiberno rigentes emoriantur.

2. Eo periculosior est Catochus, quo plura grauiora symptomata coniunguntur, vt spirandi difficultas & interceptio, oculorum distorsio, excrementorum suppressio, & tandem virium summa imbecillitas ac exolutio. Ita Hippocr. 3. Procrhet. tex. 4. scribit: *Quæ cum exsolutione sunt Catoche & Aphonia, periculosæ sunt.*

3. Tem

3. Tempus, inter quod siue ad salutem, siue ad mortem morbus terminatur, breue est.

4. Intereunt Cataleptici, siue per virium dissolutionem, siue per suffocationem, vbi adeo motus cohibetur, vt respiratio supprimatur.

Indicationes.


Vapores spiritus congelantes & immobiles reddentes, *Indicationes &* è capite retrahendi, & in eo discutiendi, & materia, è qua generantur, euacuanda, totiusque simul ratio habenda. *Curatio.* Quod rectissime fieri posset, si occulta illa vaporis qualitas & natura nota esset. Interim Cephalica calefacientia & humectantia vsurpanda, & curatio, qualis intemperiei capitis cum melancholia, & vapore melancholico supra *part. 1. cap. 7. & 12.* fuit proposita instituenda. Et si omnino ad qualitatem occultam respicere libet, medicamenta, quæ Epilepsia & soporosis affectibus conueniunt, adhibenda.

Curatio.

Itaque, si æger sanguine abundet, vena cephalica secetur. In aliis clystere acriore prius aluus eluatur, & reliqua diuersionum genera vsurpentur. Postea humor melancholicus præparetur & euacuetur, vt supra *locis allegatis* dictum. Minimè autem hic à paruis incipiendum est auxiliis; quod in morbis, in quibus periculum non impendet, tutò facere licet: At vbi vitæ periculum imminet, alienum est à ratione, à mitioribus inchoare velle. Topica quoque ibidem proposita vsurpentur, fiantque fomentationes, infusionesque ex Chamæmelo, Meliloto, floribus stœchad. Arabica, Buglossi, maiorana, Roremarino, primul. veris. Et hoc obseruandum, ne in principio nimis calida & sicca adhibeantur, sed potius temperata & humectantia, vt materia ad euacuationem aptior reddatur. Monendum quoque hoc, ne in Topicis acetum adhibeatur, ne vis congelandi & figendi spiritus in vapore vel humore aceti vsu augeatur.

Dieta.

Dieta etiam ea sit ratio, quæ supra in intemperie cum *Dieta,* humore melancholico fuit proposita.



CAPVT XXXI.

De Epilepsia.

Nomen.

Epilepsia
vnde di-
sta, &
qua ha-
beat sy-
nonyma.

Epilepsia Græcis dicitur ab ἐπιλαμβάνου, quod subito mentem sensusque omnes quasi prehendat. Iepὸν quoque νόσημα, seu quod crederetur diuinitus immitteri, & à dæmone aliquo, qui hominem tam repente ac subito corripere, prouenire, quemque ideo incantationibus curare conati sunt, vt ex libro de Sacro morbo videre est; seu quod nobilissimam & sanctissimam corporis partem Cerebrum occuparet & perturbaret, vt Platoni in *Timæa* placet; seu quod magnus morbus sit; Iepὸν γὰρ τὸ μέγα, quod magnum est, sacrum appellatur. Aretæus de causis & signis morbor. diuturnor. lib. I. cap. 4. seu quod sit morbus detestabilis & abominandus: Sicut apud Poëtam, Auri sacra fames dicitur: Πάθος παύδης νόσημα παύδης. Hippocr. de Aëre, aqua & locis, quod pueris familiaris sit. Aristoteli 30. *Problem.* I. fortasse ὁ ἐπὶ παῖδας ἔκαστος. Hinc Auicennæ mater puerorum dicitur. Hercules morbus, non tam, vt sentire videtur Aristotel. loc. allegat. quod Hercules eo laborauerit, quam, vt Galenus 6. *Epidem.* in fine statuit, ob sæuitiam & magnitudinem, & τὸ δύσκατον μάχην, id est, quod facile vinci non possit. Caducus, à casu & lapsu subito ægri. Comitialis, quod in comitiis & hominum frequentia facile detegatur, & quod, si hoc malo correptus quis fuisset, comitia peragi fas non esset. Sonticus, quod valde noceat. Lunaticus, Trallian. lib. I. cap. 15. vel quod, in nouilunio nati solent hoc morbo corripì; vel quod secundum Lunæ conuersionis hic morbus inuadit. Qui insputatur, Plauto in *Captiu.* Act. 3. Sc. 4. Contagiosum enim antiquitas credidit. Hinc Plinius lib. 28. cap. 4. despuimus comitiales morbos, hoc est, contagia regerimus. Nam exspuere inter amuleta habitum est priscis,

priscis; & ne familiam inficerent, rus ablegabant Epilepticos. Apuleius i. *Apolog.* Maior morbus, Celfo *lib. 3. cap. 27.*

Germanis, *die fallende Sucht* *schwere Noth* *schwere Gebrechen* *schwere od er bæse Kyanckheit, &c.*

Definitio.

Est autem Epilepsia actionum principium sensusque *Definitio.*
& motus voluntarij ablatio & cessatio, cum totius corporis præternaturali conuulsione & motu conuulsio, à materia acri & peculiari ac occulta vi cerebro infesta, & membranas cerebri neruosumque genus vellicante ortum habens.

Causse.

Proxima & continens caussa est vapor vel humor specifica & occulta vi membranas cerebri & neruosum genus vellicans, vt infra *quest. 2. & 3.* pluribus probabitur. *Proxima Epilepsia caussa.*

Antecedentes sunt, quæcunque specificam illam corruptionem pati, atque ita materiam aërem, malignam cerebroque aduersam suppeditare possunt. Alias enim & *Causse antecedentes.*
nisi *Ἀλγίαι*, Epilepticam induant, Epilepsiam parere non possunt. Humores videlicet quicunque, sanguis, Melancholia, Bilis, Pituita, semen, sanies: Imò corporis partes; sicut ex cranij carie Epilepsia excitari solet: Secundina item corrupta, vermes. Qua verò ratione hæ causse hanc corruptionem induant, explicari facile non potest: cum *Ἀλγίαι* illa Epileptica occulta & *ἄπειρος* fit, & non nisi ex effectu pateat.

Quandoque etiam hoc malum hæreditarium est, & à *Causse remota.*
parentibus cum semine & sanguine eorundem in liberos diffunditur, atque Epileptici Epilepticos generant. Facit ad Epilepticam dispositionem induendam etiam astorum positus, & plerumque qui in eclipsi lunari nascuntur, huic malo obnoxij sunt, de quò consulantur Astrologi. Corripiuntur autem hoc malo frequentius pueri, vnde & *παιδική νόσος* Græcis, & *puerilis passio* dicitur Cœlio Aureliano: hinc Adolescentes & Iuuenes; rarius ætate maiores.

Remotiores etiam quasdam causas ad epilepsiam generandam facere experientia docuit; quales sunt cibi

excrementitij, graueolentes, & facile corruptibiles. Quam enim non in omnibus Epilepsiam inducant : tamen frequentius, quam alias ad Epilepsiae generationem faciunt. Ita ex usu fructuum horariorum crudorum & lactis nimia ingurgitatione puellam Epilepsia correptam fuisse refert Franciscus Hildesheim. *specileg. p. 599.* Cibi itidem illi, qui peculiari vi Epilepsiam excitare creduntur, ut carnes haedorum, epar hircinum & caprinum, coturnices, passeret, anguillae, de quibus exemplum habet Forestus *lib. 10. in Schol. obseru. 57.* Apium, de quo infra *quest. 12.* Lentet, de quibus exemplum habet Iulius Alexandrinus *lib. 8. salubr. cap. 7.* tubera & fungi.

Qua pro-
prietate
occulta
Epilep-
siam ex-
citant.

Causa
procatar-
ctica &
eviden-
tes.

Procatarticae verò atque evidentes causae, quae materiam Epilepsiae causam mouere, aut, ut antecedentes illam Epilepticam suscipiant, facere possunt, sunt; Calor Solis, radij Lunae, quos Anthyllus Medicus apud Stobaeum *serm. 100. κρηνη πριος καὶ ἐπιδυσίας ἀνακινεῖν* scribit. Inedia, cuius exemplum recitat Galenus de Grammatico *5. de loc. aff. cap. 6.* Potus vini generosi & vaporosi; Mora longa in balneo, cuius historiam affert Gabelkoffer *Cent. 4. curat. 59.* Olfactus rerum foetidarum, bituminis, picis, Gagatis, cuius suffitu antiqui seruos emendos, an essent Epileptici, explorabant. Mercur. *de morb. capit.* Cornuum, Sulphuris, Epatis caprini affati, Mercurij sublimati, aquarum fortium, allij, apij, petroselini. Animi affectus, ut Ira Ioan. Baptist. Montan. *Consil. 41.* Terror ex tonitru, clangore tubarum, cuius exemplum apud Ioan. Matth. à Gradibus *in 9. Rhasis.* Forestum *lib. 11. in Schol. obseru. 54.* bombardarum fragore, aut occurrente re aliqua improuisa & terribili. Ita excitatam fuisse Epilepsiam ob fratrem subito mortuum, refert Amatus Lusitanus *Centur. 12. curat. 90.* ob decollationem spectatam, Martinus Vveinrich. *de Monstris cap. 15.* Epilepticum cadentem, Plater. *lib. 1. obseru.* Christoph. à Vega, *lib. 3. de arte Medic. cap. 12.* narrat. Imò per iocum incussus metus, & terror pueros facit Epilepticos, referente eodem Christoph. à Vega. *loc. alleg.* Moeror, cuius exemplum habet Amatus Lusitanus *Centur. 2. cura. 90.* Ira, referente Galeno de Grammatico *5. de loc. affect. cap. 6.*

Exercitatio vehementior, Vntzerus de Epileps. p. 102. Tillatio, capitis inclinatio diuturna, medicamenta purgantia fortia, Venus. Tandemque Dæmon malus se non raro dispositioni epilepticæ immiscet.

Differentia.

Sunt quidem plures Epilepsiæ differentiæ, vt quod alia *Differentia.* est fortis, alia mitis; alia recens, alia inueteratâ; Quod alia *tia.* seruat periodum, & vel singulis annis semel vel bis, vel singulis mensibus, in Nouilunio & plenilunio, vel breuioribus interuallis, sed iis statis & certis inuadit; alia verò non serunt periodos, sed nunc sæpius, nunc rarius, nunc per breuia, nunc per longiora interualla infestat. Differentia tamen, quæ ad curationem maximè facit, est, quæ sumitur à causâ, aut potius à loco, in quo Epilepsiæ causâ generatur, quæ est, quod alia est primaria, seu per *idionidiam*; & prouenit à materia in capite generata; alia per consensum, à materia ad caput eleuata, siue à toto, siue à certa aliqua parte.

Itaque dicemus primò in genere de Epilepsia & Signis Diagnosticis ac Prognosticis & Curatione, quæ in quacunque Epilepsia locum habet; secundò de Epilepsia per primarium cerebri affectum; tertio de Epilepsia per consensum.

I.

De Cognoscenda & Curanda Epilepsia in genere.

Signa Diagnostica.

Qui comitali vitio solent corripì, iam aduentare in *Signa Epilepsia imminentes.* taletudinem intelligunt, si calor summa deferuit, & incertum lumen, neruorumque trepidatio est, si memoria sublæditur, caputque versatur. Seneca lib. 3. de Ira cap. 10. Splendores instar iridis oculis obuerfantur, odorem foedum sentiunt, aures sonant, bilis præter rationem accenditur, Aretæus lib. 1. cap. 5. Capitis dolor & grauitas, pallor faciei, inordinatus linguæ motus, tristitia quædam percipitur.

Vbi autem iam inuadit Paroxysmus, homo subito corruit, toto corpore conuellitur, & motu non voluntario *Signa Epilepsia præsentia.* concutitur, omnes animales functiones tollantur, atque inde

inde post Paroxysmum æger nihil eorum, quæ circa se gesta sunt, recordatur.

Nonnunquam tamen in mitiore Epilepsia æger non toto corpore conuellitur, neque concidit, sed aliquæ saltem partes conuelluntur, & vel caput saltem concutitur, vel oculi contorquentur, vel manus ac pedes hinc inde iactantur, vel manus clausæ tenentur, vel æger in gyrum agitur, aut hinc inde discurrit. Nihil interim loquitur audit, sentit, & paroxysmo finito ad se reuersus omnium, quæ egit, vel acciderunt ignarus est. Obseruauit non cadentem Marcell. Donat. *lib. 2. Hist. Med. mirab. cap. 4.* Stantem, Antonius Beniuenius *de abditis morbor. causis cap. 97.* qualem ipse etiam vidi, sedentem: Dodonæus, in *Schol. ad cap. Beniuenij allegat.* Cursitantem, Erasius, in *Anatom. librorum Comit. Montan. part. 2. p. 195.* Nonnunquam etiam euenit, vt Epilepsia laborans ea, quæ aguntur, audiat, & post paroxysmum eorum recordetur: cuius exemplum est apud Brunnerum *Consil. 14.*

Accedit his nonnunquam, vt æger, præcipue in morbi insultu, vociferetur, & vocem inconcinnam edat, aut cum stertore spiritum sonorum emittat, dentibus stridat, Spuma ante os appareat, quam sanguineam vidit Crato; vrina, feces alui, aut semen præter naturam excernantur.

*Epilepsia
à spasmō
differen-
tia.*

Differt Epilepsia à vero spasmo, quod spasmus, cuius species sunt, *ἐκαστοδόνος*, *ὀμιδόνος*, & tetanus, est conuulsio seu musculorum ad principia contractio pertinax & continua. In Epilepsia verò corporis fit concussio per interualla. *In conuulsione nulla in facultatibus principibus fit læsio.* In Epilepsia verò principes functiones & sensus simul plerumque læduntur.

Prognostica.

Prognostica.

1. Epilepsia omnis periculosum & longum malum est. Alia tamen alia periculosior est; alia minus periculi coniunctum habet, ac facilius curatur.

2. Epilepsia hæreditaria vel omnino nunquam, vel rarissime curatur, eamque neque ætas neque Medicus discutere potest.

3. Recens curatu facilius est, quam inueterata; & si in initio

initio neglecta fuerit, frequenter iis, qui ea detinentur, commoritur. Alexander Trallian. *lib. 1. cap. 15.*

4. Periculosior est, in qua functiones animales omnes abolentur, & conuulsio vehementior est, ac diuturnior, atque excrementa sponte effluunt.

5. Curatu facilior est, quæ licet sit crebrior, breuiiores habet paroxysmos, & conuulsionem non vehementem, & in qua æger liberius spirat.

6. Epilepsia ante pubertatem eueniens, curabilis: Post annum v. 25. fere vsque ad mortem durat. 5. *Aphor. 7.* Quod tamen vt plurimum verum est. Nonnulli enim, qui post annum ætatis 25. Epilepsia correpti fuerunt, medicorum ope liberati sunt. Testaturque Trincauellius *lib. 1. consil. 29.* se vidisse senem quinquagenarium, qui laborauerit 25. annis Epilepsia, curatum fuisse: Qui tamen incidit in febrem & scabiem similem Lepræ, quæ plus illi negotij faciebat, quam Epilepsia, donec eandem superaret. Et Nicol. Florentinus foeminam quadragenariam ab infantia Epilepsia vexatam liberauit.

7. Epilepsia laborantes iuniores cum ætatis mutatio, tum loci & victus liberat, 2. *Aphor. 25.* Sed & Epilepsia, quæ cum ætatis flore euanescit, abiens quasi pulchritudinis inuidia quosdam deformat, aut manum inutilem reddens, aut faciem torquens, aut sensum aliquem auferens. Aretæus.

8. Infantes admodum parui, & mox post natiuitatem Epilepsia correpti, raro euadunt.

9. Epilepsia in senibus ac decrepitis difficulter curatur.

10. Si mulierem vtero gerentem fortis Epilepsia inuadat, magnum periculum minatur.

11. Si ad vsu sternutatoriorum æger non sternuter, malum indicium est, atque argumentum, naturam iam ferè succumbere & prostratam esse.

12. Epilepsia nonnunquam in Paralyfin terminatur. Quod etsi nonnulli negant, experientia tamen ita rem se habere testatur, atque exstant exempla apud Schenck. in *Observat.*

Indicationes.

Indica-
tiones.

In Curatione epilepsiæ duo à Medico requiruntur. Primum est, vt à Paroxysmo, quam fieri potest citissimè & sine omni damno æger liberetur. Alterum, vt præcaueatur, nisi imposterum æger epilepsia iterum corripiatur.

Rectissimè tamen etiam ad paroxysmum instantem seu impendentem respicitur, operaquæ danda, vt is auertatur, aut saltem minus vehemens euadat, ligaturis conuenientibus partibus adhibitis, si per consensum malum fiat. Statim verò, vbi paroxysmi instantis signa præsentit æger, pilulam vnā laudani opiatī, cuius partibus quatuor vna olei camphoræ admista fuerit, vel rotulam vnā antepilepticā capiat & assumat. In quem vsum hæ rotulæ antepilepticæ parari possunt.

℞. Pulv. rad. pæon. iusto tempore collectæ ʒ. j. Magist. perlar. Corall. rub. an. ʒ. j. R. cranij hum. ʒ. ʒ. Sacch. opt. in aq. tilie dissoluendi q. s. F. l. a. Conf. in tabulis.

Potest etiam essentia Castorei, gutt. iij. vel v. dosi, in aqu. flor. tilie propinari. In horum defectu exhiberi possunt ol. succini albi gutt. j. vel ij. in aq. epilept. Langij.

Vel præbeatur seq. haustus: ℞. Aq. epilept. Langij ʒ. vj. Syr. de pæon. ʒ. ij. ʒ. ʒ. ⊕ gutt. vij. M. Vel potionis sequentis cochl. vnum atque alterum.

℞. Aq. fl. tilie, pæon. an. ʒ. ij. cheiri, herbe Trinit. an. ʒ. j. Liq. visci qu. ʒ. j. Essentia pæonia ʒ. ʒ. Syr. de pæon. ʒ. ʒ.

Nares & præcordia inungantur balsamo aliquo antapoplectico, vel balsamo rutæ aut succini.

Quid in paroxysmo Epileptico agendum. Quomodo Epileptici extra paroxysmum curandi. Prius perficitur, si vapor malignus & materia illa cerebrum neruosumque genus sua acrimonia & malignitate molestant ac turbans à cerebro omnibus, quibus fieri potest, modis reuellatur, discutitur, dissipetur & tollatur, per medicamenta imprimis Antepileptica seu materiæ illi peculiari modo opposita facultas excitetur; & ne æger in paroxysmo damni aliquid patiatur, præcaueatur.

Posterius vt præstetur, primò radix mali venæ sectione, purgatione, quam præcedat præparatio, & sudoris prouocatione tollenda.

Secundo;

Secundò, ipsa maligna qualitas, & epileptica *Algor* antepilepticis expugnanda.

Tertiò, Cerebrum priuatim per Errhina, Apophlegmatismos & Gargarismos expurgandum.

Quartò, Materia, quæ iterum cumulari posset, per setaceum, cauterium & fontanellas absumenda & euacuanda.

Quintò, caput appropriatis medicamentis roborandum.

Sextò, Diæta reliquæ curationi conueniens instituenda.

In genere autem hæc notanda. 1. In præparantibus, purgantibus, sudoriferis, roborantibus semper ea esse eligenda vel admiscenda, quæ cerebro & nervoso generi sunt familiaria & appropriata, & quæ vi specifica epilepsie resistunt. 2. Sæpius & per interualla medicamenta esse repetenda. 3. Ad nauseam euitandam & ventriculi debilitatem præcauendam vtilissimum esse, medicamenta cibo ac potui admiscere, ac potum ac cibum medicatum præbere.

Cura in Paroxysmo.

1. Æger in loco lucido potius quam tenebricoso contineatur, & capite sublimi collocetur. *Curatio in paroxysmo.*

2. Dentes diducantur patulumque os seruetur, interiecto ligno aliquo, commodissime visci querni, si ad manus sit, vel cochleari, vel alio instrumento (quæ succo vel extracto rutæ inungi possunt) ut æger facilius spiret, spuma affluat, & imprimis ne linguam morfu lædat vel amputet. Obseruauit enim Galenus *de differ. morb. cap. 8.* & Forrestus *lib. 10. obseru. 66.* quosdam in paroxysmo particulam linguæ sibi morfu amputasse.

3. Clamore forti in aures facto facultas excitetur.

4. Membra conuulsa, cum pollices & digiti manuum, qui vehementissime conuelluntur, tum aliæ partes, in rectum extendantur leniter; commodumque fuerit, si oleo vel pinguedine aliqua dolorem leniendi & resoluendi vim habente prius inungantur, ut pinguedine humana, anserina, oleo chamæmelino, lilior. albor. amygdal. dulc. vulpino, rutaceo, è castoreo, laurino, lumbricor. terrest. hyperici, iuniperi petroleo.

Vt: ℥. Pingued. anserin. ol. amygdal. dulc. vulpin. lumbr. an. 3. ℞. petrolei 3. j. ol. terebinthin. 3. ℞. Misce.

Vel: Ol. lilior. albor. chamamel. an. 3. ℞. pinguedin. human. 3. ij. ol. iuniperi 3. j. Misce.

5. Membra directa ita detineantur, caueaturque, ne ex violenta illa corporis concussione æger aliquid damni percipiat. Omnem tamen motum cohibere non expedit, ne materia in capite retineatur, & paroxysmus protrahatur.

6. Enumeratis modò oleis & pinguedinibus tota quoque spina dorsa à ceruice ad os sacrum illinatur, vel aqua aliqua antepileptica.

7. Reuulsio instituitur per frictiones & ligaturas, quæ validæ sint ac dolorificæ, ac ligaturæ sæpe laxentur, iterumque constringantur. Conuenit in hunc usum, & plantas pedum sale ac aceto fricare.

8. Si Paroxysmus sit diuturnior, alius stimuletur glande vel clystere acriore, vt non solum excrementa in intestinis ac locis vicinis euacuentur, sed & ea, quæ ad caput eleuarentur, & ad aluum deducantur.

Exempli gratia.

℥. Rad. pæon. ireos an. 3. ℞. fol. rutæ, betonic. maioran. summit. centaur. minor. an. M. j. flor. tilia, lauendul. an. M. ij. sem. fœnic. anisi, pæon. an. 3. j. agarici in petia ligati, 3. ij. Coqu. in suff. quant. aquæ fontan.

Colaturæ ℥. ℥. j. In qua dissolue Elect. diaphænic. benedict. laxat. an. 3. ℞. hiera simpl. 3. ij. olei rutæ. 3. ij. mell. anthosat. 3. j. salis 3. j. M. F. Clyster, cuius vis augeri potest, si pilul. aurear. vel trochisc. alhandal. grana aliquot addantur.

Chymici croci metall. vel vitri ʒ. ij. ʒ. iij. vel iv. in aqua conueniente ebullire sinunt, & colaturam clysteri admiscent. Vel etiam reliquis purgantibus omisissis Croci metall. 3. ℞. in liquore conueniente coquant, & colaturam cum decocto clysteris miscent.

In Paroxysmo epileptico ex vtero & ventriculo nonnulli etiam vomitum commendant, penna oleo, cui ʒ. iv. fl. ʒ. nij. admista sint, intincta excitatum. Nam per vomitum solet tum solui accessio.

9. Naribus ea adhibeantur, quæ non solum vim attenuandi & discutiendi habent, sed & specifica vi Epilepsiæ resistendi prædita sunt. Inter quæ primas faciliè obtinet Ruta quocunque modo adhibita. Ea ergo vel viridis cum aceto naribus admouetur, vel lacinia succo rutæ cum castoreo misto imbuta naribus admouetur. Vel Oleum & Balsamum Rutæ naribus illinantur. Vtile est & Oleum vel Balsamum succini; quibus addere licet oleum destillatum maioran. pulegij, nucis moschat. caryophyll. cinnamomi. Efficaces etiam sunt aquæ antepilepticæ, si iis nares irrigentur. Rutam syluestrem tanquam arcanum cuiusdam rustici experientia probatum, quo & ipse feliciter sæpe usus est, commendat Trallianus.

Exempli gratia.

℞. Succi rutæ ḡ. ij. aq. antepilet. ℥. β. castor. ℥. ij. pulu. rad. pæon. ℥. j. M. & naribus immittantur.

Vel: ℞. Ol. destillati rutæ ℥. j. succini ℥. β. maior. gutt. iv. caryophyl. gutt. ij. ol. nuc. mosch. expressi q. s. F. Linimentum vel Balsamum.

Vel: ℞. Ol. nuc. mosch. express. extract. rutæ, castor. an. ℥. j. ol. destill. rutæ, succini an. ℥. β. Theriac. antiq. ℥. β. F. Linimentum.

Vel: ℞. Extract. rutæ ℥. ij. castor. ℥. j. ol. destillat. rutæ, succini an. ℥. β. granor. iuniperi, maior. an. gutt. iij. camphor. ḡ. v. Theriac. antiq. ℥. β. F. Linimentum ad nares.

10. Lingua & palatum illinantur Theriaca, Mithridat. Confect. Anacardin. aut diacastor. in succo vel aqua rutæ, lauendulæ, aut alia conueniente, vel aceto rutaceo dissolutos, aut castoreo in aceto macerato; aut Sal ori indatur, & dentibus affricetur, & quidem non tantum sal esculentus, sed & ex ruta aut aliis plantis Antepilepticis paratus.

Vel: ℞. Castorei opt. ℥. ij. benzoin ℥. j. Trita misceantur cum oxymel. scillitic. ℥. j. β. & diductis dentibus cochleari in os infundantur.

11. Auribus, vertici & futuræ coronali ea, quæ naribus admouentur, inungere licet; vel sacculus capitalis è speciebus diamosch. dulc. aromat. rosat. ruta, fl. lauendulæ, succino

succino paratus vertici imponatur, vel ceratum ex iis compositum. Imprimis futuræ coronali oleum cranij humani commodè inungitur. Iisdem & tempora inungi possunt.

Commendantur & suffumigia ex granis Iuniperi, semine Rutæ, assa foetida, galbano, & imprimis ex succino albo. Licet enim succini fumus extra paroxysmum lædat: tamen in accessione, seu in paroxysmo Epilepticos non parum iuuat, quod multiplici experientia confirmatum.

12. Si hisce æger non excitetur, aut hisce admotis sternutatio non cieatur, fortiora sternutatoria adhibenda, præsertim adultis, de quibus iam loquimur. De Infantibus enim postea in specie dicemus.

Exempli gratia.

℥. Radic. pyrethr. ireos an. ʒ. j. Castor. ellebor. albi an. ʒ. ij. sem. rutæ, nigellæ, fol. maioran. sicca an. ʒ. j. cubebæ. piper. alb. an. ʒ. ʒ. F. Puluis.

Vel: ℥. Piper. alb. fol. maioran. siccor. an. ʒ. ij. castorei ʒ. ʒ. euphorb. ʒ. ij. F. Puluis.

Vel: ℥. Rad. ireos, maior. sicca, sem. nigel. an. ʒ. ʒ. piper. albi ʒ. j. pyrethri, caryoph. an. ʒ. ʒ. F. Puluis.

Horum puluerum granum vnum atque alterum in nares ægri immittatur, vel puluerisata & nodulis inclusa aceto madefiant, & naribus ægri admoüeantur.

13. Aëtius, Tetrab. 2. Serm. 2. cap. 15. refert, collapsos statim excitari, si sanguis ex magno ægri pedis digito vulnerato labiis illinatur.

Ferunt, D. Brunnerum, Archiatrum Halensem, turturem foeminam deplumasse, & vmbilico Epilepticæ in paroxysmo imposuisse, atque sic paroxysmum abegisse. Extrahi enim fumum quendam venenatum scribunt, quo extracto ipsa conuellatur, & moriatur.

14. Neque amuleta negligenda, sed ægri collo appendenda: Radix pæon. vngula alcis, Corall. Iaspis, Smaragdus, Lapis Chelidonium.

15. Et cum in Epilepticis Paroxysmis sæpe cor non parum afficiatur, non abs re fuerit, cordis regioni Epithema aut sacculum cordialem applicare.

16. Monenda præterea & hæc, dum turpitudinem faciei,

faciei, oris distortionem & spumam occultare volumus, capite & facie tecta, videndum, vt id ita fiat, ne respiratio impediatur. Et dum ori aliquid indimus, ne dentibus lingua lædatur, & vt spuma emanare possit, & palato medicamentum adhiberi. Si conuulsio mandibularum sit fortior; lignum vel alias res duras dentibus interponere non semper licet; cum interdum dentes hoc modo elidantur; sed commodius est sacculum ex corio vel crassiore linteo paratum, & ruta, sinapi, pyrethro, castoreo & similibus refertum dentibus interponere, quo modo & os apertum seruabitur & morbo succurretur.

Non solum autem hæc circa ægrum agenda & extra *Exhibenda in Paroxysmo.* adhibenda sunt, sed & statim & dum hæc fiunt, medicamenta quædam, quæ peculiari vi epilepsiæ aduersantur, eiusque causam dissipant ac discutiunt, exhibenda.

Theriaca videlicet vel *Mithridat.* in aqua conuenienti dissoluta.

Vel *Castorei* ℞. j. in *oxymel. scillit.* ℥. j. dissolut. *Aqu. cerasor. nigror. dulcium,* aqu. *hirundin. tilia, dentaria & epileptica alia.* *Oleum succini* gutt. iij. vel iv. in aqua conueniente. *Mixtur. simplic.* ℞. j. 3. ℞. vel ℞. ij. in aqu. idonea. *Liquoris cranij humani* gutt. viij. in aqu. conuenienti.

Cinnabarim natiuam à *Cratone* commendatam ac magnetem epilepsiæ appellatam fuisse, & hunc puluerem ad epilepsiam, vt & vertiginem, usurpatum fuisse, referunt.

℥. *Cinnabaris natiue* ℥. 3. ℞. *Corallor. rubr. preparat. Margarit. preparat. an.* ℞. ij. *Croci* ℞. j. *fol. auri duodecim.* F. Puluis, cuius ḡ. xij. vel xvj. dentur cum aqua conueniente.

Vel pulueris alicuius Antepileptici 3. ℞. vel 3. j. in liquore conueniente exhibeatur.

Vel: ℥. *Aque flor. tilia* ℥. j. ℞. *cerasor. nigror. vel spiritus eorum. Aq. Hirundin. vel Picarum an.* ℥. j. *Tinctur. seu extract. liquid. castor.* 3. ℞. Misce Vel exhibeatur hæc aq.

℥. *Cranium humanum non sepultum*, destilletur per retortam in arena s. a. igne valido, ac destillatio ter repetatur.

Postea ℥. Pœoniam marem cum toto, cumburatur, & cum aqua fiat Lixiuum.

Tandem ℥. Lixiij buius, Aq. cranij humani an. ʒ. iij. castorei ʒ. j. ʒ. spec. diamoschi ʒ. ʒ. Destillentur per B. M. Destillato adde margarit. præparat. ʒ. xx. ol. ☉ j. gutt. v. anisi gutt. x. M. exhibeatur in paroxysmo cochlear j.

Cura post Paroxysmum.

Curatio
extra pa-
roxysmū.

Postquam Paroxysmus cessauit, danda opera, ne reuertatur. Et quamuis Epilepsia morbus non sit eiusdem generis, sed alia per primarium cerebri affectum, alia per consensum; tamen cum multa sint, quæ in omnibus Epilepsia speciebus locum habent, illa primo proponemus.

Vena Sectio.

Et primò quidem si plenitudinis notæ appareant, aut sanguis multus melancholicus adsit, virésque permittant, mox ab initio vena aperiatur; primis tamen viis, ut moris est, clystere vel medicamento propinato expurgatis. In malo verò inueterato venæ sectio tutò omittitur. Quantitas autem conueniens emittatur, & potius parcior, quam copiosior.

Preparantia.

Prepara-
tio.

Postea ad vitiosorum humorum purgationem accedendum, qui prius tamen præparandi sunt. Etsi verò plerique in præparatione & euacuatione humorum ad pituitam, quod ab ea Epilepsiam fieri credunt, respiciunt: tamen tutissimum erit, considerare, quis humor vel plures etiam misti abundant, & ad eos curationem dirigere: cum humores tales vitiosi causas eiusmodi malignas foueant, & earum naturam facilius induant.

Humor Pituitosus ergo ita præparetur Potio.

℥. Rad. pœonie decresciente Luna collect. ʒ. vj. ireos Illyric. ʒ. ʒ. acori veri, Angelicæ an. ʒ. ij. ʒ. sem. pœon. carduibened. an. ʒ. ij. rutæ, fenicul. an. ʒ. j. ʒ. fol. rutæ, beiconic, hyssopi saluæ, maioran. an. M. j. flor. pœon. stœchad. Arabic. anthos. an. p. j. visci querni ʒ. ʒ. Coqu. in diplomate vase clauso in s. q. aqu. vel hydremelit. ʒ. xv.

Colatura

Colatura expressa, vbi subsederit, effundatur, atque addatur Syrup. de hyssopo ʒ.ij. stæchad. simpl. ʒ. j. β. de pæon. oxymel. scillit. an. ʒ. j. F. Potus, qui in partes quinque diuidatur, & diebus quinque manè propinetur.

Vel: ʒ. Radic. pæonia ʒ. j. fœnicul. eryngij an. ʒ. β. angelicæ, fraxinellæ, an. ʒ. ij. visci quern. ʒ. j. betonica, ruta, maiorana, hyssopi an. M. j. flor. anthos, stæchados Arabica, saluiæ an. p. j. garyophyll. ʒ. j. Infundantur in s. q. aquæ pæonia & fl. tilia vase clauso per triduum, in B. Col. clara effundatur & s. q. sacchari dulcoretur. Dosis ʒ. iv.

Vinum.

ʒ. Visci querni ʒ. j. saluiæ, hyssop. an. M. j. flor. lilior. conuall. stæchad. Arab. tilia an P. ij. sem. pæon. fœnicul. an. ʒ. ij. cinamomi ʒ. vj. calami aromat. nuc. moschat. an. ʒ. iij.

Infundantur in vase vitreo, in sufficiente quantitate vini boni, & macerentur per dies iv. postea traiciantur per manicam Hippocrat. ac Saccharo, si libet, dulcoretur, F. Claretum.

Hydromel.

ʒ. Mellis opt. lb. vj. aqu. puræ lb. xxxvj. Coqu. in vase conueniente, & despumentur, spuma detracta addantur & in sacculo coquantur saluiæ, betonic. hyssopi, rorisembr. an. M. iij. flor. stæchad. Arab. M. β. visci querni ʒ. vj. Coqu. ad tertiæ partis consumptionem.

Postea liquor recondatur in vasculo ligneo, vt deferat. Post dies aliquot suspendantur in eo in nodulo, cinamomi, calami aromat. nuc. moschat. an. ʒ. β. caryophyll. β. ij. Afferuetur hebdomadis aliquot, vt hydromel clarum fiat, de quo ʒ. iij. propinentur.

Syrupus vel Iulepus.

ʒ. Syrup. de hyssop. ʒ. j. β. stæcyad. simpl. pæonia, oxymel. scillit. an. ʒ. j. aqu. Hyssopi, lilior. conuall. pæon. an. ʒ. ij. cinamomi ʒ. j. Misc. pro duabus dosibus. Loco oxymel. addere licet Spiritus vitrioli. ʒ. β. Ad humorem pituitosum vtile etiam est decoctum hyssopi, de quo infra in curatione infantium.

Humor Melancholicus si abundet, ita præparetur Potio.

ʒ. Rad. pæon. helen. polypod. querni an. ʒ. iij. betonic.

meliss. rorismar. an. M. j. flor. pæon. stæchad. Arabic. tilia an. P. j. vuar. passar. 3. j. glycyrrhiz. 3. ʒ. Coq. s. a.

Colat. ʒ. ix. Syrup. bugloss. 3. j. ʒ. ʒ. tunic. beton. an. 3. j. M. F. Potio pro tribus dosibus.

Iulepus.

ʒ. Aqu. pæon. cerasor. nigror. dulc. borrag. an. 3. iij. syrup. pæon. stæchad. simpl. tunic. an. 3. j. ʒ. ʒ. aqu. cinamomi 3. iij. M. pro tribus dosibus.

Humor Biliosus si abundet.

ʒ. Rad. pæon. taraxac. graminis, asparagi, visci querni an. 3. ʒ. ʒ. endiu. capill. ♀. an. M. ʒ. sem. pæon. endiu. an. 3. j. Coqu. in s. q. aquæ puræ.

Colat. ʒ. ʒ. x. syrup. endiu. simpl. violar. betonic. acetos. simpl. an. 3. j. ʒ. ʒ. Misc. pro 4. dosibus.

Purgantia.

*Purga-
tio.*

Præparati humores euacuandi sunt. Et quidem incipiendum à lenioribus, & ad fortiora progrediendum, continuandusque eorum vsus diutius. Censetque non sine causa Thom. Erastus, in disputat. contra Paracelsum in epilepticis plurimis frustra omnia fieri, si purgationes non continuentur: Ideoque non solum bis, ter aut quater, sed etiam plures menses continuanda esse, principio tamen crebrius purgat, & alternis vel ternis vel quaternis diebus leniora purgantia exhibet. Postea verò cum actiones animales rectè sese habere incipiunt, ac symptomata remittunt, rarius purgat, singulis scilicet septimanis semel vel ter in mense; idque per totum annum: Post hoc tempus semel in mense, aut etiam per longiora intervalla. Monet & hoc Massarias, non semper in lenioribus subsistendum esse, sed quandoque etiam ad fortiora purgantia progrediendum esse; & hinc fieri, quod Epilepsia rarò curatur, quod Medici semper in lenioribus hæreant.

Inter purgantia commodiora sunt Agaricus, pituita præcipuè abundante, sicut & helleborus in melancholia; in biliosis rhabarbarum addi potest.

Pituitoso ergo humore abundante in decocti ad pituitosum humoris præparationem parati sufficiente quantitate Coqu. vel infun

infundantur agarici trochiscati 3. vj. fol. senæ elect. 3. j. zingiber. galangæ an. 3. j.

Colat. ℥. 3. vj. mell. anthosat. 3. ij. M. pro duabus dosibus.

Vel : ℥. Pilular. coch. 3. ij. Arabicar. 3. j. trochisc. albandal. gr. iij. Ol. salu. gutt. j. F. Pilulæ N. xxv.

Verum quia plerumque humores plures simul peccant, purgantia quoque ad plures humores dirigenda ; atque iis, cum continuatione opus, commodè præparatia adduntur.

Syrupus.

℥. Rad. pæon. iusto tempore collect. 3. j. acori veri, visci querni an. 3. ʒ. fol. hyssopi, beton. saluæ, rutæ, primulæ veris, carduibened. an. M. j. sem. pæon. fœnicul. an. 3. ij. flor. tilia, conuall. primulæ veris an. M. ij. polypod. querni 3. ʒ. fol. senæ elect. 3. ij. sem. cartham. excorticat. 3. j. agar. trochisc. 3. vj. helleb. nigri Styriac. præparat. 3. ʒ. zingiber. galang. an. 3. ij. cort. citri, nuc. moschat. an. 3. j.

Infundantur in suff. quant. aqu. simpl. Postea ebulliant, colentur, & clarificentur, additaque sacchari suff. quant. Coqu. lento igne ad syrupi consistent. Cui sub finem addantur oxymelit. scillit. 3. iij. De quo dentur 3. ij. vel plures, pro corporis ratione.

Oxymel Helleboratû Iuliani ad Epilepsiâ vtile descripsit Gesnerus, quod in Augustano Dispensatorio quoque extat.

Habetur etiam Syrupus helleboratus ad Epilepsiam utilis apud Quercetanum in Tetrad. in fine cap. 17.

Vinum.

℥. Mecboacann. 3. ʒ. fol. senæ elect. 3. j. turbit. elect. 3. vj. zingiberis, galang. cinamom. nucis mosch. an. 3. j. caryophyll. granor. Paradisi an. 3. ʒ. flor. stœchad. Arabic. lilil. conuall. an. p. j.

Conquassata macerentur in vini Rhenani lb. j. ʒ. in vitro clauso loco calido. Colatura filtretur per chartâ, & si libet, dulcoretur. Dosis 3. iij. Vel tale, quod Erasius in usu habuit:

℥. Rad. pæon. sem. pæon. excortic. an. 3. j. ʒ. cinamomi, macis, galang. zingiber. caryoph. an. 3. j. fol. senæ elect. 3. j. turbit. vel agar. 3. vj. vini 3. xij. aquæ simpl. vel alius conuenientis 3. viij.

Macerentur horis 24. & postea additis sacchari 3. iij. per manicam Hippocratis traiciantur. F. Claretum purgans,

quod ad tres vel quatuor haustus suffecerit.

Electuarium.

Electuarium laxatiuum Norinbergensibus vsitatum esse fertur, *die Purgierende Kriebeikatrrege* dictum.

℞. *elect. diaphœnic.* ℥. iiij. de *succo rosar.* ℥. ij. ℞. *antidoti conuulsu.* ℥. ij. *turpeth. alb. esulæ preparatæ an.* ʒ. j. *castorei, diagryd. an.* ʒ. ij. *costi, zingib. caryophyll. an.* ʒ. j. *sem. cumini, rutæ, croci an.* ʒ. ℞. Cum syr. rosar. sol. F. Electuarium, cuius dosis ab ʒ. ℞. ad ʒ. j. Antidoti cōuulsuæ descriptio hæc est:

℞. *Rad. pœon. visci querni an.* ʒ. j. *castorei, saluie an.* ʒ. ℞. *baccar. lauri, cranij hum. vsti an.* ʒ. j. *theriac. el. mithrid. opt. an.* ʒ. vj. *mellus despum. lb.* ij. Misc. pro Electuario.

Extracta.

Extractum Hellebor. nigri descripsit Quercetanus in *Tetrad. cap. 14.* Potest & tale fieri.

℞. *Cortic. ellebor. nigri Styriac. autumn. collecti lb.* j. Macerentur in vase vitreo clauso in B. in f. q. Aqu. Rutæ & Anisi per octiduum. Postea succus exprimatur & aqua per alembicum separetur, donec succus mellis consistentiam acquirat. Succo huic affundatur Spir. vini optimus & omnis Tinctura extrahatur. Spiritus vini separetur, vt remaneat extractum. Cui adde *diagryd.* ʒ. j. *vel extract. scammon.* ʒ. ℞. *solutionis Perlarum* ʒ. ℞. *corall.* ʒ. j. *salis volatilis succini* ʒ. ℞. *Ol. succini, rutæ an. gutt. vij. croci opt.* ʒ. ℞. *Ol. cinamomi, caryoph. an. gutt. v.* M. Dos is à ʒ. ℞. ad ʒ. j.

Morsuli.

℞. *Turbit. elect. & gumm.* ʒ. iiij. *diagryd.* ʒ. j. ℞. *vel extract. scammon.* ʒ. ij. *cinamomi, zingiber. nucis moschat. galange an.* ʒ. ℞. *corall. rubr. prepar.* ʒ. ℞. *conseru. pœon.* ʒ. ℞. *Ol. saluie gutt. vj. sacchar. in aqu. lilior. conuall. & tilie dissol. q. s.* F. Morsuli. Dos is. ʒ. ℞.

Pilulæ.

℞. *Extr. pilul. cochiar.* ʒ. ℞. *vel* ʒ. ij. *ellebori nigri* ḡ. v. *ol. rutæ gutt. j.* F. Pilulæ xv.

Alexander Trallianus, *lib. 1. cap. 15.* commendat Antidotum, quod Theodoretum dicitur & describitur à Paulo Aegineta *lib. 7. cap. 11.* Trallianus autem, vt quoq; reliquum corpus purgare possit hoc antidoto, addit Colocynthidem

& Scam

& Scammon. pro ægri viribus, ac multos se nouisse scribit, quos sola eiusmodi purgatio sanauerit. Idem refert, se quidem etiam Hiera Pigra purgasse, ac lap. Armeno eius tribus Scrupulis datis, & profecisse: verum in comitialibus inueteratis nullum adeo efficax medicamentum inuenisse, vt hoc medicamentum purgans, multosque se nouisse desperatos ab aliis Medicis, vel hoc solo persanatos fuisse.

Inter Chymica & Metallica commendatur ☿ & quæ ex eo fiunt, vitrum, flores, crocus, & hinc facta Aqua Benedicta Rulandi. Spir. ☉ viridis, qui ex ☉ cum vrina puerorum destillando elicitur, ☿ vitæ. Quia tamen pleaque ex iis sunt vomitoria, in epilepsia potius per consensum conueniunt; in epilepsia verò per primum Cerebri affectum parum prosunt. Eadem etiam cautè, & non nisi rectè præparata vsurpanda. Et de medicamentis eiusmodi prolixè tractat Quercetanus in *Tetrade*. Quæ an omnia titulos illos & encomia, quæ præscripsit, obtinere possint, experientia docebit; quæ tamen sæpius periculosa: Imprimis cum non satis certum, an quædam ex illis ipse Quercetanus & quo cum fructu vsurpauerit.

Quod autem supra monuimus, post purgantia sæpe ad præparantia redeuncum, & ea vsurpanda, quæ radices mali absumere possunt, hic repetendum. In quem vsus Galenus, in *Consilio de puero Epileptico*, medicamentum de scilla commendat, quo per dies xi. vt iubet. Laudatur & Oxymel scilliticum, quod cum aceto paratur. Si tamen neruosum genus sit imbecillum, simplex potius succus scillæ cum melle aut saccharo miscendus, eiusque vsus similiter x l. diebus continuandus à 3. ij. ad 3. ij. ante prandium & in robustis etiam ante coenam, purgante singulis septimanis interposito. Potestque hoc medicamentum vel solùm dari, vel etiam Antepilepticis misceri.

Trallianus inter simplicia: quæ si quid corporis meatibus infideat, extenuare & absumere possunt, valentissimas pyrethri radices contusas & melle exceptas esse scribit, si detur cochleare vnum per intervalla donec vndecies

exhibueris. Experientia, inquit, probatum est auxilium, ne ipsius vilitatem contempnas.

Verum de scilla, pyrethro, & similibus medicamentis calidis atque attenuandi & incidendi vim habentibus notandum, ea ab antiquis usurpata fuisse eo præcipue fine, ut pituitam crassam, à qua cerebrum obstruente Epilepsiam fieri credebant, attenuarent & inciderent. Verum cum Epilepsia potius à materia nervosum genus irritante & vellicante fiat, talia non nisi in frigida & humida corporis constitutione locum habent, aut si in ventre inferiore epilepsia causa pertinacius hæreat, in reliquis cautius usurpanda. Imò magis efficacia sunt, si medicamenta, quæ peculiari vi Epilepsiam curant, adiungantur, cuius generis medicamenta inter Antepileptica postea proponemus.

Post repetita præparantia & alterantia subinde ad purgantia recurrendum, & diutius ea, ut antea dictum, continuanda. Ideoque etiam ea eligenda, quæ corpori minus nocent, & minus maligna sunt. Ac licet in principio, cum usurpari incipiunt medicamenta, appetitus deiici soleat: tamen hoc accidens statim cessat, ut scribit Erasius, paulatim assuefacta natura ad medicamentorum usum, & corpore puriore iam reddito ac per intervalla medicamentis idoneis roborato.

Sudorifera.

*Sudoris
prouoca-
tio.*

Ut radices huius mali, quæ sæpe altius infixæ sunt, quam ut purgantibus tolli possint, plane euellantur, post universales euacuationes sudorifera utilia sunt. Nimirum decoctum ligni Guaiaci, cuius usu cum victu siccante & extenuante se multos Epilepticos curasse testatur Leonhardus Iacchinus in 9. *Rhasis. cap. de Epilepsia*. Continuandus autem eius usus non solum per dies aliquot, sed & septimanas, si vires ferant.

Efficacior autem redditur, si Medicamenta Antepileptica addantur.

Exempli gratia.

℞. *Ligni Guaiaci* lb. j. *visci querni* ℥. ij. *radic. pæon.* ℥. j. Infundantur horis xxiv. in aqu. lb. xii.

Postea

Postea coquantur ad tertiæ partis consumptionem.

Colat. dentur ʒ.vj. ad sudorem eiendum. Remanentiæ iterum coquantur, & decoctum illud loco potus in mensa vsurpetur, vel vinum eo diluatur.

Eodem modo decoctum Sarsaparillæ, radic. Chinæ, Ligni Sassafras parari potest. Commendatur & decoctum visci querni; radicum item pentaphyll.

Quercetan. in Pharmacop. dogmatif. rest. capit. 8. tale parat.

ʒ. Rasur. ligni Buxi ʒ. ij. ʒ. ligni iuniperi, med. pæon. visci querni an. ʒ. j. ʒ. ligni rhod. C. C. a. ʒ. vj. eboris, radic. Chinæ an. ʒ. ʒ. sem. carduibenedict. cortic. citri an. ʒ. j.

Macerentur horis 24. in aqu. tepidæ lb. viij. deinde coquantur ad tertiæ partis consumptionem. Sub finem addantur flor. tilia, lilij conuall. an. p. ij.

Colentur per manicam Hippocratis. Dosis ʒ. v. vel vj.

Datur & lapis Bezoar eundem in vsum.

Chymici ad sudorem eiendum Spir. Carduiben. vel Sambuci propinant ʒ. i. Spirit. Guaiaci ʒ. ii. cum conueniente liquore; Spirit. ʒ. comp. ʒ. ʒ. vel ʒ. ij. in liquore conueniente, Sal volatile C. C. Bezoartic. miner. ʒ. iv. v. vel vi. ʒ. iij fixi ʒ. ʒ. cum pauxillo Theriac.

Antepileptica Medicamenta.

Corpore euacuato, ea medicamenta, quæ occulta & specifica vi Epilepsiæ resistunt, vsurpanda, siquidem in his maxima curationis spes sita est, eaque singulis diebus, quibus non vsurpantur alia medicamenta, exhibenda. Eadem tamen vtiliter quoque præparantibus, putgantibus & sudoriferis admiscuntur.

Simplicia.

Pæoniæ radix semen & flos. Colligendam autem radicem censent alii Mense Iulio, Sole existente in Leone, in meridie, die Solari decrescente Lunâ, aut potius nouâ, vt Hercul. Saxon. Alii mense Aprili, Sole in ♊ te existente, & ♊a in opposito, quod commodius videtur, Alii ♊e in ♊ existente & ♊a in ♊io.

Viscum quernum, corylinum & tilia, quod nonnulli aliis præferunt ʒ. ii. vel Drach. i. pondere datum. Ruta cum

hortensis tum sylvestris. De Ruta sylvestri eiusque in Epilepsia efficacia videatur Alexander Trallianus *lib. i. cap. 16.* *Polium Montanum, Castoreum* à D.j. ad D.ij. in liquore conueniente datum. *Vngula Alcis, Cranium hominis* violenta morte non morbo interempti, atque imprimis ossiculum illud triangulare, quod ad futuram *λαμβδεδειν* in quibusdam corporibus reperitur.

Commendantur etiam radices pyrethri, eryngij. Multos sanatos fuisse bibendo pulueris bryoniæ 3.j. cum vino manè, vnius anni spatio, scribit Fontan. *lib. i. Pract.* Mizaldus verbenam collectam Sole per arietem currente & mixtam cum aliquot granis pœoniæ tritam & cum vino exhibitam epileptico, miracula facere scribit. *Valeriana Sylvestris* Radix antequam caulem edât, effossa valde commendatur à Fabio Columna, in *Histor. Plantarum*, qui refert pulueris radiceis huius cochlearis dimidij quantitate semel vel bis cum vino vel alio conueniente liquore sumpti vsu pro ægri & ætatis ratione plurimos sanatos fuisse. *Succinum, Corallium, Smaragdus, Lilium Conualbium, Flores Tiliæ, Radix Dentariæ, Vesica Apricum* vrina in furno exsiccata, C. C. *Coagulum Leporis* erui magnitudine ex aceto potum. *Lignum Coryli*, quod Heracleum Rulandi esse censetur, *Stercus pavonis.* Hieronym. Donzelinus in *Consil. à Scholtzio collectis consil. 38.* scribit, cum primum pullus equinus in lucem prodit, vomitu quandam materiam reijcit, quam, nisi quis præripiat, mater statim deuorat. Hæc siccata & puluerisata à morbo comitiali liberat certo experimento, ut mirares videatur.

Præter ista selectiora recensentur passim & alia. *Πολύβογος* (plerique interpretantur Plantaginem illam septineruiam) oportet ieiunum quam plurimum viridem comesse à primâ Luna ad tricesimam, tradit Scribonius Largus *cap. 2.* qui & alia remedia eodem loco habet.

Ab alijs laudatur epar Asini assatum, Epar Capri, turdi, Vrſi: Imprimis verò Epar ranarum, vtpote quo etiam pertinax & diuturna Epilepsia sublata sit. Colligantur mense Maio, Iulio, Iunio ranæ palustres virides numer. XL. viuus dissectis epar eximatur, siccantur epata

epata extensa super foliis brassicæ in olla vitreata lento calore. Hinc puluerifentur, & puluis in partes quinque æquales diuidatur, cuius pars prima ieiuno cum vino sub ipso nouilunio, ¶ in ☾ existente, exhibeatur, & puluere sumpto duabus horis à cibo æger abstineat: Secunda pars cubitum ituro exhibeatur, & ita reliquæ. Sanguis mustelæ, caro mustelæ, cor lupi, Testiculi apri, Cor Leporis, hirundinis, ciconiæ, vulturis, Lac equinum, fimus ciconiæ, vermiculi inuenti in tuberositatibus Cynosbati; & alia multa, quæ cum alijs recensent, tum ex alijs collegit Nicolaus Florentinus *Serm. 5. tr. 2. cap. 15.*

Chymici Spir. Oli commendant & Ol.)æ, & ex modo enumeratis præparant, oleum & sal volatile ac Magisterium succini, de quibus videatur Cl. D. Michaël Doringius in *Diatrube de Opobalsam. Sect. 3.* Oleum Ligni Buxi, Quercetanus in *Tetrad. cap. 16.* Ol. ligni Heraclei seu Corylini, de quo Rulandus in *observationibus.* Oleum, spiritum & sal volatile & solution. Cranijs Humani: Tincturam & Magisterium Coralliorum, Vugulæ alcis solutionem seu Magisterium; Aqu. Cerasorum nigrorum dulcium, florum tiliæ, pœoniæ, Lilij conuall. Radic. Dentariæ.

Et si verò ista medicamenta ob peculiarem illam vim, qua Epilepsia aduersantur, in omnibus causis locum habent; quia tamen alia temperata, alia calida, alia frigida sunt, non inutile fuerit, pro diuersa corporis constitutione in his aliquem delectum habere.

Composita.

Ex his simplicibus multa composita fiunt medicamenta.

Pulueres.

Habentur ferè in omnibus pharmacopoliis pulueres contra Epilepsiam: inter quos est & puluis Marchionis dictus, in dispensatorio Augustano.

℞. Visci querni, granor. pœon. fl. pœon. radic. pœon. omnium iusto tempore collector. an. 3. ij. solut. corall. 3. ij. perlæ. 3. j. cranijs humani 3. j. ʒ. vngulæ alcis 3. j. succini albi 3. ʒ. F. Puluis. Dosis à ʒ. j. ad 3. j. Pro ditioribus addi potest lapid. bezoar. ambre an. ʒ. j. moschi ʒ. ʒ. Puluis Epilepticus D. Sigismundi Kolreuteri.

℥. fol. beton. hyssop. quinquifol. herb. paralyf. an. ʒ. ʒ. Rad. bryon. pæon. eryng. gentian. an. ʒ. ʒ. lign. visc. quern. corylini, coriand. preparati, sem. pæon. excort. an. ʒ. viij. C. C. vsti preparati ʒ. vj. ungulæ alcis ʒ. ij. unicornu ʒ. ij. fl. pæon. lil. conuall. viol. purp. tilie an. ʒ. iiij. (al. ʒ. j. ʒ.) fol. auri puri num. vj. coral. alb. rubr. Margarit. preparat. an. ʒ. ij. chamædr. ʒ. ij. Vnguium anterior. pedum mediorum leporis ʒ. j. Coaguli leporis vel bædi ʒ. iiij. Off. de C. C. num. iiii. rasuræ partis anterior. cranij ʒ. iiii. ungula asini ʒ. iiii. Ex his omnibus F. puluis.

Alius. ℥. Vngul. alcis, cranij humani, rad. pæon. sem. pæon. an. ʒ. j. corall. rubr. prepar. ʒ. ij. diamosch. dulc. ʒ. ʒ. F. puluis.

Alius. ℥. Rad. pæon. iridis Florentin. visci querni, ungulæ alcis, granor. pæon. an. ʒ. j. corall. rubr. prepar. succini albi an. ʒ. j. Margar. prepar. ligni aloes an. ʒ. ʒ. flor. lauendul. Smaragd. prepar. an. ʒ. vj. F. Puluis.

Alius. ℥. Cranij humani ʒ. ij. succini prepar. Magist. perlar. corall. an. ʒ. j. vngul. alcis, visci qu. rad. pæon. an. ʒ. ij. flor. tilie, lauendul. an. ʒ. ʒ. lap. Bezoar. unicornu veri an. ʒ. ʒ. F. Puluis. Dosis ad ʒ. ʒ.

Alius. ℥. Sem. pæon. visci querni, cranij hominis e parte anteriore stercor. Pauonis an. ʒ. j. ʒ. spec. diaxyloaloes, diamosch. dulc. an. ʒ. ʒ. F. Puluis. Possunt addi Sacchar. ʒ. iiij.

Alius. ℥. Rad. & gran. pæon. cubebæ. visci q. cinamomi an. ʒ. j. succini albi preparat. castorei an. ʒ. iiij. cranij hum. C. C. vsti preparati an. ʒ. j. lap. Smaragdi ʒ. ʒ. spec. diamosch. d. diaplir. an. ʒ. j. fol. auri num. ij. F. puluis.

Alius. ℥. Visci q. ungulæ alc. C. C. vsti. corall. rubr. ocul. cancri, margarit. prepar. an. ʒ. ʒ. rad. pæon. ʒ. ʒ. rasur. cranij hum. ʒ. j. fol. auri nu. vj. croci orient. ʒ. j. sacchar. candi albi ʒ. ʒ. F. puluis.

Alius. ℥. Rad. pæon. ʒ. j. visc. q. vngul. alcis an. ʒ. ʒ. fimi ciconiar. ʒ. j. ʒ. cal. arom. galangæ an. ʒ. ʒ. F. puluis.

Alius. ℥. Rad. Pæon. & sem. eiusd. tormentil. lapid. ʒ. pretiosor. preparator. an. ʒ. ʒ. spec. diamosch. d. pulu. visci q. an. ʒ. j. cranij hum. ʒ. iiij. vng. alc. ʒ. ij. ʒ. macis, cardamomi, cubebæ. coriadr. an. ʒ. j. fol. auri, & arg. nu. vj. F. puluis saccharo edulcoratus.

Alius. ℥. Corn. unicornu, vel in defectu huius lapid. bezoar, ʒ. j. ungulæ alcis, margarit. non perforat. corall. rubr. alb. prepar. C. C. vsti. radic. pæon. sem. pæon. excort. visci querni, auri Vngar. purissimi.

purissimi an. 3. β. Stercor. pavon.

Puluerifentur siugula seorsim, & F. puluis subtilissimus.

Detur senioribus 3. β. cum aq. fl. tilia, vel lilij conuall. primulae ver. fl. poeon. vel aq. hirund. cum aceto destill. Iunioribus vero & praesertim puëris trium vel quatuor annorum aut circiter 3. j. vna vice detur.

Puluis è Cinnabari natiua Cratonis supra propositus est, de quo videatur Quercetanus in *Tetrade, cap. 33.*

Alij ita praeparant. *℥. Cinnab. natiuae & mineral. vera 3. j.*

Leuiter supra ignem lentum in tabula torrefiat, Postea subtilissimè teratur, supra marmore in puluerem impalpabilem.

Deinde adde *Margarit. praeparat. Corall. rubr. praeparat. an. 3. j. β. Cranij hum. praeparati. C. C. vsti praeparat. an. 3. j. Croci 3. ij. fol. auri num. xxv.*

Exactissimè misc. & iterum terantur super marmore.

Plures pulueres videantur in *Spicileg. Hildesheimi cap. 7. Antidotario speciali Vveckeri sect. 20.*

Aqua.

Aquarum Antepilepticarum passim descriptiones multae extant. Aliquot saltem exempli loco afferre libet.

Aqua Hirundinum talis parari potest:

℥. Hirundin. num. xl. rutae M. ij. castor. 3. i. vini albi q. s. Destillantur in B. M.

Aqua Hirundinum D. Sigismundi Kolreuteri.

℥. Pullor. hirundinum viuorum, quot haberi possunt, (e.g. numero 200.) quibus adde tertiam partem (3. xiii.) Castorei, Contundantur simul in mortario, & pro qualibet hirundine affundè aceti vini cochl. i. β. (vel etiam ii.) & stent sic simul in vase vitreo per triduum; postea destillantur, & rostro alembici imponatur Cinamomum, vt per id transeat.

Alia. *℥. Hirundinum num. xx. Macerentur in vino per dies xiv. His add. visci quern. 3. iii. rad. poeon. 3. ii. Castor. 3. i. herb. rutae rec. M. ii. fl. sambuc. tiliae, rorismar. primulae ver. an. M. i. cinamomi acutiss. 3. iii. cubebae. macis an. 3. ii.*

Incis. & contus. misc. & destill. cum s. q. vini Rhen. opt.

Alia.

Alia. ℥. *hirundin. num. lxxxiiij. castorei, galbani an. 3. v. 3. ij. ʒ. sem. coriandr. 3. ij. ʒ. iiiij. seseleos 3. x. ʒ. j. aceti vini lb. x. 3. viij. F. destillatio f. a.*

Quæ Aqua foeminis præcipuè exhibetur.

Alia. ℥. *hirundin. domest. num. xlv. amputatis pennis alarum & caudarum grandioribus, non euulsis, discerpantur in medium, & incidantur, affund. Aceti lb. iiij. Vini Rhen. lb. j. ʒ. Stent per 3. d. & noct. postea add. Castor. 3. ʒ. visci qu. 3. ʒ. ungulae alcis 3. iiij. C. C. vsti 3. ij. rad. & sem. pæon. an. 3. j. ʒ. ireos 3. ij. Stent iterum per hor. 24. postea f. destillatio in B. M. bene obturatis vasis, ne quid expiret.*

Alia. *Hirundin. præparat. 3. iiiij. Castor. 3. iiij. rad. pæon. 3. ij. ʒ. succini 3. ʒ. fl. lil. conuall. chamæm. Rom. maioran. an. M. j. Macerentur in aceto forti per hor. 24. deinde superinfund. Vini Rhen. opt. lb. vj. & destillentur in B. f. a.*

Aqua Picarum composita talis paratur:

*Aqua
picarum.*

℥. *Sem. pæon. radic. eiusdem an. 3. ʒ. Aristoloch. long. 3. iiij. visci querni 3. ʒ. castorei 3. ij. pyrethri 3. ʒ. flor. stæchad. Arab. 3. v. lilior. conuall. 3. j. ʒ. primulae veris, pæon. an. 3. vj. lauendul. roris marini an. 3. v. fol. saluie, maioran. beton. hyssopi an. 3. ʒ. cinamomi, caryoph. nuc. mosch. cardamom. an. 3. ʒ. singulis crasso modo contusis adde aq. lilior. conuall. lb. iiij. flor. tilie. lb. j. ʒ. primulae veris lb. j.*

Deinde ℥. *Pull. picar. num. xx. bulliant in vase clauso in aqua lilior. conuall. Hinc mista simul destillentur in B.*

℥. *Pullor. picar. num. xv. Bulliant in aqua herb. & fl. pæon. q. s. Coqu. ad mediet. Exprimentur fortiter, Expressioni add. Cardamomi, gran. pæon. cubebæ an. 3. ij. ʒ. coriandr. præparati, visci q. an. 3. ij. galang. cinamomi, caryophyll. nuc. mosch. macis, an. 3. j. ʒ. castor. 3. j. ʒ. fol. lauri, bacc. lauri an. 3. ij. zedoar. ligni aloes an. 3. j. ʒ. fl. roris mar. lauend. rosar. maioran. saluie, meliss. betonic. stæch. Arab. cort. citri an. 3. vj. zingib. 3. ʒ. pyreth. 3. ij.*

Pulueris. omnia grosso modo, & in aqua prædicta & aq. paralyt. stent per d. 14. in loco cal. vase bene obturato, postea destill. per B. tandem in fine add. Croci. 3. ʒ.

Alia. ℥. *Picar. mundatæ. num. x. visci q. 3. ʒ. rad. pæon. 3. j. ʒ. fl. hyperici, beton. primulae ver. tilie an. M. ʒ. maioran. pæon.*

pæon. fl. cordial. an. M. j. lauendula, salvia, ruta, an. p. j. nuc. mosch. cinamomi, spec. diamosch. d. diaplr. an. 3. j.

Picæ prædictæ & species commisc. quibus add. *Aq. fl. tilia. pæon. card. ben. an. lb. j.* Infund. per hebdom. j. postea destill. per B.

Alia Aqua Antepileptica.

℥. Flor. lilior. conuall. recent. lb. ij. primula veris lb. j.

Macerentur in vino maluatico aliquot diebus, postea destillantur. Destillato suo tempore addantur *flor. beton. M. j. stachad. Arabic. p. ij. salvia, betonica, ruta, hyssopi an. M. 8. sem. pæon. visci q. an. 3. ij. rad. pæon. 3. 8. Aristoloch. pyrethri an. 3. ij. castorei 3. 8. galang. maior. zinzib. sem. sesel. cardamomi an. 3. ij. cubebæ. ligni aloes, nuc. mosch. caryophyll. cinamomi an. 3. 8. spec. diamosch. d. 3. j. diamb. dianthos an. 3. 8.*

Si destillatum superius non sufficiat, affundatur adhuc vini maluatici tantum, ut emineat supra species iiij. digitorum altitudine: macerentur aliquandiu, hinc destillantur in B.

Aqua Antepileptica D. Gaspari Dornauij, Archiatri Bregensis, à Cl. Dn. D. Ioan. Georgio Pelshofero, Collega & amico charissimo, mihi communicata.

℥. fl. lilior. conuall. lb. j. Affunde Aceti vini acerr. 3. iiij. Misc. Postea.

℥. fl. violar. 3. iiij. Contund. cum mellis anthos. 3. 8.

℥. fl. & fol. primul. ver. betonic. an. 3. vj. Misc. cum supradictis, adde *fl. rosar. rubear. 3. iiij. calendul. 3. iiij. bugloss. lauend. an. 3. ij. summit. rorismar. maioran. an. 3. vj. salvia lb. ij.* Concisa & contusa misceantur cum *Aq. fl. tilia 3. ix. succ. depur. Rute lb. j.* Misc.

Postea *℥. rad. pæon. 3. vij. rhapont. 3. j. 8. Aceti fl. tunic. 3. vj.* Misce, quibus factis omnes istæ infusiones commisceantur: superfunde *Vini Vngar. lb. xij.*

Stent loco calido, vase bene clauso per dies vj. Abstrahe aquam per vesicam. Huic destillato add. *Ase dulc. styrac. cal. ladani an. 3. j. 8. sem. fœniculi, anisi an. 3. j. pæon. eruce, sinapi, raphani an. 3. iiij. visci querni 3. 8. ungulæ altis 3. ij. C. C. præparati 3. iiij. crany hum. preparati, succini albi præpar. an. 3. 8. croci orient. cinamomi an. 3. ij. cardamomi, cubebæ. an. 3. 8.*

Stent

Alia
aqua antepileptica,

Stent per 2. dies, loco calido, F. rursus destillatio in cucurb. ex arena, donec lb. vi. extillarint.

Residua parti possunt addi *Aq. beton.* lb. vi. *vini albi* lb. iii.

Affundantur remanentiis primæ & secundæ destillationis, fiatque aqua antepileptica vilior.

Huc referri etiam potest.

Aqua Pœoniæ composita, aliàs *Isuszuasser* dicta.

℞. *Rad. Pœon. in Martio*) *decescente collect. sem. pœon. con-*
quass. ditamn. alb. an. 3. j. *visci qu. cort. citri rec. ap.* 3. ℞. *fl. lil. con-*
uall. rec. primul. ver. rec. maioran. sicc. an. M. j. *vini malua. opt.* lb.
vj. *spir. vini* lb. ii. M. Incis. & contus. infund. in vase vitreo
bene recto in loco tepido, per mensem, sæpius agitando,
destillantur in cucurb. lento igne: destill. adde *fl. lauend. rec.*
M. ii. *sem. fœnic.* 3. vi. *piperis l.* 3. i. *cinamomi ac. macis an.* 3. i. ℞.

Contundenda contund. mixta simul stent per 14. d. de-
nno in infus. in loco cal. diligenter obstructo orificio vas-
culi & vitri. Vltimò destillantur lento igne.

Alia Aqua Epileptica.

℞. *fl. lil. conuall.* lb. j. *herb. paralyt.* 3. viij. *pœon. lauend. tilia,*
beton. verbasco an. 3. ij. *pultor. iuuenum hirund. purgat. &*
vino diligenter lotor. num. xxiv. sem. filer. mont. card. ben. an. 3.
ij. *pœon.* 3. ii. ℞. *summit. ruta* p. ij. ℞. *rad. pœon.* 3. ij. ℞. *aristol. l.* 3.
i. ℞. *diptamn.* 3. ℞. *visci q.* 3. i. & 3. vi. *cubebat.* 3. i. *piper. n. castor.*
an. 3. ℞. *fl. anthos* 3. i. ℞. Infund. in Vini Maluat. mens. iii. per
3. septim. loco cal. vel ad Solem, & quotidie agitentur, po-
stea per B. destill.

Alia. ℞. *fl. lil. conuall.* 3. ii. ℞. *pœon. lauend. beton. an.* 3. i. ℞.
tilia, 3. i. *anthos, stæchad. Arab. an.* 3. ℞. *rad. & sem. pœon. an.* 3.
v. *aristoloch. rot.* 3. iii. *visci q.* 3. ii. *cubebat. cinamomi an.* 3. iii.
piperis l. 3. ℞. *castorei* 3. i. Contund. & incid. infund. in spir.
Vini q. s. per aliquot dies, deinde destill. in B.

Alia Aqua Epileptica. ℞. *Fl. lil. conuall. rec.* lb. i. Infunde in
f. q. Vini generosi tam diu, donec haberi possint *fl. tilia* re-
centes: Tunc sume eorum lb. ℞. *fl. pœon.* 3. iii. Stent in infus.
per aliquot septimanas, deinde destill. in B. ad ficitatem.
In destillato iterum infund. *rad. pœon.* 3. i. ℞. *diptamni alb.*
visci q. an. 3. ℞. *rad. pyrethri* 3. ℞. *sem. pœoniæ* 3. ℞. *castorei* 3. ii.
fol. ruta M. i. *fl. stæchad. Arab. lauend. an.* p. iii. *betonic. p. vi.*
cubebat.

cubebæ. macis an. 3. ii. cinamomi 3. 8. scillæ præparata 3. iii.

Digerantur per d. 15. hinc per alembicum destillentur. Dos. ab 3. 8. ad 3. i. Commendatur & antidotus Phædronis.

℥. Rad. Angelic. tormentill. an. 3. 8. rhapont. 3. iii. rad. & sem. pæon. an. 3. vi. herbæ potentill. cum fl. 3. iij. ruta, coriand. præp. an. 3. ii. macis 3. i. 8. galangæ 3. iii. cubebæ 3. 8. piperis l. 3. iii. 8. castorei 3. ii. stercor. anserum sylvestr. pauonum an. 3. 8. ciner. hirundin. 3. i. 8. ungulæ asini 3. 8. Puluerisatis superfund. aq. picarum & hirund. an. lb. ii. vel q. f. Macerentur per mensem integrum in B. postea destillentur.

Tum ℥. Ligni aloes 3. ii. succini alb. 3. i. 8. spinæ serpent. purg. Cranij hum. utriusque sexus an. 3. v. Corallij utriusq; Margaritar. præpar. an. 3. iii. lap. Chalcedon. cand. 3. i. Smaragd. 3. 8. stibij ad modum croci reuerberati 3. i. ambr. gryf. 3. i.

In pollinem redacta circulentur in B. in Pelicano per mensem integrum, ac tandem recondantur vitro benè obturato, ac seruentur vsui.

Si vsus postulat, omnia bene simul agitentur, & adulto inde præbeatur cochl. i. in aqu. Lauend. puero cochl. 8.

Vel ℥. Flor. Lil. conuall. Mens. i. affunde vini opt. Mens. iii.

Maceretur vase clauso diebus aliquot, postea destillètur.

Hinc ℥. Flor. lauend. quart. i. cubebæ, cinamomi, galangæ, nucis moschat. macis an. 3. 8. visci querni, radic. pæon. an. 3. vi.

Affundatur destillatum superius, digerantur per dies 14. postea destillentur.

Aqua etiam Nobilis Antepileptica habetur in Institut. lib. 5. part. 3. sect. 3. cap. 5. Et videantur plures apud Langium lib. 3. Epistolar. cap. i. Conrad. Gesner. in Eutyonymo. Arnold. de villa noua Breuiarij lib. i. cap. 2. Andernacum de veteri & noua medicina, Vveckerum Antidot. Spec. lib. 2. f. 1. Quercetan. in Pharmacop. Dogmatic. restituta cap. 7. Dornkrell. in Dispensatorio. Vntzerum p. 222. Brunnerum, consil. 17. 18. Francisc. Hildesheimium in spicileg. p. 605.

Syrupi.

℥. Mellis scillitic. 3. i. 8. aceti scillit. 3. vi. succi pæon. 3. vi. sacchar. 3. iii. Coqu. ad Syrupi consistentiam.

Vel ℥. Rad. Pæon. 3. i. 8. eryngij, filipend. dictamni albi an 3. i. visci

visci querui 3. vj. *fol. ruta, salvia, millesol. hyssopi, maioran. carduibenedicti* an. M. j. *flor. stæchad. Arab. tilia, lauendul.* an. p. j. (al. p. ij.) *sem. pæon.* 3. ij. *ruta, trifolij* an. 3. j. *Coqu. in aqu. puræ q. f.* Colat. adde *succi radic. pæon.* 3. ij. *mellis scillitic.* 3. iij. *sacchar.* 3. v. *F. Syrupus, qui aromatisetur spec. diamosch. dulc.* 3. ij. De quo frequenter sumatur 3. ß. vel 3. j.

*Electuaria.**Electuaria.*

Nicol. Florentin. cap. propr. refert, se quandam foeminam annorum xl. quæ ab infantia passa fuerat Epilepsiam, curasse solo huius Electuarii usu:

℥. *Herbæ, quæ vocatur S. Pauli, quæ à quibusdam vocatur Herba Paralytica* quantitatem, quamlibet, ea incidatur minutim ac misceatur cum melle, atque addatur pulvis *caryophyll. pyrethr. radic. pæoniæ.*

Crato hoc commendat:

℥. *Succi millesol. ruta, melissæ, maioran. hyssop. ad spissitudinem cum saccharo cocti* an. 3. ß. *rad. eryng. minutim incis. visci querni* an. 3. j. *radic. pyrethri, tormentill.* an. 3. ß. C. C. præpar. 3. v. *mithridat. theriac.* an. 3. j. *Conseru. flor. Rorismarini* 3. j. ß. M. lento igne: dosi mane 3. j. & ante somnum post coenam moderatam 3. ß.

Vel: ℥. *Rad. pæoniæ, sem. eiusdem* an. 3. j. *smaragdi præpar.* 3. ß. *corall. rubr. præpar.* 3. j. *pulu. pullor. hirundin. vstor.* 3. ß. *ungulæ alci* 3. j. *succi ruta* 3. ß. Cum *syrup. hyssopi* F. Electuarium: dosi ad quantitatem nucis moschatæ.

Vel: ℥. *spec. diamosch. dulc.* 3. ij. *visci querni* 3. ij. *rad. pæon. & sem. eiusd. a.* 3. ii. *maioran.* 3. ß. *smaragdi præpar.* 3. j. ß. *fol. auri* N. v. cum *syr. pæoniæ* F. Electuarium.

Montagnana Consil. 44. scribit, se millies expertum sequens remedium,

℥. *Pyrethri, stæchad. costi* an. 3. x. *agaric.* 3. v. *sem. carui, anethi, asæ fætide, aristoloch. rotundæ* an. 3. j. ß. j. *succi scille, mellis electi* an. lb. j. 3. ij.

Coquat. scilla & mel lento igne, ad iustam consistentiam, deinde speciebus additis F. Electuarium. Dosi mane horis iij. ante prandium 3. iij. singulis diebus.

Aliud ℥. *Conser. fl. Pæon. herb. Paralysis, tilia* an. 3. j. *ruta* 3. vj. *antibos, lanend.* an. 3. ß. *spec. diambri. diamosch. dulc.* an. 3. ij.

extrañti

extracti rad. pæon. ireos, magisterij corallor. succin. præpar. an. ð.
j. Cum syrup. de stæchad. simpl. & pæon. F. Electuarium.

Rotulæ & Morfuli.

℥. Cinamomi opt. 3. j. rad. pæon. sem. eiusdem an. ð. ij. cube-
bar. caryoph. macis an. ð. j. spec. aromatici, rosati, diamb. dia-
mosch. dulc. an. ð. ʒ. sacchari in aqu. pæon. & tilia dissolut.
3. iij. F. Rotulæ, quæ conspergantur oleo anisi & macis an.
gutt. iij.

℥. Extract. aromat. rosat. pæon. an. ð. ʒ. carduibenedicti, me-
liss. an. ʒ. vij. conseru. prim. veris, fl. tilia an. 3. ij. sacchar. in aq.
pæon. dissolut. 3. ij. F. Morfuli.

Circa istorum autem medicamentorum vsûm imprimis
notandum, vt & in aliis difficilibus morbis, ne ab vsu ho-
rum remediõrum statim desistamus. Licet enim in princi-
pio parum sæpè videantur prodesse: eorum tamen vsus
continuatus insignem affert vtilitatem, secundum illud
Hippocr. 2. Aphor. 52. Secundum rectam rationem omnia fa-
cienti si secundam rectam rationem minus res succedat, proti-
nus non est ad aliud transeundum; dummodo constet id, quod ab
initio propositum fuerat.

Externa Medicamenta.

Neque solum intra corpus talia medicamenta vsurpan-
da, sed & extra applicanda.

℥. Ol. nuc. mosch. express. 3. j. ambra grysea, Mosch. an. ʒ. vj.
xibeth. ʒ. x. ol. succini, maior. an. q. s. F. Balsamum, cuius gra-
num vnum vel alterum naribus inungatur.

℥. Bals. rut. 3. j. succini alb. ð. ij. rorismar. ð. j. Ol. destil. lil.
conuall. gutt. v. cal. arom. gutt. iij. M. pro Balsamo.

℥. Ladani puri 3. j. styrac. calam. 3. ʒ. lign. aloes opt. Gallia
mosch. caryophyll. an. 3. j. myrrh. thuris an. 3. ʒ. moschi ʒ. vj. ol.
nuc. mosch. expr. 3. ʒ. aq. maior. an. q. s. F. pomum, obducatur
sindone rubra.

Possunt & præcordia, nucha, & tempora, (sicut & spina
dorsi) sæpius ieiuno ventriculo vnguento sequenti inungi:

℥. Ol. de castor. de piperib. costini de euphorb. an. 3. ʒ. caryoph.
nucis mosch. an. ð. ij. flor. lauend. ð. ij. ʒ. mastich. 3. ʒ. vini rubri
fortiss. 3. ij. ʒ. Bulliant ad consump. vini, In fine add. mithrid.
opt. 3. j. ʒ. F. fortis expressio add. Axung. ursi, vulpis an. 3. vj. M.

Applicentur quoque verticī capitis ex cephalicis & Antepilepticis medicamentis facculi & cucuphæ ac Emplastra, de quibus postea inter caput confortantia medicamenta dicetur.

Amuleta.

*Amuleta
in Epilep-
sia.*

Nec abs re fuerit Amuleta quædam collo & brachijs appendere, quæ occulta vi hunc morbum depellant, qualia sunt Radix Pœon. Semen eiusdem, de quo videantur Galenus 6. de simpl. medicamentor. facult. Fernel. 2. de Abditis rerum causis. cap. 17. Lemnius de occultis naturæ miracul. Hercul. Saxon. cap. de Epilepsia. Viscum quernum, sambucus supra salicem crescens, è quibus orbiculi & cruces fiunt, vngula alcis, Corallium, Smaragdus, Iaspis, Lapis Chelidonium.

Particulares Cerebri Euacuationes.

*Particu-
laris ca-
pitis eu-
acuatio.*

Interim dum ista fiunt, non omitti debent particulares capitis euacuationes per errhina, Apophlegmatismos, Gargarismos, quæ collectam ex debilitate in cerebro materiam tollunt, quibus semper ea, quæ specifica vi contra Epilepsiam pugnant, addenda.

Errhina.

℞. Succī rutæ, betæ an. ʒ. β. aqu. sambuci, maioran. an. ʒ. j. sem. pœon. nigell. an. ʒ. j. M. & in nares trahantur.

Aliud: ℞. Succī pœoniæ, cyclamin. an. ʒ. β. maioran. rutæ an. ʒ. ij. mellis ʒ. j. β. spir. vini ʒ. β. M.

Sternutatorium.

℞. Nuc. mosch. rad. pœon. an. ʒ. j. piper. albi, pyretbri an. ʒ. j. ellebor. albi ʒ. β. F. Pulvis.

Apophlegmatismi.

℞. Nuc. mosch. rad. pyretbri, pœon. acori veri an. ʒ. j. semin. eruc. ʒ. ij. Cum suff. quant. mastiches. F. Pastilli ʒ. ij. pondere in ore tenendi & masticandi. Eadem materia in puluerem redacta ac in nodulo inclusa masticari potest, vel pulueri addantur mastich. & passular. an. ʒ. vj.

Commendantur & sequentes trochisci masticandi, quorum vnum atque alterum teneat per semi horam mane ieiuno ventriculo in ore æger.

℞. Galangæ ʒ. ij. nuc. moschat. ʒ. β. rad. pœon. cubebar. an. ʒ. j. rad.

rad. pyrethri 3. ℞. sacchari 3. j. ol. nuc. mosch. destill. gutt. ij. Cum syr. de stæchad. & album oui. F. trochisci.

Gargarismi.

Alexander Trallianus pastillos ex Hyssopo, Pulegio & pipere commendat. Item gargarismum ex hyssopo, Pulegio, Origano & ficibus siccis septem.

Vel: ℥. Rad. pyrethri 3. j. ℞. rorismar. saluæ, hyssopi, rutæ an. p. ij. Coqu. in aqu. f. Colat. ℥. ℔. ij. Aceti rosacei, mellis anthosati an. 3. ij. M. Et mistura ista fauces colluantur.

Vel: ℥. Rutæ, beton. saluæ, hyssopi an. M. ℞. rad. pæon. ireos an. 3. ℞. acori, pyrethri, granor. pæon. an. 3. ij. nuc. mosch. 3. j. ℞. Coq. in f. q. aq. simpl.

Col. ℥. ℔. j. oxymell. scillit. 3. ij. mell. antho. 3. j. F. Gargarism.

Plura talia videantur apud Vntzerum p. 194.

Cauteria, Setaceum, Fonticuli.

Ad eundem vsum & vbi materiæ sedes est in capite, vsurpari possunt Cauteria actualia, quæ insignem exsiccandi & humorem parti firmitus impactum attenuandi & discutienti vim habent. Ideoque vt humiditas cerebri nimia exiccetur, & materia Epilepsiæ causa attrahatur ac dissipetur, futuræ coronali applicetur Cauterium actuale. In applicatione autem huius cautè agendum & cauendum, ne altius, quam par est, adigatur, ne vicinæ cerebri membranæ lædantur, & graue aliquod malum attrahatur, de quo supra *part. 1. cap. 5.* dictum.

Fontanellæ verò cauterio, seu actuali seu potenciali, excitatæ, materiam, quæ iterum cumulari posset, euacuant, & à cerebro auertunt, quæ tamdiu apertæ seruandæ, donec animaduertatur, nihil amplius talis humoris vitiosi in corpore colligi.

Idem ferè præstat Setaceum.

Cerebrum Roborantia.

Tandem vt Cerebrum à morbifica causa debilitatum *Cerebri* pristinum robur acquirat, & ne ob eius debilitatem vitiosi *robora-* humores in eo cumulentur, roborantibus opus est, internis *tio.* & externis, quæ parantur ex medicamentis Cephalicis & Antepilepticis. Itaque exhiberi possunt medicamenta ex Cephalicis & Antepilepticis, quæ passim nota, &

cuius generis antea titulo, Antepileptica, proposita fuerūt.

Vide etiam Vntzerum p.204. & seq. Vnum atque alterum adhuc apponere libet.

℞. Rad. vincetox. enulæ, succisæ, pæon. caryophyll. an. 3. vj. baccar. lauri, 3. ij. saluiæ, serpilli, flor. anthos an. 3. j. spec. diamosch. d. diaplir. dianthos an. 3. β. F. Puluis.

Alius D. Næuij.

℞. Sem. pæon. off. de C.C. rasur. eboris an. 3. β. rad. pæon. visci querni, nucis moschat. an. 3. j. cranij hum. vngulæ alcis, margarit. an. 3. ij. F. Puluis.

Vel ℞. Aq. epileptica Langij 3. j. picar. hirundin. an. 3. ij. spirit. cerasor. nigr. sylu. 3. j. essent flor. pæon. 3. ij. tinctura corall. rubr. 3. β. extr. dictamni ḡ. iij. rutæ ḡ. iij. ol. destill. saluiæ gutt. iij. manus Christi perlati cum ol. succini 3. v. M.

Vel parentur seqq. Rotulæ:

℞. Spec. diamosch. d. diaplir. diapæon. an. 3. j. sem. pæon. citri, rad. pyrethri an. 3. β. visci querni, carduibenedicti an. 3. j. succin. alb. caryophyll. nuc. mosch. limatur. C.C. crudi, cranij hum. crudi an. 3. β. Cum sacch. in aq. lil. conuall. dissol. q. s. F. Rotulæ.

Valde efficax est & seq. Electuarium:

℞. Castor. 3. iij. rad. & sem. pæon. sem. nigellæ, rutæ sylu. rad. pyrethri, hyssop. an. 3. j. succi rec. rutæ, maioran. an. 3. β. cranij hum. vngulæ alcis an. 3. ij. mithridat. el. rad. cond. eryng. an. 3. j. β. pulu. ligni Sassafr. 3. vj. conf. betonic. rorismar. an. 3. ij. β. Cum aceti scillit. q. s. F. Electuarium, Soli per mensem exponendum Dos. 3. ij. vel iij.

℞. Ol. nuc. mosch. express. 3. j. xibeth. 3. j. mosch. ambra an. 3. v. Ol. succini, lauend. maioran. rutæ an. gutt. vj. M. F. Balsamum.

Emplastrum. ℞. Ol. de Castoreo, rutacei, irini an. 3. j. Ol. destillati succini 3. β. rad. pæon. sem. pæon. visci querni an. 3. j. sem. nigellæ, rutæ, castorei. fl. lauendul. tilia, lilior. conuall. stæch. Arab. an. 3. j. Cum resinæ & ceræ an. q. s. F. Emplastrum futuræ coronali applicandum.

Sacculus. ℞. Flor. Lauendulæ, betonic. stæchad. Arabic. Anthos an. 3. ij. summitat. serpill. maioran. an. 3. j. rad. pæon. 3. ij. sem. pæon. nigell. an. 3. j. ligni aloes, sassafras an. 3. ij. cinamomi, nucis. mosch. macis, caryophyll. an. 3. β. granor. iuniperi, gummi iuniperi, acamabat. mastich. thuris, succini an. 3. j.

Craſſo modo contuſa includantur ſacculo ex ſerico rubro.

Præclarum etiam auxilium præſtant thermæ, ſi lotiones & embrochæ ex iis inſtituantur, ita vt vix vllum efficacius externum detur auxilium.

Dieta.

Dieta Medicamentis respondeat. Aër ſit purus & temperatus, aut potius à temperato ad calidum & ſiccum declinans: Craſſius verò & nebulofus, foetidus, frigidus ac humidus, ventique Auſtrales & Aquilonares, & fumi ac fuligines à carbonibus accenſis & rebus foetidis vitentur. Radij Lunæ, qui hunc morbum excitandi peculiarem vim habent, vitentur; atque imprimis aperto capite ſub radiis Lunaribus cubare vel dormire ſummè noxiū.

Dieta.
Aer.

A cibis abſtineat æger, qui craſſos ſuccos gignunt, *Cibus* & flatuoſi ſunt, caput peculiari vi feriunt, etſi cætera ſint *potus*.
ευχρημοι καὶ εὐπρεπιοι. Inter carnes abſtineat æger à caprina, & hircina imprimis, vt & coturnicibus, quæ peculiari quadam vi Epilepticis nocere creduntur. Item à porcinia, anſeribus, anatibus, paſſeribus. Inter piſces ab anguillis, carpionibus, & omnibus piſcibus, qui in cœnoſis ac foetidis ſtagnis ac paludibus degunt. Videntur & legumina, præter ciceres; Lacticina itidem, nuceſ iuglandes, fructus horarij, Braſſica, Lactuca, Portulaca, coepe, allium, Sinapi, Raphanus, Apium, quod occulta proprietate Epilepticis nocere creditur, de quo infra *quæſt.* 12. dicetur. Vtatur contra cibis boni ſucci & facilis coctionis. Atque Epilepſiam tollere dicuntur, caro tur- turis ac columbarum ſylueſtrium, hirundinum, item ac vulturis. Conſtantur cibi hyſſopo, ſaluia, maiorana, fœniculo, roremarino, ruta, nuce moſchata, macere, cinamomo, caryophyllis.

In potu vitandum vinum; aut ſi vel ventriculi vel vi- rium ratione concedendum, ſit paucum ac tenue, medica- tum roremarino, ſaluia, hyſſopo. Cereuiſia in noſtris regio- nibus ſatis commodus potus eſt, quæ ſit clara ac bene de- fecata, nec multo lupulo cõdita, ne caput grauet. Vtile eſt & Hydromel cū poconia, ſaluia, roremarino & viſco querno

coctum, ac nuce moschata aromatifatum.

Item hic Potus: *℞. Passular. cinamomi, rad. pæon. sem. pæon. q.l.* Radicēs incidantur, semina parum contundantur, & omnia in vasculum cum segmentis coryli S. S. S. faciendo imponantur, atque affundatur aqua cum saccharo cocta vel hydromel. Vel bibatur decoctum ligni Guaiaci, ita ut libræ vni ligni aquæ 5. lb. xxiiiij. affundantur & ad tertiæ partis consumptionem coquantur.

*Somnus,
qui &
quies.*

*Animi
affectus.
Excreta
& reten-
ta.*

Somnus fit moderatus, capite nonnihil eleuato, nocturnus, non diurnus, nec mox à cibo. Exercitationes sint moderatæ, ac iusto tempore, scil. ante prandium & coenam instituuntur, vel earum loco extrema fricentur. Animi affectus vitentur, imprimis terror & ira. Venus in hoc morbo, ut pestis, fugienda. Alius semper sit aperta; quod si natura non fiat, clystere vel leniente aliquo medicamento primæ viæ euacuentur. Cauendum quoque ne æger ingruente paroxysmo versetur iuxta puteos, aquas, ignem & omnia loca, in quibus damni aliquid pati potest. Ac si æger paroxysmum ingruere animaduertat, astantibus id statim aperiat.

Signa perfectæ Curationis.

Cum ab usu medicamentorum non prius sit desistendum, antequam morbus sit planè expugnatus, nonnulli signa tradunt, quibus cognoscatur, an quis perfectè sit curatus. Si nimirum ægri naribus suffitus admoueantur ex hyssopo hortensi, myrrha, bitumine, cornu capræ vel hirci, & quis ex tali suffitu non concidat, indicio est, ægrum perfectè sanatum esse; Sin secus, nondum perfectè. Adhibetur & in eundem usum suffitus succini. Si quis item comedat Epar hirci & non concidat, is sanatus putatur. Atque hæc de Epilepsia in genere.

DE EPILEPSIA IN SPECIE.

Suprà iam dictum est, esse quasdam Epilepsiæ differentias, quæ curationem variant, atque ex præcipuè sumuntur à loco, in quo materia Epilepsiæ causâ generatur. Nam cum materia nunc in cerebro, nunc extra cerebrum generetur, dicitur Epilepsia alia per Idiopathiam, alia per Sympathiam seu consensum.

De Epilepsia per primum Cerebri affectum.

Per ἰδιονάδιαν, seu per Essentiam & primum Cerebri affectū Epilepsia propriè est, cū in ipso cerebro est Ἀἰθε-
ris Epileptica, & materia mali huius causa in eo generatur.

Atque hæc prava qualitas ac Ἀἰθε-
ris nonnūquam cum semine & sanguine à parentibus propagatur. Vnde mor-
bus hic fit hæreditarius. Nonnunquam gravidarum per-
terrefactio, & ex hac fortis imaginatio hoc malum produ-
cit. Exemplum habetur apud Guilielmum Fabricium,
Cent. 3. Observ. 3.

Abscessum quoque in cerebro huius mali causam fuisse
annotavit Fernel. *l. 5. Patholog. cap. 3.* Ad quam Epilepsiæ
differentiam & ea referri potest, cum in parte aliqua in
capite cerebro vicina fons mali est. Ita corruptam menin-
gem Epilepsiæ causam fuisse observavit Fernelius, *loc. al-
leg. & 2. de abdit. rer. caus. cap. 15.* Ex cranio quoque carioso
Epilepsiam ortam docet Vidus Vidius *lib. 2. de morb. parti-
cul. cap. propr.* Forest. *lib. 10. observ. 67. in Schol.* Faciunt huc
capitis læsio ex ictu & percussione, Ioan. Lang. *lib. 1. Epistol.*
10. Vulnere item, Valescus de Tarant. cap. propr.

Signa Diagnostica.

Præter Signa supra in genere enumerata hæc in hac Epilepsia specie sunt peculiaria: Homo subito quasi at-
tonitus sine vlla paroxysmi instantis præfensione concidit: Nihil vitij in partibus inferioribus, neque vllus dolor in
parte vlla infra caput instante paroxysmo percipitur, ne-
que vllus vapor ex vlla parte inferiore ad superiora ferri
animaduertitur. Signa cerebri & capitis affecti ad sunt;
capitis grauitas & dolor, faciei pallor, oculorum caligo,
somnia turbulenta, & insignis facultatis animalis debili-
tas, sensuum ac motus stupor & tarditas, auditus scilicet
difficultas, sonitus ac tinnitus aurium, vocis tarditas, ver-
tiga tenebricosa, manuum torpor. Paroxysmus ac motus
convulsiuus est vehementior ac longius durat, spuma co-
piosior circa os apparet. Frequenter inuadit circa Nquilu-
nia & Plenilunia.

Prognostica.

Epilepsia, quæ per primum cerebri affectum est, *Progn.*
stica.

deterior ac periculosior est ea, quæ fit per *συμπαράστασιν* aliarum partium. Nisi tamen pars, cuius consensu inducitur, habitum quasi prauum contraxerit.

Curatio.

Curatio.

De Curatione Epilepsiæ, quæ fit per primarium cerebri affectum, non opus est, ut multa dicamus, cum omnia illa, quæ antea de curatione Epilepsiæ in genere dicta sunt, huic speciei, utpote primariæ, competant.

Notandum saltem hoc, in hac Epilepsiæ specie, ubi opus est venæ sectione, cephalicam in cubito esse eligendam: Et nisi malum remittat, ac præsertim si caput simul sanguine calido repletum sit, venam in fronte etiam esse aperiendam.

De Setaceo vero hoc monendum est, id magnum hic usum habere, refertque Guilielm. Fabr. *Cent. I. Observ. 41.* se iuuenem quotidie Epilepsia laborantem, & cui frustra alia remedia adhibita fuerant, & *Cent. 4. Observ. 81.* puellam 18. annorum ab ipsa infantia Epilepticam solo setaceo restituisse.

De Cauterio verò actuali futuræ coronali applicando hoc obseruandum, id in hac præcipuè, imò ferè sola Epilepsiæ differentia, locum habere, de quo suprà *parte 1.*

Fonticuli, si malum nondum sit inueteratum, cominodissimè in brachio ad musculum deltoideum excitantur, ut ad eum scaturiens in cerebro materia deriuetur. Si autem malum inueteratum sit, in loco viciniore, nucha scilicet, seu occipitio aperiendi sunt, ut ex loco vicino materia facilius deriuetur & euacuetur.

Exercitia sint moderata: & in specie in frictionibus à brachiis incipiendum, deinde ad pectus & ventrem descendendum, postea ad crura, & hæc valentius perfrendenda, ut etiam recrementa, quæ sursum vergunt, ad inferiora reuellantur. Ac aliis partibus perfrendatis, caput demum fricari debet. Prius enim non conuenit, ne humores & vapores attrahantur.

Reliqua omnia, ut modò dictum, petantur ex curatione Epilepsiæ in genere.

DE EPILEPSIA PER CONSENSVM,

Et primo quidem in genere.

Causse.

Hæc in parte aliqua infra caput generatur, & ex ea in *Epilepsia* caput sublatâ Epilepsiam excitat. Partes autem, è quibus *per consensum* materia Epilepsie causâ ad caput tollitur, variæ sunt. *sensum causâ*
Ventriculus, cuius exempla refert Galenus 5. de loc. aff. cap. 5. Valeriola lib. 3. observat. 7. Fernellius in Consil. Medic. 7. Forestus lib. 10. observat. 64. Lien, cuius exemplum refert Hollerius ad caput 14. lib. 1. in Schol. Uterus, vel ex mensium obstructione, ut refert exemplum de puella Benivenius de abdit. morb. causâ. & curat. cap. 97. vel fluxione, vaporibus è materia commota cerebrum petentibus, vel in prægnantibus, de quo Aegineta, lib. 3. cap. 13. Fernellius lib. 1. Patholog. cap. 3. Leonhardus Iacchinus in 9. lib. Rhafis, cap. propr. Forestus lib. 10. obseru. 65. Iohan. Schenck. lib. 1. obseru. 83. Franciscus Hildesheim in spicileg. pag. 598. vel ex secundinis retentis, vel ex utero imperforato, Guilielmus Fabricius Cent. 3. Obs. 60. Vesica, Heurnius de morb. cap. 22. pag. 163. Testes & vasa spermatica, Leonhardus Iacchinus in 9. Rhafis. Marcellus Donatus lib. 4. de Histor. Medic. Mirab. cap. 11. ex Alfabaravio. Intestina & vermes in ijs, Forestus lib. 10. obser. 65. Iulius Cæsar Claud. in consultat. Consult. 64. Martinus Rulandus Centur. 8. Cur. 13. Colica, Aegineta lib. 3. cap. 13. Aëtius Terrab. 3. serm. 1. cap. 29. Massa sanguinea, ut in variolis, aliisque malignis febribus, inter quarum initia Epilepsia excitari solet. Pars aliqua externa, ut Pes, videatur exemplum apud Galenum 3. de loc. aff. cap. 7. Iacchinum in 9. Rhafis. Valerium in Schol. ad cap. 16. lib. 1. Hollerij. Trincauell. lib. 3. de ratione curandi affectus particulares cap. 6. Mercurial. in consil. 6. Forest. lib. 10. obseru. 68. Pollex pedis, Gentilis supra Aui-cenn. lib. 3. Fen. 1. tract. 5. cap. 8. Donzelin. in Consil. Scholtzj, Cons. 38. Digitus, Leonell. Fauentin. cap. 11. de morb.

med. Brassauola in Comment. ad aphorism. 45. sect. 2. Aphorism. Hippocr. Manus, Pinell. Tom. I. Consil. 13. Platerus libr. I. obseru. Coxa, Syluius in lib. de morbis internis cap. proprio. Mammæ, papilla, Marcell. Donatus lib. 2. de Histor. Medic. mirab. cap. 4. Labium superius. Douanetus lib. 3. Apolog. referente Schenckio.

Signa Diagnostica.

*Signa
Diagno-
stica.*

paroxysmus ingruens aliquo modo præsciri potest, vaporque aliquis ac veluti aura à parte quapiam inferiore versus superiora eleuari animaduertitur, aut dolor in parte aliqua percipitur, quem mox Epilepsia insequitur. Signa cerebri affecti non adsunt, sed pars aliqua inferior præ cæteris vitio laborat. Omnia ferè sunt leuiora, paroxysmus scilicet non tam longus, nec concussio tam vehemens, nec tanta facultatis animalis læsio ac in Epilepsia per primarium cerebri affectum.

Curatio.

Curatio.

Curatio eadem ferè est cum superiore, nisi quod semper partis mandantis habenda ratio: totaque curatio idcirco quinque capitibus continetur. 1. Vt totius corporis euacuatio seu per venæ sectionem, seu purgationem, prout opus est, instituat. 2. Vt Antepileptica medicamenta antea proposita vsurpentur. 3. Vt partis, quæ materiam cerebro communicat, ratio habeatur, eaque euacuetur, atque in eâ, si locus ferat, cauterium actuale applicetur, aut quocunque modo in ea vlcus excitetur, vt materia effluat ac dissipetur. 4. Vt materia ad caput tendens reuellatur, viæque per quas aura maligna ad cerebrum fertur, intercludantur. Ideoque in paroxysmo frictiones & ligaturæ non in brachiis, sed in cruribus tantum & pedibus instituendæ, vt materia versus inferiora non superiora trahatur. Vincula quoque supra partem, quæ causam suppeditat, iniicienda, si eius natura & situs id ferat. Venæ sectio etiam commodissimè in cruribus & pedibus instituitur, præsertim, si à menstruorum aut hæmorrhoidum suppressione malum originem habeat. 5. Cerebrum roborandum.

DE EPILEPSIA PER
consensum Ventriculi.

Signa Diagnostica.

Si è ventriculo vapor ille Epilepsiæ causa ad caput Signa
eleuetur, dolor quidam, turbatio & rosso in ventriculo, Epilepsia
grauitas & tensio circa præcordia, deiectus appetitus, à ven-
concoctionis debilitas, ructus, & alia ventriculi affecti triunde.
signa adfunt. Ægri quoque morbi accessionem sentiunt,
atque in Epilepsiam incidunt, si tardius cibum sumant
& diu ieiunent. Et imprimis infantes sæpe hac de causa
Epilepsiâ corripuntur; cum lac ipsis in ventriculo cor-
rumpitur, aut cum vitioso nutricis lacte nutriuntur. Et
tum animaduertuntur ventris tormina, fecesque alui cro-
ceæ aut ærugini non absimiles apparent.

Curatio.

Purgationis loco vomitus rectissimè concitatur in iis, Curatio.
qui ad vomitum proni sunt. Et quidem biliosus humor
protinus vomitu excludi potest. Crassus verò & pituito-
sus prius præparetur melle rosaceo, oxymelitis generi-
bus, Syrupo de Betonica, de Sthocade & similibus, cum
decoctis & aquis conuenientibus. Si autem æger ad vo-
mitum promptus & procliuius non sit, per alui deiectionem
causa mali tollenda; biliosa, hiera & pilulis ex aloë,
pituitosa, Agarico & cæteris, de quibus de morbis ven-
triculi dicitur. Fortiora autem purgantia in hac Epilep-
siæ specie non vsurpanda, ne excrementa aliunde attra-
hantur, ventriculusque magis debilitetur.

Deinde operam dare oportet, ne imposterum in ven-
triculo humor vitiosus generetur, sed ventriculus robo-
retur. Et quidem bilis generationem prohibet Trallia-
nus potu Absinth. & Picra Antidoto, iubetque victum
trepidum & temperatum adhibere, qui nihil habeat
acre, aut pingue, aut oleosum, aut falsum.

Ventriculus roboretur cum extra admotis, in causa
calida ol. cydoniorum, rosarum & similia; In frigidâ,
Masti

Mastiche, Mentha, Absinth. Caryoph. Nuce moschata & similibus : Tum intra exhibitis, vt Coriandro præpar. Sacchar. rosat. betonic. myrobal. Chebul. condit. zinzib. in India condito, Extracto Iuniperi, spiritu Oli, rotulis aromat. rosat. caryophyllat. Syrupo de Mastiche, de Cinamomo. E quibus varia medicamenta composita, prout humores & ægri natura requirunt, concinnari possint.

Semper tamen iis aliquid medicamentorum contra Epilepsiam pugnantium admiscendum.

Vt : ℥. Conseru. rosar. betonic. pæon. an. ʒ. ij. extract gran. iuniper. ʒ. ʒ. spec. aromat. rosat. ʒ. iv. zingiberis in China conditi ʒ. ʒ. ʒ. Oli ʒ. ʒ. cum Syrupo conseru. cortic. Citri. F. Electuarium.

Vel : ℥. Spec. aromat. rosat. ʒ. j. extract. pæon. ʒ. j. calam. aroma. ʒ. ʒ. zingiberis in China conditi ʒ. ij. cū sacchari q. s. F. Morfuli.

Post pastum etiam sequens Tragæa commoda est.

℥. Rad. pæon. scorzonæ. nuc. mosch. an. ʒ. j. macis aceto macer. ʒ. j. ʒ. sem. anisi, fœnic. an. ʒ. j. succini albi, visci quer. sem. pæon. cardamomi an. ʒ. ʒ. cubebar. galangæ, rad. torment. doronici Rom. flor. anthos an. ʒ. j. sacch. albi ʒ. ij. F. puluis. Dosis cochl. ʒ. vel j.

DE EPILEPSIA A VERMIBVS.

Signa Diagnostica.

Signa
Epilepsia
à vermi-
bus.

Si à vermibus sit Epilepsia, animaduertitur stridor dentium, membrorum tremor, terror item ac clamor subitus in somno, narium pruritus & frictio, saliuæ, nocturno præsertim tempore, ex ore effluxus, facies pallida, eadēque subito rursus incallescens & rubens, morsus ac dolor stomachi & intestinorum, & hinc frequens abdominis contrectatio, rugitus ac tormina ventris, abdominis insolita durities, membrorum vero *anæsthesia*, tussis sicca, singultus, vermium cum alui excrementis egestio.

Curatio.

Curatio.

Ea, quæ vermes enecant atque expellunt, admixtis medicamentis antepilepticis exhibenda.

Vt: Aloës lotæ vel extractæ ʒ. ʒ. extract. scammon. trochisc. albandal. an. ʒ. ʒ. ol. destill. absinth. gutt. ij. myrrh. zedoar. an. gutt. j.

F. Pilulæ, quæ dantur à ʒ. j. ad ʒ. ʒ.

Vel detur ☿ dulcis à gr. xvj. in adultis. Pulueribus contra vermes & alijs medicamentis de quibus suo loco de vermibus dicetur, addatur Pœonia & alia medicamenta Epileptica.

Postea exhibeatur hic vel similis puluis.

℥. Ungulæ alci 3. vj. cerui 3. ℞. spec. diamosch. d. 3. ℞. Corall. rubr. & alb. præpar. Margarit. Smaragd. præpar. Terræ sigill. boli arm. an. 3. ij. sem. nigell. rutæ, pœon. exc. blattæ byzant. diptamn. alb. nuc. mosch. an. 3. j. rad. pœon. C. C. præparati, scordij, majoran. corallinæ an. 3. ij. moschi, ambr. an. ʒ. ℞. fol. auri num. xij. sem. cantium, portulac. an. 3. j. tormentill. 3. j. ℞. rhubarb. el. 3. j. Puluerisentur omnia subtilissimè.

De Epilepsia ab utero, signa Diagnostica.

Si ab utero fit Epilepsia, adest menstruorum suppressio, *Epilepsia* *ab utero* *signadina.* *gnostica.* feminis vel secundinæ post partum retentio, foetus in utero mortuus: Dolor circa vteri regionem in pectine, in utroque inguine, in dorso: abdominis crebra à flatibus distensio, respiratio difficilis, cordis palpitatio, vlcus aliquod in utero: si malum hoc primum, quando menstrua inceperunt fluere, inuasit. Symptomatum in hac differentia magna est varietas, quæ neminem turbare debet. Neque enim solum, ut in alijs Epilepsia differentiis membra conuelluntur & sensus turbantur, sed & alijs totum corpus contremiscit, alijs vna aut plures partes, alijs oculi saltem, aut lingua, aut caput, aut manus, aut crus, aut septum transuersum. Quibusdam mentis quædam aut sensuum externorum actiones læduntur. Quædam oculis apertis non vident, aliæ non audiunt, aliæ loqui non valent, aliæ multa se audire & videre dicunt, quæ à ratione aliena sunt; aliæ vociferantur & querulantur, quid vero mali sentiant, proferre non valent; aliæ rident, aliæ flent, pleræque omni tactus sensu priuantur; Nonnullis horum plura accidunt.

Curatio.

In Curatione semper ad vterum respiciendum, & propterea ea Epilepticis admiscenda remedia, quæ utero prosunt, & vteri suffocationi conueniunt. Itaque in
Paro

Paroxyſmo admouenda naribus foetida, vt Galbanum, Caſtoreum, Sagapenum, ol. ſuccini, rutæ. Vtero vero ſuaueolentia adhibenda, niſi foemina ſit grauida; tum enim ſatis fuerit graueolentia naribus admouere. Ster-
 nutationem quoque ciere in hac Epilepſiæ ſpecie pluri-
 mum prodeſt, Cucurbitulas quoque ventri, è regione vte-
 ri affigere, & medicamenta applicare, quæ ſtatus diſcu-
 tiant, vtile eſt, vt ol. rutæ, è baccis lauri & ſimilia.

Extra Paroxyſmum primò vniuerſales euacuationes in-
 ſtituantur. Sanguis nimirum venis in cruribus circa mal-
 leolos apertis, euacuetur, & totum corpus conuenienter
 purgètur. Deinde vterus euacuetur, & materia vitioſa in
 eo contenta tollatur: Quod ſit non ſolùm purgantibus,
 ſed imprimis iis, quæ menſes prouocant cum internis
 tum externis, de quibus ſuo loco. Eligenda tamen ex
 iis talia, quæ ſimul vi ſpecifica & occulta Epilepſiæ ad-
 uerſantur, aut iis talia admiscenda.

Et cum in foeminis natura vitioſos humores, qui in
 corpore cumulantur, ad vterum detrudere ſoleat, ſan-
 guisque, qui ad vterum affluit, ſi non rectè ſeſe habeat,
 corrumpantur: danda opera, vt humores vitioſi ſubinde
 è corpore euacuentur, & ſi quid corrumpatur, ſenſim
 ac paulatim per loca, quibus natura aſſueuit euacuetur.
 Ideoque ſanguinem bis térue in anno è venis tali emit-
 tere, & corpus ſæpius euacuare vtile fuerit, habito re-
 ſpectu ad eum humorem, qui maximè peccare videtur.

Exempli gratia.

℥. Rad. Pæonia, ariſtoloch. ʒot. an. ʒ. j. angelicæ ʒ. ʒ. polypod.
 quern. ʒ. vj. betonic. rutæ, pulegi. mercurialis an. M. j. ſem. pæon.
 ʒ. ʒ. ʒ. cartham. contuſ. ʒ. j. ſol. ſenæ elect. ʒ. j. ʒ. follicul. ſenæ
 ʒ. vj. ſem. aniſi, fœnicul. ſeſel. an. ʒ. ij. fl. bugloſſ. anthos an. M. j.
 ʒ. Coquantur in aqu. ſimpl. Colaturæ ℥. lb. j. in qua in-
 fundatur Agaric. albiff. ʒ. j. zinzib. galang. an. ʒ. j. ʒ. Cum Sac-
 charo F. Syrupus, qui aromatifeſtur puluere Cinamomi.

Cauſa ſublata vterus & cerebrum roboretur Theria-
 ca, Mithridatio, diamoſch. dulc. amaro, Lapide Be-
 zoar, cum aqua Scorzonæræ. Efficax eſt & oleum ſucci-
 ni, tum in paroxyſmo, tum in menſibus ciendis.

Vtilis

Vtilis & valde efficax est hic Aqua hirundinum, cum castoreo & galbano ac aceto destillata supra inter medicamenta antepileptica proposita.

Laudatur & hic Spiritus :

℞. Antidot. Matthioli ℥. v. sp. vini opt. lb. j. campbor. ℥. ij.

In vitro clauso digerantur in B. vel fimo equino per dies sex. Postea tepido Balnei calore destillentur, ne vnquam Alembicus calefiat, donec tertia pars exstillet, idque tertia vice repetatur. Sumatur de hoc spiritu manè & vesperi cochlear j. cui sacchari pauxillum, sp. Vitrioli gutt. iv. vel Tincturæ Corallior. gutt. vj. addi possunt.

Vel : ℞. Syrup. de succo pæoniæ ℥. j. rutæ, meliss. an. ℥. ss. extract. liquidi castorei ℥. ij. granor. iuniperi ℥. j. ss. angelic. xedoar. an. ℥. j. sp. Theriacal. modo descripti ℥. ij. ad lauendul. ℥. j. Misce.

De qua mistura tempore paroxysmi cochlear j. infundi potest.

Vel ℞. Conseru. pæon. ℥. j. Margar. præpar. Corall. rubr. præpar. Smaragdi, Sapphir. Hyacinth. præpar. an. ℥. ss. rad. pæon. sem. eiusdem. agni casti, visci querni, cranij humani an. ℥. ij. theriac. ℥. j. ss. caryophill. ℥. ss. cum Syrupo stæchad. simplic. F. Electuarium.

Circa hæc medicamenta hoc obseruandum, in hac Epilepsiæ specie medicamenta suaueolentia exhibenda non esse, cum & caput grauent, & paroxysmum epilepticum concitent.

Extra quoque adhibeantur, quæ & menses cient, & vterum roborant. Inter quæ nonnulli commendant hanc pedum lotionem.

℞. Strobil. Abiet. viridium M. ij. Artemis. M. ss. sarmentor. iuniperi, cortic. fagi an. M. j. chelidon. fol. alni an. M. ss. rad. vinetoxic. Aristoloch. rotund. an. ℥. v.

Coqu. in aqua ad Balneum, quo mane per semihoram lauentur pedes. Vel inungatur venter ol. rutaceo, laurino, lilior. albor. quibus ol. destillatum anisi, caryophill. cinamomi addi possunt. Vel fomenta adhibeantur ex roremarino, Artemisia, Chamæmelo, Betonica, Ruta, semine agni casti, baccis lauri & aliis, quæ in suffocatione vteri proponuntur.

Tandem

Tandem cum in hac Epilepsiæ specie alia, præter caput, viscera sæpe in consensum trahantur, & humoris Epilepsiam generantis malignitas plerumque membra nutritioni dicata labefactare soleat, & hinc varia excrementa generentur: illorum quoque viscerum habenda est ratio, & ea ab excrementis subinde expurganda & roboranda, ne noua mala gignant, aut vetus augeant.

Et cum, vt antea diximus, in hac Epilepsiæ specie magna symptomatum varietas esse soleat, quia materia morbifica non solum cerebro, sed & aliis partibus communicatur, sæpe ea de loco affecto medicum dubium reddunt. Qua de re egregia disquisitio; An scilicet Vterus vel crura fuerint affecta, videatur in Consilij Brunneri, *Consil.* 14. & 15.

D E E P I L E P S I A A

Partibus Externis.

Causse.

*Epilepsia
à parti-
bus ex-
ternis
caussa.*

Præter supra enumeratas causas externas referenda huc contusio, vulneratio, vlcus aut alia aliqua in parte externa læsio; Morsus item & ictus bestiarum venenosarum.

Signa Diagnostica.

*Signa
Diagno-
stica.*

In parte aliqua externa causam Epilepsiæ contineri argumento est, si æger aliquando in ea vulneratus, vel contusus sit, aut vlcus in ea habuerit, aut ab aliquo animali morsus sit; atque inde vaporem vel auram quandam, paroxysmo Epileptico ingruente, versus superiora ascendere sentiat, aut in ea dolorem vel tensionem ante Paroxysmum percipiat. Ægrum in ea parte læsum esse vel ex eius relatione, vel (cum multa iuuantibus & pueris accidant, quorum adultiores facti non meminerunt) ex vestigio aliquo in ea, vt cicatrice, duritie, vel quacunque alia læsionis nota cognoscitur. Si item vincula supra partem, quæ suspecta est, iniecta & frictiones infra eam institutæ paroxysmum vel intercipient vel minuant: eò loci causam Epilepsiæ contineri, argumento est. Imprimis verò in foeminis de loco, qui causam suggerit, hic diligenter inquirendum.

Accidit

Accidit enim sæpe, vt instante Paroxyfmo Epileptico dolor vel tensio in cruribus, aut alia parte externa percipiat; imò inde, etiam quafi aura quædam ad caput ascendere fentiat; Cum tamen eò loci cauffa mali generata non fit, fed in vtero, cuius facultas expultrix à cauffa morbifica ftimulata per venas & arterias malignam & venenatam materiam excludere conatur, cui calor innatus & vis partium principalium occurrens, eam per venas & arterias in pedes, vel alia loca remotiora detrudit, vbi cumulata vires tandem acquirit, & vel neruis communicata, vel per alias vias ad cerebrum tendens Epilepsiam excitat. Ideoque in tali cauffa diligenter inquirendum; an vteri affecti figna præcefferint.

Curatio in Paroxyfmo.

Quamprimùm æger quafi auram è parte illa eleuari *Curatio.* fentit, intercipienda ea eft vinculis fupra locum iniectis. Et fi à manu afcendit aura, illa vincula ad alam iniiciantur. Hæc enim pars ftrictius ligari potef, quam carpus, in quo ob carpi offa vafa inter illa constringi fatis nequeunt. Affigantur eidem, fi moram res patitur, cucurbitulæ fcarificatæ, locusque fricetur.

Extra Paroxyfnum.

Si à venenatæ alicuius beftiæ morfu malum ortum habeat, venæ fectio & purgatio locum non habent, fed locus demorfus fcarificetur, vel cucurbitulæ fcarificatæ affigantur ad venenum eliciendum. Applicentur & Topica valde attrahentia, adiectis iis, quæ peculiari illi veneno debellando accommodata funt.

Si verò ex cauffa alia quacunque materia Epilepsiam excitans alicubi contineatur, primum corpus femel atque iterum purgandum eft. Poftea danda opera, vt materia, è qua vapores afcendunt, refoluatur ac difcutiatur. Ergo cucurbitulæ fcarificatæ parti affigantur; aut pars lauetur acri lixiuio, cui Sulphur admixtum fit. Si his nihil proficitur, cauteria vfurpentur, aut valde attrahentia medicamenta ex thaphfia, euphorbio, Lepidio, quod Trallianus *lib. i. cap. 35.* imprimis commendat, finapi, ftercore columbino, cantharidibus, admifta fimul Theriaca, aut Empla-

strum oxycroceum applicetur, cui tantum Euphorbij admixtum sit, vt vesicæ pustulæque in cute excitet. Efficacissimum verò est cauterium actuale; cum nihil potentius venena, ac prauos eiusmodi humores & dispositiones è partibus extirpet quam ignis. Videatur etiam Alexand. Trallian. *loc. allegato.*

Cranium carie affectum, malignamque saniem supra membranas cerebri destillans excisione & vstione sanatur, de quo supra *part. 1. cap. 26.* dictum. Simul etiam Medicamenta Antepileptica adhibeantur & cerebrum roboretur.

De Epilepsia per consensum, ubi de fonte mali non constat.

Nonnunquam tamen accidit, vt quamuis causse Epilepsie in capite non generatur, ita tamen occultè illa sese in cerebrum insinuet, vt quo in loco generetur, vel per quas vias ad cerebrum tendat, satis assequi non liceat, nec prius vllò vel sensuum vel intellectus iudicio percipi possit, antequam paroxysmum producit.

Prognosticum.

Quam epilepsie speciem nonnulli insanabilem putant. Verum etsi curatu difficilior sit, incurabilis tamen planè non est.

Curatio.

Vt autem curetur, danda opera, vt radix mali, in quacunque etiam parte lateat, è corpore tollatur, & à cerebro auertatur.

Perficitur hoc frequenti corporis purgatione, qua & materia iam genita euacuatur, & materia, è qua generari possit, subtrahitur. Facilius enim ex humore vitioso, quam ex succo probo partis alicuius mala constitutio malignam talem materiam generat. Et natura à Pharmaco purgante incitata, quicquid vitiosum in corpore est, facilius ad intestina consuetamque euacuationis viam, quam ad partes nobiles mittit.

Simul verò exhibenda medicamenta Antepileptica, & ex iis efficacissima, vt diathesis illa Epileptica & vitium humorum occultum, vbicunque etiam latentium, expugnetur.

Si purgationes non sufficiant, per medicamenta valida ex alto ad circumferentiam humores trahere, & imprimis per cauteria & fonticulos in locis conuenientibus excitatos humorum euacuationem tentare conuenit.

Tandem cerebrum roborandum, vt causſæ malignæ reſiſtere poſſit.

Infantium Curatio.

Etiſi ex his, quæ dicta ſunt, qua ratione infantes curandi ſint, facile patere poſſit: tamen cum morbus hic infantibus ſit familiarior; nec omnia medicamenta, quæ adultis adhibentur, infantibus adhiberi poſſint: in ſpecie quædam de infantium cura addenda videntur.

In Paroxyſmo.

Diſtenta & rigida membra ſtlectenda vel in rectum dirigenda ſunt & tractanda, vt antea dictum; ceruix & occiput linteolo aqua lauendulæ calida madido fricandum; Vertex oleo ſuccini aut rutæ illinendus: Ruta trita nariſus admoueatur, vel oleum aut Baſſamum ſuccini & rutæ. Pituita ore eximatur. Infundatur ori ſuccus rutæ cum lacte vel cum aqua tilia aut cochleare paruum liquoris alicuius Antepileptici detur. Vel puluis aliquis Antepilepticus cum aqua conueniente vel lacte ꝑ. ꝑ. vel ꝑ. j. pondere pro ratione ætatis. Puluis puerorum contra Epilepſiam D. Ioan. Neuij.

℞. Viſci quæſ. cortice abraſo ꝑ. ij. ſem. ꝑæon. ꝑ. j. rad. ꝑæon. ꝑ. iij. ꝑ. ungulæ alciſ coralli vtriuſque an. ꝑ. ꝑ. C. C. uſti ꝑ. j. ꝑ. margar. præparat. ꝑ. j. cranij bum. ꝑ. ij. ſacch. albi ꝑ. j. ꝑ. F. Puluis.

Alius.

℞. Rad. ꝑæon. ꝑ. v. irid. Illyr. ꝑ. j. ꝑ. eryng. ꝑ. ij. ꝑ. Viſci quæſ. gran. ꝑæon. an. ꝑ. v. ſacchar. albiff. ꝑ. ij. F. Puluis.

Alius.

℞. Rad. ꝑæon. ꝑ. j. ſerpentar. ꝑ. j. ꝑ. Viſci quæſ. ꝑ. j. croci Orient. ꝑ. j. corall. rubr. ꝑ. j. rad. & ſem. fraxinell. an. ꝑ. j. ſol. auri puriff. M. iv. C. C. ꝑ. j. marg. Orient. non perforat. ꝑ. j. ꝑ. Puluerifanda pulueriſentur ſubtiliſſimè: Miſc. Fiat puluis. Doſis infanti quantitas piſi vnius vel duorum cum lacte nutriciſ. Maioribus natu tripla quantitas cum aqu. betonic. flor. tilia, rutæ exhiberi poteſt.

Alius.

℥. *Fragm. lap. pretios. an. 3. B. rad. pœon. 3. j. ireos 3. ij. bistort. 3. B. glycyrrh. 3. B. sem. anisi, pœon. visci querni an. 3. ij. croci 3. B. margarit. 3. ij. sacchar. candi alb. 3. B. F. Pulvis.*

Alius.

℥. *C. C. vsti prepar. 3. j. sem. pœon. rad. eiusd. sem. aquileg. an. 3. B. smaragdi prepar. 3. j. off. de C. C. M. j. F. Pulvis.*

Alius.

℥. *Lapis smaragd. prepar. corall. rubr. margarit. preparat. an. 3. j. rad. pœon. sem. eiusd. an. 3. B. succi alb. ungul. alci, cornu alci an. 3. j. F. Pulvis. Dosis 3. j. cum aqu. tilia. Conuenit & hoc.*

℥. *Aq. pœon. flor. tilia, dentaria an. 3. j. hirundinum, syrup. de succo pœon. an. 3. B. sp. cerasor. nigror. 3. ij. magister. corall. 3. ij. perlar. 3. j. extract. pœon. 3. B. M. diligenter. Dosis cochlear paruum in paroxysmo.*

Cordis regioni emplastrum ex theriaca & radice pœon. admouetur, vel tale paretur.

℥. *Fol. ruta P. j. flo. pœon. tilia, rosar. rubr. an. P. B. spec. diapœon. 3. ij. Incisa aspergantur aq. apoplectica & hirundinum acetosa F. l. a. scutum cordiale, syndone rubra tegendum. Nucha & spina dorsi inungatur seq. oleo.*

℥. *Olei de castor. 3. B. succi ruta 3. j. Coqu. ad consumptionem succi. Fiat etiam facculus ex rad. pœon. & granis eiusdem contusis, & apponatur, vt fistulam cordis attingat.*

Extra Paroxysmum.

Censet quidem Trallianus lib. 1. cap. 15. in infantibus nihil moliendum esse neque agendum, quantum ad curationem attinet. Subsequentem enim ætatem & calorem augetcentem superfluum in capite humiditatem discutere posse. Verum cum, antequam illam ætatem attingat homo, hoc morbo vel iugulari vel insigniter debilitari possit, sine auxilio non est relinquendus æger, neque in morbo tam periculoso negotium naturæ committendum, sed naturæ arte succurrendum.

Lactantes ergo infantes commodius curari non possunt, quam si medicamenta nutrici exhibeantur. Nutrix itaque primò

primò talem vitæ rationem obseruet, vt & ipsa sana degat, & salubri lacte infantem alat. Cibus propterea sit *ὑγίαινον*, isque iusto tempore & quantitate exhibeatur. A vino vel abstineat, vel illud sit tenue & paucum, ne nervosum genus infantium adhuc tenerum & imbecillum lædatur. Exercitia sint moderata. A venere, quæ pueris lactantibus est nocentissima, plane abstineat. Si verò lac probum nutrix non præbeat, vel alia quærenda, vel opera danda, vt lac mutetur: Et si lac sit nimis tenue, vt crassius reddatur, vtatur carnibus assis, aliisque cibis minus humidis. Sin crassius, extenuetur foeniculo, aniso, anetho, ruta, recentibus & virentibus sumptis. Nam sicca magis acria sunt. Et si accidat, vt nutrix concipiat, cauendum, ne illa porrò infantem lactet, sed alia quærenda, quæ lac habeat bonum. Lactis autem boni notas tradit Alex. Trallianus *lib. 1. cap. 15.*

Propinentur quoque nutrici medicamenta, quæ contra epilepsiam pugnant, & supra sunt proposita. Infans non lauetur crebrò, ne fiat humorum agitatio. Imprimis cauendum, ne terreatur, aut ad iram commoueatur.

Infantis quoque corpus à vitiosis humoribus purgetur. Quod commodè fit medicamentis purgantibus nutrici propinatis. Et quidem cum nutrici duabus de causis purgantia exhiberi soleant, primò vt ipsa purgetur, secundò vt infans. Si, vt nutrix à cacochoymia liberetur, exhibeatur purgans, à lactatione abstinere nutrix debet, donec purgatio absoluta sit, si verò Infantis gratia purgans exhibeatur, eo ipso tempore, quo purgatur nutrix, infantem lactare debet. Infanti tamen ipsi etiam ad aluum subducendam dari potest Mel passulatum Holleri.

℥. Agaric. trochisc. ʒ. β. Infundatur in aquæ lb. β.

Postea exempto Agarico passulæ in eadem aqua mace-
rentur, donec turgere incipiant, turgidæ coquantur ad mellis crassitiem.

Vel: *℥. Fol. senæ ʒ. j. Agaric. albiss. rad. pæon. an. ʒ. β. Infund. in aqu. anisi & feniculi æqual. part. deinde impo-
nantur. passular. Corinthiac. lb. j. Coqu. & exprimantur,
& ad mellis consistentiam iterum coquantur. Aut exsic-*

centur passulæ absque expressione facta. Vtilis est hic etiam syrupus de cichorio cum rhabarb.

Roboretur postea cerebrum melle anthosato, speciebus electuarij Pleris sarcontic. diamosch. dulc. cum lacte nutriticis, vel detur hic Puluis.

℥. Rad. pæon. 3. ij. ireos, ungu. alcis, visci querni, sem. pæon. an. 3. ℞. corallor. rubror. præpar. 3. ij. smaragd. præpar. 3. ℞. succin. albi, croci. an. 3. j. sacchar. alb. 3. ℞. F. Puluis.

Vel : Rad. pæon. iusto tempore collecti 3. ℞. ungula alcis 3. ℞. succini alb. 3. j. croci optimi 3. ℞. sacchar. al. 3. ℞. F. Puluis. Sutura coronali inspergatùr hic puluis.

℥. Granor. pæon. 3. j. ℞. flor. lilij conuall. pæon. lauend. an. P. j. succini albi 3. ij. nucis mosch. 3. ℞. F. Puluis.

Itali, ac Florentini imprimis, quibus hoc malum familiarius est, pueros recens natos ferro candente aut particula ligni ignita adurunt, vbi summa vertebra cum capite coniungitur. Alij ex candela cerea accensa guttam vnam atque alteram feruentem in eundem locum, eundem ob finem, destillare sinunt.

Ad Præseruandum verò, ne infans vnquam epilepticus fiat, nonnulli hoc commendant.

℥. spir. vini tb. iv. castor. 3. ℞. radic. pæon. 3. iiij. Macerentur & colentur. Colat. infantis totum corpus abluatur.

Et cum non rarò accidat, vt infantibus circa aures, maxillas & in aliis corporis partibus vlcera & pustulæ erumpant, nullo modo hic naturæ conatus impediendus. Si enim talia vlcera, materia intrà recedente, euanescant, cum in alios morbos, tum in Epilepsiam interdum infantes incidunt. Imò si intempestiuè euanescere incipiant talia vlcera, atque infans inde malè habeat, conatus naturæ potius adiuuandus syrupo Fumar. C. C. & similibus materiæ ad ambitum corporis motum promouentibus.

Cura lactentium per consensum ventriculi.

Præseruationis gratia recens natis antequam lac vel aliùs cibus ipsis porrigatur, hoc detur.

℥. Sacchar. alb. 3. ij. ol. amygdal. dulc. recens expr. q. s. F. Mixtura instar pultis, cuius vsu materia vitiosa in vtero collecta

collecta in primis viis eiicitur. Alij exhibent saltē mel crudum, vel mel rosatum colatum, vel syrup. de cichorio cum rhabarb. vel mel despūmatum cum modico sem.fœnic. & radic. pœoniæ & ol. amygdal.

Nonnulli putant, naturam ipsam huic rei prouidisse lactē materno, quod in principio ferocius est, & propterea maiorem abstergendi vim habet, censentque eos malè facere, qui lac hoc maternum, quasi vtile præsidium, reiiciunt & aliarum nutricum, quod iam crassius est, exhibent.

Caueatur etiam, ne ventriculus lactis copia oneretur, ideoque infans rarius lactetur. Si lac coaguletur, atque in grumos concreseat in ventriculo infantis, dissoluatur exhibito melle cum sale, oxymel. simpl. sem.fœnicul. radicibus eryngij, aut si hæc nihil iuuent, propinatis ḡ. v. plus minúsue coaguli hœdini vel leporini: vitia quoque lactis emendentur, vt supra dictum.

Vel in epilepsia orita è lactis concreatione in ventriculo.

℞. Fol. *ulmi* p. iij. Coqu. in vrina pueri. Adde *butyri recentis* ʒ. ij. F. Cataplasma, quod applicetur ventriculi regioni.

Vel: ℞. Fol. *maluæ*, *absinthij*, *ulmi an.* pug. j. Coq. in vrina pueri & cum *butyri* ʒ. ij. addito pauco fermento & ol. *nardino*, F. Cataplasma applicandum ventriculi regioni.

Infanti frequentius & copiosius lac non dandum, vt dictum, quàm vt ventriculus conficere possit. Aliàs enim si copiosè & ferè assiduè infans lac sugat, fieri non potest, quin magna cruditas generetur, ex qua non solum epilepsia sed & alij morbi proueniunt.

Cura Infantium Ablactatorum.

Infantes ablactati quomodo curentur, docet Galenus, in *Consil. de pueri Epileptico*, quod tamen cum sale legendum censet Hercul. Saxonia; cum infantibus concedat lactucam, Apium, Porrum, Brassicam & Lentesc. Petatur etiam curatio ex præcedentibus. Alexan. Trallianus decoctum hyssopi, imprimis hyeme & autumno, commendat, cum eius solius vsu plerique cōualuerint, vt nō amplius secundum aut tertiū eundem in morbum inciderent. Quippe vitiosa & crassa recrementa incidit, & non permittit,

vel in stomacho vel in thorace recrementum in crassitiem coire & spissari, aliudque per vrinas, aliud per aluum expellit.

Et cum morbus hic aliquandiu latere & inducies dare soleat, cura non citò abrumpenda, sed continuanda, vt radix mali extirpetur. Habentque & hic locum cauteria in occipite inter tertiam & quartam colli vertebam, aut vbi summa vertebra cum capite coniungitur.

Videatur etiam Alex. Trallian. *lib. 1. cap. 15. Rondelet. de medend. morb. cap. 36. Hieron. Mercurial. de Morb. pueror. cap. 3. Iacobus Trunconus Tractat. 4. de custodienda puerorum sanitate cap. 13. Tom. 2. Consultat. lib. 8. Horat. Augen.*

Dieta.

A Carnibus omnino infantes abstinere bonum est, præcipuè suillis & bubulis: Voluptatis autem causa, aut alio etiam urgente vsu modicas accipiant & raro, sed quæ non sunt pingues. Alex. Trallian. *loc. allegato.* Idem non concedit sinapi, coepas; Daucum, vt quæ caput replent, nec apium, de quo infra *quæst. 6.* Plura de Diætâ infantium videantur apud Trallian. *loc. allegato.*

Q V Æ S T I O I.

An solus Homo Epilepsia laboret?

Quæ ani- Affirmare quidem hoc videtur Aristotel. *sect. 50. probl. 49.*
malia Verum id alij iure negant, vtpote quos experientia aliud
Epilepsia docuit. Referunt enim epilepsia laborare & coturnicem,
laborent. Plinius *lib. 11. cap. 23. Iulius Solinus in Polyhistor. Aloysius*
Mundella, Vlysses, Aldrouand. lib. 2. Ornithologie. Alau-
dam, Aloys. Mundella lib. 1. cap. 6. Aldrouandus lib. 18.
cap. 18. Accipitres & graculos, Dalechampius, in comm.
in Plin. lib. 3. cap. 22. Picas & perdices, Aldrouand. Tom. 1.
Ornithol. lib. 12. cap. 11. Mundella loco citato; Capos, Iaco-
b. Oliuar. lib. 12. cap. 22. Passeres. Idem, Barthol. Angli-
cus, Aldrouand. Tom. 2. lib. 15. cap. 30. Capras & oues
Hippocr. in lib. de Sacro morbo. Canes, Iul. Cæsar. Scalig.
in comm. in lib. 2. Aristotel. de plantis, Coelius Rhodigin.
lib. 6. Antiqu. lect. cap. 5. Alij alia etiam animalia ad-
dunt.

QVÆSTIO II.

Quodnam sit subiectum Epilepsia?

Subiectum Epilepsia omnes Medici cerebrum esse do- *Epilepsia
subiectū
quod.*
cent, vtpote, quod omnium, quæ in Epilepsia læduntur,
actionum fons & causa est, & quo non affecto Epilepsia
non excitatur. Solus Quercetanus aliter sentit, in *Tetrad.*
cap. 8. Verum nullius momenti sunt rationes, quibus con-
tra Galenum & vulgatam sententiam probare conatur,
quod Epilepsia sedes non semper sit in cerebro, sed & in
quibusdam Epilepticis cor primò & per se afficiatur, quia
scilicet cordis actiones, non minus quam cerebri lædan-
tur, vt ex cordis palpitatione, pulsus conuersione, animi
deliquiis videre sit: quodque Epilepsia quædam sit, in qua
Phantasia & memoria integra maneat. Equidem si de loco
generationis materiae, quæ Epilepsiam excitat, quærat,ur,
nec Galenus nec Galenicorum vllus vnquam asseruit, eam
semper in cerebro generari. Verum hoc quæritur, qua
parte proximè & præcipuè affecta Epilepsia excitetur. Eam
cerebrum esse rectè affirmatur, vtpote quod omnium
actionum, quæ in Epilepsia læduntur, fons & causa est,
& hoc saluo & non affecto nunquam Epilepsia excitatur.
Et licet cordis palpitatio & pulsus peruersiones in Epi-
lepsia quandoque animaduertantur: non tamen hinc se-
quitur, quod cor Epilepsia sedes sit. Fit enim hoc, vel an-
tequam Epilepsia ingruit, dum vapores maligni versus ca-
put tendunt, & in transitu illud lædunt; vel in ipso paro-
xismo Epileptico, corde ab eadem causa læso aut per
consensum affecto. Nam cum motu animali impedito re-
spiratio quoque deprauetur, impossibile est, vt cordis
actiones non deprauentur. Et licet cum Epilepsia aliarum
partium actiones læsæ concurrere possint; tamen inter se
non sunt confundendæ, quod Paracelsus plerumque fa-
cit, qui suffocationem vteri, Syncopen, Tremorem, & pal-
pitationem cordis, Vertiginem, Ecstasin, morbi caduci
species facit. Licet quoque in quibusdam sensuum inter-
norum actiones non aboleantur: illud tamen non euenit,
quod cerebrum tum non sit pars affecta, sed Cor. Nam

& tum aliæ ac pleræque actiones læduntur, etſi aliquæ ſuperſtitites maneant. Id quod accidit, quod cauſſa Epilepſiæ alia eſt potentior, alia debilior, & cerebrum nunc magis, nunc minus læditur. Et dari quafdam imperfectas Epilepſias, ſupra diximus. Ac ſi omnium affectionum, in quibus cor per conſenſum afficitur, cor ſedes eſſet: in plurimis morbis illud ſubiectum ſtatuendum eſſet, vt in ſuffocatione vteri, malo hypochondriaco & aliis pluribus. Et ſi cor primarium Epilepſiæ ſubiectum eſt, cur Quercetanus omnem curationem dirigit ad cerebrum, non verò ad Cor?

Q V Æ S T I O I I I.

Quenam ſit Epilepſiæ Cauſſa proxima?

*Epilepſia
cauſſa
proxima.*

Proximam Epilepſiæ cauſſam ſtatuimus eſſe expultricis facultatis in membranis cerebri à materia tenui & acri & qualitate occulta neruoſo generi inimica irritationem; & quidem, vt exiſtimo, rectè, vt pluribus in *Inſtitut. lib. 2. part. 3. ſect. 2. cap. 3.* demonſtrauimus. Etenim materia ex ſubito ſæpe ſumpto ab aliqua parte initio cerebrum neruoſumque genus peruadit, & paulo poſt diſcutitur, ſæpe nullo relicto ſui veſtigio. Et cum Galenus 3. *de loc. affect. cap. 7.* & cum eo alij Medici omnes Epilepſiam quandam admittant, quæ excitatur, cum à parte aliqua interna quaſi aura quædam ad caput aſcendit: Cur in Epilepſia per primarium cerebri affectum ad obſtructionem ab humore craſſo confugere opus eſt, & cur non tum eadem cauſſa admittitur; præcipuè cum ſternutatio & ſingultus Epilepſiæ cognati affectus eodem modo generentur. Qua de re Galenus *loco allegato* ſcribit: *Exiſtimari, inquit, ſimilem aliquem in Epilepſia cerebri motum fieri, qualis ſtomacho interdum à re quapiam moleſto accidere ſolet.* Et Auicenna *ſen. 1. lib. 3. tract. 5. cap. 8.* Sternutationem parua quandam Epilepſiam nominat, quando videlicet, quod in anteriore parte cerebri moleſtum continetur, cerebrum excutit. Sicuti enim quod in anteriore parte cerebri acre & mordax ineſt, impetu quodam in ſternutatione excutere natura tentat: Ita in Epilepſia, quod in membranis cerebri inueſtientibus & principio neruorum moleſtum eſt,

natura

natura excutere conatur. Et sicut sternutatio oritur non à crassis & viscidis humoribus, sed iis, qui acrem vaporem emittunt: ita à simili vapore vel humore Epilepsiam concitari vero consentaneum est, & experientia id confirmat. Compertum enim est, quosdam à vaporibus & odoribus prauis Epilepsia correptos. Contra aliarum rerum vapores & odores eandem discutere. Ita suffitus succini, Galbani, Cornu capræ, Epatis Hirci manifestant Epilepsiam. Eandem contra tollunt odor rutæ, castorei. E quibus causis externis de internis in corpore latentibus coniecturam facere non difficile est: Siquidem cum plura idem efficiunt, vt in communi efficiendi ratione conueniant necesse est. Quæ omnia satis arguunt, causam Epilepsiæ proximam esse humorem vel vaporem acrem, aut potius malignum peculiari vi cerebrum stimulantem, & molestantem.

Galenus equidem aliud statuit, & lib. 3. de loc. affect. cap. 5. & 7. 2. Aphor. 45. 2. de Symptom. caus. cap. 7. lib. de atra bile cap. 5. & alij Medici, qui eum sequuntur, plurimi docent, Epilepsiam fieri ab humore crasso, qui ventriculos cerebri obstruat, non integrè quidem, vt in Apoplexia, sed ex parte, quem dum conetur eicere cerebrum, sese contrahat, quo contracto, nerui etiam contrahantur, & in consensum trahantur. Ita n. in Comm. 2. Aphorif. 45. scribit: *Apoplexia & Epilepsia inter se quodammodo affines sunt Affectiones. Eundem enim locum affectum & eundem humorem habent mali causam. Hoc differunt, quod Apoplexia fiat propter virtutis ad nervos affluentis plenam consummatamque priuationem Epilepsia ob motum peruersum quin etiam utrobique humor est frigidus & crassus.* In quo quidem rectè docet, quod in Epilepsia laborantibus cerebrum concutiat, & quidem, vt humorem vitiosum excutiat: quod in infantibus Epilepsia laborantibus manu capiti applicata sæpe manifestè deprehenditur. Verum in eo non parum fallitur, quod humorem illum eiusdem naturæ cum eo, qui Apoplexiam excitat, esse statuit, & ob struendo etiam cerebrum ad concussionem stimulare docet. Etenim non credibile est, paucillum illud, quod

quod ex partibus inferioribus, ipsius Galeni testimonio, instar auræ, per vias sæpe occultas, ad superiora ascendit, crassum esse, & obstruendo Epilepsiam excitare, sed potius membranas cerebri vellicando id præstare. Si quoque obstruendo Epilepsiam excitaret materia Epilepsiæ causa, motus potius tolli aut imminui, non verò conuulsio excitari deberet. Et cum Apoplexia & Epilepsia hoc modo & ratione causæ saltem secundum magis & minus different, ob eam tamen differentiam non ita variarent symptomata, sed potius Paralysis & stupor, ac animalium actionum ablatio aut imminutio inde fieret, non conuulsio. Præterea si ab humore crasso cerebrum ex parte obstruente fieret Epilepsia, Apoplexiam antecederet, & sequeretur Epilepsia. Neque enim credibile est, ut videtur Massariæ, tam repente & tam inexplicabili temporis momento integram cerebri obstructionem fieri, ut nullo modo ob inchoatam & semiplenam obstructionem præcederent Epileptica symptomata; si hoc modo generaretur Epilepsia: Cum sæpe dolores capitis, vertigines & similia symptomata Apoplexiam præcedere soleant. Multo minus in momento illa obstructio integra solui potest. Ideoque cum obstructio non est integra, siue ingruente siue deponente Apoplexia, Epilepsia sequeretur.

De specifica autem huius humoris ac vaporis natura si quærat, omnino admittendum est, simplicem acrimoniam ac malignitatem & venenositatem ad Epilepsiam generandam non sufficere. Nam dantur multi morbi, in quibus tales humores & inde exhalantes vapores ad caput ascendunt, ut Lues ♀ rea, febres malignæ multæ, venenatorum animalium morsus, quibus tamen & aliis pluribus Epilepsia non coniungitur. Ideoque ad Epilepsiam generandam non sufficit, ut vapor sit acris, mordax, malignus, sed peculiaris in eo qualitas & specifica proprietas, qua membranis cerebri & nervoso generi peculiari modo infestus, & omnino ἀσχετός Epileptica in eo requiritur.

Quæ autem illa specifica sit malignitas & ἀσχετός Epilepsiam excitans, explicare in hac naturæ obscuritate impossibile

impossibile est, estque ea, sicut aliorum venenorum, occulta, & nonnisi ex effectu colligitur. Nonnulli quidem è Chymicis hic se rem clarius explicare posse, quàm Galenicos, promittunt, sed an re ipsa præstiterint, dubito. Paracelsus & Paracelsi sectatores plerique epilepsiam morbum Mercurialem esse docent. Quomodo verò id clare explicent, non video. Neque enim, vt in Tractatu de Chymic. cum Galen. consensu ac dissensu dictum, satis explicant, quid sit Mercurius, & quomodo à reliquis principiis differat. Deinde cum multi morbi Mercuriales ex eorum sententia ponantur, non monstrant, qua in re determinata & specifica huius mali natura sita sit, & quomodo hic morbus Mercurialis ab aliis morbis Mercurialibus differat. Alij, vt rem clarius explicent, è Petri Seuerini Idea radicem huius mali statuunt Vitriolum Mercuriale, & Quercetanus in *Tetrad. cap. II.* scribit, nullum ex vaporibus epilepsiam producere posse, nisi sit naturæ Vitriolata. Et quidem plerique è Chymicis istis Mercurialem hunc morbum esse dicunt, deinde etiam ex parte aliqua salarium.

Verum enim verò asseruntur quidem ita hæc, sed firmis rationibus non probantur. Nam primò quod dicunt, morbum Mercurialem esse, ob subiectum eius, quod sit cerebrum, frigida & humida cum Mercurio naturæ, id hoc non satis probat. Etenim etsi Epilepsia fiat cerebro proximè læso: tamen hic quæstio est non de subiecto, sed de natura specifica illius humoris aut vaporis, qui cerebrum vellicando Epilepsiam parit. Is autem non semper in cerebro generatur, sed interdum in cranio, in ventriculo, vtero, & aliis corporis partibus. Neque etiam ideo Mercurialis dicendus, quod causa materialis hunc affectum generans in liquida, seu vaporosa substantia consistit: cum vapores etiam sulphurei esse possint. Præterea nec medicamenta omnia, quæ curant hunc morbum, Mercurialia sunt: sicut ol. succini Sulphuræ naturæ est; Sal. Succini, Sal C. C. Magisterium Coralliorum Salaræ.

Tandem cum ex illorum sententia omnis vis mordendi & dolorem excitandi à salibus sit, atque Epilepsia fiat
à vapo

à vapore cerebrum vellicante : potius Epilepsiæ causa, qua talis, ad Salem quàm Mercurium pertinere videtur. Ideoque ipsi Paracelsici necessarium hic censent, salem coniungendum esse ; id quod nec nos negamus. Cuius autem naturæ is sit, & an satis demonstrent, salem istum Vitriolatum esse, & nullum vaporem Epilepsiam concitare posse, nisi proprietatis & naturæ Vitriolatæ sit, dubito. Cum enim ipsi paroxysmum Epilepticum excitari statuunt, cum exhalationes malignæ acres, acidæ, adstringentes & corrosivæ spiritibus animalibus miscentur: id non solum ex Vitriolo, sed & aliis pluribus fieri potest, alumine scilicet & Sale Armoniaco, vt & Antimonio & Arsenico. Vnde Petrus de Epilepsia scribit, humorem, qui Epileptici vaporis fomes est, ob copiam Salis Vitriolati, Aluminosi & Armoniaci, quandoque & Mercurialis & Arsenicalis, phlegmate Mercuriali & Sulphure glutinoso exuto instar aquæ fortis summam acrimoniam, fermentationis, corrosionis & penetrationis vehementiam acquirere. Et certè si vapor iste, quod Quercetanus non negat, malignus est, potius malignitas in Antimonio & Arsenico quærenda est, quam in Vitriolo. Adstrictio in alumine quoque est ; Vis corrodendi in omnibus salibus, vnde tot aquarum fortium differentia. Et multi in febribus & aliis morbis æruginosos humores vomitu reiciunt, à quibus procul dubio etiam vapores congeneres in caput attolluntur, qui tamen Epilepsiam non excitant. Ergo æquè hic Chymicis ac Galenicis ad occultam & specificam qualitatem & proprietatem, necessarium illud humanæ ignorantiaæ asylum, confugiendum. Vt non immeritò magnus ille Medicus, Ioannes Crato ad Zvingerum in epistolis à Scholtzio collectis, Epistola 137. scripsisse videatur : Vtinam ante vitæ meæ exitum veram dignotionem huius mali & verum remedium aliquis ostenderet.

QVÆSTIO IV.

Quomodo Cerebrum in Epilepsia afficiatur, & qua de causa omnium sensuum actiones oboleantur?

Quomodo Cerebrum in epilepsia afficiatur, id totum ex cognitione causæ proximæ pendet. Nam qui ab humore crasso Epilepsiam fieri statuunt, necessariò etiam cerebrum vt partem organicam affici, eiusque ventriculos ab humore isto obstrui sentiunt. Verùm cum istam opinionem supra reiecerimus, eorùmque sententiam probauerimus, qui à vapore mordace, acri & peculiari vi cerebro infesto Epilepsiam prouenire docent, rectè etiam hic statuiamus, cerebrum in Epilepsia affici, quatenus ob membranas suas sensu præditum est. Etsi enim cerebri substantia non sentiat: tamen in membranis cerebri, & quæ illud continent, & in tenuissima illa membrana, quæ ventriculos cerebri intus inuestit, sensus inest. Et hinc fit, vt malignitate & acrimonia materiæ Epilepticæ vellicatum cerebrum sese cum neruoso genere concutiat, atque id, quod molestum est, excutere conetur.

Qua ratione cerebrum in Epilepsia afficiatur.

Qua verò de causa omnium sensuum actiones aboleantur in Epilepsia, si ea non fit ab obstructione ab humore crasso, alij aliter sentiunt. Platerus in Epilepsia neruosum genus molestè ab humore prauo affici statuit, quam dum excutere conatur, cerebrum simul exagitari & in consensum trahi dicit; & dum suppetias ad expellendum id, quod molestum est, afferre nititur, spiritus animales à se in neruorum initia propellere, atque ita effusis à cerebro spiritibus sensus internos cessare, & suis functionibus destitui; non aliter, quam in leipothymia & syncope nonnunquam spiritibus vitalibus effusis cor à sua functione cessat.

Alij ab angustia meatuum cerebri hoc prouenire statuunt: Verùm non ab obstructione, sed dum cerebrum à vapore molesto irritatur, contrahi & constringi illud dicunt, vnde meatuum oriatur angustia. Verùm magis probabile est, in Epilepsia magnam fieri spirituum animalium perturbationem, atque ideò omnes actiones turbari.

Nam

Nam cum actiones animales sine spirituum animalium, & quidem sese rectè habentium, ministerio perfici non possint; In Epilepsia vero spiritus animales sese rectè non habeant, sed variè turbentur, actionibus animalibus obcundis debito modo inferuire non posse, manifestum est.

Q V Æ S T I O V.

An motus conuulsuus in Epilepsia fiat à facultate animali, an verò naturali?

*Motus
conuulsui
in E-
pilepsia
quis an-
nat.*

De motus etiam illius conuulsui, qui in Epilepsia accidit, quoque membra variè agitantur, natura & causa inter Autores, præcipuè Thomam Erastum & Comitem Montanum, est controuersia. Thomas enim Erastus, in *Anatomia librorum Comitis Montani, & in disputatione de conuulsione*, pluribus defendere conatur, morbum hunc à facultate animali prouenire. Inter cætera autem vititur hoc argumento: Omnis motus, quem appetitus cum rationalis tum irrationalis musculis imperat, siue benè siue malè id faciat, animalis est siue arbitrius. Is autem motus, qui per contractionem musculorum ad sua capita fit, mandatur ab anima seu appetitu musculis. Omnis igitur motus talis dicitur & est voluntarius seu animalis. Minorem ita probat, quod nulla animati corporis actio, quæ ab eo, quatenus animatum est, editur, siue laudabilis ea sit, siue vituperabilis, ab vlla eiusmodi corporis affectione, nihil ad hanc rem concurrente anima, prodaci possit. Musculorum verò illa contractio, qua citra alicuius rei extraneæ operam, ad sua capita contrahuntur, ac membra, in quæ inserta sunt, mouent, operatio est animati corporis, qua animatum. Et proinde eiusmodi musculorum motus à re nulla alia fieri potest, anima non coagente. Cum vero naturalis non sit, utpote qui per musculos voluntarij motus instrumenta exercetur, esse animalem & arbitrium statuit.

Contra Comes Montanus hoc negat, *lib. 3. de morbo. cap. 30. & defensione quinta aduersus Erastum*, idque hac ratione. Si facultas animalis motum imperat partibus, imperium hoc ex appetitu oriri necesse est. Appetitus autem oritur ex cognitione; cognitio à sensu; sed sensus in Epilepsia

Epilepsia non vigent, & illud, quod corpori molestum, neque percipere neque facultatibus superioribus communicare possunt. Deinde etsi in alijs conuulsionibus & spasmo sensus sunt integri: tamen motus omnis, qui fit à facultate animali, est voluntarius seu spontaneus: At conuulsium motum præter voluntatem & contra eam fieri nemo ignorat; ac propterea facultati animali ascribi non potest.

Verum etsi opiniones hæ extremè discrepare videantur: tamen neutra per se veritati planè consentanea est, sed si coniungantur, veram sententiam constituunt; cum vtraque vis & expultrix naturalis & motrix animalis facultas in Epilepsia concurrant. Etenim motus hi conuulsui simpliciter animales non sunt, cum contra voluntatem fiant. Neque etiam simpliciter naturales; cum fiant beneficio muscoli, animalis facultatis instrumenti: neque credibile sit, facultatem naturalem expultricem posse tam vehementes ac validos motus solam edere.

Itaque hac de re sic statuendum puto. Cerebri membranæ, vbi à materia mordaci & maligna vellicantur ac molestantur, illud, quod molestum est, excutere conantur. Atque hoc modo vis expultrix cerebri primò quidem mouetur: Eadem tamen animalem facultatem, quæ subiecto illi simul inest, in consensum trahit, eamque ad expulsionem lacescit. Hinc fit, vt potentia illa cerebrum vehementius dilatet & comprimat, ac ista compressione, quod sibi molestum est, excutere conetur, quod iu sternutatione fieri videmus. Imò simul facultatem mouentem in neruoso & musculofo genere in consensum trahit. Atque hoc modo à facultate expultrice quidem initium motus est, motus tamen vehementiam iuuat vis animalis. Aliter enim sese habet expulsio in parte, quæ motu destituitur; aliter in ea parte, quæ ad modum apta est; variantque symptomata secundum partes subiectas; Id quod & in sternutatione, quæ magnam cum Epilepsia conuenientiam habet, videre est, vt & in singultu. Quam enim princeps & prima causa sternutationis sit

vis expultrix cerebri: Irritatur tamen eadem & in consensum trahit vim motricem capitis & thoracis, cerebrumque irritatum in expulsiōe ista à motrice functione corporis adiuuatur, musculique capitis & pectoris contrahuntur, ut felicius ac potentius id, quod molestum est, à cerebro expellere possit. Videantur etiam, quæ supra de conuulsione dicta sunt.

Q V A E S T I O VI.

An Sanguis in Paroxysmo Epilepsiae sit mittendus?

*Sanguis
an in
Epilepsia
paroxysmo
mittendus.*

Fuerunt quidem inter antiquos nonnulli, qui in Epilepsiae Paroxysmo venam aperiendam censuerunt. Verum hodie nemo Medicorum est, qui id suadeat aut tentet. Etenim in ista vehementi & inordinata concussione corporis nec commodè satis institui potest venæ sectio, nec si posset, satis tutò ac cum vtilitate aliqua adhiberetur. Nam cum in Paroxysmo Epileptico maxima naturæ & causæ morbificæ lucta sit, ac natura id vnicè agat, ut materiam illam sibi molestam excutiat, eademque valde laboret tum ob denegatum animalium spirituum influxum, ac respiratio & hinc aliæ actiones non rectè sese habeant: facillè fieri posset, ut sanguine & cum eo spiritibus subtractis natura succumberet, & ita æger in ipso paroxysmo cum summa medicinæ ignominia expiraret. Nec vlla causa est, quæ venæ sectionem suadeat; nec per eam æger à Paroxysmo citius liberari potest.

Q V A E S T I O VII.

An extra Paroxysmum sanguis mittendus sit in Epilepsia?

Sunt quidem nonnulli, qui nec extra paroxysmum in Epilepsia sanguinem mittendum censent, eam imprimis de causa, quod morbus hic ab humore frigido & crasso oriatur. Sed, ut sæpe dictum, ex falsa hypothese id asserunt: neque enim ab humore crasso, sed potius à tenui ortum habet Epilepsia. Ideoque etsi nonnunquam fieri queat, ut corporis constitutio pituitosa adsit, aut è ventri-

ventriculo vel alia parte determinata nullo sanguinis vitio concurrente Epilepsia excitari possit, & ita venæ sectione opus non sit: (in quibus etiam casibus nulla venæ sectionis supra facta est mentio) tamen in Epilepsia per essentiam, & si plenitudinis cuiusdam notæ appareant, aut sanguis multus melancholicus adsit, vena omnino aperienda est; cum indicans venæ sectionis adsit: modò vires id permittant. Idem faciendum, sit à consueta aliqua sanguinis euacuatione, vt mensium in foeminis, vel Hæmorrhoidum suppressione Epilepsia originem habeat.

Q V A E S T I O V I I I.

Quenam vena in Epilepsia sit aperienda?

Quæ verò vena aperienda sit in Epilepsia, Autores non *Qua vena in Epilepsia aperienda.* planè consentiunt. Etsi verò suprà in singulis Epilepsiarum differentiis, quæ vena, vbi opus est, aperienda sit, definitum est: tamen vt res clarior fiat, & quo fundamento supra proposita nitantur, patefiat, sciendum; si Epilepsia fiat per primarium Cerebri affectum, & aliqua plenitudo sanguinis in capite appareat, vel in toto corpore sanguinis plenitudo adsit, quæ vel ad producendam vel fouendam Epilepsiam faciat, virésque permittant, commodissimè in cubito vena aperitur, quâ sanguis euacuatur, & à capite deriuatur. Si vero Epilepsia sit per consensum ab utero, ac menstruorum suppressione, vel à suppressis hæmorrhoidibus, venæ in cruribus aperiendæ sunt, vt & sanguini motus suppressus concilietur, & materia à capite reuellatur.

Q V A E S T I O I X.

An Vomitus in Epilepsia conueniat?

Etsi nonnulli vomitum in Epilepsia planè improbent, *Vomitus an in Epilepsia conueniat.* ea imprimis de causâ, quòd vomitus caput, quòd aliàs in Epilepsia afficitur, concutiat: tamen hæc ratio sufficiens non est, nec vomitus planè improbandus, sed distinctione opus est. Etenim vbi cerebrum primariò afficitur, aut vbi à parte aliqua externa Epilepsiarum causâ cerebro comunicatur

nullus. vsus est vomitus; & experientia docuit, eos, qui violentioribus per aluum & vomitum simul purgantibus in Epilepsia cerebro primario affecto vtuntur, non solum nihil commodi inde percipere, sed peius inde habere. Sed tum vomitus prodest, & locum habet, vbi Epilepsia per consensum ventriculi, partiumque vicinarum oritur, seu cum causa epilepsiæ iis in locis hæret, è quibus per vomitum excludi potest. Et naturæ quædam ad vomitum satis pronæ sunt, nec facile incommodi aliquid ex eo tum metuendum. Et sit, vt caput aliquo modo afficiatur vomitu: tamen longè maius commodum est, quod tum ex eo prouenit.

Nota.

Q V Æ S T I O X.

*An Frictiones in Paroxysmo Epileptico
vsu habeant?*

Frictiones in Epilepsia. Non malè in *spicilegio cap. de Epilepsia* scribit Franciscus Hildesheim; in ipso paroxysmo Epileptico nullum vquam auxilium præstantius se expertum esse, quàm frictiones validas ac violentas scapularum, brachiorum, crurum, & ipsius dorsi cum pannis asperioribus & pilosis. Erastus tamen, *disp. 4. contra Paracels.* frictiones non multi vsus esse putat, quod nihil euacuare ex loco affecto possint, propter obtusum membrorum sensum. Verum enim vero sententia prior verior est. Etsi enim verum sit, sensum tum esse obtusum: tamen si frictiones fortiores sint, quales esse debent, sensus sopiti excitantur quasi. Præterea etsi sensus frictiones non percipiat: tamen frictiones fortes partes calefaciunt, humores & spiritus ad partem, quæ fricatur, concitant, ac mouent. Vnde fit, vt vapores ad caput tendentes versus inferiora & partes illas, quæ frictione incaluerunt, attrahantur & discutiantur.

Q V Æ S T I O XI.

*An in Paroxysmo Epileptico sternutationem
ciere liceat?*

Sternutatoria in Epilepsia an cōueniāt.

Sunt nonnulli, qui in paroxysmo Epileptico sternutationes ciendas non putant eâ de causa, quod humores crassos sternutatoria è cerebro excutere non possint, verum eos mouendo & agitando maiores obstructions pariant:

riant: imò, capite non euacuato, visui insigne damnum adferre possint; cum experientiâ constet, ex intempestiuo sternutamentorum vsu, materia in cerebro copiosâ agitatâ, neruorum opticonum obstructionem & hinc cœcitatem secutam fuisse. Verùm supponunt hi ex antiqua opinione, à crassis humoribus ventriculos cerebri obstruentibus excitari Epilepsiam. Cùm verò supra satis sit demonstratum, non ab humore crasso, sed potius tenui, imò vapore & aurâ Epilepsiam excitari, frustra hoc incommodum metuitur, materiâque talem ptarmica satis discutere valent. Atque vsus & experientia docet, nihil damni à ptarmicis in Epilepsia exhibitis prouenire, sed cum summa vtilitate ea adhiberi. Interim non negamus, in aliis morbis, in quibus materia crassa & copiosa in capite abundat, ptarmica cautè & cum circumspectione esse adhibenda.

Q V Æ S T I O XII.

An Apium Epilepticis sit noxium?

Auicenn. lib. 3. Fen. 1. 17. 5. cap. 11. è cibis præcipuè apium *An apium* reiicit, vtpote quod peculiarem proprietatem Epilepsiam *Epilepticis* commouendi habeat; quem Arnoldus de Villanouâ lib. 1. *cis sit* cap. 2. & alij, inter quos è recentioribus est Tabernæmontanus, sequuntur. Auicennam verò reprehendit Leonhard. Iacchin. de acutor. morb. curat. & merum delirium esse, id *noxium?* putat; cum Galenus in consil. de puero Epileptico, Apium Epilepticis concedat.

Verùm non solum Auicennas, sed & Alex. Trallianus, lib. 1. cap. 15. Apium Epilepticis, ceu naturaliter eos offendens, prohibet. Et Plinius lib. 20. nat. Histor. cap. 11. ex Chrysippo & Dionysio refert, in puerperio ab eo cibo comitiales fieri, qui vbera hauriunt. Cum ergo tot docti viri id affirmant, non puto planè istam sententiam esse reiiciendam, sed potius experientiam, quæ non planè refragabitur, consulendam. Et quamuis multi hodiè sine noxa vtantur eo: ij tamen ad epilepsiam dispositi non sunt. Et licet Galenus Apium epilepticis concedat, id tamen degustare saltem permittit, sicut & Smyrnum, quod tamen postea caput replere scribit; & similia, quæ

ei ætati, & in epilepsia parum commoda, concedit: quâ ipsa de causâ Hercul. Saxon. hoc Consilium cum sale legendum putat.

Hoc tamen hîc monendum, cum de Apio quæstio est, petroselinum nobis ita dictum, intelligendum esse. Id enim est verum apium hortense, & domesticum antiquorum; quod verò apium hodie dicitur vulgò, id est apium palustre antiquorum.

Q V Æ S T I O XIII.

An Cranij humani aliquis in

Epilepsia usus sit?

*Cranij
humani
in Epile-
psia usus*

Cranium humanum contra Epilepsiam hodie vsurpari notissimum est. Reprehendit tamen hoc Erasius in *disputatione contra Paracelsum part. 4.* scribitque, Diabolum persuasisse latenter hominibus, vt pro Epilepsiæ depulsione vterentur puluere ex cranio humano præparato, & iussisse, vt deuorarent foeminas foeminæ, mares masculi. Paracelsum verò cum inaniter offerri cranii puluerem inaniter offerri cranii puluerem animaduertisset, vt superstitionem confirmaret & augetet, ossiculum quoddam paruum, angulare, magnitudine vnguis in capitis vertice inueniri, mentitum esse, quod epotum liberaret ab Epilepsia, & ne in mendacio deprehenderetur, addidisse, non in omnium capitibus, sed in quorundam saltem reperiri. Ipse verò Erasius in nullis reperiri statuit.

Verùm enim verò etsi verum sit, inter medicamenta passim circumferri multa, quæ reipsa, quod de ijs prædicatur, non præstent; nolim tamen hoc facîle de cranio humano asseuerare; cum tot docti eruditique Medici testentur, verum esse, quòd de efficacia cranii humani in Epilepsia scribitur, præcipuè cum Erasius nullam rationem, quæ contrarium suadeat, afferat. Ideoque etsi supersticiosorum medicamentorum vsus rectè reiiciatur, atque inde etiam Galenus de *simpl. med. fac.* scribat, absurdum & indignum hominibus esse, talia vsurpare: Idem tamen Galenus lib. II. de *simpl. Medic. fac. titul. de Ossibus* refert, se nouisse quendam ossa combusta potui exhibuisse haud

haud sciētibz quid biberent, ne scilicet ea auersarentur, ac multorum tūm Epilepsiam tūm Arthritidem curasse. Id quod de cranio etiam obseruare cuique promptum est. Et imprimis ad Epilepsiam curandam efficacissimus est spiritus, qui ex eo elicitur, si infantibus gutt. vj. vel vij. adultioribus plures exhibeantur; vt & sal ille volatilis, qui in destillatione liquoris huius è cranio colligitur.

Paracelsum quoque officulum illud in cranio humano *Officulu* reperiri affirmantem mendacii immeritò arguit Thomas *triangu-* Erastus. Etsi enim ipse ea non viderit: in multis tamen *lare in* ad commissuram futuræ coronalis & sagittalis talia offi- *cranio* cula triangularia reperiuntur. Et sunt penes me aliqua, *humano.* quæ super etiam meis Auditoribus monstraui, quæque habeo ex dono Dn. D. Michaëlis Doringii, iam medicinæ Doctoris & Physici Vratislaviensis, qui cum iter in Sabaudia cum Dn. Guiljelmo Fabricio Hildano, Chirurgo celeberrimo faceret, in ossuariâ obuiâ multa ex craniis ibi asseruatis cūm Dn. Fabricio collegit.

Q V A E S T I O X I V.

Utrum Amuleta prosint in Epilepsia.

Cum de Amuletis quædam in genere dicta sint in Tract. *Amule-* de Consens. & Dissens. Chymic. cum Aristotel. & Galen. *tarum in* ea, quæ ibi prolata sunt, hic repetenda non censeo, sed *Epilepsia* argumenta solum, quæ *loc. allegato* affert Erastus contra *usus.* Amuleta, examinabo. Primò quidem scribit, cum naturalia *nat* siue propter formam substantiæ effectricem, siue propter certam temperaturam rebus subjectis insint, non aliter mutantur, quam per sensibilibz qualitatem alterationem, seu temperamenti mutationem. Quippe formæ substantiales neque corrumpuntur, neque mutantur, non mutato temperamento: At ab Amuletis eiusmodi temperamentum sensibilibz qualitatum mutari nequit. Verum enimverò male præsupponit Erastus, nullas in rebus dari qualitates & per eas mutationes, præter eas, quæ sunt à temperamento primarum qualitatum; aut si dantur, non mutari posse, nisi temperamento

sensibilium qualitatum mutato. Experientia enim multiplici constat, dari multas occultas qualitates, quæ ab ipsa forma substantiali non mediante temperamento primarum qualitatum fluunt. Hæ ergo qualitates cum sui generis qualitates contrarias habeant, vnde rerum Antipathia proueniunt, possunt mutari, non mutato temperamento à sui generis qualitatribus.

Deinde nec illud admitti potest, occultas qualitates non nisi proxima, & quæ contingunt, corpora afficere, in remota vero, & inter quæ aliquod interiectum sit, non agere. Reperiuntur enim, inter quos & feles ea est antipathia, vt ad præsentiam felis etiam cistæ inclusæ, & quam non vident, animo deficiant. Et Magnetis vires trahendi ferrum nullo obice aut obstaculo impediri posse, ac per tabulam interpositam ferrum à Magnete trahi, res ipsa docet. Et quod Erasus negat, ferrum à magnete per medias carnes & cutim trahi, id affirmat Ambrosius Paræus, *lib. 8. Chirurg. cap. 15.* vbi refert, quendam Chirurgum hernias puerorum curasse magnete in tenuissimum puluerem redactò, & cum polenta exhibito, inguine verò, quæ præcipitabantur intestina, melle inuncto, & subtili ferri limatura aspersa.

Quod etiam impossibile putat Erasus, frustum lapidis aut radice appensum cuti tantam vim morbifici humoris educere, vt morbum tam terribilem iugulare possit, id impossibile non est. Etsi enim sensibilibus humores vitiosos non educant talia: in ipsam tamen causam morbificam aliquo modo agere possunt. Etenim non ipsi humores, quatenus tales, causa Epilepsia sunt, sed malignum illud in humoribus, & praua humorum *Qualitas*, ac quod peculiari vi cerebro infestum est, quod in minima etiam quantitate magnas vires habet, vt in venenis videre est. Illud ergo si extinguatur, & qualitas illa si tollatur, Epilepsia cessat, humore manente, modò is non totus corruptus sit. Nec impossibile est, humorem aliquem qualitate praua deposita manere, sicut non solum id in coctione humorum & febribus extincto paroxysmo videre est, sed & aliis in rebus apparet. Spiritus Vitrioli, exempl. gratia,

gratia, insignem aciditatem & acrimoniam habet; at si aliquid Salis vel ol. \square ri addatur, omnem illam amittit. Vinæ pendula corrigi possunt manente substantia. Ita & Cereuiis acedentes sæpe qualitatem illam deponunt.

Q V Æ S T I O XV.

An usus Sanguinis humani conueniat in Epilepsia?

Ex Tertulliani *Apologetico aduersus gentes* patet, Romæ vsitatum fuisse, vt in Theatro & arena iugulorum gladiatorum sanguinem recentem de iugulo decurrentem & tepentem adhuc cōtra morbum comitalem biberent. Idem Plinius *lib. 28. natur. Histor. cap. 1.* testatur & Cornel. Cels. *lib. 1. cap. 34.*

Verum vt illa ipsa theatra spectacula & gladiatorum cædes diaboli inuentum sunt: ita, vt Plinij, *loc. allegato*, verbis vtar, ille euerfor iuris humani, monstrorumque artifex cæde humana & sanguinis humani effusione delectatus ex hominum sanguine & sacrificia & pharmaca per suos sacerdotes fraudulenter instituit, hominibusque superstitionis persuasit, vt contra Epilepsiam sanguinem humanum haurirent. Verum nullius animalis sanguis adhuc calens sine incommodo bibitur. Docetque experientia, sanguinem animalium, potissimum adhuc calentem & spirituosum, haustum magnam in corpore mutationem efficere; possuntque inde Lycanthropia & Galianthropia excitari, ita vt homines eorum animalium mores referre incipiant, de quo supra *cap. 16.* dictum. Sanguinem quoque humanum Epilepticis nihil profuisse, sed animum ferocem induxisse, eadem experientia docuit. Nota est ex Iulio Capitolino historia de Marci Antonij Philosophi Imperatoris vxore Faustina. Ea enim cum amore gladiatoris detineretur & contabesceret, Marcus Imperator id ad Chaldaeos & Mathematicos retulit, qui suaserunt, vt occiso gladiatore Faustina tepidum cruorem illius biberet, viroque suo mox concumberet; quo quidem sanguine gladiatoris hausto amorem deposuit (forsan desiderio potius per remotionem obiecti, quam sanguinis haustu, sublato) vis autem illius gladiatoris sanguinis sese prodidit in

partu illius Faustinae. Antonius enim, quem peperit, homo crudelis & gladiatorio animo ac temeritate fuit, ut pugnis gladiatoriiis & cruentis cædibus Rempubl. Romanam ferè attriuerit.

Refert quoque Ioan. Lang. *Epist. lib. i. cap. 71.* quendam Pastorem sicarium & homicidam duos habuisse filios, quos sibi in sui facinoris & latrocinij subsidium asciuit. Cum verò iuniorem ad tam sæua obeunda facinora pusillanimum animaduertisset, occiso in sylua Ottonis tabelario, panem sanguine occisi madidum filio esurienti edendum præbuit, quo degustato, tãquam dæmonis cæstro percitus, sese ad quævis perpetranda flagitia longè audaciorum factum, dum de eo sumeretur supplicium, sponte confessus est. Plura de sanguinis humani, instinctu diaboli, vsu videantur in allegata modo Epistola. Summa, ut Lucretius scribit:

—— nullus semel ore receptus

Pollutas patitur sanguis mansuescere fauces.



C A P V T XXXI.

De Caro, Nomen.

*Carus
unde di-
ctus.*

Carus ἀπὸ τοῦ κεῖρας, à capite sic dictus est, quod sit capitis grauitas & inexpugnabilis dormiendi necessitas. Latini nonnulli torporem, Arabes Subeth appellant. Idem cum Caro etiam affectus videtur esse malum, quod Hippocrates 7. *Aphor. 14. & 58.* ἐκπληξις, & ἀφωρία nominat. Quanquam ἀφωρία pro magnitudine affectus interdum Apoplexiæ tribui videatur. Etsi verò Carus nonnunquam pro comate sumitur: tamen cum de caro propriè dicto loquimur, est is proximus apoplexiæ affectus, in quo non solum somnus longior est & profundior, quam in lethargo, sed præterea æger vocatus non audit, & nisi punctus vix sentit, & quamuis sentit, non tamen loquitur aut oculos aperit. Respiratio tamen illæsa est, quo

quo ipso ab Apoplexiâ differt; in qua respiratio est difficilis cum stertore. Quando verò Galenus 4. de loc. aff. cap. 2. & 2. acutor. aphor. 20. scribit; in caro hominem neque sentire neque moueri, neque intelligere, neque meminisse, id ita accipi debet, quod Carotici non sentiunt nec mouentur, nisi obscure & confuso quasi iudicio, dum videlicet obiecto fortius feriente ac pungente partem contrahunt, quod non fit in Apoplexia.

Definitio.

Est videlicet Carus, vt Galenus definit, *de symptom. differe- Definitio*
rent. cap. 3. Parâlysis quædam τῆς φανταστῆς, seu vt res clarius explicetur, resolutio & priuatio quædam sensuum internorum & externorum, motusque voluntarij, spirandi solùm facultate illæsa: Seu somnus profundus cum sensus & motus, respiratione excepta, imaginationisque seu imminutione seu ablatione, ob impedimentum motus ac liberum exercitium spirituum animalium.

Causæ.

Causam huius mali proximam esse in spiritibus animalibus, qui in organa sensus & motus influere ac liberè in cerebro moueri non possunt, planum esse puto. Hoc autem impedimentum plerique deducunt ab angustia ventriculorum cerebri, quam à compressione vel ab obstructione prouenire statuunt. *Causa proxima.*

Et quidem primo à compressione cranij & cerebri fieri Carum, docet Fernelius *lib. 5. Patbol. cap. 2.* dum scribit, se vidisse quendam ictu vehementi ac valido concidisse, vt sanguis ex oculis, naribus, auribus & ore emanarit, hinc totius mentis sensusque stupor inuaserit, vt caluaria pertusa ac denuo obducta fuerit, omnèque remedij genus sine sensu inductum fuerit, atque is tertio mense restitutus immemor omnium, quæ acciderant. Refertque Mercurialis, se vidisse quendam ab importuna cranij perforatione factum caroticum, vbi scilicet in vulneribus inter perforandum vel eximendum os membrana cerebri violatur, negligētius impresso instrumento Chirurgico, quod *μωιργόφύλακα* appellant. Pertinet & huc musculorum temporalium ac arteriarum contusio nisi causæ istæ commodius

ad tertium causæ genus referri possent, de quo postea. Pertinent & huc allegati aphorismi 14. & 58. sect. 7.

Secundò ab obstructione meatuum cerebri, imò cerebri refrigeratione & humectatione ab humore quodam frigido & crasso Carum fieri posse negandum non videtur: Cum omninò inter soporis prænaturalis species hæc sit grauissima. Ad hanc causam faciunt iter per loca frigida, in pluuiis & niuibus, habitatio in conclavi nuper ædificato & humido.

Tertiò. Sed præter angustiam causæ illæ externæ, ictus & percussiones capitis casusque alio etiam modo actiones animales turbare posse videntur, videl. vel agitatæ, commotis & perturbatis saltem spiritibus, vel etiam nervis, quibus spiritus feruntur, ruptis. De qua causâ vtraque Fernelius *loc. allegato* ita scribit: Fiunt præterea & soporosi affectus cerebro ictu vel casu vehementius concusso. Agitatæ quippe & commotis spiritibus nulla rectè actio edi potest, tùmque subsistit homo quasi attonitus, ut qui aut timore aut verecundia obstupuit. At si concussionis vi & impetu fracta & depressa caluaria meninges cerebrumque premit, sensus atque sermonis expers obstupescit homo. At certè cum effractum cerebrum est, atque eius aut nervorum inde prodeuntium diuulsio quædam obtingit, omnibus quidem fractis ac debilitatis deterrimus sopor oritur exigua nobis salutis spem relinquens.

Pertinere huc videtur & ea Cæri species, quæ fit arteriis carotidibus & musculis temporalibus affectis. Cum enim hæ arteriæ spiritum vitalem ad animalium spirituum generationem ad cerebrum vehant, si lædantur hæ arteriæ, & spiritui vitali transitus denegetur, spirituum animalium generatio non fit, & ita spiritibus vel deficientibus, vel perturbatis Carus oritur. Idem fit musculis temporalibus contusis, compressis vel alio modo læsis, quos idcirco Hippocr. *lib. de articulis* *ναρῶδες* nominat. Habent enim non solum maximum cum cerebro consensum propter insignes nervos, qui si lædantur, faciliè cerebro malum communicatur, sed & arteriæ carotides his musculis læsis lædi possunt.

Nota.

Ad

Ad hanc differentiam Cari, quæ à perturbatione spirituum fit, pertinet & ille, qui fit à vehementissimis doloribus, à causa siue interna, siue externa, dissipatis videlicet spiritibus & concidente in cerebro spirituum animalium robore, unde nonnulli etiam subsidentiam cerebri deducunt, quæ peculiaris in hoc affectu angustiae causa fit.

Pertinet huc & ille somnus grauis, qui in Epileptici paroxysmi fine accidit.

Quartò. Quibus tandem meritò addimus vim narcoticam, de qua supra *cap. 2.* dictum, & *cap. seq.* de Apoplexia dicetur, dum spiritus animales torpidi & ad actiones suas inepti redduntur. Accidit hoc ex medicamentorum narcoticorum cum assumptorum tum extra applicatorum usu. Deinde quædam venena carum inducunt, sicut ex morfu Aspidis soporem & torporem lethalem accidere, Plutarchus de morte Cleopatrae scribit; ut & fungorum quorundam esus & alia venena. Sæpe etiam ex intus genitis malignis humoribus, in malignis febribus carus accidit. Imò interdum in intermittentibus etiam febribus in principio paroxysmi calore attenuata & fusa materia vapores ad caput eleuantur & carum excitant, qui non prius cessat, quam vapores illi discussi sint. Et quod in febribus à toto corpore accidit quandoque, idem etiam à priuatis partibus, intestinis & vermibus in iis, ac vtero accidere potest. Refert quoque Mercurialis, Sabæos populos incidere in hunc morbum ex odore & fragrantia fructuum & florum apud eos nascentium, & curari suffitu bituminis & barbae hirci. Pertinet huc & fumus carbonum accensorum in conclaui concludorum, qui & aërem crassum & ventilando calori ineptum reddit, & vi narcotica spiritus torpidos efficit. Quod præstant & vapores illi è musto & cereuisia feruente exhalantes.

Differentiæ.

Differentiæ vtilis & ad curationem cognitu necessariae à causarum diuersitate, & locorum, in quibus illæ in corpore generantur, varietate petuntur. Carus videlicet alius est per essentiam, ubi materia eius causa in capite generatur; alius per consensum, & quidem nunc ex hac nunc ex

Differentia.

ex illa parte prouenit. Causæ quoque sunt variæ , vt modò dictum.

Signa Diagnostica.

*Signa
Diagnostica
ipsius
affectus.*

Ager graui & continuo somno opprimitur, atque oculos habet clausos; quod non fit in catalepsi; & si eos, dum magno clamore vocatur, aperit, statim iterum claudit: Interrogatus non respondet; quod fit in Lethargo, in quo ipsa febris semper coniungitur; cum carus si cum febre fit, accessiones saltem febrium sequatur. Si pungatur, sentit & membrum contrahit; quod non fit in Apoplexia: Libera tamen respiratio adest, nisi causæ vehementia sit maxima, ac tum parum ab Apoplexia differt hic affectus.

Signa Causarum.

*Signa
causarum.*

Causæ quoque huius affectus sua habent indicia. Nam si à compressione est, præcessit contusio vel ictus; quod ab astantibus cognosci potest: sicut & si à fumo carbonum aut veneno hoc malum originem trahat. Si ab obstructione vel cerebri humectatione, pituitæ signa aderunt ex antegressis causis humectantibus & refrigerantibus, vt aëre, cibis, medicamentis, ex temperamento itidem ac habitu corporis humidioris ac frigidioris & signis alijs, de quibus supra part. I. Si febris adsit, facile suis cognoscitur signis, & naturam causæ patefacit. Si ex vermibus originem habeat; item si vapor ab inferioribus ascendens malum producat, diligenter inquirendum, in qua parte fons mali & materia, quæ vaporem illum narcoticum suppeditat, hæreat.

Prognostica.

Prognostica.

1. Τὸ κατὰδὲς vbique malum, teste Hippocrate, in Coac. prædict. & Galeno I. Proverb. Aphor. 29. Nam & actiones animales, excepta sola respiratione, sunt affectæ, & cerebrum, quod nobile membrum est, patitur. Magis verò periculosus est carus, in quo respiratio quoque læditur. Tum enim Apoplexiam in propinquo esse indicio est.

2. Cephalalgia κατὰδὲς cum capitis grauitate conuulsionem indicat. Hippocrat. in Coac. Cuius rei causam hanc reddunt, quod humor frigidus non nimis crassus in nervorum substantiam penetret, eos repleat, extendat, aut frigore

frigore vellicet, vt conuulsio fequatur. Verum probabilius est, materiam, quæ seu cerebrum humectando & replendo, seu vi Narcotica carum inducit, etiam simul peculiari modo neruoso generi infestam esse, illudque vellicare, & prout in hunc vel illum locum prius incidit, hoc vel illud Symptoma prius producere posse. Etenim si in Epilepsia in fine paroxyfmi sopor accidit, non tam ob defatigatum à nimia agitatione cerebrum, quam quod, vt rectè Platerus hac de re statuit, vapores maligni, qui prius neruosum genus afficiendo motus Epilepticos excitabant, postea cerebrum labefactando soporem inducunt: Cur non etiam vapor aut humor, qui prius in cerebro soporem inducebat, postea ad neruosum genus conuersus idem vellicare & conuulsionem parere possit? Cuius rei documentum præbet vinum & spiritus vini. Etenim comper-
tum est, ebriis nonnunquam post soporem conuulsionem superuenisse. Nota.

3. Carus in declinatione febrium continuarum proueniens, si vires sint debiles, lethalis est.

4. Si Cranio contuso meninges & cerebrum contundantur, malum est; quoniam æger aphoniam corripitur, & sensu motuque priuatur. Si verò cerebrum ipsum effringatur, aut neruorum fiat auulsio, deteriora symptomata succedunt, cum exigua salutis spe, vt ex 7. Aphor. 14. & 58. colligitur.

5. Carus & somnus nimius ac grauis post quamlibet magnam inanitionem aut spirituum dissipationem & absumptionem, pessimus est. Ægrum enim morti vicinum nunciat.

Indicationes.

Si malum hoc proueniat à copiosa pituita cerebrum refrigerante, humectante, & irrigante, vel etiam meatus eius obstruente, calefacienda, attenuanda, & euacuanda ea erit, habita prius ratione totius corporis. Si autem ab humore vel vapore narcotico fiat, ea exhibenda, quæ peculiarem facultatem habent narcoticam vim infringendi: simulque partis, quæ illam materiam suppeditat, habenda ratio est. Si à veneno proueniat, curatio ad illud dirigenda.

dirigenda. Si accadat à compressionē cerebri, cranium eleuandum, affluxus prohibendus, & quod affluxit, discutendum.

Curatio.

Curatio. Ergo si vel à pituita, vel à vapore narcotico originem habeat Carus, habita prius totius corporis ratione, eoque euacuato, reuulsionibus institutis per frictiones, glandes, clysteres acres, vt suprà *part. I.* dictum, caput per errhina, apophlegmatismos & similia euacuetur, vt ibidem dictum. Ager frequenter Rutam & Pulegium olfaciat, aceto intincta; Pars capitis anterior fricetur ol. rutæ, cui castoreum admistum sit, vel etiam addatur Sinapi ac Nigella, vel sinapismi instituantur. Acetum quoque acerrimum laminæ ferreæ candenti infundatur, ac vapor naribus excipiat, quod efficax est in affectibus soporosis remedium. Reliqua quoque curatio ferè instituitur, vt *capite seq. de Apoplexia* dicetur.

Si autem cum febre vel vermibus coniungatur Carus, vel aliunde per consensum accadat, respiciendum ad totum corpus vel ad partem mittentem. Materia scilicet à capite auertenda, cerebrumque, quod est membrum recipiens, roborandum. Imprimis materia, quæ causam supeditat, tollenda: sublato enim morbo principali vel fomite, & illud, quod eum sequitur, cessat. Ea tamen non sunt negligenda, quæ vim narcoticam infringunt; ideoque acetum, ruta, pulegium olfacienda.

Si autem à veneno hoc malum inductum sit, & quidem hausto, mox vomitus instituat: Deinde dentur conuenientia Alexipharmaca. Si Opium sumptum sit, castoreum mixtum cum oxymelite detur. Si Hyoscyamus, cassia lignea aut castoreum exhibeatur: Si morfu animalis venenati inductum sit venenum & hinc pendens Carus, conuenienti. Alexipharmaca danda, ac venenum per vulnus extrahendum. Si ignoretur venenum, propinetur Theriaca antiqua cum castoreo. Sin extra admotum sit Narcoticum, ol. castor. rutæ & de piperibus conuenit.

Simul in his omnibus danda opera, vt æger à somno excitetur, de quo suprà *c. 2.* dictum. Nimirū extra adhibenda

Ruta,

Ruta, & ex ea parata medicamenta, Castoreum, Acetum, Moschus, vel applicetur capiti Emplastrum ex vna parte scillæ, vna ruta, & duabus castorei.

Nonnulli hic plura medicamenta à proprietate iuuantia contra hunc affectum proponunt. Dominic. Leonus *cap. proprio* scribit, quendam Empiricum retulisse, succum consolidæ, præcipuè minoris, quantitate 3.ij. haustum, lethargicos & caro laborantes excitare, & omnem somnum profundum remouere. Idem scribit, fel gruis tepesfactum in vase plumbeo & illitum occipiti à somno excitare; myrrham item & thus deglutitum somnum discutere. Recenset ibidem & alia quædam sub ceruicali posita, vel corpori alligata, quæ vigilias præstant, vt oculos, cor & fel philomelæ, pennam dextræ alæ merulæ, caput & cor vespertilionis, oculos vpupæ, quæ tamen videntur esse superstitiosa.

Cum etiam interdum accadat, vt Medicus ad eos, qui fumo carbonum, vel vapore musti aut cereuisiæ feruentis penè suffocati sunt, subito vocetur, quid tum agendum sit, vt in promptu habeat necesse est. Forestus *lib. 15. obseru. 36. in scholio* curationem ex Haly *Practica lib. 6. cap. 4.* desumptam proponit. Verùm Haly eò loci non de fumo suffocatis, sed de strangulatis & fune suffocatis agit. Æger autem talis statim in aerem liberum exportandus, & os diducendum ac apertum seruandum, & sp. vini optimè rectificatus, in quo aliquid Theriacæ dissolutum sit, vel aqua Theriacalis aut Apoplectica instillanda. Hinc vbi æger iterum moueri incipit, vomitorium ex multo oxymelite exhibendum, dorsoque ægri concusso vomitus excitandus. Hinc aliquod sternutatorium naribus insufflandum, & palato Theriaca, Mithridatium cum castoreo, aliæque, de quibus de Apoplexia dicetur, illinenda. Nec intermittendæ frictiones, clysteres. Tandem ea exhibenda, quæ spiritus animales & vitales reficere valent.

Si denique à compressione cranij & cerebri originem habeat Carus, curatio instituenda, vt suprà, *part. 1. cap. 10.* dictum.

Dieta.

Ager contineatur in aëre temperato, vel ad siccum & calidum vergente, lucido, non tenebricoso, & clamore forti ac vociferatione excitetur. Instituantur & frictiones & ligaturæ extremorum. Reliqua ex iis, quæ de Lethargo dicta sunt, & iam de Apoplexia dicentur, petantur.



CAPVT XXXIII.

De Apoplexia, Nomen.

Apople-
xia unde
dicta.

Apoplexia, Græc. ἀπὸ τῆ ἀποπληξίς dicitur, quod homo ceu fulmine ictus, aut victima ad aram cæsa, subito concidat. Ἀπρωίαν & Apoplecticos ἀπώριος appellat Hippocrates 4. de rat. viſt. in acut. 6. Aph. 51. 7. Apho. 55. quod hoc malo correpti statim obmutescant.

Ἀπρωία
quid sit.

De voce verò ἀπρωίας notandum, etsi vox etiam lædi possit solum instrumentis voci destinatis læsis; tamen Hippocrates, ut Galenus in Comm. ad allegatos Aphorismos docet, ἀπώριος καὶ ἰζοχλω eos saltem, quibus sensus & motus ablati, quique non aliter atque attoniti sine ullo sensu & motu prostrati iacent, sub nomine ἀπώριον intelligit, sub vno maxime manifesto symptomate τῆς ἀπρωίας omnes voluntarias actiones læsas comprehendens. Fit autem hoc & in Apoplexia & in Caro. Ideoque ἀπώριον nomine utroque affectu laborantes comprehendit Hippocrates. Aphoniam quidem pro caro sumit, 5. Aphor. 5. pro Apoplexia verò locis modo allegatis. Latinis morbus sideratus & attonitus appellatur, quod quasi fulmine tacti ægri concidant. Nonnullis quoque vniuersalis paralyſis nominatur, quod omnium partum sensus & motus auferantur. Germani den Schlag, und die Hand Gottes nominant.

Definitio

Definitio.

Est autem Apoplexia animalium actionum omnium, motus scilicet ac sensuum cum principum facultatum læsione,

læsione, ablatio, ab influxu spirituum animalium in organa harum actionum denegato, orta. Cum enim omnes actiones animales per spiritus animales expediantur, ubi spiritus in nervos & musculos non influunt, sensus ac motus perfici non possunt: Sola respiratio imminuta tamen aliquandiu referuatur ob maximam eius necessitatem; quia natura de salute hominis sollicita, quicquid spirituum potest ad musculos thoracis mittit, & omnibus alijs motibus, quibus homo sine mortis periculo carere potest, ablatis respiratio, qua homo sine vitæ periculo carere non potest, quandiu possibile, servatur. Præterea quia respiratio actio animalis simpliciter non est, sed præcipuè pulmonis motu perficitur, concurrente tamen motu *thoracis* ~~pulmonis~~. Servatur plerumque & pulsus integer, quia is non ab animali, sed vitali facultate proficiscitur. In vehemētissima tamen Apoplexia fit languidus, parvus & celer.

Causse.

Cum actiones animales spirituum animalium opera proximè proficiscantur, meritò quoque actionum harum læsarum causa in denegato spirituum animalium influxu & motu quæritur, & rectè proxima causa Apoplexiæ & læsarum actionum animalium omnium statuitur esse denegatus influxus & motus spirituum animalium. Et si verò antiqui hac de re consentiant, & ab obstructione ventriculorum cerebri hoc fieri putent: tamen hodie non eadem est omnium Medicorum ea de re sententia, ut in Institut. dictum, & postea in *questione prima* dicitur. Hic vero ut rem paucis complectamur, statuimus, influxum & motum spirituum animalium prohiberi, vel à meatuum, per quos Spiritus animales in sensuum & motus organa influunt, seu principij spinalis medullæ angustia, vel à spirituum animalium torpore & narcossi, vel ab eorundem spirituum effusione aut perturbatione.

Angustia autem meatuum, per quos spiritus animales ad organa sensus & motus tendunt, cum rursus quatuor modis fieri possit, ab eorundem meatuum vel obstructione vel compressione, & quidem cum humores pituitosi &

Respiratio cur in Apoplecticis servetur. Nota.

Proxima Apoplexiæ causa.

Meatuum angustia.

excrementitij, vt & sanguis è vasis suis ad basin cerebri effusus meatus illos obstruere & comprimere queant; phlegmonodes etiam *Ἀσθῆσις*, & cranium ictu vel alia causa externa compressum meatus illos comprimere & angustiores reddere possint: Causæ, quæ ad curationem rectè instituendam omnino discernendæ sunt, sex erunt.

1. Humores pituitosi seu quicunque alij excrementitij spirituum animalium influxum prohibentes.
2. Sanguis è vasis suis ad cerebri basin effusus.
3. *Πνευμονιάδης* cerebri *Ἀσθῆσις*.
4. Cerebri à causa externa violenta compressio.
5. Vapor seu spiritus narcoticus spiritus animales torpidos reddens.
6. Spirituum animalium à vulnere vel capitis percussione perturbatio aut effusio, de quibus ordine dicemus.

*Pituita
Apople-
xia caus-
sa.*

I. Si pituita, vel etiam simul humor melancholicus subito commoueatur, & spiritibus animalibus ad organa sensus & motus influxum prohibeat, non quidem, vt antiqui credebant, ventriculos cerebri obstruendo, sed basin cerebri & principium neruorum, atque omnino cerebri oblongati, & in spinalem medullam iam desinentis, partem, è qua omnes nerui originem suam habent, & per quam spiritus animales in omnes neruos influunt, seu premat, seu obstruat, spiritibus animalibus influxus & transitus denegatur. Vtroque enim modo & compressione & obstructione id fieri posse putamus. Nam si excrementa cerebri extra cerebrum subito fundantur, principium neruorum comprimere possunt. Si vero intus cumulentur, & ad basin cerebri & principium nexuorum subito moueantur, illud obstruunt.

Sanguis.

II. Si Sanguis è vasis suis, seu ictu, seu contusione, seu quocunque validiore impetu ad basin cerebri & dictum locum effundatur, & non statim per os, aures, nares, quod quandoque fieri solet, effundatur, sed neruorum principio extra affusus, eique incumbens id comprimat, & coarctet, Apoplexiam inducit. Huius rei duas historias describit Fernelius *lib. 2. de abdit. rer. caus. c. 15*. Primò enim refert, se vidisse aliquando virum viribus integrum finistri oculi ictu vehementiori repente attonitum corruisse, cum

cum omnibus fortis Apoplexiæ indiciiis atque intra 12. horas mortuum fuisse: In cuius mortui aperto capite neque ossis, neque meningum, neque substantiæ cerebri quicquam confractum diuulsumque, sed duntaxat internas oculi venas contusionis vi disruptas animaduernerit, è quibus sanguis cochlearium duorum mensura ad cerebri basin procubuerit. Deinde alium, qui citra causam externam Apoplexia extinctus esset, se dissecuisse refert, in quo humor crassus ac viscosus similiter ad contextum retiformem inuentus est, cerebri ventriculis nec oppletis nec obstructis.

III. Non solum sanguis è venis effusus dicto modo Apoplexiam generat, sed & phlegmonodes diathesis, quando scilicet cerebri vasa sanguinis copia ita replentur, vt substantia cerebri meatibusque angustioribus redditis spiritibus transitus denegetur, de quo in Institutionibus.

IV. Si ictu vel casu vehementiore caluaria deprimatur, cerebrumque & inde neruorum principium comprimatur, idem accidere potest. Vbi tamen impossibile non est, & ruptis vasis sanguinis effusionem, & spirituum perturbationem, vt etiam fit in cerebri commotione, concurrere posse.

V. Si vapor seu spiritus narcoticus spiritus animales quasi sopiat, & ad motum ineptos reddat, neque in cerebro rectè mouentur, neque in organa sensus & motus influunt, & omnino ad actiones animales inepti redduntur. Id quod accidere potest, & ab opio, ac opiatissimis medicamentis, & à venenis ac humoribus narcoticam vim habentibus. Cum enim Carus & similes affectiones somnolentæ ex humoribus in corpore genitis & venenis quandoque producantur: Apoplexiam etiam hoc modo generari posse, impossibile non est. Frustra verò laborant, qui horum affectuum causam ex sola frigiditate deducere conantur. Atque hinc fit, vt, etsi Apoplexia in Paralyfin interdum desinat, tamen in eiusmodi hominibus ratiocinatio & memoria vix pristinum vigorem recuperet, sed hebetes ac torpidæ illæ actiones, præcipuè in

*Spirituum
animalium
torpor &
narcosis*

senio confectis, deinceps relinquantur. Quod accidit non tam, quod frigida & humida intemperies cerebro inducitur, quam quod à vapore narcotico mala & torpida diathesis cerebro & spiritibus imprimitur. Pertinet huc & illa à vino & spiritu vini narcosis, qua nonnulli omni sensu & motu ablato moriuntur. Et multis nota sunt exempla illorum, qui ebrij se currui domum reuersuri commiserunt, & ab assidentibus pro dormientibus habiti sunt, domum reuersi mortui inuenti sunt. Et memini ante paucos annos hic infantem quendam, cum in conclavi à parentibus domo egressis, ne extra domum vagaretur, conclusus esset, inuento vitro spiritu vini pleno, cum magnam partem eius exhausisset, à parentibus domum reuersis, humi prostratum vitrum in brachiis tenentem semimortuum inuentum esse, & paulò post expirasse.

*Spirituū
anima-
lium ef-
fusio aut
percur-
batio.*

V I. Tandem si cerebrum vulneretur insigniter, vt spiritus animales effundantur, vel etiam ictu aut casu ita concutiat, vt spiritus animales omnes perturbentur, id quod fit in commotione cerebri, de qua supra parte 1. cap. 20. dictum, Actiones illæ, quæ spirituum animalium opera perficiuntur, aboleri & Apoplexiam induci necesse est: de quo Hippocrat. 7. Aphor. 58. *Quibus occasione aliqua cerebri fuerit vehementer concussus, multos protinus fieri necesse est.*

Differentia.

*Differen-
tia.*

Primò Apoplexia secundum gradus quosdam distinguitur. Galenus 3. de loc. aff. cap. 7. & cap. 10. 2. Aphor. 42. & alibi Apoplexiæ magnitudinem æstimat ex respirationis noxa maiore vel minore. Fortissima enim Apoplexia est, in qua protinus cum sensu & motu in toto corpore cessat quoque respiratio; vnde nec stertor nec spuma in hac apparet. Tales ante triduum, siue ante horas 72. elapsas sepulturæ dandi non sunt, cum respiratio sensum nostrum latere possit, & dubium sit, vtrum Apoplexia extincti sint, an vero Ecstasi melancholica vel præfocatione veteri labore. Ita de Ioanne Scoto, celebri illo Scholastico, narrant; quod bis sit mortuus, & semel sepultus. Cum enim incidisset in Ecstasi Melancholicam, & exanimi similis

similis iaceret, fratres illum pro mortuo sepeliuerunt in sepulchro concamerato. Tertia nocte ad se rediisse dicitur, cumque exclamasset in sepulchro capite ad fornicem illiso, idque pro spectri tumultu aliquandiu habitum esset, postea aperto sepulchro mortuus tandem inuentus est. In his enim affectibus calor cordis tam insigni ventilatione per pulmones non indiget, sed sufficienter *Αερισμόν* corporis per motum arteriarum facta aliquantisper temperatur & sustinetur, de quo Galenus 6. de loc. aff. cap. 5. Et proinde diligens exploratio motus etiam obscuri arteriarum certius exhibet signum de reliqua in corpore aliqua vita, quam quæ alias capi solent ab admotis ori vel naribus lana aut gossypio carptis, aut penna molli, aut candela accensa, si moueantur, aut à terfissimo speculo ori admoto, si ad halitum maculas contrahat, aut à cyatho aquæ pleno pectori imposito, si agitatio aliqua percipiatur. Præterea hac intra triduum expectatione calor faciei in cadauerosum mutatus, & fætor toto corpore exurgens mortuum ostendit.

Proxima fortissimæ, atque ita fortis ac vehemens Apoplexia est, in qua æger difficulter & cum magna violentia respirat, stertorque auditur, & spuma circa os apparet. Tertia vehemens & ipsa est, sed minus, ubi respiratio quidem violenta est, inæqualis tamen inordinata & intermitens. Postremò debilis est Apoplexia, ubi respiratio aliquem ordinem seruat, quæ in Paralyfin ferè alterius lateris desinit, materia in spinalem medullam protrusâ.

Altera Apoplexiæ differentia est, quam causarum consideratio suppeditat, quæque sensibus faciliè colligitur: Nimirum quod Apoplexia alia est ab humore pituitoso, alia à sanguine è vasis violenter ruptis effuso; alia à phlegmonode diathesi; alia à cerebri à causâ externa compressione; alia à spirituum animalium perturbatione & effusione ob cerebrum vulneratum & læsum.

Signa Diagnostica in genere.

Si homo subito concidat, omnisque sensus ac motus ac *Signa Diagnostica.*
simul vox repète auferatur, sola respiratione, sed ea difficili, remanente, nisi quod æger quasi dormiēs aut quasi mor-

tuus (nisi adhuc aliqua respiratio, color faciei & pulsus animaduertatur) iaceat, membrumque nullum moueat, sed omnia membra laxa sint, & si brachium vel pes eleuetur, pondere suo, vt in cadauere concidat, æger nec audiat, nec videat, nec si tangatur vel pungatur, sentiat, nec loquatur; ore hiante, & cum stertore respiret, oculosque clausos vel palpebras suspensas aut contractas habeat, pulsus tamen, nisi fortissima sit Apoplexia, plenus sit & validus, is apoplexi laborare dicitur. Resoluitur interdum in Apoplecticis & ani sphincter, sicut id ante paucos annos in ciue quodam huius Academiæ obseruauimus, qui cum Apoplexia corripereetur, anus sphinctere resolutio hiabat, vt clysterem injectum retinere non posset.

Apoplexia à cognatis affectibus differetia.

Atque his signis Apoplexiam ab omnibus cognatis affectibus discernere non est difficile.

Primò quidem à Lethargo differt Apoplexia, quod Lethargo laborantes somnolenti sint, & excitari possunt. Apoplectici verò excitari non possunt, sed quasi mortui iacent, nisi quod stertunt. Præterea febris cum Lethargo coniuncta est, quæ in principio Apoplexiæ non adest: progressu tamen morbi calor quidam interdum in Apoplexia percipitur.

A Caro differt, quod hic non subitò, vt apoplexia, sed sensim inuadit, & libera ac facilis sine stertore est respiratio, aut si stertor adest, adest cum somno & quidem profundo; sensusque & motus in caro non est planè ablati, ac si pungatur æger, sentit, & quamuis non loquatur, ad punctiōem tamen mouetur & mēbrum contrahit.

Ab vteri verò suffocatione differt, quod in apoplexia æger faciei colorem retinet, in vteri suffocatione autem color faciei mutatur ac cadaueri similis est. In vteri quoque suffocatione vis sentiendi nonnunquam manet, neque respiratio impeditur, aut si causa sit vehemens, vt etiam respiratio lædatur, tunc pulsus simul obscuratur, qui in Apoplexia plenus est ac validus: Cum cor in Apoplexia ita affectum non sit, vt instanti suffocationis periculo valde repugnet.

A Syncope discernitur, quod in ea quoque color faciei à naturali in pallidum & cadaueri similem mutatur: dein- de quod in syncope subitò spiritibus & sanguine ad cor raptis muscoli per consensum afficiuntur, vnde ægri dentes atque os, item manus arctè claudunt, vt vix aperiri possint: cum in Apoplexia membra omnia laxa sint. Ne- que, veluti in Apoplexia, in syncope sensus prorsus est ablatus; pulsus verò nullus est, vt & manifesta respiratio nulla, aut si quæ est, maiorem æqualitatem seruat, quam in Apoplexia.

Ab *enxioni* verò Melancholica differt, quod in hac pul- sus & respiratio obscuratur, & signa malum melancholi- cum indicantia præcesserunt.

Ab Epilepsia differt, quod in hac corpus conuellitur, & motu inordinato concutitur, qui in Apoplexia nullus est.

A Catarrho suffocatio differt, quod in hac subitò hu- mor à capite ad pectus & pulmones decumbens respira- tionem & sermonem sæpius interrumpit, hominemque sensu & motu integro suffocat, aut certè suffocationis pe- riculum minatur.

Signa Caussarum.

Apoplexiam ab humore pituitoso fieri cognoscitur ex corporis constitutione, ætate, præcedente victus & vitæ generis & aëris ratione. Si scilicet temperatura corporis fuerit frigida & humida, corpus pallidum & molle, ætas senilis, ægerque antea in aëre frigido, humido, nebulo- so versatus sit, in otio vitam duxerit, & somno multo indulserit, cibisque frigidis & humidis vsus fuerit, ac consueta per nares & fauces pituitæ vacuatio suppressa sit. Quæ de pituitâ conjectura confirmatur, si æger, ante- quam in morbum incidit, capitis grauitatem, pigritiam in motu atque omnibus operantibus senserit, si palpebras tumidas habuerit, cum stertore dormiuerit, in aqua se suffocari, aut glacie aut niue se operiri somniauerit, de quo etiam supra *part. 1.* dictum.

2. Si sanguis è vasis ad basin cerebri affusus apoplexiæ causa sit, aliqua externa violentia, quæ vasa vicina vul- nerauit, vel rupit, præcessit, quod adstantes indicabunt.

2. Si à phlegmonode diathesi cum sanguinis copia ortum habeat Apoplexia, signa eius sunt, si æger ante mortuum toto corpore & imprimis facie rubeat, calidæ & humidæ constitutionis sit, lautè vixerit, cibisque boni & multi nutrimenti vsus fuerit, vinum generosum biberit, in aëre calido & humido versatus sit, in otio vixerit, aut minus se exercuerit, somno nimio indulserit, absque sollicitudine vixerit, consueta aliqua sanguinis euacuatio suppressa sit, tensionem & grauitatem in corpore senserit, vrinam crassam & rubram emisit. Quæ signa confirmantur, si venæ colli turgeant, in somno rubra spectra appareant, vt supra part. I. de *Intemperie capitis cum Plethora*, dictum.

4. Si narcoticum quid extra sumptum Apoplexiam induxerit, ex aliorum relatione id Medicus cognoscet. Sicut nec ille affectus latet Medicum, si quis vino vel spiritu eius sese ingurgitauerit. Si autem intus in corpore genitus sit ille vapor, id ex eo colligitur, quod reliquarum causarum indicia absunt, & nulla pituitæ vel sanguinis abundantia in corpore animaduertitur, & nihilominus cum signis Apoplexiæ æger quasi attonitus subito concidit.

5. Si à vulnere, vel ictu, aut casu cerebrum læsum sit, nec illud Medicum latere potest.

Prognostica.

Prognostica.

1. Quicumque sani repente doloribus capitis tentantur, & statim obmutescunt ac stertunt, in septem diebus pereunt; nisi febris eosprehendat, 6. aphor. 51. & 5. aphor. 5. Febris autem intelligitur non quælibet, sed acuta, quæ materiam illam pituitosam ac spiritum flatulentum tum attenuet tum dissoluat. Si tamen Apoplexia ortum habeat ab affectione cerebri phlegmonode, febris, quæ adest, morbum non leuat, propterea quod phrenitica quædam symptomata accersantur, quæ omnes facultates corporis vehementius prosternunt.

2. Apoplexiam fortem soluere impossibile est, debilem non facile, 2. aphor. 42. Ideoque Medicus mox inter initia cura

curationis sese prognostico muniat, & in adhibendis necessariis remediis non cunctetur: in generosis tamen ac vehementibus remediis administrandis cautus & non temerarius sit. Accipiendus autem hic aphorismus de Apoplexia, quam materia pituitosa & crassa efficit, quæ facile discuti nequit, & ubi virtus omnis, ac imprimis expultrix, obruta & consopita est, suffocationisque periculum imminet. Quæ autem à compressione fit & externa violentia, facilius curationem admittit, materiâ è venis per venæ sectionem tempestiuè exhaustâ.

3. Apoplexiæ verò vehementia ex noxæ, quam respirationi affert, vehementia dignoscitur: teste Galeno, 3. *de loc. affect. ca. 7.* Maximè enim vitæ necessaria est respiratio, tandemque ægri spiritu præcluso suffocantur. Quatuor verò gradus seu differentias huius morbi ex respiratione magis minúsve læsa idem Galenus, 2. *aph. 42.* constituit, ut antea etiam dictum. Si enim respiratio ordinem aliquem servat, debilis est Apoplexia, quæ in Paralyfin alterius lateris ferè definit. Si verò respiratio est quidem contenta ac violenta, inæqualis tamen, inordinata ac intermittens, vehemens iam est Apoplexia. Vbi respiratio cum magna violentia est, stertorque auditur, & spuma circa os apparet, fortis iam ac vehementior est Apoplexia. Vnde Hippocr. 2. *aph. 43.* *Strangulati & suffocati, nondum tamen mortui, ad se non redeant, quorum circa os collecta spuma apparet.* Sciendum tamen hic, cum spuma illa fiat ex materia humida & spiritu siue flatu, à motu vel calore vel utroque, materiam illam humidam duplicem esse posse in Apoplecticis, humorem scilicet pituitosum, vel propriam pulmonis humiditatem. Si materia spumæ sit propria pulmonum humiditas, quæ ob vehementissimam cordis compressionem, angustiam & calorem excitatur, spuma ea paucior est, & hinc illa Apoplexia lethalis. Si verò spuma fiat ex humore pituitoso, qui ex difficili respiratione flatu repletur, spuma est copiosior, & tales apoplectici interdum servantur. Refertq; Galenus, in *comm. alleg. apho.* nonnullos, quibus strangulatis spuma circa os apparuit, sibi esse restitutos, quamvis id rarò accidat. Eadem stertoris ratio est; qui quò vehementior,

edò malum periculosius est. Si tamen stertor antea magnus fuit, & is iam minuatur, symptomatibus reliquis non remittentibus, mortis iam instantis indicium est. Vbi verò mox cum sensu & motu ipsa quoque respiratio ad sensum aboletur, atque inde nec stertor nec spuma appareat, cum spiritus vel aëris inspirati reciprocatio nulla sit, fortissima Apoplexia est.

4. Et quidem ita interdum in Apoplexia ad sensum aboletur respiratio, ut an æger viuatur, an mortuus sit ambigatur, & signis quibusdam ad id explorandum opus sit, de quibus antea dictum. Ac tutissimum tunc est, tales ante tertium diem finitum non sepelire; cum respiratio sensum latere possit; de quo etiam supra de differentiis dictum.

5. Apoplecticis, si à difficili respiratione sudor superueniat, lethale est. Ea enim *ἰσίδρωσις* seu sudatiuncula ob appensione caloris innati accidit.

6. Si Apoplexia iuuenem atque ætate invaserit, maximam causæ vehementiam ostendit: ideoque talis Apoplexia admodum periculosa est, 2. *aphor.* 34.

7. Si subitaneis apoplexiis febris mediocris ac diuturnior superueniat, periculosum. 1. *proorrh.* comm. 2. *aphor.* 50.

8. Apoplexia, si soluitur, plerumq; in paralyfin definit, materia naturæ robore in alterutrum latus depulsa. Neque tamen semper, etsi in Paralyfin definit Apoplexia, æger servatur: Quia sæpe aut morbus ipse redit, aut sopor gravisprehendit, à quo æger non euadit, ob summam cerebri debilitatem, præsertim si sit senex, Nonnunquam apoplexia finitur fluxu phlegmatico oris, qualis lue venerea laborantibus post inunctiones mercuriales accidit.

Curatio in Genere.

Curatio in genere. Medicus ad ægrum vocatus, si eum Apoplexia correptum videat, eamque fortissimam esse animaduertat, non temerè aut facilè eius curationem suscipiat. Ne tamen planè eum deseruisse aut neglexisse videatur, frictiones, clysteres & alia, quæ spiritus animales excitare possunt, adhibeat,

hibeat , generosiora verò medicamenta non prostituat. Si verò aliqua vitæ spes supersit, ad curationem, cum prognostico tamen , accedat, & quidem maturè, quod faciendum est , faciat, idque seu de die, seu de nocte exsequatur, cum morbus exiguo tempore incrementum capiat.

Cùm itaque in Apoplexia actiones animales ablatae sint, & facultates quasi sopitæ , danda opera est , vt facultas animalis excitetur. Et cùm actiones animales cessent ob spirituum animalium denegatum influxum , curandum, vt iis in principium neruorum transitus patefiat : & ne plus humorum vel vaporum, qui malum augere possent, ad caput feratur , cauendum. Reliqua curandi ratio, quæ causam auert, pro diuersitate causarum instituenda.

Primum itaque æger in loco temperato collocetur , nec omnino supinus & extensus decumbat, sed aliqua ex parte sedes , erectaque ceruice , vt facilius aërem attrahat, tegumenta sint leuia, & cuneo interposito os apertum seruetur, nares prehendantur, pili, præsertim in cruribus, vellicentur, digiti complicantur , totum corpus concutiat, vt spiritibus via aperiatur, moderatè tamen, ne agitatione vehementiore fusa in corpore pleno materia morbum augeat & foueat.

Partes extremæ, ac potissimum volæ pedum , fricentur *Fric-tio-* sale & aceto, extrema fortiter ligentur : ruta , cuius loco *nes.* Balsamum rutæ vel Apoplecticum, vt & succini, saluia castoreum vsurpare licet, naribus admoueat : vt & vertici & nuchæ.

Cucurbitulæ cruribus affigantur. Imò in Apoplexia *Cucur-* summum & vnicum remedium habentur cucurbitulæ ca- *bitulariæ* pitæ impositæ : quod remedij genus D. Fracastorius apo- *supposi-* plexiâ correptus nutibus suis indicasse fertur ; sed non in- *toriorum* tellectus periit. Ano glandes indantur , clysteres injiciantur. Et quidem clysteres tam ante quam post venæ sectio- *et cly-* nem, si ea opus sit , adhibere licet , qui etsi ex primis viis *sterum* solum ac intestinis euacuare videantur , tamen consecutionis ratione à toto corpore trahunt & vapores exhalantes à capite auertunt. Itaque eadem die duos vel tres clysteres injicere licet , seu diu seu noctu id fiat, prout res *usus.* postu

postulat. Sint autem glandes aut clysteres paulo acriores.

Exemp: gratia.

℥. Spec. hier logad. vel hier. colocynth. 3. ij. sem. Carui, ruta
an. 3. ij. sal. gemm. an. 3. j. Cum f. q. mellis cocti. F. suppo-
sitoria.

Clyster fiat talis. ℥. Parietar. betonic. betæ, saluæ, rutæ, ori-
gan. primul. veris an. M. j. sem. carui, fœnicul. an. 3. ij. Coq. in aqu.
fontana. Colat. ℥. lb. j. in ea dissolue. El. diaphœnic. 3. vj. Indi-
mai. bened. laxat. an. 3. ij. ol. chamæmel. rutæ. an. 3. j. B. mellis ro-
sat. colat. 3. j. salis comm. 3. i. B. F. Clyster.

Vel: ℥. Herb. chamæpyt. paralyt. salu. hyssop. stœchad. cala-
minth. rutæ, parietar. beton. centaur. minor. an. M. B. sem.
feseleos, vrtic. rutæ, fœnicul. anisi an. 3. ij. flor. anethi p. j.
colocynth. p. ij. Coq. in aq. communi.

Colat. ℥. 3. x. in quibus dissolue Elect. bened. laxat. 3. B.
diaphœnic. 3. vj. ol. de Castor. rutæ an. 3. j. M. pro Enemate.

Potest & aliquid croci metallorum addi; vel ebulliat
eius 3. j. in spir. vini & cum decocto appropriato iniiciatur.

Alius fortior: ℥. Rad. Angel. ireos an. 3. iii. fol. rutæ, ca-
laminthæ, pulegi, hyssop. centaurij minor. lauri an. M. i. flor.
stœchad. Arabic. lauendul. an. M. B. fol. senæ, semin. cartham.
an. 3. B. baccar. iuniperi 3. iii. agar. albi 3. ii. pulp. colocynth.
in petia ligatæ, vel huius loco in melancholico humore
bellebor. nigri 3. i. Coq. in f. q. hydromel.

Colat. ℥. lb. j. Elect. hier. simpl. 3. vi. hier. logad. benedict. la-
xat. an. 3. ii. pilul. coch. 3. i. ol. rutacei 3. ii. mell. rosat. colat. vel
anthosat. 3. i. sal. gemm. 3. iv. F. Clyster.

Si clyster debito tempore non reddatur, glande alius
prouocetur. Sæpe tamen accidit, vt antea etiam dictum, vt
sphyncter ani resoluatur, vnde anus planè pateat ac clyste-
res sine fructu iniiciantur, cum retineri non possint, qui
casus plerumque desperatus est.

Imprimis verò sollicitus sit Medicus, an venam aperire
liceat & necessarium sit. De hac enim verum, quod Cel-
sus lib. 3. cap. 28. scribit: *Si omnia membra vehementer reso-*
luta sint, sanguinis detractio vel occidit vel liberat. Aliud cu-
rationis genus vix unquam sanitatem restituit, sæpe moxrem
tantum differt, vitam interim infestat. Post sanguinis missio-

nem

nem si non redit & motus & mens, nihil spei superest; si redit, sanitas quoque conspiciatur.

ergo considerandum, an sanguis causæ principalis, vel adiuuantis, vel sine qua non, rationem habeat, viresque ferant, tumque sanguis mittendus. Vires autem non actionum animalium ablatione æstimandæ sunt, sed quales ante Apoplexiæ inuasionem fuerant. Si enim tum satis fortes fuerunt, etiam nunc permittunt, nisi planè fortis sit Apoplexia. Nec vires sunt in Apoplexia debiles per resolutionem (quæ debilitas venæ sectionem prohibet) sed per suffocationem & oppressionem. Ac proinde non solum non prohibent, sed & coindicant venæ sectionem. Si verò nullo modo sanguis peccet, aut vires sint deiectæ, aut æger admodum senex, venæ sectio intermittenda.

Statim verò & sine omni mora siue noctu, siue de die Apoplexiâ quis corripiatur, venæ sectio instituitur, & quidem ante clysterem, præsertim si sit fortior Apoplexia. Si non adeo fortis, clyster præmitti potest. Fricetur tamen prius corpus, & aperiatur vena in brachio. Quanquam enim nonnulli è saphena incipiant: tamen eius sectio parum prodest in tam præcipiti morbo, cum vena sit exigua & tam longè à capite ac sanguinis officina distet, nec satis citò, nec satis copiosè sanguinem à capite reuellere possit. Licet quoque sanguinis euacuatio aliqua suppressa Apoplexiam antecesserit: tamen in paroxysmo Apoplexiæ non agitur de sanguinis euacuatione suppressa reuocanda, sed laboratur, vt emittatur sanguis, qui ita vrget, vt nisi subito euacuetur, mortem minetur.

Aperiatur verò Cephalica vel communis, & plus vel minus sanguinis emittatur, pro copię ratione & virium tolerantia.

Est & hoc hic notandum, vtilius ac tutius esse, non vnâ vice mittere, quantum opus est sanguinis, sed per vires, intra tamen paucarum horarum spatium. Nam per iteratam illam sanguinis missionem, & materia facilius mouetur, & vires non deiiciuntur. Atque inspiciatur post primam venæ sectionem ægrî facies, & pulsus exploretur, & si color faciei viuidior reddatur, & respiratio faci

Nota.

Quando vena sectio instituitur.

Quanam vena aperienda.

facilior, ac pulsus se bene habeat, benè sperandum, & confidentius sanguinis missio repeti potest.

Cucurbitula cum scarificatione quibus parvis applicanda. Si venæ sectione uti non liceat, reuulsio fiat per cucurbitulas, cum scarificatione applicatas, cruribus, brachiis, lumbis, scapulis; non verò posteriori thoracis parti, aut hypochondriis, ne contractis thoracis & abdominis musculis respiratio magis impediatur. Quanquam Aëtius post purgationem corporis etiam hypochondrijs eas adhibere non dubitat: Sicut & capiti nonnulli unam magnam cum multa flamma adhibent.

Venarum iugularium sectio. Ad euacuationem materiæ proximæ è capite expedit, si fieri potest, venas narium aperire aut mediam frontis. Nonnulli venæ iugularis sectionem commendant, secundum longitudinem factam, ut facilius coalescat, estque illa in Apoplecticis satis conspicua, ut collum stringere vel ligare opus non sit. Peritum tamen & prudentem chirurgum hæc sectio requirit, & ne post venæ sectionem arctiore ligaturâ opus sit, Emplastrum de bolo armeno, Aloë, pilis leporinis & albumine oui vulnere imponatur.

Aquarum apoplecticarum usus. Commodè quoque in paroxysmo Apoplectico aliquid aquæ Apoplecticæ ægro infunditur, siue sit à vapore narcotico, siue à pituita Apoplexia. Aquæ enim hæc ob summam penetrandi vim præsentissimum sæpe afferunt auxilium, & multos ab imminente Apoplexia, vel etiam iam præsentem liberarunt. Modò sanguis non valde abundet, qui aquarum istarum usu fundi posset, aut à causâ externa aut violenta quadam malum ortum habeat, ut postea in quæstione dicetur.

Vel de hac potiuncula:

℞. Aq. Langj, cardamom. an. ʒ. ʒ. cubebæ. ʒ. j. apoplectic. ʒ. j. ʒ. essentiaë antbos, salu. an. ʒ. j. flor. pæon. ʒ. Kerm. an. ʒ. ʒ. Extract. pæon. ʒ. v. betonic. ʒ. iiij. succini alb. præparat. ʒ. j. conf. diaplir. c. m. & ol. succin. ʒ. iiij. Misc.

Si quoque à causâ interna ortum habeat Apoplexia, Sternutationem ciere utile est, de quo mox dicetur in curatione Apoplexiæ pituitosæ.

Curatio

Curatio Apoplexiæ Pituitosæ.

Reliqua Curatio secundum caussarum diuersitatem, Curatio quæ supra fuit proposita, instituenda. Primò ergo Apoplexiam, quæ à pituita ortum habet, quod attinet, præter ea, quæ antea in genere sunt proposita, & ad excitandum spiritum animale necessaria sunt, in specie quædam adhuc monenda sunt.

Imprimis & hic Medicus attendat, an venam aperire liceat. Quod faciendum, si sanguis pituitæ permisceatur, ac causæ adiuuantis, vel sine qua non rationem habeat, virésque ferant. Minus tamen in hac specie Apoplexiæ, quam in sanguinea, sanguinis euacuandum. Vulnus in venæ sectione fiat amplius. Aliàs enim sanguis, qui crassior est, statim subsistit.

Si venæ sectione vti non liceat, cucurbitulis cum scarificatione, vtendum, vt antea in genere dictum.

Nec post venæ sectionem à reliquis reuulsionem generibus supra propositis desistendum.

Imprimis clysteres repetendi ex radic. angelic. fenicul. pæon. cortic. sambuci, fol. Rutæ, Saluæ, Hyssop. Origan. Betonic. Rorismar. Maioran. Calaminth. pulegij, florib. stæchad. Arab. lauendulæ, granis Iuniperi, ebuli, sem. pæon. fenicul. anisi, Agarico; sena, Colocynthide, sem. Carthami, El. Hieræ simpl. diacolocynth. Logadij, Pacchij, Diaphænic. Benedict. Laxat. Pilul. coch. melle anthosat. Ol. rutæ, Laurin. Chamamel.

Et omninò laborandum, vt materia ad diuersas corporis partes distrahatur, cerebrumque ab angustia & oppresione liberetur.

Post Purgatio instituat cum pilul. foetid. cochiis, aureis, Arabicis, Indis, quæ acuantur Trochisc. Alhandal, Diagryd. vel extr. Scammon. addito ḡ. vno atque altero castorei. Aut loco pilularum, extracta illarum vel alia conuenientia extracta vsurpentur. Et vt facilius deglutiantur, pilulæ dissoluantur conueniente liquore. Neque ingratus sapor illarum metuendus, cum sensus gustus in ægris his etiam torpeat; Vel extracta purgantia in liquore dissoluta exhibeantur.

℞. Pilul. coch. ℥. ij. de agarico ℥. j. trochisc. albandal.

℞. i.

℞. iij.

℞. iij.

ḡ. iij. *diagryd.* ḡ. ij. *castor.* ḡ. iij. F. Massa cum melle Anthosato, quæ dissoluatur in aq. Saluæ ḡ. iij. Vel: *Extracti catholici* ḏ. ij. in *aque saluæ* ḡ. iij. exhibeantur, additis extract. liquid. castorei gutt. iij. Vel fiat talis Potio.

℥. Fol. *senæ* ʒ. iij. *follicul. senæ* ʒ. ij. *agar. albi* ʒ. j. *ʒ. turbit.* elect. ʒ. ʒ. *Zingiber, galang. an.* ḏ. ij. Coqu. in aq. saluæ & rorismar. Colat. ʒ. ij. ʒ. add. *Diaphænic.* ʒ. j. ʒ. *castor.* ḏ. ʒ. *oxymel. simpl.* ʒ. ʒ. F. Potio. Vomitiore verò fugienda, ne suffocationis periculum augeatur, & caput repleatur.

Vomito- Ideoque etsi purgantia vehementiora conueniunt, vt
ria an lo- exigua quantitate exhiberi possint: Antimonium tamen
cum hic hic non conuenit, cum vomitum simul moueat.

habeant. Auicennas post euacuationem etiam ferrum candens
Cante- admouet coronali futuræ & occipiti, quod ratione dolo-
rio um ris & caloris sensum ablatum reuocat, & in hac pituitosa
usus. saltem Apoplexia locum habet. Rhases sartagine candente
blandius utitur, quam ita capiti admouet, vt capilli sal-
tem adurantur, non cutis. Possunt & vesicatoria brachii,
pedibus & syncipiti admoueri.

Particu- Corpore vniuerso purgato particulares euacuationes
lares ca- instituendæ sunt, tam quæ sensibilibiter per os & nares fiunt,
pitis ena- quam quæ insensibilibiter per poros cutis in capite, de quo
cuatio- *part. I. cap. 10.* dictum.

nes, Lingua ergo & palatum inungantur mithridatio vel
Lingua theriaca veteri, vel aurea Alexandrina, vel diacoro vel
& palati confect. Anacardina. Sinapi etiam semen pituitam poten-
inunctio- ter prouocat. Coquitur autem in vino forti, & eo pala-
nes. tum fricatur, vel in puluerem redactum, & melle exce-
Sinapi ptum palato inungitur. Pyrethri radices in oxymelite co-
usus, ctæ idem præstant. Omnibus vero hisce vtiliter admisce-
tur Castoreum.

Errhina. Parantur & Errhina cum vel sine sternutatione, quibus
materia e capite elicitur, quæ fiunt ex maioran. semine
Nigellæ, pipere, Castoreo & simil.

Vt: ℥. *Pulu. maioran. piperis, nucis mosch. sem. nigell.*
an. ḏ. j. *castor.* ḡ. vj. Cum oleo irino M. in formam lini-
menti,

Vel

Vel cum cera & terebinth. fiant Nasalia in figura pyramidali, quæ alligata filo naribus induntur.

Sternutatio magis mouetur, si forma pulueris indantur vel naribus inflentur. Fortiores sunt Pyrethrum, Helleborus albus.

Vtendum denique iis, quæ caput per insensibiles meatus euacuant, cuiusmodi sunt olea calida spinali medullæ eiusque potissimum initio & capiti, abrais prius pilis, applicata & inuncta, qualia sunt: *Oleum rutæ. irinum, laurinum, Castor. de lateribus, de piperibus. Ol. destill. Spica, Rorismar. Iuniperi, Cera, Terebinth.* quibus Spir. Vini, vel Aquæ Apoplecticæ addi possunt. Item Bdellium aqua vitæ dissolutum.

His ita peractis ad Cerebrum roborandum, & reliquam materiam discutiendam medicamenta exhiberi possunt. Inter quæ faciliè primas obtinent. *Aquæ destillatæ & Spiritus; ut aqua Lavendulæ, Cinamomi, Salviæ, Rorismarini, Rutæ, Lilij Conuallium, flor. Tiliæ; & composæ Apoplecticæ dictæ*, quarum passim multæ descriptiones existant apud Langium, Vid. Vidium, Euonymum, Vveckerum, Quercetanus & alios. Cerebri
robora-
tio.

Vnam atque alteram saltē hic asferre libet.

Aqua Apoplectica. meæ descriptionis, quæ in nostro pharmacopolio parata habetur, hæc est.

℞. flor. primul. veris ℥. vj. affunde vini Rhenani Cantbar. vj. Stent in infusione per dies iv. postea destillantur. In destillato infunde per dies 3. flor. lilij conuall. ℔. iij. rorismar. ℔. j. Iterum destillantur. Hinc suo tempore.

℞. Flor. tiliæ ℥. vj. lauendul. ℔. j. B. fol. & flor. betonic. salviæ, rutæ an. M. j. flor. stæchad. Arabic. M. ij. B. rad. pæon. visci querni an. ℥. vj. sem. pæon. erucæ an. ℥. iij. Affundet estillatum liquorem & vini Maluatici q. s. Stent in infusione per dies viij. Iterum destillantur. Tandem adde Cubebar. nucis moschatæ, granor. Paradisi, cardamom. an. ℥. j. B. calam. arom. galang. an. ℥. j. caryophyll. ℥. B. spec. diamb. cum moscho & ambra diamosch. an. 3. ij. Stent in infusione per dies 8.

Iterum destillantur: In vltima destillatione liquor diuidi, & tertiæ parti in destillando castorei. ℥. j. addi potest.

Solent quidem nonnulli istis aquis totis in destillando admiscere castoreum. Verum cum eæ & præseruationis loco parentur, castoreum verò ingratum illis saporem conciliet, præstat eas sine castoreo parare, & parti saltem alicui castoreum addere. Aqua Apoplectica D. Sigismundi Kolreuteri.

℞. Nuc. mosch. caryoph. macis, zingib. zedoar. galang. maior. & min. piperis albi, nigri, longi, cinamomi, calami arom. cyperi rot. doric. gran. parad. cardamomi, cubeb. castorei, sem. carui, fenic. anisi, cort. citri, limon. aurantior. an. 3. iij. rharis, myrrh. mastich. aloës hepat. an. 3. ij. spic. Ind. Celt. vulgar. rad. gentian. pæon. an. 3. R. eryng. ireos, pæon. pyreth. ligni visci q. corylini an. 3. R. fol. chamædr. nepetæ, chamæpyt. melissophyll. saluæ, rorismar. maioran. an. M. R. eupbra. M. ij. puleg. menth. hyssop. artensæ, origan. serpill. chelidon. an. M. R. beton. M. j. aneth. M. R. dactylor. amygd. d. an. 3. R. baccar. iuniperi M. j. fl. sambuc. violar. lauend. tilia, rosar. rub. pæon. primula ver. an. p. ij. borrag. bugloss. lil. conuall. an. p. ij. croci 3. j. R. Concis. & conquass. superinfund. vini albi Rhen. spir. vini opt. & puriss. an. canth. ij. R.

Bene obturato vase ponantur per mensem integrum ad Solem æstiuum, vel propè fornacem, tempore hyemali, singulis diebus bis vel ter agitando, ac postmodum fiat destillatio.

Vel: ℞. Flor. lauendul. tilia, pæonia, saluæ, anthos, lily conuall. an. 3. j. visci q. Luna decrescente collecti 3. R. fol. beton. primula verus, hyssopi an. M. j. cubeb. macis, nucis mosch. an. 3. R. sem. erucæ 3. ij. affunde vini q. s. destillentur.

Alia.

℞. Cardamomi min. cubeb. nucis mosch. an. 3. R. ligni de visci q. 3. j. fol. rutæ, saluæ min. an. 3. j. R. flor. lauendul. 3. iij. castorei opt. 3. j. R. Incisis & contusis affund. vini Rhenand. opt. vel aq. lil. conualli. cum vino destill. q. s. digerantur per d. 14. in vitro probè sigillato, destillentur deinde. s. a. in B.

Alia.

℞. Flor. lauend. M. ij. anthos, spic. sambuc. rutæ, rorismar. puleg. calaminth. ment. crisp. origan. serpill. beton. saluæ, maior. fol.

fol. lauri an. ʒ. B. sem. anisi, fœnic. pœon. an. ʒ. iij. eruc. rad. eaul. ireos flor. angelic. doron. obstrutij, pyreth. pimpinell. pœon. asari an. ʒ. B. cinamom. ʒ. B. zingib. cubeb. nuc. mosch. caryoph. macis an. ʒ. ij. grann. parad. cardamomi, galang. xedoar. croci, piper. trium gen. an. ʒ. iv. cal. arom. ʒ. B. spir. Ind. schœnanth. stœch. Arab. an. ʒ. iv. visci q. ʒ. j. castor. ʒ. B. flor. lil. conuall. M. iv. Incid. & contund. grosso modo admisc. spec. diamosch. d. ʒ. ij. diapras. ʒ. j. diapœon. ʒ. B. M. F. nodulus, Superfund. vini opt. Rhen. lb. ix. sp. vini opt. lb. viij. aq. salu. lb. j. lauend. spice, hyssop. tilie, lil. alb. an. lb. B. rorismar. maioran. an. ʒ. viij. Infunde omnia simul in vitro per 14. d. loco calido. Deinde destill. in arena & prima aq. cuius sint lb. iv. separatim seruetur & deinde altera seorsim. Aquarum istarum loco etiam tale Electuarium vsurpari potest.

℞. Conseru. flor. lauendul. ʒ. ij. anthos, saluie, maioran. beton. *Electua-*
an. ʒ. j. calam. aromat. condit. ʒ. B. spec. diamb. diamosch. *ria.*
dulg. an. ʒ. B. sem. erucæ ʒ. j. Cum melle Anacardino & Syru-
po stœchad. simpl. F. Electuarium.

Aliud.

℞. Conf. saluie, rorismar. maioran. stœch. lauend. an. ʒ. B. cal. arom. cond. conf. anacard. an. ʒ. ij. pulu. diamb. diamosch. an. ʒ. B. sem. eruc. rutæ an. ʒ. j. Cum oxymell. scillit. vel melle anacard. F. Electuarium. Dosis instar Castan. alternis diebus. Addi quoque possunt Castor. ḡ. aliquot. Vel propinetur huius potiunculæ cochlearij.

℞. Aq. fl. tilie, cubeb. lilior. conuall. an. ʒ. j. spir. cerasor. nigr. ʒ. B. Syrup. de pœon. de cort. citri an. ʒ. ij. succini alb. preparat. ʒ. j. brody nuc. mosch. condit. ʒ. ij. Aq. apopl. ʒ. j. M.

Confectio anacardina, vt in omnibus cerebri frigidis morbis, sic & hic summoperè probatur, per se eam exhibendo (modo æger ad se redierit, & medicamenta solidiora admittat) vel cum aqua vitæ dissoluendo. Conuenit & sinapis semen contusum, & ʒ. B. pondere cum oxymelite exhibitum; sicut & castoreum ḡ. vj.

Vel parentur hi Morsuli: ℞. spec. arom. ros. ʒ. j. diamb. ʒ. ij. diaplir. c. mosch. dianth. an. ʒ. j. pulu. macis, nuc. mosch. caryoph. cubeb. cardamom. an. ʒ. j. Conf. fl. lauend.

anthos an. 3. j. β. Extract. pæon. ḡ. v. galangæ ḡ. iij. solut. corall. rub. Ḑ. j. nuc. mosch. express. ḡ. iv. caryophyll. succini an. gutt. ij. sacchar. in aq. rorismar. & lil. conuall. dissol. q. f. F. l. a. Morfuli.

Alij.

℥. Succini alb. præp. 3. ij. β. spec. arom. ros. diamb. dianthos, diaphir. an. Ḑ. ij. sacch. in aq. beton. dissolu. 3. viij. F. Morfuli. Valde efficaces etiam sunt Rotulæ ex oleo cubeb. paratæ, Vel præparentur hæ Rotulæ.

℥. Extract. rad. pæon. Ḑ. j. cal. aromat. ḡ. xj. Margarit. præp. Ḑ. ij. corall. rubr. præp. 3. β. ol. nuc. mosch. expr. Ḑ. j. ol. nuc. mosch. destill. gutt. xij. fenicul. gutt. vij. sacch. in aq. pæon. dissolu. 3. iij. F. f. a. Rotulæ. Simul etiam externa cerebrum roborantia vsurpanda.

Multum hic commendatur oleum nuc. mosch. destillatum, si naribus & auribus instilletur, palatoque illinatur.

Balsama Magni etiam vsus sunt Balsama Apoplectica.

Ut: ℥. Ol. nucis mosch. express. 3. β. destill. lauend. maioran. rorismar. rutæ an. Ḑ. β. cinamomi, caryophyll. an. gutt. v. succini Ḑ. β. ambr. zibeth. mosch. an. Ḑ. j. Misceantur.

Vel: ℥. Ol. nuc. mosch. 3. iij. zibet. ambr. mosch. an. Ḑ. j. bals. orient. ol. succini albi, maior. lauend. an. Ḑ. j. β. caryoph. Ḑ. β. M.

Aliud.

℥. Ol. nuc. mosch. expr. 3. ij. nuc. mosch. destill. macis an. Ḑ. ij. lauend. succini, caryophyll. an. Ḑ. j. maioran. spice, rutæ, anthos an. Ḑ. β. M.

Aliud.

℥. Ol. nuc. mosch. expr. 3. j. β. zibeth. ḡ. vij. ambr. gryf. mosch. opt. an. ḡ. xj. ol. rutæ destill. Ḑ. β. M.

Aliud.

℥. Ol. nuc. mosc. expr. 3. β. ambr. gryf. ḡ. viij. mosch. opt. benzoin, styrac. calam. ladani opt. an. Ḑ. β. Ol. destill. lauend. cinamomi, rutæ, rorismar. an. Ḑ. j. caryoph. gutt. vij. succini gutt. iv. M. optimè in scutella argentea. Sequentia etiam simul caput roborare, & materiæ reliquias euacuare ac discutere possunt.

℥. Extract. rutæ 3. j. pæon. Ḑ. j. ol. nuc. mosch. expr. 3. β. nuc. mosch. destill. gutt. vij. rutæ, fenic. an. Ḑ. β. succini gutt. v. M. pro linimento.

Vel:

Vel: ℥. spec. diagalangæ ʒ. j. ℞. sal. ammon. pulu. pyreth. piper.
an. ʒ. j. cubebar. ʒ. ℞. sinap. ʒ. v. conf. anacard. ʒ. j. theriac. ʒ. j.
aq. saluæ, lauend. an. ʒ. ℞. Cum syr. de stæch. F. Linimentum.
Vel fiat talis compositio.

℥. Sem. sinap. piper. rad. pyreth. castor. an. part. eq. Excipian-
tur melle & succa Rutæ, Fiatque illinitio linguæ & oris. Con-
uenit & gargarismus, cuius vsus sit manè.

℥. Rorismar. rutæ, origani, saluæ, vinctæ per vinc. an. p. j.
zingib. pyreth. an. ʒ. j. ℞. rad. lappæ maior. ʒ. iv. Decoq. in lb. ij.
ad tertiæ part. consumpt. & Colaturæ add. Aceti rosac.
acerr. q. s. F. Gargarismus. Fomenta quoque capiti ex plan- Fomen-
ta.
tis Cephalicis applicentur.

Vt: ℥. Fol. saluæ, maior. puleg. rutæ an. M. j. flor. chamæm.
stæch. Arab. melilot. an. M. ℞. rad. calami aromat. sem. anisi, bacc.
iuniperi an. ʒ. ℞. nucis mosch. cubebar. an. ʒ. ij. Coqu. in vase
clauso in f. q. vini. Colatura pro fomento capitis vsurpetur.
Si prædictis ad mollitem coctis & contusis ol. irinum vel
rutac. addatur. F. Cataplasma capiti applicandum.

Vel: ℥. Ol. Rutac. nardin. an. ʒ. j. ℞. ol. destill. è baccis iuni- Cataplasma-
ta & li-
nimenta.
peri ʒ. iij. pulu. castor. ʒ. j. euphorb. ʒ. ℞. Cereæ q. s. F. Linimen-
tum pro capite & principio spinalis medullæ.

Vel: ℥. Ol. mastich. ʒ. iij. castor. ʒ. j. rutæ ʒ. j. ℞. pulu.
lauend. baccar. lauri an. ʒ. ℞. caryoph. ʒ. j. pingued. vulp. ʒ. iij.
ol. rutæ destill. gutt. v. mastich. gutt. viij. succini gutt. iij. medull.
crur. vituli ʒ. ij. F. Linimentum, quod nuchæ & vertebri-
dorsi inungatur.

Vel: ℥. Ol. Petræ, laurini an. ʒ. ij. nuc. mosch. expr. ʒ. j. de-
still. saluæ, flor. lauend. caryophyll. galbani an. ʒ. ℞. M. Potest saccul.
& capiti post fomentationem talis facculus imponi.

℥. Caryoph. nuc. moschate, cubebar. an. ʒ. ℞. maioran. rutæ
an. ʒ. j. Concisa & crasso modo contusa insuantur ex sac-
culo tela tenui, quo calefacto caput foueatur, hinc oleis
antea nominatis illinatur.

Multum quoque prodest Epithema ex succino pulueri-
fato in sacculum oblongiorem interpassatum incluso, si
sacculus iste in aqua Vitæ vel spiritu Vini cum pipere lon-
go imbuto madefiat, & ol. succini aliquot guttis asper-
gatur, futuræque coronali imponatur.

Circa oleorum tamen calidorum, præcipuè destillatorum, vsum hoc obseruandum, vt non sola vsurpentur, sed cum cera & pinguibus misceantur, vt cuti tenacius adhæreant. Sola enim adhibita faciliè dissipantur, & in auras euaporant.

Phœnigmi.

Quidam & Phœnigmos capiti raso applicant forma Emplastri, è s. q. ficuum leniter coctarum, & duplo sem. sinapi contusarum; & adiecto, si videbitur, pauco castoreo & euphorbio. Valenter quoque ad externa trahit Emplastrum oxycroceum cum ol. laurino subactum; quod potentius præstat, si aliquid sinapis, pyrethri, staphydis agriæ addatur. Vel applicetur hoc Emplastrum.

℞. Galbani, opopanax. pyrethri, sem. sinap. castorei, piper. an. 3. ij. sulphuris 3. j. terebinth. 3. ℞. ol. destinati rutæ & saluæ, an. 3. ℞. puluerisatis puluerisandis misceantur ac super aluta extendantur, & capiti calidè applicentur.

*Cauteriorum
usus.*

De Cauterio actuali & sartagine candente antea dictum, quam initam, aliis non proficientibus, nonnulli supra caput per horæ quadrantem detinent, vt caput non tangat nec vrât, sed calefaciat solum, & capillos ferè comburat.

Oleis illis calidis & ex inungendæ sunt partes, quæ magis paralyti tentari videntur, vt ita paralytis excitetur, & materia à capite ad partes ignobiliores transferatur. Præstat enim vsum alicuius partis amittere, quam hominem mori. Et paralytis dat medico ad agendum inducias, quas non concedit Apoplexia.

Nonnulli cæteris non iuuantibus, febrem excitandam esse, quæ præsentaneum sit ad materiam pituitosam exsiccandam & resoluendam, remedium: & propterea confectiōem Anacardinam cum Hydromelite vel alio conueniente liquore 3. j. pondere exhibendam censent. Si iam in Paralytin morbus desinat, reliqua curatio ad eam dirigenda.

Chymica.

Quæ à Chymicis hic commendantur, pleraque vulgata etiam sunt, & è simplicibus, quæ in vulgari contra Apoplexiam vsu sunt, parantur, nec Galenicis ignota sunt, Spiritus scil. liliorum conuall. cerasorum, granorum iuniperi, saluæ,

saluie, flor. lauendula, visci querni, cranij humani, margaritarum coralliorum: Effentia Rorismarini, lauendula, saluia, pæonia: Tinctura, corallior, succini, smaragdi: Olea destill. lauendula, saluia, maiorana, rorismarini, nucis moschata, ruta, angelica, sambuci, carui, succini, caryophyll. Extract. pæonia, ruta, saluia, cubeborum, cardamomi: Sal. saluia, pæonia, succini, cranij humani: Fecula, pæonia: Magisterium cranij humani, succini, margaritarum, coralliorum: Balsamum Ruta, maiorana, succini, angelica, maiorana. Quibus addunt medicamenta ex argento præparata.

Dieta.

Diætam quod attinet, in hac Apoplexiæ specie, aer ad calidum vergat. Cibi in paroxysmo nihil exhibeatur, nec facile exhiberi potest vsque ad declinationem. Sit autem tùm cibus attenuans. A vino abstinendum. Potus sit Hydromel saluia, hyssopo, roremarino, calamintha, origano, pulegio, melissa conditum. Cibi etiam condiantur hyssopo, roremarino, thymo, fatureia, ruta, saluia, nuce moschata, vt de Paralyfi dictum.

Dieta.

Aër.

Cibus &

potus.

Curatio Apoplexiæ à Sanguine orta.

Si Apoplexia sit à sanguine orta, iis, quæ in genere proposita sunt, non neglectis, mox, si vires id ferant, atque Apoplexia non sit fortissima & desperata, etiam ante clysterem vena aperienda, & venæ sectio administranda, vt ante de Apoplexiæ curatione in genere dictum. Plus verò in hac Apoplexiæ specie, quam in pituitosa, sanguinis emittendum, sanguisque satis liberaliter, & quantum vires ferunt, euacuandus. Rhases in vtroque brachio venam aperit, quod interiectis 6. vel 7. hor. fieri potest, vt expeditius sanguis à toto corpore & capite educatur, & iterata ista venæ sectio, vt antea quoque dictum, materiam facilius moueat, nec vires deiiciat. Prudentia tamen hic opus est, & si ex pulsu ac facie coniciat Medicus, ægrum non satis bene tolerare phlebotomiam, repetenda non est, ne æger in periculum coniciatur.

Curatio

Apople-
xia san-
guinea.Vena se-
ctio.

Si autem æger venæ sectionem non toleret, cucurbitulis scarificatis vtendum. Post sanguinem euacuatum Clysteres

Cucurbi-
tularum

ac scari- fteres & omnia reuulsionum genera, vt antea dictum, *vsur-*
ficazione panda & repetenda.

applica- Cæterum cum sanguis purus rarò peccet, purgantia
tio. post venæ sectionem quoque exhibere non abs re fuerit.
Purga- Istud autem de purgatione, & quidem in omni Apoplexia,
tio. monendum, vt ea maturè, horis non multis post venæ
 sectionem, instituatur, neglecta temporum electione. Ne-
 que enim vehementia morbi tempus matutinum, venæ se-
 ctioni & purgationi alias commodissimum, semper expe-
 ctare finit.

Particu- Post purgationem exhibitam abstinendum aliquandiu
lares e- à frictionibus, ligaturis, cucurbitulis; quoniam hæc con-
uacua- tra, quàm pharmacum, ab interioribus ad exteriora
tionēs. trahunt.

Corpore vniuerso purgatio & hinc particulares euacua-
 tiones instituere licet, quæ tamen hic moderatiores sint,
 & medicamenta, quæ adhibentur, minus calida.

Curatio Apoplexiæ à Vapore Narcotico.

Curatio Si à vapore Narcotico Apoplexia oriatur, mox etiam
apople- omni reuulsionum genera, quæ in genere supra dicta sunt,
xia à nar- adhibenda; & si vaporem illum materia aliqua foueat,
cosi. euacuanda ea est. Deinde vsurpanda & propinanda tum
 extra applicanda ea, quæ vim sopitam excitant, & pe-
 culiari facultate vaporum narcoticorum vim infrin-
 gunt. Imprimis vtile est castoreum, ruta, pulegium,
 quæ cum aceto mista naribus admouenda. Acetum enim
 & acida maximè narcoticorum vim retundunt & in-
 fringunt. Commoda quoque sunt Balsama Apoplecti-
 ca, rutæ, maioranæ, quibus aliquid Castorei addi
 potest.

Exhibeantur etiam pleraque, quæ supra in Apoplexia
 pituitosa sunt proposita, qualia sunt; Salvia, ruta, beto-
 nica, rosmarinus, lauendula, maiorana, pulegium, stoechas
 Arabica, &c. Nec omittantur sternutatoria, quæ & ipsa
 vaporem illum discutere valent.

Huic Apoplexiæ cognatus affectus est, vt dictum, qui ex
 spiritus vini nimio vsu excitatur. Ideoque huius curatio
 non prætereunda.

Cum verò spiritus vini non solum periculosum stuporem, sed & maximum calorem excitet, ea exhibenda, quæ *A spiritum vini statim per & inebriatio.* & calori & facultati narcoticæ resistunt. Primò ergo vomitum excitare vtile est, quod fieri potest aqua calida cum oleo communi ac butyro exhibita. Deinde exhibeatur Lac caprinum vel aliud: Item emulsio ex amygdalis dulc. ac semine cucurbitæ ac melonum cum aqua hordei parata, acida item ac acetum ipsum, & syrupi acidi.

Diæta in Apoplexia à vapore narcotico sit, qualis in Apoplexia à pituita. A vino & omni potu inebriante toto curationis tempore abstinendum.

Curatio Apoplexiæ à causis externis & violentis.

Cum reliquæ tres Apoplexiæ species, quæ vel à sanguine è vulnere ad basin cerebri effuso, vel à cerebro compresso, vel ab eiusdem vulnere, & læsione insigni ortum *Curatio apoplexiæ à causis externis.* habent, curatione maxima ex parte conueniant, eas quoque coniungemus.

Si ergò quis in oculo vel alia parte capitis vulneratus sit, atque in Apoplexiam incidat, aut ex alto aliquid in caput decidat, aut lapide vel alia re graui caput percussum, cerebrumque compressum aut commotum sit, vt æger sine sensu & motu iaceat; Primò omnium, si vires ferant, statim seu die seu noctu cephalica vena aperienda, & postea clyster iniiciendus, vt materia à capite reuellatur; aut si venæ sectionem ægri vires non ferant, cucurbitulæ scarificatæ partibus inferioribus affigendæ. Reliqua curæ ratio ad ipsum caput læsum dirigenda; & primò ad sanguinis affluxum inhibendum repellentia adhibenda, postea etiam dirigenda. Et si cranium depressum sit, illud retrahendum ac eleuandum: Ossicula, si cerebrum pungant aut premant, eximenda.

Apoplexia, quæ fit ab insigni cerebri vulnere, etsi plerumque desperata ac lethalis sit, quamdiu tamen viuit homo, vulnus inflictum ex arte tractandum. Cætera verò naturæ permittenda sunt, quæ interdum per aures, nares, & os sanguinem expellit, quas vias Medicus facillè querere non potest. De quibus videatur *part. I. cap. 20. 21. & seqq.*

Victus ratio in his Apoplexiæ generibus sit tenuior, & in principio carnibus & omni pleniori victu, vt & vino abstinendum, & ptisana hordeacæ aut aqua cum semine coriandri aut cinamomo decocta, aut decocto hordei vtendum: reliqua etiam victus ratio ad frigidum declinet; cum plerumque è sanguine è vasis effuso putredo & febris excitetur.

Præseruatio ab Apoplexia.

Præseruatio ab Apoplexia. Cum autem longè vtilius & tutius sit ab imminente Apoplexia ægrum præseruare, quam à iam præsentē liberare; præterea danda sit opera, vt qui semel à paroxysmo apoplectico liberatus est, imposterum ab ea non corripiatur, quod sæpissimè accidere solet: de præseruatione ab Apoplexia etiam dicendum.

Apoplexia imminētis signa. Signa autem imminentis Apoplexiæ sunt, diuturna grauitas & dolor capitis, ac in somnum propensio, segnior totius corporis motus, frequens vertigo, tenebræ oculis offusæ, vel incerti ac discurrentes ante oculos lucis splendores, frequens incubus, somnia terribilia, aurium tinnitus, inflatio venarum iugularium, tremor totius corporis, vox tremula & interrupta, mentis abalienationes, rerum obliuio, moestitia, refrigeratio extremorum sine causa.

Præseruatio in quibus consistat. Vt autem Curatio Apoplexiæ in eo præcipuè consistit, vt causa illa proxima, quæ influxum spirituum animalium impedit, tollatur: ita præseruatio in eo occupatur, vt causæ antecedentes, quæ nisi amoueantur, Apoplexiam excitare possent, tollantur. Quæ autem causæ antecedentes iam antea dictum. De causis verò illis violentis dicere nihil opus est, cum à Medici arbitrio dirigi non possunt.

In præcauenda ergo Apoplexia hæc prospicienda; Primò, vt humor, qui angustiam cerebri parere potest, vaporésque, qui spiritus torpidos reddunt, non generentur, aut si adsint, tollantur: Deinde vt cerebrum, quod humores seu vapores vel gignit vel admittit, & discutere non potest, roboretur.

Præseruatio ab Apoplexia sanguinea. Primò itaque si à sanguinis copia metuenda sit Apoplexia, sanguis, quantum opus, imminuendus, & cum nihil commodius hic esse possit, quam hæmorrhoides fluere, danda

danda est opera, vt prouocentur; cum quamdiu fluunt, *Sanguis* facile ab Apoplexia immunitatem polliceantur. Cæterum *nis immi-* si id fieri nequeat, per venæ sectionem & cucurbitulas san- *nuatio.* guis detrahatur, & ne copiosior generetur, præcauentur. Ideoque etiam à crapula & imprimis vino multo ac generoso abstinendum.

Cum autem sanguis non solum quatenus copiosus *Prepara-* (cum multi sanguinei ab Apoplexia immunes sint) sed *tio, alte-* etiam quatenus spirituosus nimium aut potius vaporosus *ratio, pur-* est, seu vaporibus multis spiritus animales turbat, causa *gatio.* Apoplexiæ sit, & talis sanguis adustus in atram bilem degenerare soleat, omnino necessarium est, per interualla corpus iis, quæ humoribus biliosis conueniunt, euacuare.

Alterantia quoque exhibeantur, quæ talibus adustis humoribus & sanguini vaporoso conueniunt. Inter purgantia imprimis conueniunt fol. senæ & rhabarb. cui addi possunt Polypop. quern. Epithymum.

Vt: ℞. Rad. polypod. quern. pæonia, cichor. an. ʒ. iiij. passul. minor. ʒ. vj. Coq. in aqua pura, in Colat. infundatur. fol. senæ ʒ. vj. rhabarb. ʒ. ij. flor. borrag. buglos. violar. an. p. j. zingiberis galang. an. ʒ. ʒ. calam. aromat. ʒ. ʒ. in Colat. ʒ. iiij. ʒ. dissolue manna ʒ. ʒ. vei ʒ. vj. adde syrup. cichor. cum rhabarb. ʒ. ʒ. M.

Exercitia sint moderata. Caueant à somno meridiano, *Dia-* imò nec post coenam mox cubitum eant, sed duabus de *ratio.* mum horis à cœna peractis quo temporis spatio etiam potandum non est.

Abstinendum quoque ab aquis vitæ dictis, etiam iis, *Aqua-* quæ ad Apoplexiam aliàs commodæ sunt, & aquæ Apo- *rum apo-* plecticæ dicuntur, in hac Apoplexiæ specie. Etsi à nonnul- *plectica-* lis non satis cautè vsurpentur; cum in corporibus eiusmodi *rū usus.* di plenis & sanguine spirituosus ac vaporosus abundantib. caput nimium repleant. Eadem de causa vitanda sunt vina crassa, turbida, dulcia & potentia, quæ copiosorem ac crassorem sanguinem suppeditant. Non verò omittenda cerebrum confortantia: de quibus postea dicetur. Ea tamen eligenda, quæ sanguinem non nimis calefaciunt.

Præfer- Secundo si à pituita metuenda sit Apoplexia, ac in sen-
uatio ab bus præcipuè, ob calorem natium iam debilem & spiri-
apople- tus pauciores, cerebrum nec bene coquat, nec humores
zia pi- excrementitios satis rectè excernat, atque inde pituitosi &
uitosa. crudi humores in capite cumulentur, ob quos in hyeme
 præcipuè ad hoc malum proclives sunt: imprimis danda
 est opera, ut cerebrum roboretur, & ita generatio pituitæ
 præcaueatur, & quæ generata est, euacuetur.

Cerebri Et cum indies magis magisque temperamentum debili-
robora- tetur, singulis diebus, quod lapsus illum in cerebro cor-
tio. rigat, cerebri calorem conseruet, spiritus animales re-
 creet, assumendum.

Electua- ℞. *Conseru. lauendul.* ℥. iv. *primul. veris, lilior. conuall. sal-*
ria. *uiæ, beton. anthos. an.* ℥. j. *calam. aromat.* ℥. ℞. *spec. diamb.*
cubeb. nuc. moschat. an. 3. ℞. Cum syrup. pæon. & stæchad.
 F. Electuarium. Imprimis ambra ad cerebrum roboran-
 dum & spiritus instaurandos maximè valet.

Vel: ℞. *Ol. destillat. anisi* gutt. iv. *nuc. moschat. carui an.*
 gutt. iij. *caryophyll. gutt. j. ambr. ḡ. vj. sacchar. in aqu. rosar.*
dissolut. ℥. iij. F. Rotulæ, quibus & ol. succini addere licet.

Vel: ℞. *spec. diamb.* 3. j. ℞. *diamosch. dulc. diaxyloal. an.*
 3. j. *Ol. anisi destillat. nuc. moschat. an.* gutt. ij. *sacchar. in aqua*
rosar. & lauendul. dissolut. ℥. iij. F. Rotulæ.

Rotula. Vel: ℞. *Ol. destillat. nuc. moschat. cinamomi, caryophyll. an.*
 gutt. iv. *succini gutt. v. saluiæ gutt. iv. sacch. in aqua rosar.*
dissol. ℥. iv. F. Rotulæ. Vtilissimæ etiam ad præcauendam
 Apoplexiam sunt hæc pilulæ.

℞. *Cubeb. calaminib. mastiches, nucis moschat. caryo-*
phyll. an. 3. j. *ambre 3. ℞. mosch. ḡ. vj.* Cum succo vel extr.
 maioranæ formentur pilulæ, de quibus 3. j. nocte nouilun-
 ium & plenilunium præcedente exhibeatur.

Ad cerebrum quoque roborandum vsurpandæ aquæ
 Apoplecticæ, quarum supra mentio facta. Quibus hæc
 addi potest.

Aqua a- ℞. *Flor. Lauend. M. ij. anthos, lilior. conuall. salu. an.* M. j.
poplecti- *cubeb. gran. Paradisi an.* ℥. ℞. *nuc. moschat.* 3. ij. Stent in in-
ca. fusione spirit. vini opt. lb. ij. in vase diligenter clauso per
 dies aliquot, postea colentur. De hoc spiritu tempore
 hyberno

hyberno imprimis, ante Nouilunium præcipuè, vt & alio tempore, 3. j. vel altera pro temporis ratione cum pane albo sumatur. Commendatur etiam, & apud multos in Puluis. vsu est hic puluis.

℥. succini albi 3. j. spec. diarrhod. abb. 3. ℞. rad. pæon. 3. j. Datur 3. j. cum aqua conueniente ante Nouilunium.

Alij tamen :

℥. Succini 3. j. spec. diarrhod. rad. pæon. an. 3. ij. Alij aliam proportionem obseruant.

Nucem quoque moschatam, cubebas, semen erucæ, sæpe ore detineant & mastigent, qui ab Apoplexia sibi metuunt. Aut semen Carui & Erucæ in puluerem redactum & cum saccharo mistum masticetur. Efficax est & hic puluis, de quo sumatur manè ad fabæ magnitudinem.

Alijs.

℥. Sem. eruc. cubebæ. cardamom. seseli Cretici, piperis albi an. 3. j. F. Puluis. Odoramentum quoque naribus admoveatur & imprimis Balsama Apoplectica.

Balsama
apoplecti-
ca.

Vel: ℥. Ol. nuc. mosch. express. 3. j. ambra, mosch. zibeth. balsami Oriental. an. 3. ℞. M. & ol. Caryoph. & Cinamomi, quantumlibet addatur. Commendatur & hoc Emplastrum ad caput roborandum & Apoplexiam præcauendam.

Empla-
strum ce-
phalicū.

℥. Myrrha elect. styrac. calam. benzoin, ladanū an. 3. ℞. gummi iuniperi 3. ij. cranij hum. puluerisat. 3. ij. ℞. sap. lazul. 3. ℞. Cum styrace liquid. & terebinth. F. Emplastrum, cuius portio panno serico magnitudinem taleri æquanti illinatur & vertici imponatur. Manè lingua & os mundetur aqua, cui aliquid aquæ origani, rorismarini, saluiæ, & lapendul. admistum sit.

Vitandus aër & frigidus & austrinus & contra eum caput muniendum. Cibi condiantur aromatibus, ita tamen ne caput repleant, vel condiantur sem. carui, saluia & similibus. Post cibum sumptum sumantur pulueres peptici de semine coriandri, cumini, galang. sem. foeniculi & mastich; vel diacydon. cum speciebus paratum, & similia supra part. 1. proposita.

Dietæ
ratio.

Imprimis verò recta victus ratione hic opus est, quæ præcaueatur, ne humor iste, quantum fieri potest, generetur, abstinendumque à cibis pituitosis, ac multorum piscium, olerum,

olerum & lacticiniorum esu; ac magna ventriculi ratio habenda est, cum ad humoris pituitosi generationem multum faciat.

Purgatio.

Quia verò vix præcaueri potest in corporibus dispositis pituitæ generatio, per intervalla convenientibus medicamentis euacuanda est, atque euacuationes secundum individui cuiusque rationem instituendæ.

Vtilissimum & efficacissimum est & hoc decoctum, quod non solum materiam detergit, incidit, & obstructiones viscerum soluit, sed & membra interna ac cerebrum imprimis roborat.

℞. Sarsæ parillæ ʒ. ij. ligni sassafras ʒ. j. sem. fœnic. ʒ. vj. Infundantur hor. xxiv. in aq. fontanæ lb. iv. vel v. Coq. ad dimidiæ part. consumptionem: sub finem adde flor. primulæ veris, lilij conuallium an. M. j. ligni aloës ʒ. ij. Colat. feruetur ad vsum in vase vitreo. Dentur mane ʒ. iv. vel v. cum aq. cinamomi cochleari dimidio, vt sudor leniter prouocetur. Multum etiam ad præseruandum ab apoplexia faciunt fonticuli in brachiis excitati.

Errhinorum & gargarismorum vsus.

Præterea in nares aqu. maioran. in qua semen nigellæ erucæ, & parum zingiberis infusa sint, attrahere vtile est. Vel vtendum hoc gargarismate.

℞. Rorismarin. saluiæ, rutæ origani an. p. j. zingiber. Pyrethr. an. ʒ. j. β. rad. lapath. maior. ʒ. β. Coqu. in lb. j. aquæ ad tertix partis consumptionem. Colat. adde aceti quantum sufficit.

Vel: *℞. Aq. Lauendulæ, saluiæ, rorismarini, rutæ an. ʒ. iv. pyrethr. zingiber. an. ʒ. j. β. oxymel. scillit. ʒ. j. β. Seruetur ad vsum pro gargarismo.*

Præseruatio ab apoplexia va- perosa.

Tertiò cum Apoplexiæ, quæ à vaporibus ortum habet, præcipuè obnoxij sint, qui cruditatibus & crapulæ dediti sint, quiete & abstinentia talibus imprimis, opus est, & proinde vitandæ maximè crapula, & quæ hinc oritur, cruditas, ciborum varietas, exercitia post cibum, ira & vehemens animi motus. Et cum ex ista causâ Apoplexia maximè metuenda sit Melancholicis, Melancholicusque humor præcipuè literatis & aliis ingeniis excellentibus ab anno 40. ad 60. molestus esse soleat, à curis molestis & aliis

causis

cauffis humorem melancholicum cumulantibus, cauendum, & hæmorrhoidum fluxus, si fieri potest prouocandus, humorque melancholicus conuenientibus medicamentis præparandus & euacuandus, vt supra *part. 1. cap. de Intemperie cum humore Melancholico* dictum. Deinde medicamenta modò proposita ad cerebrum roborandum & vapores discutiendos adhibeantur. Præcipuè & hic utilis est puluis è succino, spec. diarrhod. abbat. & rad. pœon. *Nota.* vt & sem. carui, quod comestum & olfactum hic valde utile est, & odores & vapores, qui cerebrum infestant, vertiginem excitant, apoplexiâque minantur, corrigit ac discutit. Efficacissimum verò est eius oleum destillatum. Castoreum quoque aceto madidum naribus admo- uere conuenit. Viro cuidam litterato iam sexagenario, ob cruditatem ventriculi & vapores inde in caput eleuatos semel atque iterum Apoplexiæ initia sentienti, valde profuerunt hæ rotulæ.

℞. Ol. carui ʒ. *℞. nuc. mosch. gutt.* vii. *sacch. albi* ʒ. ij. *F. Rotulæ.* Auertantur etiam vapores à capite, lotionibus pedum matutinis è decoctis herbarum cephalicarum, & frictionibus.

Q V Æ S T I O I.

An à solâ Intemperie cerebri possit Apoplexia generari?

150 Causas Apoplexiæ supra suo loco recensuimus. Inter *An In-* eas numerata non est intemperies cerebri. Cum verò ex- *temperies* perientia testetur, Apoplexiâ esse morbum hæredita- *sola apo-* rium, & quorum parentes Apoplexia mortui sunt, iisdem *plexiam* malum hoc metuendum esse; non verò angustia cerebri *excitare* & principij neruorum ab ortu contrahi & communicari *possit.* possit: ipsa etiam cerebri substantia in talibus male affici & disposita esse videtur. Nam cum compressio illa aut obstructio sit extra cerebri substantiam, eâque tantum in paroxysmo accidat; nemo autem actu Apoplecticus seu in ipso paroxysmo generet: omninò statuendum videtur, dispositionem aliquam prauam intemperiem; ac debilitatem in cerebro eius, qui Apoplexia demum corripitur, antequam ea corriperetur, adfuisse, quæ, sicut alij morbi

hæreditarij, cum semine deriuari & communicari soboli potest. Quibus accedit & illud, & quod Platerus præter causas supra enumeratas aliam adhuc ponit, scilicet spirituum animalium consumptionem tantam, ob quam non solum functionum animalium debilitas, sed & omnimoda illarum subsequatur abolitio, & grauis omnino, hominemque subito iugulans excitetur Apoplexia, qua senes aliquando intereant. Quæ ipsa causa ad intemperiem cerebri, seu eius debilitatem, ob quam spiritus animales amplius non generantur, redigenda videtur. Præterea cerebri imbecillitas sæpe diu ante percipitur, & facultatis animalis, intellectus, memoriæque debilitas, torpor in omnibus actionibus, aurium tinnitus ac sibilus, ac vertigo animaduertitur.

Sunt tamen, qui Apoplexiam morbum hæreditarium esse negant. Cum enim non generent podagricos nisi ij, qui ipsi podagra laborauerunt, nec leprosos aut lue Venerea affectos, nisi qui ipsi lepra vel lue Venerea affecti fuerunt, & plerique in ipso paroxysmo Apoplectico pereant, nec post paroxysmum generent: fieri non posse videtur, vt morbum, quo non laborarunt, in sobolem transfundant. Præterea cum multi Apoplexiâ subito corripiantur, qui operationes cerebri integras habuerunt, probabile non videtur, vt qui omnes operationes integras habuerunt, morbum aliquem in sobolem deriuent. Insuper cum intemperies non subito, sed per diuturnas alterationes inducatur, Apoplexiâ hominem subito & in instanti corripiat: non videtur ab intemperie ortum habere posse.

Verum enim verò vtraque opinio aliquid veri & aliquid falsi continet. Primò enim omnino concedendum, intemperiem quandam in Apoplexiâ cōcurrere posse; cum negari non nequeat, atque id experientia testetur, Apoplexiam sæpe morbum esse hæreditarium, qui omnino ab intemperie ac dispositione aliqua & cerebri imbecillitate à parentibus communicata ortum habeat. Neque necessarium est, vt qui Apoplexiæ obnoxios generant, ipsi iam ante Apoplexiâ laborauerint; sufficit, vt dispositionem, à qua

à qua causa Apoplexiæ provenire potuerit, habuerint, eamque soboli communicauerint, ob quam in liberis olim ac suo tempore causa Apoplexiæ gigni possit, etsi, cum generauerint, Apoplexia nondum laborauerint.

Interim tamen nec illud negandum, ab intemperie, qua talis, Apoplexiam proximè produci non posse; cum intemperies actiones saltem deprauet, vel imminuat, raro planè aboleat. Et si hoc præstet, sensum tamen & paulatim hoc faceret. Sed ab intemperie ac dispositione illa & intemperie cerebri causa proxima producitur, quæ vel angustiam parit, vel spiritus perturbat, pituita scilicet copiosa & vapores ac flatus.

An autem à consumptione spirituum animalium omnimoda fieri possit Apoplexia, quod vult Platerius, dubito. Cum enim illam consumptionem à cerebri debilitate in senibus fieri statuatur Platerus, subito accidere non posset, sed quod fieri solet, sensum ac in dies spiritus imminuerentur, & propterea satis manifestæ functionum animalium immutationes in aliis partibus omnimodam illam, ob quam lethalis accideret Apoplexia, consumptionem præcederent: Cum tamen senes sæpe sensus omnes atque integros habentes subito Apoplexia corripì videamus.

Q V Æ S T I O II.

Quæ sit Causa Apoplexiæ proxima?

De Causis Apoplexiæ pluribus in Institutionibus egimus, quæ hic repetere superuacaneum puto. Vt tamen quædam addamus, primò hoc præsupponendum est, spiritum animale dâri atque differre à vitali, & proximum instrumentum animalium actionum esse, vt id satis lib. 1. Instit. cap. 6. probaui. Neque enim satis euidentes & graues rationes vidimus, ob quas ab illa sententia nobis recedendum sit. Sunt quidem è recentioribus, qui statuunt, argumenta, quæ pro spiritu animali probando adducuntur, nihil aliud ostendere, quam ad sensum & motum requiri partis sentientis & mobilis cum cerebro communicationem; quæ tamen fieri possit per solum

spiritum vitalem, vt spiritus animales fingere opus non sit. Et vt principes actiones eduntur ministerio spiritus vitalis in cerebro existentis, (scilicet implantati & influentis) ita eundem spiritum in nervis habitantem species sensibiles ab organo sensuum ad cerebrum, & contra imperium facultatis superioris, à cerebro ad musculos, deferre putant. Deinde nullam dari officinam generationis spirituum animalium in cerebro existimant, cum nulla cavitatis in cerebro detur, in quam spiritus vitalis ex arteriis & cerebri sinibus, vel aer per nares attractus (quæ sunt spiritus animalis materia) attrahatur. Tertiò infantes in utero sine spiritus animalis opera moveri statuunt, vtpote qui neque à matre suppeditetur, nec ab infante generetur. Non suppeditari à matre putant, quia nullus nervus à matre infanti implantetur: Non generari verò in infante; quia aer desit, & per inspirationem in cerebrum non attrahatur.

Spiritum autem vitalem immediatè inferuire sensui & motui probare conantur his rationibus. 1. Quia Venus nimia etiam actiones animales debilitat; cum tamen solus vitalis spiritus semini permisceatur. 2. Quia spiritus vitalis interceptio in carotidum angustia actiones animales abolet. 3. Quia in Syncope actiones animales etiam abolentur. 4. Et in timore ac metu, in quibus spiritus vitalis perturbatur, tremor qui facultatis animalis est symptoma, accidit. 5. Quia motus nimius Lipothymiam, quæ facultatis vitalis symptoma est, inducit; & meditationis nimie coctionem ventriculi turbant, spiritum vitalem à ventriculo auocando.

Verùm nullo modo concedendum, vt communicatio, quæ est inter cerebrum & organa sensus ac motus, fiat per spiritus vitales. Ratio enim illa, quæ ad id probandum adducitur, falsa est, quod videlicet actiones animales principes opera spirituum vitalium administrantur. Etenim spiritus insitus, seu calidum innatum cerebri non est spiritus vitalis, sed animalis insitus. Nam calidum innatum seu spiritus insitus non omnium partium idem est, sed pro diversitate partium & actionum varius: In aure est naturæ

aëreæ seu aër insitus & implantatus; in oculo luminis insiti nomine venit spiritus innatus. Ita & cerebrum calidum innatum peculiare habet, cuius beneficio, quod sibi proprium est agit, quodque à calido insito cordis & epatis differt. Neque etiam spiritus mobiles in cerebro, quorum ministerio principes actiones obeuntur, vitales sunt; & dum id affirmatur, principium petitur. Quorsum enim cerebri substantia, cui similis in toto corpore non est, & tanta eius moles & structura, tam artificiosè facta essent. Certè nisi spiritus animalis ratione facta sunt, frustra facta sunt. Itaque petitio principij est, vt diximus, quod spiritus, à quibus species sensibiles ab organis sensuum ad cerebrum deferuntur, vitales sunt.

Cavitate verò sensibili nulla ad spirituum animalium generationem opus est; sufficit substantia cerebri illa mollis & spongiosa. Si lac tanta copia in mammis generari potest, si semen in testibus, vbi tamen nulla sensibilis cavitas apparet. Quidni spiritus animales longè subtiliores in substantia illa cerebri spongiosa, quò spiritus vitalis & aër faciliè penetrare potest, generari possint. Sunt quidem nonnulli in ea sententia, vt in *Institut. lib. I. cap. 6.* & suprà etiam *part. I. cap. 17.* dictum spiritus animales in quarto ventriculo cerebri, qui cerebro oblongato insculptus sit, seu generari, seu colligi. Verum Anatomici diligentiores demonstrant, ventriculi nomine hanc cavitatem vix dignam esse, neque in ipsa cerebri cerebellivè substantia sitam esse, neque primaria intentione à Natura efformatam, sed ex corporum dispositione ita emergere, nihilque aliud esse, quàm cavitatem quandam tere-tem, è duobus sinibus semicircularibus efformatam, & superiorem eius portionem cerebellum, inferiorem spinalem medullam conferre.

Infantes mouentur spirituum animalium beneficio, quorum sufficiens copia (magna enim opus non est, cum sensus & motus ferè orientur in infantibus in vtero) ex spiritu vitali in cerebro generari potest.

Quæ vero afferuntur ad probandum, spiritum vitalem ad sensum & motum sufficere, id non satis probant.

Quod enim Venus nimia facultatem animalem lædit, accidit, quia spiritus vitales, qui animalibus materiam præbent, subtrahuntur. Sunt tamen, qui & spiritus animales ad feminis generationem concurrere statuunt. Eadem de causa in carotidum angustia & syncope, in terrore & metu, in exercitiis nimis, actiones animales cessant, vel alio modo læduntur, quia materia spiritibus animalibus generandis necessaria subtrahitur. Spiritus equidem vitales ad actiones animales necessarij sunt, verum non vt causa proxima, sed vt remota, vt materia scilicet, è qua animales, qui proximum facultatis animalis instrumentum sunt, generantur.

Et si à spirituum vitalium defectu fieret Apoplexia, quæ differentia esset inter Syncopen ac Apoplexiam: quam tamen omnes Medici admittunt, & rectè; cum maxima inter hos affectus sit differentia, atque in syncope, spiritibus scilicet vitalibus affectis, pulsus lædatur, qui in Apoplecticis non mutatur. Et quod causa Apoplexiæ in meatibus spiritus animales ferentibus, non in arteriis, aut vlla parte spiritus vitales continente, consistat, vel ex eo euidenter patet, quod Apoplexia mutatur in Paralyfin, quam nervis affectis fieri extra controversiam est.

Cum ergo spiritus animales proximum actionum animalium instrumentum sint, etiam læsarum harum actionum causa in illis quærenda. Etenim quidquid secundum naturam sese habens animalium actionum integrarum causa est proxima, id etiam præter naturam sese habens, causa est læsarum earundem. At non spiritus vitalis, sed animalis, proximum actionum animalium instrumentum est. Ergo etiam ab hoc, non ab illo actionum animalium causa pendet. Et proinde sicut sensus & motus priuatim ab eorum defectu læduntur: ita etiam illius vniuersalis sensus ac motus læsionis in Apoplexia causa in spiritibus animalibus quærenda est. Nimirum sicut in tremore, paralyfi, cæcitate, surditate, stupore causa rectè in spiritus animalis in parte illa, cuius actio immutata vel abolita est, imminutionem vel defectum refertur:

Ita etiã omnes ferè antiqui & recentiores caussam Apoplexiæ, in qua omnes animales actiones abolentur, in spiritus animalis influxum omnimodè prohibitum rectissimè retulerunt.

Sed quæ caussa sit, ob quam spiritus animalis influxus in organa sensus & motus in toto corpore prohibeatur, de eo autores non consentiunt. De caussis reliquis iam non dicam, quarum supra in enumeratione caussarum facta est mentio; Solum de angustia, ob quam spirituum animalium influxus prohibetur, aliquid afferam, cum de ea Autores valde dissentiant. Antiqui, qui in ventriculis cerebri spiritus animales & generari, & contineri, & moueri, ac per eas in neruos influere crediderunt omnes Apoplexiam ab omnimoda ventriculorum cerebri obstructione prouenire statuerunt. Verùm recentiores, Varolius, Platerus, Bauhinus & alij diligenti cerebri anatomia edocti, falsum hoc esse demonstrauerunt, & in ipsa substantia cerebri membranis suis conclusa, spiritus animales contineri & hinc in neruos influere rectè docuerunt.

Præterea obseruatum est à Fernelio, *lib. 2. de abdit. rer. caus.* cap. 15. & Casparo Bauhino, in *Anatom. libro tertio*, non semper in ventriculis cerebri Apoplexia extinctorum aliquid reperiri, quod obstructionis caussa esse potuerit.

Itaque alia caussa quærenda est, ob quam influxus spirituum animalium ad organa sensus & motus planè inhibetur. Eam verò esse putamus talem viarum, per quas spiritus animales influunt, angustiam, vt spiritibus animalibus via omnis intercludatur. Non verò opus esse putamus, vt tota cerebri medulla obstruatur vel comprimatur, sed ad Apoplexiam excitandam sufficit medullæ cerebri oblongatæ, seu principij neruorum in basi cerebri posteriora versus talis angustia, ob quam in omnia sensus & motus organa in toto corpore spirituum animalium influxus prohibetur. Etsi enim Antiqui aliter senserint: tamen recentiores Anatomaci summa diligentia adhibita obseruarunt, neruos ad vnum omnes è medulla

cerebri oblongata prodire ; etsi alij , dum medulla hæc caluariæ adhuc inclusâ est, enascuntur ; alij postquam cranium reliquit , & per dorfi vertebrarum foramina procedit , iamque spinalis medulla propriè dicitur. Hoc ergo neruorum omnium principium , si ita afficiatur , vt spirituum animalium in neruos , qui in organa omnium sensuum externorum feruntur , & è locis vicinis , vna scilicet cerebri medulla oblongata, oriuntur, influxus denegetur, Apoplexia excitatur.

Fit autem hoc vbi medulla cerebri oblongata obstruitur vel comprimitur. Et quidem in forti Apoplexia anterior & posterior pars medullæ cerebri oblongatæ comprimitur vel obstruitur : in debili & mitiori nihil prohibet angustiam in alterutra saltem esse. Et est ea neruorum sensibus externis inseruientium in origine vicinia , vt si causâ grauis sit, quod in Apoplexia accidit , omnes simul afficiantur.

Id quod ipsa experientia confirmat , vt rationes conquirere opus non sit. Refert enim Ferneliûs , *loc. modo allegato* , virum quendam viribus integrum sinistri oculi ictu vehementiore repente attonitum corruisse, moxque sensu ac motu priuatum fuisse , cum spiritu difficili ac stertore , & cum aliis fortis Apoplexiæ indiciis , eumque nec venæ sectione, nec alia potuisse ratione seruari, quin horis duodecim interiret. Discisso apertoque capite , neque ossis, neque meningum , neque substantiæ cerebri quicquam confractum diuulsûmve , cerebri etiam ventriculos prorsus illæsos & inanes , sed duntaxat interiores oculi venas contusionis vi diruptas animaduertit ; è quibus sanguis cochlearium duorum mensura in cerebri basin procubuerat , qui , non , vt Ferneliûs vult , retiformem contextum obstringebat , sed principium neruorum comprimebat.

Et si Apoplexiæ terminationem & in alios morbos mutationem diligenter consideremus , facile patebit , nullo alio in loco , quàm quo diximus , causâ Apoplexiæ consistere posse. Mutatur verò Apoplexia , vel in paralyin lateris alterutrius ; vel in memoriæ & ratiocinationis

tionis læsionem. Prius accidit, cum humor è cerebro oblongato, & principio neruorum in spinalis medullæ alterutram partem à Natura excutitur, vnde cerebro & neruorum principio ab humore vitioso liberato sensibus quidem suus vigor credit, brachij verò & cruris alterutrius motus tollitur. Si verò è principio neruorum in ipsam substantiam cerebri hinc inde humor dispergatur, ac cerebrum eo quasi irrigetur, tunc morbus in via quidem cessat, sed cerebrum, vt similis pars, malè afficitur, vnde memoria & ratiocinatio læditur, sensibus externis & motu corporis saluis; ægrique cum tali memoria & mentis imbecillitate sæpe diu viuunt, vt exempla passim nota sunt. Quæ omnia, si alio, quàm quo dixi loco caussa Apoplexiæ consisteret, fieri nullo modo possent.

Caussa tamen, quæ istam angustiam inducit, non semper eiusdem modi est, neque semper in eodem loco hæret. Nonnunquam enim caussa est in ipso cerebro. Aliquando verò eandem angustiam etiam humores extra cerebrum ad basin eiusdem effusos & principium neruorum comprimentes, atque ita ventriculis non obstructis, efficere posse, suprà, vt & in Institut. dictum. Licet verò nerui optici non ex medio basis cerebri, parte anteriore, oriantur, vt antiqui crediderunt, sed reuera, si capite inuerfo, Varoliano modo, sectio administretur, ex principio truncorum priorum spinalis medullæ: tamen eo in loco est eorum exortus, vt à caussa Apoplexiam excitante simul seu comprimi seu obstrui possint. Et sit sanè in neruos opticos influxus liber: tamen cum actio sensuum externorum non absoluator in suis organis, sed sensus internos concurrere necessum sit; si illi laborant neque visus, neque alius sensus perfici potest; & quamuis oculi speciem visibilem percipiunt, tamen nisi facultas princeps concurrat, nulla fit visio, vt alibi monstraui.

Tandem id aliquem dubium reddere posset, quod in Apoplexia sensus communis, phantasia & cæteræ actiones principes etiam rectè sese non habent. Etsi enim influxus spirituum animalium in organa sensuum externorum

& motus prohibetur : quia tamen cerebrum saluum est, & spiritus animales in eo , causa nulla esse videtur , cur non & actiones hæ , & facultate & organis rectè sese habentibus , fieri debeant. Verum nec istud nos ad nostra sententia dimouet. Causas enim cur principio neruorum affecto in Apoplexia sensus etiam interni lædantur in Institution. part. 465. easque tres proposuimus. Prima est, quod spiritibus animalibus motu, qui ipsis est perpetuus, denegato , eos quasi suffocari necesse sit. Cum enim spiritus animales non tardè , sicut humores generentur, sed in perpetua generatione sint, & hinc etiam in perpetuo motu : si canales, per quos in totum corpus distribui debent, occludantur , eos in cerebro detineri , quasi concentrari, atque ita ad actiones sensuum internorum edendos ineptos fieri necesse est : præcipuè cum spiritus vitales assidue copia largiori ipsis permisceantur , ideòque non tantum illorum generationem interturbent , sed & generatorum actiones confundant. Apparet huius rei exemplum in corde , in quo si spiritus concentrentur , nec liberè in corpus diffundantur, actiones corporis læduntur. Secundò , membro vna ex parte saltem læso totam eius œconomiam turbari necesse est , vt Epilepsiæ exemplo id manifestum est , & cerebri commotio ac percussiones docent. Tertiò , cum cerebrum ita grauiter affectum spirituum animalium generationi non sufficiat , mirum non est , actiones etiam internas turbari. Si enim in iis , quibus cerebrum pituita repletum est , & discursus & memoria laborat : quid ni in Apoplexia cerebro tam grauiter affecto omnes actiones aboleri queant ; Vt enim causæ , sic effectus magnitudine differunt.

Q V Æ S T I O III.

An à Vapore Narcotico fiat Apoplexia ?

*Vapor
narcoticus
in apoplexiam
excitare
possit.*

Cum supra inter causas Apoplexiæ etiam vim Narcoticam recensuerimus ; de ea verò non omnium eadem sit sententia , aliquid de eo dicendum est. Et quidem à recentioribus hæc pro sola causa ponitur , vt ex Quercetano in Tetrade videre est. Vapor scilicet seu nebulosa exhalatio

exhalatio in cerebrum eleuata. Quam caussam equidem libenter, sed non solam, admittimus, vt supra & in Institution. dictum. Hoc saltem hic addimus, etsi Quercetanus & alij in natura huius vaporis definienda laborent: vix tamen commodius eum explicare posse, quam si dicatur, eam vim narcoticam aut cerebri spiritus seu stupefaciendi seu congelandi, & in aliam ac aqueam quasi naturam vertendi habere. Narcotica enim spiritus quasi ligant, stupefaciunt & sopiunt, ac sensui ac motui maximè obsunt. Atque tales humores & vapores in corpore nostro generari, impossibile non est. Cùm constet, soporem, carum & similes somnolentos affectus ex humoribus in corpore genitis prouenire, quorum causse frustra ex sola frigiditate deducuntur. Atque hinc fit, vt etiamsi Apoplexia in Paralysisin desinat: tamen rarè in eiusmodi hominibus ratiocinatio & memoria ad pristinum planè vigorem redeunt, sed hebetes ac torpidæ illæ actiones, præcipuè in senio confectis deinceps relinquuntur; quod accidit, non tam, quod frigida & humida intemperies, quàm quod à Narcotico vapore mala & torpida talis *Αἰθερία* cerebro imprimitur. Idque multo minus accipere posset, si ab alia causa extra cerebrum & citra spirituum animalium vitium Apoplexia generaretur. Et quamuis Narcotica plerumque soporosos saltem affectus inducant: tamen impossibile non est, si eorum vis sit maior, quin ipsam Apoplexiam inducere possint. Imò lethargus & carus sæpe in Apoplexiam degenerant, vt experientia testatur; vnde causas eas habere communes necessum est, vt magni etiam Medici dubitauerint, quomodo hi affectus differant. Et ex vini & spiritus eius potu nimio Apoplexiam excitari, supra dictum, atque ebrios *ἄφρωνες* interdum fieri testatur, Hippocr. 5. *Aphor. 5.*

Qui verò aliter naturam huius vaporis explicare conantur, iis id quidem per me licet; an verò commodius id faciant, dubito. Quercetanus in *Tetrade* ad spiritum Vitriolatum congelandi, coagulandi, constringendi & coarctandi vim habentem, qui nebulosas exhalationes in cerebrum euectas subito in glaciem & gelu quasi conuertat,

generationem Apoplexiæ refert. Verùm enim verò dicit ista, sed non probat, & quomodo in corpore viuente & actu calente talis vaporum in glaciem quasi & gelu conuersio fieri possit, non video, neque id in Anatomia eorum, qui Apoplexia extincti sunt,prehenditur. Et qui effectus opij & aliorum Narcoticorum cum Vitrioli aceditate contulerit, simulque cum his Apoplexiæ symptomata comparauerit, facile animaduertet, stuporem & reliqua symptomata, quæ in Apoplexia & cognatis soporosis affectibus contingunt, rectius ad vaporem Narcoticum, quàm ad vitriolatum, acidum & constringentem referri posse. Imprimis cum acida vim Narcoticorum infringunt.

Si quis tamen Quercetani sententiam initius interpretari, & statuere velit, vel à cerebri dispositione peculiari, vel à vaporibus quibusdam seu Narcoticis, seu coagulantibus spiritus animales à natura sua deiici & mutari, & quasi aquescere, & à spirituosa natura in crassam & aqueam quasi mutari, & ad actiones animales ineptos reddi, ille non multum diuersi dixerit, & contra me non pugnaverit. Refert Fauentinus *libro septimo, annalium ex historia Bauarica*, anno 1548. ex terræ motu plures quam quinquaginta rusticos ita mulgentes cum vaccis extinctos riguisse, & corpora in salinas quasi statuas reducta. Et quomodo à fulmine vinum interdum in vasis quasi coaguletur, non ignotum. Quidni ergo talis spiritus in corpore generari possit, qui cum ante quietus latuisset, vel ira vel terrore, vel alia causa agitated & motus, instar venenorum subito in actum erumpat, & spiritus animales à natura sua mutet & quasi coagulet? Quid carbonum fumus possit, & quomodo homines attonitos subito reddat, non ignotum est, & collegit eius rei exempla Marcell. Donatus, *de histor. medic. mirab. lib. 2. cap. 2.* Idem calcis vapores præstant, refertque Valerius Maximus *lib. 9. cap. 12.* Quintum Catulum à Mario propter publicas dissensiones mori iussu, recenti calce illito, multoque igne percalefacto cubiculo inclusum peremisse. Ita etiam multi & cereuicia rece-

feruentis vapore homines subito, quasi attonitos concidere, & quandoque mortuos fuisse, omnibus notissimum est.

Cuius rei etsi alij alias causas reddant: maximè tamen veritati consentaneum est, vapores illos seu fumos è carbonibus accensis, musto & cereuisia exhalantes aëri permisceri, & sic cum spiritu, quem ducimus, attrahi, atque ad cerebrum penetrare, ibique spiritibus animalibus misceri, & eos à natura sua immutare, & ad officium suum ineptos reddere. Nam quod nonnulli putant, ideo ex hac causa attonitos concidere, quod in iis, quibus cerebrum excrementitiis humiditatibus scatet, ex ab hac causa fundantur, quæ fusæ obstruendo postea Apoplexiæ causæ sint, vero consentaneum non est. Nam vapores hi in omnibus, non tantùm in iis, quorum cerebrum vitiis humoribus repletum est, idem præstant. Nec humorum fusorum indicia in iis satis apparent. Si quis tamen à sola vi narcotica apoplexiam excitari credere nolit, cum eo quidem non litigabo. Interim hoc verò consentaneum est, quod ille ipse humor, qui angustia in cerebro causa est, simul talem vim narcoticam obtineat, ut ex pertinaci illa paralyti, & mentis ac memoriæ læsione, quæ apoplexiam sequitur, patet, ut antea dictum. Et forsàn hoc etiam in causa est, quod pueri rarius apoplexia corripiuntur. Etsi enim non nego, id etiam ideo fieri, quia facultas expultrix in iis fortior non facilè per-
mittit pituitam copiosam coaceruari: tamen & hoc probabile, in pueris humores tales narcotica vi præditos non generari, sed in ætate senili præcipuè accidere, unde etiam
senibus Apoplexia familiarior est.

Cur pueri rari apoplexia corripiantur.

Henningus Scheunemannus, *Med. refor. cap. 3.* è ☿ cremoso seu destillato Apoplexiam deducit, & exemplo fulminis rem explicat: Sicut videlicet fulmen sacculis illæsis nummos conflat, aut vagina illæsa ensē liquat, integrā cute ossa comminuit: ita & ☿ destillatum in vnam massam cogere & colliquare cerebrum & pulmones, haud aliter, ac si cera essent. Verùm portentosa illa opinio refutata est de consens. ac dissens. Chymicum Galenum.

Q V Æ S T I O I V.

An aquæ Apoplectica statim in principio conueniant?

*Aqua-
rum apo-
plectica-
rum u-
sus.*

Etſi apud Antiquos, vt & Practicos poſteriores pluri-
mos, nulla illarum aquarum fiat mentio: tamen hodie in
Germania notiſſimæ & frequentiſſimæ ſunt, nihilque iis
cum in præcauenda, tum in curanda Apoplexia eſt uſita-
tius. Et res ipſa loquitur, ob ſummam, quam habent,
vim penetrandi, præſentiſſimum ſæpe afferre auxilium.
Quæritur tamen, an in omni Apoplexia & mox in prin-
cipio, nec venæ ſectione, nec corporis purgatione ali-
qua præmiſſa, tuto & ſine alicuius incommodi metu,
uſurpari poſſint: Ex hoc dubio vt nos expediamus, ſcien-
dum, iſtas aquas inſignem vim habere, vapores illos
Apoplexiam excitantes, humoresque frigidos diſcutiendi
& diſſoluendi, calorem natium & facultatem ſopitam
excitandi, cerebrum roborandi, & ſpiritus animales
à natura ſua quaſi degenerantes conſeruandi & in priſti-
num ſtatum reducendi. Præterea in minima quantitate
maximam vim obtinent, & totum corpus facile ac ſubito
penetrant. Ac proinde Apoplecticis, qui ferè nihil de-
glutire valent, commodæ ſunt, & commodiſſimè exhi-
bentur iis, qui à vaporibus illis narcoticis & ſpiruum
animalium vitio, aut pituita ſine ſanguinis permiſſione
Apoplexia laborant, corporis conſtitutione frigida præ-
diti, aut in ſenectute conſtituti ſunt, in quibus, nullus
metus eſt, vt humorum aliquis impetus & fluxus ad ca-
put concitetur. Sin autem à ſanguine Apoplexia ortum
habeat, vel alij etiam humores ſanguini iam permiſti
abundent, non ſatis tutus uſus harum aquarum mox in
principio: cum humores fundant, caput repleant, & hoc
modo morbum augeant.

Q V Æ S T I O V.

An purgantia ſint exhibenda in Apoplexia?

*Purgan-
tia an in
apople-
xia ex-
hibenda.*

De purgatione in Apoplexia inſtituenda duas difficul-
tates obijcit Petrus Salius Diuerſus, in annotat. in Altimar.
cap. 19. vnâ; An ſtante cruditate pharmacum exhibere
liceat, contra præceptum Hippocratis & Galeni: Alteram;
Quomodo medicamentum, licet intra fauces ponatur,
poſſit

possit in ventrem descendere; cum Apoplectici sint toto corpore resoluti, atque ideo facultate deglutiendi careant: Ac proinde in cassum credit exhiberi purgantia, nisi in declinatione morbi id fiat.

Verum priorem difficultatem quod attinet, nullam hic propriè dictam cruditatem, & prohibere possit purgationem, ac de qua Hippocrates & Galenus, cùm cruda purgare prohibent, loquuntur, adesse facilè patet, si ea quæ *lib. 5. instit. part. 2. sect. 1. cap. 6. & 7.* dicta sunt, perpendantur. Ideoque humor hîc statim purgantibus tolli potest. Si tamen crassus sit nonnihil, vt præparatione aliqua indigere videatur, attenuantia purgantibus admisceri possunt. Vt verò soli præparationi opera detur, morbi magnitudo, præsens, quod summopere vrget, periculum prohibet. Facilè enim fieri possit, si tempus in humore præparanda consumatur, Interim ob materiam ipsam caput affligentem homo de vita periclitetur.

Et omninò in paroxysmo huius morbi magis periculi metuendum à copia materiæ peccantis, quam eius aliqua crassitie. Si tamen morbum inducias dare animadvertatur, & is aliquo modo minuatur, aut saltem in præceps periculum non labatur, humores præparare & attenuare conuenientibus medicamentis licet; quæ tamen præparatio propriè coctio non est.

Alterà difficultas non est de nihilo, & verum est, communia illa medicamenta purgantia in principio statim vix exhiberi posse, & vt Hercules Sazon. ait; Si in his casibus præbeatis aliquod medicamentum commune, suffocabitis ægros. Ergo tum demum, cùm post venæ sectionem & alia adhibita medicamenta æger iterum aliquid deglutire potest, exhibenda ista vulgaria medicamenta. Si verò in principio statim aliquid exhibere libet, validum sit illud, & in exigua, quantum fieri potest, quantitate: Qualia fieri possunt è trochiscis alhandal. dyarig. extract. scammon. Antimonium equidem vt & ☿ ob exiguam molem hîc satis commenda esset, sed an exhibenda sint, è sequenti quæstione patebit.

Q V Æ S T I O V I.

An vomitoria in paroxysmo apoplectico sint exhibenda?

*An vo-
mitoria
apoplecti-
cis exhi-
benda.*

Auicennas, Paulus Ægineta, Aëtius & alij vomitum prouocare iubent, penna oleo imbuta, & in fauces immissa. Sed cum Apoplecticus motu sit destitutus, conatum illum, qui ad vehementem istam excretionem est necessarius, adiuuare non queat; metus est, ne diaphragmate & thorace vehementius compresso, spiritusque viis arctius astrictis suffocatio acceleretur. Ac proinde verisimile est, Autores illos vomitum præcepisse in progressu morbi, quando euacuationes vniuersales iam præmissæ sunt, & æger paulatim restitutus conatum illum adiuuare potest, atque ad vomitum promptus est. Nam mox ante euacuationem repleto corpore & capite, vomitum non profuisse compertum est, quale exemplum etiam habet Forestus, lib. 10. in schol. obseruat. 76.

Q V Æ S T I O V I I.

An Repellentia in Apoplexia conueniant?

Repellentia in Apoplexia Rhases proponit, Medicorum nullus in iis vititur, inquit Leonhart. Iacchin. & Paulus, Auicennas & Medici alij hoc auxilium prætermittunt. Putat tamen Massarias, si Galeni doctrinam sequamur, qui docet, materiam, qualiscunque ea fuerit, fluentem à capite repellendam esse, utique negandum non esse omnino, quin repellentia quoque possint conuenire. Verum enim verò etsi inter auxilia, quibus materia ad caput præter naturam fluens ab eo auertitur, etiam repellentia à Galeno proponantur: tamen non ibi docet, quod simpliciter in omnibus affectibus capitis, ut & aliarum partium, illa omnia semper sint adhibenda, sed satis est, si nunc hæc, nunc illa vsurpentur: & repellentia tam locum suum habent, vbi cum fructu & sine omni incommodo materia ad caput fluens per ea à capite auerti potest: quod in omni Apoplexia fieri non potest. In pituitosa enim Apoplexia nullum locum habent repellentia, ut & in ea, quæ fit à vapore narcotico: cum causæ in ea Apoplexia repellentium usu à cerebro auerti

auerti non possint, sed magis cerebro impingantur, & ad dissoluendum ineptæ reddantur. In apoplexiâ tamen sanguineâ, si caput admodum æstuare videatur, repellentia plane reiicienda non videntur. Etsi enim morbus mox ad statum perueniat: tamen vt difficilius angustia cerebri tollatur, sanguis magis magisque affluens facere potest. Ideoque eius affluxus principaliter quidem reuellentibus, atque imprimis venæ sectione, inhibendus. Post venæ sectionem tamen repellentia planè reiicienda non sunt. Cautè tamen iis vtendum, ne materiam, quæ in superficie est, intro pellant. Ideo adstringentia non sint, sed sufficiunt oxyrrhodina ex ol. rosarum & aceto, vel ol. & aceto. Vbi tamen suspicio humoris pituitosi admixti adest, satius est, omissis repellentibus, in reuulsoriis subsidiis consistere.



C A P V T X X X I V.

De Catarrho & Cerebri Excrementis retentis.

Actenus symptomata recensuimus, quæ cerebro accidunt, quatenus functionum animalium principium & loco mouentis facultatis organum est. Nunc priusquam ad externorum sensuum accedamus vitia, illud adhuc symptomatum genus, quod cerebro accidit, non quatenus animalis, sed & facultatis naturalis instrumentum est, excretorum scilicet & retentorum vitium, quod multorum aliorum in vniuerso corpore malorum fons & principium existit, explicandum. Est illud dum excrementa cerebri, vel in eo, vel circa illud detinentur, & non debito modo euacuantur, vel in cerebro copiosius cumulata in alias subiectas partes defluunt. Ideoque hic in genere quædam de excrementis cerebri dicenda, imprimis qualis sit illorum materia, à quibus causis procreentur, per quæ loca euacuentur, & quas denique præter naturam affectiones suo in varias partes decubitu efficiant.

*Excre-
mentorū
cerebri
materia
qualis
sit?*

I. Cerebrum cū peculiarem substantiam & *παρὶς πο-
μεν* habeat; quod non solum ipsum nutritur, sed & in
quo spiritus animalis generatur: in eo etiam quædam ex-
crementa generantur; sed illa pauca, quæ in sanis per na-
res & palatum euacuantur. Excrementa autem illa pitui-
tosa sunt frigida & humida; sicuti ipsius cerebri intem-
peries ad frigidum & humidum declinat. Et pituitosa
quidem in sanis pura, ut & in ægris nonnunquam, inter-
dum verò cum aliis humoribus mixta, frequentius cum
bile, rarius cum humore melancholico. Sic Plato scribit
in *Timeo*, quod Galenus, 8. de *ptac. Hippocrat. & Platon.*
cap. 5. repetit, pituitam acidam & falsam esse fontem
omnium morborum, qui *κατὰ πύργον* sunt, aut à destillatio-
ne ortum habent. Præterea sunt excrementa illa *αυσσώδ*
sua plerumque tenuia & acria, nonnunquam crassa, ac-
cedente utrobique lentore.

Nota.

Quod ad cæteras qualitates, maxima ex parte sunt fri-
gida, interdum de caliditate aliquid participant, quæ-
dam item dulcia, vel insipida sunt, quædam falsa, acria
aut amara, siue per aduersionem talia sint facta, siue per
putredinem, siue per admissionem feri aut bilis, quæ-
dam acida, summè cruda, aliàsque qualitates habent,
prout ex corruptis humoribus genita sunt, aut ex cibo
potiùs resoluta, iterumque in liquorem densata. Sed
ferè principio pituita est tenuior; ubi diutius in cor-
pore hæret, sensim calore crassescit, ut ex tenui & aquea
primùm lenta & mucosa fiat, postea vitrea, tandem
gypsea.

*Excre-
menta
cerebri
à quibus
caussis
generen-
tur?*

II. De causis excrementa in cerebro gignentibus
& cumulantibus sciendum est, cerebrum, veluti tectum
fumosæ domui impositum, assiduè excipere halitus &
vapores ex imis sursum eleuatos, tum per patentem vias
venarum, articularum, ventriculi, gulæ, trachæ; tum
per occulta spiracula, quæ in viuientibus semper hiant,
à spiritu & calore reserata. Ea enim est halituum & va-
porum natura, ut continuò sua leuitate sursum feran-
tur, donec vel dissipentur in itinere, vel in cerebrum
ingredientes, ibique condensati & in liquorem coacti
inde

inde delabantur, propemodum, ut nubes & pluuiæ ex terræ halitibus reciproco motu generari solent. Neque solum excipit vapores cerebrum, ut limes corporis superioris extremus, sed si immoderatiore calore præditum sit, huius vi plurimum quoque ex vniuerso corpore attrahit: Quod etiam faciunt meditationes intensiores & frequentiores, quibus cum spiritus animales absumantur, vitales multos iis reficiendis suppeditari necesse est, cum quibus humores & vapores, qui in corpore abundant, faciliè in caput rapiuntur. Quod si præterea ex inferioribus membris aliquod, Epar imprimis, dyscrasia calida laboret, non tantum sanguinem adustum ad caput mittit, per totum venarum ambitum, præcipuè verò per venas iugulares externas & internas, sed simul etiam caput calidorum halituum copia replet, quos cerebrum discutere nequit.

Accedit & hæc causa, quod cerebri & medullæ substantia ampla in homine per se multo indiget alimento, à quo multum etiam excrementorum gigni, faciliè est intelligere.

Si denique cerebrum sua natura frigidius humidiusque sit, ac debiliter & imperfectè nutrimentum suum concoquat, aut si à quacunque alia causa copia crudorum halituum obruatur, accedente ociosa vita & victus intemperantiâ, magnum ex his causis excrementorum in cerebro prouentum existere, necesse est.

III. Quoad locum excrementorum cerebri, ille *Excre-* plerumque extra vasa continetur. Nam de sanguine, qui *menta* in vasis extra cranium ultra mensuram abundat, ut *cerebri* Phrenitidis, Apoplexiæ, Anginæ, Parotidum aut tumorum aliorum calidorum in capite autor est, in præ- *per qua* sentia nihil dicemus. Extra vasa autem excrementa il- *loca eua-* la (crassiora scilicet; nam tenuia per futuras cranij ex- *cuiuntur.* eunt) vel intra cranium, vel extra hoc continentur. Quæ intra cranium in cerebri ventriculis, anfractibus, poris substantiæ eiusdem & circa meninges consistunt, ea si copia modum excedunt, maxima sui parte in

palatum decumbunt, per vias ad hunc vsum destinatas; reliqua per foramina secundi paris neruorum cerebri, vt Vesalius docet, ad oculorum radicem feruntur, vnde per amplum quoddam foramen, & minora alia in narium capacitatem corriuantur. Si immoderatus abundant, per sinus organorum olfactus; & per os *ἡμῶν* aliquid etiam in nares expurgatur, via non naturali nec legitima, vt in Coryza siue grauedine contingere solet. Docetque Galenus, 8. de usu par. cap. 6. in sanis non necessario pituitam per nares excerni, sed sufficere expurgando cerebro illos canales, qui ē glandula pituitaria in os desinunt, vsumque proprium narium esse, odores excipere, & respiratori inferuire, pituitam verò effundi per narium meatus ex usu abundante. Quæ extra cranium, sub cute præsertim verticis, cumulantur, ea vel ex ramulis iugularium externarum per faciem & tempora sursum sparsis, & in cutem desinentibus resudant, vel ex halitibus per illas venas effumantibus concresecunt. Nam hæ venæ omne superuacaneum in cutem effundunt, quod ibi retentum accessione nouorum halituum assidue augetur, & in liquorem cogitur, qui sæpe cutem à cranio diuulsam in tumorem satis manifestum, instar ceræ molem, attollit, interdum putredine accedente achores aliosque tumores & pustulas in capite parit.

Quæ p. n.
affectiones ab
excrementis cerebri gignantur?

I V. Quod ad affectiones præter naturam, quæ ab excrementis cerebri gignuntur; excrementa illa, quæ intra cranium coaceruantur, in corporis partes internas magna ex parte præcipitantur. Atque si materia ad ventriculos cerebri expressa membranas cerebrum inuestientes vellicet, Epilepsiam; si ad basin cerebri & principium neruorum delabatur, Apoplexiam; si ad spinalem medullam & neruos detrudatur, stuporem, paralyfin, tremorem & conuulsionem gignit. Quæ verò ad anteriores capitis partes fertur, si ad nares confluat, grauedinem, aut odoratus læsionem; si ad oculos, cœcitatem; si ad aures, tinnitum aut surditatem affert. Quod denique per os delabatur, si in fauces procumbat, Catarrhum propriè dictum, si columellam *σφαδην*, hoc est, vix specie apparentem in
depen

dependente illa tumorem ; si in musculos Laryngis, anginam ; si in trachæam arteriam, branchum ; si in pulmones, tussim, asthma, dyspnœam omnem, sputum sanguinis, phthisin ; si in thoracis cauitatem, empyema ; si in ventriculum, *ἀνψίαν*, lienteriam, vomitum ; si ex ventriculo porrò in intestina effundatur, diarrhoeam ; si ex intestinis in Epar sese insinuet, obstructions huius, aliorumque viscerum efficit. Neque solum per patentes hæc vias, materia à cerebro defluit, sed nonnunquam tantum per latentes, cuiusmodi potissimum sunt venæ & arteriæ.

Quæ enim tenuis & acris materia est, primò latas siue amplas, mox angustas quoque venas ingreditur, atque ita per vniuersum corpus distribuitur. Quæ verò crassa est in amplioribus venis detenta eas obstruit, vnde putredo & febres, vel diariæ, vel putridæ excitantur.

Descendit aliquando etiam materia à capite per arterias ad oculos, vnde diuturnâ & acri fluxione illi instantur, à qua vix sanari possunt, nisi arteriæ dissecantur, vt Galenus, 13. m. m. cap. ult. scribit.

Cæterum quæ excrementa cerebri extra cranium sub cute potissimum verticis congeruntur, in externas ferè corporis partes diffunduntur, quæ scilicet aut ob situs oportunitatem ; aut ob imbecillitatem excipiendæ fluxioni magis aptæ sunt : Vt in oculorum partes externas, vnde lachrymarum fluxus & tumores præter naturam existunt ; in maxillas, in dentes, in ceruicem, in scapulas, in brachia, in latera, in dorsum, in coxendicem, in crura, in omnes denique articulos.

Atque ita externa hæc destillatio omnis Arthritidis, omnisque fere doloris externi qui sine tumore manifesto est, causa à Fernelio statuitur. Etsi autem cranii interuentu, hi fluxionum, internæ scilicet & externæ, fontes distinguuntur : tamen inter se communicantur per venas & arterias, & per poros membranarum, vt ab internis semper aliquid penetret ad externa, & ab his vicissim intra cranium quædam subeant.

Vt ita verum sit, quod Hippocrates, lib. de princip.

scripsit ; ὁ ἐκίφαλον ἐστὶν μετρώπολις ὁ ψυχρὸς καὶ ὁ θερμὸς, *Cerebrum est Metropolis frigidi glutinosi seu pituitosi humoris.* Caputque multum ad feri in totum corpus distributionem facit. Cùm enim extra & intra caput venæ & arteriæ multæ, in quibus etiam serum multum continetur, perreptent, sanguis quidem in nutrimentum capitis absumitur; serum autem cum ad nutriendum ineptum sit, neque tamen per vias, per quas ad caput peruenit, recurrere, neque ob cranij densitatem, sensibilibiter exsudare, neque etiam insensibiliter ob calorem illarum partium debiliorem discuti possit; eò loci cumulatur, & cum pondere suo natura deorsum tendat, & in loco decliui hæreat, faciliè à capite secundum ductum membranarum & neruorum in inferiores corporis partes descendit. Quæ autem in genere de fluxionibus istis è capite curandis dici possunt, faciliè ex iis, quæ *supra part. 1. de Intemperiebus Capitis cum materia* diximus patent, & ex iis etiam, quæ iam de Catarrho dicemus, patebunt.

Postquam hæc in genere de excrementis cerebri diximus, iam de Catarrho in specie dicemus. Sunt enim symptomata in excretis hic duo: cùm scilicet excrementa illa copiosius, quàm debent, excernuntur, quod symptoma in genere Catarrhus appellatur; Vel cùm detinentur; de quibus iam in specie agemus, & primò de Catarrho.

De Catarrho.

Duo præcipuè vocabula occurrunt, quibus motus humorum præter naturam in corpore nostro exprimuntur. Generalissimum est ῥέμας & ῥέμασις, fluxus seu fluxio, quæ vox omnem motum cuiuscunque humoris è quacunque in quamcunque partem nostri corporis significat. Κατάρροος verò, κατάρρος, & κατάρριος, Celsò destilatio (malè enim Argenterium in *com. ad aph. 4. lib. 2.* scripsisse, Latinos non habere proprium vocabulum, quo Catarrhi nomen expriment, ex *Plinio l. 19. cap. 6. & libr. 23. cap. 8.* patet) Græcis etiam aliàs κατάρσις tantum humoris

moris superuacanei è capite & præcipuè cerebro in alias partes prolapsum & defluxum significant.

Auicennas tamen eiusque interpretes, & superioribus seculis, alij Arabes secuti, hæc vocabula confuderunt. Vnde *lib. 3. Fen. 2. tr. 11. cap. 11.* anginam, pleuritidem, & peripneumoniam à Catarrho fieri Auicennas scripsit.

Catarrhi nomen rursum tripliciter sumitur, vel generalissimè pro quacunque humoris in partem corporis quancunque fluxione. Ita 3. *aphor. 12.* Catarrhi vox tribuitur fluxionibus per venas & arterias ad pectus & cor, vt ex Hippocrate *libr. de aëre, aquis & locis* patet. Ita *natu p p p s r a n a i* defluxio in spinalem medullam nominatur in Coacis prænotionibus. Sic Catarrhi ad dentes, ad oculos, ad aures, ad neruos & ad musculos, ac inania membrorum spatia, vnde dolores varij oriuntur, fieri dicuntur.

Deinde Catarrhi nomen strictius quidem, sed generaliter adhuc sumitur de fluxione humoris è cerebro in palatum, ac os & narès. Specialissimè verò Catarrhus est defluxio humoris è cerebro in palatum, os, ac pulmones. Atque ita Catarrhi vox generaliter accepta tribus fluxionibus tribuitur, Catarrho in specie dicto, Broncho & Coryzæ. Hoc autem loco Medici non de Catarrho generalissimè accepto, seu de omnibus, quæ à cerebro & capitis vasis ad alias tum remotas tum vicinas partes fieri possunt, fluxionibus, de quibus antea in genere diximus; sed de Catarrho in posterioribus duabus significationibus accepto agere solent. Quos & nos imitabimur. Interdum tamen & quædam immiscebimus, è quibus & aliarum è capite fluxionum generatio innotescere possit.

In specie enim catarrhus est defluxio humoris à capite in palatum, os ac pulmones, teste Galeno 3. *de Sympt. caus. cap. 4.* & 2. *Prognost. tex. 64.* & in *comment. 12. Aphor. lib. 3.* vbi scribit: (ita enim legendum; cùm locum hunc Leoniceus & Altimarus malè verterint.) Per hæc verba videtur Hippocrat. significare, non qui maximè consueto more catarrhi dicuntur, qui ex capite, per asperâ arteriam, in pulmonem, sed omnes, quæ à capite per venas deferuntur,

Catarrhus specialiter acceptus

fluxiones ad partes inferiores. Brencus verò est excrementorum è capite in fauces destillatio, cum vocis obsecritate & raucedine. Coryza verò, sicut posteriores Græci hoc vocabulo vsi sunt, est eiusdem humoris in nares defluxus. Latinis Grauedo dicitur, quod in parte corporis anteriore circa frontem sensus quidam grauitatis percipitur, vt oculi vix attolli queat. Hippocrates tamen Coryzæ vocabulum olim generalius vsurpauit.

Verum etsi vsus ita obtinuerit, vt Catarrhus in specie dictus à brancho ita distinguatur, quod in brancho præcipue catarrhus ad vocis instrumenta decumbit, tamen vtroque ex eodem cerebri loco, & in os humor defluit, ac præterea nonnunquam etiam in ventriculum catarrhus delabatur, qui tamen peculiarem appellationem non accepit.

Catarrhus generaliter & specialiter sumptus quid sit? Est igitur Catarrhus, vt quidem hoc loco de eo agimus, in genere symptoma præter naturam excretorum è cerebro, vt ex Galeno 3. *de symptom. causis. cap. 4.* patet, seu humoris excrementitii fluxus præter naturam è cerebro in partes inferiores.

In specie verò, eiusdem humoris è cerebro ad palatum, os, & pulmones defluxus, factus expultrice cerebri ad ea, quæ sibi molesta sunt, expellenda stimulat. Neque enim secundum naturam iis, qui optima valetudine fruuntur, eiusmodi materia destillat, sed exigua saltem saluæ aut mucis pars interdum per os aut nares detruditur. Afficitur autem hic primò cerebrum, sicut ex eodem Galeni loco constat. Quale enim *πᾶσι* in ventriculo diarrhœa est, orta ex *δυσμῆλα*, siue mala imperfecta eius coctione, tale in cerebro est Catarrhus & Coryza.

Causæ.

Proxima Catarrhi causa. Proxima nimirum Catarrhi causa est humor, seu Quantitate seu Qualitate facultatem cerebri expultricem ad expellendum stimulat. Vt autem generatio & natura Catarrhi rectè explicetur, cum materia tum efficientes causæ considerandæ sunt: Seu quod in omni fluxione necessarium est, consideranda materia, seu mobile, mouens, terminus à quo, seu locus vnde suppedita

suppeditatur materia, locus per quem, & terminus ad quem. Ideoque dicendum de Catarrhi materia, vbi ea generetur, quibus de causis, vnde moueatur, ad quas partes fluat, & per quas vias fluat.

Materia Catarrhi est humor excrementitius, cui pituitæ nomen vulgò tribuitur. Licet enim excrementitij huius humoris pro alimenti & humorum ac vaporum, qui à partibus inferioribus ad caput mittuntur, diuersitate magna sit diuersitas, dum interdum nulla insigni qualitate præditus est, & saltem copia peccare videtur; nonnunquam etiam alienam qualitatem habet, & frigidus est, vel calidus, acidus, falsus, acris, malè coloratus; nonnunquam etiam corruptus & substantia peccans, vnde Catarrhi epidemij & contagiosi ortum habent, vt infra de differentiis dicetur: tamen omnis ille humor excrementitius de capite destillans pituita nominatur; cum peculiarem alterationem in capite à cerebro accipiat. Vt enim aliæ partes, sic & cerebrum, habent innatam & propriam vim, non solum assumptum alimentum coquendi & assimilandi, sed & excrementa peculiari modo alterandi, & elaborandi.

Colligitur autem humor iste in capite & cerebro, quod ob id, vt dictum, ab Hippocrat. *lib. de princip.* (aliis de carnibus inscribitur) pituitæ metropolis appellatur.

Cæterum Catarrhi materiam alia gignunt, & suppeditant, alia mouent, & ad fluxum impellunt. Gignitur & colligitur materia in capite, vel ipsius cerebri, vel partium inferiorum vitio; seu generatur materia in capite vel læsa facultate cerebri coëtrice, ob morbum, vel frustrata ob errorem externum, dum scilicet aut nimia copia alimenti cerebro offertur, aut id alienis qualitatibus infectum actioni eius resistit.

Cerebrum materiam Catarrhi suppeditat, & gignit, cum ob debilitatem nutrimentum non bene concoquit, & ita multa excrementa gignit, & cum vapores in caput ascendentes non resoluit ac discutit. Idque accidit ob frigidam imprimis cerebri intemperiem, præcipuè si humiditas concurrat. Et si frigiditas illa remissior sit, excrementum pituitosum insipidum & subdulce parit; si intensior,

H h h s acidum.

*Materia
catarrhi
qualis
sit.*

*Vbi &
quibus
de causis
Catarrhi
materia
generatur?*

acidum. Atque huc facit ætas senilis, aër frigidus & humidus; pluuiosus, & hyems, quo tempore cum pituita abundet, etiam Catarrhi sunt frequentiores, somnus nimius ac longus, & in loco humido ac subterraneo, diurnus item, pedum refrigeratio. Calidum verò & siccum Cerebrum, etiam si in arte medica cap. 18. excrementis carere dicatur, tamen id de cerebro intra sanitatis limites constituto accipiendum est. Si verò intemperatum sit, alio modo ad Catarrhos generandos facit, dum scilicet copiosius ab inferioribus attrahit Catarrho materiam.

Non verò semper cerebri & capitis vitio materia catarrhi principaliter colligitur, sed sæpe etiam partium inferiorum culpa, puta ventriculi, epatis, lienis, venarum mesaraicarum, vteri, imò & nonnunquam totius venosi generis: quæ partes cum vitiosos humores cumulant, non solum multi vapores ab iis ad caput adscendunt, sed & ipsi vitiosi humores ad caput feruntur & protruduntur, atque ab illo rursum ad subiectas partes descendunt & defluunt. Vnde frustra sæpe in catarrhis auertendis, ad caput solum respicitur; cum fons mali, vnde catarrhus gignitur, in partibus longè remotis hæreat, ventriculo, puta, epate, liene, vtero. Magis tamen catarrhis obnoxij sunt, qui cerebrum debile habent. Illud enim humores & vapores ex partibus inferioribus facile admittit. Cerebrum verò robustius vel non admittit, vel facile discutit. Atque ad hoc causæ genus pertinent omnia, quæ ad vitiosorum humorum in ventriculo & partibus aliis inferioribus, generationem & collectionem faciunt, vt crapula, ebrietas, victus ratio humida, cibi, à quibus multi vapores ad caput attolluntur & difficulter coquuntur, & ob quos ventriculus non clauditur, vt & alia omnia, quæ in aliis partibus inferioribus humores vitiosos generant.

Ea enim ipsa materia, quæ à partibus inferioribus supeditatur, atque in cerebro & capite colligitur, non solum ex eo per internas vias & intra cranium in partes subiectas delabitur; sed & excrementitij humores in externis partibus colliguntur, maximè sub cute verticis, quò venarum per faciem & tempora, caput irrepentium extrema desinunt.

desinunt. Nam quoties hæ vel sero, vel alio humore excrementitio turgent, superuacanea sub cutem effunduntur, & in externas corporis partes feruntur, non tantum intra cutem & carnem, sed etiam per continuitatem musculorum, membranarum, nervorum, per venas, arterias, atque in oculos, in dentes, in maxillas, in cervicem, in scapulas, in brachia, in latera, in dorsum & lumbos, in coxendicem, in crura, in omnes articulos influunt, vt supra etiam dictum, vnde dolores in variis partibus excitantur: quandoque & tumores. Atque hinc Fernel. *lib. 5. de part. morb. & sympt. cap. 4.* destillationem seu catarrhum in genere dictum diuidit in Internum & Externum.

Materiam verò in cerebro seu eius vitio ibi genitam, seu aliunde transmissam commouent, & ad motum, ac vt in partes subiectas defluat, impellunt, primò expultrix cerebri irritata à materiæ vel copia, vel qualitate, vel vtraque. Dum enim plus humoris excrementitij in cerebro collectum est, quam vt à natura sensim & quotidie per consuetas vias euacuari possit, eius copia grauatum & se exonerare cupiens confertim ad partes inferiores eum protrudit. Idem facit, dum eius falsedine, acredine vel corruptione stimulatur.

Deinde commouent materiam in capite congestam causæ frigefacientes, vt aer frigidus, venti boreales, medicamenta frigida capiti applicata; id quod & experientia testatur, quacunque etiam vi id præstent. Vulgata equidem opinio est, frigus comprimendo & constringendo cerebrum id præstare. In dubium tamen id vocat Mercatus, *lib. 2. Prax. cap. 1.* qui impossibile existimat, vt cerebrum in animali viuente tantam possit sustinere frigiditatem, vt partes præ congelatione densatæ intra cranium humores expellant. Ipse verò putat, frigiditatem aeris ambientis cutem & partes externas densare, partes verò internas calidiores inde fieri, quo calore commotis & liquatis humoribus ac viis apertis, fluxiones excitantur.

Verum probabilius est, non à calore aucto tum Catarrhi materiam moueri, sed à frigore partim poros occludi, per quos alias vapores discuti solent, & hinc materiam

Catarrhi

Vnde
mouetur
materiam
Catarrhi.

Catarrhi cumulari, partim vapores in capite collectos condensari & in humores mutari, & forsan etiam cerebrum nonnihil constringi; cum viæ satis patentibus sint, per quas frigus intro ad cerebrum penetrare possit.

Humores quoque fundunt causæ calefacientes, ut æstus, radij Solares, & omnino aer calidus, ob quem tempore verno Catarrhi frequentiores sunt; quod humores hyeme in capite collecti aëre calidiore resoluantur, ac diffuant. Calor item balnei, hypocausta calida, frictiones intempestivæ capitis cum pannis calidis, motus animi & corporis vehementes, medicamenta calida mox à cibo usurpata, coopertura capitis nimia.

*Ad quas
partes
fluat
materia
Catarrhi.*

Materia verò (siue è cerebro expulsa, siue quacunque causâ commota ut fluat, in Catarrho in specie dicto fluit vel ad nares, vel in fauces & palatum, & his subiectas partes. In Catarrho generaliter sumto ad loca multò plura defluit, nimirum vel in totum corpus cum sanguine per venas, atque hinc gignitur interdum febris catarrhalis nominata, interdum atrophia vel cachexia, quæ non ab epate sed capite ortum habet, vel ad partem aliquam extra cranium, oculos, aures, nares, os, fauces, thoracem, ventriculum, artus, ut modò dictum.

*Febris
catarrhalis.*

Illud tamen, quod modò de febre catarrhali dictum, diligenti consideratione dignum est. Etsi n. negandum non censeam, febrem quandoque hoc modo generari posse: tamen nec illud contra absurdum est, naturam, ut per febrium initia interdum excretionem quasdam per alium, vomitum, hæmorrhagias narium instituit, ita & materiam ad caput protrudere posse, unde Catarrhus generetur. Atque ita febrem talem esse ex earum genere, quæ comitatæ dicuntur, febrique catarrhum accidere.

Fertur autem materia nunc ad hanc nunc ad illam partem, prout attrahitur vel calore vel dolore, aut transmissa recipitur ob partis debilitatem, vel ad recipiendam fluxionem aptitudinem, sicut hæ causæ lib. 2. Infl. part. 2. cap. II. explicatæ sunt. Ab Hippocr. lib. de glanautis septem loca enumerantur, ad quæ fluit materia; aures, oculi, nares, palatum, venæ & arteriæ, vertebræ, spinæ dorsi & nervi, de

Tandem etiam via, per quam consideranda est. Nunc n. *Per quas*
per partes internas è ventriculis cerebri, per vias intra *vias*
caluariam, in os, fauces, pectus, vel nares materia fluit, nunc *fluat*
verò per externas partes, seu extra caluariam potissimum *materia*
sub pericranio in partes corporis externas fertur. *Catar-*

Atque hæc Galenicorum de Catarrhi natura & causis doctrina est, cui an aliquid lucis & perfectionis è Chymicorum dogmatibus accedere possit, dubito. Nam qui Mercurium causam Catarrhi esse dicunt, nihil, quod animum veritatis auidum satiet, afferunt, nisi prius, quid Mercurius sit, explicauerint, de quo *in tractat. de consens. & dissensu Chymic. cap. 12.* dictum. Qui Catarrhum Sal esse dicunt, etiam rem penitus non attingunt. Quanquam enim verum sit, Catarrhos multos salios & acres esse: tamen etiam nonnulli planè insipidi sunt. Qui verò morbum Tartareum esse dicunt, nihil aliud ferè, quam Galenici docent, nisi quod verbis saltem discrepant, & præterea dum dicunt, Tartarum esse impuritates & superfluitates, vtili alimento permixtas, non ita propriè voce Tartari vtuntur, vt *ex tractat. alleg. cap. 16.* patet. Neque tamen hoc ipsum concedi potest, quod omnis Catarrhus ex impuritatibus & superfluitatibus alimento mixtis ortum habeat, sed sæpe nullo alimenti vitio materia catarrhosa gignitur, si scilicet cerebrum debile sit, atque alimentum satis elaborare non possit, atque multum excrementi ita generet.

Differentiæ.

Atque hinc variæ Catarrhorum, sunt differentiæ. A materia varietate, alius est pituitosus, insipidus, subdulcis, acidus, salus; alius crassus, tenuis; alius contagiosus. A causa efficiente, quod alius primario cerebri vitio; alius per consensum oritur. A loco, à quo fluit, quem vel totum vel aliquam partem esse diximus. A modo fluxus, quod alius repête & confertim fluit, qui Catarrhus *συνπτόμενος ἀποπνεύς*, vulgo suffocatiuus appellatur: alius sensim fluit.

Imprimis vero hic notanda est differentia Catarrhi, cuius supra etiam facta est mentio, à termino, à quo, & via. per quem, & termino, ad quem, in catarrhum internum & exter

externum. Internus est, cum materia è ventriculis cerebri & locis intra caluariam in vicinas partes defluit, varios morbos excitans, de quibus supra dictum. Externus verò est, cum in externas partes varias irruit, vnde tumores & dolores in oculis, dentibus, maxillis, ceruice, scapulis, brachiis, dorso, cruribus & articulis oriuntur.

Notatu præcipuè digna est differentia, quod Catarrhus alius est contagiosus & malignus, alius malignitatis expers. Vnde etiam alius est sporadicus, alius epidemius, qualis fuit, qui anno 1577. & 1558. grassatus est, de quo Mercatus *lib. 2. pract. cap. 1. & libr. 4. de febribus cap. 15.* Et Forestus *lib. 6. de febr. obseru. 1. & 2.* Valleriola in *appendice Loc. Commun. cap. 2.* qui eundem morbum antea etiam anno 1510. viguisse refert. Inprimis verò ille, qui patrum memoria cum febre & tussi sub Syrij ortum, maximè autem circa nouilunium æquinoctij autumnalis, totam Europam, imò ferè vniuersum orbem peruagatus est. Nec absimilis fuit febris illa catarrhalis, quæ anno 1591. in plurimis Germaniæ locis homines inuasit.

Signa Diagnostica.

Signa
Diagnostica.

Catarrhus ipse faciliè sensibus obuius est, quando scilicet humor è cerebro per os, nares, oculos præter naturam excernitur, vel si ad partem aliquam corporis dilabatur, atque in ea continetur, ex effectis, functionibus eius partis læsis, qualitatibus atque excrementis à naturali statu mutatis, percipitur. Qualis autem materia catarrhi sit, agnoscitur à substantia eius, qualitate, atque aliis circumstantiis. Si enim Catarrhus sit tenuis, acris, caput calidum, facies & oculi rubicundi appareant, partes, per quas defluit, exasperentur & exulcerentur, si amaritudo, salsedo percipiatur, si febris adsit, quæ tamen non iuuat, si calida adhibita noceant: à materia calida, & quæ falsos humores admistos habet, erit Catarrhus, præsertim si ætas, temperamentum, habitus corporis, aërisque constitutio, & victus ratio præcedens consentiat.

Si verò humor, qui destillat, sit insipidus, minimèque mordax, ac grauitas & tensio, citra oculorum & faciei rubedi

rubedinem & calorem, adfit, ac præcesserit victus ratio frigidior, cruditas ventris, & cum his consentiat ætas, temperatura, æris constitutio, materia Catarrhi erit frigida.

Verùm hic notandum, materiam Catarrhi posse esse frigidam; cùm tamen caussa impellens & mouens sit calida, vt si ex humore pituitoso soluto & liquato à radiis Solaribus, à balneo, calore externo & similibus Catarrhus fiat. Contrà materia Catarrhi calida à frigore moueri potest. Itaque diligenter inter se conferenda sunt signa materiæ & caussarum mouentium ac impellentium. Etsi enim quis ex mora sub sole, & balneo vel exercitio corporis nimium incaluerit, atque ita catarrhum contraxerit: Si tamen materia non sit acris ac mordax, falsa vel amara, frigida potius, quam calida dicenda est. Contra & si diutius quis sit versatus in aëre frigido: tamen si materia sit tenuis, acris, mordax, falsa, vel amara, iudicandum, materiam Catarrhi esse calidam, etsi caussa eam mouens sit frigida.

Inter materiæ conditiones perpendenda quoque signa sunt cruditatis & coctionis, quæ Galenus proponit *libr. de totius morbi temporibus cap. 8.* Humorum, inquit, qui è cerebro per palatum & nares defluunt, indicium quidem est, cum aquei tenuēsque, item copiosi & acres apparent. Extremam enim hoc cruditatem indicat. Coctionis verò notæ sunt, crassior & minus acris, modicæque humor descendens. Quod si mucus etiam simul egrediatur, certius iam hoc coctionis signum est.

Verùm quanquam Catarrhum è materiæ qualitate cognoscere non ita difficile est; sicut quoque ex ægri relatione facillè innotescit, si quæ caussa catarrhum mouens præcesserit: longè tamen difficilior est, sed quod ad curationem rectè instituendam magni momenti est, partem inuestigare, in qua materia Catarrhi primo generatur. Neque enim, vt dictum, semper in capite gignitur, sed sæpe à partibus longè remotis suppeditatur, ideoque tunc frustra medicamenta capiti adhibentur, nisi materiæ prima scaturigo sublata sit.

*Partem
primariā
affectam
inuesti-
gandi
ratio.*

Materiam in capite generari indicio est, si Catarrhus
diu

diu perseuerauerit, & æger faciliè ac sæpe eo affligatur; nec aliarum partium affectarum signa adsint. Cum autem caput laborat, distinguendum est, an intemperies sit frigida vel calida, de quo supra, parte 1. de intemperie capitis dictum.

Si verò intermissiones vel dierum vel mensium adsint, magna ex parte ab inferioribus partibus materia Catarrhi suppeditatur. Vnde verò transmittatur, cognoscitur ex partis debilitate & excrementis consuetis retentis. A toto corpore materiam Catarrhi suppeditari indicio est, si febris adsit, cum cuius paroxysmis catarrhus augetur vel minuitur. A parte verò aliqua materiam Catarrhi suppeditari argumento est, si alicuius partis morbus adsit vel præcesserit. Pars enim debilis semper plura excrementa cumulat. Sic quoque si partis alicuius excrementa retinentur, à parte illa humorem excrementitium suppeditari, indicio est. Ira quidam ex alui obstructione Catarrho laborant, alij ex suppressione sudoris consueti, vel hæmorrhoidum, vt & foeminae ex suppressis mensibus. Si verò totum corpus, omnesque partes benè constitutæ sint, Catarrhi materiam ex victus ratione atque errore collectam esse indicatur, id quod ex ægri relatione faciliè cognoscitur.

Patefit quoque faciliè pars, in quam Catarrhus decumbit. Si enim per arteriam transit, & in pulmonem dilabitur, oritur tussis; si in ventriculum, *æropeçia*; si per partes sub cute externas fertur, ex dolore vel vago vel certarum partium id deprehenditur.

Prognostica.

Prognostica.

1. Catarrhus non contemnendum semper malum est, & qui frequentius catarrhis, præsertim grauioribus, instantur, ij variis morbis pectoris, & imprimis phthisi, sunt obnoxij.

2. Destillationes & rauedines senibus familiares sunt, teste Hippocrat. 3. aphor. 12. & in valde senibus coctionem non admittunt, 2. aph. 40. Quia à frigidis causis oriuntur, quas calor senum imbecillis superare faciliè non potest. Destillatione etiam cum impetu ad pectus ruente ex valde senibus nonnulli repente intereunt; aliis pars dextra vel sinistra

sinistra resoluta stupet, teste Hippocr. *lib. de aër. aqu. & loc.* Id quod, vt Galen. 3. *aphor.* 12. monet, non tam de consuetis catarrhis, qui ex Capite in pulmones decumbunt, & diuturni esse solent, quam de fluxionibus, quæ ex parte affecta per venas in subiectas partes feruntur, & subito nonnunquam mouentur, intelligendum est. Cuius generis etiam Catarrhus fuit, quo ante aliquot annos Professore hîc celebrem p.m. laborare memini. Corripiebatur illo subito ante vesperam, cuius quidem pars magna per nares euacuabatur, reliqua verò ad linguæ principium decumbebat adeò, vt loquendi potentia ipsi adimeretur, reliquis sensibus internis & externis nihil læsis. Vnde in tabula, quo loco sibi malè esset; scribere necesse habebat. A quo symptomate clystere iniecto, frictionibusque crurum adhibitis intra paucas horas liberatus est.

3. Imò destillationes ex humore frigido ortæ neque in iuuenibus facîle coquuntur, propter magnam cerebri dy-crasiam frigidam. Galenus, 2. *aphor.* 40. Destillationibus etiam pueri obnoxij sunt; quoniam cerebrum habent humidius & excrementis plenum, Galenus, 3. *aphor.* 26. Quibus etiam sæpe suffocantur, si ad pectus ruant.

4. Catarrhi natura sua frigidi diuturni sunt, difficulterque coquuntur, sicut omnes morbi frigidi; Catarrhi verò calidi & à causa calida orti citius finiuntur. Si verò vim erodendi habeant, periculosiores sunt, quia partes exulcerant. Cùmque propter tenuitatem expelli nequeant, vehementem tussim excitant, qua caput magis repletur, & periculum est, ne pulmones exulcerentur. Et cum propter tenuitatem expulsionem resistent, metus est, ne vas aliquod rumpatur.

5. Ratione termini à quo, etiam periculum æstimari potest. Si enim magna plenitudo sit corporis vel capitis, & omnino magna destillantis materiæ copia, periculum non contemnendum est: Cùm si subito & confertim ruat, strangulationem asserre possit.

6. Ratione viæ & spatij, per quod fluit, minus periculosus est catarrhus, qui fluit per nares; magis, qui per tracheam & œsophagum; minus etiam periculosus est catarrhus,

qui per inania membrorum spatia discurrit; magis periculofus, qui per neruos & venas; peffimus, qui per arterias, quia fyncope minatur.

7. Ratione termini ad quem, Celfus *lib. 4.* ita distinguit: Si in nares deftillatio fiat, leue est; peius si in fauces; peffimum si in pulmones, vbi periculum est ab exulceratione; & addit: si deftillationes breues neglectæ fuerint, longæ esse consueuerunt.

8. Dolor capitis coniunctus cum catarrho, auget fluxionem, quia ob dolorem fit attractio.

Indicationes & Methodus curandi Catarrhos.

*Indica-
tiones.*

Tria potiffimū in curatione Catarrhi attendenda. 1. Pars, à qua catarrhus prouenit. 2. Humor, qui est Catarrhi materia. 3. Pars, per quam, & ad quam fluit Catarrhus.

Primum quod attinet: Cum in omni catarrho materia à capite fluat, capitis in omni catarrho habenda est ratio: verū cum materia in capite quādoque generetur, quādoque aliunde transmittatur, non solum ad caput curam dirigere satis est, verū etiam ad partem, quæ materiam suppeditat, respiciendum, vt hactenus aliquoties, & supra etiam *part. I.* dictum est.

Simul tamen respiciendum ad causfam, ob quam fluere incipit materia, perpendendumque, an causfa aliqua externa humorem ad motum impulerit. Et si moueatur materia attracta, causfa attractionis dolor aut calor anodynus aut frigidus tollenda: si moueatur materia propter refrigerationem, caput calefaciendum; si propter caliditatem, refrigerandum. Qua in re tamen, vt antea dictum, attendendum, an causfa excitans fluxionem fluenti materiæ sit contraria, ne dum causfæ fluxionis remedia opponimus, ipsam causfam malique principium augeamus.

Secundò. Si materia catarrhi in capite tota generetur, nec sit copiosa, tantum sua temperies cerebro restituenda, à quo facile discutietur. Si verò materia sit copiosa, euacuanda est, postea reliquum eius exsiccandum & absumendum. Ac si cum impetu & periculo in partem aliquam ruat, reuellenda, intercipienda, deriuanda, fluxusque eius

eius omnibus modis sistendus. Si calida, acris, & mordax sit, refrigeranda, eiusque acrimonia mitiganda. Tandem pars, in quam catarrhus decumbit, si mobilis sit, confirmanda, ne illabenti materiæ locum præbeat.

Summa : In omni Catarrho primum materia eius euacuanda, & ne amplius generetur, præcauendum, partisque, quæ eam suppeditat, vitiosa dispositio corrigenda : secundo caput roborandum : tertio humor, si ad partem nobilem, & in qua periculum aliquod euenire possit, fluat, auertendus & intercipiendus, ac materiæ vitiosæ qualitates corrigendæ & alterandæ : quarto pars, ad quam fluit, si nobilis, roboranda. Sed in omnis catarrhi curatione ratio habenda materiæ fluentis, & causæ, propter quam fluit, & loci, per quem fluit.

Quibus autem auxiliis istis indicationibus satis fieri possit, etsi maxima ex parte ex iis, quæ supra part. I. dicta sunt, patere possit, tamen quædam addere, & in specie de Catarrhi curatione aliquid dicere libet.

*De Catarrhi à cerebro frigido, vel frigido & humido,
sive pituitoso curatione.*

Et primo quidem, si sine reliqui corporis vel aliarum partium vitio à solo capite vel præcipuè cerebro ortum habeat Catarrhus, materia conuenienti modo præparanda & euacuanda, & si *ἀργός*, ac cum impetu ad pectus ruat, auertenda, eiusque motus inhibendus, tandemque intemperies cerebri corrigenda.

*Catarrhi
frigidi
curatione.*

Itaque principio, etsi materia solum à capite fluat, tamen si copiosa sit, aut maiore cum impetu ruat, atque metuendum sit, ne à reliquo etiam corpore affluat, & catarrhum augeat (sicut plerumque accidere solet, ut qui catarrhis obnoxij sunt, cerebrum habeant frigidum, iecoris verò & reliqui corporis constitutionem calidam) etiam in catarrho frigido tùm vena aperienda & ab externa cubiti vena, & quidem parçè sanguis mittendus. Si verò materia frigida sit pauca, nec cum impetu ruat, ac propter temperaturam ac constitutionem corporis reliqui, ætatemque senilem, nullus affluxus materiæ ad caput metendus sit, venæ sectione opus non est.

Vena sectione.

Præparantia.

Præparantia.

Inter præparantia autem conueniunt ea, quæ supra, *part. I. de Intemper. capit.* cum pituita, proposita sunt. Si autem materia ad pectus ruat, ad pectus quoque respiciendum, ideoque ex pituitam præparantibus eligenda cephalica & thoracica.

In præparatione verò & euacuatione catarrhi frigidi distinguendum; an materia sit tenuis & acris, an verò crassa. Nam si est tenuis & aquosa quasi, in crassantia non nihil adhibenda; Ac conuenit hic decoctum thuris, mastiches, fol. betonic. saluæ spec. diatragacanth. calid. nux moschata. Si autem materia sit crassa, calefacientibus & attenuantibus opus est, qualia sunt hyssop. marrubium, fœnicul. origan. oxymel simpl. & scillitic.

℞. *Aq. hyssop. betonic. an. 3. j. R. syr. de betonica 3. j. essent. salu. 3. j. spir. ☿ acidi gutt. vj. Misc.*

Purgantia.

Purgantia.

Si materia tenuis sit & aquosa, inter euacuantia imprimis utilis est manna, quæ tenues humores educit, item mechoacanna, pillul. alephanginæ, de Hiera. Atque hoc etiam obseruandum, ne materia tenuis fortioribus purgantibus nimis agitetur, ne mota confertim & ἀβρῶς ad pectus præcipitetur, sed præstat leuioribus medicamentis eam sensim euacuare.

Materia verò crassa, Agarico, pilul. cochiis, de agarico, de Hiera cum agarico, vel horum extractis, vel extracto aliquo phlegmagogo euacuanda. Ac si potio alicui arriserit, infundatur Agaricus in decocto cephalico & pectorali.

Capit. Euacuatio particularis.

Particulares capitis euacuationes.

Vniuersalibus euacuationibus præmissis, capitis euacuationes particulares, per Errhina, Apophlegmatismos, & Gargarismos instituantur. Non tamen quælibet harum euacuationum in quolibet catarrho tuto institui potest, & videndum, ne per illas materia amplius agitata, ad locum, in quem alias cum periculo tendit, affluat, sed potius ab ea auertatur. Ideoque si materia per palatum ad pectus, & præcipue confertim, fluat, non per masticatoria, gargarismos & apophlegmatismos euacuanda materia, sed

potius

potius per errhina. Eadem ratio est, si materia ad ventriculum fluat. Si verò ad oculos aut ad nares iam antea morbo affectas fluat, potius per masticatoria & apophlegmatismos, quam per errhina, euacuanda.

Errhina autem & Apophlegmatismi supra part. i. sunt *Errhina & apophlegmatismi.* proposita. Inter Errhina autem facilè hic semen nigellæ primas obtinet, quod sæpius odoratum, in quouis etiam catarrho vtile est. Ideoque torrefactum & aceto conspersum cerebro naribus admoueat, vel puluerisatum, & cum aqua maioran. mistum, naribus attrahatur; vel ol. nigel. naribus interioribus illinatur.

Vel ℥. Aq. maioran. ʒ. iiii. β. succi betonic. ʒ. j. sem. nigell. pulueris ʒ. β. nucis moschat. ʒ. j. Misc.

Ditioribus aliquot grana ambrae vel moschi addantur.

Exempl. gratia. ℥. Aq. maioran. ʒ. ij. moschi ḡ ij. ambr. ḡ j. Misc.

Laudatur & hoc: ℥. Ligni Guaiaci comminuti ʒ. j. aq. pure ʒ. j. affundatur aqua prius calefacta, & per noctem mace- rentur, deinde coqu. ad mediam consumptionem: sub finem adde Maioran. rosar. rubr. an. p. ij. Colentur.

In vsu tamen horum remediorum notandum: 1. Ne mox initio, & dum adhuc caput plenum est, ac materia nondum concocta, iis vtamur. 2. Ne fortius resoluentia in catarrho frigido, cuius materia tenuis est, sola vsurpentur, ne materiae tenuis spontè alias ad fauces fluentis impetus ad pectus & pulmones augeatur, sed in- crassantia quædam, aut quæ impetum humoris ruentis fi- gunt, iis admiscenda, qualia sunt rosæ rubrae, mastiche, spi- ca Indica, semen coriandri, gummi iuniperi, atque alia quæ in catarrhi calidi curatione proponuntur.

Hinc in catarrho tenui vel sola mastiche masticetur, vel hi trochisci:

℥. Nuc. moschat. ʒ. i. mastich. gummi Arabic. an. ʒ. β. Redigantur in puluerem, & cum aqua rosarum fiant Trochisci. *Exsiccan- tia & caput roboran- tia in-*

Catarrhum exsiccantia & caput roborantia.

Corpore & capite conuenienter euacuato, ea adhi- beantur, quæ exsiccando reliquam Catarrhi materiam terna.

absumunt, simulque caput roborant, partim Internâ , partim Externa medicamenta, quorum multa supra *part. I. cap. de Intemp. cap. frigid. & humid. & de Intemp. cap. cum pituita* proposita fuerunt, quæ hic repetere non libet.

Interna quod attinet , sumatur de iis modò lenioribus, modò validioribus, prout vsus postulauerit, portio exigua vesperi ante somnum, & post prandium, vt eorum vis vnâ cum vaporibus ingesti cibi ad caput feratur ; manè verò stomacho ieiuno plus exhibere licet.

Vtilis est & hæc mixtura.

℞. Spec. latit. Gal. ℥. ij. dianth. diamosch. dulc. an. ℥. j. Aq. anthos, meliss. an. ℥. j. borrag. ℥. ij.

Incalescant lento igne, vt ebullire incipiant, & permittantur in infusione horis 4. postea colentur. In Colatura dissolu. *Conf. Alkerm. 3. ℞. magister. corall. smaragd. an. ℥. ℞. essent. roris marin. 3. ℞. Aq. cardamomi, apoplectica an. 3. vj. M.* De hac mixtura cubitum ituro, & è lecto surgenti cochl. j. propinetur.

Monendum & hoc : Calidis cephalicis medicamentis exsiccandi, & vaporum ad caput ascensum prohibendi gratia conseruam rosarum commodè admisceri; etiam in Catarrho frigido.

Vt *℞. Conf. rosar. rubr. ℥. ij. spec. aromat. rosat. ℥. ij. nuc. moschat. ℥. j. thuris albiss. ℥. ij.* Cum syrupo de rosis siccis, aut de betonica. *F. Electuarium*, de quo sub tempus somni portio magnitudine nucis iuglandis sumatur.

Vel *℞. Conseru. rosar. rubr. ℥. ij. lauendul. anthos, saluie an. ℥. j. spec. dianthos, diamb. aromat. rosat. an. 3. ℞. corall. rubr. præpar. pulueris nuc. moschat. an. ℥. j.* Cum syrupo stæchad. *simpl. F. Electuarium.*

Vel *℞. Conseru. saluie, pæon. an. 3. vj. roris mar. rosar. an. 3. ℞. nuc. moschat. condit. myrobalan. chebulor. cond. an. 3. iij. acori cond. 3. j. spec. diamosch. d. 3. ℞. arom. ros. ℥. j. sem. pæon. 3. ℞. cubebar. ℥. j. coriandr. præpar. margarit. præparat. an. ℥. ℞.* Cum syr. de rosis & beton. q. s. *F. Electuarium*, de quo manè & vesperi portio nucis moschatæ magnitudine capiatur.

Aliud *℞. Conseru. roris marin. salu. lauend. an. 3. ij. pæon. 3. j. rosar.*

rosar. 3. R. conf. Alkerm. 3. j. specier. diaplir. 3. R. solut. perlar. corallior. rubr. an. 3. j. essent. salu. 3. j. mithridat. 3. ij. aq. apoplect. 3. ij. Cum syr. de stæchade. F. Electuarium.

Si forma Morsulorum placet, sequens confectio de thure præstantissima est;

℥. Sem. coriandri præp. 3. R. nucis moschat. thuris an. 3. ij. glycyrrh. mastich. an. 3. ij. cubebæ. 3. j. conserv. rosar. rubr. 3. j. sacch. albi 3. x. in aq. rosar. dissol. F. Confect. in Morsulis, quorum finguli 3. ij. pendeant, de quibus mane & vesperi vnus sumatur.

Vel parentur seq. Rotulæ.

℥. Ol. nuc. mosch. expr. 3. j. margarit. præp. 3. j. smaragdi præp. 3. j. sacchar. in aq. lauend. dissol. 3. vj. F. s. a. Rotulæ, de quibus capiantur mane & vesperi 2. vel 3.

Aliæ: ℥. Specier. diamosch. d. diamb. an. 3. j. succini albiss. 3. j. ol. anisi gutt. ij. sacch. in aq. lauend. dissol. 3. iij. F. Orbiculi.

Vinum etiam hoc contra Catarrhos laudatur:

℥. Cort. myrobal. omnium an. 3. ij. R. cinamomi 3. j. caryophyll. galang. cubebæ. cardamom. granor. paradisi, nucis moschat. an. 3. j. rosar. rubr. siccarum 3. ij. flor. anthos. lauend. l. an. 3. R. Affundatur vini quantumlibet.

In Catarrho diuturniore decoctum ligni Guaiaci, Sassafras, radic. chinæ, Sarsaparill. cum diæta conueniente exhibitum Cerebrum ab humore frigido sanat & liberat. Et omnino in talibus morbis continuatione opus est, nec a medicamento alicuius semel atque iterum saltem exhibitu vsu salus speranda est. Quam ad rem vtilissima sunt vinâ medicata, vt & cereuisiæ. E. gr.

℥. Rad. caryophyll. M. ij. granor. iuniperi M. j. sarsaparillæ lb. j. R. saluiæ, roismar. chamæp. an. M. ij. caryophyll. galang. an. 3. R.

Affundatur sufficiens quantitas musti vel cereuisiæ recentis in dolio conuenienti, vt fiat vinum vel cereuisia medicata.

Externa.

Externa medicamenta caput roborantia, & catarrhum Externa. simul exiccantia etiam supra part. i. Sunt proposita, quibus pauca addemus. Adhibeantur imprimis Lotiones capitis & pedum, suffitus, pileoli, Cerota seu Emplastra, pulueres.

Lotio capitis & pedum.

Capitis
pedum
onnes.

℥. Fol. beton. maioran. saluie, origani an. M. i. flor. anthos, chamamel. stæchad. utriusque an. M. i. ℞. nigellæ 3. ii. Coqu. in lixiuio pro capitis lotionem ante prandium, à qua caput linteis calidis probè abstergetur. Efficacius remedium erit, si de sublimi Embrochæ modò in caput demittatur.

Etiam Thermarum aquæ vim sulphuris habentes per Embrocham capiti immissæ plurimum valent ad siccandum Catarrhum frigidum; si post diligentem capitis purgationem adhibeantur, ac victus ratio idonea feruetur.

Suffitus.

Suffitus.

Ad suffitum linteorum, quibus caput exsiccatur, vel tegumentorum capitis hic puluis utilis est:

℥. Trochisc. aliptæ moschat. fol. saluie, maioran. rorismar. an. 3. ℞. lauri, caryophyll. cinamom. ligni aloes an. 3. i. thuris, styracis calamit. an. 3. i. F. Puluis carbonibus iniiciendus.

Si cum mucilagine Tragacanth. excipiantur, pastilli formari possunt, super carbones iniiciendi.

Vel: ℥. Benzoin 3. ii. styracis calamit. 3. i. ligni aloes, cinamom. an. 3. ℞. caryophyll. 3. i. ℞. moschi 3. vi. F. Puluis, vel Trochisci carbonibus iniiciendi pro suffitu.

Pileolus.

Pileoli
seu cucu-
pha.

℥. Fol. Maioran. saluie, origani an. 3. i. flor. stæchad. Arabic. 3. ℞. lauendul. rorismarini, caryophyllor. macis, nuc. moschat. ligni aloes an. 3. i. thuris 3. ℞. rosar. rubrar. siccar. 3. ii.

Trita & sacco ex sindone rubro parato infusa suturæ coronali imponantur.

Vel ℥. flor. rosar. rubr. M. i. meliss. organ. beton. rorismar. an. M. ℞. thuris, mastich. ligni aloes, gran. iuniperi an. 3. iii. nucis mosch. macis an. 3. i. caryophyll. 3. ℞. nucis cupress. 3. i. ℞. gran. Kerm. 3. i. ℞.

Præparata l. a. sindoni rubro, ad formam pileoli concinnato includantur, & cum gossyp. intersuantur.

Alius: ℥. Fol. meliss. maioran. betonic. summit. origani an. M. ℞. rosar. rubr. p. ij. nucis mosch. caryophyll. an. 3. ij. granor. kermes, macis an. 3. j. ℞. thuris, mastich. an. 3. ij.

In puluerem grossum, redacta serico rubro includantur, & interpassentur, F. pileolus.

Puluis

Pulvis capiti inspergendus.

Sub ingressum lecti anterior pars capitis hoc pulvere conspergatur :

℥. *Nigellæ torrefactæ* 3. ij. rad. *cyperī* 3. j. flor. *rosar. rubr. stæchad. Arabic. an.* p. ij. nuc. *mosch. caryophyll. an.* ̃. ij. *succini* ̃. j. F. Pulvis.

Vel ℥. *Origani, stæchad. Arab. majoran. an.* ̃. j. *rosar. rubr. gummi iuniperī an.* 3. j. β. *ligni aloës* 3. j. *macis* 3. ij. F. Pulvis.

Alius : ℥. *Benzoin* 3. vj. *styrac. calam. ligni aloes an.* 3. j. β. F. pulvis grossus.

Odoramenta.

Ad Odoramenta pertinent suffitus supra enumerati. *Nigella* quoque aceto rosaceo quatuor dies macerata & puluerisata, ac cum aqua maioranæ mista & in nares attracta non tantum caput purgat, sed & roborat. *Odoramenta.*

Vel ℥. *Rosar. rubr. caryophyll. sem. nigellæ, cinamomi, nuc. mosch. an.* ̃. ij. *styracis calamit.* ̃. β. *moschi* ̃. iij.

Includantur serico, fiatque nodulus odoratu caput ficans & roborans. Pomorum Ambra & Balsamorum descriptiones ad caput exsiccandum, suprâ part. 1. propositæ sunt.

Cerota & Emplastra.

Bregmati etiam imponi possunt Cerotum de Betonica in dispensatorio Augustano descriptum, vel Montagnanæ hoc ; *Cerota & Emplastr.*

℥. *Ladani, gummi elemi, iuniperi, thuris, styracis liquid. calamith. myrrhæ an.* 3. j.

Commista diligenter in formam Ceroti redigantur.

Vel ℥. *Mastich. sandarac. nucis mosch. caryophyll. an.* ̃. j. *ladani* 3. vj.

Ducantur pistillo calido in mortario & addita olei mastichini s. q. F. Emplastrum.

Vel : ℥. *Macis, nuc. mosch. sandarac. mastich. thuris, styrac. calam. an.* 3. j. β. *rosar. rubr.* 3. β. *ladani* 3. viij. *terebinth. ceræ an.* q. s. F. massa, de qua portio q. s. corio rubro ad convenientem formam inducatur, sericumque rubrum superducatur, & interpassetur.

Vel : ℥. *Flor. rosar. rubr.* 3. ij. *gummi iuniperi* 3. j. *macis,*

nucis mosch. an. ʒ. ʒ. caryophyll. ʒ. i. F. Pulvis subtilis, & cum
ladani, cera, ol. chamamel. vel irini s. q. F. Ceratum.

Qua ratione autem Catarrhi fluxioni, si impetuosior sit,
& cum periculo ad aliquam partem confertim ruat, oc-
currendum sit, paulò post in Curatione Catarrhi calidi
dicetur.

De Catarrhi calidi curatione.

*Catarrhi
calidi
curatio.*

Si verò materia Catarrhi sit calida, primò imminuatur
leni pharmaco, ex decocto iuiubar. sebesten, prunor. flor.
violarum, capillorum ♀, glycirrh. hordei, in quo manna
ʒ. j. ʒ. dissoluta sit, aut Syrup. rosar. solut. ʒ. iij. vel iiij.
exhibeantur.

*Vena
sectio.*

Si sit corpus calidiore sanguine repletum, vt metuen-
dum sit, materiam ad caput affluxuram, atque ipsa mate-
ria tenuis in partem aliquam cum vitæ periculo ruat, venæ
sectione opus est, quæ corpus refrigeret, materiam eua-
cuet, & ne ad caput, atque hinc ad partem aliquam cum
periculo ruat, impedit. Si autem propter vires aut ata-
rem venæ sectione vti non liceat; cucurbitulæ illius vicem
suppleant.

*Prepa-
rantia.*

Postea adhibeantur, quæ humoris feruorem ac acrimo-
niam mitigant, vt sunt Syrup. de ros. siccis, de succo ace-
tos. violar. de nymph. de papau. cum aquis & decoctis re-
frigerantibus ac modicè adstringentibus.

Propinetur igitur ex g. talis haustus.

℞. Aq. papauer. borrag. an. ʒ. j. ʒ. Syrup. violar. ʒ. ʒ. essent.
papau. ʒ. ʒ. spir. ☿ acidi gutt. v. M.

*Purgan-
tia.*

Euacuatur deinde materia rhabbarbaro, tamarind. ele-
ctuar. diacathol. diaprunis, diasebesten, rosato Mesue, de
succo rosar. pil. Arab. aureis & aliis, quæ humori huic
conueniunt. Corpore euacuato, caput etiam priuatim
euacuandum, vt antea dictum. Cauendum tamen, ne ma-
teria tenuis nimium agitetur, vnde periculum sit; ne ad
pulmones cum impetu fluat.

*Exiccā-
tia &
caput ro-
berunt in*

Capite quoque euacuato, reliquæ exiccandæ & caput
roborandum. Interna sunt conserua rosar. spec. aromat.
rosat. thus, nuc. moschat. Extra verò pulvis capiti insper-
gatur, aut sacculus imponatur, ex floribus rosar. rubrar.
sem.

fem. coriandr. præpar. fantalis, cortic. papau. albi, gummi iuniperi, thure, mastiche, quorum formulæ, vbi de sistendo catarrho dicitur, proponuntur.

interna,
& externa.
m.

Exempli gratia. ℞. Gummi iuniperi ʒ. ij. flor. rosar. rubr. p. ij. myrtill. ʒ. j. macis, nucis mosch. an. ʒ. ʒ. thuris, sem. pæoniæ, cortic. papauer. an. ʒ. ij. nucis cupressi. ʒ. ʒ. Puluerisuntur & cum floccis panni coccinei F. Sacculus ex sindone rubro.

Vel Cerotum tale fiat.

℞. Mastich. cortic. thuris an. ʒ. ʒ. sandarac. corall. rubror. rosar. rubr. myrtillor. balaustior. cortic. granator. an. ʒ. ʒ. ladanī q. s. Cum olei rosar. & ceræ sufficiente quantitate. F. Cerotum ad futuram coronalem obducendum sindone rubro.

In declinatione etiam ieiuno stomacho caput lauetur decocto rosar. maioran. betonicæ.

De Catarrho cum impetu ruente sistendo.

Atque hæc quidem sæpe ad Catarrhum tam frigidum, quam calidum curandum sufficiunt, si nimirum materiæ copia non magna sit, nec cum periculo ad partem aliquam, præcipue pulmones, ruat. Si autem Catarrhus cum impetu ad pectus & pulmones ruat, fluxus omnibus modis inhibendus.

Catarrhum
cum im-
petu
fluentem
sistendi
ratio.

Auertentia & Reuellentia.

Vniuersali corporis euacuatione præmissa, materiam diuertere, ne ad vnum locum confluat, conuenit. Securius quidem omnino est, vt Mésue monet, destillationem non subito sistere, & materiam in corpore retinere; Si tamen præsens suffocationis vel pulmonum exulcerationis periculum imminet, omnino catarrhus sistendus est, & prædictis conuenientibus auocanda materia a parte nobiliore ad ignobiliorem, ac dissipanda.

Reuel-
lentia.

Fiunt autem diuersiones per clysteres, per lotiones extremorum ante cibum, per frictiones & ligaturas eorundem, per cucurbitulas, vt supra part. i. dictum.

Galenus etiam 5. method. medic. capit. 13. in Catarrho calido emplastrum ex fimo syluestrium columbarum, & quod ex thapsia paratur, vsurpat: de quo quid
fen

sentiendum sit, postea *quæst. i.* dicetur.

Setaceum quoque occipiti applicari potest. Nonnulli reuulsionis gratiâ futuræ coronali cauterium applicant. Verùm quid de ea re sentiendum, suprà *part. i. cap. i.* dictum.

Catarrhum intercipientia & incrassantia.

*Intercipientia
& incrassantia.*

Si verò acris, tenuis, & calidus fluxus sit, cum tussi vehementi, vigiliisque continuis, de sistendo Catarrho cogitandum est.

In sistendo tamen catarrho obseruandum, sistentibus catarrhum tantum vtendum esse, dum materia ad pectus destillat, non postquam ad pectus influxit. Tum enim potius, quæ materiam collectam per tussim euacuant, conueniunt. Et cum materia per somnum ad pectus maxima ex parte fluat, post coenam, sub ingressum lecti exhibenda sunt Catarrhum sistentia; sicut per vigilias illud, quod in pectus iam influxit, euacuandum. Non tamen statim in principio tutò vsurpantur sistentia, sed præstat, potius diuertentia adhibere, nisi forsan materia cum periculo ad pectus ruat, & suffocationis periculum adfit.

Inseruiunt quoque huic scopo ea, quæ vim adstringendi & incrassandi habent, adhibita forma syruporum, eclegmatum, gargarismorum, pilularum, trochiscorum, rotularum in ore detinendarum, odoramentorum, puluerum capiti inspergendorum ac ceratorum. Et quidem si externa non sufficiant, interna exhibenda, vt pilulæ de cynoglossa, quæ exhibentur à gr. vj. ad ℥.j. sub tempus somni.

Vel: ℥. *Thuris albiss. sandarac. Arab. myrrh. an. 3. ℔. ligni aloës, nucis moschatæ, macis, croci an. ℥. j. ladani purissimi, styrac. calam. an. 3. ij. moschi ʒ. v.* Cum Syr. de stoechade.

F. pilulæ, pro 3.j. numero vj. Vtile est Laudanum Opiatum ʒ. ii.j. pondere sumptum.

Exempli gratia. ℥. *Laudani opiat. ʒ. ii. pulu. mastich. ʒ. v. olibani ʒ. iii. extract. croci ʒ. i.* Cum aq. violar. F. pilulæ numero v.

Item Theriaca recens, vel bolus armenus, qui in catarrhis sistendis valde utilis est. De quo vide *libr. 2. part. 3. cap. de asthmate in quæst.*

Vel dentur deglutienda grana mastiches & thuris horâ decubitus, vel per se, vel ita præparata:

℥. Granor. iburis, mastich. sandarac. tragacanth. an. 3. ℞. Macerentur in vino rubro; deinde exsiccentur & deglutiuntur num. v. vel vj.

Vel: ℥. Syrup. de rosīs siccis, de iuiub. de papau. an. 3. i. bol. armen. aq. rosar. lot. 3. iv. Misceantur & sumantur duo cochl. sub tempus somni.

Vel: ℥. Cap. papau. nu. ix. siliquar. glycyrrh. an. 3. iii. sem. althææ, bombac. an. 3. iii. iuiubar. sebest. an. num. viii. Coqu. in f. q. aquæ. Colaturæ adde Sacchar. candi 3. iii. Coqu. iterum ad ipsissitudinem mellis.

Vtile est & Diacodium sub ingressum lecti sumptum.

Vel: ℥. Lob. de papau. 3. i. spec. diatragacan. fr. 3. i. diacodij Mesuæ 3. ii. Cum Syrupo iuiubino vel de papau. Fiat Eclegma.

Vel paretur sequens Electuarium, & portio nucis moschatæ quantitate horâ somni præbeatur:

℥. Conseru. violar. recent. 3. iii. betonic. 3. i. ros. rub. antiq. 3. ℞. spec. diatrag. frig. 3. ℞. diacodij 3. ii. Corall. rubr. præparat. 3. ℞. boli arm. præp. 3. i. Cum Syr. de rosīs sicc. F. Electuarium.

Vel: ℥. Diacodij 3. j. diacydon. simpl. 3. ℞. spec. diapapau. 3. j. ℞. diatragac. fr. 3. ℞. conseru. rosar. alb. 3. j. nymph. alb. 3. ℞. rob. ribes 3. ii. succini albi præp. tinctur. corallior. rub. an. 3. ℞. Cum Syr. de papau. F. Electuarium.

Gargarismi.

℥. Rosar. rubr. M. ℞. plantag. balaustior. an. 3. ℞. cortic. capitum papauer. 3. j. nigell. 3. j. ℞. Coqu. in aq. simplici. Colaturæ adde Syrup. de papau. myribini an. 3. j. boli armeni 3. j. M. pro Gargarismo, vel potius sine multa agitatione liquor in ore detineatur.

Garga-
rismi

Vel: ℥. Fl. rosar. rubr. balaustior. an. p. j. capit. papau. c. sem. num. ij. myrtill. 3. j. rasuræ santali rub. 3. ℞. Coqu. in aqua comuni ad tertias. Colaturæ ℥. 3. v. in quibus dissolu. Boli arm. præ. 3. i. Syr. myrt. 3. i. M.

Alius. ℥. Aq. lactuc. rosar. an. 3. iii. vini granator. 3. i. syr. de papau. 3. i. ℞. M.

Vel: ℥. Aqu. plantag. solani rosar. an. 3. ii. myuæ cydonior. 3. i. ℞. essent. papauer. 3. ii. phlegm. aluminis rectificat. 3. ℞. M.

Rotulæ

Rotula, Trochisci, Pilula in ore tenenda.

Rotula, ℥. *Boli armeni* 3. j. *rosar. siccar. terræ sigillat. an.* 3. j. *spec. Trochisci diatragacanth. frigid.* 3. j. *amyli, gummi Arab. an.* 3. ℞. Dissol-
 & *Pilu-* uantur cum albumine oui, & addito Syrupo violarum aut
la sublin- de papauere. F. Trochisci sub lingua tenendi.
guales.

Vel ℥. *Boli armeni* 3. ij. *gummi arab. tragacanth. an.*
 3. ij. *sem. papauer. albi* 3. j. *nuc. mosch.* 3. ℞. *sacchar. penidij*
candi an. 3. ℞. cum mucilage seminis cydoniorum facta cum
aqua rosar. F. Orbiculi.

Vel ℥. *Cap. papauer. num. vj. siliquar.* 3. j. *rad. glycyrrh.*
 3. v. *ireos* 3. j. ℞. *passular.* 3. ij. *Coq. l. a. in f. q. aq. ad ter-*
tias. In decocto colato dissolu. Sacch. 3. iv. *extr. glycyrrh.*
 3. j. *croci* 3. ℞. F. l. a. Orbiculi.

Vel parentur seq. Trochisci.

℥. *spec. diatrag. frig. diapauer. an.* 3. j. *boli armen. præp.*
 3. ij. *amyli, succi glycyrrh. an.* 3. j. *sacch. candi alb.* 3. ij.
 Cum Syrup. de papauer. q. s. F. trochisci sublinguales, de
 quibus vnus atque alter sæpius die noctuque in ore deti-
 neatur.

Alij: ℥. *Boli armen. præp.* 3. j. *gumm. tragac. sem. papau. alb.*
an. 3. ℞. *gumm. arab.* 3. ij. *glycyrrh.* 3. ℞. *pinear.* 3. ij. ℞. *sacch.* 3. j.
 ℞. Puluerisata excipiantur mucilag. sem. psyllij & F. f. a
 trochisci sublinguales.

Vel ℥. *Amyli* 3. ij. *sem. lactuc. papau. albi an.* 3. j. *gumm.*
arab. tragacanth. an. 3. ℞. *boli armen.* 3. ij. cum mucilage
sem. psyllij. F. Pilulæ sub lingua tenendæ.

Si humor falsus sit, spica addatur, aut spica noctu
 in ore teneatur, quod tanquam expertum Mesues com-
 mendat.

Suffitus, Odoramenta.

Suffitus, ℥. *sem. Coriandri* 3. ij. *gummi hedera, iuniperi, mastich.*
iburis an. 3. ℞. *trochiscor. de camphora, sem. papau. an.* 3. ij.
odora- F. Puluis, cuius accensi fumus naribus excipiat, vel eo ca-
menta. pitis tegumenta suffiantur:

Vel ℥. *Sandar. arab.* 3. j. *mastich. succini alb. an.* 3. ℞. F.
 Puluis.

Alius: ℥. *Puluer. succini alb.* 3. ij. *mastich.* 3. j. ℞. *iburis*
sandarac. an. 3. ℞. *gumm. animæ tacamahac. an.* 3. ℞. *flor.*
rosar.

rosarum rubrarum. p. j. F. puluis grossus.

℞. Styrac. calamit. caryophyll. nucis moschat. mastich. thuris, ladani an. ℥. j. ambre ꝑ. iv. cum aqua rosar. F. Trochisci carbonibus iniiciendi in Catarrho frigido.

In Asthmaticis tamen suffitus vix conueniunt, vt nec ij, quibus caput debile est, suffitus vehementes ferunt, sed sufficit cum styrace & momento thuris ac succini albi carbonibus inspersi suffitum excitare.

℞. Santal. albi, rubri an. ℥. ij. citrini 3. j. ℞. rosar. rubr. cor- Noduli
tie. papau. albi an. 3. ij. Redigantur in puluerem, & nodulo & pulue-
inferantur, qui aqua rosar. madidus odorandus præbeatur res capiti
in Catarrho calido. insper-
gendi.

Vtilis est & sequens nodulus.

℞. flor. rosar. violar. an. p. ij. santalor. omnium an. ℥. j. camphor. ꝑ. v. Concisa includantur nodulo ex sindone rubro parato.

Vel ℞. Rosar. rubrar. 3. ij. gummi iuniperi ℥. ij. nuc. mosch. macis an. ℥. ℞. rosar. rubrar. balauft. an. 3. j. sem. pæon. thuris, mastich. an. ℥. j. nuc. tупressi ℥. ℞. Cnm Serico F. Sacculus pro capite in Catarrho calido.

Vel ℞. Gummi iuniperi, tragacanth. caryophyll. macerator. in aqua rosar. & exsiccatur an. 3. ij. nucis moschat. macis, flor. stæchad. arab. an. ℥. ij. rosar. rubr. myrtillor. an. ℥. j. Cum Serico F. Sacculus.

Non incommodè etiam capiti inspergi potest sequens puluis.

℞. Succini alb. sandarac. arab. mastich. benzoin, nucis mosch. an. 3. j. cubebar. 3. ℞. thuris 3. v. ℥. j. cortic. thuris 3. ij. F. Puluis.

Ceratum.

Ceratum ex mastiche, gummi iuniperi, nuc. moschat. caryophyll. ladano supra fuit propositum, quod & hic lotum cum habet.

De Catarrho suffocatiuo.

Et si ex iis, quæ hætenus de catarrho sistendo & inhibendo diximus, facile etiam, qua ratione catarrhus suffocatiuus curandus sit, pateat: tamen in specie aliquid ea de re addere non inutile fuerit.

Si quando Catarrhus tanto impetu pulmones fluit,

vt suffocationis periculum impendeat, danda opera, vt materia in plures partes statim distrahatur, reuellendo, deriuando, catarrhúsque sistatur internis & externis medicamentis exhibitis.

Auxilia.

Acribus nimirum clysteribus alius prouocetur, extrema fricentur vincianturque, cruribus & brachiis cucurbitulæ affigantur, venæ sectio etiam, si opus sit, sine vlla mora administretur, purgantibus materia à pulmonibus auersa trahatur in ventriculum & intestina; gargarismis adstringentibus & aliis, quorum formulæ ante propositæ, fluxus intercipiatur & sistatur. Postea fumus excitetur è mastiche, thure & succino. Per vices etiam acetum rosaceum super lapid. ignit. affundatur. Alij gummi tacamahacæ solum cum pastillo calido dissolutum, & alutæ inductum bregmati & temporibus applicant. Nonnulli puluerem succini, thuris, & mastich. cum album. oui, & aqu. rosar. impastant, quod linteo illinunt, & fronti temporibusque admovent. Quod tamen post horam aliquandiu remouendum, ne catarrhum plus iusto sistat: hinc renouandum. Nucha inungatur ol. succini, vel seq. vnguentum adhibeatur capiti, quod efficacissimum est:

℞. Pulu. nuc. cupress. alumin. vsti, & viui, pyrethri, olibani, mastich. camphor. gallar. cortic. granator. rosar. rubr. an. ʒ. β. Cum aqu. fol. quercus q. f. misc. addendo succ. acaciæ, cydonior. an. ʒ. β. M.

Si maximum periculum instet, phoenigmis quandoque & vesicatoriis opus est. Phoenigmi hæc formula erit.

℞. Rad. Asphodeli, baccar. lauri, gummi iuniperi, rad. pyrethri, piper. longi, sinapis an. ʒ. i.

Terantur in puluerem, & inuncto prius vertici oleo castino aliquid eius inspergatur circa futuram coronalem; vel cum oleo Euphorbii & cera F. Cerotum futuræ coronali imponendum.

℞. Nigell. torrefact. ʒ. β. sinapi ʒ. iii. thuris, mastich. an. ʒ. i. β. fmi columbini, farine hordei an. ʒ. β. oxymelit. simpl. q. s. F. Emplastrum pro futura coronali.

℞. Fermenti parum, caricam pinguem N. j. cantharid. alis abscissis

abscissis & capitibus N. vj. cum aceto scillitico fiat massa, quæ capite raso futuræ coronali imponatur, & post sex circiter horas vesica excitata rumpatur. Vel applicetur tale vesicatorium.

℥. Ol. castor, costini an. ʒ. ʒ. pulu. cantharid. præp. ʒ. ij.
fermenti acerrimi q. s. F. cataplasma, ducatur super aluta, longitud. 4. & latitud. 3. digitorum, & parti capitis anteriori rasæ applicetur, vel ad primam colli vertebra, & per noctem relinquatur.

Locum etiam hic habet Ceratum Galeni de stercore columbarum & thapsia, cuius supra fuit facta mentio. Proliciat quoque pituita è naribus, palatique inunctionibus incitetur ad expulsionem.

Et si materia crassa est, ac magna eiusdem copia in pectore continentur, Loch de scilla cum oxymelite & ammoniaco est dandum, & alia, quæ in Asthmate sunt utilia.

Partium, ad quas Catarrhus ruit, roboratio.

Etsi diuertentibus & catarrhum intercipientibus ipsi quoque parti recipienti consulatur: tamen etiam utile est, ipsam partem recipientem confirmare per adstringentia, quibus expultrix ita roboratur, ut non solum non admittat materiam à capite ruentem, sed & eam expellat. Talia sunt, rosæ, balaustia, plantag. myrtill. bolus armenus, nuc. cupressi & similia, quæ pro partium varietate, alio atque alio modo exhibenda. Pectori tamen & pulmmoni adstringentia non conueniunt, præsertim postquam materia influxit, quæ nullo modo in pectore retineri, sed reiici debet.

*Partium
recipientium
roboratio.*

Vbi verò destillatio in parte recipiente peculiarem morbum generat, in oculo ophthalmiam, in alia parte alium, peculiare illorum morborum curationes requiruntur, de quibus suo loco dicitur.

Qua ratione partium, quæ Catarrho materiam suppeditant, sit habenda ratio.

Vnum adhuc in Catarrhi curatione restat, qua ratione scilicet partes tractandæ sint, quæ Catarrho suppeditant materiam. Vbi in genere tenendum, quæcunque, etiam

*Partes
materiam
ruiant*

*Catar-
rho sup-
pedientes
tractandi
ratio.*

pars materiam Catarrho suppeditet, vtile esse, vt ij, qui Catarrhis frequenter obnoxij sunt, singulis mensibus, paulo ante nouilunium corpus leniter purgent, idque iis præcipuè necessarium est, quibus aluus est ficiior. Nisi enim aluus quotidie suum officium spontè faciat, & caput & alia membra vaporibus replentur. Ideoque danda opera, vt aluus quotidie respondeat.

Quod nisi fiat, lenioribus medicamentis id procurandum. Et cum sæpe accidat, vt membrum aliquod vitiosum habitum contraxerit, vnde quotidie aliquid materiæ ad caput transmittitur, atque inde Catarrhi & alij morbi excitantur; in tali casu sæpe requirit necessitas, vt fonticulus excitetur; quod commodissimè fit in brachio, vt materia illa propiore via euacuetur.

*Ventri-
culi in
catarrho
ut habè-
da ratio.*

In specie, vt supra etiam *part. i.* dictum, si ventriculi frigidioris vitio materia catarrhi subministratur, ventriculus cibo & potu non est grauandus; neque ea assumenda, quæ vapores & fumos multos in caput emittunt. Ideoque nec generosa vina bibenda, nec raphanus, coepe, porrum, sinapi, & id genus alia vsurpanda: Item viscida, lenta, pituitosa vitanda. Condiendus verò cibus aromatibus, macere, caryophyllis, nuce moschata, saluia, roremarino, maiorana; & post cibum semen coriandri, anisi, foeniculi saccharo incrustata, & alia supra proposita sumenda. In vsu tamen aromatum obseruandum, medicamenta ea moderatè vsurpanda, vt cibum saltem condiant, non verò caliditate epati & renibus noceant; sanguinèque acrem generent, aut caput imbecillum petant. Roborandus quoque ventriculus medicamentis cum internis, tum externis, quæ suo loco proponuntur.

Epatis.

Ventriculo suum officium rectè faciente etiam Epar melius habet. Ipsi tamen quoque, si opus sit, succurrendum. Sit ergo in intemperie calida Epatis vsus frequens hordei; Cichorium sæpe vsurpetur, vt & species diarrhod, Abbatis & similia. Ita si pars aliqua alia, vt lien vel yterus materiam catarrho suppeditet, ad eam primum, præcipuè in præseruatione à catarrho, curatio dirigenda est.

Diæta.

Medicamentis hætenus propositis Diæta respondeat, *Diæta.*
 necesse est. Aër sit temperatus, & in Catarrho frigidus non *Aër.*
 nihil calidior. Venti Austrini & Aquilonares vitentur, &
 subita omnis modò ad frigidum modò ad calidum muta-
 tio. Nocet etiam cibus copiosior; vnde Celsus dimidium *Cibus &*
 de consueto demit. Vitentur, vt antea etiam dictum, cibi *potus.*
 concoctu difficiles, vaporosi, acres, excrementitij. Coena
 parca sit. Quanquam enim nonnulli contrarium statuunt;
 tamen non solum experientia constat, coenam lautio-
 rem catarrho obnoxiiis parùm commodam esse, sed idem quo-
 que ratio suadet. Si enim parùm cibi assumatur, natura
 facilius & rectius in humoribus vitiosis noctu & in quiete
 coquendis occupari potest; neque tot vapores & halitus
 in cerebrum attolluntur, qui per somnum vt in vigiliis
 ita discuti non possunt, sed in capite retenti Catarrhum
 augment. In secundis mensis ad vapores reprimendos vile
 est fumere aliquid de carne cydoniorum, vel pyris coctis,
 item coriandrum & tragemata supra *part. i.* proposita. Ab
 omni potu caput vehementer replente abstinendum. In
 nostris tamen regionibus frigidioribus & crapula nostro-
 rum hominum moderatus vsus vini concedi potest, vt au-
 ctus calor natiuus Catarrhi maturationem promoueat.
 Cereuisia non contineatur in vasis valde picatis. Post ci-
 bum neque legere neque scribere iubet Celsus, *libro primo*
capite quinto.

Somnus sit moderatus; nec eorum consilium audien-
 dum, qui catarrho laborantibus vigilias præcipiunt. Vigi-
 liæ enim cruditatem pariunt. Dormiendum itaque mode-
 ratè, sed non de die; nisi quis forsàn diu somno meridia-
 no assuetus sit, aut noctu vigilauerit. Diurnus enim som-
 nus, & qui à cibi repletionem initur, caput replet. Quæ au-
 tem forma decubitus & situs capitis esse debeat, mox
quest. 2. dicetur.

Q V Æ S T I O I.

An Cerota & Emplastra à simo columbino & thapsia in
Catarrho calido conueniant?

Galenus 5. m. m. cap. 13. de Catarrho calido cum impetu
 K k k 2 ruen-
 te,

ruente, & sanguinis sputum excitante, cum metu exulcerationis pulmonum agens, historiámque curationis, quam in nobili foemina Romæ peregerat, narrans, inter medicamenta ab initio adhibita etiam mentionem facit ceroti ex fimo syluestrium columbarum, quod vertici imposuit; nec non eius, quod ex Thapsia parauit. Idem ex Thapsia cerotum etiam *cap. 14.* proponit. Idem cerotum in catarrho, vbi de pulmonum exulceratione metus est, proponit Aëtius *tetrabib. lib. 2. serm. 4. cap. 60.* Paulus Ægineta *lib. 3. cap. 31.* qui tamen illud non statim initio proponit, sed vbi aliis remediis malum non cessit. Habet idem remedium Auicennas *lib. 3. Fen. 10. tract. 3. cap. 6.* qui ipse tamen etiam non statim initio, sed vbi alia remedia non profunt, illud adhibet. Alexander tamen Trallianus *ex allegat. cap. 13. lib. 5. method. med. Galeni* catarrhum illum calidum, falsum, & acrem fuisse, ac caput illius foeminæ intemperie calida laborasse colligens, reprehendit curationem propositam, eo nomine, quod nullo refrigerante & humectante medicamento vsus Galenus statim ab initio siccantia & calefacientia adhibuerit, quibus caput calidius redderetur, & catarrhi acrimonia adaugeretur. Ideoque ipse potius primum refrigerantibus & humectantibus, quæ acrimoniam catarrhi temperent, vtendum censet. Imò ipse Galenus, *6. de tuend. sanit. cap. 9.* medicamentum ex thapsia & sinapi nocere scribit, vbi caput intemperie calida laborat.

Hieronymus Capiuaccius, vt Galenum contra Trallianum tueatur, docet, calefacientia tribus nominibus vsurpari posse, vel tanquam euacuantia, vel tanquam retrahentia, vel tanquam calefacientia: Galenum autem iis vsus potissimum esse, vt retraherent materiam, deinde etiam vt insensibiliter eam discuterent. Quæ responsio si rectè explicetur, locum habere potest. Etenim cum Galenus ipse agnouerit, catarrhum illum calidum & falsum fuisse, nullo modo ad calefaciendum, sed ad catarrhum illum retrahendum vsus fuisse, planum est. Quod verò statim initio ceroto tali vsus est, metus virgentis periculi fecit. Etenim etsi adfuerit in proposito catarrho
intem

intemperies calida, quæ refrigerationem postulabat : tamen plus vrgebat fluxus præceps materiæ ad pulmones, quam caliditas, vtpote quæ iam sputum sanguinis excitabat, & metum exulcerationis pulmonum incutiebat. Et licet nonnihil augetur intemperies capitis & causæ morbiferæ : tamen per hoc remedium maximum periculum declinabatur, quo euitato postea intemperiem capitis & materiæ corrigere licet. Refrigerantibus & exsiccantibus idem præstari non potest. Cum enim sint partium crassarum, tarde operantur, & exprimunt potius humorem, atque effectum, qui statim experitur, non præstant. Si autem destillatio non vrgeat, nec fluxus sit præceps, in intemperie calida à calefacientibus abstinere tutius est : de quo casu intelligendus est locus Galeni, 6. de tuenda sanitate cap. 9. Loquitur enim ibi de destillatione non vrgente, & quæ in latitudine sanitatis accidit.

Q V Æ S T I O II.

Quanam forma decubitus & situs capitis in Catarrho esse debeat ?

De forma decubitus & capitis situ somni tempore in *Forma*
lib. 3. Auicennæ non idem sentire videtur Interpretes. decubi-
 Etsi enim de curatione Catarrhi & destillationis tractans *tus in*
 Auicennas, 3. sen. 5. tract. 1. cap. ult. inter alia quæ de *Catar-*
 somno monet, & hoc præcipit, vt, qui Catarrho sunt ob- *rho.*
 noxij, capite dormiant minimè eleuato, sed potius de-
 misso, declinque puluinari; olim tamen aliter hunc lo-
 cum legerunt, ita nimirum; & oportet secundum omnem
 dispositionem, vt regatur cum eleuatione capitis, & eleuetur
 puluinar.

Verùm enim verò non ita simpliciter hoc nec illud affirmari potest. Etenim situs capitis conueniens eligendus, vel ob materiæ ad caput ascensum, vel ob eiusdem è capite delapsus. Ascensum vaporum quod attinet, scribit Aristoteles, 10. problem. ideo bruta non laborare destillationibus, sicut homines, quoniam brutis calor & humores, qui calorem sequuntur, in armos sese efferant, vnde

per refractionem difiecti partim quidem in ceruicem & caput, partim in spinam & lumbos, & ita non in vnam partem ferantur; cum in homine, qui figuram erectam habet, calor non dispartitus non partim ad anteriora, partim ad posteriora, sed totus ad caput eleuatur, quem humores sequuntur. Hanc Aristotelis rationem etiam in Catarrhis locum habere putat Hieronymus Mercurial. cap. 15. lib. 2. *variar. lect.* & in figura ac situ capitis recto & aleuato plus vaporis & humoris ad caput ferri putat, quam in situ decliui. Verum non satis firma est hæc ratio, & tum solum locum haberet, si vapores & humores liberè instar vaporum in aëre, aut fumorum in furno vel fornace, & non vasis maximam partem conclusi ad caput ferrentur; sed cum per vasa præcipuè adscendant,

Nota.

ratio hæc locum hic non habet; & cum in brutis, tum in homine ex epate ac corde humores & vapores per venas & arterias ad caput feruntur. Imò si humores attendendi sint, cum illi sua natura sint graues, difficilius in erecta figura, quam decliui, caput petunt: vnde rectè scribit Oribasius (quod & experientia docet) *libro 6. collect. in fine cap. 1.* decubitus à pedibus altior caput replere & instrumenta sensuum. Descensum verò Catarrhi quod attinet, distinctione opus est. Si materia iam sit in capite seu ibi genita, seu aliunde transmissa, erecta capitis figura, facilius materia delabitur, quæ grauis est. Ideoque considerandum, vtrum plus vrgeat incommodum, quod partibus inferioribus delapsu Catarrhi infertur; an verò commodum, quod accidit capite sese in inferiora & partes ignobiles exonerante. Si illud plus vrgeat, capite decliui cubandum, aut certè non valde erecto; Si hoc, capite recto. Si tamen adsit difficultas spirandi, quod sæpè in destillatione accidit, caput in lecto sublime habendum est, vt monet Celsus *libro quarto, capite quarto.*

De excrementis cerebri retentis.

Vt excrementa cerebri quandoque copiosius, quam par est, euacuari solent: ita eadem quandoque præter naturam

ram retinentur. E quibus cerebro reteris varia mala, Epilepsia, Apoplexia, carus, & similia oriuntur. Retinentur autem vel obstructis viis, vel dum facultas expultrix officium non facit. Aperiunt verò vias & facultatem ad expellendum, irritant Errhina & Apophlegmatismi, de quibus supra *part. 1.* & hactenus sapius dictum. Topica quoque resoluentia, quæ materiam insensibiliter discutiunt, aliis præmissis vtiliter vsurpantur, de quibus etiam supra dictum.

Si nares sint obstructæ, vnguento aliquo humectante & attenuante superior pars nasi illinatur.

Vt *℥. Ol. amygdal. dulc. amara. adipis gallinæ an. 3. ℞. M.*

Naribus attrahatur aqua maioranæ, in qua semen nigellæ maceratum sit.

Vel *℥. Betonic. maior. viridium an. M. ij. exprimatur*

succus & naribus attrahatur. Infantibus

commodè particula butyri sine

sale magnitudine pisi

naribus indicur.

* *

Kkk

LIBRI



LIBRI PRIMI

PARS TERTIA.

De Morbis ac Symptomatibus, quæ
accidunt organis ac functionibus
sensuum externorum.

SECTIO PRIMA.

De Symptomatibus sensus tactus & dolore Capitis.

CAPVT I.

De stupore & torpore.



VM hætenus morbos, qui cerebro & capiti accidere solent, & symptomata, quæ in actionibus sensuum internorum, & motu voluntario, ut & in excrementis cerebri contingunt, explicauerimus: proximum iam est, ut morbos, qui organa sensuum externorum infestare, & symptomata, quæ in actionibus sensuum externorum obeundis accidere solent, explicemus. Cum verò sensus tactus communissimus sit, & omnibus reliquorum sensuum organis insit, ab eo initium facere libet. Cum verò in tactus organo, ut in aliorum sensuum organi, multi morbi non occurrant, saltem de symptomatibus dicemus. Quæ verò de morbis dici possunt, inter causas eorum proponentur.

Tactus

Tactus autem instrumentum esse membranam, in Institut. lib. 1. cap. 12. monstrauiamus. Læditur autem Tactus, cum imminuitur, vel aboletur, vel deprauatur. Imminuitur & aboletur in stupore & torpore; deprauatur in dolore, de quibus iam dicendum.

Νάρκη & νάρκωσις, Latinis stupor seu torpor, etsi in genere actionum imbecillitatem significat, quo sensu Hippocrates, 6. Epid. comm. 2. *νάρκωσιν γνώμης*, mentis stuporem & hebetudinem dixit, & 6. Epid. comm. 3. text. 1. *νάρκωσιν κοιλίας*, ventris stuporem & segnitiei: tamen in specie sensus tactus & sæpe etiam motus imbecillitatem significat, quam Germani obdormitionem nominant, quæ nihil aliud est, quam inchoata paralyfis, caussarum saltem magnitudine à vera paralyfi differens.

Caussæ.

Caussa continens huius mali est spirituum animalium sensui & motui in parte aliqua destinatorum defectus. Cum enim partes sensui tactus destinatae membranosae sint; patet hinc, subiectum stuporis esse partes, quatenus membranosa & nervosa sunt. Et cum eadem partes suas actiones expediant spirituum animalium beneficio, & spiritibus animalibus denegatis, nulla actio animalis perfici possit: manifestum hinc euadit; proximam stuporis causam esse spirituum animalium defectum, atque ita stupor & torpor erit sensus tactus, nonnunquam & motus, imminutio, vel etiam abolitio, à spirituum animalium defectu orta. Hinc torpor præludium atque initium quoddam paralyfis est. Sensus enim tactus non planè extinctus, sed admodum labefactatus est.

Et quanquam interdum in toto corpore stupor accidat, sicut Brassauol. vt ad Aphor. 9. lib. 7. refert, vidit quendam ab hæmorrhagia narium corporis totius stuporem incurrisse, quem mors excepit, nil proficientibus remediis, & Fernelius scribit, lib. 5. path. cap. 3. vniuersi corporis cutem ex crapula & vinolentia stupore affectam illaeso, motu; refertque etiam Matthiolus, rusticum quendam, cum hasta serpentem prægrandem occidisset, duobus annis postea vniuersi ferè corporis stupore laborasse: tamen rarissimum

hoc est, & plerumque saltem vna pars vel plures stupore afficiuntur.

Causæ ergo omnes, quas nuper in paralyfi recensuimus, & hîc locum habent, quæ saltem hîc sunt minores & leuiores. Deficiunt nimirum spiritus, quia non transmittuntur, vel quia transmissi non admittuntur, vel licet influant, cum ipsa parte malè disposita non vniuntur. Non transmittuntur, vbi vitium est in cerebro, quod rarissimè accidit. Nonnunquam tamen id euenit neruorum principio affecto: frequentius vero accidit vel ipsius partis, quæ stupore laborat, vitio, vel neruorum, per quos spiritus animalis transmittitur. Neque enim in parte affecta causa semper quærenda est, quod empeirici faciunt, habeturque huiusmodi exemplum apud Galenum, *1. de loc. affect. cap. 6.* Occurrit Galeno quidam, medicamentum digitis adhibitum ostendens, dixitque, triginta iam diebus sensum se amisisse, illæso seruato motu, sed nihil auxilij ab impositis medicamentis percipere potuisse. Galenus, cum interrogasset, cuiusmodi remedium adhibuisset, atque intelligeret, ad rem id esse idoneum, causam inuestigare coepit, cur nullum ab eo auxilium consequeretur. Inquirens ergo, quæ præcesserant accidentia, inuenit, atque ex ægri relatione cognouit, eum è vehiculo decidisse, & non multò post digitorum hunc affectum incurrisse. Et cum animaduerneret, in primo exortu nerui post septimam vertebam oriundi causam mali hære, idem illud medicamentum à digitis amouit & dorso applicauit, atque ita sensum in digitis cum multorum admiratione recuperauit. Partis verò ipsius vitio stupor excitatur, cum, licet spiritus animalis influat, constitutio partis siue à frigiditate siue ab occulta qualitate mutata est, à spiritu animali non, vt debet, afficitur, neque vis sentiendi in actum deduci potest. Etsi verò etiam ab externo frigore temperies partis mutari & hoc modo stupor induci possit, sicut ex *1. de loc. affect. cap. 4. & 6.* videre est: tamen quæ narcotica dicuntur, non frigiditate, sed occulta vi & malignitate id præstant, vt de torpedine pisce naturalis historix scriptores referunt, & de rustico, qui

cum

cum serpentem hasta transfodisset, in stuporem totius corporis incidit, historiam ex Matthiolo supra recensuimus.

Plura, quæ supra de causis Paralysis dicta sunt, hic de causa stuporis afferre opus non est. Hoc saltem monendum aut repetendum, neminem rectè stuporis, ut & paralysis, alicuius partis causas omnes rectè inuestigare posse, qui anatomiae gnarus non est, & cognitum non habet, unde quælibet pars nervos suos accipiat: cum sæpe accidat, ut non in ipsa parte affecta, sed loco remotiore, in nervi principio vel eius ductu, causa mali hæreat.

Differentiæ.

Stupor 1. vel simplex est; sensus tactus videlicet solius læsio, vel cum læsione aliqua motus coniunctus. 2. Stupor alius est totius corporis, ac artuum imprimis extremorum; alius certæ cuiusdam particulæ.

Signa Diagnostica.

Affectus ipse ex relatione ægrotantis cognoscitur, qui se vel nullo modo, vel difficulter & obscure ea, quæ tactui offeruntur, percipere conqueritur, plerumque cum debili etiam motu, siue in vna aliqua, siue pluribus corporis partibus. Quæ autem signa causarum sint, ex iis, quæ supra de paralysis dicta sunt, patet.

Prognostica.

1. Stupor si in aliqua parte diu perseveret, in paralysis definit; nonnunquam & in spasmus.

2. Stupor, qui totum corpus occupat, nec euacuationi cedit, & caro quid simile habet, & cui vertigo succedit, malum; quoniam imminentem Apoplexiam nunciat, teste Anicenna. Imò per stuporem ex vehementi spirituum resolutione homo vna die moritur.

3. Stupor in facie torturam oris portendit.


4. Periculosus stupor est, in quo cum sensu simul læsus est motus: & qui diutius perseverat, & qui plures corporis partes cerebròque vicinas obsidet.

Curatio.

Cum stupor ex iisdem causis oritur, in quibus paralysis, quanquam illis leuioribus, curandi rationem similem requirit; nisi quod minus valida hic præsidia adhibentur.

Præmissis

Præmissis ergo vniuersalibus euacuationibus, ac, vbi opus est, particularibus, partem affectam Medici iubent immergere vinaceis calentibus recens expressis; vel lauare decocto saluæ, rorismarini, vel lauendulæ factò cum vino: vel fricare spiritu vini, in quo pyrethr. vel castoreum sit infusum, vel aqua Apoplectica aliqua vel Paralytica, & alia adhibere, quæ de Paralyfis curatione suprà proposita sunt.



C A P V T I I.

*De Doloze in genere.**Dolor.*

Deprouati v. tactus sensus symptomata egregium est dolor, de cuius natura & causis variæ & prolixæ disputationes apud medicos extant; Et dicta sunt quædam hac de re in Institut. lib. 2. part. 3. sect. 1. cap. 6. & sect. 2. cap. 3. quæ hic repetenda non censemus. Necessaria tamen quædam addemus. Monstratum autem eò loci, dolorem esse molestiam, quæ ex sensu & perceptione obiecti ingrati tangibilis oritur; seu, vt Galenus definit, dolorem esse tristem sensationem, in tactu puta. Causam verò proximam esse solutionem continui in parte sentiente seu membranosa: aut, si cui ἀκριβολογείν cum Philosophis libet, repentinam & violentam alterationem à qualitatibus tactilibus, continuum soluentem. Vt ita dolor sit molestia seu sensus tristis à continui solutione partis sentientis; seu molestia ab obiecto confertim & violenter in partem sentientem agente, atque ita continuum soluente ortum habens.

*Doloris
subie-
ctum.*

Subiectum nimirum doloris sunt partes sensu tactus prædictæ, id est, membranosa: vnde quæ pars membranam nullam habet, sensuque tactus prædicta non est, dolore etiam non infestatur. Cum verò sensibus aliis omnibus etiam tactus substratus sit, vtpote quorum organa membranas participant, etiam aliorum sensuum organa dolore afficiuntur, de quò Galenus lib. de differ. symptom.

cap.3. *Maximi dolores sensui tactus contingunt; quippe qui ex aurium phlegmone aliòve affectu eos afficiunt, ij proprij auditus dolores non sunt, sed tactus. Est enim sensus omnium sensoriorum communis, reliqui quatuor sui quisque solius. Ad eundem modum in oculis non raro dolores immodici videntur, tangendi scilicet in his sensu contristato.*

Porro sicut ad sensum quemlibet, ita ad dolorem non sufficit obiecti molesti in organo apprehensio, sed etiam facultas cognoscens & superior concurrat necesse est. Quo enim momento pars sentiens seu membranosa ab obiecto sensibili afficitur, eodem simul facultati superiori & cognoscenti species communicatur, & inde ab eodem seu gratum seu ingratum iudicatur. Si verò facultas cognoscens superior non concurrat, nec obiecti apprehensio, nec dolor fit. Vnde Hippocrat. 2. aphor.6. *Quicumque dolentes aliqua parte corporis dolorem non sentiunt, iis mens ægrotat.* Et qui delirant, cum facultas superior in iis laboret, dolores non sentiunt, nec sapores discernunt. Et sæpe grauiter vulnerati ardore pugnæ & vindictæ mente alio conuersa dolorem non percipiunt.

Refertur autem dolor ad deprauatas actiones, non quod, vt in aliis sensibus deprauatis accidere solet, decipiatur tactus & errèt circa proprium obiectum, & aliquid, quod non est, esse putet; cum quod est calidum, pro calido, quod frigidum, pro frigido, quod asperum, pro aspero accipiat: sed eo modo deprauata actio dicitur, quia non fit secundum naturæ leges, & obiectum organo non est proportionatum. Hinc Galenus, *de differ. Symptom.* cap.3. Tactum in sua functione præter reliquos sensus symptoma *isaispilor* obtinere, dolorem nempe, scribit, id est, extremum & ab aliis actionibus deprauatis suo modo diuersum.

An verò dolor sit ipsa sensio, an molestia inde orta, etiam in Institut. loco allegato dictum, nimirum proprie loquendo, dolorem non esse ipsam sensationem simpliciter, sed molestiam ex sensione ortam; seu, vt Galenus scribit, tristem sensationem, hoc ex tristitia aut molestiam in sensatione aut ex sensatione. Neque enim hic de verbis

tantum

tantum contendendum, neque, vt Galenus *de causſ. ſympt.* cap. 6. ſcribit, refert, an moleſtum, an triſte, an dolorificum, an doloroſum an laborioſum appelles. Sicut nec ſi paſſionem ipſam moleſtiam dicas, an triſtitiam, an dolorem, an laborem.

Quæ ſit proxima Doloris cauſſa.

*Doloris
cauſſa
proxi-
ma.*

De proxima verò doloris cauſſa prolixæ diſputationes extant apud Medicos, vt etiam *lib. 2. Inſtit. part. 3. ſect. 2. cap. 3.* docuimus. Præ cæteris autem duæ magis probabiles ſententiæ ſunt, vna eorum, qui ſtatuunt, ſolutionem continui eſſe proximam doloris cauſſam; alteram illorum, qui ſubitam & violentam mutationem qualitatum actiuarum, ſeu qualitates tangibiles ſubito & violenter in tactum agentes proximam doloris cauſſam ſtatuunt, neque inter ſe duæ iſtæ opiniones multum diſcrepare videntur. Galenus equidem, *1. de ſymptom. cauſſ. cap. 6.* ex Platonis Timæo illud, quod præter naturam eſt, & violenter ac repente nos afficit, dolorem parere ſcribit. Verum cum illius violentæ & repentinæ mutationis, ſi dolorem inducere debet, terminus ſit ſolutio continui, etſi violentam & ſubitam mutationem in organo tactus factam in qualitatibus actiuis pro proxima cauſſa doloris admittamus, tamen determinanda videtur per ſolutionem continui. Tum enim ſubita & violenta facta à qualitatibus tangibilibus mutatio dolorem inducit, cum continuum ſoluit. Vtrumque complexus videtur Hippocrat. *in lib. de locis in homine*, cum ab iis, quibus natura alteratur & corrumpitur, dolores fieri ſcribit; & poſt eum Ariſtoteles, cum *lib. 2. de Anima cap. 12.* τῶν αἰσθητῶν τὰς ὑπερβολὰς φθίρειν τὰ αἰσθητῆρια docet: neque ſine cauſſa. Cum enim vnum & ens ſimul ſint, *1. Phyſic.* & vnum ſine altero non exiſtat, vnitasque perfectionis, multitudo verò imperfectionis comes ſit: certè etiam homo vnum erit, & ad ſanitatem vnitas neceſſaria, qua amiſſa morbi & interitus ſequuntur. Cum verò tactus ad vitæ conſeruationem datus ſit, & ab iis, quæ corpori noſtro proſunt, ſuauiſſime; ab iis, quæ obſunt; malè afficiatur: certè illud, quod corporis noſtri perfectionem euertere natum eſt, ingratiſſimum occurrit.

occurrit. At nihil naturæ, quam vnitatis solutio, infestius, nihil perfectioni nocentius. Ab ea ergo dolor etiam symptoma omnium ingratiſſimum triſtiſſimúmque orietur. Hinc omnia, quæ doloꝛem inferre dicuntur, ideo id præſtant, quod ſuauiſſimam illam gratiſſimámque non ſolùm animalibus, ſed etiam entibus omnibus vnitatem ſoluunt.

Etſi verò vna proxima & immediata eſt doloris cauſſa, *Cauſſa doloris mediata.* nimirum continui ſolutio: tamen ſunt aliæ principales, quæ proximè hanc antecedunt, qualitates nimirum primæ, qualitates ſecundæ, & humorum copia. Qualitates primæ continui ſolutionem non ita manifeſtam efficiunt, ſed ratione contemplabilem. Copia verò & qualitates ſecundæ manifeſtè continuum ſoluunt. Vnde facilè Galeni loca in ſpeciem pugnántia conciliari poſſunt. Aliquando enim proximam doloris cauſſam, quæ vna eſt, proponit, Vt 4. de ſimpl. med. fac. cap. 2. Comment. 3. in libro Hippocrat. de fract. text. 54. lib. de inaquali intemperie cap. 6. 12. method. medend. cap. 7. Aliquando verò non proximam doloris cauſſam proponit, ſed principales, vt 2. de loc. affect. cap. 5. de victus ration. in acutis textu 1. artis medicæ cap. 80. Et ipſe, qua ratione hæc loca conciliari poſſint, docet 12. method. med. cap. 7. Cùm enim dixiſſet, *Naturalis ratio nos docet, Vitium id corporis, ex quo ſit doliſſimum, aut continuitatis diuiſionem oportere eſſe, aut alterationem aliquam,* paulò poſt addit; *illud verò inquirere, an ipſum, quod vehementer ex calefacit aut refrigerat, diuiſionem aliquam continui efficiat, longiore forſitan diſſertatione eget, & vtrumque oſenſum eſt à nobis in Commentariis de ſimplic. medicament. facultat. Verùm, quid agendo, quæ vehementer vel calefaciunt vel refrigerant, doloꝛem inferant, quærere ad propoſitam rem minimè eſt neceſſarium.*

Cauſſæ nimirum doloris tot ſunt, quod tactus obiecta, hoc eſt, quicquid ſupra modum calidum, frigidum, durum, acutum, graue repenè in tactum irruit, organúmque tactus offendit. Hoc tamen & hic monendum eſt, ſolutionem continui, non ſolutam vnitatem, eſſe proximam doloris cauſſam. Fit verò ſolutio continui, dum
pars

pars secatur, pungitur, distenditur, vritur; soluta autem vnitas est, dum punctio, sectio, diuisio absoluta est, & membrum, quod antea vnum erat, diuisum. Fit verò dolor, vt dictum, à continui solutione, non à soluta vnitate. De quo Hippocrat. *de loc. in homine*; *Ij quorum natura corrumpitur, dolore afficiuntur, non quorum mutata & corrupta est.* Et licet inflicto iam vulnere dolor adhuc perseueret: tamen is non est à soluta vnitate, quæ solutione inducta est; sed ex humorum ad partem vulneratam affluxu, qui eam distendunt & irritant, & ita solutionem continui efficiunt; qui dolor etiam tam diu durat, quam diu is humorum affluxus durat.

An omnis intemperies dolorem inducat. Reliqua verò quæ dolorem inducunt, mediante solutione continui dolorem excitant. Ita intemperies mediante solutione continui dolorem inducunt. Sed an omnis intemperies, & quidem sine materia, dolorem inducat, Galenus non idem docuisse videtur. Nam *12. m. m. cap. 7.* saltem quæ excalefaciunt, & quæ refrigerant, dolorem excitare tradit. Idem *1. de sympt. caus. cap. 6.* docet. In Comm. verò *2. lib. Hippocr. de ratione victus in acutis t. 1.* corpora nostra dolore affici statuit, cum calefiunt, refrigerantur, siccantur & humectantur. Idem docet *artis medica cap. 80.* Verum *lib. de inaequali intemperie cap. 4.* ab omni quidem intemperie dolorem proficisci & induci statuit, potiores tamen à calida & frigida, vtpote quæ qualitates efficacissimæ sunt: & *lib. 2. de compos. medic. sect. loca cap. 7.* calorem & frigus vehementissimos facere dolores, siccitatem mediocres, humiditatem nullum statuit.

Verum enim verò intemperies considerantur vel sine, vel cum materia. Si sine materia, tum & calida & frigida intemperies dolorem magnum & euidentem inducunt; siccitas verò moderatum. Humida verò sine materia nullum dolorem inducit; cum repente & confertim naturam mutare non possit, & vnitatem potius conseruet, quam soluat. Si verò intemperies consideretur cum materia, tum à qualibet dolor induci potest, etiam humida, sed partem distendendo.

Differentia.

Sunt autem variæ dolorum differentia, partim ex partibus affectæ natura; partim à causis desumptæ. Præcipuè hæ sunt.

*Doloris
differentia.*

Βαρύς, grauis, Barbaris grauatiuus sic dictus, quod æger veluti ponderis loco affecto incumbētis sensum percipit. Prouenit hic dolor à causa in membro per se sensu destituto, membrana inuoluta, quæ in membris sunt, epar, lien, renes, pulmo. Nam si tale membrorum parenchyma vel inflammatio, vel apostema, vel calculus, vel humor occupet, etsi ipsa caro visceris non sentiat, tamen dum ambiens membrana tenditur, aut deorsum trahitur, fit inde dolor talis grauis.

*Dolor
grauatiuus.*

Πυκνωτικός, Punctorius, qui membranis, præcipuè illis maioribus accidit, eò loci quidem fixus, vbi membrana pungitur, ad magnum tamen spatium circumcirca sese diffundens. Talis dolor accidit in pleuritide, membrana costas succingente inflammata, item in renibus & epate eorum tunicis inflammatis.

*Dolor
punctorius.*

Οξύς, acutus, pungens, Barbaris pungitiuus, punctorio cognatus, cum membrum quasi acu, terebra aut palo impacto perforari videtur, vt interdum in colo intestino accidit, & in Cephalæa quandoque, præcipuè verò calculo aspero in vreteribus hærente.

*Dolor
acutus.*

Οξύδης, mordax, à mordaci humore partes sensiles vellicante. Quò pertinet & pruriens, seu pruritiiuus, qui ab humore acri & falso per cutem diffuso accenditur.

*Dolor
mordax.*

Σφυσιατικός & *Πυκνωτικός*, pulsatorius, in quo æger manifestam sentit pulsationem. Equidem in homine sano solùm arteriæ pulsant, earumque pulsatio sine dolore percipitur: Vbi verò inflammatio oborta est, vel affectus phlegmonodes, vt Erysypelas & abscessus, earum pulsatio cum dolore percipitur, ob angustiam partium, quas arteria, dum attollitur, comprimit. Itaque dolor pulsatorius inflammationis proprius est, sed non omnis, verùm maioris tantum, neque in omnibus partibus. Tria enim ad dolorem pulsatorium efficiendum requiruntur: Primò, vt pars, affecta sit sensu prædita. Secundò, vt arterias habeat.

*Dolor
pulsatorius.*

Tertiò, vt membrum distendatur & maiori ventilatione opus habeat. Vnde neque fit in scirrhis, neque in œdematis propriè dictis, neque in peripneumonia, neque in pleuritide, neque in aliis partibus, quibus vel arteria vel sensus deest.

Dolor
ὀστέινος , id est, Ossium dolor, Barbaris frangitiuus, membranis, quæ ossa tegunt, proprius, qui propterea profundus est, & in intimo corporis sentitur, in quo æger quasi frangi sibi & contundi queritur. Oriturque à flatu aut humore seroso inter os & membranam sese insinuantem.

Dolor
τενσίσιμος , Tensiuus, est membranarum, in quibus nullæ sunt arteriæ, & cutis, ac glandularum, cum inflammatione laborant: capiti etiam sæpe accidit, & quidem à spiritus tenuis & flatuosi copiâ, si citra grauitatem & pulsum fiat. Si verò cum pulsu, membranæ inflammationem; si cum grauitate, humorum multitudinem intra membranas contentam significat. Accidit frequentissimè ob repletionem humoris siue vaporis & flatus. Estque symptoma commune inflammationum & tumorum, imprimis calidorum. Nam venæ, arteriæ & nerui tenduntur, vt per tota membra ab inflammato loco vsque ad alas & inguina tensio percipiatur. Fit etiam in nimia inanitione, cum nerui inaniti & exsiccati versus principium & finem tenduntur. Excitatur quoque dolor ab immodicis exercitationibus, vnde & lassitudines tensiux appellantur, quæ musculorum sunt. Plura de his vide apud Galenum, 2. de locis affect. cap. 3.

Signa Diagnostica.

Dolor ipse, vt molestissimum symptoma, facilè ex ægri relatione & querela cognoscitur. Causæ etiam externæ calefacientes, frigefacientes, secantes, vrentes, distendentes, similisque corpus violenter afficientes itidem ex ægri relatione patefiunt. Internæ verò causæ signis inuestigandæ sunt, de quibus in cuiuslibet partis morbis in specie agetur. ●

Indicationes & curatio.

Doloris
Curatio.

Dolor indicat remedium anodynum, siue dolorem tollens.

lens. Cum autem, vt ex iis, quæ antea de natura & cauſſis doloris diximus, patet, dolor quidem non ſit ipſe ſenſus, ſed moleſtia ſeu triſtitia, non tamen ſit ſine ſenſione: ad ſenſionem autem duo requirantur, ipſe partis ſenſus & animaduertentia, ſeu ſuperioris facultatis concurſus: Si vnum horum deſit, non fiet dolor. Itaque quæ vni horum ſunt contraria, etiam dolori ſunt contraria.

Moleſtæ ſenſationi contraria eſt iucunda ſenſio. Talem autem efficiunt, quæ ſubſtantia ſunt molli, ac blando tepidoque & temperato calore prædita. Vnde Galenus, 7. *meth. med. cap. 6.* balneum aquæ tepidæ ſenſui tactus iucundiſſimum & dulciſſimum eſſe ſcripſit. Et Hippocrates, 6. *Epidem. ſect. 4. t. 8.* cum Medicum ſuauius erga ægrum ſeſe gerere iubet, præcipit, vt mollia tactui offerantur, tanquam gratiſſima. Et Galenus, in *Commentario*, addit, mollia ita tactui eſſe iucunda, vt ſuaues voces auditui. Hinc vola manus cuiunque parti appoſita dolorem mitigat, & vnctuoſa ac pinguiſſima & contactu ſuo & calore tepido ſuauiem pariunt ſenſionem; vt oleum commune dulce, pinguedines animalium temperatæ. Atque hæc ſunt propriè Anodyna.

Anodyna

Senſioni autem contraria eſt ſenſus priuatio. Senſio autem fit, vel ipſo ſenſu ablato, vel anima non animaduertente. Quæ ipſum ſenſum tollunt, naturalem temperiem partis tollunt, aut potius ſpiritus ſenſionis inſtrumentum quaſi ſopiunt ac ſtupeſciunt, & talia propriè Narcotica dicuntur, quæ non niſi ſumma neceſſitate urgente & cautè adhibenda ſunt. Narcoticis ſubſtitui poſſunt Hypnotica; cum in ſomno omnes ſenſus ceſſent: modò Hypnotica non ſint ſimul Narcotica. Aliàs enim nulla inter ea eſſet differentia.

Narcotica.

Hypnotica.

Animaduertentia tollitur, dum æger ad alia objecta auocatur, quæ attentionem requirunt. Sic ſuauiſſima colloquia, cantus ſuauiſſimus, inſpectio rerum iucundarum, animi aliò auocando dolorem leniunt. Hinc etiam doloribus duobus corpus inſeſtantibus maior minorem obſuſcat, & ob iram & animi perturbationem dolor ex inſiſto.

vulnere sæpe non percipitur. Atque hæ genuinæ, quas dolor per se suppeditat, Indicationes sunt, & hæc vera dolorem, quatenus talis, curandi ratio est.

Dum verò alij medicamenta anodyna resoluentia & calida in primo, ac tenuium partium esse statuunt, quæ scilicet euacuent, digerant, rarefaciant, extenuent, concoquant, & æquabile reddant, quicquid in partibus dolore affectis aut humorum acrium, aut lentorum, aut crassorum, aut multorum, tenuibus spiraculis infarctorum, aut etiam vaporosi, aut crassi, aut admodum frigidi spiritus exitum commodum non inuenientis inhærescit, aut conclusum est, ut Galenus, *5. de f. m. fac. cap. 19.* hæc de re loquitur, non propriè anodyna, & quæ omni dolori, à quacunque etiam causa proueniat, communia sunt, proponunt, sed medicamenta, quæ certis causis dolorem patientibus occurrunt. Anodynorum autem, ut & Narcoticorum materia in Institut. *lib. 5. part. 1. sect. 1. cap. 7.* proposita est. Et si inter Anodyna & dolorem lenientia etiam calida in primo recensentur, ab autoribus fit hoc, quia calida in primo non multum differunt à temperatis, neque illos limites semper exactè distinguere facile est. Et licet aliquid materiæ digerant, atque ita remedia causæ dici posse videantur: tamen materiam totam digerere non possunt.



C A P V T. I I I.

De dolore Capitis.

*Dolor
capitis.*

¶ Vm autem dolor omnibus partibus sensu tactus præditis accidere possit, sæpius inter symptomata in variis corporis partibus doloris fit mentio. Hoc loco saltem de dolore Capitis agemus: de reliquarum partium etiam suo loco acturi.

Dolor capitis, Græcis *ῥοιάνη, ἄλγος, ἐπὶ κεφαλῆς*, atque vna dictione *κεφαλαλγία & κεφαλαῖα* dicitur, appellatione à symptomate & parte affecta simul sumpta: Arabibus Soda.

Causſæ.

Cauſſa continens, vt aliorum dolorum omnium, eſt ſol- *Cauſſa*
 lutio continui in partibus ſentientibus, ſeu membranofis *doloris*
 in capite. Remotiores ſunt, quæcunque continuum ſol- *capitis.*
 uunt; quæ partim ſunt externæ, partim internæ.

Externæ ſeu euidentēs ſunt aër calidus ambiens, ſiue à
 Sole talis, ſiue ab igne; frigiditas nimia, flatus & ventus
 aquilonaris & aſtrinus, odor grauior, percuffio iſtus
 & caſus.

Internæ ſunt primò nuda intemperies calida & frigi-
 da. Calida quidem vel intemperiem conciliando, vel hu-
 mores ad caput euocando, vel iam in eo contentos flatus
 diſſoluendo, liquando & extenuando, agitando. Huc fa-
 ciunt vigiliæ, inedia, exercitatio, & motus corporis atque
 animi nimij, qui humores exagitant, extenuant, caleſa-
 ciunt, & in feruorem agunt. Frigida verò condenſando,
 adſtringendo, dum fuliginofa excrementa retinet, calorem
 naturalem intrò agit, ſpiritus incendit, aut in repletis
 per aſtrum capitibus excrementa retinet, in corpore ve-
 rò puro digerit & diſſipat per accidens. Quæ enim ſingu-
 læ intemperies capitis cauſſas habeant, ſuprà *part. i. cap.*
2. 3. 4. dictum.

Deinde materia peccans ſeu qualitate ſeu quantitate.
 Qualitatis vitia in materia ſunt exceſſus caloris & frigoris,
 acrimonia, malignitas, vt in lue venerea & febribus mali-
 gnis. Quantitas *πλεονεξία* ſeu *περιστήν* materiæ parit, quæ
 aut humores boni æquabili analogia redundant, vt in ple-
 thora; aut vitioſi & prauī, vt in cacochymia, quarum
 vtraque obſtructionis meatuum in capite cauſſa exiſtit, &
 vaſa diſtendere ac membranas comprimere ſolet.

Eſt autem materia illa aut humor aut vapor ſeu flatus.
 Ac interdum vapor ſeu flatus ex pituita viſcida copulis
 membranarum, pericranij ſcilicet, & duræ matris, inter
 ſuturas inhærente genitus, ita craſſius & validus eſt, vt *Suturariis*
 præter inſignem dolorem, quo affligit, etiam copulas il- *capitis*
 las membranasque diſtendendo compaget ſuturarum cra- *diſtenſio*
 nij relaxet. Cui malo mulieres non inepta ratione ſaſciis *& rela-*
xatio.

caput vinciendo consulunt; etsi superstitiosa nescio quæ mensuratio sæpe accedat. Nam & Hippocrates *in libro de ijs, quæ in medicatr. fiunt, sub finem ὑποκειµενα* nominat, quibus ossium capitis in futuris Ἀλγιστον, atque hinc natum dolorem sanare docet; Et Galenus 2. *de loc. affect.* c. 7. *βαρβαρικῆς Ἀλγιστου*, meminit ex Archigenis sententia in Cephalalgii citra phlegmonem, cuius usus erat, ut compressione sua affluxum humorum & vaporum ad caput impediret, & efficeret, ne arteriarum in temporibus pulsu vehementiore caput concussum magis doleret, sicut dolere solent partes affectæ, dum mouentur.

Vermes

& calculi in capite.

Cæterum & hoc obseruatum est, acerbos quoque capitis dolores extitisse à vermibus in ipso genitis. Cuius exemplum ab Hollerio memoratur, ut & à Francisco Hildesheimio *in specilegio*. Videatur & Schenckius *lib. 1. obseruat.* 82. 83. 84. 85. Tandem calculos in cerebro genitos intolerabiles capitis dolores excitasse compertum est, ut apud Kentmannum in libello de lapidibus videre est.

Affligitur autem caput dolore à materia, hoc est, ab humore vel vapore, vel per ἰδιωπάθειαν vel per συμπαθειαν.

Dolor

capitis

per essentiam.

Per ἰδιωπάθειαν & per essentiam, quando materia continuum soluens, doloremque creans in ipso capite consistit, genita ibidem & cumulatæ ex imbecilla aut vitiosa nutrimenti concoctione, ob cerebri & partium capitis ἀδύνηαν & δυσχεροίαν. Et omnino si caput debile fuerit, ad dolorem cum ab externis tum internis causis contrahendum paratius est. Scribit quoque Galenus, 6. *Epidem. comm.* 1. *aphor.* 3. acuta capita, in quibus dentium positus immutatus videtur, ut inferiores è regione superiorum non sint, sed veluti reuulsum ac distortum os videatur, doloribus assiduus conflictari.

Nota.

Per consensum.

Per συμπαθειαν, quando materia ad caput fertur, siue ea attracta à dolore aut calore, siue ad caput imbecillum transmissa à partibus aliis robustioribus, idque motu vel critico vel sympomatico. Transfertur autem à toto corpore, ut in febribus vapores, in plethora boni humores

in

in tachoymia prauī; vel ab aliqua parte, vt imprimis à ventriculo, è quo per oesophagum vapores fursum ad caput ascendunt: ab epate item vapores & humores; vt & à liene, vtero, renibus, intestinis & genitis in his vermibus, per venas & arterias, & per coeca quoque corporis spiracula. Caput enim veluti tectum fumosæ domui impositum excipit, quæcunque ab imo effumant, fursumque feruntur, vnde illud affici necesse est à partibus inferioribus, vel à toto etiam corpore, per connexionem vasorum, quæ in vniuersum corpus sunt dispersa, vt supra etiam lib. 1. cap. 6. dictum.

Fit hæc sympathia καὶ κενωσιῶν partium inferiorum, quæ vapores aut humores capiti ab iisdem communicantur; cum alia καὶ ἀμυλίων fiat, ratione vicinitatis partium dolentium, vt thoracis, faucium, scapularum, alia denique καὶ σὺμφυσι, vt à spinalis medullæ affectione aliqua, & partium cæterarum, quæ vel tunicas à membranis cerebri, vel neruos sensus causâ ab ipso cerebro accipit.

Atque ita caput consensum habet cum omnibus ferè corporis partibus, etiam remotissimis, pedibus nempe, adeo vt vel minima dolente facillè illud simul compatiatur. Fitque frequentissimè iste consensus cerebri spinalisque medullæ & neruorum beneficio. Consentit verò maximè cum ventriculo ob neruos insignes à sextâ coniugatione prodeuntes.

Hinc affecto stomacho ilicò simul etiam ipsum cerebrum in consensum trahitur, & afficitur: Sicut contra cerebrum affectum ventriculum in consensum trahit, vnde delirantes, stupidi vel alio cerebri morbo grauiore affecti nihil appetunt, & si illud ob contusionem & percussionem grauiorem commotum sit, mox ægri vomitus incurrunt molestos, sæpe etiam periculosos, qui non nisi sanato cerebro sisti possunt. Quemadmodum & cum vtero, cuius læsio vertiginem & alios cerebri affectus inducit, in primis autem grauissimos capitis dolores, vaporibus illuc transmissis, excitat, quos è regione capitis dolente, tanquam signo certo, à doloribus ex ventriculo obortis distingui posse Laur. Ioubertus cap. de Cephal.

docet, vbi scribit, se experientia frequenti cognouisse, dolores Capitis à ventriculo obortos magis anteriorem capitis partem offendere; dolores verò ab vtero, verticem & occiput. Et doctissimus Langius *lib. 1. epist. 49.* idem ferè testatur, quando refert, se illud plusquam centies expertum fuisse, in hystericarum & quauis vtèri affectione, solum verticem capitis prope futuram coronalem, vbi mulieres glaciei frigus & pondus se sentire fatentur, vtero affecto lege quadam confortij condolere. Quod (inquit) si obseruaueris, ad discernendum, quando caput per matricis consensum doleat, tibi plurimum proderit. Quod quomodo accipiendum sit, & quæ eius sit ratio, supra *lib. 1. part. 1. cap. 6. in questione* diximus.

Differentiæ.

Differentia doloris capitis.

Differentiæ dolorum capitis sumuntur ab obiecto & causa efficiente; qua ratione dolor alius est acer & perforans, excitatus, ab humore aut vapore bilioso vel adusto, membranas mordicante; alius grauans, qui *κεφαλαία* dicitur, à pituitosorum humorum copia, vel à plethora, vel ab ebrietate; alius distendens, à flatuum vel mitiorum humorum abundantia, inter caluariam & pericranium, vel inter caluariam & duram cerebri membranam; alius pulsans, à tenui biliosoque sanguine, vel à spiritu redundante, quo fit, vt arteriæ impletæ ac distentæ vehementius pulsent, membranasque concutiant, quibus continentur ac fulciuntur.

Deinde à parte affecta, vbi dolor aliàs totum caput occupat, aliàs partem eius duntaxat, dextram vel sinistram, anteriorem vel posteriorem. Qui totum caput aut maximam eius partem obsidet ac recens est, nec ægro consuetus vel diuturnus nec ita vehemens, ex quacunque causa oriatur, *κεφαλαλγία* dicitur. *Κεφαλαία* verò, qui inueteratus ac vehemens est, leuicula occasione exacerbatur adeò, vt nec strepitum aut vocem, nec splendorem lucis, nec odores fortiores, nec vehementionem paulò motum, nec vini potum ferre æger valeat, sed quietem ac tenebras amet. Arabes ouum ac passionem Galeatam appellant. Atque hic dolor vel cōtinuus est & curatu difficilis, vel per interualla, tanquā paroxysmos, recurrit & inualescit, vt in epilepsia & mor

& morbis periodicis nonnullis aliis, qui vel sunt ordinati, certis diebus septimanisve, vel manè, vel sub noctem redeunt, vel inordinati, qui omni tempore redeunt, præsertim autem tum, quando à causa externa exacerbantur. Qui verò dimidiam capitis partem affligit, *hæmigrævia* dicitur, atque hic etiam vel recens est, vel inueteratus, siue causam fixam in cerebro habeat, siue aliundè communicatam. Frequenter tamen per sympathiam sit hypochondriorum, & ex intervallis reuerti solet.

Postremò à loco aut situ doloris, qua ratione dolor alius est externus, alius internus. Externus pericranium obsidet, & in superficie percipitur, ad radices capillorum, manûsque pressu exacerbatur. Internus ad tactum mitescit, præsertim si sit sine distensione. Vterque eo usque aliquando intenditur, ut ad oculorum radices pertingat. Quanquam n. Galenus, 3. de loc. aff. c. 9. interiores solum dolores capitis ad radices usque oculorum pertingere scribat: tamen & à pericranio oculorum cauum succingi Fernellius affirmat.

Signa Diagnostica.

Causas evidentes Medicus vel sensus, visus nempe tactusque, iudicio cognoscet, vel ab ægro & adstantibus de iis certior fiet; nisi fortè mens quoque ægri laboret. Evidentes causæ si nullæ præcesserint, coniecturam facere oportet, dolorem ab interna aliqua extitisse. Ac ab intem-
Signa
doloris
capitis.
perie nuda caput dolebit, sine sensu grauitatis, tensionis, punctiōis, morsus. Si à materia dolor capitis excitabitur, & quidem à vapore, vel spiritu flatulento, tensio aderit sine grauitate, & punctio per intervalla, atque alia signa supra part. 1. c. 7. enumerata. Si verò ab humore dolor erit, sensus percipietur grauitatis, & dolor erit stabilior. Quæ verò intemperies causa doloris sit, quæ item materia, ex iis, quæ supra part. 1. de signis Intemperierum capitis cum & sine materia dicta sunt, patebit. Peccant verò hæ causæ magis qualitate, si nec tensio, nec grauitas adsit, sed sensus tantum præter naturam caliditatis, frigiditatis, siccitatis. Magis verò quantitate seu copia, si dolor cum tensione & grauitate sit coniunctus.

Cæterùm exactè definire, vtrum in dolore capitis afficiantur membranæ cerebri, an cerebrum ipsum, vel partes huic vicinæ, id adeo necessarium ac vtile ad curationem Galenus *in fin. 2. de loc. affect.* esse non putat; cum semper remedia capiti applicentur. Dolor tamen punctorius membranas cerebri affligi indicat, qui si cum magna pulsatione sit, inflammationis argumentum est, arteriis, quæ membranas cerebri intexunt, tenui feruidoque sanguine impletis ac distentis. A cæteris circa cerebrum partibus dolor potius cum grauitatis sensu existit.

Signa doloris à vermibus.

Signum doloris capitis à vermibus est dolor cum rosione quadam, & cum pruritu in naribus.

Capitis primario dolentis signa. Per consensum signa.

An autem caput per se an per consensum afficiatur, sic discernitur. Proprius & primarius capitis dolor est, vbi læsio in aliqua cerebri functione, siue principe, siue sensus & motus ministra deprehenditur, cæteris extra caput membris præter naturam haud affectis. Dolor verò per consensum fit, quando caput per se sanum & bene valens aliunde malè afficitur. Præterea dolor primarius plerumque continenter & sine intermissione fatigat; per consensum verò ingrauescit & mitescit, prout intenditur vel minuitur affectus in parte, à qua malum capiti communicatur, teste Galeno *in fine 2. de loc. affect.* Quod si tamen in primario capitis affectu materia per interualla in capite gignatur, dolor primarius interualla quoque sua habebit: sicut contrà dolor per consensum continuus esse potest, si genita extra caput in parte aliqua materia continenter ad caput feratur. Sed de his, & à qua parte materia doloris causa capiti communicetur, dictum est supra *part. I. cap. 5. & 6.* Hoc saltem adhuc monemus; præter alia signa etiam consideranda esse, quæ ab ægri temperie, ætate, idiosyncrasia, sexu, habitu corporis, consuetudine, vitæ genere, anni tempore, coeli statu sumuntur, vt in quacunque doloris capitis specie de eius causis coniectura certior capi possit.

Signa doloris capitis ex vrinâ.

Morbi quoque, qui dolorem capitis comitantur, & vrinæ in iis signa hic præbere possunt. Nam quibuscunque vrinæ in febribus turbatæ sunt, qualis iumentorū, iis dolor capitis

capitis adest vel aderit 4. *aphor.* 70. Nam ex agitatione & feruore humorum per febrem spiritus flatulentus vnà cum calore promptè ad caput attollitur, qui dolorem ibi concitat. Si etiam vrinæ, quæ in morbis claræ minguntur, non facilè turbantur, signum est doloris capitis; quoniam calor naturalis debilis non separat crassa à subtilibus; & qui præter naturam calor adest, vapores calidos de materia crassa resolutos sursum ad caput secum effert. 4. *aphor.* 17. Bullæ paruæ per coronam vrinæ sparsæ capitis dolorem adesse significant. Eritque dolor acrior, si bullæ illæ aureæ aut citrinæ fuerint; mitior, si albæ; diuturnus, si diu permanéant. Fernelius *de urin. cap.* 16.

Prognostica.

1. Dolor capitis in cute vel pericranio capitis ab externa causa excitatus, aut si ab interna à flatibus vel à materia non admodum copiosa & crassa, vel ab intemperie, quæ in habitum nondum abiit, oriatur, facilius curatur, quam qui meninges obsidet, vel à contrariis causis ortum habet.

2. In doloribus capitis minus periclitantur ægri, quàm in doloribus aliarum partium; vt aurium, oculorum, dentium, coli, perioſtij, ab osse auulsione, eò quod cerebrum per se sensus expers est, teste Galeno, 1. *de caus. sympt. cap.* 8. Propterea Galenus in 2. *de compos. medic. secund. loca cap.* 1. inquit; ob capitis dolorem vehementem neminem vnquam aut syncope correptum fuisse, aut se ipsum occidisse, quemadmodum quidem coli dolore vexati fecerint: quod tamen ita intelligendum est, quatenus dolor non alios grauiores affectus accersit.

Dolores corporis qui periculisiores.

3. In vehementi capitis dolore cum febre acuta, si vrina alba & clara cõspiciatur, malum est. Significat enim bilem sursum ad caput ferri, vnde inflammatio metuenda est, ad quam delirium sequi solet, teste Galeno in *lib. de urin. c.* 5.

4. Dolor capitis fortis subito delitescens, non sequente alleuatione per crisin, est lethalis: quia cerebri læsionem virtutisque animalis destructionem significat.

5. In vehementi capitis dolore extrema frigescere, malum est. Ob vehementiam enim doloris calor naturalis intus

intus retrahitur ad locum affectum, vnde phlegmone facillè excitari potest, ex 4. aphor. 48. & 7. aph. 1. & 26.

6. Si dolor capitis, præsertim circa frontem & tempora, vehemens & continuus fuerit, cum febre acuta, & quarto die signum aliquod perniciosum apparuerit, septimo die mortem portendit, vel paulò post: si contra signa salutaria sese quarto die ostenderint, septimo crisis futura est. Quod si verò ante vigesimum perniciofa signa adfuerint, dolor tamen capitis cum febre ultra id tempus perseuerauerit, tum sanguinis è naribus eruptionem, aut ad diuersas partes abscessum expectare oportet, teste Hippocrate 3. *Prorrhet. aph. 11.*

7. Caput vehementer dolenti pus vel aqua vel sanguis per nares, os & aures effluens, febrem soluit, teste Hippocr. 6. *aph. 11.*

8. Quibus ex morbo partium inferiorum conualescentibus dolor capitis vehemens superuenerit, si non præcedat excretio manifesta, iis in cerebro futurus est abscessus, morbi materia ab inferioribus ad superiora conuersa 4. *aphor. 32.*

9. Qui in doloribus capitis æruginosa vomunt, & cum furditate vigilant, ij citò vehementer insaniunt, ob collectam in cerebro bilem adustam, & consensum orificij ventriculi cum cerebro. 1. *Prorrhet. com. 1. aph. 10.*

10. Capite dolentes & catoche detenti ac delirantes cum intercepta aluo & ferociente intuitu, facièque impensè rubentes, opisthotono corripuntur. 1. *Prorrhet. com. 2. aphor. 56.*

11. In capitis dolore coma & furditas, & hypochondriorum tensio, & corporis incontinenens iactatio, parotides vel abscessus ad aures significat, ex raptu materiæ ad superiora, 1. *Prorrhet. comm. 3. aph. 26. & 77.*

12. Dolores capitis ex parotidibus, aut alia quacunque causa cum febre acuta, si in die non critico soluantur, aut repentè euanescant, inutiliter soluuntur. Significat enim *μετάστασις* seu translationem materiæ ad alias partes, teste Galeno 1. *Prorrhet. comm. 3. aphor. ult.*

13. Quibus capitis dolores fiunt, & sonitus aurium sine febre,

febre, & vertigo, & vocis surditas & manuum torpor, ij aut apoplectici aut epileptici, aut obliuiosi fiunt, ex pituita crassa & viscida in cerebro & nervis cumulata. Hippocrates, in Coac. prædict. tota parte, quæ de dolore Capitis agit.

14. Quicumque sani capitis dolore repente corripiuntur, & statim obmutescunt, ac stertunt, ij intra septem dies pereunt, nisi febris valida corripiantur, teste Hippocr. 6. aph. 51. Apoplexia enim significatur ex spiritus flatulenti aut humoris crassi copia, nervorum principium obstruentis; quam materiam febris concoquere & dissolvere solet.

15. Quicumque in febre non lethali dixerit, sibi caput dolere, aut præ oculis obscurum quid apparere, si cardiogmus accesserit, ei biliosus vomitus expectandus erit; præsertim si rigor partium infra hypochondria superuenerit. Quibus verò in eiusmodi febre caput dolentibus visus hebetudo contingit, aut splendores ob oculos observantur, & pro cardiogmo aliquid tenditur in hypochondrio dextro aut sinistro, neque cum dolore, neque cum inflammatione, iis sanguis è naribus fluxurus est, 3. prognost. aphor. 30.

*Hæmorrhagia
sutura
signa.*

16. Vterum gerentibus capitis dolores soporosi cum grauitate obuenientes, mali sunt. Fortassis autem his etiam conuulsium quid pati contingit, 1. Prorrh. com. 3. aph. 11.

17. Si dolor capitis non ab initio ægritudinis affuerit, sed circa tempus criseos affligere coeperit, & spiratio repente facta sit difficilior, retractis hypochondriis, & pulsus tumeant, & arteriæ in temporibus pulsent, & genæ vel nasus rubicundior sit, ac spontaneæ lachrymæ adsint, aut splendores ante oculos versari videantur, & æger manibus nares scalpat, nonnunquam etiam delirium accedat, ex humoris ad superna motu, tum sanguinis per nares fluxum expectare oportet, teste Galen. in fin. lib. 1. ad Glaucon.

18. Dolor capitis vehemens & assiduus, qui nullis præstidiis cedit, metum affert securitatis cœcitatibus, ob fluxum humoris ad oculos. Rhaf. in 9. ad Almansorem.

Indicationes.

Indicationes sumuntur, vel à dolore ipso, vel à doloris causis,

A dolore, qui per se anodynum indicat, sumpta indicatio non attenditur, nisi is adeò vehemens sit, vt curatio- nem ad se trahat, quod fit, quando vigiliis continuis & inten- sis vires prosterñit. At tùm, vt dictum, postulat reme- dium anodynum, idque quod aut verè tale est, si dolor ipse sit remissior, aut sic tantum appellatum, si dolor sit inten- sior. Vtrùmque tale sit, capite præcedente dictum.

A causis doloris indicationes sumptæ dolorem vna cum causâ auferre, partique integram sanitatem resti- tuere docent. Si nimirum causâ doloris sit externa & eui- dens, remoueat illa, ne malum foueat vel augeat. Si in- terna sit, eaque intemperies, per oppositionem contrarij mutetur; si materia sit, seu intemperies cum materia, ma- teria illa euacuanda, reuellenda, repellenda à capite, vel si fixa ibi hæreat, discutienda; intemperiesque temperan- da, & caput roborandum, sicut hæ indicationes supra *part. I.* propositæ sunt.

Curatio.

*Curatio
doloris
capitis.*

Dolorem itaque tanquam anodynum mitigat succus aut mucilago maluæ vel althææ cum oleo rosar. vel cum lacte muliebri capiti applicata; emulsio amygdalar. dulc. decoctum flor. chamæmel. melilot. sem. foenugræc. panis è tritico lacte tepido madidus, ol. chamæmel. anethin. commune cum vino albo tenui.

*Opium
cerebro
& nervis
nocet.*

Si hæc non sufficiant, & dolor ac vigiliæ inualescant, veniendum est ad hypnotica & narcotica, vt sunt lactuc. nymph. solanum, mandragora, capita papauer. opium. Pro- grediendum vero est à mitioribus ad valentiora & opiata. Atque talia narcotica non applicetur futuræ coronali, quo loco facile ad cerebrum penetrare possunt, nec occipiti, vbi principium est neruorum & spinalis medullæ, sed fronti. Cerebrum enim & nervi opium & narcotica sine damno non ferunt. Si intrinsecus quoque ob doloris vehementiam iis vti requirit necessitas, cautè propinentur, & bene cor- recta, vt *Philonium Romanum*, *Tryphera magna*, *Requies Nico- lai*, *Pilula de cynoglossa* à *Đ. j. ad Đ. ij.* & præcipuè *Laudanum opiatum* ad *ġ. ij. vel iij.* Tèpus vtendi huius est, si dolor vehe- mèter vrgeat, vt spes non sit illud euacuatione prius, vel per

venæ

venæ sectionem, vel per pharmacum purgans mitigatū iri. *Doloris capitis ab intē- perie cu- ratio.*
 Quomodo autem causſæ doloris tollendæ ſint, & qua ratione intemperies nuda, vt & cum materia, ſcilicet cum ſanguine, pituita, bile, melancholia, flatu, per primarium cerebri affectum & per conſenſum, tollendæ ſint, ſupra part. 1. dictum, quæ hic repetere opus non eſt. Hoc ſaltem monemus, vt in topicis eligantur ea, quæ ſimul ſunt anodyna. In intemperie frigida hoc Epithema commendatur.

℥. Pulv. Zedoariæ ʒ. j. Aq. beton. verbenæ, ſambuci an. ʒ. j. M.

Verbenæ vis.

In omni etiam dolore capitis tanquam ſingulare medicamentum commendatur aqua verbenæ deſtillata, quæ & capiti extra applicatur, & pondere ʒ. iiij. vel v. cum ſpir. ſalis gutt. iij. aſſumitur. Imò amuleti loco eadem viridis collo appendi poteſt, quo remedio miraculi inſtar ægrum quendam, qui nullis alijs remedijs, quantumvis optimis, ſiue internis ſiue externis curari potuerit, reſtitutum fuiſſe refert Foreſtus, l. 9. obſeru. 52. Poteſt etiam eadem herba in coronæ modo circumponi, vel cum roſaceo & aceto applicari. Alij amuleta ad capitis dolores enumerantur ib. in ſcholio.

Amuleta.

Si verò dolor capitis ortum habeat à calore externo, qualis eſt Solis, balnei, ventorum australium, quam cephalagiam *ἡ ἑρπυγίων* veteres nominarunt, Galenus, 2. de comp. med. ſ. l. tit. 3. caput inſtigidantia adhibet, quæ ſi aſtuali ſua frigiditate minus præſtant, quam præſtare debebant, vltèrius illa refrigeranda vel demergendo in aquam gelidam, vel circumponendo glaciem. Ita enim fieri affirmat, vt non ſolum calor in capite excitatus tollatur, ſed humores etiam & vapores, qui ad caput fortè impetum faciunt, deorſum in corpus truantur, vbi diſcuti poſtea facilè ſiue à natura ſiue ab arte poſſunt. Qualia autem iſta ſint, & quomodo applicari debeant, ſupra part. 1. cap. 1. dictum.

A calore Solis.

Quod ſi dolor capitis exiſtat à caſu vel ictu, ſitque ſola contuſio abſque vulnere & cranij fractura, præmiſſa reuulſionis gratia phlebotomia, aut clyſtere, aut vtroq; caput raſſi inſigatur oleo roſaceo & myrtino mixtis, & aſpergatur pulvis

A caſu vel percuſſione.

puluis rosarum siccarum & myrtillorum ad prohibendam inflammationem, quam febris & delirium comitari solent.

Vel ℞. *Pulu. myrtill. ʒ. j. nucis cupress. sumach, balaust. rosar. rubr. an. ʒ. ii. ol. rosac. vel chamemel. q. f.* F. Cataplasma.

In fine ad discutiendum & resoluendum addatur absint. schoenanth. farina lentium, fabarum. Laudatur & vnguentum è matrifylua, quod materiam foris è capite attrahit. Si verò cranium vel fractum vel contusum esse suspicio adsit, curatio instituatur, vt supra *part. i. cap. 21. & seq.* dictum.

*Doloris
Capitis
ab ebrie-
tate cu-
ratio.*

Dolor capitis ab ebrietate, etsi præsidia medica mereri non videatur: tamen quia ebrius grauissima symptomata accidunt, qualia sunt delirium, vertigo, tremor, conuulsio, apoplexia & denique mors ipsa, vt *ex 3. sect. problem. Aristot. & ex 5. aph. sect. 5.* constat, planè negligi non debet. Perficitur autem materiæ euacuatione & à capite repulsione & intemperiei, si quæ inducta est, alteratione. Itaque si crudum vinum in ventriculo fluctuat, æger mox euomat. Post repellentibus vtendum est, vt *ol. rosac. cum aceto*, aut cum *hederæ & brassicæ succo*. Vel imponatur hoc *oxyrrhodinum*.

℞. *Aq. rosar. optim. ʒ. iv. chamemel. flor. sambuc. persicor. anethi an. ʒ. ʒ. succ. rosar. ʒ. vi. acet. rosac. ʒ. ii.* M. pro Oxyrrhodino.

Vtatur etiam medicamentis calorem à vino temperantibus.

Exempl. gr. tale detur Electuarium.

℞. *Conseru. rosar. ʒ. iii. acetos. ʒ. i. rob. ribes, rad. condit. cicchor. an. ʒ. ʒ. spec. diamargar. frigid. corall. rubr. præpar. an. ʒ. i.* Cum *syrup. acetos. citri*, F. Electuarium.

Inprimis *syr. de succo citri*, vt & *granator. vel Julep.* ex iis cum *aq. conuenientibus* paratus extinguit calorem à potu vini contractum & vapores deprimat.

Quod si dormire nequeat, fricentur pedes & manus sale & aceto. Tandem alatur cibus boni succi, moderatè refrigerantibus & vaporum ad caput ascensum prohibentibus, vt *ptisana hordeacea*, pullis gallinaceis cum agresta
vel

vel lactuca, pyris coctis, cydoniis conditis, & in fine mensæ de puluere coriand. sumat cum saccharo.

Quod autem vulgo persuasum est, vini noxam vini potu deleri, id in iis locum habet, qui ob ventriculi imbecillitatem ex frigiditate vinum hesternum & moderatè assumptū integrè non cōcoxerunt, vnde crudi halitus ad caput mittuntur. Talibus n. Hippocrates vini meraci cotylam seu heminam, qui dimidijs sextarius est, propinat *in fine 2. Epid.* vt coctio nutrimenti iuuetur, cruditates corrigantur, & vapores crudi in capite discutiatur. Iisdem etiā ieiunium nocet, cū vaporum sursum ascendētium copiam & acrimoniam augeat, quos cibus assumptus reprimat & mitigat. Et omninò, si quis ob copiam aut vitium alimēti cruditatem patiat, parū iterum alimenti sumere, quod melioris sit substantiæ, cruditatem aufert. Natura enim noui alimenti aduentu coctionem aggreditur, & quam antea nō valuit perficere, noui alimenti accessu coctionem perficit. Nam crudum, quod superingestum in cruditate nocet, id tātū est, quod iterum quantitate ventriculi vires superat: At quod in pauca quantitate sumitur, naturam ad coctionem iterum reuocat, & cruditatem corrigit, non nocet.

Vltimò, si à vermibus in capite contentis sit dolor, quomodo is curandus sit, ex iis, quæ *par. 1. c. 18.* dicta sunt, patet: & omnino quomodo causæ omnes doloris capitis tolli debeant, ex iis, quæ *par. 1.* dicta sunt, manifestum euadit.

De Κεφαλαία & ημικρανία.

In specie saltem aliquid de Cephalæa & Hemicrania dicere libet. Vterque hic affectus diuturnus & *δυσλυστος* est, nisi quod alter caput totum, alter partem eius duntaxat alteram occupat. Quanquam Hemicraniæ vocabulū etiam de recenti dolore dimidij capitis vulgò vsurpetur. A Cephalagia verò differt, non causis & signis, sed causarum magnitudine & pertinaciā. Nam in Cephalæa & Hemicrania dolor non solū diuturnus, sed adeo quoque vehemens & grauis, vt æger in tenebris & quiete contineri cupiat, leuique occasione dolor ita exacerbatur, vt tanquam malleo percuti caput & frāgi ac diuelli æger existimet. Quemadmodum Galenus scribit, *in 2. de Com. med. secundum loca c. de*

An vini potus vini noxā tollat.

Dolore capitis à vermibus curatione.

Cephalæa & Hemicrania.

Cephalæa, & in 3. de locis aff. c. 9. Malum hoc foeminas frequentius affligit, teste Aureliano ob diligentiam in alendis & ornandis capillis.

Quoniam igitur *Cephalæa* ex confirmata aliqua capitis intemperie, aut ex copia crudorum & crassorum humorum caput replente & obstruente, vel vapores quoque continenter eò mittēte, aut ex acrium humorum in alto capitis residentium morsu, aut denique ex pericranij & meningum cerebri diuturna quadam affectione oritur: facile est, intelligere, iisdem præsiidiis ac remediis hīc utēdum esse secundum caussarum diuersitatem, quibus in *Cephalalgia* differentiis & intemperiebus capitis cum materia; fortioribus tamen, diutiùsque & frequentius, ob caussarum vehementiam & contumaciam maiorem. Neque differenda est huius mali curatio. Nam ex vigiliis delirium & insaniam sæpenumero affert. Sequi etiam solent cæcitates, apoplexiæ, epilepsiæ, paralyfes, lethargi, & similes affectiones capitis grauissimæ. Itaque euacuationes omnis generis vniuersales & particulares hīc conueniunt, & reuulsiones ac topica, prout conditio materiæ & affectio vel totius, vel capitis solum & loci in capite requirit.

Si plethora adsit, phlebotomia quoque fiat, & *Cephalica* aperiatur. Tandem & vena frontis secetur, vel pariu venæ aperiuntur, & cauteria applicentur. Imò nonnulli etiam arterias aperiri suadent, de quibus omnibus supra *par. I.* dictum. Vtile etiam est in inueterato hoc malo decoctum ligni Guaiaci vel chinæ, vel sarsaparillæ, vel ligni sassafras, quorum formulæ supra etiam propositæ & passim extant.

Diæta.

Diæta medicamētis respōdeat; quæ qualis esse debeat, supra *de Intemper. capit.* dictū. Sicut autē in omni dolore capitis vitāda sunt, quæ ipsū replēt, aut sua acrimonia cerebro molesta sunt, qualia supra *p. I. c. I.* enumerata sunt: ita alimētis semper admisceātur, quæ cerebrū natura sua roborant, quo in genere sunt rosmarin. maior. salu. foenic. nux moschata, caryoph., & ex frigidis rosæ & violæ. Sōnus denique immoderatus in omni capitis dolore improbatur, præsertim meridianus, & qui à cibo statim capitur. Hic enim caput insigniter replet.



LIBRI PRIMI

PARTIS III.

SECTIO SECVNDA.

De Oculorum & Visus morbis ac Symptomatibus.

CAPVT I.

*Continens Nomenclaturam affectionum, quæ
oculis accidunt.*



Um Symptomata, quæ tactui, vt sensui
communissimo, accidunt, proximè expli-
cauerimus: iam etiam, qui reliquis sensibus
& eorum organis accidunt morbi & symp-
tomata, dicendum. Cum autem inter sensus
externos faciliè primas obtineat visus, ab eo

faciemus initium, & primò morbos, qui oculo accidere so-
lent, proponemus; deinde de variis visionis læsionibus &
aliis symptomatibus, quæ oculis accidunt, dicemus. Ersi ve-
rò oculus parua corporis pars est: tamen vix vlla alia est,
quæ tot morbis sit obnoxia, & ingentibus ac variis casibus
oculi natura patet, vt Celsus, *lib. 6. cap. 6.* loquitur. Cum au-
tem, vt idem Celsus subiicit, magnam partem ad vitæ
vsu & dulcedinem conferant oculi, summa cura tuendi
sunt, ideóque etiam de eorum affectionibus præter natu-
ram diligentius agemus.

*Oculus
variis
morbis
obno-
xius.*

Et primò quidem morbos oculi quod attinet, de iis acturus Medicus omnino oculorum naturalem constitutionem cognitam habeat, necesse est: quæ qualis sit, ab Anatomicis cognoscendum, & præcipuè Iul. Casserio Placentino, *de sensuum organ. lib. 5.* & Hieronymo Fabritio ab Aquapendente, *lib. de oculo, visus organo.*

*Oculi
partes
duplices.*

Oculus autem dupliciter consideratur; primò & propriè, vt ex iis partibus, tunicis, humoribus & nervis, opticis scilicet, quæ ad visum proximè conferunt, constat; deinde vt etiam eas partes connexas habet, quæ siue propter eius custodiam, siue propter commodiorem eius vsum adiectæ sunt, quomodo etiam ad oculum pertinent cilia, palpebræ, muscoli. Atque posteriore hoc modo de oculo agit Galenus, *4. de comp. medi. sec. loca*, quæ & nos sequemur.

*Morbi
oculi
quosdam
plures.*

Atque ita diuidemus morbos oculi in tres classes. 1. Sunt morbi partium, quæ oculis quasi tegumento & munimento sunt, palpebrarum puta: 2. Sunt morbi, qui singulis partibus, quæ oculos constituunt, & ad eos pertinent, accidunt. 3. Sunt morbi totius oculi.

*Palpe-
brarum
vitia.*

Primò palpebrarum vitia quod attinet, sunt ea: Tumor, *εμφύσημα*, seu inflatio palpebrarum; densitas, asperitas, callositas, scabies, palpebrarum, Græcis *πύκνωμα, τραχύτης, δασύτης, σκληρώσις, πυλώσις*; *ψωροφθαλμία*: Tumores & tubercula palpebrarum, *ὕδατις*, verrucæ, *κρίθη*, hordeolum, *χαλάριον*, grando, *λιθίασις*, nodi & excrescentiæ; *ἐκτεσίονι*, palpebrarum inuersio, & *λαγροφθαλμία* vel *λαγρόφθαλμος*: palpebrarum inter se & cum aliis oculi partibus coalescentia & cohærentia, *ἀγκύλωσις* & *ἀγκυλοβλεφαρον*, cancer palpebrarum, liuor palpebrarum ex percussione, *φθιρίασις*, vbi in palpebrarum pilis pediculi nascuntur: *φαλάγγωσις*, *τριχίασις*, vbi pili inutiles, & oculos pungentes in palpebris nascuntur, *διτριχίασις*, vbi duplex vel multiplex pilorum ordo nascitur, *μεταύρωσις* vel *μίλωσις*, pilorum palpebrarum defluuium, *πύλωσις*, palpebrarum crassities cum pilorum defluuiio.

Symptomata, quæ motui palpebrarum accidunt, sunt oculos aperiendi impotentia, & *ἱκπη*, tale vitium, quo palpebræ instabiles perpetuò niçant.

Interdum

Interdum quoque res externæ oculis incidunt, quæ sub palpebris hærentes oculos infestant.

Deinde singulæ oculi partes suos morbos habent, & primò quidem tunicas quod attinet, Adnatæ seu coniunctivæ morbi sunt *ἀράξις*, *ὀφθαλμία*, *χέματος*, pannus, *πτερυγιον*, vnguis seu vngula.

Adnata tunica vitia.

Adnatæ cum palpebris communes morbi sunt, *σκληροφθαλμία* & *ζυροφθαλμία*.

Corneæ tunicæ morbi sunt color vitiosus, albugo, pustulæ & vlcera varia, quæ secundum varias circumstantias, varia nomina accipiunt, *ὀπίπυον*, quando pus sub cornea continetur, ruptura corneæ.

Corneæ vitia.

Adnatæ & corneæ communia vitia sunt, *ὀπίσθαιγμα*, seu suffusio, aut suggillatio, pannus, vulnera, pustulæ, vlcera.

Vuæ tunicæ morbi sunt *προπίπυον*, seu procidentia, quæ varia nomina pro varia ratione accepit.

Vuæ vitia.

Pupillæ morbi sunt *μυδρίασις*, pupillæ dilatatio, *σθίσις*, pupillæ angustia, *ὀπόχυμα* pupillæ obstructio, & humoris præter naturam inter corneam & crySTALLINAM collectio.

Pupilla vitia.

Habent & anguli oculi sua vitia, quæ sunt pruritus, *αἰγίλωψ*, *ἐγκανθίς*, cum caro augetur, *ὄζος*, tumores scirrhusi.

Angulorum vitia.

Humoris CrySTALLINI vitia sunt glaucoma, exsiccatio, diminutio, situs mutatio.

CrySTALLINI vitia.

Nervis opticis accidunt obstructio, coarctatio, ruptio, conuulsio.

Nervi vitia.

Spirituum opticorum vitia sunt, dū sunt obscuri, crassi, imminuuntur, aut deficiunt. Pertinent huc splendores nocturni, dum lumen oculis noctu obuersatur.

Spirituū opticorū vitia.

Musculorum vitia sunt, cum vel conualluntur, vel laxantur.

Musculorum vitia.


Toti verò oculo accidunt, *ἀπρόπια* seu imminutio, *ἐκπίπυον*, seu procidentia, strabismus, vulnera, cancer, tumores.

Totius oculi morbi.

Atque hi sunt morbi oculorum. Symptomata quod attinet, & primò actiones læsas, cum oculus sit videndi organum, huc pertinet omnes visus læsiones, *ἀμαύρωσις*, *αὐβλυνία*, visus hebetudo, lusciositas, cæcitas, visus deprauatus,

Symptomata oculorū.

vt Nyctalopia, *παρόρασις*, strabismus, cum vna res duplex apparet, cum res omnes inuersæ apparent. Et cum, vt commodior visio fiat, oculi etiam sint motu præditi, in motu quoque accidunt symptomata; paralysis & conuulsio. Et cum oculus etiam tactu sit præditus, sæpe etiam dolori obnoxius est. Cum etiam vt aliæ partes nutriantur oculi, in nutritione obtingens vitium est atrophia. Deinde in qualitatibus mutatis est color præter naturam. Tandem excrementorum vitia sunt Epiphora & lachrymæ, *λάρμαι*, lachrymæ cruentæ. De quibus iam ordine dicemus.



De Morbis & Vitiis palpebrarum.

C A P V T II.

De Tumore Palpebrarum, Emphysemate & Inflatione earundem.

Palpebrarum officium est oculos clausos ab externis iniuriis tueri, & tempore somni lumen arcere: vbi verò aperti sunt, præstare, vt oculus species visibiles admittere possit. Vnde palpebræ facultatem habent, qua motu voluntario moueri possunt, præsertim superior, vt scilicet oculi aperiri & claudi possint, quotiescunque libuerit. Hinc palpebræ proprios musculos habent, & nervos, qui spiritum animale aduehant. Quapropter symptomata, quæ palpebris accidunt, præcipue in motu læso erunt. Morbi v. qui iis accidere possunt varij, sunt, quos alij aliter recēsent. Cōmodissimè tamen sequēti modo enumerari & appellationibus distingui posse videntur.

Inter eos primò est Tumor. Tumor autem palpebrarum aliquando à causis externis ortum habet, vt contusione, ictu vespæ, apīs, aranæ, vel similis insecti, à contactu vrticæ; aliquando ab internis, ab humore aut vapore vel calido inflammationem aut exulcerationem pariente, vel frigido palpebras inflante, qui tu-

mor

*Tumor
palpebra-
rum.*


mor ἐμφύσημα & palpebrarum inflatio appellatur.

Et quidem hoc malum alias à cauffis externis excitatur, nonnunquam affectus alios fequitur, vt apofte-
ma in locis circa oculos & genas, lethargum, carum, item cachexiam & hydropem, quæ fingula fuam curationem peculiarem requirunt. Plerumque ophthalmiæ grauiori fuccedit, quando tumor ita increfcit, vt palpebræ vix claudi poffint.

Si à cauffa calida fit tumor, locum habent medica-
menta, quæ in ophthalmia vfurpari folent, de quibus pofttea dicetur; Quale etiam eft ophthalmicum, quod in curatione ophthalmiæ Rhafes præfcripfit, atque primum eft inter ocularia illa remedia.

Εμφύσημα verò, quod eft tumor laxus fine dolore οἰδή-
ματι fimilis, ab humore aquofo ac ferofo ortum habens, ac-
cidit in febribus diuturnis, vigiliis, in cachexia, hydro-
pe, lethargo, caro, & propterea curatur morbis iis, qui-
bus coniungitur, fublatis. Fouere tamen licet palpe-
bras decocto florum chamæmeli, rutæ cumini; vel
inungantur palpebræ oleo chamæmel. anethi, rutæ. vel
melle.

Si à vefpæ vel apit ictu tumor fit, remoto aculeo, lami-
na ferrea imponatur, donec dolor è punctione euaneſcat;
pofttea refoluentia adhibeantur: vel apit ipfa contrita im-
ponatur. Si ab aranæ punctura tumor fit, theriaca, vel
mithridatium imponatur. Si à contactu vrticæ vel alia-
rum rerum calidarum, inungatur palpebra oleo rofarum,
vel fucco plantaginis aut femperuiui cum oui albumine.



C A P V T I I I.

De Trachomate, Densitate, Aſperitate, Calloſitate
& ſcabiæ Palpebrarum.

Ράχμα, τραχύτης, δασύτης, σκληρότης, τρυφή, ψα-
ροφθαλμία, Densitas, Aſperitas, Calloſitas, ſcabies Pal-
pebrarum, etſi vt diſtincti affectus ab autoribus proponi
ſoleant;

soleant: tamen cum communes causas & communem generationis modum habeant, & solum gradibus differre videantur, omnes hos affectus hoc capite coniungemus: sicut etiam nonnulli alij Medici sub communi *παραμα-
τι* nomine eos comprehendunt. Cum enim palpebræ continuò, dum aperiuntur & clauduntur, supra tunicis oculi externis moueantur, membranæ verò illæ leues & exquisito sensu præditæ sint; etiam palpebræ intus molles & leues esse debent, vt faciliè & absque molestia supra oculorum tunicis moueri possint. Quæ earum constitutio naturalis cum in omnibus affectibus nominatis mutetur, etiam communi *παραματι*, seu asperitatis nomine omnes comprehendendi solent.

Τράχυμα autem est internæ palpebrarum partis asperitudo cum rubedine & pruritu; nonnunquam & cum pustulis seu tuberculis semina ficus vel milij referentibus, ab acri & salso humore ortum habens.

Et primò quidem dum materia hæc pauca est, saltem asperitatem quādam & pruritum excitare solet, cum molestia quadam in parte interiore palpebræ, præsertim cum mouetur, ad quam frictio sequitur, & ad hanc copiosioris materiæ attractio, vnde scabies succedit. Affectio nimirum hæc est morbus in superficie & in continui solutione; cui symptomata accedunt, pruritus & rubor.

Causæ.

Causæ. Proxima est humor adustus, mordax & salsus, siue sit sanguis adustus, siue bilis, siue pituita salsa, siue humor serosus, salsus, siue bilis atra. Plerumque tamen à mixto in massa sanguinea humore hoc malum excitatur. Possunt etiam hoc malum inducere collyria nimis acria, nimis diu adhibita.

Hinc ad malum hoc faciunt humores acres falsi in capite collecti, aut hinc inde fluentes, & quæcunque ad talium humorum generationem faciunt, vt cibi falsi, &c.

Differentia.

Recensentur autè huius affectus tres species seu gradus.

Primò

Primò enim cum palpebræ, si inuertantur, quasi densiores & inæquales apparent, affectio ea, ut Aëtius ex Setuero, *te- trab. 2. serm. 3. cap. 43.* tradit, *Δαύσις*, Densitas palpebrarum nominatur, in qua palpebræ intus rubent, inæquales & asperæ sunt, ac pruriunt.

*Trach-
matis
differen-
tia.
Densitas
palpebra-
rum.*

Secundus gradus est, cum iam maior est affectio, & non solum densitas & inæqualitas in palpebris inuersis apparet; sed manifesta iam asperitas & rubor, adeò sit intra eam emineant, quasi grana ficus immaturæ, unde Græcis hæc affectio *σύνκωσις*, Latinis ficsa palpebra nomi-

σύνκωσις.

Tertius gradus est, quando iam inueterauit vitium, & pars interna palpebræ exulcerata est, ac scissuram & callositatem contraxit, Græcis dicitur *πύλωσις*, Latinis callositas palpebræ. Germani vocant, *den Ascherschutt*, quia mulierculæ credunt, malum hoc ex cineribus, ex quibus lixiuium paratum fuit, generari, si nimirum quis ad locum illum, in quo tales cineres asseruantur, inopinatè deuenit.

πύλωσις.

Adjungenda est his *Ψωροφθαλμία*, scabies palpebræ. Quamquam enim à Trachomate eiusque speciebus in eo differat, quod non solum pars palpebræ interna afficitur, sed tota palpebra, præsertim versus oculorum angulos, cum pruritu rubet, aspera ac scabiosa est, & exulceratur: tamen cum eundem generationis modum habeat, eam hic coniungere libet.

*Psoroph-
thalmia.*

Signa Diagnostica.

Si palpebra inuertatur, rubea apparet & aspera, ac veluti ficus semen vel milij grana eminere videntur. Si à sanguine est, maior adest rubedo sine magno pruritu: si à bile; minor rubedo, & maior pruritus, ac pustulæ parvæ apparent; si à pituita salsa, maior est pruritus, & maior ferrosi humoris copia exit: si à bile atra, rubedo est obscura, asperitas maior, & quod effluit, liuidum est.

Prognosticum.

Τερίχως in primo gradu curationem suscipit; *σύνκωσις* raro; *πύλωσις* raro aut nunquam & maxima cum difficultate.

*Curatio.**Curatio.*

Totum corpus & caput, prout hic vel ille humor peccat, conuenienti modo primò euacuandum est, materia à capite auertenda, & si materia per venas & arterias externas fluat ad oculos, repercutientia inter initia in fronte & temporibus adhibenda, vt supra *parte. I.* dictum.

Deinde adhibeantur Topica; primo quidem emollientia & intemperiem partis alterantia, atque acrimoniam humorum temperantia; postea verò abstergentia & exsiccantia vsurpentur.

Ad emolliendum instituaturs fomentum ex decocto hordei, violarum, radic. althææ, semin. fœnugræc. & simil. faciem super vaporem conuertendo, aut pannū linteum duplicem hoc decocto madidum supra oculos aliquoties ponendo.

Vel ℥. *Maluæ, betæ, portulacæ, an. M. j. acetosæ M. s. flor. rosar. rubr. meliloti an. p. j.* Coquantur in aqua, cuius vapore mane & vesperi oculi foueantur.

Vel ℥. *Endiuie, portulacæ, dentis leonis an. q. s.* contundantur & cum albumine oui & modico oleo rosat. misceatur & oculis imponantur; Vel succus horum expressus imponatur. Hoc enim modo pars refrigeratur, mala intemperies tollitur, & acrimonia humorum temperatur. Vel linteo aqua rosarum, taraxaci, acetosæ & oxylapathi madido oculus sæpe foueatur.

Ad abstergendum, quæ primo loco leniora, postea fortiora esse debent, vtilia sunt, *Sacchar. candum, crocus, aloë, ruta, Gum, alumen, camphora & similia.*

Vt ℥. *Vnguenti pomadæ 3. s. lutie aqua rosar. lotæ, sicc. albi an. 3. s. Vitrioli Romani 3. s. F.* Vnguentū pro palpebris.

Vel ℥. *Fol. rutæ, chelidon. maior. flor. cyani an. M. j. Vitrioli, aluminis an. 3. s. camphor. 3. j.* Affundatur aquæ agrimonix & vini albi an. q. s. Stent in infusione per biduum, postea destillantur in Balneo.

Fortius est hoc: ℥. *Aqu. flor. cyani, chelidon. an. 3. iv. sem. rutæ 3. s. Vitrioli albi 3. ij. viridis æris 3. s.* Coqu. in vase clauso, postea colentur.

Vel ℥. *Æris vsti, cadmiæ lotæ, cerussæ lot. an. 3. j. aloës, myrrh. an. 3. s. sal. ammoniac. flor. æris an. 3. s. M. F. Puluis subti*

subtiliss. & conficiatur inde cum melle Linimentum pro palpebris.

Fortius est sieff rubrum Rhafis; mitius rubrum Mesue, in quo Vitriolum omittitur.

Sarcocolla quoque in lacte nutrita, & cum succo chelidon. mixta, ac palpebris illita, pruritus tollit.

Diligenter verò in horum vsurpatione attendendum, *Cautio in palpebris curandis observanda.* ne fortius, quàm ex vsu est, vim suam oculis imprimant. Et proinde si dolor ac rubor intensior sequitur, dies aliquot ab hisce remediis abstinendum. Sæpe, cum recens malum est, sufficit parum aloës cum aqua rosarum mixtum & palpebris illitum, vel myrrha cum lacte mulieris dissoluta, vel vnguentum rosatum Mesue cum pauxillo tutiæ, præparatæ mixtum adhibitum.

Vbi malum medicamentis hætenus expositis non cedit, frictionem palpebræ præcipiunt, & ægrò supino iacente, palpebram inuertere iubent, eamque foliis ficus aut parietariæ, aut cum saccharo cando, aut cum spuma maris, vel ossa sepiæ fricare leniter, & quidem eo vsque, donec sanguis prorumpat, & granulosa substantia absumatur; postea oculum aqua rosarum tepida abluere. Rhases instrumenti meminit, quod *diuision. l. i. cap. 22.* Rosam nominat, Græcis *βλεφαρόζων* dicitur, à cuius vsu palpebram abluit aqua cum paucis aceti mixta, & alia administrat, quæ citato loco videantur.

Ad scabiosas, rubras & exulceratas palpebras post vniuersalia remedia utilis est in principio fomentatio cum decocto rad. oxylapathi, acetosæ & maluæ. Postea: *Scabies palpebrarum.*

Aq. pimpinell. chelidoni. oxylapathi an. ʒ. ix. alumin. vsti, camphoræ, oculor. cancri præp. an. ʒ. ʒ.

Coq. & aqua ista de die bis vel ter palpebra scabiosa abluatur.

• Forestus feliciter vsus est linimento ex vnguento rosato, adjecto pauxillo tutiæ præparatæ.

Vel ʒ. butyri sine sale ʒ. j. aqu. rosar. ʒ. ij. terebinth. ʒ. j. albumen oui vnius, Conquassentur diligenter, donec commisceantur: Vel ʒ. Vnguent. rosat. ʒ. j. saponis Veneti ʒ. ʒ. ʒ. vini ʒ. j. sarcocoll. aloës epatic. an. ʒ. j. M. in mortario.

Vel

Vel ℥. Mellis ʒ. ij. succini, aloës epat. an. ʒ. ij. cortic. granator. aluminis an. ʒ. j. M. pro vnguento.

℥. Cadmiæ, aq. rosar. lotæ ʒ. ʒ. sanguin. dracon. ʒ. ij. viridis æris ʒ. j. aloës epatic. ʒ. iiij. F. Pulvis subtilis, cui adde olei communis ʒ. iiij. pinguedinis porci sine sale ʒ. ij. M. omnia diligenter & addatur camphoræ ʒ. j. F. Linimentum.

Plura eiusmodi medicamenta videantur apud Aëtium, *tetrabibl. 2. serm. 3. cap. 43.* & Cornelium Celsum, *lib. 6. cap. 6.*
§. *Ad oculos scabros collyria.*

Diæta.

Aër, in quo æger degit, sit temperatus & ad obscurum potius, quam lucem vergens, ventus, pulvis ac fumus, & eiusmodi externa alia oculos lædentiæ videntur. In diæta etiam videntur omnia, quæ humores acres & falsos gi- gnunt, & quæ vaporosa sunt, tam ex cibis, quam potu: vestimenta circa collum non nimis angusta sint, monente Auicenna, ne sanguis & vapores sursum exprimantur. Facies non continenter prona seruetur: Decubitus non sit depressus.



C A P V T I V.

De Tuberculis, Nodis & aliis palpebrarum tumoribus.

Ydan's, Aquula.

*Tubercu-
la palpe-
brarum.
Hydati-
des.*

¶ Olent etiam varij tumores & tubercula in palpebris oriri; Inter quæ primò est *Ydan's*, aquula, seu palpebrarum aquositas, Germanis, *Massergall* oder *Massergevvechs*; substantiæ illius vinctuosæ in palpebra superiore tale incrementum, & pondere suo palpebram ita grauans, ut vix attolli queat, humorem perpetuò fundens & aquam inter cutem in palpebris repræsentans. Etenim cum palpebra superior duabus membranis constet, earum medium vinctuosa atque viscosa occupat substantia, qua palpebra alio

alioquin sicca nonnihil emolliuntur. Hæc substantia in quibusdam, præcipuè pueris, vt natura humidioribus, ex seroso humore incrementum sumens *videnda* generat, & palpebra aquam intercutem repræsentat, ac si digitis comprimatur, iique subito remoucantur, vestigium compressionis remanet, & quod inter digitos fuit, attollitur, humoremque palpebra, præsertim horis antelucanis, fundit; neque Solis radios oculi sustinent, sed lachrymas fundunt.

Si malum sit recens & paruum, sæpe sponte euanescit, vel medicamentis faciliè curatur. Si verò tumor sit maior & diuturnus, ac peculiari membrana iam includatur, non nisi manus opera tollitur.

Nonnulli incipientem hunc tumorem manè saltem ieiuna saliuâ illinunt. Aut foueatur decocto absinthij, flor. chamæmeli & semin. foenugræci. Hinc imponatur Emplastrum ex diachylo simpl. & ammoniaco aceto dissoluto, cui add. pauxillum salis ammoniaci & radic. ireos.

Commendatur & hoc vnguentum :

℞. *Pinguedin. talpæ* 3. iij. *℞. ol. sambuc.* 3. ij. *℞. cineris ungulæ asini* 3. j. *thuris, mastich, mercurij mortificati, cerussæ an.* 3. *℞. M. F. Vnguentum.*

Vel ℞. *mellis despumat.* 3. vij. *olei è nucibus pinus* 3. *℞. ol. ouorum* 3. ij. *farinæ fabarum, pulu. rad. cappar. an.* 3. *℞. F. Vnguentum.*

Si verò hic tumor sit durior nec medicamentis cedat, curatur manus opera, vt nodi & aliæ in palpebris excrescentiæ, vt dicetur.

Verruca.

Verrucarum genera omnia, quæ in aliis partibus generari solent, in palpebris etiam interdum oriuntur. De quarum generatione, differentiis & signis suo loco dicetur. Hic saltem pauca de curatione dicemus.

Verruca palpebrarum.

Ad Acrochordonas, seu verrucas asperas & penfiles vtile est hoc linimentum.

℞. *Pingued. ardæ* 3. v. *olei oliuar.* 3. j. *℞. apum vstarum* 3. j. *cineris murium* 3. *℞. F. Linimentum.*

Vel ℞. *olei hyperic.* 3. *℞. per deliquium* 3. j. *Misc.*

℞. *Agrim. fol. & radic. viridium* 3. v. *capæ* 3. *℞. Con-*
tun

tundantur simul, postea adde *Ol. lini* 3.vij. *Ol.* \square per dereliquium 3. iij. Contundantur simul, tandem adde *cerussa citrina* 3. ij. Misc.

Ad Myrmecias, verrucas glabras ac sessiles.

\mathcal{L} . *Herbæ cancri*, *radic. capparum*, *ranunculi vrentis*. an. M. ij. *aluminis* 3. j. Comburantur in olla noua in fornace figulina. F. Puluis, qui in vulneratas & apertas nonnihil verrucas prius inspergatur.

Vel \mathcal{L} . *Scilla* 3. iij. *esula* 3. ij. *herbæ cancri*, *rad. chelidon.* an. 3. j. Contundantur & destillentur. F. Aqua, qua verrucæ illinantur.

Ad Thymos. \mathcal{L} . *Mellis* 3. vj. *stercoris ouilli* 3. v. *caprini*, *acetian.* 3. iij. Misce & imponatur.

Hieron. Fabric. ab Aquap. de operat. cheirurg. portulacam tusam, vel sabnam puluerisatam ad verrucas cū ex palpebris tum aliis corporis partibus exterminandas cōmendat.

Kp̃m, HORDEOLUM.

Hordeolum palpebrarū. Kp̃m, Hordeolum, Germanis, *Gerstenforn* oder *Kugenhaber*, Græci etiam *modias*, id est, præputiolum vocant, est tuberculum in summa palpebra succrescens propè cilia, aliquantis per longum, quod suppurascens simile est grano hordei, vnde & nomen accepit.

Ortum habet ab humore pituitoso & crasso cum sanguine mixto, atque in eo, vt Celsus ait, tunica quidam, quod difficulter maturescit, comprehenditur.

Curatur vniuersalibus præmissis, si fomentetur cera candida aut adipe gallinæ, vel salua manè inungatur, aut corpore muscæ, capite abjecto, fricetur, quod à plerisque pro efficacissimo remedio habetur: vel foveatur locus panno calido, aut imponatur galbanum cum modico nitri subactum, vel sagapenum aceto dissolutum; vel foveatur oculus decoct. hordei & flor. chamæmel. & postea sanguine columbino, aut turturis aut, perdicis illinatur.

Vel \mathcal{L} . *Sem. lini*, *sænugræci*, *rad. althææ* an. 3. v. Infundantur per noctem in aqua. flor. sambuc. vt extrahatur mucilago. Huius 3. j. adde *pinguedin. gallinæ* 3. vj. *Ol. lilior. albor. cere. althææ* an. 3. j. β. Coquantur ad humiditatis consumptionem, & F. Linimentum, quo palpebræ inungantur.

Vel ℥. Pingued. gallinæ ℥. j. ol. lilior. albor. chamamel.
an. ℥. j. B. opopanax. galban. aceto dissoluti an. 3. ij. Misce su-
per igne pro Linimento.

℥. Seui cerurni 3. v. ol. lini 3. iiij. cera alba 3. ij. galbani.
ammoniac. an. 3. B. sal. gemmæ D. B. F. Emplastrum.

℥. Thuris, myrrhæ an. 3. ij. ladani ℥. B. nitri, cera,
alumin. an. ℥. j. fecum ol. lilior. albor. q. s. F. Linimentum.

Si suppuratur, nec sponte aperitur, scalpello aperia-
tur, & tumor ac pus exprimatur, & postea medicamentis
conuenientibus curetur.

Si verò his medicamentis hordeolum nec discuti, nec
ad suppurationem deduci potest, sectione tollendum.
Animaduertendum autem, an tuberculum magis versus
exteriolem partem palpebræ, an versus interiorem vergat.
Si enim vergat magis versus exteriolem partem, secanda
palpebra secundum longitudinem versus inferiora. Si verò
magis vergat versus interiorem, palpebra inuertenda,
& tumor secundum latitudinem palpebræ, seu transfuersim
incidendus. Cute aperta tuberculum extrahendum; quod
commodius fit, si tuberculum acu incurua cum filo se-
rico perforetur, postea acu abscissa, vtraque fili extre-
mitate apprehensa tuberculum, quantum fieri potest,
extrahatur, & nouacula vel scalpello à palpebra sepa-
retur, cautè tamen, ne tota palpebra dissecetur. Tuber-
culo exempto, hapsus lini albumine oui in aqua rosarum
dissoluto madidus oculo imponatur: posteriori die, vul-
nus si sit in parte exteriori, oleo ouorum inungendum,
& emplastrum conueniens imponendum: in interiori
verò parte lac virginis, vel vnguentum ex saccharo N. im-
ponendum.

Χανόζιον, Grando.

Cognatum hordeolo vitium est Grando, tuberculum *Graneo*
rotundum, translucidum, atque huc & illuc mobile. Ma- *palpebra-*
teria enim grandinis est magis dura & quasi lapidescens. *rum.*

Curatur emollientibus & discutientibus; quibus si non
cedit, ad sectionem accedendum.

Imponendum itaque ammoniacum aceto dissolutum,
cum adipe gallinæ, vel terebinthina cum cera mixta. Si

per

per medicamenta resoluentia discuti non potest, ad manus operam accedendum, & incisio faciendo, vt de hordeolo dictum.

Lithiasis palpebrarum. Similis ferè affectus est *λίθιασις*, cum in palpebra generantur nodi & excrescentiæ, & aspera quædam corpora, lapidis instar dura & oculos prementia. Generationis & curationis modus idem est, qui hordeoli & grandinis, vide *Aëtium setabibl. 2. serm. 3. c. 79. 80. 81.*

Nodi & Excrescentiæ.

Nodi palpebrarum. Præter hæc tubercula & alij tumores maiores interdum in palpebris oriuntur, quos iuniores Medici vno nodorum nomine complectuntur, Germani *Überbein*, vocant. Græci verò commune nomen non habent, sed vt in aliis partibus, ita etiam in palpebris pro diuersitate materiæ, è qua generantur, & quæ, vbi tumor aperitur, oculis sese exhibet, variis nominibus indignant; *μελικερίδας* nominant, quando vesiculam continent, plenam humore, qui colore & consistentia similis melli est: *παιτώματα* quando id, quod in iis continetur, est veluti adeps: *Ἀγρώματα* quando quasi pulstem continet humor. Pertinent huc & illi tumores, qui Ganglia dicuntur.

Quæ autem causâ horum tumorum sit, dicetur, vbi in genere de tumoribus agetur. Hic solum de curatione dicemus.

Et quidem vbi tumores recentes & parui sunt, medicamentis emollientibus & resoluentibus discuti & tolli possunt, vt:

℞. Medullæ crurum vituli, cere æn. 3. vj. ammoniaci 3. ij. Misc.

Si verò malum diu durauerit & incrementum sumpserit, non nisi sectione & manus opera curatur, & frustra tunc emplastra vel vnguenta adhibentur. Sectio autem hoc modo instituenda. Æger in loco lucido in sedili firmiter, ne manus vel caput mouere possit, contineatur. Hinc cutis super tumore ex vna parte cheirurgi, ex altera parte ministri digitis extendatur (nisi antea à mole tumoris cutis satis sit extensa.) Hinc nouacula acuta cutem palpebræ è parte

è parte superiore versus inferiorem ad tumorem vsque incidunt nonnulli. Sed tutius est, cum Celfo linea transuersa secare, sequendo fibras transuersas, ne illæ incidantur.

Postea acu incurua filum sericum non contortum continente tumor traiciatur, acutque abscissa & filo vtraque extremitate apprehenso, tumor, quantum fieri potest, extrahatur, & hinc à palpebra separetur. In separatione attendendum, vt nec palpebra perforetur, nec aliquid de tumore relinquatur. Tumore extracto albumen oui aqua rosarum dissolut. cum hapslo lini imponatur. Tandem hoc medicamentum ad vulnus conglutinandum adhibeatur.

℥. Ol. Balsamina vel momordica ℥. j. β. hyporic. ℥. j. mastich. ℥. β. Misc. Vide Celsum, lib. 7. cap. 7. Paul. lib. 6. cap. 14. Hier. Fabric. ab aquap. de operat. Chæirurg.



CAP V T V.

De Cancro Palpebrarum.

Interdum & palpebras cancer corripit, quod malum grauissimum & horrendum est. Causam & generationem habet eandem, quam in aliis partibus, de qua de cancro in genere dicitur.

Et si verò malum longè grauissimum & curatu planè difficile sit: tamen ne æger sine auxilio relinquatur, quædam tentari possunt. Si cancer nondum exulceratus sit, corpore conuenienter prius euacuato, hæc aqua vsurpari potest.

℥. Granor. seu baccar. rubrar. solani M. iij. rosar. rubrar. dactylor. an. M. ij. β. absinthij M. j. radic. iridis cælestis M. β. Herbæ omnes virides ac recentes contundantur, & affundantur aqu. solani lb. iv. digerantur ij. diebus & postea in B. destillentur.

Aqua bis de die linteolis oculo imponatur. Si verò Cancer iam exulceratus sit, inspergatur hic puluis.

℥. Erinaceum viuum, rad. sambur. arundin. maioran. testudinum nigra. nemoralium an. M. iij. Comburantur simul in

930 *Lib. I. Part. III. Sect. II. Cap. V. & VI.*
fornace figulina in olla clausa : materia combusta puluerifetur, & puluis cancro inspergatur.

Vel *℥. Rad. cardopatiæ, dracunculi, scropular. an. ʒ. ij. ʒ.*
Cumburantur in olla clausa in fornace figulina ; materia combusta puluerisata similiter cancro inspergatur. Nonnulli & hanc potionem commendant :

℥. Rad. vincetox. ʒ. ij. tormentill. serpentar. sanicul. an. ʒ. j. ʒ. valde bonæ, saluiæ an. ʒ. j. Infundantur horis 24. in cereuisia, postea coqu. colentur, & ægro manè & vesperi cochlearia quatuor exhibeantur.

Quod si medicamentis malum tolli non possit, ad Chirurgiam accedendum, & Cancer sectione tollendus. Qua in re danda opera, vt potius aliquid de parte sana tollatur, quam de corrupta & cancrofa aliquid relinquatur. Postquam cancer exsectus est, sanguis non statim supprimendus, sed vt aliquantis perfluat, relinquendus. Hinc albumen oui cum hapso lini imponendum, & reliqua curatio conuenienti modo peragenda.



C A P V T V I.

De Palpebrarum inuersione, & contractione.

Palpebra **¶** *um in-* **¶** *uersio.* **¶** N situ quoque & connexione palpebræ morbis obnoxix sunt; cum scilicet vel apertæ manent, vel cum non aperiuntur, & inter se vel cum aliis partibus vicinis coalescunt. Prior morbus appellatur *επιστάσις*, palpebræ inuersion, Germani vocant. *Ein blar Auge, oder vberstulpte Augentlieder.* Estque affectus inferioris palpebræ, quæ inferioris palpebræ, quæ inuertitur, & deorsum trahitur, vt internæ palpebræ pars cum deformitate videatur, & instar rubræ carnis appareat, neque cum superiore committitur, sed pender ac hiat.

¶ Causæ huius mali variæ sunt : 1. Incrementum carnis in parte interna palpebræ, ob quod palpebra inuertitur. 2. Si vulnus vel vlcus in palpebra inferiori malè curatum sit, & palpebra in agglutinando nimis versus inferiora retracta

retracta sit. 3. Paralysis vel conuulsio inferioris palpebræ, ob quam attolli nequit.

Curationem quod attinet, si à caussa interna & nimio incremento carnis palpebræ malum superueniat, primò corpus conueniente modo purgandum: Hinc alumen Rochæ in vino coquendum, & palpebra decocto lauanda.

Vel ℥. Aceti vini 3. vj. acaciæ 3. j. alum. vsti 3. ℞. Coqu. & decocto palpebræ pars interna illinatur.

Vel ℥. Vitriol. albi, aluminis, ☐ albi an. 3. j. puluerisentur subtiliter, hinc add. lapid. hæmatit. 3. j. ♂ ij, tutiæ an. 3. ℞. F. Puluis subtilis, quo caro luxurians conspergatur.

Vel ℥. aris vsti 3. ℞. Vitriol. vsti. chalcitidis, myseos tost. an. 3. j. F. Puluis subtilis.

Hinc oculo imponatur Emplastrum Guilhelmi Placentini.

℥. Farin. sem. sænugraci 3. iiij. pulu. flor. chamæmel. flor. rosar. rubrar. 3. ℞. vini rubri q. s. ad incorporandum.

F. Cataplasma, de quo fume q. s. & adde vitellum oui vnus atque oculo imponatur. Hinc puluis aliquis enumeratus palpebræ inspergendus.

℥. ♂ ij, tutiæ, viridis aris, lapid. hæmatit. Litharg. an. 3. j. F. Puluis subtilis, qui per sindonem traiciatur & palpebræ inspergatur. Simul Emplastrum aliquod, quod fortiter adhæret, palpebræ extra imponatur, & palpebræ versus partem superiorem adducatur.

Si medicamentis caro superflua non cedit, & tantum incrementum sumpsit, vt medicamentis faciliè absumi non possit, manus opera adhibenda. Aëtius, tetrabl. 2. serm. 3. cap. 72. modum sectionis hoc modo docet.

Ex interna palpebræ parte duæ sectionis fiant literæ Græcæ Δ figuram habentes, ita vt angusta literæ pars sit infernè versus maxillam, lata verò ad palpebræ marginem. Deinde particula illa cutis Δ figuram referens excindantur, resecta simul etiam subiecta carne: Postea labia incisionis iuxta parte marginis contrahenda. Sic n. incuruata & eleuata palpebra ad interiora remittitur.

Tandem reliqua curatio peragenda, vt loco allegato Aëtius docet.

Alij carnem superfluum duobus vel tribus locis ac incurua filum sericum ducente perforant. Hinc carnem attrahunt & scalpello vel nouacula à palpebra separant. Carne superflua separata aquam istam imponunt.

℞. *Aq. prunor. syluestr.* ℥. iij. *alumin. crudi* 3. vj. *camphor.* 3. ℞. Coqu. in aqua, qua palpebra intus abluatur. Hinc palpebra versus superiora & in naturalem situm reducatur, & albumen oui conquassatum cum hapso lini imponatur. Horis viginti quatuor elapsis ligatura soluatur & vulnus postea lacte virginis, vel alio conueniente medicamento curetur. In curatione ista hoc semper obseruandum, vt palpebra versus superiora semper attrahatur, conueniente Emplastro conglutinante imposito. Qualia passim obuia sunt. Vtile est & hoc:

℞. *Amyli* 3. vj. *farina fabarum*, *pulu. radic. consolidae*, *femin. lini*, è quo oleum iam est expressum an. 3. ℞. *gummi tragacanth. boli armeni* an. 3. ij. F. Puluis, qui in vsu cum albumine oui misceatur.

Si ex vlceris vel vulneris mala curatione fit *ἐκτρόπιον*, cutis palpebræ lunata figura incidenda, vt cornua ad maxillas, non ad oculum, conuertantur. Altitudo plagæ sit ad cartilaginem, ipsa non læsa. Nam si ea lædatur, palpebræ concidit, neque attolli potest. Hinc cutis diducatur, vt paulum in ima oculi orâ descendat, & super plagam hiet. In hiantem plagam linamentum coniiciendum est, quod & coniungi diductam cutem prohibeat, & vt in Medio caruncula generetur: Quæ vbi locum impleuit, postea rectè oculus aperitur.

Si verò à conuulsione vel resolutione inferioris palpebræ sit malum, conueniente modo ea symptomata, vt dicetur, curanda. Vide etiam Aëtium, *tetrabil. 2. serm. 3. cap. 71. & 72.*

Λαγόφθαλμος.

Λαγόφθ.
thalmon.

Quod in palpebra inferiori est *ἐκτρόπιον*, id in superiore est *λαγόφθαλμος*, oculos leporinos, Germ. *Hasenschlaff*, quando scilicet superior palpebra ita sursum adducta est,

vt

vt oculum totum contingere non possit, sed per somnum etiam aliquantum apertus maneat.

Causæ huius affectus plures sunt. 1. Interdum in vtero palpebra ita, ob materiæ defectum & conformationis vitium, formata est. 2. Interdum à consuetudine hoc malum ortum habet, cum infantes in cunis sursum vel retrò continuo spectant. 3. Idem à conuulsione fieri potest. 4. Cum palpebra à vulnere vel vlcere & cicatrice malè curata imminuta, vel sursum retracta est.

Prognostica.

1. Si à primo ortu & conformatione in vtero hoc malum contractum sit, incurabile est.
2. Si multum palpebræ deest, malum incurabile est. Si parum, curari potest.

Curatio.

Si à consuetudine malum contractum sit, dum infantes in cunis iacentes semper retrò conspiciunt, contraria consuetudine curandum; seu potius, ne contrahatur, præcauendum, quod fit si pannis nigris cunæ circa caput obuoluantur, & si caput versus tenebras & pedes luci obuertantur, vt ita versus lucem continuo adspiciant.

Si à conuulsione aut contractione palpebræ malum hoc ortum habeat, vt laxetur palpebra, danda opera. Talis igitur fiat fofus.

℞. Rad. altheæ, sem. fenugræc. flor. chamæmel. an. ʒ. ij. croci ʒ. ʒ. F. Sacculus, qui aqua conueniente calefactus oculo imponatur.

Vel ℞. Pinguedin. gallin. medullæ cerui an. ʒ. ʒ. ol. chamæmel. lilior. albor. ungu. dialtheæ an. ʒ. ij. Misce.

Eadem quoque medicamenta adhiberi possunt, si à cicatrice aut vulnere & vlcere malè curato ortum habeat *λαγόφθαλμον*, & danda opera, vt cicatrix emolliri queat. Quod si non possit, manus opera adhibenda. Paulò nimirum infra supercilium cutis incidenda lunata figura, cornibus sectionis deorsum spectantibus vsque ad cartilaginem, id est, vsque ad substantiam palpebræ membraneam, & cutis postea diducenda, vt paulum in ima occultora descendat, & plaga hiet, in quam linamentum coniicien-

dum est, quæ & coniungi diductam cutem prohibeat, quæ ubi locum impleuit, postea oculus aperietur. Vide Aëtium *Tetrabibl. 2. serm. 3. cap. 27. Cels. lib. 7. Hier. Fabricius ab Aquapend. de oper. Chirurg. tit. de Lagophthalm.* ob pericula & incommoda, quæ Chirurgia coniuncta habet, alio modo vititur. Glutinum nimirum, quod duas aut tres habenulas appensas habeat, ad superiorem palpebram applicat, & aliud ex aduerso, habenulasque, subinde arctius adstringit, & ita inferiorem palpebram ad superiorem perducit.



CAPUT VII.

De Palpebrarum inter se, & cum aliis oculorum partibus coalitu & coherencia.

Palpebrarum coalitus.

SI palpebræ vel inter se, vel cum alba aut cornea aut vtraque oculi tunica coalescant & præter naturam cohareant, ut oculus aperiri non possit, malum hoc Græcis ἀγκυλοβλήφαρον, Aëtio etiam ἀγκύλωσις τῆ βλεφάρου & αἰσθησις τῆ βλεφάρου est, *Tetrabibl. 2. serm. 3. cap. 66.* vulgo concretionem seu inuiscationem palpebrarum nominant.

Causa huius mali est vlcus negligenter & imperitè curatum, cum scilicet vel post ἔσχαμα aut vngulam oculi, vel aliud malum vlcus in parte interiore palpebræ relinquitur; quod & in variolis, atque interdum post combustiones accidit. Dum enim oculus crebrò non aperitur, sed clausus manet, palpebra exulcerata vicinis partibus adhærescit, & senescendo, quod diduci potuit ac debuit, agglutinatur, & palpebræ vel inter se, vel cum vicinis partibus coalescunt.

Huc etiam referri potest, etiam si sit alterius generis, illa palpebrarum coherencia, quæ fit, cum per somnum multa pituitosa & viscida materia, quæ Græcis λήμη, ad palpebras affluens earum extremitates ita conglutinat, ut vix aperiri possit.

Prognostica.

1. Palpebrarum cum oculo coalitus vel non, vel difficulter curatur. 2. Si extremitate sua solum palpebra oculo

saltem

salte adhærescat, facilius curatur: Si verò tota palpebra cū oculo coaluerit, curatur difficilior. 3. Curatur etiā facilius hoc malum, si adnatæ saltē palpebra adhæreat, si verò corneæ simul cōcreta sit, ferè nunquam & nisi cum difficultate curatur. 4. Si verò palpebræ inter se solum coalescunt, non difficulter quidem diducūtur, sed sæpe rursus coalescunt.

Curatio.

Etsi, vt modo dictum, plerūque vix aliqua spes curationis supersit: tamen si aliquid tentare libet, Chirurgia adhibenda. Nimirum quæ oculo adhærescit palpebra, scalpello, nouacula vel forcipe cautē liberanda est, vt neque ex oculo, neque ex palpebris quicquam abscindatur, aut si omnino quid abscindendum sit, id potius ex palpebra fiat, quàm ex oculo. Et vt tutius ista sectio fieri possit, nonnulli acu incurua super loco, in quo oculo cohæret, palpebram perforant, hinc acu abscissa filo vtrunque apprehensio palpebram attollunt, & postea eam ab oculo liberant. Palpebra ab oculo liberata inungatur medicamentis, quibus asperitudo curari solet, & palpebra sæpe moueatur, vt non solum medicamentum oculo indatur, sed etiam in palpebra rursus coalescat.

Si palpebræ inter se coaluerint, scalpello liberandæ. Atque vt etiam hic sectio tutò peragi possit, nonnulli acu incurua sericum filum molle ducente vtramque palpebram transuersim perforant, cauendo tamen, ne cornea vel pupilla lædatur. Hinc acu abscissa, filo prehensio, palpebras diducunt, easque primò nouacula, hinc forcipe liberant. Palpebris seu filo seu specillo diductis, linamenta seu penicilli interponendi aqua rosarum madidi, donec vlcus palpebræ curatum sit. Alij laminam plumbeam oleo rosaceo illitam interponunt. Vide Hier. Fabric. ab Aqua pend. de oper. cheirurg. tit. de Ancyloblepharo. Si verò ex pituita solum coalescant palpebræ, corpus conuenienti modo purgandum, & per vesicatoria atque aliis modis materia ab oculis auertenda. Postea cubitum iturus æger palpebras aqua rosar. in qua balaustia vel rosæ coctæ sint, abluat, vel succo semperuiui, aut ol. rosar. cum pinguedinæ gallinæ mixto palpebræ inungatur.



CAPVT VIII.

*De Pediculis & Ciliorum vitis.**Ophtalmis.*

Pediculi ciliorum. ¶ T in aliis corporis partibus, præcipuè pilosis, pediculi nasci solent: ita etiam quandoque in ciliis seu pilis palpebrarum nascuntur, quod malum Græcis *Ophtalmis* nominatur, ortumque habet, vt alij pediculi, de quo suo loco dicetur, ex sordibus, in iis, qui lotionibus & balneis non vtuntur, ac corporis curam non agunt, & prauo victu in hominibus non puris & obscœnis, vnde lue Venerea laborantibus hoc malum familiare est. Etiam per contagium contrahitur interdum, si quis in lecto, in quo *Ophtalmis* laborans dormiuit, cubet, aut pectine vtatur, vel linteo caput abstergat, quo alius hoc modo infectus vsus est.

Malum non contemnendum est. Acres enim fluxiones concitat, & oculi tandem ab iis valde læduntur.

Vt verò hi pediculi tollantur, abluantur palpebræ aqua marina, vel decocto betæ, & staphisagriæ, vel vnguento conuenienti illinantur.

Vt ℞. Aloës, myrrhæ an. 3. ij. cum lardo misceantur. F. Linimentum. Vel fiat Linimentum ex staphide agria, aloë & melle.

Vel ℞. Pinguedin. porci 3. j. puluer. pyrii 3. ij. ♀ viui 3. j. Misce.

Vel ℞. Pingue. porci antiqu. 3. j. hellebor. albi 3. j. ☿ citrini 3. R. Misce.

Aut albumen oui coctione induratum imponatur in acetum vini horis 6. postea sub somnum oculis imponatur. Vbi manè remouetur, pediculi inhærentes simul extrahuntur. Tolluntur etiam pediculi, si palpebra fricetur corio, quo aurifabri vasa recens inaurata extergere solent. Vel fumus argenti viui, ore tamen ac naso diligenter clausis & panno obuolutis, palpebris excipiat.

Affectiones τῶν βλεφαρίδων, qui palpebrarum pili sunt, Cilio-
 hæ præcipuè enumerantur. 1. Inuersio eorum, quia vel pili rum vi-
 ipsi à siccitate intorquentur, vel pori, per quos enascuntur, tia.
 tortuosi reddituri sunt, vel palpebra versus oculos ad intē-
 riora est incuruata; quod vitium φαλάγγωσις & πῖσις, seu
 laxatio & lapsus palpebræ nominatur; vel radix pili vnus
 ab alterius radice impedita pilum intrò reflectit. 2. Illo-
 rum abundantia, quod vitium in genere τριχίασις appella-
 tur. 3. eorundem defectus, qui μεδάρασις & μίλφωσις nomi-
 natur. 4. Color alienus, vt cum pili albescunt, vel ob de-
 fectum humidi nutrientis (& tum in extremitate albescere
 incipiunt) ex diuturna ægritudine, vel ob præsentiam ma-
 teriæ phlegmaticæ in radice pilorum situm quasi contra-
 hentis, vt in canitie, vel denique ob cutem vitiligine alba
 laborantem, de quibus iam dicendum.

Φαλάγγωσις.

Φαλάγγωσις δὲ τῆς τῶν τριχῶν φάλαγγος, id est, à pilorum
 acie ita dicta, non vno modo apud Autores accipitur.
 Aliàs enim sumitur pro eo palpebrarum affectu, cum ci-
 lium intro spectat, pilorum acie simul cum eo conuersa,
 sic vt pili oculos pungant, seu, vt Aëtius *Tetrabibl. 2. serm. 3.*
cap. 66. habet, est palpebræ χάλασις, cum palpebræ ita la-
 xantur, vt eorum extremitates intrò vergant, vt pili non
 faciliè appareant, nisi quis eas attollat; vt ita in φαλάγγωσις,
 hoc modo sumpta nulli pili noui, vt in τριχίασις, nascan-
 tur, sed naturales saltem intrò vergant & pungant. Gale-
 nus tamen, in *Isagoge*, φαλάγγωσις esse dicit, cum pilorum
 duplex, tripléxque acies in superiore vel inferiore palpe-
 bra præter naturam subnascitur; vt tum τῆς τριχίασις, spe-
 cies sit φαλάγγωσις.

Sed de priore modo sumpta φαλάγγωσις primò agemus,
 quæ & πῖσις, seu palpebræ laxatio & casus appellatur.
 Ortum autem habet hoc malum vel ab humoribus pi-
 tuitosis palpebram occupantibus, eámque deprimentibus,
 vel ab exsiccatione cartilaginis in palpebris, &
 hanc sequente cutis corrugatione & versus cilia de-
 pressionem.

Quod malum quia non solum turpitudinem in facie parit; sed &, quia cilia inuersa oculos pungunt, non negligendum est.

Vniuersali autem corporis euacuatione præmissa, oculus fomentetur hoc sacculo.

℥. *Nucleorum nucis inglandis* ʒ. j. *sem. sœnugræc. lini, rad. altheæ an.* ʒ. ʒ. *verbenæ* ʒ. ij. Includantur sacculo, qui calefiat in aceto & palpebris imponatur.

Vel ℥. *Fermentum magnitudine Ovi, pulueris magnetis* ʒ. j. *alumin. succini, nucum cupressi an.* ʒ. ʒ. Mixta omnia noctu palpebræ imponantur.

Si malum medicamentis non cedat, opera chirurgica adhibenda, de qua videatur Celsus, *lib. 7. cap. 7.* Paulus, *lib. 6. cap. 13.* Arculanus palpebram exteriori parte scindit, eamque contrahendo versus exteriora & superiora ita fuit necitque, ut tarsus prominens pilos inuersos secum ad exteriora ab oculi contractu auertat. Nonnulli alium modum vsurpant. Fiat retinaculum ferreum conuenientis figuræ, & postea digitis duobus, palpebra relaxata quantum opus, & potius plus, quam minus, attollatur, & retinaculum ferreum applicetur, trochlea versus aures conuersa, retinaculum hoc singulis diebus acutius constringitur, ut palpebræ pars illa retinaculo inclusa tandem abscindatur, & reliqua palpebra separatur, quod tamen vix trium septimanarum vel mensis spatium accidit, idque ut eo facilius fiat, bis singulis diebus locus oleo Hyperic. illinatur. Vbi pars illa palpebræ separata fuerit, eodem oleo, addito pauxillo pinguedinis lucij, curatur.

Τριχιασις.

Trichiasis palpebrarum.

Si verò pili præternaturales in palpebris nascuntur, & sub pilis naturalibus exorti, ac intro ruentes tunicas oculorum pungant, vitium id Græcis in genere *τριχιασις* nominatur; cuius species sunt *διτριχιασις*, seu duplex ordo pilorum, & *φωδάλωσις*, cum multiplex ordo & quasi acies pilorum subnascitur.

Generantur autem hi pili superflui ex humoribus ad palpebra

palpebrarum extremitates fluentibus. Vt enim terra pluuiis nimis irrigata luxurians quasi plurimas plantas profert: ita etiam si ad palpebras copiosi humores, minime tamen mordaces confluant, plures pili proueniunt. Occasionem etiam huic malo præbent interdum tumores diuturni, vel deligatio diuturnior, à qua cilia intus comprimuntur: vnde maior ad radices pilorum humorum affluxus concitatur.

Malum hoc non est contemnendum; cum pili isti luxuriantes oculos pungant, & acutos dolores pariant, & affluxum humorum ad oculos concitent; tandemque cæcitatem inducant; Vnde *reixians* in palpebris cæcitatibus imminentis plerumque indicium est.

Curatio.

Triplex verò pilos superfluos in palpebris curandi ratio est. Primò, si euellantur, & ea medicamenta, quæ pilorum generationem prohibent, postea adhibeantur. Deinde, si pili per medicamenta corrodamur. Tertiò, si sectione tollantur.

Primum nondum quod attinet, vbi pili superflui & oculos pungentes seu plures seu pauciores adsunt, vossella *Curandi ratio prima.* euellendi sunt. Danda verò opera, vt pili toti euellantur. Nam si abrumpantur, plus pungunt, quam si integri essent. Postea verò loco, è quo pili euulsi sunt, adhibenda ea, quæ pilos renasci prohibeant; qualia sunt, sanguis muscæ caninæ, quam Cossium nominant; Item renarum viridium sanguis, vel adhibeatur rubigo ferri cum salina hominis ieiuni, vel spuma maris cum aqua psyllij, vel erinacei terrestris fel & sanguis cum modico castoreo.

Vel ℥. Rad. mandragoræ 3. vj. sem. persicariæ 3. ℞. camphor. 3. ℞. aceti cochlear. j. Misce in mortario, & succus exprimatnr, quo pori, è quo pili euulsi sunt, illinantur.

Vel ℥. Succi chondrillæ 3. ℞. mastich. 3. j. aceti, alumin. vsti an. 3. ℞. M.

Vel ℥. Cineris erynacei terrestris, 3. ℞. rubigin. ferri 3. ij. cineris ouorum formicarum, 3. j. F. Puluis, quo pori, è quibus pili euulsi, conspergantur. Plura vide apud Aëtium.

Secunda.

Si medicamentis pilorum generatio prohiberi non possit, nonnulli corrosiuis medicamentis eos exstirpare conantur. Ægrum supinum in scamnum ponunt, & linteum, cruris vel brachij crassitie contortum, ceruici supponunt, vt caput versus dorsum propendeat. Hinc palpebras aperiunt, & gossypio oculi globum tegunt, ne à corrosiuo medicamento lædatur. Postea luxuriantibus pilis corrosiuum medicamentum illinunt, ægrumque ita supinum horæ quadrantis dimidij spacio iacere sinunt. Postea linteo vel spongia munda medicamentum corrosiuum diligenter abstergunt, & aqua, quæ postea proponetur, ad palpebras sanandas vtuntur. Corrosiua medicamenta talia sunt sequentia.

℥. *Calcis viuæ, vitrioli albi, cupri seu æris squammæ, cineris montani an. 3. j. viridis æris, sal. gemmæ, ①, aluminis an. 3. ʒ. F.* Puluis, huic in olla vitreata affunde acetum acerrimum, vt fiat mixtura pultis instar: hinc coquantur ad ficcitatem; iterum puluerisentur, iterumque nouum acetum affundatur, & ad ficcitatem coquatur; idque sexies repetatur. Tandem puluerisentur, & in vitro puluis asseruetur. Quo vti vbi volueris, affunde acetum rosati q. s. vt fiat mistura instar pultis. Calefiat super igne, & pilis superfluis illinatur.

Vel ℥. *Calcis viuæ, cineris montani, ① albi an. 3. iv. sal. ammoniac. 3. iij.* In olla vitreata affundantur acetum, & coquatur ad dimidias. Hinc ponatur in cella octo diebus, vt subsideat: Clarum effundatur, & in vitro seruetur: Cui vsus tempore admisce puluerem calcis viuæ, vt fiat instar pultis liquidioris, & mixtura calefacta palpebra seu locus pilorum inungatur. Aqua, quæ post corrosiuum addibetur: hæc est.

℥. *Aquæ cantharum dimidium, acetum cereuisiæ 3. ix.* simul coqu. ac dum calent, adde. *lithargyri argenti, cerussæ an. 3. ʒ. thuris, mastich. oculor. canceri an. 3. ij. camph. salis an. 3. j.* Colentur & liquore locus post corrosiuum amotum bis de die illinatur.

Tertia.

Tertia curandi ratio fit per sectionem. Modum prolixè docet Aëtius, *Tetrabibl. 2. serm. 3. cap. 69.* Recentiores chirurgi

chirurgi duobus modis vtuntur. Nonnulli acu incurua filum sericum ducente palpebram perforant tribus locis. Hinc filis simul apprehensis palpebram attollunt & diducunt & post fila palpebræ partem radices pilorum continentem nouacula abscindunt.

Verum cum ob perforationem hanc triplicem hic curandi modus tardior & molestior sit, commodius est, si forcipe lato palpebræ pars ea, quæ pilorum radices continet, prehendatur & forcipe pars palpebræ, quousque radices pilorum se extendunt, abscindatur. Facta sectione albumen oui conuassatum cum hapsio lini imponatur: postea ablato albumine oui medicamenta ad vulnus conglutinandum idonea, ac, si opus sit, etiam aquæ pilorum regenerationem prohibentes imponantur. Vide Hier. Fabric. de operat. Chirurg.

De Pilorum defluuiio.

Contrà nonnunquam pili è palpebris decidunt, quod *Pilorum vitium* μαδάρωσις & μίλφωσις, pilorum palpebræ defluuium, è palpebræ casus pilorum, & glabrities palpebrarum appellatur. *bris de-fluuium.* Ortum habet hoc malum ex vitiosis & acribus humoribus ad ciliorum radices confluentibus, vnde alimento destituuntur, & pilorum radices eroduntur. Sæpe id accidit post febres malignas, post quas interdum non solum pili capitis, sed & palpebrarum decidunt.

Corporis totius prius ratione habita adhibeatur hoc vnguentum.

℞. Plumbi vsti ℥. β. nucleorum dactylorum combustor. 3. v. spic. Indic. 3. j. β. ♂ ij. calcinat. piper. nigri an. 3. j. pingued. vrsi. q. s. F. Vnguentum.

Vel ℞. Muscarum combustarum 3. ij. stercoris hirundinis, lapid. lazuli, spic. Indic. an. 3. j. mellis despumati q. s. F. Linimentum.

Vel ℞. Olei lini 3. j. seui vircini, pinguedinis vrsi an. 3. β. stercoris murium, dactylorum combustor. an. 3. j. Misce. Vide Aëtium, Tetrabibl. 2. serm. 3. cap. 78.

Mollities Ciliorum.

Nonnunquam & cilia nimis tenera aut flexibilia sunt, *Mollities ciliorum.* nec

nec recta succrescunt, sed in oculos delabuntur, & dolores ac lacrymas concitant.

Ortum habet hoc vitium ab humore pituitoso cartilaginem palpebrarum & ciliorum radices occupante.

Corpus conuenienter euacuetur, & affluxus humorum vesicatoriis ac aliis modis prohibeatur, atque oculi internis medicamentis confortentur. Hinc aqua ista palpebræ abluantur.

℞. Fol. quercus, verbenæ an. M. j. visci è pyro, fol. buxi, germinum Iuniperi, aluminis an. M. ij. ℞.

Affundatur aceti & aquæ pluuiæ, ana q. s. distillantur in vesica; Aqua palpebræ illinantur bis de die. Hinc cilia gummi Arabico lentè illinantur. Vide etiam Aëtium *Tetrabl. 2. serm. 3. cap. 68.*


Πτίλωσις.

πτίλωσις.

Compositum ἐκ τῆς μεθαρρώσεως, καὶ τῆς σκληροφθαλμίας, hoc est, ex pilorum defluuium & palpebrarum duritie, malum est πτίλωσις. In μεθαρρώσει enim simplex saltem pilorum in palpebris defluuium est. In πτίλωσει verò simul adest crassities, callositas & rubor, palpebræque turgent, rubent, & lucidæ fiunt.

Causa est vel sanguis adustus, vel pituita falsa, vel bilis, vel melancholia adusta, aut humores hi mixti, qui palpebras occupant, in tumorem attollunt, & pilorum radices corrodunt. Malum familiare iis, qui luem veneream patiuntur, aut passi sunt.

Curatur hoc malum, si corpore vniuerso euacuato prius palpebris humectantia & emollientia & naturalem temperiem ipsis restituentia applicantur, ex portulaca cum lacte cocta, mucilag. semini lini & cydonior. Postea imponantur ea, quæ ad pilorum defluuium antea sunt proposita.



C A P V T IX.

De Palpebrarum linore, contusione & percussione, vulneribus, & aliis à causis externis læsionibus.

Palpebrarum vulnus.

℞ Ccudit tandem, vt palpebræ à variis causis exterhis lædantur, percutiantur, contundantur, vulnerentur.

Si

Si vulnus sit in palpebris solum, curatur, vt alia vulnera. Quia tamen palpebræ facîle intumescunt, ad id prohibendum, imponendum albumen oui cum momento boli armeni in aqu. rosarum dissolutum, & linteolo vel hapso lini exceptum. Si libet, potest & momantum croci ac aluminis addi.

Postea oleo hyperici, vel alio vnguento conuenienti, aut Emplastro diapalmæ vulnus conglutinandum. Vtile est etiam lac virginis, vel vnguentum ex saccharo Π . Efficax est etiam hoc Emplastrum.

\mathcal{V} . Cerae, ol. melilot. an. \mathfrak{z} . j. cumini \mathfrak{z} . β . camphoræ 3. j. Cera & oleum super igne liquecant, deinde reliqua addantur.

Sæpe verò à contusione & percussione palpebræ quidem non vulnerantur, sed liuorem saltem contrahunt. Imò sæpe accidit, vt etiam si oculus non sit, sed pars saltem vicina concutiat, nihilominus sanguine palpebræ suffundantur. Si ergo oculus sit percussus & liuor metuatur.

\mathcal{V} . Albumin. ouer. num. iij. aqu. absinth. cochlear. iij. terræ sigill. vel bol. armen. 3. j. Imponantur palpebræ. Vel palpebra vnguento albo camphorato inungatur.

Tollitur autem liuor succo absinth. cum melle mixto, aut succo cyclaminis, aut oleo cum melle mixta, aut cumino cum melle mixto, aut cumino & aniso in aqua cocto & imposito, aut farina fabarum, & foenugræci cum melle mixta. Succus etiam radicis sigilli Salomonis recentis vel vino infusæ liuorem ex ictu seu fuggillationem in omnibus partibus feliciter tollit.

De Palpebrarum combustione.

Si palpebræ combustæ sint: \mathcal{V} . Aqu. verbenæ \mathfrak{lb} . β . sem. sydonior. 3. ij. foenugræci. 3. j. Extrahatur mucilago, quæ oculo imponatur. Vel vsurpetur aliud ambustis conueniens medicamentum.

Palpebrarum combustio.



C A P V T X.

De Symptomatibus, quæ in motu Palpebrarum accidunt.

\mathfrak{A} Tque hæctenus plerosque morbos, quæ palpebris accidunt, vt & symptomata in qualitatibus mutatis

Motus palpebrarum la-

propo

proposuimus : restat, vt de symptomatibus, quæ in motu accidunt, dicamus. Cum autem, vt supra dictum, officium palpebrarum sit, oculos tegere, & nunc aperiri, nunc claudi, prout opus : in motu læso symptomata fiunt, cum palpebræ aperiri vel claudi, vt debent, non possunt, vel vitiose mouentur.

Palpebras mouendi difficultas.

Aperiri aut claudi non possunt palpebræ variis de causis. Aperiri nō possunt. Primò ob tumorem aut inflammationem. Secundò, ob coalitum & conglutinationem, vel inter se, vel cum aliis partibus, vel ob vulnera. Claudī non possunt in Ectroyo & λαγοφθαλμο. Præterea etiam aperiri vel claudi faciliè non possunt ob ficcitatem, vel humorem crassum & viscosum ad ficcitatem tendentem. Cum verò de aliis vitiis hætenus dictum sit, de ea saltem difficultate aperiendi & claudendi oculos, quæ è ficcitate prouenit, dicemus.

De hac autem difficultate claudendi & aperiendi palpebras peculiari capite agit Valescus de Taranta, vitiumque hoc Gesse appellat. Accidit hoc malum ab humore viscoso, crasso ad ficcitatem tendente. Et propterea non adest magna lippitudo, nec multus humorum affluxus, sed quasi grana quædam, seu lema in grana concreta, non multum palpebris vel oculis adhærens reperitur.

Vniuersalibus præmissis fomentetur oculus aqua tepida; vel ex semin. foenugræc. & lini cum lacte muliebri, aut alio mucilago extrahatur & oculo imponatur: vel mucilago sem. lini cum cera & oleo rosato misceatur & oculo applicetur.

Palpebrarum instabilitas.

Deprauati verò motus palpebrarum symptoma est, quod Græci *ἰππov* appellant, instabilitatem palpebrarum, Germanicè, *das wackeln, zucken, oder flattern der Augen*, cum palpebræ inordinato motu continuò clauduntur & aperiuntur.

Malum hoc aliquando hæreditarium est, aliquando à flatibus accidit, & quidem nunc in vno, nunc in vtroque oculo, quod malum in specie palpitatio Germanicè, *das Jerch* nominatur. Aliquando fit à conuulsione, cū palpebræ versus exteriorem oculi angulum continuò trahuntur.

Poste

Posteriores hæc duæ causæ proueniunt, cum palpebrarum musculi refrigerati sunt, ob sanguinis nimiam vel in vulnere capitis, vel per hæmorrhagiam narium detractiōnem, vel cum à frigore externo musculi refrigerati sunt, vel cum pituitosus humor ad eas affluit. Accidit etiam malum à terrore, ira, timore.

Si malum ab ortu contractum & hæreditarium sit, incurabile est. Si ab aliis causis oriatur, vniuersalibus præmissis, & capite euacuato & per medicamenta cum interna tum externa roborato, topica quædam applicari possunt.

℞. Origan. M. v. stæchad. Arab. calaminthæ an. M. iiii. spic. Indic. ʒ. ʒ. flor. hyperici M. ij.

Affundatur vini Rhenani cantharus dimid. Stent in infusione per aliquot dies; postea destillantur in B. Aqua postea manè & vesperi palpebræ illinantur.

Vel *℞. Medullæ tauri ʒ. j. ʒ. vnguenti martiati, olei ex auellanis express. an. ʒ. vj. pinguedin. anatis, ol. piceæ an. ʒ. ʒ. Misc.*



C A P V T X I.

De iis, quæ in oculos inciderunt, eximendis.

Postquam morbos & symptomata, quæ palpebris accidunt, explicauimus, antequam ad reliquarum partium oculi morbos accedamus, dicendum aliquid de iis, quæ in oculos illapsa sunt, & inter palpebras, & corneam atque adnatam tunicam hærent. Solent enim & ea, nisi maturè tollantur, multorum malorum, inflammationis, dolorisque, & quæ hæc sequuntur, causa esse.

Traduntur autem varij modi educendi ea, quæ in oculos inciderunt. Vulgus vtramque palpebram trahere iubet, superiorem altera manu deorsum, inferiorem altera manu sursum, atque interea oculum ad superiora intus voluere, aut ex ore alterius, vel siphone paruo inflare aquam simpl. vel saccharatam, vel hydromel, vel lac recens.

multum inspergere, quo id, quod incidit, eluatur, præsertim, si acre & mordax fuerit. Aëtius, *tetrab. 2. serm. 3. cap. 10. & 17.* altero oculo clauso, & qui affectus est, aperto, culicem vel aliud animalculum illapsum, sua sponte exiturum scribit. Si calx viua in oculum inciderit, albumen oui infusum vim eius vistoriam obtundet; postea aqua vel lacte calx eluatur. Alij spiritum, ore & naribus clauso, tamdiu retinere iubent, donec oculi lachrymentur. Ita fore, vt cum lachrymis eiiciatur id, quod molestum est. Aut sternutationem cient, ac nare altera appposito digito obstructa, per alteram sub affecto oculo vehementius exsufflant. Rhases cottonem stylo alligat, quam in resina pini intinctum moliter ducit per oculum, palpebra altera eleuata, vt resina visciditate res apprehensa simul extrahatur. Vel sumatur resina alba vel cera, & extremitate vna nonnihil emolliatur, ac sub palpebram immittatur, & per oculum moliter ducatur, vt quod in oculo est, ei adhæreat. Succinum quoque ad pannum affricatur, donec incalescat, quo supra oculum posito, palea, pilus vel puluisculus attrahatur, vt ferrum à magnete. Vel sub palpebras subiiciatur sapphirus politus, aut margarita rotunda, aut lapis chelidonium, aut oculus cancri læuis. Possunt etiam varia instrumenta parari, quibus palpebris eleuatis, res aliena educitur. Quæ autem, vt acuta, oculo altius sunt infixæ, vossella vel forcipe subtili blandè extrahantur, ita ne in obliquum contorta frangantur. Postea si opus, hic liquor instilletur.

℞. Aq. cicchor. 3. j. β. plantag. 3. vj. succini albi, thuris an. 3. β. camphor. 3. β. Misce & per lintheum colentur. Vide de his Aëtium loc. alleg. & instit. lib. 5. part. 1. sect. 2. cap. 10.



De Morbis Tunicæ Adnatæ seu coniunctiæ.

C A P V T XII.

De Ophthalmia.

Ophthalmia.



Nter oculi partes occurrit primò tunica alba adnata seu coniunctiua dicta, quæ & ipsa variis morbis est obnoxia.

obnoxia. Inter quos primus est Ophthalmia, Celso lip-
pitude dicta, quod in eo lachrymæ feruidæ ex oculis stil-
lare solent. Malum frequens magnique momenti, ob dolo-
res sæuos, cum quibus est coniunctum, & mala alia, in quæ
degenerare potest. Accepit autem nomen à loco affecto, vt
nonnulli alij morbi etiam, teste Galeno 2. m. m. cap. 2.

Estque inflammatio adnata seu albæ tunicæ cum rubo-
re, ardore, dolore & lachrymis, orta à sanguine acri, venu-
las tunicæ illius occupante & distendente. Cùm enim ad-
nata oculi tunica, quæ est quasi ligamentum quoddam
cum musculis oculos in sua sede continens, pericranij
partibus vicinis connexa sit, faciliè fieri potest, vt è venis
capitis & temporum sanguis præter naturam ad eam con-
fluat, & ibi inflammationem excitet. Vnde accidit, quod
in graui ophthalmia dolor capiti, & partibus oculo vici-
nis communicatur. Quamuis verò in oculo sano venæ
illæ tam exiles sint, vt nullæ ferè appareant: Sanguine
tamen præter modum & naturam refertæ in conspectum
sefe dant, & ob adnatæ albedinem sefe faciliè produnt,
& ob membranæ tensionem, humorisque acrimoniam,
membrique illius exquisitum sensum grauissimi dolores
oriuntur. Itaque morbus est inflammatio: pars affecta
oculi tunica adnata seu coniunctiua, quæ per se affici-
tur; per accidens verò etiam oculus. Quod si verò in-
flammatiō ita magna sit, vt alias etiam oculi partes occu-
pet, totius instrumenti morbus est. Nonnunquam enim
humores in alias simul oculorum tunicas, vt duram &
corneam, fluunt; qui nisi per medicamenta idonea resol-
uantur, vel alio modo expurgentur, sæpius suppurati ab-
cessum & vlcus faciunt, periculūque de oculi amissione
inducunt, vel non suppurati diuturnum malum excita-
re, tandēque pupillam obscurantes, vel visus hebetudi-
nem, vel omnimodam cœcitatem parere possunt. Imò in-
terdum tanta est inflammatio, vt vicinæ etiam oculo par-
tes in consensum trahantur.

Causæ.

Causa huius mali proxima & continens est sanguis,
humorēque calidi, acres & vitiosi, sanguini permisti, &

per venas tunicae adnatæ dispersi easque distendentes. Humores autem hi vel per ῥοδμαῖον, quod plerumque fit, è vasis capitis vicinis in tunicam adnatam deriuantur, vel per συναρροισμὸν ex crudo aut corrupto oculi aut tunicae ipsius nutrimento ibidem colliguntur. Monent tamen nonnulli, vix fieri posse, vt per συναρροισμὸν excrementorum oculi Ophthalmia generetur; cum ob exercitationem & motum ferè continuum eorum resolutio & discussio fiat. Sunt autem illi humores frequentiss. sanguis cum admixta bile vel fero, rarius pituita & humor melancholicus.

Antecedens causa est non solum plethora, sed & cacochymia, humorésque vitiosi in corpore geniti, qui ad caput seu transmissi, seu attracti per venas, quæ in pericranium & vicinos musculos disperguntur, & hinc in adnatam oculi tunicam propagantur, in hæc loca effunduntur. Idque nonnunquam accidit, nulla causa externa & procatactica accedente, sed solum quia natura, copia vel quantitate sanguinis ac humorum irritata, sanguinem cum vitiosis humoribus ad has partes mittit, id quod sæpe in declinatione febrium quarundam, aliquando etiam extra eas, accidere solet.

Nonnunquam causa externa accedit, quæ fluxionem irritat, vt sunt aeris constitutio frigidam aquiloniam sequens pluuiialis & australis, fumi acres, puluis, resque alia in oculos illapsæ, oleum item, acetum vel alius liquor acris infusus, apum, erucarum, formicarum, & similibus insectorum ictus vel contactus, vt & ab urtica, esula, & similibus plantis acribus contractus dolor, Solis ardor aut ignis calor, vini potentioris immodicus vsus, ictus, casus, & quæcunque oculum debilitare, aut calore vel dolore humores acres ad oculos attrahere valent. Imò etsi nulla insignis in corpore plethora vel cacochymia adsit: tamen ætus solis, calor balnei, aer, ventus, fumi, puluis, ictus & similes causæ, vt sanguis præter naturam ad oculum confluat, facere possunt. De causis etiam loquitur *Aphorism. II. sect. 3. Si hyems sicca & aquilonia, vel pluuiosum & australe fuerit, æstate ophthalmias fieri necesse est; mulieribus præsertim & viris natura humidioribus. Contra si hyems Austrina & pluuiosa*

pluviosa fuerit, & ver siccum & aquilonium, ophthalmie sicca fiunt, 3. aphor. 12.

Videtur quidem de causis Ophthalmiæ apud Autores quædam opinionum discrepantia esse, dum alij à solo sanguine ophthalmiam fieri dicunt, utpote quæ est Inflammatio, quæ est tumor sanguineus : alij verò ab aliis etiam humoribus eam generari statuunt. Verùm facilis est conciliatio. Cum n. Ophthalmia sit inflammatio, omnino concedendum, nullam ophthalmiam fieri sine sanguine, atque ipse oculi color rubicundus sanguinem satis arguit; neque humores crassiores soli ad angustas hæc venas sese penetrare possunt. Interim sanguis non semper causa principalis est, sed nonnunquam vehiculum potius reliquorum humorum ad oculum confluentium. Etenim quando Ophthalmia à causis evidentibus, ut vento, fumo, pulvere, ictu & similibus originem habet, sanguis quidem affluens præcipua causa est : Vbi verò à causa interna & humorum vitio, natura humores ad hanc partem mittente, Ophthalmia oritur, ibi etiam alij humores ophthalmiæ causa esse possunt, quod vel doloris diuersitas docet : qui tamen cum sanguini misceantur in venis, eum in consensum trahunt, sanguisque ipse dolore ad partem affectam attrahitur. Sunt tamen hi humores præcipuè serosi & biliosi, quod ipsæ lachrymæ satis testantur. Vnde ad ophthalmiam magis dispositi sunt, qui humoribus biliosis ac serosis abundant. Oculi etiam magni & extra prominentes cum sint calidæ & humidæ naturæ, venasque ampliores habeant, & affluentem materiam facile suscipiant, frequentius lippitudine corripiantur.

Differentiæ.

Differt verò Ophthalmia secundum gradus præcipuè, quos etiam nominibus Autores distinguunt. Si enim phlegmones solum initium quasi adsit, cum scilicet oculus humidior reddi, rubere, calere, & nonnihil dolere incipit; idque ferè à causa evidente, Sole, igne, fumo, pulvere, vini potu : *τάραξις* seu perturbatio & Ophthalmia nota, vel potius levis nominatur. Si verò inflammatio, calor, & dolor maior sit, & lachrymæ copiosæ, ac ab internis præcipuè

*τάραξις
oculi.*

causis oriatur, Ophthalmia vera dicitur. Si autem tanta sit inflammatio, ut & palpebræ simul afficiantur, & quasi inuertantur, nec claudi possint, albumque; supra oculi uigrum intumescat, vel etiam illi obducatur ita ut nigro subsidente alboque rubescente eminente veluti hiatus in *χίμαρις*. oculo appareat, *χίμαρις* dicitur, ἀπὸ τῆς χίμης, hiatus.

Est & differentia quædam ratione humoris, quod alia à sanguine præcipuè, alia à bile, alia à melancholia esse dicitur.

Est etiam Ophthalmia quædam periodica, interuallis quibusdam temporum rediens, teste Galeno, 2. *de differ. febr. cap. II.* familiaris iis, quibus caput calidum & humidum est, facileque impletur, & oculi debiles sunt, fluxionibusque obnoxij. In iis propter recursus mali crebros, dolorumque & ardorum vehementiam, oculi tandem contrahescunt, acie videndi prorsus deficiente, quam tabidam Ophthalmiam nominant.

Est quoque contagiosa Ophthalmia quædam, Galeno teste 1. *de differ. febr. cap. 2.* Sparsa enim obtutu oculorum semina contagionis putridæ, ob naturæ cognitionem spiritus humorisque oculorum sanorum simili labe inficiunt ac contaminant.

Tandem etiam differt Ophthalmia secundum tempora. Principium enim est, quando humor tenuis ac plurimus defluit: Augmentum, quando dolor augetur & humor fit crassior; Status, cum signa coctionis magis apparent, & excrementa ita fiunt crassa, ut etiam dormientium palpebræ ab iis conglutinentur. Declinatio denique est, cum symptomata fiunt remissiora.

Signa Diagnostica.

Ophthalmia ipsa cognitu facilis est. Venæ enim exiles tunicæ adnatæ tenduntur, & tument, atque inde oculus rubet, ardor & dolor in ea percipitur, lachrymæ & sordes, adsunt.

Sed & differentiæ signis discernuntur. Si enim oculi calidiores saltem appareant, cum rubore, idque à causâ externa, *ἑξωτερικῆς* erit. Si præterea dolor grauis adsit, & tumor ac ardor & lachrymæ copiosæ, Ophthalmia censebitur.

Quod

Quod si denique hæc omnia ingrauescant, vt palpebræ etiam simul afficiantur, & quasi inuertantur, *χίμας* nominabitur.

Quò ad signa caussarum, humorem mali causam non solum monstrat temperatura corporis, ætas, regionis, aërisque constitutio, victus ratio, sed & alia signa proximam causam demonstrant. Si enim à plethora sit Ophthalmia, facies rubet, tumor euidentior est, venæ apparent amplæ: nec lachrymæ sunt adeo mordaces, nec dolor adeo vehemens. Si à bile est Ophthalmia, rubedo non est adeo magna, sed lachrymæ acres, ac dolor vehemens, ita vt oculi quasi vri videantur. Si ab humore pituitoso est Ophthalmia, rubedo calor & dolor est remissior, ac potius sensus grauitatis, & lachrymæ non sunt adeo mordaces; nisi à pituita salsa sit malum, palpebræ noctu quasi visco conglutinantur, vt non possint aperiri. Si ab humore melancholico, palpebræ nocte non adeo conglutinantur, lachrymæ sunt paucae, tumor paruus, morbus diuturnus est, & contumax.

*Signa
causarum.*

Nec inutile est, discernere, an ophthalmia à causis internis, an verò euidentibus originem habeat. Si causa externa præcessit, ea facile ex ægri relatione cognoscitur. Si verò illa absit, pars affecta & mandans diligenter inuestiganda est, vt humor vitiosus subtrahatur, eiusque generatio impediatur. Nisi enim hoc fiat, sæpius recurrere solet ophthalmia. Quod autem membrum hic humorem supeditet, partium affectarum signa in specie demonstrabunt. Necessarium quoque est inquirere, an per vasa externa, vel interna humor ad oculos affluat. Si enim per vasa externa, & à pericranio humor affluat, tumor, dolor, & pulsatio in fronte ac temporibus percipitur. Si verò à vasis & membranis internis, dolor profundior erit, & multò vehementior. Pruritus quoque in palato & naribus sentietur, ac sternutatio frequens erit.

Tandem quoque tempora morbi ob curationem discernenda. Principium ophthalmiæ est, vt antea etiam dictum, vbi venæ distendi oculusque rubere incipit, & lachrymæ ac humor exstillans tenuis est. In augmento rubor & dolor

augetur: quæ in statu omnia sunt maxima, humôrque in-
crassari incipit, & ex sordibus palpebræ conglutinantur.
In declinatione omnia manifestè minuuntur.

Prognostica.

1. Ophthalmia facilius curatur, quæ propius ad *τάραξις* accedit; difficilius, quæ ad *χρημωσις*.

2. In regionibus & temporibus frigidis etsi ophthalmiæ rariores sunt: difficilius tamen tolluntur, ob membri adstrictionem. Contrarium fit in regionibus & temporibus calidis, teste Auicenna.

3. Ophthalmia in pueris, si cætera paria sint, difficilius curatur; quoniam tractari commodè nequit: & pueri caput imbecillum excrementisque plenum habent, sicut & senes.

4. Ophthalmia per consensum à dura & pia matre, & à partibus intra cranium contentis sæuiora habet symptomata & difficilius curatur, quam ea, quæ fit per consensum ab externis.

5. Hinc si ad Ophthalmiam ab affluxu per venas frontis & temporum accedat fluxio noua ex venis internis & meningibus cerebri, grauior fit affectus, quo oculi sæpe cum sede extruduntur.

6. Dolor diu perseuerans in ophthalmia pessimum signum est. Materiam enim aut corrodentem, aut vehementer distendentem, aut suppurantem arguit. Periculum igitur est, ne vel exesis vel ruptis oculi tunicis atque cornea imprimis exulcerata, cæcitas sequatur; aut, quod mitius malum est, suffusio exspectanda erit; crasso humore circa pupillam concrecente. Galenus 3. meth. med. cap. 3. etiam pupillæ dilatationem ac tabem, & *puridωσις*, hoc est, corrugationem addit, præsertim ex refrigerantium nimio, & intempestiuo ad oculum usu.

7. Ophthalmia, in qua lachrymæ copiosiores, exque mordaces, citius ad finem peruenit, teste Auicenna: at grana sordium in oculo parua deteriora sunt; quia maturatio-
nis tarditatem significant, teste eodem.

8. Ophthalmia laborantem alui profluuium superueniens liberat, 6. Aphor. 17. Retrahitur enim deorsum & eua-
cuatur

cuatur caussa mali antecedens ; ideoque Medicus naturæ exemplo curabit ophthalmias per clysteres & medicamenta purgantia. Plura Prognostica videantur apud Celsum, *lib. 6. init. cap. 6.*

Indicationes.

Cum ophthalmia sit inflammatio, omnes, quæ ab inflammatione sumuntur, indicationes hic locum habent. Nimirum primò ne humores ophthalmiam generantes ad oculum affluant, cauendum. Itaque si causssæ quædam externæ præcesserint vel adsint, eæ omnes primò amouendæ. Frustra enim hic omnia alia auxilia adhibentur, nisi causssæ illæ omnes amotæ fuerint. Si verò à caussis internis solum ophthalmia proueniat, inflammationis incrementum, remota caussa antecedente, prohibendum. Id quod fit, totum corpus & caput, si opus sit, euacuando, humores ad oculum affluentes reuellendo & repellendo. Deinde quod influxit, tollendum, & caussa continente sublata, morbus ipse sanandus, id quod repellentibus & resoluentibus peragitur. Et quidem cum, vt antea diximus, non idem semper humor ophthalmiam excitet, ad humoris naturam & vitium medicamenta accommodanda.

Secundam indicationem suppeditat locus affectus, qui est oculus. Cum enim oculus sensu exquisitissimo sit præditus, mitissimis medicamentis, & quæ minimè dolorem inferunt, tractandus.

Tertiò : Etsi dolor sit inter symptomata, quæ ablata caussa cessant : tamen cum ob vehementiam interdum ita vrgeat, vt causssæ curatio priùs expectari non possit, anodyna tum postulat.

Regulæ quædam generales in medicamentorum Ophthalmicorum usu obseruandæ.

Quæ omnia vt planiora fiant, & vt medicamenta, quæ his indicationibus respondent, rectè vsurpentur, generales quædam Regulæ in Ophthalmiæ curatione obseruandæ sunt.

*Regula
in oculis
curandis
obseruanda.*

I. Topica oculis statim ab initio non adhibeantur: quia sæpe solis euacuationibus vniuersalibus leuior ophthalmia sanatur. Quod si dolor vrget, ita vt affluxus maior me-

tuendus sit, & virium per vigiliæ deiection, ille externis anodynis mitigetur. Et omnino vsus medicamentorum topicorum sit parcior, monétque Mercatus, *lib. 1. de capit. morbis, cap. 2.* quamvis plurima passim præscripta sint remedia, non omnibus ac plurimis aut semper vtendum esse; cum plus sæpe promittant boni, quam præstent, vt Galenus ait, additque: Scio profectò, plurimos in omnimodam cæcitatem deductos esse, copia medicamentorum potius, quam defectu. Neque enim oculi semper vtilia medicamenta sine incommodo ferunt, nedum quæ inordinate & sine ratione adhibentur.

Nota.

I I. Lac muliebre recens vel aliud instillatum vel impositum oculo equidem faciliè primas inter medicamenta dolorem lenientia obtinet: In eius vsu tamen hæc cautio, monente Aëtio & Auicenna, adhibenda, ne lac oculo diutius inhæreat. Faciliè enim à calore oculi corrumpitur, & acrimonia contrahit. Ideoque singulis fere horis mutandum est. Id quod de albumine oui metuendum non est.

I I I. Repellentia, quibus in principio vtimur, eiusmodi sint, ne nimia frigiditate & adstrictione sua tunicas oculorum condensent, porosque claudant, siccitate verò oculos exasperent, doloremque ex vtraque causa augeant. Cum enim à phlegmone, quæ tumor est calidus, semper aliquid resoluatur, præsertim in membro raro, cute densa non tecto, quale est oculus, si materia illa retineatur, pauca etiam, si acrior sit, morsu; si multa, qualiscunque etiam, tensione dolorem vehementiorem excitabit. Ideoque lenientia quædam frigidis & abstergentibus admisceantur, vt lac, crocus, sarco colla.

I V. Opium & Opiata nonnisi necessitate urgente vsurpentur; sitque eorum vsus neque frequens, neque multus. Etsi enim, quod vulgo putatur, frigiditate non noceant; tamen non saltem acrimonia sua & mordacitate dolorem augent, sed etiam spiritus opticos incrassant & hebetant, quod & Galenus obseruauit, *3. meth. med. cap. 2. & de comp. medicam. f. l.*

V. Diligenter quoque in omni oculorum affectione curan

curandum est, ne suppuratio intus fiat. Metuendum enim tum foret, ne à detenta sanie cornea aut cæteræ oculorum tunicæ corrodamtur.

V I. Ophthalmicis remediis semper admiscenda sunt, quæ à proprietate oculis conducunt.

V I I. Sint etiam remedia, quæ oculis induntur, à for-
dibus diligentissimè mundata, & leuissimè trita atque cri-
brata, vt asperitatem deponant. Mordacitatis quoque sint
expertia. Et proinde si mordacitas à calore dependeat, in-
fundantur illa sæpius in aqua rosarum, endiuivæ, hordei,
lacte muliebri: Si à frigiditate, in decocto passularum, ca-
ricarum, foenugræc. meliloti cum vino subdulci. Denique
non nimium lenta sint, ne crassa nimis visciditate perti-
naciùs oculis adhærendo indurentur. Ideoque etsi albu-
men oui cum aqua rosarum vel simili conquassatum sit
conuenientissimum remedium ad repellendum in oculo-
rum affectibus: tamen videndum, ne talia medicamenta
admisceantur, vnde indurescat, & oculis pertinacius ad-
hæreat. Quod incommodum vt, præcaueatur, Ludouicus
Septalius in *Animaduers. Medicis* liquore ex albumine oui
ad duritiem cocto expresso vtî mauult. Verùm cum li-
quori huic desit illa vi emplastica, quæ albumini con-
quassato inest, quæ teste Galeno, 3 *meth. med. cap. 11.* in
lippitudine utilis est, vt diutius hæreat & longiore tempo-
re refrigerando repellat: consultius est, albumen oui vsur-
pare nihil tamen ei admiscere, ob quod indurari & oculo
pertinacius adhærere possit.

V I I I. Mesue de *Curat. ægritudinum aurium* hanc regu-
lam tradit: Medicamenta, quæ oculis instillantur, semper
actu frigida esse debent; quæ auribus tepida aut calida, si-
ue affectus ipse sit calidus siue frigidus. Sed actu frigida
oculis sanis potius conueniunt ad præseruationem à mor-
bis. In oculo autem phlegmone affecto actu tepida magis
ex vsu sunt, vergentia ad frigiditatem, si repellendum; ad
caliditatem, si discutiendum sit, quo utroque etiam dolor
mitigatur.

Curatio Ophthalmiæ leuioris siue ταραχίας.

Si à causis externis leuior ophthalmia ortum habeat,

Ophthal-
mia le-
nioris à
caussis
externis
Curatio.

ex primum, quæcunque sint, omnes tollendæ. Frustra enim omnia alia auxilia adhibentur, nisi causæ illæ omnes remotæ fuerint.

Causis remotis si à calore Solis vel ignis malum originem habeat, oculus fouendus aqua rosarum, plantaginis cum camphora vel sine camphora, lacte muliebri recenti, vel albumine oui conquassato cum aqua rosar. Galenus in 1. de remediis facile parabilibus cap. 10. ad calidas *μπάζες* commendat fotum oculorum ex sola posca, ad frigidos ex vino albo. Et si metus sit, ne malum augeatur, & à causâ interna foueatur, etiam sanguinis & humorum vitiosorum euacuatio institui potest. Postea cum repellentibus & refrigerantibus decoctum seminis fœnugræci, flor. melilot. vel chamæmel. admiscendum.

Si à dolore capitis ex Solis æstu contracto ophthalmiæ initia se produnt, aqua rosarum cum camphora & sine camphora & lac muliebre non solum oculis instillandum, sed & fronti applicandum. Rabbi Moyse, 2. Aphor. Emplastrum ex teneris foliis rosarum laudat. Aëtius & Oribasius in hoc casu suadent, ut æger multum potet, ad conciliandum somnum & coquendum inflammationem. Id quod aliqui de potu vini interpretati sunt. Sed quia caput antea æstuat, vini potus largior concedi non potest, sed aqua vel alius potus minus calidus. Contrâ si à frigore sit ophthalmia, balneum aquæ tepidæ conuenit; modò caput repletum non sit. Deinde cibo cocto vinum subtile & tenue propinandum.

A fumo
& pul-
uere.

Si à vento, fumo vel puluere incipiat ophthalmia, aqua dulci vel lacte tepido oculi abluantur, ægerque in loco obscuro quiescat, & det operam, ut dormiat. Somnus enim imminentem lippitudinem sæpius præcauet. Foueatur etiam oculus aqua rosarum cum paxillo croci.

Ab ictu
& casu.

Si verò ab ictu vel casu sit malum & inflammatio metuatur, sanguis statim mittendus. Hinc dolorem sedantia & repellentia modò proposita, lac muliebre, aqua rosarum, albumen oui & similia oculo instillantur, & cum lintheo mundo oculo imponantur, vel albumen oui cum paxillo albuminis & boli armeni applicetur. Postea ut san-

guis

guis ille è venis in tunicas effusus discutiatur, & macula cruenta in oculo deleatur, sanguinis columbæ, turturis vel hirundinis oculo instilletur, vt postea de suggillatione dicetur.

Si ab apīs, vespæ, crabronum ictu sit τάραξις.

Ab apū

℥. Vriæ mortuæ seu galeopseos, rad. altheæ. fol. rutæ an. M. ℞. & vespæ.

rum ictu.

Contundantur in mortario, exprimatur succus, & ad-
dantur boli armeni 3. ij. & oculo imponantur. Vel saltem repellentia ex albumine oui, lacte muliebri, vel aqua rosar. imponantur. Vulgus statim ab ictu ferro comprimit oculum, vt non solum ferri frigiditate, sed & compressione affluens humor retrudatur.

Si à cantharidum, erucarum, formicarum contactu incipiat ophthalmia.

A Can-

℥. Cremoris lactis, aquæ endiuivæ an. cochlear. ij. aceti cochlear. j. camphor. 3. ℞. M. & imponantur.

tharidū,

erucarū,

formica-

rum con-

tactu.

Si hiscè remediis ophthalmia à causā externa incipiens non tollatur, reliqua etiam, quæ in vera ophthalmia adhiberi solent, vsurpanda.

Curatio ophthalmiæ veræ.

Si à causā interna vel etiam externa sit ophthalmia, quam tamen affluxus humorum foueat & augeat, & sanguis abundet, aluo euacuata, mox vena aperienda est, & euacuationis & reuulsionis gratia. Imò cum sine sanguine nulla ophthalmia fiat, etsi alij humores ad generandam ophthalmiam concurrant, non faciliè omittenda venæ sectio; aut eius loco cucurbitulæ cum scarificatione occipiti, ceruici ac scapulis imponendæ. Plurimumque in omni ophthalmia prodest venæ sectio, & sæpe grauissimi oculorum dolores intra horæ spatium venæ sectione sublati sunt, teste Galeno lib. de curandi ratione per sanguinis missionem cap. 16. qui etiam cap. seq. 17. narrat historiam cuiusdam, qui ab oculorum inflammatione & cæcitatis periculo sanguinis missione liberatus fuit.

Ophthal-

mia Cu-

ratio.

Venæ se-

ctio.

Iubet autem Galenus Cephalicam καὶ ἰκτὶν, id est, è directo affecti oculi, seu eiusdem lateris aperire. Quod & Rhafes, si minus graue malum sit, suadet. Si autem malum grauius sit, in brachio lateris oppositi maioris reuulsionis gratia,

gratia, & hinc in latere affecto venam aperire iubet. Nonnulli primò ex mediana seu communi eiusdem lateris, postea ex cephalica sanguinem detrahunt. Verùm videndum, quid ægri vires ferant, & an venæ sectio commodè repeti possit. Si enim hoc fieri non possit, statim cephalica eiusdem lateris aperienda.

Quantum autem sanguinis mittendum sit, abundantia sanguinis, mali vehementia, & virium robur determinat. Galenus *loco allegato capit. 17.* cuidam primò libras sanguinis tres detraxit, & hora sexta post adhuc libram vnam. Auicennas quoque ad metum lipothymia sanguinem interdum in vera ophthalmia mittendum censet. Sed tutius est, siue eodè die, siue postero venæ sectionem iterare, seu eadem Cephalica bis aperta, seu primum mediana, hinc Cephalica, quàm largiore vna venæ sectione vires deicere. Viribus infirmis iuxta pollicem in manu sectio fiat. Si verò sanguinis copia non sit magna, aliique humores admisti sint, sanguis parcius detrahatur, eiusque loco cucurbitulæ cum scarificatione adhibeantur. Si etiam consueta sanguinis euacuatio suppressa sit, danda opera, vt ea reuocetur. Vnde in foeminis venas tali aperire, aut furas scarificare conuenit.

Si verò alij humores sanguini admisceantur, conuenientibus medicamentis euacuandi, & si opus fuerit, præparandi, eorùmque vitia emendanda sunt. Et cum experientia doceat, vt Galenus, *in libro contra Iulian. cap. 1.* annotauit, aluum copiosius fluentem oculis inflammatis prodesse, vt Hippocr. 6. *Aphorism. 17.* rectè scripserit: Ophthalmia laboranti alui profluuium bonum esse: Medicus naturam imitetur, & aluum clysteribus ac medicamentis fluidam reddat. Et imprimis biliosos humores in ophthalmia euacuare vtile est, cum ij maxime in ophthalmia sanguini permisti sunt. Obseruandum tamen est, ne medicamenta acria adhibeantur, ne humores agitati & exacerbati vehementius ad oculos fluant, sed mitiora medicamenta vsurpentur.

Præparationis ergo loco, & vt humores calidi & præparantia humores in Ophthalmia.
acres temperentur, in humore bilioso vsurpentur radic. cichor. fragariæ, fantal. flor. rosarum violar. nym-
pheæ.

Vt ℥. Syr. violar. nymph. rob. ribium an. ʒ. j. aq. violarum, fragorum sine vino an. ʒ. iij. euphrag. verbenæ an. ʒ. j. Misc.

Postea instituat purgatio cum syrupo rosar. vel violar. solut. cassia, tamarind. rhabarb. myrobalan.

℥. Myrobal. citrin. ʒ. j. ʒ. rhabarb. ʒ. ij. spice ʒ. vj. cinamomi ʒ. ʒ. Infundantur in aq. cichor. f. q. Colaturæ adde Syrup. ros. solut. ʒ. j. ʒ. M. Vel etiam pilulæ lucis exhibeantur.

Hiscæ peractis particulares euacuationes, diuersiones & deriuationes instituendæ sunt, vt supra parte i. dictum. Si videlicet caput adhuc sit plenum sanguine, eum quoque è venis capiti propriis euacuare conuenit. Aui-cennas venam secare iubet, quæ est in angulo, aut rectam, quæ est in fronte. Compertumque est, ophthalmicos, qui casu in fronte vulnerati fuerunt, ab hoc malo hac occasione liberatos fuisse. Nonnulli etiam venas nasi aper-riunt. Antiqui, vbi sanguis feruidior esset, & vaporibus plenus, ac per arterias externas in oculos flueret, arterias in temporibus aperiant; cuius sectionis modum docet Galenus, in fine lib. 13. meth. med. & Paulus Ægineta, lib. 6. cap. 4.

Nec omittendæ reuulsiones per frictiones lotionesque crurum ac pedum. Imprimis verò vtilia sunt vesicatoria post aures applicata. Nonnulli farinam sem. erucæ saccu-lo includunt, & sacculum in vino coquunt, ac calidè è regione oculi affecti nuchæ imponunt, idque sæpius repetunt, vt humor ab oculo versus nucham trahatur. Si malum sit diuturnius, aut frequentius infestare so-leat, fetaceum adhibendum, idque vel 30. diebus aper-tum seruandum, vel cauterium actuale aut potentiale in ceruice vel brachio applicandum & fonticulus excitan-dus. In diuturnis enim ophthalmiis, aliisque oculorum, qui ex affluxu humorum oriuntur, pertinacibus morbis fetaceum

fetaceum ac cauterium efficacissima sunt remedia.

*Particu-
lares eua-
cuationes
in oph-
thalmia.
Errhina
an in
ophthal-
mia con-
ueniant.*

Particulares euacuationes fiant per apophlegmatismos & gargarismos, vt suprà parte I. dictum. De Errhinis est controuerfia; Alij enim ea planè improbant, vtpote quæ ad anteriora & oculos trahant. Alij ea admittunt, cum iis Hippocrates, Galenus, Auicennas & alij practici vsi sint, ac humores per vicinum locum ex oculis euacuare possint.

Vt autem res breuiter expediamus; omnino in errhinis maior cautio adhibenda, vtpote quæ ad vicinas oculo partes trahant, quod non fit in apophlegmatismis & gargarismis, quæ per posteriora auertunt. Ideoque non nisi totius euacuatione & capitis purgatione præmissa, & cum æger consuevit per nares excrementa capitis euacuare, ea, & quidem non fortiora, conueniunt, neque etiam facile, dum materia est in fluxu ad oculos, adhibenda.

*Topica in
ophthal-
mia.*

Dum corpus & caput ita euacuatum est, & omnis generis diuersiones institutæ, topica quoque oculis applicanda. Initio verò mali statim non adhibenda, vt supra in regulis generalibus dictum. Sæpe enim compertum est, venæ sectione & purgatione ophthalmiam sanatam fuisse, vt topicis opus non fuerit. Atque hoc præceptum oraculi loco habendum censet Mercurialis; & millies se expertum scribit, quod inflammatio oculi à principio nolit tangi.

*Nota.
Tempori-
bus ap-
plicanda.*

Nihil tamen obstat, quin vicinis oculo partibus, per quas fit defluxio, fronti scilicet & temporibus, ea in parte, vbi oculus dolet, vel toti fronti vsque ad tempora, si vterque oculus laboret, repellentia & adstringentia medicamenta, præcipuè si fluxus fiat per venas & arterias extra cranium, vt magna ex parte accidit, adhibeantur, ex succo vel aqua rosarum, plantaginis, solani, salic. lactucæ, balaust. capitibus papaueris, santalis, bolo armeno, sangu. draconis, flor. rosar. rubr. addito thure & mastiche, gummi tacamahacæ, quæ frigiditatem reliquorum corrigunt & leniter adstringunt, mixtis cum albumine oui vel aqua rosarum. Galenus de medic. fac. parabil. viridia vitis folia in modum cataplas-matis fronti imposita commendat; sicut & rubi & portu-lacæ succum.

℞. Boli armeni, sangu. draconis an. 3. ij.

Incorpor.

Incorpor. cum albumine oui & dissoluantur in aceto, in quo rosæ, santal. rubrum, & thus cocta fuerint, & fronti applicentur.

Vel ℥. Boli armeni 3. ij. flor. rosarum, sangu. dracon. an. 3. j. mastich. balaustior. an. 3. β. F. Pulvis, qui excipiat albumine oui, & aqua rosarum, vel aceto rosarum, & applicetur temporibus ac fronti.

Vel imponatur succus plantaginis cum albumine oui, aut Emplastrum aliquod adstringens.

Nonnulli talia etiam supra iugulares venas & iuxta occiput apponunt. His enim modis omnibus influxus humorum ad oculos inhibetur.

Cauendum tamen, ne simul oculis repellentia, & temporum vasis cataplasma & alia medicamenta adstringentia adhibeantur; cum qui ab oculis repelluntur humores recurrere angustatis vasis non possint, imprimis si corpus euacuatum non fuerit.

Hæc tamen præcipuè de adstringentibus intelligenda sunt. Ea enim partes contrahunt, humores parti impingunt, & ad resolutionem ineptos reddunt, ideoque dolorem augent, & in principio non adhibenda sunt.

Alia verò, quæ sine adstrictione acrimoniam humorum temperare eosque modicè repellere valent, non videntur planè inutilia. Topica oculis applicanda.

Vt ℥. Aqu. rosar. 3. j. euphrag. 3. β. tutiæ preparat. sief alb. s. opio an. ʒ. β. camphor. ʒ. j. M.

Vel ℥. Sief alb. s. opio 3. β. dissolu. in lacte muliebri & aqua rosarum, & oculo imponatur.

Vel ℥. Album. oui 3. ij. lactis muliebr. 3. ij. succi plantag. 3. j. Misc.

Vel ℥. Mucilag. sem. psylli extract. cum aqua plantag. aut rosarum 3. ij. album. oui bene conquassati 3. j. Mixta oculo imponantur, & nonnihil de eo oculo instilletur. Si feruor adsit, camphor. ʒ. v. addatur.

Vel ℥. Aqu. rosar. 3. ij. succi plantag. 3. j. album. oui conquass. 3. β. Misc.

Vel ℥. Fol. plantag. flor. rosar. rubrar. an. 3. ij. balaust. 3. j. Coqu. in aqua rosar. & plantaginis.

Vel ℥. Pulp. pomorum acidorum vel cydonior. coctor. in aqua rosar. & plantag. ℥. ij. farina hordei ℥. j. sumach. balauft. flor. rosar. rubr. an. 3. ℞. succi sedi maior. & plantag. an. q. s. Fiat Cataplasma, quod repellit & simul dolorem lenit.

Possunt etiam ficcantia leniter & citra morsum repellentibus ac dolorem lenientibus addi ad humiditates absorbendas, cerussa, tutia præpar. pompholyx, oculi ☉, saphirus, granatus, smaragdus, margaritæ præparatæ.

℥. Cerussæ lotæ aqua rosar. ℥. ij. aq. plantag. ℥. ij. albumin. oui conquassati ℥. j. Misc.

Vel ℥. Tutie præpar. 3. ℞. aqu. rosar. ℥. ij. album. oui conquass. ℥. j. Misc. Imprimis tres sequentes aquæ commendantur. I. est aq. fragorum.

℥. Fragor. recent. 3. ix. sacchar. alb. 3. iv. Misc. & per 8. dies in B. aquæ tepentis macera. Deinde in B. eodém destillantur.

2. Est aqua flor. cichorij.

℥. Flor. cichorij q. v. Colligantur ante ortum Solis, Sole ☉ modò ingresso, contundantur bene in mortario, admisc. pulueris sacch. candi albi, quarta pars, indantur vitro, ponantur ad Solem; & resoluentur in oleum, quod palpebris inunctum fluxionem tollit, & simul visum clarificat.

Nota.

3. Oleum fl. cyani, quod h. m. paratur.

℥. Flor. Cyani cæruleor. ante ortum Solis collect. q. v. Contundantur in mortario marmoreo, indantur vitro, quod bene obturetur, & ad Solem per integrum mensem ponatur: hinc sumatur vitrum, & obuoluatur fermento, ponatur in furnum pistorium, & cum panibus coquatur. Ita proveniet Oleum seu liquor quidam, summum oculis à calidis fluxionibus & falsis humoribus auxilium.

Si etiam dolor oculorum ab initio statim sit vehementior, quamprimum aliqua euacuatio & repulsio facta est, medicamenta dolorem lenientia adhibenda; quæ ipsa tamen ita parari possunt, ut simul incrementum inflammationis prohibere valeant. Utile est imprimis albumen oui benè conquassatum, vel solum, vel cum aqua rosarum ac lacte muliebri aut alio mixtum, oculo instillatum, vel quod cōmodius est, extra impositum. Quòd tamen

*Anodyna
in oph-
thalmia.*

diu non relinquendum, sed singulis horis mutandum est, ne mora aceſcat, corrumpatur, & acre euadat, dolorémque augeat. Nonnulli lactis loco caſeum planè recentem imponunt, ſed & iſ ſæpius mutandus, ne ſi oleoſus & pinguis fiat, malum augeat. Vtile eſt & pomum dulce cum ſaccharo coctum & appoſitū, cui quoque aliquot grana opij & camphoræ admiſceri poſſunt. Prodeſt & medulla panis albi in lacte infuſa, qui aliquid decoctionis papaueris vel ſeminis fœnugræ addere licet. Gal. lib. 1. de remed. facilè parabil. cap. 10. commendat decoctum fœnugræci hoc modo paratum.

Principio lotum diligenter in aqua dulci fœnugræcum ſeuiter in eadem coquitur, donec quidquid in ſe habet acris, abiiciat; deinde effuſa priori aqua, alia rurfus aqua coquitur. Idem decoctum Galenus, & 13. m. m. cap. 22. & 4. de compoſit. medicam. ſ. 1. c. 2. uſurpat. Monet tamen Ludovicus Septalius lib. 6. animadu. num. 79. Decoctum hoc fœnugræci malè vulgo parari ex ſemine, cū ſit calidius, quàm ut conueniat in oculorum inflammatione; cum calidum in ſecūdo & ſiccum in primo ponatur à Galeno 8. de ſimpl. medic. facult. Ipſe verò hoc decoctum potius ex foliis parandum cenſet. Verùm incommodum, quod metuit Septalius, forſan euitari poteſt, ſi paretur ad modum à Galeno allegato capite 10. libro primo, de medic. facilè parabil. propoſitum, ſi videlicet decoctum prius, quod quicquid acre eſt in fœnugræc. imbibit, abiiciatur. Prodeſt & decoctum violarum, ſem. pſyllij & cydonior. oculorum populi, meliloti, item Cataplaſma ex luteo oui, medulla panis albi & aqua roſar. vel lacte.

Vt ℥. Mucilag. ſem. pſyllij & cydonior. cum aqua roſar. & papauer. extrah. an. ℥. j. albumin. oui conquaſſ. ℥. ſ. camphoræ, croci an. ḡ. vj. Miſc.

Vel ℥. Medull. panis albi in lacte & aqua roſar. macerata, pulpa pomor. dulc. an. ℥. j. mucilag. ſem. pſyllij fœnugr. aqu. roſar. extr. an. ℥. ſ. vitell. oui vnius, camph. ḡ. j. croci ḡ. vj. M. Si dolor ſit vehementior, ḡ. ij. opij addi poſſunt, & cum lacte muliebri vel aqua roſar. miſceri in formam cataplaſmatis.

Efficax eſt & emulſio ſemin. papauer. facta cum lacte muliebri vel aqua lactucæ aut decocto fœnugræci.

Fortiora sunt succus vel decoctum lactucæ, solani, radic. mandragoræ, capit. papau. Sief album cum opio. Opiata tamen, vt etiam supra in regulis generalibus dictum, non nisi extrema necessitate urgente, & vbi ex dolore acutissimo summa virium deiectio metuitur, vsurpanda, & vbi iis vtendum, Auicennas aquam saccharatam vel aquam mellis post illorum vsum instillare iubet. Commodè verò decocto meliloti post vsum opiatorum oculi fouentur. Plura videantur apud Platerum *lib. 2. Practic. pag. 307. & seqq.*

Topica in principio ophthalmie applicanda.

Reliqua topica quod attinet, morbi temporibus accommodanda sunt. In principio cōueniunt Repellentia, vt dictum, quibus in incremento resoluentia addenda, ita tamen, vt repellentia præpolleant. Hinc morbo præcedente vsurpanda resoluentia; quibus tamen adhuc aliquid repellentium admiscendum. Tandem sola resoluentia adhibeantur.

Habenda quoque ratio humorum, & medicamenta iis accommodanda. In Ophthalmia biliosa repellentia in principio, & dum materia adhuc fluit, adhibeantur, quæ citra vehementem astrictionem officium suum præstare possunt, quæque ita comparata sunt, vt acrimoniam humoris corrigant, & simul anodyna sint.

Exempli gratia.

℞. Mucilag. semin. psyllij & cydon. aqu. rosar. & plantag. factæ an. ʒ. j. albumin. oui bene conquassati ʒ. j. camphor. ḡ. vj. Mista oculis instillantur, & linteis mundis imponantur.

Vel ℞. Balauft. ʒ. ʒ. i. acaciæ ʒ. j. Infundantur in aq. rosar. ʒ. iiij. In Colat. dissolue terendo subtiliss. Turcia præpar. lapid. calaminaris an. ʒ. j. thuris, mastiches an. ʒ. ʒ. i. mucilag. semin. cydoniar. cum aqua rosarum factæ ʒ. j. F. Collyrium. Aut species ligentur in nodulo & in aqua rosarum suspendantur.

Vel ℞. Sief alb. s. opio ʒ. ʒ. i. lact. muliebr. an. ʒ. vj. M.

Vel ℞. Aqu. fragor. s. vino, tormentill. rosar. an. ʒ. j. Sief albi s. opio ʒ. ʒ. i. Misc.

Chymici hic commendant sacchar. Œni. Humida autem illa medicamenta non planè actu frigida adhibenda, ne materiam nimis incrassent & poros claudant, sed non nihil tepida.

De tempore adhibendum topicorum non idem sentiunt Authores Auicenn. lib. 3. sen. 3. tr. 1. cap. 9. scribit: *Quoti- pore topi-*
Et oportet quantum possibile est, ut retardetur in Ophthalmia ca in oph-
collyriorum administratio usque ad tres dies: Et paulò post, thalmia-
Oportet ut in principio non adhibeantur inspissantia fortia, applican-
da. & quæ sunt vehementer stiptica; quoniam inspissant tunicas
& prohibent resolutionem & augent dolorem. Quem plerique sequuntur, & non nisi tribus diebus peractis talia collyria adhibenda censent. Quos reprehendit Ludouicus Mercatus, & talia adhibenda existimat primis tribus diebus, postea verò ad discussionem veniendum esse. Verùm & rationes supra allatæ persuadent, & experientia docet, non ita tutò mox in principio adhiberi talia collyria. Imò experientia docuit, sæpe euacuationes & diuerfiones materiæ, cum legitima victus ratione, ad curationem sufficere, vbi materia pauca est & benigna.

Deinde sciendum, morborum tempora non semper dierum numero ita exactè describi posse, sed nunc esse breuiora, nunc longiora, nunc plures, nunc pauciores dies complecti. Itaque si fluxio sit diuturnior, non peccabit, qui etiam post tertium diem repellentia applicabit. Utile tamen fuerit, ut ad dissoluendum tum aliquid admisceatur. Et omnino ad indicationes semper respiciendum; ac peccant ij, qui vno collyrio aut aqua Ophthalmica quocunque morbi tempore adhibita omnes ophthalmias curari posse persuasum habent: Cum medicamenta ista, ut dictum, secundum tempora inflammationis varianda sint.

In augmento videlicet Repellentibus aliquid de Resol- *In aug-*
 uentibus admiscendum, qualia sunt semen foenigræc. lini, *mento.*
 althæa, chamæmel. melilot. sarcocolla, tutia, eaque pro-
 ut morbus versus statum aut declinationem propius ac-
 cessit semper augenda:

Vt ℥. Sarcocoll. lacte nutritæ 3. j. tragacanth. 3. ss. muc- *Sarcocol-*
 lag. semin. cydonior. q. s. F. Collyrium. Sarcocolla autem *la nutri-*
 nutritur, id est, infunditur vel maceratur in lacte per *tio.*
 dies aliquot, semper nouo lacte affuso, idque ideo, ut
 quicquid acrimoniæ habet, deponat. Et si siccitas eius

etiam metuatur, aliquid, quod lentore præditum est, admisceatur, vt mucilago sem. psyllij, cydonio. album. oui, tragacanth. amylum, & hoc modo sarcocolla præparata sine morfu & attractione digerit. Non autem multum vna vice nutriatur & præparetur, ne, priusquam absumatur, acescat, oculosque lædat.

Vel *℥. Flor. chamæm. melilot. an. M. ℞. rosar. rubrar. p. j.* Coqu. in aqua plantaginis.

Colat. *℥. 3. iiij. addē sarcocoll. nutritæ 3. j. ℞. tutiæ præpar. 3. j.*

A Chymicis commendatur crocus metallorum, è quo cum aqua euphragiæ & foeniculi parat aquam suam Ophthalmicam Martinus Rulandus senior, quam & Quercetanus in Pharmacop. restituta *lib. i. cap. 7.* proponit. Habet & aliam ibi Quercetanus ex vrinæ pueri ℔. ij. & Vitrioli ac tutiæ an. 3. iiij. destillatam. Sunt qui aquam pluuialem maiorem commendant in cantharo stanneo aliquandiu asseruatam, cuius mensuræ vni addunt Vitrioli albi 3. j. camphor. 3. ij. & pro vsu seruant. Potest eidem aqua rosar. addi.

In statu. In statu Sarcocollæ & aliorum resoluentium quantitas augeatur. Et viles tum sunt fomentationes, quæ sunt vapore aquæ calidæ, in qua medicamenta resoluentia modò dicta cocta fuerint, terue quaterue de die repetita, quæ dolorem leniunt, tensionem remittunt, humoresque resolvunt.

In declinatione. In declinatione sola sarcocolla vtendum, vt & aliis resoluentibus in aqua foeniculi, rutæ, euphragiæ & chelidonia.

℥. Sarcocoll. lactē nutritæ 3. iiij. aloës aqua foeniculi totæ 3. j. ℞. tragacanth. 3. j. croci 3. j. Fiat Pulvis, è quo cum aqua euphragiæ formetur collyrium siccum, quod in aqua foeniculi, euphragiæ vel alia conueniente vsurpetur.

Inter ista medicamenta etiam valde efficax est tutia vera Arabum seu pompholyx, quæ sine morfu siccatur.

Vt *℥. Tutia præparata 3. ij. aloës totæ 3. vnum, sacchar. 3. ij.* Trita infundantur in aqua foeniculi, euphragiæ, verbenæ,

verbenæ, rutæ ana ʒ. j. postea colentur & ad vsum seruentur.

Vel ʒ. Vitrioli albi, tutiæ præpar. an. ʒ. j. camphor. ʒ. j. Puluerisata subtilissimè infundantur in aqua rosarum pro collyrio.

Vel ʒ. Cariophyll. num. xij. tutiæ præpar. ʒ. ʒ. virid. æris ʒ. xv. Contundantur omnia crasso modo & indantur lintheo, ac fiat nodulus, qui in vini cyatho imponatur. Vfus tempore nodulus exprimendus, & gutta vna oculo instillanda.

Rhases quatuor medicamenta libro 9. ad Almanforem cap. propr. proponit. Eorum primum in principio Ophthalmiæ valet, & in materia calida, præsertim si affluxus eius fiat per venas frontis & temporum externas. Secundum in augmento magis prodest, & etiam in statu; quia non solum repercutit, & dolorem mitigat, sed nonnihil etiam abstergit & discutit. Tertium magis valet in declinatione, quando intentio est resolvendi & exsiccandi. Quartum dolorem etiam mitigat & aliquo modo etiam exiccat; ideo in principio quoque adhiberi potest.

In omni autem Topicorum applicatione obseruandum, vt semper ante applicationem nouorum Topicorum sordes lippitudinis prius remoueantur linteo-
lo molli vel aqua saccharata, vel alia conueniente intincto.

Si Ophthalmia à frigidis & crassis humoribus pro-
ueniat, à pituita scilicet & humore melancholico, euacuationes vniuersales & particulares & diuersiones omnes ad humores eosdem dirigantur, non neglecta eorum præparatione, vt supra parte prima, de Intemperie capitis cum his humoribus dictum. Et quia sanguis est admixtus, secetur vena humeralis vel Cephalica ante purgationem, postea frictionibus, ligaturis, cucurbitulis impetus humorum auertatur.

Quantum ad topica, repellentia hîc vix locum habent; satis fuerit, si fronti aliquid, quod affluxum humorum nonnihil sistat, applicetur.

Vt \mathcal{L} . *Thuris*, *acaciæ*, *aloës an. 3. j. myrrhæ*, *sanguinis draconis an. 3. ß.* Fiat Pulvis, qui cum albumine oui miscetur & fronti imponatur.

Ipsi verò oculo resoluentia moderatè & dolorem lenientia applicanda.

Vt \mathcal{L} . *Decocti sem. fenigræci 3. iij. thuris*, *sarcocollæ an. 3. j. croci 3. ß.* Ebulliant semel atque iterum & oculo applicentur.

Tandem in curatione Ophthalmiæ & præcipuè in iis, qui ea sæpius laborant, ad partem recipientem respiciendum, oculique per medicamenta appropriata confortandi, de quibus infra de visus debilitate dicetur.

Curatio χημώσεως.

χημώ-
σεως cu-
ratio.

Χημώσις tandem cum sit malum vehemens & magni momenti, eadem remedia, quæ Ophthalmia postulat, sed vehementiora. Venæ sectione igitur præmissa, purgatio instituenda & quidem aliquoties repetenda. Adhibenda & cucurbitulæ scarificatæ. Interdum necessarium est venas temporum, frontis, & quæ sunt post aures, incidere. Imprimis verò necessarium setaceum vel cauterium in occipite applicare. Reliqua medicamenta sunt eadem, quæ modo de curatione Ophthalmiæ veræ sunt proposita.

Dieta.

Aër sit temperatus ac purus, expers fumi, pulueris & ventorum; obscurior etiam & tenebriosior, ne oculi splendore offendantur, spiritibûsque agitatæ fluxio concitetur. Linteolum atrum, viride vel cæruleum proinde oculo obducatur, habeátque æger non solum oculum laborantem, sed & sanum clausum vel tectum; cum vnius motus alterum etiam inquietum reddat. Aspectus verò rerum lucidarum vitetur. Victus ratio sit tenuis, præsertim primis diebus, donec fluxio consistat. Ideo Celsus *lib. 6. capite 6.* scribit; In hoc casu primum omnium esse quietem & abstinentiam. Ita enim exinanitæ partes auidius, quos habent, humores retinent, ne ad oculos confluant.

A cibis

A cibis absint omnia vaporosa, acrida, & quæ caput replent ac feriunt, aut in bilem facile mutantur, falsa, aromata calidiora, cepe, lac, mel, & quæ cum aceto parantur. Condiuntur verò cibi nuce moschata, euphragia, foeniculo. Initio à vino hac de causa abstinendum, eiusque loco in materia biliosa decoctum hordei & cinamomi usurpandum. In crassis humoribus & tempore hyberno conceditur hydromel. Acida quidem & acetosa conueniunt præsertim post cibum, quia vaporum ad caput ascensum prohibent. Aceti verò usus non conuenit, quia vehiculi loco est humoribus, & aliàs acetum partibus nervosis est inimicum. Peculiari verò vi in hoc morbo nocere solent, & propterea vitanda sunt, semen canabis, caulis, lactuca, fabæ, lentès, carnes porcinae & salæ, oliuæ.

Somnus utilis est, quia in somno oculi non mouentur, nec lumen admittunt, atque ita humores ad se non attrahunt. Ac præterea per somnum materia, quæ in oculos influxit, concoquitur. Dolorem etiam, qui valde attrahit, somnus sopit. Ager non dormiat in latere, cuius oculus afficitur, dormiatque eleuato capite. Quies ita ægro necessaria est, vt Celsus primo die à sermone quoque abstinere iubeat, ne motu materia ad caput attrahatur. Repletio omnis vitetur, maximè ventriculi; vt alius semper sit aperta & fluidior, curandum. Capilli si multi sint & caput grauent, tondendi. Animi affectus omnis immoderatio, & imprimis ira vitetur.

In declinatione, ad reliquias & excrementa tertiæ coctionis discutienda, balneum conuenit. Vnde Hippocrates quinque Ophthalmiæ sanandæ remedia proponit, dum 6. aphor. 31. scribit, dolorem oculorum meri potio, aut balneum, aut fomentum, aut venæ sectio, aut medicamentum purgans epotum soluit. Quanquam enim de oculorum doloribus loquitur ille Aphorismus; tamen omnino quoque de ipsa Ophthalmia, cui coniunctus est dolor, accipi potest; & præcipua sanandæ Ophthalmiæ remedia complectitur. Et quidem de venæ sectione & purgatione antea dictum, iisque vbi requiruntur, solis sine

topicis non rarò ophthalmia curatur. De reliquis imprimis verum est, quod Celsus scripsit: Hæc sicut in recentibus malis aliena sunt; quia illa concitare possunt & accendere: Sic in veteribus, quæ nullis aliis auxiliis cessant, adeo efficacia esse consueuerunt. Et quidem fomentationes suo tempore adhibitas prodesse, antea suo loco dictum.

De vino & balneo, quæ huius loci sunt, res non ita expedita videtur, cum humores concitare & ad oculum mouere possint, ideoque in specie aliquid de iis dicendum. Et præcipuè hic difficultatem habere videtur, quod *ἀπὸ τοῦ οἴνου* præcipit Hippocr. *allegato aphorismo*. Verùm, cum, vt rectè Galenus & Auicennas docent, alia ratione vinum prodesse vix possit, nisi quia sanguinem crassiores attenuat ac dissipat: non nisi in declinatione vino vtendum, & vbi materia est crassior. Aliàs metuendum, ne maior humorum fluxus ad oculos fiat. Ita de Petro Ramo scribit Zvingerus in *Theatro volum. 17. lib. 3.* eum, cum Lutetiis literis operam daret, ex immodicis vigiliis in Ophthalmiam incidisse; Quem cum Iacobus Saluius, summus alioquin Medicus, ex allegato Aphorismo, vino generoso vti iussisset, ita creuit malum, vt vix tandem multis remediis extingui potuerit. Celsus adhuc alium vsum meri potui addit, scilicet vt somnum conciliet. Modum autem bibendi vinum idem Celsus definit, dum scribit: Vinum bibendum esse lene, subausterum, modicè vetus, neque effusè neque timidè, vt neque ex eo cruditas & tamen somnus fiat, lenianturque intus latentia acria.

De Balneo autem idem Autores etiam non sentiunt. Alij enim in humoribus calidis & acris eo vtendum censent; Alij in crassis & pituitosis: Alij quidem in declinatione; alij fluente adhuc materia ad sistendam fluxionem. Verum in vtroque casu locum habere potest. Nam vbi à biliosa materia orta est Ophthalmia, si tamen in toto capite ea non redundet, sed corpus iam purgatum sit, nullaque adsit corporis plenitudo, & materia non amplius sit in fluxu, balneum euocat & cōtemperat acres humores, & maximam partem inter lauandum excreta sistitur fluxio, reliquumque cōtemperatum à natura facilius vinci potest.

Ita


An vinum in ophthalmia conueniat.

Notanda hystoria.

An balneum in ophthalmia vtile sit.

Ita etiam balneum conuenit iis, quos phlegmone *ὀδονο-
ταδης* ab humoribus minus calidis infestat. Corpore enim
prius euacuato humores crassi per balneum attenuantur.
Si verò corpus adhuc plenum sit, & materia ac oculos ruat,
metuendum, ne calore balnei fusa materia ad oculos
magis fluat.

De curatione Ophthalmiæ videatur etiam Galenus,
*de compos. med. s. l. & in libris de medicamentis facile para-
bil.* Celsus, *lib. 6. cap. 6.* Paulus Ægineta *lib. 3.* Hoc etiam
adhuc addimus, Hieronymum Fabricium ab Aquapend.
de Chirurgicis operationibus, titul. de suffusione, cum animad-
uerteret, medicamenta, quæ oculis imponuntur, non
tam diu oculis inhærere, donec vires suas fatis exferant,
sed faciliè effluere, vascula vitrea instar cucurbitularum,
orbitæ oculi respondentia, inuenisse, quæ liquore re-
pleta oculo applicat, quorum descriptio loco allegato
videatur.



CAPVT XIII.

De Ophthalmia sicca.

Oculi aridis adhuc lippitudinis species est, quam oph- *Ophthal.*
thalmiam siccam appellant, in qua non tantus est *mia sic-*
lachrymarum fluxus, vt in ophthalmia humida modò *ca.*
proposita, & præterea etiam palpebræ afficiuntur. Eius tres
recensentur differentiæ. Est enim vel cum pruritu, vel
sine pruritu. Quæ cum pruritu est, & exiguam fluxio-
nem salsam & nitrosam coniunctam habet, à Paulo *libro*
tertio, cap. 22. *Ψωροφθαλμία* nominatur, quæ diuersus est
affectus ab illo, qui suprà *capite tertio*, descriptus est,
atque ipse etiam *Ψωροφθαλμία* nominatur. Si verò sine vlla
sit fluxione, & oculi tantum sunt rubri, neque tument,
sed cum dolore quodam leui in iis quidam sentitur pru-
ritus & grauitas, ab eodem *ξηροφθαλμία* dicitur. Quæ au-
tem sine pruritu est, & cum duritie palpebræ, *σκληροφθαλμία*,
pura lippitudo appellatur.

Proueniunt affectus hi omnes ab humore pauco, sed sicco & falso, ac nitroso. Et cognoscitur, atque ab ophthalmia humida discernitur hæc ophthalmia, quod lachrymæ ferè nullæ exstillant. Noctu palpebræ ita coagulantur & indurantur, vt humectantibus & mollientibus sint aperiendæ.

Affectus hi quidem non sunt tam periculosi & acuti, vt ophthalmia humida; diuturniores tamen, & qui toto vitæ tempore ægrum quandoque infestant.

Curatio ferè eadem cum ophthalmiæ modò propositæ; nisi quod in specie ad humorem falsum dirigenda. Is igitur temperandus & alterandus, euacuandus, reuellendus, deriuandus, vt supra *parte I.* dictum. Postea ad Topica accedendum. Et quia durities & scabrities coniungitur, indurata emollienda, vt de duritie palpebrarum dictum.

℞. *Endiuia*, *nymph.* *lactuc.* *solan.* *flor.* *viol.* *rosar.* *rubr.* *an.* *M. j.* *rad.* *althææ* *℥. j.* *℞.* *sem.* *sœnugræc.* *℥. ij.* Destilletur inde aqua, qua vesperi & manè oculi abluantur.

Vel ℞. *Butyri maiialis sine sale*, *ol. rosar.* *an.* *℥. j.* *℞.* *aloës* *℥. ij.* *campbor.* *℥. ℞.* *lithargyr.* *auri & argenti an.* *℥. j.* Butyrum & oleum liquefiat, hinc addantur reliqua & in mortario plumbeo misc. F. Vnguentum, quo vesperi palpebræ illinantur. Manè sequente liquore abluantur.

℞. *Aq. Agrimon.* *rosar.* *lactis muliebris an.* Misceantur.

Vel ℞. *Parietar.* *scabiosæ viridium*, *an.* *M. iiii.* Concisis & contusis adde *sanguinis columbini & hirundinum an.* *℥. ij.* Destilletur aqua, qua mane & vesperi oculi abluantur.

Vel ℞. *Farinæ tritici* *℥. ij.* *lentium, fabarum an.* *℥. j.* *℞.* *terre sigillatæ* *℥. ij.* *rad. sigill.* *Salomonis* *℥. ij.* *campbor.* *℥. j.* Puluerisata misceantur cum aq. *Cichorij.* Fiat Cataplasma, quod noctu oculis imponatur.



C A P V T XIV.

De Vngue Oculi.

*Vnguis
Oculi.*



Vnguis oculi, vulgo vngula, Græcis *πλσούριον*, tanquam ala parua, nomen accepit à similitudine siue vnguis humæ

humani, siue alæ volucris, quam excrescentia illa ab angulo oculi plerumque maiore versus pupillam protensa refert; quam & sagittam nonnulli vocant, à specie quadam triangularis cuspidis sagittæ præfixæ. Germanis dicitur, *der Nagel oder Nagelfell der Augen, oder Blatterfell der Augen.*

Definitur hoc malum à Paulo & Celso, *libro 7. cap. 7.* quod sit membranula neruosa & fibrosa orta ab angulo oculi, frequentissime maiore iuxta nasum, rarius à minore iuxta tempora, & adhuc rarius è superiore vel inferiore palpebra, teste Aëtio, adnatæ tunicæ valide adhærescens, & vsque ad corneam producta, nonnunquam etiam ad pupillam vsque protensa. Rhasi simile quid est membranæ neruosæ; Aëtio adnatæ tunicæ incrementum est, vel caro super hanc excrescens ex scabra quadam lippitudine, aut ex assiduïs ad oculum fluxionibus. Atque hoc differt ab eo, quod Arabes Sebel, vulgo pannum vocant, quod morbi genus substantia non est membranosa sed venosa, hoc est, ex venis turgentibus quiddam complicatum, & quasi contextum pannum referens.

Affectus ipse est morbus in numero præter naturam aucto; quia additum est aliquid tunicis externis oculi, quod addi non debebat. Subiectum plerumque est oculi adnata. Interdum tamen ita inualefcit, vt corneam & pupillam integat.

Causse.

Causa efficiens est facultas *ἡπείλη* in oculorum angulis, quæ adnatam vltra naturalem terminum auget & extendit, vel supra eam aliquid efformat. Occasio ita luxuriandi illi facultati datur, quoniam caro in angulo vel ophthalmia diuturniore, vel ob pustulas, quæ post variolas & morbillos aut alias etiam in oculo ortæ fuerunt, vel post combustiones ac scintillas ignis oculo illapsas, vel alias externas læsiones, vel ob assiduam fluxionem crassi & lenti humoris, scabritiem seu inæqualitatem quandam affecuta est, quam dum vis nutriens exterere & æqualem reddere nritur, incrementum eiusdem præter naturam producit, aut aliquid supra eam generat.

Materia ex qua est sanguis cum excrementitiis humoribus

ribus plus aut minus mixtus. Atque hinc differentia existunt, quod vnguis alius durus est, alius mollis; quidam coloris citrini, quidam fusci, quidam rubei. Alius facile separabilis ab adnata & cornea, alius difficulter. Quidam adnatam tantum occupat, alius etiam ad corneam extenditur. Est & quidam putridus ac cancrusus.

Signa Diagnostica.

Signis malum non eget; cum oculis sit expositum, ut ex descriptione antea proposita facile agnosci possit. Malignus & cancrusus vnguis cognoscitur à carne, quæ excrescit, crassa, dura, eminente, nigricante & tempora per consensum afficiente, ut docet Aëtius. Discernitur à carne lachrymali, quod radix vnguis semper ad albedinem magis declinat.

Prognostica.

1. Malum hoc non contemnendum est; cum ingrauescens pupillæ obductum, videndi aciem tollat.

2. Recens malum & magnitudine mediocri non difficile est discutere medicamentis, quibus cicatrices in oculis exteruntur. Si verò inueterauerit, atque ei crassitudo quoque accesserit, excidi debet, teste Celso *libro septimo, capite septimo*. Imò sæpe tam arctè & pertinaciter adnatæ tunicæ adhæret, ut neque per chirurgiam absque oculi iactura auferri possit, & proinde magnum & inueteratum incurabile fit.

3. Facilius hoc malum curatur in iuuenibus, quam senibus.

4. Facilius curantur *πτερυγία* albicantia, & angustum fundum habentia; his verò contraria ægrè curantur.

5. Putrida quoque & cancrusa curationem non admittunt; quia cancer radices habet, quæ euelli nequeunt, teste Aëtio *Tetrabl. 2. serm. 3. cap. 58*.

6. Ea *πτερυγία* manu curare oportet, quæ adaucta ad nigrum oculi se extendunt. Quæ verò parua & in albo sunt, ea commodum est, ut pharmacis comprimamus, Aëtius *ibid.*

7. Docet & hoc Aëtius, *πτερυγίον*, in quo principium fit

fit suffusionis, curandum non esse; quoniam eo sublato citius suffusio conflat.

8. Πτερυγία, quæ ad pupillam vsque pertingunt, & propterea visionem impediunt, si tollantur, oculum quidem à fluxionibus liberant, cicatrix autem, quæ ex sectione circa pupillam relinquitur, nihilominus visum impedit.

Indicationes.

Membranosa hæc tunica, quæ præter naturam accreuit, remouenda est, siue medicamentis extergentibus, si parua & mollis sit, nec pertinaciter adhæreat; siue manus opera, si contrario modo sese habeat.

Curatio.

Primò ergo vniuersales corporis euacuationis instituuntur; idque non semel, sed bis vel ter, prout opus est. Et crassi & visciidi humores expurgationi præparentur, & reuulsiones per vesicantia & aliis modis instituuntur, vt hæctenus aliquoties dictum. Vniuersalibus hisce præmissis primæ foueatur vnguis vapore aquæ temperatè calidæ, aut decocto hordei, maluæ, althææ, flor. chamæmel. meliloti, semin. lini, foenugræc. anethi, fl. cyani, quoad oculus calefiat.

Curatio.

Postea extergentia adhibenda. Inter quæ mitiora sunt, Saccharum candum, aqua euphrasie cum saccharo, aqua chelidon. cum melle, acetum album cum vino albo mistum, aqua fœniculi cum nitro ac sale, thus puluerisatum cum aqua calida in formam collirij redactum, sepis ossa usta ac tenuissimè trita cum momento salis ammoniaci, cornu ceruiustum, vel caprinum cum thure & vino lauigatum, vel caprinum cum succo artemisiæ ac melle, vel cinis limacum cum melle mixtus.

Efficax quoque medicamentum, & ferè citra morsum ac dolorem extergens ex ouorum testis paratur, dum ouorum testæ in aceto acerrimo macerantur, postea siccantur & in subtilissimum puluerem rediguntur, qui oculis inspergitur. Validiora sunt Aëstustum, Vitrioli, eris squama, flor. eris, calcatitis usta.

Ouorum
testa ad
oculo-
rum un-
guem.

Incipien

Incipiendum verò est a lenioribus, quæ sine morfu ac dolore suum officium præstant, quæ si non sufficiant, ad vaildiora accedendum.

Vt ℥. *Lactis muliebris*, *mellis an.* part. æqual. adde aliquid *croci*.

Coquantur, & frequenter oculo instillentur. Vel instilletur hæc aqua.

℥. *Aqu. acetosæ* ℥. v. *aluminis*, *ceruss. an.* ℥. j. *camphor.* ḡ. vij. Coquantur in vitro clauso in Balneo & colentur.

Vel ℥. *Aceti rosar.* ℥. iv. *aq. rosar.* ℥. v. *Vitrioli albi* ℥. ij. *mandibul. lucij combustarum*, *tutiae præpar. an.* ℥. ℞. *Œri* ℥. j.

In vitro clauso coq. in Balneo & colentur, & bis de die liquor oculis instilletur.

Vel ℥. *Aqu. rosar. tormentillæ an.* ℥. j. ℞. *aceti albi* ℥. j. *tutiae præp.* ℥. j. ℞. *squammæ aris* ℥. ℞. Ebulliant simul vase clauso, colentur & filtrentur.

Vel ℥. *Aqu. plantagin. centumnodiæ an.* ℥. ij. *Vitrioli calcinati* ℥. j. *salis ammoniaci.* ℥. ℞. *myrrhæ* ℥. j. Ebulliant, colentur & filtrentur.

Vel ℥. *fellis luciorum piscium q. v.* Destilla in vitro ad crassitiem. In liquore destillato solue parum camphoræ, & vsui serua. Fel verò increassatum extrahe cum spiritu vini, spiritumque vini iterum per destillationem separa.

Extracti huius & sacchari Nana ḡ. j. dissolue in prioris liquoris gutt. iv. ac cum pluma mane & vesperi oculis immitte.

In contumaciore malo, antequam ad manus operam accedatur, aliquod Sief validum conuenit, quale est Sief viride Rhasis, aut quod de chalcanto ex eiusdem descriptione paratur.

In vsu tamen acrium collyriorum obseruandum, ne cornea tangatur; cum eiusmodi collyria vim exulcerandi habeat. Itaque expedit, vehementibus extergentibus admiscere aliquid de tragacantha, gummi Arabico, decocto foenugræc. lacte muliebri, albumine oui. Non inutile quoque fuerit, temporibus repellens aliquod applicare, ad affluxum humorum inhibendum. Oculis quoque clausis anodinum aliquod adhibere conuenit.

Post

Post dies aliquot dolore sedato ad collyriorum vsum redire licet.

Si medicamentis malum non cedat, ad manus operam accedendum, & membranæ illius detractio tentanda, quam eleganter docet Celsus, *lib. 7. cap. 7.* Paulus Aegineta, *lib. 6. cap. 18.* Aëtius, *Tetrabibl. 2. serm. 3. cap. 60.* Hieronymus Fabritius ab Aquapend. *de operat. Chirurg. tit. de vngue oculorum.* Modi administrationis illius tres præcipuè sunt. Primò separando vnguem cum penna & post abscindendo cum forcipe. Secundò vnguem eleuando & acum subtus cum pilo equino aut filo serico ducendo, vnguèmq; sic protractum excindendo. Tertiò abradendo scalpello, si vnguis planè tenuis sit.

Postquam Chirurgica hæc tentata sunt, opera danda est, primò ne adnata tunica palpebræ concreasca, quam ad rem Aëtius probat muriam acrem vel aquam fassam, quam in oculum infundit. Auicennas cuminum masticatum cum sale applicat, iubetque ægrum frequenter oculos mouere, nisi dolor prohibeat. Potest & aqua aliqua leniter extergens modò proposita instillari. Secundò, vt caueatur inflammatio; quod præstari potest albumine oui cum hapso lini imposito. Tertiò, vt portio vnguis à ferro relicta extirpetur, ne malum denuò succrescat. Cui scopo inferuiunt collyria acria modò proposita post tres dies applicata, ne si citius vsurpentur, inflammationem pariant.

Dieta.

Victus sit attenuans & incidens. Æger à vino abstineat, vsque ad morbi declinationem, à cibus itidem vaporosis.



C A P V T X V.

De Tunicula adnata, quam vulgo pannum, Arabes Sebel nominant.

Effectio hæc, Auicenna definiente, Panniculus est, *Sebel* vel vt Rhafes definit, quiddam instar panniculi ex oculi repletionem venarum ortum, apparentium in superficie

tunicæ adnatæ vel corneæ oculi, quæ venæ cum tanquam exilia capillamenta variè & propinquè inter se contextæ sint, turgentes sanguine, speciem eiusmodi panniculi exhibent; unde etiam à nonnullis tela, vel telaris excrescentia nominatur. Verisimile quoque est, aliquid sanguinis subtilis ex venulis illis exsudare, quod concretum speciem illam panniculi rarioris seu telæ intextæ supra oculum euidentiorem reddat. Et carnis ipsius tunicarum oculi tumor accedere potest. Ex quo, vt capite præcedenti dictum est, patet differentia ab vngue oculi, quæ excrescentia quædam est nervea seu membranosa citra venarum repletionem, ab angulo oculi enata, non totum oculum, sed partem eius, forma vnguis vel sagittæ cooperiens; cum Sebel seu Pannus totam adnatam cooperiat.

Differentiæ.

Differentiæ eius sunt: Quod pannus vel mollior est, vel durior; recens vel inueteratus; simplex vel cum ophthalmia, scabie, vlcere oculorum coniunctus.

Causse.

Gignitur Tunicula alia secundum viam defluxus, materia ad oculos deriuata per venas & arterias siue externas frontis ac temporum, siue internas capitis: Alia secundum viam congestionis materiæ paulatim factæ in ipsis oculi venis, ex nutrimento non bene conuerso & retentis superfluitatibus.

Sæpe tunica hæc ad ophthalmiam & variolas ac morbillos, oculorum ictus, contusiones, combustiones sequitur. Malum hoc interdum hæreditarium est, & facilius eo corripiuntur, qui oculos habent debiles, calidos, eminentes, atque aliàs ad ophthalmiam proni sunt.

Materia est sanguis vel solus, vel cum aliis humoribus mixtus. Cæteri humores sine sanguine causa huiusmodi esse nequeunt; cum rubrum colorem non producant.

Signa Diagnostica.

Affectus hic per se manifestus est. Apparet enim panniculus ex repletionem vasorum rubeus, tanquam tela carnosæ, in superficie adnatæ præcipuè; adest pruritus & dolor ex acrimonia & distensione; calor ex retentione evaporationis

porationis ac fuliginum : oculi offenduntur à lumine & à contactu rei externæ siue frigidæ siue calidæ : Visio obscura est vel ablata. Quod ad signa caussarum, an à sanguine solo sit vel cum aliis humoribus mixto, è colore discernitur. Si materia fluxit per vasa externa, supercilia & frons nonnihil tument, & dolor ac pulsatio extra magis sentiuntur. Si per interna, dolor magis ad radices oculorum tédit.

Prognostica.

1. Recens hæc affectio medicamentis ; inueterata tantùm manus opera curatur.

2. Malum indicium est, si oculus imminuitur. Debilitatem enim oculi significat.

Curatio.

Curatio, quæ per vniuersalia fit, communis huic affectioni est cum ophthalmia & pterygio. Quod ad Topica, *Topica.* si Sebel vel Tunicula recens sit & tenuis, Auicennas testam oui recentis infundit in aceto calido decem diebus, & postea exsiccatam in vmbra, atque in tenuissimum puluerem redactum oculo immittit, ad abstergendum & exsiccandum. Addit & Marcasitam lapidem, qui Dioscoridi est pyrites. Si Sebel & scabrities simul coniungantur, laudat Collyrium ex sumach puluerisato, cui quandoque admiscet parum gummi Arabici & sarcocollæ, vt dolor mitigetur, medicamentumque parti affectæ affigatur. Fortius est æs vstum in vrina aliquot diebus maceratum & exsiccatum.

Vtilis est & hæc Aqua.

℥. Sacch. cand. ʒ. iij. lapid. hæmatit. præp. ʒ. j. alum. vsti, vitrioli albi, camphor. an. ʒ. β. ☐ ri ʒ. ij. Affunde aq. rosar. fenicul. aceti vini an. ʒ. ix.

Destillantur vel potius coquantur & colentur.

Vel ℥. Aq. chelidon. ʒ. iv. aluminis vsti ʒ. ij. pumicis ʒ. j.

In vase vitreo clauso coquantur & colentur.

Vel ℥. Mastich. ʒ. β. ceruss. alum. vsti an. ʒ. ij. spuma maris ʒ. xv. salis gemmæ ʒ. vij. F. Pulvis.

Vel ℥. Tutie præparatæ ʒ. iij. Margarit. præp. corallor. rubr. præp. pompholyg. an. ʒ. ij. sacchari candi ʒ. j. β. camphor. xinzib. an. ʒ. i. F. pulvis subtilissimus.

Chirurgia.

In malo inueterato, & vbi hæc non sufficiunt, euacuato corpore & capite ad chirurgica præsidia accedendum est, quod rectissime fit tempore verno & autumnali. Emollio verò quædam præcedat, eo modo, vt de Pterygio dictum. Postea vncino paruo argenteo venulæ eleuentur, & subiecta acu, cui filum sericeum innexum sit, ligentur, vt forcipe tenella præcidi possint. Quo facto, oculus à sanguine profuso mundetur aqua decoctionis cumini & obligetur. Dolorem vitellus oui cum aqua rosarum impositus mitigabit. Vtile quoque est defensiva siue apocroftica applicare fronti & temporibus, ne materia propter dolorem ad oculum attrahatur.

Ad absumendas reliquias puluerem citrinum Rhasis *cap. 15. de Ophthalmia* propositum, vel Sieff viride Rhasis, *cap. 21. de vngue* applicare licet. Sed tutius est thus puluerisatum in aqua fœniculi infusum apponere, vel sarcocollam nutritam.

Vel ℥. *Aq. flor. cyani* ʒ. vj. *rhuris, sarcocoll. an.* ʒ. ij. *castor. aloës an.* ʒ. j. *camphor.* ʒ. ʒ.

Indantur vitro, eoque bene clauso in aqua calida ebulliant. Liquor singulis diebus bis vel ter oculis instilletur. Fortior est hic liquor.

℥. *Aq. chelidon.* ʒ. viij. *testarum* 69. *vel ouor. vstar. sarcocolla, aloës an.* ʒ. j. *tutiae, vitrioli albi, sacchar. candi an.* ʒ. ʒ.

In vitro clauso coquantur in balneo & colentur.

Commendatur tanquam expertum & hoc collyrium.

℥. *Lapid. hematit.* ʒ. ij. *vitrioli albi, viridis æris an.* ʒ. ij. *myrrh. croci an.* ʒ. j. *piper. long.* ʒ. ʒ. *sacch. candi* ʒ. ʒ.

Tenuissime pulueriscentur & cribrentur, ac in pixide ad vsum feruentur.

Huius pulueris ℥. ʒ. j. dissoluatur in ʒ. ij. aqu. raphani & applicetur quotidie bis aut ter, prout æger tolerare potest.

Forestus, *lib. ii. obseru. 6.* hoc feliciter vsus est in iuvene quodam, qui ferè integro anno ex panno cœcus fuerat.

℥. *Succi fœnic.* ʒ. iiij. *chelidon.* ʒ. iiij. *rutæ* ʒ. ij. *maluæ* ʒ. ij. *ʒ. aloës* ʒ. j. *vitrioli* ʒ. ij. *Æruginis æris* ʒ. j. *zingiber. cinamomi an.* ʒ. ʒ. *sell. anguilla* ʒ. ʒ. *bubuli* ʒ. ij. *sacchar. candi* ʒ. ij. *mellis optimi* ʒ. ʒ.

Ebulliant succi addendo reliqua, & depurentur, ac fiat collyrium.

Dieta.

Diæta sit, qualis in ophthalmia & affectione præcedente proposita est. Aërem lucidum æger vitet atque omnia, quæ materiam augere & exagitare possunt.



CAPUT XVI.

De Albugine & aliis vitiosis Corneæ coloribus.

Cornea oculi tunica non saltem, ut humores & spiritus oculi contineat & ab externis iniuriis defendat, facta est, sed etiam peculiarem constitutionem obtinet, videlicet perspicua, coloris expers lævisque facta, ut speciebus visibilibus liberum in oculum transitum concedat.

*Corneæ tunica
vitis.*

Quæ eius naturalis constitutio vitatur, si eius substantia crassescat, exsiccentur & corrugetur; si perspicuitatem amittat; si colore aliquo inficiatur. Si enim corrugetur & crassescat, ac naturalem perspicuitatem amittat, species visibiles vel planè non admittit, vel obscure. Si verò colore alieno inficiatur, is species transeuntes inficit, atque ita eo colore res visui offeruntur, quali cornea infecta est, eodem modo, sicuti ubi quis per vitrum coloratum videt. Vulgò quidem ista vitia inter symptomata qualitatum mutatarum referuntur: Quæ tamen omnino ad morbos referenda sunt, ob causas, quas in Institution. lib. 2. part. 1. cap. 6. de colore Corneæ attulimus.

Corneæ Crassities.

Primò ergo substantia Corneæ fit crassior, ob humores crassos, qui sese in eam insinuant, & ob medicamentorum frigidorum usum; quod fit post Ophthalmiam, in quo humores subtiliores & tenuiores discutuntur, crassi remanent; vel cum medicamenta frigida nimis incautè imponuntur. Corrugatur verò & exsiccat præcipuè in senibus. Et in utroque hoc malo visus vel imminuitur, vel planè aboletur, prout causæ magnitudo est.

Corneæ Crassities.

Signa Diagnostica.

Cognoscuntur autem hæc vitia primò ipso ferè aspectu; quia si crassior reddita sit oculi hæc tunica, inspicienti quasi quædam in superficie nebula apparet, nec oculi hæc tunica tam levis & polita apparet, vt solet: ægri de visus imminutione conqueruntur, & quasi per fenum se videre dicunt: præcessit Ophthalmia, adest ætas senilis.

Prognostica.

Si malum sit ex humoribus crassis impactis, idque recens adhuc, curari potest. Si verò diuturnum sit & ex vehementi frigidorum vsu, vix curatur. Corrugatio etiam & obscuritas ob ætatem senilem non curatur.

Curatio.

Curationem quod attinet, vniuersalibus præmissis & corpore & capite euacuato, radix chelidonix, spiritu vini abluatur, postea contundatur & succus exprimatur, qui guttatim oculis instilletur. Oculum etiam extergit \square rum vini maluatici, aut potius cremor eiusdem oculis inspersus.

Colores Corneæ vitiosi.

*Colores
corneæ
vitiosi.*

Colores corneæ præter naturam non omnes eiusdem sunt generis. Primò sunt λευκόμαλα in genere ita dicta, color scilicet in albo mutatus, qui vel ab humore corneæ impactato oritur, & Nubecula appellari solet, ægrique omnia per nebulam seu vaporem vel fenum se videre putant; vel à cicatrice in cornea, quod malum in specie λευκόμα nominatur.

Leucoma

Est enim Leucoma seu Albugo macula alba in cornea, ob quam visio læditur.

*Albugo
oculi.*

Gignitur autem Albugo, dum post vulnus vel vlcus corneæ cicatrix manet, quæ in nigro oculi alba apparet, à qua cornea ita densa redditur, vt speciebus visibilibus transitus denegetur, atque ita videndi actio impediatur: Vel cum pituita inter corneam collecta eius perspicuitatem tollit, visumque impedit. Atque ita proxima Albuginis causa est cicatrix in oculi cornea tunica, vel pituita inter eius laminas collecta.

Differentiæ albuginis sunt, quod alia magis, alia minus
crassa

crassa est. Paulus Ægineta ratione subiecti distinguit, ut alia cicatrices in superficie oculi consistant, quæ simpliciter *ἀλὰι* nominatur, & *νεφέλια* aut Albugo tenuis; alia in profundo, quæ *λευκάματα* seu albugo crassa dicuntur.

Signa Diagnostica.

Malum hoc patet oculis, & præcessit vulnus vel vlcus, à quo albugo hæc seu cicatrix enata est. Si vlcus non præcessit, à pituita in cornea collecta est. Quæ autem cicatrices corneæ crassiores sunt, ex magis albicant, visumque magis offendunt; contra, quæ minus crassæ. Præterea magis albicant, quæ in superficie sunt; quæ autem profundæ, ad nigredinem declinant; quoniam vix tunica sunt propiores.

Prognostica.

1. Vitium hoc vix prorsus tolli potest. Nam arduum est, in tam nobili membro, tam exquisito sensu prædito, cicatricem exterere; præsertim quæ durior, crassior, diuturnior & magis profunda est. Itaque sæpe polliceri aliud non licet, quam coloris per tincturam mutationem.

2. Diuturnas ac crassas albugines curare non oportet; cum acria & mordacia medicamenta requirant, quæ oculi non ferunt. Si verò etiam suffusio aut glaucedo affuerit, vanum est, cicatrices exterere; teste Aëtio.

3. Facilius curatur hoc malum in pueris, quorum corpora molliora sunt, & vim medicamentorum promptius admittunt, difficilius in siccis adultorum corporibus.

4. Vnde Albugo & cicatrices in oculo, quæ interdum post variolas in pueris remanent, successu temporis delentur, ne visioni obsint.

5. Facilius curatur Albugo, quæ à pituita in corneæ lamina collecta est, quam quæ à cicatrice provenit.

Indicationes.

Cum in albugine, quæ à cicatrice est, adsit corneæ duri- ties & crassities, tunicam illam ea parte emolliendi & attenuandi indicatio existit, ut iterum perspicua reddatur. Pituita si quæ adsit, discutienda est.

Curatio.

Præmissis euacuationibus & diuersionibus Topica hic

potissimum locum habent, quibus cicatricem extergendi vis inest. Sint illa leuiora, non acriora, nec corrodentia, ne fluxione concitata vlcus denuo excitetur, à quo sanato cicatrix alia crassior remaneret.

*Emolliē-
tia cica-
tricem.*

Ad humectationem igitur & emollitionem cicatricis Rhases probat vaporem aquæ dulcis calidæ, aut decoctionis foenigræci, maluæ, althææ, flor. chamæmeli, paleæ hordei vel auenæ tepentis oculis exceptum, vsque ad faciei rubedinem, vt antea de vngue oculi dictum.

Vel \mathcal{R} . Rad. althææ \mathfrak{z} . j. β . maluæ, chelidon. maioris, euphrag. an. M. j. flor. melilot. cyani an. M. β . sem. lini, foenigræc. an. \mathfrak{z} . β .

Coqu. in aqua pura, & vapor calidè oculis excipiat.

*Abster-
gentia.*

Post vaporem conueniunt medicamenta, quæ teniter abstergunt, vt sacch. candi album in aqua euphragiæ dissolutum. Vel extinguitur thus in aqua foeniculi aliquoties, & aqua oculis instilletur. Aëtius lac equinum commendat cum modico melle assiduè illitum. Nonnulli suadent, vt oculus lingua pueri vel puellæ, quæ prius foeniculum aut rutam masticauerit, labatur. Vtilis est & anagallidis cærul. flore succus, cum melle rosaceo inprimis mixtus.

Deinde vt cicatrix amplius exteratur & abstergetur, adhibeatur succus centaurij minoris, chelidoniæ, agrimon. anemones, foeniculi, rutæ, calendulæ. Inprimis verò commendatur aqua flor. rorismarini, si prius in balneo vel fimo equino aliquot diebus digerantur, & postea destillantur, vel si 40. diebus digerantur, & aqua seu liquor, in quem flores resoluuntur, vsurpetur, & oculis instilletur.

Vel \mathcal{R} . Butyri aqua euphrag. loti \mathfrak{z} . j. tutiæ præparat. \mathfrak{z} . j. M.

Vel \mathcal{R} . Aq. flor. cyani \mathfrak{z} . iij. thuris, sarcocolle an. \mathfrak{z} . ij. tragacant. castor. aloës corall. præpar. camphor. an. \mathfrak{z} . β .

Coquantur in vitro clauso, colentur & vsui seruentur.

Vel \mathcal{R} . Succ. anagallidis cærul. \mathfrak{z} . β . chelidon. \mathfrak{z} . iij. foenicul. \mathfrak{z} . ij. mell. ros. \mathfrak{z} . j. M.

Vel \mathcal{R} . Succ. centaurij minor. foenic. an. \mathfrak{z} . ij. mell. ros. \mathfrak{z} . β . matris perlarum præp. C. C. præpar. an. \mathfrak{z} . j. alumin. calcinati \mathfrak{z} . β . M.

Validiora fiant ex felle animalium, videlicet galli antiqui, perdicis; anseris, bouis, leporis, accipitris, miluij, anguillæ, lucij piscis cum aqua foenicul. vel modico melle

melle mixto, vel stercore hirundin.

Vt ℥. Succi rutæ 3.ij. fœnicul. 3.iiij. fell. lucij piscis 3. ij. off. sepia vsti 3. ℞. sacch. candi 3.j. M.

Vel ℥. Stercor. hirundin. in puluerem redacti q. l. mellis & aq. euphrag. an. q. s. F. Collyrium.

Ad validiora abstergentia pertinet & alumen calcinatum, aloë, myrrha, æs vstum.

Nonnulli forma puluer. hæc medicamenta adhibent, quæ Auicennas parat ex sarcocolla, spuma maris, aristoloch. rotund. & saccharo albo. Pulueres tamen diu in oculo non sunt detinendi, cum ferè semper dolorem excitent,

Vt ℥. Tutie præpar. corollar. rubror. præpar. sapphir. præpar. an. 3. ℞. margarit. præpar. 3. ℞. camph. ① li albi an. ʒ. v. F. Puluis subtilissimus.

Vel ℥. C. C. vsti 3. j. off. sepia sarcocol. lot. an. 3. ℞. aristoloch. 3. j. sacchar. candi 3. ij. F. Puluis.

Vel Tutie præpar. 3. j. matris perlar. præpar. 3. ℞. sarcocollæ 3. ℞. M.

Vel ℥. Rad. irid. Floren. 3. j. pumic. off. sepia an. 3. ℞. sarcocoll. corallor. rub. præp. an. 3. j. sacchar. candi 3. j. mosch. ʒ. ij. F. Puluis.

Vel ℥. Off. sepia, sarcocoll. aristoloch. rot. myrrh. spum. maris, sacchar. an. 3. ij.

F. Puluis subtiliss. qui super albugine oculo clauso detineatur, & postea oculus aqua rosarum abluatur.

Efficacissimum quoque est Collyrium à Rhase cap. proprio descriptum.

Vel ℥. Succī depurati fœniculi, rutæ, anagall. flore cærul. chelidon. mai. an. 3. iiij. tutie præpar. squamm. æris lot. aloës an. 3. ℞. mell. rosat. collat. ʒ. j. Parum coqu. colentur & vsui seruentur.

Commendantur à nonnullis & lapides, qui in renibus & vesicis animalium inueniuntur, combusti & loti. Aqua quoque mellis destillata efficax est, cuius vsus per integrum mensem continuandum censet Gentilis, & hinc vtendum isto collyrio.

℥. Aq. rosar. fœnicul. an. ʒ. iiij. † puluerisat. 3. j. M. & per filtrum colentur. Quidam sem. ocymi tritum oculo immisum valde laudant.

Efficacissimus etiam hic est liquor ex epate mustelæ piscis collectus, de quo in Institutionibus *lib. 5. part. 1. sect. 1. c. 4. vt & medicamentum è felle lucij paratum, de quo supra cap. 14. dictum. Dum verò extra applicatur, simul exhiberi potest pulvis cardui minoris pratensis.*

Albuginem oculi colorantia.


Si autem quod sæpe fieri solet, Albugo planè aboleri nequeat, & tamen à Medico petatur, vt color ille p. n. ac deformitas tollatur, ac color albus in nigrum mutetur, adhibendus in eam rem succus mali punici dulcis. Succus idem hyoscyami, qui 15. diebus illitus albuginem tollit, teste Aëtio, *tecrabibl. 2. serm. 3. cap. 40.*

Vel *℥. Balauft. acaciæ, gummi Arabici an. 3. j. antimon. gallar. an. 3. iij. Coqu. & decoctum sæpius in oculum instilletur.*

Reliquos verò colores quod attinet, in iis potius visus deprauari, quam imminui vel aboleri solet, specièsque visibiles eo colore infectæ visioni offeruntur, quali humor est præditus. Si sanguis effundatur in corneam, omnia rubea apparent; si flaua bilis, id quod in ictericis fieri ex Galeno vulgò traditur.

An icterica visus deprauetur.

Verùm rectè Mercurialis monet, hoc non esse perpetuum, & se plurimos curasse, sed paucos vidisse, qui huiusmodi aliquid passi sint. Curauit ipse etiam plurimos ictericos, sed nunquam id obseruare potui. Etenim cum in Corneam tunicam, vtpote quæ perspicua & coloris expers esse debuit, vasa non ita dispergantur, bilis quoque, quæ sanguini permixta est, in eam vix effundi potest. Si tamen color flauus in ea vel etiam adnata oculi tunica appareat, vapor aceti in tegulam ignitam infusi oculis excipiantur. Rubor tollitur sanguine columbino, turturis vel hirundinum instillato.



De Pustulis Adnata, & Cornea.

C A P V T XVII.

Pustula adnata & cornea.



Adnata & Cornea tunicae communia vitia sunt, pustula, vlcera, cancer, vulnera. Primò pustulas quod attinet

tinet

tinet, in Cornea & adnata tunica oriuntur pustulæ, quæ Græcis φλύκταιναι & φλυκτίδες, à φλύζειν, id est, feruendo & bulliando dicuntur. φλύκταιναι enim propriè sunt vesicæ parua aquâ plenæ in quacunque corporis parte, similes bullis aquæ feruentis, vel vesicis, quæ à combustione aquæ feruentis excitantur. Arabibus Bothor nominantur. Suntque tumores quidam parui, grani milij circiter magnitudine, siue in adnata, siue in cornea tunica existentes; orti ab acri quodam aut seroso humore, tunicas distendente & in tumorem eiusmodi attollente.

Morbus est in magnitudine aucta, simulque in intemperie & soluta vnitate, offendens visionem, si è regione pupillæ consistit. Subiectum est adnata oculi tunica vel cornea, & hæc quidem parte sua vel superficiali vel profunda. Nam Aëtius & Auicennas Corneæ laminas siue membranas quatuor constituunt, & ita nunc inter primam & secundam, nunc inter tertiam & quartam laminam materia continetur.

Caussæ.

Caussa, vt dictum, est humor tenuis, acris & serosus, in adnata vel cornea tunica collectus, eamque distendens. Aëtius quoque sanguinem admittit. Et omnino pustulæ corneæ & adnatæ easdem ferè causas habent, à quibus ophthalmia prouenit. Cum enim vtraque tunica sit densa, materia aquosa & serosa sub ea facillè colligi & detineri potest.

Signa Diagnostica.

Pustulæ illæ visu facillè dignoscuntur. Apparent enim in adnata vel cornea oculi tunica tubercula quædam parua grani milij magnitudine. Et quæ pustulæ in adnata, seu alba oculi tunica oriuntur, rubrum ferè colorem præ se ferunt. Quæ autem in cornea, varium, prout in superficie vel profundiore loco corneæ consistunt. Quando pustulæ in superficie corneæ sub prima eius lamina consistunt, nigriores sunt; quæ sub secunda aut tertia, albæ magis apparent; cum color corneæ albus magis in conspectum se prodar, si pustulæ in loco profundiore hæreant, quam si in superficie. Auicennas à conspectu

Pustularum in cornea color.

vux in superficiali pustula colorem nigrum , à prohibita eiusdem in profundo intuitu , album vult produci, qui albus color est pustulæ in cornea exquisitæ ab aquoso vel feroso solum humore sine sanguine admisto productæ.

*Pustula
cornea ab
vuxa pro-
cidentia
quomodo
discernā-
tur.*

Cum autem pustulæ corneæ superficialis non parua sit similitudo cum vuxa procidentia, Aëtius, *tetrab. 2. serm. 3. c. 29.* ita eas discernere docet : Pustula in superficie corneæ undiquaque nigra est , et si nigredo non sit adeo intensa, vuxa autem pars, quæ procidit, aut nigra aut cærulea est, & in fundo circulum album exhibet , qui à labiis corneæ erosus est. In pustulis corneæ cornea exactè rotunda manet, & suam nativam figuram retinet: In vuxa autem procidentia pupilla minor redditur , nec figuram naturalem planè retinet , sed parte quadam sui veluti diuulsâ apparet, aut figuram & situm planè immutatum ostendit.

Materia etiam discernitur à doloris qualitate & magnitudine, pustularum colore, ægri temperatura , habitu & similibus.

Prognostica.

1. Pustulæ in adnata seu alba oculi tunica minus periculosæ sunt, quàm in cornea.

2. Superficialiæ pustulæ curatio facilior est , vel minus periculosa; cum ea rupta & exesa humor aqueus non profluat, aut vuxa tunica procidat. Quæ verò profundior, periculosior est ; cum totam corneam faciliè erodere possit, ut ea exesa humor albugineus profluat & vuxa procidat.

3. Et præcipuè si iuxta pupillam sunt pustulæ periculosæ sunt; quia obducta cicatrice visus aboletur.

4. Si cornea in partem internam rumpatur, malum est immedicabile.

5. Si dolor & pulsatio & cætera accidentia in pustula paulò post remittant, spes est, fore, ut pustula per viam resolutionis terminetur. Si verò symptomata illa intendantur, suspicandum est , illam tendere ad suppurationem. Nam solent pustulæ istæ, si rumpantur, sæpe in vlcus mutari.

Indicationes.

Materia in pustula collecta tota euacuanda est , & suppuratio , atque exulceratio , quantum fieri potest , prohibenda;

benda ; præsertim si pustula sit cum inflammatione , ideò-
que danda opera , vt materia discutiat̃ & resoluatur.

Curatio.

Quod vniuersales euacuationes & reuulsiones attinet,
eodem modo illæ perficiuntur , vt in ophthalmia. Topica
ab iisdem etiam non multum variant. Itaque in pustula
cum inflammatione, qualis adnatam potissimum occupat,
conueniunt leniter discutientia, quibus & adstringentia
nonnulla miscet Aëtius , vt in initio inflammationem fieri
solet.

Commendat ergo *Albumen oui & luteum oui cum saccha.
& pauxillo croci.*

Ex astringentibus probat mala cydonia cocta, aut mali-
corium in aqua decoctum. Vel mucilag. sem. psyllij au cy-
doniorum extracta cum aqua rosar. oculis instilletur.

Vel *℥. Lycij, croci an. 3. ℞. acaciæ ʒ. j. aquæ rosar. ʒ. j. vel al-
bum oui & aqu. rosar. an. ʒ. ℞. M.*

Vel poma cydonia cocta cum pauxillo vngenti rosacei
M. Possuntque ista medicamenta in linteolis mollibus ex-
tendi, & toti oculo imponi.

Progressu temporis resoluentia augeantur , vt mucilag.
sem. foenugræ. aut decoctum flor. chamæmel. meliloti, sem.
lini, foenugr.

Post hæc medicamentum ex thure, myrrha, croco, cum
succo foenugr. prodest , quo vtendum est , donec pustula
discutiat̃, vel si per soluentia eam discuti posse spes non
sit, donec pustula rumpatur , saniésque in linteo oculo im-
posito appareat.

Vel *℥. Melilot. verben. rutæ, chelidon. an. M. j. flor. rosar. rubr.
M. ℞. Destilletur inde aqua , quæ oculis imponatur & in-
stilletur.*

In pustulis cornæ ex humore aquoso Auicennas exsic-
cantibus vtitur, vt terra Samia torrefacta, tutia, clymia, quæ
cadmia natiua est , siue lapis calaminar. † io, atque aliis,
è quibus tale collyrium paratur.

*℥. Tutie præp. lapid. calaminar. scorie aris lot. an. 3 ℞. gum-
mi Arab. 3. ℞..*

Terantur in aq. calida, & F. Collyrium. Huius 3. ℞. cum
aqu.

aqu. fenugræc. 3. vj. excipiat, quando opus fuerit.

Chymici commendant saccharum \mathfrak{h} & oleum \mathfrak{h} , quod in *aq. euphragiæ* dissoluunt.

Vt \mathfrak{z} . *Aq. rosar. 3. j. B. euphragiæ 3. j. sacchari* \mathfrak{h} \mathfrak{g} . xv. *tutie præp. 3. B. M.* Nonnulli commendant pinguedinem *asciæ piscis*.

Quod si pustula ita incrementum sumpserit, vt medicamentis discuti non possit, acu argentea perforanda est, vt humor effluat, quod in pustula superficialia sine periculo fieri potest, in profundiore verò cautione opus est.

Diæta eadem est, quæ ophthalmia.

Peculiaris pustula in connata tunica nuper in docto quodam viro à me animaduersa est, quæ in eo quidem conueniebat cum aliis pustulis, quod similis erat vesicis, quæ à combustione aquæ feruentis excitantur, sed magnitudine discrepabat. Primò quidem cum ea vesperi conspicienda mihi exhiberetur, in sinistri oculi externo angulo magnitudine semen cannabis æquabat, sed vnica nocte ita incrementum sumebat, vt dimidiam auellanam æquaret, & ad corneam ferè extenderetur. Cum autem vir ille sanguine bilioso abundaret, mox venam aperui, & purgans exhibui, & primum hunc liquorem linteis mollibus toti oculo imposui.

\mathfrak{z} . *Mucilag. sem. psyllij, cydonior. fenugræc. aqu. ros. extractar. an. 3. ij. aq. rosar. 3. j. B. flor. sambuci 3. B. croci 3. B. M.*

Quo applicato subsidere coepit pustula. Postea hunc liquorem oculo instillaui.

\mathfrak{z} . *Aqu. rosar. 3. j. B. euphragiæ 3. B. tutiæ præp. Sief albis. opio an. 3. j. vitrioli albi 3. ij. M.*

Atque ita intra paucos dies pustula euanuit.



De Vlceribus adnata & cornea.

CAPVT XVIII.

Vlcera, quæ in adnata vel cornea tunica excitantur, ortum habent vel à causa externa, vt ictu, percussione, medicamenti acribus, iis, quæ id oculos illapsa sunt; vel ab internis, vt humoribus mordacibus, siue natura tales sint, vt bilis vtraque, siue putredine tales euaserint, vt humores quicunque. Materia illa vel aliunde confluit ad oculum: in adnatam potissimum à vasis externis; in corneam ab internis: vel relicta in oculo est, siue ab ophthalmia præcedente, siue à pustula. Nam ad Ophthalmiam sæpe vlcera sequi solent, humore mordacei per emplasticorum usum intempestiuum cohibito; vt & post variolas & combustiones.

Differentia.

Vlcera autem illa variis nominibus pro variis circumstantiis appellantur, vt Paulus Aegineta, lib. 3. cap. 32. docet. Quod enim cauum, angustum, durum est, *βόθρον*, hoc est, fossula, dicitur, quod latius, sed minus profundum, *κοιλωμα* quod in iridis circulo externo exortum ambientia etiam comprehendit, varique coloris est, circa externam iridis partem rubicundum apparet, circa internam, candidum, Græcis *ἀλβινος*, ab albedine, vt videtur, dicitur; nonnulli vlcus coronale appellant. Quod denique profundum, solidius, asperum & quasi crustosum est, *ἐπικωµα* & *ἐγκωµα* vocant. Auicennas, libr. 3. fen. 3. tract. 2. cap. 3. septem differentias enumerat: quatuor superficiarias, & tres profundas, quæ saltem ratione magnitudinis, & quod vlcus aliud latius, aliud angustius, aliud superficialium, aliud profundum est, discernuntur.

Signa Diagnostica.

Subiectum, figura & magnitudo vlcis in oculo visui ferè patet. Si vlcus in cornea consistat, præcessit pustula alba, & in præsentia vlcusculum album apparet in nigro oculi, cum ob proprium corneæ colorem album, quod

quod *Albuginis* eius terminatum album apparet, tum ob fan-
niem albam sub cornea collectam. Si exulcerata sit tuni-
ca adnata, punctum veluti rubicundum in albo oculi con-
spicitur, ob venas eius tunicæ sanguine repletas.

Prognostica.

1. Vlcus corneæ tunicæ periculosius est, quam adnatæ,
quod tamen ipsum etiam in adultis ægerrimè sanatur; &
corneæ vlcus, quod è regione pupillæ consistit, adhuc pe-
riculosius est: quia post vlcus sanatum relinquitur cicatrix
opaca, quæ visionem lædit; aut si rumpatur tota tunica;
Humoris fit effluxus humoris aquei aut vucæ procidentia. Imò Pla-
crystalli- terus refert, se vidisse aliquando quatrduo post inflamma-
ni efflu- tionem oculi in vlcus conuersam ex utrôque oculo humo-
xus. rem crystallinum effluxisse, & in barba hæsisse. Sed credi-
bile est, non solùm externas illas oculi tunicas, sed totum
ferè oculum tum inflammatum fuisse.

2. Vlcus, quod foras rumpitur, non ita periculosum
est, quàm quod intrò rumpitur: Quoniam externa omnia
tractari commodius possunt.

Indicationes.

Vt aliarum partium vlcerà, ita etiam vlcus in oculo in-
dicat, solutam vnitatem vniendam esse; si quid imminu-
tum, id regenerandû, & locum cicatrice claudendum esse.
Hæc vt præstari à natura queant (Naturæ enim opus est,
non artis, partem aliquem regenerare, conglutinare &
consolidare) medici officium est, impedimenta actionis
illius naturæ remouere. Materia igitur fluens ad oculum
est diuertenda & euacuanda, sordes detergenda, dolor,
si adsit, mitigandus, natiua oculi temperies restituenda
& conseruanda. Atque ita, vt aliarum partium, ita & oculi-
lorum vlcerà imprimis requirunt detergentia & exsiccantia.
Quantum tamen ad materiam medicamentorum, non
parùm ab aliorum vlcerum medicamentis medicamenta
in oculorum vlceribus differunt, ob differentiam naturæ
ipsius partis. Cum enim oculus sit exquisito sensu prædi-
tus, ob *ευαισθησία* illam medicamenta sint lenia & tempe-
rata, sine asperitate & mordacitate, cuiusmodi sunt,
quæ primum in hac qualitate gradum non excedunt.

Quæ

Quæ si simul adstrictione careant, detergendo quoque proderunt. Sordidis tamen vlceribus paulò valentiora adhibeantur, teste Galeno, 4. de compos. med. s. l. cap. 3.

Curatio.

Vniuersalia igitur, de quibus in ophthalmia diximus, præmittenda, simulque medicamenta fronti & temporibus applicanda, quæ influxum humorum prohibeant, ex aqua rosarum, plantag. bolo armeno, sanguine draconis, acacia, albumine oui & similibus. Hinc Topica conuenientia oculo imponenda. Et quidem si vlcus cum inflammatione adhuc sit coniunctum, ea conueniunt, quæ in ophthalmia sunt proposita. Cataplasma ex ouo integro cum rosaceo & vino tepidum lana exceptum, Sief album. Sequentibus diebus fomenta fiant ex rosis, meliloto, foenugræco, quibus nonnunquam semen papau. addere licet. Non minus enim doloris quam inflammationis, habenda ratio. Ideoque etiam dolorem lenientia admiscenda, quæ *infra cap. 23.* de dolore oculorum proponuntur. Admiscenda etiam ea, quæ aliquantulum detergunt & siccant, qualia sunt, sacchar. mel, crocus, myrtha, & collyria de olibano, quorum multæ reperiuntur descriptiones à Galeno, 4. de compos. medic. s. l. Paulo Ægineta, Aëtio & Alexandro propositæ. In vsu tamen frequentiore est Sief de thure Rhasis, quod est Almanforem describitur, paraturque ex Ammoniacy, Sarcocollæ ana 3. v. thuris 3. x. croci 3. ij. quæ omnia excipiuntur mucilag. foenugr. atque in collyrij formam rediguntur.

Commendatur etiam valde aqua è fragorum partibus tribus, sacchari parte vna, vbi prius per octiduum in B. digesta & postea destillata fuerint. Efficacius mundat myrtha, tutia & tandem marrubium.

Vbi autem vlcus solum est, nec ei inflammatio vel dolor coniunctus, sed saltem illud duplex excrementum tollendum, tunc præcipuè desiccare decet cum aliqua deterfione, quæ maior vel minor esse debet, prout maior vel minor sordium copia. Talia sunt Tutia præpar. Corallium, Aloë, Sarcocolla, quæ commodissimè in nodulo è linteo raro in aqua Euphrasiæ vel alia conueniente

infunduntur, nodulúsque postea exprimitur. Purgant etiam vlcus hydromel & syrupus de rosis ficcis.

Vbi vlcus mundatum fuerit, adhibendum Sief de plumbo Rhafis; primò in lacte muliebri, deinde cum aqua conueniente vsurpatum. Vtile etiam est saccharum & oleum Uni. Cicatricem etiam efficaciter inducit Sief album Rhafis Eleifer vocatum.

Vel sequens ex thure. \mathcal{L} . Thuris 3. x. gummi ammoniaci, sarcocollæ an. 3. β . croci 3. ij. Cû succo sænigræci F. s. a. Collyriū.

Vel sequens de plumbo. \mathcal{L} . Plumbi vsti & loti, aris vsti, rutie præp. gummi tragacant. an. 3. j. Cum aq. Euphrasie F. Collyrium.

Vel \mathcal{L} . Corallor. rubr. præp. C. C. vsti præp. an. 3. j. cerussæ lotæ 3. β . \mathcal{C} crudi 3. β . Cum melle rosaceo F. Linimentum.

Pertinet huc etiam aqua ophthalmica, cuius Crollius mentionem facit, & hoc modo paratur.

\mathcal{L} . Succum chelidonia è fl. & foliis verno tempore collectum, eiusque bonam quantitatem in B. digere, donec depuretur.

Deinde \mathcal{L} . Mense Iunio * &) in cancro coniunctis cancror. (alijs malunt in plenilunio) nu. xx. & resciis extremis pedum & caudarum durioribus crustis, contunde in mortario, ut succus inde exprimi possit, quem cum succo chelidonia depurato coniunctum destilla ex Balneo.

*Aqua
Ophthalmica
Crollij.*

Quod si de vux procidentia metuatur, statim albumen oui cum globulo ex stuppa cannabina, vel lana aqua rosarum madida applicetur.

Habétque Rhafes, c. proprio. quatuor collyria, quæ in vlceribus oculorum, si quòdque suo tempore applicetur, magnæ sunt efficacis. Collyrium primum de thure ad maturationem & absterfionem est compositum. Mollit enim & maturat, quæ discuti nequeunt. Sief secundum de plumbo generat carnem & vlcus explet. Sief tertium carnem perditam instaurat, vux exitum prohibet & cicatricem extenuat. Sief quartum fortius adstringit & glutinat, ac imprimis vtile est, cum metuitur, ne post vlcus magnum vux procidat.

Diæta.

Diæta ex superioribus de Ophthalmia satis patet. Hoc saltem

saltem de decubitu notandum, vt æger in principio iaceat super lateſe ſano, ne maior affluxus humorum ad oculum fiat. Suppurato autem iam vlcere & rupto, ſuper latere affecto æger cubet, vt facilius & promptius ſanies effluat. Si tamen vlcus magnum ſit, vt ruptura corneæ & effuſio humoris aquei metuenda ſit, ſupinum decumbere præſtat.



CAPVT XIX.

De Cancro Cornea.

Nterdum in cornea tunica etiam Cancer exoritur, *Cancer cornea.* ex materiæ melancholicæ aduſtæ corruptione. Non multum diſſimile malum eſt, quod Græcis *καρκίνος* dicitur, vlcus ſcilicet *καρκίνος* in cornea tunica, quandoque etiam in palpebra, quandoque in vtraque.

Cauſſæ.

Cauſſa huius mali eſt atra bilis, ſequiturque hoc malum diuturnas ophthalmias, quarum cauſſæ atra bilis permiſta eſt, & mulieribus, quibus menſes ſubſiſtunt, accidir.

Signa Diagnostica.

Cognoſcitur hoc malum, quod vlcuſcula nigra, parua, dolorifica, cicatricem non admittentia, venas liuidas exiguas varicoſas habentia apparent. Percipitur dolor, qui partibus vicinis communicatur, & uſque ad tempora extenditur, humorque paucus, tenuis & acris effluit; dolor ad acriorum medicamentorum uſum valdè exaſperatur, Appetitus deiicitur.

Prognosticum.


Malum hoc plerumque & ſerè ſemper incurabile eſt, ac in vicinas partes ſerpit, ægrumque viſu priuat, & tandem mortem aſſert.

Curatio.

Etiſi verò malum ſerè incurabile ſit: tamen ne æger omni auxilio deſtituatur, mitigatio quædam eius & palliatio, vt loquuntur, tentanda eſt. Bilis atra videlicet euacuanda eſt epithymo, polypodio, lapide Lazuli. Eiuſdem acrimonia & malignitas temperanda, quem in finem

etiam lac exhibetur. Oculo imponitur & instillatur aqua mellis croco mixta, addito albumine oui, de quo videatur Aëtius, *Tetrabibl. 2. sermon. 3. cap. 31.* Exemplum cancroſæ excrescentiæ ad pilæ quantitatem, & medicamenta ad eius mitigationem adhibita descripsit Forestus, *lib. II. obseru. 21.*


Interdum cancroſi tales tumores, totum oculum corumpunt, qui non nisi excisione & extirpatione curari possunt; cuius rei historiam notatu dignam habet Guilielmus Fabricius, *Centur. I. obs. I.*



CAP V T XX.

De Vulneribus Oculorum.

*Vulnera
oculorū.*

 I cornea vel adnata vulnerata sit, primò si opus, euacuandum est totum corpus per phlebotomiam vel purgationem, prout vsus postulat. Et imprimis venæ sectio necessaria in magnis oculorum vulneribus; cum vix aliud efficacius initio sit auxilium Purgantia, præcipuè bilem, vsurpanda; vt & medicamenta bilem alterantia, refrigerantia & caput respicientia; cum bilis aliorum humorum sit ad caput vehiculum. Statim verò ipsi oculo repellentia adhibeantur ex albumine oui benè conquassato cum aqua rosar. cui pauxillum boli armeni addi potest. Sequentibus diebus album oui cum Sief albo misceatur.

Vel ℥. *Album. ouor. ij.* Conquassentur cum *aqu. tormentil. rosar. an. ʒ. j.* adde *alumin. croci an. ʒ. j. M.*

Eadem repellentia temporibus & fronti imponenda. Ad inflammationem prohibendam & dolorem leniendum, Cataplasma ex meliloto, capitibus papaueris, croco & pane imponi potest. In Cataplasmatibus tamen adhibendis animaduertendum, ne oculus eorum pondere oneretur. Ideoque solum super palpebram imponenda, vt oculus aperiri, & lachrymæ & fordes effluere possint. Lenter quoque oculus detergendus, ne dolor inferatur. Postea addatur collyrio albo Sief de plumbo, semper eius quantita

quantitatem augendo, donec solo hoc ad vlcus carne implendum vti tempestiuum sit.

Vel ℥. *Ceruss. amyli an.* 3. ij. *thuris* 3. j. *℞. sarcocollæ, tragacanth. an.* 3. j. *camphoræ* 3. ℞.

Infundantur in aqu. rosar. hinc vase clauso in Balneo coquantur & colentur. Colatura vsui seruetur.

Vel ℥. *Gummi Arabic. aqua. rosar. dissol.* 3. iij. *cremoris rad. consolid. maior.* 3. j. *℞. Pulueris subtilis thuris, aloes lotæ, an.* 3. j. M.

Vel ℥. *Sief alb. Rhasis. opio,* 3. j. *℞. Aq. rosar.* 3. j. *℞. albumin. ouor.* 3. ij. *tutia præp.* 3. ℞. M. in mortario marmoreo vel plumbeo.

Post diem septimum magis siccantia & detergētia conueniunt, quæ faciunt, ne caro crassa sed tenuis generetur.

Vt ℥. *Myrrh. sarcocoll. lacte nutritæ an.* 3. ℞. *tutia præpar.* 3. j. *mell. rosar. q. s. F. Linimentum.*

Valde commendatur & hoc : ℥. *Bol. armeni* 3. j. *tutia, sang. dracon. gummi Arab. an.* 3. ℞. *aq. rosar. ℞. j.*

In vitro clauso bulliant in B. M. vel vaporoso per horam. Postea adde succi mali punici 3. j. & colentur. Colatura ter & quater in oculum instilletur.

Inter recentiores Chirurgus quidam hoc commendat.

℥. *Mell. opt. ℞. succi ros. rub.* 3. iij. *succ. 3. ℞. viridis æris* 3. ij.

Destillantur in Balneo & liquoris huius guttæ ij. oculo sæpe instillantur. Eidem liquori addi potest mucilago sem. foenigræc. & vitellus oui vnius, & Cataplasmatibus loco oculo imponi. Ab Eustachio Rudio ad oculorum vulnera valde commendatur pars illa albuminis oui, quam *gallaturam* vocant, de quo videatur infra cap. 23.

Commendatur etiam hic aqua Ophthalmica Crollij, supra cap. 18. descripta ; vt altera, quæ fit ex albumine ouorum ad duritiem coctorum in Balneo liquescente.

Commendatur & oleum rubrum Hni.

Tandem vt cicatrice vulnus claudatur, Sief Rhasis Eleifer ex vsu erit.

Si cum oculi globo etiam palpebra vulnerata sit, cauendum, ne palpebræ cum oculo agglutinentur. Ideoque oculus interdum circumuoluendus, & oculo duplicatum vel

triplicatum auri folium, vel subtilissima auri lamina imponenda.



C A P V T X X.

De Ruptura cornea.

Interdum vulnera tam altè penetrant, & vlcera tam profunda sunt, vt corneam tunicam totam erodant; interdum & ab aliis caussis cornea rumpitur, ita vt humor aqueus effluat, & interdum ipsa tunica vuea procidat, de quo postea.

Causa videlicet rupturæ corneæ est vel interna, præcedens scilicet vlcus, aut magnus humorum affluxus, à quo oculus ita distenditur, vt medius crepet & humores effundantur; cuius rei historiam adnotauit Ambrosius Paræus, *lib. 6. cap. 13.* vel externa, vt punctura aut vulnus.

Signa Diagnostica.

Malum ipsum visui patet, præsertim si humor aqueus effluat, vel vuea procidat.

Prognostica.

Malum hoc quò maius est, eò periculosius est. Si enim tantum sit, vt vuea procidat, plerumque malum incurabile est, vt postea dicetur; cùm non facile sit vueam prolapsam intrò reponere. Si verò vulnus sit angustum, minus periculi habet. Etsi enim humor aqueus effluat, & inde visus aboleatur: tamen aqueus humor regeneratur, quo instaurato visus etiam restituitur. Huius rei exemplum habet Galenus, 4. *de sympt. caus.* cap. 2. & Langius, *lib. 1. Epistola 7.* Antonius Beniuenius, *de abdit. morb. caus.* lib. 2. cap. 28. Coiter, in *obseru. Chirurg.* Atque ipse etiam tale exemplum obseruari in puero, qui cum cuspide cultri oculum læsisset, vt humor aqueus afflueret, & cornea inde tunica nonnihil corrugaretur, visum illius oculi amisit, quem tamen paulatim humore aqueo restituto iterum recuperauit.

Curatio.

Cum vulnus partium solutarum vnionem indicet, nulla
alia

Nota.


alia cura rupturæ corneæ erit, quam vulnere & vlcere oculorum. Instilletur videlicet in vulnus penetrans corneam vel adnatam oui albumen cum tutia præparata mixtum. Et ut vix procidentia præcaueatur, oculo fomentum imponatur ex adstringentibus sine asperitate, ut floribus rosar. foliis rubi, virgæ pastoris, polygon. coctis in vino adstringente, aut si calor adsit, in aqua pura.

Vel Cataplasma imponatur ex flor.rosar.& cydoniis in vino adstringente coctis cum acaciæ ℥.ij.& croci ℥.℞.

Valentiora sunt hypocystis, balaustia, gallæ immaturæ. Vel tale Collyrium paretur.

℥. Aloës lotæ, tutiæ præpar. sarcocoll. an. ℥.℞. spica, croci, sacchar. Ani an. ḡ. v. ḡ. ij ℥. j. Cum mucilag. tragacanth. & foenigr. F. Collyrium.

Alij hoc commendant: ℥. Aq. consolid. 3. iij. gummi Arab. thuris an. 3. j. oculor. cancri 3. ℞. balaust. ℥. j. M. super igne & colentur. Colatura oculo instilletur.



CAP V T XXII.

De Suggillatione Oculorum.

Quam Suggillationem oculi vel maculam eiusdem *Suggilla-*
rubeam appellant, Auicennæ Altarfari est, Græcis *tio oculo-*
ὑπόσφαιγμα, ὑπόχρσις αἱματώδης, & αἱμάλωψ. Galeno etiam *τιμη*
ὑποσφάλμιον, nonnullis ὑπόπιον vocatur per ω & scri-
ptum, quod alij tamen de faciei potius & partium cau-
rum sub oculis, quæ ὑποσφάλμια Hippocrati sunt, cruenta
ex ictu vel lapsu suffusione exponunt.

Est igitur hoc malum ex genere τῶν ἐκχυρωμάτων, teste Galeno *initio 5. de Com. Med. f. l.* quæ fiunt, quando circa cutem vasis contusis aut ruptis sanguis in spatia circumiacentia effunditur, non quidem acervatim, aut ex grandioribus venis per διαίρεσιν & ἀναστέωσιν exit, sed lentè per ἀγνήδην, vel ἀναστέωσιν è minoribus transsudationis specie, ubi & progressu temporis liuescit & denigratur. Ita suggillatio oculi est, sanguinis ex ictu vel lapsu,

ruptis aut contusis vasis vel alio modo apertis in oculorum tunicis, Adnata vel Cornea, in eadem effusio, colore primum rubeo, postea liuido vel nigro, quem mortuum tum sanguinem appellant. Cui malo & hoc accidit, vt si corneam magis occupet, obiecta omnia colorem ad rubrum vergentem præ se ferant. Nam & ad corneam venulæ porriguntur, ea parte, qua Iridem spectat; & ex vicinis vasis sanguis in eam effundi potest. Et quidem sanguis ille interdum in Adnatam, interdum in Corneam, interdum in vtramque effunditur.

Causæ.

Causa contusionis & ruptionis in his tunicis plerumque est externa, videlicet ictus aut plaga, aut clamor vehemens, vel tubarum inflatio, ob quam venæ tensæ aperiri possunt; Nonnunquam etiam interna, vasorum scilicet repletio à sanguinis copia, vt effusio eius fiat, aut sanguinis ipsius feruor & acrimonia, vt per vasorum anastomosis ita excidat.

Differentia.

Differentiæ huius mali sunt, quod suggillatio alia recēs est, quæ rubro colore apparet; alia antiqua, quæ liuido, fusco vel nigro: Sanguis enim extra vasa effusus & proprio calore & spiritu destitutus primò liuescit, postea fit obscurus.

Signa Diagnostica.

Malum hoc visuprehenditur. Si à causa sit externa, ab ægro id cognoscitur: Si ab interna, abest externa. Et quidem à sanguinis copia color maculæ rubeus erit; si à feruore sanguinis, ad citrinum verget. Et dum cornea suffusa est ægris, quæ cernunt, rubra esse videntur.

Prognostica.

1. Malum hoc non difficulter in initio curationem recipit; quoniam vitium vasorum in oculo exiguum est.

2. Sanguis extra vasa effusus tandem corrumpitur & nigrescit, ægerrimèque discutitur.

Curatio.

Sanguis è vasis effusus discutiendus est. Ideoque si maior eius affluxus metuatur, venæ sectione & putgatione, si opus præmissa, principio parum de adstringentibus discutientibus permiscendum; ne sola discutientia plus sanguinis è vasis

vasis attrahant, qualia sunt aqua fragorum, rosar. salic. caprifolij, plantaginis, myrtillorum.

Vbi autem effusio iam subsistit, & venæ ad suam naturam redierunt, sola discutientia conueniunt. Atque hæc ipsa inter initia, dum malum recens est, leniora esse debent; cum sanguis, qui effusus est, nondum conuersus sit in grumum, sicut hac de re docet Galenus, *s. de compos. med. f. l. cap. i.*

In validiorum deinde vsu caueatur, ne acrimonia sua apertis venarum osculis sanguinem maiore copia proluciant.

Galenus ergo fotum initio vsurpat ex decocto fœnigræci & meliloti. Deinde collyrium Nili, in *4. de compos. med. f. l.* quod primum excipit aqua, ad inflammationem inhibendam, postea decocto meliloti & fœnigræci ad sanguinem, qui effusus est, discutiendum. Venis tandem per adstringentium vsu clausis, fomentum probat è solo fœnigræco, spongiam item infusam in melle, & collyr. è myrrha cum decocto fœnigræci.

In *4. de compos. med. f. l. cap. 8.* statim in initio mali sanguinem columbinum, eum præsertim, qui ex teneris pen- nis exprimitur, (alii aperta vena sub ala sanguinem extra- hunt) instillare iubet, tum ad inflammationem compes- cendam, tum ad sedandum dolorem, quo tempore & al- bumen oui probat. Postea ad vitellum oui accedit cum vino, & ad melilotum cum vino. Potest & columbarum sanguis tum adhiberi, qui ob salem, qui ei inest, etiam vim discutiendi habet. Vtilis etiam est sanguis palumborum, turturis & hirundinis. Valét & lac muliebre calidè cum modico thure instillatum, & brassicæ folia cocta atque trita cataplasmatibus forma imposita, & caseus recens parum falsus, qui mixtam habet facultatem, emplasticam quidem ex seipso, discutientem verò & nonnihil adstringentem ex sale: vt non absurdum sit eo in principio vti, teste Galeno, in *initio s. de compos. med. f. l.*

Inueteratum malum & nigrescens fortiora remedia pos- tulat, vt succum raphani, succum absinthij vel hyssopi, vel origani cum melle, myrrham, nitrum. Galenus ex Archige- *Hyssopi facultas.*

Nota.

ne hyssopi comam tritam & linteo panniculo seu nodulo illigatam in feruentem aquam demittit, nodulumque posita oculo tepidè admouet. Ita enim cruor elicitur adeo, vt linteolo adhæreat. Idque etiam verum esse, se expertum scribit Iohannes Riolanus. Commendatur & absinthium recens cum lacte muliebri & aqua rosar. cataplasmatibus forma impositum. Succum etiam radicis figilli Salomonis, seu ex recenti radice, seu sicca vino macerata expressum, seu ipsam radicem contusam, suggillationes feliciter curare supra diximus. In declinatione morbi etiam fel auium adhiberi potest, & fel vulturis imprimis, & fel arietis valdè commendatur, vt & crocus, myrrha, aloë. Exempli gratia.

℞. Croci ʒ. ss. Teratur cum vini albi s. q. adde myrrhæ ʒ. j. ss.

Iterum terantur, donec consistentiam linimenti acquirant.

Cui add. *mellis virginiei ʒ. ij.*

M. pro linimento, quod linteo inunctum oculo imponatur, & ter quotidie renouetur. Nonnulli finum columbinum in cinerem comburunt, quem cum aceto subigunt & exsiccant, ac rursus cum succo foeniculi, vel morsus gallinæ temperant & imponunt. Plurimum etiam commendatur aqua fragorum viridis, quæ hoc modo paratur.

℞. Fraga bene matura, q. v.

*Aqua
fragorum
viridis.*

Indantur pelui aurichalceæ vel cupreæ, vt ultra medium repleatur, adspargantur sale trito, & cooperta in celam per octiduum collocentur, & appenso in patellam inclinatam filo laneo aqua viridis in subiectum vas recipiens colligatur, de quo liquore mane & vesperi gutta vna oculorum angulis instilletur. Auicennas in contumaci malo ascendit ad medicamentum ex vna parte sinapi, & duabus caricarum confecto. Laudant & nucem rancidam atque oleosam cum melle subactam, de qua aliquid in oculum immittunt repetendo ternis semper horis. Commendatur & aqua vitis, quæ verno tempore ex palmitibus præcisus exstillat. Ad antiquam suggillationem discutientiam utilis est, & radix ari rasa & cum melle subacta imposita.



CAPUT XXIII.

De dolore oculorum.

VM morbos, qui duræ & cornæ tunicæ accidere solent, iam absoluerimus, proximum est, ut symptomata, quæ in iisdem contingere solent, addamus; quæ sunt dolor & color vitiatæ. Verùm cum de colore cap. præced. & 18. dictum sit, hoc capite de dolore oculi tractabimus, qui etsi vulgo toti oculo tribuatur, ipsi tamen præcipue ob tunicas externas conuenit.

Est videlicet Dolor oculorum tristis eorum sensatio à solutione continui membranæ adnatæ & cornæ. Causa solutionis continui est vel interna vel externa. Interna est humor, vel copia vel acrimonia continuum soluens; quò plerique etiam referunt spirituum flatuosum. Externæ causæ variæ sunt, ictus & percussio, ventorum flatus, præsertim Borealiū, aërque nimis calidus vel frigidus, puluis, fumus, arenulæ, festucæ, animalcula, vapor & succus coepæ, allij & simil. quæ causæ pleræque in ophthalmia sunt propositæ; cum dolor plerumque ophthalmiæ sit symptoma.

Signa Diagnostica.

Et quidem ipse dolor ex relatione ægri patescit. Ex relatione eiusdem causæ externæ innotescunt. Causæ verò internæ iis signis, quæ supra de Ophthalmia fuerunt proposita, patefiunt.

Prognosticum.

Dolor oculorum acerbissimum malum est; cùmque maioris affluxus sit causa, Ophthalmiam auget, & sæpe cecitatis autor est. Item vigilias excitat, virésque valde deiicit.

Curatio.

Itaque etsi commodissimè tollatur dolor, sublata causa, à qua pendet, & proinde doloris oculorum eadem ferè curatio fit, quæ ophthalmiæ: quia tamen dolor sæpe vregit, tum principali morbo nonnihil posthabito, aut certè antequam is planè tolli possit, statim, facta aliqua euacuatione,

*Dolorem
oculi mi-
tigantia.*

cuatione, & diuersione, de dolore mitigando cogitandum est. Adhibendum videlicet albumen oui exactè conquassatum; vel solum, vel cum aqua rosarum, aut lacte muliebri mixtum. Et imprimis pars illa albuminis, quam Itali *Gallaturam*, Germani *das Kropchen* nominant, vsurpanda, quæ ex pluribus ouis colligenda, vt eius sufficiens copia haberi possit, quam valde commendat Eustach. Rudius, *Pract. lib. I. cap. 20.* *Admirabilissimum, inquit, tum in dolore, cum in vulneribus oculorum est remedium illa pars albuminis, quam Gallaturam vulgò appellant, quæ debet exactè prius conquassari. Hoc remedium bonus quidam Practicus, qui eo solo omnia oculorum vulnera ferè curabat; Dei virtutem appellabat.* Lac quoque muliebre vel asininum recès mulsu oculo instillari, vel, quod tutius, supra oculum imponi potest. Non diu tamen, vt supra etiam dictum, in oculo relinquendum, sed singulis horis innouandum, ne mora corrumpatur, are scat, acriusque euadat.

Nota.

Vtile est & pomum dulce maturum cum saccharo coctum & oculo applicatum. Vel sumatur pomi dulcis assati ʒ.ß. camph. ʒ. xv. croci ʒ. v. & cum aqua rosarum, & cum lacte fiat cataplasma.

Prodest & mica panis albi in lacte muliebri infusa, addito momento decoctionis papaueris vel emulsionis sem. papaueris: vitellus item oui cum lacte & aqua rosarum, vel ouum integrum cum aqua rosarum contusum. Et decoctum foenigræci, quod Galenus parare docet, in *1. de med. facil. parab. cap. 10.* Medicamentum item ex oui luteo, mica panis & ol. rosaceo. Cauendum tamen, ne oleum oculos ingrediatur, quod dolorem auget.

Valentiora sunt, succus vel decoctum lactucæ, solani, rad. vel pomor. mandragoræ, capit. papauer. albi, emulsio sem. papau. albi, facta cum lacte muliebri, Opium, Sief album cum opio. Sed Auicennas Opiatis nonnisi in acerbissimo dolore vtendum censet ex materia subtili & corrodeute, vbi syncope & virium extrema deiectio metuitur.


In quo tamen casu vsus talium moderandus est, quod visionem vehementer lædant, teste Galeno 3. *m. m. cap. 2.*

12. m. m. cap. ult. Et omnino præstat fluxionem ab oculis auertere per venæ sectionem, purgationem, & aliis modis; Cum opiata sæpe sine istis auxiliis adhibita dolorem potius exasperare, quam lenire compertum sit; Cuius rei exemplum refert Christophorus à Vega, *Art. med. lib. 3. sect. 2. cap. 1.*



CAPVT XXIV.

De Pure sub Cornea.

 VM pus sub cornea ante vueam, vel crySTALLINUM *Hypo-* colligitur, vt visus impediatur, Græcis appellatur *pyum.* *ὑπόπυον*, per o & u scriptum. Fiat etiam aliquando, cum ab vlcere profundiore pus defluens & inter tunicas delatum in circuitu Iridis figuram vnguis resecti refert, atque tum *ὑπόπυον*, vnguis nominatur: Nonnulli à similitudine, quam habet semicirculi, Lunellam, nominant. Fit autem *ὑπόπυον*, dum tumor siue corneæ siue vueæ in abscessum degenerat, vt materia purulenta eo loco consistat. Aëtio non solum ex effusso & suppurato per inflammationem sanguine fit, sed etiam citra inflammationem & exulcerationem, vbi dolor capitis, aut lippitudo, aut suggillatio præcessit.

Si enim sanguis suppuretur, dolor exoritur, qui prius non aderat, & oculus quodammodo inflammatur, ac color sanguinis in albedinem mutatur.

Signa Diagnostica.

Si pus inter vueam & corneam continetur, exactius illud conspicitur, & affectus oculus sano eminentior apparebit. Pus autem esse cognoscitur ex præcedente inflammatione, lippitudine, aut suggillatione. Moto etiam & concusso capite aut oculo pus manifestè sub cornea simul commouebitur. Visus quoque solet intercipi, adestque dolor pulsatorius, & color oculi rubeus.

Curatio.

Indicatio curatiua est, pus euacuandum esse Aëtius igitur *tetrab. 2. sermon. 1. cap. 28.* præmissis vniuersalibus, collariis vtitur ad inflammationes destinatis, in principio scilicet,

cet, cum materia ad pus tendit, quæ cum albumine oui, aut lacte instillat. Exacto tertio die fomenta adhibet per spongiam vel linteum leniter discutientia. Quæ enim vehementer discutiunt, & exsiccant, quod tenuius est, euacuant, quod crassius relingunt & indurant, vt resolui deinceps nequeat. Iubet etiam vitare adstringentia. Itaque probantur collyria ex melle, myrrha, croco, fellibus animalium cum succo foenigræci, foeniculi, fumariz. Item collyrium album de thure. Commendatur quoque radix cucumeris asinini cum melle in cataplasmatibus formam redacta & imposita; vt & farina fabarum cum melle subacta. Vtilis est & nux rancida cum melle trita; vt & hyssopus & origanum. Efficax est etiam oleum de linteaminibus, quod & ad oculos exulceratos commendatur.


℞. Linteum purum nouum & vitri pellucidi puluerisati q. s.

F. s. s. s. in cucurbita ad dimidium eam replendo, & in cineribus destillantur. Oleum guttatim oculo instillandum.

Vel ℞. Croci, Aloës, myrrh. an. 3. j. vini 3. iij. mellis 3. vj.

Dissoluatur crocus in vino, deinde cum aloë & myrrha misceantur, tandem mel addatur; de quibus in curatione suffusionis dicitur.

Vbi Resoluentia non suffecerint, alia præsidia tentanda. Apud Galenum est, *in fine 14. m. m.* quod etiam Aëtius repetit, Medicum quendam Romæ Iustum capitis concussionem pus loco suo dimouere solitum, ne visioni obesset. Aëtius acu obliquè siue à latere immissa pus per puncturam Cornæ educit, post albumen oui instillat, ac deinde ouum integrum cum vino mulso conquassatum & molli lana exceptum oculo imponit. Vide Aëtium loco allegato.



C A P V T X X V.

De Vucæ procidentia.

*Vucæ
prociden-
tia.*

¶ Ostquam cornæ & adnatæ tunicæ affectiones p. n. explicauimus, iam vucæ vitia explicanda veniunt. In-

ter

ter quæ primò occurrit. Vuea procidentia, quæ *αποπρωσις* tunica *αυρειδης* vocatur. (nam alia *αποπρωσις* totius oculi est, de qua postea dicetur.) Est autem situs præter naturam illius tunica à solutâ vnitæ corneæ proueniens. Soluitur continuitas vel per vulnera, vel per vlcera, vt antea dictum. Differentiæ siue species mali huius quatuor recensentur ex Ægineta, prout maior vel minor vuea portio procidit, & ruptura illa callum contraxit, vel non. Si enim parua vuea portio procidat *μυοκέφαλον* dicitur, quod formam capitis muscæ habeant: Si verò maior portio excidat, vt acini vuea figuram referat, *σαφύλωμα*: Si verò maxima pars & vsque ad palpebras excidat, *μήλον*, id est, Pomum: Si tandem calloso facta fuerit, *ἄλσ*, id est, clauus dicitur. Si vna cum vuea etiam portio quædam corneæ egrediatur, Auicennæ orbicularis ruptura Corneæ vocatur. Estque similis extremitati fusi, quo fila ducuntur, cui spondylus siue armilla est præfixa.

Signa Diagnostica.

Vuea procidentia facilè visu dignoscitur. Quomodo verò procidentia vuea à pustula superficiali corneæ differat, supra in signis pustularum oculi dictum. Nam pustula superficiali vndique nigra cernitur & exactè rotunda est, nec pupilla diuulsa apparet, vt in vuea procidentia.

Prognostica.

1. Hoc malum, testibus Græcis, & Arabibus, ægrè admodum curatur; quia non facilè est, vueam intro repellere & ruptam corneam vnire.

2. Minus periculi est in ea procidentia, quæ *μυοκέφαλον* dicitur, quam in ea, quæ *σαφύλωμα*, præsertim si non nihil sit inueterata. Cæteræ ferè incurabiles sunt.

Curatio.


Medicamenta hîc locum habent Adstringentia sine asperitate, qualia supra de Ruptura corneæ proposita. Quæ species Procidentia deteriores & inueteratæ medicamentis non cedunt, eas Paulus, Aëtius & Celsus ferro tentandas esse censent, saltem ad imminuendam deformitatem. Quod quomodo commodè fieri debeat, docet Paulus, lib. 6. cap. 19. Aëtius *terrabil.* 2. *serm.* 3. cap. 35. Celsus lib. 7. cap. 7.

sub titulo de σταφυλωματι oculi. Sed Auicennas metuit, ne materia ad sanum oculum feratur, præsertim si ille natura sit imbecillior, & exquisito sensu præditus. Ideò à ferro potius abstinendum censet. Vide Hier. Fabric. ab Aquapend. *de operat. Chirurg. tit. de staphylomate.*



CAPUT XXVI.

De Pupillæ dilatatione.

Pupilla dilatatio.  Alenus *1. de symptom. Causis cap. 2.* pupillæ, quæ foramen vueæ est, speciebus visibilibus transmittendis destinatum, quadruplex vitium recêset, eius dilatationem, imminutionem, in aliquam partem detorsionem, & denique ruptionem. Pupillæ dilatationem & angustiam quod attinet, debet pupilla seu foramen ita constitutum esse, vt non nimis sit amplum, ne externum lumen nimis copiosum admittat, nec etiam nimis angustum, vt species visibiles commodè admittat. Et cum radij visibiles recti fortiores sint obliquis, & obliqui fortiores, quò rectis propiores: in pupilla non nimis ampla pauciores obliqui ingrediuntur, & ita visio fit perfectior. Per pupillam verò latam simul multi obliqui intrant, & ita visus fit debilior. Etsi verò aliter alij hac de re doceant, & alij quidem foramen nimis angustum impedire exitum radiorum scribant, ob amplum verò nimis dispergi radios putent: tamen falsa hæc est opinio, quæ præsupponit visionem fieri radiorum emissionem. Alij verò spiritu animali, qui ad oculum confluit, amplam pupillam minus commodè replei posse existimant. Veruntamen commodior est sententia antea proposita, quæ pupillæ dilationem & constrictionem visui abesse scribit, ob luminis externi maiorem vel minorem copiam, quæ pro angustiore vel ampliore pupillæ foramine maiore vel minore copia admittitur, qua de re in *Institut. lib. 2. p. 3. sect. 2. c. 3.* dictum. Cui accedit, quod species visibiles in angustia pupilla radiis rectis & recto propioribus, in ampla verò obliquis oculos ingrediuntur.

Nota.

Pupillæ

Pupillæ autem dilatatio, Græcis *μυδεια*, peculiariter dicitur, quasi *ἀμυδεια*, ab *ἀμυδρῶς ὄραν*, vt etymon ostendit, hoc est, à visione obscura. Pupillæ enim dilatatio semper visui incommodat, siue ab ortu sit contracta, siue post accesserit. Angustia pupillæ non semper, sed quæ naturalis est, potius ad acumen visus facit. Dicitur & pupillæ *ἀύξινσις* & *πλάτυνσις*, ab ampliacione pupillæ. Morbus est in vitiata conformatione, hoc est, in via siue meatu præter naturam dilatato, quando scilicet pupilla seu foramen illud, quo vuea tunica, ad species visibiles admittendas donata est, ita præter naturam versus Iridis circulum ampliatur, vt visio hac de causa lædatur. Non solum enim obiecta omnia minora apparent intuenti ægro, sed & imbecillior fit visio, atque æger etiam ex mediocri interuallo obiecta non exacte cognoscit. In clara etiam luce non satis acutè videt. Cuius rei causam quidem, vt modò dictum, nonnulli esse dicunt, quòd amplius pupillæ spatium non ita impleatur à spiritu animali, prout opus erat, & quod spiritus animalis dispersus radios procul emittere nequeat. Sed malè hi præsupponunt, quod visio fiat spirituum emissionem. Causa verò huius rei duplex est. Prior, quod externi luminis copia nimia in oculos per pupillæ foramen amplum admittitur, quæ visioni officit, vnde etiam, qui exactè aliquid inspicere volunt, oculis conuenient. Deinde, vt ab opticis docetur, radius perpendicularis est fortissimus, obliquus debilior, & tantò fortior, quantò minus obliquus. Ideoque cum in ampla pupilla radij obliqui multi incidunt, non mirum est, visionem fieri debiliorem.

Causæ.

Causa dilatationis pupillæ alia natiua est, vbi à primo ortu contractum est hoc malum : alia aduentitia : atque hæc vel interna vel externa. Interna proxima Galeno, i. de sympt. causis cap. 2. est tensio vueæ tunicæ. Tenditur autem vuea vel per se ob intemperiem siccam citra humoris aquei consumptionem, à vigiliis diuturnis, febribus ac similibus exsiccantibus : non aliter, atque perforata coria, cum exsiccantur, patentiora foramina acquirunt,

quo simili Auicennas rem declarat: vel per accidens à subdito spiritu vel humore in modum vtrius inflata aut distenta; quod & ab aqueo oculi humore supra modum aucto fieri posse docent; Auicennas etiam à tumore seu apostemate vueæ illam extendente. Aëtio simpliciter est allapsus humorum, qui aut acervatim aut paulatim ad oculum feruntur, & citra sensum vueam distendunt, ut pupilla dilatetur.

Externa causa est ictus aut casus ab alto, cuius vi vuea tunica vel tenditur, vel planè rumpitur. Ad quas etiam referri potest anhelitus retentio in parturientibus, ut docet Auenzoar, *lib. 1. Trerabl. 8. cap. propr.* quia in anhelitus illa retentione & enixu spiritus multi ad oculos confluent, qui etiam humores & flatus ad oculos impellunt. Accidit hoc malum pueris magis propter tunicarum debilitatem: iis quoque, qui magnos habent oculos.

An siccitas sit causa dilatationis pupillæ.

Verum de siccitate, quam modò inter causas dilatationis pupillæ retulimus, inter auctores controuersia est, & dubitatur, an illa pupillæ dilatationem inducere possit. Galenus equidem, *loco allegato*, hanc causam proponit: verum eam prætereunt Aëtius, Ægineta, Actuarius, Et Rhases, 2. *Contin.* Galeni opinionem reiicit; videturque ei ratio adstipulari; siquidem siccitas potius videtur constringere & coarctare, quam dilatare. Verum notandum, vueam posse humectari & exiccare vel ut pars similis est, vel ut organica. Humectatur ut pars similis, quando per totam substantiam ipsius tunicæ diffunditur humor; ut pars verò organica, quando meatus saltem & foramen vueæ repletur humore. Contra exsiccatur ut pars similis, quando tota substantia vueæ exsiccatur; ut pars verò organica, quando humiditas meatibus inclusa absorbitur. Itaque si vuea tunica ut pars similis humectetur, fit pupilla angustior; quia tota vueæ substantia humectata & in ampliorem mollem extensa coarctat foramen vueæ: Si verò humectetur ut pars organica, seu potius si meatus ille humoribus oppletur & distenditur, pupilla quoque dilatatur. Si verò exsiccatur ut pars organica, seu potius si humor in meatu absorbitur, ille in se concidit,

Nata.

dit, & hinc foramen vuez amplius redditur, sicut coria
& alia corpora exsiccata dehiscere interdum videmus.

Differentiæ.

Differentiæ huius mali sunt, quod aliàs dilatatio parua
est, non multum excedens limites naturales; alia magna,
vt iridis etiam circulum contingat: alia per ἰδιοπάθειαν ge-
nita in oculo, alia per συμπαθειαν capitis ex vehementi
eiusdem dolore aut alia affectione.

Signa Diagnostica.

Malum hoc oculis intuentium patet; præcipuè si me-
dicus antea oculos ægri inspexerit. Si verò, quæ latitudo
pupillæ oculi sani fuerit, Medico notum non est, viden-
dum, an visus simul cum latitudine pupillæ lædatur.
Commune enim accidens est, quod minus acutè vident;
& iis res omnes visæ minores, quam, sunt, apparent,
ob causam antea positam. Accedit, quod tales homi-
nes, cum aliquid intueri volunt, oculos nonnihil com-
primunt & veluti conuiuent. Pro magnitudine autem di-
latationis visus plus vel minus offenditur. Præterea vi-
dendum, an vna saltem sit dilatata, an vtraque. Nam si vna
saltem sit dilatata, certum est, eam affectionem mor-
bosam esse. Si verò vtraque pupilla sit ampla, alterius
oculi pupilla consideranda. Si enim altero oculo clauso
altera adhuc magis dilatatur, amplitudo ea naturalis est:
Si verò non dilatatur, est præternaturalis; quia iam præ-
ter naturam pupilla ita dilata est, vt amplius dilatari
non possit.

Causarum signa ex affectionibus præcedentibus haud
difficiliter cognoscuntur.

Prognostica.

1. Natiua pupillæ dilatatio incurabilis, teste Auicenna;
aduentitia ægrè curatur. Nam conformationis vitium in
hac parte ars corrigere non potest, & membranosum
vuez tunicæ corpus semel tensum induratur, vt non fa-
cile ad naturalem statum redeat, teste Atetio.

2. Dilatio pupillæ ex siccitate orta difficulter admodum curatur; quæ verò ex humiditate, non ita difficulter. Galenus 1. *de sympt. causis cap. 2.*

3. Si post capitis dolorem vehementem magna sequatur pupillæ usque ad iridem dilatio, exigua spes est, ob immodicam materiæ copiam.

4. Quæ à percussione oritur, incurabilis est, si vuea sit lacerata. Curatio verò aggredienda, vbi solum vuea tenditur ab humore subiecto.

Indicationes.

Quoniam pupilla ultra modum naturalem dilatata est, indicatur remedium foramen contrahens. Si autem à causa præsentè fouetur malum, eaque sit siccitas, humectandi oritur indicatio: Si humor aut flatus tendens, is diuertendus & euacuandus est.

Curatio.

Græci & Arabes, dum malum ab humiditate est & corpus plethoricum, venam secant in cubito, idque ideo, ut sanguis ad oculum confluens reuellatur. Postea etiam venas temporum & venas in angulis oculorum ad causam proximam deriuandam. Profunt & cucurbitulæ in occipitio & hirundines post aures applicatæ. Frictiones item deorsum factæ, & alia vniuersalia, quæ in affectibus oculorum adhiberi solent. Instituatur quoque purgatio humoris peccantis, si opus, ut hactenus dictum. Postea vsurpentur materiæ illam resoluentia & vueam leniter adstringentia. Resoluunt aqua marina, in quam facies apertis oculis aliquandiu immittatur, aut si marina desit, parum salis misceatur aquæ, aut posca aquosa vsurpetur, iubente Aetio. Leniter adstringunt rosæ, nardus, crocus, pompholyx, spondium, item collyrium ex rosis, croco, corticibus thuris, acacia.


Vt *℞. Rosar. rubr. sicc. ʒ. ij. croci, spicæ, cortic. thuris an. ʒ. ʒ. rut. præpar. spondij, acaciæ an. ʒ. j.* In puluerem redacta ligentur in nodulo panni linei rari, & nodulus coniiciatur in *Aq. rosar.* ʒ. iij. Tempore vsus nodulus fortiter exprimatur, & aqua ista oculo instilletur.

Vel Ꝟ. Gummi Arab. tutia, sandaracha Arab. tragacanth.
an. 3. ij. boli armeni 3. ʒ. sem. lini, cydonior. croci an. 3. j. succi
granat. è toto 3. j. ʒ. aqua rosar. lb. ʒ. Macerentur omnia
in loco calido per noctem, postea ebulliant hora dimidia
& colentur.

Si à multis sit flatibus, vt tubicibus nonnunquam acci-
dit, illi discutiantur. Addenda adstringentia, quæ robur
parti adiiciant, vt si fetus fiat ex decocto sem. foenic. fol.
rutæ, aneth, flor. rosar. cimis rubi, fol. myrti & hyperici,
quæ decoquantur in aqua rosar. vel myrti admixta vini
albi parte quarta.

Si malum sit à ficcitate, probantur humectantia, in qui-
bus optimum est lac caprinum recens infusum in vascu-
lum oculo excipiendo idoneum, vt oculus aliquandiu in
hoc detentus molliter foueatur.

Vbi à percussione ortum est malum, estque læsio non
magna, atque abest inflammatio, facilis est curatio cum
Emplastro de farina fabarum, fol. plantag. flor. rosar. quod
in principio ad reperiendum valet; Postea cum Em-
plastro de farina fabarum Rhasis, quod magis resoluit.
Ratione verò materiæ, quæ fluxit, Auicennas sangui-
nem turturis vel columbarum in oculum instillat: ac tan-
dem ad dissipandum Collyrio è myrrha & fellibus uti-
tur. Si cum vulnere sit & ruptura vuæ, non curatur.
Maior tamen affluxus materiæ prohiberi potest venæ se-
ctione, materiæ deriuatione ac repulsione, & denique
oculi roboratione.



CAPVT XXVII.

De Angustia Pupille.

Diminutio vel constrictio Pupillæ, Græcis *μωωσις*, vel *Angustia*
vt Galenus 10. de *us. part. cap. 5.* nominat, *φθισις τῆς pupillæ.*
αόψης, (nam atrophia toti oculo tribuitur) est angustia
præter naturam foraminis vuæ, qua visio læditur.

Est videlicet morbus conformationis, scilicet in via,
S s s 3 quia

quia foramen illud pupillæ angustius est redditum, quam naturaliter debebat.

Quomodo lādatur in angustia pupilla. Quomodo autem visus lædatur in pupillæ angustia, non ita planum est. Galenus, 2. *de sympt. caus.* cap. 2. saltem visum aboleri scribit, Auenroës, 3. *Collat. cap.* 28. visum imminui docet. Oribasius verò, Aëtius, Paulus Ægineta & Actuarius etiam visionem deprauari & res maiores videri, quam reuera sunt, scribunt. Quam Græcorum sententiam probabilem putamus; cum certum sit, eos, qui naturaliter pupillas angustas habent, res minores videre posse, quas ij, qui latas pupillas habent, distinctè cognoscere non possunt. Sed quænam huius rei causa sit, dubium. Mercurialis non in omni pupillæ angustia hoc accidere statuit, sed tum solum, quando angustia fit ex laxitate seu humiditate vueæ. Tunc enim quia humor albugineus multus est, ratione illius multitudinis fieri putat, vt imagines reddantur maiores. Alij docent, quod spiritus visuius, quantuscunque is est, in angustia illa pupillæ collectus & vnitus species visibiles quasi multiplicatas sub maiore mole apprehendit. Capiuaccius ad superficiem humoris crystallini respicit, quem in pupillæ constrictione deficiente humore aqueo nonnihil cauum reddi autumat, vnde, sicut in speculo concauo, res maiorem molem præ se ferre videntur. Veràm impossibile, est, vt hac de causa humor crystallinus cauus reddatur. Probabilius est, cum visio fiat per receptionem imaginum, in constrictione pupillæ per foramen angustius species visibiles illabentes postea in ampliore spatio versus crystallinum dilatari, vt rem iusto maiorem exhibeant. Quemadmodum contra in dilatatione pupillæ species visibiles per amplum foramen illapsæ in repleto versus crystallinum spatio sub minori angulo rem visui minorem apparere faciunt.

Causæ.

Causa proxima est contractio vueæ tunicæ. Contrahitur autem illa, vel cum laxatur à nimia humiditate, qua ab ambitu versus centrum contrahitur, sicut in cribrorum & coriorum madefactorum foraminibus accidit (vt enim
tensio

tenſio vuez tunica pupillam dilatat, ita laxatio anguſtior-
rem reddit) vel à defectu humoris aquei, ſiue ex vulnere
aut vlcere, ſiue ex alimenti inopia , quo humore con-
ſumpto indigens tunica concidit & corrugatur, ac pu-
pilla anguſtior redditur; vel denique à pauciore ſpiritus
viſui ad pupillam affluxu, vnde ipſa quoque corrugatur.
Paulo cauſſa eſt denſatio vuez à ſiccitate orta, ſi videlicet
exiccatio vuez à circumferentia ad centrum progredia-
tur; ſin contra, fit dilatatio pupillæ. Aëtius dicit con-
tingere ex periculofis, cuiuſmodi ab inanitione fiunt, de-
bilitatibus, aut ex ingenti capitis dolore.

Signa Diagnostica.

Malum per ſe patet, præſertim ſi ad ſanum oculum fiat
collatio. Quoad ſigna cauſſarum, ſi ab humiditate ſuper-
flua malum eſt, præceſſerunt cauſſæ humectantes: ſi à de-
fectu humoris aquei, æger melius videbit in obſcuro, quia
ſpecies viſibiles promptius occurrit cryſtallino, quia à lu-
cis præſentia offenditur. Si à paucitate ſpiritus viſui, cauſ-
ſæ hunc imminuentes antegreſſæ ſunt. Commune verò
huic vitio ex quacunque cauſſa eſt, vt omnia maiora vi-
deantur intuenti ægro, quam aliàs ſolent, ob cauſſam
ſupra propoſitam.

Prognostica.

1. Naturalis pupillæ anguſtia bona eſt, ob cauſſam an-
tea dictam.
2. Morbi vitio facta mala eſt: atque inſanabilis qui-
dem, ſi ex inſigni & irreparabili defectu fiat humoris
aquei, minus noxia, ſi ex vuez humectata: difficulter quo-
que ſanatur, quæ ex ſiccitate & inanitione oritur.

Curatio.

Præmiſſis vniuerſalibus, ſi vitium fit ab vuez humidi-
tate, probantur ſiccantia, vt ruta, chelidon. foenicul. colly-
rium ex tutia, felle, ruta, euphragia & ſimilibus. Si à de-
fectu humoris aquei, humectantia uſurpentur, vt lac &
aqua dulcis actu calida fronti & capiti admota, vt ca-
put alimentum ab inferioribus attrahat. Commodiſſimum
eſt, ſi manus calida & humida ſuper oculos detineatur.

Paulus medicamentum rarefaciens & acre iubet oculis applicare, cuius scilicet rarefactione alimentum ab oculo suscipiatur, acrimonia verò attrahatur. Attamen acrimonia illa morfu careat, neque nimis calida medicamenta sint, ne, quod attractum est, dissipetur. Verum natura sponte plerumque humorem aqueum reponere solet, quæ de re postea de defectu humoris aquei dicitur.



C A P V T XXVIII.

De Suffusione.

Suffusio. **Υ**πόχυμα & υπόχυσις, Latinis Suffusio, est humoris p. n. sub cornea è regione pupillæ concretio, qua visio impeditur. Vulgus cum Barbaris Cataractam appellat, tanquam aquæ ad pupillam decubitus. (Est enim Cataractæ præceps aquæ in flumine ex loco abrupto delapsus, ut aqua ruere potius, quàm fluere videatur.) Vnde etiam aquam simpliciter & aquæ descensum nominant. Arabes gradus augescentis huius mali appellationibus quibusdam distinguunt. Incipiente enim suffusione culices & corpuscula quædam pilorum aut lanarum vel aranearum texturis similia oculis obuersari videntur, pro humoris pupillæ suffusi qualitate, colore, figura: atque hunc gradum appellant imaginationem, quod scilicet putantur res oculis obuersari, quæ non sunt. Augescente hoc malo symptomata inualescunt, & pupillæ color marinus apparet, aut pupilla similis est vitro contaminato, vel aëri nebulis repleto. Atque hunc gradum nominant aquæ descensum siue guttam. Tandem postquam malum perfectum est, ægerque amplius non cernit & pupillæ color albus aut alterius coloris apparet, non transluens amplius, cataractam & υπόχυμα seu suffusionem appellant, ubi scilicet externum lumen cum speciebus visibilibus humorem crystallinum ingredi nequit, propter interpositum corneæ & crystallino humori humorem excrementitium. Etsi enim veteres nonnulli, teste Ægineata, eandem affectionem

tionem esse putarunt ὑποχυμῶς & γλαύκαμω: tamen recte discernuntur; cum γλαύκαμω non pupillæ obstructio sit, vt suffusio, sed crystallini humoris affectio, eius scilicet præ nimia humiditate in glaucum colorem mutatio, vt ibidem ab Ægineta docetur.

Est igitur ὑπόχυμω pupillæ siue vuæ foraminis obstructio, facta ab humore præter naturam ea parte in oculo consistente, visionemque impediēte. Morbus est in via, cum ob foramen vuæ obstructum species visibiles in oculum admitti non possint. Vnde symptoma sequitur initio actionis videndi imminutio aut deprauatio, tandem confirmato malo penitus ablatio. Galeno *in lib. de differ. morb. cap. 8.* est morbus in numero, & quidem in excessu; quoniam additum est aliquid præter naturam, seu adest oculo humor, licet alienus in lentam & medio-criter duram σύστασι, cuiusdam quasi membranæ, concretus.

Atque hæc, quæ dicta sunt, de vera suffusione sunt intelligenda, quæ κατ' ἐξοχήν ita dicitur, quàmque humor circa pupillam præter naturam collectus efficit, non vapor. Nam præter hanc, quæ legitima & vera suffusio est, alia adhuc est, quæ Notna dicitur, quæ fit à vapore, & per consensum vel totius, vt in febrium ardentium vigore, fumis adustis per venas & arterias simul cum sanguine & spiritibus sursum elatis, & instante quoque crisi, per hæmorrhagiam narium: vel cerebri, quando succis abundat aut crassis pituitosis, vt plerumque accidit, vnde vapores eiusmodi ad oculos mittuntur, aut biliosis adustis, vt in phreneticis, teste Galeno, *in 4. de loc. aff. cap. 2.* vel ventriculi, è quo vapor sursum ad oculos effertur, siue ex cruditate, præsertim nidorosa, siue ex biliosi humoris in ventrem confluxu: vel vteri aliarumque partium inferiorum ab effumante ibidem illuue: vel pulmonis, vt in Peripneumonia, teste Galeno, *in 1. Prognost. aph. 23.*

Denique fit vitio humoris aquei vel albuginei, quando is ita crassescit, & concrescit, vt crassitie visionem offendat. Nonnulli tamen hanc postremam suffusionis speciem ad primam illam referunt, & omnium suffusionis

differentiarum potissimam ac maximè propriam esse statuunt, utpote, quæ non per consensum fiat, sed oculo primario affecto, & causa in ipso oculo consistente.

Subiectum & Causæ.

*Locus
suffusio-
nis quis-
nam.*

De loco suffusionis authores non planè consentire videntur. Autor lib. de oculis humorem suffusionis causam inter humorem crystallinum & vueam tunicam constituit. Quam sententiam Arabes plerique sequuntur. Galenus 10. de usu part. cap. 1. Suffusionis locum esse dicit regionem, quæ interioret inter crystallinum & corneam tunicam, quem Græci, Paulus Ægineta, Aëtius & Actuarius sequuntur. Auicennas cap. proprio inter albugineum & corneam locum suffusionis statuit. Celsus, lib. 7. cap. 7. peculiarem sententiam fouet, & suffusionem fieri statuit post duas tunicas, scilicet corneam & vueam, ea in parte, in qua spatium quoddam intercedat inter aqueum humorem & corneam.

Verum non magna est hæc sententiarum discrepantia. In toto enim illo spatio, quod intercedit inter corneam & crystallinum, humor ille concreescere potest, totumque illud spatium locus suffusionis est. Etsi non semper in eadem spatij huius parte humor hic concreseat, sed modo in hac, modo in illa, nunc magis versus corneam, nunc versus crystallinum.

*Causa
suffusio-
nis.*

Veræ suffusionis & quidem incipientis causa continens est humor tenuis intra corneam & crystallinum conclusus. Confirmata, humor crassus & lentus eodem spatio pupillæ obiectus, ibidem magis ac magis crassescens, siue ibidem genitus sit, siue à capite eo depulsus.

Humor is interdum sincerus est, & vnius generis, pituitosus scilicet, unde suffusio fit alba, interdum varij humores miscentur, ita ut varios colores pro varietate mixture habeat, citrina, si bilis miscetur, nigricans, si humor melancholicus.

Colligitur verò hic humor eo loci, vel cum ibidem paulatim cumulat, ob nutrimentum oculi non bene con-

coctum

coctum & conuersum; vel cum excrementum pituitosum seu crassum, seu in toto, seu in cerebro præcipuè cumulatam ad oculos vel ob natiuam vel ascitiuam debilitatem transmissum fuerit. Ad natiuam debilitatem pertinet & eminentia oculorum, quique eminentes habent oculos, faciliè suffusionem incurrunt. Aëtius *lib. 6. cap. 9.* Causam huius rei esse dicit, quod qui habent oculos prominentes, habent crassos spiritus. Vbi verò crassus est spiritus ob humores admixtos, suffusionibus gignendis faciliè occasio dari potest. Verùm cum magnitudo oculi sit à conformatione, ij, qui oculos magnos & eminentes obtinent, visum habent debiliorem; quia in magno spatio virtus diffusa infirmior est, vt Aristoteles *5. de gen. anim. cap. 1.* docet. Præterea oculi isti prominentes & magni faciliè humores & vapores suscipiunt, atque externis iniuriis sunt expositi. Pertinet huè & viarum laxitas, quæ humoribus faciliè aditum præbet. Ad humorem in oculos influentium susceptionem faciliorem faciunt etiam causæ externæ, vt ictus, contusio, mora sub Sole, balneum, austrina & pluuiosa coeli constitutio, & similes, quæ oculum debilitant & fluxionem capitis, ceu causam antecedentem internam, commouent, & faciunt, vt humores p. n. ad oculos fluant; ibique subsistentes temporis diuturnitate concrecant.

Via autem, per quam materia ad oculos defertur, triplex esse potest.

1. Venæ omnium tunicarum.
2. Vueæ tunica, à qua aliquid transsudare potest.
3. Nerui Optici. Potest enim materia è venis frontis & temporum per pericranium deriuari & ad adnatam, inde ad albugineum, hinc ad corneam & vueam confluere. Eadem deriuari potest à dura matre ad duram tunicam, hinc ad corneam & humorem aqueum, atque ita inter corneam & vueam & suffusionem excitare. Potest eadem deriuari à pia matre vel secundina & vuea, & hinc ad humorem aqueum transsudare, & tunc suffusio inter crySTALLINUM & vueam consistit. Potest & à circumferentia vueæ ad pupillam effundi.

effundi. Si verò à cerebro per neruos opticos effundatur, per retiformem & araneam tunicam ad crySTALLINUM deriuatur, & materia suffusionis crySTALLINI superficiei adhæret.

Differentiæ.

Differentia suffusionis.

Differentiæ suffusionis, & quidem veræ, sumuntur 1. à magnitudine. Nam in alia tota pupilla crasso humore obfideretur, vel humor aqueus ita deprauatus est, vt totus sit opacus, atque tunc visio planè aufertur: In alia pars pupillæ est obtenebrata, vnde & obiecta directo intuitu integra non cernuntur, nec vno tempore multa; cum conus visionis sit facta angustior. Quod si in centro pupillæ exigua sit suffusio, ambitus verò sit purus, omnia quasi fenestris pertusa esse putantur. Si diuulsa crassa corpuscula pupillæ obiciuntur, culicum species ante oculos versari videbuntur, quemadmodum Galenus hæc distinguit, *I. de sympt. caus. cap. 2.*

2. A modo substantiæ. In alia enim materia tenuis & fluxa est, qualis in principio esse solet: in alia crassa lenta & tenax, vt membranæ speciem præ se ferat: in alia denique medio modo sese habet, quæ & acu facilius deponi potest.

3. A colore, quo humor ille tinctus est. Materia enim suffusionis alia est specie aëris puri, margaritarum, argenti viui, gypsi; vel ex albedine tendit ad citrinum aue viridem; alia verò citrina est, alia viridis, alia aurei coloris, alia fusca vel plumbea, alia nigra.

4. A situ materiæ. Nam quædam sita est post vueam, inter hanc & humorem aqueum & crySTALLINUM; Quædam ante vueam, inter hanc & corneam. Quædam corneæ vel vueæ accrescit, quædam non. Habet & notha suffusio suas differentias. Nam ægri videntur sibi videre modò pulices, modò pilos, modò circa candelam circulos, modò telas, modò aliud, quod in aëre volitet. Et omnino variæ imagines oculis obuersantur, prout figura est varia humoris consistentis circa pupillam. Non enim, quod videtur suffusis, est obiectum externum, sed humor in oculo cumulatus. Galen. *I. de sympt. caus. c. 2. & 4. de loc. affect. c. 2.*

Signa

Signa Diagnostica.

Cum suffusio non sit eiusdem generis, vera à notha distinguatur. Primò, quod vera alterum tantum oculorum occupat, aut si ytrumque, non tamen simul nec similiter, quod in spuria accidit, vbi tenebrosum quiddam in pupilla, quemadmodum in vera, non apparet. Secundò in vera symptomata sunt continua, nec vlla habent interualla: In spuria remittunt aëre puro, parciore & salubriore diæta, cibique bona coctione, & tandem purgatione per hieram picram; vel reiectione succi biliosi per vomitionem, si morsus oris ventriculi præcesserit. Tertiò, vera breui tempore, mensibus duobus vel tribus aux sex vt plurimum, nonnunquam & paucis diebus incrementum suscipit. Imò Fernelius refert, *lib. 5. pathol. cap. 5.* Consummatam suffusionem vno die subortam, Spuria autem multos annos absque visionis insigni noxia, quod obseruatione peculiari confirmat Guil. Fabric. *Cent. 5. obser. 14.*

Sed vt veræ suffusionis signa diligentius contemplemur, Incipiente hac affectione culices, aut caliginosa quædam pilorum, lanarum aut araneorum retibus similia oculis obuersari videntur, pro humoris pupillæ suffusi qualitate, colore, figura.

Augescente malo hæc symptomata inualescunt, & pupillæ color marinus apparet intuentibus, aut similis est pupilla vitro contaminato, vel aëri nebulis repleto.

Perfecta hac æger non cernit, pupillæque color albus apparet, non lucens, aut alias præter naturam coloris differentias habet. Ex colore etiam ipso signa sumuntur, quod aëreus materiam sub pupilla significat fluidam; gypseus, crassam, non fluidam; citrinus, pituitam cum bile mixtam; niger, cum humore melancholico; vergens ad calorem margaritæ, pituitam nonnihil diaphanam.

Quod verò ad dignoscendum locum suffusionis attinet, residet illa inter vueam & corneam, Primò si pupilla intentius conspiciatur obtenebrata; quoniam materia magis propinqua est oculis intuentis, & pupilla ob humorem distendentem necessario dilatatur. Deinde si à principio ita manifesta non apparuit species volitantium ante oculos

oculos culicum; quoniam spatium intra corneam & vueam angustius est, in quo materia ita prompte moueri nequit. Opposita apparebunt, si materia inter crystallinum & vueam continetur.

Præterea si materia suffusionis in loco profundiore sita est, pupilla angusta est: Si loco minus profundo, amplior illa est. Nonnunquam partibus vicinis materia suffusionis accrescit, & tunc albæ vel virides fibræ aut striæ supra Iridem protensa conspiciuntur. Nonnunquâ per vueam corneæ adhærescit materia, & tum puncta quædam albicantia conspiciuntur, ac si à latere oculus inspiciatur, alba quædam filamenta ex vuea ad corneam protensa conspiciuntur.

Prognostica.

1. Spuria suffusio non solum periculo vocat, sed facile etiam euacuato ventriculo aut toto curari potest. Vera autem difficulter; & alia quidem medicamentis foris intraque adhibitis, alia punctione cum acu.

2. In vera suffusione quibus altero oculo conuenientibus alterius pupillam dilatari contingit, si punctio admittatur, recipiendi visus spes est. Quibus non dilatatur, nemo vnquam visum recepit, teste Galeno, 2. de sympt. caus.

3. Nam nerui optici affecti tum indicatiu est, per quæ spiritus ad pupillâ penetrare nequit, etsi suffusio acu sit remota.

4. Si æger suffusione laborans lumen etiam non cernat, tum etsi sano oculo clauso pupilla dilatatur, tamen punctione facta visum non recuperabit; quia visuus turpidus plerumque & obscurus redditus est, cum quo etiam cernendi facultas periit.

5. Suffusio, quæ non ita diu coepit, & in qua ægri obiecta communia, id est, magnitudines, figuras, numeros, motus adhuc discernunt, discuti potest; quia moderatè tenuis adhuc humor est. Vbi diutius constiterit, & crassior aliquantum facta est, manus operam requirit. Et quæ semel tamen punctione sublata est, si serosioris fuerit materiæ, non longo post tempore specie fecis vini reuerti solet, teste Galeno, m.m. in fine.

6. Ut sciatur, quæ suffusio acu commodè deponi possit, suffusum oculum pollice premes, iterumque aperto oculo

suffusio

suffusionem considerabis. Quæ enim nondum concreta est, nec planè tamen adhuc tenuis atque cruda, ea ex digiti compressione nonnihil diffluit, ita ut aliquando latior appareat, statim verò ad pristinam magnitudinem & figuram redeat. Id quod concreta suffusio non facit. Itaque si expressura, quæ digito fit, nulla consequatur figuræ humoris mutatio, porrò videndum est, qualis eius color appareat. Si quidem ea, quæ moderatè concreuit, colorem ferri aut coeli vel maris aut plumbi non admodum nigri, vel nucis castanea refert. Atque hæc commodè acu deponi potest. Quæ autem gypsi aut grandinis speciem colore præ se fert, supra modum concreuit, & punctiōe non sanatur. Itaque ipsius suffusionis maturitas quædam expectanda est cheirurgo, nec punctio tentanda, donec humor peccans mediocriter concreuisse videatur.

6. Quæ suffusio nigra est, & quæcunque splendoris nitorisque omnis expers, nullo modo, neque medicamentis neque acu curari potest, quoniam spiritus optici destructio significatur. Pura verò, & pellucidatum pupilla, tum suffusio, spem aliquā curationis relinquit. Insanabilis quoque ferè est viridis, obscura & multū citrina atque dura, & quæ hydrargyrū colore & mobilitate repræsentat, & cuius oculus multum emarcuit. Videatur Auicennas, *loc. propr.*

7. Punctio, ubi conuenit, in pleniore oculo tutior est.

8. Si ex febre acuta, peripneumonia, phrenitide, aut dolore capitis acerbissimo suffusio extiterit, aut si illa ad hanc accesserit, malum periculosius redditur.

9. Suffusio in centro pupillæ consistens, quæ fenestris quasi pertusas, res obiectas exhibet, acu tendenda non est; quia periculum imminet, ne tota pupilla impleatur, & homo visionem planè amittat.

10. Senilis ætas ad curationem apta non est, quippè quæ suo vitio visum hebetè habet. Nec etiā puerilis, in qua humor nondum est maturus. Aptissima curationi est ætas consistens.

Indicationis.

In vtraque Suffusione materia, quæ eius causa est, euacuari indicat; id quod in spuria, quæ à ventriculo præcipuè, purgatione vel monitu fit præsidii etiam diuer-

tentibus

tentibus & ventriculum atque caput robōrantibus, ac legitima tandem diætā. In vera autem euacuatio humoris pupillam obstruentis instituenda, & materia illa è pupilla, quæ obstructa est, tollenda: quod fit vniuersalibus præmissis, vel per resoluentia, vbi materia tenuis, fluxa & recens est; vel per transpositionem, quæ acu perficitur, vbi malum consummatum est, & materia siue sponte sua, siue per medicamenta ita concreuit, vt præsidium hoc commodè admittat.

Curatio.

*Curatio
vera suffu-
sionis.*

Itaque in principio, si Plethora adsit, & sanguinis affluxus metuatur, vena aperienda. Verùm cum plerùmque ab humore frigido & crasso hoc malum ortum habeat, venæ sectio tum locum non habet; quia sanguinis spirituumque euacuatione cerebrum magis refrigerantur, humorque crassior redditur, sed materia potius præparanda & euacuanda iis medicamentis, quæ supra, *part. I. de Intemperie capitis cum pituita*, sunt proposita. Et quidem purgatio statim initio instituenda accuratior, eaque maximam partem phlegmagogis perficienda. In quem vsus valde utilis est hiera & electuarium diacarthamum. Et vt purgatio felicius instituatur, præparantia præmittenda ex ocularibus medicamentis, in primis euphrasia, calendula, betonica.

*Interna
medica-
menta.*

Quibus peractis semel atque iterum singulis septimanis Theriacæ vel mithridatij ꝯ. j. vel 3. Ꝟ. exhibere conuenit cum conserua betonicæ, anthos, aut simili. Possunt & alia medicamenta interna ad absumendum, & expellendum illum humorem vsurpari, vt decoctum ligni Guajaci, sarsaparillæ, sassafras cum plantis Cephalicis & Ophthalmicis.

Vt ꝯ. *chine* 3. ij. *sarsaparill.* 3. ij. Infunde horis 24. in Ꝟb. ij. Aquæ puræ. Coqu. ad medietatem sub finem adde *fol. euphrag. verbenæ, chelidon. an.* M. j. *sem. coriandri præpar.* 3. ij. Colat. seruetur pro vsu. Cuius dosis sit. 3. vj. tempore matutino.

Caput nonnunquam lauetur lixiuio, in quo herbæ cephalicæ ebullierint, betonica, stœchas, maiorana, euphra

euphragia, agaricus & alia, quæ supra, p. 1. sunt proposita.

Vt ʒ. Euphrag. maioran. an. M. ij. fol. lauri, roris marini, meliloti, an. M. j. radic. asar. valerianæ an. ʒ. j. sarsaparill. ʒ. ij. sem. fœnic. ʒ. ʒ. Coqu. in lixiuio pro capitis lotionē.

Occipitio reuulsionis gratia cucurbitulæ vel vesicatorium, aut, quod efficacius est, Seræcum applicetur, idque diu apertum seruetur, ad minimum menses sex. Vesicatoria verò sæpius repetantur & post aures applicentur. Penè aures enim, quod monent nonnulli, ramus à vena iugulari intrò subit, qui ad opticos nervos vtrinque vergit. Possunt etiã cauteria brachiis applicari. Atque hæc omnia fiunt, vt materia attenuetur, euacuetur, resolua-
tur & discutiatur.

Repellen-
tia.

Ad discutiendum verò vtilia sunt Topica, forma fomentorum & collyriorum applicata, habita ratione duritiei & mollitiei ac temperiei oculorum, pro hominum ætate, sexu & conditione. Sintque illa eiusmodi, quæ paulatim attenuent, & leniter molliendo extergant; non quæ valenter exsiccent, nè reliquæ indurentur.

Principio ergo fiant fomentationes vapore decoctorum, qualia etiã antea fuerunt proposita. Vel fiat euaporatio ex hederæ terrestris decocto, vsque ad remanentiam quartæ partis, quæ continuetur per dies viginti aut plures.

Vel ʒ. Hederæ terrest. M. ij. rad. valerian. ʒ. j. lenisici, euphrag. an. M. j. sem. fœnicul. ʒ. j. Coqu. in aqua simpl. & vapor calidus capite vndique tecto oculis excipiatur.

Commendatur & vesicula piscis abluta & decocto fœniculi impleta tepidéque admota.

Postea pro extersione commendatur mel album purum & despumatum; Aqua cum melle, vel melle rosato, vel scillitico destillata, cuius gutta j. manè & vesperi oculis instilletur mixta cum paucis sacchari candi. Succus item Rutæ, fœniculi, euphrag. & chelidoniæ maioris, verbenæ, calendulæ, marrubij, & aquæ ex iis destillatæ. Fortiora sunt fellis genera, vt perdicis, galli, piscis lapi, accipitris, birci. Galenus fel vulturis laudat cum marrubij succo & melle addito in lib. 4. de compos. medic. f. l. Vbi etiã plura huius generis remedia exponit. Collyrium quoque ex fellibus

1026 *Lib. I. Part. III. Sect. II. Cap. XXVIII.*
à Rhase describitur. Valet & aqua ex Anagallide flor. ca-
ruleo destillata.

Vel Ꝟ. *Pulu. maioranæ, chelidoniæ maioris, euphragiæ, rutæ*
an. 3. j. fellis hædi siccati 3. iiij. Infundantur simul & ma-
cerentur in aqua: *fœniculi & euphragiæ* per dies tres, po-
stea per filtrum colentur, & guttæ aliquot oculo instil-
lentur.

Efficax est & aqua, quæ ex frumento paratur hoc modo:

Ꝟ. *Frumenti viridis, sed maturi 3. iiij. fol. rutæ, anagallid.*
chelidon. maior. an. M. B. sem. fœnicul. summit. euphrag. an. 3. j. ci-
namomi, caryophyll. an. 3. ij. vini albi generosi q. s. Infundan-
tur in vase vitreo, & radiis Solis exponantur diebus 30. sæ-
piusque agitentur, postea destillentur.

Aqua
socialis. Commendatur & Aqua quædam *Socialis* dicta, quam
descripsit Ioan. Anglicus in Practica sua, quam rosam
Anglicam appellat. Quia tamen omnia, è quibus componi-
tur illa aqua, sicca sunt; vtile est, duobus vel tribus diebus
antè oculos vapore decocti herbarum emollientium &
humectantium fomentare. Et omninò si in medicamento-
rum vsu spes adhuc sit posita, ad fortiora confugiendum,
præparatione tamen per fomentationem præmissa. Hoc
enim modo oculi tunicæ rarefiunt, vt medicamenta dis-
cutientia facilius penetrare possint.

Fumen-
tatio ocu-
lorum. Exempl. gratia. Ꝟ. *Herb. maioran. verbenæ, matuæ, euphra-*
giæ, chelidoniæ maioris an. M. j. sem. lini, fœnic. an. 3. B. bulliant
in aqu. lb. iiij. ad dimidium. Commendatur valde etiam
hæc aqua.

Ꝟ. *Euphrag. chelidon. pentaphyll. verbenæ, filer. montan.*
capill. Ꝟ. anthos. anisi, marrubij, baccarum, lauri, anagallid. flor.
cærul. pimpinell. an. p. j. rad. cyclamin. N. ij. Omnia simul con-
tundantur in formam pultis. Deinde infunde in vini optimi
& *vrinæ pueri an. lb. iiij. bor. 24.* & in alembico vitreo de-
stillentur. In aqua infundantur: *Thuris, mastich, myrrh. & tor-*
mentill. sem. rutæ, fœniculi, betonic. scarleæ, sarcocoll. aloes, nu-
cis moschat. calami aromat. an. 3. ij. sacchar. candi, tutiæ præpar.
an. 3. j. epatis hirci lb. j. fellis auium rapacium, bubuli an. 3. j.
fellis è gallinæ albis duabus. rorismarini M. j. mell. opt. lb. j.
Iterum destillentur & vsui seruentur,

Vtile

Vtile etiam est hoc collyrium.

℥. Aq. fœnicul. ʒ. ij. chelidon. euphrag. an. ʒ. j. β. pompho-
lig. ʒ. j. β. M.

Vel ℥. Fellis gruis, perdicis, vulturis, an. ʒ. j. sagapeni ʒ. j.
cinamomi, caryophyllorum an. ʒ. j. myrrhæ rubræ, croci orien-
talis an. ʒ. β.

Pulueriscentur omnia subtilissimè & cum melle & suc-
co fœniculi permisceantur pro collyrio.

Palmatius hoc frequenter vsus est.

℥. Aq. chelidonie ʒ. j. β. vitrioli albi, tutiæ præp. an. ʒ. xv.
vitri ʒ. ʒ. ix. sacch. candi ʒ. β. Misc. F. Collyrium.

Commendatur valde etiam illud Collyrium, quod ex-
stat apud Galenum de medicamentis faciliè parabilibus.

℥. Fellis galli ʒ. β. sanguinis muris ʒ. iij. cum lacte mu-
liebri misceantur in formam collyrij. Admodum forte est,
quod ex metallis paratur hoc modo:

℥. Viridis æris, Oli. sali. Armon. æris vsti an. ʒ. ii. fellis hirci
ʒ. ij. Terantur terenda in puluerem subtilissimum, & cum
succo maioranæ aut aquæ mellis destillata F. Collyrium.

Dum verò validiora hæc vsurpantur, sæpius oculus in-
spiciendus, & videndum, an periculum inflammationis
alicuius immineat. Eo enim imminente statim ad inflam-
mationem prohibendam oculus foueatur lacte muliebri
vel aqua rosarum & aliis supra de ophthalmia & dolore
oculorum propositis.

Confirmata verò & inueterata suffusio non nisi ma-
nus opera & punctione curatur, cum scilicet humor pu-
pillam obstruens acu ab ea remouetur, & versus angulum
oculi transponitur. Quia verò punctio ista inter opera-
tiones Chirurgicas, subtilissima est, vt Celsus ait, nemo
faciliè eam tentauerit, nisi qui alium sæpius operantem
viderit; & cum non semper feliciter succedat, non te-
merè tentanda. Modum autem operationis huius ple-
nè & perspicuè satis descripsit Celsus lib. 7. cap. 7. Pau-
lus Aegineta tractat. 6. cap. 21. Et extat idem in Institut.
lib. 5. part. 1. sect. 2. cap. 10. Guido Tractat. 6. doctrin. 2. alterius
cuiusdam modi meminit, punctiois scilicet cum acu
cannulæ vel canalis modo pertusæ, per quam sugendo

Suffusio-
nis per
Chirurg-
iam cu-
ratio.

suffusio extrahatur, quem tamen modum non probat, ac de eodem mentionem facit Arculanus in 9. *Rhasis*. Videatur etiam Hieronym. Fabricius de operat. Chirurg. tit. de *suffusione*.

Antequam autem operatio instituat, videndum, primò: An materia satis crassa, & ad speciem quãdam membranæ concreta sit. Nam vt nimia crassities, ita & immoderata tenuitas translationem impedit. Secundò, corpus prius conueniente modo purgandum. Tertiò, vbi de punctione tentanda initur consilium, attendendum, ne æger diuturno alias capitis vel oculorum dolore laboret, ne tussi aut sternutatione aut vomitione frequenti eo tempore affligatur, quæ omnia præsidium hoc vel planè non admittunt vel commodam eius administrationem impediunt. Eligendus est quoque dies serenus, tempus verum vel autumnale. Luna nec sit plena, nec silens, neque etiam lumine crescens, sed potius diebus, duobus vel tribus à plenilunio, cum lumine decrescit. Luna etiam secundum Astrologos non percurrat Arietem, quod ex signis cœlestibus capiti præficiunt.

Si notha sit suffusio, & ea, quod plerumque fit, à ventriculo, ventriculus conuenienti modo, vt libro tertio dicetur, euacuandus, deinde roborandus atque ea, quæ os eius hiare & vapores ad caput ascendere prohibent, exhibenda. Et proba victus ratio obseruanda, nec ventriculus onerandus.

Dietæ.

In suffusione legitima, quæ discutiendo sanari potest victus ratio sit attenuans. Abstineat ergo æger ab omnibus, quæ caput fumis crudis obnubilant aut acribus vellicant.

Condiantur cibi iis herbis, seminibus, aromatibus, quæ oculis profunt: puluis etiam ad pastum ex euphrasia cum saccharo & cinamomo paretur. Panis paretur cum semine anisi & foeniculi. Post cibum etiam fumantur cydonium, coriandrum, & quæ simul coctionem adiuuant, & vaporum ad caput ascensum prohibent. Alius semper sit aperta. Venus vitanda.

Si suffusio acu est deponenda, victus conuenit non nihil incrassans ex oryza & similibus. Legumina autem & alium atque coepe vitentur; quoniam caput ita replent, ut suffusio etiam sani oculi sit metuenda. Vbi ad puncturam accedendum, victus talis sit, qui inflammationem prohibeat. Ideoque æger abstineat à vino & calidis aromatis ad aliquot dies, post punctiorem præsertim administra-
tam.

Abstineat quoque æger à clamore, vitet lumen nimium, & omnia, quæ caput & oculos commouere possunt. Æger etiam per aliquot dies victu tenui regendus, ac in lecto, corpore supino, capite tamen elatiore, collocandus.



CAPVT XXIX.

De vitiis tunica Aranea.

¶ Nter tunicas oculorum est & Aranea dicta, quæ hu- *Aranea*
¶ morem crystallinum obtegit, & ab aqueo humore *tunica*
secernit: Hæc est læuis & subtilissima: quæ eius natia *vitia.*
constitutio si vitietur & crassa illa fiat, ut spiritibus visibi-
libus transitus satis non permittatur, visus hebetatur, &
quasi per velum videnti omnia apparent.

Redditur autem crassior hæc tunica, quia humores crassi in eam se insinuant.

Cognoscitur hoc vitium, quia homo non solum obscure & quasi per velum videt, sed & quasi tela ante humorem crystallinum apparet. Præterea si hominis sani oculum quis inspiciat, imaginem suam in eo videt, quæ non apparet, si aranea tunica sit crassa & obscura reddita. Quod sæpe in moribundis accidit. Vnde quamdiu in morbo aliquo huiusmodi imago in ægri oculo apparet, nullum plerumque adhuc mortis periculum est.

Curatur hoc malum vniuersalibus præmissis, medicamentis attenuantibus & ophthalmicis cum internis tum externis, de quibus in visione læsa dicitur.



CAPVT XXX.

*De Ægilope & Fistula lachrymali.**Ægilops.*

Ostquam tunicarum oculi affectiones præter naturam explicauimus, antequam ad humorum vitia accedamus, prius de angulorum oculi & carunculæ lachrymalis vitiis dicemus; quæ tamen si ita libet, etiam statim post palpebrarum vitia tractari possunt. Inter quæ primò est tumor in magno oculi angulo, Paulo Æginetæ αἰγίλωψ & ἄγχιλωψ dictus: ἄγχιλωψ quidem, si nondum sit ruptus; αἰγίλωψ verò, si iam ruptus sit, quod capræ huic vitio peculiariter obnoxia ferantur. Auicennæ Garab & Algarab.

Anchilops.

Est videlicet tuberculum inter maiorem oculi angulum & nasi radicem ortum, plerumque cum inflammatione, nonnunquam tamen etiam sine inflammatione, quale atheroma, meliceris & steatoma: & aliquando quidem tumor hic in superficie se ostendit, aliquando magis profundum obsidet, & non nisi tactu ac compressione percipitur. Tumor hic ruptus & malè curatus in vlcus abit, quod vel simplex remanet, à quo pus coctum plerumque exudat, vel serpens & malignum euadit, à quo pus crudum effluit, quod etiam non rarò sub inferiore palpebra viam sibi facit, & per tuberculum ibi eleuatum exulceratúmque aquosam & purulentam materiam effundit; aut si abscessus post ægilopem tardius rumpatur, in sinum seu vlcus sinuosum & fistulam oculi, quæ κόλπος & σὺγγη, degenerat. Et proinde hæc sese consequuntur, Anchilops, Ægilops, Fistula lachrymalis, & denique ρίσις, quæ est carunculæ in angulo oculi maiore consumptio.

*Fistula lachrymalis.**Causse.*

Causa efficiens inflammationis proxima plerumque est sanguis tenuis aut biliosus, rarius pituitosus, aut melancholicus, qui è temporum, frontis aut faciei venis motu naturæ critico aut symptomatico ad angulum illum oculi depulsus,

depulsus, tuberculum tale excitat, & abscessum gignit. Aëtio nonnunquam, vbi scilicet tumor est sine inflammatione, causa est lentus humor, melleus scilicet aut pultaceus, folliculo suo plerumque conclusus, vt in meliceride, atheromate & steatomate fieri solet; vnde tumor tum sine dolore existit, qui etiam ferè non rumpitur, & ἀρχιδωψ ab eodem vocatur.

Causa antecedens est redundantia biliosorum & acrium humorum in massa sanguinis, qui ad oculi locum hunc fluunt, si ex quacunque causa is sit imbecillis. Idque facilius accidit, si externæ causæ accedant, ictus, casus, dolor materiam attrahens.

Differentia.

Tuberculum ipsum aliàs maius, aliàs minus est, in superficie eminens & visu expositum, aut in profundo latens, & cum soluta vnitæte coniunctum in ægilope, citra hanc in anchilope. Rumpitur autem intra versus oculum, aut extra per cutem, aut vtrinque. Interdum & os naris proximum perforat; nonnuquam cartilaginem palpebræ ac ipsam palpebram corrumpit.

Signa Diagnostica.

Dignoscitur malum, quia locus affectus obscure vel manifestè tumet, rubore in ambitu perfunditur, dolore affligitur, eoque lancinante, si malum sit coniunctum cum inflammatione. Vbi cute exulcerata tumor rumpitur, fit abscessus cum vlcere; quod si legitimè non curetur, pus diutius coërcitum cuniculos subtus agit, exesæque carne sinum parit, per quem sanies intus collecta aut sponte effluit, aut pressu angulo extruditur, tumorque nonnihil subsidet, donec noua illuies colligatur, quod paucis interdum fit horis. Sæpe sinus ad os subiectum penetrat, illudque arrodit, viamque in narem proximam, vt dictum, aperit, è qua graueolens quid continenter excidit, ita vt portionem ossis illius cum pure crasso & foetido Platerus è nare procidisse viderit.

Quod ad signa differentiarum, si tumor sit inflammatorius, adest calor, color mutatus & tumoris ipsius immobilitas. Contra si non sit inflammatorius, (qualis

atheroma, meliceris, steatoma) atque tumor ille est mobilis. Præterea meliceris est, vbi durities est minor; Atheroma, vbi maior; Steatoma, vbi summa durities.

Prognostica.

1. Ægilops vitium est ægrè curabile, nisi maturè ei occurratur. Nam discutientibus medicamentis opus est, quæ cum pleraque calida & acria sint affectæ partis inflammationem augent. Præterea cum liquida medicamenta esse oporteat, faciliè de his in oculum aliquid influit. Denique cum citra obligationem medicamenta non adhæreant, illa tam diu perferre difficile est. Quapropter veteres quidam Medici nulla prorsus, alij pauca ad ægilopas pharmaca præscripserunt, teste Galeno, *s. de comp. medic. s. l. capite 2.*

2. Difficilius autem hoc malum redditur, si cum magnitudine sit coniuncta soluta vnitas, & si tumor profundas partes occupet.

3. Si ruptio sit ad interna, peius est; quia metuenda est subiectorum ossium corruptio.

4. Si tumor non sit inflammatorius, qualis est meliceris & atheroma, non tam medicamentis, quàm Chirurgia opus est.

5. Ægilopas ad canceri naturam, accedentes curare periculosum est, cum mors acceleretur.

6. Fistula recens & quæ orificium habet extrinsecum manifestum, faciliè curatur.

7. Fistula lachrymalis plerumque chronicum malum est, cum propter perpetuum materiæ affluxum, tum propter motum oculi continuum, tum quia ligatura vlceribus conueniens commodè ea parte fieri nequit, tum denique quia medicamenta debilia parum agunt, fortia vero lædunt oculum.

Indicationes.

Indicationes hic sumuntur ab iisdem, a quibus aliis in tumoribus præter naturam sanandis peti solent, considerando vnde incitetur fluxio, quo feratur, per quas vias, quæ sit materia fluens, quæ denique tum fluxionis, tum tumoris ipsius sint tempora.

Curatur videlicet Ægylops velut inflammatio incipiens, vel vt abscessus iam ruptus, vel denique vt fistula, atque tum aut medicamentis, aut chirurgia. Anchilops quoque suam peculiarem curationem habet.

Incipienti ergo Ægilopi post venæ sectionem, si ea opus sit, aut post purgationem conueniunt *dragmas* ad frontem, ex aqua seu succo rosarum, portulacæ, plantaginis, vitis, cum oui albumine vel bolo armeno. Imò eadem parti affectæ imponenda. Quibus processu temporis additur succus foeniculi & aliquid thuris, myrrhæ, bdellij, galbani aut ammoniaci in aceto dissoluti. Conuenit gummi tamaricis, apparente duritie mucilago althææ & foenigræci. Et repellentium vsu incipientes Ægilopas & nondum in pus mutatas, ne ad suppurationem peruenirent, se prohibuisse scribit Trallianus.

Perseuerante malo discutientia imponenda. Laudatur à Paulo Ægineta ruta sativa cum lixiuio, quod ex cinere & calce confectum est, contrita cocta & imposita. Quod medicamentum etsi in principio mordax est, statim tamen mitescit & ad os vsque penetrat. Nux rancida tanquam multum discutiens à multis laudatur.

Si suppuretur, & ad abscessum tendat, iuuetur cum diachylo aut simili. Auicennas pane vitur cum lacte muliebri & croco. Si sponte non rumpitur, aperiatur ferro, & quidem mature hoc fiat. Si enim apertio differatur, pus partes vicinas erodit, & fistulam sæpe incurabilem gignit.

Potest & cauterio aperiri, quod vbi fit, applicetur fronti & oculo spongia aqua rosarum madida, vel stuppa cum albumine oui. Dolorem ex cauterio lenit vitellus oui cum oleo rosaceo per vnum vel 3. dies appositus. Aetius lentilulam cum melle coctam adhibet. Ruptum vlcusculum abstergetur melle rosaceo, vel oxymel. simpl. Auicennas ad mundificationem imprimis commendat lanuginem interiorem in arundine iuxta radicem inuentam, si cum melle mixta imponatur. Laudatur & thus cum stercore recenti columbino, & erui farina cum melle. Fortius est vnguen-

1034 *Lib. 1. Part. II I. Sect. II. Cap. XXX.*
tum Ægyptiacum. Æs viride per se solum pro secreto habetur.

Vel ℥. *Staphid. agr. 3. ij. ammoniac. aceto dissolut. 3. j. M. & impone.*

*Fistula
ex Agi-
lope cu-
ratio.*

Si fistula orta sit, dilateretur eius orificium lentè ac paulatim cum tenta vel penicillo ex spongia, medulla sambuci, vel radice rapi exsiccata, aut gentianæ. Sanies expurgetur & abstergatur compressione, & postea instillatione mellis cum oleo rosarum.

Vel ℥. *Mellis communis 3. ij. virid. aris 3. B. aq. vitæ 3. iiii.*

Æs viride puluerisatur & cum cæteris lentè coquitur ad tertiæ partis consumptionem. Colatura tepens suauiter per syringam infunditur. Si hoc medicamentum acrius videatur, abluatur vlcus quotidie cum aqua rutæ, & deinde aliquid vnguenti Ægyptiaci imponatur. Expurgata fistula carne impleatur & cicatrice obducatur cum farina erui aut fabarum, thure, aloë, myrrha, pompholyge, rad. irid. Illyr. aristoloch. cum melle aut terebinth. aut hoc medicamento.

℥. *Thuris. sarcocolla, aloes, sang. dracon. balauft. ʒ. iiij. aluminis an. ʒ. j. flor. aris ʒ. v.*

Trita subtilissimè misceantur cum aqua rutæ ad formam collyrij liquidi.

Potest vlcusculum prius elui vino, in quo tantundem mellis & parum aristolochiæ bullierint. Ne cicatrix sit indecora, Auicennas folia rutæ imponit, cum aqua granatorum. Paulus rutam satiuam cum lixiuio è cinere & calce facto tritam & decoctam, vt dictum.

Priusquam verò fistula consolidetur, diligenter explorandum est, an in profundo callum contraxerit, id quod durities ostendit. Præterea an os sit corruptum; quod factum esse deprehenditur, si immisso specillo asperitas quædam in osse aut sonitus quidam pulso osse periosteo absumpto animaduertatur. Vtrumque enim & callus fistulæ & ossis corruptio solidationem impediunt. Itaque Chirurgiæ opera tum requiritur. Atque os ipsum corruptum radatur ferro, aut tollatur cauterio actuali, munito prius, vt decet, loco affecto linteolis in aqua rosacea infusis, aut

in oui albumine aut alio succo frigido. Postea intus ponatur oui albumen cum oleo rosaceo, aut vitello oui. Superponatur verò Sief. album cum albumine oui, lacte vel aqua rosarum, ne inflammatio sequatur. Fronti & temporibus percussoria applicentur; quibus & locus affectus muniendus est, vt diximus, dum cauterium adhibetur. Quod si æger cauterium actuale abhorreat, dilatato vlcis orificio per sectionem vel penicillum os desquammetur, & super eo alumen rochæ combustum, vel peucedanum vel chalchantum vsum applicetur, quæ & squamam de osse tollunt, & corruptam fistulæ carnem absument. Vide Hieronymus Fabric. *de operat. Chirurg. titulo de Ægilope.*

In Anchilope, qui Auicenna Halcilus est, Aëtius superficiem dissecare iubet, vt materia vna cum contento folliculo funditus eximatur. Postea ne malum denuo gignatur, locum cauterio inurit, & lenticulam cum melle applicat. Tandem vbi crusta decidit, terebinthinâ alumine permixta cicatricem gignit.

Victus ratio sit tenuis & ad frigidum declinet. Atque eò magis quò symptomata sunt fortiora, præsertim dum Chirurgia per ferrum aut ignem administratur.



C A P V T XXXI.

De Encanthide & carnis lachrymalis incremento.

IN ossibus angulorum lachrymarum duo foraminula sunt, docente Galeno, *lib. 10. de Vsu part. cap. 13.* quorum & is vsus est, vt oculorum excrementa per ea ad nares & palatum confluant; Vnde & medicamenta ocularia quandoque per nares egeri solent. Ne verò per angulos excrementum effluat, homòque perpetuò lachrymetur, carnosæ quædam corpuscula, quasi opercula, meatibus illis imposita sunt, quæ prohibent, ne excrementa continenter per angulos effluant, homòque perpetuò lachrymetur, sed ea ad foraminula illa, & meatus impellantur. Caro autem illa duos morbos pati solet. Aliquando supra modum

*Encanthide
& carnis
lacrymalis
incrementum.
Nota.*

1036 *Lib. I. Part. I I I. Sect. I I. Cap. X X X I.*
modum augetur, quod malum *εγχεσθις* nominatur, aliquando contra imminuitur vel absumitur, vnde lachrymæ perpetuò effluunt, quod malum Græcis *ρῶς* dicitur.

Εγχεσθις videlicet est carnis in maiore oculi angulo ex-
crescentia & augmentum, atque ita morbus in magnitu-
dine aucta.

Causa. Ortum habet ex sanguinis & humorum ad hanc afflu-
xu & imprimis ex incuria Medici malè *πλεγμα* curantis.

Prognosticum. Visu facilè cognoscitur.

Malum hoc curationem vt plurimum suscipit: Si tamen
magnum & antiquum sit vitium, nonnisi Chirurgia cura-
tur, & curatio eius longa ac periculosa est.

Curatio. Indicatio est, id, quod præter naturam auctum, tollen-
dum esse. Id quod præstatur, vniuersalibus præmissis, vel
carnem supra modum auctam absumentibus, vt vitriolo,
flore æris, alumine vsto, vnguento Apostolorum, Ægyptia-
co, vel ferro, quo caro superflua abscinditur, vel cauterio,
quò inuritur. In horum verò medicamentorum vsu, vt &
in abscissione & cauterio hoc obseruandum, vt tota carun-
cula non absumatur, sed illud tantum, quod superfluum
est, ne affectus contrarius *ρῶς* inducatur. Vide Aëtium, *te-
trab. 2. ferm. 3. cap. 21. 22.*

Aliquando etiam maiores tumores ad oculorum angu-
los oriuntur, qui scirrhusi euadunt, & vix sine manuali
opera remoueri possunt, cuius exemplum habetur apud
Fabric. Hildan. *Cent. 1. obseru. 2.*



C A P V T X X X I I.

*De Rhyade, seu carnis lacrymalis diminutione vel
absumptione.*

Rhyas *εγ* *carnis la-* *χρ* *chryma-*
lis ab- *sumptio.* *Α*ffectus contrarius est *ρῶς*, hoc est, lacrymalis car-
nis in maiore oculi angulo diminutio vel absum-
ptio, qua foramen anguli patescit, per quod postea excre-
mentorum continuus datur effluxus, ægerque continuò la-
chrymatur, à quo symptemate nomen huic morbo datum
est,

est, dictusque *pruritus* dicitur *pruritus*, quod fluere significat.

Imminuitur autem vel absimitur hæc caruncula, si vel *Causa*
vngula nimis refecetur, vel medicamenta nimis corroden-
tia oculo applicentur. Vnde ut plurimum male curato
encanthidi vel ægilopi aut pterygio succedit. Sæpe verò
etiam epiphoram humoris acerrimi sequitur. Nonnun-
quam à variolis vlcera profunda relinquentibus absumi-
tur. Malum per se visui patet.

Et si planè fuerit exesa caruncula, curationem non ad-
mittit. Est enim pars spermatica. Sin verò tantum ex par-
te cerosa sit, regenerari potest, aut potius adaugeri caro
deperdita. Hinc etiam quod ex incisione factum, malum,
curari non potest; à corrosione verò curationem recipit.
Ab incisione enim pars tam carnea quam spermatica, quæ
regenerari non potest, absimitur: A corrosivo verò medi-
camento pars potius carnea absimitur, quam spermatica
& nervosa, unde regenerari potest.

Inditatio, & Curatio.

Quod imminutum vel absumptum, instaurandum. Quod
fit medicamentis sarcoticis & consolidantibus, qualia
sunt aloë, rosæ, myrtus, & vinum, in quo rosæ & myrtus &
nuges cupressi sunt decocta.

Vt *℞. Aloës, thuris an. ʒ. ij. sangu. draconis, sumach. an. ʒ. j.*
cum aqua rosar. F. Collyrium.

Vel *℞. Aeris viti, ʒ. ij. an. ʒ. iij. croci, spica nardi an. ʒ. ij.*
malabathri ʒ. j. rosar. recent. ʒ. iij.

Siccata terito, deinde rosas per se tulas addito. Paulus
collyrio diacrocu dicto vitur.

C A P V T XXXIII.

De Pruritu Carunculae lachrymalis.

Nonnunquam etiam ad carunculam lachrymalem *Pruritus*
materiæ acris affluxus sit, unde pruritus excitatur. *caruncu-*
Ad quem tollendum Rhases topica quædam tradit: *la la-*
vnum mitius ex recenti Endiuia trita atque in globulos *chryma-*
paruos *lis.*

paruos redacta, quos cum oleo violarum; aut quod melius est rosaceo subactos oculo applicat. Quod medicamentum sua frigiditate & modica humiditate acrimoniam obtundit humoris pruritum efficientis, & oleum rosaceum additum sua adstrictione impetum affluentis materiæ non nihil sistit : Alterum validius, ex lentibus excorticatis, sumach, rosis rubris & granatorum succo, quæ trita, & cum sapa aspersa pruriginoso oculi angulo emplastri forma imponit. Mite quoque remedium est tutia præparata subtilissimè trita & cum vino maluatico, aut vino optimo antiquo & aqua rosarum mixta, sumendo plus aut minus de vino, prout magis vel minus exsiccare & resoluerè est consilium. Instilletur quotidie ter vel quater in oculum.

Deinde verò, ubi hæc propter mali contumaciam non iuuant, ad maxima illa præsidia vniuersalia, ad phlebotomiam & purgationem accedit Rhases; cum argumento sit, causam antecedentem in toto vel capite adesse, à qua coniuncta illa seu proxima in oculo fouetur. Illam igitur demere iubet, primò sectione Cephalicæ, postea verò frontis, ac demum venæ in angulo lachrymali. Venter quoque ducendus est iis imprimis, quæ acres & biliosos humores purgandi vim habent. Postea balneum aquæ dulcis probat, quo & reliquæ dissipentur, & relicta intemperies oculorum & totius emendetur. Multum & hoc valet.

℞. Sanguin. dracon. aloes epatic. sarcocollæ lacte nutritæ an. 3. j. zingib. caryophyll. croci, camphor. an. 3. j. tutiæ præpar. 3. ss.

Terantur omnia subtilissimè & in vini maluatici atque aquæ rosarum ana lb. ss. in vase vitreo, posito in vase altero feruentis aquæ, & quidem ad consumptionem tertiæ partis, bulliant. Postea vsui feruentur vas vitreum sæpe agitando. Ante vsuum collyrij huius utile fuerit oculos fomentare decoctione aliqua emolliente, in curatione albuginis oculi descripta.

CAPV T XXXIV.

De Humoribus aquei vitii.

Aquei
humoris
vitia.

Hicce oculorum vitiiis hactenus explicatis, proximum iam est, ut ad humorum morbos & vitia explicanda accedamus. Et primo quidem humorem aquetum quod attinet, is in oculo primo loco positus est, spatiumque illud, quod inter corneam & humorem crystallinum est, explet, præterea natura sua tenuis est, purus ac perspicuus. A naturali verò ista constitutione variis modis recedere potest. Aliquando enim crassescit, & quidem vel totus, vel ex parte, ac tum fit suffusio. Nonnulli etiam vitium contrarium ipsi accidere & nimis tenuem fieri posse putant. Verum id credibile non est: Aliquando totus effunditur; aliquando imminuitur, & tunc cornea concidit & corrugatur, speciesque non rectè recipiuntur. Nonnulli etiam nimis augeri posse statuunt: sed nec hoc credibile est. In qualitatibus mutatur, cum qui clarus & perspicuus esse debebat, fit turbidus, aut alienam qualitatem induit, de quibus ordine dicendum.

Crassescit primò humor aqueus ob humores vel vapores crassos admixtos, quales suppeditant cibi crassi & stultenti, lentes, fabæ & similia, & omnino crapula & cruditas humorumque crassorum in corpore, & præcipuè in capite, collectio & ad oculum confluxus.

Aquei
humoris
crassities.

Cognoscitur hoc vitium, quod vel imagines oculis obuersantur, vel visus imminuitur, aut aboletur. Cognoscitur etiam inde, quod humor non, ut solet, tam clarus apparet.

Qua ratione autem curari possit hoc malum, satis ex iis, quæ de curatione suffusionis dicta sunt, & de visu abolito & imminuto dicentur patet.

Quantitate ubi peccat, siue planè effluxerit, siue imminutus sit, oculi globus non satis distenditur, sed cornea tunica nonnihil corrugatur & concidit, unde & pupilla naturalem amplitudinem non seruat, & vnea super crystallinum

linum concidit, spatiūque, quod ob defectum humoris aquei vacuum fit, breuius redditur, vnde externi luminis splendor per medium breuius crySTALLINO occurrit, & visus vel aboletur vel imminuitur, pro causæ magnitudine.

Humoris aquei effusio.

Effunditur enim hic humor aliquando totus, vt in ruptura corneæ, siue ex vulnere, siue ex vlcere id fiat. Et cognoscitur hoc malum non solum quod cornea tunica subsidet & corrugatur, sed etiam quod vlcus præcessit, vel vulnus oculo inflictum est, aqueusque humor effluxit.

Nota.

Regignitur autem hic humor sponte; cuius rei exemplum exstat apud Galenum, *1. de sympt. caus. cap. 2.* Langium *lib. I. ep. 7.* Beniuenium *de abdit. morb. caus. & curationibus cap. 74.* Columbum *lib. 10. anatom.* Coisterum *in obseru. Anatom. & Cheirurgic.* atque ipse etiam tale exemplum vidi. Ideoque vlcus aut vulnus saltem curandum est, ægerque boni succi cibus nutriendus, reliqua naturæ committenda.

Imminutio.

Imminuitur autem vel ob calorem & siccitatem in febre vehemēti, in febre hectica & phthisi, vnde oculi febrilibus laborantium subsidere quasi videntur, aut ob immodicam euacuationem, venerem nimiam, ætatēque senilem.

Cognoscitur hoc malum ex causis dictis præcedentibus, ex ætate, oculorum imminutione, visus obscuritate.

Malum hoc curatu difficile, quia ferè cum totius corporis siccitate, quæ non facile emendatur, coniungitur.

Curatur autem cibus boni succi & sanguinem bonum multum generantibus, fomentis oculum humectantibus, vel decocto ex malua, althæa, meliloto, lacte. Imprimis vtile est, si à puerulo sano halitus ore in oculum immittatur. Temperatus enim ille est & humectat.

Obscuratio.


Obscuratur & alieno colore inficitur humor aqueus ob humores alienos admistos, quorum calorem admittit; vnde idem naturalem pelluciditatem amittit.

Si obscuretur humor; non apparet imago intuentis in oculo, oculus & colorem mutat & obscurior redditur. Et si colore aliquo inficiatur, eundem etiam species visibiles repræsentant.

Curatur

Curatur hoc malum humores vitiosos euacuantibus, vt hætenus sæpius dictum. Possuntque talia medicamenta non solum exhiberi, sed & naribus hauriri; aut si decoctum vel infusum rhabarbari oculis immittatur, obscuritatem eorum ex bilioso humore tollit; quod idem alia purgantia, aliis humoribus peccantibus, præstare possunt.

Nota.



CAPVT XXXV.

De Humoris ChrySTALLINI vitiis.

Humor ChrySTALLINUS inter principes oculi partes facile primas obtinet, qui coloris ferè expers est, pellucidus, figura sphærica, nonnihil compressa, præditus, vt Galenus, de Vsu partium lib. 10. cap. ult. docet. Situs eius, si linea per medium pupillæ ad principium nerui optici ducatur, in medio est; respectu verò anterioris & posterioris non planè in medio situs, sed versus anteriora & pupillam oculi declinat.

Humoris
crystalli-
ni vitia.

Ex his igitur, quæ ad naturalem eius constitutionem pertinent, si aliquid mutetur, morbi humoris crystallini, & inde variæ visus læsiones oriuntur. Inter quæ primum est γλαύκωμα vel γλαύκωσις, humoris crystallini in glaucum colorem mutatio. Γλαυκῶμα autem vocabulum à posterioribus Grecis duplici modo accipitur: Primò improprie, pro coloris oculi ob suffusionem mutatione. Deinde pro crystallini humoris in glaucum colorem mutatione. Veteres equidem Græci, teste Ruffo, γλαύκωμα & ὑπόχρωμα pro eodem morbi genere habuerunt. Vnde etiam Galenus, 3. aphor. 1. scribit, τὰ γλαυκώματα ἔχουσιν ἰδίαν τῶν ὑποχρωμάτων. Posteriores tamen Græci proprie γλαύκωμα saltem pro humoris crystallini in glaucum colorem mutatione accipiunt. Quod ubi fit, visio impeditur. Neque enim species visibiles ob humorem crystallinum non satis pellucidum sed obscuratum rectè recipi, neque humor crystallinus glaucus redditus, & quasi condensatus rectè illuminari & irradiari potest.

Glaucō-
ma.

Causa huius mali est exsiccatio, quæ fit sæpe ob ætatem,

feu ob aliam caussam, exsiccantem, incrassantem & condensantem. Vnde Galenus, 10. *de usu partium* γλαύκασιν εἶναι ἡρότητα καὶ πᾶσις humoris crystallini esse scribit.

Cognoscitur hoc malum, quod circa pupillam insignis & profunda appareat albedo, & omnia tanquam per fumum aut nebulam videntur.

Curatu difficile hoc malum est. Primò, quia omnes morbi humoris crystallini curatu difficiles sunt; cum is in profundo oculi parte situs sit, ad quem non facilè medicamenta pertingunt. Secundò, vt in aliis partibus, ita & hic morbi ex siccitate orti vix corrigi possunt. In senibus præcipuè.

Crystallinus humor an tenuior fieri possit.

Nonnulli etiam contrarium vitium incurrere posse humorem crystallinum, nimisque tenuem fieri posse statuunt, vt non sit aptus recipere & repræsentare visibiles species. Exemplumque afferunt spiritus vini & aquarum destillatarum, quæ cum sint subtilissimæ & tenuissimæ, non ita recipiunt & repræsentant rerum imagines, vt aqua limpida. Verum etsi hoc ita sese habeat: tamen non video, vnde tanta tenuitas humori crystallino induci possit. Sic enim sanguis, vnde nutritur, tenuis, nunquam tamen inde humoris crystallini natiua constitutio mutabitur, ita vt inde visio lædi possit.

An maior, vel minor.

Nonnulli etiam maiorem & minorem fieri posse statuunt, & à quantitate naturali degenerare. Verum cum venæ ad eum sensibiliter non pertingant, ex nutritione vix hoc vitium incurrere poterit. Neque videmus in iis, quorum corpora insigniter augentur, tale quid humori crystallino accidere.

Minor si fiat, fit hoc in exsiccatione, præcipuè in senibus, aut qui senili ætati ex alia causa simile quid patiuntur. Verum illud in magnitudine decrementum vix tantum est, vt inde visio lædi possit. Et si accadat visus læsio, fit ea potius ob condensationem & coloris mutationem, vt modò de Glaucomate dictum.

Situs crystallini mutatus.

Situm mutat humor Crystallinus, vbi lotiore sua parte, quæ lentis maioris instar compressa est, pupillæ foramini non rectè opponitur, sed vel sursum declinat, vel deorsum, atque

atque tum omnes res geminæ apparent; vel dextrorsum, & tum sinistra non rectè videntur; vel sinistrorsum, & tum dextra non rectè videntur, quod vitium etiam Strabositas nominatur, de qua suo loco dicetur. Imò si maior à naturali situ sit humoris crystallini deflexio, res incurvas & inflexas exhibet, vel etiam cæcitatem inducit. Fit hoc nonnullis à natura, aliis à causis externis oculique percussione, & contusione vitiumque hoc vix curabile est, nisi sponte sua ad suum locum naturalem redeat hic humor.


Potest & aliam in situ mutationem pati humor crystallinus, si videlicet à suo loco vel versus anteriora, vel versus posteriora declinet. Si versus anteriora & pupillam declinat, tum res propinquas homo non rectè videt, melius verò res procul ab oculo remotas.

Accidit hoc nonnullis à natura & prima conformatione, nonnullis, ut senibus, à perpetua in legendo vel aliis rebus tractandis capitis inclinatione, ob quam humor crystallinus sensim versus anteriora vergit. Quod vitium curabile non est, sed perspicillorum ex tenuiore vitro vel crystallo usu defectum hunc compensare necesse est.

Contrà nonnunquam crystallinus humor versus originem nerui optici nonnihil declinat, quod ubi fit, homo propinqua rectè & acutè videt, distantia verò minimè. Accidit hoc plerumque à natura & prima conformatione, nec vitium infrequens est. Vnde etiam proculdubio factum, ut Anatomici nonnulli in talium corporum sectionem incidentes si tum crystallini in medio oculi esse scripserint. Vitium etiam hoc incurabile est, & defectus hic perspicillis ex crassiore vitro vel crystallo paratis compensatur. Parspicilla tamen hæc (ut & in priore contrario vitio) non vnius planè generis esse debent, sed prout humor crystallinus minus vel magis à suo loco recessit, ita minus vel magis propinquè oculo adhiberi, & magis vel minus crassa esse debent. Qualia autem illa exactè esse debeant vix describi potest, sed experientiâ cognoscendum.

Si tandem continuitas humoris crystallini solvatur, fit, ut res diuisæ vel geminatæ videantur. Ut enim si speculum

in plures partes frangatur, singulæ partes imaginem totam exhibent: ita idem accidit in crystallino. Hoc vitium equidem facile accidere non potest; cum humor crystallinus in parte profundiore situs sit; & potius totus oculus turbetur, antequam humor crystallinus in duas partes diuidatur; si tamen fieri debet, non aliunde, quam ex causis externis & violentis, id accidere potest.



C A P V T XXXVI.

De Morbis Humoris vitrei.

*Vitrei
humoris
morbi.*

Species visibiles ubi humorem crystallinum transeunt, in vitreo recipiuntur: cuius quis usus sit, in *Instit. part. I. cap. 12.* dictum, quem ut præstare possit, naturalem suam constitutionem ut habeat, necesse est. Sit nimirum pellucidus, coloris expers, situm suum habeat post crystallinum. Hæc vero naturalis constitutio si mutetur, morbi humoris vitrei oriuntur, & visio inde læditur. Disputant quidem nonnulli, an vitreus humor à naturali constitutione deflectens possit immediate visionem lædere: an verò saltem quia nocet crystallino; & sunt quidam in ea opinione, inter quos Mercurialis, humorem vitreum non posse mediata visionem lædere, sed saltem quatenus crystallino nocet. Sed falsa est hæc opinio, & ex falsa hypothese orta. Præsupponit enim usum vitrei esse nutrire crystallinum. Verum aberrat à vero hæc opinio, & in *Instit. loco allegato*, monstratum, vitreum humorem æquè comparatum & necessarium esse ad recipiendas species visibiles, ac crystallinum. Nequè enim in crystallino, ut in speculo, species visibiles sistuntur, & in eo visio terminatur, sed per eum transeunt, & in humore vitreo recipiuntur. Itaque si à naturali sua constitutione ille deflectat, ad species visibiles recipiendas fit ineptus.

Id quod fit primò, si fiat obscurior, & tale quid patiatur, quale crystallinus in glaucomate. Id quod accidit, si impuro alimento nutriatur.

Sed utrum hoc vitium sit in crystallino, an verò in vitreo,


vitreo, non facile dignosci potest. Neque etiam facile hoc malum curari potest, cum loco adhuc profundiore, quam crystallinus, hic humor situs sit.

Situm etiam aliquando mutat vitreus. Secundum naturam post crystallinum situs est: si verò accidat, ut pars eius suâ sede mota ante crystallinum feratur, eique præponatur, non quidem cœcitatem (nisi forsan tanta eius pars eò sit detrusa, ut penitus crystallinum obtegit, & ita tota ferè oculi structura turbetur) sed visus aliqua hallucinatio accidit. Densior enim est humore aqueo.

Causa huius mali est ictus vel contusio oculi, vel punctura & acus in suffusione curâda nimis profundè adacta.

Cognoscitur verò, quod sub pupilla albuminis instar ipse humor apparet, visusque aliqua hallucinatio deprehenditur.

Curabile verò vix est hoc malum; nisi humor sua sponte in naturalem suam sedem redeat.



C A P V T XXXVII.

De Nervorum opticorum vitiis.

Nervorum opticorum is usus est, ut spiritum animalem ad oculos ferant. Sunt verò aliqua vitia, ob quæ hunc usum præstare nequeunt. Obstructio nimirum, compressio seu coarctatio, contorsio & convulsio, vulneratio, ruptura.

*Opticorū
nervorū
vitia.*

Primò siue intus humores pituitosi in nervos illabantur, eosque obstruant, siue extra iidem, vel etiam sanguis ex vase læso effusus origini nervorum opticorum incumbat, atque angustiam in iis efficiat, visio aboletur, quod vitium vulgò gutta serena, Germanis *der schwarze Graar* nominatur, quod pupilla equidem clara, sed tamen quasi nigricans apparet.

*Angu-
stia.*

Transmittuntur enim pituitosa & aquosa cerebri excrementa ad basin cerebri, vbi nervi optici originem habent, & ad infundibulum, & propè nervos in nares defluunt. Et quidem materia hæc interdum solum nervos opticos oc-

cupat, atque tum sola visio, reliquis sensibus integris, lædatur; interdum simul principium neruorum, vnde etiam alij sensus læduntur. Nonnunquam etiam ex apostematibus eo loci ortis malum hoc originem ducit, & post cerebri inflammationem & phrenitidem in febribus malignis & pestilentialibus prouenit. Nonnunquam subito ex humoribus in cerebro agitatis oritur. Sic memini hîc ante biennium studiosum, cum ipsi à quodam medicamentum purgans fortius exhibitum fuisset, subito obcœcatum fuisse, proculdubio humoribus in cerebro agitatis & in principium neruorum opticorum effusis. Interdum foeminis hoc malum accidit ob menses suppressos, & nonnunquam quidem recedit mensibus fluere iterum incipientibus, nonnunquam toto vitæ tempore persistit.

*Fœmina
gravidâ
obcœcata.*

Et in specie obseruatum, foëminas quasdam, cum in utero concepissent, obcœcatas ex neruorum opticorum angustia fuisse, malumque hoc ad menses quatuor, quinque vel sex durasse; nonnullis etiam vsque ad tempus partus.

Signa

Cognoscitur hoc malum, quod oculi planè clari apparent, nihilque vitij in iis animaduertitur, nisi quod pupilla nigrior, & amplior apparet. Et si à vitiosis humoribus à cerebro eò delatis malum originem habeat: excrementorum in cerebro redundantium signa adsunt. Si à sanguine in eum locum effuso id fiat, vulnus, ictus, casus præcessit.

Prognostica.

Malum curatu difficile est, neque humores semel neruos illos obsidentes, & occupantes facillè discutiuntur, vel loco dimouentur.

Est tamen aliqua curationis spes reliqua, si visio non sit planè abolita, & aliquid adhuc agnoscat æger. Si verò visus ita ablatum sit, ut lumen amplius non videat æger, neque an dies vel nox sit, discernere possit, malum incurabile est.

Curatio.

In gravidis quibusdam mense quarto, quinto, sexto, vel post puerperium malum hoc sponte cessare, modò dictum. Curatur autem hoc malum, vbi adhuc spes aliqua curationis superest, & corpore toto & capite euacuato, sicut supra *part. I. de Intemperie capitis cum pituita* dictum. Et ferè talis curatio instituenda, qualis in suffusione. Possunt

Possunt etiam vesicatoria ceruici imponi vel setaceum, quod efficacius est, ceruici applicari. Hinc, vt humores pituitosi discutiantur, lotiones capitis adhibeantur.

Vt *℥. Stæchad. Arabic. betonic. euphrag. an. M. ij. sarsaparillæ 3. ij.*

Coquantur in lixiuio pro lotione capitis.

Vel *℥. Saponis Veneti lb. j. rad. Ixos 3. ij. styrac. liquid. ladan. an. 3. j. olei caryophyll. 3. β. moschi, ambre an. ʒ. iij.*

Misceantur in mortario, affusâ aqua rosarum pauca & manibus oleo de been imbutis F. globuli.

℥. Ligni Guaiaci lb. j. sarsaparill. 3. iij. rad. dictamni albi 3. i.

Coquantur in aquæ lb. xij. ad tertiæ partis consumptionem. Manè & vesperi exhibeatur. 3. vj.

Reliquis adde *euphrag. M. ij. granor. iuniperi, cinamomi fœniculi an. 3. j. Affunde aqu. lb. xij. vini Rhenani lb. iij.*

Coquantur ad tertiæ partis consumptionem.

Vel *℥. Sem. fœniculi 3. iij. sileris montani, piper. ʒ. iij. ginger. cinamomi, pulegi, hyssopi, anethi, granorum iuniperi, flor. rorismarini, saxifrag. an. 3. ij. chamædr. rad. chelidon. cinamomi, apij, anisi, petroselini an. 3. j. Cum f. q. mellis F. Electuarium.*

Nonnunquam quoque accidit, vt in magnis conuulsionibus, vt epilepsia, nerui optici contorqueantur, & inflectantur, ita vt spiritibus animalibus transitus denegetur, quod post fortio^{rem} sternutationem accidisse à Guilh. Fabritio, *centaur. 1. obseru. 81.* notatum, & cæcitas inde inducatur, quæ nisi intra paucos dies desinat, & sponte visio redeat, immedicabile malum est.

Contorsio
nervi
optici.

Si ex vulnere vel quacunque insigni læsione ad neruum opticum vsque pertingente cæcitas introducta sit, immedicabilis illa est.

Vulnere
nerui optici.



C A P V T XXXVIII.

De Spirituum Opticorum vitiis.

A Tque hi sunt morbi & vitia, quæ singulæ, partes oculorum incurrere possunt. Verum cum ad visionem perfici-

Spiritus
optici
vitiis.

ciendam partes hactenus enumeratæ non sufficiant, nisi spiritu animali perfundantur, atque ab illo vltimam quasi perfectionem accipiant, & denegatis spiritibus visio aboleatur, etsi reliquæ partes in oculo omnes saluæ sint, vt ex angustia neruorum opticomum, de qua præcedente capite dictum, patet: necessarium est ad visionem absoluendam, vt spiritus animalis oculis irradiet & rectè sese habeat, quod nisi fit, etiam visio læditur.

*Spirituū
opticomū
naturæ
lis consti-
tutio.*

*Spirituū
opticomū
crassities.*

Cum autem spiritus optici lucidi esse, rectà in oculos influere, & iusta quidem quantitate debeant; vitium patiuntur, si impuri sint, non rectà in oculos ferantur, nec sufficienter & iusta copia oculos irradiant.

Spiritus ipsi quidem per se non crassescunt, verum si vapores crassi & turbidi ipsis commisceantur inde visio fit obscura, vel ægri ea se videre existimant, quæ reuera non sunt, vt muscas, culices, floccos & filamenta, telas araneorum, vel alia corpora minuta: qui affectus à nonnullis nubecula appellatur, eò, quod tali vitio affecti plerumque se nubeculam quoque videre arbitrantur: aut res simplices geminas esse putant, vt ebriis sæpe accidit, vel rectas curuas, sicut accidit militi, cuius mentionem facit Forestus *lib. II. obseru. 39.*

Spirituum etiam nimia agitatio, quæ fit vel ob vapores commixtos spiritus turbantes, vel ob corporis agitationem, visionem turbat. Motus item corporis & capitis eodem modo diu continuatus facit, vt spiritus eadem ratione secuti agitatieque, eadem etiam forma in oculum influant; de qua re in vertigine dictum.

Nonnulli tamen affectionem, quæ à spiritu opticomum agitatione prouenit, à vertigine distinguunt, & falsam visionem cum rerum circumgyratione nominant, quâ qui afficiuntur, res, quas intuentur, etsi firmæ & stabiles sint, circumagi & in gyrum circumrotari, vel aliter inclinare, & subuerti existimant, ita vt licet falsam esse hanc imaginationem cognoscant, tamen cum ex illa rerum circumuersione visus firmam, qua corpus subsistere possit, sedem non amplius cernat, idem quoque titubat, & vacillat. Nonnunquam quoque pauimentum, cui insistent, ipsis inuerti

Inuerti videtur. Hinc nisi sustineantur, subito integris sensibus in terram cadunt, prius ter quaterve pedibus, quibus se sustinere cupiunt, terram pulsantes. Et quamuis hæc affectio cum vertigine propriè dicta magnam conuenientiam & similitudinem habeat, resque non minus in ea, quam vera vertigine, circumgyrari videantur, ac propterea etiam *di. 3.* & vertigo à plerisque vocetur: distat tamen à vera vertigine, quod in hac ut plurimum cerebrum cum oculis, seu potius spiritus in illis existentes afficiantur, sensuumque interiorum operationes aliquo vsque imminuantur, in falsa autem visione, quæ hîc describitur, soli oculi afficiantur, cerebro eiusque spiritibus nihil patientibus. Vnde fit, ut si in hoc affectu claudantur oculi, malum protinus cesset, resque non amplius circumrotari appareat. At in vertigine cerebri vitio nata, licet arctissime etiam palpebræ occludantur, nihilominus tamen omnia adhuc, ac si circumuerterentur, sensui communi offeruntur. Præterea in falsa visione res adhuc oculis representantur, nisi quod circumgyrari videantur: at in vertigine vera acies oculorum etiam ferè hebescit, & quædam visus obtenebratio seu scotomia accedit cum aurium tinnitu, & graui auditu, nonnunquam & capitis dolore, ita ut res non distinctæ, sed quasi per nebulam vario colore tinctam oculis appareant.

Si spiritus etiam in oculo deficient vel minus copiosè influant, visio vel aboletur vel imminuitur. Spiritus autem in oculo deficient, vel quia à cerebro non transmittuntur; vel quia ob neruorum opticorum angustiam influere non possunt.

An verò ob spirituum vitium, crassitiem puta, & obscuritatem, visio lædatur; an verò ob humoris crystallini vel vitrei morbos, non ita facile est agnoscere. Mercurialis equidem pollicetur, se signum à nemine animaduersum propositurum, quod sumatur à perspicillis, statuitque, si visus læsio corrigatur perspicillorum ope, vitium esse à spiritibus: Vitium verò, quod sit in humore crystallino, vitreo, albugineo, vel tunicis, beneficio perspicillorum corrigi non posse. Verum contrarium potius verum est, &

*Opticorū
spirituū
defectus.*

*An spirituum
opti-
corū vi-
tio perspi-
cillorum
usu cor-
rigi pos-
sint.*

qui causas nouit, ob quas perspicilla visus læsionem corrigere possunt, ille facile credet, spirituum vitium nullo modo corrigi posse perspicillorum vsu; contra vitium humorum & tunicarum aliqua ex parte perspicillorum vsu corrigi posse. Malo itaque hîc assentiri Platero statuenti, visus læsiones, quæ vulgo in spirituum vitia referuntur, potius in situm crystallini vitiosum, vel alia humorum vitia referenda esse. Talia enim vitia, vt in Institut. l. 2. p. 3. s. 2. c. 3. dictum, sæpe iuuenibus accidunt, in quibus nullum spirituum vitium vel defectus animaduertitur, & perspicillorum ope talia vitia corrigi possunt; quod non fieret, si à spirituum vitio hoc accideret. Quomodo enim perspicilla vllum spirituum vitium emendare possent? Etenim cum cornea tunica, vt & omnes humores, ob admissionem & refractionem spirituum visibilium facti sint, si situ vel alio vitio peccent, refractione illa debito modo non fiet; quod perspicillorum ope corrigi potest. Sic etiam alias sanos perspicillorum vsu res longè dissitas & minimas videre animaduertimus; quod fit saltem ob peculiare specierum visibilium refractiones, nullo verò modo ob spiritus, quos perspicilla nec clariores nec copiosiores reddere possunt.

*Spiritus
opticos
confor-
tantia.*

Vitium autem spirituum corrigitur per medicamenta ὀφθαλμικά, quæ ἰζοδύσιν nominantur, de quibus proinde agere huius loci est. Sunt autem illa; *Feniculum, Euphrasia, Ruta, rad. Valerian.* (de qua Tabernæ montanus videatur) *verbena, Rorismarinus, Saluia, Maiorana, Betonica, rad. Helenij, Calendula, Chelidon. maius, & aromata pleræque*, Quæ quia cerebrum confortant, etiam simul faciunt, vt spiritus animales puri & copiosi generentur, præcipuè nux moschata, calamus aromaticus, myrobalani chebulæ; quibus componuntur varia medicamenta. Commendatur Electuarium Humaim descript. Mesue in 1. cap. de ægrit. oculor.

*Electuar.
Humaim*

℥. Euphrasie ʒ. ij. sem. feniculi ʒ. v. macis, cubebæ, cinamomi, piperis longi, caryophyll. an. ʒ. j. Pulueriscentur & cribrêtur, Postea ℥. Mellis despumati lb. j. succi depurati feniculi, ʒ. j. ruta, chelidonia an. ʒ. ʒ. Coq. succi cum melle ad mellis fluidioris

fluidioris consistentiam, & adde species. F. Electuarium, cuius dosis sunt 3. iij.

Habentur etiam medicamenta talia apud Valescum de Taranta, lib. 2. cap. 30. Electuaria duo visum confortantia descripsit Langius, lib. 3. Epistol. Et occurrunt passim alia, & proponentur etiam aliqua infra, cap. 44. Vnum atque alterum saltem hic addemus.

Species Occonis ℥. spec. diaplir. sem. fenic. an. 3. β. matris, Species cubebar. cinamomi, piperis long. caryophyll. an. 3. ij. pulu. sol. eu- Occonis. phrag. saluie, rutæ, verben. an. 3. ij. & 3. ij. M.

Vel ℥. Pulu. nucis mosch. ligni aloës, sem. filer. mont. mastich. euphras. sem. anisi, feniculi, carui præpar. an. 3. j. β. sacchari albi 3. j. β. M. pro Tragea, de qua manè & vesperi, quantum duo cuspides cultri capiunt, fumatur.

Vel hora decubitus fumatur de sequenti Electuario quantitas nucis moscharæ.

℥. Conseru. fl. euphrag. 3. j. rosar. 3. vj. saluie, anthos an. 3. β. succini albi præpar. 3. j. spec. diarrhod. 3. j. β. Margarit. præpar. 3. β. essentia salu. 3. j. C. Syr. de betonic. F. Electuarium.

Læsiō visus ex spirituum nimia agitatione cognoscitur ex vertigine coniuncta. Si spiritus deficient ob cerebri vitium, etiam alij sensus afficiuntur. Si ob neruorum optidorum angustiam, oculi partes reliquæ sanæ sunt, nihilque vitij etiam in cerebro animaduertitur.



C A P V T XXXIX.

De Musculorum Oculos mouentium vitiis.

M T homo non solum, quæ rectà oculis opponuntur, Musculi sed & quæ ad latera, & supra & infra sunt, sine capi- cur oculis tis motione videre possit, dati sunt oculis musculi, quorum dati. genera descripta videantur apud Coiterum in tabulis, Bauhinum, Iul. Casser. Placentinum, Hier. Fabricium ab Aquapend. & alios Anatomicos.

Horum vitia sunt Paralysis & conuulsio, in quibus affectibus & motus oculorum & situs vitari, & ex situ oculorum vitiato ipsa visio lædi potest. Etenim si omnes musculi
resol

resoluantur, præsertim verò is, qui optico neruo adhæret, oculus extra tendit & prominentior fit. Contra verò si is musculus conuellatur, intrò oculum trahit. Si verò illi, quæ ad exteriorem angulum mouent, resoluantur, oculi ab oppositis sanis musculis versus interiorem angulum trahuntur. Sed si conuellantur musculi ad suum angulum, oculum secum trahunt & conuertunt. Si resoluantur musculi superiores, oculus versus inferiora inclinatur; si verò inferiores, versus superiora.

Causæ sunt eædem, quæ supra in conuulsione & Paralyfi sunt explicatæ.

Cognoscitur hoc malum visu, & strabismus inde oritur, de quo suo loco dicetur.

Paralysis curatur medicamentis caput euacuantibus & humorem pituitosum absumentibus, de quibus supra dictum. Nonnulli sanguinem turturis instillatum, vt peculiari proprietate efficacem, commendant. Si à conuulsione, relaxantia & humectantia exhibeantur, ex decocto seminis lini, maluæ & althææ, de quibus etiam supra de conuulsione dictum.



C A P V T XL.

De Oculi defectu.

Oculi defectus.

ATque hi sunt morbi, qui singulas oculi partes infestare solent. Sunt præterea quidam morbi, qui toti oculo accidunt, de quibus iam dicendum.

Et primò quidem monstruosæ oculi constitutiones occurrunt, & nonnullos vno, nonnullos tribus vel quatuor oculis natos fuisse obseruatum est, vt eius rei historias Schenckius, *lib. I. obseru.* 278. collegit, quas tamen neque ars, neque natura corrigere vel tegere potest.

Deinde interdum oculus vnus deesse solet; id quod fit per magnas inflammationes, ob quas oculus rumpitur, vel in pus mutatur, post ictus, vulnera. Quod vbi accidit, nulla equidem oculi amissi reparandi spes est. Vt verò deformitas illa tegatur, alij linteolo serico locum tegere solent;

alij

alij in oculi deficientis locum alium factitium aureum argenteumve pictum reponi curant, qui natiuum oculum referat. Ita Ioan. Thomas Minadous, *de externis affect. lib. 3. cap. 14.* refert, se Byzantij vidisse foeminam, quæ vno oculo deficiente factitium ex argento tectorio opere adeò expolitum & pictum insertum habebat, vt verum magnitudine, luciditate, colore æquaret. Modum etiam Paræus, *lib. 22. Chirurg. cap. 1.* habet, quo oculus fictitius formari possit.

CAPUT XLI.

De Oculi Atrophia.

A Liquando verò solùm imminuitur oculus, & minor, *Oculi atrophia.* quam naturalis constitutio, & ad corpus reliquum proportio requirit, redditur, cum scilicet omnes oculi partes imminuuntur & contabescunt. Vnde non solum deformitas ob partium inconcinnitatem & proportionem læsam oritur, sed & visio læditur.

Causæ.

Quæ autem aliàs atrophix causæ esse solent, eæ & in oculo locum habent, si partes corporis superiores & præcipuè oculum occupent, vt nimia euacuatio & exsiccatio, puta fletus continuus, humorum acrimia in lippitudine diuturnus fluxus, vigilix diuturnæ, febris hæctica, obstructio vasorum oculis alimentum aduehentium.

Signa Diagnostica.

Ipsum malum per se facîle cognoscitur: quæ verò eius causæ fuerint, relatio ægri patefaciet.

Prognosticum.


Malum curatu difficile est. Neque enim siccitas in vlla corporis parte facîle curatur, & nisi maturè ei succurratur, causa cæcitatis esse solet.

Curatio.

Curatur medicamentis humectantibus, lacte muliebri imprimis imposito, vel fomentetur oculus hoc decocto:

℞. Rad. altheæ, maluæ an. ʒ. j. sem. fenigræci, altheæ, maluæ an.

*an. 3. R. Coqu. in aqua, & oculus decocto foueatur, vel ex
iis destilletur aqua, quæ oculo sæpe instilletur.*



C A P V T XLII.

De Oculi procidentia.

*Oculi
proci-
dentia.*

A Liquando etiam accidit, vt oculi de naturali sua se-
de & orbita præter modum emineant, quod vitium
oculi prominentia dicitur, vel etiam excidant, & ita pro-
pendeant, vt palpebris amplius tegi nequeant, quod ma-
lum Græcis *ἐνπρόσθεν* & *ἐνπρόσθεν*, Latinis oculi prociden-
tia, exitus prolapsus & expressio nominatur.

Causæ.

Causæ ad tria genera referri possunt. Ad primum per-
tinent omnia, quæ vi quasi oculum ex orbita sua extru-
dunt, vt vehemens inflatio & vocis intentio, vehemensque
spiritus suppressio: id quod accidit in clamore nimio, tu-
barum iustatione, strangulatione, & suffocatione, quo-
cunque modo ea fiat, vomitu, tussi, partu laborioso, cum
maximo conatu feces detruduntur. Spiritus enim reten-
tus cum sanguine & vaporibus versus cerebrum tendit, il-
lud inflat, vnde etiam oculi & vicinæ partes quasi intum-
escunt, & loco suo pelluntur. Quo pertinet casus ab al-
to, quo cerebrum valde concutitur.

Secundâ causâ est resolutio musculorum & neruorum
in oculo, quæ fit ob humores pituitosos & aquosos à ce-
rebro ad oculum confertim affluentes.

Tertiâ causâ est vulnus adnatæ tunicæ, quæ oculum
orbitæ annectit, & propterea etiam coniunctiua dicitur,
vel musculorum oculi.

Quibus & quartum causæ genus addi potest, tumor
oculum ex orbita quasi extrudens, cuius rei historiam ha-
bet Trincauellius, *lib. 4. de ratione curandi particul. corpor.
human. affect. cap. 6.* de quodam Veneto, cui dexter oculus
adeo prominebat, vt vniuersam ferè faciem deformaret,
quod contigerat à scirrhuso tumore, qui erat in interna
parte, qua membrana adnata oculum ossibus annectit.

Signa

Signa Diagnostica.

Malum ipsum per se intuentibus patet. Quænam verò sit causa, ex iis, quæ præcesserunt, patet. Et quidem si resolutio adsit, ac visio sit integra, musculi solùm erunt resoluti; si verò etiam amittatur visio, nervus opticus.

Cûratiô.

Vniuersalia primò, si opus sit, præmittenda, & vel vena aperienda, vel purgandum corpus. Oculus verò ipse, quantum fieri potest, in locum suum reponendus, & conuenienti ligatura in eo detinendus. Postea cucurbitulæ ceruici, ipsi verò oculis repellentia & roborantia adhibeantur, ex decocto rosarum, balaustiorum, myrti, nucum cupressi, acaciæ, hypocistide; vel succus psyllij, polygoni, plantaginis imponendus.

Christophorus à Vega, *lib. 3. cap. 12.* quendam, cui ex casu ab alto oculi extra palpebras exciderant, ita curauit. Primò oculos, quantum potuit, sensim reduxit, & iisdem linteolum duplicatum madefactum decocto rosarum & balaustiorum & inspersa acacia, imposuit, & statim sanguinem ex cubiti dextri externa vena misit, decentique victu adhibito ægrum restituit.

Si inflammatio oculo procidenti accadat, integrum ouum cum vino & rosaceo lana vel hapsio lini exceptum oculis imponendum. Si procidentia sit à resolutione musculorum & neruorum oculi, apophlegmatismi vsurpandi, humores pituitosos euacuantes, odora menta item eosdem absumentia & oculos roborantia. Extra Cataplasma vsurpandum est, è farina fabarum, rosis, thure, spica, cum albumine oui. Et quia humores resolutionis causa sæpè à partibus vicinis affluunt, fronti etiam astringentia imponenda.

Vt ʒ. Florum rosar. rubrar. balaustior. myrtillor. acaciæ, rad. bistortæ an. ʒ. ij. boli armeni ʒ. ʒ. cortic. tburis, croci an. ʒ. ʒ. acet. rosacei ʒ. j. olei rosacei q. s. F. Cataplasma.

Si cum humiditate flatus adsint, aliqua calida, quæ simul adstringunt, admiscenda, vt spica, radix cyperi, cariophylli, mastix, &c.

Vt ʒ. Fol. cupressi ʒ. ʒ. fl. chamamel. ʒ. ij. tburis, mastic. an. ʒ. j.

Fiat

Fiat Sacculus in aqua rosarum madefactus, qui oculo imponatur. Vide Aëtium *tetrabibl. 3. ferm. 2. c. 55.* Valefc. de Taranta, *lib. 2. cap. 23.*

Si verò oculus ita prolapsus sit, vt nulla de eius repositione spes superfit, vt deformitas illa, quæ ex eo in faciem propendente oritur, tollatur, totus oculus excindi potest. Ideoque corpore euacuato, ægro rectè collocato, instrumento idoneo, quale quidem apud G. Fabric. *Cent. 1. obseru. 1.* depingitur, vel alio conueniente, quod se orbitæ oculi accomodet, oculus excindendus, ne tamen palpebra lædatur, & noua deformitas inde fiat, cauendum, postea vulnus vt alia oculorum vulnera, curandum.



C A P V T X L I I I.

De Strabismo.

Strabismus.

AD situm oculi vitiosum pertinet etiam Strabismus cum pupilla rebus videndis non recta sed obliquè opponitur, neque ipsa in medio oculi apparet, sed ab eo declinat, ita vt in vna oculi parte plus albi appareat, quam in alia, & amborum vnus aspectus esse nequeat. Quo morbo qui laborant, cum res recta intueri volunt, vt pupilla rebus recta opponatur, oculos intorquent, toruūque aspectum exhibent.

Causæ.

Huius mali causæ à plerisque in vitiosam musculorum oculos mouentium dispositionem refertur. Et verum est, interdum conuulsis & contractis aut resolutis musculis oculum ad vnum latus mouentibus hoc malum excitari: Sic & sani, ac quorum oculi naturalem constitutionem habent, studiosè musculos contrahendo, strabismum quandoque imitantur. Conuulsio hæc accidere potest in Epilepsia, in febribus malignis. Nonnullis verò a primo ortu accidit, contractis nonnihil & in eo situ manentibus oculis. Quod fit, si mater vterum gerens moribundos, vel animalia mactata oculos conuertentia aspiciat, vel rerum fulgentium, vtpote gladiatorum, ignis vel fulguris intuitu obstupe-

obstupescat : sicut & ex consuetudine idem accidere potest ; dum nimirum muscoli oculos mouentes ad vnum latus vel sursum vel deorsum continuò mouentur, unde illi situi assuescunt, & in eo postea permanent. Sicut infantibus in cunis interdum accidit, dum sursum versus lucem, vel lucernam ardentem continuò oculos mouent, & quasi fixos habent. Ita memini puellam in Patria, quæ etsi à primo ortu nihil vitij in oculis habebat, cum tamen nouercam metueret, & post fornacem ferè semper sedens, limis oculis nouercæ aduentum obseruaret, strabismum contraxisse. Et quod ex conuulsione accidit, idem ex Paralyfi musculorum oculos mouentium fieri potest. Sic interdum post Apoplexiam aut ex affluxu humorum pituitosorum ad oculos hoc malum contrahitur.

Verùm præter hanc causam, quæ ex situ musculorum est, alia adhuc strabismi causa esse potest. Situs nimirum humoris crystallini vitiosus; cum is pupillæ non rectè opponitur, sed ad latius alterutrum vel sursum aut deorsum declinat ita, vt qui hoc modo crystallinum situm habent, si rem recta intueri volunt, oculum ad latus contorquere necesse habeant.

Differentiæ.

Sunt autem quatuor Strabismi differentiæ. Aliquando enim versus nares, aliquando versus tempora, aliquando deorsum pupilla declinat & oculus contorquetur.

Signa Diagnostica.

Strabismus faciliè per se patet intuentibus, neque signis, quibus cognoscatur, opus habet. A qua causa verò pendeat, cognoscere non ita faciliè est. Si aliquis morbus præcessit, aut causa adsit, quæ resolutionis & contractionis musculorum indicium exhibeat, musculis affectis strabismum fieri argumento est. Si verò à primo ortu causam habeat strabismus, pupillæ situs diligenter attendendus. Nam si à vitioso situ crystallini sit, pupilla non erit ad latera contracta, vt in strabismo ex conuulsione. An verò ex mala assuetudine, vel defixo oculorum obtutu contractus sit Strabismus, parentes, vel qui infantibus inservierunt, docebunt.

Prognostica.

Strabismus à primo ortu & mala conformatione non curatur; nec quia mala assuetudine, vel etiam conuulsione aut paralyfi, si sit inueteratus, vnquam curatur. Recens verò malum interdum curationem suscipit.

Curatio.

In infantibus hoc malum curatur, si larua aliqua vel cappa faciei obducatur, ac foramen oculis oppositum ita disponatur, vt infans in partem oppositam ei, quo & pupilla & oculi præter naturam vergunt, oculos dirigere cogatur. Quod vt commodius fiat, ex lamina ferrea vel argentea canales instar infundibuli formentur, & foraminibus illis in larua vel cappa assuantur, vt per eam aspectus dirigatur. Vel lucerna in partem oppositam, quò oculi præter naturam declinant, ponatur, vt infans fixo obtutu eam aspiciens in contrarium oculos deflectat.

Si à spasmo vel paralyfi sit strabismus, curatur vt spasmus vel paralyfis, de quibus supra.



CAPVT XLIV.

De Cæcitate & visus debilitate.

ATque ita hætenus omnes morbos, qui tum singulas oculi partes, tum ipsam oculum totum infestare possunt, explicauimus. Restat, vt de symptomatibus, quæ circa visionem & oculo accidunt, dicamus. Inter quæ cum primo loco sit læsa actio, primò de visione læsa dicendum.

Læditur autem visus tripliciter; vel quia planè aufertur; vel quia imminuitur; vel quia deprauatur.

Cæcitas.

De abolita & imminuta visione hoc capite dicemus. Cum planè aufertur visus, cæcitas nominatur, Græcis *τὸ κῆκος*: à quacunque etiam causa inducatur.

Visus debetudo.

Imminuitur verò visio plurimis modis. Primò cum res in quacunque etiam distantia non clarè videntur; quod vitium si citra manifestam oculi affectionem acci-

dat,

dar Græcis ἀμβλυωπία & ἀμαύρωσις nominatur; ita vt etiam ἀμαύρωπία, vt mox dicetur, per ἀμαυρότητα definiatur. Aut si quæ est inter ea differentia, mala sunt gradibus solum distincta. Nam si manifestum aliquod in oculo vitium appareat, vt accidit in suffusione, albugine, crassitie corneæ & similibus affectibus, peculiare nomen à causâ læsio illa visus accipit, vt ex superioribus patet.

Quanquam sæpe & ista vitia generalibus nominibus exprimentur. Ita vbi senes humoribus & tunicis nonnihil exsiccatis obscure vident, caligo oculorum appellatur. Idem vitium si iuuenibus accidat, hebetudo oculorum & obscuritas visus nominatur.

Ἀμβλυωπία ergo (quæ & Hippocrati, in *Prognosticis* ἀμφλόνη-
ἀμβλυωγμός est; sicut & quibus per morbos visus hebetef-
cit eidem ἀμβλυώσσειν & ἀμβλυώπειν dicuntur) vt à Paulo,
lib. 3. cap. 22. definitur, ἀμαυρότης τῶ ὀφθαλμοῦ ἀπὸ πνέος ἀδύναμι-
τις γινώσκειν, est visus obscuritas sine manifesta causâ ob-
orta, seu hebetudo oculorum & videndi debilitas, sine
manifesto in oculis vitio; quomodo & Actuarius, *libr. 2.*
ὁ δὲ ἀμφοτέρωθεν πῶς definit.

Eadem visus obscuritas & ἀμαύρωσις nominatur. Ita
enim Gal. 2. *Prorrhet.* definitur, ἀμυδρὰ τῶν ὀφθαλμῶν αἰσθησις
ἔσθαι χωρὶς τῆς μετὰ τὴν ἀλλοτρίαν φαεινότητος, hebescent & languida
instrumentorum sensatio absque vlla turbationis vi-
sione. Vbi ἀμαυρώσεως καὶ τῆς ἀχλυώδους ἐψίχθη, hoc est,
obtusæ & caliginosæ visionis constituit discrimen. Nam,
inquit, cum in vtrisque obtusus sit aspectus, in caligino-
sa tamen visione ægris ipsis veluti cuiusdam caliginis
sensatio accedit, exterius verò cernentibus nullam hu-
midi præter naturam consistentiam hebescent oculus ha-
bere videtur. At in eo periit lucidus oculorum fulgor,
qui in acutè cernentibus inest; suntque hebescentes oculi
mortuorum similes; ac permultis morientibus & ad-
huc viuus eiusmodi oculi apparent, velut etiam in extre-
ma senectute. At non omnibus caliginosi videntur, ve-
rùm iis solis, quibus humor, qui circa pupillam est, & fa-
nitatis tempore tum splendidus tum albus erat, conturba-
tus cernitur.

Ἀμαύρωσις.
σις.

Interdum tamen pro visione ablata Ἀμαύρωσις ^{non} videtur, & est perfectum videndi impedimentum citra manifestum oculorum vitium, & pura apparente pupilla, unde etiam, vt supra dictum, gutta serena (*der schwarze Staar*) à nonnullis appellatur. Ita ἀμαύρωσις Isagoges auctori est, ὅταν παντελὴς παρεμποδισμός ἢ τῇ ὁρᾷ χωρὶς φανερᾶς αἰτίας, totius visionis impedimentum absque vlla manifesta causa. Sic Paulo *lib. 3. cap. 22.* ἀμαύρωσις ἐστὶ ὁ παντελής ὡς ἐμποδὶς τῇ ὁρᾷ παρεμποδισμός χωρὶς φανερᾶς πύθες ἀπὸ τὸν ὀφθαλμόν: id est, plerumque perfectum cernendi impedimentum, citra vllam manifestam oculi affectionem.

Secundò cum res in debito spatio, & eo, quo alias sani res videre solent, homo videre non potest, sed vt eas videat, propius oculis adiouere cogitur, nisi perspicillorum vsu hoc vitium corrigat, vnde saepe accidit, vt amicos & notos prætereuntes non agnoscat. Vitium hoc nonnullis à primo ortu contrahitur. Imò sunt ex illis, qui nisi res minores oculis planè admoueant, &, vt vulgò dicitur, naso attingant, & conuiuentibus & clausis nonnihil oculis videant, eas planè non agnoscunt, quod vitium *μυωπία* nominatur. Contrarium nonnullis accidit, vt res nonnihil distantes rectius videant, quam propinquas, & proinde cum res minores exactè cognoscere cupiunt, eas nonnihil ab oculis remouere coguntur, quod vitium senibus familiare est, & perspicillorum idoneorum vsu quodammodo emendatur. Iisdem plerumque accidit, vt etsi de die sic satis videant, ad lumen tamen accensum res minores non satis agnoscant; ideoque lumine copiosiore opus habent.

Nyctalopia.
pia.

Νυκτάλωπια autem & νυκτάλωψ (quanquam posterius vocabulum & hominem ipsum sic affectum significat, quem Plinius *lib. 28. cap. 11.* Lusciosum nominat) Latini nocturna coecitudo, Celso generaliori vocabulo imbecillitas oculorum, eiusmodi affectio est, qua detenti interdum quidem satis, occidente verò Sole obscurius, noctu denique nihil cernunt. Hippocrati contra Νυκτάλωπια in 2. *prophet.* dicuntur, qui noctu cernunt melius, quam interdum, qua significatione & vocabulum in definitionibus

nitioribus medicis, quæ Galeno adscribuntur, exponitur in introduct. verò seu Medico utroque sensu hæc vox incipitur. Sed recentiores Græci ea significatione vocem usurpant, qua diximus, quam & in præsentia retinemus. Est igitur *Νυκταλαπία* symptoma diminutæ facultatis videndi, qua affecti mediocribus ingruentibus tenebris, quæ oculorum sanorum visioni nullum impedimentum afferrent, parum aut nihil cernunt, atque ita visus iis in nocte, ut Anicenna loquitur, hoc est in obscuro evanescit.

Causæ.

Quia autem visio perficitur oculo, qui pluribus partibus constat, & spirituum animalium beneficio, causa læsæ visionis aut in cerebro, & spiritibus opticis, aut in nervo optico, aut in humoribus, aut in oculi tunica cornea & pupilla, aut in musculis querenda est.

Et quidem cæcitas & visus debilitas ferè causarum magnitudine saltem differunt. Etenim si causa sit maior, cæcitas; si minor, visus debilitas introducitur.

Cæcitas & visus debilitatis causæ.

Si visio cerebri vitio lædatur, plerumque reliqui sensus simul afficiuntur; quia spiritus animales in cerebro generati commune omnium sensuum instrumentum sunt, & in omnia sensuum organa diffunduntur. Si autem sensus reliqui integri sint, visione læsa, non totum cerebrum afficitur, sed vel nervus opticus saltem, vel cerebrum ea parte, qua nervi optici prodeunt. Cerebrum autem afficitur vel intemperie simplici aut cum materia, unde spiritus exigui aut impuri gignuntur, vel debilitate ex nimia euacuatione, diuturno vel graui morbo, animi mœrore, vel denique angustia prohibente liberum transitum spirituum.

Si autem queratur, quomodo spirituum vitio visio lædatur, ex vulgata doctrina spiritus lucidus, tenuis, multus facit, ut exquisitè & distinctè omnia cernantur, tam propinqua, quàm remota; Lucidus, tenuis, paucus, propinquum tantum facit agnoscit, non perspicit etiam res valde luminosas, talisque dicuntur *μύωπες* seu lusciosi, qui tantum conuiuentibus oculis cernunt; atque hi iuuantur

Quomodo visio lædatur vitio spirituum opticorum.

perspicillis, vt vocant, minorantibus, quæ secum illorum sententiam radios illos visiuos tenues colligunt ac coërcent, ne in longiore distantia de Lucidus, crassus, multus remotiora melius cernit, crassitie ad intuitum remotiorum continente lumen, ne diffusetur; ad propinquiora hebetante; cum in ipso progressu largiore spiritus crassus nonnihil subtilior & purior redatur, Iuuare hi dicuntur perspicillis, vt vocant, ingrossantibus, quibus res visa maiori specie offertur. Lucidus, crassus, paucus, nec propinqua nec remota expedite cernit. Atque ad hanc causam referunt *νοηλαπίνια*. Obscurus spiritus visioni incommodus est, & tantò magis, quò crassior fuerit.

Verùm vulgata illa doctrina non sine causa in quibusdam suspecta est. Primò enim nititur falsa hypothese, visionem fieri per emissionem radiorum. Spiritus equidem ad visionem necessarij sunt, sed non eo modo, quem ipsi statuunt. Deinde *μυωπία* causa ponitur paucitas spirituum: Cum tamen multi hoc symptoma in iuuentute patiantur, in quibus nullus spirituum defectus animaduertitur. Ideoque symptomatum horum, in visu causa potius ex humorum & præcipuè crystallini, vitiis deducitur, vt postea dicetur, & vitiis his succurri potest per perspicilla, quibus tamen spirituum vitia emendari non possunt. Hinc potius probabile est, eam solùm visus debilitatem à spirituum defectu & impuritate fieri, cum res minutæ & remotæ non videntur, atque etiam magnæ non satis distinctè percipiuntur. Atque tum proculdubio in sensibus etiam aliis vitium aliquod percipitur: cum cerebrum spiritus non solùm oculo, sed & aliis sensuum & motus organis suppeditet; quod si absit, proculdubio in humoris aquei, crystallini vel vitrei obscuritate & impuritate causa visus læsi & debilis quærenda, vel etiam in neruo optico.

*Nervorum
opticorum.*

Nervus autem opticus læditur interdum ex nimia refrigeratione, si quis ventorum frigidorum flatum fronte & oculis minus tectis excipiat, frigore ad ea loca vsque, vbi nervi optici oculis inferuntur, penetrante. Idem ex oxy-

rhodino

rhodinorum frigidorum, valde nimio vsu quandoque accidisse, & visum abolitum fuisse obseruatum est.

Sed & alia neruorum opticornum vitia visum lædunt, & quidem, vt supra cap. 35. dictum, angustia, ruptura vel contorsio quæ pluribus, de causis accidere possunt, à percussione, casu vel ictu, epilepticis conuulsionibus, immoderata & violenta spiritus retentione, vt nonnunquam tubicini- bus accidit, & foeminis in partu difficili, ex vehèmenti co- natu; nonnunquam sine causa violenta, post morbos graues, pestem, vehementes capitis dolores & similes causas, & quod frequentissimum est, ex cerebri excremen- tis pituitosis, seu extra neruos opticos comprimantibus & irrigantibus, seu intus obstruentibus. Neque enim video, quid obstet, cur non etiam ex ipso cerebro humores in neruos opticos tam amplos infundi, eosque obstruere possint. Memini studiosum ex scabie in febrem incidere, cui asthma & cœcitas accidebat, ita vt nullo vitio in oculo apparente per triduum nihil videret. Is medicamentis idoneis adhibitis & vrina nigra reddita conualuit. Puer verò ex eadem causa, scabie scilicet, in febrem & cœcita- tem incidit, qui, epilepsia accedente, mortuus est. Memini etiam quendam ex affectu hypochondriaco in cœcitatem incidisse. Referunt quoque nonnulli inter causas lætæ visionis siccitatem nerui optici, quæ post febres ardentes relinquatur. Sed cum credibile non sit, in cerebro & loco cerebro vicino tantam siccitatem induci posse, probabi- lius est, humorem aliquem vitiosum ibi relinqui, qui ner- uos opticos seu obstruat seu comprimat.

Humorum tandem & corneæ tunicæ ac pupillæ vitio *Humoris vitio.* visus sæpe aut debilitatur aut imminuitur. Cum enim istæ partes omnes ad specierum sensibiliū receptionem com- paratæ sint, si debito modo sese non habeant, receptio illa impeditur, vnde visus vel planè tollitur, vel impeditur pro magnitudine causæ, de quibus omnibus capitibus præce- dentibus & lib. 2. Instit. part. 3. s. 2. c. 3. dictum.

Vt de Nyctalopia saltem aliquid in specie addā, Aëtius *Nyctale- pia.* malum hoc oriri statuit propter aliquā cerebri imbecilli- tatem, & maximè ob spiritus visui humorūque & tuni-

carum oculi crassitudinem. Et credibile est, maxima ex parte ex spirituum & humorum vitio hoc malum accidere. Equidem spiritus crassus non sufficit ad illustrandum in crepusculo oculum. Et humores, præcipuè crystallinus, si obscuriores fiant, maiore luce, vt illustrentur, opus habent, & proinde non nisi in clara luce perfectè vident; ea autem deficiente vel obscurius vel nihil vident.

Sed potest & in pupilla Nyctalopiæ causa esse, eius nimirum angustia; qua qui præditi sunt, copiosiore lumine ad bene videndum opus habent, & propterea de die, vbi lucis quantum satis per angustam etiam pupillam in oculum penetrare potest, satis vident; sub noctem verò & tenebris iam ingruentibus, cum lucis quantum satis ad videndum per angustam pupillam penetrare non possit, parum aut nihil vident. Contra si pupilla sit amplior, quam par est, lumen copiosius per eam admittitur, quæ visioni obest. Ideoque luce obscuriore melius vident, quam in clariore, & propterea melius in crepusculo, quam in meridie. Documentum huius rei præbent noctuæ & catti, quæ animalia noctu quoque vident, atque ad splendorem luminis diurni pupillas coarctant, vt lumen copiosius repellant, & tenebras quasi captent, noctu verò dilatant, vt imagines promptius recipere possint.

Signa Diagnostica.

Cum verò à tot causis visus debilitas & coecitas ortum habere possit, quibus signis ex discerni queant, videndum: quod factu difficillimū; & omnino certitudo adeo exacta hic nulla datur, nisi plurima inter se conferantur, & vt Auicennas loquitur, *cognitio ista existimatiua est*, id est, coniecturalis. Etsi enim visu discerni possit, an vitium sit in cornea, tamen si in cornea vitium non sit, an sit in humore aqueo, crystallino vel vitreo, aut nervo optico, distinguere non ita facile est.

Primò ergo oculus diligenter inspiciendus, & videndum, an in cornea aliquid vitij appareat. Si in hac nullum adfit vitium, considerandum, an in nervo optico causa læsæ visionis hæreat.

In neruo autem optico vitium non esse, ex eo cognosci posse putant, si fricando vnum oculum, & alterum comprimendo in pupilla eius, qui fricatur, dilatatio & constrictio percipiatur. Cum enim liberè transeunt spiritus, neruus opticus apertus erit. Verum signum hoc, quod certissimum vulgò habetur, pro certo non habet Platerus, cum spiritus animales non flatus instar oculum distendant, neque oculum adimpleant, sed retiformi neruo persistant. Ideoque ea, quæ præcesserunt, consideranda. Si in neruo optico vitium sit, causæ ex præcesserunt, quas supra recensuimus; Præterea plerumque subito inuadit visus læsio, quæ à neruo optico est, cum si ab aliis causis sit, paulatim generetur. Deinde etiam videndum, *An homo oculi*, vt appellant, id est, imago illa & idolum adspicientis in pupilla ægri appareat. Si enim non appareat, videndum; *An Cornea*, vel tota, vel parte, quâ pupillam obtegit, obscura sit. Si enim obscura non sit, vel in humore aqueo, vel in aranea, quæ obtegit crySTALLINUM, vel in humore crySTALLINO vitium est. In crySTALLINO enim aranea obducto, quæ instar speculi sese habet, fit reflexio, & simulachrum tale secundum naturam apparere debet. Si causa in humore aqueo sit, & initium suffusionis adsit, vapores aut *παχυμελὴ σώματα*, crassa quædam corpuscula per humorem aqueum dispersa sint, tanquam pusilli culices, vt supra dictum, & lanarum filamenta, vel araneorum telæ oculis obuersionantur. Vbi tamen considerandum. An continuò tales imagines appareant; An per intervalla quædam. Si enim aliquando tantum appareant, fit hoc per consensum partis alicuius inferioris: Si continuò, est initium suffusionis. Si in cornea vel pupilla vitium sit, aspectu illud cognoscitur, an scilicet macula vel aliud vestigium in ea appareat. Si causæ externæ præcesserunt, ex ægri relatione cognoscuntur.

Prognostica.

1. Debilitas visus ex senio vix curationem suscipit.
2. Similiter, quæ ex crySTALLINI & vitrei humoris confirmata obscuritate vel siccitate ortum habet, aut ex pertinaci obstructione nerui optici.
3. Glaucedo crySTALLINI vel vitrei ab ortu contracta, vel

quæ senibus accidit, incurabilis est; Item quæ ab humore existit, post suffusionem congelato, teste Aëtio, & quæ à siccitate confirmata. Ita rectè dixit Galenus, *in 10. de usu partium cap. 7.* Glaucedinem potissimum parere cœcitatem.

4. Debilitas visus genita post euacuationes nimias vel morbos diuturnos instaurato rursum corpore corrigitur.

5. Quæ paulatim fit visus obscuratio, non admodum difficulter curationem recipit, nisi senibus accidat; quæ verò subito fit ob fortem capitis plagam, aut casu ob alto, difficiliter curatur, atque eò difficillius, si neruus opticus læsus sit.

6. Si corneæ vitium sit magnum, visio in totum aboletur. Incurabile etiam est vitium, si rugosa sit facta, ut in senibus.

7. Nyctalopia, præsertim inueterata, rarò curatur, cum ob humoris plerumque crySTALLINI vitium accidat. Reliqua prognostica è suis locis secundum causarum varietatem petantur.

Curatio.

Curatio visus debilis & aboliti variat secundum causarum varietatem, ut ex singulis capitibus patet. Ut pauca saltem addamus; Et si, ut dictum, ubi nullum extra in oculo vitium animaduertitur, facile definiri non possit, in qua oculi parte causa visus læsi hæreat: tamen id adeo ad curandi rationem non facit. Siue enim in vitreo, siue in crySTALLINO sit, eâ sublatâ visus restituitur, modò morbus sit curabilis. Non enim omnis visionis læsio ex partium internarum vitio curabilis est. Quæ enim, ut dictum, ex crySTALLINI & vitrei humoris confirmata obscuritate vel siccitate, incurabilis est. Si autem visum recuperandi spes sit, præcipuè cerebrum, quod oculo causam morbi suppeditat, euacuandum, & purgantia talia, tum apud alios; tum apud Platerum, *lib. 1. Pract. pag. 248. & seqq.* describuntur. Nec omittenda masticatoria, gargarismi, apophlegmatismi, vesicatoria, cauteria, & similia, quæ vitiosos humores è cerebro euacuant.

Tandem

Tandem vsurpanda medicamenta *ἰσχυρὰ*, seu visum roborantia, id est, quæ spiritus puriores reddunt, & obscuritatem in humoribus, quantum possibile est, tollunt, oculósque roborant.

Nonnulli hic multi sunt in externis describendis. Verum etsi, vbi vitium est in cornea, atque illa est obscurior, talia accommodatissima sint: tamen vbi causa mali est in penitioribus oculi partibus, ad quas penetrare non possunt, non video, quid utilitatis afferre possint, nisi materia forsan circa pupillam mox sub cornea contineatur, vt de suffusione dictum. Imò non rarò acribus eiusmodi medicamentis non parùm oculi læduntur.

*Topica
an visum
confor-
tent.*

Externa talia fiunt, ex *euphrasia, feniculo, chelidon. valeriana, astere attico, ruta, calendula, & similibus ophthalmicis*. Passimque multa extant.

Vt *℥. Aq. rosar. opt. ℔. ij. cyani, euphrag. an. ℔. ℞. vini Matuat. 3. ij. ℞. rutæ præpar. 3. vj. ℞. camphor. ʒ. viij. caryophyll. crassè incisor. num. xxxij.* Bulliant simul in fictili vel vitro moderato feruore. F. Colatura, in qua calente adhuc dissolue *vitrioli alb. ʒ. vj.*

℥. Euphrag. rutæ, consolid. reg. an. 3. j. nucis moschat. macis an. 3. ℞. caryophyllor. zingiber. an. 3. j. Contusis affunde vini optimi ℔. iv. vel q. f. Digerantur per aliquot dies, postea destillantur in balneo. Aqua quotidie manè & vesperi oculis instilletur.

Vel *℥. Euphrasia, rutæ, betonica, verbenæ, chelidoniæ, flor. cyani, roris marini, consolidæ Regalis, an. M. j. thuris, aloës, myrrhæ, an. 3. ij. calami aromatici, macis, caryophyll. an. 3. ij.* Congis affunde aquæ rosarum. ℔. ij. rutæ vini maluatici an. ℔. j. urinae puerorum ℔. ℞.

Macerentur per dies 8. postea destillantur.

Vel *℥. Euphrag. feniculi, rutæ, chelidoniæ, verbenæ an. M. j. flor. roris mar. sem. feniculi, anisi, carui, sileris montani an. 3. ℞. rad. calami aromatici 3. ℞. macis, thuris, myrrhæ. an. 3. j. aq. rosar. rutæ, vini maluatici an. ℔. ij.*

Macerentur per dies aliquot, postea destillantur.

Vel *℥. Mellis destumat. 3. j. succi feniculi 3. j. fellis accipitris, lucij piscis, perditis an. 3. j. M. Vel ℥. Rad. genti. minut. conc. q. v.*

Coqu.

Coqu.in aq.& vini partibus æqualibus,& Colatura oculo inspergatur. Visum post morbillos & cicatrices ab iis relictas clarificat.

Aqu. ophthalmica, quæ Maximiliano Imperatori tribuitur.

Nota. ʒ. *Stercus recens anserum iuniorum* mense Martio vel Aprili, destilla aquam, quæ ter de die oculis instilletur.

Alia: ʒ. *Turæ preparat* 3. ij. *vitrioli albi, sarcollæ nibili albi, aloës lotæ an.* ʒ. j. *camphoræ* ʒ. ʒ. *aq. sæniculi, rosar. chelidonie, pimpinellæ, nymphææ an.* ʒ. ij. *off. sepiæ* 3. j. Misc F. Collyrium.

Veteres, ac imprimis Arabes, vehementer commendant epar hircinum, cuius vel assati saniem oculis instillant, vel vaporem apertis oculis fuscipere, vel ipsum assum cum sale edere iubent.

Alij epar ipsum cum felle assant. Ita enim distillans sanies plus virium acquirit.

Aqua de epate hircino. Commendatur & hæc Aqua de hepate hirci.

ʒ. *succi sæniculi, chelidonie, rutæ, euphragiæ an.* ʒ. ij. *mell. opt. 3. x. tutiæ, sarcollæ.* ʒ. *crudi, aloës opt. an.* ʒ. ʒ. *nuc. mosc. caryophyll. croci an* 3. j. *fel. caponis, gallor. gallin. an.* ʒ. ʒ. *ʒ. sacch. candi de syr. rosar. 3. vj. hepatis hirci* ʒ. ij. ʒ. *ʒ. flor. rosar. rosis-mar. an.* M. ʒ.

Epar. frustillatim incidatur, reliqua contendantur omnia. Misce & s.a. destillantur.

Auicennas & epar Leporis ad hunc usum commendat. Fortius est & hoc, quod sic paratur.

ʒ. *Piperis longi in epate hirci non castrati cocti* 3. ij. *fellis hircini* ʒ. ʒ. *liquoris ab epate hirci, dum assatur, & destillantis* 3. vj. M. & colentur.

Commendatur & fel animalium, ac nonnulli omnibus fel viperæ præferunt.

Aqua Sapphirica. Agittæ aquam Sapphiricam commendare solent, quæ tamen ex sapphiro non paratur, sed à colore ita dicitur. Paratur enim ex aqua calcis viuæ, in qua parum salis ammoniaci dissolutum est, quæ in peluim æneam infunditur & per noctem relinquitur, donec sapphiri colorem acquirat.

Verùm ista aqua & similes propriè , vt dictum , oculos non confortant, sed vlcera eorum sanant , cicatrices exte-
runt, crassitiem & obscuritatem corneæ tunicæ extenuant.

Plura vide apud Aëtium *tetrabibl. 2. ferm. 3. cap. 46.* & apud Auicennam *sub titulo de Nyctalopia.*

Interna supra *cap. 38.* descripsimus, vnum & alterum saltem adhuc addemus.

Vinum euphragiatum hoc valde commendatur.

℥. *Rad. heleny 3. iv. euphrag. M. iv. sem. fœnicul. sileris montani an. 3. ij.*

Suspendantur in musto , vel in hydromelite recens co-
cto , donec deferbuerit, de hoc vino æger singulis diebus mane vel in prandio haustum vnum sumat.

Commendatur etiam sequens vinum ophthalmiam.

℥. *Herbæ euphrag. M. ij. sem. fœnicul. 3. B. cinamomi 3. iij.*

Concisa ligentur in nodulo , qui suspendatur in vini Rhenani mensur. ij.

Et euphragia quocunque modo sumpta, & medicamenta ex ea parata, conserua, essentia & Sal ad visum confortan-
dum plurimum omninò conducunt.

Sequens quoque aqua Ophthalmica efficax est , si eius cochl. B. vel j. manè ieiuno ventriculo sumatur.

℥. *fol. rutæ, euphras. verben. fœnic. an. M. j. summitat. rorismar. saluæ, fl. rosar. an. p. ij. granor. iuniperi 3. j. cass. ling. 3. B. ligni aloes 3. B. sem. fœnicul. 3. ij. sileris montani 3. j. rutæ 3. B.*

Aqua ophthalmica ad intra.

Infunde in vini Maluatici lb. vj.

Macerentur per dies quinque, postea f. a. destillentur.

Aqua Ophthalmica, D. Andr. Doreri.

℥. *rad. valerian. communis, phu pont. an. 3. ij. caryophyllat. 3. B. fol. rutæ, verben. fœnic. euphrag. cum fl. an. 3. vj. baccar. iuniperi rec. 3. j. lauri recent. 3. B. flor. calend. meliss. Turc. saluæ, rorismar. rosar. alb. an. 3. ij. sem. fœniculi 3. B. caryophyll. cardamomi min. cubebæ. an. 3. j. cinamomi ac, 3. j. ligni aloës, rhadij an. 3. j.*

Præparatis f. a. affund. vini Maluat. lb. xij. postea in B. destillentur.

Spiritus Euphragiæ compositus.

℥. *spir. cerasor. nigr. lb. j. aq. birund. comp. maior. 3. vj. daronici*

doronici veri, cass. lign. veræ, amomi veri, rad. valerian. chelidon. an. 3. ij. mari veri, fol. rutæ an. 3. j. fl. euphrag. 3. j. R.

Infund. per noctem in liquoribus his: mane per B. destillentur leni igne, destillatum seruetur.

Aqua visum fortificans alia.

℥. spir. euphrag. comp. 3. ii. j. aq. Epilept. Lang. Elixir. vite Matthioli an. 3. j. essentia rorismar. 3. R. ambra ʒ. vj. moschi ʒ. iii. Syr. de cinamomo 3. j. R. Misc.

Vel ℥. succi fœniculi 3. ii. j. rutæ, chelidoniæ an. 3. j. melis lb. j.

Coquantur ad iustam spissitudinem.

Denique adde pulu. Euphrag. 3. j. sem. fœnieul. 3. R. macis, cubebæ an. 3. ii. F. Electuarium.

Vel ℥. Conseru. Euphrag. 3. ii. j. Theriac. And. 3. ij. R. succini albi præp. 3. R. Margarit. præp. ʒ. j. spec. diapæon. 3. R. C. Syr. de rosæ.

F. Electuarium, quo cubitum iturus vtatur æger.

Vel Elect. Humaim. Mes. 3. ii. j. Conf. Euphrag. 3. ij. pulu. sem. fœniculi 3. j. R. fileris montani 3. j. extract. rad. valerian. ʒ. j. sal. rutæ, verbenæ an. ʒ. R. spec. Occonis 3. j. Cum Syr. de stœcha de F. Mixtura.

Vel ℥. Conseru. euphrag. 3. j. R. betonica, rorismar. an. 3. j. rad. enulæ cond. 3. ii. fœnicul. cond. 3. R. myr. chebul. cond. 3. iii. extr. sem. rutæ ʒ. R. filer. montan. ʒ. vii. essent. vel spir. rad. Valerian. 3. i. Cum Syr. de béton. q. s.

F. Electuar. de quo manè & vesperi capiatur aliquid, nucis castaneæ magnitudine.

Vel ℥. Cinamom. zingiber. nucis moschat. cubebæ. caryophyll. macis an. 3. i. cardamomi, cumini an. 3. R. sem. anisi, fœniculi. an. 3. ii. Adde Sacchari ad pondus omnium. F. Electuarium.

Vel ℥. sem. fœniculi 3. i. rad. valerian. 3. R. sem. anisi, piperis, zingiberis, cumini, pulegij, flor. rorismarini, baccar. iuniperi, galangæ, caryophyllor. an. 3. i. euphrag. 3. R. Pulueriscentur omnia subtilissimè, & cum melle despumato F. Electuarium.

Vel ℥. Euphrag. 3. v. maioran. cinamomi an. 3. ii. sem. fœnicul. coriandri præp. an. 3. iii. anisi, carui, piperis longi, caryophyll. macis, nucis moschat. zingib. galang. an. 3. i. spicæ 3. R. sacchari albi 3. ii. F. Puluis.

Vel hic Sal cibis admisceatur :

℥. fol. euphrag. maioran. an. ʒ. β. sem. fœnicul. calui an. ʒ. i. piperis longi, nigri an. ʒ. i. cinamomi ʒ. β. salis. ʒ. i. β. F. Puluis. Vel ℥. fol. rutæ, leuistici, flor. euphrag. an. ʒ. β. rad. valerian. cinamomi, sem. fœnicul. an. ʒ. ii. cubebæ. ʒ. β.

Sacchari ad pondus omnium F. Puluis.

Vel ℥. fol. rutæ, euphrag. saluæ an. M. i. baccar. iuniperi ʒ. ii. cassiæ lignæ elect. ʒ. β. ligni aloes ʒ. sem. fœnic. ʒ. ii. fileris montani ʒ. i. rutæ ʒ. β.

Infundantur in vini maluatici lb. vi. macerentur diebus 14. postea destillantur. Exhibeatur manè cochleari.



C A P V T XLV.

De visus deprauatione.

Non solum autem imminuitur vel aboletur, sed & deprauatur quandoque visus, & quidem variis modis. Primò enim fit visus hallucinatio, cum res vna gemina apparet; id quod ebriis sæpe accidit. Ita Forestus, lib. II. obseru. 39. refert, militi cuidam apertis oculis ambobus, quicquid videbat, duplex apparuisse, sed sinistro aperto & dextro clauso rectè eum omnia vidisse; & in Scholio ex Aggregatore refert historiam sacerdotis auari, qui cum haberet vnā candelam in manibus, credens esse duas, propter auaritiam exstinxit vnā, existimans remanere aliam, & ita mansit in tenebris. Deinde cum quæ recta sunt, curua apparent. Tertiò cum omnia inuersa apparent. Memorabile est hic, quod medico cuidam clarissimo Dresdæ accidit. Is cum forte scalam librum aliquem è forulis petiturus ascenderet, oculosque fortius sursum conuerteret, accidit, vt omnia ei postea inuersa apparerent, & homines in platea in capite ambulare viderentur. Adhibuit varia remedia, quæ tamen nihil profuerunt, durauitque hic affectus ferè quadrantem armī, postea cū fortè iterum oculos sursum conuerteret, naturalis visio rediit, & omnia in recto situ vidit.

Visus deprauatio.

Cū vnā res gemina appareat.

Qua re-
cta cur-
ua omnia
inuersa.

Pertinet ad visus deprauationem & ille affectus, cum res

Alieno calore
predita.

*Iris splē-
dore.*

res alio colore, quam quo præditæ sunt apparent. Vel cum circa candelam accensam iris quasi apparet: vel cum splendor fulguris modo aut flammæ magnæ oculis obuersatur: quod vitium ex inflata alapa interdum accidit, ita ut ignis scintilla quasi ex oculis exsilire videatur. Ut plurimum autem, si causa externa desit, dormientes infestat hoc malum, unde Latinis splendor oculorum nocturni seu oculorum coruscationes, Græcis *μωρυγες* appellantur. Vel dum res perforatæ & fenestratæ quasi apparent.

*Cum res,
quæ non
adsunt,
oculis ob-
uersari
videtur.*

Præterea fit visus deprauatio, cum res, quæ non adsunt oculis obuersari videntur, ut culices, muscæ, filamenta lanarum, telæ araneorum, catenulæ quasi, vel dum nubeculæ oculis obuersantur.

Accidit visus deprauatio etiam, cum res, quæ firmæ & stabiles sunt, moueri & circumagi videntur, quod in vertigine contingit.

*Rhino-
ptes.*

Tandem ad visus deprauationem pertinet miranda illa historia, quam Schenckius, *lib. 1. de obseru.* 320. recenset, de Rhinopte quodam, qui ex malè curato vulnere per patientes narium meatus species visibiles recipiebat, & proxima quæque obiecta dignoscebat, de quo etiam in *Institut. libr. 2. part. 3. sect. 1. cap. 4. & ibid. sect. 2. cap. 3.* dictum.

Causæ.

Primo geminatæ visionis, cum res vna duplex apparet, causa est, quod vnius obiecti species duobus temporibus recipitur, seu in vno oculo prius, quam in altero, recipitur, & ita duobus temporibus recepta duplex apparet, seu omnino cum duæ species rei visibilis binis oculis receptæ non in vno loco coeunt, sed distinctæ offeruntur.

*Gemina-
ta visio-
nis caus-
sa.*

Qua de causa autem hoc fiat, auctores inter se non consentiunt. Nonnulli in nervis opticis causam quærunt. Nervorum enim opticorum coniunctionem facere statuunt, ut res vna, etiam si duobus oculis videatur, non duplex, sed vna videatur, abs qua si esset, singulas res duplices apparituras putant. Et quidem antiqui quidam putarunt, nervos opticos sese medios per *μαρμύ* secare, & aduerso oppositi lateris oculo utrinque inferi, dextrum
sinistro

sinistro oculo, sinistrum dextro. Verum aliter sese rem habere Anatomia docet, qua constat, dextrum neruum dextro oculo, sinistrum sinistro implantari; etsi in medio vniantur. Cuius coniunctionis quænam causa sit, alij aliter senserunt, vt apud Galenum, *de usu partium, & lib. de oculis cap. 4.* videre est. Galenus præcipuam huius rei causam esse putat, ne res vna duobus oculis aspecta gemina appareat. Verum vix hæc præcipua huius rei causa est. Potior illa ratio, quam Galenus tanquam secundariam affert, vt scilicet spiritus, qui à cerebro ad oculum vtrinque mittitur, vno oculo clauso, aut alia occasione requirente ad vnum oculum totus transmittatur. Idque ex eo patet, quod obseruatum est, quosdam neruos in toto ductu separatos & nullibi coniunctos habuisse, qui tamen eodem modo, vt alij, res omnes simplices, non duplices viderunt. Cuius rei historiam habet. Vesalius, *lib. 4. de fabr. corp. human. cap. 4.* Deinde etsi in vno oculo nerui optici coniungantur: tamen paulò post iterum separantur, & separati oculis & cerebro inferuntur. Præterea etsi duo sint nerui *axiomoi*: tamen sonus non duplex, sed simplex auditur. Itaque non in neruis opticis causa geminata visionis quærenda est; sed in situ pupillæ & humoris crystallini. Non quidem, vt nonnulli statuunt, quod in diuerso tali situ vtriusque oculi radius ad vnum punctum non perueniat, (satis enim solidè illa de radiorum emissionem opinio dudum refutata est) sed quia axium oculorum amborum situs communis in eodem plano semper eandem obseruans planitiem in pupilla facit, vt eodem momento species visibiles percipiantur, & sensui communi offerantur. Si verò quacunque de causa situs mutatur, res oblata apparet statim duplex. Huius rei documentum est, quod si quis digito oculum vnum sursum vel deorsum trumat, vt cum altero æqualem situm non habeat, res omnes geminae apparent. De quo Lucretius:

*Aut si forte oculo manus vni subdita subter
Pressit eum, quodam sensu sit, vt videantur
Omnia, quæ tuimur, fieri tum bina tuendo,
Bina lucernam florentia lumina flammis,*

*Binaque per totas edes geminata supellex,**Et duplices hominum facies, & corpora bina.*

Quod confirmat etiam historia, quem recitat. Ioan. Langius, *lib. I. Epist. 7.* de quodam, qui in cultellum cadens oculum ab inferiore palpebra ad supercilium usque ad medium dissecuit, cui vulnere sanato omnia gemina apparebant, quia pupilla oculi ad palpebram inferiorem agglutinati depressior altera, stabat, sed tandem oculus frequenti motu ab inferiore relaxata palpebra, à gemina visus fallacia liberabatur.

Deinde si vapores spiritibus permisceantur, aut oculum turbent, eadem visus fallacia accidit; Id quod ebriis & furiosis euenit, de quo 4. *Æneidos*:

*Eumenidum veluti demens vidit agmina Penthus,**Et Solem geminum, duplices se ostendere Thebas.*

Quà de causa verò ebriis & furiosis tale quod eueniat, non ita planum est. A vaporibus equidem, qui spiritibus animalibus permiscantur, hoc fieri certum. Sed quomodo vapores illi faciant, ut res eadem gemina videatur, obscurum. Nonnulli id fieri existimant, quia oculorum muscoli plus nimis repleti oculos, alterum sursum, alterum deorsum torquent, quo fit, ut species visibiles non eadem linea admittantur, atque ita oculus uterque suo utens officio duplicem efficiat visionem. Verum si hæc causa esset, oculorum situs diuersus omnino videri posset, quod tamen non animaduertitur. Credibile potius, vapores illos crassos spiritibus permisceri & efficere, ut species visibiles in utroque oculo inæqualiter recipiantur. Sicut alias etiam videmus species Solis & stellarum transeuntes per vapores supra Horizontem refrangi.

*Res in-
uersa cur
appa-
reant.*

*Alieno
colore
tincta.
Iridis cir-
ca oculi
caussa.*

Quod verò Medico illi res omnes inuersæ apparuerunt, proculdubio ex crystallini situ mutato accidit, eoque modo sese res habuit, sicuti in speculis quibusdam, in quibus res omnes inuersæ videntur.

Alieno colore res apparet, cum vel cornea tunica, vel humor aqueus alieno colore infectus est, quem dum transit, species visibiles eundem colorem suscipiunt.

Iris illa, quæ nonnunquam circa candelas conspicitur,

non

non est circa candelas, sed in oculo; quippe quæ non omnibus apparet, sed iis saltem, qui oculos habent debiliores, & ophthalmia laborant. Præterea accedendo immittitur, & recedendo fit maior; cum tamen contrarium fieri deberet, si esset circa candelam. Accidit autem hæc Iris, quia radij lucernæ transeuntes humorem aqueum, qui non est purus; sed ob fluxionem quasi rosceus, & guttulis multis conspersus, sese refrangendo colores generant, qui omnes ad refractionum loca percurrentes circulum circa candelam rotundum efficere videntur; quia rotunda est pupilla.

Et reliqua etiam simulachra, quæ visioni offeruntur, ab humoris aquei vitio proueniunt, quando is vaporibus vel humoribus inquinatus est.

Platerus equidem vapores hosce ad oculos posse penetrare negat, & neque per venas & arterias, neque per nervos opticos in ipsum oculum peruenire posse putat, quia venæ & arteriæ saltem per adnatam oculi tunicam discurrant, & nullibi neque in corneam oculi tunicam, neque in oculi interiora perueniant; per nervos etiam spiritu animali plenos vapores turbidi deferri minimè queant.

Verum enim verò, etsi venæ & arteriæ sensibilibus saltem ad adnatam oculi tunicam perueniant: tamen cum & reliquæ omnes oculi partes nutriantur, necesse est, ut ex vasis illis nutrimentum suum hauriant, etiamsi sanguis non rubeus, sed immutatus ad eas perueniat. Per venas itaque, per quas nutrimenta ad singulas oculi partes proueniunt, & per arterias, è quibus spiritum vitalem accipiunt, vapores etiam illi penetrare possunt, & in corpore viuente omnia sunt ζόρρα καὶ ζόμπνοι; ac suffusiones, quæ ex vitiosis humoribus in aqueo humore cumulatis generantur, testantur, tum humores tum vapores alienos ad interiora oculi penetrare posse.

Splendores & lumen, quod interdum oculis obuersari videtur, quod attinet, contingit hoc, ante suffusiones; & accidit ex reflexu spirituum animalium. Spiritus enim animales lucidi sunt, quod Galenus, lib. 1. de caus. sympt. cap. 6. & 7. de decret. Hippocratis & Platonis, exemplo

Splendores oculi obuersantis causa.

1076 *Lib. I. Part. III. Sect. II. Cap. XLV.*
quorundam animalium probat, quibus lucidi splendidi-
dique noctu sunt oculi.

Cum ergo humor aqueus supra crystallinum conden-
sari incipit, spiritus animales reperiuntur & reflexi
crystallino & vitreo offeruntur; unde æger splendorem se
videre existimat. Quæ ipsa etiam causa est, cur obcæcati
ex suffusione splendorem ac lumen sese videre interdum
existiment. Ideoque plerumque splendores eiusmodi fu-
turæ cæcitatæ aut aliorum grauium capitis affectuum in-
dicia sunt, vt exemplis docet Marcellus Donatus, *de Hi-*
stor. med. mirabil. lib. 2. cap. 9. Refert enim foeminam quan-
dam, dum triennium pupillæ dilatatione laborasset, & ferè
excæcata esset, subitò splendorem instar radiorum Sola-
rium sibi offerri putasse; & aliam quandam, quæ dolore
capitis intensissimo vexabatur, & pro eius curatione ve-
nam sibi aperiri curabat, quendam in media capitis parte
inter crepitum, ac si vesica diffumperetur, persensisse, ex
quo in leuem lipothymiam incidit, ac post non multos
dies globulum igneum sibi videri visa est, qui postea in
maximam flammam excreuit, ac deinceps morbis melan-
cholicis & epilepticis symptomatibus vexata est. Ita Gale-
nus, *lib. 7. de placit. Hippocrates & Platonis, cap. 4. de ob-*
structione neruorum verba faciens scribit: *Novi ego quen-*
dam, qui cum eodem malo affectus esset, narrabat nobis, se prius-
quam se in eam calamitatem incidisset, in somnis patefactis re-
pentè palpebris magnam ante oculos lucem solitum videre. Et
Hippocrates, 5. *Epidem. Phœnicis affectio ex oculo dextro*
talis quædam erat, plerumque veluti fulgor elucere putabat.
Cum autem non diu ipsum continuisset dolor, ad tempus dex-
trum instabat, & per totum caput & collum intumescibat,
& lib. 7. Epidem. in historia Mneseanacti refert: Deambu-
lanti ipsi in foro splendores præ oculis obuersabantur, & Solem
non valde videbat. Cum autem parum discessisset, extra sensum
erat, & collum conuulsum est.

Res per- Quod verò res perforatæ & quasi fenestratæ apparent,
forata causa & imperfecta suffusio; ob quam accidit, vt rei cir-
cur ap- cumferentia tantùm videatur, pars verò illa, cui humoris
pareat. incipientis causa obicitur, non videatur,

Quo pertinet & historia illius foeminæ, quam recenset Marcellus Donatus, *de Histor. Med. lib. 2. cap. 9.* cui cum globulus igneus ob oculos versaretur, & melancholicis ac Epilepticis symptomatibus vexaretur, sinistro tantum oculo videbat, verum non nisi dimidiata, & quasi in medium dissecta obiecta. Cuius symptomatis causa fuit, quod humores crassi pupillæ dimidium obstruxerunt. Sicut enim, si in medio pupillæ sit exigua suffusio, omnia perforata & quasi fenestrata apparent: ita si dimidium pupillæ obstruatur, dimidium saltem speciei visibilis recipitur.

Res autem, quæ oculis obuersari videntur, & Galeno, *lib. 1. de symptom. causis. cap. 2. & 2. de loc. affect. ἰδωλὰ* & phantasmata nominantur, quod attinet, sunt ferè duorum generum. Vel enim fixæ & immotæ sunt, id quod accidit in suffusionibus, aut vbi macula quædam in cornea est; vel variè moueri videntur, variosque colores referunt, quod accidit ob vapores humore aqueo permixtos. Atque hi vel à cerebro communicantur, quando illud succis abundat, aut crassis pituitosis, quod plerumque accidit, vnde vapores eiusmodi ad oculos mittuntur, aut biliosis adustis, vt in phreniticis, teste Galeno, *4. de loc. affect. cap. 2.* vel à venis & arteriis totius corporis; id quod in febrium ardentium vigore accidit, fumis adustis per venas & arterias simul cum sanguine & spiritibus sursum elatis, & instante quoque crisi per hæmorrhagiam nasum; vel à ventriculo, è quo vapores sursum ad oculos feruntur, siue ex cruditate, præsertim nidorosa, siue ex humoris biliosi in ventriculum confluxu; vel ab vtero aliarumque partium inferiorum effumante ibidem humorum illuine; vel à pulmone, vt in peripneumonia, teste Galeno, *1. aphor. 23.*

Signa Diagnostica.

Signa Diagnostica, quod attinet, ea proponere opus non est; cum ex relatione ægri cognosci possit, qualem visus deprauationem patiatur. Ex qua verò causa visus deprauatio ortum habeat, ex iis, quæ hæcenus diximus, patet. Quid quoque de euentu cuiusque visus deprauationis sperandum sit, ex iisdem similiter manifestum est.

Curatio quoque pro varietate causarum varia est, quæ

1078 *Lib. I. Part. III. Sect. II. Cap. XLV.*
etiam ex iis, quæ hætenus de morbis oculorum dicta
sunt, patet.

Q V Æ S T I O.

Cur vapores & humores intra oculum videantur.

Verum hic non sine causa quæritur, qui fiat, quod, ut
Aristoteles, 2. de anim. text. 106. docet, cum sensibilia
supra sensum posita non videantur, vapores & humores
intra oculum existentes videantur; appellatque Mercu-
rialis hanc controuersiam grauissimam, difficilem, ma-
gnam, & quæ diu torserit multos medicos. Et reuera mul-
ti medici in ea soluenda frustra se torserunt. Verum enim
verò res non adeo intricata est, paucisque explicari po-
test. Medium visionis est perspicuum. Verum illud du-
plex, externum, aer, aqua, & alia corpora translucida;
& internum, tunica cornea, & humor aqueus, quæ ea
ipsa de causa perspicua & coloris expertia esse debent:
à qua naturali constitutione si recedat, & vel cornea ma-
culam aliquam acquirat, vel humor aut vapor in humore
aqueo colligatur, id quod medium esse debebat, ea qui-
dem parte, qua à naturali constitutione desciscit & colo-
ratur euadit, medium esse desinit, & obiecti rationem
suscipit, & ipsum etiam coloratum & non amplius per-
spicuum visui offertur. Quod autem res extra oculos im-
posita non videtur, corpuscula autem illa intra oculum
hærentia videntur, causa diuersitatis hæc est. Res colo-
rata non videntur sine lumine, ac lumen actus quasi co-
lorum est, & res visibiles lumine non illustrata non viden-
tur. Ideoque si res aliqua oculis imponatur, non illustra-
tur ab externo lumine, neque color eius in actum deduci
& visibilis actu fieri potest.

Contrà verò corpuscula in humore aqueo hærentia etsi
intra oculum sint: tamen à luce externa, modò pupilla
pateat, satis illustrari possunt; quo si careant, nec ipsa
videntur. Cuius rei documentum est, quod si quis ocu-
los claudat, vel manum oculis imponat; corpuscula talia
non videt.



CAPVT XLVI.

De excretorum ab Oculis vitiis.

VM autem, vt commoda fiat visio, oculus etiam motum obtineat: in læso oculi motu symptomata accidere possunt, conuulsio & Paralyfis. Verùm de iis iam supra dictum. Restant tandem symptomata, quæ in excretis ab oculis accidunt. Secundum naturam quidem in animi affectibus lachrymæ ex oculis effluere solent: Verùm præter naturam, & alia ex oculis interdum excernuntur, vt *αἷμα*, humores lachrymarum instar, quorum fluxus epiphora nominatur, lachrymæ sanguineæ. Quandoque etiam vermes ex oculis erupisse obseruatum est, de quibus iam ordine dicemus.

De Lemis seu Oculorum sordibus.

Interdum copiosæ sordes, præsertim nocturno tempore, ex oculis excernuntur, quæ palpebris adhærent, easque quasi conglutinant, quod vitium Græcis *αἵμα*, seu *Oculorum sordes* lemma appellatur. Originem habet hoc malum ex humorum ad oculos, præcipuè palpebras, confluxu, sed qui iam coctionem suscipiunt & incrassantur. Et familiare hoc ophthalmiæ malum est, ideoque eandem generationem & curationem habet, quam ophthalmia. Corpus nimirum euacuandum, affluxus humorum ab oculis auertendus, sordesque ipsæ abstergendæ sunt, & topica conuenientia oculis applicandæ.

Vt ℥. Flor. sambuci, verbasci, verbenæ, euphrasie an. M. j. Fiat sacculus, qui aqua rosarum madidus oculis imponatur.

Vel ℥. Euphrasie, pentaphylli, verbenæ, chelidoniæ an. M. ij. flor. fabar. M. iij. Affunde aquæ verbasci q. s. destillentur. Aqua manè & vesperi oculis instilletur.

De Epiphora.

Quamquam *ἐπιφοράς* vocabulum in genere humoris in Epiphora quacunque partem influentis impetum significat, quo sensu Epiphoras vteri & ventris dixit Plinius: tamè de oculorum potissimum fluxione vox hæc à medicis vsurpatur: & Græcis vel Epiphora, vel cū adiectione *ἐπιφορά ὁ ὀφθαλμῶν* nominatur,

qui vulgo affluxus lachrymalis & oculi destillatio, Celsopituitæ cursus, Plinio illachrymationes, Auicennæ lachrymæ. Intelliguntur autem lachrymæ non illæ naturales, quæ moestitiam atque iram quoque comitantur, in pueris imprimis & mulieribus, de quibus videatur Iul. Casserius Placentinus, *tractat. de lachrymis*, sed inuoluntariæ, quæ non ab animi affectu aliquo, sed à causâ morbifica proficiscuntur.

*Epiphora
quid.*

Est igitur Epiphora tenuis humoris impetus lachrymarum specie præter naturam in oculos factus; & humoris quidem aliàs frigidi & aquosi, aliàs calidi, acris & falsi, è cerebro in adnatam & ad angulos potissimum delati. Comitatur hanc affectionem nonnunquam sola molestia ex perpetua illa destillatione, aliquando dolor, morsus, ardor, rubor ex materiæ acrimonia, interdum & visus hebetudo, præcipuè cum origo mali est ab internis oculi partibus; aliquando denique vlcusculum ex palpebrarum asperitate & duritie, aut ex carunculæ in angulo lachrymali corrosione.

Suntque inuoluntariæ istæ lachrymæ, aliæ natiuæ, ex imbecillitate à parentibus contractæ, siquidem malum hoc quoque hæreditarium est; aliæ aduentitiæ. Et hæc species vel causas externas, item morbos nonnullos, vt febres acutas, lethargum & extremam virium imbecillitatem in morituris, vel causas internas sequitur, imbecillitatem scilicet retentricis & alteratricis cerebri.

Fluxionis illius ad oculum origo est, vel, quod sæpissimè accidit, à sincipite & summo vertice inter cutem & cranium, vnde materia per pericranium in angulos & adnatam destillat; vel à toto, aut parte aliqua corporis, quando materia serosa, quæ vehiculum est sanguinis, cum sanguine ad extremitates venularum oculi penetrauit, vbi quoque ob partium imbecillitatem foras effluit.

Causa itaque proxima Epiphoræ est humor excrementitius, tenuis ac serosus, p. n. ad angulos oculorum fluens, qui, vt diximus, aliàs frigidus & aquosus est sine dolore, ardore, rubore; aliàs calidus, acris vel falsus cum dolore aut rubore molestus, vnde palpebrarum exulceratio sequi solet.

Remoræ

Remota causſæ ſunt partis affectæ , quæ oculus eſt, imbecillitas , robúrque mittentium. Imbecillitas illa vel ab intemperie oculi eſt frigida & humida ; vel à mala compoſitione, ſi oculi ſubſtantia ſit rarior ; vel à morbo in numero, ſi caro lachrymalis ſit abſumptu, quæ veluti operculum glanduloſum addita eſt angulo maiori , vt ſeroſam è venis capitis fluxionem obiectu ſuo deriuet ad nares , in quas & ſanies interdum per communem oculorum ad nares meatum ex fiſtulis lachrymalibus exprimitur. Secundò ſeroſi excrementi copia , ſiue in toto ſiue in cerebro , & quidem vel geniti in cerebro ob vitioſam nutriti transmutationem , vel aliunde per vaſa eò tranſmiſſi. Deſertur à cerebro ad oculos ; quia cerebrum aut non detinet illud, vel expellit , irritatum illius copia aut qualitate , ſicuti in catarrho etiam fieri conſuevit.

Differentiæ.

Differentia Epiphoræ eſt , quod in alia materia ſeroſa ſimplex & ſincera eſt ; in alia cum pituita , & exigua bile mixta. Præterea materia in alia epiphora per vaſa extra cranium affluit ; in alia per vaſa intra cranium. In alia item anguli oculi affliguntur, in alia etiam tunica adnata, vel totus oculus.

Quod denique alia Epiphora à cauſſis externis ortum habeat , alia ab internis , ex præcedentibus notum eſt.

Signa Diagnostica.

Signa Epiphoræ per ſe manifeſta ſunt. Et cum à cauſſis ſit externis , æger de his docebit, defectus quoque carunculæ lachrymalis intuentium oculis patet , ſiue illa ablata ſit corroſione ſiue incifione.

Quo ad cauſſas internas , ſi punctio, roſio, ardor & rubor affuerit , acrimoniæ aut falſedinis cuiuſdam particeps eſt materia. Per venas denique externas, quæ à pericranio ſunt, materia affluit, ſi partes circa frontem & tempora ruunt, & dolent, & caput quaſi reuinctum videtur. Per internas intra cranium , quando interni dolores ſentiuntur, & ſternutationes frequentes accidunt.

Prognostica.

1. Infantes, qui lachrymantes habent oculos , ex ſuper-

flua cerebri humiditate, ij progressu ætatis, sola bona diæta sanantur, nisi malum ipsis sit natium. Antiqua verò Epiphora, & quæ senibus accidit, difficulter curatur. Imò frequenter in fistulam lachrymalem degenerant.

2. Lachrymæ propter ablatam incisione aut erosione carunculam in angulo prouenientes ferè sunt incurabiles, teste Auicenna, cum frenum quasi illarum sit sublatum. Quæ tamen à corrosione facta est, curatu est facilius. A corrosione enim potius pars carnosæ absumitur, quam spermatica & neruosa, vnde regenerari potest: ab incisione verò tam carnosæ, quam spermatica, quæ regenerari non potest, absumitur, vt etiam supra dictum.

3. Lachrymæ à vasis intra cranium deriuatæ, difficilius etiam curatur.

4. Qui in febribus aut aliis morbis voluntariè illachrymant, absurdum non est. Qui verò citra & præter voluntatem, absurdus, teste Hippocrat. in 4. aphor. 52. quoniam summa retentricis cerebri indicatur imbecillitas.

5. Quibus in febribus acutis atque adeò ardentibus inuoluntariè erumpunt lachrymæ, his (si quidem reliqua non sunt exitialia) sanguinis è naribus effluxio exspectari potest: Qui verò malè habent, iis mortem significat, *1. epidem. 2. aphor. 80.*

Indicationes.

Indicatio curatiua est, fluxionis causam abscindere, siue illa consistat in cerebro, siue aliunde eò & in oculos immittatur; deinde quod influxit discutere; ac denique partem affectam, ipsumque caput roborare.

Curatio.

Si fluxio augeatur, & dolor accedat, Galenus venam secet, 4. de comp. m. f. loc. cap. 8. vt inflammatio prohibeatur. Imprimis autem in curatione attendendum est, vtrum origo mali sit à toto, an à capite. Primùm enim si sit à toto, atque humor ipse calidus sit & acris, ille conuenienter expurgetur, & à capite reuellatur, ac ab oculis deriuetur modis supra propositis. Postea caput roboretur cephalicis cerebri exsiccantibus. Applicentur etiam topica adstringentia, ne venæ laxiores materiam recipiant, cuiusmodi sunt

sunt rosæ, myrtilli, succus plantaginis, balaustia, hypocistis, acacia, thus, mastix, bolus armenus, sanguis draconis, quæ cum albumine oui excepta addito pauco aceto, fronti & temporibus accommodantur.

Vt ʒ. Acaciæ, sanguinis dracon. an. ʒ. ʒ. boli arme præp. ʒ. iiij. mastich. ʒ. iiij. album. oui N. j. aq. plantag. q. s. Misc. & linteo inductum fronti temporibusque admoueat, & quoties exsiccatum fuerit, renouetur.

Vel ʒ. Pulu. thuris, ʒ. iiij. tacamahacæ ʒ. j. ʒ. lapidis hematitæ ʒ. ij. balaustior. flor. rosar. an. ʒ. j. ʒ. album. oui N. j. aq. rosar. q. s.

Vel ʒ. Mastich. ʒ. ij. gummi animæ, tacamahacæ an. ʒ. j. ʒ. iunip. ʒ. j. Cum pauca terebinthina & ceræ fiat. s. a. ceratum.

Quando materia ruit per vasa interna, nonnulli cauterium post aures commendant. Vtilia quoque sunt vesicatoria. Ipsi quoque oculo conuenit pannus lineus albumine oui vel aqua rosarum irrigatus.

In frigido humore post eius præparationem & euacuationem prodest lana infusa in vino adstringente, & iuxta oculos apposita.

Aut ʒ. Gallarum immaturarum, nucum cupressi, sanguin. dracon. an. ʒ. j. croci ʒ. j. Excepta sufficiente quantitate tragacanth. panno lineo proximè super oculos applicentur. Ad oculos ipsos probatur tutia infusa in decocto meliloti, vel in vino crasso; deinde in aqua maioranæ, foeniculi, & euphrasiæ, addita myrrha, croco, & aliis. Imprimis commendatur aqua virgæ aureæ, in qua thus ignitum sit extinctum.

Aut ʒ. Thuris, mastiches an. ʒ. j. myrrhæ, aloës siccæ an. ʒ. ʒ. tutia præpar. ʒ. j. sarcocollæ nutritæ ʒ. ʒ. Subtilissimè trita excipiantur oui albumine aut succo cydoniorum. Tempore vsus dissoluantur cum aqua foeniculi aut euphrasiæ, & mane atque vesperi aliquid in oculum instilletur.

Ac summatim in quacunque epiphora tam calida quam frigida, conueniunt adstringentia, præsertim in principio: Postea siccantia, quæ materiam absumunt, sed citra morsum; & vbi materia calida atque acris est, etiam refrigerantia.

Si malum à capite ortum habeat, cerebro imbecillo vel generante in se materiam, vel à toto fuscipiente, primò quod genitum est, auferatur euacuando per nares & palatum, deinde prohibeatur, ne quid amplius gignatur, corrigendo capitis intemperiem, legitimamque diætam præcipiendo. Tandem oculus roboretur leniter adstringentibus, de quibus hæctenus dictum est.

Lacrymæ Sanguineæ.

*Lachry-
ma san-
guinea.*

Præter naturam etiam est, si sanguis lachrymarum instar ex oculis excernatur, id quod foeminis quibusdam accidit, quibus menses subsistentes per oculorum angulos effluxerunt: Cuius rei historias aliquot ex Brassauola, Dodonæo, Mercato, Salomone Alberto, collegit Schenckhius, *lib. 4. obseruat. 257.*

Curantur tales venæ in talo sectione, & aliis menles promouentibus remediis adhibitis.

Fit etiam aliquando sanguinis ab oculis eruptio, ut Aëtius, *Tetrabibl. 2. serm. 3. cap. 63.* docet, pueris ob assiduos eiulatus apertis circa palpebras vasis. Qui curandi sunt poscæ frigidaë, aut aquæ frigidaë perfusione, tum super angulos, tum super caput facta, infundendo etiam albumen oui per se, & cum aliquo collyrio ad ténues fluxiones conueniente. Utendum etiam internarum partium deligatione, & cibo crassefaciente.

Rarius est, quod Forestus, *lib. II. obseru. 13.* annotauit, de foemina quadam octuaginata, cui per tres ferè septimanas sanguis ex oculis lachrymarum instar copiosè emanauit. Quæ cum icterica esset, proculdubio à bile vasa eo loci aperta fuerunt: quæ quomodo curata sit, videatur apud Forestum, *loto allegato.* Sicut & illud rarum, quod puella vndecimestris lachrymas sâguineas fudit, ut refert Philipp. Hechstetterus, *obseru. Med. dec. I. cas. I.*

Vermis ex angulo oculi erumpens.

Vermem puellæ trimæ, aliàs rectè valenti, longitudinis semipalmaris, coloris albi, crassitudinis tineæ, viuum, nulla noxa à puella percepta, aut foramine vlllo euidente relicto, ex interno seu maiore oculi angulo extractum fuisse, refert Amatus Lusitanus, *Cent. 7. curat. 63.*



LIBRI PRIMI

PARTIS III.

SECTIO TERTIA.

De Aurium Morbis & Symptomatibus.

CAPVT I.

De Intemperie Aurium.



B oculorum morbis & symptomatibus ab aurium affectus recta accedimus, quarum vsum, vt Celsus loquitur, proximum à luminibus Natura nobis dedit. Atque vt visus per se confert ad eruditionem & sapientiam; quoniam res plurimas offert, quibus mens intus instruitur: ita auditus per accidens ad *φρόνησις* conducit. Nam sermo docentis, quem auribus haurimus, per se scientiam affert, quemadmodum hac de re docet Aristoteles, *lib. de sens. & sens. cap. 1.*

Quæ autem aurium sit constitutio, & ex quibus partibus componantur, ex anatomicis petendum, & præcipuè è Iul. Casserio Placentino. Morbi autem, quibus aures infestantur, sunt intemperies simplex & cum materia, inflammatio, vlcus, obstructio, ruptura tympani, vulnera.

Primò enim interdum aures, & præcipuè earum membranæ ac nerui intemperie sine materia frigida, à ventis & aëre frigido afficiuntur, quæ grauem dolorem excitare potest,

Intemperies aurium.

potest, ut experientia sæpè testata est. An verò similiter ex intemperie nuda calida à causâ externa aures affici possint, controuersum est.

Græci quidem causæ huius mentionem non faciunt. Arabes tamen omnes inter causas externas aëris caliditatem recensent. Verum frigida equidem neruis inimica sunt, non verò item calida, & calor externus vix calidior esse potest cerebro & cæteris partibus internis, & ita calor per se vix intemperiem, quæ insignis alicuius læsionis causâ esse possit, inducere potest; per accidens verò id faciliè præstare potest; nimirum humorum ad aures confluxum concitando. Quo sensu & Hippocrates, 3. *Aphorism.* 2. inter æstiuos morbos aurium calorem refert.

Frequentius verò patiuntur aures intemperiem frigidam & humidam, seu quæ cum pituita sit coniuncta. Deinde etiam Intemperiem calidam cum bile. Et quidem materia vel in ipsa aure colligitur, ob coëctricis, retentricis vel expultricis imbecillitatem, meatuum angustiam, crassitudinem excernendorum. Aliunde verò ad aures confluit, vel à calore aut dolore attracta, vel aliunde transmissa. Solet autem materia ad aures transmitti nunc à toto, quod in crisis febrium fieri sæpe solet: nunc ab aliqua parte; imprimis verò à cerebro, quod ut vicinum excrementa sua faciliè auribus communicare potest.

Signa Diagnostica.

Si temperies sit nuda, nulla grauitas, nulla tensio, nullus tumor percipitur, quæ si adsit, intemperies est cum materia; quo casu & auditus magis impeditur. Et si intemperies sit frigida, æger in aëre & vento frigido, aut niue versatus est; quod fit nonnunquam in longis peregrinationibus tempore hyberno, dolorque est citra ardorem, calidisque lenitur. Si verò tale nihil præcesserit, quod nudam intemperiem inducere potuerit, & caput sit grauius, procul dubio quædam materia adest, scilicet aut spiritus flatulentus; quod cognoscitur ex dolore vehementi sine pondere & grauitate, & tinnitum ac strepitu

strepitu manifesto, & quod dolor non est continuus, sed per interualla quædam vel intermittit, vel nonnihil imminuitur, aut humor frigidus crassus, & tum signa frigiditatis adsunt; aut humor biliosus, & tum signa caloris adsunt.

Curatio.

Si Intemperies sit frigida, calefacientia, vaporis, fumî, liquoris, vel alia forma vsurpanda. Et propterea calida vel instillanda, vel per infundibulum vapor decoctorum excipiendus, vel per spongiam, lanam aut linteum extra applicanda. Fiat nimirum euaporatio decocti rutæ, origani, chamæmeli, absinthij: Vel decocto lana vel spongia imbuatur, & auri applicetur. Vel instilletur oleum rutaceum, de castoreo, amygdalarum amararum, nardinum, irinum, maioranæ. Vtilis est & succus ceparum cum liquore aliquo conueniente mixtus. Oleum item è semine cannabis & vitellis ouorum. Ante omnia verò commendat Scribonius Pisselæum seu florem picis; quas vires etiam habent olea destillat. terebinth. ceræ, rutæ, iuniperi, & similia. Si vehementior sit frigiditas, aliquid euphorbij admiscere licet.

Si ab intemperie calida affluxus aliquis humorum metuatur, instillantur auri (sed tepidè omnia,) lac muliebre, & succus refrigerantium herbarum, lactucæ, solan. album. oui, oleum rosac. violac. de cucurbit. salic. Si spiritus flatulentus adsit, cum flatu præsupponat materiam, è qua attollitur, primò materia illa, siue frigida siue calida sit, expurganda, deinde topica, quæ flatum illum discutiunt, vsurpanda.

Vt ℥. Mili, furfuris, salis an. M. j. sem. anisi, fœnicul. baccar. lauri ana 3. iij. Calefiant in sartagine & sacculo inclusa calidè auri applicentur, vel vino forti prius aspergantur.

Vel fiat euaporatio ex ruta, betonica, maior. aneth. flor. chamæmel. melilot. sem. cumini, carui, castoreo.

Vel ℥. Cepam & impone ol. chamæmel. rutac. ana 3. ij. pulu. sem. cumini, anisi, piper. an. ʒ. j. Imponatur cepa cineribus calidis vel ad ignem, donec oleum absumatur.

Postea

Postea contundatur & succus exprimatur, qui auribus instilletur. Et cum plerumque, ubi spiritus flatuosi adsunt, simul humor crassus & viscidus esse soleat, qui aurium meatus obstruit, ne flatibus exitus pateat, incidentibus attenuantibus & aperientibus utendum, qualia modò sunt proposita.

Si verò ab humore aliquo sit intemperies, purgandum est cerebrum, ne plus materiæ affluat, postea topica medicamenta adhibenda. Et quidem si à materia frigida sit intemperies, humor præparetur & euacuetur iis medicamentis, quæ suprà *par. 1. cap. 10.* sunt proposita.

Purgationes autem per intervalla repetantur. Corpore toto euacuato, caput euacuetur Apophlegmatismis, Gargarismis, Errhinis. Itemque calefacientia & siccantia medicamenta usurpentur, interna & externa, quæ supra sunt proposita.

Vel lauetur caput lixiuio ex cineribus sarmentorum vitis, & ligno guajaco, in quo maioran. beton. serpill. stœchad. Arab. fol. lauri, sena, agaricum cocta sint. Nec vesicatoria omittenda, & primò collo, deinde post aures apponenda, & diu aperta seruanda; imò si malum sit pertinacius, fetaceum adhibendum est.

Tandem Topica, seu quæ in aurem instillanda sunt, usurpanda, & primò quidem à mitioribus incipiendum, hinc ad fortiora progrediendum.

Talia sunt oleum amygdal. amar. iuniperi, de castoreo, quibus admiscere licet sp. vini, succum rutæ, absinthij, cyclaminis, ol. nucl. persicor. cerasor. foeniculi, caryophyll. cinamomi, moschum, urinam arietis vel capræ, tauri, anguis senecta puluerisata & cum aceto mista.

Laudatur & tabula cupressi calida, quantum fieri potest, auri applicata.

Utiles sunt quoque euaporationes ex decocto chamæmel. origani, hyssopi, maioranæ, fol. lauri, cyclaminis, fol. & baccarum lauri, sem. cumini. Sed fiat decoctum potius in vino, quam in aqua, cum aqua nimis humectet.

Vt *℞. fol. lauri, betonic. maioran. serpilli, origani, calaminthæ, stœchad. Arab. an. M. j. Cepam contusam num. j.*

Coque in vino Rhenano, & vapor tepidus in aurem per infundibulum immittatur. Vide etiam Inſtit. lib. 5. part. 3. ſect. 3. cap. 32.

Vel ℥. Ol. amygdal. amar. caſtor. an. 3. ij. ſucci ceparum 3. ſ. M. & guttæ ij. vel iij. mane & vesp̄eri auribus inſtillantur.

Vel ℥. Ol. amygdal. dulc. 3. iij. aq. vitæ 3. ij. fol. lauri minut. incisor. num. vj. Bulliant in vase duplici, & exprimantur.

Vel ℥. Colocynth. ellebor. albi, aloes an. 3. j.

Miſta terantur in calido aceto & poſtea exſiccentur. De hoc aliquid cum penicillo melli intincto auri immittatur, & per 3. aut 5. horas ibi relinquantur, vt pituita ſenſim inde extrahatur.

Crato plurimum commendat aquam carduibenedicti. Folia carduibenedicti ſicca aſpergit ſpir. vini, & poſtea aſfundit aquam carduibenedicti & in vitreo vase per arenam deſtillat, & aquam iſtam auribus inſtillat.

Commendatur & hoc ℥. Formicas cum ovis, aſfunde vinum, iisdem adde rad. armoraciæ contuſas & baccas lauri contuſas. Coquantur & ſuccus exprimatur; aut quod conſultius eſt, aqua inde deſtilletur. In liquorem iſtum goſſypium intingatur & auribus immittatur.

Alij olei ſinapi quotidie gutt. j. inſtillant. Efficax eſt & Baſamum Orientale.

Vel ℥. ſpir. vini 3. iij. rad. cyclam. 3. ſ. nucleor. perſicor. amygdalar. amar. an. num. v. Stent in infuſione per dies 3. deinde fortiter exprimantur. Succi guttæ ij. manè & vesp̄eri auri inſtillantur, & goſſypio, cui 3. ij. vel iij. moſchi inclufa ſint, auris obſtruatur.

Vel ℥. ſilices fluuiatiles paruos & ignitos inſperge vri-
na, & vapor aure excipiat.

Vel ℥. Vermiculos intra cortices ligni querni natos num. xx. bulliant in olei comm. 3. ij. ſ. Deinde excauetur radix cyclaminis, & cauitas impleatur vermiculorum iſtorum oleo, rudac. caſtor. an. ſ. q. pulu. pyrethr. caſtor. an. 3. ſ. Radix hoc modo repleta aſſetur ſub cineribus, aſſa contundatur, & ſuccus exprimitur, qui quotidie auribus inſtilletur.

Vel ℥. Fol. lauri, origani, hyssopi, calaminth. an. M. ℞. Aristoloch. hederæ terrestris, marrub. bellebor. nigri an. 3. ij. Coqu. in vino, contundantur. Contusis adde fell. tauri, capræ, pingued. anser. an. 3. ij. euphorb. galbani, aceto dissolut. an. 3. j. myrrha, aloes an. 3. ℞. piperis, nitri puluerisati an. ḡ. v. succi cepæ 3. j. farina tritici 3. j. ℞. ol. nuc. mosch. express. irini q. s. ad impinguandum. F. Emplastrum, cuius particula linteo excepto auri inferatur; de reliquo fiat Emplastrum, quod auri applicetur. Galenus inter *ἀνρίων*, lib. 3. cap. 3. habet fel leporis cum mellis portione mixtum, quod & in cape tunica seu cortice liquefactum auri immittit.

Quidam tanquam singulare remedium commendant oleum murinum, quod fit è muribus recens natis, dum adhuc sine pilis sunt, in oleo maceratis. Alij aquam ex illis destillant, & in aurem immittunt. Efficax est & oleum destillatum è ligno Guaiaci.



C A P V T II.

De aurium inflammatione.

*Aurium
inflam-
matio.*

Non in frequens aurium malum est inflammatio, quæ & ipsa ad intemperiem cum materia pertinet. Quam enim auris fabrica præcipuè ossibus constat: tamen membranas etiam habet, in quas exiles venæ immittuntur, per quas sanguis tenuis & biliosus è venulis membrarum cerebri & vicinarum partium in aurem illapsus inflammationem parit. Quæ autem causæ affluxus sint, ex iis quæ in genere de inflammatione dicentur, & antea de oculi & aliarum partium inflammationibus dicta sunt, patet.

Signa Diagnostica.

Cognoscitur auris inflammatio ex dolore continuo pulsatili vehementissimo cum caliditate & rubore, ad malas & tempora vsque sese extendente, cum febre, interdum & cum delirio, motibus convulsivis, syncope; & extremorum frigiditate. Et prout inflammatio magis tendit ad interiora, eò pulsatio maior percipitur; quoniam arteriæ

arteriæ maiores comprimuntur. Dolor quoque est vehementior ob vicinitatem cerebri, & febris intensior.

Prognostica.

1. Inflammatio aurium malum periculosum est; cum delirium producere & hominem in vitæ discrimen conicere possit. Hipp. 3. *Progn. aphor.* 13. Solet & cerebrum in consensum trahi; vel etiam fluxio, quæ inflammationis causa erat, ad cerebrum conuerti, unde ægri nonnunquam subito tanquam attoniti moriuntur. Galenus, in *Comm. in allegatum locum*, & Trallianus, *lib. 3. cap. 2.* Ideoque monente Celso, *lib. 6. cap. 7.* mox inter initia succurrendum est, ne maiori periculo locus sit.

2. Et quidem iuuenes in aurium inflammationibus magis periclitantur, qui septimo die, aut citius moriuntur, antequam suppuratio accidat, ob biliosi humoris in iis abundantiam, & quod febribus acutis magis sint obnoxij. Qui autem septimum diem superant, euadunt, materia in pus conuersa, imprimis si pus bonum effluerit; & deinde æger melius habeat.

3. Senes autem in aurium inflammationibus minus periclitantur. Quanquam enim Galenus, 7. *aph.* 42. docet, omnia mala peiora fieri propter ætatis imbecillitatem, & 1. *Prognost.* 69. ex nullo morbo senes magis, quàm natu minores, conualescere, ne dum posse citius humorem suppurare: tamen hic aliquot causæ concurrunt, cur senes minus periclitentur, quam pueri. Primò enim humores in senibus sunt frigidiores, & propterea inflammationes, quæ in iis generantur, non sunt exquisitæ, nec tantum dolorem excitant. Deinde pueri ob sensus acrimoniam minus dolorem sustinere possunt: Senes verò habent sensus hebetiores, & propterea dolores non ita sentiunt. Atque inde accidit, ut inflammationes aurium in pueris rarò ad suppurationem veniant, sed pueri ferè moriantur ob doloris vehementiam, antequam ad suppurationem veniat inflammatio.

4. Si inflammatio aurium in partibus interioribus hæreat, cum magno periculo coniuncta est; cum nervus ἀκοῦστος sit affectus: vel si sanetur, difficultatem auditus relinquit.

5. Abscessus aurium, qui crisis modo obtingit, si accadat ante coctionem, & die non critico, & cum aliis signis malis, periculosior est & contrà.

Indicationes & Curatio.

Generalis inflammationes curandi ratio & hic rectè applicanda est. Primò ergo reuellentia vsurpanda: inter quæ valde utilis est venæ sectio, & quidem venæ Cephalicæ, quæ etiam, si inflammatio maior sit, repetenda. Aliis quoque modis sanguis ad aures fluens reuellendus, cucurbitulis, frictionibus. Humores etiam biliosi, si admixti sunt, expurgandi.

Repellentia hic, nisi ingens sit dolor, vix adhibenda sunt, ne materia intrò conuersa cerebrum & membranas eius inuadat; nisi forsan pauca sit humoris quantitas, è qua nulum cerebri malum vereri oportet. Et sint potius, quæ adhibentur, saltem mitigantia dolorem, & refrigerantia, quam astringentia. Qualia sunt, lac muliebre, succus auriculæ muris, succus cucurbitæ, cum modico aceti, mucilago sem. psyllij, cydonior. aqua rosar. extracta.

Vbi tamen repulsione opus, tale vel simile instilletur.

℞. Ol. rosar. vel violar. ʒ. iij. aceti rosacei ʒ. vj. nitri præp. ʒ. j. M. Potius reuulsionibus præmissis adhibeantur ea, quæ materiam concoquere & simul dolorem lenire possunt.

Vt ℞. Lenticul. palustr. M. ij. medull. panis in lacte muliebri infusi ʒ. iv. F. Cataplasma, quod auri applicetur.

Vel ℞. Maluæ vtriusque, violar. lactuca, salic. an. M. j. sem. cydon. maluæ an. ʒ. ij. flor. chamæmel. melilot. rosar. rubr. an. p. ij. Coqu. & decocto aures foueantur.

Vel ℞. Ol. rosar. nymphææ an. ʒ. ʒ. mucilag. sem. psyllij, cydonior. an. ʒ. iij. lact. muliebr. succi papauer. vel solani an. ʒ. ʒ. Misceantur & auri applicentur, atque aliquid auri instilletur. Si addatur farina & puluis flor. chamæmel. fieri potest Cataplasma. Reliquiæ tandem discutientibus tollendæ.

Verùm si perseveret morbus, nec materia resolui possit, sed ad suppurationem tendat, quod ex dolore, pulsatione & febre aucta cognoscitur, suppuratio adiuuanda maturantibus adhibitis, quæ vim emplasticam habent, lenitèrque calefaciunt, calorèrque includunt, & coctionem

nem adiuuant : qualia sunt rad. althææ , lilior. albor. flor. chamæmel. meliloti , ficus , farina tritici , sem. lini, fœnigræc. & mucilagines eorundem , pinguedines animalium recentes , butyrum recens , oleum sesaminum cum croco.

Vel ℥. *Cepam rubram* num. j. sub cineribus assatam butyri ℥. R. ol. chamæmel. ℥. j. amygdal. dulc. ℥. R. croci ꝑ. j. Misceantur & calefacta Cataplasmatibus modo auri applicentur.

Vel ℥. *Fol. malvæ utriusque, violar. an.* M. j. flor. chamæmel. p. j. rad. althææ ℥. j. R. lilior. albor. num. j. caricar. pinguium num. iij. Coqu. in aqua ad molliem & contundantur. Contusis adde farine tritici ℥. R. sem. lini, fœnigræc. an. ℥. ij. pingued. porci gallinæ an. ℥. iij. butyri ℥. ij. ol. amygdalar. dulc. q. s. F. Cataplasma. Commendatur & hoc Cataplasma.

℥. *Rad. althææ, lilior. albor. an.* ℥. R. flor. chamæmel. melilot. an. ℥. j. Coqu. & contundantur minutim. Contusis adde farine sem. lini, fœnigræc. an. ℥. R. bdellij in aceto dissoluti ℥. iij, croci ℥. j. vitell. ouorum j. ol. sesamin. butyr. recent. an. ℥. ij. Fiat Cataplasma, ὀπός τε sunt ficus in lacte coctæ & cum axungia porci tritæ, item puls auenæ.

Si maturatum sit apostema , ruptio eius expectanda & procuranda, continuatis eiusmodi medicamentis. Nonnulli instillant succum cyclamin. aut ranunculi cum quadruplo lactis muliebris.

Vel ℥. *Succi cyclaminis* ℥. R. *stercoris columbini* ℥. j. lactis muliebris ℥. i. R. M. in aurem guttam vnam atque alteram instilla, & lana lacte muliebri tepido madida auris occludatur.

Abscessu rupto sanies eluenda , atque abstergenda hydromelite, melle rosato colato, decocto lupinorum , succo absinthii, marrubii, centaurii minoris cum melle, aut syrupo, vel melle rosaceo.

Fortius id præstat succus cyclaminis cum melle. Et tandem vlcus consolidetur & cicatrice occludatur , ideoque quæ maiorem exiccandi vim habent , thus, myrrha , aloë, sarcocolla addenda.

Verum de vlcere aurium in specie aliquid dicendum.



CAPVT III.

*De Ulcere aurium.**Aurium
ulcera.*

I Nflammatio auris abscessu rupto sæpe in vlcus de-
generat, quod peculiarem curationem requirit. Non
tamen solum ab apostemate seu abscessu rupto vlcus au-
ris gignitur, sed etiam à causis aliis. Sæpè enim acres &
mordaces humores siue in auribus geniti, siue è cerebro eò
effusi acrimonia sua aurem exulcerant. Nonnunquam à
fordibus aurium diutius coërcitis id accidit, quarum diu-
turna coaceruatione, præsertim si pituitosa sint, accedente
putredine, quemadmodum ex sanie suppressa, vermes gigni
possunt in auribus, quæ ὡς περ σκολικαὶ, aures vermiculo-
sæ nominantur. Interdum acris aliquis liquor, aut simile
quid forinsecus in aurem illapsum mordendo vlcus effi-
cit. Sæpissimè ab ictu vel à casu hoc fit, vt scilicet ad vul-
nus vlcus sequatur.

Ex quacunque igitur causa vlcus producat, solutio
illud est continui in aure cum sanie profluente. Interdum
tamen sanies ex auribus effluit absque ulcere, cerebro &
vicinis partibus ab excrementitia humiditate & fordida
illuuiè sese expurgantibus, quæ mora longa in tortuosa il-
la via in eiusmodi cænosum quid conuertitur, quod post
diuturnos capitis dolores, aut post ictum seu contusionem
capitis sine ulcere accidere solet. Ita fit, vt quibus cere-
brum valdè humidum & impurum est, iis ex affluxu sem-
per nouæ materiæ auris diu purulenta sanie fluat, quæ
πυορροῖντι ὡς περ Græcis dicuntur. Aëtio *tetrabibl. 2. serm. 2. cap.*
8L sunt aures absque exulceratione humectæ, quæ veluti
exsudent, & ferofam humiditatem excludunt, ad quas &
remedia quædam ibi exponit.

Differentiæ.

Differentiæ vlcera auris sumuntur aliæ à particula
ipsa auris, quam obsident, quæ vel externa est, & oculis pa-
tet; vel interna, membrana scilicet; vel tympanum auris,
neruus ipse auditorius, interdum & osseus ille meatus, in
quo

quo sicut & in aliis ossibus hæc vnitatis solutio *περὶ τὰς* propriè seu caries nuncupatur.

Aliæ ab ipsis vlceribus, qua ratione vlcus aurium vel recens vel inueteratum est; mundum vel saniosum, aut sordidum: quoddam præterea putridum, virulentum corrosium; aliud denique superficiale; aliud verò ita profundum, vt in fistulam abierit.

Signa Diagnostica.

Cognoscitur vlcus aurium ex sanguine vel sanie egrediente. Distinguendum tamen, vtrum sanies illa ab aure ipsa profluat, an à cerebro: Ab hoc quidem vel rupto in ipso apostemate, vel citra apostema, sanie è venis cerebri imprimis ad aures transmissa. Si enim sanies ab apostemate est rupto in cerebro, illa primò satis magna copia exit, deinde paulatim emittitur, donec omnis sit absumpta; præcesserunt etiam signa inflammationis cerebri, & capitis grauitas & dolor, quæ sanie exclusa remittunt. Ab apostemate verò in aure rupto dolor, qui præcessit, in aure magis, quam in capite perceptus fuit. Sin sanies absque apostemate cerebri in eius venis genito ad aures transmittatur, pruritus quidam in auribus sentitur, & sanies ipsa, postquam semel exhausta est; denuò coaceruatur, quæ, nisi liber exitus pateat, vertiginem & alia cerebri symptomata affert. Sed veri vlceris auris indicia sunt, dolor, ardor, punctio vehemens, quæ tactu exacerbatur, egressio saniei, interdum & sanguinis. Si in nervo auditorio vlcus sit, dolor acerbissimus adest vel præcessit. profundum vlcus pus copiosum & lentè emittit: mundum, bonam saniem; sordidum, crassam, copiosam; virulentum, saniem tenuem & citrinam; putridum, saniem foetentem; corrosium, sanguinem post saniem fundens: Fistulosum denique ex vlceris antiquitate, saniei virulentia, carnis callositate & duritie cognoscitur.

Prognostica.

1. In vlceribus aurium, sicut & aliis, pus & sanies spectanda sunt, quæ vlceris bonitatè aut malitiam arguunt. Pus enim vel sanies alba, æqualis, mediocris substantiæ, ita

ut non sit vna pars crassa, altera tenuis, vna rubra, altera alba, non foetens, vlcus non maligni nec prauis indicium est. Ex contrariis verò de prauo vlcere signum capitur.

2. Inueterata & diuturna vlcerà peiora sunt; quia facile in fistulam degenerant. Aliquando & ad os petrosum penetrant, quod detegunt, teste Auicenna.

3. Sanie recens effluente ab vlcere auris, cum prius capitis dolor, & sensuum perturbatio adesset, si hæc iam remittant, bonum est, & vlcus curatio paulò post speranda.

4. In vlcere humido diuturno non corrodeute, si non reficetur, metuendum est, ne *carisoma* excreseat, quod auditum obturet.

5. Vlcerà aurium, quæ ad os cranii pertingunt, rarò aut nunquam curantur; quemadmodum & fistulæ profundæ. Sæpe profunda & putrida eiusmodi vlcerà continuitate quadam ad cerebrum descendunt; Ideo Hippocrates, 6. *Epidem. sect. 6.* inquit, *Propter aures & ex auribus plerumque tertia die moriuntur*, hoc est, inflammationes, quæ circa aures sunt, ipsarumque inflammationes, & non tantum vlcerà serpentina, tertia die occidere solent.

Indicationes.

Generales Indicationes ex iis, quæ in genere de vlceribus traduntur, nota sunt, nimirum vlcus esse detergendum; quod amissum, instaurandum, & tandem vlcus consolidandum.

Atque hæc de simplici vlcere sufficiunt, corpore ab humoribus prauis vacuato.

Quod verò cum intemperie aliqua, aut cum corporis impuritate, aut cum phlegmone, aut cum calore insigni coniunctum est, hæc ipsa remoueri postulat, priusquam curationem recipiat, de quibus *cap. precedente* dictum est.

Speciatim, quia auris est membrum natura sua siccum (nam cartilaginibus imprimis & ossibus constat,) medicamenta quoque, ubi ad alienam qualitatem, ad humiditatem, scilicet lapsus est, sicciora requirit, ut & naturalis temperies ipsius conseruetur, & quæ præter naturam accessit, humida constitutio corrigatur.

Curatio.

Curatio.

Ulcera autem aurium interdum per se sanescunt, post puris effluxum sedatum: plerumque verò artis auxilium expetunt. Eluatur igitur auris vino calente veteri, vel solo, vel in quo lenticulæ aut rosæ ebullierint, repulsionis gratia, ut iubet Ægineta. Alij folia hederæ, & cortices mali punici addunt.

Postea leniter detergunt hydromel, succus absinthij, apij, marrubij, betæ, agrimonix, centaur. minor. cum melle aut syrupo, vel melle rosato; aut vinum, in quo betonica decocta sit: item decoctum hordei & lupinorum.

Vt ℥. Succi betæ ʒ. j. marrubij ʒ. ʒ. mell. opt. ʒ. vj.

Coqu. parum postea admisce syrupi absinthij ʒ. ij. vel extr. liquidi absinthij ʒ. ʒ. Misc.

Potest etiam admisceri fel animalium mitius, ut fel porci, veruecis, bouis castrati.

Fortius id præstant succus cyclaminis cum melle, vel aqua mellis, in qua radix hellebori albi prius ebullierit, additis, si maiore desiccatione opus sit, & ut putredo prohibeatur, thure, myrrha, sarcocolla lota, gentiana, & modico succi betæ.

Vel ℥. Succi cyclam. ʒ. j. myrrh. ʒ. j. croci ʒ. ʒ. thuris ʒ. j. viridis æris ʒ. j. vel ʒ. ʒ. vini antiqui ʒ. j. ʒ.

Bulliant leniter ad vini consumptionem: de liquore isto una atque altera gutta in aurem bis quotidie ad minimum instilletur, ac hydromelite iterum eluatur.

Efficax quoque est medicamentum, quod à Rhase in hunc usum descriptum est.

℥. Mellis ʒ. v. aceti ʒ. j.

Leniter bulliant ac despumentur, quibus adde viridis æris ʒ. iij. Liqueur auri cum gossypio immittatur, qui præsentaneum in auris ulceribus remedium. Vlcus etiam ad curationem deducunt pompholyx, tutia, cerussa in vino decocta. Suffitus quoque ex mastiche, thure, myrrha, ladan, gummi iuniperi, sarcocolla, galbano & similibus, per infundibulum auri immissus utilis est.

Vt ℥. Gummi iuniperi ʒ. ʒ. thuris, myrrhæ an. ʒ. j. sarcocolla, ladani an. ʒ. j.

M. F. puluis vel cum terebinthina F. pastilli.

Veteres ad detergendum & exsiccandum vtebantur glaucio ex aceto, quo Paulus recentia vlcera sanat: trochiscis item Polydæ, Andronis, vel Musæ cum sapa & modico aceti solutis. Et quod cætera superat medicamento, è scoria ferri cum aceto acerrimo trita vel cocta, vt docet Galenus, 9. *de simpl. fac.* & Aëtius. Habet hoc vim maximè ficcandi, & durioribus corporibus conuenit. Clementius redditur aliis præparandi modis de quibus Hollerius videatur, *Periœch. 3. ad lib. 3. Galen. de comp. med. sec. loc. cap. de ulceribus aurium*, qui Arabes melius præparare scribit. Scoriam enim tritam ex aceto lauant, hinc ficcant, ficcata iterum aceto terunt, rursusque, ficcant, & hoc septies repetunt. Postea in pollinem redigunt, coquantque longa coctione ex aceto acerrimo, dum ad mellis spissitudinem abeant, atque ita ficcant. Valescus de Taranta l. 2. c. 54. sequens ex Haly commendat, & scribit se eo Presbyterum, qui aurium vlcere & sanie 8. annos laborauerit, sanasse.

℥. Mell. 3. x. aceti 3. viij. Coquantur, & despumentur: deinde add. *viridis æris* 3. j.

Misc. & cum turunda auri impone. Potest & vnguentum triapharmacum vel Apostolorum in aceto & hydromelite dissolutum instillari.

*Vlcera
aurium
antiqua.*

Iisdem in diuturnis vlceribus aurium vti licet, abstersione tamen prius facta diligenter per leniora. Vbi crusta adest, curandum, vt decidat, ne in molem aucta auditum impediat. Valet etiam & efficacissimum est in vlceribus antiquis Ægyptiacum dissolutum cum vino vel œnolomelite, vel vrina pueri impuberis. Aëtius hoc medicamentum vtitur.

℥. Aloës, thuris, myrrhæ an. 3. ij. myseos 3. j.

*Excrescentis in
auribus
carnis re-
media.*

F. Massa cum aceto, quâ resoluta cum aceto aut rosaceo vtere.

Excrescentem in auribus carnem citra dolorem deprimat, cicatricemque obducit hoc ascriptum ab eodem medicamentum.

℥. Alum. scissi, myseos vsti an. 3. ij. æruginis terræ Lemniæ, gummi Arabici an. 3. j.

Tritis

Tritis iis cum aceto acerrimo F. Pastilli, qui vsus tempore cum vino vel aqua soluantur.

Mitius est, quod à Paulo in hunc vsum præscribitur, Nasturtij & nitri parum caricis excipitur exemptis granis, & de factis pastillis aliquid in aurém immittitur, quod post triduum rursus excernitur.

Si vlcus fistulosum sanie perpetua fluat, iniiciatur per idoneum instrumentum, vel clysterem auricularem, fel tauri cum vrina pueri impuberis: aut vinum, in quo decoctum sit thus, aut helleborus albus & mel. *Vlcus aurium fistulosum.*

Ad foetores aurium Aëtius primò mali corij & lentisci decocto vitur, quo aures illinit, postea inter alia fel vrsi liquidum instillat, aut si aridum sit, cum aceto & sapa diluit. Concedit & commendat etiam Ægyptiacum cum ad hanc tum ad similes omnes aurium affectiones. Vtilis est & succus oliuæ cum melle, aut betonica decocta cum vino, aut dracuntij succus cū melle, & vrina pueri impuberis. *Foetor aurium.*

Ad sordium in auribus duritiem soluendam idem inspergit nitrum torrefactum subtilissimèque tritum, postea acetum calidum instillat, & apposita lana pernoctare sinit, sequenti die aqua & oleo calefactis eluit.

Si sanies ab aure fluat, absque huius vlcere, ex cerebri magna impuritate, quod in pueris frequens esse solet, Aëtius misy linteolo inuolutum & sub prunis crematum, vnâ cum exusto linteolo terit, & per arundinem inflat; aut gallicis tritis linteolòque illigatis & exustis similiter vitur, aut alumine in testa vsto, & cum oleo trito.

Hæc & similia topica nonnisi purgato prius corpore & capite vsurpanda esse omnino attendendum.

Nonnunquam post ruptum abscessum pure etiam per aures excreto, dolor tamen permanet, quod indicium est, de sanie aliquid aut grumum sanguinis in profundo auris relictum esse, eamque materiam diuturnitate prauam & rodentem qualitatem contraxisse; aut à capite debili excrementitiam nouam semper materiam affluere. Tum igitur instandum mundificatione auris cum oleo amygdal. amaran. aut cum mulla adiecto felle tauri. Si suspicio sit de grumo sanguinis, prodest acetum tepefactum cum

cum melle optimo, aut cum oleo laurino, succo porri, addito lacte muliebri & oleo rosaceo.

Materia è capite in aurem fluente capitis simul ratio habenda erit, & materia ipsa, si mordax sit, attemperabitur; si crassa & viscida, incidetur ac detergetur, præmissis semper vniuersalibus, vacuatione nimirum, ab aure diuertentibus, gargarismis, apophlegmatismis, errhinis, sternutatoriis, caputque postea roborantibus adhibitis.



C A P V T IV.

De vermibus & aliis, quæ præter naturam in auribus hærent extrahendis.

*Vermes
in auri-
bus.*

Solent nonnunquam tum alia forinsecus illabi in aures, tum vermes quoque in has irrepere, præsertim dormientibus: imò etiam vermes interdum in auribus gignuntur; non solum ex sanie vlcera, sed & ex alia humiditate putrefacta. Ita Forestus *lib. 12. obseru. 8. in schol.* refert, se vidisse in iuvene febre acuta laborante vermes duos trësue ad formam granorum pini paulò crassiores ex auribus expulsos, iuuenemque sanatum fuisse. Nam, vt Aristoteles *2. de gener. animal. cap. 3.* scribit, non solum in feminibus animalium, sed etiam in excrementis spiritus quidam viuificus inest, elemento fiderum analogus, à quo ζωνικὴ ἀρχὴ ea accipiunt, quæ inde producuntur.

Nota.

*Signa
diagno-
stica.*

Signa autem vermium in auribus sunt titillatio & pruritus, dolor quidam mordicans, interdum & corrosiuus, quando vermes ad neruum auditorium irrepunt, ægri angustia & inquietudo; interdum & vermes ab aure egrediuntur.

Cura.

Siue igitur in auribus geniti sint vermiculi, siue in has irrepperint, opera danda est, vt extrahantur. Nam vt Rhases ait, si talia, siue vermiculi sint, siue aliquid aliud, diutius in aure relinquantur, præsertim vbi maligna aut venenata aliqua qualitate prædita sunt, acerbos dolores aut inflammationes aurium, atque hinc conuulsiones, & alia gra-
uia

uia πᾶσι concitare poterunt.

Qua ratione autem tum vermes, tum aliæ res præter naturam in auribus hærentes extrahendæ sint, dictum, *lib. 5. Institut. p. 1. s. 2. cap. 10.* quæ hic repetenda non censeo: pauca saltem addam. Galenus, si reliqua ad vermes illapsos necandos non conferant, sulphur viuum & calcem melle excipit, & cum aceto in aurem instillat. Necant & vermes succus absinthij; centaurij min. fol. persicor. vermicularis, cucumeris asinini. Nonnulli instillant succum sambuci, & cannabis. Alij radicem ellebori albi in vino infundunt & liquorem auri immittunt. Alij castoreum in aceto decoquunt, & calidè in aurem infundunt. Fumus etiam sulphuris per infundibulum exceptus vermes occidit. Chymici ad aurium vermes occidendos & extrahendos vtuntur ol. philosophorum guttatim instillato, quemadmodum & oleo coryli cum paxillo ♀ ij dulcis misto.

Exempli gratia.

℞ Pingued. caponis 3.℞. ol. coryli gutt. xv. ♀ ij dulcis ḡ. iij. Misc.

Vel ℞. Colocynthid. 3.℞. ellebori albi 3.℞. aloës 3.℞.

Cum succo persicariæ vel fol. persicor. Misce instar linimenti.

Si aqua in aurem illapsa sit, antiquum remedium est oleum auri infundere, & aurem pronam seruare. Aristoteles, *sect. 32. probl. 10.* duas huius rei causas affert, vnam, quod oleum lubricam reddat aurem; per lubricum autem facilè effluat humor aqueus, quia oleum facilè adhæret auri, propter lentorem; alteram, quia aqua facilè adhæreat oleo, ideo vbi oleum exit, simul aqua educitur. Verùm hæc rei naturæ non videntur consentanea. Neque enim oleum facilè adhæret aquæ, sed illam maximè auersatur. Ideoque probabilius est, cum oleum in aurem infunditur, & aurium partibus adhæret, aquam, vt sibi aduersam, non admittere, quæ propterea promptius effluit. Hinc etiam solent vrinatores oleo aures implere.

Est & alius modus aquam ex auribus extrahendi, si nimirum caulis cauus vel cannula anethi vel foeniculi sumatur longitudine quinque digitorum transversorum, & dimissa

*Aqua
auribus
illapsa.*

midia pars illinatur oleo, & gossypio circumuoluatur, & in fine gossypij apponatur circulus ferreus digitum latus, eo fine, ne ignis aurem attingat, postea cannula hæc, qua parte oleo non est illita, & gossypio caret, auri indatur, reliqua pars accendatur; si calor communicatur auri, & ab eo consumitur & exurit humilitas.

Quidam cum ad liquida tum ad arida extrahenda cucurbitam magnam affigunt, qua tota auris comprehendatur. Sed cum moderari ita illam tractationem non liceat, tutius est, exsuctionem, præsertim liquidorum, fieri ore per furingam aut cannulam perforata, cuius extremitas, quæ auri immittitur, gossypio, vel, ut Ægineta præcipit, cera diligenter sit præcincta, ne spiritui trahenti vlla parte foris transitus pateat. Plures modi videantur apud Arculanum in 9. *Rhasis* cap. 41.

Interdum nonnulli post exempta eiusmodi in aurem illapsa aliquandiu malè loquuntur, cuius exemplum Forestus, *lib. 12. obs. 13. in schol.* proponit, sed curauit illum infusione olei amygdalar. amarar. frequenti. Ita enim humores cum sordibus extrahuntur. Vide Hieron. Fabricium ab Aquap. de operat. Chirur. tit. de aurium Chirurgia.



C A P V T V.

De vulnere aurium.

Aurium vulnera. **A**ndem vulnera aurium quod attinet, cum organum auris maxima ex parte intus reconditum lateat, auris verò externa iniuriis externis pateat, vulnera magis auri externæ, quam internæ infliguntur.

De vulneribus autem aurium præter ea, quæ alias in genere de vulneribus traduntur, notandum, si cum cute cartilago sit transcissa, vulnúsque magnum sit, suendum esse, & cum externa auris è cute & cartilagine sit composita & temperamento sicco prædita, siccantia, & adstringentia requirit. Vitanda verò in aurium vulneribus omnia vinctuosa, crassa, grauiæ & emplastica, & ligaturæ arctiores. De quo Hippocrates 2. de articul. in fractura auris quodlibet vinculum

calum inimicum est, neque etiam ita laxum circumdabitur, quod si magis adstringatur, plurimum officit, quandoquidem integra auris sub vinculo adstricto doleat, pulsatione vexatur, atque inflammatione. Sed cataplasmata, quæ onerosa sunt, penitus aliena sunt, pleræque etiam noxia sunt, & abscessum excitant, plurimâsque mucositates, suppurationemque infestam reddunt, quibus minimè opus auri comminutæ. *Et post:* Vbi quis aurem secuerit, abstinere ab omni cataplasmate debet, mederi que vel medicamentis, quæ protinus cruentis vulneribus iniiciuntur, vel alio, quod neque onere lædat, neque molestiam offerat. Hæc Hippocrates. Vt verò vulnerata auris in suo naturali statu conseruetur, inter caput & aures gossypium ponendum, & in opposito latere cubandum.



CAPUT VI.

De sonitu & tinnitu aurium.

ATque hi sunt morbi, qui auribus accidere solent. Rumpitur quidem interdum etiam tympanum, sed quia malum id incurabile, nihil de eo dicemus. Iam ergo symptomata explicanda sunt.

Et primò actionem læsam quod attinet, auditus vel deprauatur vel imminuitur, vel aboletur. Auditus deprauatum est, quando aures citra omnem externi aeris commotionem intra seipsas sonant. Græcis ἤχθ & οὐερῦδος, Latinis sonitus, sibilus vel tinnitus aurium appellatur. Et si verò sanæ quoque auri accadat, vt admotâ propius caua manu, vel concha auri apposita leuem quendam susurrum intus percipiat: tamen medici sonitum aurium hic intelligunt, qui etiam citra talia obstacula externa intus sentitur, aure malè affecta, siue per se, siue per consensum, & à quo audiendi facultas offenditur, vt operam medicam desideret.

*Sonitus
& tinnitus
aurium.*

Nonnulli species appellationibus distinguunt. Arculano sonitus est generale; Tinnitus grauis & fortis sonus; Sibi

*Sonitus,
tinnitus,
sibilus
aurium
an differant.*

Sibilus acutus, tinnitus medius inter illos, vt pluuiæ, foliorum arborum. Fernello sibilus est extenui flatu leniter elabente; Tinnitus ex eiusdem cursu interrupto; Sonitus ex crassiore flatu plenius erumpente; Strepitus ex eiusdem valido impulsu; Fluctuatio ex humoris inundatione; quibus tamen appellationibus autores alij promiscuè vt solent. Prouenit illa sonorum diuersitas à crassitie aut tenuitate maiore vel minore; tum congeniti aurium aëris, tum materiæ imprimis aërem illum præter naturam impellentis; siue flatus sit, siue humor, quemadmodum dicetur.

*Tinnitus
aurium
quid.*

Tinnitus itaque aurium est sensus sonitus cuiusdam molesti intra ipsas aures, etiam cum foris omnia silent, Etsi enim sonitus ille internus per se leuis est & exiguus: tamen magnus esse putatus, quia in parte est cerebro admodum vicina.

Affectio ipsa est symptomata deprauatæ facultatis audiendi, quoniam facultas sentit id, quod sentire non debebat, & cuius causâ foris secundum naturam non offertur.

pars affecta est porus *ἀκουστικός*, ea maxima sui portione, qua neruum quinti paris expansum siue dilatatum excipit, prope labyrinthum & cochleam dictas cavitates; quæ nerui expansi portio; vel finis potius pori, vbi dilatato neruo coniungitur, præcipua auris pars est. Nam minus principales partes auris censentur membrana tympano obtenâ, ossa, quæ meatum osseum, & cartilagineas; quæ cartilagineum constituunt; tria verò ossicula intus, etsi alij vsus ab aliis iis asseribantur, tamen ad firmitatem potius & tutelam membranæ, cui connexa sunt, condita videntur.

Causæ.

Causam sonitus & tinnitus aurium plurimi aut in ipsam facultatem audiendi; aut obiectum aliquod internum, siue materiam, à qua facultas illa, eiusque organa moueantur, referunt.

Vitium facultatis dicunt esse sensum exquisitum nimis, quæ Galeno est *ἀκρίβεια τῆς ἀκουστικῆς αἰσθητικῆς*, leuem quoque impul-

impulsionem percipiens etiam internam. Cùm enim aër congenitus intus à validiore agitatione quiescat (aliàs sonum externum non agnosceret, nec discerneret, sicut crystallinus quoque in oculo coloris ipse expers colorata alia percipit) si levis aliqua impulsio à caussa siue interna, siue externa accadat, auditum acutiorem illam sentire statuunt. Acris autem illius auditus caussam esse dicunt calorem partis modum excedentem, quo aër congenitus facilè impellatur. Fieri etiam posse putant, vt meatus auditorius, à prima conformatione vel nimis patens sit, vel nimis, quam conueniebat tortuosus, vel membranâ tympani tenuior sit & sicciior, vel nerui auditorij textura rariior, à quibus illud sensus acumen existit.

Auicennas debilitatem facultatis addit, qua facultas ob dyscrasiam partis à qualitatibus omnibus, siue primis siue secundis promptè afficiatur, atque ita lenissimo etiam quolibet sono cum molestia & offensione percellatur: sicut qui à morbo conualescunt, ob debilitatem corporis relictam facilè à frigore aut calore externo offenduntur.

Verum vix credibile est, sensus *anæsthesia* symptomatici *An sensus acumen sit causa tinnitus aurium.* p. n. caussam, & actionis deprauatæ principium esse posse. Sit sanè, vt qui sensum habeat exquisitiorem alio, qui eundem obtusum habet leuiora obiecta percipiat: tamen obiectum etiam leue adsit necesse est, quod sensui offeratur, & cum qui ita docent, acrimoniam sensus à calore partis mediocritatem excedente deducant, facilè hinc patet, constitutionem illam non esse planè secundum naturam, sed à calore excedente agitationem aliquam fieri, & obiectum, quod sensui offertur, ab eo excitari.

Minus verò probabile est, quod debilitas auditus facere possit tinnitum. Perfectio enim auditus est, non debilitas exigua & leuiora obiecta percipere.

Quod verò conualescentibus interdum aures tinniunt, non ex debilitate auditus est, sed quia in conualescentibus multi vapores ob calorem debilem attolluntur, qui auditui oblatis tinnitus caussa sunt.

Igitur vnica tantum tinnitus aurium caussa proxima

*Causſa
proxima
tinnitus
aurium,*

est, Obiectum nimirum, siue materia intra aurem hærens, & facultatem præter naturam mouens.

Obiectum autem hoc, vt vulgata fert sententia, est πνιγμα φυσώδης, id est, spiritus flatulentus, siue ἀτμός, hoc est, vapor crassior, ex crassa & frigida plerumque materia resolutus, qui congenitum aurium aërem agitat & impellit. Spiritus ille flatulentus vel in auribus ipsis genitus est ex humore ibidem collecto vel aliunde auribus communicatur. Et quidem vel à toto mittitur, vt in febribus, per initia potissimum paroxysmorum, ob humorum incipientem in venis & visceribus ebullitionem; in crisi quoque per vomitum aut per narium hæmorrhagiam futuram, vel in parte aliqua, vt à cerebro præcipuè, à quo vapores & flatus auribus per quintum par. neruorum, & per venas ac arterias; ad aures deriuatas transmittuntur. A ventriculo item ἀτμοὶ fursum continenter ascendentes tinnitum aurium efficiunt. Item in biliosis famem diutius tolerantibus aures sonoræ fiunt, calore ventriculi in inopia cibi halitus ex prauis succis soluente, & in ebris quoque vapores ex ingurgitato potu ad caput magna copia alleuatis, qui dum exitum in angustiis illis quærunt, ad ossa & membranam tympani, expansumque neruum allisi tinnitus causâ existunt. Ab vtero denique, epate, liene, & visceribus aliis malè affectis euaporationem fursum fieri in corporibus cacochymicis & repletis minimè dubium est.

Nonnulli ab humoris in capite inundatione hoc malum oriri putant, vnde fluctuationis cuiusdam sensus auribus offeratur. Et flatus proxima materia semper est humor, à quo caloris vi ille resoluitur.

Auicennas etiam à saniei & puris in aure feruore & ebullitione sonitum in auribus accidere statuit.

Externæ causæ sunt, aëris nimia refrigeratio & calefactio patentibus auribus, nimia cibi repletio & crapula à vino, vnde cruditas in capite & toto corpore cumulatur, vomitus difficilis, fames, calore naturali in defectu cibi conuerso ad humores prauos in corpore, à quibus vapores noxij eleuantur, medicinæ quædam retinentes humores

res & flatus in capite; pharmacum commouens humorem, sed non educens, percussio in caput circa aures, fragor validus, qualis est tonitru vehementis & bombardarum.

Circa hanc tamen communem, quam modo exposuimus, de caussis sonitus & tinnitus aurium, sententiam quædam monenda videntur. Et primò quidem notandum, alium esse continuum, qui sæpe septimanas aliquot, & interdum menses, imò annos aliquot durat; alium verò subito, exoriri & subito euanescere, aut certè non diu durare. Deinde in ipso sono aliquam esse differentiam. Breuem illum aurium sonitum à vapore tenui oriri, extra dubium est; cum ille è capite per angusta aurium foramina erumpere conatur, qui sonitus, nunc strepitus, nunc sibili, nunc tinnitus modum refert, prout ille per angustiores vel latiores, rectos & tortuosos meatus vagatur & mouetur.

Verùm cum sonitus aurium sæpe non solum aliquot septimanas, sed & menses ac annos duret, & quidem continuo, ac sine vlllo interuallo, vix à vapore exitum per auditus organum sibi quærente is fieri potest, cum vaporis continua talis generatio nulla esse possit. Ideoque continui illius sibili causa quærenda videtur in arteriola, quæ aurem subit, si illa copioso & calidiore spiritu impleatur. Tunc enim pulsu validiore subito in auribus sonus talis percipitur. Eodem modo sicut si quis digitum *ad supragan-* imponit, talem strepitum in arteria percipit.

Potest forsàn & alia huius rei ratio reddi, quæ pendet ex explicatione quæstionis, cur nimirum manu caua vel concha, vel alia re caua auri admotâ sonitus etiam in sanis percipiat. Alij rei huius causam esse putant, quia aer implantatus semper moueatur, motus verò eius non percipiat, nisi aure tecta. Alij verò aërem implantatum naturæ suæ immotum esse statuunt, sonitum verò illum manu caua vel concha auribus admota fieri, quia aer, qui in anfractibus aurium continetur, semper natura sua exilire conatur, & sese diffundere, vnde cum ab obstaculo cohibetur, impingit, & hinc fit sonitus. Et quidem verò non videtur absimile, aures cum sint anfractuosa &

Diuturni aurium sonitus causa.

Cur manu caua auri admotâ sonitus percipitur.

cauernosa, in cauis suis spatiis aërem continere, qui à calore auris agitatus erumpere conatur, ac si cohibeatur ab aliquo obstaculo, percussus sonitum facit. Tamen etiam non videtur absurdum, cum calidum innatum auris sit aëreum, & à spiritu ἀκυστικῷ eiusdem naturæ moueatur, spiritus verò ille influens sit in perpetua generatione & motu, ab aëris illius motu, si ad obstaculum aliquod impingat, sonitum fieri posse. Et quidem non solum ab obstaculo externo, puta manu caua, aut concha id fieri potest, verum etiam ab humore aures obstruente, aërisque illius motum impediēte. Atque ita inter causas sonitus etiam referenda videtur obstructio aurium, quam alij prætereunt, ob quam spiritus illi ἀκυστικῷ & aëris interni liber motus impeditur, & ad obstaculum allisione sonitus excitatur. Cuius rei argumētum est, quod plerumque cum sibilo aurium diuturno coniuncta est auditus difficultas, & sonitus aurium continuus tandem in difficultatem auditus & surditatem degenerat, quæ ex obstructione meatus auditorij ortum habet.

Differentiæ.

Differentiæ à forma sunt, quod malum hoc vel sibilus est, vel tinnitus, vel sonitus, vel strepitus, aut fluctuatio. Et Galeno in 3. de compos. medica. s. 1. vel paulatim colligitur, vel acuatim irruit; denique vel per intervalla repetit, vel continenter affligit.

Signa Diagnostica.

Externæ & antecedens quidem causæ ex ægro cognoscuntur. Et monet Galenus, loco allegato, adhibendum esse πρηνὲς quendam πρηνεσµὸν, ex causis procatacticis desumptum, quarum vi, sicut aliæ affectiones, ita & hæ varietatem suam accipiunt. Si paulatim malum caput, & recurrat per intervalla, sonitusque clarior sit, à flatu est plerumque frigidus & pituitosus, sicut pituita imprimis flatuum materiam esse consuevit; præcessit victus ratio, quæ pituitam & flatum coaceruauit, & causæ aliæ caput refrigerantes & humectantes. Si continenter affligit, ab aurium affectione est priuata; Per consensum verò, si subito inuadens per intervalla repetit. Et per consensum quidem cerebri, quando

quando capitis dolor & grauitas adest, & plures simul sensus sunt affecti. A consensu verò aliarum partium vel totius quando fiat, id suis signis etiam cognoscitur, & malum post inanitionem aut repletionem, post motum aut quietem, post vehementem calorem aut frigus quiescit, rursumque concitatur. Si à crassis & viscidis humoribus fiat, non repenti suboritur, sed paulatim increscit, estque sonus magis confusus, & fluctuatio atque grauitas percipitur. Præcesserunt cruditates, balneum intempestiuum & similia, ægerque calidis iuuatur. Si ab obstructione aurium fiat sonitus, est is diuturnus, & adest simul grauitas auditus. Si in febribus aut harum aliorumque morborum crisi sonitus aurium existat, à causis morbos illos excitantibus prouenit. Si fit ab apostemate, præcessit dolor auris & sanies continenter emanat.

Prognostica.

1. Leuissimum hoc malum est, vbi est ex grauedine; peius, vbi ex morbis capitisque longis doloribus incidit; pessimum, vbi magnis morbis venientibus, maximèque comitiali, prouenit, Celsus, *lib. 6. cap. 7.*

2. Si in febre ardenti sonitus aurium fuerit, cum oculorum caligine, proueneritque è naribus grauitas; mente ex melancholia aberrat, in 1. *Prorrhetic. aph. 18.* In Coacis addit; nisi sanguis ex naribus effluerit. Causas aphorismi Galen. in *Comment. Prorrhetic.* exponit.

3. Si in febribus sonitus aurium fiat, ex spiritu vel humore frigido & crasso, sponte sonitus ille cessare solet, absque medicamentorum usu, calore febrili materiam discutiente. Galen. in 3. *de compos. medic. s. l. cap. 1. sub titulo de sonitu aurium.*

4. Bombus, id est, tinnitus grauior in acutis & sonitus in auribus lethale. Hippocr. in *Coacis.* Si scil. in febre acuta sonitus ille ex inflammatione cerebri, vel ex vehementius commoto habitu corporis, ab incendio interno existat, & praua alia signa, præsertim mentis perturbatio coniungatur.

5. Pulsationes in capite & sonitus aurium, hæmorrhagiam narium significat. Hippocr. in *Coacis.* Commotione

enim feruentis & ad exitum concitati sanguinis suscitantur vapores, qui angustis aurium anfractibus sese insinuantes sonitum efficiunt.

6. Sonitum aurium ex sensus *anxietate* præsertim inueteratum non faciliè curari etiam statuitur. Galenus tamen quendam ex hac caussa laborantem se sanasse, stupefaciente ad accommodata alia medicamento admixto, 3. *de compos. medic. s. l. loco antea allegato* scribit, cap. i. tit. *de sonitu aurium*. Verùm quid de caussa hoc sentiendum, suprà dictum. Adfuit proculdubio intemperies aliqua calida aurium, & feruor sanguinis.

7. Si aurium tinnitus biennium vel longius durauit, rarò curationem admittit, sed plerùmque ad surditatem tendere solet; quod ipsum, vt suprà in caussis dictum, satis arguit, tinnitum talem aurium diuturnum, ab obstructione aurium prouenire.

8. Sonitus aurium ex vento boreali flante post austrinum, ex capitis pleni subita calefactione, ex fame item, vel cibi repletione faciliè remouetur. Difficilius ex plenitudine aliqua diuturna, vel ex resolutione virium, à nimia aliqua euacuatione.

9. Tinnitus aurium ex frequenti percussione in caput vel tempora, non faciliè curatur. Verti enim solet in surditatem, humoribus præ dolore ad organa auditus confluentibus, transitumque spiritus auditorij impredientibus. Quod ipsum etiam confirmat, tinnitum fieri ab obstructione aurium, spiritui auditorio transitum denegante.

10. Sicut surditas biliosorum deiectione finitur, 4. *aphor.* 28. ita & de tinnitu aurium pronunciari potest, si ex viscerum repletione ortum ille habeat.

Indicationes.

Si tinnitus aurium à calore immoderato & flatuoso spiritu in arteriola proueniat, vniuersalibus præmissis, refrigerantia conueniunt. Galenus narcotica quædã admiscet, vt diximus. Si flatus caussa sit, ille discutiatur & reuellatur. Si humor, præparetur & euacuetur: si sanies abstergetur, & educatur, si obstructio adsit, aperiatur. Externæ quoq; causæ, si quæ adsint, remoueantur, habita ratione semper totius & capitis.

Curatio.

Pro varietate igitur caussarum, à quibus sonitus aurium existit, alio atque alio modo curatio instituitur. Et quidem si malum sit ab intemperie calida & sanguine ac spiritu feruidiore, vtimur refrigerantibus & humectantibus; vt decocto hordei, violarum, lactucæ, nymphææ, papaueris albi, pro fomento. Validiora sunt, succus portulacæ, mandragoræ, papaueris albi. Galenus ex Archigene, castoreum & semen cicutæ, trita in aceto in aurem immittit. Alij euaporatione ex semine cicutæ in aceto cocto excipere iubent. His non conferentibus, vtendum opio, sed exigua quantitate, & cum magna cautione opij ḡ. j. in olei rosacei ʒ. ʒ. dissoluto.

Si ex humore crasso & viscido affectus ortum habeat, totius corporis aut saltem capitis præmissa euacuatione, vt supra parte i. dictum, attenuantia & discutientia auribus adhibeantur. Quo in genere sunt oleum amygdal. amarar. rutæ, castorei auribus instillatum, vel solum vel cum melle mistum, aut oleum, in quo castoreum, cuminum, ruta, anethum, nigella, nardus decocta fuerint, quibus & parū aceti admisceri licet, si attenuandum sit. Aëtius castorei & spicæ nardi p. æ. cum aceto & ol. rosac. miscet & instillat. Prodest etiam ceparum aut porri succus cum lacte muliebri vel oleo rosaceo coctus. Vel oleum oliuarum coctum similiter in cortice colocynthidis. Experimento probatum est, prodesse vaporem aceti, & aceti cum felle bubulo. Item fel capræ cum succo porri. Alij pani recens cocto & ex clibano adhuc calenti spiritum vini affundunt, & panem auri applicant, vt vapor in aurem recipiatur.

Montanus sequens commendat oleum, eiusque gutt. j. manè & vesperi auri instillat, & deinde gossypio moschato aurem obstruit.

℥. milleped. num. xxx. Lauentur & bulliant in ol. amygdal. ʒ. ij. aceti ʒ. iiij. ad consumptionem aceti

Facta diligenti expressione Colatura vsui reseruetur.

Aut ℥. Pulpæ colocynth. ʒ. ʒ. succi rutæ, maioran. an. ʒ. j. cumini, carui an. ʒ. ij. Coqu. in vino oleo amygdal. amar. ad vini consumptionem. De expresso & colato aliquid in aurem immittatur, aurisque bombace moschato obturetur.

Vel ℥. *Elleb. albi* 3. iij. fol. *lauri rutæ fraxini* an. M. ℞. Coq. in ol. *amygdalar. & Colentur.*

Vel ℥. *sem. porri, caryophyllorum* an. ʒ. j. mosch. ḡ. v. Cum succo *maioranæ & rutæ.* Misce & auri instillato.

Aut ℥. *nitri, myrrhæ* an. 3. j. *ellebori albi* 3. ℞. *castor.* ʒ. j.

Terantur cum oleo rosaceo & aceto p. a. & guttatim in aurem immittantur.

Commendatur etiam valdè fel lucij piscis, quod nonnulli ita præparant.

℥. *fella lucior. recent.* num. iij. Indantur vitro, quod diligenter claudatur, & fermento obducatur, ac in clibanum ponatur, & tam diu coquantur, donec panis sit coctus. Liquoris, qui in vitro inuenitur, vesperi & mane gutt. iij. auri instillentur.

Efficaciora hæc erunt, si prius euaporatio fiat ex sequenti decocto manè & vesperi.

℥. fol. *calaminth. maioran. centaurij minor. rorismar.* an. M. ij. *baccar. iuniperi electar. fol. lauri, absynth.* an. M. ℞. *lupinorum* nu. xij. *lumbricorum vino lotorum & in sindone ligatorum.* p. ℞.

Coqu. in s. q. aquæ & duplo vini albi ad consumptionem tertiæ partis. Colatura pro euaporatione seruetur. Quâ dum æger vtitur, fabas aut pisa aliquot in ore detineat & mastice, vt patente ita meatu auditorio fumus magis penetret. Sacculus etiam parari potest ex foliis *saluiæ, betonicæ, maioranæ, rutæ, hyssopi, calaminth. floribus chamæmeli, stoechad. Arabic. fol. pini & lauri, sem. carui, anisi,* qui calefactus auri post euaporationem & liquoris instillationem imponatur. Qualis est sequens,

℥. fol. *maioranæ, saluiæ* an. M. ℞. *rutæ* M. j. *absynthij, summit. anethi* an. p. ij. *baccar. lauri* 3. j. *granor. iuniperi* 3. j. ℞. *sem. cymini* 3. j. *carui* 3. ℞. *fl. chamæmeli* p. ij.

Concisa indantur sacculis duobus ex tela lineâ paratis.

Profunt quoque pulueres & tabulæ, quæ flatus discutiant, à coena sumtæ.

Non etiam omittendum, quin lenibus clysteribus aluus interdum eluatur, ne retentis excrementis noua in capite materia colligatur.

Ad Tinnitum aurium inueteratum, qui surditatem minatur, Montanus vititur olei de pice, olei amygdal. amarar. an. 3. ℞. & mixta guttatim frequenter instillat, quo & cerebrum confortatur. Et omnino destillata olea ex plantis modò enumeratis efficacissima sunt. Maximè etiam sterutamenta ad tinnitum aurium curandum vtilia sunt. Monendum autem de topicis istis, commodissimè tempore matutino & ante coenam adhiberi. Cubitum enim iturris caput vaporibus repletum est, parùmque commodi è medicamentis eiusmodi sperari potest. Reliqua ex iis, quæ capite sequenti de auditus grauitate & surditate dicentur, & supra de intemperie aurium cum humore frigido dicta sunt, patent.

Si in febribus tinnitus aurium fiat, aut in harum ad crisin apparatu, sinendus est, nihilque adhibendum, donec morbus finitus vel crisis absoluta sit; quia, vt in prognosticis diximus, plerumque sponte sua sedatur, præsertim post crisin. Si quid superest, discutiente remedio vtendum, quale est absinthij decoctum ex aqua & pauco aceto pro fotu; aut decoctum eiusdem ex oleo rosaceo instillatum. Si quæ caussa externa adest, illa quoque amouenda erit.

Si ex partis alicuius consensu malum oriatur, parti, quæ primò afficitur, succurrendum, vt supra parte 1. cap. 6. dictum.

Diæta.

Diæta in genere medicamentis pro varietate caussarum respondeat. Abstineat æger à potu liberaliore vespertino, & sub ingressum lecti capiat cochlear j. de semine carui in aceto macerato & exsiccato, vel tantundem seminis fœculi, anisi, coriandri. Vel his commixtis addatur aliquid macis, cinamomi, & cum duplo sacchari vsurpetur. Nonnunquam parum æger mithridat. sumat, aut de speciebus plirarchontic. vel diamoschi dulcis, si malum à frigido ortum sit. Qui vino assueti sunt, iis diluatur cum aqu. semin. coriandri præparati. Aures æger occlusos habeat, & munitas aduersus frigus & ventos. Cogitationes & animi nimia intentio vitanda. Frictiones extremorum semper

commodæ sunt & matutinæ exercitationes. Pectinationes item capitis, corpore & capite prius euacuato. Venus in hoc malo valde noxia, illudque inducere potest.

*Obandi-
tio.*

Cognatum sonitui aurium vitium est, quod Græci *πάρεσις*, Latini Obanditionem vocant, compositum quasi ex deprauato & graui auditu vitium, quo auditus confusa percipit, non aliter atque visus aliena cernit in suffusione ex consensu ventriculi orta. Existit illud ab vlcere non probè exterfo & consolidato, quando spiritus per arterias impulsus auditum impetu suo offendit. Fit etiam in summo febrium ardore, vaporibus per arterias in caput ad aures effusus. Denique sine febre, dum è visceribus impuris calida copiosaque euaporatio continenter in caput effertur.



C A P V T V I I.

De graui auditu & surditate.

*Gravis
auditus.*

P *Ἀγνοία & δυσνοία & ὑποκώφωσις*, Latinis grauitas & difficultas auditus, & *κώφωσις*, id est, surditas solum magnitudine causæ differunt, ideoque vno capite de his agemus. Si æger solum sonos magnos audiat, leues verò non percipiat, *βαρυνοία & δυσνοία & ὑποκώφωσις* nominatur. Si verò neque magnos neque paruos percipiat, Surditas nominatur. Estque surditas miserandum malum. Cum enim aures sint quasi porta mentis, per quam menti ea intrömittuntur, quæ doctrinæ & institutioni traduntur, ad vitam coram Deo & hominibus rectè transigendam: miserum eum hominem esse necesse est, qui audiendi facultate destitutus adminiculo hoc ad salutem æternam & ad præsentem incolumitatem vri nequit. Miserriores adhuc sunt, qui simul cæci sunt. Miserrimi, qui cæci, furdi, muti. Cuius rei exemplum habetur apud Platerum, *lib. 1. obseruat.* de quodam Abbate, qui ex lue venerea cæcus, mutus, surdus factus, mentem aliorum non alio, pacto intelligere & percipere potuit, quam illi supra brachium nudum literas digito vel ligno sententiam aliquam exprimentes

mentes ducendo, ex quibus singulis sensu perceptis verbum, atque ex pluribus verbis sententiam colligebat.

Surditas nimirum functio auditus est abolita; grauitas diminuta: atque ita vtraque affectio est symptoma in genere læsarum functionum animalium, atque in his facultatis audiendi.

Surditas.

Causæ.

Quia verò ad auditum perficiendum requiruntur & ipsum audiendi instrumentum, auris, & spiritus animales, & qui ad hunc defert, nervus ἀκουστικός: Causæ etiam læsionis auditus quærendæ sunt vel in spiritu animali, & nervo eum deferente, vel in auditus organo.

Primò ob vitium spiritus læditur auditus, cum in cerebro vel non generatur, vel ab eodem non transmittitur, vel à nervo auditorio, qui spiritum illū aduehere debebat, non deferitur. Cerebri vitium generale est, & ab eo, ut reliqui sensus, ita etiam auditus læditur. Si verò è nervo ἀκουστικός extra cerebrum, & in eius ad aurem progressu causæ mali hæreat, auditus, non reliqui sensus, afficiuntur. Fit hoc sæpe in prima conformatione, dum vel ille non rectè formatus est, vel non rectè ductus, vnde surdi ab infantia fiunt, vel ab obstructione, vel à tumore aliquo.

Oritur & grauitas auditus à spiritibus factis paucioribus, crassis & impuris, siue ex errore victus tales gignantur, siue ex ambiente aëre. Hinc venti Australes auditui nocent.

Organum verò auditus quod attinet, quodnam illud sit, dictum in Institutionibus, quæ hîc repetenda non censuimus. Ut rem paucis complectamur, cum instrumentum auditus primum non possit esse nisi pars corporis vivens, res eò videtur redire, ut instrumentum auditus primum sit nervi auditorij ea portio, quæ meatui interno implantatur, vel potius, ut Galenus ipse definit, 1. de sympt. caus. cap. 3. τὸ ἔνδον πέραν, hoc est, externus finis, siue extremitas pori acustici, vbi extremitas illa dilatati nervi auditorij portionem excipit. Cùmque eo loci σὺμφυλον aurium aër contineatur, verisimile est, Galenum ipsum etiam mentione τὸ ἔνδον πέραν complexum esse. Ut enim

Auditus
instru-
mentum
proximū.

enim visus organum lucidum est , vt obiecto respondeat: ita organum auditus aëreum. Et neruus auditorius , qui vt alij nerui communis soboles est cerebri , ad sonos speciatim percipiendos contrahitur & determinatur beneficio proprij & peculiaris sui organi , quod aër aurium est congenitus, seu calidum, & spiritus aurium insitus naturæ aëreæ. Auditio enim non fit , nisi illa extremi aëris commotio interno aurium aëri communicetur per tortuosos aurium anfractus, vbi membranæ tympani allisus aër externus qualitate soni affectus internum aërem ferit , qui deinceps ministro neruo auditorio ad cerebrum sentiendi principium sonum transmittit.

*Nerui
auditorij
morbi.*

Vitium verò nerui auditorij iam expansi & in aurem dilatati ferè à communi caussa semper dependet. Si enim ille neruus non rectè sit conformatus , vel non rectè auri inferatur , spiritus ~~auditus~~ in aurem transire non potest: quod etiam accidit, si neruus idem obstruatur, vnde auditus læditur ; & præterea implantato aëri necessarium alimentum & comæatus, quo fouetur, denegatur. Si verò humores vitiosi quicunque ad aurem ferantur, & obstruere interdum meatum possunt , & aërem illum inquinant, crassumque & impurum reddunt, & ad præstandum suum vsum ineptum. Materia illa plerumque est frigida & pituitosa, nonnunquam & biliosa, vt ex 4. *aphor.* 28. patet , vbi biliosas deiectiones surdis prodesse Hippocrates docet. Interdum & sanguinea : siquidem surditatem, quæ crisin scilicet comitatur, quoque fieri ex sanguinis per aures fluxu compertum est.

Mittitur autem illa ad aurem interdum à toto corpore, vt in febribus , solètque talis surditas vel difficultas auditus crisin antecedere, vapore vel humore ad aures detruso; quæ auditus læsio peracta crisi sponte cessare solet.

Aërem quoque congenitum crassum reddit & impurum vapor caliginosus & crassus sursum eleuatus aëri innato sese permiscens, & non solum citra hunc oberrans, & tinnitum aurium, qui auditus grauitatis & surditatis præludium est , excitans , verum etiam eidem sese permiscens.

Si tamen sit humor crassus vel copiosior, nonnunquam etiam post crisin difficultas auditus adhuc durare solet. Interdum etiam sine crisi à toto corpore ad aures materia mittitur. Aliàs materia, quæ auditum lædit, plerumque crassa & pituitosa est, atque à cerebro præcipuè prodit alimentum suum probè non coquente & excrementis abundante. Vt in alias partes, ita & in aures è capite materia catarrhosa fluit, & se in interiorem auris cauitatem per foramen, quod neruus auditorius transit, insinuat; id quod senibus propter excrementorum pituitosorum copiam familiare est. Obiecto proprio etiam, sono scilicet violento & nimio, subitò & affatim per aurem ad cerebrum vsque penetrante, offenso neruo, spiritibusque dissipatis surditatem introductam fuisse obseruatum est.

Reliquas auris partes quod attinet, meatus auditorius externus, vsque ad tympani membranam nihil præter aërem continet, isque nonnunquam obstruitur vel totus, vel ex parte, & obstructus potius difficilis auditus, quam surditatis, causa est. Fit verò obstructio vel ab externis rebus, quales sunt lapilli, nuclei, vermes, aqua & similia; vel tumore aliquo & tuberculo in meatu illo post vlcus nato. Nonnunquam etiam sordes aurium, seu naturalia illa aurium excrementa, si diu retineantur, & incrassentur, aures obstruunt, præcipuè, si, quod interdum accidit, auriscalpio ad tympanum vsque propellantur, ibique hæreant, ut non faciliè excerni possint.

*Meatus
auditorij
morbi.*

Membrana quoque tympani, quam *myringam* vulgò appellant, auditui obesse potest, si vel ab externo aëre frigidò (ut frigidum omnibus neruis & membranis inimicum est) contrahat frigiditatem, vel narcoticorum usu obstupescat, (quæ tamen vitia, si actio causæ vehemens sit, etiam penitioribus partibus communicari possunt) vel redditur crassior, quod inflammatione in cerebrum conuersa accidere solet; vel ab humoribus affluentibus nimium humectatur, & crassior euadit; quæ satis frequens causa est difficultatis auditus in senibus. Vt enim oculorum tunica in senibus crassescunt, & obscuriores fiunt: ita etiam proculdubio ætatis progressu hæc membrana aliquam mu-

*Membrana
auris
morbi.*

tationem suscipit. Eadem nonnunquam rumpitur vel tenditur & laxatur vi externa, vt ab auriscalpio vel alia re violenter immissa, sonitu tubarum, & vehementi clamore, eroditur ab vlcere. Ita etiam si officula illa tria, quæ membranæ huic adiacent, loco dimoueantur, ictu vehementi, sonitu, vel humoris alicuius affluxu, vel quacunque de causa, grauitas auditus vel surditas sequitur.

Signa Diagnostica.

Verùm ista causarum varietas suis signis discernenda est, vt curatio rectè institui possit. Si primò vitium sit in cerebro, epilepsia, lethargus, apoplexia præcesserunt vel adsunt, & aliæ animales facultates simul læsæ sunt. Si autem in solo neruo auditorio sit vitium, reliqui sensus integri erunt. Præcessit tamen aliqua cerebri debilitas, diuturnus capitis dolor, & similia, quæ excrementitios humores in cerebro collectos & ad neruum auditorium delapsos testantur. Ita quoque si aër impurus sit, signa aderunt imbecilli & excrementis repleti cerebri, aut æger versatus est diu in aëre impuro, qui spiritus turbidos & impuros reddit.

Vtrum verò excrementitij humores, qui neruum obstruunt, & aërem implantatum inquinant, à toto, vel à cerebro tantum prouenerint, propria signa testabuntur. Si à consensu ventriculi fiat, ægri acutius audiunt ventriculo ieiuno, & vacuo magis, quàm pleno. Præterea malum per interualla repetit. Ab aëris etiam vel spiritus vitio vix omnino surdi euadunt, sed surdastris, surdis tamen finitimi. Criticus motus in morbis latere non potest. Obstructione etiam in neruo, & meatibus internis sensim factam esse, indicio est, si capitis dolor diuturnus, sibilus, & aurium tinnitus, lethargus, apoplexia, & affectus similis præcesserit; & natura morborum præcedentium naturam humoris obstruentis declarabit. Si calidus humor causa sit, dolor acutissimus accidit, adest febris, & calor in aure percipitur. Si verò ab humore sit frigidus, dolor absque sensu caloris & sine febre est. Si obstructio sit in externo auris meatu, oculis id facile cerni & instrumentis explorari potest. Et si aliquid extra immissum sit, ex relatione ægri cognosci

cognosci poterit. Ita quoque facile patet, si phlegmone adsit vel ab ulcere relictum tuberculum crassum. Si in membrana tympani sit affectio, dolor vehemens præcessit, vel vulnus, à quo cicatrix in membrana relicta.

Verùm cum adeò exactè semper cognosci non possit, an in neruo auditorio extra aurem, vel in aure, & in qua parte auris vitium hæreat, vtilissimum fuerit, discernere, an à causis internis vel externis malum pendeat. Si enim quid in aurem missum sit, externum meatum obstructum esse, indicio est. Si vulnus præcessit, vel vehemens sonitus, membranam tympani ruptam vel laxatam, aut ossicula illa loco suo mota esse, argumento est. Si causa verò externa absit, an aliquis morbus præcesserit, considerandum. Ille enim facile humoris naturam indicabit, qui rursus curationem præscribit. Etsi in qua auris determinata particula hæreat, non ita perspectum est. Si verò nullus morbus præcessit, an subito vel sensim surditas vel difficultas auditus orta sit, inquirendum. Illud enim à calido facilius humore, hoc à frigido accidit.

Prognostica.

1. Grauitas auditus non contemnendum malum est. Temporis enim progressu paulatim incrementum sumens in perfectam surditatem degenerat. Galenus 3. de compos. medic. s. l. cap. 3. titulo, ad auris grauitatem.

2. A primo ortu, aut post ortum diuturna & perfecta surditas orta non curatur; quæ verò non perfecta est, sed tamen diuturna, nec ipsa curabilis, aut difficulter admodum curatur. Paulus Ægineta lib. 3. c. 23.

3. Obstructio in meatu externo facilius tollitur; difficilius in meatu interno, & meatu auditorio, præsertim, si sit consummata: & difficilius soluitur obstructio, quæ à pituita est, quam quæ est à bile.

4. Membrana tympani rupta, vel cicatrix ab ea relicta, aut ossicula luxata non curantur.

5. Surditas in febribus, & vrina absque sedimento, in quibus crassa quædam sublimè petunt, mentis alienationem significant, 1. prorrhet. comm. 1. aph. 31.

6. Surditas in acutis & malignis febribus non semper malum

malum signum est, sed sæpè bonum; cum scilicet cum bonis signis coniuncta est, & delirium ac symptomata remittunt: id quod sæpe obseruauimus. Denotat enim materiam è cerebro ad exteriora propelli.

7. Quibus deiectiones sunt biliosæ, superueniente surditate cessant; & contra quibus surditas adest, biliosorum deiectione finitur; 4. *aphor.* 24. Eodem libro, *aphor.* 60. addit, surditatem eiusmodi in febribus sanguine quoque è naribus fluente solui. Materia enim surditatem efficiens vel ad aures retrahitur, vel à cerebro ad venas colli atque hinc ad cauam, & tandem per epar ad intestina derivatur.

8. Surditas in acutis & turbulentis morbis, mala, 1. *proverb. comm.* 1. *text.* 32. extincta scilicet per morbi vehementiam audiendi vi, aut humoris prauæ copia cerebrum & aures occupante.

9. Et omnino melius est, si surditas delirium, quam si delirium surditatem sequatur. Melius enim est materiam ab internis ad externa, quam ab externis ad interna conuertere. Et si mala symptomata, ut vomitus, vigilæ, & similia surditati coniungantur, delirium & morbum periculosum significant.

10. Surditas per interualla crescens & decrescens vel ab humore tenui & exigua est, qui interdum minuitur, vel à flatulento spiritu, quæ surditas etiam facilius curatur.

11. Surditas, quæ per idiopathiam aurium genita est, difficilius curatur, quam per sympathiam.

12. Ex surditate mansuetæ parotides existunt, cum aliàs, tum si quid fastidiosi superuenit; sed & comate superueniente magis fiunt parotides. Hippocrat. in *Coacis*. Itaque surditas & coma commune signum sunt desipientiæ & parotidum. Nam in materia calida & acutiore magis desipientia, in non ita acuta, & quæ cruda est, magis parotides accidunt, utraque verò proprium signum est translationis materiæ in caput.

13. Quibus surditas adest cum capitis grauitate & hypochondrij tensione, & oculi ad splendorem perturbatione, iis sanguinis profluium significat. Hippocrat. in *Coacis*.

Indicationes.

Pro varietate caussarum etiam hinc Indicationes & cura variant. Si externus ille aurium meatus obstructus sit, impedimentum illud obstructionem pariens, qualecunque etiam sit, tollendum. Si ab humoribus vitiosis vel aer congenitus inquinetur, vel aurium meatus obstruatur, materia excrementitia debito modo euacuanda, nisi post crisin sponte sua cedat. Si facultas læsa sit, ratione nervi auditorij, adsitque obstructio, causa hanc fouens ac conseruans auferatur: Si ratione cerebri, huic legitima curatione prospiciatur.

Curatio.

Cum verò frequentissimè ab humore pituitoso accidat surditas, si sanguis simul abundet: vena aperiatur. Si verò venæ sectione opus non sit, humor mox præparetur & euacuetur iis medicamentis, quæ supra *part. 1. cap. 10. de Intemperie capitis* cum pituita fuerunt proposita. Et purgatio per interualla repetatur. Et quidem in surditate medicamenta purgantia & frequētiora & fortiora sint, quam in graui auditu. Corpore toto euacuato, caput etiam euacuetur apophlegmatismis, gargarismis, errhinis. Idemque exsiccetur sacculis, lotionibus & aliis medicamentis, quæ etiam *ibidem* fuerunt proposita. Ad totum corpus euacuandum, & humores, flatus ac vapores etiam in capite discerniendos valde vtilis sunt thermæ, & quasdam peculiari vi grauitati auditus & surditati conferre creditur, & imprimis sulphuræ commendantur; in quibus æger non solum lauet, sed & spongia ampla, vel quæ totum caput tegat, capite imposita aquam thermarum per epistomium effluentem embrochæ modo excipiat. Inter particulares capitis euacuationes imprimis vtilia sunt masticatoria, quæ non tantum, dum excrementa cerebri euacuant, præstant, ne materia ad aures fluat, sed & per foramina in basi caluariæ auditus organum subeuntia expurgatio humorum aures obstruentium iis fieri potest.

Vtilia sunt & errhina. Sternutatoria tamen hic non vique adeò tuta sunt; cum incertū sit, quò motus humorum ex agitatione illa vehementi concitatus vergere possit.


Corpore toto & capite euacuato Topica etiam auri-
bus applicentur & instillentur, quæ cum supra cap. 1. de
Intemperie aurium sint proposita, ea hic repetere opus non
est, vnum atque alterum saltem addere licet.

Aqua origani ex sicca planta cum vino destillata com-
mendatur. Vtilis est & hæc aqua.

℥. Rad. raphani, porri an. ʒ. j. cyclam. ʒ. ʒ. Bellebori albi
ʒ. j. origani ʒ. ʒ. Rutæ, maioran. an. ʒ. ij. flor. lauend. sem. fœniculi,
cumini, castorei an. ʒ. j. baccar. lauri Num. xv. fellis tauri ʒ. ʒ.
vini albi q. f. Macerentur aliquaudiu & destillentur.

Olea destillata vtilia sunt, rutæ, rorismarini, maiora-
næ, saluæ, seminis fœniculi, carui, baccarum lauri, ca-
ryophyllorum, cinamomi. Eadem etiam medicamenta lo-
cum habent, si à nudâ intemperie sit auditus grauitas. Fel
etiam animalium laudatur, & imprimis perdicum, quod
à proprietate prodesse dicitur, si imprimis cum olei succi-
ni parte æquali misceatur, & in aures immittatur. Crato
valde commendat aquâ carduibenedicti, cuius supra facta
est mentio. D. Brunnerus sequenti oleo frequenter vsus est.

℥. Ol. porror. nardini an. ʒ. j. castorei ʒ. ʒ. spir. vini ʒ. iij.
fellis tauri ʒ. ij. belleb. nigri ʒ. ʒ. nuc. moschat. salis nitri an. ʒ. j.
Ebulliant parû, & ad vsum feruentur. De quo oleo gutt. iij.
auri instillentur, aurisque gossypio, maci suffumigato, ob-
turetur, & sacculus ex sale, cymino & milio paratus, vel
modò dictus imponatur. D. Næuius sequenti oleo feliciter
vsus est. ℥. Fol. rutæ, serpilli an. P. iij. origani cretic. P. ij. fellis
apri in vesica sua exsiccati ʒ. j. euphorby ʒ. ʒ. Bellebor. albi, ca-
storei an. ʒ. j. lumbric. terrest. ʒ. ʒ. apum siccatarum ʒ. j. pulp. co-
locynth. ʒ. ʒ. ① preparati ʒ. j. Incisa & contusa grosso modo
infundantur in ol. amygd. amarar. ʒ. ij. Rutæ ʒ. j. aq. vitæ ʒ. x.
ol. laurini ʒ. ij. ʒ. Stent in loco tepido, per 2. vel 3. d. dehinc
bulliant ad aquæ consumptionem; postea colentur, & co-
latura seruetur. Vel ℥. Rad. raphan. maior. porri, ceparum an.
ʒ. ij. cyclamin. ʒ. j. belleb. alb. ʒ. ʒ. fol. origan. rutæ, maioran. an.
ʒ. ʒ. flor. anthos, lauend. salu. an. ʒ. ij. sem. fœniculi, cumini an.
ʒ. ij. baccar. lauri N. xxx. Contunde omnia grosso modo,
add. fellis vaccini ʒ. j. ʒ. Postea macerentur in vini opt. q. s. ac
randem destillentur.

Chymici Balsamum  laudant spiritu vini extractum: alij aquam è ligno fraxini destillatam. Capite euacuato clamores etiam & soni vehementiores, vt tubarum vtilis sunt. Calefaciunt enim meatum auditorium, & residuum humorem discutiunt, & locis illis impactum elidunt.

Si verò surditas, vel auditus grauitas sit ab vlcere aurium, eius curatio instituenda, vt supra dictum. Atque hic abstinendum ab oleis. Nam oleum est vlceribus inimicum, & maximè vlceribus aurium.

Si quid in aurem extra immissum eam obstruat, id eximendum, in Institut. & supra etiam fuit traditum l. d.

Tandem si à materia biliosa per febres, absque insigni aliqua instrumenti auditus læsione, auditus grauitas vel surditas ortum habeat, spontè ferè malum cessat, materia per aluum euacuata, vel per nares effusa, vt Galen. 4. aph. 6c. habet, vel etiam insensibiliter discussa. Si tamen malum duret, medicamenta bilem euacuantia adhibeantur, & debita victus ratio: auribus etiam instilletur oleum violarum, nymphææ, & similia, ne inflammatio excitetur.

Si verò citra febrem contigerit, bilioso redundante sanguine, curatio à phlebotomia inchoanda erit, venà humerali lateris eiusdem incisa; hinc humoris biliosi præparatio & purgatio instituenda; postea topica admoueantur: vbi vapor ex decoctione herbarum sequentium per infundibulum in aurem receptus prodest.

℞. Fol. salic. lactuc. malu. alth. an. M. j. flor. violar. rosar. an. p. ij. Concisa coqu. Vel iniiciantur guttulæ ij. aut iij. ol. lactuc. ex femine expressi, vel olei salicis, nymph. aut violarum, vel lac humanum cum albumine oui permistum immittatur. Vel sequens iniectio paretur.

℞. Succ. sedi maior. recent. 3. ij. lact. mulieris 3. j. M. Conclusi- *Regula*
onis loco saltè aliquot regulas generales, quæ in omnibus *in au-*
aurium morbis curandis obseruandæ, proponemus. *rium cu-*
ratione

1. Medicamenta, quæcunque auribus immittuntur, sint tepida, non intensè calida vel frigida.

2. Noua medicamenta non imponantur, nisi auris à sorde præcedentis medicamenti optimè expurgata sit.

3. Vna vice 3. vel 4. guttas immittere sufficit.

obseruan-

da.

4. Post medicamenti in aurem immiſſionem æger ſuper aure ſana iaceat.

5. Eligantur autem ea, quæ auribus immittuntur, quæ non valde vinctuoſa & viſcoſa ſunt. Talia enim in aures immiſſa, & in aurium anfractus penetrantia, vix iterum rectè extrahi poſſunt; ideòque quæ forma euaporationis & ſuffumigiorum adhibentur, ſpirituosa medicamenta & deſtillata commodiſſima ſunt.

6. Caput tandem in omni ſurditate & difficili auditu diligenter roborandum, cum internis, tum externis medicamentis, ſupra *part. 1. propoſitis*.

Diæta.

Diæta medicamentiſ & varietati cauſarum reſpondeat. Vt ſaltem de grauitate auditus & ſurditate dicamus, quæ ex frigida & humida materia prouenit, quæque frequentiſſima eſt, ea diæta tunc conuenit, quæ ſupra, *part. 1. cap. 10.* eſt propoſita. Aër ſit purus, ad ſiccitatem vergens, æger vitet ventos, & præſertim auſtrinos, & aërem frigidum & humidum, atque ab eo aures muniat, abſtineat à cibis, qui craſſos humores gignunt & vapores multos in caput mittunt, atque imprimis allium & cepe auditui nocent.



C A P V T V I I I .

De aurium dolore.

*Aurium
dolor.*

*Verba
Celsi.*

INTER aurium ſymptomata eſt etiam aurium dolor, Græcis *ὠτίτις*, grauiffimū & periculoſiſſimum malum; cui niſi tempeſtiuè ſuccuratur, in ſymptomata grauiffima, ac mortem denique hominem præcipitat. Et quidem quam oculorum dolor grauius; cum oculorum dolores in oculis perſiſtant; aurium verò dolores cerebrum in conſenſum trahant, vnde delirium & mors ſequi ſolet.

Cum autem dolor ſit triſtis ſenſatio à ſolutione continui partium ſentientium, membranarum puta, orta: doloris etiam in auribus ſubiectum partes ſunt membranosa
illa

illæ auris internæ, & neruus auditorius (quatenus scilicet membranofus.) Quamquam autem partes externæ dolore quoque tentari aliquando possint: tamen cum dolor ille magnus non sit, cum de dolore aurium agimus, eum præcipuè intelligimus, qui internum meatum ac membranam & neruum auditorium occupat.

Causæ.

Subiectum, ut modò dictum est, ut in aliis corporis partibus, ita & hic sunt membranæ, quæ auris cavitates inuestiunt, & sensu exquisito sunt præditæ. Aff. *Causa.* vel membrana in exterioris auris ~~cavitate~~ *causa* externo-exagruissimos dolores ~~in cavitate~~ post tympanum. cerbatur equidem proxima est soluto continui. Verùm oritur illa porro ab aliis causis. Atque hinc dolor aurium vel fit ab externis rebus immissis, vel à vulnere, vel ab intemperie, vel à flatibus, vel ab humoribus calidis & frigidis; vel ab inflammatione.

Quod intemperies frigida dolorem excitare queat, extra controuersiam est, & experientia id sæpe docuit. An *An sola* verò Intemperies sola calida à causa externa inducta dolorem inducere possit, controuersum est. Græci quidem *intemperies calida sit* huius causæ mentionem non faciunt: Arabes tamen omnes inter causas externas aurium doloris etiam aëris caliditatem recensent. Verùm frigida quidem neruis inimica sunt, non verò ita calida; ac calor externus aëris vix calidior est cerebro ac auris parte interna. Atque ita aër per se tantum altero vix dolorem aurium excitabit. Pruritus tamen in aure excitare valet. Per accidens verò id facile præstare poterit, nimirum affluxum humorum ad aures commouendo; quo sensu proculdubio Hippocr. 3. aphor. 2. inter æstiuos morbos aurium dolorem recenset. Solentque dolores, qui ab inflammatione oriuntur, in auribus esse frequentissimi, & grauissimi, punctorii, pulsantes & diuellentes, cum magno plerumque ardore; eosque plerumque febricula comitatur, solentque is dolor maxime intendi, cum inflammatio ad suppurationem tendit, & rupto abscessu remitters. Solet autem materia illa, quæ aurium

dolorem excitat, nunc à toto, vt in crisi- bus febrium, vel etiam sine crisi quandoque, nunc à cerebro aut parte alia communicari. Interdum etiam materia maligna est, vt in lue venerea, quæ circa perioſtia hærens cum diuturnos in aliis capitis partibus, tum etiam aurium dolores excitat.

Signa Diagnostica.

Signa diagnostica.

Signis ad ipsam affectionem cognoscendam opus non est, cum æger, qualis sit, satis prodat. In infantibus aurium levatus augetur, si pars affecta tangatur, & præter iam recte.

Signis verò, e quibus

opus est. Primò nimirum inquiren-
auri immis-
ægræ relatione & auris inspectione & exploratione cognoscitur. Si etiam vulnus auri inflic-
violencia illi allata sit, & illud ex ægræ relatione patet.

Deinde, si sit ab intemperie nuda, nulla grauitas, nulla tensio, nullus tumor percipitur; quæ adsunt, si intemperies sit cum materia, quo casu & auditus magis impeditur. Et si intemperies sit frigida, æger in aëre & vento frigido diu versatus est; quod sit nonnunquam in longis peregrinationibus tempore hyberno, idque ex ægræ relatione cognoscitur, dolorque est citra ardorem, calidisque leuatur.

Si verò nihil tale præcesserit, quod nudam intemperiem inducere potuerit, & caput sit grauius, proculdubio quidem materia adest; aut spiritus turbulentus, quod cognoscitur ex dolore vehemente sine ardore, & grauitate, ac tinnitu & strepitu manifesto, & quod dolor non est continuus, sed per interualla quidem vel intermittit, vel nonnihil imminuitur: aut humor frigidus crassus; & tum adest dolor leuior citra ardorem, & signa alia frigiditatis in capite adsunt; aut ex humore bilioso; & dolor est vehemens cum calore mordaci.

Frequentissima autem doloris causa est tumor calidus seu inflammatio, vt supra dictum, quæ cognoscitur ex dolore continuo, pulsati, vehementissimo, & eodem ac rubore

rubore ad malas & tempora vsque sese extendente, cum febre, interdum & cum delirio, motibus conuulsiuis, syncope & extremorum frigiditate. Et prout inflammatio magis tendit ad interiora, eò pulsatio magis percipitur; quoniam arteriæ maiores comprimuntur; dolor quoque est vehementior ob vicinitatem cerebri & febris intensior.

Si verò ab vlcere & sanie sit dolor, rupto abscessu pus ex aure effluit, cum doloris aliqua mitigatione, vlcusque relinquitur, vnde sanies aliqua effluere solet.

Si ex nerui auditorij vitio dolor oriatur, auditus simul læditur, & sæpe vel caput compatitur, vel vnus aut plures ex sensibus internis aut externis.

Prognostica.

1. Maius periculum est in aurium, quam oculorum affectibus. Nam vitium oculorum intra ipsos subsistit; aurium *Prognostica.* verò inflammationes, doloresque interdum cerebro communicantur, & hominem ad delirium & mortem deducunt, vt de aurium inflammatione *Prognostico* i. dictum. Ideoque monente Celso, *cap. 7. lib. 6.* mox inter initia succurrendum est, ne maiori periculo locus sit.

2. Et quidem iuuenes in vehementibus aurium doloribus magis periclitantur, & septimo die aut citius moriuntur, antequam scilicet inflammatio suppuretur; quoniam biliosi humores in hac ætate abundant, & temperamenti constitutio est calida & sicca, quæ febribus acutis & deliriis reddit magis obnoxios.

3. Senes verò in vehementibus aurium doloribus minus periclitantur; quia ob temperamenti frigiditatem, & pituitæ copiam febribus acutis & deliriis ita facile non corripiuntur, & proinde aures ipsorum facilius suppurantur. Recidivæ tamen periculum magis sustinent; cum ob temperamenti frigiditatem materia dolorem aurium pariens exactè concoqui non possit, 3. *Prognost. aphor. 14. & 1. aphor. 14.* Quia etiam sensus tactus in senibus est obtusior; ideo facilius dolores illos tolerant.

4. Si dolor aurium vehemens sit, in profundo hæreat, mortis periculum est; quoniam neruus auditorius ipse etiam est affectus. Aut si malum sanetur, noxa tamen quadam in sensu auditus relinquitur.

5. In doloribus aurium hypostrophæ interimunt, aur-
valde sunt periculosa. Materiam enim non integrè co-
ctam, nec partem affectam restitutam esse significat. Ita-
que malignior redditur materia, & ægro magis debilitato,
mortis periculum metuendum est.

Indicationes.

Curatio. Commodissima quidem dolorem aurium, ut & alios
dolores, curandi via est, si causa, à qua pender, tollatur.
Verum quia is sæpe ita vrget, ut, nisi tollatur vel mitige-
tur, ægro periculum minetur, dolor tum mitigationem
inducat.

Primò ergo si dolor sit à rebus externis immixtis, qua
ratione illæ tollendæ sint, iam antea dictum.

Sicut etiam antea explicatum, quomodo intemperies
cum & sine materia curanda sit.

Si à spiritu flatulento sit dolor, cum flatu præsupponat
materiam, à quo attollitur, ea primò, siue sit calida aut
frigida, expurganda, deinde topica, quæ flatum illum dis-
cutiant, vsurpanda.

Frequentissima verò doloris causa est inflammatio: sed
qua ratione & illa curanda sit, antea quoque dictum.

Dolorem verò ipsum quod attinet, tollitur ille cum
anodynis, tum, si opus sit, narcoticis seu stupefacientibus.
Conuenit igitur oleum calens amygdalar. dulcium, lilio-
rum alborum, aut rosaceum siue solum, siue cum lacte
muliebri aut oui albumine mistum, quæ cum specillo
molli lana inuoluto tepidè in aurem immittantur. Sero-
sus item cruor, qui ex carnibus bubulis, dum afflantur,
destillat, tepidè infusus utilis est. Item ol. rosar. cum suc-
co rorismarin. ut & mucilago semin. psyllij, foenigraci.
Nonnulli folia Tabaci viridia, aut saltem aqua propria vel
aqua rutæ humectata auribus applicant & sæpius reno-
uant. Commendatur & oleum Scarabæorum, quod para-
tur, Scarabæos num. iij. iniiciendo in olei rosar. 3. iij. &
coqu. ac colando.

In vehementiore dolore succus portulacæ, lactucæ,
hyoscyami, coriandri utilis est. Vbi denique acerbissimus
dolor

dolor vrget, vt syncopes & mortis periculum immineat, stupefacientibus semel atque iterum vti licet.

Vt ℥. *Opij* ḡ. iiij. *castorei*, *croci an.* ḡ. j. β. Cum lacte muliebri vel albumine oui, vel sapa aut vino tepidè instillentur. Solum opium vix conuenit, vtpote cuius vsu quendam vocem & sensum amisisse refert Trallianus, *lib. 3. cap. 2.* propterea quod Cerebrum neruo auditorio affecto proximum est.

Si reliqua omnia non profint, necessarium est, vt ægro sub somni horam exhibeatur Philonij Perfici Ḑ. β. vel Ḑ. j. vel laudani opiatij ḡ. iiij.


Foris imponantur, quæ dolorem leniunt, & materiam impactam concoquunt & resoluunt; quo in genere butyrum alia superat, in mollibus præcipuè corporibus.

Aut ℥. *Lenticulæ palustris*, M. ij. *medullæ panis in lacte muliebri infusæ* ḡ. iiij. Contusa applicentur forma Emplastri. Fortius est paratum ex oleo dulci calente, adipe anserino, oleo amygdalarum dulcium, chamæmelino, lacte muliebri.

Aut ℥. *Fol. maluæ*, *utriusque violariæ*, *lactucæ*, *salicis an.* M. j. *sem. sydonior. maluæ an.* 3. ij. *flor. chamæmeli, meliloti rosarum rubrarum an.* p. ij. Fiat Decoctio, qua auris affecta tepidè lentèque foueatur.

Vtile est & hoc: ℥. *Ol. rosar. nymph. an.* 3. β. *succi papauer. solani an.* 3. ij. Mistra ponatur circa aurem; aliquid etiam immittatur. Addita farina hordei vel tritici & puluere florum chamæmeli cum butyro recenti, Fiat Emplastrum ad eundem vsu.

In applicatione remediorum monet Galenus, 3. *de compos. medicament. secundum loca*, vbi dolor valde vrget, aurem non tangendam esse, id est, neque manu, neque villo instrumento durius tractandam. Augetur enim hoc modo dolor, & malum redditur deterius. Quapropter quæ extra applicantur, aurem non grauent, & leniter applicentur, & quæ instillentur, blandè instillentur.



CAPVT IX.

De excrementis præter naturam & fluxu aurium.

EANDEM vt etiam aliquid de symptomatis in excretis dicamus, habent equidem aures sua naturalia excrementa, sed ea pauca. Accidit verò sæpè, vt præter naturam multa ex auribus excernantur. Primò enim post inflammationes aurium, abscessu rupto, pus & sanies ex auribus effluit. Deinde idem accidit in vlceribus aurium.

Nota.

Interdum quoque sanguis ex auribus effluit: quod accidit non solùm in capitis percussione, casu ab alto & similibus caussis, quæ venas in auribus rumpere possunt, sed & crisis modo, sicut Platerus obseruauit, cuidam, qui frequenter narium hæmorrhagia infestabatur, non solùm è naribus, sed & auribus sanguinem largiter effluxisse, quod ex ἀνασφαγήν venarum in auribus factum. Quandòque aquosus humor aut saniei aliquid simile ex auribus effluit, nunc tenuius, nunc crassius, obseruauitque Platerus è cuiusdam puellæ aure mensuras aliquot aquosi humoris diu per vices citra vllam aliam læsionem profluxisse. Atque eum fluxum ex cerebro fieri non posse existimat Platerus. Cum enim nulla alia via sit è cerebro, quàm per foramen neruo auditorio paratum, neque saluò tympano, si humor in interiorem auris cauitatem primò effunderetur, ex aure effluere posset: Id in hoc fluxu locum non habere putati cum fiat citra auditus læsionem. Ideoque hunc humorem è venis meatum externum implicantibus fluere statuit.

Verum per quamcunque etiam viam sanies illa affluat, certum est, vt suprà, cap. 3. dictum, è cerebro etiam humido & impuro, ac vicinis partibus sordidam eiusmodi illuiem ad aures deriuari, quæ sæpe tanta copia effluit, vt facile colligi possit, in sola aure eam non fuisse collectam, refertque Schenckius è Mar. San. Barolitano, Venetiis quendam eiusmodi a uris fluxu intempestiue suppresso repente mortuum esse.

Curation.

Si lingua

Vel 4. *Acaciae hypocistidis, balaustiorum, rosarum, sumach,*
masliches, thuris, an. 3. j.

LIBRE



LIBRI PRIMI

PARTIS III.

SECTIO QUARTA.

De Narium affectibus.

CAPUT

De Narium ulceribus & Ozænis.

*Narium
usus.*



OST morbos & symptomata, quæ circa auditum & eius organa contingunt, proximum est, ut ad olfactus organum accedamus, & quibus morbis illud obnoxium sit, quæque inde oriantur symptomata, videamus.

Odoratus ^r organum nares esse extra controuersiam est; etsi quæ in iis pars primum olfactus organum sit, controuersum sit, ut in Institut. dictum. Naribus tamen, ut in aliis etiam partibus fieri consuevit, natura simul ad alios fines & commoditates utitur, & ita narium plures usus sunt.

Primarius & præcipuus narium usus est, ut dictum, odores cauitate sua excipere & iis ad præcipuum olfactus organum transitum concedere. Secundus usus est, ut aëri, qui ad cerebrum & pulmones transire debet, aditus permittatur, quo modo ad perspirationem nares necessariae sunt. Tertiò ad sermonem rectè formandum faciunt, dum
per

per ipsas aër sensim expulsus ad sermonis formationem facile, vt ex sermonis læsione patet, in iis, quibus nares obstructæ seu erosæ sunt. Quartò natura hac via etiam ad superfluitates & excrementa cerebri expellenda, & quandòque etiam ad hæmorrhagias criticas abutitur.

Vna ergo opera de narium morbis & symptomatibus, quæ & in olfactu & aliàs circa nares accidunt, dicemus, nimirum de ulceribus narium & ozœnis, de cancro narium, de polypo, de narium obstructionibus, de rebus in nares immixtis extrahendis, de læso olfactu, de narium graueolentia, de sternutatione nimia, de hæmorrhagia narium, de coryza.

Et primò narium vlcera quod attinet, habent ea plures *Narium* differentias. Alia enim à causis oriuntur externis, ab ictu, *ulcèra.* casu, vulnere: alia ab internis, videlicet à vaporibus vel humoribus acris aut malignis, siue ij ab inferioribus partibus ad nares sursum efferantur, vt in lue sit venerea, siue à cerebro aut à toto corpore eo expellantur. A pituita etiam salsa in catarrhis nonnunquam vlcuscula narium excitantur, quæ spontè sua facile sanantur. Postea vlcera in se considerata alia recentia sunt, alia vetusta: atque hæc etiam vel crustosa sine sanie, vel sordida, vel putrida ac virulenta, vel corrosiua, vel fistulosa vel cancrosa. Paulus & γλυνία, id est, dulcia quædam vlcera nominat, fortassis ab humore benigno & non ita erodente, quarum curationem etiam Auicennas tradit. Denique quod ad partem affectam, alia externa sunt & oculis exposita, alia interna in intima narium parte vel in osse ethmoide, vel in processibus cerebri, qui nervis colore & figura similes organum olfactus statuuntur.

Signis verò discernenda sunt narium vlcera cum inter *Signa vl.* se, tum ab aliis narium affectibus. Recentia enim vlcera *ceris na-* sæpe nec dolore nec acrimonia sese produnt. Nares tamen *rium.* frequenter ichore sanguineo madent, aut crusta sicca & nigra emungitur. Dum crustula diutius hæret, perpetuo sub ea aliquid exceditur, quod vlcus majus efficit. Vetusius & putridum vlcus, quod ozœna vocatur. Græcis, fætorem de se emittit, ita vt æger cum sibi tum aliis terri

tetri spiritus vapore molestus sit. Si diutius duret, paulatim serpit longius, & vel alas narium, vel earum interstitium, vel tenella ossa exedit, paulatimque perforat, maxime si vel canceri speciem habeat, vel à lue venenerea contractum sit. Nam humor prauus & malignus veneni instar carnem & ossa corrumpit, ac saepe ista prius, quam carnem. Tenuitate verò sua carnem, quæ rara est & foraminibus quasi pertusa, facile transit, sine insigni primùm offensione; os verò, quod densitate sua magis resistit, aggreditur, atque in eo hærens erosionem efficit. Recentibus vlceribus non adeo prauis aut malignis neglectis, caro plerumque enascitur, quæ *οζοένα* narium appellatur. Caro illa aut mollis est, alba & doloris expers, aut rubra, aut denique liuida cum dolore, quæ in cancrum degenerat. Si in eam longitudinem excrescit, vt vel è nare foras propendeat, vel per palati foramina in fauces illabatur, Polypus dicitur, de quo postea.

Ozoena.

Iam vt speciatim de ozoena dicamus, vlcus illud est narium putridum & graueolens, sicut & nomen *ὄζον τῆς ὀζην* accepit. Causa proxima acris est humor, simul & putridus. Nam, vt Galenus inquit, in 3. de s. m. f. cap. 3. si humor saltem acris esset, ægrè curabilia vlcera produceret, non graueolentia. Causa antecedens est cerebri intemperies, humores eiusmodi coaceruans, aut venarum in toto corpore intemperies talis, quæ & capiti communicatur. Interdum occulta viscerum & venarum est malignitas, vt in lue Gallica. Suffumigia etiam è Ψ io & cinnabrio incautè adhibita, vlcera narium & ozoenas excitare possunt, cuius rei quatuor historias recenset G. Fabricius, Cent. 2. obseru. 3.

Signa Diagnostica.

Vlcera externa oculis conspiciuntur; interna & occulta ex effluente sanie & crustis decedentibus cognoscuntur.

Munda ex laudabili sanie; sordida, ex crassiore; putrida, ex foetore; corrodentia, ex sanguinis cum saniei effluxu; cancrofa, ex canceris signis cognoscere licet. Si processus ipsi cerebri affecti sint, olfactus impeditur.

Ozoena in specie cognoscitur ex retro odore ex putredine contracto, qui & ipsi ægro & astantibus molestus est. Olfactus etiam sæpe læditur, instrumento olfactus malè affecto à vapore, quem sanies putrida de se emittit. Et si malum sit diuturnus, cartilago narium inter sepimentum erodatur, narium figura vitiatur.

Læditur & respiratio, quia ab vlceris crusta nares obstruuntur: interdum etiam narium figura distortetur. Vitiatur & vox quandoque, eadem de causa, & malum palato communicatur, sub quo tanquam sub testudine fit vocis reflexio. Interdum & narium hæmorrhagia coniungitur, vasis narium ab vlcere erosio.

Prognostica.

1. Narium vlcera, omnia curatu difficilia sunt, & plerumque cacoethe sunt, ob humiditates & excrementa cerebri ad partem hanc defluentia.

2. Vlcera narium suspecta sunt, propter symptomata, quæ secum afferunt, quæ modo recensuimus.

3. Etsi narium vlcera externa, superficialia, recentia, munda facilius curantur: occulta tamen, profunda, antiqua, immunda, crustosa, fistulosa, ossibus narium & *hæmorrhoides* imprimis communicata difficulter; putrida, corrodentia, cancrosa, periculosa plerumque existunt.

4. Vlcera & ozoenæ narium, si omnibus rectè administratis non curentur, pro desperatis habentur: quia suspicio est, ne talia in cancrum degenerent, quem satius est, non attingere.

5. Si ozoenæ contumaciter pro ratione resistunt, odoratum extinguunt vlcere ampliato, & foetore contagiosa putredinis ad cerebrum serpente.

Indicationes & Curatio.

Quæ alia vlcera indicationes suppeditant, eadem in narium vlceribus obseruandæ. Propterea primò totius corporis ratio habenda, & humores superflui venæ sectione, cucurbi

cucurbitulis vel purgatione euacuandi, & à capite omnibus modis auertendi, caputque ipsum, quod fons est fluxionis, exsiccandum & roborandum. Postea ad partem ipsam affectam accedendum, vlcusque detergendum, exsiccandum & consolidandum. Estque obseruandum, quod semper ozoenæ desiccandæ sunt medicamentis mixta facultate præditis, repellentibus, seu adstringentibus & discutientibus. Etsi enim vlcera illa ab humoribus excitentur acribus, qui potentia ficci sunt: tamen actu iidem sunt humidi, quam humiditatem tolli oportet.

Caput itaque, vt celsus docet, *lib. 6. cap. 8.* vsque ad cutem tondeatur, assidueque fricetur, deinde imponatur oleum myrtinum, puluis coralliorum & santalorum, rosarum rubrarum siccar. mastich. manna thuris cum aceto penetrationis causa. Imponantur etiam alia medicamenta ad exsiccandum humidum caput, supra *parte 1.* proposita. Alexander Trallianus *lib. 3. cap. 8.* hoc vititur.

℥. Myrrha, thuris an. 3. j. cochlear. integr. num. v. addita f. q. ceræ & albumine ouorum duorum cum linteo capiti inducantur, diebus nouem continuis.

Vel ℥. Limacum num. vij. crustæ panis siliginei tostæ 3. j. Contundantur, & admisceantur puluis balaustior. rosar. rubr. an. 3. β. gummi sandarach. 3. j. thuris, mastiches an. 3. ij. album. ouor. num. ij. Contundantur, & F. f. a. Cataplasma.

Ad partem affectam postea, hoc est, nares ipsas quod attinet, interdū crusta ozoenæ prius auferenda est, quod fit aliquo pingui, vt anserino adipe, vel butyro recenti illito loto prius aliquoties cum aqua rosarum vel decocto plantaginis. Celsus mel cum exiguo resinæ aut terebinthinæ in nares iniicit & spiritu succum attrahere iubet, donec in ore gustus eius sentiatur. Ita enim crustæ resoluuntur, quæ per sternutationem eiici debent.

Crusta remota vlcus dimouetur eluendo cum saccharata aqua, aut cum vino albo, vel vino, in quo melinctum sit, vel vino decoctionis verbenæ aut agrimonix cum melle. Illinantur postea vel inspergantur in nares, quæ adstringendo & desiccando glutinant. Ita Celsus prius vlcibus primò vaporem aquæ calidæ subiicit; deinde

adhibet

adhibet lycium vino dilutum, vel menthæ aut marrubij succum, vel omphacium, horum cuius mel adiiciendo, eaque cum linimento oblongo in nares immittit, per hyemem & verbis quotidie, per æstatem & autumnum ter. Corpora mollia & delicata, quæ à medicamentorum acrium vsu facillè offenduntur, rosas aridas contusis & linreis sanantur. In diuitibus in curatione ozænarum Galenus, 3. de compos. med. secund. loc. hedychrom in vino generoso solutum adhibet. Galenus calaminthæ succum natis infundit, vel tritam herbam inflat; aut malorum punicorum succum in vase æneo vsque ad medietatem coctum indit.

Vel ℥. Hordei non excortic. M. j. fol. lapath. M. ij. aq. q. s. F. decoctum, quo crustæ detergantur. Ablatis crustis.

℥. Succum granatorum, & misc. cum melle. Deinde add. boli armeni, C. C. vsti præpar. an. 3. j. cortic. granator. 3. s. Misc.

Vel ℥. Cortic. granator. nucum cupressi an. 3. s. fol. scabios. M. j. Coqu. in aqu. lb. j. Colaturæ adde mellis despumati 3. j. s. Postea vsurpetur vnguentum de tutia.

Vtilis est & aqua aluminis destillata & aqua plantaginis, in qua aliquid de ꝑio dulci dissolutum sit. Prodest etiam medicamentum ex cerussa, thure, cadmia & scillæ interiore parte confectum, si hæc omnia cum melle miscantur, & cum specillo lana inuoluto vlceribus, remota iam crusta, admoueantur, & linimentum demum hisce remediis impletum in nares indatur quotidie bis aut ter.

Sequens etiam ficcandi & consolidandi vi præditum est.

℥. Flor. rosar. rubr. p. ij. balaustior. 3. s. rad. tormentill. 3. j. s. fol. plantagin. p. iij. Coq. in aqu. communi pro 3. iij. in quibus colatis dissolu. mell. rosat. col. 3. s. omphacij 3. vj. Misc.

Sumatur specillum, eiusque cuspis lana gossypina obvoluatur, & in hunc liquorem intingatur, inunctum vlceri immittatur, quod bis vel ter in die repetendum. Deinde hoc vnguentum illinatur.

℥. Aloës, myrrhæ an. 3. s. gallar. 3. j. lithargyri, cerussæ an. 3. j. s. plumbi vsti & loti 3. ij. Cum olei rosac. q. s. F. Vnguentum.

Fortius erit, si aliquid aluminis adiciatur. Rondeletius ad exsiccandum vitur candela ex cera rubra confecta, cuius accensæ fuliginem naribus excipere iubet. Ita enim profundæ etiam partes exsiccantur. Idem & hoc habet.

℥. *Ladani puri, hypocystidis, mastich. myrrhæ an. 3. ij. styrac. rubr. & calamith. cortic. thuris, sandarachæ, auripigmenti rubr. an. 3. ij.* Excipiantur cum terebinthina, & fiant trochisci, è quibus suffitus fiant in cubiculo manè & vesperi.

Vel ℥. *Gummi sandarach. myrrh. an. 3. β. olibani, mastich. an. 3. j. β. ladani 3. β. C. f. q. terebinthinæ f. f. a.* Trochisci. Posunt & ex his trochiscis cum cera rubra candelæ parari, & fumus ex illis succensis in loco angustiore collectus excipi.

Efficax imprimis est aqua viridis à Platero de curatione oris doloris descripta, quæ hoc modo paratur.

℥. *Æruginis æris 3. j. auripigmenti 3. j. β. Terantur subtilissimè & coquantur in vini 3. iiij. ad consumptionem mediæ partis* : vbi refrixerint, adde aquæ rosarum & solani an. 3. j. β. Efficax est & hæc aqua, quæ non solum in ozænis, sed omnibus narium & oris foetidis vlceribus utilis est.

*Aqua ad
vlcera
narium
& oris.*

℥. *Mellis rosacei 3. ij. ½ ris vivi, aluminis crudi an. 3. j. albi greci, summitat. sabinae an. 3. β. spongiar. sambuci 3. j. fol. hyperici, rutæ, rosmarini, plantaginis, salviæ, pulegij an. M. β.* Coquantur omnia in vini & aquæ th. ij. ad consumptionem digiti transuersi, sub finem add. æruginis æris 3. j. & relinquuntur, donec refrixerint, postea colentur & seruentur vsui.

Tempore vsus in cochleari calefiant, & penicello aqua madido locus exulceratus illinatur, vel lana mollis, aut linteam ea madidum naribus immittatur. Vide Guilielm. Fabricium loc. allegat.

Si suspicio sit inflammationis, vsurpetur vnguentum de cerussa, cum melle aut cum adstringente aliquo oleo, vt myrtino vel omphacino.

*Vlceris
corrosiui
curatio.* Si corrosiuum sit vlcus, validiora pro absterfione vsurpentur, ne profundius depascatur, vt aqua marina, muria, aqua nitri, acetum salitum, vinum salitum, ligni Guaiaci decoctum,

decoctum, in quibus parum vnguenti Ægyptiaci dissolui potest. In vlcere antiquo valet hoc Aëtij.

℞. Lithargyri, cerussæ an. 3. iij. plumbi vsti & loti 3. ij. myrrhæ, aloes an. 3. j. gallarum 3. β. Vino & oleo myrtino dilutis vtere, quod & ad sedis rimas & vlcera vtile est.

Fortiter exsiccat & conglutinat hoc medicamentum.

℞. Putamin. interior. mali punici 3. j. thuris, myrrhæ, an. 3. j. tragacanthæ 3. ij. gallar. ossium dactylorum, myrobalanorum, persicorum, omnium vstorum an. 3. ij. chalcanti 3. β. Trita omnia subigantur in mortario fortiter tundendo addendoque mellis & vini odorati q. s. donec linimenti formam acquirant.

Si dolor vlceribus narium coniungitur.

℞. Olei rosar. myrtini an. 3. β. plumbi vsti, lithargyri an. 3. j. cerussæ, boli armeni, balaustiorum an. 3. β. ceræ albæ q. s. F. Vnguentum.

Doloris
cum vl-
ceribus
narium.

In contumaciore malo corpus vsu decoctionis ligni Guaiaci præparetur & mundetur.

Diata.

In victu vitentur omnia, quæ acres & biliosos succos gignunt, caussæ item omnes calefacientes corpus & exsicantes, vt exercitia immoderata, vigiliæ, animi affectus. Historiam Ozænæ grauissimæ cum ossis palati erosione feliciter curatæ vide apud Guilelm. Fabricium, Cent. 2. obseru. 22.



C A P V T II.

De Cancro narium.

Ulcera narium quandoque in cancrum degenerant, vt & polypus, si non celerè curatur.

Cancer
narium.

Cognoscitur ex signis cancri aliàs notis: Caro est callosa, sicca, malumque ad palatum vsque serpit.

Morbus hic in naribus vix curabilis est, sed præmissis vniuersalibus, & bile atra euacuata mitigantia saltem requirit. Adhibenda ergo oleum rosaceum modico camphoræ addito, solani succus. Antiqui dracuntij semen

C c c c 2 tritum


tritum cum melle immittebant, vel hanc mixturam.

℥. *Minij, chalcitidis, sandarachæ, an. p. j. atramenti sutorij p. ij.* Vtile est & hoc medicamentum.

℥. *Succi solani 3. iv. pompholyg. 3. j. cerussæ lotæ aq. rosar. & iterum exsiccat. 3. β. M. paucō oleo rosaceo adiecto, & cera alba liquata, in mortario plumbeo cum pistillo plumbeo. Chymici vt ad aliarum partium, ita etiam ad narium cancrum commendant liquorem arsenici, qui ita paratur.*

℥. *Arsenici albi, nitri puri an. q. v.* Fluant simul in tigillo in igne circulari posito, cauendo fumum (ideoque subdiovntum obseruando commodissimè fit hæc operatio: vbi refrixerint, tantundem nitri iterum addatur, idque bis vel ter repetatur.

Arsenicum hoc modo fixum in humido loco resoluitur in liquorem. Huius pauxillum, vt gustu saltem sapor parum percipiatur, in aqua plantaginis dissoluatur, qua cancer oblinatur.



C A P V T III.

De Polypo & Sarcomate.

Polypus.

℥. Icut Ozæna vlcus est narium, ita polypus tumor quidam & excrementa cancrōsa est in naribus. Nomen, vt Galenus, 2. m. m. docet, accepit, sicut & alij nonnulli morbi à similitudine rei alicuius externæ, à carne scilicet Polypi, quam substantiæ suæ proprietate refert, vt idem explicat, 3. de comp. med. s. l. cap. 3. Etenim mollis & lubrica hæc caro est, coloremque, vt piscis ille, alium atque alium habet, pro natura humorum, è quibus gignitur. Et quod Paulus addit, lib. 6. cap. 25. sicut Polypus scirrhis vel pedibus suis venatorum manusprehendit: ita hæc excrementa radice tanquam pediculo vno vel pluribus sese ita in naribus affigit, vt ægro & respirationis & loquelæ vsum expeditum adimat. Nasi enim interna tunica ita humore repletur, vt enata hinc caro à tenui pediculo suspensa in latum & crassum sese extendat, & speciem hanc Polypi ventre amplo, rotundo & oblongo repræsentet.

Arabibus

Arabibus hæmorrhoids est narium, à similitudine excrescentiarum inano, quas figura nonnihil imitatur. Eleganter Polypum sic Celsus descripsit, lib. 6. cap. 8. *Est caruncula, inquit, modò alba, modò subrubra, quæ narium ossi inhæret, & modò ad labra pendens nares implet, modò retrò per foramen id, quo spiritus à naribus ad fauces descendit, adedò increscit, ut post unam conspici possit, strangulatque hominem maximè Austro aut Euro flante, ferèque mollis est, rarò dura; eoque magis spiritum impedit & nares dilatat, quæ ferè rariòdus est, itaque attingi non debet. Illud ulceris genus ferè quidem ferro curatur, interdum tamen medicamenti inarescit.* Hæc Celsus. Breuiter, Polypus est caruncula mollis in naribus orta, ex radicibus quibusdam tenuibus pendens, & in latum se pandens, & nunc è naribus propendens, vel eas certè implens, nunc etiam in palatum descendens.

Cæterum differt à Polypo sarcoma, ut genus à specie; *Sarcoma*, figura item & magnitudine. Nam sarcoma rudis quædam carnis massa est, certa figura carens, & sæpe in magnam molem excrescit. Etiam carne è Polypo distat; quoniã durior est, & dolorem infert ac nigrescit aut liuescit, ac venas circumquaque crasso sanguine turgidas habet, ac plerumque intus prope viciniam narium & palatum nascitur.

Causse.

Causa polypi est humor crassus & viscidus, qualis est pituita sanguinis portioni permixta, è cerebro defluens; cum quæ acris non sit, ideo quoque non exulcerat. Rarius ex humore melancholico oritur, qui Polypus etiam facilius in cancrum degenerat. Quod verò ex narium nutrimento superfluo in carnem quasi luxuriantem commutato producit, Sarcoma potius, quàm Polypus, vocatur.

Differentia.

Differentia Polypi à duritie vel mollitie, à nigredine, à figura & colore, à radicis tenuitate aut crassitie, à situ in naribus, à prauitate ad cancrum tendente sumitur.

Prognostica.

1. Polypus, si mollis fuerit & albus, & doloris expers, facilius curationem admittit; subrubeus difficilior. Qui autem fuscus vel liuidus est, curationem penè respuit;

præfertim si simul liuidus & foetidus sit : quoniam cancro est cognatus.

2. Quantò profundius hæret Polypus, tantò est periculosior; quia propinquior est cerebro, & tractationi ac medicamentis minus aptus. Qui verò oculis cernitur, & foris nonnihil existit, facilius tractari & curari potest.

3. Polypus ex humore melancholico in corporibus melancholicis *μελαγχολικῶν* magis, ne in cancrum abeat, quam *πυρρῶν* desiderat. Hippocrates, 6. *aphor.* 32. Ideo Celsus quoque illum attingi vetat.

4. Polypus inueteratus, qui cancrofi nihil habet, chirurgiam admittit. Ita Celsus hunc ferro ferè curari ait; interdum vsu medicamentorum inarescere.

Indicationes & Curatio.

Vniuersalis corporis euacuatio, vt in omnibus affectibus capitis, ita & hic præmittenda, quæ cum sæpius proposita sit, nihil de eo hic amplius addimus. Hinc caput roboretur & exiccetur admoto cataplasmate ex cochleis, & aliis formulis supra enumeratis, frontalique aliquo epithemate adstringente ad intercipiendam fluxionem applicato. Cucuphæ etiam parentur ex saluia, maiorana, meliss. lauend. betonica, stoechade, nuc. moschat. caryophyll. macci, ligno aloës, thure, mastich & aliis iam sæpius declaratis. Quod verò particularem Polypi curationem attinet, caro illa præter naturam in naribus genita tollenda & eradicanda. Quod fit vel ferro, vel medicamentis. Et quidem si Polypus ita naribus inhæreat, tenui scilicet pediculo, vt commodè eius sectio fieri queat, statim à radice ferro excindatur, fronti & temporibus defensiuo prius applicato, vlcusque, vt par est, curetur, de quibus videatur Ægineta, *lib. 6. cap. 35.* Si quid post sectionem remansit, id medicamentis acutis & scharoticis, vel ferro etiam candente aufertur. Quidam narem discindunt, vt fit in equis, atque ita Polypum ferro rescant, aut cauterio absumunt. Sed tutius est, si fieri omninò possit, Polypum ligare circa radicem filo serico bene cerato, aut pilo caudæ equinæ. Ita enim inter septem aut decem dies sine omni negotio excidit, nutrimento destitutus.

*Curatio
per chi-
rurgiam.*

Verum

Verum etsi radix Polypi loco penitiori hæreat, ut scal-
pello eximi non possit: alio tamen modo per chirurgiam
curari potest, quam semel atque iterum feliciter tentavi.
Forceps scilicet paretur instar rostri gruini vel anserini
Chirurgis dicti, sed extrema parte acutus, ita tamen, ut
in se coire & claudi possit, ut sine læsione in nares immitti
queat. Hic forceps clausus in narem usque ad polypum
detrudatur, hinc aperiatur, & eo, quantum fieri potest, de
polypo prehendatur & abscindatur, ac postea medica-
mentum aliquod adstringens & exsiccans, qualia postea
proponuntur, naribus indatur. Sequenti die iterum abs-
cindatur, iterumque medicamentum naribus immittatur,
& ita pergatur, donec polypus totus abscissus & absum-
ptus sit.

Si verò abscissio fieri non possit, eo quod latiori basi *Per mē-*
naribus inhæreat, medicamentis curatio eius tentanda: *dicamē-*
Sint autem illa duplicia: alia mitiora, quæ partim ad- *ta*
stringunt, partim extenuant & incidunt, partim exsiccant
& discutiunt: alia erodentia & *exapoliū.* Quæ per
pharmaca mitia fit polypi curatio, in mollibus præfer-
tim corporibus, scopos habet ipsum attenuandi, inci-
dendi, exsiccandi. Corpore itaque & capite purgato, ca-
put tondeatur & exsiccetur, roboreturque, ut in ozæna &
supra *part. 1.* dictum.

Topica, quæ naribus immittuntur, partim attenuet, par-
tim discutiant, & exsiccent. Galenus itaque 3. *de comp. med.*
f. 1. quod & Aëtius *tetrab. f. 2. c. 29.* repetit, ex malis punicis
trium generum confectum medicamentum usurpat, è qui-
bus recentibus contusis succum exprimit, eumque ad me-
diocrem consistentiam coquit, naribusque infundit, feces
expressas conformat in pessulos naribus indendos. Polypū
citra mordacitatem absumit, etsi longiore tempore. Con-
fert & dracunculi succus cum lana naribus impositus,
teste Dioscoride: & ut Aëtius scribit, pulvis rosarum
ficcarum exactissime tritus mirifice prodest; sicut &
pulvis balaustiorum. Confert & succus pomorum, au-
sterorum quidem, si mollior sit polypus; acidorum ve-
rò, si durior: qui in mortario æneo diligenter agitetur cum

pistillo æneo , vt acquirat crassio rem consistentiam. Sæpi-
 pissimè autem talia medicamenta repetenda sunt , nec
 permittendum , vt vnquam pars affecta medicamento
 vacua sit.

Si polypus aliquantum durus est, nec tamen cancrusus,
 emollientia. præmittantur fots forma , aut linimentum
 fiat ex medulla vitulina & adipe anserino , cui progressu
 temporis aliquid ammoniaci & bdellij addi poterit. Po-
 stea exsiccantia illa & absumentia vsurpentur , quæ modo
 proposuimus. Rondeletius aquam parat ex aquis adstrin-
 gentibus & parum corrosiuis.

Vt ℞. *Vuarum maturarum* ℥. iij. *cortic. malorum granator.*
balaustior. sumach an. ℥. ij. Macerata in aceto destillentur,
 postea add. *aluminis* ℥. j. *Œli* ℥. iij. iterum destillentur.
 Aqua hæc parti affectæ cum linteis applicetur.

Vel ℞. *Terebinth. lotæ aquæ plantag.* ℥. j. *℞. succi plantag.*
solani, acetosæ an. ℥. v. seu *hircini* ℥. ℞. *plumbi calcinati* ℥. ij.
lithargyri, cerussæ, tutiæ an. ℥. j. *camphoræ* ℥. j. *℞. olei rosacei* ℥. j.
 Cum s. q. *cereæ*, F. Emplastrum.

Si verò malum pertinax sit, ad validiora & caustica me-
 dicamenta accedendum.

Escharotica medicamenta nota sunt, quæ fiunt ex chal-
 cantho, misy, chalcitide, squamma æris cum melle : oleum
 item vitrioli, vel aqua fortis , vnguentum Ægyptiacum.
 Commendatur & hic puluis.

℞. *Pulu. rosar. rubr.* ℥. ℞. *malicorij* ℥. j. *lithargyr. alum. vsti*
an. ℥. j. *℞. ærugin.* ḡ. v. M. pro puluere.

℞. *Chalcitidis vstæ* ℥. j. *nitri* ℥. ℞. *succi veronicæ* ℥. ℞. M.

Vel ℞. *Vitriolum album* & misce cum aqua rosarum &
 plantaginis, & polypus eo illinatur.

Vel ℞. *Aq. solani, rosar. an.* ℥. j. *plantag.* ℥. ℞. *camphoræ* ℥. ℞.
cerussæ ℥. j. *mercurij sublimati* ḡ. vj. M. Efficax ad polypum
 remedium est.

His producta eschara semper demitur , & denuo medi-
 camenta illa imponuntur, donec radix etiam polypi sit ab-
 sumpta. Sed tentare hæc non licet, nisi in polypo, qui can-
 cri suspitione caret, & in corporibus durioribus.

Vulvis etiam ad Polypum tollendum est turunda ex
 radice

radice gentianæ sequenti vnguento illita.

℞. Pinguedinis caponis vel gallinæ, butyri recentis, ol. oliuar. an. q. s. add. cere parum. F. Vnguentum. Vnguenti huius 3. j. add. ♀ ij sublimati, vel arcani corallini, 3. ℞. vel 3. ij. F. vnguentum quo turunda ex radice gentianæ illinatur & naribus indatur. Aut si polypus totam narem replet, eo Polypus inungatur.

Tutius autem adhibentur medicamenta caustica per fistulam argenteam ita in nares inditam, vt causticum medicamentum in eâ inclusum saltem polypum attingat, partes autem nasi sanæ à fistula intactæ conseruentur. Polypus autem niger cum ad cancrum accedat curâ non verâ, sed palliatiuâ tractari debet. Blandiendum igitur illi succo solani vel succo fol. salicis rec. aut aquis earundem, in quibus parum tutiæ dissolutum sit, nec non puluere eorum insufflato.

C A P. V T I V.

De angustia narium.

Nares naturaliter patere debent, non solum in meatu externo, sed etiam intus ad os Ethmoides, vt odoribus transitus ad primarium olfactus organum pateat. Hi verò meatus cum interni tum externi interdum angustiores redduntur. Angustia autem causa est θλίψις, id est, compressio à causa aliqua externa, vt ab ictu seu cōtusione; aut πύκνωσις, id est, constipatio, facta à tumore aliquo præter naturam, vt à phlegmone, scirrho, cancro; aut ὑπόφραξις, seu obstructio, quæ vel à carne aliqua excrescente fit, vt à sarcomate, & Polypo, vel ab humore crasso & viscido ad nares, & foramina membranæ, quæ os Ethmoides intus subducit destillante, seu putrido, seu non putrido, vt in coryza & catarrho; vel à materia purulenta, vt in ozæna; vel à vermibus è materia putrida genitis, vel à grumo sanguinis, vt in hoemorrhagia narium accidere solet. Nonnunquam etiam res externæ, vt pisa & similia, ab infantibus incautè naribus intruduntur.

Angu-
stia na-
rium.

Curatio.

Si nares à materia è cerebro effluente obstruuntur , & catarrhus adhuc duret , is primò tollendus , & caput curandum. Capite mundato & curato meatus obstructi attenuantibus medicamentis aperiendi , quæ forma suffimenti , liquoris , pulueris adhiberi possunt. Puluis nimirum ex agarico , semine nigellæ & maioranæ naribus excipiat.

Vel *℥. Aq. maioran. ʒ. iij. aceti ʒ. β.* Suspendatur in ea pulueris nigellæ ʒ. j. Acetum etiam in quo castoreum infusum fit , naribus attrahere vtile est. Alia quoque errhina supra *part. i.* proposita hîc locum habent. Vel olfacienda assidue adhibeantur calamintha , serpillum , semen nigellæ aceto maceratum , castoreum.

Si ex Sarcomate vel Polypo sit obstructio , curatio instituenda , vt modò dictum.

Si quid extra in nares immissum sit , extrahendum , vt res auribus immissæ.




C A P V T V.

De Vulneribus narium.

*Narium
vulnera.*

SI nasus vulneratus sit , vt aliarum partium vulnera curandus. Hoc tamen monendum , si pars illa anterior , quæ cartilaginea est , ita vulnerata sit , vt parum naso cohaereat , mox sutura , siue ea acu siue glutino fiat , prout commodius videtur , cum reliquo naso coniungenda , ne pars abscissa refrigeretur & emoriatur. Cartilago tamen ipsa acu non est perforanda. Cauendum etiam in nasi vulneribus penetrantibus , ne excrementa aliqua carnis in parte interna oboriatur , quæ meatum illum angustiores reddat & sermonem deprauet. Ideoque turunda conuenienti vnguento illita nari indenda ; aut emplastrum in formam canalıs vel fistulæ efformatum. Si autem externa pars nasi planè amputata sit , reparari illa nihilominus potest , sicut de curtorum Chirurgia in *Institut. lib. 5. part. I. sect. 2. cap. 15.* dictum.



CAPVT VI.

De lase Olfactu.

Q Vantum verò ad symptomata, quæ naribus accidunt, *Olfactus* & quæ ad actionem læsam pertinent, quemadmo- *lase.* dum aliis functionibus in corpore accidit, vt à caussa aliqua præter naturam vel minuantur, vel planè aboleantur, vel deprauentur: ita idem etiam odorandi facultati euenit, quoties organo aliquid accurrit, quod naturalem eius constitutionem peruertit, aut aliena qualitate perfundit.

Quod autem Olfactus organum sit, & quomodo olfactus fiat, in Institutionibus dictum, quod hic non repetimus. Ex illis autem facillè patet, quomodo lædi olfactum contingat; quod fit, vbi aliquid vel in meatibus externis, vel ossi *ἡθμοειδῆς*, vel membranis huic ossi nariumque internis anfractibus substratis, ac ipsis quoque cerebri meningibus vel processibus denique nerueis cerebri occurrit, quod impedit, quò minus odor à sensu olfactus percipitur. Neque enim ad vnum morbi genus hæc læsio referri potest, sed similis morbus est, vbi ab intemperie hoc malum nascitur; morbus compositionis in via, vbi ab ictu, contusione vel vulnere,

Causse.

Causa aboliti olfactus est intemperies, præsertim frigida & humida, cum materia plerumque pituitosa coniuncta, vt in coryza & catarrho euenit. Et intemperies quidem aut in cerebri anteriore parte, aut processuum illorum neruorum, qui olfactus organum statuuntur. Angustia verò, quæ morbus est instrumenti, est etiam aut cerebri, sicut fit in Apoplexia, vbi spiritus animales ad organa sensuum permeare non possunt, aut processuum cerebri, aut nasi interni & ossis *ἡθμοειδῆς* atque membranæ huius, aut denique nasi externi, de cuius causis capite præcedente dictum. Hoc saltem adhuc de obstructione narium monendum, interdum post catarrhos olfactum ita aboleri, vt toto vitæ tempore vix recuperari possit. *Aboliti olfactus causse.* Quod

Quod fit præcipuè, cum quis coryza laborans balneum incautè ingreditur, cuius calore materia catarrhi & pituita ad foramina ossis ~~dependet~~ induratur, vt postea vix amoueri queat; vnde meatibus illis obstruētis permanentibus olfactus planè aboletur. Quibus verò in extrema virium imbecillitate & mortis articulo olfactus perit, iis hoc accidit ex resolutione spirituum animalium, ob quem & cæteri sensus omnes vita tandem extinguitur.

Imminuti olfactus causa.

Eadem imminuti olfactus causæ sunt, minus tamen vehementes, quibus additur partium huic sensui inseruiens debilitas, siue natiua, siue ætatis decursu acquisita, vt in senibus, & mala etiam ab ortu conformatio.

Deprauati olfactus causa.

Deprauati olfactus causa est, dum vapor putridus continenter nares ferit, siue in ipsis scaturiens, siue à cerebro, gingiuis, ventriculo, aliisque partibus eò delatus, cuius ratione contingit, vt omnia ægro, etiam quæ suauiter olent, fætore videantur; sicut quibus lingua bile suffusa est, omnia amara esse putant: vt Galen. declarat, *i. de sympt. caus. c. 4.* Potest & humor prauus esse processibus nerueis impactus, qui efficit, vt fætidis æger delectetur, aut certè ab iis non offendatur, propter assuetudinem; sicut cloacarum mundatores olèta, vt & alia fætida, non sentiunt; quoniam organum olfactus specie fætorum iam repletum est, vt nonni fætores accedentes illud immutare nequeant, cum ad perfectam ~~organum~~ organum ab aliis suis obiectis denudatum esse oporteat.

Signa Diagnostica.

Si olfactus læsio causam habeat in cerebro siue intemperie affecto, siue à materia obfesso, cognoscitur id, quia noxa etiam aliis sensibus communicatur. Ferè etiam aliàs gustatus ferè offenditur, quod in grauedine siue coryza manifestum est, propterea, quod ab eodem tertio nervorum cerebri pari demissæ propagines quædam tenuiores narium tunicam, crassiores aliæ linguæ tunicam efformant. Si causa est in processibus nerueis solis, nulla in cerebro & cæteris sensibus læsio percipitur: præterea nec vox obscura est, nec respiratio difficilis; id quod contingit, quando in osse ~~dependet~~ vel in ipso naso est obstructio.

Nam

Nam vt nares respirationi, ita voci simul inferuiunt. Quæ etiam sit materia obstruens, dilatatis ad lucem naribus, nonnunquam cerni potest; vtrum scilicet tumor præter naturam, an caro vel pus, vel crusta, vel vermis, vel grumus sanguinis. Si in apostemate narium pinnae earundem frigidiores & sicciore fiant, periculum est à cancro. Intemperies cerebri vel organi olfactus ex sensu caliditatis, vel frigiditatis, ex causis antegressis, ex iuuantibus & lædentibus, ex eo etiam, quod nihil per nares destillat, æstimatur. Humor obstruens ex grauitate, & si quid de hoc effluat, è colore, odore, consistentia, specie noxæ impressæ cognoscitur. Si inflammatio adsit, febris ferè adest, dolor, tensio, grauitas.

In deprauato à fætida materia olfactu, si materia illa in cerebro, aut processus nerueis sit intra cranium, ab ægro *Nota.* non percipitur: adstantes tamen fætorem sentiunt. Si extra cranium materia consistat, tam ægro, quam adstantibus ille odor molestus est.

Prognostica.

1. Olfactus læsio à destillatione humoris, vel obstructione sola proueniens facilius curatur, & ferè olfactus læsio ob catarrhum catarrho cessante cessat; difficulter, quæ à confirmata organi dyscrasiâ existit. Non corrigitur, quæ à natura contracta est, maximè per malam narium conformationem, vt & quæ à senio, vel alio morbo chronico prouenit olfactus abolitio.

2. Fætor olfactum ex putredine offendens ferè argumento est affectionis ægrè curabilis. Nam locum à materia maligna insigniter esse affectum significat.

3. Quando æger in morbis acutis odores non consuetos sentit, odorabili re nulla præsentē, qualis est odor piscium, luti, butyri, aut similium, & mala signa adsunt, mors imminet, teste Auicenna.

4. Olfactus læsio non negligatur, præsertim dum cerebrum materiâ est oppletum, quia sequi potest carus, apoplexia, epilepsia, humoribus ibidem auctis, cerebrique meatus occupantibus, vt spirituum animalium transitus impediatur. Id quod maximè fit, quando æger pleno cerebro

cerebro supinus noctu cubat.

Indicationes.

Morbi cerebri quid indicent, ex superioribus clarum. Processus cerebri neruei si intemperie laborant, indicant alterans per contraria; si obstructionem ex humore crasso & lento, attenuans & detergens. In externis narium partibus, quid grauedo, aut inflammatio, aut tumor aliquis præter naturam, aut polypus, aut vermis, aut grumus sanguinis indicent, per se est notum.

Curatio.

Itaque si læsio olfactus ortum habeat ab intemperie cerebri, corrigitur contrariis, eo modo, sicut supra parte I. dictum. Si obstructio sit ab humore frigido & crasso, sicut plerumque est, præmissâ eius præparatione & euacuatione, eaque aliquoties repetita, ad particulares capitis euacuationes veniendum, ut pituita ex capite educatur; id quod fit apophlegmatismis, gargarismis, errhinis & ptarmicis, ut etiam supra parte I. dictum. Sint autem soluentia illa obstructiones moderata, ne nimia caliditate & siccitate organum olfactus lædant, aut inflammationem excitent in membranis narium, aut humores nimis increassent. Ut pauca saltem addamus. In pueris conuenit aqua & succus maioranæ, chamæmeli, abrotani, origani in nares infusus. Narium radix inungatur butyro aut oleo amygdalar. dulcium, aut mucilagine sem. althææ, maluæ, cydonior. aut pinguedine gallinæ vel anseris. In adultis succus betæ, imprimis verò semen nigellæ quocunque modo vsurpatum vtile est, ut & castoreum, & omne fel immixtum: imprimis masticatio radic. papaueris rhæados prodest. Fortiora & efficaciora sunt succus cyclaminis, ceparum, chelidonis minoris iniectus: puluis elaterij, tabaci, euphorbij, & gummi gutte insufflatus, &c.

Inprimis sternutatoriis vtendum, & primò quidem lenioribus, deinde fortioribus, quale hoc est.

℞. fol. tabaci. 3. j. pulu. radic. helleb. albi 3. ℞. elaterij ḡ. vij. piperis longi ḡ. ix. gummi gutte ʒ. j. M. pro puluere.

Alij solam radicem cyclaminis, recentem pro nasali indunt.

Nonnulli naribus olea destillata admouent.

Exempli gratia.

℥. Ol. nuc. mosch. express. ʒ. ʒ. destill. cort. citri ʒ. j. maiorana ʒ. ʒ. M. Quidam nares balsamo rutæ, maiorana, succini & castorei inungunt.

Intus commendatur acetum scilicet. quotidie ieiunium. cochlearium mensura assumptum, ex Aëtio, Castoreum item & Theriaca.

Commendatur & extr. maiorana, singulis diebus mane & vesperi, ut & sal eiusdem vel per se ʒ. vj. vel vij. pondere in vino propinatum, vel cum extracto permixtum. Profunt & Balsamum & oleum maiorana gutt. ij. vel iiij. pondere sumta. Commendantur etiam sequentes Rotula:

℥. Extract. maiorana ʒ. ʒ. essent. pulegij ʒ. ij. Sacch. optim. in aqua maiorana dissolueudi ʒ. iiij. ʒ. F. l. a. Conf. in Rotulis, quæ illinantur. Ol. destill. nuc. mosch. gutt. vij.

Nonnulli, si malum aliis remediis non cedit, retractionem materiae suadent ad frontem, illinendo fronti vnguenta calida ex succo chelidoniae, scilla, pyrethro, euphorbio, oleo laurino & cera; vel raso capiti sinapismum applicant, usque ad frontem & nasum ex Aëtio. Quæ si non ferat æger, ad thermas ducatur, ubi stillicidio supra futuras coronali utatur. Si olfactus læsio sit ab humore aliquo præter naturam, vel à carnis excrescentia, vel ab ulcere, illa suam peculiarem curam habet.

C A P V T VII.

De fætoꝛe narium.

Molestum etiam est symptoma fætor narium. Ille *Fætor narium.* equidem ab ipsis ægris non percipitur. Cum enim odoratus organum læsum & humore fætido infectum & occupatum sit, fætoꝛem illum non percipit. Adstantibus verò fætor ille molestus est; unde ij colloquia & conuersationem talium auersantur.

Causæ.

Causa proxima est vapor putridus. Emittitur autem vapor

vapor ille vel proximè ex ipsis naribus, cum aut humor putridus in toto aut interiore parte cerebri continetur aut putredo est in osse ἰθμοειδῆι, aut polypus, ozæna, aut vlcus fordidum in naribus; vel per consensum aliarum partium excitatur, dum aut ex ventriculo, aut thorace fætidus vapor eleuatur, & nares transit.

Signa Diagnostica.

Fætor narium ipse ab astantibus percipitur. Quod verò materia fætoris caussa contineatur in naso, vel cerebro naribus vicino, cognoscitur ex eo, quod æquè post & ante cibum fætor percipitur, & si nares claudantur, fætor talis non percipitur. An verò à polypo, sarcomate, vlcere proueniat, facillè visu potest discerni. Si verò à partibus inferioribus vapor ille proueniat, assumpto cibo non ita fætor molestus est; cum vapores illi fætidì à cibo deprimantur & temperentur. Nares quoque si claudantur, ex ore idem fætor exhalat. An verò pulmones affecti sint, aut ventriculus laboret, suis signis dignoscitur.

Prognostica.

1. Fætor, qui est per consensum inferiorum partium, facilius curatur, quam qui ex ipsis naribus aut cerebro est.

2. Fætor ab ossibus narium corruptis vix curatur.

Indicationes & Curatio.

Si fætor sit ab humoribus putridis, vel in cerebro & processibus nerueis, vel circa os ἰθμοειδῆς, præmissis vniuersalibus euacuationibus & reuulsionibus, per errhina caput euacuetur, tandèmq; ea adhibeantur, quæ abstergunt, quicquid humoris corrupti naribus inhæret, & quæ suauem odorem conciliant. Abluantur ergo nares vino albo odorato, vel vino, in quo myrrhæ, rosæ, cyperus, lignum aloës cocta sint.

Vel ℥. Myrrhæ, cinamomi, an. 3. j. rosar. siccar. 3. ℞.

Excipiantur melle despumato, F. Linimentum.

Vel ℥. Spicæ, galliæ moschata, caryophyllor. an. p. æq.

Coqu. in vino, quod naribus excipiat.

Vel ℥. Hieræ picræ, schœnant. an. 3. j. ℞. vini q. s.

F. Glandes, & naribus immittantur.

Vel ℥. Flor. rosar. rubr. p. j. β. spicæ nardi p. j. rad. cal. aromat.
 3. j. cinamomi, caryophyllor. an. 3. β. macis, nuc. mosch. an. ʒ. j.
 Coqu. in vino albo odorato pro ʒ. iv. In Colat. dissolu.
 Extr. calami arom. ʒ. β. ligni aloës ʒ. iij. M.

Vel ℥. Fol. maioran. M. j. rad. glycyrrh. 3. ij. Ebulliant
 in aq. f. pro ʒ. iv. & colentur. ol. etiam myrtinum naribus
 inunctum vtile est. Suauem odorem conciliat vinum, in
 quo Gallia moschata dissoluta, quo nares & os colluan-
 tur.

Si fætor sit ab vlcere aliquo narium, succus foliorum
 hederæ naribus attrahatur.

Si ab ozæna vel polypo sit fætor, iis sublatis & ipse ces-
 sabit.

Si à ventriculo vel pulmonum vitio sit fætor, eo ablato
 is cessat. Ad fætores tamen narium, qui stomachi vitio
 fit, commendantur à nonnullis mala persica, item radices
 eryngij per se vel conditæ.



C A P V T V I I I.

De Hæmorrhagia narium.

Nares etsi sint propriè odoratus gratiâ factæ: tamen &
 alios vsus habere suprà diximus. Et quandoque etiam
 natura sanguinem vitiosum per nares effundit, vel à venis
 & arteriis imam cerebri sedem per reptantibus, vel à vasis
 è palato ad nares descendentibus, quæ instar obtinent ve-
 narum hæmorrhoidalium in ano & vtero.

Vocabulum autem *αιμορραγία* sæpe apud Hippocr. sim- Hæmor-
rhagia.
 pliciter sanguinis profluuium significat, ex quacunque par-
 te is fundatur, præsertim tamen copiosum & liberale. In-
 terdum non addito partis nomine de ea vsurpatur, quæ
 per nares fit sanguinis eruptione, teste Galeno, in 1. Epidem.
 comm. 1. aph. 9. Et in 6. Epidem. comm. 3. aphor. 25.

Est autè hæmorrhagia nariū symptoma in genere immo- Hæmor-
rhagia
narium.
 dicè excretorum, & quidè toto genere p. n. cū natura aliàs
 sanguinem tanquam thesaurum vitæ diligenter asseruare
 studeat. Succedit hoc symptoma interdum alij sympto-

mati, actioni scilicet læsæ, quæ est venarum retentrix debilitata, interdum morbis, quibus referantur, scinduntur, rarefiunt vasa sanguinem continentia.

Causæ.

Quod ergo ad causas hæmorrhagiæ narium attinet, fit illa per vasorum vel ἀναστομωσις, vel διαίρεσις, vel Διαπήδησις.

Αναστομωσις.

Αναστομωσις est osculorum inuasis paulò maioribus apertio, à causis vel externis, vt calidorum & acrium illitu, irritatione expultricis ac titillatione, dolore; vel internis, quæ sunt primò vasorum ἀτομία siue imbecillitas & mollieties; secundò sanguinis aut copia fusi calore, ira, motu corporis immoderatiore, aut praua qualitas, hoc est, eiusdem tenuitas, feruor, acrimonia, putredo in febribus ardentibus; tertio facultatis retentricis imbecillitas, vt vasa à modici etiam sanguinis copia aperiantur, aut expultricis irritatio à copioso sanguine vel vitioso in cacochymia seu biliosa seu melancholica; Denique natura criticè ac vtiliter expellente id, à quo molestiam sentit, quod in acutis nonnunquam fit morbis, in quibus vitiosi humores cum sanguine miscentur. Ita febris synochus & causus, & epatis inflammatio & morbilli ac variolæ, & phrenitis & angina per hæmorrhagiam narium terminari solent. Interdum & pleuritis, rarius peripneumonia.

Διαίρεσις.

Διαίρεσις est vasorum diuisio, quæ fit aut ab erodentibus per ἀνάβρωσις seu erosionem, ab humore videlicet acri, à vehementi medicamento, interdum & ab hirudine naribus per natationem, in paludibus attracta; aut à vulnerantibus secando, pungendo; aut à contudentibus, vt ab ictu, casu; aut denique à rumpentibus, quibus vasa nimium distenduntur, vt nisu vehemente, saltu, cursu, quò etiam pertinet sanguis feruidus in flatus solutus.

Διαπήδησις.

Διαπήδησις soluta est vasorum continuitas, per quam sanguis è venis quasi transcolatus, aut sudoris modo transmissus effluit. Id quod contingit vel vasorum tunica rarefacta, ipsoque sanguine attenuato, vel gracilium vasorum ore adaperto, vbi etiam sanguis cum impetu & copia non emanat, sicuti in vasorum per ἀναστομωσις apertione.

Differentiæ.

1. Hæmorrhagia narium alia eſt critica, quam natura gubernat & moderatur, expellens ea, quæ ſibi noxia & moleſta ſunt; alia ſymptomatica, quæ non naturæ, ſed morbi aut potius cauſæ morbificæ opus eſt, ideòque certo modo à Natura non gubernatur.

2. Alia è vasis ſit ipſarum narium; alia è venis & arteriis cerebri, in eius præſertim baſi. Non ſemper enim ſanguis ex venis capitis ad frontem tendentibus fluit, ſed sæpe è vasis à tertio cræſſæ meningis ſinu prodeuntibus gracilioribus. Hiſ enim dehiſcentibus, largæ nonnunquam & periculofæ hæmorrhagiæ oriri ſolent, ita vt Bauhinus, in *Theatro Anatom. lib. 3. cap. 8.* ex hiſce venis apertis 24. libras ſanguinis aliquando effluxiſſe obſeruatum eſſe ſcribat. Atque in tali narium profluuiò, vt non ſine ratione idem monet, non fronti, ſed parti cranij poſteriori, occipiti, nimirum, topica remedia reuulſionis cauſſa adhibere accommodatiſſimum eſt. Per ſinus enim poſteriores ſanguis adſcendit, antequam in tertium deriuetur. Hinc legimus, Hippocratem *lib. 1. de morb. vulg. ægr. 7.* ægrotantis Metonis, cui hæmorrhagia narium ſuperueniebat, occiput aqua tepida fouendum iuſſiſſe, vt è naribus cruor liberalius flueret. Probè itaque videndum, vt remedia loco conuenienti applicentur. Nonnunquam in violenta tuſſi aut vomitione ſanguis ſimul per os & nares redditur, quæ tamen hæmorrhagia narium propriè non vocatur.

3. Alia hæmorrhagia narium ſalutaris eſt, vbi ſcilicet magna adeſt plethora, vel ſanguis in venis eſt acrior & feruentior, ac natura modum excretionis ſeruat; alia noxia, vbi modus exceditur, potiſſimum in corporibus frigidis & pituitofis.

4. A Cauſſa efficiente, alia ab ἀνατομῆς, alia à διαρρηξῆς, alia à ἀγανθῆς vaſorum accidit.

Signa Diagnostica.

Quando ἀνατομῆς cauſſa eſt hæmorrhagiæ narium, ſanguis copioſè effluit. Et quidem ſi à copia eſt ſanguinis, adeſt rubor in facie atque venarum tenſio, præ-

cessit victus liberalior & calidior, & causa aliqua externa fundens sanguinem. Plerumque verò talibus hepar dyscrasia calida laborat. Si à qualitate vitiosa sanguinis sit hæmorrhagia, cognoscitur id tum ex sanguine ipso profuente, tum ex signis cacochymicum corpus arguentibus. Si à facultatis irritatione, signa quoque adsunt cacochymix biliosæ aut melancholicæ, vel etiam corruptionis & putredinis sanguinis. Si à retentricis imbecillitate, cætera etiã ferè facultates languent, & sanguis per intervalla exit, isque non multus, ac morbus præcessit, quo epar imprimis & venosum genus debilitatum fuit.

Quando *Αἱμορροΐς* vasorum causa est hæmorrhagiæ, sanguis maiore adhuc copia & impetu profluit, & præcessit contusio, aut alia quæpiam causa violenta externa, vel signa adsunt cacochymix aut vlceris.

Quando *Αἱμὴν* causa est, sanguis, qui exit, paucus est & tenuis atque serosus, qualis est in cacochymicis & hydropicis conspicitur.

Cæterum & alia signa observanda sunt. Si enim sanguinis per nares fluxus criticus est, ægrum leuat: quia cum ipso morbus prior & symptomata evanescent. Si symptomaticus, æger difficulter eum sustinet, & cum pulsu languidiore vires paulatim attenuantur.

Deinde si sanguis immediatè è venis narium prodit, nullus in capite dolor prægressus est. Facile etiam iste fluxus sistitur per adstringentium intra nares applicationem; cum via non sit longinqua. Contrarium accidit, quando è venis cerebri mittitur.

Postremum qui ab arteria sanguis profunditur, is calidus, rubens cum claritate & subtilis est, & cum spuma atque impetu exilit; crassior & nigrior est, qui à vena.

Prognostica.

*Hæmorrhagia
narium
futura
indicia.*

1. Hæmorrhagia narium præcognoscitur ex humorum ad superiora conversione siue eorundem *ἀναρροΐα*, quam capitis & colli dolor, temporum gravis, oculorum caligo vel splendores, lachrymæ inuoluntariæ, rubor nasi & malarum, pruritus & titillatio narium, tremor etiam nonnunquam manuum significant. Præcessit diaphragmatis

tensio,

tensio, sine tamen dolore; inde respiratio facta fuit difficilior, sanguine per thoracem transeunte. Hippocrates, 1. prognost. aphorism. 32. & 3. prognost. aphor. 33. & 3. prorrheth. aphor. 43. & aliquot sequentibus. Galenus in 3. de crisibus cap. ult. & de præcognitione ad Posthum. cap. 13.

2. Quibus in febribus acutis atque adeo ardentibus lachrymæ inuitæ profluunt, his sanguinis è naribus eruptionem expectare oportet, si etiam alia perniciosè non habeant. Nam his, qui malè habent, non sanguinis eruptionem, sed mortem significat. 1. epid. comm. 2. aphor. 80.

3. Et largiores sanguinis profusiones, & eiusdem suppressiones morbos excitant. Hæ conuulsionem, epilepsiam, carum & similia. Illæ animi deliquia, syncopen, cachexiam, hydropem, singultum & conuulsionem quoque 5. aphor. 3. & in 3. prorrheth. aphor. 53. & seqq.

4. Quibus principio hæmorrhagiæ largæ adsunt, rigor superueniens fluxionem sistit. Sin larga hæmorrhagia rigori superueniat, reuulsio fit, rigores verò longi efficiuntur, 3. prorrheth. aphor. 58. & 59. Id Galenus ita explicat. Si *Nota.* hæmorrhagia narium morbum non sedauerit & rigor illum exceperit, tum rigor, tum morbus in longum producuntur. Nam corpus exhaustum spiritibus infrigidatur. Frigus autem morbos diuturnos parit, cum materia facile concoqui nequeat.

5. Quibus in febre ardenti (vt Galenus accipit) capitis dolores adsunt & ceruicis labor, & totius corporis cum tremore imbecillitas, sanguis è naribus profluens morbum soluit 3. prorrheth. aphor. 60.

6. In affectibus epatis aut lienis fluxus sanguinis è naribus ἀνάπαλιν factus, siue è nare diuersa, hoc est, è dextra, si lien laborat; è sinistra, si epar, malum. Non enim fit illa euacuatio κατὰ τὴν vel κατὰ τὴν ὀπισθεν recto tramite, ideòque non motu naturæ, sed morbi vel materiæ. Deterius autem est, si cum sudore thoracis aut capitis fluat, 1. prorrheth. 33.

7. Fluxus sanguinis narium, non tam aduersus est biliosis, quam pituitosis & melancholicis, teste Auicenna. Hi enim sanguinis profusione magis refrigerantur & debi-

litantur. Ira & Hippocrates scribit; 7. aphor. 82. quibus in febribus quartanis sanguis è naribus fluxerit, malum.

8. Quibus sanguis multus è naribus profluit, si quidem immoderatæ decolorationes adfunt (scilicet ob sanguinis penuriam, humorum impuritatem, & bilis flauæ admisionem) iis parum confert. Qui verò prærubro sunt colore, non eodem modo afficiuntur: Et quibus caput facile tolerat, prodest; quibus verò sæcus, minimè 6. epid. f. 6.

9. Quibus febricitantibus sanguis multus ex quacunque parte fluxerit, iis conualescentibus alius humectatur, calore natiuo debilitato, vt nec concoquere, nec in sanguinem conuertere, nec distribuere alimentum rectè possit, vnde initia hydropis existunt. 4. aphorism. 27. & in Coacis.

10. In febre ardente fluxio sanguinis è naribus quarto die mala est, (multitudinem enim sanguinis in toto aut in corpore significat, teste Aëtio, *Tetrabl. 2. f. 1. cap. 124.*) Nisi aliquid boni coinciderit. Verùm quinto die minus periculosa est, Hippocrates in *Coacis*. Fortassis autem de stilla narium loquitur Hippocrates, quæ prauum signum est in febribus ardentibus, præsertim si quarto die accadat; quia absoluta morbi malitia indicatur. Ita scribit, 1. *epidem. comm. 2. aphorism. 63.* sanguinis è naribus largam eruptionem in febribus ardentibus multos seruasse, modicam verò occidisse. Nam vt Galenus docet, nihil eorum, quæ critica sunt, exiguè secerni conuenit: alioquin aut copia tanta significatur, quæ à facultate regi nequeat, aut imbecillitas naturæ tanta, vt superflua, etsi conetur, excernere non valeat.

11. Quibus in febribus ardentibus aures obsurduerunt, his non soluta febre, delirare necesse est. Soluit autem inter alia & sanguinis è naribus eruptio. Hippocrates de *crisibus*.

12. Quibus febrile incipientibus sanguis è naribus stercuratione contingente destillat, & vrina subsidentiam albam in quarta habet, iis in septima solutionem significat. Hippocrates in *Coacis*.

13. *Διαιρέσις* in magno vase, præsertim in arteria, periculosa est, & erosio vix curatur; quia leui occasione crusta iterum decedit. Et Auicennæ est, quod fluxus sanguinis narium est mistura venarum aut arteriarum in reti cerebri mirabili ferè incurabilis sit. *Ανασφύρασις*, quæ à crisi, hoc est, à natura propriis viribus operante sit, bona est, præsertim in febre ardente, phrenitide, viscerum inflammatione. *Διάπνυσις* ratione accidentis mala est, quia sanguis tenuis cachexiam indicat.

14. Si sanguine è naribus erumpente sudores exigui adsint, & perfrigatio accadat, siue extremorum siue totius corporis, malum; quia nimia virium exsolutio indicatur.

15. Stillicidium sanguinis, id est, exigua sanguinis & stillatim è naribus fluxio, quæ ex partis, per quam fertur, densitate accidit, vt hyeme ob frigus, minus, periculosa est: *Stillicidia san-* ita deterior, quæ in acutis, æstate vel autumno, quia tunc *guinis* flaua bilis abundat, & aer ambiens calidior est, qua de *quid si-* causa sanguis promptius fluere debebat. Si ergo subsistit, *gnificet.* arguit vel naturæ nimiam debilitatem, vel sanguinis adusti crassitiem tantam, vt excerni commodè nequeat, teste Galeno, 4. in acutis aphorism. 67. Pessimum est stillicidium, quod quarto die accidit, sanguinis præsertim nigri & crassi, & cum symptomatis malis, vt torpore & surditate, quæ cerebrum & facultatem animalem grauiter offensam esse significant. In morbis pulmonis etiam valde rubicunda stillæ sanguinis malæ sunt. Hippocrates in Coacis. Item in morbis longis parvæ fluxiones sanguinis perniciose. *Ibidem.*

16. Oculorum rectitudo in morbo acuto & motus velox, & somnus turbulentus & vigiliæ, & quandoque sanguinis è naribus stillationes, nihil boni significant. Hippocrates in Coacis.

17. Qui statis certisque temporibus sanguinem profundunt, si siticulosi sint, difficiles & exsoluti, nec sanguinem profuderunt, in epileptici moriuntur. 3. prorrh. aphor.

39. Ex retenta scilicet, quæ consueta antè erat, euacuatione.

18. Ex sanguinis defluxu delirium aut conuulsio, malum. 7. aphor. 9. In Coacis singultus quoque additur.

19. Mensibus deficientibus sanguinis è naribus fluxio, bonum. Hippocrates, 5. *aphor.* 33.

20. Sanguinis è naribus fluxio surditatem ex febribus soluit. Spinæ etiam distorsionem & spirandi difficultatem. Hippocrates in *Coacis*. Et dolorem fortem in infernis partibus, 2. *epidem.* 5. Et in bello de *crisibus*. Præterea ab abscessu liberat, 4. *aphor.* 47. Et vertigines ab initio sanguinis narium fluxio soluit. Hippocrates in *Coacis*.

21. Interdum sanguis è naribus critica expulsionem ad libras quatuor exit sine virium insigni lapsu, ubi & reprimi non debet, teste Auicenna in 3. *can. sen.* 5. *tract.* 3. *cap.* 8. *Sequenti capite* addit, quandoque hominem viuere in fluxu sanguinis narium, donec 20. circiter libræ effluerint; mori verò, si usque ad xxv. continenti scilicet vna affluxione, exeant. Nam copia sanguinis maior in corpore vix contineri simul vna vice putatur. Recentiorum obseruationibus compertum, sanguinem citra vitæ iacturam profluxisse nonnullis ad lb. xii. aliis ad lb. xviii. cuidam spatio quinque dierum ad lb. xx. alij ad totidem libras die vna & noctibus duabus; aliis denique intra sex dies exiisse libras xl. teste Amato Lusitano, instaurato semper sanguine & viribus reparatis exhibitione cibi boni, succi ac præsertim forbilis. Vide Schenckium in *obseruationibus Medicinalibus*.

22. Sanguinis fluxus immodicus plurimum nocet. Ex hoc enim in corporibus biliosis facies citrina euadit, ebulliente bile, sanguinemque residuum adurente; In pituitosis pallida & plumbea, humore pituitoso multiplicato; melancholico fusca, & sæpius in omnibus mortuorum colorem producit spiritibus absumptis. Præterea extremitates refrigerantur, lypothymia & syncope accidit. Interdum mors subsequitur, imprimis dum magna sanguinis copia breui tempore egreditur. Vbi verò multa copia pluribus diebus fluit, paulatim epar refrigeratum debilitatur, vt cachexia & hydrops succedat. Auicenna loco antea citato *cap.* 7.

Indicationes.

1. Ratione vasorum, Si sanguis per eorundem *vasa* effluit,

effluit, oscula illorum claudere & adstringere oportet. Si per *διαίρεσιν*, vniendum, quod quacunque ratione solum est. Si per *Ἀγπήθησιν*, condensans remedium requiritur. Causæ etiam externæ remoueantur.

2. Ratione sanguinis effluentis, si ille copiosus sit, minuatur. Si impetu ruat, coërceatur & aliò conuertatur. Si calidus sit & acris, refrigeretur, & ad benignum reducatur, ac quod prauum planè est, debito modo euacuetur: Si tenuis, incrassetur; si malignus, corrigatur. Si denique epar calidius sit, temperetur.

3. Ratione facultatis, Retentrix imbecilla roboretur; Expultrix nimium incitata cohibeatur, sanguinis vel copia adempta vel correctæ praua qualitate.

4. Si fluxus sit criticus, non coërceatur, nisi modum excedat, natura ob imbecillitatem limites suos egrediente. Ac in his omnibus totius semper ratio habeatur.

Curatio.

Antequam verò curatio secundum indicationes has speciatim tradatur, generales hosce canones obseruare prodest.

1. Sistunt hæmorrhagiam narium Phlebotomia, cucurbitulæ, ligaturæ fortes extremorum, frictiones deorsum factæ, immersio extremorum in aquam calidam, aspersio partis, vnde fluit, frigida, apertio mensium aut hæmorrhoidum.

Canones
in cura-
tione hæ-
morrhag-
iæ nariū
obseruan-
di.

2. Caput in hæmorrhagia narium non perfundendum est aqua frigida, nisi reuulsiones præcesserint per phlebotomiam, extremorum frictiones, oppositorum ligaturas & cucurbitulas in hypochondriis, aut in ceruice, quibus scilicet sanguis vel ad inferiora corporis, vel ad posteriora capitis retrahitur; alioquin, nisi hæc præmittantur, sanguis per refrigerantia intrò compulsus venas, quæ in alto sunt, implebit, vt Galenus 5. m. m. cap. 6. docet. Itaque fluxus sanguinis augebitur tum hac de causa, tum quod calor per antiperistasin intus collectus sanguinis motum & impetum adiuvat. Aut si sanguis retineatur, conuulsio, apoplexia, parotis, aut sanguine in asperam arteriam procumbente dyspnœa sequetur. Quin & hoc suspectum est, quod

vulgus linteum frigida madidum toti collo mox inter initia iniicit. Etenim metus est, ne viis inter cor & cerebrum præclusis apoplexia aut syncope accersatur. Denique frigida, mammis, testibus, collo, occipiti, & spinæ dorsæ adhibita suspecta sunt, vbi in febribus hæmorrhagia narium existit.

3. Si pulvis aut liquor in nares immittendus est, os aqua frigida plenum teneatur, præsertim vbi medicamentum vim causticam habet, ne de hoc per palatum aliquid in os incidat. Sed & aliàs æger quoque supinus iaceat reclinato prius capite. Quod si naribus obstructis sanguis intus per gulam defluat, repurgatis naribus, ore frigidam etiam contineat, aut lac acidum actu frigidum.

*in fluxio-
ne non
qua spectandi.*

4. Sicut in omni fluxione, ita & hic spectanda sunt. Primò membrum, vt appellatur, mandans, siue quod sanguinem p.n. & in maiori copia de se mittit; postea recipiens; mox sanguinis erumpentis quantitas, qualitas, *modus*: tandem viæ, per quas sanguis fertur. Deinde motus sanguinis, num criticus sit & symptomaticus: atque si criticus, num moderatè, an cum excessu effluat. Postea tempus fluxionis. In hæmorrhagia narium, quæ per ardentem fit febrem, concurrunt æstus capitis attrahens materiam, epar calidum, sanguinem sursum mittens, sanguis ipse feruidus sua sponte sequens. In plethora mandans est totum corpus, imprimis epar; vtroque recipiens est caput. Sanguis pro natura sua varia alias atque alias curandi indicationes de se præbet, quemadmodum diximus. Viæ, per quas sanguis ab inferioribus ad caput fertur, sunt venæ à iugularibus, tam internis quàm externis propagatæ, quarum eadem cum humerariis origo est, à trunco cavæ venæ ascendente. Motus sanguinis si criticus sit, aut consuetus, & modum seruet, non supprimatur; nisi sit cum virium lapsu. Nunquam autem statim in initio supprimatur, ac multò tardius sistatur in iis, qui ætate sunt iuuenili, & constitutione corporis sanguinea, & quibus hæmorrhoides aut menses substituerunt. Symptomaticus celeriora præsidia requirit. Denique quo longiore tempore motus duravit, eò maturius occurrendum est, ne vires tandem collabantur, quod

quod vltra lib. iv. effusionem Auicennas fieri censet : cum tamen idem modus in omnibus statui nequeat , vt diximus.

Sed vt ad specialia perueniamus , immoderata narium hæmorrhagia cohibetur præfidiis , quæ respiciunt vel sanguinem prohibendo, ne is amplius profluat; vel vasa, claudendo illorum apertionem; vel vtrumque, quod tutissimum est. Prohibemus sanguinem fluere, cum ad cōtraria ipsum reuellendo, tum deriuando ad vicina , vt docet Galenus, 5. m. m. cap. 3. Id præstat imprimis venæ sectio. Itaque si æger adhuc ferre potest, & nondum resolutus est, secetur media aut interna brachij dextri vena , dum epar membrum mandans est, & sanguis è nare dextra profluit ; sinistri, dum è nare sinistra ; vtriusque, dum è nare vtraque; non quidem euacuationis gratia, sed reuulsione, vt dictum. Fiatque foramen angustum, vt subtilis sanguis effluat, maneatque crassior, minus ad fluendum idoneus. Et moderatè sanguis educatur, ad 3. j. vel 3. ij. atque iteratò post horæ spatium, vt maior fiat reuulsio, virésque non simul dissipentur. Sic enim cursus sanguinis à naribus ad locum venæ apertæ conuertitur, nec exigua hæc quantitas in plures partes diuisa vires deiecit. Idque ideo tutius est, quam ad animi deliquium sanguinem mittere.

Si caput magis sanguine abundare videatur, cephalica aperiatur. In magna plethorà prius venam tali incidere licet, præsertim vbi ex suppressis mensibus & hæmorrhoidibus malum extiterit.

Adhibeantur & alia, de quibus diximus, reuulsoria præfidia, vt cucurbitulæ cum scarificatione in furis, scapulis, & ceruice; hirudines post aures, extremorum frictiones, ligaturæ eorundem dolorificæ, lotiones quoque ex aqua feruēfacta, vel sinapismi plantis pedum applicati. Aqua verò aliisque frigidis vtendum est in iis partibus, vnde sanguis promanat, quandoque non in iis ipsis planè, sed potius circa has, vt Hippocrates docet, 5. aphor. 23. Cucurbita magna sine scarificatione hypochondrio dextro, si è dextra nare sanguis fluat, sinistro, si è sinistra effluit, vtrique, si ex vtraque applicetur. Sed diligenter animad

Hæmorrhagia curatio.

Reuulsio. Vena sectio.

animaduertendum, qualis sanguis profluat, ne vitiosus aut malignus ad epar tanquam ad fontem retractus ibi putrescat.

Vt verò hæmorrhagia narium præcaueatur, si à plethora ea proueniat, sanguinis nimium prouentum conueniente diætâ impedire debemus, & si iam adsit, venæ sectione imminuere.

Purgatio.

Et quidem si hæmorrhagiæ narium causa est sola in corpore & capite sanguinis abundantia, sola etiam sanguinis reuulsio sufficit, nec purgatione aliqua opus est. Vbi verò vitiosi alij humores in corpore sanguini sunt admixti, purgatio instituenda est, qua simul humorum ad inferiora fiat reuulsio. Et quia bilis ferè peccat, vtendum tamarindis, myrobalanis citrinis vel chebulis, syrupo ex multiplici infusione rosarum & similibus, quæ etiam nonnihil adstringunt.

Reuulsionum præsidis administratis, ad medicamenta veniendum est, quæ tam intrò sumpta, quam foris imposita, sanguinis fluxionem compescunt.

*Fluxus sanguinis
sistentia.
Frigescientia.*

Commodè hæc in quinque classes distribuuntur. Prima classis infrigidantia complectitur, è quibus intra corpus vsurpanda, syrapi refrigerantes è cichorio, Iulepus & syrupus rosarum, syrupus de succo acetosæ, de nymphæa, de papauere cum aquis portulacæ, lactucæ, plätuginis, semperuiui, solani, & similibus. Conserua, item rosarum, violarum, nymph. radices cichorii conditæ, caules lactucæ conditi, species diatrion santalon, diarmargariti frigidi.

Opiata.

Ad hanc classem referuntur etiam Opiata, vt philonium Persicum, Romanum, requiem Nicolai, Laudanum opiatum. Sed alibi monstratum est, opium non esse frigidum, sed calidum. Et quamuis in hæmorrhagiis narium exhiberi potest; tamen eam non sistit refrigerando, sed potius spirituum impetum sistendo. Verùm opiatis non nisi extrema yrgente necessitate vtendum, & dum vires adhuc constant.

Inter refrigerantia Ioan. Langius *lib. 3. epist. cap. 6.* hoc habet.

℞. Syrupi papau. 3. ℞. aqu. polygoni 3. iij. philonij Persici vel Romani

Romani ꝑ. j. lapidis hæmatitæ ꝑ. ꝑ. M. F. Hauſtus.

Foris tanquam topica applicentur fronti, temporibus, Topica
collo, ſcapulis, epati, teſticulis, aqua vel ſuccus roſarum, la- refrige-
ſtuce, plantaginis, polygoni, ſemperuiui, ſolani cum aceto, qui- rantia.
bus aliquid mandragoræ, hyoſcyami, opij addere licet.

Vt ꝑ. j. Aqu. roſarum ꝑ. iii. j. acet. roſacei ꝑ. j. boli Armeni ꝑ. j.
M. & frigidum fronti applica cum intincto panno lineo,
qui vbi incaluerit, denuo intinctus imponatur. Fortius ad-
hærebit, addito albumine oui. Vtilis eſt etiam ſpongia
aqua ſimplici frigida, aut roſarum cum pauco aceto ma-
dida fronti frequenter adhibita.

Teſticulis circumligetur pannus hoc liquore madidus.

ꝑ. j. Aqu. plantag. portulacæ, burſæ paſtoris an. ꝑ. iii. pulueris
roſar. ſiccar. ꝑ. i. j. trochiſcor. de camphora ꝑ. j. Miſc.

Pro epithemate ad epar.

ꝑ. j. Aq. cichorij, endiuia, acetosæ, lactuce an. ꝑ. iii. ſpec. dia-
trion ſantal. ꝑ. i. j. diarrhod. abbatis, trochiſc. de ſpodio an. ꝑ. j.
lapidis hæmatit. ꝑ. ꝑ. acet. ꝑ. ꝑ. M. Aut ceratum ſantalinum,
vel vnguentum roſarum Meſue epati inungatur.

Manus quoque & pedes refrigerare vtile eſt, quod fit
lotione cum aceto & aqua, præcipuè ſi volis & plantis è
carpi regione, vbi arteriæ pulſant, adhibeantur. Vel ſilices,
ferrum, vel alia frigida manibus teneantur, aut pedibus la-
minæ plumbeæ vel lapideæ ſubſternantur.

In ſecunda claſſe ſunt adſtringentia, quanquam & ex Adſtrin-
refrigerantibus, quæ attulimus, quædam eandem vim ob- gentia.
tinent. Initio verò vtilia ſunt pentaphyllum, plantago, polygo-
num, burſa paſtoris, myrtus, equiſetum, pilofella, conſolida maior,
minor & media, bolus armenus, terra ſigillata, corallia rubra,
balauſtia, acacia, hypociſtis, cortices granatorum, cornu cerui
uſtum, ſanguis draconis, lapis hæmatites, alumen uſtum, quod
tamen foris ſolum uſurpatur.

Seorſim intro ſumuntur Syrupus cydoniorum, myrtinus, de
ſucco ribes, de limonibus, de ſucco citri, de roſis ſiccis, de agreſta,
de granatis acidis, cum aquis conuenientibus, conſerua roſarum
rubrarum, acetosæ, radices conſolidæ conditæ, rob de ribes, de
berberis, trochiſti de terra ſigillata, de berberis, de ſpodio, de ca-
rabe, mīna cydonior, ſine ſpeciebus.

Vel paretur tale Electuarium.

℞. Conseru. rosar. rubrar. antiquæ, miuæ cydonior. sine speciebus an. ʒ. j. trochisc. de spodio, de berberis an. ʒ. j. corallior. rubror. preparat. ʒ. j. c. c. vsti ʒ. ʒ. spec. diamargar. frigid. ʒ. ij. Cum syrup. de rosis siccis q. s. F. Electuarium.

Dosis ʒ. ij. vel ʒ. iij. & postea bibantur ʒ. ij. vel ʒ. iij. aquæ plantaginis.

Vel ℞. Sem. plantag. portulacæ, lactucæ an. ʒ. iij. rosar. rubrar. p. ij. Coqu. in aqua chalybeata ad ʒ. ix. in Colatura dissolue Iulepi rosar. syrup. cydonior. an. ʒ. ij. trochisc. de carabe ʒ. iij. M. pro tribus dosibus,

Vel ℞. Pulu. trochiscor. de terra sigillata ʒ. j. corall. rubror. c. c. vsti an. ʒ. j. syrupi myrtillorum ʒ. j. aquæ vel succi plantaginis ʒ. iij. Misc. Vtilis est & Corallinus syrupus, & tinctura coralliorum, essentia rosar. rubrar. tinctura lapid. hæmatit. Item crocus ♂ & extract. Croci ♂. si eius gutt. iij. in aqua plantaginis exhibeantur.

Laudatur & sperniolæ compositum apud Crollium, tanquam efficacissimum ad quâuis hæmorrhagiam sistendum remedium, si quantitate auellanæ in aqua plantaginis exhibeatur. Efficacius verò fit medicamentum, si aliquid laudani opiatii addatur.

Vt ℞. Sperniolæ compositi Crollij, ʒ. j. extract. tormentillæ ʒ. ʒ. laudani opiatii ʒ. ʒ. vel ʒ. j. F. Pilulæ mediocres. Dentur 4. vel 5. in aqua bursæ pastoris vel plantaginis.

Pro Frontali. ℞. Boli armeni. sanguinis draconis, an. ʒ. ij. mastiches, farine volatilis an. ʒ. ij. cum albumine oui, vel succo plantaginis & aqua rosarum. F. Massa. Puluis ad hæmorrhagiam narium ad extra, D. Casp. Kegleri.

℞. Lap. hæmatit. ʒ. j. ʒ. Corall. rubr. ʒ. ʒ. Chalcitid. vstæ ʒ. ij. gummi Arab. ass. ʒ. ʒ. trochisc. de spodio ʒ. j. pulu. sanguinar. ʒ. ij. sang. dracon. ʒ. j. ʒ. Contusa misc. pro puluere.

Alius ℞. Pilor. lepor. combustor. farine volatilis an. ʒ. ʒ. boli Arm. preparati ʒ. j. succ. acaciæ, hypocist. sang. dracon. lapid. hæmatit. an. ʒ. ʒ. M. f. puluis.

Alius D. And. Doreri. ℞. Spongiam marinam numero j. Lauetur aqua bursæ pastoris. Imbuatur deinde aceto acerrimo, imbuta intingatur in picem liquefactam, combu

comburatur postea in vase fictili, & ad vsum tandem reponatur.

Vel ℥. Myrrhæ, thuris, sarcocollæ an. 3. ij. boli Armeni, terræ sigillatæ an. 3. ℞. acaciæ, hypocistidis an. 3. j. Terantur in puluerem, de quo aliquid ex aquis refrigerantibus prius enumeratis inspergatur, ac spongia his immersa ac leniter expressa fronti & temporibus applicetur.

Refrigerantia autem medicamenta etiâ colli lateribus, vbi iugulares venæ & arteriæ adscendunt, & ramos ad nares quoque mittunt, commodè applicantur, vt ita viâ, per quas sanguis ad caput & nares fluat, intercludantur.

In hæmorrhagiis narium etiam commendatur aqua spermatis ranarum, si in ea addita pauca camphora & saccharo Saturni linteamina intingantur & collo, vbi venæ iugulares descendunt, applicentur.

Non autem solum epithematum forma, sed & ex bolo & similibus cum aceto & albumine oui emplastrum fieri, & colli lateribus vtrinque, vbi iugulares venæ adscendunt, applicari possunt.

Tertia Classis glutinantia continet, cuiusmodi sunt, *Glutibus, aloë, mastiche, tragacantha, gummi Arabicum, farina volatilis, gypsum, lutum figulinum, telæ aranearum, pili leporis combusti, lanugo arborum, flores & nucumenta salicis, vel populi arboris aceto macerata & iterum exsiccata, coryli item, nucis inglandis, cinis chartæ ex linteo confectæ, spongia acelo macerata & cremata in vase fictili, quorum pleraque vel pulueris forma naribus insufflantur, vel cum aqua aliqua albuminis oui subacta naribus aut fronti applicantur.*

Imprimis verò ad sistendum sanguinem utilis est muscus crescens in craniis humanis, & fungus ille, quem crepitum lupi appellant. Galenus in *Euporistis ad Solonem cap. 13.* & alibi inter alia commendat thus masculum & aloën, quæ in puluerem trita albumine oui excipit, & cum linteo aspersis prius pilis leporis in nares immittit.

Vel ℥. Telæ aranearum, farine volatilis, pilorum leporis combustorum, aloës, thuris, sanguinis draconis an. 3. j. succi plantag. q. s. Gossypio excepta naribus imponantur.

Aut ℥. Gummi Arab. tragacanth. pilor. leporis, C. C. vsti an. 3. j. aloës,

aloes, boli Armeni, sanguin. dracon. mastiches, thuris au. \mathfrak{D} . j. succi bursæ pastoris \mathfrak{z} . ij. Subigantur cum albumine oui, nari-
búsque aliquid indatur.

Petulia-
ri vi san-
guinem
sistentia.

In quarta Classe ponuntur, quæ à proprietate valere creduntur, vt sunt: Succus vrticæ, portulacæ, millesolij, succus ocymi maioris cum camphora. Quo etiam referuntur, mustus in craniis crescens, & alia suprà secunda classe proposita, stercus porcinum, asininum, & succi ex his expressi cum bolo armeno inditi, ranæ virides vstæ & in puluerem tritæ, sanguis, qui effluxit, tostus & tritus, vt & sanguis columbarum, perdicum, turdorum, turturum, cinis combustorum, quæ sub hydris reperiuntur, asellorum, qua scilicet in nares sufflentur. Radix pœonia subiecta linguae, lapis item carpionum in ore detentus, radix equiseti trita & naribus imposita aut herba trita fronti applicata. Radix melanthij masticata & naribus indita, ac de collo suspensa. A nonnullis plurimum commendatur radix cichorii albi circa festum Iacobi collecta circa meridiem, si dentibus teratur.

Quædam etiam collo appensa & manibus versata ac cutim corporis attingentia hæmorrhagiam narium sistere creduntur; vt folia vrticæ maioris, item flores bdellid. maioris in manu detenti, donec incalescant: vmbilicus marinus, iaspis, sarda, seu carneolus, corallium corpori applicatum.

Ita commendatur bufo transfossus *le in Ω existente exsiccat & sindoni illigatus ac regioni cordis applicatus, vel brachio eiusdem lateris. Vinea item humana in sindone rubro de collo suspensa: herba anagallid. phænicea manibus detenta, radix cyani.

Laudatur & hoc amuletum.

\mathfrak{L} . Cinerem bufonis vnius, lapidis hæmatitæ \mathfrak{z} . \mathfrak{ss} . musci cranij humani puluerisati, vmbilici marini, corall. rubr. præpar. an. \mathfrak{D} . j. rad. tormentill. bistortæ an. \mathfrak{z} . \mathfrak{ss} . bursæ pastoris, flor. bdellid. minoris, anagallidis rubræ an. p. j. F. Pulvis, qui in sericum rubrum includatur. F. Saccus collo appendendus. Aëtius tanquam expertum laudat vaporem, ex aceto lapidi molari ignitæ insperso, si naribus excipiatur. Prodesse etiam ferunt coahlear. carnes cum aceto tritas, aut cum thure naribus

naribus inditas ; aut cochleas cum domiciliis suis vstas ac tritas , si fronti & naribus imponantur.

Plurimum hic nonnulli commendant sperma ranarum vere collectum siccatum, quod cum vino propinant.

Postremæ classis sunt caustica, vt vitriolum & chalcitis, calx viua, alumen, quò etiam referri potest sulphur accensum, si extingatur , & vapor naribus excipiat.

Dieta.

Victus ratio in hoc malo sit infrigidans & adstringens, ratione vasorum apertorum & sanguinis feruidi atque acris ; & tenuis quoque & parca , si sanguis copia peccet. Itaque aer ad frigidum & siccum declinet, sitque aliquantum obscurus ; cum lucidus aspectus sanguinem commoueat ; sicut & rubrorum intuitus, & calor externus immoderatio, & motus animi vehementior. Quapropter nec frequenter loquatur æger. Si etiam parum coopertus, præcipue in collo & in capite. Caput non pronum teneat. Comedat pedes & capita veruecum , aliorumque animalium, quæ succum præbent lentum & glutinosum. Utatur in cibis amylo , cremore ptisanæ, hordeatis , amygdalatis cum seminibus frigidis maioribus & saccharo rosato. Caveantur omnia, quæ sanguinem multiplicant , & calefaciunt, exacuunt, attenuant, fluxilemque reddunt. A vino absteineat æger , nisi virtus deficiens plus possit ad indicandum , quam affectio ipsa ad prohibendum , hoc est, vbi spiritus iam deficere incipiunt , & syncope imminet. Tùm enim vinum conceditur , sed oligophorum & nonnihil adstringens , & cum aqua aliqua adstringente vel chalybeata temperatum , & quidem vinum minima quantitate ad frigidum. Somnus sit multus, sed interruptus , ne sanguis ad pulmones vel ad ventriculum confluat.



C A P V T IX.

De Sternutatione.

*Sternu-
tatio.*

INter symptomata, quæ circa nares accidunt, est & Sternutatio, qua natura per nares, quod anteriori cerebro & membranis nasi molestum est, excutere conatur. Quod enim tussis est in pulmone, id sternutatio est in cerebro & naribus. Nam sicut per tussim natura ea, quæ pectori & gutturi molesta sunt, eiicit: ita in sternutatione, quæ naribus molesta sunt. Sternutatio tamen motus, quam tussis, vehementior est. Ad tussim enim saltem pectoris motio requiritur: ad sternutationem & pectoris & membranarum cerebri. Vnde etiam sternutatio pro parua epilepsia habetur. Aër enim, qui è pectore egreditur, ei, qui per nares ad cerebrum attrahitur, coniunctus, quidquid molestum est membranis narium, impetu quodam & cum magno sono elidit, qui generatur, quoniam aër copiosior confertim per angustas narium vias transit. Et si verò à causa præternaturali originem habeat sternutatio naturam stimulantem: tamen quia naturæ molestum expellentis sit opera, sæpe cum commodo accidit, & medicamentis concitatur; vnde lethargo, apoplexiæ, epilepsiæ & similibus capitis affectibus subuenit. Ad partum etiam facilius edendum, ad secundinam expellendam, ad singultum sedandum utilis est. Si tamen immoderatio sit, etiam sua habet incommoda, dolorem capitis excitat, nocetque pectoris & pulmonis morbis, ut & herniæ.

*Sternu-
tationis
commo-
da.*

*Incom-
moda.*

Causæ.

Causa Sternutationis est, quidquid internam narium tunicam irritare potest: quod faciunt vel causæ internæ, humores & vapores acres à cerebro eò delabentes: vel externæ, ut acria; pulvis scilicet piperis, sinapi, nigellæ, pyrethri, hellebori albi, euphorbij & alia ptarmica: Vapores item è coëpis, allio, raphano agresti & similibus exhalan

exhalantes; ventus & aer frigidus; radij item Solis & lux magna, quæ sicut lachrymas ciere oculos vellicando solent, ita & per consensum narium tunicam sensibilem afficiunt.

Signa Diagnostica.

Affectio ipsa per se manifesta est. Si à causis externis ortum habeat, ex ex relatione ægri innotescunt: quæ si absint, prouenit à causis internis.

Prognostica.

1. Sternutatio, vt antè etiam dictum, quandoque nihil nocet, sed pro bono signo & omine vulgo quoque habetur, ac in sanis illud, quod molestum est, excutit. Interdum etiam in morborum declinationibus finem illorum præsignat, validamque virtutem, & materiam attenuatam ac in halitum conuersam indicat. Si tamen sit immoderatio, & diu continuetur, capitis dolorem parit, & spiritus dissipat.

2. Instantis quoque catarrhi indicium est quandoque, vt & in dispositis quandoque Epileptici paroxysmi, & aliorum capitis morborum præsignum est.

3. Mulieri vteri strangulationem patienti, aut difficulter patienti, si sternutatio superueniat, bonum, Hippocrates, 5. aphor. 35.

4. Sternutatio in morbis, in quibus prouocari debet, *Nota.* vt in Apoplexia, prouocata non adueniens, signum lethale est. Naturam enim succumbere significat.

5. Sternutatio in corpore plethorico in principio morbi cum destillatione mala est.

Indicationes.

Sternutatio, quæ nimia est, sistenda est & impedienda; sicut & quæcunque in hæmorrhagia narium, quam commouet; in hernia, cum intestina suo loco depellat; in oculorum, pectoris, aliarumque partium dolorosis affectibus, quos exasperare solet. Quæ verò in declinationibus

morborum, vel ante paroxysmum Epilepticum accidit, impedienda non est. Impeditur autem & inhibetur sternutatio, si ea, quæ vim expultricem irritant, & narium sensilem tunicam vellicant, tollantur, & vellicatio ipsa inhibeatur.

Curatio.

Itaque si à capitis excrementis sit sternutatio, caput euacuandum. Si à causis externis, illæ amouendæ. Vbi verò causæ externæ statim tolli non possunt, præsertim internæ, ut illa irritatio tollatur, nares demulceantur vapore aquæ tepidæ, vel inungantur lacte, butyro, oleo violarum, rosaceo, salicis, amygdalarum dulcium, seminis cucurbitæ, papaueris, vel albumine oui, & mucilagine seminis cydoniorum & psyllij. Eadem olea etiam auribus immitti possunt. Nonnulli os frigida fouent, & faciem etiam frigida lauant. Decoctum Basilici exhibitum ad sistendam sternutationem vtile esse, nonnulli docent, ut & si eodem decocto caput lauetur. Anisum etiam cum apio olfactum, sternutationem inhibere fertur.

Ut materia à naribus reuellatur & deriuetur, extrema ligentur & fricentur, aures vellicentur, oculi premantur aut fricentur, nasus trahatur, caput pectinetur, palatum digito fricetur. Spiritus retentio, ut & valida attractio, sternutationem etiam sedat. Et cum lux ac splendor sternutationem excitent, tenebræ eam sedant. Si verò à frigore & borea proueniat sternutatio, olea calida sine mordicatione naribus attrahere, & in nares infundere, calida item olfacere conuenit.



C A P V T X.

De Coryza.

¶ Andem inter excretorum per nares vitia est Coryza, Latinis Grauedo, ita dicta, quod in ea in capitis parte anteriore circa frontem sensus quidam grauitatis perci

percipitur, humoris scilicet excrementitij à cerebro per nares defluxus nimius.

Verum quia Coryza catarrhi species est, de catarrho verò suprà satis dictum, vt in specie de coryza multa dicamus, opus non est. Hoc saltem monemus, inter reliquas catarrhi species leuissimam esse, quæ fit in nares, & minus periculosam, quam quæ fit in asperam arteriam vel pulmones. Et plerumque, si vniuersalia præsidia adhibeantur, & recta diætæ ratio instituat, sponte cessat. Ad compescendam tamen coryzam iubent medici excipere naribus vaporem è decocto maioranæ chamæ. meliloti, violar. sisymbrij, vel aq. maioranæ naribus attrahere, vel acetum rosaceum ferreæ laminæ ignitæ infundere, vel rosas cum aceto laminæ iniicere, vel fabas integras aceto madidas, & vaporem naribus excipere. In fluxione frigida etiam nigellæ & cumini vel thuris vsti odor naribus suscipiatur, vel pulegium olfaciendum præbeatur. Odores enim eiusmodi & causam proximam siccando absumunt, & remotam quasi, id est, intemperiem cerebri frigidam corrigunt. Qui coryza laborant, balneum ingredi non debent, ne materia ad nares fluens circa os ethmoides exsiccetur, & obstructionem pariat, vnde olfactus tollitur. Si nares ex continuo defluxu humoris acris exasperentur, & rubescere atque exulcerari incipiant, vnguento pomadæ inungantur.

* *



LIBRI PRIMI

PARTIS III.

SECTIO QUINTA.

De Linguae morbis & Symptomatibus.

CAPUT I.

De Linguae asperitate & scabritie.



OSTQVAM narium affectus explicauimus, & de olfactus læsione egimus: restat tandem, vt de morbis ac symptomatibus linguae & gustatu læso dicamus, atque ita tractationi de morbis & symptomatibus, quæ in sensibus externis & eorum organis accidunt, finem imponamus. Etsi verò lingua non solum gustatus organum sit, sed & motum obtineat, vt cibum in ore regere, & tanquam manus dentibus porrigere, deglutionem promouere, collectionem quoque & eiectionem saluæ adiuuare possit: præcipuè verò vt sermonis organum sit, & propterea affectus, qui linguae præter naturam accidere solent, non omnes huius loci sint, vbi de læso gustatu eiusque organo præter naturam affecto agere nobis propositum est: tamen cum affectus hi magnam cognitionem habeant, & vnus linguae morbus & gustatui & sermoni obesse possit, ob affinitatem, & quia vni subiecto insunt, de omnibus linguae morbis & symptomatibus hoc loco agemus.

*Lingua
usus.*

Et linguæ morbos quod attinet, primò quidem lingua sæpe aspera & sicca euadit, ita interdum, vt etiã rimas & fissuras agat. Idque accidit à vaporibus calidis, acribus & putridis, linguam exsiccantibus & quasi comburentibus; quod fieri solet in febribus cõtinuis, malignis, ardentibus, in inflammatione pulmonum, pleuræ, & partium thoracis, ac cordis calidis affectibus, vt & si à ventriculo, epate, liene & partibus vicinis, vapores tales per œsophagũ ascendant.

*Lingua
asperitas.*

Curatur quidem rectissimè hoc malum, si morbi, à quibus fuligines illæ acres & calidæ suppeditantur, tollantur: verùm quia ægri hæc ipsa etiã mala leniri cupiunt, calorem, asperitatem & siccitatẽ linguæ temperant colluitione oris ex aqua portulacæ, rosarum, nymph. decocto hordei, cum exigua portione aceti, vel iulepo rosarum aut violar. vel decocto violar. lactuc. cum syrupo violarum & diamor. Vel detineatur in ore succus citri, radic. lactucæ, cerasa acida, tamarindi, pulpa cucumer. cucurbitarum. Vel nodulus ex semine cydonior. cum pauxillo sacchari candi, decocto hordei vel aqua rosarum aut violarum madidus.

Vel ℥. Mucilag. psyllij, sem. cydon. aq. violar. extract. an. 3. ℞. syrup. violar. 3. iij. sacchar. penid. 3. ℞. Misce.

Vel ℥. Hordei contusi, passular. an. 3. j. glycyrrh. 3. ij. sem. psyllij, cydon. an. 3. ℞. Coqu. & colentur, & addita sacchar. f. q. ad syrup. formam coquantur. Videtur plura in doctrin¹ de Febribus, de Curatione sympt. quæ febribus accidere solent.²



C A P V T II.

De lingua magnitudine nimia, tumore, calculis.

DEinde interdum lingua præter naturã augetur, & quidem non vno modo. Nonnunquã enim incrementum saltem quoddam linguæ est. Ita Galenus, de diff. morb. c. 9. scribit, se vidisse cuiusdam linguam suprã modum absque ullo doloris sensu excreuisse, vt neque oedema, neque scirrhus, neque inflãmatio esse videretur. Neque enim premeti manui cedebat, neque omni sèsu carebat, neque dolore infestabatur, sed hoc ipsum incrementum duntaxat erat, nihil ipsa substantiæ particula vitata, quod accidit ob copiam

*Lingua
magnitu.
do nimia.*

*Lingua
tumor.*

utilis alimenti in eius substantiam conuersi. Nonnunquam verò ex affluxu humorum p. n. vitiosorum lingua tumescit, & quidem cum vel sine inflammatione. Sicut Galenus, 14. de meth. med. cap. 8. scribit, se vidisse linguam ita tumefactam, vt ore contineri non posset: quod & Forestus vidit, lib. 14. obseru. 18. Id quod accidit plerumque ex materiæ calidioris ad linguam affluxu, ob quem interdum etiam inflammatur, & quandoque inflammatio in abscessum degenerat. Interdum verò tumor est ex pituitosæ materiæ affluxu: nonnunquam etiam à morbo Gallico, humoribus prauis & corruptis ad linguam affluentibus, vnde ita intumescit, vt ex ore emineat, sicut Alexander Benedictus id annotauit lib. 5. cap. 10. Idem interdum ex inunctione hydrargyri accidit. Nonnunquam verò & ex materia venenosa, vt esu fungorum venenatorum, vel alterius rei venenatæ, vel morsu bestię venenatæ linguæ tumor excitatur.

Signa Diagnostica.

Magnitudo præter naturam aucta & tumor ipse visui patet: Causæ verò ita discernuntur. Si magnitudo illa linguæ sit saltem quasi nimium linguæ incrementum, lingua secundum partes omnes æqualiter augetur, & dolor ac signa vitiosorum humorum absunt.

Si verò fiat ex affluxu humorum vitiosorum, signa eorum & dolor plerumque adest, & ferè in vna parte magis apparet, quam in alia. Et quidem si tumor sit à sanguine & materia calida, adest simul rubedo faciei & linguæ, habitus corporis est calidior, & manifesta caliditas ac dolor plerumque percipitur. Si verò materia sit pituitosa, lingua albicat, multumque pituitæ effluit, saporque est insipidus. Si ex lue venerea sit tumor, eius notæ etiam alibi in corpore apparent. Si ex veneno, aut re venenata sumpta, id æger patefaciet, & alia etiam signa veneni aderunt.

Prognostica.

1. Linguæ tumor malum est non contemnendum. Nam lingua motu suo & sermoni & masticationi inseruit, qui in lingua tumida læditur: Imò interdum ex nimio linguæ tumore periculum suffocationis imminet.

2. Si

2. Si linguæ tumor sit durus, liuidus, & ad cancri naturam ferè tendens, incurabilis est.

Curatio.

Materia ad linguam confluens auertenda, euacuanda, repellenda, & quæ influxit, discutienda, vel etiam suppuranda. Ideoque si sanguis abundat, vena cephalica in brachio aperienda, & cucurbitulæ ceruici apponendæ. Deinde etiam venæ sectio sub lingua instituenda. Humor biliosus & pituitosus conuenienti modo euacuandus.

Præmissis vniuersalibus & reuulsionibus ac diuersionibus adhibitis in tumore à sanguine in principio vtendum medicamentis repellentibus, vt succo citri, limon.ribes, granatorum, acetosæ, succo lactucæ, quo solo Galenus, 14. m. m. cap. 8. purgatione præmissa, quendam sanauit. Nam succi hi & repellunt sua frigiditate, & ratione acetositatis humiditatem cum salia educunt. In augmento addatur diamorum versus declinatione in acetum quoque admisceatur scilliticum.

In materia pituitosa in principio vtendum oxymelite simpl. In augmento addatur parum zingiber. aut salis gemmæ & ammoniaci, vel os colluatur decocto origani, pyrethri, cum hydromelite.

Versus declinationem frictio fiat cum sale & aceto, vel cum cepis aut scillæ. Frequenter exspuendum: quemadmodum hæc à Rhase peculiari explanantur. Pituitam quoque ex ore efficaciter ducit hæc oris collutio.

℥. Maluæ cum toto, violar. fol. scabiosæ, hyssop. an. M. j. rad. altheæ ʒ. β. flor. melilot. P. j. ficuum. Num. iij. passular. enucleatar. ʒ. j. sem. fœnicul. ʒ. ij. nid. hirund. dimid. Coqu. in aqua communi.

℥. lb. j. f. Colaturæ, mell. rosat. colat. ʒ. iij. pro oris collutione.

Si tumor pituitosus sit, & humorem melancholicum admisceri suspicio sit, humoris euacuandus & lingua assidue lacte vel decocto caricarum, passularum maiorum, radic. altheæ, glycyrrhyzæ, sem. fœnigræci fouenda.

Si linguæ verò tumor callosus & cancrusus sit, cuius mali historias aliquot recenset Forestus lib. 14. obseru. 24. fm.

Lingua
tumor

cancro-

in schol. malum ferè incurabile est , & putredine ad radicem linguæ , vel sanguinis fluxu in venis erosio accedente tandem ægri moriuntur.

*Lingua
inflam-
mationis.*

Si linguæ tumor cum inflammatione coniunctus sit, scetur primò cephalica , hinc venæ sub lingua & cucurbitulæ vsurpentur, postea curandum , vt abscessus rumpatur, colluendo os decocto tepido foliorum lactucæ , maluæ, violarum, hordei, ficuum, passularum maiorum, sem. cydonior. foenugræc. addito syrupo violarum , & de iuiubis ac diamoro. Ficus etiam per medium scissæ, & continuò tumori impositæ suppurationem promouent : vt & decoctum earum & vuarum in ore detentum. Furfures etiam si in aqua coquantur, donec liquor lubricus fiat , & colatum decoctum in ore sæpius detineatur, abscessum aut rumpit aut discutit.

Si tumor sponte non aperitur, scalpello aperiatur , Pure excreto decocto hordei , folior. scabiosæ, plantagin. agrimon. cicer. rubr. addito melle rosac. eluatur : abstersum vlcus ferè per se consolidatur; aut curatur, vt oris vlcera.

*Tumor
linguæ.*

Si ex lue venerea fit tumor , curatio ad eundem morbum dirigatur.

A venena.

In materia venenosa ex esu fungorum prauorum aut alterius rei venenatæ , vel morsu bestię venenatæ ad magnas antidotos, & propria remedia confugiendum est ; & vitanda purgantia , quæ materiam ad centrum corporis trahunt, ac venenum intus retinent. Os verò colluendum decocto plantaginis , scabiosæ , ac syrupo vel melle rosaceo.

*Calculi
in lingua.*

Observatum etiam, Calculum in spongiosa linguæ carne genitum fuisse, & tandem tumore, qui calculum continebat , emollito ac aperto , excidisse, cuius rei exemplum habet Forestus, *lib. 4. obs. 26.*

Vlcera verò , quæ post inflammationem interdum relinquuntur , curantur , vt reliqua oris vlcera , vt postea dicetur.



CAPVT III.

De lingua vulneribus.

Ingua interdum etiam vulneratur, quod plerumque *Lingua*
dentibus accidit, in conuulsionibus & lapsu; imò in- *vulnera*
terdum particula linguæ hoc modò amputatur.

Vulnera autem talia nonnulli futuris coniungenda do-
cent: verùm vix commodè hîc futura institui potest; ideò-
que solùm medicamenta. conuenientia adhibenda. Quia
verò emplastra adhiberi commodè non possunt, linctus &
linimenta ex syrupo de rosâ siccis, melle rosato colato, sy-
rup. vel similibus adhibenda: Vel paretur tale decoctum,
quo os colluatur.

℥. Hordei mundi M. j. Coqu. in aqua pura, donec crepet,
sub finem adde folior. myrtill. summit. hyperic. fol. plantag.
rosar. rubrar. an. M. B. balaustrior. P. j. Coqu. Decocto os col-
luatur. Potest & mel rosatum addi. Si verò, quod interdum
accidit, linguæ particula amputata sit, ea non regene-
ratur.



CAPVT IV.

De ramula sub lingua.

Nonnunquam tumor sub lingua in mollioris parte, *Ranula*
qua lingua connexa est, oritur, pueris familiaris, ra- *sub lin-*
rius inflammationis, sæpius oedematis speciem præ se fe- *gua.*
rens, quem à figura, quam exprimit, *ῥαγχον*, siue ranulam
linguæ Aëtius & Paulus appellant. Quanquam inter-
dum globuli rotundi speciem exhibeat. Aperto illo tu-
more mucus prodit, oui albumini colore & consistentia
similis: nonnunquam tamen & colore citrino. Comper-
tum verò est, & lapillos simul cum muco vel ipsos solos
sine sanie & sanguine ex apertis eiusmodi tumoribus ex-
cretos fuisse.

Causa

Causa mali est sanguis crassus & terrestris, seu, vt loquuntur, humor tartareus in venis sub lingua coaceruatus, aut pituita & humor lentus à cerebro eò delatus, partibusque illis infixus.

Quod ad curationem attinet, post vniuersalia, phlebotomiam scilicet, diuersionem & purgationem, collutines oris fiant, ex incidentibus & resoluentibus, vt ex decocto origani, mentastri, pyrethri cum sale communi tosto, vel cum sale gemmæ. Vel hic puluis vsurpetur.

℥. Piperis, zingiber. an. 3. j. sal. gemm. comm. an. 3. ij. organ. calaminth. rad. ireos, hermodactyl. an. 3. ʒ. mastich. 3. j. Fiat Puluis, quo Ranula fricetur.

Aliqua etiam pars pulueris huius incorporetur cum albumine oui, & cum petia imponatur, semper renouando, postquam æger crebro id exspuerit.

Auicennas laudat origanum, cortic. granator. & sal, quibus mixtis & puluerisatis ranulam fricare iubet. Item tragacanthum vstum & hermodact. mixta cum albumine oui, & sub lingua posita.

Aut *℥. Balaust. alumin. gallar. an. 3. ʒ.* F. Decoctio in aqua. Colatura sub lingua teneatur. Fortius est, si frictio fiat cum flore æris & tragacanth. Aëtius ærugin. rasæ, chalcitidis & gallæ æquas partes miscet, & puluerisata inspergit, cauendo, ne quid de hisce deglutiat. Aut cum passo collutionem ex iisdem parat; aut iis vtitur, quæ ad aphthas & vlcera oris valent. Commendat & hoc, quod

℥. Nuc. iugland. veteres integras, vnâ cum corticibus vstas, quibus tritis addit piperis ʒ. xij.thur. ʒ. iij. & cum melle mixta illinit.

Chirurgia.

Si his nihil perficitur, tumor scalpello vtrinque aperitur, & vbi humoris copia effluxerit, os aliquot diebus colluatur cum posca exiguo sale addito, donec nihil amplius humoris in loco affecto reliquum sit. Alij acu per tumorem transfixa vulnus postea cum scalpello dilatant, vt materia contenta effluat, qua exhausta aquam mulsam gargarizare iubent, quam & per siphonem in transfixum tumorem immittunt, & vlcus tandem legitimè claudunt. Sunt, inter quos Ambrosius Paræus, *lib. 7. cap. 5.* qui

qui potius ferro ignito tumorem aperiendum censent, ne malum reuertatur. Nigram verò vel fuscam & duram ranulam, quæ cancrofa est, ne attingas.

CAPVT V.

De lingua adstrictione.

Accidit etiam interdum, vt lingua freno aut vinculo suo arctius adstringatur, vt veluti decurtata liberè moueri ad sermonem formandum nequeat, siue id fiat à primo ortu, siue pòst ab vlcere aut cicatrice. Ac tales ἀγκυλόγλωσσοι & μοιχάλοι, appellantur; Virium ipsum ἀγκύλωσις.

Malum hoc oculis patet, & sermoni impedimentum affert: infantes etiam eo laborantes lac promptè fugere nequeunt.

Vinculum ergo hoc transfuersim incidendum est, vt Aëtius docet, *tetrabibl. 2. ferm. 2. c. 26.* Paulus Ægineta *lib. 6. c. 29.* Nimirum lingua sensim eleuanda est, & forcipe acuta frenum quantum opus discindendum, cauendo, ne venæ sub lingua lædantur. Vide Institut. *l. 5. p. 1. s. 2. cap. 7.*

Si verò cicatrix causa est, vncino apprehensa extendatur, & quicquid durum est, & cum naturali carne nō consentit, excindatur: sectione peracta os posca abluatur, postea inspergatur manna thuris, imponatur linteam carptum & conuulsum, & os aqua mulla colluatur, vel mel rosatum illinatur.

Atque hæc de morbis linguæ dicta sunt. Iam de symptomatibus dicendum.

CAPVT VI.

De Læso Gustatu.

Inguæ à natura tum motus tributus est, quo promptè in omnem partē impellatur, qua de causa etiam musculos plures accepit; tum sensus tactus & percipiendi

sapo

sapores. Motum habet à neruis, qui musculis linguæ implantantur; sensum ab iis, qui in extremam linguæ superficiem & tunicam eius sparguntur. Ita fit, vt lingua partibus extimis sapores dignoscat, moueatur verò à musculis, vt scribit Galenus, 8. *de usu part. cap. 5.* Nerui motui linguæ inferuientes sunt à septimo pari neruorum cerebri; qui gustui inferuiunt, à tertio pari propagantur.

Quanquam autem gustus tactus quidam est, vt Aristoteles disputat 2. *de anim. cap. 10.* & vtrumque habet à neruis tertij paris: tamen aliquando accidit, vt manente sensu tactus in lingua gustus pereat. Nam ad gustum, qui subtilior sensus est, exquisita admodum in organo sentiendi facultas requiritur, quæ facile ab aliqua præter naturam causa hebetatur; hebetata tamen sufficere potest ad sensum tactus, qui non ita facile, vt gustus, in eadem parte læditur & afficitur.

*Gustus
læditur
seruato
motu lin-
guæ.*

Sed vt pereunte tactu in lingua gustus maneat, fieri nequit. Sæpe verò & hoc usu venit, vt constante gustu tactusque linguæ, motus eius impediatur; cuius ratio manifesta est, ex diuersis sensus & motus neruis, vt diximus. Sensus igitur linguæ inest, tum vt tactiles qualitates percipiat, tum vt gustabiles, qui sunt sapores, eorumque discrimina varia. Motus inest, vt cibum in ore regat, & tanquam manus dentibus porrigat, & etiam deglutitioni inferuiat, & vt collectionem & exspuitionem quoque saliuæ adiuuet, præcipue verò vt sermonis formandi sit instrumentum.

Postquam igitur de morbis linguæ dictum; proximum iam est, vt de symptomatibus eius dicamus. Inter actiones læsas hic sunt, Gustus læsio, & motus linguæ læsio.

Vt lingua gustatus organum sit, non solum peculiarem substantiam, carnem scilicet raram, spongiosam ac mollem obtinet, sed & neruos à tertio neruorum pari accipit: quæ eius naturalis constitutio si lædatur, gustatus læditur.

Læditur autem gustatus tripliciter; vel quia imminuitur, vel aboletur, vel deprauatur. Imminuitur, cum saltem sapores excellentes percipit: aboletur, cum planè nullos: deprauatur, cum obiectum alterius, quam est, saporis esse iudicat.

iudicat. Imminuitur & aboletur iisdem de caussis, quæ in imminuto gustatu sunt minores, in abolito grauiore.

Fit hoc, cum vel spiritus animalis non transmittitur, *Causa gustatus læsio.* quia paulatim deficit, quod fit in moribundis; vel quia eius influxus impeditur, ab obstructione aut tumore p.n. in neruis tertij paris, & parte cerebri, vnde nerui illi originem habent; vel quia nerui tertij paris refrigerantur, aut lingua frigida; aut humida materia perfunditur, vt fit in catarrho, aut pustulis; vel vlcere obsidetur.

Deprauatur verò gustus, quia vel linguæ substantia aut membrana illam inuestiens vitioso aliquo humore imbuta est, ita si bile lingua perfunditur, omnia, quæ gustantur, amara esse putantur, in aliis affectibus falsedo vel acor cibis inesse videtur. Nam succus extrinsecus à cibus accedens viriosum linguæ succum, qui prius quieuerat, excitat mouetque; gustandi autem facultas non eum, qui iam accessit, sed qui per linguam antea fusus erat, sentit ac percipit, atque ita quod intus existit in lingua, prohibet extraneum, quemadmodum hac de re docet Galenus, i. de sympt. caus. cap. 4. Addit ibi Galenus, aliquando, quamquam rarius, accidere, vt lingua ob *anæsthesiam* sensus gustandi succos, quos in se continet, prius sentiat, quam aliquid ore acceptum gustet.

Causæ.

Vt ergo causas breuiter complectamur, imminuitur vel aboletur gustus, neruis suis perfrigeratis & emollitis, vel iisdem obstructis, aut malè affecta ea parte cerebri, vnde illi prodeunt; aut malè conformatis neruis, neque ad linguam pertinentibus, quod in Lazaro illo vitriuorace, qui nullo prorsus gustu, dum viueret, præditus erat, accidit, cuius mentionem facit Columbus l. 13. Anatom.

Deprauatur vel à causa externa, vt assumptis quibusdam in os, quorum sapor non facilè è lingua eluitur; vel internis, vt ab humore vel vapore, quo lingua imbutur. Humor ille vel vapor defertur interdum ex ventriculo, vel intestinis (quorum tunica communis est cum linguæ & faucium tunica) item ex vtero, epate, liene, pulmone, thorace malè affectis: interdum ex faucibus vlcere

sanioso

fanioso obfessis ad linguam mittitur: frequenter denique è cerebro ad fauces & linguam confluit.

Signa Diagnostica.

An sapor imminutus, abolitus vel deprauatus sit, æger patefaciet. Qualis verò ille humor sit læsi gustatus causa, ex sapore & linguæ colore dignoscitur.

Nam dulcedo & rubedo sanguinis est; amaror & color citrinus bilis; falsedo & albedo pituitæ putrescentis; acor & color ater, humoris melancholici: Sapor abominabilis prauos in ore ventriculi humores hæere arguit. Pustulæ, tumor & apostema linguæ oculis cernuntur. Si lingua sit sana & mediocriter rubra, & gustatus imminuatur vel aboleatur, ægritudo est in capite vel neruis, à quibus gustandi facultas dependet.

Prognostica.

1. Gustus læsio diu perseverans facultatem naturalem lædit. Neque enim homo alimenta discernere potest.
2. Gustus læsio ab intemperie frigida & sicca difficilior curatur, quam ab intemperie calida & humida.

Curatio.

In curatione obseruandum primò, an vitium hæreat in ipsa lingua, an verò cerebri vel neruorum vitio, vel ventriculi, pulmonis aliarumque partium accadat, vt ad fontem mali & membrum primario affectum curatio dirigatur. Si gustus lædatur à causa calida, eaque humor sit, is conuenienter euacuandus. Deinde diu in ore teneatur leniter gargarizando acetum, vel succus malorum granatorum, item succus endiuixæ, lactucæ, portulacæ, mucilaginis seminis psyllij & cydoniorum cum aqua rosarum vel acetosæ; fricetur lingua carne limonum & citriorum ad appetitum & gustum reuocandum. Si malum sit à causa frigida, materia præparetur, & conuenienter euacuetur; deinde gargarismus fiat ex hyssopo, glycyrrhiza, caricis, melle, cui aliquid de Rob nucum admisceri potest, ad tollendum saporem extraneum. Si causa sit in pustulis, vel vlcere linguæ, aut lingua per consensum alicuius partis afficiatur, his omnibus, sua peculiaris curatio adhibeatur.



CAPVT VII.

De lingua motu læso.

Inguæ motus læsio oritur, affectis nervis septimi pa- Lingua
motus læ-
sus.
ris cerebri prope spinalis medullæ initium, atque ita
musculis linguæ affectis, siue intemperie nuda frigida &
humida, siue coniuncta cum materia & nernos illos seu
irrigante, seu angustiam in iis pariente, vnde post apo-
plexiam sæpe paralytis linguæ accidit; siue soluta vni-
tate.

Interdum, vt dictum, lingua freno aut vinculo suo ar-
ctius adstringitur, vt veluti decurtata liberè moueri ad
sermonem formandum nequeat, siue id ab ortu accadat,
siue post ab vlcere aut cicatrice, Et qui à natura tales sunt,
principio quidem tardè in sermonem prorumpunt: vbi
verò loqui coeperunt, citra difficultatem, & satis festinan-
ter loquuntur. Impediuntur tamen in appellatione nomi-
num & verborum, quorum aliàs difficilior est pronuncia-
tio, veluti in quibus R & L literæ frequenter occurrunt,
vt describit Aëtius *Tetrabibl. 2. serm. 2. cap. 36.*

Nonnunquã tumor sub lingua, quæ Ranulam appellant,
oritur, de quo c. 4. dictum, quæ etiam motû linguæ impedit.

Læditur & lingua motus, quando ea tota intumescit, vt
etiam antea dictum. Ex ebrietate quoque linguæ motus im-
peditur, vt homo in loquendo vel titubet, vel mutus redda-
tur, & nonnunquã cõuulsus moriatur, neruorum principio
nimia vini potatione obruto, teste Hippocrate, 5. *aphor. 5.*

Ex concussione quoque cerebri per ictum vel casum
linguæ motus impeditur, eodem Hippocrate teste, 7. *aphor.*
59. & Galenus, 1. *de loc. affect. cap. 6.*

Tandem aliquando à vermibus in intestinis linguæ mo-
tus impeditur, cuius exemplum insigne est apud Alexan-
dram Benedictum, *lib. 5. cap. 15.*

Ex his igitur causis motus linguæ læditur, vt vel planè
auferatur, vel imminuatur, vel deprauetur.

Aufertur motus linguæ, atque ita loquela simul, siue con-
formationis vitio à primo ortu, siue post, quando spiritus

Motus
lingua
læsi disse-
rentia.
Motus
abolitus.

animalis vel non transfertur ad linguam; siue ob cerebri obstructionem & neruorum angustiam, vt in apoplexia, caro, catoche, siue ob spirituum animalium consumptionem aut ad interiora retractionem, vt fit in morti proximis, in syncope & vteri suffocatione; vel non recipitur in lingua, propterea quod obstructio vel tumor est in neruis septimi paris cerebri. Ad hanc ergo neruorum angustiam, si perfecta sit, sequitur linguæ paralytis, eaque interdum citra gustus offensionem: Sin leuior, ex interuallo modo loquitur homo; modo obmutescit sano corpore.

Imminuitur autem motus linguæ, vt tarda vel difficilis euadat loquela, vel citra vitium linguæ, dum spiritus animales alio auocantur, vt in ira, terrore, nimio gaudio; vel eiusdem vitio. Vitium autem hoc est vel natium, & tales homines non possunt incipere loqui, nisi prius multoties linguam mouerint, & labia, atque hinc expeditè loquuntur, aut multo tempore vnā dictionem proferunt, aut postquam loqui coeperunt, non possunt in sermone progredi, & sæpe eandem syllabam repetunt, quod vitium Græci *ἰσχυροφωνία* & hæsitantium linguæ vocant; etsi hoc vocabulum exilitatem vocis potius significat: vel aduentitium à linguæ vulnere aut apostemate, aut vlcere, excrementia magna sine apostemate, paralyti secundum medietatem dextram & sinistram.

Lingua
hæsitans.

Motus
lingua
deprauatus.
Blasphemia,
balbuties.

Deprauatur motus linguæ, vt vna litera vel syllaba pro altera præter voluntatē proferatur in vitio, quod *αὐθόρως* blasphemias, & *ψαλίσκος* balbuties nuncupatur; quarum hæc literas aut syllabas quasdam inter pronuntiandum absorbet, vel quasi supprimit: Illa literam vnā pro altera vitiosè effert, imprimis literam R.

Causa primò est intemperies linguæ & neruorum atque musculorum huius, eaque plerumque humidior, siue natia sit, vt in pueris, qui post ætatis decursum, vel febre superueniente absumpti humiditate superuacanea, rectè loquuntur; siue afficta ex humoris affluētis copia à cerebro humidior, vel ab ebrietate, ob quam humiditatem imbecilliores musculi linguæ eam nō firmiter ad dentes primos stabilire & allidere possunt. Interdum verò intemperies

linguæ

linguæ ficcior, ob quam lingua conuellitur & contrahitur, vt rectè extendi & dilatari nequeat. Deinde in caussa est mala conformatio, aut in nimia linguæ breuitate, longitudine, crassitie, aut in muscutorum linguæ conformatione.

Signa Diagnostica.

Linguæ motus læsus ex sermone læso, vt & masticatione & deglutitione percipitur.

Caussas quod attinet, si lingua lædatur per consensum à cerebro, noxa etiam in cæteris functionibus animalibusprehenditur; quod non accidit, si vitium tantum sit in nervis septimi paris cerebri, atque tum si tenuis humiditas linguæ musculos penetrat, ipsosque resoluit, paralyfis linguæ existit. Conuulsio verò cognoscitur ex linguæ contractione. Connulsa quoque lingua neque ab ægro, neque ab aliis flecti & moueri facile potest: Paralytica verò per alium non difficulter mouetur. Mala conformatio ligamenti oculis patet. Sicut & tumor, qui, ex quo humore constat, colore aliisque indiciis proditur. Si tumor est inflammatorius, durities, dolor & febris adest.

Prognostica.

1. Grauitas & tarditas linguæ relicta post apoplexiam, carum, lethargum & similes affectiones rarè & difficulter admodum curatur.

2. Ex confirmata paralyfi omnes obmutescunt.

3. Dum lingua tota paralyfi afficitur, grauis metus Apoplexiæ impendit. Galenus, 4. de loc. affect. c. 2. Scribit tamen Forestus lib. 14. obs. 31. in Schol. se non rarè obseruasse linguæ paralyfin obortam, quam nulla apoplexia consecuta est. Quod & ego obseruaui in professore quodam huius Academiæ, qui ex catarrho subito decidente planè mutus reddebatur, & in tabulam scribere opus habebat, quid mali pateretur, (sensus & reliquarum partium motus integer erat) qui frictionibus adhibitis & clystere iniecto paulò post iterum loqui cæpit, & à catarrho liberatus nunquam apoplexiam passus est.

Curatio.

Si linguæ motus sit à Paralyfi, videndum, an sanguis simul peccet, & tum præmissa alui lenitione, mittatur à Ce-

phalica primò; deinde è venis sub lingua, quod sæpè præsertissimum huius affectionis fuit remediũ. Quidam etiã cucurbitulas cum scarificatione sub mento ponunt, quæ & scapulis applicari possunt. Nonnunquam etiã vsurpentur diuersiones per clysteres, frictiones, vincula & similes.

Si à materia est frigida, pituitosa præparata illa expurgetur. Vsurpentur etiam diuersionis omnis generis, vt supra *parte 2. de Paralyfi*, ex hac causa traditum fuit.

Topica quod attinet, vsurpentur collutiones oris, gargarismi, apophlegmatismi, ex *stæchad. hyssopo, origano, puleg. thym. radic. cappar. calamo aromat. zingib. pyrethr. nigella, pipere & similibus*.

Lingua fricetur *pulu. spec. diatrion. pipereon, diacalaminth. dianth. diagalang. cum conserua flor. saluie, stæchad. primul. veris, pulu. sem. staphydis agr. sinapis, salis Ammoniac. cum theriac. mithridat. Aurea Alexandrin.* quæ & fabæ magnitudine in ore detineantur, donec sensim liquecant.

Aut dissolui etiam possunt in spiritu vini, in quo aliquid castorei antea infusum sit, vel in oxymel. scillit. in quo calami. aromat. & hyssop. ebullierint.

Vtile est & Castoreum sub lingua detinere.

Aut *℥. Nuc. mosch. 3. j. castor. 3. ij.* cum succo saluie. Fiant Pastilli, lupinorum forma, qui in ore detineantur.

His & similibus & antecedens in capite causa & coniuncta in lingua tollitur.

Foris probantur vnguenta & inunctiones ex oleo vulpino, nardino, costino & similibus. Stillicidium item ad partem posteriorem capitis & primas colli vertebrae, ascendendo vsque ad Phænigmos aut cauteria ad primam vel secundam colli vertebrae, quæ diu aperta seruentur; Vfus denique thermarum.

Si linguæ motus impeditur ob linguæ conuulsionem, ceruici medicamenta conuulsioni commoda apponantur.

Si motus linguæ sit impeditus vitio vinculi linguæ, id transuersim incidendum, vt *cap. quinto* dictum.

Si ob tumorem lingua moueri non possit, vel non rectè moueatur, is curandus, vt antea etiam dictum.



INDEX

RERVM ET
VERBORVM.

A

- A** Blintheij in Melancholia hypochondriaca utilitas, pag. 482
- Acetum cur topicis admiscendum, 11. siccit & vigilias inducit, 15. an sinapismis admiscendum, 115. eius in affectibus soporiferis vsus, 307. ebrietatis remedium, ibid. an melancholicis utile sit, 132. eius & acidorum vsus in nervorum affectibus parvus esse debet. 649
- Acida narcoticorum vim infringunt. 307. 314. 826
- Acidularum in affectionibus hypochondriacis vsus. 483
- Ægilops quid, 1030. fistula lachrymalis quid, ibid. caussa, differentia, 1032. signa diagnostica, prognostica, indicationes, 1038. curatio, 1039. 1033. & seqq.
- Ær calidus ut corrigendus, 19. frigidus ut calefaciendus. 35. 36
- Agaricus vim alexiteriam obtinet. 540
- Amantibus nullus pulsus proprius. 436. 437
- Ἀμύρωσις quid. 1060
- Ἀμύρωσις quid. 1059
- Ambra insigniter cerebrum roborat. 830
- Amentes & stolidi qui dicuntur. 353. 354
- Amor insanus, 430. eius caussa, 431. 432. signa diagnostica, 437. prognosticum, 438. curatio, ibid. si ex seminis abundantia & veneris appetitu ortum habeat, quomodo curatio instituenda, 439. 440. cura eiusdem si ex philtis, 430. 431. Dieta. 441
- Amuleta num in epilepsia prosint, 790. contra dolorem capitis, 77. contra epilepsiam, 754. contra incubum, 714. contra hamorrhagiamnarium, 1159. contra spasmus. 708
- Angustia in nervis quot modis fiat. 636
- Annatæ oculi tunica pustula. 986. 987
- Anodyna in ophthalmia. 963

Index rerum, & verborum.

Antepileptica medicamenta simplicia, 743. composita. 745. 746

Antidotus conuulsiva Noribergens.

735

Antidotus è cancris fluuiatilibus aduersus morsum canis rabidi.

533

Antimonium an in apoplexia locum habeat.

818

Αφαιγορία quid.

717

Αφωια quid.

802

Apium an epilepticis noxium.

789

Apophlegmatismi in affectibus capitis frigid. 108. cautè usurpandi in iis qui defluxionibus ad pectus sunt obnoxij. ibid.

Apoplectici ante triduum non sepeliendi.

806. 807

Apoplecticarum aquarum usus in paroxysmo, 816. in apoplectico paroxysmo num vomitaria sint exhibenda.

848

Apoplexiæ nomen, 802. definitio, causa, 802. 803. differentia, 806. differentia à cognatis affectibus, 807. signa diagnostica in genere, ibid. signa caussarum, 809. prognostica, 810. curatio in genere, 812. venasectio an, quando, qua in parte instituenda.

815

Apoplexiæ pituitosa curatio, 817. in hac cerebrum roborantia medicamenta interna, 819. externa, 822. diata.

825

Apoplexiæ à sanguine orta curatio, 825. à vapore narcotico, 826. à caussis externis & violentis.

827

Apoplexiæ imminentis signa, 828. preseruatio ab apoplexia in quibus consistat, ibid. in apoplexia sanguinea abstinendum ab aquis apoplecticis.

830

Apoplexiæ an à sola intemperie cerebri excitari possit? 833. an sit morbus hereditarius, 834. an à consumptione spirituum animalium omnimoda fieri possit? 835. qua sit causa proxima, ibid.

Apoplexia in paralyin mutata, cur nihilominus sensus interni torpidi presertim in senibus maneant.

843

Apoplexia an à spiritu Vitriolato exhalationes ad caput adscendentes coagulante producat? 833. pueri cur raro apoplexia corripiantur.

845

Apoplexiam an vapor narcoticus excitare possit, 842. an vapores sola commotione humorum excrementitiorum in capite collectorum, apoplexiam excitent? 845. in apoplexia cur principio nervorum affecto interni sensus ladantur, 842. num purgantia in apoplexia exhibenda, 846. repellentia num conueniant?

849

Aqua ad vlcera narium & oris.

1139

Aquæ antepilepticæ, 747. 748. alia, 748. alia D. Cap. Dornauy,

749

Aquæ apoplecticæ.

810. 821

Aqua apoplectica d. n. 818. 819. Sigismund. Kolreuter.

820

Aquæ

Index rerum, & verborum.

Aquæ apoplecticæ num statim in principio conueniant.	846
Aqua articularis, 649. alia D. Kolreuter, ibid. alia D. Brambachij,	ibid.
Aquæ cephalicæ frigida, 13. calida, 20. humectantes, 41. aq. cephalica Langij, 26. externa, 111. Theriacalis Quercetan.	26
Aquæ & spiritus ad vulnera capitis, Ioan. de Vigo, & Iacob. Carpens.	219
Aqua fl. Cichorij ophthalmica, 863. fragorum ophthalmica, ibid. viridis.	1003
Aqua hirundinum composita, 699. dulcis, acida, ibid. alia.	747
Aq. hirundinum Kolreuteri.	747
Aq. Infusionis lauendul. Augustin. Schurffij.	26
Aquæ narcoticæ.	288
Aqua ophthalmica D. Andr. Doreri, 1069. Crollij, 1046. Imperator. Maximilian. 1068. alia ex epate hirci.	ibid.
Aqua picarum composita, 748. alia,	ibid.
Aqua pœoniæ composita, aliàs Flusvasser dicta.	750
Aqua roris maialis subtilior reliqua aqua.	477
Aqua Saluiæ composita.	649
Aqua sapientiæ dicta.	369
Aqua saphirina.	1068
Aqua socialis dicta.	1026
Aqua visum fortificans.	1069
Aqua vitæ rubra Elect. Saxon. dicta, 40. dua alia preciosissima.	370
Aqua in hydrocephalo quo in loco capitis contineatur.	265
Aquam è capite quæ euacuant.	268
Aqua calcis viuæ in hydrocephalo.	270
Aqua feruens quare in gyrum moueatur.	351
Aromatū vsus nimius in Melancholia hypochondriaca noxius.	486
Arteriæ an in affectibus capitis à sanguine secanda, 84. earum apertio aliquando prodest.	334
Atram bilem in capite quæ præparant, 135. eandem è capite quæ purgant, ibid. purgantibus semper admiscenda humectantia.	136
Auditus debilitas an sit causa rinitus.	1105
Auditus grauis, 1114. causa, 1115. causarum signa, prognostica, 1119. indicationes & curatio, 1121. diata.	1124
Auditus instrumentum proximum.	1115
Auditorij meatus morbi.	1117
Auribus immissa cerebrum calefaciunt.	35
Auribus aqua illapsa quomodo educenda.	1108
Aurium dolor, causa, 1124. signa diagnostica causarum, 1126. prognostica, 1127. indicationes & curatio.	945
Aurium doloris causa an sola intemperies calida esse possit.	942

Index rerum, & verborum.

Aurium excrementa p.n. & fluxus, 1129. curatio.	1130
Aurium foetor.	1099
Aurium inflammatio, causa, 1090. signa diagnostica, ibid. prognostica. 1091. indicationes & curatio.	1092
Aurium intemperies cum bile, 1086. causa, ibid. signa diagnostica. Curatio.	1087
Aurium intemperies frigida & humida cum pituita.	1086
Aurium intemperies frigida sine materia.	1085
Aurium membranae morbi.	117
Aurium sonitus diurni causa.	1107
Aurium sonitus, tinnitus & sibilus an differant.	1104. 1105
Aurium tinnitus quid, 1104. subiectum, ibid. causa proxima qua, 1105. an eius causa sit sensus acumen, ibid. differentia, 1108. signa diagnostica, prognostica, 1109. indicationes & curatio 1110. topica, 1112. dieta.	1113
Aurium vlcera, causa, signa diagnostica, 1094. prognostica. 1095. indicationes & curatio.	1096
Aurium vlcera antiqua, 1098. horum curatio.	ibid.
Aurium vlcus fistulosum.	1099
Aurium vulnera.	1102
in Auribus excrefcentis carnis remedia.	1098
in Aurium curatione regula obseruanda.	1123

B

B Albuties.	1186
Balneum an in hydrophobia conueniat.	536
Balneum an in ophthalmia utile sit?	970
Balnea artificialia in Paralyfi.	666
Balsama apoplectica.	822. 831
Balsamum antiparalyticum Guidon. de Cauliato.	663
Balsamum artificiale ad vulnera cerebri.	228
Balsama cephalica calida.	30. 33
Balsamum somniferum.	537
Bilem in capite preparantia, 90. purgantia, 90. 91. particulariter euacuantia.	94
Blæfitas, 1186. causa.	1187
Boli pituitam è capite purgantes.	100. 101

C

C Alculos quandoque in capite nasci.	160
Caligo oculorum.	1059
Camphoræ temperamentum, 20. per accidens refrigerat, vigilias excitat,	

Index rerum, & verborum.

- excitat, caput grauat, 18. in capitis affectibus biliosis cautè usurpanda.* 93
- Canes frequentius quàm alia animalia in rabiem agi, 521. rabidi quibus signis dignoscendi.* 526
- in Capitis curatione quæ obseruanda.* 6
- Capitis consensus cum ventriculo, 58. unde ille, 898. cum utero, 903. cum intestinis, liene, renibus, pulmone, partibus externis. 58.*
- Capitis per consensum ventriculi affecti curandi ratio.* 66.
- Capitis dolor, 900. caussa, 901. quandoque vermes & calculi eius caussa, 902. differentia, 904. signa diagnostica, 905. signa doloris à vermibus, 906. signa doloris capitis ex urina. 906. 907*
- Capitis dolor per essentiam, 901. huius signa, 906. prognostica, ibid. indicationes, 909. curatio, 910. diata, 914. per consensum, ibid. signa.* ibid.
- Capitis doloris curatio ab intemperie, 911. à calore Solis, ibid. à casu vel percussione, ibid. ab ebrietate, 912. à vermibus. 913*
- Capitis dolor si à ventriculo, in anteriore, si ab utero in posteriore parte magis percipitur.* 903
- Capitis figura quæ optima, 147. vitiosa, ibid. vitiosa caussa, signa diagnostica, Prognostica, Indicationes & Curatio.* 148
- Capitis magnitudo vitiosa.* 161
- Capitis vulnus nullum contemnendum.* 174
- Capitis vulnera patente membrana quomodo curanda.* 216
- Caput ad feri distributionem in totum corpus multum facit.* 854
- Caput calefacientia fortiora tutius in intemperie cum materia, quam in nuda adhibentur.* 31
- Caput ab odoribus repletum quomodo curandum, 75. à vaporibus metallicis affectum quibus curetur.* 76
- Caput & Corroborantia in melancholia.* 130
- Caput quomodo cum omnibus fere partibus consensum habeat. 972*
- Caput quot modis euacuetur, 55. commodius per palatum quàm per nares, ibid. euacuantia, 104. calefacientia & roborantia.* 114
- Cari nomen, definitio, caussa proxima, 794. differentia. signa diagnostica, signa caussarum, 798. prognostica, ibid. indicationes, curatio, 199. 800. diata.* 802
- Castorei in conuulsionibus vsus externus & internus, 697. purgantibus in conuulsionibus admiscendum, 708. efficax & potens est in calefaciendo cerebro.* 23
- Catalepsis, 716. definitio, 717. caussa, 718. signa diagnostica, prognostica, 722. indicationes, curatio, 723. diata, ibid. in ea an spiritus illi, qui sensui & motui inseruiunt, an verò quæ*

Index rerum, & verborum.

sensibus internis, an verò omnes spiritus animales congelentur.

719. 720

Cataphora, *vide coma.*

Cataracta.

1016

Catarrhus quid, 854. eius nomen bifariam sumitur, *ibid.* generaliter & specialiter acceptus quid, 855. 856. causa eius proxima, 856. huius qualis materia, *ibid.* quibus de causis generetur, 857. unde moueatur, 859. ad quas partes fluat, 860. per quas vias, 861. eius differentia, *ibid.* signa diagnostica, 862. prognostica, 863. indicationes & curatio, *ibid.* in catarrho partem primariò affectam inuestigandi ratio, 863. eius causa impellens non semper cum eiusdem materia qualitativis convenit. 865

Catarrhi calidi curatio, 874. in catarrho calido an cerota & emplastra è fimo columbino & thapsia conveniant. 883

Catarrhi frigidi curatio, 861. in praparantibus & purgantibus qua observanda, 868. 869 particulariter euacuantia an tuto in omnibus catarrhis adhiberi possint, & quid in eorum usu notandum. *ibid.*

Catarrhum cum impetu fluentem sistendi ratio, 875. incrassantibus quando utendum, 876. partes eum suscipientes quomodo roboranda. 881

Catarrhi suffocativi curatio.

879. 880

Cauteria futuræ coronali an applicanda, 55. quo in loco applicanda pro revulsione à capite, 62. eorum in melancholia usus, 138. in apoplexia. 818

Cephalæa & hemicrania, 913. causa, curatio.

914

Cerebrum tripliciter consideratur, 381. facile noxiam percipit, 10. ei tutius calefacientia quam refrigerantia adhibentur, 23. in eius morbis calidis saccharo albissimo utendum, 13. ad actiones suas principes exercendas certum caliditatis & humiditatis gradum requirit. 355. occultæ qualitates ipsi non deneganda, *ibid.* qualis eius requiratur constitutio ad operationes mentis, 357. in apoplexia qua illud roborant. 818.

819

Cerebri p.n. affecti signa, 6. an per se, an per consensum afficiatur, 46. signa à flatu affecti, 48. ab humore affecti, *ibid.* à ventriculo per consensum affecti, 58. ab utero, 60. epate, *ibid.* liene, corde, pulmone. *ibid.*

Cerebri excrementa, 850. 876. horum qualis sit materia, *ibid.* à quibus causis generentur, 851. per qua loca euacuentur, *ibid.* quas affectiones pariant. 852

Cerebri gallinarum in vulneribus capitis usui.

230

Cerebri

Index rerum, & verborum.

Cerebri leporis in Paralyfi vsus.	657
Cerebri meatuum angustia, causa, 152. signa diagnostica, 153. prognostica, 154. eius curatio à vapore, 155. à carbonum fumis, ibid. à pituita, 156. à sanguine, ibid. à cranij compressione.	157
Cerebri vulnera an omnia sint lethalia.	102
Cerota & emplastra cephalica.	17
Cerotum Montagnana, 873. Vigonis, 166. eiusdem de minio.	171
Chalybis in obstructionibus hypochondriorum vsus,	482
Χηρόσι & curatio.	968
Chorea S. Viti, 547. eius causa humor malignus tarantula veneno similis.	ibid.
Ciliorum mollities, 942. causa, curatio.	ibid.
Ciliorum φαλάγγισις, 937. curatio.	938
Ciliorum vitia, pediculi, 936. causa, prognosticum, curatio.	ibid.
Clysteres acres in apoplexia, 814 non solum, ex primis viis euacuant, sed & à membris principalibus & cerebro humores versus inferiora trahunt.	98
Cochlearum in hydrocephalo vsus.	169
Cœcitas & visus debilitas, 1058. 1059. causa, 1061. signa causarum, 1065. prognostica, curatio.	1065. 1066
Cœcitas ex scabie, affectu hypochondriaco.	1063
Coctiois prima errata non corrigi in secunda.	466
Collyria, 966. in his quid observandum, 975. Foresti, 979. Palmarij.	1027
Coma & cataphora, 308. nomen, 309. causa, 310. signa diagnostica, prognostica, 311. indicationes, curatio.	313
Coma vigil, 548. eius natura, ibid. differentia, 549. causa, ibid. signa diagnostica, 551. prognostica, ibid. indicationes & curatio.	552
Commotio cerebri, 161. eius causa, signa diagnostica, 163. prognostica, 164. indicationes & curatio, 165. Dieta.	166
Compressio meatuum cerebri eiusque causa.	152
Confectio capitalis D. Caspar. Kegleri.	338
Confectio anacardina ad roborandam memoriam cautè exhibenda.	367
Confectio Hamech in melancholia non satis commoda.	451
Confectio Alkermes magnam efficaciam cor roborandi & exhibendi obtinet.	459
Conformatio capitis vitiosa ingenio & memoria obest.	361
Congelatio à frigore hyberno diuersa à catalepsi.	712
Conseruæ cephalicæ calidæ, 27. refrigerantes, 13. humectantes.	

Index rerum, & verborum.

Contraſſura cranij, 187. quo loco fiat, 188. ſigna, 196. prognofi- ca, 197. curatio.	
Contuſio capitis, 168. cauſſa, prognostica, indicationes & curatio,	206
169. 170	
Contuſio capitis puerorum.	173
Cranij, 183. eius ſpecies.	185
Conuulſi an aqua frigida perfundendi.	700
Conuulſio & diſtentio non differunt.	678
Conuulſio & motus conuulſiui differunt.	690 691
Conuulſiui motus in epilepſia quis author.	784
Coriandrum an ad ſupprimendos vapores è ventriculo adſcenden- tes uſurpandum?	77
Corneæ tunicæ cancer, 995. cauſſa, ſigna, curatio.	ibid.
Corneæ colores vitioſi, leucoma ſeu albugo, cauſſa, differentia, ſi- gna, 981. prognostica, indicationes, curatio, 982. topica.	ibid.
Corneæ & adnatæ puſtulæ, 986. cauſſa, 987. ſigna diagnostica, prognostica, ibid. indicationes, curatio, 989. topica, ibid. diata.	990
Corneæ puſtula ab vnea procidentia quomodo diſcernatur.	988
Corneæ & adnatæ ulcera, 991. cauſſa, differentia, ſigna diagnosti- ca, prognostica, 991. 992. indicationes, curatio, 992. 993. diata, 999. ſub Cornea pus, 1005. 843. cauſſa, ſigna, curatio.	ibid.
Corneæ craſſities, 980. cauſſa, ibid. ſigna diagnostica, prognostica, curatio.	981
Corneæ uſus.	980
Coryza quid.	856. 1173
Cranij vulnera ſine meningum & cerebri læſione.	182
Cranij fractura cute integra manente, 221. an in ea cutis ſecanda.	240
Cranij caries, 245. ſigna diagnostica, prognostica, curatio.	245.
246	
Cranio denudato qua medicamenta imponenda, 178. pingua non imponenda.	210
Cranium in fracturis quomodo radendum, 209. quomodo aperi- dum, 212. quo in loco aperiendum, 214. quando aperiendum, 215. fiſſum an ſemper radendum.	234
Crapulæ & ebrietas maxima ingenij & memoria peſtes.	360
Cruditatis nidoroſæ & acida remedia.	66
Cryſtallini humoris vitia. 917. 1041. eius effluxus. 1042. ſitus mutatus. 1042. ſoluta continuitas.	1043
Cryſtallinus humor an tenuior fieri poſſit, 1042. an maior vel minor.	ibid.
Cucurbitulæ in affectibus capitis cui loco applicanda, 88. in apo- plexia,	

Index rerum,& verborum.

plexia, quibus partibus applicanda, 816. earum cum scarificatione usus in convulsione, 696. in apoplexia. 813

D

- D** *Acutus palpebrarum quid. 921*
Decocta cephalica calida, 24. humida. 41
Decoctum fœnugræci in ophthalmia. 963
Decoctum ligni Guaiaci in affectibus capitis, 104. singulare sudoriferum in epilepsia. 742
Defensiva in vulneribus capitis. 219
Delirium, 380. eius causa proxima. ibid. differentia, 382. delirium simplex. ibid. quas habeat causas, 383. signa diagnostica, 384. prognostica, 386. indicationes & curatio. 387
Depressio cranij sine fractura, 167. causa, signa, curatio, ibid. cum fractura. 186
Derivantia materiam è capite. 62
Diabolus melancholiæ se admiscens quibus cognoscendus. 446
Diacorallium Alexandri in arthritide omnibus aliis anteposendum. 167
Diacydonium purgans in Mania. 507
Diuretica an in melancholia hypochondriaca conveniant? 475
Dolor quomodo sit depravata actio. 893. eius subiectum, 892. causa proxima, 894. causa mediata, 895. differentia, 897. signa diagnostica, indicationes & curatio, 898. per anodyna, narcotica, 900. Num omnis intemperies dolorem indicat? 906. qui dolores periculosiores. 907
Dolor oculorum, 1003. eum mitigantia. 1004
Dulcia faciliè in bilem mutantur, 90. lieni non faciliè conveniunt. 476
Dura mater quandoque aperienda, 213. quo tempore aperienda, 215. in eius corruptione qua usurpanda, 24. eius confusio, 225. eius vulnera, 224. huic denudata, an siccantia, an verò humectantia medicamenta imponenda. 236

E

- E** *Brietas, 390. præservatio ab ea, 392. eius curatio. ibid.*
Ebrii & furiosi cur res geminata videant. 1074
Ecstasis quid. 717
Εξόμωv. 930
Electuaria ad confortationem nervorum post morbos diuturnos. 610

Index rerum, & verborum.

Electuaria cephalica calida, 28. Langj, 26. humectantia.	41
Electuaria cerebrum roborantia in apoplexia pituitosa.	830
Elect. antiphalangium contra morsum tarantula.	546
Elect. de chalybe D. Kolreuteri.	482. 483
Electuarium epilepticum Cratonis, 752. Montagnana, ibid. Nicolai Florentin.	752
Electuarium Humain.	1050
Electuarium laxativum Noriberg.	
Elect. Mesue, ad spiritus multiplicando & confortando.	146
Electuar. opiatum Plateri.	289
Embrochæ in intemperie cerebri humida.	38
Emulsiones cephalicæ humectantes.	41
Emplastra & cerota cephalica cal. 31. supra spinam dorsæ in Paralyfi.	831
Emplastrum in lethargo & caro à somno excitans.	114
Emplastrum è gummi hederæ.	166
Emplastrum Helidæi, quod mirum in modum humiditatem in contusionibus discutit.	172
Emplastrum cephalicum. 217. de Betonica, ibid. Guilh. Fabric. 217. Francisc. Arcaei, 218. Isis cephalicum, 236. in vigiliis nimis ad somnum inducendum. 291. præservans ab apoplexia. 830. 831	
Encanthis & carnis lachrymalis incrementum, 1035. Encanthis quid, 21. signa, prognostica, curatio.	1036
Epatis in catarrho ut habenda ratio.	882
Epatis ranarum preparatio.	744
Epilepsia unde dicta & quæ habeat synonyma, 724. definitio, subiectum, 777. causa proxima, 778. quam huius causæ specifica proprietas, 793. causa, 725. differentiæ, 727. signa diagnostica epilepsia imminens, & præsentis, ibid. prognostica 727. 728. indicationes, 730. cura in paroxysmo, 731. medicamenta externa, 732. interna, 735. cura post paroxysmum, ibid. venæsectio quando adhibenda, quando omittenda, 736. Diata.	757
in Epilepsia preparantia humorem pituitosum, 736. melancholicum, 737. biliosum, 738. purgantia humorem pituitosum, 738. mixtos. 730	
in Epilepsia preparantia, alterantia, itemque purgantia sapius repetenda.	742
in Epilepsia sudorifera, 742. capitis particulares evacuationes per errhina, apophlegmatismos, 754. gargarismos, cauteria.	755
in Epilepsia cerebrum roborantia.	ibid.
Epilepsia per primarium cerebri affectum, 759. huius signa diagnostica, prognostica, ibid. curatio.	759. 760
Epilepsia	

Index rerum, & verborum.

Epilepsia per consensum ventriculi, huius signa diagnostica, curatio.	763
Epilepsia ab utero, huius signa diagnostica, curatio, 765. medicamenta suaueolentia in hac non exhibenda.	767
Epilepsia à vermibus, huius signa & curatio.	764
Epilepsia à partibus externis, causa, signa diagnostica, curatio in paroxysmo, 668. extra paroxysmum.	769
Epilepsia per consensum ubi de mali fonte non constat, huius prognostica, curatio.	770
Epilepticorum infantium curatio in paroxysmo, 771. extra paroxysmum.	772
Epilepticorum lactentium per consensum ventriculi curatio.	774
Epilepticorum infantium ablactatorum curatio, 775. Dieta.	776
in Epilepticorum paroxysmo quid agendum, 730. an sanguis in eo mittendus, 786. num extra eum: ibid. qua vena aperienda, 787. num vomitus conueniat.	787
Epiphora quid, 1079. differentia, causa, 1081. signa diagnostica ibid prognostica, 1082. indicationes, curatio.	ibid.
Epithemata uti capiti applicanda.	25
Epithema ex cineribus & aceto Auicenn,	29
Errhina sunt duplicia, 51. quando abstinendum ab iis, 52. qua in eorum usu obseruanda, 52. usurpanda tempore matutino, ventriculo ieiuno, 105. eorum materia, ibid. fortiora in catarrho vitanda, 107. in apoplexia pituitosa, 818. in ophthalmia an conueniant.	960
Extractum Ellebori nigri.	454. 741

F

F ebres quomodo vigilias inducant. 297. num in paralyfi accendere liceat. 666. num pro spasmo curando excitanda.	706
Febris catharrhalis.	860
Fissura cranij, 182. eius causa, ibid. differentia, 183. quomodo exploranda, 192. fissura in qua externa solum lamina, interna integra manente quomodo curanda.	209
Fistula lachrymalis, 1030. causa.	ibid.
Fistulae ex ægilope curatio.	1034
Flatuum & vaporum differentia, 70. eorum gener. io & causa, ibid. signa, 71. per quas vias ad caput ascendunt, ibid. prognosticum, 72. indicationes & curatio, 72. 73. quibus medicamentis discutiendi, 73. 74. Dieta.	76
Fœmina grauida obcœcata.	1046
Fœminæ fortiora purgantia non ferunt.	489
Fonticuli in morbis capitis ubi & quando excitandi?	52
Fracturae	

Index rerum, & verborum.

Fracturæ cranij earumque differentia, 190. causa, 182. signa diagnostica, ibid. prognostica, 206. curatio.	
à Fractura cranij qua pericula immineant.	197
Fractura cranij cum meningum & cerebri læsione.	211
Frigiditas cerebri est duplex, 353. est causa imminuta ac abolita phantasia, ratiocinationis, ac memoria.	223
Frigus num saltem densando nervos paralyfin inducat.	ibid.
Frontis vulnera an sint suenda?	671
Fungi cerebri, 243. eius subiectum, ibid. plerumque lethales, ibid. signa diagnost. prognost. indicationes & curatio.	232
Furor vterinus, 513. causa, curatio, Diata.	244
	513. 514

G

G Aleata passio & ouum quid Arabibus.	904
Gallaturæ efficacia in affectibus oculorum.	1004
Gargarismi & collutiones oris, 109. catarrhum intercipientes.	
877	
Glaucoma, 1041. causa, ibid. signa diagnostica, prognostica. ibid.	
Gummi elemi utilitas.	216
Gustus læsio, 987. causa, 1165. 1166. signa diagnostica, ibid. prognost. 989. curatio, ibid. læditur seruatō motu lingua.	1163
Gutta serena, 1046. causa, ibid. signa diagnostica, prognost. ibid. curatio.	1047

H

H Æmorrhagiæ futura signa.	910
Hæmorrhoidum prouocatio in omnibus capitis morbis utilis, 83. earum fluxus multum ad melancholiam curandam predest.	
	1073
Helleborismus Matthioli.	455
Helleborus niger qui in nostris regionibus crescit non tam vehemens, ut qui in calidis regionibus, 452. quomodo præparandus, 452. ritè præparatus tutò in Melancholia adhibetur, 452. & intus & extra utiliter usurpatur.	513
Horror & rigor vehementia saltem & magnitudine differunt, 590. 591. quomodo ad facultatis animalis & motus deprauati symptomata referuntur, ibid. causa proxima, 592. subiectum. ibid.	
Humoris aquei vitia, 1039. eius crassities quid, causa, signa diagnostica, curatio, ibid. quantitas aucta, imminuta, ibid. effusio, 1040. signa diagnostica, prognostica, curatio, ibid. obscuratio, ibid.	

Index rerum, & verborum.

<i>ibid.</i> causa, signa, curatio.	1041
Humor aqueus an tenuis fieri possit? 977. an nimis augeri possit.	
<i>ibid.</i>	
Humorem melancholicum preparantia, 127. euacuantia, 128. ad eius generationem qua faciunt.	465
Humores in capite quomodo euacuandi, 54. quot modis cerebrum afficiant.	48
Humores num in nervos sese insinuare possint.	675
Hydrocephalon, 265. causa, <i>ibid.</i> frequentius infantibus, quam adultis obtingit, 267. signa diagnostica, prognostica, <i>ibid.</i> indicationes & curatio.	268
Hydrophobia, 520. causa, 522. signa diagnostica, 524. indicationes, curatio, 528. antidota interna, 533. balneum an conueniat, 536. venasectio an conueniat, 538. purgantia medicamenta an conueniant.	540
Hydrargyrum quomodo tremoris causa?	619
Hydroticum aduersus Epilepsiam Quercetani.	743
Hypochondriaca affectio latius patet quam melancholia hypochondriaca.	462
Hypochondriacæ affectionis signa ex Galeno.	469
Hypopyum, 1005. causa, signa. Curatio.	<i>ibid.</i>
Hyslopi facultas.	1002
I	
Ictericis an visus deprauetur.	986
Iectigatio quid.	588
Incubi varia appellationes, 707. definitio, 708. causa, <i>ibid.</i> differentia, 710. signa diagnostica, <i>ibid.</i> prognostica, 711. indicationes, curatio, <i>ibid.</i> Diata.	715
Incubi ab epilepsia differentia.	711
in Incubo cerebrum afficitur.	711
Inflammatiō cerebri & meningum, 247. causa, <i>ibid.</i> differentia, 249. signa inflammationis membranarum, <i>ibid.</i> cerebri, 251. prognostica, 252. indicationes & curatio. 255. Diata.	263
in Inflammatione cerebri quæ vena & quando aperienda, 256. quantum sanguinis euacuandum, 257. an electiue purgantia conueniant, <i>ibid.</i> repellentia qualia conueniant & an tepida vel frigida sint adhibenda? 258. somnum conciliantia, 260. discutientia.	261
Ingenia secundum regiones & temperamentorum varietates variant.	256
Inquietudo, 589. causa, <i>ibid.</i> signa diagnost. prognost. curatio.	590
Insomnia immoderata, 318. causa, 319. signa diagnostica, prognostica, indicationes, curatio.	321

Index rerum, & verborum.

- Intemperies capitis à vapore & flatu, 70 *caussa*, *ibid.* *signa diagnostica*, 71. *prognost.* 72. *indicationes & curatio*, *ibid.* *Diata.* 77
- Intemperies capitis à vento quibus curetur. 75
- Intemperies capitis sine materia, 8. *caussa*, *signa*, *curatio*, *ibid.* *an & quare in ea purgandum.* *ibid.*
- Intemperies cerebri calida sine materia, 8 *caussa*, 9. *signa diagnostica*, *prognostica*, *ibid.* *indicationes*, 9. *curatio*, 10 *Diata.* 21
- Intemperies cerebri frigida sine materia, 21. *caussa*, *signa diagnostica*, *ibid.* *prognostica*, 22. *indicationes*, *curatio*, *ibid.* *Diata.* 36
- Intemperies cerebri humida s. materia, 37. *caussa*, *signa diagnostica*, *prognostica*, *curatio*, 37. *Diata.* 69
- Intemperies cerebri sicca, 40. *caussa*, *signa diagnostica*, *ibid.* *prognosticum*, *indicationes*, *curatio.* 40. 41
- Intemperies cerebri compositæ sine materia. 43
- Intemperies cerebri cum materia, 44 *caussa*, *ibid.* *signa diagnost.* 45. *curatio.* 49
- Intemperies cerebri cum bile, 87. *caussa*, *signa*, *ibid.* *indicationes*, *curatio*, 88. 89 *Diata*, 94. *an in hac discutientia & resolutentia locum habeant?* 95
- Intemperies cerebri cum bile atra, 133. *caussa*, *signa diagnostica*, *prognostica*, *ibid.* 134. *indicationes*, *curatio*, 134. *Diata.* 138
- Intemperies cerebri cum humore melancholico, 125. *caussa*, *ibi.* *signa diagnost.* 125. *prognost. indicat. & curatio*, *ibi.* *Diata.* 131
- Intemperies cerebri cum humore seroso, 117. *caussa*, 119. *signa diagnostica*, *indicationes*, *curatio*, 120. *Diata.* 123
- Intemperies cerebri cum pituita, *caussa*, 95. *signa diagnostica*, *prognostica*, *indicationes*, 96. 97. *auxilia & curatio*, 97. *Diata.* 115
- Intemperies cerebri cum sanguine, 78. *caussa*, *ibid.* *signa diagnostica*, *ibid.* *prognostica*, 79. 80. *indicatio. & curatio*, *ibi.* *Diata.* 81
- Intemperies cerebri per consensum cum materia, 57. *caussa*, *signa diagnostica*, 59. *prognostica*, 61. *indicationes & curatio.* *ibid.*
- Inunctiones ad somnum conciliandum, 290. *palati*, 109. *pedum & manuum ad calefaciendum caput.* 35
- Iris, splendores circa oculum, 1072. *caussa.* 1075

L

- L** Ac caput replet, 7. *facile corrumpitur.* *ibid.*
- Λαγρόφθαλμος*, *caussa*, 932. *signa prognostica*, *curatio.* 933
- Lachrymæ sanguineæ, 1084. *caussa*, *curatio.* *ibid.*
- Lassitudo quid, 579. *eius differentia*, 580. *lassitudo spontanea quid*, *ibid.* *ulcerosa*, *ibid.* *caussa*, 581. *Tensiva quid*, *eius caussa*, *ibid.* *Phlegmonodes*, *eiusque caussa*, *exsiccativa*, *eius caussa*, 581. *Gracilitatis*, *ibid.* *signa diagnostica*, 582. *prognostica*, *ibid.* *indicationes*, *curatio lassitudinis spontanea*, 583. *in ulcerosa*, *purgationes* *in*

<i>in tensiva sanguinis missione, in phlegmonodi utroque auxilio opus.</i>	584
<i>Lassitudinis ex labore curatio.</i>	584
<i>Laudanum opiatum descr. nost. 287. D. Andr. Doreri.</i>	288
<i>Lemæ seu sordes oculorum, 1097. causa, 1080. curatio.</i>	<i>ibid.</i>
<i>Lethargus quid. 560. est affectus inter coma vigil & carum media natura, ibid. non est primarius cerebri affectus, fit à vapore narcotico, est symptoma febris continua lenta, 504. est duplex, 565. eius causa & locus affectus, 560. signa diagnostica, 566. à cognatis affectibus distinguenda, 567. Prognostica, 567. indicationes, curatio, 569. an vena & qua secunda, ibid. purgatio qualis instituenda, 570. purgantia qualia esse debeant, 571. repellentia quomodo adhibenda, ibid. quibus è somno excitandus ager, 272. suffitus an conveniat, 572. materia morbifica preparatio qualis esse debeat, ibi. evacuatio per urinam quando conveniat, 577. sudoris provocatio aliquando utilis, ibid. ad caput particulariter purgandum qualia conveniant, 576. in vescicatoriorum applicatione qua observanda, ibid. capitis roboratio quibus perficienda, 577.</i>	
<i>Dietæ.</i>	578
<i>Lien humoris melancholici sedes.</i>	463
<i>Ligatura arcta fluxiones arcet.</i>	170
<i>Lilij conuallij radix puluerisata sternutationem ciet.</i>	170
<i>Linguae adstrictio, 1163. curatio.</i>	<i>ibid.</i>
<i>Linguae calculi.</i>	1161
<i>Linguae magnitudo nimia, tumor, causa, 1175. signa diagnostica, prognostica, curatio.</i>	1176
<i>Linguae motus læsus, 1185. causa, ibi. differentiæ, 1186. motus abolitus, ibid. depravatus, ibid. signa diagnostica, prognostica, 1187. curatio.</i>	1175
<i>Linguae scabrities, asperitas, 981. causa, ibid. curatio.</i>	<i>ibid.</i>
<i>Linguae tumor cancrusus, 1177. inflammatio, ibi. tumor à veneno.</i>	
1178	
<i>Linguae usus.</i>	1174
<i>Linguae vulnera, 1161. curatio.</i>	<i>ibid.</i>
<i>Linimenta cephalica, frigida, 16. calida, 31. humectantia.</i>	42
<i>Linimentum extrahens saniem & materiam sub cranio.</i>	222
<i>Lixivia in intemperie cerebri sicca non usurpanda.</i>	42
<i>Lotiones extremorum in intemperie capitis calida.</i>	18
<i>Lunæ in morbis cerebri vis.</i>	45
<i>Lycanthropia, 520. eius differentia.</i>	521

M

Mania, 493. quomodo à melancholia differt, 493. in ea simul cor affici, 494. causa, ibi. differentiæ, 500. signa diagn. 500. admi

- admirandum maniacorum robur unde dependeat, 501. signa
 mania instantis, *ibid.* prognostica, 502. indicationes & curatio,
 504. curatio à sanguinis euacuatione inchoanda, *ibid.* qua vena
 aperienda, *ibid.* preparantia qualia esse debeant, 505. purgantia
 qualia conueniant, 506. cerebrum & cor confortanda, 507. som-
 nus omnibus modis conciliandus, 508. Empirica quadam & spe-
 cifica, 511. Topica & qua circa eorum vsum obseruanda. *ibid.*
 cauteria *sutura* coronali applicata hic utilia. 512
 Maniacos peregrinis linguis loqui non posse, 515. iidem quomodo
 tam diu viuere possint. 519
 Meatus & cavitates in cerebro, 149. earū obstructio eiusq; causa. 151
 Medicamenta albuginem oculi colorantia. 983
 Medicamenta antepileptica interna, simplicia, 743. composita,
 745. externa. 753
 Medicamenta caput calefacientia, simplicia interna, 23. externa,
ibid. composita interna, 24. externa. 29
 Medicamenta caput refrigerantia simplicia interna, 12. externa,
ibid. composita interna, 13. externa. 14
 Medicamenta cerebrum humectantia interna, 41. externa, *ibid.*
 composita. 42
 Medicamenta memoriam & ingenium conseruantia & confor-
 tantia. 366
 Medicamenta dolorem oculorum mitigantia. 1104
 Medicamēta externa ophthalmica simplicia, composita, 1067. in-
 terna. 1069
 Medicamenta glutinantia. 1167
 Medicamenta hypnotica. 910
 Medicamenta ophthalmica extergentia, 975. 1025. cicatricem
 oculi emollientia, 983. abstergentia. 984
 Medicamenta ophthalmica qualia esse debeant. 954
 Medicamenta sanguinis fluxum sistentia interna. 1164
 Medicamenta spiritus opticos confortantia. 1050
 Mel passulatum Hollerij. 826
 Melancholia in genere nomen, 409 definitio, ab aliis deliriis quo-
 modo differat, 410. magna melancholicorum varietas, 412. cor
 etiam in ea afficitur, 412. causa, *ibid.* quomodo timorem & mœ-
 stitiam inducat, 413. differentia, 414 signa diagnostica, 418. pro-
 gnostica, *ibid.* curatio, 420. medicamentis semper admiscenda
 cordialia, 413. diata. *ibid.*
 Melancholia quæ fit cerebro primario affecto, 423. causa, 454.
 signa diagnostica, prognostica, curatio, 425. 426. diata. 430
 Melancholica cerebri dispositio, non in qualitatibus primis so-
 lum consistit. 423
 Melan

Index rerum, & verborum.

- Melancholia errabunda *Kutubuth Arabibus dicta*, 491. *caussa*,
signa diagnostica, *ibid. curatio*. 492
- Melancholia ex utero, 487. *caussa*, *ibid. signa*, 488. *prognostica*,
 489. *indicationes & curatio*, *ibid. qua vena aperienda*, 489. *cor*
& cerebrum simul confortanda. 491
- Melancholia hypochondriaca, 462. *caussa*, 462. 463. *subiectum*
ibid. per quam viam vapores ad caput feruntur, 464. *caussa an-*
tecedentes qua, *ibid. causa remota & procatactica*, 465. *signa*
diagnostica, 468. *prognostica*, 472. *indicationes & curatio*. *ibid.*
vitanda medicamenta purgantia validiora & à partibus tra-
hentia, *ibid. sanguis an euacuandus, & per quas vias*, 473. *vo-*
mitoria nonnunquam in principio non inutilia, *ibid. humorem*
melancholicum preparantia in principio qualia esse debeant,
 474. *ab initio fortiora urinam mouentia non usurpanda*, 475.
ut & valde calida, *ibid. purgantia debent esse mitiora*, 477. *To-*
pica qualia conueniant, 484. *Balneum aquae dulc. post purgatio-*
nem non inutile. 483. *ad corroboranda viscera qua adhibenda*,
ibid. diata. 486
- Melancholia per consensum cordis & totius, 442. *caussa*, *ibid.*
signa diagnostica, 445. *prognostica*, 446. *curatio*, *ibid. vena sectio*
an & quando conueniat, & qua vena secanda, 448. *preparantia*,
 448. *purgantia quando mitiora, quando vehementiora usurpan-*
da, 451. *circa purgationem qua obseruanda*, 453. *Balneum im-*
primis utile, 457. *diata*. 460
- Memoria deprauari non potest, 352. *lata memoria plerumque sto-*
lilitatis causa, 353. *lata memoria laditur & phantasia & ra-*
tiocinatio, 354. *memoria lata exempla*, *ibid. causa*, *ibid. ad me-*
moriam qua cerebri constitutio aptissima, 357. *non fieri per mo-*
dum impressionis, *ibid. lata memoria signa*, 362. *prognostica*, 363.
indicationes & curatio, 364. *purgantia*, 365. *alterantia & ro-*
borantia interna, 365. *externa*, 373. *diata*. 377
- Memoria in maniacis maxima ex parte seruatur. 494
- Modiolo non nisi summa necessitate urgente utendum. 212
- Morbi conformationis in capite, 147. *meatum & cavitatum*
cerebri, 149. *numeri*, 157. *soluta unitatis*. 168
- Morbi per crisin facti citius curantur. 503
- Moschus in hystericis vitandus. 33
- Motus impotentia, 21. *latius patet quàm paralysis*, *ibid. causa*,
ibid. signa, 625. *prognostica*, *ibid. curatio eius qua fit à musculo-*
rum refrigeratione, 626. *ab exiccatione*, 627. *curatio ex duris*
tumoribus & ligamentorum vitiis. 626
- Mulsum cephalicum. 25
- Musculi oculis curati. 105.1

Index rerum, & verborum.

Musculorum oculi vitia, 1062. 917. <i>paralysis, conuulsio.</i>	<i>ibid.</i>
Musicæ in Tarantatis vis.	147
Μυδρίασις quid.	1009
Μυοκέφαλον quid.	1007
Myrobalani humorum ad caput motum impediunt & caput roborant.	206
Μυωπία.	1061
Μυώσις.	1013
N Arcotica & Hynoptica, 183. interna, <i>ibid.</i> externa, 289. in qua parte capitis applicanda, 910. quo tempore exhibenda, 295. qua vi somnum conciliant, 303. spiritus sopiunt, 843. apoplexiam inducere possunt, 844. noxa ab illis inducta ut corrigenda.	296
Narium angustia, <i>causæ, curatio.</i>	1146
Narium cancer, 1139. doloris cum ulceribus <i>curatio.</i>	<i>ibid.</i>
Narium fœtor, <i>causæ, signa diagnostica, prognostica, indicationes, curatio.</i>	1151. 1152
Narium hæmorrhagia, 1153. <i>causæ, 1164. differentia, 1155. signa diagnost. 1155. futura indicia, 1157. indicationes, curatio, 1160. 1161. diata, 1157. in huius curatione canones obseruandi. 1161</i>	
Narium Polypus, 1140. <i>causæ, differentia, 1141. prognostica, ibid. indicationes, curatio, ibid. per chirurgiam, per medicamenta, 1143. topica.</i>	<i>ibid.</i>
Narium sarcoma.	1140
Narium vlcera, 1146. <i>causæ, differentia, ibid. signa diagnostica, 1135. prognostica, ibi. indicationes, curatio, 1136. ulceris corrosiui curatio. 1138. diata.</i>	1139
Narium vsus.	1132
Narium vulnera.	1146
Nerui auditorij morbi.	1116
Nerui omnes à cerebro & spinali medulla oriuntur.	150
Nerui optici affecti signa.	1065
Neruorum opticorum vitia, 1045. <i>angustia, causæ, ibi. signa diagnostica, prognostica, ibi. curatio, 1047. contorsio ib. vulnera. 1606</i>	
Neruorum opticorum coniunctionis qua sit <i>causæ, 1073. eorum siccitas an sit causæ læsæ visionis.</i>	1063
Nictatio oculorum unde proueniat.	587
Nocturnæ lucubrationes memoriæ obsunt.	378
Noduli odorati calidi, 35. in vigiliis nimis, 292. pro sistendis catarrhis.	1013
Nux moschata non tantum ob manifestas, sed & occultas qualitates memoriam confortat.	566
Nyctalopia quid, 1060. <i>causæ 1064. prognostica.</i>	1065
	Obau

O Bauditus, 1114. <i>caussa.</i>	1115
O Bcecati ex suffusione <i>cur splendorem ac lumen sese videre interdum existiment.</i>	1675
Obscura desipientiæ quæ Hippocrati dicuntur.	253
Obstructio meatuum cerebri, <i>eius causa.</i>	151
Obstructio neruorum <i>quomodo fiat.</i>	636
Oculi atrophia 1053. <i>caussa, signa diagnostica, prognostica, ibid. curatio.</i>	ibid.
Oculi defectus.	1052
Oculi morbi <i>quotuplices.</i>	916
Oculi partes duplices.	916
Oculi totius morbi.	917
Oculi <i>τάραξις : χήματος.</i>	950
Oculis illapsa <i>quomodo eximenda.</i>	945
Oculis peculiari vi nocentia.	969
Oculorum curandorum <i>regula generales.</i>	953
Oculorum dolor, 1003. <i>caussa, ibid. signa diagnostica, prognostica, curatio.</i>	1004
Oculorum suggillatio, <i>caussa, differentia, signa diagnostica, prognostica, 999. curatio.</i>	1001
Oculorum symptomata.	917
Oculorum vulnera.	996
Oculus leporinus.	932
Oculus variis morbis obnoxius.	915
Odoramenta caput refrigerantia. 18. <i>moderatè & non nisi purgato corpore usurpanda, in catarrhis sistendis.</i>	878
Olea cephalica refrigerantia, 16 <i>calida, 27. humectantia.</i>	42
Olei chamæmelini vires.	18
Olei è vitellis ouorum <i>in membranis cerebri putrescentibus usus.</i>	224
Oleis destillatis calidis cera admiscenda.	824
Oleum ad gravitatem auditus Brunneri. 1122. Nauij.	ibid.
Ol. florum cyani ophthalmicum.	962
Ol. Hispanum ad vulnera brevissimo tempore sananda.	226
Oleum ulceribus inimicum.	1123
Olfactus læsio, aboliti <i>caussa, 1147. imminuti, depravati causa, 1148. signa diagnost. ibi. prognost. 1149. indicat. curatio. 1150.</i>	
Ophthalmia 946. <i>caussa, ibid. differentia, 949. quadam periodica contagiosa, 950. signa diagnostica, signa causarum, temporum morbi, 951. prognostica, 952. indicationes, curatio.</i>	953
Ophthalmiæ leuioris à <i>caussis externis curatio, 1051. ab apu & vesparum ictu, 257. ab ictu & casu. ibi. à cantharidii erucarum &</i>	

Index rerum, & verborum.

<i>formicarum contactu.</i>	
<i>Ophthalmiæ veræ curatio, 957. venæsectione, 958. preparantibus medicamentis, 1958. purgantibus, 959 particularibus euacuationibus, 960. topicis, 960. errhina nū conueniāt, 960. diata. 968</i>	<i>ibid.</i>
<i>Ophthalmia sicca, 971. differentia, causa, curatio.</i>	972
<i>Opiata in ophthalmia non nisi summa urgente necessitate adhibenda.</i>	964
<i>in Opij & opiatorum vsu quæ obseruanda, 293. si vires valde debiles non exhibenda, 261. 295. frequens eorum vsus fugiendus, ibid. infantibus & pueris parcè admodum exhibenda. 295. memoriam & ingenium labefactant. ibid. non in principio, aut instante crisi exhibenda. 296. in phrenitide cautè iis utendum. 404. tutius clysteribus permiscetur.</i>	<i>ibid.</i>
<i>Opium est calidum, 305. cerebro & neruis nocet, 910. quomodo corrigendum.</i>	306
<i>Oris collutiones in Intemperie capitis calida.</i>	18
<i>Oscitatio.</i>	585
<i>Ossa in vulneribus capitis quando & quomodo extrahenda.</i>	211
<i>Officulum triangulare in cranio humano.</i>	796
<i>Ouorum testæ ad oculorum vnguem.</i>	975
<i>Oxyrrhodina in intemperie capitis cal. 15. quando plus, quando minus aceti iis admiscendum, 16. utilia sunt in omnibus capitis affectibus, 64. quæ in iis notanda.</i>	<i>ibid.</i>
<i>Ozæna quid, 1135. causa.</i>	<i>ibid.</i>

P

P <i>Alpebrarum asperitas, 919. callositas, ibid. cancer, 929. curatio, ibid. coalitus, 922. causa, prognostica, curatio, 934. 935. combustio, 943. densitas, 919. grando, 927. hordeolum, 926. exscindendi modus, 927. hydatides, 924. curatio, 925. inflammatio, 919. instabilitas illarum, 944. curatio, 945. inuersio & contractio, 930. lithiasis, 928. motus lusus, 943. nodi & excrecentia, 928. pilorum deflunium, 928. curatio, 941. scabies, 919. τῆ ἀχνοῦ, 919. τῆ χιῶσις, 938. curatio, 939. tumor, 918. verruca, 925. vulnera.</i>	942
<i>Palpebrarum vsus.</i>	918
<i>Pandiculatio, 585. causa, ibid. prognostica & curatio.</i>	587
<i>Paralysis, 630. paralysis & stupor in quibus differunt, ibi. definitio, 631. differentia, causa, ibid. causa proxima spirituum animalium defectus, 631. paralysis ab intemperie frigida & humida, 633. à vi narcotica, 635. scorbutica unde proueniat, 636. à neruorum angustia, ibid. à soluta unitate, 637. causa euidentes & procatactica quæ, 639. signa diagnostica, ibid. locus affectus quomodo cognoscendus, 640. causarum signa, 643. prognostica. ibid.</i>	<i>indica</i>

Index rerum, & verborum.

- indicaciones , 646. curatio paralyſis pituitoſa , 647. Vena quando in ea aperienda , 647. Lenientia & purgantia mitiora , 648. vomitiora , *ibid.* præparantia quando uſurpanda , *ibid.* purgantia fortiora , 651. particulares capitis euacuationes , 653. ſudoriſera , *ibid.* neruos roborantia , 654. topica . 660. diata , 666. à cauſis euidentibus curatio . 670
- Paralyſis cauſſa qui humores eſſe poſſint , 673. quot modis excitari poſſit . 675
- Paralyſis ex humore tenui , ex Colica , ſcorbutico curatio . 668
- in Paralyſi an ſudoriſera exhibenda . 676
- Paraphrenitis , 388. cauſſa , ſigna diagnoftica , prognoftica , 389. curatio . *ibid.*
- Pars demorſa ab animali rabido an ſtatim amputanda . 530
- Pedum lotiones in vigiliis nimis . 291. 292
- Pericranium per ſuturas dura meningi adnectitur , 177. in vuln-ribus capitis quando incidendum , *ibid.* in pueris non facile ſecandum , 178. eius ſectio quando tentanda . 207
- Phantafia & ratiocinatio quotupliciter ladantur . 352. à quibus cauſſis ladantur , 355. à primo ortu ſi ladantur , plerumq; non curantur . 354
- Philtra unde dicatur , 435. quid ſint , *ibid.* an amorem inducere valeant . *ibid.*
- Phœnigmus in intemperie capitis frigida ſine materia , 35. in catarrho ſuffocatio . 879. 880
- Phrenitis 196. quid ſit , *ibid.* cauſſa proxima , 398. differentia , 399. ſigna , 400. quibus ab aliis affectibus dignoſcitur , *ibid.* prognoftica , 401. curatio , *ibid.* diata . 405
- Φλυκτίναι corneæ , 987. cauſſa . 988
- Pila è ſuccino manib. geſtata & narib. admotæ caput roborat . 113
- Pilei in intemperie capitis frigida , 32. in humida . 38
- Pilorum è palpebris deſluuium , 941. curatio . *ibid.*
- Pilulæ an commodius è capite , quàm alia medicamenta euacuent , 54. ad caput purgandum quando exhibenda . 54
- Pilulæ catarrhum intercipientes . 876
- Pilulæ narcoticæ Plateri , 286. Dorncreilij . *ibid.*
- Pilulæ pituitam è capite purgantes , 100. purgantes in Melancholia Hypochondriaca Plateri . 408
- Pituitam in capite præparantia , 98. purgantia . 99
- Pœoniæ radix quando colligenda . 743
- Poma odorata in intemperie capitis calida , 18. in frigida , 33. ſomniſera . 292
- Potiones Purgantes in Melancholia Hypochondriaca . 477
- Potiones vulnerariæ in capitis vulneribus . 228

Index rerum, & verborum.

Πρόπληaris tunica παρρηδῆς.	
Prospectus ab alto & in profundum <i>our vertiginem excitet.</i>	1007
Pruritus carunculæ lachrymalis.	351
Ψωροφθάλμια seu ophthalmia sicca.	1038
Ptarmica quæ dicuntur.	971
Πτερύγιον.	94. 107
Πτίλωσις, 941. curatio.	942
Pulueres capiti inspergendi pro sistendis catarrhis.	ibid.
Pulueres cephalici frigidi, 17. calidi, 27. exsiccantes, 38. pituitam purgantes.	745. 746
Pulueres ophthalmici non diu in oculo detinendi.	101
Pulueres preseruantes ab apoplexia.	984
Puluis ad hæmorrhagiam narium D. Caspar. Kegleri, 1166. alius D. Dorreri.	343. 831
Puluis contra vertiginem.	ibid.
Puluis è Nicotiana, 107. ex cinnabari natiua, 338. Guaineri.	338
Puluis Narcoticus, 287. purgans in melancholia hypochondr.	129
Puluis Trithemij.	479
Pupillæ angustia, 1013. causæ, signa diagnostica, prognostica, curatio.	372
Pupillæ dilatatio, 1008. causæ, 1009. differentia, signa diagnostica, 1011. prognostica, indicationes, curatio.	1015
Pupillæ dilatationis num siccitas sit causæ?	1011. 1012
Purgantia non attrahendo, sed humores fermentando & naturam stimulando euacuant, 55. an post cœnam conueniant.	1010
Pyrethri radicum efficacia singularis in epilepsia.	ibid.

Q Valitates occultæ num tantum corpora proxima afficiant.
791. 792

R

R Abidi cur aquam abhorreant.	526
Rabies, 620. causæ, 522. signa rabiei incipientis, 525. iam factæ, 126. prognostica, 527. indicationes & curatio, 528. rabiei imminentis curatio & per totum annum preseruatio.	535
Ranula sub lingua, 1161. causæ, curatio.	ibid.
Refrigerantia cautè cerebro adhibenda, 9. in principio aliquam adstringendi vim habeant, 10. posteriori capitis partis applicata neruos ledunt, 11. stuporem quæ inducunt in capitis affectibus, nisi dolor aut vigilia urgeant non usurpanda.	11
Repellentia an locum habeant in vertigine per consensum partium inferiorũ, 351. quando sola, quædo cum digerentib. adhibenda.	64
Res cur alieno colore tinctæ appareant, 1074. cur inuersæ, ibid. cur perforatæ.	1076

Relq

Index rerum, & verborum.

Respiratio cur in apoplecticis seruetur.	803
Febris quid.	854
Rigor, 590. eius generatio & causa proxima, 593. refrigeratio in rigore quomodo se habeat, 594. eius causa remota & mediata, interna, 595. externa, 1067. signa diagnostica, ibid. prognostica, 597. curatio	599
Rotulae & mofuli cephalici calidi, 28. contra epilepsiam.	753
Febris quid, 1030. 1036. 1037. causa, signa diagnostica prognostica, indicationes, curatio.	1036. 1037

S

Sanguinem ad caput fluentem qua repellunt.	79
Sanguinis humani usus num conueniat in epilepsia.	793
Sarcocollae nutritio.	966
Scabiei palpebrarum medicamenta.	333
Scotoma quid, 323. scotoma qui patiuntur, omnes vertigine laborant.	323
Sebel oculi quid, differentia, causa, 276. 277. signa diagnostica, prognost. curatio, 277. praesidia topica, chirurgica, 979. diata. 980	
Sectio in Hydrocephalo.	271
Sedes fracturae cranij species, 186. eius differentia, 187. accidit semper cum cutis & pericranij vulnere.	ibid.
Senes ad ratiocinandum & memorandum cur minus apti.	360
Seri in capite collectionis causa, 118. serum non est pura aqua, 117. duo eius genera, 118. eius natura, ibid. quomodo variarum affectionum causa sit, 119. eius generatio, ibid. serosum humorem qua euacuant, 120. ad eius euacuationem nulla preparat. opus. 121	
Seri lactis caprini in melancholia hypochondriaca usus, 481. in maiori copia id assumendum, 481. in mania utilissimum.	505
Setaceum.	52
Sief de thure Rhafis.	1043
Sinapi usus in apoplexia pituitosa.	818
Sinapismi.	115
Sirialis quid.	168
Smegmata cephalica calida.	33
Somni finis & utilitas, 275. proxima causa, 277. quoduplex.	308
Somnum conciliantia medicamenta interna, 281. externa.	283
Somnus melancholicis remedium optimum.	422
Somnus p. n.	308
Somnia naturalia.	319
Somnambuli qui, 553. à qua causa ad motum incitentur, 554. eorum natura & constitutio qualis, 555. causa proxima, 557. Lunam hoc malum excitare posse, ibid. signa diagnostica, 558. prognostica, indicationes curatio.	558. 559
	Somaam

Index rerum, & verborum.

Somnambuli in loco periculoso constituti inclamandi & excitandi non sunt.	
Sopor grauis atque Ecstaticus. Vide coma vigil.	559
Spasmi à paralyfi differentia.	691
Spasmus & spasma differunt.	677
Spasmus quid, 677. definitio, 681. caussa proxima, 880. 681. subiectum, ibid. differentia, 688. signa diagnostica, 690. prognostica, 691. curatio, 694. eiusdem per primarium membri affectum curatio, 695. diata, 701. per consensum.	701
Spasmus & paralyfis interdum coniunguntur.	879
in Spasmo qua caussa musculos contrahat. 682. pars contracta cur immobilis maneat, in conuulsuo verò motu agitetur. 683. in qua parte musculi caussa irritans resideat, ibid. cur sensus in eo integri maneant, in conuulsuius verò motibus ladantur.	686
Spasmus cur inflammationi coniungatur quandoque.	685
Spasmus flatulentus.	685
Spasmus proportionatus & improporcionatus ad materiam.	689
Spasmus quomodo à cholericà passione excitetur, 687. quomodo ab elleboro & aliis medicamentis fortiter purgantibus, 687. quomodo à frigere.	688
Species Oeconis.	1051
Spiritum animale dari, eumque diuersum à vitali.	909
Spiritus animalis in cerebro duplex, 381. eius generatio, 141. naturalis constitutio qua.	ibid.
Spiritus animales roborantia & augmentia.	145
Spiritus euphragiæ compositus.	1069
Spiritus opticos confortantia.	1050. 1051
Spiritus vini in vulneribus capitis utilitas.	259
Spirituum animalium vitia, 140. eorum defectus, 143. torper & narcosis unde.	605
Spirituum optidorum agitatio, 1048. caussa, ibid. differt à vera vertigine.	1049
Spirituum optidorum crassities, 1048. caussa, ibid. defectus, 1049. vitia, 917. 1047. eorum vitia an perspicillorum usu corrigi possint.	1049
Splendoris oculis obseruantis caussa.	1075
Σαφύλωμα quid.	1007
Sternutatio, huius commoda & incommoda, caussa, signa, prognostica, 1170. indicationes, curatio.	1172
Stillicidium sanguinis quid significet.	1159
Stœchados Arabicæ vires.	23
Strabismus, caussa, 1056. differentia, 1057. signa diagnostica, prognostica, curatio.	1057. 1058
	Stupidi

Index rerum, & verborum.

Stupidi qui dicuntur & Stupiditas quid, 354. stultitia & stupiditas quomodo differant. <i>ibid.</i> stupidos & stolidos, nonnullos per morbum ingenium acquisuisse. 356. stoliditatis & stupiditatis causa. 360
Stupor quid, eius causa, 889. differentia, 891. signa diagnostica, prognostica. <i>ibid.</i>
Stuporis à spiritu vini & inebriatione curatio. 827
Sudores in morbis à serosis humoribus utilissimi. 121
Sudorifera quomodo in paralyfi adhibenda. 665
Suffitus in intemp. capitis frigida, 36. in catarrhis sistendis. 878
Suffusio vera quid, 1019. notia, <i>ibid.</i> subiectum, causa, 1018. differentia, 1010. signa diagnostica incipientis, augescentis, perfecta, 1021. signa loci suffusionis, 1021. prognostica, 1022. indicationes, 1023. curatio vera suffusionis, 1024. per medicamenta interna, externa repellentia, <i>ibid.</i> discutientia, 1025. extergentia, <i>ibid.</i> fomenta, 1026. chirurgiam, 1027. Diata. <i>ibid.</i>
Sulphuris Lunæ preparatio. 578
Sutura in vulneribus capitis non facile instituenda. 177
Suturæ capitis tres, 149. earum defectus, 153. quibus ex causis disjunguntur. 168
Synæsis palpebrarum. 919
Syrupi & potiones refrigerantes & in febribus & doloribus capitis non nimis parcè exhibendi. 13
Syrupi cephalici calidi, 27. refrigerantes, 36. humectantes. 41
Syrupus de Iua Arthetica. 650
Syrupus papaveris infantibus sapius exhibitis ingenium ac memoriam eorum hebetat. 295
Syrupus purgans Donati Antonij ab Alto mari in melancholia Hypochondriacâ. 478
Syrupus Stœchad. Arabicæ omnibus frigidis & cerebri ac nervorum affectibus utilis, 27. à principio non exhibendus. 99
Syrupus Victor. Faucen. ad memoriam confortandam. 366

T

Tarantulæ morsus, 540. signa diagnostica. 544 prognostica, <i>ibid.</i> indicationes & curatio, 544. ad præservationem qua utilis, 545. alexipharmaca, <i>ibid.</i> nullum certius remedium quam Musica. 545
Tarantulas musica delectari & ad cytharæ somnū tripudiare. 547
Tumulentia & ebrietas, 390. signa 391. prognost. <i>ibid.</i> curat. 393
Theriaca Hippocratis, 103. in comate non utendum. 314
Thermæ in paralyfi quales eligenda, 665. sulphurea caput calefaciunt, 30. earum in melanchol. Hypochondriaca usus. 484
Tincturæ cephalicæ calida. 27

Index rerum , & verborum.

Tinctura antiparalytica.	658
Topica calida in intemperie capitis calida an conueniant.	20
Topica cephalica calida.	29. 111
Topica in principio ophthalmia qualia applicanda, 965. quo rem- pore.	ibid.
Topica si capitis calor sit insignior actu frigida applicanda.	965
Topicis cephalicis frig. ea qua penetrandi vim habent admis- cenda.	964
Topicis in conuulsionibus anodyna admiscenda.	696
Τετραμα palpebrarum.	920
Tremor quale symptoma, 599. quid eius essentiam constituat, 600. à paralyti & conuulsione quibus, differt, ibid. à palpitatione & rigore, 601. causa, ibid. proxima ubi hæreat, ibid. differen- tia, 605. signa diagnostica, prognostica, ibid. indicationes & cu- ratio, 608. curatio, tremoris à spirituum absorptione & disso- lutione, 609. à causa frig. & hum. nervos ladente, ibid. sanguinis euacuatio quando conueniat, 610. corroborantia, ibid. topica, 611. curatio tremoris à maligna, venenata ac narcotica causa, 613. Diata.	613
Tremor an ab errore externo possit prouenire.	619
Tremoris proxima causa an sit una?	615
Tremoris vox an quoque pro rigore accipiat.	614
Tumores cerebri.	248
Tunicæ annatæ vitia.	917
Tunicæ aranæ vitia, 1019. causa, signa curatio. 1031. & seqq.	
Τύλωσις palpebrarum.	921

V

V ena inter pollicem & indicem an secunda in affectibus ca- pitis.	85
Venas narium an scalpello vel hirudinibus aperire liceat?	86
Venena cerebro aduersa.	139
Venenum à rabidis animalibus quomodo homini communicetur, 523. diu latere potest in corpore, ibid. à quibus excitetur, 524. an in corpore humano generari possit, ibid. qua vi agat. 537	
Venerem extinguentia.	440. 514
Verbena in morbis capitis à materia frigida multum prodest.	98.
III. 911	
Vermes in capite, 158. eorum causa, ibid signa diagnostica, pro- gnostica, indicationes, curatio.	160
Vermes in auribus, 1100. causa, ibid. signa diagnostica, curatio, ibid. qua ratione eximendi.	1101
Vermis ex angulo oculi erumpens.	1081
Vertigo, 312. definitio, 323. qua actiones in ea ladantur, ibid. locus affectus	

Index rerum, & verborum.

- affectus*, 325. *caussa*, *ibid.* *vertigine qui facile corripuntur*,
 326. *differentia*, 328. *signa*, *prognostica*, *ibid.* *indicationes*,
 330. *cura in paroxysmo*, *ibid.* *an vena secanda*, *ibid.* *praeservatio*,
 331. *Diata*. *ibid.*
Vertigo à flatibus, *caussa*, *signa*, 332. *prognostica*, 334. *indicatio-*
nes, *auxilia*. *ibid.*
Vertigo à meatuum cerebri angustia, 347. *caussa*, 348. *signa*, *ibid.*
prognostica, *curatio*. 350
Vertigo à spirituum à caussis euidentibus agitatione, 349. *signa*
prognostica, *curatio*, 350. *an sine vapore excitari possit*. *ibid.*
Vertigo per consensum, 343. *caussa* *ibid.* *signa*, *prognostica*, 344.
 345. *indicationes & curatio*, 345. *in vertigine per consensum*
vena in pedibus aperienda, *ibid.* *curatio vertiginis à ventri-*
culo, 346. *ab Epate*, *Liene*, *Vtero*. 347
Vigiliae, 275. *earum incommoda*, *ibid.* *caussa*, 276. *differentia*, 278.
signa diagnost. *prognost.* 279. *indic.* 280. *curatio*, *ibid.* *Diata*. 296
Vigiliae ab animi affectibus, 303. *prognost.* *curatio*. *ibid.*
Vigiliae à dolore pectoris angustia, *ac sensuum externorum obiectis*.
 300
Vigiliae à vaporibus calidis, *siccis*, *acribus & acidis*, 301. *caussa*,
ibid. *signa diagnostica*, *prognostica*, *indicationes*, *curatio*. 302
Vigiliae ex caliditate & siccitate cerebri, 299. *curatio*. 300
Vigiliae nimia ob vaporum spiritus sopientium defectum, 297.
caussa, *signa diagnostica*, 298. *prognostica*, *curatio*. *ibid.*
Vigiliarum diuturnarum historia. 781
Vigiliae senum difficile curantur. 293
Vina medicata & clareta cephal. cal. 25
Vini potus num vini noxam pellat. 913
Vinum in melancholia quando & quale concedendum, 138. *in*
ophthalmia an conueniat. 970
Vinum Euphragiatum. 1069
Vinum ophthalmicum. *ibid.*
Vinum purgans Zvvuingeri in Melancholia Hypochondriaca.
 479
Visio rerum rectarum pro curuis, 1071. *caussa*, 1072. *rerum pra-*
ditarum, 1072. *caussa*, *ibid.* *rerum absentium*, *ibid.* *immo-*
bilium pro mobilibus. *ibid.*
Visio geminata, 1071. *caussa*. 1072. 1073
Visus deprauatio 1071. *signa diagnostica*. 1077
Visus hebetudo. 1058
Visus quomodo ledatur in angustia pupilla. 1014
Vitrei humoris morbi, 1044. *obscuritas*, *ibid.* *situs mutatus*,
ibid. *caussa*, *signa diagnostica*, *prognostica*. 1045
Vitreus

Index rerum, & verborum.

Vitreus humor à naturali constitutione deflectens num possit immediate visionem ledere, an verò saltem, quia nocet crystallino.	
1044	
Vnguenta cephalica calida, 31. frigida.	15
Vnguentum ad corroborandam membram.	375
Vnguentum anserinum.	666
Vnguentum cephalicum Conciliatoris, 216. Guil. Fabricij. ibid.	
Vnguentum de Sapone Ioan. Cratonis ad Paralyfin.	661
Vnguis oculi, 972. causa, 973. signa diagnostica, prognostica, 974. indicationes curatio, 955. absceidendi modi, ibid. Dieta, 976	
Vomitoria quando in biliosis capitis affectibus exhibenda? 92. vomitus non nisi materia sit fluitans & nauseam excitet in affectibus capitis ciendus.	98
Vomitu nonnunquam excrementitij humores circa ventriculum & loca vicina harentes excutuntur, qui purgantibus per aluum euacuari non possunt.	480
Vrinam cientia.	93
Vrinæ suppressioni in Phrenitide quomodo succurrendum.	404
Vux procidentia, causa, differentia, signa diagnostica, prognostica curatio.	1007 ibid.
Vulnera à ferarum vel hominis etiam moribus inflicta, quomodo tractanda.	182
Vulnera duræ meningis quomodo curanda, 223. tenuis, & cerebri.	
225	
Vulnera in syncope ac bregmate valde periculosa, minus in occipite, 199. in temporibus cur tam periculosa.	166
in Vulneribus capitis magnis euacuatio necessaria.	206
in Vulneribus capitis non facile sutura instituenda.	177
in Vulneribus cerebri omnia oleaginosa, unctuosas & pinguis fugienda.	226
in Vulneribus à telo venenato inflictis alexipharmacis opus.	179
Vulnus capitis simplex, sine contusione, 174. signa diagnostica, curatio, 174. 175. cum pericranij lésione, 177. cum partium externarum contusione, 179. cum cranij sine meningum & cerebri lésione.	182

X

Ἐποχὰ μίαι.

971

Y

ὑπερχμία.

1016

ὑπερχμία & γλαυκώμα d'fferunt.

1017

F I N I S.